

1542 resistendi Turcis: & quum eo sit ingenio præditus, liberos etiam ad eandem disciplinam instituere: iam autem eius ambitione & immensam cupiditatem ita creuisse, ut occultari non possit: illius maiores occupasse prouinciam Galliam, quæ sit ditionis Imperij: sic illum tenere nunc Sabaudiam & Pedemontij partem, atq; ita communire, ut facile appareat, non constituisse reddere: fuisse autem illius propositi, non Insubriam modò, sed Parmam quoque & Placentiam, ac deinde Lucam atq; Senas, post etiam ecclesiæ Romanæ ditionem inuolare, quò sic patefactum haberet iter ad Neapolim atque Siciliam: quin còtendat, non esse dubium, & ex ijs, quæ per Italiam molitur atq; tentat, facile posse deprehendi: Breuiter, cupiditatem eius nò certis ullis finibus contineri, sed esse uagam & infinitam: neque uerò esse, quod pacta seruaturus unquam putetur, quândiu supererit quod alijs eripiat & ad se transferat: hoc enim animi morbo, uitioq; mentis, uelut estu quodam, ita rapi transuersum, ut omnis etiam pietatis atq; religionis oblitus, cum Turca fœdus inierit, & cum hoste reipublicæ non consilia modò, sed fortunas etiam communicet, & nunc quoq; magnificè iactet, fore, ut nostros in fines Barbarossa cum classe ueniat: hæc ad sanandam rempublicam, ad inchoandū concilium faciant, ipsum debere pro sua prudentia cogitare: semper illum hoc egisse, ne quando coiret cōcilium, quòd ita suis priuatis rebus utile esse arbitretur: ideo se, quum hoc animaduertisset, aliam instituisse rationem conciliandi per Germaniam dissidij religionis, in eoq; solum spectasse gloriā Dei & ecclesiæ dignitatem: quò minus ergò concilium habeatur, illi tribuendum esse, qui semper impediuit, non sibi, qui tantum eo nomine suscepit laboris atque molestiæ: quod si igitur afflictam rempublicam uiuare uelit, debere ipsum ex officio se profiteri illius hostem, qui totius perturbationis & calamitatis est author, qui Turcam in rempublicam Christianam inuitat & elicit, qui nihil intentatum relinquit, ut ambitionem & animum uindictæ cupidissimum exaltare possit: cum enim ad ipsum orbis Christiani præcipua cura pertinet: ex officio pastoralis rem ipsam profectò postulare, ne diutius illum tumultuari permittat, sed inimicum ei sese declaret: Quod si factum & bonis omnibus longè gratissimum, & ad ceteros quoq; reges officio continendos, futurum id esse perutile: nam cogendi concilij recuperande pacis, & reipublicæ constituendæ hanc unam esse uiam: 1542

recuperande pacis, & reipublicæ constituendæ hanc unam esse uiam: 1542 que quidem in re si suum ipse faciat officium: non etiam se defuturum esse.

## LIBER XV.



VM IAM VNDIQUE BELLVM FER= Pacificatores cardinales pacificatores, Michaëlem Visensem Lusitanum, ad Cæsarem, Iacobum Sadoletum, ad Galliam regem, orans, ut priuatas iniurias, reipublicæ condonaret, & ad pacis consilia sese referant. legatos quoque Tridentum mittit in synodum, cardinales, Parisium, Polum, Moronum. Cæsar et legatus Visensi respondet, & pontifici scribit in eandem prope sententiam, ut superioribus literis demonstrauimus. frustra pacē fieri cum eo, qui pacta non seruet: itaq; rursus monet, ut illius hostem sese profiteatur: nam sæpe confirmasse, grauius in eum esse uindicaturam, qui malisset inducias, aut fœdus cum Turca fecisset: hanc unam modò rationem esse firmam & idoneam ad cōstituendam rempublicam. Cum his literis legatum dimittit ad xviij. diem Octobris. Quia Longueualtus & Martinus Rossemus, per ditionem ducis Cluensis exercitum collegerant, ut supra dictum est, Cæsariani, ductore principe Auratino, Iuliacensem agrum inuadunt, & incendijs longè latèque uastant, & Duram, ijs locis præcipuum oppidum, deditione capiunt: nam ad Cluensem Iuliacus & Montensis etiam principatus à matre peruezerant. Hoc quoq; tempore exercitus Imperij, nulla re per Vngariam perfracta, cum Pestam oppidum frustra tentasset oppugnatione, domum redit, & è contagione multa hominum millia desiderata sunt. Saxoniae dux Mauricius hoc in bello uoluntariè militabat, circiter xxi. annorum iuuenis, & è castris quodam die progressus, uno solum coequo confosso in terram effunditur. ibi famulus, quem dixi, genere non tam demoratur atq; sustinet, donec equites superueniunt, qui principem erant.

Pacificatores cardinales pacificatores, Michaëlem Visensem Lusitanum, ad Cæsarem, Iacobum Sadoletum, ad Galliam regem, orans, ut priuatas iniurias, reipublicæ condonaret, & ad pacis consilia sese referant. legatos quoque Tridentum mittit in synodum, cardinales, Parisium, Polum, Moronum. Cæsar et legatus Visensi respondet, & pontifici scribit in eandem prope sententiam, ut superioribus literis demonstrauimus. frustra pacē fieri cum eo, qui pacta non seruet: itaq; rursus monet, ut illius hostem sese profiteatur: nam sæpe confirmasse, grauius in eum esse uindicaturam, qui malisset inducias, aut fœdus cum Turca fecisset: hanc unam modò rationem esse firmam & idoneam ad cōstituendam rempublicam. Cum his literis legatum dimittit ad xviij. diem Octobris. Quia Longueualtus & Martinus Rossemus, per ditionem ducis Cluensis exercitum collegerant, ut supra dictum est, Cæsariani, ductore principe Auratino, Iuliacensem agrum inuadunt, & incendijs longè latèque uastant, & Duram, ijs locis præcipuum oppidum, deditione capiunt: nam ad Cluensem Iuliacus & Montensis etiam principatus à matre peruezerant. Hoc quoq; tempore exercitus Imperij, nulla re per Vngariam perfracta, cum Pestam oppidum frustra tentasset oppugnatione, domum redit, & è contagione multa hominum millia desiderata sunt. Saxoniae dux Mauricius hoc in bello uoluntariè militabat, circiter xxi. annorum iuuenis, & è castris quodam die progressus, uno solum coequo confosso in terram effunditur. ibi famulus, quem dixi, genere non tam demoratur atq; sustinet, donec equites superueniunt, qui principem erant.


Dura deditione capta.

Maurici periculum.
















h 563



# Ioan. Sleidani, de sta-

TV RELIGIONIS ET  
Reipublicæ, Carolo Quinto, Cæsare,  
Commentariorum libri XXVI.

VIGINTI QVINQVE LIBRIS, PRAETER ACCV-  
rationem totius operis recognitionem, etiam nunc primum ui-  
gesimus sextus accessit, quem author ipse post primam editionem  
conscribere coepit, & usq; ad profectionem CAESARIS in Hi-  
spaniam perduxit.

VNA CVM

APOLOGIA ab ipso autore conscripta, & INDICE  
locupletissimo.



M. D. LXVI.

*Sam Vultani Kojmayer  
& amirum*



# AVTHOR LECTORI

S. D.



VO primum tempore commentarij nostri  
prodibant, typographos orabam, ut Rihelij,  
qui sumptum fecisset in excudendo, rationem  
haberent, nec auarè quicquam facerent aut il  
liberaliter, quoniam id sibi fieri nollent: sed  
surdo me fabulam narrasse uideo. Nam præ-  
ter uoluntatem meam, sermone populari qui-  
dam & uerti curauit opus & excudit nomi-  
ne suo dissimulato: cuiusmodi sit autè illa uersio, iam satis opinor esse  
notum: deinde, nunc etiam latinum eripuit idem Rihelio, quantum in  
ipso fuit, alijsq; typis procudit, & emolumentum ad se deriuare stu-  
det, meisq; fruitur laboribus, & ueluti fucus alienis insidiatur aluea-  
rijs ac mellificio: neq; contentus, quòd editione Germanica mihi fecit  
iniuriam, ecce iam nouam addit, & sicut prouerbio dicitur, falcem im-  
mittit in segetem alterius, & utile præponit honesto, Christianæ uide-  
licet professionis homo, cum id apud omnium ætatum uiros bonos, qui  
solam naturam sequebantur ducem, in uituperio semper fuerit. Itaq;  
spero futurum, ut de hoc illius facto pleriq; sentiant quod oportet: em-  
ptores autem amanter oro, ne sordidum hoc & auarum institutum, ei  
fructuosum esse uelint, sed meum ac genuinum sciant illud exemplar  
esse, quod Rihelius exponit. Nimis enim confidenter agit ille, ne dicam  
temerariè, quòd me uiuo sibi tantum usurpat, non cogitans interim,  
quàm sit mihi facile, spem eius omnem atq; rationes perturbare. Consi-  
milis etiam est eorum audacia, qui sine meo consilio quandam operis  
epitomen colligunt & edunt, homines, quos minime quis credat esse ta-  
les, ut alterius cum iniuria suis ipsi commodis uelint & cupiditati ser-  
uire. Vale.



# Illustrissimo Principi,

AVGVSTO, ELECTO

ri, Saxonie Duci, Lantgrauio Turingie, Marchioni Misnie,  
Imperij Archimarescallo, Domino suo clementissimo, Ioannes  
Sleidanus. S. P. D.



MULTOS ET VARIOS RERVM HUMANARUM casus ac regnorum mutationes diuersi nobis authores prodiderunt, Illustrissime princeps: Deus autem ista docere nos ipse, tanquam sua uoce uoluit, multo ante quam acciderent. Et de summis quidem illis mundi quatuor Imperijs, eorumque uicissitudine ac successione, per Danielē nos erudit. cuius prædictiones, magna sui parte, iam nobis expositæ sunt & obuiæ, suauissima quædam & consolationis plena cognitione. Religionis autem & doctrinæ tum immutationes tum certamina & idem uates prædixit, & secutus eū Paulus aperte quoque præannunciat. ea uero cuiusmodi sint, non ab uno traditū est & literis explicatū. Sed illa, quæ in nostrum hoc tempus incidit, omnium est maximè illustris uicissitudo. Romanum Imperiū, quod & fore postremū, & longè potentissimū, & diuisum iri propheta dixit, ad summam tenuitatē, ex illa immensa uastaque mole redactum est, uti constat, & intra Germaniæ tantum limites consistit, & uaria fuit eius ac dubia subinde fortuna, partim ob intestina mala, partim ob exterorū factiones. Tandem uero Cæsarem nobis dedit Deus, quo nō fuit à multis iam sæculis potentior: nam ad hunc unū amplissima regna confluxerunt & hereditares, ut opulentissimæ, sic etiam ad res, terra marique, diuersis locis getendas, in primis op-

portunæ. Et sicut ipse reliquos omneis Germaniæ Cæsares, inde à Carolo magno, potentia uincit, ita quoq; propter ea, quæ in ipsius etatem atq; gubernationem inciderunt, maximè cōspicius est ac memorabilis. In ijs uerò primū locum obtinet religionis mutatio: quæ simul cū illius regni primordio sumpsit initium. Nam tūc, quum Cæsar Maximilianus è uita migraret, nō supra quatuordecim menses fuit hæc agitata causa: cū autē hic eligeretur à septem uiris, eodem tempore lacesitus prodijt in palæstram Lutherus, & Lipsiæ palàm cū Eccio disceptauit, ac tunc primum excitata fuerunt utrinq; studia. Diligenter ergò considerandū est huius Imperium, & è superiorum temporū memoria iudicandum. Nam certī quidam ac præ cæteris illustres fuerunt à Deo singulis temporibus excitati uiri principes, cū aut religionis mutaretur aut reipublicæ status: eiusmodi sunt Cyrus, Alexander Macedo, C. Iulius Cæsar, Cōstantinus, Carolus magnus, Ottones quoq; Saxones, & nunc is de quo loquimur, Carolus Quintus. Est autem eius generis hæc mutatio, de qua uerba facimus, ut sine stupore nemo de illa possit, qui modò rē teneat, & admiratione summa cogitare. Nam & tenue fuit ac fere contemptrū initium, & totius orbis odium ac impetum unus tantum homo sustinuit: & hic ipse tamen sopiri poterat atq; sedari, si, quā principio deferabat, accepta fuisset ab eius aduersarijs cōditio. Silentium enim promittebat, modò idem illi facerent: cum autem id recusarent, ac reuocationem ei prescriberent, in eoq; permanerent, ille uerò, nisi demonstratoprius errore, non se posse mutare sententiā diceret, creuit dissidium, & ad Imperij cōuentus delata res deinde fuit, & nunc in eā se diffudit, uti uidemus, amplitudinē. Quibus autē id rationibus effectum sit, quid pontifices, quid academiæ, quid reges atque principes moliti sint, quomodo suam ipse causam, corā Cæsare principumq; concilio



cōcilio defenderit, quomodo multi doctrina prestantes  
uiri sese illi coniunxerint, quomodo res identidē agitata  
fuerit in comitijs, quomodo tentatæ conciliandi ratio-  
nes, quomodo Cæsarem aliosq; reges non semel ponti-  
fices interpellarint, quomodo spem emendationis & cō-  
cilij subinde fecerint, quæ sint excitate persequutiones atq;  
supplicia, quæ facta fœdera & cōiurationes, quomodo  
non per Germaniam tantū, sed alijs etiam in locis hæc  
fuerit propagata religio, quomodo nonnulli defecerint,  
alijs uerò constantes permanserint, cuiusmodi natæ sint  
per hanc occasionē, turbæ, simultates atq; bella: hæc, in-  
quam, tanta, tanq; uaria præterire silentio, neq; literarū  
commendare monumentis, neminem esse puto qui nō  
piaculum esse iudicet. Adhęc, cuiusmodi fuerit reipubli-  
cæ status, hoc Cæsare, totos nunc annos triginta sex, quæ  
gesserit ipse bella, qui fuerint interea motus atq; turbæ,  
quæ regnorum atq; prouinciarum fortunæ, minimè  
quoq; prætereundum fuit, tametsi, quæ sit in hoc argu-  
mento seruata ratio, pōst indicabitur. Etenim, ut latissi-  
mis finibus regnat hic Cæsar, ita quoq; grauissimī sese  
illi opposuerunt aduersarij. maxima sunt igitur atq; sum-  
ma, quæ nostra hæc uidit memoria, hoc rerum potuente  
Cæsare, Porro, superioribus aliquot annis, nonnulli ma-  
gna uirtute & doctrina uiri, quum istarū rerum mentio  
nonnunquam fieret, cœperunt mihi esse monitores, ut  
quicquid in hæc tempora, præcipuè uerò causam religio-  
nis incidisset, literis mandarē: & hortabantur quidem,  
nō quod ipse hoc optimè prestare possem, aut quod nō  
alijs multò magis essent idonei, sed quod illa me uiderēt  
exercitatione delectari cum primis, ideoq; fore putabāt,  
ut naturæ quodam impellente stimulo, non malā ope-  
ram in eo forlasse nauarem. Ego sanè, qui non ignora-  
rem, quantū esset mihi pelagus ingrediendum, & quā m-  
ea res aliū posceret, ingenio maiori præditū & uber-

tate discedi, licet propè desperatè illud à me posse con-  
fici, tamè authoritate uictus eorum, qui tale de me iudi-  
cium facerent, statui rem tentare: & ab eo tempore, quo  
Lutherus indulgentias uenales oppugnare cœpit, initi-  
um sumens, & ad disputationem usq; Lipsicam, institu-  
tam à Georgio principe, rem perducens, illud, quod ita  
composuissem, ueluti specimè aliquod, ijs, qui mihi fue-  
rant authores, Vuormaciam, ubi tum erat Imperij con-  
uentus, ante annos decem, legendum misi atq; cognos-  
cendum. Hi postea per literas, & coràm etiàm, magis,  
ut pergerem, instabant: sed incidit non multò post lu-  
ctuosum Germaniæ tempus, exorto bello, quod ut pasa-  
sim literarum studijs & artibus impedimentum intulit,  
ita mihi quoq; rationes meas & institutum interuertit  
atq; tardauit. Nec enim progredi licebat, ut optabam, &  
subinde fuit interponenda mora: sed ubi primum ab il-  
lis incommodis respirare licuit, & præsertim his tribus  
proximis annis, omne ferè studium huc & operam con-  
tuli, neq; prius cōquieui, quam ad optatum finem esset  
peruentum. De religione quidem potissimum & in pri-  
mis est institutum opus, uerùm politica tamen etiàm  
propter ordinem inferenda putauì. Iam ad narrationē  
totam quod attinet, ea cuiusmodi sit, legendo quisq; fa-  
cile deprehendet. Historiam nihil magis decet quam ue-  
ritas atq; candor. Ego certè, ne quid in ea parte posset in  
me desiderari, diligèter incubui: nec enim ex uano quic-  
quam hausi, uel auditione leui, sed scribendì materiam  
mihi suppeditarunt acta, quæ studiosè collegi, de quorū  
fide nemo dubitare possit. Interuenit etiàm uerè nobilis  
& præclari uirì, Jacobi Sturmij, subsidium & opera, qui  
per annos amplius triginta uersatus in publicis & arduis  
negocijs, maxima cum laude, quum sua me nō dedis-  
gnaretur amicitia, quæ fuit ipsius humanitas, dubitan-  
tem & hærentem aliquando in uadis atq; scopulis, peri-  
tus



rus ipse gubernator, subinde reduxit in uiam equabilem  
minimeq; salebrosam, & maiorem oneris partem, ante  
morbum, quo sublarus interiit, meo rogatu perlegit, &  
quorum oportuit, diligenter admonuit. De rebus exter-  
nis, præsertim Gallicis atq; Britannicis, multa quoq; sit  
mentio: sum autem & hic eandem securus rationem, &  
nihil quod non sit compertum atq; testatum, inserui, &  
Gallica quidē ipse magna sui partē spectauī, uouem ijs  
annis, quibus hospitium illa mihi præbuit. Nam plæ-  
raq; supplicia & incendia, quorum sit mentio, multa de  
inde facta decreta, & in quosdam Ecclesiæ ministros à  
theologis Parisinīs actio instituta, & aliquantò post edi-  
ta religionis dogmata, & factiones aulicæ, meum illud  
in tempus, quum ijs locis essem, incurrerunt. Bellicas au-  
tem res, & quicquid est eiusmodi, non quidem omitto,  
neque sane potui, sed tamen ex professio non sumpsi tra-  
ctādas. nam ut paulo supra dixi, causæ religionis hic est  
potissimum dedicatus labor. Itaq; lectorem, cum ad id  
genus loca perueniet, admonitum esse uolo, ne prolixio-  
rem aliquā narrationē expectet: nec enim instituti mei  
fuit, & ex aliorum libris, qui sibi partem hanc scribendi  
sumpserūt, haurire licebit, quicquid in eo desiderabitur.  
Alterum, quod in historia seruandum esse dixi, candor  
est, ne quid uidelicet tribuatur affectui: quod etsi difficile  
uidetur, quoniam à paucis præstat, & quanquam me  
diligenter illud cauisse, non omnibus fortasse persuade-  
bo, tamen, ne qua suspitione grauet ante tempus, etiam  
atq; etiam obtestor. Opus hoc meum confectum est to-  
tum ex actis, ut dixi, magna diligentia collectis, quorū  
etiam bona pars typis iam ante procusa fuit, partim la-  
tino, partim sermone populari, quædam Hetruscè, quæ-  
dam etiam Gallicè. Habet autem orationes multas &  
postulata & responsa, complures etiam accusationes &  
refutationes: hæc omnia, nudè, simpliciter, & bona fide,

prout quæq; res acta fuit, recito: nec enim de meo quicquam addo, nec ullum interpono iudicium, sed id lectori liberum relinquo, nulla etiam utor rhetoricatione, nec in ullius hominis inuidiam aut gratiam aliquid scribo, stylum accommodo solum, meisq; uerbis utor, ut perpetua & æquabilis ubiq; sit oratio, & in suum quæq; locum digero, sicut ordine consecuta sunt. Primis illis annis, Leo pontifex & Adrianus acerbè multa dixerunt in Lutherum: horum ego scriptis ut nihil detraho, sic etiam responsis Lutheri nihil addo, neq; uel querimoniam illorum deterioiorem, uel huius efficio meliorem defensionem. Qui secuti sunt pontifices, Clemens atq; Paulus, & hic quidem in primis, quum iam longè lateq; esset Lutheri propagata doctrina, digressi ab eius persona, principes etiã uitos atq; ciuitates odiosissimè criminati sunt: hic eandem rationem sequor, & per totum adeo uolumen his insisto uestigijs. Ita q; lectorem obtestor, ut præiudicium omne deponat, & rem ipsam prius cognoscat, & laborè hunc meum, qui sanè maximus fuit, fauore prosequatur & beneuolentia. Nam certè, nisi quæ causæ me principio mouerunt, uti scriberem eadem, uti pergerem & molestiam omnem exhaustirem, incitassent, iam pridè destitisssem ab incepto, cum tanta sese uarietas ostenderet & amplitudo. Sed animus & robur accessit, primū, quod cogitare istud ad gloriam Dei pertinere, qui suam omnipotentiam & admirabile consiliū hoc nostro tempore sic patefecit: deinde mouit me communis utilitas. nam & per Germaniam pauci rem actam tenent, & exteræ gentes comperti nihil quicquam habent, & præiudicijs occupati multorum animi, secus quam oportet, de plarissq; pronunciant. Adhæc, posteritatis habui rationem, si tamen lucem ac diuturnitatem scripta mea ferre poterunt. Huc accedit, quod eius generis pleraq; neq; uere neq; moderatè sunt ab alijs prodita literis: & extat cuiusdam



iisdam, nostræ nationis, liber, ante sextum annum editus Moguntia, criminationibus, calumnijs, nugis, conitijs refertissimus: & his proximis annis editi sunt Florentiæ tomi duo, quorū author prolixè quidem & amplè suorum temporum historiam tractat, sed ubicunq; de rebus Germanicis loquitur, præsertim de religione, morbum animi prodit; nam & incomperta ferè sunt et falsa & calumniosa quæcunque scribit, ut luculenter demonstrari potest. mitto tot orationes, epistolas, præfationes, quæ typis euulgatæ, cū res istas attingunt, non maleuolè tantum et inuidiosè omnia tractant, sed à ueritate quoq; longissime recedunt. His inquam de causis progrediendum esse, neq; committendum putauī, ut rei gestæ series uel ad hanc nostram uel ad futuram etatem transmitteretur mendosa. Quid enim in hoc genere turpius, quid minus ferendum, quam ea, quæ peritorem debent reddere lectorem, falsis narrationibus deprauatis? Magistratus nimirum interest, prouidere, ne quid licenter in eo fiat. habet autem hoc uirij nostra hæc ætas, ut eiusmodi scriptores pleriq; gratiam caprent, & dum uni alicui placere student atq; gratificari, de multis male mereantur, & complures in errorem abducant. Ego scinè, quod sine ostentatione dictū esse uelim, ita sum affectus, ut si quid in hoc opere minus uerè perscriptum esse scirem, dispuncturus illud sim, et lectorem ipse moniturus ultro, ne fidem habeat. Sed planè confido, futurum, ut nulla mihi uanitas obijci possit: quantum enim studium meū his aliquot annis & diligentia interuenerit, ut exactè singula cognoscerem, et multi uiri boni testari possunt, & res ipsa docebit, ut spero. Cæterū, etsi complector ea, quæ in huius Cæsaris gubernationem uenerunt, licet ipse super sit, & rempublicam gerat, quāquam in eius ætatem incurrere possunt adhuc fortasse multa, tamen, quoniam antea acta primā et potissimam & ma-

ximam partem sibi uendicant, diutius illa nolui deside-  
rari, flagitantibus multis, non Germanis modo, sed ex-  
teris etiam, uiris doctis, ut ipsis in eo gratificater. Impen-  
dent haud dubie grauissimi motus & mirae uicissitudi-  
nes: quod & scriptura facta non ambigue nec obscure  
prænunciat, & præsens rerum status omnino significat,  
ita quidem, ut ijs, qui uolent huc animum applicare, non  
sit defutura scribendi materies: uerum, quæ me causa  
mouit uti scriberem, publica nimirum utilitas, ea mihi  
nunc etiam persuadet, ut quæ scripta sunt, & his uiginti  
quinque comprehensa libris, in manus hominum exire  
patiar. Hunc uero laborem meum, & quicquid est im-  
pensum operæ, tibi uolui, princeps illustrissime, conse-  
crare totum, qui genus & originem ducis ex ea familia,  
quæ huic doctrinæ perfugium & hospitium prima de-  
dit, cuius pater auidè complexus est illam, cuius frater ad  
educationem iuuentutis in literis atque pietate maximas  
facultates contulit, cuius etiam socer præclarum nomē  
inter reges obtinet, propter hanc ipsam causam. Et quo-  
niam his illorum uestigijs tu quoque magna cum lau-  
de insistis, opus hoc, quod multis proderit, uti spero,  
non ingratum tibi futurum esse confido. Celsi

tudinem tuam Deus incolumem ser-

uet. Dat. decimo Cal. April.

M. D. LV.

IOAN.



# IOAN. SLEIDANI

## Apologia.



**Q**UAM nonnullos audio parum amanter loqui de mea Historia, meisque longè maximis laboribus iniquam uideo referri gratiam, scriptum istud cogor uelut apologeticum edere. Porro, quibus causis impulsus ad scribendam Historiam accefferim, quomodo sim in ea progressus, quomodo nullius ad inuidiam aut gratiam scripserim, & res actas in ordinem redegerim, in operis explicauit præfatione, simul addebam, ueri me fuisse perquam studiosum, & sic esse affectum, ut si quid minus uerè perscriptum esse scirem, dispuncturus illud sim, & lectorem moniturus ultro, ne fidem habeat. Ego sanè fore putabam, ut ea re satisfaceret omnibus, præsertim, cum ipsa quoque lectio fidem esset eius factura quod dicebam: sed quia longè diuersum ad me desertur, quod inprimis est molestum atque graue, necessariò mihi quadam sunt uelut addenda præfationi. Ac primo quidem inde post natos homines in usu perpetuò fuit, ut res tam sacræ quàm politice mandarentur literis: hoc nimirum libri testantur, eaq; consuetudo maximè semper floruit apud illustres liberâsq; nationes, Græcam inprimis atque Romanam. Huius scriptionis præcipuum est & præceptum & ornamentum, ut recta sit atque uera, ideòque testem Cicero uocat temporum, historiam, lucemq; ueritatis, & memoriæ uitam, uitæq; magistrum: quibus quidem uerbis & amplissimè illam commendat, & cuiusmodi esse debeat, ostendit. Iam uerò, postquam in hanc ætatem nostram tanta religionis incurrit mutatio, quanta post Apostolorum ætatem nulla fuit, eamque secuta sit etiam politice ciuilis commotio non parua, sicut fieri solet, equidem, licet non omnium aptissimus, bonorum uirorum hortatu, scribendi prouinciam hanc, ad amplificandam Dei gloriam, suscepi, magnaq; fide ac diligentia nostrum ad hoc usque tempus perduxì: quòd autem affectibus in eo nihil indulsim & tam moderatè sim in hoc argumento uersatus, quàm ante me fortasse uix alius, id spero fatebuntur omnes non iniqui iudices. Nam licet hanc Euangelij doctrinam, beneficio Dei restitutam, libenter profiteor, &

ad

ad eum coetum aggregatum esse me uehementer gaudeo, tamen ab omni acerbitate uerborum abstineo, remq; totam, sic ut est acta, simpliciter expono. Deum quoque testificor, mei consilij non fuisse, quoniam falso ledere: cuius enim hoc esset imprudentie, de ijs rebus, quarum sit adhuc memoria recens, aliquid prodere dissentaneum à uero? Deinde, qui me norunt familiariter, nullam eiusmodi, sicuti spero, uanitatem in me deprehenderunt: ueruntamen si quod forte sit erratum, equidem & agnoscam libenter, admonitus, et sicut in Prefatione quoque dixi, palam profitebor ne lector impingat. Quod ad laborem meum alioquin attinet, opinor equidem, in inuestigando uero, nullius potuisse maiorem interuenire, quam mea fuit, diligentiam, & sicut complures id testari possunt, ita quoq; res docebit ipsa, spero. In describendo autem religionis negotio, politicas causas omittere non mihi licuit, nam ut antea dixi, concurrunt ferè semper, & nostra cum primis etate minime potuerunt separari. Quòd autem concurrant, hæc est firma sacrifq; literis innixa causa, nimirum quum in aliquo populo mutatur religio, statim nascuntur offensiones, dissidia, simultates, turbæ, factiones atq; bella. Nam hac de causa Christus ait à parente filium, & à matre filiam diuelli: suam quoq; doctrinam adferre non pacem, sed gladium, & inter propinquos etiam excitare dicit incendium. atque is fuit semper status rerum ab orbe condito, neque negari potest, & res ipsa loquitur. Nam simulatque nostro tempore coeptum est, Dei beneficium in homines collatum & Euangelium doceri contra pontificis Indulgentias ac hominum traditiones, ilicò coepit tumultuari mundus, & in primis ille qui dicitur, ordo ecclesiasticus. Hac uidelicet occasione res ad publicum Imperij conuentum introducta fuit: cùmque Principes etiam atque ciuitates aliquot doctrinam hanc admitterent, latius est euagatum incendium, & uarijs modis agitata causa fuit, quoad in bellum tandem desijt. In hac autem omni descriptione uidere licet, quanta Cesaris interuenerit sollicitudo & diligentia, ut dissidium tolleretur: uidere quoq; licet, quid protestantes ordines responderint, & cuiusmodi sæpe sint ab ipsis delatæ conditiones. Cùm autem ad arma uentum esset, uaria fuit & multiplex actio, & Cesar quidem, ut ex plurimis unum adducam exemplum, ad Prin-

cipes



cipes nonnullos atq; ciuitates datis literis, pōst etiam euulgato scri-  
pto publico, facti sui rationem explicabat. Hoc scriptum, in quo fir-  
mamentum causæ Caesaris positum est, unā cum partis aduersariæ re-  
sponso, iuxta legem historiæ, præteriri non potuit. Nam alioquin, ob-  
secro, qualis ea sit historia censenda, quæ solū alterutrius partis rem  
actam commemorat? Et tamen quomodo me gesserim in eo, quomodo  
stylum temperarim & inflexerim, uideri poterit, facta scripti Germa-  
nici cum Latino collatione, ad quam me refero etiam. Deducto iam  
in hyemem usq; bello, superior extitit Caesar, cum aduersarii domum  
sesereciperent. Hæ quoq; illius uictoriæ & triumphi, primò per Ger-  
maniam superiorem, deinde per Saxoniam, bona fide à me recitantur  
omnes, & hic quidem ordo seruatur ubiq;: nihil enim uel derogo uel  
tribuo cuiquam plus, quàm res ipsa requirit atq; patitur. Id sanè pauci  
præstiterunt, uti constat. nam pleriq; narrationibus iudicium quoque  
suum tam de personis quàm de rebus interponunt. Et ut ueteres omit-  
tam, notum est, quomodo Pontificum uitas Platina descripsit. Et no-  
stra ferè memoria, equestris ordinis uir præclarus, Philippus Comi-  
neus insignem edidit sui temporis historiam, ac inter alia refert, quo-  
modo post Caroli Burgundiæ ducis interitum, qui prope Nanceium  
interfectus in prælio fuit, Ludouicus xij Galliæ rex, heredi Caroli fi-  
liæ, Burgundiam utramq; simul & Atrebatensem agrum ademerit. Et  
quanquam fide per iusiurandum addictus erat Galliæ Comineus, ta-  
men si regis erat consiliarius, tamen non rectè factum hoc ab illo fuisse  
dicit. Annis ab hinc circiter xxiiij. Petro Bembo datum fuit à Sena-  
tu Veneto negocium describendi bella, quæ cum Cesare Maximilia-  
no, cum Galliarum rege Ludouico, cum Iulio II. Pontifice gesserunt  
& alijs. id quod fecit, xij libris rem complexus: refert autem inter  
cætera, quemadmodum Galliæ rex Ludouicus xij bellum Venetis de-  
nunciavit: ait præconem, ubi coram duce totoq; senatu constitisset, in  
hæc uerba locutum esse. Bellum, Lauredane, Venetorum dux, cate-  
rique huius urbis ciues, Ludouicus Galliarum rex indicare me uobis  
iussit, tanquam infidis hominibus, Pontificisq; Maximi & reliquorum  
regum oppida per uim perq; iniuriam capta possidentibus, omniumq;  
omnia dolo malo sub uestram diuionem rapere atq; redigere festinan-  
tibus

libus: ipse ad uos armatus ea repetiturus uenit. Hæc uerba, dicat al-  
quis eò quòd sunt in Venetos acerba, debuit præterire Bembus. Ille ue-  
rò minimè, sed ex publicis commentarijs in suum uolumen ea trans-  
scripsit, & responsum præconi datum addidit, non minus acerbum:  
& procusum est opus Venetijs cum Senatus priuilegio. Paulus Iouius  
præter alia scripta, quibus illustrium aliquot uirorum uitas comple-  
ctitur, duos quoq; tomos rerum sui temporis non ita pridem euulga-  
uit: quàm liberè uerò scribat, testificari possunt, qui legerunt: tametsi  
locis aliquot iniuriam Germanis facit: multis uerò munitum priuile-  
gijs opus illud exijt. qui uolet, requirat II. Tomi fol. I X. item in uita  
Leonis X. fol. X CIII. & X CIIII. & in Alfonso Ferrariæ ducis  
uita, fol. X LII. exemplis referti sunt omnes bonorum authorum li-  
bri. Commendatur autem in primis hoc nomine Cominæus, quòd tan-  
æquabiliter scripserit: sed morem hunc seruat, sicut ante quoque dixi-  
mus, ut non solum acta describat, sed iudicium interponat etiam, &  
quid quisq; rectè uel iniquè fecerit pronunciet. Et licet hoc ego mini-  
mè faciam, tamen usitatum est plerisq;. Vt autem quid utrobique ge-  
stum sit, recitetur, id non modò æquum est, & inde à primis tempori-  
bus deductum, sed necessarium quoq;. Nam aliter historia confici non  
potest. Vbicunq; sunt factiones, ubi bellum atq; seditio, ibi certè que-  
rimonijs & accusationibus & defensionibus & scriptis aduersarijs  
omnia redundant, uti constat. Iam, qui hæc omnia sic ut acta sunt, re-  
censet, neque iudicium interponit, neutris iniuriam facit sed historie  
legem sequitur. Nam in iurgijs illis atq; criminationibus non statim  
uerum est atque firmum, quod alteri alteris obijciunt. Cùm similtas  
intercedit, & odium & animus hostilis, notum est atq; testatum, quo-  
modo res agatur utrinq;. Si quæ Pontifices & id genus alij complu-  
res annis ab hinc triginta sex effuderunt in Protestantes maledicta, es-  
sent uera, quid illis fingi posset sceleratius? Paulus III. Pontifex, ne-  
potem suum ex filio Cardinalem Farnesium anno M. D. XL. in Bel-  
gium misit ad Cæsarem. Is deinde consilium dabat in Protestantes,  
quod non multum pòst typis euulgatum fuit, & à me quoq; recitatur  
historiæ mee libro XIII. Post multas uerborum contumelias inter  
alia dicit, Protestantes oppugnare Christum non minus inò plus quam



Turce faciant: hos enim trucidare tantum corpora, sed illos in sempiternum exitium animas quoque deducere. Cedò, quid grauius aut horribilius dici possit? Quòd si non sint ista recitanda, iam certè Protestantes, querimonie causam habituri sunt aduersum me: sed longè secus res habet: nec enim idcirco uera sunt, quòd ille sic dixerit: & si præteritum hoc à me fuisset, in suspicionem meritò uenissem, quasi non candidè rem agerem, & alteri parti magis gratificarer. Quòd autem ita sit, ut clarè demonstrauius, non dubito, quin homines æqui iudicent, nihil à me præter historie legem esse factum: eoque magis, quòd pleraque desumpta sunt ex actis, quæ iam antè typis fuerant excusa. Parum igitur agunt amice, imò iniuriam mihi faciunt non mediocrem, qui scripta mea sic traducunt, & eò maiorem faciunt si leges tenerent contexendæ historie: si uerò nesciunt, uelim ut ex ijs, quæ iam explicauimus, & alijs historicis addiscant. Cùm autem historicos disce, non illos intelligo nostri temporis nonnullos, qui solum hoc agunt ut quam uolunt partem summis laudibus extollant & mirifice commendent, alteram uerò maledictis atque conuiitijs obruant, qui sunt eiusmodi, non sunt ea digni appellatione. Commentarios edidit ante sextum annum Ioan. Cochleus, eodem fere argumento, quo sunt mei: sed horrendis & inauditis atque fictis criminationibus omnia sunt accumulata. Polus Card. in eo libro qui nuper est euulgatus, doctrinam in Germania renouatam uocat semen Turcicum. Id genus uerbis referti sunt ipsorum omnium libri. Quid autem simile meo in opere inuenitur? Equidem admirabile Dei beneficium, huic nostro temporì collatum, ordinè ac uerè, quantum omnino potui, perscripsi, ad eamque rem annis ab hinc XVI. collegi, quicquid eo pertineret: neque uerò scriptionem præcipitauì, sed certo iudicio processì. Quanto autem sudore mihi constet hoc opus, post Deum immortalem, ipse noui. nam eius gloriam spectauì cum primis. & omiſſa tractatione iuris, huc omne fere studium applicauì: ac sanè fatendum est mihi, impellente Deo me quodammodo pertractum ad hunc esse laborem. Quòd uerò tam indignam tantis meis uigilijs gratiam nonnulli referant, commendabo illi, cuius causam inprimis egi: nam indubitanter scio, gratissimum ei me sacrificium immolasse atque uictimam: ea nimirum conscientia  
bona

bona me consolor atque sustento, præsertim cum doctis uiris laborem  
meum esse probatum uideam, qui et gratias mihi agunt, et magnam  
se se fructum inde percipere fatentur. Quapropter ueritatis amatores  
omneis obsecro, ne quorundam criminationibus fidem habeant, sed  
meos labores, fidem atque diligentiam benignè suscipiant, neque fini-  
stram ullam de me suscipiant opinionem. Quod superest, profiteor me  
Cesarem ac Romanorum regem agnoscere pro summo magistratu,  
quem Deus constituit, et cui rebus in omnibus, quæ non sunt aduer-  
sus Deum, obtemperandum est, uti Christus et Apostoli docent.

IOAN



# IOANNIS SLEIDANI

COMMENTARIORVM, DE STATV

Religionis & Reipublicæ, Carolo Quinto,

Cæsare, Liber I.



EO DECIMVS, PONTIFEX ROMA= 1517

nus, ex familia Medicea, Florentinus, pro sua, quam in omneis Christiani nominis ecclesias habere se putabat, quadam usurpatione maiorum potestate, mis-

sis per omnia regna literis atque diplomatis, omnium delictorum expiationem ac salutem eternam pollicebatur, interuentu pecunie, quam quisque daret, ad eamq; rem qui mittebantur quæstores, ac huius tanti beneficii præcones, æraria passim per omneis prouincias constituerant: nec id modò, uerumetiam editis libellis dogmata sua defendebant, in Germania præsertim. Hanc uero condonationem peccatorum, suo quodam uocabulo, iam olim recepto, nominabant Indulgentias. Adhæc ouis, lacte, casco, carne uescendi facultatem diebus uetitis, precio uendebant. Erat tùm Virmembergæ, quod est ad Albim, oppidum Saxonie, Martinus Luberus, Theologus, Augustinianus: is concionibus illis & quæstorum libellis excitatus, cum uideret uulgò credi quod illi iactabant: cœpit monere homines, agerent prudenter, neque merces illas tanti compararent: quod enim his rebus impenderent, multò posse collocari melius.

Leo pontifex emittit indulgentias uenales.

Fuit hoc anno salutis humanæ supra millesimum quingentesimum, decimoseptimo. Vt autem maiori cum fructu rem ageret, pridie calendas Nouembriis ad archiepiscopum Moguntinum, Albertum Brandeburgicum, datis literis, quid illi doceant, exponit, et populo sic esse persuasum queritur, quasi pecunia comparatis illis diplomatis, de salute nihil amplius dubitare debeant, quasi nullum possit admitti tantum scelus, quod eius rei beneficio non sit condonatum: quasi eorum animæ, qui crucientur igni purgatorio, simulac nummus in arculam sit iniectus, in cœlum è uestigio subuolent. solute poenitis ostendit mandatum esse Christi, ut doceatur euangelium, & episcoporum esse proprium munus, ut rectè populum erudiant. commonescit igitur officij, & orat, ut pro sua auctoritate libellos editos aboleri iubeat, et declama-

Luth. docet contra indulgentias.

1517 toribus illis meliorem docendi rationem præcipiat, ne grauius aliquid ex eo dissidium oriatur, quod omnino futurum sit, nisi coerceantur. Causa, cur ei scriberet, hæc erat, quod ad ipsum, propter Magdeburgensem ecclesiam, cuius erat etiam antistes, earum rerum omnium cura pertinerat. Cum ijs literis unam mittebat themata, quæ nuper disputandi causa Vuitenbergæ promulgarat, numero ad nonaginta quinque. ijs et de purgatorio et uera poenitentia, et charitatis officio, deque indulgentijs copiose disputat, et quæstorum conciones immoderatas impugnat, sed indaganda solum ueritatis causa, sicut dictum est. Nam et ad disputationem inuitabat omnes, qui uellent in medium aliquid adferre, et eos, quibus adesse coram non uacaret, ut scripto sententiam suam ostenderent, orabat, et protestatus, nihil affirmare, sed sanctæ ecclesiæ iudicio rem omnem submittere, ueruntamen Thomæ Aquinatis, et id genus alia scripta non se recipere demonstrabat, nisi cum sacris literis et patrum decretis consentiant. Moguntinus ad ea nihil respondit: et non multo post, Ioannes Tecelius Dominicanus, Francofurti, quod est ad Viadrum flumen, Brandeburgicæ ditionis oppidum, alia quedam themata, Lutheranis omnino contraria diuulgat, quibus et pontificis potestatem, et fructum indulgentiarum, et eam, quæ passim tunc erat in templis erecta iussu pontificis, crucem ligneam, uehementer prædicabat, ita quidem, ut cum Leone decimo Petrum apostolum, et crucem, in qua pro nobis Christus uitam profudit, cum hac pontificia componeret. Cum autem ad disputationem Vuitenbergæ proposita, resistendi causa nemo ueniret, et quæ diximus themata, summo cum applausu legeren-

1518 tur à multis, Lutherus explicationem eorum scribit ualde prolixam, et primum ad Hieronymum episcopum Brandeburgicum, cuius erat ditioni subiectus, deinde ad Ioannem Stupitiū, Augustiniane familie uicarium mittit, rogans, ut ad pontificem curet perferri: sed et ipse, Iunio mense datis ad Leonem literis, exponit, quam temerarie quæstores illi doceant, et quam agant auarè, freti ipsius uel abusi potius auctoritate: non se dubitare quin sit grauitè delatus, uerum iniuriam sibi fieri: concionibus enim quæstorum et libris nimium ineptis coactum, edidisse quedam, disputandi solum gratia, quæ nunc apertius declaret: orare, ne criminationibus illis fidem habeat: Fridericum Saxonie principem electorem, ea esse prudentia et integritate, et erga religionem

obseruan-

Luth.  
scribit  
Leoni.



obseruantia, ut, si uera essent quæ delata sunt ab aduersarijs, non sit passurus prouinciam suam ad eum modum contaminari: sed & academice Vuittembergicæ consimilem esse uoluntatem: breuiter, omnia sua scripta, uitam quoq; & salutem ipsius arbitrio atq; potestati sese permittere: quicquid ab ipso profectum fuerit, eo loco futurum apud se, ac si dimanasset à Christo, & tanquã ex oraculo aliquo dictum esset, neq; capitis recusare poenam, si quidem ita uideatur ipsi. Præter alios, qui ipsius themata & his adiunctam explicationem oppugnabant, Ioannes Eccius theologus aduersariũ quoq; scriptum, obeliscos, edit, huic respondet Lutherus: nihil sacre scripturæ, nihil è scriptis patrum, sed sua quedam ipsum adferre modò somnia, iam olim praua cõsuetudine nimium in scholis recepta. Post Eccium, Syluester etiam Prierias Dominicanus, palatij, quod uocant, sacri magister, contra scripsit, edito dialogo, cum præfatione ad Leonem, ualde confidenter & animose, dum ait uelle se periculum facere, num ita sit ferreus & inuictus Lutherus, ut conuelli non possit aut superari: qui si respondeat, tum se daturum esse multò maiora & diligentius elaborata. Lutherum etiam compellat, & se, quanquam sit ætate grauis, iamq; longo tempore in eiusmodi palæstram non descenderit, pro Pontificatu Rom. nihil non esse facturum demonstrat, & ipsum, ut ad sanitatem redeat, hortatur, & prius quàm disputationem ingreditur, themata quedam adfert, ueluti sententiæ suæ fundamentum, quibus & pontificem Romanum, totius ecclesiæ caput, & ecclesiam Romanam omnium esse primam ac præcipuã, in ijsque rebus affirmat errare non posse, quæ ad fidem atq; religionem pertinent, sed ne concilium quidem, cui pontifex Rom. inter sit: sacram quoque scripturam accipere uim omnem & authoritatem ab ecclesia & à pontifice Rom. tanquã à regula fidei longè certissima: qui contra sentiat, aut ecclesiæ Rom. doctrinam non sequatur, aut eius eleuet potestatem, hunc esse dubio procul hereticum: eo posito fundamento, uenit ad disceptationem. Huic scripto Lutherus deinde respondet, & ad Syluestrum præfatus, ipsius themata suspicere se magis, quàm intelligere dicit. deinde secutus illius exemplũ, muniendi sui causa, themata quoq; sibi sumit ipse, uerũ è sacris petita literis, quibus ostendit, non quibuslibet hominum doctrinis habendam esse fidem, sed omnia prudenter expendi o-

1518 portare, & quod uerbo Dei consentaneum sit, amplectendum: ac præter eam doctrinam, quæ sit à Prophetis & Apostolis relictæ, non esse recipiendam aliam, quamlibet etiam sit speciosa: qui proximè ad illam accesserint scriptores, admittendos, de cæteris uerò faciundum esse iudicium, ad indulgentias quod attinet, non licere quæstoribus ali quid in eo fingere noui, sed iuris pontificij præscriptum in eo sequendum esse. post obijcit, quod scripturæ testimonium nullum adducat, quod Thomæ tantum opiniones recitet, qui & ipse pleraq; omnia pro suo arbitratu sine scripturarum autoritate tractarit. itaq; reijcit utrumque, & id non Pauli solum iussu, uerum Augustini quoq; se facere confirmat exemplo: Iureconsultis admodum esse familiare, ut dicant, non licere quicquam pronunciare, nisi ex præscripto legis: in rebus autem sacris multò minus debere tolerari, si quid absque testimonio scripturæ dicatur: præceptum esse Pauli, ut qui populo erudiendo præsumt, instructi sint, non syllogismis aut uarijs hominum decretis, uerum sana doctrina, diuinitus inspirata, nobisque relictæ: quia uerò præceptum hoc plerique sint aspernati, densas admodum tenebras incidisse, & inutilium quæstionum uim maximam inundasse. Cum ad hunc modum sibi strauit uiam, uenit ad consutationem, & sub finem ait nihil se moueri comminationibus ipsius atque uerbis ad consutationem compositis: etiam si capitis poena sibi subeunda sit, uiuere tamen & immortalem esse Christum, cui sit omnis tribuenda gloria: si posthac in aciem prodire uelit, alijs utendum esse telis, alioqui fore, ut cum Thoma non admodum excipiatur commodè. Syluester ad ea rescribit. ualde sibi placere, quod Romani Pontificis arbitrio se permittat: cupere etiam ut ex animo & uerè dixerit. Ambitionem & assentationem ei Lutherus obijecerat: ea remouet à se, quantum potest: Thomam uerò strenuè defendit, eiusque doctrinam omnem, ab ecclesia Rm. sic esse receptam dicit & approbatam, ut etiam quibuscunq; scriptis antefèratur: ipsum autè, qui de tanto uiro parum sit locutus reuerenter, obiurgat, et honorificum sibi ducit, uocari Thomistam: sed tamen aliorum quoque scripta sibi esse cognita, quod aliquando si declaraturus. Huic præfationi libellum subiungit, Epitomen: in eo Romani Pontificis potestatem mirificè commendat, ita quidem, ut concilij & omnibus planè decretis eum præferat,

Thomas  
Aquinas  
torus pō  
tificius.

& ab



Et ab eius authoritate uim scripturæ dependere omnem affirmet. 1513  
 Thomas iste natus illustri genere, totum sese dedit literarum studijs,  
 et Italia relicta, Coloniam primum, deinde Lutetiam profectus, in-  
 ter sui temporis uiros doctos principem locum obtinuit, uarijs editis  
 libellis, quibus et theologica tractat et philosophica fuit ordinis Do-  
 minicani, discipulus Alberti magni. Mortuum Ioannes XXII Pon-  
 tifex retulit in numerū diuorum, quinquagesimo circiter anno post,  
 quam ē uita decesserat. Pontificiam dignitatem mirifice propugna-  
 uit. nam et principatum in omneis Episcopos et uniuersam Eccle-  
 siam atque reges, et iurisdictionem tam ciuilem quam sacram ei tri-  
 buit, et ad salutem esse necessarium, ut omnes ei subsint, eumq; ple-  
 nam habere in Ecclesia potestatem, et ipsius esse congregare conci-  
 lium, et in eo facta decreta cōfirmare, quinetiam à synodis ad ipsum  
 rectē dicit appellari. breuiter, nihil ei non ascribit, hoc solum adimit,  
 quod noua dogmata fidei, uel, ut uocant, articulos condere non pos-  
 sit, nec etiam eos abolere, qui sunt nobis per Apostolorum manus atq;  
 patrum relictī. De indulgentijs quoq; passim multa scripsit, in ijsque  
 largiendis pontificem planē regem constituit. Mortuus esse dicitur ad  
 annum salutis M. CC. LXXIII. Vulgō doctore uocant angelicum,  
 ob acumen ingenij. Syluestri scripto, Lutherus epistola solum ad le-  
 ctorem respondet, et hunc eius libellum ita conflatum esse totum di-  
 cit ex mendacijs et horrendis nominis diuini contumelijs, ut Satha-  
 nam eius appareat authorem fuisse: quod si pontifex et cardinales  
 idem sentiant, si Romæ quoque sic doceatur, iam non esse dubium,  
 quin Roma sit ipsissima sedes Antichristi: scelicem esse Græciam, scē-  
 licem Bohemiam et omneis, qui diuortium ab ea fecerint: miseros au-  
 tem esse, qui cum ea commune quid habeant: nisi Pontifex illum coër-  
 ceat, nisi cogat ut scripta reuocet, dissentire se ab eo proficitur, ac  
 non modò non agnoscere ecclesiam Romanam, sed habiturum esse  
 deinceps illam, ut sentinam aliquam impurissimam, et locum im-  
 pietati consecratum: excogitari quotidie noua et inaudita pontifi-  
 cis Romani preconia, callidè nimirum et insidiosè, ut ne concilio  
 legitimo possit esse locus, quando quidem et ipsum adulatores ante-  
 ferant concilio, et ab eo, tanquam à certissimo iudice, scripturæ to-  
 tius intelligentiam esse petendam confirmant: quod si pergani ita

1518 furere, suisq; præstigijs orbem terrarum ludificare, nihil aliud superesse remedium, quàm ut magistratus in ipsos animaduertat: fures, latrones & id genus alios maleficos poena capitis plecti, sed multò esse æquius, ut hi longè nocentissimi Reip. hostes, communi hominum studio & opera comprimantur: Pontificis enim eandem esse, quæ sit omnium hominum, sortem & conditionem, eumque non minus teneri præceptis diuinis, quàm quemuis etiam infimi gradus hominem: qui secus doceant, maximam eos iniuriam facere maiestati diuinæ. Tunc etiam acerbè scripsit in Lutherum Iacobus Hogostratus Dominicanus, Pontificem ad uim atque flammam exhortatus. Ei paucis admodum respondens Lutherus, animum exprobrat crudelem et sanguinarium, & hominis imperitiam falsè ridet ac monet ut ita peragat: hoc enim ad ueram gloriam comparandam inprimis conferre, cum quis ab indoctis & uitiosis improbatur: de Leone autem Pontifice meliora se sperare dicit. Dum hæc, more scholastico, scriptis utrinque geruntur, Maximilianus Cæsar conuentus agit Augustæ Vinelicorum, quò & Leo X. legatum deinde misit, Thomam Caietanum cardinalem. ei conuentui septem uiri principes omnes aderant, qui propter ius creandi Cæsaris dicuntur electores. de bello Turcico deliberatum hic fuit. Nam Turcarum Cæsar Selymus, deuicto nuper Sultano, Syriam & Aegyptum in suam ditionem redegerat. Caietanus autem orationem habuit exhortatoriam. & pontificis nomine thesauros ecclesiæ pollicitus in hoc bellū, Maximilianum Cæsarem, ut ecclesiæ defensorem, de auxilijs implorabat. ad hoc tempus Leo X. Cardinalem creauit archiepiscopum Moguntinum Albertum, & hoc in conuentu per Caietanum inaugurari iubet ceremonijs & sacris in ea re consuetis. Cæsar deinde nouum cardinalem è templo domum reducit, ac munera mittit, regiam lecticam, equos, & stragulam uestem multam, ualde preciosam: Pontifex autem dono dabat pileam, auro, gemmis & margaritis intextum, & ensẽ deauratam uagina. Nam plerique omnes episcopi Germaniæ, tam ciuilem quàm ecclesiasticam iurisdictionem obtinent. Hunc autem honorem ei detulisse Leo creditur, ut ecclesia Romana defensorem haberet in Germania, nobilitate generis & dignitate conspiciuum. etenim licet episcopi sint omnes fide & iureiurando deuincti Roma. Pon-

tifici,



tifici, tamen hi, qui dicuntur Cardinales, multo sunt illi magis obligati: deinde non ignorabat, quantum hic posset in rebus Imperij, qui principum electorum esset primus ac ueluti consul perpetuus, antiqua consuetudine. Maximilianus, de controuersia Lutheri certior factus, Augusto mense dat literas ad Leonem. audire sese, quem admodum Lutherus multa disputarit & pro concione dixerit, in quibus pleraque uideantur esse hæretica: hoc eò magis dolere sibi, quò pertinacius ille suam doctrinam defendat, & quò plures habere dicatur suorum errorum approbatores, & in his quidem nonnullos magni nominis: hortatur, ut ipse, pro sua, quam habeat, potestate summa, quæstiones omnes ociosas & inutiles rescindat, omnem quoque sophisticen & contentiones uerborum inhibeat, qui enim his rebus operam dent, nocere plurimum reipublicæ Christianæ, quandòquidem hoc solum spectent, ut quod ipsi didicerunt, hoc laudetur ab omnibus & recipiatur: diligenter quidem esse cautum ætate superiori, ut idonei constituantur doctores, ac omnis fingatur sophistica: præceptum autem hoc fuisse paulatim contemptum, ita quidem, ut mirum uideri non debeat, si quos aliorum oportuit esse doctores, ij sæpius aberrarint: hos nimirum esse in causa, quòd prisca illi scriptores, sacrarum literarum interpretes, multo iam tempore & neglecti iacuerint, & facti sint mendosiores: his etiam imputandum esse, quòd multæ nostris temporibus exortæ sint in re literaria turbæ, & quòd hæc ipsa nunc sit nata de indulgentiis plena periculi disceptatio: magnitudinem rei sanè postulare, ut nascenti malo medicinam faciat, priusquàm longius euagetur atq; serpat: nam esse more coniunctum periculum: quicquid ipse decreuerit, hoc se laudaturum, & ut per Imperij prouincias omnis locum habeat, curaturum esse. De scriptis aduersarijs Lutheri & Syluestri supra diximus: cum is & munus publicum Romæ haberet, ac causam exagitaret, Leo citat Lutherum, & denunciata pœna, Romam uenire iubet. post, ad suum in Germania legatum Caietanum dat literas Augusti mensis die uigesimo tertio. quia non in academijs tantum, sed ad populum etiam, ac editis per Germaniam libris, Lutherum audiat tueri quasdam opiniones impias & à sententia ecclesiæ Romanæ alienas, quæ fidei sit & religionis magistra, se, qui paterno

Leo citat  
Luth. ut  
Ro. ueniat.  
Leo scribit Caietano ut  
Luth. citet.

1518 quodam affectu cuperet illius reprimere temeritatem, Hieronymo episcopo Aſculano, ad quem iſtud propriè pertineat, mandaſſe, Romam illam euocaret, et ut accuſationibus reſpōderet, & fidei ſue rationem redderet: Aſculanum ſeciſſe quidem imperata, ſed illum non modò ad ſanitatē non rediſſe, uerumetiam in hæreſi pertinacem, multò edidiſſe deteriora ſcripta, magno certè ſuo cum animi dolore ac perturbatione: de igitur operam, ut Auguſtam perducatur, in eoque Germaniæ principum & Cæſaris opem imploret, & cum adductus erit, cuſtodias ei ponat, quò Romæ deinde ſiſtatur: quò ſi ſponte reſipiſcat & delicti culpam deprecetur, ignoſci iubet, et Eccleſiæ reſtitui, quæ pœnitentes nūquam excludere ſoleat: ſin minus, tum ei ſacris interdicit: mandat etiam ut huic edicto pareant omnes: qui ſecus fecerint, eccleſiaſtiſcis quidē adimit omnia quæ poſident bona, ſimul ſpem omnem et facultatem ulla conſequendi deinceps tollit: alios uerò, ciuilem functionem obtinentes, & eſſe infames, & ab honoribus remoueri, & ſacra ſepultura cavere, & priuari omnibus, quæ uel ab ſe uel ab alijs etiam acceperint, beneficijs aut præfecturis iubet: qui uerò fidelem operam in eo præſtiterint, ijs uel communem illam & plenam delictorum remiſſionem cōcedi, uel etiam munus aliquod largiri præcipit, & huic edicto ſubijcit omneis, unum modò Cæſarem eximit, nec ullius uel immunitatem uel priuilegium uult aliquid contrā ualere. Eodem quoque die, ad Fridericum Saxonie principem, qui tūc erat Auguſta, ſcribit. Inter alia Saxonice domus ornamenta, propriam hoc illi ſemper fuiſſe, quòd religionis eſſet obſeruatiſſima: non eſſe igitur ueriſimile, quenquā eius familiæ ſic à ſuis degeneraſſe maioribus, ut illum, qui de religione Chriſtiana minus bene ſentiat, protegere uelit et patrociniſmo ſuo iuuare: ueruntamen, magno cum animi dolore complures audire ſe quotidie & graues de Luthero querimonias, homine perditō, qui ſui ordinis & profeſſionis oblitus, multa proteruē, quæ ſint aduerſus Eccleſiā Dei, faciat, magna quadam confidentia, dum iactat principis fauore & tutela munitum ſe, nullius authoritatem uereri: non ſe quidem dubitare, falſò iſtud ab eo ſpargi, ſed tamen hæc pauca uoluiſſe ad ipſum perſcribere & admonere, ut ſui ſuorumque maiorum dignitatis & ſplendoris perpetuò memor, non modò culpam, ſed culpæ quoque ſuſpitionem omnem fugiat:



fugiat: sibi certò constare, multa illum docere prorsus impia & hære- 1518  
tica: se suiq; palatij magistrum, diligenter eius opiniones omneis ha-  
bere notatas: hanc nimirum esse causam, cur & illum citarit, & lega-  
to suo Cardinali Caietano, quid in eo præterea fieri uelit, iniunxerit:  
& quia religionis hoc sit negotium, & ad Ecclesiam Romanam hoc  
munus, de cuiusque fide cognoscendi, propriè pertineat, hortari se at-  
que mandare, ut interpellatus à suo legato, det operam & efficiat, ut  
in suam ille potestatem ueniat, quod et Deo gratissimum obsequium,  
& ipsi totiq; familie priuatim futurum sit ualdè honorificum: quod  
si Romæ habita questione, nihil in eo culpæ fuerit deprehensum, fore,  
ut saluus & incolumis domum reuertatur: sin autem crimen aliquod  
in eo resederit, tunc ipsum, qñ nocentem hominem diutius ferre no-  
luerit, extra culpam esse futurum: ea quoque se præditum esse clemen-  
tia, ut nec sit oppressurus immerentem, nec resipiscentem à sua gratia  
repudiaturus. Ad hunc modū nihil intentatum relinquebat, ut illum  
opprimeret. hoc etiam anno datis literis ad Gabrielem Venetū, ordi-  
nis Augustiniani promagistrum, hortatur, ut Lutherum, qui sit eius  
sodalitatis sacerdos, ac in Germania res nouas molitur, ac noua dog-  
mata tradat, ab incepto reuocet, ea autoritate, quam ipsi det præse-  
ctura, et diligenter sollicitet, tum literis, tum per doctos internuncios:  
celeriter autem id esse faciundum, sic enim fore non difficile, modò na-  
tam flammam extinguere: nam ea quæ iam primū oriuntur atque  
surgunt, non sustinere paulò maiores impetus: uerū si differatur, do-  
nec malum sumpserit uires, uerendum esse, ne possint incendio post  
adhiberi remedia: nam labem istam indies augescere, neq; uideri quic-  
quam ita metuendum, atq; morā: incumbat igitur huc omni studio, la-  
bore, cogitatione, diligentia, quandoquidē imperiū in ipsum habeat.  
Vbi citatum se, Lutherus, & Romam euocatum esse uidit, multū sol-  
licitabat, ut de sua causa per Germaniā alicubi cognosceretur idoneis  
constitutis iudicibus, in loco minimè opportuno iniuriæ. Cū autem  
id impetrari non posset, academia Vuittembergica, missis ad Leonem  
literis, xxv. die Septembris, egregium Luthero dabat & amplum ui-  
tæ ac eruditionis testimonium: illum quidem ob themata quedam  
esse Romam euocatum, sed propter imbecillam uoletudinem & uic-  
periculum ei non esse integrum: rogant, ut de ipso non secus atque

de uiro bono sentiat: disputandi solum non definiendi causa quædam ab eo fuisse proposita, quæ in deterio rem partem interpretati sint, & admodum exacerbarint aduersarij: se quidem nihil aduersus Ecclesiam admissuros, & rogatos à Luthero non potuisse non testimonium hoc ei dare, cui ut fidem habeat, uehementer orant. Cum ijs litteris alteras quoq; mittunt ad Carolum Militium Germanum, Leonis cubicularium. Exponunt, quomodo Lutherus, nullo suo merito sit apud pontificem in magnum adductus odium, ita quidem, ut Romanam citatus, impetrare adhuc non potuerit, quò de causa per Germaniam alicubi cognosceretur: se quidem ita esse nõ erga religionem modò, sed erga sanctam quoque Romanam ecclesiam affectos, ut, si quod in Luthero crimen hæreret, aut impius error, non sint eum toleraturi: sed illum ea esse tum eruditione, tum uitæ integritate, sic etiã esse de ipsis, deq; academia tota meritum, ut in hoc rerum statu deesse ipsi non possint: Fridericum quoque principem, pro sua, tum fide, tum prudentia, nisi bonum uirum esse iudicaret, non fuisse illi diuturnam aliquam concessurum impunitatem: apud pontificem erga pro sua gratia & familiaritate perficiat, ut ei non Romæ, sed in Germania decernantur iudices non suspecti: nihil se dubitare, quin ille sit factururus homine Christiano & theologo dignum officium, & declaraturus, quàm nulla sit ab ipso quæsitæ temere, uel præter causam litigandi occasio: id autem eo se uehementius petere, quo maiorem spem habeant, ipsam, qui sit Germanus, commendatione quadam naturæ & communis patriæ, non esse defuturum in causa tam honesta, calumnijs propemodum oppresso & de salute periclitanti Germano. Præter hanc amicorum intercessionem, Fridericus etiam princeps Caietanum interpellat Augustæ, remq; eo deducit, ut solutus necessitate proficiscendi Romam Lutherus, Augustam euocaretur, apud Caietanum dicturus causam. Quo cum uenisset initio mensis Octobris, triduum ibi fuit ante, quàm Caietano loqueretur. nam ij, quibus eum Fridericus commendarat, qui finitis comitijs domum redierat, uetabant, ne prius illum accederet, quàm ipsi publica fide cautum esset à Maximiliano Cæsare. ea demum impetrata, uenit: & cum humaniter excepisset, nolle se dicebat Caietanus in disputationem cum eo uenire, sed controuersiam amicè componere, simul duo quedam

pon-

Fridericus agit  
cū Caietano Au-  
gustæ.



pontificis mandatu proponit, primum, ut ad sanitatē redeat, & quos 1518  
 diuulgasset errores, reuocet: alterum, ut ab eiusmodi scriptis, quæ  
 tranquillitatem ecclesiæ perturbarent, in posterum abstineat. Luth-  
 erus ad ea, se nullius erroris sibi conscium esse respondet, & si quid er-  
 rarit, demonstrari petit. Ibi Caietanus obijcit, in thematis ipsum affir-  
 mare, Christi seruatoris merita, non esse thesaurum indulgentiarum: Caieta-  
nus agit  
cum Lu-  
thero.  
 eam sententiam aduersari Clementis sexti decreto: deinde, accessuris  
 ad sacramentum, necessariam esse fidem, ita quidem, ut certo statuunt  
 peccata sibi condonari: ne hoc quidem esse uerum. Lutherus, & lectū  
 sibi decretum illud pontificium esse dicit, & quid de eo sentiret, osten-  
 dit, & Thomæ Aquinatis facta mentione, scripturæ sacræ authorita-  
 tem longe præferendam ei confirmat. Tum ille pontificis dignitatem  
 predicans, omnibus eum scripturis atq; concilijs antepōnit, & conci-  
 lij Basiliensis, quod diuersum statuisset, abrogationē recitat. Gersonē  
 quoq; Parisiensem, & alios eius sententiæ approbatores, damnat. Lu-  
 therus contra, pontificis maiorem esse, quàm sit concilij, authoritatē,  
 negat, suæq; sententiæ laudatores, inter alios, nominat theologos Pa-  
 risienses. A multa disceptatione, cum ipsis non conueniret, Luth-  
 erus deliberandi spacium petit. postridie redit, & præsentibus aliquot  
 testibus atq; scriba, consiliarijs quoq; Cæsaris quatuor adhibitis, eccle-  
 siam sanctam Romanam à se reuerenter coli profitetur & obseruari:  
 si quid etiam alienum ab ea dixerit, nolle ratum habere, sed quia sit  
 admonitus et iussus, ut errorē deponat & deinceps abstineat, ait exi-  
 stimare, nihil se pronunciaſſe, quod uel à sacra scriptura, uel à patrū  
 sententijs, uel à pontificum decretis, uel à recta quoq; ratione discre-  
 pet: non se quidem negare, quin labi possit atq; falli: hoc enim esse hu-  
 manum: ideoq; sese deferre cognitionem legitimæ & sanctæ ecclesiæ,  
 totamq; causam eius iudicio permittere: nec id modo, uerum etiā quo-  
 uis in loco suæ doctrinæ rationem esse redditurum: hoc si nō placeat,  
 scripto responsurum ipsius argumentis, quæ forte adducet, neq; recu-  
 sare, quo minus academiæ Germanicæ, sed & Parisiensis, iudicium  
 suum interponant. Caietanus iterum urgebat, uti pridie fecerat, il-  
 lud Clementis decretum, quasi pro se faceret. tandem, ut scrip-  
 tum exhibeat, permittit. eius autem hic erat sensus. Quo tempo-  
 re themata sua promulgarit, et eorum post explicationem scripserit,  
lectum

1518 *lectum antea sibi fuisse decretum Clementis, uerum animo suo non satis fuisse factum: nam etsi cautum sit, pontificis Romani decreta non minus quam Petri apostoli uocem esse recipienda, tamen hoc ita debere accipi, modo cum sacris literis conueniat, nec à maiorum decretis aberrant: Petri quidem uocem esse sacrosanctam, sed tamen illū grauius à Paulo reprehensum, neque doctrinam eius receptam fuisse prius, quam ecclesie, quæ tum erat Hierosolymæ, cōsensus interueniret: audiendas omnium esse uoces, uerum ad Christi uocem, qui solus falli non possit, oportere cuncta referri: decretum illud pugnare cum plurimis sacre scripturæ locis, & hanc fuisse causam, cur tunc temporis illud thema in medium adduceret, & postea commentarijs etiam uestire non dubitauerit: ab eo quidem tempore propositum sibi fuisse, non mouere ullam grauiorem super eo disputationem, & aliorum potius audire sententiam: nunc uerò, cisi malit ab alijs erudiri præsertim à pontifice Romano, tamen, quoniam urgeatur necessitate quadam defendendi sua, facturum se periculum, & daturum operam, si qua ratione decretum illud cum suis thematis conciliare possit. Hac usus ad illū præfatione, rem ipsam aggreditur, & facta quadam explicatione, decretum illud, pro se facere demonstrat, uerum ita, ne uel Pontificis, uel etiam ipsius hoc ipso uelit imminutam esse dignitatē. Post ad alterum accusationis caput accedit, & multis adductis ad suum institutum scripturæ locis, fidem esse, quæ coram Deo nos faciat iustos, copiose demonstrat: itaque rogat, ut benigne secum agat & errorem doceat: nam eorum, quæ protulisset è sacris literis, tantam esse uim, ut sua credat niti ueritate, quam deserere non possit, eo quod magis obediendum sit Deo, quam hominibus: illā ergo reuocandi conditionem præduram, sibi remitti petit, et pontificem reconciliari: non arrogantia, non ullius gloriæ cupiditate se in hanc palestram uenisse, nihil etiam optatius euenire sibi posse, quam si ueritas patefiat, & si quid afferatur ab aliquo magis eruditum atque piū: orare se, ne suam ipse conscientiam uulnerare cogatur. Scriptum hoc Caietanus oblatum ab illo suscepit, & ubi legisset, leuiter æstimabat, pollicitus tamē illud mittere ad pontificē, ualde instabat, ut reuocaret: nisi faciat, poenas à pontifice iam constitutas minatur: simul abire, nisi resipiscat, & in posterum à suo colloquio iubet abstinere. Lutherus tertio posthanc*



comminationē die, qui fuit dies Octobris XVII. dat literas ad illum 1518  
 officij plenas & beneuolentiæ. Caietanus enim, obiurgato Luthero,  
 sicut diximus, & à se dimisso, priuatim egerat cum Ioanne Stupicio,  
 familie Augustiniane uicario, ut illum adreuocationem spontaneam  
 impelleret. In ijs ergo literis commemorat Lutherus, quid secum ege-  
 rit Stupicius: nihil uidelicet esse prætermisum ab eo, quod hominem  
 fidelem & amicum præstare deceat. agit gratias pro ipsius erga se be-  
 neuolentia, quàm è Stupicij sermone cognorit, quo quidem ualde sit  
 recreatus, & ita quidem, ut nemini malit quàm ipsi gratificari: fate-  
 tur nimis acrem se fuisse, & parum obseruantem dignitatis pontifi-  
 ciæ, uerùm importunitati quæstorum hoc omne tribuendum esse: pe-  
 tit sibi condonari factum, & maiorem deinceps modestiam pollice-  
 tur, & pro concione quoq; se pontifici posthac satisfacturum confir-  
 mat: ad indulgentias quantū pertinet, nullam se posthac mentionem  
 esse facturum, si modò suis aduersarijs eadem lex feratur, ut autem à  
 se promulgatam & adhuc defensam sententiam reuocet, non se posse  
 cum bona conscientia præstare, quandiu sacræ scripturæ testimonijs  
 non demonstretur error: petit ergo causæ cognitionem ad pontificem  
 deferri, nihil enim sibi fore iucundius, quàm super eiusmodi contro-  
 uersijs audire uocem Ecclesiæ. Cum ad eas literas Caietanus nihil re-  
 sponderet, biduo post, amicorum secutus consilia, præsertim, quia uo-  
 ces ille quasdam minaces emiserat, discedit, relicta quadam appella-  
 tione, quæ post affigeretur palam, & sub tempus abitionis denuo scri-  
 bit ad Caietanum, nihil à se prætermisum officij: peditem, & tenui  
 ualetudine, longissimo confecto itinere, Augustam uenisse, quo suam  
 erga pontificem declararet obseruantiam: nunc autē, quando & pa-  
 rum sit reliquum uiatici, & hospitij suo, Carmelitarum domui nolit  
 diutius esse grauis, rediturum se esse domum. præsertim, cum & ipse  
 conspectum suum non ferat, & colloquio interdixerit: ex amicis plæ-  
 rosq; omnes consuluisse, ut ab ipso prouocet ad pontificem: se quidem  
 hoc sua sponte non fuisse facturum, quod non admodum putet esse ne-  
 cessarium, sed tamen illorum admonitiones non sibi fuisse integrum  
 repudiare, uel ideo cum primis, quod existimet Fridericū quoq; prin-  
 cipem malle prouocationem hanc interponi, quàm temerè quicquam  
 & inconsulto reuocari. Appellatio fuit certis uerbis ad hunc ferē mo-  
 dū:

6518 dum concepta: quæstionem illam de indulgentijs, uariè tractatà à multis, nunquam fuisse certo definitam: in eiusmodi uerò quæstionibus dubijs liberum esse, præsertim theologis, disputare: hoc etiam se fecisse tunc, cum declamatores quidam non temerariè solum & incircumspectè scriberent atq; docerent, uerumetiam miris artibus populum expilarent: et fecisse quidem non affirmandi, sed ueritatis cognoscendæ causa: disceptationem quoq; omnè & doctorum hominum iudicio et Leonis arbitratui permisisse: illos autem excogitasse uarias contra se calumnias, & grauius ad pontificem accusasse, remq; eò deduxisse tandè, ut Asculano & Syluestro Prieritati causa cõmitteretur: ab ijs euocatū se fuisse Romā, sed quòd uterq; suspectus, alter etiā ad eius rei iudicationē minus esset idoneus: deinde, quod de præsentissimo periculo, si Romam uiuisset, nemo quisquam dubitaret, quod etiā à suo magistratu iuberetur manere, his de causis atq; etiā metu omnino tali, qui in constantissimum quemq; cadere possit, se orasse principem Fridericū, efficeret, ut causæ cognitio deferretur in Germania uiris aliquot peritis & idoneis, in loco nō suspecto, nec ad iniuriam opportunum: pontificè igitur legato suo, Cardinali Caietano rem omnem mandasse, quod haud dubiè factū sit aduersariorū suorū impulsu, qui de Caietani mente ac uoluntate compertū haberet. Et quanquam hic ipse non iniuria suspectus uideri poterat, se tamen obtemperasse: illū uerò statim à primo congressu mandasse, ut sua reuocaret: se tum respondisse, facti sui rationē se redditurū uel disputatione præsentī uel scripto, & non academij tantū, sed etiam ecclesiæ Romanæ iudicio uelle rē totam subicere: uerū his omnibus nihil emolliū, mandasse perpetuo reuocationē, & cum extorquere nō posset, cōminatum esse graues pœnas, tum sibi, tū alijs etiam, qui suæ essent sententiæ. Cū ergo talibus præiudicijs ualde se grauari sentiat, eam ob causam, à pontifice Romano minus edocto, quantum quidē ad hoc pertinet, prouocare se ad pontificem rectius edocendū, atq; hoc ita protestari palam. Porro, decretū illud Clementis extat in ea iuris pōtificij parte, quam dicunt Extrauagantē. Ibi Clemens pōtifex, tempus illud, uti uocant, Iubileum, centesimo quoq; anno præfinitū à Bonifacio octauo, rediit ad quinquagesimū, & de Christi seruatoris beneficio locutus, unguttula sanguinis ipsius liberari potuisse genus humanū demonstrat;

Lutherus pro-  
uocat ad  
pontificem.



cum uerò tantam sanguinis copiam profuderit, ut toto corpore nihil esset in eo sani, nihil aspectu miserabilius, omne illud quod superfluum fuit, maximi thesauri loco reliquisse dicit in usum ecclesie, ac diuo Petro, qui sit cœli clauiger, eiusq; deinde successoribus mandasse, ut eum thesaurum in homines uerè pœnitentes atq; peccata sua confessos diffundant, & tanquam œconomi distribuunt, pœnamq; temporale peccatis debitam, eis remittant: huc etiam ait accedere Mariæ uirginis et omnium sanctorum merita, sic, ut inexhausta sit condonandi materies atq; facultas. Ex hoc igitur decreto Caietanus uim indulgentiarum asseuerabat: Lutherus autè Petro & successoribus nihil esse commissum dicebat, præter clauas ac uerbi ministeriũ, quo Christus iubet, fiducia sui, delictorũ annunciari remissionem credentibus: hanc esse ueram & genuinam scripturæ sententiã: quod si decretum Clementis idem sentiat, placere, sin minus, nõ se posse illud approbare: quod præterea dicatur de sanctorum meritis, repugnare totum sacris literis: homines enim, quicunque tandem illi sint, non modo non facere plus, quam oporteat, sed ne illud quidem, quod debet, posse præstare, neq; suis meritis, uerum sola Dei misericordia fieri saluos: nam omnibus orandum esse quotidie, ut debita seu delicta nostra Deus pater nobis condonet, nec in iudicio contra nos consistat, ne cõdemnemur. De pontificis potestate quod Caietanus adfert, sic habet. In concilij Constantiensis quarto & quinto confesso cautum fuit, ut etiam pontifex Romanus obediret synodi decretis. idem deinde sancitum fuit atque repetitum in Basiliensis concilij confesso tertio & duodecimo: sed Eugenius quartus, cum nollet ad Basiliense uenire, quam saepe monitus atque citatus, irritum pronunciauit illud, & alterum indixit Ferrariæ, quo Græcorum etiam Imperator penultimus, Ioannes Paleologus cum Patriarcha Constantinopolitano Iosippo uenit & episcoporum turba. fuit hoc anno salutis, M. CCCC. XXXVIII. Ferraria deinde Florentiam iuerunt omnes, atque ibi de consensu Græcorum fuit inter alia decretum, Ecclesiam Romanam habere principatum, pontificemque Romanum esse Petri principis apostolorum successorem, & uerum Christi uicarium, & totius Ecclesie caput, & Christianorum omnium patrem atq; doctorem, ipsiq; traditam esse à Christo plenam potestatem pascendi

Gerson  
theolo-  
gus Pa-  
risiensis.

et gubernandi uniuersam Ecclesiam. Huic nunc inheret decreto Ca-  
ietanus et pontificem concilij anteponebat. nam et ante annum sextū,  
quo tempore nondum erat Cardinalis, uerum ordinis Dominici  
magister, orationem habuerat in altero confesso Lateranensis concilij,  
de quo postea dicitur, et in Cardinales aliquot, qui secessionem se-  
cerant, multa locutus, Constantiense pariter et Basiliense concilium  
oblique perstrinxerat, quod patres eo tempore ius, et auctoritatem  
in pontificem sibi uendicassent: recte factum igitur ab Eugenio, qui  
factionem illam represserit, neque suam potestatem sit passus imminui.  
Eam orationem, Iulius secundus pontifex, in cuius gratiam ista dice-  
bantur, in acta referri deinde iussit. Caietanus autem Leone pontifi-  
ce, Cardinalatum est consecutus. Gerson, de quo loquitur, theologus  
Parisiensis magni nominis, uaria scripsit: interfuit autem concilio Con-  
stantiensi, et decretum ibi factum, quo caueatur ut pontifex concilio  
subsit, edictis libris ualde celebrat, et dignum esse dicit, quod templis  
omnibus atque locis publicis ad sempiternam memoriam inscribatur:  
nam eos admodum esse perniciosos adulatores, qui tyrannidem hanc  
in Ecclesia inuehant, quasi neque parere debeat concilio pontifex, nec  
ab eo iudicari possit, quasi concilium ab ipso uim omnem atque digni-  
tatem accipiat, quasi conuocari non possit, nisi de ipsius uoluntate,  
quasi nullis legum teneatur uinculis, neque factorum ab eo possit exigi  
ratio: longe nimirum hæc esse repudianda monstra uerborum, quæ  
cum legibus et cum æquitate pugnent ipsaque ratione: penes concilium  
enim esse potestatem omnem Ecclesie, et à pontifice licere ad il-  
lud appellare, et eos qui rogant, utrum pontifex maior sit an Eccle-  
sia, perinde facere, ac si quaerant, num parte sit maius totum: etenim  
et creandi pontificis et iudicandi et loco remouendi facultatem at-  
que ius ad concilium pertinere, ac nuper id demonstratum esse Constan-  
tiæ: cum enim super eo nonnulli dubitare uiderentur, et pontifici plu-  
sculum tribuerent atque deferrent, definitam hanc ibi fuisse quæstio-  
nem prius, quam Ioanni XXIII. magistratus abrogaretur. Hæc et  
id genus alia multa scribit in eam sententiam Gerson: itaque nunc à  
Caietano reijcitur. mortuus est autem anno salutis M. CCCC. XXIX.  
Cæterum, schola Parisiensis idem quod ille, sentit, et immensam illam  
pontificum usurpationem his ueluti cancellis includit, et mensibus

ali-



aliquot antè, quàm Lutherus de indulgentijs aliquid ederet, à Leone 1518  
 decimo prouocauit ad concilium, ob antiquatam legem siue sanctio-  
 nem pragmaticam, quæ literarum studiosis per Galliam admodum  
 est utilis, & ad honores etiam patefacit aditum. Post abitum Luthe-  
 ri, Caietanus dat literas ad Fridericum principem, Octobris die Caieta-  
 XXV. uenisse Lutherum Augustam, sed non prius locutum sibi, nus scri-  
 quàm Cæsaris interuenisset cautio: ualde se mirari, tam exiguam si- bit ad  
 bi fidem haberi: post multam actionem se paterno quodam affectu Frideri-  
 monuisse hominem, ut ad sanitatem rediret: & licet pertinacior es- cum.  
 set, tamen cum Stupicio & alijs quibusdam rationem inijsse conci-  
 liationis, ita quidem, ut et Ecclesiæ Romanæ sua dignitas, & illi suus  
 constaret honos: cùmque iam bona quædam essent eius rei iacta fun-  
 damenta, Stupitium primò, pòst etiam Lutherum abijsse clanculum:  
 quòd omnino sibi præter expectationem acciderit: illum præ se ferre  
 quidem, quasi disputandi & cognoscendi tantum causa rem istam  
 agat, in concionibus autem ad populum asseuerare omnia, quod mi-  
 nimè sit tolerandum, quandoquidem & ab Ecclesia Romana discre-  
 pet eius doctrina, & ualde sit perniciosa. quod certò possit affirma-  
 ri. Monet igitur, ut existimationi suæ consulat & conscientiæ, ut Lu-  
 therum aut Romam mittat, aut è suis finibus eiiciat: fieri non posse,  
 ut negotium hoc tam pestiferum diu consistat: neque dubium esse,  
 quin Romæ sint peracturi iudicium, & se quidem, quod sui sit offi-  
 cij, rem omnem & commissam fraudem nunciassent pontifici: orat, ne  
 fidem illis habeat, qui de Lutheri scriptis uidentur non pessimè sen-  
 tire, nèue maculam istam atque labem honestissimæ familiæ suæ in-  
 urat, quemadmodum sæpe sit pollicitus. Ad eam epistolam, XIX.  
 die Nouembris allatam, Fridericus princeps octaua die Decembris  
 respondet, pollicitum se fuisse, curaturum, ut Augustam Lutherus  
 ueniret: id quoniam factum sit, nihil à se posse præstari magis:  
 ipsum uerò inuicem promississe, fore ut Lutherum amicè dimitteret:  
 nunc uerò, quòd illum indicta causa uoluerit ad reuocationem co-  
 gere, mirum hoc sibi cumprimis uideri: plurimos enim esse, non  
 suæ tantum ditionis, uerum alijs etiam in locis, uiros eruditione  
 & uirtute præstantes, qui doctrinam illius minimè damnant: eos  
 autem qui se illi obiecerint, auaritia fuisse & odio, propter interuer-

sum emolumentum, impulsos: quod si demonstraretur illius error, se, qui & gloriā Dei spectet & consciētiæ suæ consultū esse cupiat, iam pridem sua sponte fuisse facturum in eo Christiani principis officium: prorsus igitur hoc sibi præter opinionē euenisse, quod scribat actionē in illum iri continuatum Romæ: quod etiam à se petat, ut uel Romæ sistatur, uel è finibus exterminetur, id sibi non esse integrum primò, quod illius error nondū sit commonstratus, deinde, quod maxima sit istud futurū academīæ Vuittembergensis, à se constitutæ, tactura, quæ & multis ornata sit doctis atq; studiosis hominibus, & Lutherum, ut hominem de se benè merentem magna complectatur beneuolentia: se quidem illi hanc ipsius epistolam, ut legeret, misisse: illum uerò, quod & antea nō semel sit professus, affirmare, se paratum esse, disputationem in loco non suspecto subire, & aliorum, qui rectius aliquid adferre possint, iudicia pati, uel etiā scripto respondere: sibi certè uideri æquum esse, ut hoc ei concedatur, atq; etiam petere ut ita fiat, quo tandem uideri possit, & quamobrem pro hæretico sit habendus ille, & quid sibi præcipuè sequendū sit: quemadmodū enim sciens & intellegens, nullam errorem approbare, & sicut inuitus admodum ab Ecclesiæ Romanæ obseruantia discedere uelit, ita quoq; se non posse illum, nisi detecto primum errore atq; crimine, damnare. Caietani literas Fridericus ad Lutherū misit, ut paulò suprā dictum est: Lutherus ergò principi statim respondet. quod ad Caietanum, nisi prius impe-trata cautione Cæsaris, non uerit, amicorū id fuisse factum consilio: quæ de indulgentijs deq; fide in sacramentis necessaria scripserit, illū uoluisse reuocari: se quidem de priori non admodum laborare, sed ut alterum diffiteatur, quoniam in eo salutis nostræ summa posita sit, non se posse facere. post demonstrat, à pontificijs loca scripturæ depruari & alio detorqueri: commemorat etiam, quid singulis diebus actum sit, & quomodo Caietanus tandem ad minas deuenerit: ceriè, nihil tam optare se, quàm ut doceatur, quid erret: meliora docenti libenter obtemperaturum: quod si tantū operæ propter se tenuis conditionis hominem illi suscipere recusent, saltem uel ad ipsum principē uel ad Cæsarē, uel aliquē magni nominis episcopū Germaniæ perscribant, aut disputationē liberā alicubi decernant: eos hæc omnia sibi ad huc denegasse: quod si in eo perseueret, facile posse iudicari, suāne an illo=



illorum interueniat culpa: cum igitur ad salutem hortantur et immu-  
 nitatē, nō oportere ipsum his illorū uocibus permoueri: nam annota-  
 re, qui uidebuntur, errores, et scripto cōprehēsos in Germaniam emit-  
 tere, multo illis esse facilius, quā sibi magno sumptu et presenti ui-  
 tæ periculo, Romā, ut de suis erroribus cognoscat, proficisci: quod ille  
 demū iactet, fore, ut in iudicio res peragatur Romæ, nisi uel eo se con-  
 ferat, uel extra fines eiiciatur: nō se recusare exiliū: satis enim sibi con-  
 stare, quā nō possit ullo in loco esse tutus in his aduersariorū insidijs  
 et maleuolentia: futurū quoq; sibi longē grauius, si quidē sui cau-  
 sa quis in periculū incurrat: itaq; ne quid illi moliantur, excessurum  
 se finibus iam & tota regione, quocunq; Deus duxerit: proinde gra-  
 tias agit, & salutem ei precatur, sibi uerō gaudet atq; gratulatur ipse,  
 quod pro nominis Christi gloria Deus aliquid se perferre uoluerit.  
 Posthæc, academia Vuittembergica, nono Calēdas Decembris dat li-  
 teras ad Fridericū principē, ex Luthero se cognouisse de Caietani li-  
 teris, quid & ille petat, & quid ipse inuicem Augustæ detulerit: cū  
 ergo Lutherus et errorē sibi demonstrari cupiat, et sanctæ Ecclesiæ Ro-  
 mænæ sese permittat, orare, det operam, ne quid illi grauius in eū sta-  
 tuant, sed erranti uiam ē sacris literis commonstrent: ipsum quidē de  
 Leonis humanitate benē sperare, sed uereri plurimum, ne trāsuersum  
 rapiant adulatores aduersarij, & Ecclesiæ nomine abutantur. Frideri-  
 cus, etsi pontificijs morē non gerebat, et, ne qua Luthero uis inferre-  
 tur, diligenter cauebat, ut ex ijs quæ cōmemorata sunt, satis apparet,  
 tamen in eū usq; diem, Lutheri nec scriptum legerat ullum, nec audie-  
 rat conciones, ut ipsemet in quadam fatetur epistola, quam Augustæ  
 scripsit ad Raphaelem Riarium cardinalem, à quō fuerat amicē pro-  
 ueteri inter ipsos notitia cōmonefactus, ne Lutheri susciperet patro-  
 ciniū. Interea dum hæc geruntur, Leo defectionem aliquam metuens  
 in hoc rerum statu, quinto Idus Nouembris, nouo quodam edicto san-  
 cit indulgentias, eamq; dicit esse Ecclesiæ Romanæ, quæ magistra sit  
 reliquarum omniū, doctrinam, ut Petri successor, pontifex Romanus,  
 et Christi uicarius, potestatem habeat hoc tantū beneficium largiendi,  
 sic quidem, ut non uiuis tantū, sed & mortuis in purgatorio pro-  
 sint: hanc esse recipiendam omnibus doctrinam, nisi ab Ecclesiæ con-  
 sortio uelint separari. Decretum igitur hoc ad Caietanū mittit, ut o-

Vuittem-  
 bergica  
 schola in  
 tercedit  
 pro Lu-  
 thero ad  
 Frideri-  
 cum du-  
 cem.

1518 mnibus innotesceret: is mandatū secutus, Lincij, quod est ad Danubi-  
um, Austriæ oppidum, librarijs atq; testibus adhibitis, edictum pro-  
mulgat, & in exemplaria multa describi curat, eaq; post mense De-  
cembri per Germaniam mittit episcopis, & nomine Leonis mandat,  
gravi constituta poena, ut e uestigio suis denuncient & religiose com-

Luthe-  
rus pro-  
uocata  
pontifice  
ad concil-  
ium.

mendant atq; præcipiunt. Lutherus, quoniam è Caietani literis acce-  
perat, fore, ut contra se Romæ iudicaretur, nouam interijcit appella-  
tionem, Nouembris die XXVIII. Initio profitetur, nolle se Romani  
pontificis rectè sentientis auctoritatem conuellere, multo minus ab  
Ecclesia dissentire: ueruntamē, quia pōtifex pari sit cum reliquis mor-  
talibus conditione, fieri posse ut erret & delinquat, nec illi hoc esse tri-  
buendum, quasi ipse unus falli non possit aut labi. docet hoc exemplo  
Petri, quem aberrantē in sana doctrina Paulus grauitè & apertè re-  
prehenderit: quod si pontificis tantæ sint opes atq; facultates, ut &  
quiduis imperet, nec ullius mandato cohiberi possit, iam ijs, qui sibi  
uim ab eo fieri putent, unicum superesse remedium, appellationē. po-  
stea commemorat, quomodo Caietani cardinalis nimia coactus aspe-  
ritate, ad pontificem prouocauit, cuius in humanitate præsidium ali-  
quod sibi reliquum esse putaret, cum & æquissimas proponeret con-  
ditiones, et omnia se facturum profiteretur, errore sublato: iam uero,  
postquam hac appellatione contempta, reiectis etiam conditionibus,  
nihil opis aut salutis à pontifice sperandum esse uideat ex Caietani li-  
teris ad Fridericum principem datis, adductum extrema necessitate  
prouocare se à pontifice ad futurum concilium, quod illi sit modus o-

Leo mit-  
tit Milti-  
tium ad  
Frideri-  
cum du-  
cem.

mnibus præferendum. Posthæc, Leo Carolum Miltitium, de quo su-  
præ diximus, in Germaniā mittit, et Fridericū aurea rosa donat, quæ  
multis cum ceremonijs atque pompa solet quotannis à pontifice &  
consecrari, & singularis beneuolentiæ causa cuiuspiam donari. Datis  
etiam literis ad Degenartum Pheffingerum, ex Friderici consiliarijs,  
uirum nobilem, rogat, ut in ijs, quæ suo nomine sit acturus cum Fride-  
rico Miltitius, bonam operam nauet, ut Lutherus, Sathana filius co-  
herceatur, & ne qua labe Saxonica domus, honestissima semper ha-  
bita, & religionis admodum obseruans, contaminetur. In eandem  
quoq; sententiam scribit Georgio Spalatino. quòque magis persua-  
deat, ait se totum in hoc esse, ut noxias herbas ex agro Christi reuellat



et extirpet. Ad eundē ferē modum procancellarius etiam illius, ad De-  
 genartum scribens, orat, ut Fridericū ad maiorem imitationem horte-  
 tur, ne quid illorū memoria committat indignum. Militius in Saxo-  
 niam ubi uenit, exhibita rosa, negotiū sibi cōmissum strenuē agebat:  
 eo cognito, Lutherus, Martij die tertia dat literas ad pontificem, ual-  
 de quidem demissas, grauitier se delatum ad principem Fridericū qua-  
 si proteruius in Ecclesiam Romanam egerit: non mediocriter autem  
 eo se commoueri: nam ipsius ab se alienationem animi, ualde sibi gra-  
 uem esse, neq; tamen interim apparere, quid, aut qua ratione sit agen-  
 dum: urgeri se perpetuō, ut sua reuocet: quod si ex usu & dignitate  
 Ecclesie Romanæ possit aliquid hac ratione confici, non se recusatu-  
 rum, sed esse complures in Germania præstanti ingenio & eruditione  
 uiros, qui de tota controuersia rectē iudicare possint: itaq; fore, ut, es-  
 tiam si reuocet, hoc ipsum tamen ad Ecclesie Romanæ dedecus atq;  
 detrimentum magis quā ad dignitatem pertineat: iniuriam enim se  
 nullam ipsi fecisse, uerum quæstores illos atq; declamatores potius,  
 qui auaritia ducti, foeda quædam & ignominiosa dixerint ad popu-  
 lum: ab ijs delatum se grauitier & accusatum esse præter omne suum  
 meritum: se quidem erga Romanam Ecclesiā & ipsum quoq; sic ef-  
 se affectum, ut nihil in eam moliri cogitet: tantam enim eius Ecclesie  
 potestatem esse, ut præter unum Christum in rebus humanis, nihil ea  
 sit excellentius: orare, ne suis aduersarijs fidem habeat: de indulgen-  
 tijs nullam se posthac mentionem esse facturum, modò suis inimicis  
 inuicem mandetur silentium: pro cōctione quoq; se uelle cōmone-  
 cere populum, ut de Ecclesia Romana pie sentiant & honorifice, nec  
 alienam temeritatem aut auaritiam huic ascribant, nèue suum imi-  
 tentur exemplum, qui quodammodo coactus ab aduersarijs, parum  
 reuerenter illam atq; dignè tractarit: breuiter, omnia se facturum pa-  
 cis causa: hoc unum modò spectasse in omni actione, ne qua labe Ec-  
 clesie Romanæ per alienam improbitatem aspergeretur, nèue popu-  
 lus impia doctrina falleretur: hanc sollicitudinem atque diligentiam  
 non posse in ullam adduci reprehensionem: de rebus medijs & non  
 necessarijs nihil se magnopere laborare modò in animis hominū nul-  
 lus resideat error aut persuasio falsa. Prius quā Militius in Germa-  
 niā uenit, Maximilianus Caesar è uita migravit in Austria, die xij. Ia-

1519  
 Luther-  
 us scri-  
 bit ad Le-  
 onem x.

Maximi-  
 lianus

1518  
Cæsar  
moritur.

Gallie  
rex dux  
Medio-  
lani.

Heluetio-  
rum li-  
ce ad ele-  
ctores.

nuarij. Erant tñ electores, Albertus Mogūtinus, Hermānus Coloniē-  
sis, Richardus Treuericus, archiepiscopi: Ludouicus Palatinus, Fri-  
dericus Saxonie dux, Ioachimus Brādeburgicus Marchio: Bohemie  
principatū obtinebat Ludouicus Vngariæ rex. Hi pro consuetudine  
Imperij à Moguntino cōuocati, Iunio mense, Francofurti, quod est ad  
Moenū flumen, oppidū, conueniunt: Bohemie rex legatū eò misit La-  
dislaum Sternebergū. Initiū sermonis facit Moguntinus, et de magni-  
tudine rei multa locutus, ad concordiā eos hortatur, & multis in me-  
diū adductis exēplis, quantum malorū inuexerit in Germaniā, patrū  
memoria, electorū dissensio, demonstrat: ut autē nunc omnes idē ue-  
lint atq; sentiant, tanto magis requiri, quò grauius à Turca periculū  
immineat & ab alijs, qui Germaniæ diuulsionē quærunt. Ambiebant  
Imperij dignitatē duo, Carolus Austriacus, qui ante annū tertium, Hi-  
spaniæ regi Ferdinando, auo materno successerat, & Franciscus Gal-  
liæ rex, qui ante annū quartum deuictis Heluetijs ad Marignanū Me-  
diolanensem principatū tenebat. Et Caroli quidē legati sub hoc tem-  
pus Moguntiam usq; uenerunt, quò Francosurto quinq; milliaribus  
abest: Gallici uerò Confluētiæ substiterūt, quod est archiepiscopi Tre-  
uirenſis oppidū, ad Rheni & Moselle confluentē: utriq; per literas et  
internuncios principē quiq; suum electoribus cōmendant, et quæcum-  
que possunt adhibent argumenta, quibus persuadeant: Galli cum pri-  
mis, qui suam causam non tam esse gratiosam faciliē intelligebant, eò  
quod lingua, moribus, institutis à Germania differrent. Superatis Hel-  
uetijs, ut dixi, Gallie rex insubriā tenebat: sed quòd ad sui regni salutē  
propē necessariā esse duceret Heluetiorū amicitia, magnis iacturis &  
pollicitationibus eam anno sequenti redemit. Nunc ergò cum in hunc  
casum res deuenisset, à morte Maximiliani, missis ad ipsos legatis,  
quamobrem cupiat designari Cæsar, exponit, ac simul petit, ut suam  
causam apud electores adiuuēt. Illi, quo tempore amicitia cum eo pe-  
pigissent, Ecclesiā Romanam et Imperiū sese dicūt excepisse: ad Im-  
perij uerò maiestatem pertinere, ut sint electorū liberrima suffragia: nō  
ergò sibi licere, libertatē hanc ulla significatione suæ uoluntatis impe-  
dire. Sic dimissis legatis, dant literas ad septēuiros, et quid ille cupiat,  
quid etiā ipsi responderint, exponunt, & ne rationē eius habeant, sed  
Germanum aliquē principem eligant, hortantur, & de sua uoluntate

pro-



prolixè pollicentur. Sed et Leoni decimo scribunt, et quoniā sit ipsius inaugurare & confirmare designatū Caesarē, petunt, eò totus incum-  
bat, ne munus hoc ad externū aliquē principem deferatur. Ad hæc il-  
le audire se, quendam ad hūc honorē aspirare, cui per leges nō liceat:  
nā reges Neapolitanos esse pontificis Rom. beneficiarios, et fide da-  
ta iam olim sic esse pactū, ne Romanū Imperium appetant, sed ut al-  
terutro sint contenti: huius etiam rei se cōmonefuisse iam principes  
electores. Hac oratione designabat Carolū Austriacū: post deuictos e-  
nim Heluetios ab rege, quod fuit anno salutis humane M. D. XV. Idib. Septēb. et abductū in Galliam Maximilianū Sfortiam principē  
Leo pontifex, fortunam secutus, Decemb. mēse Bononiam uenerat, et  
ibi cū Francisco rege uictore diu multumq; collocutus amicitiam fir-  
mauerat: & hæc quidē causa fuit inter alias, quamobrē in ipsius par-  
tes magis iam inclinaret. Quod autē de regno Neapolitano dicit, sic  
habet. Cū Manfredus, Friderici secūdi Caesaris filius notus, Eccle-  
siam Romanam uexaret armis, Clemēs iij. pōtifex, qui præsuit anno  
salutis M. CCC. LXV. ut illū reprimeret, fecit id, quod eius antecessor  
Urbanus iij. erat factururus, uti quidē memoriæ proditū est, & Ca-  
rolū provincie Gallie ac Andegauie comitē, cū in Italiam uocatus  
uenisset, Siciliæ regē atq; Neapolis pronūciat, ea cōditione tamē, pri-  
mum, ut accepti beneficij nomine, quotannis Ecclesiæ Romanæ per-  
soluat aureorū millia xl. deinde, ne Romani Imperij dignitatem ullo  
tempore uel ambiat, uel oblatam ultro suscipiat. Vbi uentū est ad de-  
liberationē, Moguntinus, cōmunicato prius consilio separatim cum  
Saxonie duce Friderico, cuius erat authoritas permagna, rē inchoat,  
& de tribus omnino sententijs ait esse quæstionē, an Gallie rex Fran-  
ciscus, an Hispanorū rex, Carolus, an uerō Germanus quispiam sit eli-  
gendus. Ad Gallum quod attinet, legibus, inquit, nostris & iureiuran-  
do nos arbitror impediri, quibus cautū est, ne decus hoc imperij trans-  
fratur adexteros: quin autem peregrinus ille sit princeps, nulli du-  
bium esse puto. Deinde, etiamsi natio non impediret, tamen è Re-  
publica non est, quia fines ac ditionem suam Gallus amplificare uo-  
let, & Carolo, quem odit, bellum faciet: imò, iam illud denunciauit:  
itaq; fiet, ut Germania maximis motibus implicetur, nos autem pro-  
uidere decet, ne ciuile bellum excitemus. Ad Caroli ditionem pertinet

1519

Heluetij  
deuicti à  
rege Gal-  
liarum.

Regnum  
Neapoli-  
tanū ue-  
ctigale  
Ecclesiæ  
Rom.

Delibera-  
tio de no-  
ui Impe-  
ratoris  
electio-  
ne.

Austria: si Gallus hanc oppugnet, ut omnino faciet, an eam prostitue-  
mus? itane de nobis & Imperio meritis est Maximilianus Caesar? Il-  
lis autē regionibus oppressis, an incolumē diu nobis libertatē nostrā  
fore putatis? Mediolanē sem agrū suis finibus nuper adiecit: idē in Ger-  
mania conabitur. Magnificis autē illorū promissis minime nos oportet  
cōmoueri: nam cupiditas et ambitio plerunq; rapit homines trās-  
uersos, ut ab officio discedant. Multi fuerunt olim in Gallia uiri prin-  
cipes: nūc autē in augustum redactus est eorū numerus: nam rex pro-  
pē solus omnia tenet: animi fortitudinē ei tribuunt: sed ad monarchiā  
illa spectat: nobis autem inprimis est aristocratia retinenda. De bello  
Turcis inferendo grandia pollicentur: optabile quidē istud esset, ac in-  
primis omnium maximē salutare: neq; nescio, quanti sit momēti, Ger-  
maniae cum Gallijs & Italia facta coniunctio: uerum ille potentiam  
atq; uires omnium primò uolet in Caroli prouincias experiri: tenta-  
bit Belgium, aggredietur Neapolim, eamq; uelut sibi debitam et hæ-  
reditariā recuperare uolet. quid? an ut ista faciat, nos illū armabimus?  
Nec est, quod de rebus incertis atq; dubijs uaticinari me quis dicat: iā  
enim exercitū ille conscribit. Quoniam igitur et lege & iureiurando  
& charitate cōmunis patriæ impedimur, equidem profiteor & cen-  
seo, minimē illum esse creandū. Nunc ad reliquas partes ueniam: ut ne  
Carolus eligatur, moueri nonnullos ē uobis puto, quod à nostris fini-  
bus remota sit Hispania, quodq; per illius absentiam non commode  
sit habitura Germania, uel propter bellum Turcicum, uel ciuiles e-  
tiam dissensiones. Ego sanē, non solum ista fateor, sed dum attentius  
cogito, moueor etiam & propē inhorresco: nam & hoc mihi uenit in  
mentem: si quando Caesar iratus ueniat in Germaniam, & Hispanos  
adducat, libertati nostræ magnam fore periculum: cogito etiam posse  
fieri, ut Imperij dignitatem hanc uix agrē nobis aliquando resti-  
tuant Hispani, & si uirtute uiribūque suis Mediolanum recupe-  
rent, futurum, ut sibi retineant. Itaq; propē satius esse uidetur, nostræ  
gentis aliquē creari, qui sit idoneus, exemplo maiorū, qui sepe, pre-  
teritis externis, contenti fuerunt indigenis. Non equilem istud negare  
uelim, sed alius tunc erat temporum status, & atq; multo scelictior.  
Nunc uerò, si quis erit Caesar infirmior, an, qui sint ditionis Caroli,  
Belgas & Austriacos, dicto fore putatis audientes? Quod si Gallus  
etiam



etiam arma sumet in Carolum, ut omnino facturus est, uel in Belgio, 1519  
 uel Italia, num ociosus erit spectator, num patietur nouus hic noster  
 Cæsar, ut Imperij bonam partem exteræ nationes diripiât? Imò, quæ  
 nunc sunt tempora, credibile est, fore, ut Imperatore suo contempto,  
 Germaniæ principes, alij se coniungant Austriacis, alij Gallis. Fride-  
 rico tertio, Cæsare, Carolus Burgundiæ dux, per Germaniam, Philip-  
 pus autem Maria, dux Mediolani, per Italiam bellum circumtulit, im-  
 punè quidem, sed nobis id certè dedecori fuit: illud etiam turpius, in  
 Austria circumsessum Cæsarem, imò finibus tunc fuisse pulsum ab Vi-  
 garis. Et tamen eo tempore Cæsari fuerunt coniuncti Bohemi: meus  
 etiam auus Albertus Brandenburgicus & Saxonie dux eiusdem nomi-  
 nis. Id si tùm accidit, quid hodie sit expectandū, uidetis, quum stipen-  
 dijs erunt alij principes alijs addicti. Mitto, quàm multæ possint inci-  
 dere causæ, quamobrem obedientiam præstare principes atque ciui-  
 tates recusent. Nunc etiam de religione uidetur imminere grauißimi  
 motus. Etenim, de indulgentijs, de potestate pontificis, de legibus Ec-  
 clesiasticis natæ sunt disputationes, quæ nunc quidem sanabiles ad-  
 huc uidentur, sed paulo post magnam secū trahent ruinam, & Eccle-  
 siæ mutationem: nam & plerique subscribunt, & fortissimæ gentes  
 causam hanc agunt, Saxones ac Heluetij: neq; sanari malum istud po-  
 terit, nisi per conciliū: imbecillior autem Cæsar, quomodo concilium  
 uel coget uel etiam defendet, maximè, si cæteri reges aduersentur? Su-  
 perest quoque Turcicum bellum, quod nobis planè non modò defen-  
 dendum, sed inferendum est etiam, ut amissa recuperemus, & Græ-  
 ciam inprimis libertati restituamus: hoc autem ut fiat, opus est multa-  
 rum nationum copijs: eas uerò Cæsar, si potentie parum & authori-  
 tatis habeat, quomodo comparabit? His ergo de causis præpotentem  
 aliquem creandum, & Carolum Austriacum cæteris Germaniæ prin-  
 cipibus antefèrendum esse duco, & si quæ sunt incommoda, quæ de-  
 terrere possint, ea longè esse puto illis minora, quæ sunt nascitura, si  
 quidem ad alium quempiam rei summa deferatur: nam & origine est  
 Germanus, & multas obtinet prouincias, Imperij beneficio, neque  
 communem patriam aliqua uolet opprimi seruitute, et de non trans-  
 ferendo Imperio, uel imminuendo iure ac libertate nostra, fidem no-  
 bis dabit per iusiurandum. Magnæ sunt nimirum, quas dixi, causæ,

uerumtamen, nec illæ me permouerent, nisi de ipsius indole comper-  
tum esset: nam & religionem & iusticiam & pudicitiam amat, & se-  
uitiam omnem odit, & ingenio certè ualeat. hæc scilicet uirtutes illum  
officij perpetuò cōmonefacient, ut rempublicam curet. Qui familia-  
riter norunt, ualde prædicant: & si patrem eius Philippum, si auum  
Maximilianum consideremus, dubitare non possumus. Aetate qui-  
dem est non magna, sed tamen idonea nunc & matura rebus geren-  
dis: utetur etiam aui sui cōsiliarijs, & Germaniæ principibus aliquot  
delectis, Dixi quidem antea, permagnum in eo fore incommodum,  
si quidem à Germania diutius illum abesse contingat: sed eade re cer-  
tis legibus cum ipso transigetur: deinde, quoniam & ipse per amplas  
habet in Germania regiones, fieri non potest, quin eas aliquando re-  
uisat. Turca pellendus erit à Pannonijs, ab Italia uerò, Galli: consti-  
tuenda erit & emēdanda Ecclesia, multis etiam alijs auxilia ferenda:  
quæ dum cogito, minus eò moueor quod propter eius absentiam me-  
tuendum esse uidetur: nam & insitus animi uigor, et patriæ charitas,  
& ipsa rerum necessitas, eum, ut subinde ad nos redeat, exuscitabunt.  
Vbi dicendi finem Moguntinus fecit, hortatus, ut singuli dicerēt: col-  
legæ, paucis collocuti, Treuirensē monent, ut succedat: nam huius  
erat celebre nomen propter singularem industriam usumque rerum.  
præfatus igitur nōnulla de quodam uate, qui Maximilianum dixerat  
ultimum fore Cæsarem Germanum, nunc, inquit, eò mihi res prope-  
modum spectare uidetur, quandoquidem Moguntinus, qui sanè pru-  
denter multa dixit, omninò suadet, ut ad externum deferatur Imperij  
summa. sed ualde miror, cur Gallo præferat Hispanum? Certè dolet  
mihi Germaniæ conditio: quod si maiorum insisteremus uestigijs, ni-  
hil opus erat alieno præsidio: nunc autem, quando peregrinos euoca-  
mus, quid aliud quàm seruitutem nobis comparamus ipsi? uerum hac  
omissa querela, quem Moguntinus, eundem & ego sequar ordinem,  
deq; lege & iureiurando primū dicam. Legis autem illius hanc o-  
pinor esse causam atq; fundamentum, ne, si quis eligeretur externus,  
& qui domicilium non habeat in Germania fixum, Imperij decus  
hoc sensim ad alienigenas transferretur. Si quidem hæc est mens atq;  
sensus eius legis, nō magis eligi potest Hispanus, quàm Gallus. Iam ue-  
rò, si Carolus, quoniam habet ditionis Imperij provincias, ideò creari  
potest,



potest, necesse est, ut idem in Francisco ualeat, qui & Insubriam & 1519  
 Arelatense regnum obtinet, quæ sunt reipublicæ nostræ partes. Duo=  
 bus ergo propositis, uideamus, utrum sit præstabilius. Sanè, quo tem=  
 pore Gallia fuit coniuncta Germaniæ, quòd fuit Franconū etate, flo=  
 rentissimum extitit hoc nostrum Imperium: & quidem eius tempo=  
 ris recordatio non mediocriter me delectat, quoties in historiarum le=  
 ctionem & res anteaetas incido. Nunc autem planè cõsimilis est obla=  
 ta nobis occasio, quæ certè minimè prætermittenda uidetur. sentiunt  
 idem extere quoque gentes, pontifex Romanus, Veneti, principes  
 omnes atque ciuitates Italiæ. Gallica nimirum gens & origine no=  
 bis est coniuncta, & iisdem propè legibus utitur atque moribus, &  
 amorem omnem atque beneuolentiam nostris hominibus præstat: de=  
 inde, propter uicinitatem ualde nobis est ac Italis opportuna. Si quis  
 orietur tumultus, erunt ilico parati exercitus, ad quos alendos Gal=  
 lia subministrabit pecuniam: & si uel Pannoniam uel Italiam inua=  
 det Turca, sicut planè facturū arbitror, pacata nunc uidelicet Asia,  
 nõnne erit optatissimum habere tam propinquum & florentem Im=  
 peratorem, utriusque nationis uiribus instructum? Hispani uerò, licet  
 prædicentur bellicosi, quid tamen unquam præclare gesserunt in Ita=  
 lia, sine Germanorū auxilijs? Adhæc, quia longissimè à nobis absunt,  
 non est quod ullum ab eis auxilium in tempore expectemus: quòd e=  
 tiamsi uelint, tamen non multum nobis poterunt commodare: nam  
 quia nauigationibus perpetuis exhauritur Hispania, non potest ullas  
 maiores emittere domo copias. huc accedit, quòd Gallos habebimus  
 commilitones & laborum omnium socios: Hispani uerò, si quid rectè  
 gestum erit, omnem ad se gloriam traducent, & uictorijs nostris fru=  
 entur, & prouincijs ipsi præerunt. Tunc demum seruitutem nostram  
 serò deplorabimus: uerum hac omissa collatione, ueniam ad electio=  
 nem. Si Galliæ rex assumetur, nõ erit ulla per Italiam belli causa: nam  
 Mediolanum iam antè tenet: ne quid autem Neapoli moliatur, nos ei  
 suafores erimus, & planè quidem persuadebimus: idem est factururus  
 de Belgio, modò & illi quiescant. Cur autem ad nos magnopere Bel=  
 gium pertinere putemus: non uideo: sunt quidem nobis uicini, multo  
 iam tempore, sed societatem nobiscum aut foedus nullum habent, nec  
 Imperij leges ad se quicquam pertinere ducunt, nec ad publicos usus

quicq

quicquam contribuunt, non magis quàm Britanni uel Scoti: Cùm ergo maxima sit Galliæ regis potētia, cùm Insubriam habeat pacatam, cùm sit à rebus omnibus paratissimus, multò suscipiet ampliora, magisq; gloriosa, bellum uidelicet in Turcam geret, & omneis eò uires conuertet, ut à Pannoniæ finibus & Italiæ pulso uastatore, tutam efficiat Germaniam. Si uerò Carolum ei præferemus, Deum immortalē, quantos excitabimus in Italia motus? uolet ille recuperare Mediolanum, & erit bellum diuturnum, & interea dum sic conflictabitur omnium pulcherrima prouincia, Turcæ uires omneis in Vngariam expedient. his obsecro quis resistet? quis iustum opponet exercitum? hæc sanè consideranda sunt paulò diligentius, neq; leuiter prætereunda. Iam, Italici belli qui sit futurus exitus, incertum est. Galus quidem uictor, Neapolim affectabit, & fieri potest, ut pontifex, illius impulsu, nostram electionem rescindat: ex eo quanti sint orituri motus, nemo non intelligit. Contrà, si Carolus rerum potiat, non est, quod Italiam nobis redditum iri putemus. occupatam perpetuò sibi retinebunt Hispani: nec id modò, sed nec Imperium quidem hoc nostrū è manibus faciliè dimittent. Vt Neapolim sibi seruarent, in cuius possessionem quomodo uenerint, satis notum est, quid non pertulerunt? In Italiam igitur nequaquam sunt euocandi. Nunc de utroq; rege nonnulla dicam. placido & modesto ingenio Carolum esse, non dubito: sic enim à multis prædicatur, sed cùm ætate sit adolescens, quomodo potest de illis uirtutibus, quæ in summo principe requiruntur, iudicium in eo fieri? Talem respublica desiderat, qui præter alia constituat & emendet Ecclesiæ statum, quod Moguntinus etiam prudenter admonuit. hoc sanè Franciscus rex omnium rectissime poterit præstare: nam & ingenio ualet & iudicio, & de religione subinde cum doctis hominibus conferre solet, & legit ipse multorum scripta. deinde, præsens temporum status principem requirit atq; ducem, rei militaris peritum, diligentem, fortunatum. Cedo, quis hac in parte palmam eripiet Francisco? iam eius cognita est & explorata uirtus: de Carolo nihil habemus comperti, nisi quòd indoles aliquid promittit: ille uerò suos maiores omnes rerum gestarū magnitudine uincit: Heluetios enim, fortissimam, et inde à C. Cæsaris ætate propè inuictam gentē, prælio nuper superauit: non est igitur tanto duci præ-

fren=



ferendus adolescens. Moguntinus incommodum quidem esse dicit, si 1 5 1 9  
quidem Carolus à Germania diutius absit, sed tamen ocioso nos ani-  
mo hic esse iubet: ego autem summi rem esse periculi puto, Cæsarem  
extra fines Imperij longinquius abesse: quis enim Turcarū impetus,  
quis repentinos tumultus, quis offensiones atq; motus cjuiles coherce-  
bit? orta tēpestas, quis nauim gubernatore destitutam seruabit? Ab-  
sens nihil propè certi de rebus nostratibus cognoscet: falsò multa de-  
ferentur ad ipsum: habebit in concilio non Germanos, sed Hispanos  
tantum: edicta subinde faciet & ad nos transmittet tēpore alienissi-  
mo. Postea, si calumnijs et criminationibus aliquorū irritatus, in Ger-  
maniam aliquādo uenerit, adducto milite peregrino, qualē huius Im-  
perij fortunam fore putatis? Quapropter, si uobis ita uidetur, & si fa-  
ta uolūt, ut in hoc tēpore diadema nostrum capiti suo rex alienigena  
superimponat, equidē Gallū censeo præponendū Hispano: si uerò lex  
prohibet creare Gallum, ualeat eadē in Hispano, neq; subtili quadam  
interpretatione Carolū pro Germano ducamus, uerū aliquem ex  
omni principum numero circumspiciamus, qui nullum habeat nisi in  
Germania domicilium, qui sit origine, moribus, ingenio, lingua, Ger-  
manus. Incommoda multa Moguntinus in contrarium adduxit, &  
propter infirmitatem tenuemq; fortunam, contemptibilem fore pu-  
tat eiusmodi Cæsarem: atqui si deligamus idoneum, satis habet Ger-  
mania neruorum atque potentia, qua sustineat hoc onus. Qui fuit un-  
decimus ante Maximilianum, Cæsar, Rudolfus, non magnū quidem  
attulit robur, sed uirtute præstabat, & quod pertenuē tunc erat, mul-  
tisq; bellis afflictum Imperium, ita restituit, ut uicinis regibus metum  
adferret. Quā præclarè senserint etiam exteri principes, ac in his  
Ludouicus xij Gallia rex, de Maximiliano Cæsare, solum propter  
ingenium atq; uirtutem, non ignotum uobis esse puto: nimirum fuit  
semper illustre Germaniæ principum nomen & fama celebris: ea  
nondum est extincta, sed uiget incolumis, & sunt inter alias, Germa-  
niæ tres hodie præcipuæ familiæ, Bauarica, Saxonica, Brandeburgi-  
ca: sunt in ijs etiam nonnulli præstantes uiri. Si quem igitur ex illis  
rerū summæ præficiemus, & nostris copijs adiuuabimus, ut certè de-  
bemus, non est quòd externos metuamus: modò idem sentiamus et ue-  
limus omnes, in tuto res erit, omīssis ergo peregrinis, è medio nostro-

1519. rum hominum cœtu quempiam deligamus: non deerit successus, & sunt testimonia multa domestica nostrorum uirtutis: ex ijs unum recitabo. Pannoniæ rex Mathias, bellator potens ac fortunatus, bellum aliquândo parenti tuo, Friderice, denunciavit: sed cùm exercitum sibi iustum opponi uideret, impetum & ardorem omnem facile remisit. Sic etiam nunc rationem inueniri posse puto, quemadmodum nostræ gentis Cæsar aliquis designatus, & domi retineat & foris authoritatem. Tertio loco uerba facit Saxonie dux, Fridericus, & ubi Gallum excludi lege, Carolum uerò Germanum esse principem, inque Germania domicilium habere demonstrasset, opus esse rei publicæ aliquo præpotente dicebat: sed qui cum Carolo sit conferendus, neminem se talem nouisse: placere ergò sibi, ut is renunciatur Cæsar, ueruntamen certis legibus, ut & Germaniæ sua libertas constet, & ea, de quibus facta sit mentio, pericula uitentur. Hanc demùm sententiam ubi reliqui comprobassent, Treuericus, Germaniæ fatum, inquit, & iam impendentem agnosco mutationem: sed tamen, quia uobis ita uisum est, à uestro iudicio uoluntatem meam non remouebo. Fuit hoc Iunij die xxviii. Iam multa nox erat, itaque disceditur & postridie rursus conuenitur. Ibi cœptum est agi, cuiusmodi conditiones Carolo sint ferendæ: disceptata res fuit per aliquot dies: ubi demùm conuenisset, perscriptæ leges Moguntiam ad Caroli legatos mittuntur: cùm eas illi recepissent, in literas referuntur singulorum suffragia, sicut fieri consuevit, & obsignantur. Ad Fridericum Saxonem pridie fuerat delatū Imperium, sed is ingenti animo recusabat, & suo suffragio Carolum, sicut diximus, designabat, & oblatam eo nomine magnam pecuniæ uim à legatis Caroli reiecit, & suis, ne uel teruntium acciperent, mandabat. Conuocata deinde nobilitate ac omni multitudine, Moguntinus in æde diui Bartholomæi, pro concione, Carolum, Austriæ principem & regem Hispaniarum, in demortui locum Maximiliani, Romanorum regem declarat, & quod tanta consensione sit electus, Deo gratias agendas esse dicit, & ut illi fidem omnem ac officium præstent, hortatur, & in ipsius laudationem digressus, quamobrem ex omnibus unum hunc elegerint, demonstrat. Eam orationem subsequutus est multitudinis & ordinum applausus & admurmuratio. Post hæc, legati, qui iam propius accesserant, & uno solum aberant milliari,

Carolus  
Austriæ  
creatus  
Cæsar.

Legati  
Caroli  
Franco-  
furtum  
ueniunt.



militari, uocantur. Hi erant, *Mattheus cardinalis Salisburgensis*, *E=* 1519  
*rardus episcopus Leodinus*, *Bernardus episcopus Tridentinus*, *Fride-*  
*ricus Palatinus*, *Casimirus Brandeburgicus*, *Henricus comes Nass-*  
*uius*, *Maximilianus Sibeurgius* & alij quidam consiliarij: cum ue=  
 nissent, habita communi deliberatione de republica interim admini=  
 stranda, dum *Carolus* in Germaniā ueniat, *Casimiro* principi nego=  
 tium datur, ut conductis copijs ac suo loco dispositis, provideat, ne  
 quid accadat incommodi. postea, datis ad *Carolum* literis, electores, et  
 missa legatione, rem omnem denunciant: legationis erat princeps, *Fri-*  
*dericus Palatinus*: uerū interea nonnulli priuatim in Hispaniam con=  
 tendunt eius rei nunciij, quos inter unus *Francosurto* dicitur nono die  
*Barchinonem* uenisse. *Palatinus* ad exitum Nouembris appulit, &  
 septemuirorum literas reddit: Earum hæc erat summa. ut delatum  
 Imperium accipiat, & omni postposita mora, quamprimum in Ger=  
 maniam accedat. *Carolus* per *Mercurinum Cattinarium* liberaliter  
 respondet. ac licet grauissimi uideantur impendere motus, hinc à *Gal-*  
*lis*, illinc à *Turcis*, tamen non se posse dicit neque uelle deesse commu=  
 ni patriæ, præsertim, cum tanti principes tale de se iudicium fece=  
 rint, & hoc ab se requirant: itaque delatum honorem atque munus  
 habere gratum, & primo quoquo tempore uela facturum, ut ad Im=  
 perij fines perueniat. In eadem propè uerba rescribit electoribus, at=  
 que ita *Fridericum* honorifice donatum ab se dimittit. Sic ergo factus  
 est *Cæsar*. eius nominis quintus, undeuiginti natus annos. Repulsum  
*Galliæ* rex eò grauius tulit, quo maius impendere suis rebus pericu=  
 lum ab illo sciebat: nam cuius alij dignitatem hanc deferri malebat  
 quam *Carolo*, cuius & iam antè suspectam habebat, & hac ratione  
 mirabiliter augeri uidebat atq; confirmari potentiam. Auri uim ma=  
 ximam, ut sui haberetur ratio, profuderat: idem à *Belgis* quoque fa=  
 ctum esse dicitur, sed nihil hic affirmare possum. *Caroli* uerò proge=  
 niem paulò repetemus altius. *Galliæ* rex, *Carolus* quintus, cognomen=  
 to prudens, fratri suo natu minimo *Philippo*, *Burgundiæ* prin=  
 cipatum ad se delatum dedit. *Philippus* uxorem postea duxit *Lu-*  
*donici Flandriæ Comitis* filiam unicam, *Margaritam*, ex eaque fi=  
 lium procreauit *Ioannem*: huic natus est *Philippus*: fuit hic *Caroli* pa=  
 ter, bellatoris, qui casus ante *Nanceiū*, filiam reliquit, amplissimarū  
 regio=

*Frideri-*  
*cus Pala-*  
*tinus*  
 mittitur  
 in Hispa=  
 niam.

*Caroli*  
 proge=  
 nies.

1519 regionum heredem, Mariam: ea demum nupsit Friderici tertij Cæsaris filio Maximiliano, & Philippum edidit. Is in matrimonium duxit Ioannam, Ferdinandi Hispaniæ regis filiam, ex eaque suscepit Carolum ac Ferdinandum. Grauida Ioanna Flandriam petijt, & Gandavi Carolum peperit, anno salutis M. D. Februarij die xxiiij. Hic aliquid est per occasionem addendum de Ferdinando, Cæsaris auo materno: is erat Arragoniæ rex atque Siciliæ, & in matrimonio habuit Elisabetham, Ioannis secundi, regis Hispaniarum filiam, heredem, post etiam adeptus regnum Neapolitanum: liberos autem ex ea genuit Ioannē, Isabelam, Ioannam, Mariam, Catharinam: Ioanne mortuo & Isabela sine liberis, totius regni successio, legibus patrijs uenit ad Ioannam natu proximam sororem. hac ratione, quicquid habuit Burgundiæ dux, longè certè potentissimus, quicquid Hispaniæ rex Ferdinandus, id uniuersum ad Carolum Ioannæ filium peruenit: nam Austriacæ domus possessiones, in hereditatis diuisione, Ferdinando cesserunt. Itaq; multis à sæculis potentiores nullum habuit Germania Cæsarem. Patrem Carolus amisit sex annorum puer, auum uerò Ferdinandum, xvi. annorum adolescens, ab eiusq; morte profectus in Hispanias, ibi permansit, donec Cæsar creatus, Germaniam peteret, ut infra dicitur. Et quoniam ad hunc locum peruenimus, non erit alienum de modo creandi Cæsaris quædam explicare. Carolus Boemiæ rex, Cæsar, eius nominis quartus, anno salutis M. CCC. LVI. legem hac de re tulit, bullam auream uulgo nominant: eius legis hæc inter alia sunt capita. ut mortuo Cæsare, archiepiscopus Moguntinus, ubi primùm resciiuit, cæteris electoribus ilicò denunciaret & diem constituat, ut intra tertium mensem Francofurti præsto sint ipsi, uel ipsorum legati cum plenis mandatis, noui Cæsaris aut Romanorum regis eligendi causa: quòd si Moguntinus negligat, cæteri collegæ nihilo secius intra tempus illud conueniant, & comitatum habeant singuli non supra ducentos equites, cum oppidum ingredientur, & in his armatos, ad quinquaginta: qui nec ipse uenit, neque legatum etiam mittit, aut ante cōfectum negotium discedit, ius electionis, eo quidem tempore, amittat: magistratus Francofurtensis omnem fidem electoribus præstet, ac durante comitio, neminē præter electores ipsorumq; familiam intromittat: ubi conuenerint omnes, in æde diui Bartholomæi

Cæsaris  
natiui-  
tas.

Modus  
creandi  
Cæsares.



mei sacrum fiat, quò sancti spiritus imploretur gratia: deinde singuli  
 iurent, uerbis præeunte Moguntino, nihil se facturos in ea re ullius  
 uel pacti, uel mercedis uel largitionis uel pollicitationis causa: post,  
 ad actionem ueniant, neq; prius illinc discedant, quàm creato Cæsare:  
 quòd si res ultrà diem trigesimum differatur, omnibus alijs detractis  
 cibarijs, præter panem & aquam nihil eis detur: què maior pars ele-  
 gerit, hic eodem loco sit, ac si communibus omnium suffragijs, nemi-  
 ne repugnante creatus esset: ad hunc modum designatus Cæsar, omni-  
 um primò confirmet electoribus omnia priuilegia, & quicquid ad  
 ipsorum dignitatem, decus, libertatem ac immunitatem pertinet. præ-  
 ter hæc cauetur etiam atq; statuitur, quemadmodum alter alteri per  
 suos fines tutum iter præstare, quem quisq; locum in consessibus obti-  
 nere debeant, quomodo sint exquirenda suffragia, quòd cuiq; sit ob-  
 eundum munus, cùm Cæsar publicè quid agit aut prandet. Ad hæc, ut  
 interregni tempore, penes Palatinum sit summa rerum per Sueuiam,  
 Franconiam & oram Rhenanam: penes Saxonem uerò, ijs in locis,  
 quæ iure utuntur Saxonico: ut electori mortuo succedat natus maior  
 filius aut frater consanguineus: ut electoris locum, qui est infra xviij.  
 annum, expleat proximus agnatus, donec ille adoleuerit: ut electores  
 quotannis conueniant, deq; republica deliberent: ut Francofurtum sit  
 sedes electionis. Aquæ uerò Granenses, Belgicæ oppidū, primæ inau-  
 gurationis: ut electorum filij, primis ab annis, Italicam, Latinam, &  
 Illyricam linguam addiscant, quò sermonē cum multis gentibus con-  
 municare possint. Dictū est antea de legibus, quas Caroli legati, præ-  
 scriptas ab electoribus, ratas habuerunt, in interposita cautione, sicut  
 fieri consuevit, & illius nomine confectis ea de re literis. Conditiones  
 autem sunt eiusmodi. Tueatur rempublicam Christianam, pontifi-  
 cem & Ecclesiam Romanam, cuius sit aduocatus: ius æquabiliter ad-  
 ministret, & paci consulat: leges omnes Imperij, præcipuè, quam au-  
 ream uocant bullam, non modò confirmet, sed de ipsorum consilio,  
 cùm res ita feret, amplificet etiam: senatum in Imperio constituat ex  
 Germanis delectum, qui rempublicam gerat: iura, priuilegia, digni-  
 tatem principum & ordinum Imperij minimè conuellat aut immi-  
 nuat: electoribus liceat, cùm erit opus, inter se conuenire, deque re-  
 publica deliberare: nullum autem ipse, quò minus id faciant, impedi-

Imperij  
leges.

mentum eis inferat, nec in malam partem accipiat: multitudinis & nobilitatis fœdera uel societates initas aduersum principes, abloeat, & ne tales in posterum fiant, lege prohibeat: de rebus Imperij nullum fœdus aut pactum faciat cum externis, nisi de septemuirorum assensu: facultates Imperij neq; distrahat, nec oppignoret, nec alio quouis modo deteriores faciat, & quæ sunt ab alijs nationibus occupata, uel ab Imperio diuulsa bona, primo quoquo tempore recuperet, sic tamē, ne quid fraudi sit illis, qui uel priuilegio uel iure nituntur: Si quid etiam uel ipse, uel ipsius familiæ quispiam possideat, quod sit Imperij, non acquisitum legitime, reddat interpellatus à septemuiris: cum uicinis alijsque regibus pacem et amicitiam colat, neq; pro rebus Imperij, nisi de ordinum omnium, præcipuè septemuirorum uoluntate bellum suscipiat ullū intra uel extra fines Imperij: peregrinum quoque militem nullum in Germaniam adducat, nisi consentientibus illis: quod si autem bello petatur ipse uel Imperium, liceat uti quibuscunque præsidij: conuentum Imperij nullum edicat, neque uectigal aut tributū imperet, nisi de consensu electorum: conuentus etiam non agat extra fines Imperij: negocijs publicis præficiat non externos, uerum Germanos, ex nobilitate delectos, & conficiantur literæ omnes latino uel populari sermone: extra fines Imperij nullum ordinem in ius uocet: quia Romæ multa fiunt aduersus pacta quondam inita cum pontificibus, det operam apud pontificē, ne qua fraus priuilegijs fiat & Imperij libertati: quomodo mercatorum monopolia ualde perniciofa Germaniæ coherceri debeant, rationē ineat cum electoribus, ac rem sæpe deliberatam ad exitum perducatur: portorium nullū aut uectigal imponat, nisi assentiantur electores: neq; literis commendatitijs, electorū, qui sunt ad Rhenū, uectigalia deteriora faciat: si quam habet actionem in aliquem ordinem, legibus experiatur, uim autem nullum adhibeat ijs, qui se cognitioni legitimæ sistant: neminē indicta causa proscribat, sed iuris ordinem in eo sequatur: Imperij bona, quæ fortē uacabunt, nemini conferat, sed ad publicum patrimonium referat: si quam alienam prouinciam auxilijs ordinum acquireret, Imperio coniungat: si publicum quid suis copijs atque Marte recuperabit, Reipublicæ restituat: quod interregni tempore Palatinus atque Saxo publicè egerint, ratum habeat: consilium nullum ineat, quod di-



gnitatem Imperij, suæ familie peculiarem & hereditariam faciat, 1519  
 sed liberam & integram permittat septemviris eligendi facultatem,  
 iuxta Caroli quarti legem & iuris pontificij præscriptum: quod secus  
 factum erit, irritum habeatur: ubi primum licebit, in Germaniam se-  
 se conferat, inaugurationis causa. Cum ista legati per iusturandum  
 probassent illius uerbis atq; nomine, sicut dictum est, singulis electo-  
 ribus eius rei literas dederunt obsignatas fuit hoc Iulij die tertio. De  
 pontificio iure quod dicunt, ad Innocentij tertij pontificis epistolam  
 decretalem pertinet, quæ profutetur, electores principes Germaniæ  
 ius habere creandi Cæsaris liberum, & Imperij dignitatem non à suc-  
 cessione pendere, sed ab electione. Vixit autè Innocentius anno salu-  
 tis humanæ circiter millesimo ducentesimo. Nunc ad Lutherum re-  
 uertamur. Ad hoc ferè tempus, Erasmus Roterodamus, quum alijs  
 de rebus Friderico Saxonie duci scriberet Antuerpia, Lutheri quo-  
 que meminit, eiusque libros magno cum applausu dicit à uiris bonis  
 atque doctis euolui, sed & uitam illius à nemine reprehendi, quod  
 absit ab omni suspitione tum auaritiæ tum ambitionis: theologos ue-  
 rò Louanienfes, quòd audiant illum ualde grauari autoritate car-  
 dinalis Caietani, triumphare nunc, & in concionibus atque conui-  
 uijs omnibus eum insectari, uelut hæreticum & antichristum: id sibi  
 ualde displicere, præsertim, cum illi disputandi causa quedam pro-  
 posuerit, quum iudicio se submiserit omnium, quorum oportuit, &  
 quorum non oportuit: ipsi uerò, neque monuerint hominem amice,  
 neque docuerint, nec erroris adhuc conuicerint, sed turbulentis & se-  
 ditiosis tantum clamoribus rem agant: hunc autem agendi modum  
 prorsus indignum esse Christianæ professionis hominibus, maximè  
 uerò theologis: nec enim hæreseos temere quenquam insimulandum  
 esse. In eadem propè uerba scribit etiam ad Moguntinum & ad Cam-  
 pegium cardinalem, & sophistas theologos atq; monachos insecta-  
 tur, qui linguarum & eloquentiæ studium ac puriorem omnem do-  
 ctrinam ferre non possint. Luthero quoq; tum scribit Louanio ualde  
 amanter, & ipsius epistolam sibi redditam esse dicit, quæ & ingenij  
 demonstrat acumen & animum spiret Christianum: ipsius autem li-  
 bris magnam ibi tragœdiam excitari, seq; grauem sustinere tum inui-  
 diam tum suspitionem theologorum, nec excusando tamè quicquam

Ius creā-  
 di Imper-  
 ratoris.

Erasmi  
 iudicium  
 de Luth.

proficere: per Angliam esse multos, et magni quidem nominis, qui de lucubrationibus ipsius optime sentiant: se quoque degustasse commentarios eius in psalinos, et sperare magnam allaturos utilitatem, sibi quidem uehementer placere: sed unum esse, cuius ipsum uelit admonere, nempe, ciuili modestia plus posse profici quam impetu: detondum potius in eos, qui pontificum abutuntur autoritate, quam in ipsos pontifices: de rebus inueteratis, quæ subito reuelli non possint, disputandum esse ualidis et confertis argumentis potius, quam assue-  
randum, et affectibus nihil hic oportere tribui. Hæc autem admonere se, non ut faciat, sed ut in eo, quod facit, progrediatur. Rebus ad hunc modum exacerbatis, et multis in Lutherum excitatis aduersariis, instituta fuit Lipsiæ disputatio, quod est Misnie oppidum, Georgij Saxonie ducis, qui patruelis erat Friderici. Venit eo Lutherus, Philippo Melancthone comitatus, qui superiori proximo anno Wittenbergam uenerat, accersitus à Friderico, literas Græcas docendi causa. uenit etiam eo Ioannes Eccius theologus animosus et audax. Die præscripto, qui fuit dies quartus Iulij, disputationis factum est initium ab Eccio, qui propositis aliquot thematis, hoc uoluit esse postremum, eos qui Romanam Ecclesiam affirmant ante Syluestri pontificis ætatem non fuisse primam et præcipuam omnium, errare: nam qui Petri principis apostolorum sedem atque fidem obtinuit, semper agnitus fuisse pro successore Petri, et Christi uicario in terris. Huic themati contrarium aliud promulgabat Lutherus. eos, qui Romanæ Ecclesiæ principatum tribuant, niti solum frigidissimis pontificum decretis, quæ facta sint annis ab hinc quadringentis: ea uero decreta esse contraria et historiis omnibus, ante annos mille conscriptis, et sacris literis, et concilio quoque Niceno, quod sit omnium maxime celebre. Ingressus ergo disputationem Eccius, illud suum thema postremum arripit, deque potestate Romani pontificis et primatu, disputationis initium esse uoluit: uerum Lutherus breui quadam usus præfatione, demonstrat, argumentum hoc, quia ualde sit odiosum et non necessarium, se maluisse præterire, et id quidem pontificis gratia: dolere autem sibi, quod ab Eccio sit eo pertractus, et cupere nunc suos adesse coram aduersarios: grauitate quidem se ab illis accusatum, quod autem cognitionem cause nunc atque lucem defugiant, non recte ab i-



psis fieri. Eccius quoque præfatus, ait non se litem hanc excitasse atque 1519  
turbam, sed Lutherum, qui & in sua illa thematum explicatione pri-  
ma, negari pontificem Romanum ante Syluestri tempora fuisse reli-  
quis dignitate & ordine priorem, & apud Caietanum affirmave-  
rit, Pelagium pontificem ad suum arbitrium detorsisse multa scriptu-  
ræ loca: quòd cum ita sit, omnem eius rei culpam in ipsum esse con-  
ferendam. Prima igitur concertatio fuit de Romani pontificis mo-  
narchia, quam Eccius iure diuino dicebat institutam, & Lutherum  
dissentientem uocabat Bohemum, eò quòd eiusdem quoque sententiæ  
fuerat olim Ioannes Hussus. Hanc criminationem à sermouens Lu-  
therus, ostendit Ecclesiam Christi longè lateq; diffusam & propaga-  
tam fuisse uiginti circiter annis antè, quàm Petrus Romæ constitueret  
Ecclesiam: hanc igitur non esse primam omnium aut præcipuam, iu-  
re diuino: post, aliud Lutheri thema de purgatorio, tum illa de indul-  
gentijs, de poenitentia, de condonatione culpe & pænæ remissione,  
deque sacerdotum potestate, Eccius impugnât. Decimoquarto demum  
die disputationis fuit exitus, quæ quidem instituta fuerat, non Luthe-  
ri, sed Andreæ Carolo stadij & Eccij causa: cum autem Lutherus Ca-  
rolo stadium comitatus eò uenisset, audiendi gratia, pertractus ab Ec-  
cio, qui fidem ei publicam à Georgio principe impetrabat, ad con-  
gressum descendit. Alacer enim erat Eccius et confidens, ob argumen-  
ti conditionem, in quo certam sibi uictoriam pollicebatur. Lutherus  
omnem postea disputationem edidit, & ex aduersariorum scriptis  
atque dictis, ingentiosa quadam animaduersione colligit uaria doctri-  
næ capita, prorsus, ut inquit, hæretica, quò uidelicet demonstrat, il-  
los, dum in gratiam pontificis omnia loquuntur atque scribunt, &  
dum studio tuendæ causæ longius euagantur, admiscere plurima, quæ  
propius inspecta, multum sæpe contineant erroris & impietatis. Do-  
cebat hoc tempore Tiguri, in Heluetijs, Vlrichus Zuinglius, qui sub  
initium huius anni uenerat eò, uocatus, cum antea Glaronæ et in ere-  
mo, quam uocant, Diuæ uirginis, docuisset. Non multo post uenit il-  
luc, missu pontificis, indulgentiarum, ut aiunt, præco, Samson Medio-  
lanensis, Franciscanus, ut pecuniam emungeret: ei sese fortiter oppo-  
nit Zuinglius, ac impostorem esse docet.

Zuin-  
glius do-  
cet Tigu-  
ri.



DE Carolo Militio, quem Leo X. ad Fridericum principem miserat, ante diximus. is animaduertens causam indies magis atque magis exacerbari, multa, quæ ad reconciliationem facerent, tentabat, & permissu Friderici, cum Luthero semel & iterum collocutus, rationem inire cogitabat sanandi uulneris: cum autem occasione disputationis Lipsicæ, quam odiose tractauerat Eccius, doctrinam suam Lutherus magis illustraret ac patefaceret, Militius primores aliquot ordinis Augustiniani conuocat: communicato consilio iudicabant omnes, ad componendum dissidium inprimis fore idoneum, si quidem Lutherus datis ad pontificem, literis, honorificum ei testimonium præberet.

1520

Luth. ite-  
rum scri-  
bit ad  
Pontif.

Horum itaque monitu scribit illi, ad sextum Aprilis diem. Et si ad concilium ab ipso prouocarit, tamen interea suas preces ad Deum pro salute ipsius effudisse: magno sibi dari crimini, quod ipsius nomen atque dignitatem lesisse dicatur: eam criminationem admodum sibi dolere, & hanc esse causam, cur nunc ad ipsum denuò scribat. In reprehendendis erroribus atque uitijis acrem se quidem fuisse, de ipso autem præclare semper scripsisse, quod & libris suis demonstrari possit: quod autem falsam doctrinam adeò liberè perstringat, illud à se fieri tum Christi tum prophetarum & apostolorum exemplo: sed quò minus id genus reprehensiones ac salutare admonitiones locum habeant, id adulatorum fieri nequitia, qui auribus hominum seruiant: spectare se gloriam Dei, & hoc solum agere, ut ueritas illucescat: hoc si possit obtinere, libenter in rebus alijs concessurum: ut autè à ueri professione discedat, fieri non posse. Ad aulam deinde Romanam transit, uti uocant, eamque dicit esse magis, quam fuit olim aut Babylon aut Sodomæ, corruptam atque sceleratam, & ad illius impietatem nihil adijci posse, ne ab ipso quidem antichristo: uehementer itaque sibi dolere, quod ipse, uelut agnus inter lupos, ibi uersetur: indignam esse Romanam, cui uel ipse uel ipsius consimiles uiri boni præstideant: multa se quidè scripsisse, quæ ad doctrinæ pertineant emendationem atque uitæ, non quòd Romam sanari posse credat, uerum ut salutem aliquos ab illo uitiorum erga stulto liberaret: multò ipsi præstare,

si uel



si uel tenui sacerdotio contentus, uel è suis copijs & patrimonij facultatibus uitam toleraret, remotissimus ab illis pestibus & assentatoribus, qui suis cupiditatibus & ambitioni nomē ipsius et auctoritatem obducant: Bernardum deplorassee pontificis Eugenij conditionem, tunc, cum adhuc esset aliquantō Roma purior: nunc uerō, quando sit omnium locorum totius orbis terrarū scedissima sentina & inexhausta quædam colluuijs, multo rectius ipsum, qui præsideat ibi, deplorari posse: hanc esse causam, cur ita sit inuectus: pertinere hoc non ad ipsius ullam contumeliam, sed ad salutem potius, et optandum esse, ut qui sunt ubiq; uiri præstantes ingenio & eruditione, uim omnem & neruos ad illius monstri conserant oppugnationem: libellis aliquot editis, cum frustra se moliri uideret, ab incepto uoluisse desistere, & ijs, qui secum essent in eodem collegio, studium et operam omnē impendere cogitasse: uerū tūc fuisse excitatum Ioannem Eccium, qui placidas illas cogitationes & optatum ocium sibi prorsus euerterit: institutam ab illo disputationē contrā se ualde odiosam & acrem, de pontificis Romani principatu: qua quidem re nihil ille perfecit aliud, quā quod urbis Romanæ scelus atque turpitudinem magis patefecerit. Posthæc, actionem illam cardinalis Caetani paucis commemorat, in illiusq; tūc potestate fuisse dicit, causam componere, si uoluisset: huic ergo nō sibi tribuendum esse, quicquid ab eo tempore sit natum turbæ: uenisse postea Carolum Militium, qui cum paci magno pere studeret, impeditus etiam fuerit importunis Eccij disputationibus, qui reuera sit ipsius hostis, et incendium hoc primus omnium inflammavit: cum uerō sit à Militio suisque maioribus interpellatus, ut ad ipsum demissē et officiose scribat, nihil uoluisse, quod ad reconciliationē pertineat, omittere. primum igitur esse, ut suos aduersarios cohibeat, ne tam asperè cōtra se tumultuentur: deinde, ne scripta sua reuocare cogatur, ne ad præfinitum modū interpretandi scripturā alligetur: euangelij doctrinam, quæ libertatē animis hominum adferat, non posse certis astringi finibus: hæc si permittantur sibi, facturū se quiduis: contentionē omnem admodū sibi displicere, ueruntamen, si cōuicijs, ut antehac semper, & iniurijs petatur, nō se desuturū causæ: in ipsius iam esse potestate, ut litē cōponat, si uidelicet cognitionē eius ad se recipiat, & utriq; parti silentiū iniungat: in primis autē sibi caueat

ab adulatoribus, eorumq; uoces, tanquam Sirenium blanditias atque scopulos, aure surda præternauiget, qui diuinitatem ipsi tribuant, & totius orbis monarcham esse prædicant, & omnibus cõcilijs antepo-  
nunt: nihil enim esse perniciosius hoc genus parasitis: fidem potius il-  
lis habendam esse, qui suæ conditionis ipsum & officij commones fa-  
ciant: & quoniam in uitæ genere periculi pleno uersetur, tanquam in  
medio mari, quod fluctibus uarijsq; procellis agitur, ideò se liberè  
ad ipsum & sine adulatione perscribere, & hoc ipso ueri amici præ-  
stare officium. Postremò, librum à se recens conscriptum, de libertate  
Christiana, illi defert, paucis eum commendans, quòd ueræ doctrinæ  
summam complectatur. Veris initio Cæsar soluit ab Hispanijs, & in  
Angliam profectus, ab Henrico rege, qui materteram eius Cathari-  
nam habebat in matrimonio, liberalissimè tractatur. post in Belgium  
uenit, maximis omnium congratulationibus exceptus. Ad hoc ferè  
tempus, Fridericus princeps grauiter ægrotabat: Lutherus ergò ro-  
gatu quorundam libellum ei conficit, consolationis plenum, Tessara-  
decadem uocat, & scriptis ad eum literis, mandatum esse Christi di-  
cit, ut inter alia charitatis officia, quæ nos inuicem exhibere oportet,  
ægrotos quoq; subleuemus: itaq; se, qui & peculiariter sit ipsi deuotus,  
& non uno nomine deuinctus, hunc libellum, ipsius gratia colle-  
gisse, cum aliud non possit aut habeat quod præstet: in rebus humanis  
sic esse comparatum, ut si malè sit affectum corpus, reliqua membra  
condoleant, & ægritudinem illam ad se priuatim unumquòdque per-  
tinere putent: nunc ergò, cum ipse decumbat, meritò populum esse in  
lachrymis atq; luctu: nam & Germaniæ magnam partem, in ipsum,  
uelut in singulare quoddam ornamentum suum atq; præsidium, ocu-  
los & mentem habere defixam. Postea libellum edit de ratione confi-  
tendi peccata, cuius hæc ferè sunt capita. non esse nitendum fiducia  
confessionis, uerum promissione Dei condonantis peccata: omnium  
primò confitendum esse Deo, & oportere confitentem odisse pecca-  
tum & supere uitam emendare: peccatorum omnium enumeratio-  
nem non esse necessariam, imò propter innumerabilem humani cor-  
dis prauitatem & immundiciem & securitatem, non posse præstari:  
discrimen etiam esse diligenter faciendum inter peccata commissæ cõ-  
tra præceptum Dei & contra leges humanas, postremò, de uotis, ut  
uulgo



uulgò dicunt, aliquid adiicit, & carnificinam illam deplorat animo- 1520  
rum, quam homines auari & indocti exerceant, sed de uotis peculia-  
rem deinde libellum emisit. Alio quodam inscripto dixerat, utile si-  
bi uideri, si quidem auctoritate concilij permitteretur omnibus inte-  
gra cœna Domini, uel ut ipsi loquuntur, sub utraq; specie: hoc illius di-  
ctum, eò quod Lateranensis concilij nouissimi decreto contrariũ esse  
dicerent, multi grauiter tulerunt, & in his Ioannes Episcopus Mise-  
nus, qui suæ ditioni ecclesiasticis omnibus interdicebat, ut eo suppres-  
so libello populum docerent, sub utrâlibet specie cœnam Domini re-  
presentari totam. Eo cognito, respondet Lutherus, eiusq; mandati  
culpam, non in episcopum, sed in paucos aliquot indoctos & quietis  
impatientes homines confert, & ad hos ipsos oratione conuersa, de-  
monstrat, hoc suum uotum quod optet, à concilio fieri tale decretum,  
nullam mereri iustam reprehensionem, nō magis quàm si dicat, opta-  
re se, ut decreto cōcilij sacerdotibus liceat uxores ducere: Pium secun-  
dum, pontificem Romanum aliquando idem dixisse & optasse: non  
ergò sibi uertendũ uitio, quod idem optet: Lateranensis hoc esse con-  
cilij mandatum, non se diffiteri: sed tamen ineptum esse, uelle senten-  
tiam hanc confirmare nouo concilij decreto, quod cum uetustissimis  
concilijs & antiquissimo Ecclesiæ more pugnet: Bohemos percipere  
cœnam Domini totam, eoq; à nobis uituperari, qui solum retinemus  
dimidiam: illos quidem urgere Christi institutum, & morem inde ab  
apostolis deductum & obseruatum ad nostra ferè tēpora: nos autem,  
quod illis obijciamus, aut quo possit ipsorum error demonstrari, nihil  
adferre, præter illud Lateranense: quod ualde sit friuolũ argumentũ  
atq; leue: cuiusmodi enim fuerit illud conciliũ, satis esse notum, nam  
etiam à Romanis ipsis derideri: & ut summæ sit auctoritatis, tamen,  
quòd causam non possint antiquiori documento probare, per quàm  
hoc esse ridiculum. Porro, quod ad Lateranense concilium attinet, ita  
res habet. Iulius secundus, cū esset creatus pontifex, iureiurando  
promiserat inter alia, concilium se habiturũ esse intra biennium. Fuit  
hoc anno salutis M.D.III. Cū autem bellis Italiam turbaret, nunc  
Venetorum, nunc Galliæ regis, nunc Ferrariæ ducis, nunc Bentiuolo-  
rum Bononiensium hostis, cardinales, numero ad nouem, secessione  
facta, cū Mediolanum uenissent, concilium indicunt, ad urbem Pi-

1520  
Concilium  
Pisanum.

sanam. Inter hos erant precipui Bernardinus Cruceius, Gulielmus Prænestinus, Franciscus Cossentinus, iisque sese coniunxerant Maximiliani Caesaris & Ludouici xij. Galliarum regis procuratores, qui idem agebant. Indictum uero fuit concilium anno salutis M D. XI. Maij die xix. ut calendis deinde Septembris inchoaretur. Indicendi causam adferunt, quod ille iusiurandum utolarit, quod tot annorum pontifex concilij spem nullam præbeat: & quoniam grauissima sint crimina, de quibus ipsum accusare uelint, non se potuisse diutius deesse reipublicæ. Erat ipsorum consilij, remouere illum magistratu, quem per largitionem & ambitum acquisisset. Et quoniam hæ literæ tuto non poterant ad eum perferri, palam eas affigunt Rhegij, Mutinæ, Parmæ, quæ tum erant pontificiæ ditionis oppida, et ipsum, ut sese ad præscriptum diem sistat, monent. Iulius, ea re cognita, xv. calendis Augusti respondet se, cardinalem, nihil optasse magis quam concilium: id regibus, id uniuerso collegio cardinalium esse compertum: hac nimirum de causa pontificem Alexandrum sextum sibi fuisse uehementer infestum: eiusdem quoque nunc sese uoluntatis esse: uerum Italia statum aliquot nunc annis admodum fuisse turbulentum, eiusque rei seminarium esse relictum ab Alexandro, neque potuisse cogi concilium in ea temporum difficultate. Postea refutat illorum indictionem, propter temporis angustiam & incommoditatem loci: nam & Pisanam urbem esse deformatam atque laceratam superiorum annorum bellis, & omnem agrum circa deuastatum, neque tuto posse eo perueniri propter Florentinorum & Senensium simultatem: adhuc, illos non habere conuocandi potestatem, & saltem, esse conuocationis causas: itaque grauissima denunciata poena mandat, ne quis omnium illis pareat. Ipse uero concilium indicit in proximum annum, ad xix. Aprilis diem inchoandum Romæ, in aede Lateranensi: subscripserunt huic diplomati uiginti unus cardinales. Hoc enim artis esse pontificiæ dicunt, quando concilium declinant, ut alterum alicubi loco ipsis opportuno denuncient. Post hæc, aduersarios cardinales monet, ut ab incepto desistant, & impunitate proposita, Romanam ueniant: non obtemperantes, Octobris die xxiiij. proscribit, & nominatim treis illos, de quibus antè diximus, ut hæreticos, schismaticos & læsæ reos maiestatis, eiusque diplomatis exempla mittit ad Maximilianum, ceterosque reges. Et quia Gallie complures epi-



episcopi erant adiuncti cardinalibus, hos quoque proscribit, nisi desistant, et intra certum tempus sese purgent. Cardinales contra, cum aliquoties illum, ut ad concilium ueniret, frustra citassent, editis literis in octauo confesso, ab omni tam civili quàm sacra iurisdictione illū suspendunt, & omnibus in uniuersum mandant, ne deinceps ei pareant. fuit hoc anno M. D. XII. mensis Aprilis die xxi. Cæterum, etsi concilium Pisis translatum fuit Mediolanum, nomen tamen retinuit, ut Pisanum dicatur. Erat tū Papæ iureconsultus magni nominis, Philippus Decius: hic edito scripto cardinaliū causam aduersus pontificem defendebat. Maximilianus inito postea fœdere cum Iulio & Ferdinando Hispaniæ rege, discedit à societate cardinalium, & episcopum Gurcensem, Matthæum Langum, mittit Romam, ut intersit concilio: hunc deinde creat cardinalem Iulius. Galliæ uerò regem Ludouicum xij. inherentem proposito, & nuper fufus ad Rauennam ipsius copijs, uictorem, fulmine suo percellit, eiusq; regnum in prædā exponit. sed à quinto confesso, die xxi. Februarij mensis, anno M. D. XIII. mortem obit ac successorem habet Leonem decimum. Is deinde rem continuat, & quia tranquillior tum erat reipublicæ status, multæ uenerunt eo regum atq; principū legationes. Cardinales etiā, quos diximus, morte Iulij remissiores facti, cum supplices condonari sibi culpā petiissent, in gratiam à Leone recepti, dignitatem atq; bona recuperarunt, ut in quadam ad Maximilianum epistola Leo demonstrat. Exitus concilij fuit anno M. D. XVII. Martij die xvi. quum à morte Iulij, septem modò fuissent habiti confessus, toto quadriennio: nam ultra duodecimum non est peruentum. Iam, ad actionem quod attinet: uariæ fuerunt ibi recitatæ orationes in laudem Iulij ac deinde Leonis: de suscipiēdo etiam in Turcas bello multa dicebantur, deque reformandis ecclesiæ moribus, item de immortalitate animæ, quoniam id in dubium Romæ uocabatur, deque Bohemis ab errore reuocandis in uiam. Et hoc esse crediderim, quod Lutherus ait in eo concilio fuisse de eucharistia decretum: Nam ex Bohemis pleriq; cœnam domini contendebant integram esse communicandam omnibus. alioqui decretum nullum ea de re speciatim ibi factum est, quod quidem extet: uerū in concilio Constantiensi sancitum de eo fuit in confesso decimo tertio, sicut infra dicemus per occasionem. Dura

Iulius ex  
ponit in  
prædā  
regnum  
Galliæ.

et que

252 **o**ea quæ suprà diximus, in Saxonia geruntur, theologi Louanienſes ac  
 Louaniē Colonienſes, Lutheri libros aliquot, nempe ad Sylueſtrem Prieriatē,  
 ſcs & Co conciones etiam de pœnitentia, de excommunicatione, de indulgen-  
 loniēſes tijs, de præparatione ad mortem factò decreto damnant, ut impios et  
 theologi irreligioſos & incendio dignos, quorum etiam author ſit ad reuoca-  
 Lutheri libros a liquor tionem cogendus. His rebus cognitis, Lutherus ad ſingula ſuæ doctri-  
 damnât. næ capita, quæ illi damnarant, reſpondet, in cuiusq; reſponſi præfatio-  
 ne conditionem atq; ſortē ipſorum deplorat. Quum ſuperioribus ali-  
 quot annis Capnionē oppugnarēt, ſe ſpēm adhuc aliquam de ipſis re-  
 tinuiſſe: nunc autem, quando claram euangelij doctrinam delere ſtu-  
 deant, & tempore deteriores euadant, Deum in ipſos haud dubiè gra-  
 uiter concitatum eſſe: quod ſi ita pergant, & ſi hanc ipſorū licentiam  
 nemo coerceat, fore, ut ſublatis è medio ſacris libris, pro ſuo arbitrio  
 quiduis decernant: ideoq; ſibi hæc omnia cogitanti, uel regnare nunc  
 anti-chriſtum, uel propediem eſſe regnaturum, uideri: magnopere ſibi  
 dolere, quòd ita ſe comparent, nam iræ diuinæ magnitudinē ex eo ſa-  
 tis intelligi poſſe: in omni ipſorum actione atq; doctrina, nihil eſſe fir-  
 mi, nihil certi, ſed fluctuare ipſos animis, & nunc hanc, nunc illam o-  
 pinionem ſuſcipere defendendam: fuiſſe quondam ab academia Pari-  
 ſienſi damnatum Gulielmū Occam, & tanquam impiè ſentiret, eie-  
 ctum, nunc autē in ſcholas eſſe receptū & celebrari: quantum etiam  
 Pariſinis tribuatur dogmatis, uel ex eo ſatis apparere, quòd uix etiā  
 domi recipiantur. foris quidem illa nō habere locum: ab Anglis enim  
 prouerbio dici, quòd mare non tranſcant, ab Italis, quòd alpes, à Ger-  
 manis, quòd Rhenū non tranſmittant: Ioannis Pici Mirandulani dog-  
 mata, magnis odijs & acerbitate damnata, nūc eſſe in ſummo precio,  
 nec ſine præſantiſſimi ingenij admiratione legi: Laurentium quoq;  
 Vallam eodem fuiſſe modo tractatū, ſed homines literatos & iudicio  
 præditos, multò ſentire aliter, in cuiusq; ſcriptis magno cū fructu uer-  
 ſari: litem illam aduerſus Capnionem, ſic ab ipſis exagitatam eſſe, ut  
 ſuam & ignorantiam & obſtinatam malitiam uix ullo tempore ma-  
 gis pateſcerint: mirabilia uidelicet eſſe conſilia Dei: Iudeos olim fuiſ-  
 ſe peculiarem ei populum, ſed cum euangelij lucem fugerent, & Chri-  
 ſti beneficium aſpernarentur, repudiatos, locum dediffe gentibus: ita  
 quoq; nunc fieri, ut qui ſint & haberi uelint pontifices atq; theologi,  
 quiq;



quiq; summam potestatem atq; ius in Ecclesia sibi uendicant atq; su- 1 5 2 0  
 munt, reuera nihil præter inanem titulum habeant, alij uero procul  
 ab hac ostentatione remoti, nomen illud atq; titulum iure sibi possint  
 arrogare: breuiter, omneis omnium temporum uiros bonos et erudi-  
 tos ab ipsis perpetuò fuisse diuexatos, neq; tamen ullum proferri pos-  
 se documentum, quo demonstrent solidis & ueris argumentis esse pu-  
 gnatum, ac non potius mera fraude, insidijs atque tyrannide: talem  
 etiam fuisse actionem illam in Ioannem Hussum & Hieronymū Pra-  
 gensensem, cuius quidem rei memoria sit ad omnem duratura posterita-  
 tem, sed inprimis admirari se temeritatem ipsorum, qui tot exemplis  
 commonefacti non desistant tum sibi tum reliquis academij ignomi-  
 niam & maculam inurere sempiternam: ut enim maximè firmo fun-  
 damento nitantur ipsorū actiones, & ut ueræ sint atq; legitime ipso-  
 rum sententiæ, quas hucusq; pronunciarunt in multos insignes ui-  
 ros, tamen, quantum ad hanc suam causam & præsentē litem perti-  
 neat, iniquè factum ab ipsis & maleuolè, quòd ad hunc modum gras-  
 sentur: si quid peccarit, nō debuisse statim in pessimam partem inter-  
 pretari, sed cogitare secum, id esse proprium hominis: debuisse potius  
 lenitatem & mansuetudinem adferre ad suorum dogmatū dijudica-  
 tionem: quòd autem ueluti furore quodam agitati, promiscuè omnia  
 damnent, in eo prodere ipsos animi sui morbum & odij uirulentiam:  
 Aristotelem ipsis in summo esse precio, & nihil ab eo dictū esse tam  
 absurdè uel alienè à nostra religione, quòd non defendant, quòd non  
 aliqua interpretatione, quamlibet uis lōgè petita circumuestiant, quo  
 suus illi constet honos atq; nominis existimatio: sibi uerò nō modò nul-  
 lum tale beneficium aut adiumentum præstari, se non solum, si qua  
 parte sit nudus, ab ipsis non uestiri, uerumetiam quibus in locis atq;  
 partibus optimè sit uestitus & armatus, magna cum iniuria denuda-  
 ri: potuisse nimirum aliud adhiberi remedium, quòd erat, si se cōmo-  
 nuissent, ut sua scripta uel explicaret, uel emendaret, uel non pertina-  
 citer defenderet: quòd si tum non obtemperasset, errore demonstra-  
 to, licuisse ipsis agere, quemadmodum Christus præcepit: adhuc, fa-  
 cere ipsos nō leuem iniuriam pontifici Romano, quòd libellum ei di-  
 catū & inscriptū ad se rapiant, & hac sua cōdemnatione, ueluti præ-  
 iudicio quodam uideantur illi negligentiam & ignauia exprobrare:

quòd

quod autem in pontificem hoc admittant, non esse nouum aut mirum in ijs, qui diuinas etiam leges audacissimè contemnant. Gulielmus Oecam, de quo uerba facit, Ludouico quarto, Cesare, floruit ad annum salutis M. CCC. XX. & inter alia de summi pontificis potestate scripsit, quo quidem in libro quæstiones octo uariè tractat & multipliciter. An munus pontificium simul & Cesarè ab eodem administrari possint: an Cesar à solo Deo, non etiam à pontifice Romano potestatem acceperit: an authore Christo Pontifex & ecclesia Romana facultatem habeant, ut Cesari cæterisq; regibus iurisdictione committant exercendam: an Cesar electus plenum habeat hoc ipso ius administrandi rempublicam: an cæteri reges, præter Cesarem & Romanorum regem, eò quòd à sacerdotibus inaugurantur, aliquam ab eis accipiant potestatem: an eiusmodi reges ullo modo subiecti sint inaugurantibus: an, si nouum adhiberent sacrificium, aut diadema sibi sumerent ac imponerent ipsi, titulum atque potestatem regalem amittant: an septemuiui principes electores tantum iuris conferant electo Cesari, quantum cæteris regibus legitima successio. Multis in utraq; partem expositis argumentis atque rationibus, ut dixi, pro magistratu ciuili plerunque decidit, & per eam occasionem meminit Ioannis XXII. pontificis, qui tum uixit, et leges fecerat, uti uocant, extrauagantes, insertas iuri pontificio quas quidè omneis ait à multis reprehendi, tanquam hæreticas & omnino falsas: deinde recitat errores animaduersos ab alijs, in illius nò modò libris, uerum etià sermonibus, & homines sanos mirari dicit, tantam illis habere fidè: sed hoc mirum esse tempus, de quo Paulus ad Timotheum scripsit, fore, ut homines, uera neglecta doctrina, nouos quærant magistros, qui seruiant ipsoꝝ auribus, & ad fabulas abducant: hunc enim esse præsentis temporis statum, ut plerique omnes, non, quæ Christi, quæ fuerit apostolorum, quæ doctrina patrum, inquirent, sed quid pontifex fieri uelit atque iubeat, auscultent. De Capitone Reuchlino quod ait, ita res habet. Ioannes Phefercornus, Christianæ professionis Iudæus, Maximilianum Cesarem, diu multumque sollicitauerat, ut libri Iudæorum abolerentur omnes, quòd essent impij pleniue superstitionis, & impedirent, quò minus ad Christianismum illi conuerterentur: itaque nihil illis permittendum esse, præter Biblia. Maximilianus tandem



Vrieli mandat archiepiscopo Moguntino, ut academij aliquot & 1 5 2 0  
 Iacobo Hogostrato inquisitori, & Ioanne Reuchlino de negoti-  
 um exquirendi ac deliberandi, quid fieri conueniat, & an sit ex  
 usu nostræ religionis, ut biblijs exceptis, reliqui omnes exuran-  
 tur libri. fuit hoc anno M. D. X. Reuchlinus, qui & iure-  
 consultus erat, & Hebraicæ linguæ peritissimus, acceptis à Mo-  
 guntino literis, quid sui esset consilij, perscribit, & Hebræorum  
 libros ait esse tripartitos, historicos, medicos, Thalmudicos, &  
 hos quidem, non eiusdem esse generis omneis: in ijs autem etsi multa  
 sint ridicula atque superstitiosa, tamen in hoc esse perutiles, quod ad  
 illorum refutandos errores atq; deliria magnopere conducant. Hanc  
 suam sententiam archiepiscopo mittit obsignatam: Phefercornus  
 autem ubi rescit, magnam excitat tragœdiam, & euulgato li-  
 bro illum oppugnat, & tanquam Iudeorum uindicem atque fauto-  
 rem traducit. Capnion, ut existimationi suæ consuleret, contrario  
 scripto respondet, eoque multas in se concitauit academias, Colo-  
 niensem imprimis. erant tum in ea præcipui nominis Iacobus Hogo-  
 stratus, Arnoldus Tongrus: & hic quidem inuectiuam in eum emi-  
 sit, conatus idem, quod Phefercornus, demonstrare, ac libellum in-  
 scribit Maximiliano Cæsari. Postea litem aduersus eum instituunt,  
 & agitata res fuit apud Moguntinum: cuius ad iurisdictionem reus  
 pertinebat. actor erat Iacobus Hogostratus: cum Reuchlinus ut ini-  
 micum atque suspectum recusabat, & initio quidem per procurato-  
 rem: cum autem nonnulli intercederent, uenit ipse Moguntiam, comi-  
 tatus aliquot nobilitate generis & doctrina præstantibus uiris, quos  
 ei dux Vuirtembergicus Vlrichus adiunxerat: quum ibi frustra pacis  
 nonnullæ rationes proponerentur, ille ad pontificem Romanum  
 prouocat. Is rem delegat episcopo Spirensi, Georgio Palatino, si-  
 mulque mandat, ne quis præterea de causa cognoscat. Colonienses  
 autem, nihil eo commoti, librum Capnionis damnant, citra contume-  
 liam tamē, ut aiunt, authoris, & Februario deinde mense, anni M. D.  
 XIII. exurunt. Tulit hoc indignè Spirensis, & quoniam actor more  
 consueto per interualla citatus non comparuerat, secundum Capnio-  
 nem pronunciat, cuiusque librum approbat, & Hogostratum damnat

Reuchli-  
 nus uexa-  
 tur à the-  
 ologis.

Capnio-  
 nis libri  
 exusti.

252 **o** in sumptum litis resarciendum. Ille uerò, ut sententiam hanc irritam  
 faceret, Romam petit: interim theologi sodales Parisinam academiā  
 sollicitant, et per Lepidensem episcopum, Erardum Marchianum, qui  
 tunc erat Gallicarum partium, Ludouico regi xij. causam commen=  
 dant. Itaq; Parisienses, à multa deliberatione librum & ipsi damnāt,  
 ut incendio dignum, & authorem ad reuocationem cogendum, et li=  
 bros Thalmudicos rectè damnatos olim à pontificibus, & à suis an=  
 ecessoribus crematos esse iudicant. fuit hoc eodem anno, postridiè ca=  
 lendas Augusti. Princeps Vuirtembergicus intercesserat apud eos per  
 literas, ipse quoq; Reuchlinus amanter scripserat; quod ipsorum fuisset  
 aliquando discipulus, & una mittebat à Spirensi latā sententiam,  
 sed id frustra fuit. Hogostratus, Romam profectus, diligenter causam  
 agit, sed erant cardinales, qui propter insignem eruditionē amabant  
 Reuchlinum: in his erat Adrianus, cuius extat de lingua latina liber.  
 Leo tandem delectis aliquot rem committit: & cū hi magis in Ca=  
 pnionem propenderēt, Hogostratus, qui supra tertiū annum ibi com=  
 moratus fuerat, nulla re perfectā domum reuertit. Incredibile autem  
 est, quantum inuidiæ sibi constarint hoc facto Colonienfes theologi:  
 nam quicumq; erant uiri docti per Germaniam, uarijs emissis in illos  
 atq; facietis libellis, Reuchlinum propugnabant, false deridentes illos,  
 ut homines barbaros, linguarum & omnis literaturæ politionis ho=  
 stes. commendabat etiam eum cardinalibus, et quibus opus erat, Eras=  
 mus Roterodamus, & extant eius hac de re missæ Romam epistolæ.  
 Theologi Louanienses, antequam euulgarent suam de Luthero sen=  
 tentiam, cū Adriano cardinali Derthusensi, Batauo, qui fuerat ipso=  
 rum aliquando collegij & ordinis, ac tum erat in Hispanijs, rem o=  
 mnem cōmunicarant, & ab illo confirmati, censuram emittunt. Cū  
 ergo tam graues atq; multos haberet aduersarios Lutherus, epistolam  
 scribit ad nuper creatum Cæsarem, Carolum quintum, et deprecatus  
 ueniam, quòd ad tantum principē, ipse, tenuis conditionis homo scri=  
 bat, ait causam esse grauem, cur ita faciat, & omnino talem, quæ ad  
 gloriam Christi pertineat: editos ab se libellos aliquot, qui multorum  
 sibi conciliarint offensionem, sed nullo suo merito: nam inuitum ad  
 hoc certamen à suis aduersarijs esse pertractum: multò se maluisse  
 latere, sed hoc suum esse præcipuum & unicum studiū, ut puram E=

Luthé-  
 rus scri-  
 bit ad  
 Cæsare.



uangelij doctrinam contra falsas hominum leges patefaciat: complures eruditione ac uirtute præstantes uiros eius rei posse testimoniū dicere: hanc nimirum esse causam omnis odij & indignitatis et periculorum & contumeliæ et incommodorum, in quibus nunc ferè per triennium uersetur: ut autè res componeretur, nihil ab se prætermisum: sed quo sæpius ipse pacis proponat conditiones, eò magis aduersarios exacerbari: frequenter sese multumq; ab ijs flagitasse, ut errore comonstrato meliora doceant, illos autem præter atroces iniurias & conuicia nihil propè respondere, & hoc spectare solum, quomodo et se pariter & euangelij doctrinam extinguant: his ergo de causis adhibere se nunc supremum remedium, & Athanasij exemplo confugere ad ipsum, uelut ad aram præsidiumq; legum: orare, ut doctrinæ Christianæ tutelam suscipiat, seq; contra uim & iniuriam omnem defendat, quousq; de causa constiterit: nullam se petere defensionem, si malam sustinere causam conuictus fuerit, petere solum, ut cognitio fiat, neque prius aliquid pronuncietur: hoc ad ipsius officium pertinere, & idcirco tributam ei potestatem hanc à Deo summam, ut ius reddat et seuerè conseruet, utq; tenues ac infirmos contra potentiorum iniurias defendat. In eandem ferè sententiam deinde scribit ad omneis ordines, ac paucis repetit, quemadmodum inuitus ad hanc contentionem descenderit, & quàm acerbis odijs agitetur, cùm hoc solum spectet, ut ueræ doctrinæ propagatione homines à falsis & nimium inueteratis persuasionibus eripiat: deinde, quàm multa fecerit pacis impetrandæ causa, commemorat, quomodo silentium non semel promiserit, ea conditione tamen, ut aduersarijs eadem quoq; lex poneretur, petens meliora doceri, & bonorum uiuorum censuram atq; iudicium subire paratus: uerum hæc sua postulata nullum habuisse locum adhuc, & aduersarios omne genus iniuriarū et conuictioŕū in se coniecisse: quod cum ita sit, orare, ne criminationibus illorum fidem habeant: si quid autem à se scriptum sit nimis uel acerbè uel leuiter, hoc se propemodum fecisse coactum ineptissimis eorum et immodestissimis libellis in se cōscriptis. postremò, quas antehac semper obtulit componendi dissidij rationes, eas nunc etiam offert, de eoq; contestatur. Non multò post, ad Albertū archiepiscopum Moguntinū Cardinalem ualde scribit demisse. quòd sit apud ipsum uocatus in odium, eo sibi magis do-

Lutherus scribit ad Episcopos

lere, quòd ab illis hoc existimet fieri, qui sua scripta soleant & laudare & tueri: sed siue uerè siue falsò illi crimentur, in utroque tamen inesse peccatum: nam si falsum deferant, hoc ad ipsum, qui tantum su sineat onus, quiq; tam multis præsint ecclesijs, magis quàm ad se pertinere: Dauidem ipsum ab adulatore Siba fuisse in fraudem inductum: uix igitur ullum esse principem, qui id genus hominum insidias euitare possit: sin autem uera sit ipsoꝝ criminatio, iam sanè multò fuisse æquius, ut errorem sibi commonstrarent, ac meliora docerent, quod ipsum à suis aduersarijs crebrò quidem, sed frustra tamen huc usque postularit: esse omnino genera hominum duo, qui sua scripta damnent, unum eorum, qui nunquam legerint, alterum eorum, qui legant, quidem sed animum adferant odij plenum & amarulentum, & ab his, omnia sua, quantumuis rectè & Christianè dicta, deprauari: quod si tempus aliquod ipse dare uelit ijs perlegendis, non dubitare se, quin secus atq; illi, sit iudicaturus. Orare igitur, ne calumnijs credat, & suspicionem omnem sinistram deponat, & rem totam exactè cognoscat: hoc enim ad ipsius, & plurimorum, quos in suam curam acceperit, salutem pertinere: nam quoniam & audiri postulet & à doctioribus erudiri, fore, si nò impetret, ut ueritas ipsa plurimum uioletur: et quia de ipsius ingenio ac humanitate bene speret, tum etiam, q̃ in ea prouincia, quæ propriè ad ipsius curà ecclesiasticà pertineat, natus sit & educatus, non potuisse non ad ipsum hæc perscribere. Mōguntinus ad ea respondet. ualde gratum esse, quod promittat non obstinatè sua uelle defendere, sed meliora docentibus ultrò cessurum: ad se quantum attinet, etsi religio sibi ualde sit cordi, tamen ipsius legendi lucubrationes otium adhuc sibi defuisse: proinde nihil hoc quidem tempore de illis pronunciare, & iudicium illis deferre, ad quos ea res propriè pertineat, quiq; iam pridem susceperint eam expendendā: optare se nihilo secius, ut & ipse & quicumq; alij sacrorū interpretes, reuerenter & modèstè & religiose, absq; contumelia & inuidia rem omnem tractent: audire se magno cū animi dolore, summis contentionibus, & à magnis quibusdam hodie disputari de pontificis Romani primatu, de libero arbitrio, & id genus alijs frivolis opinionibus, quæ stiunculis & nugamentis, quæ ad pietatem nihil magnopere conserant: uocari etiā hodie in dubiū à nonnullis ea, quæ pridem recepta sint



sint & cōfirmata cōmuni ecclesiæ cōsensu et authoritate conciliorū, quale sit illud de coena Domini & communione sacramenti: & quoniam hæc etiam populariter fiant, nec ad uulgus dissimulentur, pestimas ex eo nasci & periculi plenas, multarum rerum occasiones: non uidere se, quomodo hæc uel ab ipso uel ab alijs cum fructu pietatis ad eum modū tractari possint: quòd si remotis omnibus, docti priuatim de his rebus amicè conferrent, posse tolerari: neque se reprehendere quòd uerum à se doceri dicat, modo id fiat absq; amarulentia & authoritatis ecclesiasticæ contemptu: nam si pio affectu leniter ac modeste uerum profiteatur, fore ut consistat, sin autem fastus aut maleuolentia quædam huc ipsum impellat, nō posse firmum aut diuturnum esse: nam si quis Dei beneficijs abutatur, eum haud dubiè grauem in se uindictam accumulare. In eandem ferè sententiam & eodem die scribit etiam Lutherus ad episcopum Merseburgensem, quod ad doctrinam attinet, bona se conscientia niti, nec aliud docere, quàm quod Christus & Apostoli docuerunt: sed quoniam suæ professioni mores atque uita non respondeant, optare, ut à docendi remoueatur officio: nullum se captare lucrum, nullam spectare gloriam, sed hoc solum, ut æterna ueritas omnibus innotescat: qui sua damnent, eos uehementi quodam odio concitari, & suis affectibus falso pontificis Romani nomen obducere: multos exterarum gentium uiros, eruditione & ingenio præstantes, datis literis gratulari sibi de suis scriptis, et permagas agere gratias: quò magis etiam credat sanam se doctrinam proposuisse: rogat igitur, ut paternè secum agat et erranti uiam commonstret: adhuc quidem impetrare se nō potuisse, ut res cognosceretur, licet omnibus precibus flagitarit: nunc etiam longè sibi fore gratissimum, si quis errorem sibi eripiat: obstinatè nihil se facturum esse. Episcopus ad ea rescribit. sollicitum se uehementer ac sæpe de ipso fuisse. neque parum sibi dolere, quòd librum inter alios emisit de coena Domini, quo multi non leuiter sint offensi: populum etiam suæ cure peculiariter commissum, eo dogmate ualde commoueri, quod sibi cumprimis doleat. Ipsius deinde asperitatem scribendi reprehendit: atque ut exteris probetur ea ratio, se tamen probare non posse, uerum optare, ut ad actionem istam animum adferat Christianum, et ab omni uacuum perturbatione: minus reuerenter etiam ab ipso tractari

1520 pontificem Romanum, quod & non deceat, & alioqui ualde sit indignum: itaque monet, ut illam ingenij dexteritatem accommodet ad alia, quæ plus in commune profint, & ut contentionem omnem acriorem remittat: quod autem demonstrari sibi petat errorem, seq̃ tractabilem esse futurum polliceatur, ait non se posse iam literis ad ea respondere, sed coram aliquando prolixius acturum. Erat Friderico principi tunc temporis aliquid Romæ negocij, quod Valentino Ditlebio commendarat, homini Germano. Is nuntiabat, & hoc & quæcunque alia ipsius negocia Romæ parum esse grata, propter Lutheri temeritatem & immodestiam, qui & contra pontificem & Ecclesiam Romanam & senatum cardinalium odiose multa scripserit & acerbè, quem quidem hominem ipse foueat & defendat, ut plerique omnes confirment. His acceptis literis, Fridericus respondet. nunquam sui fuisse propositi, ut suo patrocinio Lutheri doctrinam propugnaret, & ne nunc quidem eius esse animi, neque sibi iudicium sumere ullum eorum quæ doceat: audire se quidem ipsius dogmata ualde probari uiris doctis & iudicio præditi, uerum se nihil quicquam pronunciare, & illi sua permittere defendenda: duas autem ab eo condiciones oblatas esse iampridem, & adhuc deferri: primum, si fide publica idoneè caueatur, coram legato pontificio, quicumque tandem ille sit, rationem se redditurum esse doctrine suæ: deinde, si demonstretur error, paratissimè discessurum à sententia, de eoque palam esse contestatum: & quanquam satis hoc ipso fecisse uideri possit, tamen multò ante commones factum à se, uoluisse decedere finibus, nisi Carolus Miltitius aliud suafisset: huic enim fuisse uisum, ut in ijs locis maneret potius, quàm ut alio se reciperet, ubi maiorem fortasse nactus libertatem, editurus esset acriora multò, quàm adhuc fecisset: itaq; nullam de se malè suspicandi causam idoneam adduci posse: sperare etiam nihil sibi fraudi futurum apud pontificem: grauitè enim molesteque sese laturum, si uulgò persuadeatur, errorem ullum suo tempore natum, ab se defendi & confirmari. Post, familiarius ipsum appellat ijsdem literis, propter communem patriam, & audire se dicit, in eam contentionis acerbicatem nunquam fuisse rem deuenturam, nisi Eccius & id genus alij quidam ex diuersis locis, atq; etiam ex urbe Roma litem excitassent: eorum scriptis admodum atrocibus im-

pul-

Frideri-  
cus scri-  
bit Ro-  
mam.



pulsum ac propè coactum respondisse Lutherum, & occasione uelut 1520  
 in manus atq; sinu delata, patefecisse multa, quæ, nisi laceſſitus ad e-  
 um modum, non fuerit dicturus unquam: hoc ita sibi deferri à uiris do-  
 ctis, qui rem omnem teneant, & ipsum quoq; nō diffiteri Lutherum:  
 in eos ergo totius turbæ conferendam esse culpam, qui dum pontifici  
 fortasse gratificari uoluerunt, non mediocriter eum læserint: non eun-  
 dem esse nunc, qui fuit olim, Germaniæ statum: excitari uidelicet inge-  
 nia præclara, literas omneis bonas & artes efflorescere, et in discendis  
 linguis ad ueram eruditionem necessarijs, complures utilem operam  
 nauare: breuiter, eam nunc esse temporum conditionem, ut etiam ho-  
 mines plebei, magno quodam teneantur cognoscendæ scripturæ desi-  
 derio: quapropter multos ita putare, si conditiones à Luthero iamdu-  
 dum propositæ reiſciantur, et ecclesiastica potestas uim suam in illum  
 conuertat, indicta causa, fore, ut multo magis omnia exasperentur,  
 & post ad compositionem res difficilimè deduci possit: illius enim sic  
 esse plurimorum animis infixam doctrinā, ut, nisi legitimè tractetur,  
 & scripturæ sacræ testimonijs ac solidis argumentis doceatur error,  
 maximi sint per Germaniam et pleni discriminis orituri motus, unde  
 nec ad pontificem nec ad quemuis alium ulla sit utilitas reditura. Cū Leo scri-  
 hæc ille scripsisset ad calendās Aprileis, pōtifex, Iulij mensis die sexta, bit Frid.  
 missis ad eum literis, quod nihil habeat cum Luthero cōmune, homi- Sax. Du-  
 ne prorsus impio, ualde sibi gratum esse dicit: antea se præclarè sem- ci.  
 per de ipso propter uirtutis opinionem sensisse: cum autem uiri gra-  
 ues hoc sibi constanter nunc affirmant, non mediocriter auctam esse,  
 qua sit antè complexus eum, beneuolentiam: nimirum hoc ita decere  
 ipsum, cuiusq; totam familiam, quæ magnum semper honorè ecclesiæ  
 Romanæ detulerit: singularem quoque prudentiam ipsius ex eo satis  
 apparere, quod intelligat, non illum à Christo, sed ab humani generis  
 hoste Sathana in orbem terrarum immissum, qui ad insaniam usq; sit  
 ambitiosus, qui & Vicleui & Husi et Bohemorum hæreses antè da-  
 mnatas resuscitet, qui popularè auram captet, qui falsa scripturæ in-  
 terpretatione simplicibus occasione peccandi præbeat, qui continen-  
 tiam profliget, qui delictorum confessionem & huic annexam pœni-  
 tentiam eneruet, qui Turcas fauore prosequatur, qui prophanis et im-  
 puris uocibus omnem ecclesiæ disciplinam euertat, qui pœnas hæreti

corum deploret, breuiter, qui conetur summa miscere profundis et sacra prophanis, qui sit eò superbiæ progressus atq; demètiæ, ut conciliorū & pontificum Romanorum autoritate contempta, suam unius opinionē audeat omnibus aliorū iudicijs anteferre: prudenter itaq; factum esse, quòd homini tam pestilenti non sit familiaris, quòd nullum ipsius errorē approbet, quòd maiorum suorum moribus insistat: cum eius rei mentio sit apud uiros graues atque peritos, magnopere ipsius commendari uirtutem: se uerò inprimis agere magnas gratias Deo, quod talem ei mentem dederit: tolerasse aliquandiu proteruiam illius ac temeritatem, ea spe, fore, ut ad sanitatem rediret: nunc autem, quando suis monitis atq; mansuetudine nihil profecerit, cogi se uolentum adhibere remedium, quòd metuat, ne contagione sua plures ille corrumpat: conuocato igitur cardinalium senatu, & cum doctissimis uiris re communicata: post multam & grauem deliberationem, decretum se fecisse, præmonstratore spiritu illo sacro, qui ecclesiæ Romanæ nunquam desit: eo decreto recitari plurimos illius errores, ex infinitis collectos, quorum alij sint palam hæretici, et cum religione Christiana pugnent, alij uerò bonos mores deprauent, & uitæ honestatem omnem eneruent, & ad nullum non maleficij genus homines inducant: eius autem decreti exemplar se ad ipsum mittere, ut uideat, quam prodigiosos errores ille sathanæ minister defendat: suam uerò hanc esse mentem, primùm, admoneat illum, ut omni deposita superbia, desistat ab instituto, deponat errorem, ab eoq; palam & solenniter discedat: hoc si recuset facere intra diem præfinitum, det operam, ut custodiæ mandetur: ita fore, ut à sua domo & à Germaniæ quoque labem omnem depellat, & magnam nominis gloriam sibi comparet, qui nascens illud incendium, patriæ futurum longè funestissimum extinxerit, facturum quoque rem Deo cum primis gratam. Decretum uerò illud, sanè quàm prolixum, fuit editum ad x v ij. calendas Iulij. Primùm, adductis aliquot scripturæ locis, & ad suum propositum accommodatis, Leo pontifex, Christum, deinde Petrum, Paulum reliquosq; diuos implorans, ut impendens ecclesiæ periculum auertant, grauissimè queritur, nunc demum exoriri doctrinam, quæ & damnatas iam olim hæreses ac nouos etiam errores & meram contineat impietatem: hoc eò sibi dolere uehementius, quod ea pe-

sus or=



stis ortum habeat in Germania, quæ non solum magna semper obser-  
uantia fuerit in Ecclesiam Romanam: uerum pro huius quoque di-  
gnitate uitam aliquando profuderit, & acerrimas suscepit dimica-  
tiones: in recenti adhuc esse memoria, quantis animis & quo ardore  
Bohemos oppugnarint & Hussitas: nuper etiam academias aliquot  
pristinæ uirtutis atq; roboris præclarum edidisse documentum: quia  
uerò sibi suæq; curæ sit à Christo demandata totius orbis Christiani  
multitudo, non se posse diutius ad tantam rem conuiuere: post, recita-  
tis Lutheri dogmatis, aduersari ea dicit charitati Christianæ, & re-  
uerentiæ, quam omnes ecclesiæ Romanæ debeant: itaque congrega-  
tionem fecisse cardinalium senatus & aliorum, qui quidem à multa  
disceptatione pronunciarint, ea minimè recipi oportere, quod &  
concilijs & patribus & ecclesiæ fidem derogent: de illorum ergo con-  
sensu ac uoluntate doctrinam hanc omnem damnat, & pro ea quam  
habere se dicit, potestate, mandat omnibus, ut eam defugiant, graui  
constituta poena singulis, pro sua cuique dignitate & ordine ac uitæ  
genere: mandat etiam magistratui, præsertim Germano, ne quid eius  
doctrinæ comprobent aut defendant: libros quoque Lutheri, quibus  
ista continentur, iubet exhiberi atque incendi. commemorat deinde,  
quàm egerit amanter atque paternè, ut illum ad sanitatem reuocaret,  
quomodo per legatos eum sit adhortatus, quomodo Romam euoca-  
rit, quomodo de profectioe cauerit, & uiaticum promiserit: illum  
uerò contempta citatione, ad concilium à se prouocasse, contra Pij &  
Iulij II. decretum, quo sit cautum, ut qui sic prouocant, poenam sub-  
eant hæreticis constitutam: ideoq; sibi tunc integrum fuisse quidem,  
aduersus illum agere pro ipsius merito, sed tamen pro sua mansuetu-  
dine longius quoddam tempus atque moram indulxisse, si fortè, tan-  
quam filius prodigus, calamitate sua melior effectus, ad gremium  
ecclesiæ redire uellet: eius etiam animi erga illum adhuc quidem esse:  
uehementer itaque per omnia sacra rogare tam ipsum quàm socios,  
ut desinant perturbare ecclesiam: id si faciant, multam eis beneuo-  
lentiam pollicetur. Luthero tamen mandat interim, ut à docendi mu-  
nere discedat: deinde dies lx: præfinit, intra quos ad sanitatem redeat,  
& suos ipse libros aboleat, & doctrinam suam publicè detestetur: nisi  
pareat, damnat et proscribit, ut hæreticum, et poenam legibus cõstitu-

1520.

Leo x.  
damnat  
Luth.

Pij & Iu-  
lij II. e-  
dictum.

1520 tam iubet irrogari, et sacris interdicat, & mandat omnibus, ut aditum ipsius atq; sermonem defugiant, nec ullam rem cum eo communicent. qui secus fecerint, iisdem legibus pœnisq; subijcit, & decretum hoc omnibus in templis ac populi conuentibus, certis diebus recitari iubet. De Pio quod dicit, deq; Iulio pontifice, sic habet. Ad annum salutis M. CCCC. LIX. Pius secundus, Turcici belli causa præcipuè, concilium habuit Mantuæ, atq; ibi decretum fecit inter alia, ne quis à pontifice ad concilium appellaret, eò quod supra Christi uicarium nihil reperiri posse diceret in rerum natura maius. Damnabat igitur eos qui contra facerent, & irritas pronunciabat eiusmodi prouocationes. Neque multò post, Austriæ duci Sigismundo sacris interdixit propter captum Nicolaum Cusanum cardinalem: Sigismundus autè ab eo prouocat ad concilium. itaque pontifex administrum eius rei Georgium Heimbürgum iureconsultum proscribit, ut maiestatis uiolatorem & hereticum, ac senatum Noribergicum per literas monet, ut illum & urbe pellant & bonis omnibus exuant. Hoc eius decretum Iulius deinde secundus denuò sanxit, ut contra cardinales, qui secessionem ab eo fecerant, contraque reges ac principes, adeoque scholam Parisiensem, qui hoc utebantur per fugio, sese tueretur. Pius autè pontifex, antea dictus Eneas Syluius, interfuit concilio Basiliensi, & rem omnem descripsit, & decreta ibi facta magnis laudibus extollit: sed ad summum dignitatis gradum euectus, mutata sententia, pontifici concilium debere subesse uoluit. Lutherus, ubi se damnatum Romæ cognouit, repetit appellationem illam superiorem, quando à pontifice prouocauit ad concilium: nunc uerò, quia pontifex in tyrannide et impietate sua permaneat, eoq; licentiæ procedat, ut se nec uocatum nec auditum nec erroris conuictum damnet, ait se rursus ad concilium ab eo prouocare, quatuor potissimum de causis. quod uidelicet non audita controuersia, non conuictum pro sua libidine damnet, quod si dem in sacramentis necessariam à se iubeat abnegari, quod suas opinioniones & merè humana deliria sacris literis anteponat, quod concilio nullum relinquat locum: itaque temerariū uocat illum & præfractum & tyrannum, & superbum ecclesiæ contemptorem, et antichristum deniq; hæc autè omnia, quandocunq; suis maioribus uisum fuerit, demonstraturum se dicit, eoque Cæsarem ac reliquos magistratus orat,

Luth. op  
pugnat  
censurā  
Leonis.



orat, ut gloriæ Dei et libertatis cōcilij tuendæ causa, prouocationem 1520  
 hanc suam admittant, ut illius tyrannidi frenos iniiciant, ut decretū  
 ab eo factum nihil ad se pertinere putent, nec aliquid moueant, donec  
 legitimè causa fuerit disceptata. Prius quàm ad hunc modum prouo=  
 caret, quod fuit Nouembris die xviij. librum emiserat, de captiuitate  
 Babylonica, & præfatus ait, in cognitione scripturæ se indices magis  
 magisq; proficere: primis illis annis editum à se libellum esse de indul=  
 gentijs pontificijs, & reuerenter quidem tunc scripsisse, quòd magna  
 quadam religione teneretur & Romanæ tyrannidis obseruantia: nūc  
 autem multò aliter iudicare, & aduersariorum stimulis excitatum di=  
 dicisse, pontificatum Romanum nihil aliud esse quàm regnum Baby=  
 lonis, & robusti uenatoris Nimrodi potentiam. deinde, de sacramen=  
 tis Ecclesiæ disputat, & tria solū esse contendit, baptismum, pœni=  
 tentiam & cœnam domini. Et de his quidem tractat, post etiam de=  
 reliquis, confirmatione, ordine, matrimonio, unctione: sed his nomen  
 atq; titulū sacramenti non tribuit, & sacramenta propriè uocari di=  
 cit, quæ sunt annexis promissa signis: cætera, quæ signis alligata non  
 sunt, nuda dicit esse promissa, ideoq; ne pœnitentiam quidem in hunc  
 numerū recipi posse putat, si propriè uelimus & exactè loqui, iuxta  
 definitionem uocabuli, propterea quòd signo uisibili & diuinitus in=  
 stituto careat. Post acceptum ergò pontificis decretum, Lutherus, &  
 appellationem, de qua suprà diximus, interponit, & simul scriptum  
 edit contrarium, & omnia sua dogmata, quæ Leo damnauerat, ordi=  
 ne confirmat & asseuerat. Cæsar interim constitutis in Belgio rebus  
 necessarijs, Octobris diem sextum designat electoribus, ut inaugura=  
 tionis causa sibi præstò sint Aquisgrani: sed per id tempus admodum  
 sauebat ibi pestis: itaque principes, ubi Coloniam uenissent, decem  
 ab Aquis milliaribus, & grassantis morbi fama quotidie cresceret,  
 missis literis atque legatis, Cæsarem, qui tūc erat Louanij, rogant, ut  
 propter eam causam aliò se conferat: Oppidani uerò, qui maximos  
 iam sumptus fecissent in adornandis domicilijs & alimonia compa=  
 randa, per idoneum interpretem, morbi uim extenuantes, animum  
 eius confirmant, ne dubitet uenire. perstitit igitur in sententia Cæsar,  
 neq; Caroli quarti legem, qui sic statuisset, temere se posse mutare di=  
 cit. Octobris ergò die xxi. ueniunt cò Moguntinus, Colonienfis, Tre=

Lutheri  
 liber de  
 captiui=  
 tate Ba=  
 bylonica

Luth.  
 respōdet  
 Leo. pōt.

2520 uericus, Saxonie ducis & Brandenburgensis Marchionis legati. Nam Saxo per causam ualeitudinis Colonia substitit. Postridie obuiam Cæsari contendunt, & appropinquatem, honorifice, cum ex equis descendissent, excipiunt, uerba faciente Moguntino: ipse per Salisburgensem cardinalem beneuolè respondet. Coniunctis igitur agminibus urbem petunt: ante portam occurrit Palatinus. Equitatus erat omnis electorum, circiter mille sexcenti, partim hastati, partim sagittarij: Cæsaris autem ad duo millia, splendidissime omnes uestiti. Dux Cliuensis Ioannes, planè finitimus, equites adduxerat quadringentos, insigniter armatos. ijs contentio multa fuit cum Saxonis, utri præcederent, ita quidem, ut pompam istam, qua uix ullam Germania uiderat illustriorem, nox interpellaret. Latus utrunque Cæsaris claudabant Coloniensis & Moguntinus: ponè sequebatur Bohemie regis legatus, item Sedunensis & Salisburgensis & Croius cardinales: regum atq; principum oratores. Põtificius tantum aberat & Anglicus, quòd eo fecisse putantur, ne postpositi principibus Germanis, eorum, à quibus erant missi, uiderentur imminuere dignitatē. Cæsar in eadem diuæ uirginis introductus, ibiq; precatus, ac deinde separatim cum electoribus colloctus, in domicilium suum diuertit. Altera die rursus in templo conuenitur: tantus erat hominum concursus, ut à spectatoribus armatis agrè coherceri possent. In medio templi dependet corona quædam perampla: subtus erant stragule uestes multæ: hic aliquândiu Cæsar pronus decumbit, interea dum Coloniensis quasdam preces absoluit: postea sublatum Moguntinus atq; Treuericus ad aram diuæ uirginis adducunt. Hic iterum procumbit, & peractis precibus in solium auratū deducitur. Incipit sacrificare Coloniensis, & aliquousque progressus, latinis uerbis rogat, an fidem catholicam seruare, defendere Ecclesiam, administrare iustitiam, restaurare Imperium, tueri uiduas, pupillos & id genus calamitosos homines, an honorè debitum Romano põifici uelit exhibere? ubi annuit, ductus ad aram, conceptis uerbis iurat, post ad solium regreditur. Principes deinde Coloniensis interrogat, an fidē et obsequiū ei præstare uelint? eo promisso, & rursus aliquot dictis precibus, in pectus & caput & brachiorum flexus & manū palmas illum iniungit: unctum Moguntinus & Treuerensis in sacrarium abducunt, atque ibi diaconi more uesti-

Carolus  
Cæsar  
corona-  
tur A-  
quisgra-  
ni.



uestitum, rursus in cathedra collocat, & post certas iterum preces, ar 1 5 2 0  
chiepiscopis collegis adhibitis, ensē euaginatū ei Coloniensis tra= dit ac rempublicam cōmendat, & gladio in uaginam recondito, an= nulum inserit eius digito, postea pallium induit regale, sceptrum quo que porrigit atq; pomum, quod orbis terrarum figuram representat: diadema uerò simul archiepiscopi tres eius capiti super imponūt: inde ad aram adductus, iterum iurat facturum se boni principis officiū: post, in sublimiorem locum, comitantibus archiepiscopis ascendit, & in saxeā sede collocatur. Ibi Moguntinus lingua populari uerba facit, & multam ei salutem precatus, se suosq; collegas & ordines omneis Imperij diligenter commendat. Idem deinde faciunt primarij templi sodales, quorum in collegium etiam allectus fuit ueteri consuetudine: posthæc, publicam lætitiā symphoniaci & tubicines excitabant. Harū rerum omnium spectatrix erat Margarita, Cæsaris amita, quæ Belgio toti præerat. Peracto sacro, cūm cœnam domini Cæsar percipisset, in equestrem ordinem recipit uolentes. hic honos communicari solebat antiquitus ijs tantum, qui strenuè pugnassent in hostem, eratq; præmium fortitudinis: nunc autem recepta consuetudine, reges, gladio stricto leniter feriunt humeros eorum, qui hunc ordinem affectant. Et hac sola ceremonia promiscuè multi hodie sunt equites, nō ex nobilitate tantum, sed mercatores etiam & quicunq; præ cæteris in honore esse uolunt. E templo uentū est in palatiū, magnificentissimè comparatum. Ibi demūm Cæsar prandium sumit, & electores etiam, singuli separatim, in eadē aula, dispositis mensis ad utrunq; latus mensæ Cæsaris, Treuirensi locum obtinente contra Cæsare, iuxta formulam legis Carolinæ. Veteri cōsuetudine bos eo die torretur, factus alijs animalibus: ex eo pars aliqua defertur ad Cæsare, reliquum est multitudinis: uinum etiam duabus fistulis ad eam rem comparatis, toto die publicè profunditur. A prandio reuersus in diuersoriū Cæsar, Imperij sigilla Mogūtino tradit: postridie cœnam dat electoribus. Eo qui secutus est die, templū ingressus, finita Missa, diuorū reliquias, uti uocant, ueneratur, & in his, linteolū, quo Seruatorem nostrū in cunis uagientem, inuolutum fuisse cōfirmant: ab eo, Mogūtinus proficitur, pontificem Romanum, approbata creatione, iubere, ut electi Cæsaris nomen in posterum Carolus usurpet. Digressis electoribus, ne diutius  
hære=

1520 hererent in loco pestilenti, Cæsar etiam iter suscipit, et cum sub calendas Nouembris Coloniam Agrippinam uenisset, dimissis per Germaniam literis, Imperij conuentum indicit, & ut Ianuarij mensis die sexta, Vuormacia sibi præsto sint omnes, iubet. Porro, quod Moguntinus de pontificis approbatione dixit, moribus ita receptum est & inoleuit, conuerso rerum ordine. nam olim episcopi Romani solebant ab Imperatoribus approbari, cum essent tenuiores: amplificati uerò non solum arbitrato suo regere cœperunt, uerum etiam eò rem adduxerunt tandem, post acerrimas contentiones, ut eligendi quidem ius, Germaniæ septemuiris permittant, confirmandi uerò potestatem sibi propriam esse dicant. Et hac quidem authoritate sæpe sunt usi per omnia propè regna, maximè per Italiam, Germaniã, Galliam, quando designatis regibus abrogato magistratu, substituerunt alios. Etenim, ut reliqua iuris pōtificij loca præteream, in Gregorij noni decretalibus epistolis, Innocentius tertius affirmat. ius eligendi Cæsaris, beneficio pontificum & Ecclesiæ Romanæ delatū esse à Græcis ad Germanos & ad Carolum Cæsarem, cognomento magnum, & ipsorum esse cognoscere ac iudicare, num sit idonea persona. nec eo contenti, fidem etiam exegerunt per iusiurandum à summo totius orbis terrarum magistratu. quæ quidem res maximis offensionibus atque bellis causam sæpe dedit. tandem uerò, Clemens quintus, qui uixit ad annū salutis millesimum trecentesium, legem hac de re tulit, insertam iuri pontificio. Cum enim Henricus eius nominis septimus, è familia Luxemburgica, Cæsar, nollet ad hunc modum obligari, quòd diceret non ui rem esse exempli, nec usurpatam ætate superiori: Clemens, ut in posterum cauèret, copiose rem explicat, & quid eo iureiurando contineatur, demonstrat. nimirum, ut Cæsar Ecclesiam Romanam defendat, ut hæreticos exterminet, neq; cum impijs ullum habeat commercium, ut pontificū dignitatem modis omnibus tueatur, ut priuilegia quondam Ecclesiæ Romanæ concessa quocunque tempore, conseruet, inprimis ea, quæ profecta sunt à Cōstantino, Carolo magno, Henrico, Ottone quarto, Friderico secundo, Rudolfo: ne quis iuris in ullas Ecclesiæ Romanæ facultates atq; possessiones, quocunq; titulo sibi uendicat: ut reliquas etiã ubiuis Ecclesias, earumq; libertatem atq; iura protegat. His rebus deuinctū sibi Cæsarem esse dicit, & Henricū

etiam

Clemen  
tis V. lex  
de iure  
iurando  
Cæs.



etiam per internuncios hæc sibi promississe confirmat, utcunq; postea 1520  
 dissimulauerit. exijt autem hoc decretum, Henrico iam mortuo. Cle=  
 mens hic est, qui primus omnium Roma cardinales euocauit Lugdu=  
 num, & in Gallia cum illis confedit. Post eam ætatem, Cæsarum per  
 Italiam authoritas atq; robur, indies magis magisq; decreuit, & au=  
 ctæ fuerunt Romanorum pontificum uires, ita quidem, ut huius &  
 paulo superioris memoriæ Cæsares obedientiam hanc atq; fidē omni  
 nō se debere illis arbitrentur. Inter pontifices autem, qui Cæsares no=  
 strates uehementer exagitarunt, præcipui fuerunt, Gregorius VII. A=  
 lexander III. Innocentius III. Gregorius nonus, Innocentius IIII. Ni=  
 colaus tertius, Bonifacius octauus, Clemens V. Nunc ad institutū re=  
 uertamur. Interea dum Cæsar est Colonia, pontifex per Marinū Ca=  
 racciolum & Hieronymum Aleandrum denuo cœpit sollicitare Fri=  
 dericum principem. Et illi quidē in ipsius atq; etiam eius familiæ lau=  
 dem nonnulla præfati, & commemorato periculo, quod propter Lu=  
 theri scripta longe teterrima iam impendeat Germaniæ, duo tandem  
 petebant. primum, ut illius omneis iuberet exuri libros, deinde ut  
 ipsum uel capite plecteret, uel custodiæ datum, pontifici sisteret. Ade=  
 rant huic actioni Petrus Bonomus, Tergestinus, & Bernardus, Tri=  
 dentinus episcopi. Cæsarem etiam & reliquos omneis principes, ap=  
 pellatos hac de re, facere quæ pontifex postulasset, & sibi dicebat A=  
 leander atq; Eccio Theologo, causæ cognitionem à pontifice manda=  
 tam esse. Fridericus, quod permagni momenti res erat, petito delibe=  
 randi spacio, quarta die Nouembris, per suos familiares, quoniam oc=  
 cupatus erat ipse, respondet, Tridentino præsentē. Omnino sibi præ=  
 ter opinionem accidisse, quod eiusmodi rem pontifex ab se petat, qui  
 semper hoc elaborarit, ut maiorū uirtute atq; splendore nihil cōmit=  
 teret indignum, utq; fidelē operam, Imperio, & suam Ecclesiæ præsta=  
 ret obsequentiam: audire se, interea dum ipse domo absit in reipub.  
 negocijs occupatus, Ecclīū non Luthero tantum, sed & alijs quibus=  
 dam suæ ditionis uiris doctis uoluisse, contra pontificij decreti seriem  
 atq; modum, creare periculū: quam sanè rem, pro eo ac decet, moleste  
 ferre debeat. hominē uidelicet priuatum, in aliena prouincia tantum  
 sibi sumere: quid Lutherus aut etiam alij, per suam absentiam, fece=  
 rint post allatum illud pontificis decretū, non sibi constare: fieri enim  
 posse

152 o posse, ut prouocationem eius pleriq; comprobarint: sibi quidem nihil unquam fuisse cum illius causa commune, & ne nunc quidem esse: quòd si minus rectè doceat, magnopere sibi displicere: ante biennium sua sollicitudine & opera perfectum, ut sermonem cum eo Caietanus Augustæ cõferret: tunc quidem ipsis non potuisse conuenire, et Caietanum datis ad se literis grauiter fuisse conquestum: se uerò tunc ita respondisse, ut satisfactum esse putet, imò suspicionis tollendæ causa uoluisse tum ab se dimittere Lutherum, nisi Militius obsitisset: Richardum quoque Treuirensē archiepiscopum ad eam rem à pontifice delectum postea, & Lutherum quidem uelle quocunq; loco iussus fuerit, sistere sese, modò rectè caueatur: adeò quoq; prolixè & amplè polliceri, ut nihil supra uiros bonos & eruditos ita sentire, non sua quadam sponte, sed incitatum ab aduersarijs illum eousq; prodijisse: nondum à Cæsare nec ab alijs etiam auditū, scripta illius ita esse conuicta uel erroris uel impietatis, ut aboleri debeant: alioqui se pridem fuisse facturum boni principis officium: petit igitur, ne ad hunc modum agant, sed potius efficiant, ut delectis aliquot uiris literatis atq; bonis, amanter & placidè de re tota conferatur, ut Luthero rectè caueatur, nec ipsius libri comburantur prius, quàm causam suam dixerit: quòd si firmis scripturæ testimonijs & solidis argumentis fuerit conuictus, tum eius institutum minimè se probaturum: & ut inferior ille sit futurus, totaq; causa cadat, sperare tamen, pontificem à se nihil, quod minus honestè facere queat, esse postulaturū: in cæteris rebus omnibus facturum se beneficio Dei, quod Imperij principem & obsequentem Ecclesiæ filium deceat. Eo dato responso, illi habita de liberatione, cœperunt commemorare, quàm multa pontifex fecisset ac tolerasset, quòd Lutherus in uiam aliquando rediret: illum uerò nihil eorum quæ pollicitus erat, fecisse: non esse iam Treuirensis episcopi de eo cognoscere, quandò quidem pontifex ad se causam reuocarit, ad quem unum pertineat de rebus eiusmodi iudicare. Exitus orationis erat, ut ex formula decreti pontificis agendum sibi dicerent itaq;

Lutheri  
libri exu-  
guntur.

Lutheri lucubrationes non multò post incendunt & exurunt. Aleander erat Italus, patria Mottësis, hebraicæ linguæ peritissimus: docuit aliquando bonas literas Lutetiæ Romam profectus, paulatim creuit: factus deinde archiepiscopus Brundusinus, post etiam cardinalis: ad

cun=



eundem dignitatis gradum peruevit quoq; Caracciolus. Eo cognito, 1520  
 Lutherus, conuocata omni multitudine scholastica, Vuittembergæ,  
 & magna doctorum hominum comitante turba, ius pontificium, &  
 illud nuper euulgatum pontificis decretum, palam incendit, Decem-  
 bris die decimo, & postridie, cum doceret, uehementer admonuit, qui  
 suæ salutis consultum esse uellent, ut à regno pontificio sibi cauèrent.  
 Editò scripto, sui facti rationem exponit, suaq; uoluntate, consilio &  
 opera, pontificios libros esse crematos profitetur, his nimirum de cau-  
 sis. primò, uetustum esse morem & singulis temporibus obseruatū,  
 ut mali & perniciosi libri flammis aboleantur, eiusq; rei testimoniū  
 in actis apostolorum extare: deinde, ad suum officium, qui sit in Chri-  
 sto baptisatus, qui sit sacrarum literarum professor & doctor publi-  
 cus, pertinere, ut impiam doctrinam oppugnet, & salutarem homi-  
 nibus proponat, & falsas opiniones hominum animis eripiat: idem  
 officium ad complures etiā alios pertinere, & ut hi uel imperitia uel  
 periculi metu impediti non faciant quod debent, se tamen idcirco ex-  
 cusari non posse, nisi bona fide munus suum faciat: pontificem quo-  
 que & ipsius clientelam omnem sic esse deploratē miseros & obstina-  
 tos, ut non solum rectas admonitiones non admittant, uerum etiam  
 Christi doctrinam & apostolorum damnent, & homines ad manife-  
 stam impietatem cogant: adhuc, existimare se, incendiarios illos non  
 habere eius rei mandatum: quòd enim Colonienfes ac Louanienfes  
 theologi, à Cæsare factam ipsis potestatem dicant exurendi suos li-  
 bros, falsum id esse, liquidò sibi constare: postremò, quoniam crema-  
 tis iam suis libris, eaque fama per omnes diuulgata prouincias, multi  
 sint futuri infirmiores, & oritura sit uehemens quædam in plurimo-  
 rum animis dubitatio, quasi neque temerè, neque sine graui causa sit  
 hoc excitatum incendium, idcirco, se, cum insanabiles uideret aduer-  
 sarios, ipsorum etiam cremasse libros, ut hominum animos erigeret  
 ac cōfirmaret. Itaque rogat omnes, ut magnificis illis titulis & inscri-  
 ptionibus aduersariorum, ad ostentationē comparatis, nihil mouean-  
 tur, sed rem ipsam intueantur propius, quàm uidelicet impia sint ac  
 perniciosa dogmata, quæ pontificū libris continentur. Quod quidē  
 ipsum ut rectius intelligi possit, ex infinitis, pauca quædā iuris ponti-  
 ficij loca recēset, quæ ad contumeliā Dei, et ad magistratus iniuriam,

Luthe-  
rus exu-  
rit ius  
pontifi-  
cium.

1520 & ad stabiliendam ipsorum tyrannidem propriè pertineant. sunt autem ad xxx. circiter loca seu capita, quibus demonstrat, causam fuisse rectam & idoneam, ipsorum exurendi libros. deinde læcessit eos, & cur suas lucubrationes incenderint, rationes demonstrari petit. Quod autem adeò pauci uel nulli ferè, sæculis antea actis, antichristi tyrannidem oppugnarint, eò factum esse dicit, quòd scriptura prænunciaret fore, ut aduersarios ille suos trucidaret, ac reges haberet sibi coniunctos: cum ergò Prophetæ & apostoli tam horrenda prædixerint, cogitari faciliè posse, quantam ipsius esse oporteat immanitatem: ita nimirum in rebus humanis esse comparatum, ut ex optimis principibus deterrima quæque tempore nascatur. hoc ubi nonnullis exemplis probauit, ad urbem quoq; Romam accommodat, quæ plurimis à Deo cum mulata beneficijs & ornamentis, omnino degenerarit, & sua contagione magnam orbis terrarum partem infecerit: pontificis hoc institutum esse cōtra leges, contra bonos mores, neq; tolerari posse, quòd legitimam cognitionem defugiat, quòd si legibus omnibus atque iudicijs maiorem esse confirmet. Priori libro diximus, Sylvestrem Priorem in Lutherum scripsisse: cum huic acriter esset responsum, Ambrosius Caterinus Italus defendendum suscipit, edito libro de pontificis Romani dignitate: Lutherus autè prolixè respondet, & loca quædam Danielis interpretatus, tyrannidem pontificiam ibi depictam esse docet, & quæ de antichristi regno præsignificauit ille, prorsus ad pontificatum Romanum pertinere contendit. Catarinus deinde factus est archiepiscopus Cossentinus.

LIBER III.

Cæsar  
euocat  
Lutherū  
Vuormatiam.



1521

Ridericus princeps, interea dum Cæsarem, ad agendos Vuormacie conuentus euntem, comitatur, effecerat, ut Cæsar, uelle se Lutherum euocare diceret, & coram audire. quod ubi Lutherus è Fridericis literis cognouit, sub exitum Ianuarij rescribit, uehementer sibi gratum esse, quòd Cæsar, huius causæ, quæ publica sit, cognitionem ad se recipiat: se quidem omnia quæ salua conscientia



scientia possit, & euangelij doctrina, facturum. orat ergò, det operam, ut contra uim omnem atq; periculum sibi rectè caueatur, ut uiri boni deligantur et eruditi, quibuscum agat, ut ne grauius aliquid contra se prius decernatur, quàm sit erroris conuictus & impietatis: ut interim ab illa rabie desistant aduersarij, neq; suas lucubrationes exurant, & si quid posthac pro gloria Dei, pro ueritate suscipiendum erit, ut hoc sibi per Cæsarem liceat: ubi Cæsar idoneè cauerit, uenturum se Vuormaciam, & ibi coram æquis iudicibus, ita suam causam esse acturum, ut omnes intelligant, nihil à se factum esse proteruè, sed pro republica, maximè uerò pro Germaniæ salute laborem hunc omnem sibi susceptum esse, nimirum, ut à multis grauissimis erroribus, ad sanam & puram doctrinam homines reuocentur. Orat etiam, ut & Cæsar & ipse ad immanem illam seruitutem & orbis Christiani miserrimum statum, sub pontificatu Romano, respiciant. Sollicitante igitur Friderico, Cæsar, vi. die Martij dat literas ad Lutherum. quoniam libri quidam ab eo sint editi, se, communicato cum principibus consilio, uelle causam ex ipso coram cognoscere: itaque potestatem ei facere ad se ueniendi ac deinde redeundi domum: utque hoc ei tutò liceat, publica se fide præstiturum, ut ex eo scripto quod simul mittat, plenius uideri liceat: iubet igitur, ut se statim det itineri, & intra uigesimum primum diem adsit: nec esse, quòd uim aut iniuriam metuat: se curaturum, ne quid omninò sit fraudi. Romani pontifices, die Iouis, qui Paschæ diem antecedit, antiqua consuetudine solent magnis imprecationibus deuouere & execrari certa quædam hominum genera. primum, hæreticos, deinde, piratas, item eos, qui uel nouum instituunt, uel prohibitum uectigal exigunt, qui literas & diplomata Romane curiæ corrumpunt, qui Sarracenis atq; Turcis arma suppeditant, & id genus merces illicitas, qui impediunt, quò minus annona perferatur Romam, qui sectatores aule Romane uiolant, qui possessionibus & locis uicinis ecclesiæ Romane uim faciunt, nimirum, urbi Romæ, Siciliæ, Neapoli, Sardinia, Corsia, Hetruriæ, Spoletio, Sabinis, Anconæ, Flaminia, Campaniæ, Bononiæ, Ferrariæ, Beneuento, Perusiæ, Auenioni. Superiores quidem pontifices in hæreticis nominant Garasios, Pateronos, pauperes Lugdunenses, Arnoldistas, Speri onistas, Vicleuistas, Husistas, Fratricellos: Leo autem de-

1521  
Ponti-  
fex Lu-  
therū ex-  
ecratur.

Luthe.  
Vuorma-  
ciam ue-  
nit.

Luthe.  
causā so-  
am dicit  
corā Cæ-  
sare ro-  
tuoque im-  
perio.

cinus, eo die, quem diximus huius anni, qui tum erat quintus calen-  
darum Aprilis Lutherum, nuper ab ipso damnatum, eiusq; sectatores  
huic numero coniungit, & simul execratur. uulgò uocāt bullam cœ-  
næ domini. Huius autem imprecationis formulam post adeptus Lu-  
therus, populari sermone uertit & explicat, non sine scommatis mul-  
toq; sale. Cæsaris ubi literas accepit Lutherus, Vuittembergæ deduc-  
tus ab ipsius caduceatore, Vuormaciam petit, cumque propius iam  
accederet & paucis abesset milliaribus, plerique dehortabantur, eò  
quòd ipsius erant nuper exusti libri: quo quidem præiudicio iam i-  
psum esse damnatum, et in summo futurum discrimine dicebant, illata  
mentionē, quid accidisset ætate superiore, Ioanni Husso: uerum ipse  
magno quodam animi robore periculum omne contempsit, & terro-  
rem hunc atque metum à Sathana sibi dicebat adferri, qui confessio-  
ne ueritatis, & quidem loco tam illustri, regnum suum labefactari ui-  
deat. itaque progressus, Vuormaciam uenit ad xvi. Aprilis diem. Po-  
stridie, uocatus, ubi coram Cæsare ac frequenti principum concilio  
constitit, Ecceius iureconsultus mandatu Cæsaris uerba facit, & duæ  
sunt, ait, causæ, cur Cæsar, de consensu principum omnium & ordi-  
num, te iussit accersiri, Martine Luthere, de quibus ut ex te cogno-  
scam, mihi mandauit primum, an hos libros, abs te conscriptos esse fa-  
tearis & pro tuis agnoscas alterum, an retractare quicquam in ijs, an  
uerò quæ scripta sunt, uelis tueri? Aderat Luthero iurecōsultus Vuit-  
tembergicus, Hieronimus Schurfius. is librorum inscriptionem reci-  
tari iubet & edit: quo facto, Lutherus, breuiter repetens quod propo-  
situm erat, quantum ad libros, inquit, pertinet, meos esse profiteor et  
agnosco: sed an propugnare uelim quæ scripsi, ut ad hoc legitimè re-  
spondeam, quandoquidem res maximi est momenti, & ne quid præ-  
cipitanter à me fiat, deliberandi spacium posco. Re communicata,  
quanquam, ait ille, de scripto Cæsaris facili tibi fuit, causam, cur sis  
euocatus, intelligere, atque idcirco tibi non licebat moram ullam  
interponere, quò minus iam responderes, tamen Cæsar pro sua cle-  
mentia diem unum ad cogitandum tibi largitur, & ut cras, ad hoc i-  
psum tempus, denuò te sistas, & quid tui sit propositi, non scripto, sed  
oratione testatum facias, iubet. Quod moram istam adhiberet, ple-  
rique putabant non fore constantem. Altera luce, cum ad horam  
adef-



adesset: ei quod secundum fuit, postulato, heri non respondebas, inquit Eccius, petito ad deliberandum spacio, quod iure quidem tibi denegari poterat: nam de fide quisq; sua tam debet esse certus, ut cuius etiam petenti, rationem statim reddere possit: tantum abest, ut tu, tam peritus & exercitatus theologus, dubitare debeas, aut responsum aliquod præmeditari: sed ut cunque sit, age, quid adfers, num illa tua scripta uis tueri? Tum Lutherus, ad Cæsarem & concilium principum oratione conuersa, & magnopere illos obtestatus, ut & æquis animis & patienter audirent, si quid à me peccabitur, inquit, potissime Cæsar, illustrissimiq; principes, uel uerbis minus proprijs, neque tanto confessu dignis, uel etiam moribus parum elegantibus atq; decoris, totum hoc mihi peto condonari, propter uitæ genus, in quo nunc aliquam ætatis partem consumpsi. nam certè de me nihil aliud polliceri possum aut testari, quàm quòd simpliciter hucusque docui, quæ ad gloriam Dei & ad hominum salutem pertinere credo: de libris meis hesternò die respondi, & illos à me scriptos, ac editos agnosco: quanquam si quid fortè sit adiectum ab alijs, id minime uelim pro meo recipere. Iam ut ad alterum ueniam, ad hunc modum res habet, ut dicam. Qui sunt à me conscripti libri, non sunt eiusdem generis nec argumenti omnes. nam ex ijs aliqui solum ad fidei & pietatis doctrinam pertinent. quibus etiam aduersarij mei præclarum dant testimonium. quos quidem si abiurarem, officium uiri boni neglexisse, iure queam incusari: sunt alij, quibus pontificatum Romanum & pontificiorum doctrinam reprehendo, qui maximis incommodis rempublicam Christianam afflixerunt. Quis enim non uidet, quàm miserrè hominum conscientie, legibus uexentur atque decretis pontificum? quis negare potest, quàm fraudulentè & insidiosè prouincias omnes, inprimis uerò Germaniam expilarint, et ne nunc quidem adhuc suæ rapacitatis finem aut modum ullum faciant? Si nunc & hos libros aboleam, tyrannidem illam confirmauero: quod ipsum eò maioris erit præiudicij, cum audietur illud à me factum Cæsaris & principum autoritate. Tertium genus est eorū, qui scripti sunt in quosdam priuatim, et qui Romanā illam nequitiam defendere uolunt, et ubiq; calumniam mihi struunt, in ijsq; fateor me uehementiorē fuisse, quàm deceat: sed nullam sanctimoniam mihi arrogo, neq; de moribus aut mea

uita, sed de uera doctrina professionem institui: & tamen in his ipsis nihil retractare uelim: hoc enim ipso multorum insolentiae fenestram patefacerem: neq; tamen hæc ita uelim accipi, quasi hoc mihi sumam, errare me non posse: uerum, quia proprium est hominis, falli et errare, ad causæ defensionem mihi sumo illud seruatoris nostri dictū, qui de sua doctrina locutus, cum à satellite quodā caderetur, si malè sum, ait, locutus, testimonium perhibe de malo. Quod si Christus, in quem omnis cadit perfectio, non recusauit audire contra se uilissimi seruuli testimonium, quanto magis ego, qui natura tota sum peccator, et non uno modo errare possum, sistere me debeo uocatus & audire, si quis cōtra doctrinā meam aliquid testificari uelit et adferre? Quapropter, per omnia sacra uehementer oro, si quis est omnium, qui aduersus doctrinam, quam profiteor, aliquid habeat, ne dissimulet, sed congregiatur & scripturæ testimonijs errorem doceat: quod si fiat, adeo non sum futurus obstinatus, ut etiam primus omnium libros ipse meos in ignem sim abiecturus: & hæc quidem argumento esse possunt, me non temerè, nec animi quadam impotentia ferri, sed rei magnitudinem & istam perturbationem, quæ propter hanc doctrinam oritur, satis expendisse. Me quidem plurimum etiam delectat, dum uideo doctrinam meam his offerensionibus atq; turbis occasionem præbere: nam proprium hoc esse dicit euangelij, Christus, ut ubicunq; doceatur, grauissimas contentiones excitet, etiam inter eos, qui naturæ uinculis & sanguine sunt coniunctissimi: diligenter itaque & grauius diu multumque cogitandum est uobis, amplissimi uiri, quid statuere oporteat, & prouidendum, ne damnata doctrina, quæ nunc beneficio Dei uobis offertur, maximarum calamitatum causam, Germaniæ toti concilietis ipsi: danda est etiam opera, ne Cæsaris, qui hic præsidet, adolescentis, Imperium, nuper susceptum et initum, fiat inauspicatum infœlix aliquo minus laudato & utili ad posteritatem exemplo: plurimis enim sacræ scripturæ locis probari potest, maximum Imperijs periculū tunc incubuisse, quum humanis tantum consilijs atque prudentia ciuili respublica fuit administrata: uerum hæc non eo spectant, quasi uobis, clarissimi prudentissimique principes, commonstrare uelim aut præscribere, quid sit agendum, sed eo solum dico, ut Germaniæ, quæ nobis ortum dedit omnibus, atq; etiam uita  
nostra



nostra charior esse debet, officium meum perpetuò præstem: quod sum peregrinatus, ut contra uim aduersariorum in uestram fidem atque tutelam merecipiatis, etiam atque etiam obtestor. Facto dicendi fine, Eccius, asperiori uultu, non respondes, inquit, ad rem, neque tuum est, ea quæ conciliorum auctoritate sunt olim definita, rursus in quæstionem aut dubium uocare: planum et simplex responsum abs te petitur, an tua scripta uelis esse rata? Tum Lutherus, quoniam iubetis, ait, maxime Cæsar, illustrissimique principes, ut planè respondeam, obtemperabo. Hec igitur mea est sententia. quòd nisi scripturæ sacræ testimonijs uel euidenti ratione conuictus fuero, me non posse quicquam eorum, quæ scripsi uel docui reuocare: nam ut conscientiam ipse meam uulnerem, non committam: pōtifici autem Romano et solis concilijs non credo, nec ipsorum auctoritatem recipio, nam et errarūt sepius, et sibi ipsis pugnantia dixerunt, et errare possunt atque falli. Hoc eius responsum ubi principes in deliberationem uocassent: ille, tu et immodestius, ait, quàm te deceat, et non satis ad rem Luthere respondes, et librorum tuorum facis aliquod discrimen: uerum si reuocares eos, qui magnam errorum tuorum partem continent, Cæsar non esset permissurus, ut eis quæ rectè scripta sunt, ulla fieret iniuria: concilio Constantiensi quàm plurimi ex Germania interfuerunt uirtute et doctrina præstantes uiri, tu uerò huius decreta contemnis, et errores ibi damnatos resuscitas, et sacra scriptura uis conuinci: non rectè facis, et uehementer in eo deliras. nam quæ semel ecclesia damnauit, de ijs nullam attinet instituere nouam disputationem: neque permittendum est, ut de quaque re sibi rationem reddi quisque postulet. Si enim hoc recipiatur, ut eum, qui concilijs et ecclesiæ contradicit, oporteat scripture locis cōuincere, nihil unquam erit certum aut definitum: hac igitur de causa Cæsar abs te postulat, ut quid statuas de libris tuis, aperte pronuncies. Hic Lutherus, obsecro uos, ait, ut per uos mihi liceat conscientiam tueri saluam et integrā: respondi simpliciter, nec aliud habeo quod dicā: nisi enim ueris et scriptura desumptis argumētis aduersarij me doceant et errorē eripiant, fieri non potest, ut animo sim tranquillo: demonstrare enim possum, sepe numero ab illis et grauiter esse erratū: ut autē à sacra scriptura recedā, quæ et perspicua est ac sola falli non potest aut errare, cum primis impium fuerit. Ille paucis obmurmura-

bat, doceri non posse, concilium ullum aliquando errasse: Lutherus contra profitebatur, se & posse & uelle, atq; ita tunc discessum fuit. Postridie Cæsar epistolam mittit in concilium principū. Maiores suos & Christianam religionem esse professos, & ecclesiæ Romanæ semper obtemperasse: cumq; Lutherus nunc eam oppugnet, ac sententiæ suæ pertinaciter insistat, officium suum postulare, ut antecessorum uestigijs immoretur, & religionem Christianam tueatur, ac simul ecclesiæ Romanæ ferat opem: proscripturū igitur esse Lutherum atq; socios, & alijs usurum se remedijs, ad incendium hoc restringendū idoneis: quam autem ipsi dedisset fidem, eam se seruaturum, ut saluus & incolumis domum reuertatur. Ea Cæsaris epistola diu multumq; fuit in senatu principum disceptata: neq; deerant, uti fertur, qui Constantiensis concilij decretum et uestigia secuti, fidem ei minimè seruandam esse dicerent: sed huic sententiæ tum alios, tum Ludouicum Palatinū electorem restituisse uehementer aiunt, quòd ad Germanici nominis labem atq; dedecus sempiternū ea res pertineret. Quapropter, non modo seruandam ei fidem, sed neq; temerè damnandum esse pleriq; censuebant, eò quòd magni res esset futura momenti, quicquid demum Cæsar decreuisset, quem, in hac ætate positum, à pontificijs administris impelli uidebant aduersus Lutherum & exacui. Diebus autē aliquot interiectis, episcopus Treuirensis, xxiiij. diem Aprilis Luthero constituit, ut ad se ueniat: aderant Brandenburgicus princeps elector, Ioachimus, Saxonie princeps Georgius, Augustanus episcopus & alij quidam proceres: cumq; Lutherus ab episcopi sacrificio deductus et à Cæsaris caduceatore, uenisset, ibi Væus iurēcōsultus Badensis, quòd huc euocatus es, ait, à principibus, Martine Luthere, non eò factum est, ut ullam disceptationem ingrediantur, uerū ut amicè tecum agant, teque priuatim cōmonestant eorū, quæ uidentur ad te ipsum imprius pertinere: ut enim hoc ipsis liceat, à Cæsare impetrarūt. Et primò quidem, quòd ad concilia pertinet, fieri potest, ut diuersa docuerint aliquando, non tamen contraria: et ut maximè errauerint, non tamen propterea sic corrui ipsorū authoritas, ut ea conuellere cuius liceat: libri tui, nisi caueatur, magnos excitabunt motus, & quem edidisti de libertate Christiana, plerique omnes ad suum affectum interpretantur: quòd licentius, quòd libet, faciant: multò est autem hoc seculum,

quā

Treui-  
rens alij  
que prin-  
cipes a-  
gunt cum  
Luthero.



quàm fuerunt anteacta. deterius: quò cautius agendum est etiam: sunt quædam tua scripta, quæ non possunt improbari, sed uerendum est, ne Sathanas hoc agat, ut alia quædam interim edas, à religione & pietate aliena, quò sic libri tui promiscuè damnentur omnes: quos enim edidisti postremo, satis indicat ex fructibus non autem ex flore cognoscendam esse arborem: non te latet, quàm diligenter scriptura commonefaciat, ut à dæmonio meridiano & à sagitta uolante nobis caueamus: ille humani generis hostis non desinit insidiari nobis, & sub specie pulchri sæpenumero nos illaqueat et in errorem abducit. Cogitare igitur debes tam de tua, quàm de aliorum salute, & providere decet, ne, quos ab æterna morte Christus morte sua redemit, tua culpa tuisq; libris & concionibus ab ecclesia seducti, rursus pereant. cuius quidem ecclesiæ dignitatem omnes reuerenter agnoscere debent: nam in rebus humanis nihil est legū obseruantia præstabilius, & sicut respublica sine legibus consistere nulla potest, ita quoque, nisi maiorum sanctissima decreta religiose tueamur, nihil erit ecclesiæ statu perturbatius, qui debebat omnium maxime esse tranquillus atq; firmus. Qui coram adsunt principes, magna sanè uirtute uiri, singulari quadam erga rempublicam charitate, & priuatim tuæ quoque salutis gratia, de his rebus omnibus te uoluerunt admonere: nam profectò si sententiam tuam pertinaciter urgebis, deq; proposito nihil remittes, futurum est, ut Cæsar, qui iam non obscure, quid sui sit propositi, ostendit, extra fines Imperij te reijciat, nec in Germania sedem ullam tibi esse patiatur: quò tibi de tua fortuna cogitandum est diligentius. Ad ea Lutherus, pro hac uestra erga me uoluntate ac sollicitudine gratias, inquit, uobis ago maximas, uiri principes: equidem tenuiori sum conditione, quàm ut uos tantos uiros pro me laborem hunc deceat et molestiam subire: porro, quantum ad concilia pertinet, equidem nō reprehendo simul omnia, sed inprimis Constantiensem: & cur id faciam, causam habeo magnam & inuincibilem. definiuit Hussus ecclesiam esse coetum prædestinatorum: hoc eius dogma, tum illud, quod dixerat, se credere sanctā ecclesiam, eius concilij procures damnarūt, ipsi potius damnandi. Rectè enim & Christianè dixit utrunq;: quiduis ergo sanè patiar, uitam quoq; profundā potius, quàm ut à manifestò uerbo Dei discedam: est enim Deo magis quàm hominibus obediendū: & quod

de scandalo mihi obijcitur, id neq; possum neq; certè debeo præstare: differunt enim charitatis & fidei scandala, quorum illud moribus & uita consistit, & omninò uitandum est, alterum autem inheret uerbo Dei, nec ulla debet eius haberi ratio: ueritas enim et æterni patris uoluntas atq; mandatum dissimulari non debent, etiamsi totus terrarum orbis offendatur: Christum ipsum scriptura uocat petram scandali, et hoc ad omnes, qui docent euangelium æquè pertinet. scio parendum esse legibus & magistratui: populum etiam ita semper docui, & scripta mea testantur abundè, quantū dignitati legum tribuam: ad ecclesiastica uerò decreta quòd attinet, longè est alia ratio: quòd si purè doceretur uerbum Dei, si præfecti ecclesiarum facerent suum munus, ita ut Christus & apostoli sanxerunt, nihil opus erat iugum illud durum & intolerabile humanarum legum, conscientijs & animis hominum imponere: non me latet etiam, admonere scripturam, cedendum esse proprio, quod aiunt, sensui: uerè quidè istud dicitur, & libenter etiam præstabo, nec obstinatè sum aliquid factururus: tantūmodò mihi liceat euangelij doctrinam profiteri. Cū hæc orasset, iussus est diuertere: re deliberata, Væus inter alia cœpit hortari, ut Cæsaris atq; principū cognitioni sua scripta subijceret. tum ille, quid nūc inquit, nolo equidem uideri, unquam defugisse uel Cæsaris uel ordinum Imperij: sed ne aliorum quidè iudiciū, modò id scriptura duce fiat & uerbo diuino, quod tam apertè pro me facit, ut, nisi hoc ipsum me redarguat erroris, non possim à sententia discedere: præcipit enim Paulus, ne angelo quidem è cœlo uenienti & aliam adferenti doctrinam esse credendum. Itaque uos oro magnopere, saluam mihi liceat tueri conscientiam, idq; uestra potissimum ad Cæsarem intercessione: quod si obtineam, nihil non faciam. Tum Brandenburgicus, num hoc, inquit, uis, te non cessurū, nisi conuictum sacra scriptura? planè, inquit, Lutherus, aut euidentissimis rationibus. Dimisso igitur concilio, Treuirensis, aliquot suis adhibitis familiaribus, denuò illum cœpit admonere per Eccium Iureconsultū, qui pro pontificatu Romano multa locutus, nihil potuit proficere, atq; ita tum disceditur. Altera die Treuirensis iterū interpellat, ut Cæsari ac principū senatui iudiciū permittat absq; conditione: sed id frustra fuit. À meridie, cū ad Treuirensē denuò quidā uenissent uocati, posulant, ut futuro saltem concilio sua summittat. assentitur ille,



ille, modo scripturæ res agatur auctoritate. posthæc, Treuirensis, o= 1 5 2 8  
 mnibus remotis, priuatim cum eo collocutus, quomodo huic morbo  
 tam graui, tamq; periculoso sit medendum, exquiri: ille, quod Gama  
 liel quondam suasset phariseis atq; scribis, optimum esse consiliū,  
 neq; Deo repugnandum esse dicit. Tunc demum episcopus, cū nihil  
 proficeret, benignè dimittit, seq; curaturum ait, ut publica fide domū  
 redeat. Non multo post, Eccius Iureconsultus, episcopi mandatu ue=  
 nit, & quoniam Cæsaris atque principum admonitiones repudiasti,  
 faciet, inquit, Cæsar deinceps, quod erit ipsius officij, & nunc quidē  
 tibi mandat, ut hinc ē uestigio discedas, & in reditum dies uiginti u=  
 num tibi largitur: quam etiam fidem tibi dedit, eam seruabit inuio=  
 lam, & hoc insuper mandat, ut domum profectus, neq; scripto neque  
 uoce populū in uia commoueas. Ad hunc ergo modum dimissus, glo=  
 riam Deo tribuit, & ad xxvi. Aprilis diem discedit, comitatus eodē,  
 quo prius caduceatore Cæsaris. Ex itinere scribit ad Cæsarem, & a=  
 ctionem omnem paucis repetit: deinde, quoniam & antehac semper  
 pacis conditiones detulerit, & nunc etiam deferat, nec aliud petat,  
 quā ut æquo iudicio de lite cognoscatur, interposita scripturæ au=  
 thoritate, flagitat, ut contra uim aduersariorum se tueatur: causam  
 esse non suam priuatam, sed publicam totius orbis terrarum, inpr=  
 mis autem Germaniæ, cuius ipse salutē etiam uitæ suæ anteponat. In  
 eandem sententiam ad reliquos quoq; scribit principes ac ordines.  
 quandocunque Cæsari uisum fuerit & ipsis, uenturum se fide publi=  
 ca, quo iusserint, causamq; suam apud æquos & non suspectos iudi=  
 ces uelle disceptare. Quoniam Hussi & concilij Constantiensis & Bo=  
 hemorū non semel mētio fit hoc in opere, paucis rem explicabo. Vixit  
 in Anglia Ioannes Vuicleuus, ad annum salutis M. CCC. XCIII. Is  
 contrapontificatum Romanum multa scripsit, quæ post in Bohemiā  
 delata fuerunt. Erat tum Pragæ nobilis academia: florebat etiam ibi  
 Ioannes Hussus, professione theologus. hic Vuicleui doctrinam, uti  
 piā atq; salutarem, pro concione celebrabat, et longē lateq; propa=  
 gabat. Accusatus autē ad pontificē Romanum, Alexandrum quintū,  
 citatur. Ille per procuratores, cur non ueniat ostendit: Vuenceslaus e=  
 tiā rex intercedit, ac in Bohemiā legatos mitti postulat, qui rē cogno=  
 scant: sed id frustra fuit. Damnatus igitur Hussus pro hæretico, scriptū

Luthe-  
rus Vuog  
macia  
domum  
reuerit.

Historia  
Ioannis  
Hussi &  
Hicrony  
mi Prae  
genis.

152 **2** edit, & à pontifice ad Christum iudicem prouocat. Erat tum Eccle-  
 siæ Romanæ status ualde turbulentus. Cardinales enim in cōtraria stu-  
 dia diuisi, treis elegerant pontifices, Georgium xij. Benedictum xij.  
 Ioannem xxij. tulerunt hoc permolestè tum alij reges, tum Sigismun-  
 dus Cæsar. Ab hoc demum sollicitatus Ioannes pontifex, conciliū in-  
 dicit Constantiæ: Sigismundus uerò, Vuenceslai frater, Ioannem Hus-  
 sum eò uocat, & missis literis Octobri mense, anno salutis M. CCCC.  
 XIII. publica fide cauet. itaq; comitatus nonnullis ex nobilitate, qui  
 deducerent, Constantiam uenit Hussus, Nouembris die tertio: tribus  
 uerò post hebdomadis, cum ad colloquiū priuatum pontificis & car-  
 dinalium uenisset, captiuus detinetur. Aberat tum fortè Sigismundus,  
 & certior factus, grauitè tulit, eoq; uenit: sed cum pontificij diceret,  
 non esse fidem seruandam hæreticis, non modò remisit offensionem,  
 licet Bohemi frequenter intercederent, & fidem seruari peterent, sed  
 etiam primus omnium acerbè in eum pronunciauit. Sexta demum Iu-  
 lij die sequentis anni synodus illum, ut hæreticum & seditiosum da-  
 mnat, libros etiam ab eo scriptos iubet exuri: sic damnatus ac Cæsari  
 traditus, crematur: cineres uerò dissipantur in profluentè Rhenum, ne  
 quæ superessent eius reliquiæ. Post eū simili supplicio uitā finijt ipse  
 auditor atq; discipulus Hieronymus Pragensis. Erant hoc in con-  
 cilio, præter Cæsarem, multorum regum legati, tres electores Imperij,  
 Ludouicus Palatinus, Rudolfus Saxo, Fridericus Brandenburgicus: cæ-  
 terorum uerò principū ingens numerus: patriarchæ tres, Aquileien-  
 sis, Antiochenus, Constantinopolitanus, cardinales uiginti octo, epi-  
 scopi centum, quinquaginta quinque theologi & iurisperiti complu-  
 res, Itali, Germani, Galli, Britanni, Pannonij, Poloni. Damnata fuit  
 etiam hic Vicleui doctrina, & factū decretum, ut illius corpus effos-  
 sum in Anglia, cremaretur. Sancitum præterea fuit, ut soli sacrifici coe-  
 nam domini percipiant integram, reliqui omnes una sint cōtenti spe-  
 cie. quod Hussus impugnauerat. Lex quoq; lata, ne seruetur fides hæ-  
 reticis aut suspectis de hæresi, licet fide publica Cæsaris ad synodū ue-  
 nerint, cognitionis causa. Postremò, magistratus fuit abrogatus tribus  
 pontificibus, & communi uoluntate creatus Martinus, eius nominis  
 quintus. Vbi per Bohemiam de Husi & Hieronymi supplicio cogni-  
 tum est, ingens fuit excitata turba, post etiam bellum, ductore Ioanne  
 Zischa,



Zischa, ualde cruentū & uehemens, ita quidem, ut Sigismundus Imperator cogere-  
 tur auxilium implorare. Maximè uerò scuitum fuit in sa-  
 crificos, odio pontificis, quem execrabantur, ipsius proiecta domina-  
 tione, & Hussi recepto dogmate, cuius & memoriam conserabant.  
 Ad hoc serè tempus, theologi Parisienses Lutheri libros damnabant, Theolo-  
gi Pari-  
senses  
Lutherū  
damnār.  
 & ex illo, qui est inscriptus de captiuitate Babylonica, tum et ex alijs certa quædam capita collegerant, de sacramentis, de legibus Eccle-  
 siæ, de operū æqualitate, de uotis, de contritione, absolutione, satisfac-  
 tione, de purgatorio, de libero arbitrio, de immunitate ecclesiastico-  
 rum, de cōcilijs, de hæreticorū poenis, de philosophia, de theologia scho-  
 lastica, deq; multis id genus alijs. Lectorē uerò & omneis, qui Christi  
 profitentur nomē, admonent, ut ab eiusmodi pernicioso dogmatis di-  
 ligenter sibi caueant: hæreticorū hunc esse morē, ut blanda quædam  
 initio proponant quæ semel in animū admissa uix unquam inde re-  
 uelli queant: sub illis autē uerborū illecebris latere uirus præsentissi-  
 mū: ordine postea multos enumerāt singulorū temporum hæreticos,  
 & in his Vicleuū, Ioannem Hussum ac postremò Lutherū, quem, ut  
 temerarium & arrogantē magnoperè uituperāt, quòd se unū plus cæ-  
 teris uidere putet, quòd sanctorū patrū & interpretum, quòd conciliorum  
 & scholarū omniū iudicia contemnat, quòd Ecclesiæ morem  
 atq; consensum, tot sæculis obseruatū, repudiet, quasi uerò credibile  
 sit, Christum interea uoluisse sponsam suam unicam in tantis errorū  
 tenebris uersari: sed hæreticis hoc esse proprium, ut scripturas ad suū  
 sensum detorqueant. Enumeratis deinde nonnullis ab eo compositis  
 libris, ostendunt, quibus in dogmatis quos imitetur hæreticos: cum au-  
 tem ad ipsorū professionem atq; munus propriè pertineat, nascentes  
 errores iugulare, quantum quidem fieri possit, idcirco libros ipsius e-  
 uoluisse diligenter, ut, quemadmodū sibi cauere quisque debeat ab il-  
 lis, demonstrant: post multam uerò lectionem eorum quæ scripserit,  
 reperire se, doctrinam illius esse perniciosam, & dignam, quæ flam-  
 mis ulticibus uindicetur, ipsum uerò, ut eam detestetur atque reuo-  
 cet, cogendum esse. Huic illorum decreto respondet deinde Melanch-  
 thon, sed & Lutherus, uerū iocose. Porro, theologi Parisienses pri-  
 mum totius Europæ locum in eo genere sibi uendicant: duo habent  
 præcipuè collegia, Sorbonā & Nauarram, eoq; cōfluere solent ex om-  
 nibus

1521 in omnibus propè gentibus, doctrinæ percipiendæ causa. Candidati huius professionis, qui uulgò dicuntur baccalaurei, per totam æstatem multis exercentur disputationibus, & per horas duodecim argumentis omnium ut respondeat, oportet. Hic miræ sunt digladiationes, ac plerumque de rebus aut friuolis, aut quæ captum humanum excedunt, magnis agitur clamoribus, & certamen ferè finitur auditorum strepitu, cum ex disputatoribus alter, uel ineptè uel prolixè nimium agit: foris, per cancellos auscultant theologi doctores, qui magistri nostri dicuntur: hi sunt omnis doctrinæ censores, & planè regnum possidēt. nam rei theologicæ nemo quicquam audet euulgare, nisi de ipsorum permissu: plerique uerò sectantur ocium, eoq; uidentur ad gradum illum aspirare, ut suauiter uiuant & alijs imperent. Sunt quidē in ijs nonnulli præclaris ingenijs, uerum alio digni contubernio & meliori cultura. Leo pontifex iam antea fœdus inierat cum Heluetijs, ut si quando res ita posceret, ipsorum uteretur opera. Gallie quoq; rex, qui pacem antè cum illis firmauerat, sicuti libro primo dictum est, de fœdere sollicitabat eos, deq; milite sibi subministrando. Zuinglius autem pro concione uehementer dissuadebat, & quàm esset non modò turpis hæc militia, uerum etiam impia, demonstrabat, & multis in medium adductis incommodis, ad maiorum institutum atq; frugalitatem, qui rem pecuariam & agriculturam exercuissent, & præclare multa fecissent, eos adhortabatur: sed frustra. Nam à multa sollicitatione, donis & pollicitationibus expugnati proceres, multitudini persuadent: Itaq; omnis Heluetiorū ciuitas hoc anno fœdus cum illo facit, & militem promittit. Soli uerò Tigurini, Zuingliū secuti, recusant, et iurando confirmant, nullū donum aut stipendium accipere ab ullo principe, militandi causa. Filius deinde natus est regi, Carolus, pro quo fideiubent in baptismo Heluetij, missis legatis. Porro, tredecim hodie continentur pagis, uti uocant, Heluetij. hi sunt Tigurini, Bernates, Lucernates, Vrani, Suitenses, Vnterwaldij, Tugiani, Glareani, Basilienses, Soloduri, Friburgi, Schafusiani, Apecellenses. Hi sunt archetissimo fœdere coniuncti, per iusiurandum, & æquali utuntur iure, ac ueluti communem rempublicam administrant. Ex ijs omnium primi fœdus inierunt, Vrani, Suitenses, Vnterwaldij, quum electa nobilitate, qua premebantur, in libertatē sese uindicarent. fuit hoc anno salutis

Heluetij  
fœdus fa-  
ciunt cū  
rege Gal-  
liæ.



latis M. CCC. XV. his deinde Lucernates, postea Tugiani, sexto loco Tigurini, & ab his, Bernates accesserunt. Basilea ferè postrema sese coniunxit. Eorum deinde sunt facti socij, sed non iisdem legibus neq; tanta necessitudine, Rhœti, Lepontij, Seduni, Veragri, Sangallij, Mulusiani, Rotuulenses. Cæsar, qui tum ætatis annum uigesimū primū excefferat, publico decreto Lutherū octaua die Maij proscribit. Exor dium ducit à sua persona. sui nimirum esse officij, non modò stabilire Imperium & amplificare, sed prouidere etiam, ne qua labes aut hære sis intra fines Imperij nascatur: & maiores quidem suos in hanc cu ram diligèter incubuisse: multò igitur esse æquius, ut ipse, cui tantam tamq; latè patentem ditionem Deus concessit, illorum uestigijs instat: nam si recens in Germania natas hæreses nō coherceat, fore, ut & conscientiam ipse suam lædat, & in hoc regni sui primordio maximā nominis indignitatem sibi conciliet: notum esse dubio procul omnia bus, quàm impia dogmata Lutherus nunc aliquot annis diuulgaret: ea re permotum pontificem maximum, Leonem decimum, ad quem eiusmodi cognitio propriè pertineat, nihil non tentasse, ut ad saniorē mentem illum reuocaret, & principio quidem lenissimis usum fuisse remedijs: uerū, ubi nihil profecit, ad eas rationes, quæ legibus & maiorum decretis continetur, uenisse, certumq; denunciasse tempus, intra quod errorem deponeret, graui constituta pœna, nisi pareret: il lum uerò nō solum non obtemperasse, uerumetiam atrociores edidisse libros: cū autem grauius ipse à pontifice urgeretur, ut Ecclesiæ suum præstaret officium, ac hominem nocentem cohiberet, decretum illud euulgasse pontificis: uerū ne ita quidem illum esse factum me liorē, imò tunc primū cœpisse furere, & editis libris indignè ac con tumeliosè multa scripsisse, nec aliud in ipsius libris quàm seditiones, bella, discordias, incendia, cædes atque rapinas contineri: patrum & conciliorum ab eo contemni auctoritatem, & Constantiensi concilio magnam inprimis fieri contumeliam, quæ quidem non solum ad eius ætatis uiros sanctissimos, uerū ad Sigismundum quoq; Cæsarem & ad senatum principum pertineat: immanitatem ipsius atq; rabie nula lius oratione satis explicari posse: non hominem esse qui sic agat, sed demonem potius, humana specie: his ergò de rebus cogitantem se ma gnopere perturbari atq; dolere, pro suo erga rempublicā et dignitatē

Cæsar  
Lutherū  
proscribit.

1521 pontificiam affectur: ideoque, ne uel maiorum suorum uirtute, uel suo splendore atq; munere aliquid admittat indignum, congregationem fecisse omnium Imperij principum ac ordinum, & cōmunicato consilio, rem omnem grauitè ac diligenter expendisse: & quanquam legibus cautum sit, ne manifestus hæreticus, toties damnatus & ab Ecclesiæ communione semolus audiatur, tamen, ne quis ulli calumniæ locus esse posset, datis literis et emissso caduceatore ac publica interposita fide, illum accersiuisse, ut coram sui facti ratione explicaret: post, ordine commemorat quid sit actum Vuormaciæ, tum publicè, tum priuatim, ut supra dictum est. Et quoniam errores ille suos pertinaciter defendat, decretum illud pontificis laudat, eiusq; uindictam se fore profitetur. uaque & ipse illum damnat & proscribit, ut auihorem schismatis, ut manifestum ac pertinacem hæreticū: mandat etiā omnibus, graui denunciata pœna, ut pro tali agnoscāt, & ut post xxi. dies, quos ad reditum ei concesserit, quisq; det operam, ut illum capiat, & captum in suam potestatem perducatur: eos uerò, qui quocunque modo faueant aut operam ei suam cōmunicent, æquè proscribit: libros etiā aboleri iubet, & librarijs in posterum grauem constituit pœnam: & hoc quidem suum decretum, quod communi principū, & ordinum consilio factum esse dicit, sacrosanctum esse mandat. Aiunt edictum hoc à paucis aliquot fuisse conflatum: nam ex electoribus nonnulli fatentur, non se fuisse conscios, ut suo loco de Coloniensi dicitur: Moguntinus, qui cancellarius est Imperij, multum in hisce rebus potest. utcunque sit, ea lata sententia, permagnam Cæsar inijt gratiam, ita quidem, ut à Gallis abalienato pro: sus animo sœdus cum eo pontifex iniret, sicut paulò post dicemus. Ab ea promulgatione, Fridericus princeps, è nobilitate nonnullis, de quorum fide compertū habebat, negotium dabat, ut in locū quendam secretiorem et ab hominum frequentia remotum, deducerent Lutherum, uitandi causa periculi: quod quidem summa diligentia fuit & taciturnitate administratum.

Lutheri In hac sua solitudine, uarias epistolas ad amicos & libros etiam uaria o-  
puscula  
exercemo  
therus emittit de abroganda Missa priuata, quem suis fratribus Augustinianis inscribit: de uotis monasticis, ad parentem suū Ioannem Lutherum, & aduersus Iacobū Latomum, theologū Louaniensem. Augustinianos autē ad fortitudinē atq; constantiam hortatur, et in Frid



rico principe magnū ipsos habere praesidium dicit, quod sit prudens, 152  
 & ueritatis amans, & à iudicijs temerarijs alienissimus. Cœperant il-  
 li tunc omnium primi intermittere ritū Missarū, eoq; Lutherus con-  
 fecit illis hunc, quem diximus, librum, ut & uacillantes erigeret, ac  
 peritiores confirmaret, magnopere hortatus, ut in eo proposito per-  
 seuerarent. Quo cognito, Fridericus admodum sollicitus, ne turbas ea  
 res ac maiorem aliquem motū excitaret, totius academiæ sententiam  
 exquiri, & ad se referri iubet: academia quatuor ad eam rem deligit,  
 Iustū Ionam, Philippū Melanchthonem, Nicolaum Amstorssum, Io-  
 annem Dulciū. hi cum Augustinianis collocuti, quid ipsorū esset pro-  
 positū, renūciant, et simul, quanta cœnæ domini fieret iniuria, demon-  
 strant. itaq; principem orant, ut tantam impietatem nō uno solum in  
 templo, sed omnibus in locis aboleat, & uerū usum cœnæ, iuxta Chri-  
 sti mandatum & morem apostolorum instituat, & aduersariorū con-  
 tumelias omneis fortiter contemnat: sic enim esse comparatum, ut qui  
 ueram euangelij doctrinam suscipit propugnandam, hunc oporteat  
 multa perpeti: magnopere ei prouidendum esse, ut hoc praesentissimū  
 Dei donum, quò præcipuè sit ornatus. propter excitatā in ipsius po-  
 pulo euangelij lucem, reuerenter agnoscat. Ad ea Fridericus, nihil o-  
 mnino se, quòd ad pietatem pertineat, prætermitturum: sed quoniam  
 res admodū sit ardua, sibi uideri, non esse properandū, & per ipsos,  
 qui pauci admodum sint, uix aliquid posse perfici: quòd si scripturæ  
 testimonijs causa nitatur, fore ut complures accedant, & tunc muta-  
 tionem illam, quæ pia uidebitur atq; necessaria, multò posse commo-  
 dius fieri: se, qui scripturæ sit imperitus, ignorare, quando ritus ille  
 Missarū usitatus, quem ipsi damnant, sit introductus, & quando ille,  
 quem apostoli dicuntur obseruasse, in desuetudinem uenerit: pleraq;  
 omnia templa & ecclesiasticorum esse collegia propter Missas instituta,  
 maximis ad eam rem collatis facultatibus: quòd si nunc aboleatur  
 Missa, fore, ut possessoribus auferantur ea bona, quæ Missarū nomi-  
 ne donata sint olim: quanta uerò sit ex eo futura perturbatio, quem-  
 uis intelligere. & quoniam ad se totam actionem reiecerint, suum esse  
 consiliū, ut cum reliquis academiæ uiris bonis atq; doctis re commu-  
 nicata, negotiū moderatè tractet, et rationes excogitent ad pietatē et  
 tranquillitatē retinendā idoneas. Delecti, habita rursus deliberatio-

252 ne respondet, et sicut antea, monent, ut abrogari Missam iubeat: pos-  
 Missa se id fieri sine tumultu, & ut non possit, tamē quod rectū sit atq; piū,  
 abroga- non idcirco prætermitti oportere: quod numero superentur, nihil esse  
 tur Vuit noui: semper inde à condito mundo maiorem hominum partem resti-  
 tember- tisse uerē doctrinā: fore etiam, ut hunc coenae domini rectum usum ij  
 ga. solum recipiant & approbent, quibus datum sit diuinitus: collegia  
 quondam instituta, non propter Missas, uerū ut iuuentus ad pieta-  
 tem in ijs erudiretur, & possessiones illas fuisse donatas in eorum, qui  
 docerent simul & discerent, & in pauperum etiam usus: & hunc qui  
 dem morem ad Bernardi propē durasse tempora: uerū annis abhinc  
 circiter quadringētis, natam esse Missarum illam nundinationē, quae  
 sit omnino tollenda: quod etiam si uetustiores haberet originem ista  
 prophanatio, tamen idcirco nō esse tolerandam: & si fortē motus ex  
 ea mutatione nascentur, id non esse doctrinā, sed aduersariorum ne-  
 quitiae tribuendum, qui sui emolumentī causa, ueritatem contra con-  
 scientiam oppugnent: ad hoc uerō genus incōmoda non esse respicien-  
 dum, sed progrediendum constanter, quomodocunq; tandem tumultu-  
 etur mundus: haec enim omnia fuisse iam olim à Christo prænuncia-  
 ta. Caesaris frater Ferdinandus, Austriae princeps, hoc anno ducit in  
 matrimonium Ludouici Vngariae regis sororem, Annam. In tanto nu-  
 mero aduersariorum Lutheri, Britanniae rex, Henricus octauus, illū  
 etiam oppugnat, & primò quidem iudiciū illius de indulgentijs con-  
 uellit, & pontificatum defendit. post, omnem illam disputationem de  
 sacramentis Ecclesiae reprehendit, sumpto scribendi argumento ex li-  
 bro de captiuitate Babylonica. Lutherus, ubi cognouit, acerrimē re-  
 spondet, in eiusque causae defensione, nullius hominis dignitatem aut  
 splendorem quicquam apud se ualere, demonstrat. Leo pontifex ho-  
 norificum regi cognomen idcirco tribuit, defensorē appellans Eccle-  
 siae. Quomodo Carolus Austriacus ad Imperij dignitatē ascitus fue-  
 rit, supra demonstrauius: cum deinde priuatae quaedam offensiones  
 intercederēt inter ipsum Galliaq; regem, uentum est ad arma, & pri-  
 mō quidem in Hispaniae finibus, inq; Belgio. Tenebant tum Galli Par-  
 mam & Placentiam: id permolestē grauitaq; Leo pontifex ferebat:  
 cumq; nuper etiam tentaissent Rhegium Lepidi, prorsus animum ab  
 illis auertit, & foedus cum Caesare fecit, cuius haec erant capita prae-  
 pua,

Ferdinā-  
di nuprig

Henri-  
cus An-  
gliae rex  
scribit in  
Lutherū

Caesaris  
bellum  
cum rege  
Galliae.



pua. ut Ecclesiæ Romanæ dignitas defendatur, ut quæ Galli nuper illi  
 ademerant, recuperentur, ut Franciscus Sfortia tum exul, in paternū  
 folium restituatur & principatum Mediolanensem: Coniunctis ergo  
 uiribus, Parmam & Placentiam Gallis eripiunt, & Mediolanum ur-  
 bem capiunt, et hostem ex Insubria, quam totos iam sex annos ille te-  
 nebat, depellunt, & Sfortiam deinde restituunt, administrantibus bel-  
 lum Prospero Columna, Ferdinando Daualo Piscario. Non multo  
 post eum allatum nuncium, Leo decessit è uita, non sine ueneni suspi-  
 tione. Filius erat Laurentij Medices, ac proauum habuit Cosmū, qui  
 præcipuum splendorem in hanc familiam intulit: tredecim annorum  
 adolescens Leo, in cardinalium ordinem fuit allectus, Innocentio octa-  
 uo, pontifice: non excessit annum ætatis quadragesimum septimum:  
 successorem habuit Adrianum sextum, Batauum, qui Cæsaris adole-  
 scentiae formator fuerat. Eodem propè tempore, Solimannus, nuper  
 factus Turcarum princeps, Ludouico Bohemiæ regi & Vngariæ, Turca  
 qui sororem Cæsaris Mariam habebat in matrimonio, bellum facit, Belgra-  
 & plurimis occupatis oppidis atque castellis, Belgradum urbem Vn-  
 gariæ propugnaculum, ad Danubij & Sauj confluentem, capit, & o-  
 pere præsidioque munit. Dum uerò Cæsar in Germania moratur at-  
 que Belgio, ualde graues ortæ fuerunt per Hispaniam seditiones: ut  
 ergo nascenti malo tempestiuè occurreret, constituto prius iudicio &  
 senatu, qui ius redderent, perque suam absentiam, Imperij negocia  
 procurarent, classe uectus in Hispaniam redit: sed tam ante ipsius  
 profectionem ordines Imperij conuentus agebant Noribergæ, cum an-  
 nō 1522  
 lijs de rebus, tum inprimis de bello Turcico: & Cæsar, emisso diplo-  
 mate sub exitum Martij, monet inprimis ecclesiasticos, ut pro recipi-  
 tus Nori-  
 bergæ.  
 blicæ salute, pro peccatis hominum expiandis, uota Deo nuncupent  
 & sacra faciant: calendis deinde Maij decreta fuerunt auxilia Ludo-  
 uico regi, Cæsar domum rediens, Angliæ regem iterum inuifit, & ut  
 Pactum  
 Cæsaris  
 cum rege  
 Angliæ,  
 firmum haberet amicum in Gallie regem, aureorum millia centum  
 triginta tria promittit ei dare quotannis. Tantundem enim ex pa-  
 cto Gallie rex Anglo pendeat, eiusque sorori Mariæ, quotannis. in-  
 tāque, nisi de damno sibi caueretur, Anglus nihil in illum experiri uo-  
 lebat. Actum inter ipsos hac de re fuit Iunij die decimoteritio, Vinde-  
 fore, quod est ad Thamesim, oppidum & arx, supra Londinum:

1522 maioris etiā necessitudinis causa, cōuenit, ut Angli filiam Mariā, tunc septem annorū puellam, Cæsar consobrinus in matrimonium suo tempore duceret: uter ab eo pacto discederet, alteri dependeret aureorum millia quadringenta. Gallie rex, ut amissa per Italiam recuperaret, onine robur eò cōuertit. De Zuinglio suprà dictū est: episcopus uerò Constantiensis, Hugo, cuius ad iurisdictionem ecclesiasticam Tigurini pertinent, senatum interpellat, & cuiusmodi querelas audiat de Zuinglio, qui nouum doctrinæ genus inuēxerit, ostendit: ille, suam causam ad senatum defendit eiq; satisfaciit: episcopus deinde dat literas ad collegium canonicorum, in quibus etiam erat Zuinglius, & de nouis doctoribus, qui perturbent Ecclesiam, multa locutus, hortatur, ut ab illis diligenter sibi caueant: & quia Leo pontifex, deinde Cæsar etiam illa dogmata grauissimis edictis damnauerint, monet, ut ijs pareant, nec aliquid mutant aut innouent, donec illi, quorum interest, aliquid de communi consilio statuunt. fuit hoc mense Maio. Quum hæc esset in collegio recitata epistola, Zuinglius, ad quem ea pertineret, episcopo rescribit, & intelligere se dicit, quorum impulsu ista faciat: monet, ne sequatur eorum consilia: nam inuictam esse ueritatem, nec ei posse resisti. prolixiori postea scripto respondet illis, quos eius epistolæ putabat authores. Zuinglio deinde coniuncti quidam alij, per literas orant episcopum, ne quid aduersus euangelij doctrinam decernat, neq; turpem illam & infamem uitam sacerdotum amplius ferat, sed coniugium illis permittat. In eandem quoque sententiam scribit Zuinglius ad omnes Heluetios, ne ueræ doctrinæ cursum impediunt, neque sacerdotibus maritis ullam faciant molestiam: coelibatus enim præceptum, authorem habere Sathanam. nonnullis in ipsorum pagis hunc esse morem, quum nouum quempiam ecclesiæ ministrum recipiunt, ut tubeant eum habere concubinam, ne pudicitiam alienam tentet: eam consuetudinem rideri quidem à multis, uerū non prudenter esse receptam, ut quidem eo tempore, et in illis doctrinæ tenebris atq; deprauatione: quod autem illi de concubinis tunc fecerint, idem nunc esse de legitimis uxoribus instituendum ubique. Lutherus interim, cum per menses aliquot delituisse, ut supra diximus, Vuittembergam reuerit, & quoniam à Friderico principe non erat reuocatus, ne in malam hoc ille partem acciperet, ueritus, mense Martio datis

Zuinglii  
dissidiū  
cū episco  
po Con  
stantiensi.

Luthe.  
Vuittem  
bergam  
redit ex  
cremo.



tio datis ad eum literis, quòd ipsius iniussu redierit, nulla factum esse dicit uel maleuolentia uel contemptu: satis intelligere se, non defuturos esse, qui ad ipsius periculum hoc pertinere dicant, eò quòd pontificis atq; Cæsaris grauißimo iudicio sit proscriptus, quorum minime sit contemnenda potentia: se quidem hæc omnia diu multumque præcogitasse, uerum sui facti treis habere causas: primum, quod crebris ecclesiæ Vuittembergicæ literis atq; precibus sit interpellatus, ut redeat: eum uerò populum à Deo peculiariter sibi concreditum esse, neq; negligi posse: multos haud dubiè de hac emendatione doctrinæ loqui acerbè & odiosè, uerum certò sibi constare, professionem hanc suam esse Deo gratissimam: deinde, per insidias diaboli, qui lucem hanc euangelij ferre non possit, absente, se turbas in ecclesia sua concitatas esse, quæ, nisi coràm ipse doceat, componi non possint: eam uerò causam esse tanti momenti, ut quibusuis eam rationibus anteferat, ideoq; statim ubi cognouisset, omni remota deliberatione rediisset: nihil enim sibi tam esse charum, atq; populi salutem: quod si literis confici res potuisset, leuiter se Vuittembergæ desiderium fuisse laturum: postremò, ualde se metuere, ac quodammodo præuidere futuram in Germania longè maximam tempestatem, quæ præsens hoc Dei beneficium tam securè contemnat: plerosq; magno quidem studio complecti ueram doctrinam, sed uita moribusque uehementer eam deformare, & quæ spiritus esse debebat libertas, eam ad suas transferre cupiditates, ut quiduis licere sibi putent: alios autem in hoc esse totos, ut sanam doctrinam opprimant quocunq; modo: hoc autem ad seditionem concitandam propriè pertinere: tyrannidem ecclesiasticam nunc esse debilitatam, & hoc solùm initio sui fuisse propositi: sed quia magistratus etiam hoc tantum donum non agnoscat, fore, ut hanc ingratitudinem & uerbi sui contemptum Deus ulciscatur, & alia post aliam nascente calamitate, sicut olim Hierosolymæ, funditus euertat omneis: iam uerò, suum, & aliorum qui consulere in medium possint, officium esse, ut ad summam docendi atq; monendi diligentiam, nihil reliqui faciant: & quanquam fortasse laborem omnem ipse frustra sumat, et à multis etiam rideatur, idcirco tamè sibi desistendum non esse: nam operam suam placere Deo, & qualecunq; tandem sit futurum conuentus Noribergici decretum, iudicio tamen

1522 et sententiæ diuinæ non posse præscribi: esse quasdā alias præterea sui  
reditus causas, uerum tenuiores: hanc uerò quā demonstrarit, quæ ui=  
delicet ad asserendum euangelium pertineat, satis esse magnam et ido=  
neam, cur humanis omnibus consilijs posthabitis, ad solum Deum re=  
spiciat: ut ergo boni consulat, quod non iussus ab ipso neq; uocatus, eò  
se receperit, orare: ipsum quidem principem in corpus atque fortunas  
populi sui habere potestatem, Christum uerò in animas etiam, qua=  
rum procuratio atq; cura quoniam sibi demandata sit diuinitus: non  
se posse stationē deserere: cūque Christi negocium hoc sit omne, pu=  
tare se, nihil ob hunc suum reditum ipsi futurum esse periculi. Quod  
autem per suā absentiam ait excitatas in ecclesia turbas, ad hunc mo=

Carolo=  
stadius  
statuas  
eijcit etē  
plis Vuit  
tember=  
gæ.

dum habet. Andreas Carolostadius, de quo suprà dictum est, interea  
dum Lutherus abest, diuersa dogmata proposuit, & tumultuose sta=  
tuas ē templis eiecerat, concitata plebe: Lutherus autem hac de causa  
potissimum reuocatus à suis, cum rediisset, factum istud Carolostadij  
damnat, demonstrans, non hoc ordine progrediendum, sed imagines  
atq; statuas primum esse remouendas ex animo, populū que docen=  
dum, sola fide nos placere Deo. statuis uerò nihil profici: sublatis illis  
ad hunc modum & rectē informatis animis, nullum esse periculum  
amplius, ne quid noceant, & sponte collapsuras: non se quidem repu=  
gnare, quo minus tollantur, sed hoc à magistratu fieri debere, neq; per=  
mitendum, ut uulgò & promiscuē fiat ab omnibus. Gliscebant ad hoc  
tempus occultē secta quorundam, qui cum Deo sibi colloquium esse,  
& mandatum habere se dicebant, ut impijs omnibus interfectis, no=  
uum constituerent mundum, in quo pij solum & innocentes uiuerent  
ac rerum potirentur. Hi suas opiniones clanculum disseminabant, in  
illa potissimum Saxonie parte, quæ est ad Salam flumen, eorūque  
sententiam laudabat etiam Carolostadius, ut quidem Lutherus refert:  
cūque uictus autoritate Lutheri non potuit, quod uellet, Vuit=  
temberge perficere, deserta demum statione transijt ad illos. Ex hoc  
hominū genere atque officina prodijt Thomas Muncerus, quo qui=  
dem authore per Turingiam & Franconiam post nata est popularis  
in magistratum seditio, ut suo loco recitabitur. Lutherus deinde cer=  
tior factus, in conuentibus Bohemorum esse, qui pontificis & eccle=  
siae Romanæ suadeant auctoritatem recipiendam, alioqui disidio=  
rum

Luthe.  
scribit  
ad Bohe=  
mos.



rum & offensionum nullum esse futurum finem: dat literas ad illos tertio calendas Augusti. nomen Bohemorum sibi ualde aliquando inuisum & odiosum fuisse, quādiu pontificem Romanum ignorasset esse anticristum: nunc uerò, cum euangelij lucem Deus mundo restituit, longè aliter iudicare, suisque libris hoc ipsum ita profiteri, ut pontificem eiusq; clientelam omnem habeat sibi multo magis, quàm ipsi, durum & implacatum: iactasse non semel aduersarios, in Bohemiam se commigrasse, & se quidem aliquoties optasse eo proficisci: uerum, ne fugæ similem eam profectiōem clamarēt, mutasse propositum: nunc autem eo rem deductam, ut spes magna sit, Germanos atque Bohemos euangelij doctrinam & eandem religionem aliquando professuros: quod plerisque doleat, ipsos inter se uarijs diuidi sectis, meritò quidem illos angi, uerum, si ad pontificatum deficiant, fore, ut non modò non tollantur sectæ, uerumetiam augeant, & sese diffundant: nusquam enim esse plures, quàm in regno pontificio, sectas: uel solis Franciscanis hoc posse demonstrari, qui multipliciter inter se differant: et tamen hæc omnia fieri authore ac defensore pontifice Romano: nam eius regnum aliquodammodo & confirmari disidijs hominum: hanc etiam esse causam, cur reges inter se committat, & offensionibus perpetuam materiam subministret: providendum igitur ipsis diligenter, ne, dum sectas illas minores abolere student, in alias incidant longè deteriores, cuiusmodi sint omnes pontificiæ, prorsus insanabiles, è quibus, beneficio Dei nuper erepta sit Germania: tollendis incommodis nullum esse potius remedium, quàm ut ecclesiarum præfecti purè ac simpliciter euangelij doctrinam tradant: quod si populum imbecillem in officio continere non possint, quo minus deficiat, hoc saltem elaborent, ut coenam Domini retineant integram, ut Husi & Hieronymi Pragensis memoriam seruent inuiolatam: fore enim, ut hæc duo præcipue conetur ipsis extorquere pontifex: quod si ex ipsis aliqui relanguescant, & utrunq; tyranno concedant, non rectè ab ipsis fieri: sed licet Bohemia tota deficiat, se tamen Husi doctrinam esse celebraturum ad omnem posteritatem: itaq; rogat & hortatur, ut in eo religionis instituto, quod multo sanguine summaq; fortitudine hucusq; defenderint, perseuerent, nec efflorescenti euangelio sua defectione contumeliam faciant: etiamsi nō o-

Bohemo  
rum se-  
ctæ.

Luthe.  
scriptū  
aduersus  
falso no-  
minatos  
episco-  
pos.

omnia sint apud ipsos rectè cōstituta, non defuturū tamen esse Deum, qui suo tempore fidelē aliquē ministrū & religionis emendatorem sit ipsis excitaturus, modò constanter agant, & pōtificatus Romani turpitudinē ac impietatem ab se lōgissimè repudiant. Ad Bohemos quod attinet, sic habet A morte Ioannis Husi, de quo supra dictum est, in treis potissimū sectas diuisus est populus. Vna est eorū, qui pontificē Romanum, ut ecclesiæ principem & Christi uicarium agnoscunt: altera eorum, qui cœnam Domini percipiūt integrā et in Missis nonnulla recitant lingua populari, cæteris autem in rebus à pontificijs nihil differunt. Tertia est eorū, qui dicuntur Picardi. pontificem hi Romanum & clientelam eius omnem appellant Antichristum & meretricē illam in Apocalypsi depictam: præter biblica scripta nihil recipiūt, sacerdotes & episcopos sibi deligunt ipsi, matrimonio nemini interdiciunt, mortuis nullas faciunt exequias, dies festos & ceremonias habēt per paucas. Post hæc, librum edit Lutherus aduersus falso nominatum ordinem episcoporum. Et quoniam in præfatione sibi titulū sumit ecclesiæ Vuittembergensis, ait, etiamsi rideatur ab ipsis propter eum titulum, hoc tamen sibi non esse mirum, nec etiam præter expectationem euenire, qui uiolentiam ipsorum sit expertus in rebus multò grauioribus: quod sibi opponant, nihil ipsos habere præter tyrannidē: se, paratum doctrinæ suæ rationem reddere, contemni ab ipsis ac repudiari: ipsos uerò, quoties urgeātur aut suam doctrinam comprobēt ac ueram esse demonstrēt, obsurdescere: turpe admodū esse et magna uituperatione dignum, quòd tam multi tam magnificis et splendidis ornati titulis, qui se totius scripturæ profiteantur magistros, ab uno se in ius & disceptationem uocati, non ausint legitimū subire iudicium: et quoniam superbè secum agant, se quoq; nihil ipsis uelle concedere, & cognomen hoc ecclesiæ sibi imposuisse ipsum: nihil enim dubitare, quin eum titulū multò rectius ac uerius arrogare sibi possit, quàm ipsi, nomen episcopi: quam enim profiteatur doctrinam, eam esse non suam, sed ipsius Christi: nec esse quod ullum in tyrannide præsidium ponant: quanto pere enim ipsi odio et iracundia æstuēt, tanto pere se progressurū animosius, omni ipsorū cōtempto furore: quòd si etiam iugulatur ab ipsis, doctrinā tamē suam fore immortalē: uiuere ac in sempiternū regnare Christū, qui insaniam ipsorū & sanguinarios conatus aliquando



aliquando sit cohibiturus: Romani pontificis & Caesaris edicto, sibi nuper ablatū esse nomē, & charactere illū magnæ bestię prorsus erasum: hoc adeo sibi non esse molestū, ut gratias agat quoq; Deo, qui se ab illo fœdissimorū errorum & impię doctrinę ergastulo liberatum, uera sui uerbi cognitione illustrarit: quod cū ita sit, & quoniam à Deo sibi demandatum sit euangelij docendi munus, æquum esse, ut & ipse titulū sibiumat, cū falsi doctores eiusmodi fucis adeo sese uenditent. non ergo se posthac ipsorum iudicio submissurum sua scripta: nimium se fuisse Vuormacię demissum: nūc autē de sua doctrina tam esse certū, ut ne ullius quidē angeli iudicio uelit eam subijcere, sed eius doctrinę testimonio iudicaturum se & ipsos omnes & angelos etiā: qui doctrinam hanc repudient, eos non posse consequi salutem ac uitam æternam, eò quod non ab homine, uerū ab immortali Deo sit profecta: si longior uita sibi detur, nihil se reliqui facturum ad summam diligentiam, ut ad omnes ubiq; prouincias enuncietur euangelium: captari quidem ab ipsis ocium & tranquillitatem & delicias, & de status perturbatione uehementer angi, se uerò daturū operam, ut quā pacē tanto studio querunt, eam ut ne consequantur: sin autem ab ipsis interficiatur, ne sic quidē extra tumultū & inquietudinē esse futuros: & quoquo tandem modo secum agant, fore tamen, ut Deus impetū in ipsos perpetuò faciat & cōtinenter donec uicti ac prostrati uel pereant omnino, uel inuictissimo bellatori supplices facti, culpam agnoscant & ueniam deprecentur: optare se quidem in primis, ut resipiscant & salutaribus consilijs maturē acquiescant: hoc si non possit impetrari, bellum sibi cū ipsis æternum & irreconciliabile futurum esse: quod etiam nonnulli crimentur, suam in dicendo libertatem, quasi propemodum eò spectet, ut eiusmodi scriptionibus motum aliquē excitet: maximā sibi fieri iniuriam: nam posse plurimis scripturę testimonijs ac exemplis ostendi, necessariam hanc esse rationē, cum Ecclesiarū præfecti sunt & indocti & impij & obstinati, quando nec suū ipsi munus faciunt, nec alijs qui cupiunt et idoneē possent, permittūt uti faciant. Suprà de Noriberge cōuentu diximus: huc etiā Ludouicus rex & Hungarię procures legationē miserūt amplissimā, & de Turcæ immanitate miserabiliter cōquesti, firma petebāt auxilia et diurna. Misit quoq; legatū eò pōtifex Adrianus, et Octobris die v. per

Adrian  
VI.

1522  
Epistola  
ad Fridericum.

Hieronymum Rorariū, è suis cubicularijs unum, qui ante legatum in Germaniam uenit. ad Fridericum principem dat literas: gratum sibi fuisse, cum de conuentu Noribergæ audiret, gratissimū uerò, cū ipsum eò quoq; uenturū accepisset: spē enim esse magnā, aliquid ibi decretū iri, quod ad reipublicæ salutem ac dignitatem pertineat: hanc etiam esse causam, cur de cōsilio senatus cardinaliū, legationē in Germaniā decreuerit: uoluisse autem interea dum legatus ille ad uiam sese compareret, hunc præmittere, cui mandarit, ut ipsum, quē ualde semper dilexerit, adeat, suumq; erga rempublicam studium ac uoluntatem exponat, quemadmodū ex eo, qui subsequetur, legato, copiosius sit auditurus: hortatur autem et petit, ut ipse, qui sit Imperij princeps, cuius quidē in Imperij tutela uersetur ecclesia Romana, diligēter elaboret, ac in mediū ea consulat, quæ ad dignitatem ecclesiæ apostolicæ et ad publicam tranquillitatem pertinebunt, in eoq; maiorum uestigia sequatur: et quoniam in cæteris ab ipso uirtute non degenerarit, sperare se, ne hic quidem esse futurū sui dissimilem: Hieronymo etiā mandasse, de his rebus ut cū ipso loquatur, cui et fidē haberi petit. Ferdinā dus Austriæ princeps, latam aduersus Lutherum anno superiori sententiam uehementer urgebat, et in ducatu Wuirtembergensi, quem tunc tenebat, grauißimum proposuit edictum, xxvi. die Nouembris, ac præmium delatoribus constituit, et passim in suis prouincijs, grauiter in eos, qui pontificijs legibus non parerent, animaduertit. Hoc anno diem supremum clausit Ioannes Reuchlinus, etate grauis: mortuum celebrauit Erasmus Roterodamus pulcherrimo dialogo, dum et immortalitatem et trium linguarum cognitionis principatum ei tribuit. Sub exitum Nouembris Adrianus dat literas ad reliquos ordines Noribergæ congregatos. Inde ab eo tempore, quo sit ad apostolatus officium delectus, nihil habuisse magis in uotis, quàm ut boni pastoris partes modis omnibus impleret, nec ullam sui gregis ouiculam sineret longius aberrare, quantum quidem omnino sua uigilantia et sollicitudine fieri posset: eiusq; studij sibi Deum esse testem, qui se nihil tale meritum, præter omnem suam expectationem ad hoc munus euexerit: ut autem facilius, quo cuperet, perueniri posset, uehemēter hortatū esse reges omnes atq; principes, ut à ciuilibus bellis abstineant, et si bellum sit omnino gerendum, ut uim omnem atq; robur aduer-

Reuchlinus  
moritur.

Adriani  
literæ ad  
principes  
Germaniæ.



aduersum hostes fidei conuertant: & quod alijs persuadere sit conatus, illud se præstitisse: & Equitibus Rhodijs, quos Turcarū Cæsar dura nunc seruitute premat, magnam pecuniæ uim subministrasse: deinde ab externis periculis reuocata cogitatione, cœpisse mala domestica circumspicere, et quidem magno cum animi dolore audire, Martinum Lutherum, qui se penumero leniter & paternè monitus, tandem, cum nullum superesset aliud remedium, damnatus sit atque proscriptus à plurimis academijs, à Leone pontifice, tum etiam à Cæsare, de communi ipsorū uoluntate, non modò non coherceri, uerum etiam multò uehementius quàm antea, grassari, & nouos quotidie libros edere, quibus & religio Christiana & uitæ honestas omnis eneruetur: hoc etiam eò sibi dolere magis, quòd ex nobilitate complures ei fauere, & nunc eorūsq; factam esse progressionem intelligat, ut ecclesiasticorum & dignitas per Germaniam imminuatur, & possessiones etiam in discrimen ueniant, & ciuile sit excitatum bellum inter nonnullos: uerè quidem à Paulo dictum, oportere existere hæreses, nunc autem eum esse rerum statum, ut importuniſimè hoc malum acciderit: diabolum in hoc esse totum, ut nos plurimis calamitatibus inuoluat: ipso nimirum authore & Turcicum furorem in nos longè lateq; grassari, et simul hæresim istam Lutheri, in Germaniam, fortissimam gentem, inuectam esse: De Turcæ potentia neminem esse qui nesciat, quanta ea sit, & ut fortasse debellari possit, nihilo tamen melius habeturas res nostras, quàm diu domesticus ille hostis non sit expugnatus: multa se, cum esset in Hispania, de falsis Lutheri dogmatis audisse: & quanquam sibi doleret, malum illud in ea regione natum uideri, unde genus ipse duceret, duabus tamè rebus animū se cōfirmasse: primum, quòd doctrinam illam adeò friuolam & impiam speraret à plerisq; omnibus contemptum iri, deinde, quòd existimaret, plantam illam pestiferam, aliunde allatam, non esse radices acturam in ea regione, quæ semper procreasset hæresium oppugnatores: cum autem longè diuersum acciderit, siue iusto Dei iudicio, siue negligentia quadam & eorum, qui maturè consulere debebant, incuria, prouidendum ipsis esse magnopere, ne, dum lentius adhuc & remissius agunt, uideantur & obliti esse pristinæ uirtutis, & hoc tantum facinus approbare: uehementer autem esse indecorum, tam fortem & constantem populum,

1522 ab ea religione, quam Christus et apostoli tradiderunt, quam tot martyres ac præclari uiri, quam etiam maiores nostri tenuerunt, deficere, authore & impulsore fraterculo, qui & ipse plurimis annis eam secutus sit atq; professus: quasi uerò tot nunc sæculis erratum sit, quasi Christus, qui se nobis adfuturum cõfirmarit in perpetuum, Ecclesiam suam in tantis doctrinæ tenebris immorari permiserit, quasi ipse unus tantummodò sapiat, & in hoc sit excitatus à Deo, ut totius orbis errorem patefaciat: non dubium esse, quin uiris prudentibus hæc admodum ridicula uideantur, sed tamè esse popularia & uentosa, quicq; no uis imperijs student, maximas inde occasiones audendi aliquid capere: An non uideant quid illi spectent, & quorsum euadant? hoc solum agi, ut sub specie libertatis Christianæ, ius & æquum & leges omnineis proijciant: quomodo enim ciuilem magistratum agnoscant & obseruent, qui sanctissimorū pontificum & conciliorū leges ignominiose tractare, imò flammis abolere non dubitent? certè, qui non sint ueriti sacrilegium facere, qui res Deo consecratas impuris & cruentis manibus diripiant, eos tandem ab aliorum etiam facultatibus temperaturos quis credat? qui sacerdotes non ferire tantum, sed & trucidare audeant, eosdem haud dubiè cogitare & paratos etiam esse, uiolare quemcunq; alium ordinè: fore tandè, ut in ipsos adeò principes eorumque liberos & uxores & familias et possessiones hæc tanta licentia scelerumque impunitas aliquando desinat: rogare igitur & hortari, sed & pro suo munere atq; potestate quam habeat, tanquam Petri successor et Christi uicarius, postulare, ut omni deposita offensione et reconciliatis animis, uncumbant diligenter, & ad commune illud atq; domesticum incendium restinguendum accurrāt, ut Lutherum uidelicet pijs rationibus ad sanitatem reducant, aut, si non possint, ut tum secuti leges ac recens illud Cæsaris Imperijq; decretum, plectant: hoc enim pertinere nō solum ad eluendam illam maculam, quæ nunc inhereat Germaniæ, sed etiam ad plurimorū salutem, qui ex illius contagione multum accipiant incommodi: se quidem & natura & moribus & uitæ quodam instituto, magis ad clementiam, quàm ad seueritatem ullam inclinare: sed quoniam hic morbus non possit lenibus medicamentis curari, ueniendum esse necessario ad uehementiora: eius rei nō unum extare testimonium & exemplū in scripturis, &



maiores ipsorum in concilio Constantiensi rationem hanc secutos, in 1522  
 Ioannem Hussum & Hieronymum Pragensem, pro ipsorum merito  
 uindicasse: quòd si et ipsi hanc illorum imitentur uirtutem, non desu-  
 turum esse Deum, & tunc etiam in maiorem spem nos uenire posse,  
 depellendi à nobis Turcarum immanitatem: se quidem facultates om-  
 nneis ac uitam quoque, pro salute sibi commisi gregis impensurum:  
 cetera, quæ ad Lutherum pertineant, fore, ut ex legato suo Francisco  
 Cheregato, episcopo Aprutiensi cognoscant, & orare, ut ei fidem ha-  
 beant. Quòd ciuile bellum inter aliquos excitatum esse dicit, ad Tre-  
 uirensē archiepiscopum Richardum pertinet, cui tunc bellum fa-  
 ciebat Franciscus Sickingus, uir fortis, & Lutheri ualde studiosus: ue-  
 rum belli causa fuit, non religio, sed quòd Richardus duos quosdam,  
 suæ ditionis homines, pro quibus ille fideiusserat, non sisteret iudicio.  
 Sic enim habent literæ, quibus amicitiam ei Franciscus ad exitum Au-  
 gusti mensis renunciat Adrianus eiusdem propè sententiæ literas tunc  
 etiam dabat ad quosdam priuatim: & ab Argentinenſi quidem se-  
 natu, post multam doctrinæ Lutheri detestationē postulabat, ne quos  
 illius aut sociorum libros euulgari permitterent, & iam excusos non  
 modò supprimerent, uerum etiam flammis abolerēt: audire enim eius  
 quidem generis libros ab ipsorum excudi typographis, contraria ue-  
 rò scripta repudiari: nisi pareant, uindictam & iram Dei denunciat:  
 nam ut in antiqua religione maximè permaneant, tamen nisi peccan-  
 di licentiam in alijs, et erroris occasionem tollant, non esse quòd im-  
 punitatem sibi promittant. Cæterum, quòd ait, se, cùm esset in Hi-  
 spanijs, audisse de Luthero, sic habet. Erat Adrianus humili loco na-  
 tus, ex urbe Traiecto, quam uocant Vtricam, ad Batauorum fines, Adrianus  
natales  
& pro-  
gressus,  
 Louanij dedit operam literis, & aliquot post annis, quum erudi-  
 tionis ac probitatis nomine commendaretur, Maximiliani Cesaris  
 è filio nepoti Carolo præficitur erudiendo. Cùm autem is iam factus  
 grandior, ad equestre studium animum adijceret, ad Ferdinandum  
 Hispaniæ regem ille mittitur legatus, ab eoque Derthusensē episco-  
 patum est adeptus, & cùm è uita rex migrasset, ad Carolum nepotem  
 delata summa rerum, ex legato factus est consiliarius. Dissidebat id  
 tēporis Leo pōtifex à cardinalibus, qui coniurauerant in ipsius necē,  
 ita quidē, ut exilio quibusdam, alijs autē teterrimo carcere multatis,

1522 triginta unum crearet eodem tempore novos cardinales, partim sui muniendi, partim cōflandæ pecuniæ causa. Fuit hoc anno salutis millesimo, quingentesimo decimo septimo. In his etiā erat Adrianus. Venit post in Hispaniam Carolus, nuper aui Ferdinandi factus hæres atque successor: Mortuo deinde Maximiliano, creatus Cæsar, & in Germaniam euocatus, Adrianum summæ rerum per suam absentiam præficit, neque multo post, ingens fuit orta per Hispaniam seditio. Leone mortuo, quum Iulius Medices & Alexander Farnesius ambirent, pro se quisq; Iulius inprimis, ecce, Adrianus, & absens & incognitus, huius anni mensis Ianuarij die nona renunciatur pōtifex, iratissimis Romanis, qui delatum hoc tantum munus ad hominem externum nec ante uisum, uehementer dolebant. Ille, accepto sui pontificatus nuncio, quia perscriptum erat, fore, ut tres mitterentur ad ipsum in Hispaniam legati cardinales, neque tamen hi uenirent, datis Victoria oppido literis ad collegium cardinalium, octaua die Martij, permagnas agit gratias, quod tale de se iudicium fecissent: & quanquam initio fuerit percussus ob oneris impositi magnitudinem, tamen, quod hoc tempore tam exulcerato, diuinitus ad hoc sese uocatū esse putet, cōfirmasse mentem, ac de summa rei bene sperare: porro, quod Cardinales, qui fuerant ad se uenturi, nondum abiisse Roma, neq; tam breui uenturos audiat, & uerò, nisi ratam ipse habeat electionem, non possit cum auctoritate rempub. procurare: deinde, quod longinquum sit & periculosum iter subeundum legatis, ideò se, qui cupiat illos ab ea molestia subleuare, simul, quid suæ sit mentis, patefacere, conuocatis aliquot uiris honestis & idoneis, de sua uoluntate coram illis esse testatum, & electionem approbasse: petere igitur, ut hoc omnibus, per Italiam inprimis, denuncient, & interea dent operam, ut ius administretur: se nunc in hoc esse totū, ut conductæ classe, rebusq; necessarijs paratis, Romam primo quoquo tempore cōtendat. Ad senatū etiam populumq; Romanum scribit, & omnē ab se beneuolentiam iubet expectare. Post aliquot deinde menses, idoneam nactus tempestatē, perfectionem suscipit. & quanquam eo ipso tempore, Cæsar, ex Belgio, sedandi causa tumultus, in Hispaniam redierat, ille tamen non salutato discedit, datis ad eum literis peramicis, & expositis causis, cur ita properaret. Itaque sub exitum Augusti uenit Romam. quo quidem

tem=



Turca  
Rhodæ  
capit.

tempore Turcarum Imperator Solimannus, in tertium mensem ob-  
debat Rhodum, ac demum septimo mense, cum Equites eius loci for-  
tissime se defendisset, omni destituti auxilio, deditione cepit, die xxv.  
Decembris, maximo sanè non detrimento solum, sed etiam dedecore  
nostro. Legatus autem pontificius, de quo dictum est, Cheregatus, ad  
hoc ipsum serè tempus Noribergam uenit, & Calendis Ianuarij, lite-  
ras Adriani, quas diximus, mittebat illinc ad senatū Argentinensem,  
professus operam suam, si quid ei uellent respondere. Gliscente con-  
tra Zuinglium offensione, cum tam in urbe quàm foris, doctrinā eius,  
ut impiam & minus orthodoxam, pro concione multi traducerent,  
inprimis autem hi qui dicuntur Dominicani, ipse uerò cum sacris li-  
teris eam congruere, & id uelle se demonstrare diceret: senatus Tigu-  
rinus, ministris omnibus Ecclesiæ, suæ ditionis, mandat, ut ad xxix.  
Ianuarij diem, dissidij religionis causa, Tiguri conueniant: fore enim,  
ut omnes ibi, quantum satis est, audiantur. Constantiensem quoque  
rogant episcopū per literas amanter, ut aut ipse ueniat, aut à suis ali-  
quem eò mittat. Cum igitur ad constitutum diem uenissent frequen-  
tes, adesset etiam episcopi uicarius, Ioannes Faber, consul uerba facit,  
& quoniam de doctrina sit ortum ualdè graue dissidium, idcirco de-  
cretum hunc esse conuentū, ait, ut si quis omnium sit, qui contra Zuing-  
lij doctrinam aliquid habeat, liberè illud nunc proponat. Zuinglius  
iam antè certis locis atq; thematis doctrinam suam incluserat, nume-  
ro ad lxvij. & ut instructi uenirent omnes ad eum conuentum atque  
disputationem, euulgarat: nunc ergò, cum finem sermonis consul fe-  
cisset, rursus illa proponit, & ad congressum eos inuitat. Ibi Faber,  
posteaquàm suæ missionis causam explicasset, conatur persuadere,  
certamen hoc nō esse huius loci uerum ad concilij notione pertinere,  
quòd breui sit futurum: urgente autè Zuinglio & postulante, si quid  
habeat, ut ne dissimulet, ille scripto se refutaturū ipsius dogmata pro-  
fitetur. Post multa utrinque commutata uerba, cum ex omnibus ne-  
mo prodiret amplius in aciem, dimisso conuentu, senatus per suos fi-  
nes edicit, ut traditionibus hominum omis, Euangelium purè do-  
ceatur è ueteris & noui testamenti libris.

Disputa-  
tio Tigu-  
ri.

Adriani  
legatio  
ad prin-  
cipes, de  
coercen-  
do Lu-  
thero.



Ræter eas literas pontifex Adrianus legato formu-  
lam dederat actionis, & primò quidem apud princi-  
pes commemorari iubet, quantum sibi doleat, turbam  
istam atq; seditionem à Luthero concitari, tum, quòd  
ad animæ detrimentum & ad gregis, quem suæ fidei  
Christus commiserit, dissipationem ac interitum ea res pertineat, tum  
quòd in ea gente atque populo istud acciderit, unde genus & origi-  
nem ipse ducat: qui quidem populus ab omni uel suspitione hære-  
sis fuerit semper alienissimus: itaque se uehementer cupere, primo  
quoquo tempore aliquod remedium adhiberi, ne longiori interposita  
mora, Germanis idem, quod Bohemis eueniat: se quidē nulli uel sum-  
ptui uel labori uelle in ea re parcere: obsecrare autē, ut idem ipsi pro  
sua quisq; facultate, faciant, cum uidelicet multæ sint & graues cau-  
sæ, cur ita debeant: nimirum, gloria nominis diuini, quæ per istā hæ-  
resim inprimis uioletur, ceremoniis omnibus & ritibus Ecclesiæ non  
solum imminutis, uerumetiam perturbatis & abolitis: charitas &  
amor proximi: nam qui aberranti uiam non commonstret, eum fa-  
cti sui rationem esse redditurum: dedecus & ignominia gentis. nam  
quæ religionis primam serè laudem semper obtinuit Germania, nunc  
eam ob defectionem in magnum uenire contemptum ac uituperatio-  
nem: nominis ipsorum existimatio. cum enim facillimè & profligare  
Lutherum, & hæreses ab eo disseminatas iugulare possint, fore, nisi  
faciant, ut & parum esse constantes, & à suis degenerare maioribus  
dicantur, qui suæ uirtutis monumentum in signe, Constantiæ relique-  
rint: an non grauissima sit iniuria, qua tum ipsos tum ipsorum ille  
parentes afficiat: cum enim Ecclesiæ catholicæ ac Romanæ religio-  
nem hi secuti sint, illius quidē iudicio, qui nūc eā religionem damnet,  
omneis æternam salutem amisisse: respiciant & secum expendant,  
quid sit ipsorum consilij, & quò tendant huius doctrinæ socij: nimi-  
rum, sub specie libertatis euangelicæ, conari leges omnes, & obser-  
uantiam magistratus è medio tollere: & quanquam Lutherus ini-  
tio uisus sit, ecclesiasticam solummodò potestatem, quasi tyranni-  
cam & impiam uelle oppugnare, tamen eò tendere, ut posteaquam  
semel



semel persuaferit, Christianos ad obediendum magistratui nullis legibus esse deuinctos, uiam omnibus aperiat, pro sua libidine grassandi: ideoq; permagnum ipsis quoq; periculum imminere: adhuc quidem illos propositum suum astute & insidiosè occultare, & magistratui blandiri, ut impune liceat odium suum in ecclesiasticos exercere: sed ijs oppressis, tentaturos reliquorum etiam haud dubiè fortunas: iam enim ipsos uidere et experiri, cuiusmodi simultates, odia, turbæ & offensiones inuaserint in rempublicam per istam hæresim: quæ quidem incommoda nisi tempestiue reprimantur, uerendum esse, ne Deus, qui gladij tempestatem ipsis attribuit, hanc tantam negligentiam, publica Germaniæ, & priuata ipsorum calamitate, grauius ulciscatur: Lutheri rationem esse non dissimilem à Mahometicæ sectæ, quæ permittat plures in matrimonium ducere uxores, ac postea repudiare, qua quidem lege ueterator ille & homo facinorosus dementarit homines, ac maiorem orbis terrarum partem ad se traduxerit: Lutherum autem non quidem hoc ipsum permittere, sed eos omnes, qui Deo uotum fecerunt castitatis, legum uinculis omnibus liberare, & ad matrimonium cohortari, & cupiditatibus hominum frena laxare, ut suæ coniurationis, quam in perniciem reipublicæ ac præsertim Germaniæ, molitur, quàm plurimos habeat adiutores atq; socios: itaque ipsorum esse, pontificium illud atque etiam Cæsaris decretum diligenter exequi, ut gloriam Dei uindicent, & suæ gentis ignominiam ac præsentem à se pestem depellant: qui tamen ex ipsis ad sanitatem redierint, in gratiam recipiendos, in eos uerò qui suos errores obstinatè defendunt, seuerè ac grauius animaduertendum esse, ut exemplo reliqui perterriti cōsuecant in uera fide ac religione perseuerare. Porro, si qui dicant, Lutherū non audita causa damnatum, & equum esse, ut prius, quàm irrogetur pœna, cognitio fiat, eos non rectè sentire: nam fidei regulam atq; religionis, ab ipso Christo traditam esse, cuius auctoritatem sequi nos oporteat, & de rebus fidei non esse disceptandum amplius, nec inquirendas etiam huius aut illius præcepti causas: illum quidem audiendum esse, cū interrogatus respondet, an hoc uel illud pro concione dixerit, an hunc aut illum librum euulgarit, sed ut ea defendat, quæ de fide deq; sacramentis prouidit, minime illi concedi oportere: hic enim Ecclesiæ morem atque

doctrinam

1523 doctrinam seruandam esse, nec ab ea descedendū: & cū ipsius dogmata serē omnia iam olim damnata sint auctoritate conciliorū, nullam esse ipsorum habendam rationem: maximam enim iniuriam ecclesiasticis facere conuentibus, qui decreta illorum conuēnit atque repudiat: nullum etiam esse futurum finem contentionum, si, quæ graui & multa deliberatione uiri prudentes atq; docti constituerunt, cuiq; priuato liceat in dubium & quæstionem deuocare: ubicunque sit aliquis hominum cœtus aggregatus, ibi certas esse leges, quibus teneantur omnes: quanto magis id debere fieri, cū publicè quid in Ecclesia sancitum est: cū autem isti decreta conciliorum & patrum non reijciant modò, sed etiam exurant, certè tanquam publicæ pacis & ocij perturbatores, mulctandos esse: Interim tamen neque hoc dissimulandum aut silentio prætereundum esse: Deum uidelicet uindictam omnis iniquitatis, affligere ad hunc modum Ecclesiam suam propter populi, maximè uerò, propter eorum peccata, qui præsent Ecclesys, cū scriptura dicat, à sacerdotibus iniquitatē populi dimanare: nam certè plurimis nunc annis grauiter multisq; modis peccatum esse Romæ, & inde à pontificio culmine malum hoc atque luem, ad inferiores omneis Ecclesiarum præfectos defluxisse: neminem enim esse, qui suum faciat munus, aberrasse omneis, & ne unum quidem ex omni numero uacare culpa: proinde soli Deo tribuendam esse gloriam, & suppliciter ab eo petendam ueniam: quod cū ita sit, daturum se operam, ut Respublica Romana, quæ tantis forsan malis occasionem dedit, omnium prima seuerè corrigatur, ut, quæ causam damni dedit, medicinæ præbeat & salutis initium: quod quidem eò magis faciendū sibi uideat, quò uehementius id à plerisque desideretur: se uidelicet inuitum & recusantem ad pontificatum uenisse, & uitam priuatam multò sibi fuisse chariorem: sed metu numinis diuini & præsentis rerum statu commotum, nō potuisse curam hanc & onus ab se demum reijcere: dominandi sanè cupiditate nulla huc impulsus fuisse, uerum solo desiderio consulendi in medium, & reipublicæ procurandi salutem: quòd autem errores atque uitia, de quibus compertum habeat, nō statim emendet, hanc esse causam, quòd morbus iste, quem sanare cogit, admodum sit inueteratus & multiplex etiam: itaque pedetentim sibi agendum esse, ne repentino quodam studio medendi, grauior



grauiores excitet motum: subitas enim reipublice mutationes, periculi esse plenas: deinde notum esse uetus illud, quod prouerbij loco dici solet, eum, qui nimium emungit, elicere sanguinem. Hoc scriptum Lutherus postea sermone populari conuertit, & additis in marginem annotatiunculis, illud, quod pontifex ait pedetentum oportere procedere, sic accipiendum esse dicit, ut singuli pedes atque passus interval- lum habeant aliquot seculorum. Porro, quod aula Romanae corru- ptelam sic profiteretur, non bonam apud cardinales inisse gratiam dicitur: tametsi pontificum hanc ferunt esse technam, quando concilium & notionem cause tardare uolunt & infringere, ut liberaliter & prolixè polliceantur. quò spaciū intercedat comparandi regum gratias, & tempore opportuno rem armis tentandi. promissus enim animos hominum in spem & expectationem erigunt, atque interim rationes ineunt retinendae suae dignitatis atque potentiae, quam in dis- crimine uocari sciunt per libera concilia: Interea dum legatus haec a- git, principes querebantur, pacta, quae cum pontificibus olim fecis- sent, non uno modo Romae uiolari. Qua de re certior factus legati li- teris pontifex, nuntiabat interprete legato quòd à suis maioribus fa- ctum sit, non se posse praestare: sed rationem illam usitatam Romae, si- bi tunc etiam, cum adhuc esset priuatus, admodum displicuisse, & sui iam dudum esse propositi ac uoluntatis, etiāsi nullus interpellasset, emendare haec omnia, neque pati quenquam affici ulla iniuria, mul- tò minus ipsos, quibus propter communem patriam in primis grati- ficari cupiat: quòd autem lites forenses Romae inchoatas, in Germa- niam transferri petant: plerosque omnes iudices & aduocatos pro- pter seuitiam morbi grassantis, aliò commigrasse, simul atque redie- rint, cognita causa facturum se dicit, quod æquum uidebitur. Legato mādarat etiam, ut responsum à principibus flagitaret. nam eò se scri- bere, primum, ut ex ipsis rationem intelligat, qua putent hanc tam pe- stiferam sectam posse iugulari, deinde, ut quod ab se confici debeat at- que praestari, tempestiuè procuret. His rebus ad concilium illatis, Prin- cipes ac ordines dant responsum, & initio quidem paucis repe- tunt omnia illius postulata, sibi que per gratum esse dicunt, ipsum uo- luntate Dei praefectum esse Ecclesiae, quae hoc tempore tam acerbo, uehementer opus habeat tali curatore: quòd etiam de sua erga reme-

Princi-  
pes re-  
spōdent  
legato  
Adriani.

publicam uoluntate, de suscepto labore pro componendis regum dissidijs, de impensis factis ad reprimenda Turcarum arma, nunciarit, magna se cum uoluptate audisse, & summas agere gratias: nam certè civilibus istis bellis, & Imperij res omneis labefactari, & crudelissimi hostis Turcarum imperatoris potentiàm augeri, dum nullæ, quæ resistant, copiæ illi opponuntur: adesse Pannoniæ regis atque procerum legatos, qui non sine summa commiseratione recitarint, quàm crude lia sint passi, & quantis hodie sint expositi periculis: orare itaque ue hementer, ut ipse, qui sit pater atque pastor omnium, in hoc sanctissimo proposito perseueret, & elaboret, ut aut firma pax aut diuturnæ constituantur induciæ, quò rationes tandem iniri possint, & propellendi Turcarum impetum, & recuperandi amissas Imperij prouinciæ: eam ad rem neque consilio nec opibus desuturos sese profitentur: Quantum ad Lutherum pertinet, si quid ex eius doctrina sit orium incommodi per Germaniam, grauitè illud & molestè, pro eò ac decet, sese ferre, cupere etiam ei malo medicinam facere: nam ut ipsi atque Cæsari morem gerant, id agnoscere sui esse officij, nec in eo uelle à suis degenerare maioribus. quòd queratur, non esse de illa sumptam poenam, ex formula decreti Cæsaris, id non leui de causa prætermissum: omneis enim ordines grauissimè conqueri de curia Romana, & plerosq; omneis Lutheri cõcionibus atq; libris ita nunc esse eruditos, ut, si decretum illud aduersus ipsum ualere debeat, maxima sit inde dubio procul oritura seditio, & fore, ut plurimi sic interpretentur, quasi eò fiat, ut oppressa ueritate & extincta euangelij luce, manifesta uitia, quæ tolerari diutius aut dissimulari non possunt, defendantur: quæ quidem persuasio certissimam sit excitatura populi contra magistratum, rebellionem: negari enim non posse, ac ipsum quoque liberaliter fateri, multa perperam ac uitiosè Romæ fieri cum maximo reliquarum gentium ac prouinciarum incommodo, nec absque detrimento religionis: quòd ergò non dissimulet neq; morbos excuset Romæ curiæ, quòd emendationem quoq; promittat, & omnibus ex æquo ius redditurum esse confirmet, summam id laudationem mereri, præsertim, si re ipsa, quod uerbis et oratione pollicetur, præstet: quod ut faciat, orare se plurimum: alioquin enim nullam firmam aut diuturnam posse constitui pacem: Bellis alijsq; mul-



tis impensis ac tributis extraordinarijs, Germaniam esse magnopere  
 attenuatam, ita quidem, ut necessarios ad rempublicam sumptus tole-  
 rare, & Pannonijs uicinisq; populis, auxilia subministrare in Turcā  
 uix agrè possit: iam uerò, quemadmodum Germani superioribus an-  
 nis permiserint, ut episcopi ceteriq; præfecti ecclesiarum, ad certum  
 tempus, pontifici Romano essent uectigales: hoc ipsi non esse incom-  
 pertum: interuenisse tunc conditionem, ut ea omnis pecunia, cum bel-  
 lum esset gerendum aduersus Turcam, erogaretur: sed & iampridem  
 exiisse tempus illud pactum, & ipsius maiores pontifices Romanos,  
 collectam pecuniæ summam non eò cōtulisse, quò debebant: proinde,  
 cum per Imperij prouincias imperatur stipendium in bellum Turci-  
 cum, homines indignari & fremere, atque ita sentire, uim illam auri  
 plurimis annis publicè collectam in hos usus atque seruata, huc im-  
 pendendā, neq; subesse causam ullam iustam, cur ipsi præterea grauen-  
 tur: petere igitur, ne posthac eiusmodi cēsum exigat, sed in Imperij pu-  
 blicum ærarium redigi permittat: sic demum reconciliari posse mul-  
 tas per Germaniam offensiones, & fore, cum opus erit, ut non desint  
 facultates ad succurrendum exteris nationibus, contra uim hostilem  
 et impetum Turcarum: Quòd insuper consilium ab ipsis petat in hac  
 religionis mutatione, si quid pro salute reipublicæ possint in medium  
 consulere, facturos id cum libenter tum ex officio: nūc ergò, cum non  
 solum de Lutheri dogmate sit agendum, uerum etiam de multis alijs  
 grauissimis erroribus atque uitijs, quæ longa consuetudine robur as-  
 sumperint, & deprauatis hominum iudicijs atque moribus iam ex-  
 cūsantur, quod & ipse fateatur, uideri sibi non aliam esse commodio-  
 rem uiam hæc omnia sanandi, quàm per primum liberumq; concilium,  
 quod ipse et Cæsar, præcipui orbis Christiani magistratus, facillè pos-  
 sint in aliqua Germaniæ ciuitate cogere, Moguntia uidelicet, uel Ar-  
 gentorati, uel Meti, uel Colonia: fore etiam ex utilitate reipublicæ,  
 si primo quopio tempore, & ad summum, intra annum eius fiat ini-  
 tium: sed hac lege tamen & conditione, ut omnes pariter qui intere-  
 runt, cuiuscunq; sint ordinis, data fide per iusiurandum promittant,  
 quicquid ad gloriam Dei & ad salutarem reipublicæ constitutionem  
 pertinere uidebitur, ut id absq; dissimulatione & liberè pronuncient:  
 nam fore alioquin, ut concilium habeatur suspectum, & aliquantò

plus adferat incommodi quàm boni: quòque magis id fiat, se daturos operam, ut Lutherus interim & alij nihil emittant librorum, in eòque sperare se, Fridericum Saxonie principem, laudatissimum uirum, ipsis uelle gratificari: curaturos etiam, ut concionatores nihil præter euangelium doceant, idque purè & modèstè, iuxta probatas & ab ecclesia receptas interpretationes: item, ut pro concione nihil dicant, quod populum uel aduersus magistratum excitare, uel in errorem ullum abducere possit: ad hæc, ut controuersias grauiores neque populo admodum necessarias prætereant & ad concilij notionem referuent: ad eam autem rem cognoscendam oportere constitui ab episcopis homines idoneos, qui leniter illos, cum opus erit & ita castigent ut ne qua possit oriri suspitio, quasi conentur Euangelij cursum impedire: qui uerò admoniti nō obtemperabunt, ijs hoc non fore impunè: postremò, effecturos, ne quid noui deinceps typographi excudent, & ut certi homines, uiri docti ac boni, quos singuli magistratus, in sua quisq; ditione ad eam rem constituent, iudicium faciant, & quod ipsis improbabitur, diuēdi prohibeant: hæc sibi uideri & ad reconciliationem animorum & ad emendationē esse idonea: nam etiam ut nō omnia statim emendentur, tamen progressionem aliquā interea posse fieri, donec autoritate cōcilij reliqua definiantur: Quod ipsius legatus inter alia dixerit, de sacerdotibus & Ecclesie ministris, qui uxores in matrimonium ducunt: quoniam iure ciuili nulla sit ijs proposita poena, uideri ipsis non alienum, ut qui deliquerunt, ex præscripto iuris pōtificij mulcentur: tandem orant, ut hanc suam de singulis rebus sententiam boni consulat: proficisci enim ab animo sincero & reipublicæ studio, & pontificie dignitatis obseruantissimo. Hoc in tempore magna fuit rerū facta mutatio per Daniam. sic autem res habet. Christiernus, eius nominis primus, Danie rex et Noruegie et Suecie, filios habuit duos, ioannem & Fridericū. Mortuo successit ioannes. huic bella fuerunt cum Suecis rebellantibus: compositione tamen sedata res fuit. Natus est ioanni filius Christiernus, qui sex annorum puer, uiuo patre, designatus rex, & post xxxvi annos, ab illius morte, confirmatus, regni possessionem adeptus est, anno salutis humanæ M. D. XIII. Eo regnante Sueci, denuò rebellionem faciunt, et Stenonem Sturā summæ rei præficiunt. Christiernus autē omne robur in eos conuertit,

Danie  
status  
turbulen  
tus.



uertit, et post multos conflictus ac uarias obsidiones uincit, ipsumque Sturam in prelio interfectum atque sepultum, effodi iubet & exuri. fuit hoc anno salutis M. D. XX. Suecos ita debellatos, ex nobilitate quidam, Gustauus Erixonius, à Lubecensibus, ut creditur, instigatus & adiutus, iterum ad rebellionem incitat, & foeliciter quidem. Simulabat initio, se negotium agere filiorum Stenonis: confirmator autem factus, regni possessionem arripit, et sua muniendi causa Stenonis filiam in matrimonium ducit. Christiernus, amissa provincia, domi quoque magnam sustinebat inuidiam. Impotenter enim gerebat rempublicam, & seuitia sua cunctos ordines offendit: itaque, cum tandem metueret, ne magno sui capitis periculo hic æstus aliquandò prorumperet, cumque Fridericus etiam patruus ac Lubecenses in ipsum arma sumerent, cum liberis & uxore Isabela Caroli Cæsaris Germana sorore, profugit hoc anno, cum regnasset annis nouem, inq; Selandiam Cæsaris provinciam primum appulit. E uestigio post, ordines regni, coacto concilio, patrum eius Fridericum, Holsatiæ principem, etate graui, creant regem, à Lubecensibus adiuti, & euulgatis deinde scriptis ad Cæsarem, ad pontificem, ad reliquos Imperij principes, facti sui rationem reddunt, & illum grauissimorum criminum accusant, suoq; merito exulare dicunt. Idem Fridericus quoq; facit & Lubecenses, cuius quidem ciuitatis amplissima est authoritas atq; potentia ijs locis. Christiernus autem, nactus idoneum scriptorem, Corneliū Scep perum, Flandrum, hominem in primis eruditum, criminationibus respondet, ac ordines Imperij, Noribergæ cōgregatos, opem auxiliūque poscit. Liberos habuit, marem unum, quem Cæsar auunculus ad se postea recepit: filias uerò duas, Dorotheam & Christinam. Susceptum fuit eodem anno bellum ab eius propinquis, ut restitueretur, sed frustra, præsertim, cum bello Gallico Cæsar distineretur. Legatus pontificius accusauerat ecclesiæ ministros Noribergæ, tanquam impia docerent, & ut in uincula conijcerentur, postulabat: principes autem existimare se dicunt, falso quædam ad ipsum esse delata: illos etiam in honore esse, ac placere populo: si quid in eos admittatur, fore ut sic illud omnes accipiant, quasi consulto fiat, ueritatis opprimendæ causa, quæ quidem res motum excitare queat: se tamē delecturos esse, qui de re tota perquirant in posterum, & quod æquum est, statuunt. Cum

ad hunc modum postulatis omnibus respondissent, ipsi uicissim, quid à pontifice, quid ab episcopis per Germaniam præstari uelint, demonstrant, et ea, quibus iniuriam sibi suisque fieri dicebant, in certa quædam capita redigunt, & descripta legato tradunt, & pontificem orant, quandoquidem hæc nulla nitantur æquitate, neque diutius tolerari possint, ut quamprimum aboleat: nam alioqui fore, ut ipsimet consilium sibi capiant, quemadmodum onus illud à se rejiciant, & pristinam libertatem recuperent. Ad eundem modum quæsti fuerant in conuentu Vuormaciæ, & cum eadem capita Cæsari tunc exhibuissent, orabant, ut autoritatem suam interponeret. neque uerò tunc ad episcopos etiam hæc dissimulauerāt, à quibus cum nihil adhuc emendatum esset, pontificem implorabant, eò quòd prolixè ac liberaliter, de sua uoluntate & studio emendationis, per legatum ipsis pollicitus erat, ut supra diximus. Ea uerò, quæ postulabant emendari & aboleri, sunt eius generis omnia ut & principes in suo iure impediunt, & Germaniam facultatibus exhauriant, & homines maxima seruitute constringant.

Annatarum origo.

De uectigali, quod dicunt ecclesiasticorum, sic habet. Augescente indies pontifici potentia, inter alias colligendæ pecuniæ rationes hæc etiam inuenta fuit, ut episcopi & id genus alij proceres, pro magnitudine ac modo annui prouentus, Romano pontifici certam pecuniæ summam dependerent: uulgò uocant Annatas & uacantiarum redditus. Inuentum hoc alij tribuunt Ioanni XXII. alij Bonifacio nono. Titulus erat speciosus atque popularis, nimirum, ut in bellum contra Saracenos atque Turcas semper esset paratus thesaurus. Et quoniã id temporis erat sacrosancta pontificum autoritas, facile persuasum fuit omnibus: Angli soli, quantum ad minora sacerdotia pertinet, recusabant. Porro, ualuit ea lex ad concilium usque Basiliens. tunc enim, cum ex diuersis locis multæ deferrentur querimoniæ, decretum est factum, ne posthac aliquid exigeretur: uerum Eugenius quartus irritum fecit conciliū illud, ut supra quoque diximus, & qui secuti sunt eum pontifices, quum nihil sibi detrahi uellent, episcopis ac reliquæ turbæ nō alio pacto sacerdotia confirmarunt, quam si tributum illud persoluerent. Sic adeo res in hoc usque tempus continuatur, quanquam non sine crebris et magnis offensionibus. Nam & anno millesimo quingentesimo, quo tempore Cæsar Maximilianus inter alia de bello Turcarum, Imperij conuen-



conuentus agebat Augustæ, decretum fuit, mittendam esse legationem ad pontificem Alexandrum sextum, ut rempublicam ope consilioque iuuaret, & prouentus illos, hac potissimum de causa concessos olim, in hunc usum contribueret. Cæterum, archiepiscopis aut metropolitani, uti uocant, insigne quoddam honoris atque dignitatis confert pontifex, è lino confectum atque lanæ id uocant pallium: redimitur autem magna uel pecuniæ, & quidem intra spatium trimestre, sicut ipsorum leges habent, neque licet archiepiscopis inaugurare aliquem episcopatum, nisi prius accepto pallio, cuius est præcipuus usus in peragendis sacris atque Missis: non traditur autem, nisi fidem & obedientiam quis promittat per iusiurandum. Annatæ uero, quas diximus, inde nomen habent, quod qui recens in demortui locum successit, episcopus aut abbas, pontifici Romano fructus integros unius anni persolvere tenetur ex eo sacerdotio. Post omnem hanc actionem, principes edito scripto paucis recitant ordine, quid actum sit, & quas ineundæ concordie rationes proposuerint, eas nimirum, quas antè paulò diximus. Itaque mandant, ut hæc seruentur, proposita poena, si secus fiat. decretum hoc fuit editum ad sextum diem Martij, nomine ac titulo Cæsaris. nam is in Hispaniam rediturus, & senatum & iudicium constituerat, ut supra dixi, penes quos erat reipublicæ procuratio. Cæsaris autem erat in eo conuentu legatus, Fridericus princeps Palatinus. Capti fuerunt ad hoc tempus Bruxellæ, professionis Augustiniæ monachi duo, Ioannes & Henricus. Quæstionem habuit Hogestratus Dominicanus, inter alios. Rogati sunt primum, ecquid crederent? illi, ueteris & noui testamenti libris, & apostolorum symbolo, quod fidei capita continet, credere sese dicunt. num decretis conciliorum atque patrum credant? ijs, quæ cum sacra scriptura consentiant. putent ne peccatum esse mortale, si quis patrum & pontificis Romani decreta uiolet? solis præceptis diuinis hoc esse tribuendum, ut absoluant aut condemnent. Quum in eo persisterent, damnati sunt capitis. ipsi uero gratias agebant Deo, quod pro sui nominis gloria perferendum aliquid esset. Quum producerentur, omnium oculos in se constantia sua conuertebant, itaque fuerunt exusti calendis Iulij Prius uero, quàm afficerentur supplicio, sacris fuerunt exanthorati, degradationem uulgo uocant. Id autem ita fieri solet in ijs, qui di-

Pallium  
Romanum.

Bruxellæ monachi duo  
propter dogma exusti.

Degradationis  
modus.

Lutherus inter  
pretatur  
decretū  
Noriber  
gicum.

cuntur sacerdotes. Hereſeos damnatus à iudice eccleſiaſtici ordinis, induitur ſacris uestibus, inque manus ei traditur calix cum uino et aqua, sed & patella deaurata cum pane azymo. Sic in genua procumbenti uicarius episcopi tollit & adimit ea quæ diximus, et simul mandat, nec posthac ſacrum faciat pro uiuis aut mortuis. Lamina deinde uitrea radit ei digitos, iniungens, ne rem ulla deinceps consecret. posthæc, reliquum apparatus omnem aufert, usus ad singula certis quibusdam imprecationibus. Cùm iam exemptus est ille numero sacerdotum, reliquis etiam gradibus, per quos ad sacerdotij dignitatem ueniri solet, exiit. Sic denudatus, alijsque uestibus, uti uocant, prophanis indutus, traditur magistratui, deprecante interim episcopi uicario, ne quid in ipsius uitam aut corpus etiam statuatur grauius. Hæc enim adhibetur ceremonia, ne scilicet ipsi, qui sacra tractat, supplicij uel profusi sanguinis authores uideantur extitisse. Cùm decretum illud Imperij, Noriberge factum, alij aliter acciperent, plerique etiã contemnerent, Lutherus, datis literis ad principes, reuerenter & magnacum uoluptate se legisse illud, & ecclesie quoque Vuittembergensi proposuisse dicit: uerum insidijs & arte diaboli fieri, ut autoritas ei de rogetur: nam ex prima etiam nobilitate quosdam esse, qui & nolint obtemperare, & uarias interpretationes affingant: hoc itaque scripto se uoluisse declarare, quomodo ipse illud accipiat, & considerare suam opinionem esse congruentem ipsorum uoluntati: Quod euangelium doceri iubeant secundum interpretationes ab ecclesia receptas, à plerisque; sic intelligi, docendum esse iuxta morem hucusque usitatum, ex præscripto Thomæ, Scoti & aliorum, quos Romani pontifices approbarunt: se uero de uetustioribus illis accipere, Hilario, Cypriano, Augustino, et horum similibus. ac ne his quidem esse tantam tribuendam fidem, ut non longè præferantur Biblica scripta: non dubitare se, quin & hæc sit ipsorum sententia: & argumento esse, quod nonnulli, qui ueram ecclesie emendationem ferre non possunt, recusarint huic edicto subscribere, & ne nunc quidem illud suis proponi patiantur: Alterum, ut episcopi deligant homines idoneos, qui concionibus adsint, & leniter admoneant si quid erit: rectè quidem esse decretum, sed illos, quibus mandatū sit, etiam ut uelint, tamē non posse decreto satisfacere, quod uiris doctis careat, et illis utantur, qui præter sophistica nihil unquam



unquam didicerint: quòd interdican, ne quid librorũ deinceps exeat, 15 2 3  
 nisi prius uiri docti ad eam rem delecti iudicium fecerint, non se recu-  
 sare quidem, sed tamen sic illud accipere, ut ad sacræ scripturæ libros  
 non pertineat: quò minus enim hi prodeant in lucem, non posse pro-  
 hiberi: quòd postremo statuerint de sacerdotibus, qui uel uxores du-  
 cunt uel ordinem suum deserunt, iuxta leges pontificias multandis,  
 nimis hoc esse durum: nam si purè docendum sit euangelium, ut ipsimet  
 fateantur, iam certè mitigandam esse legem illam pontificiam. Deplo-  
 rat deinde nostri temporis miseriam ac pertinaciam, quòd in hac tam  
 clara euangelij luce non abrogetur lex illa durissima coelibatus, quæ  
 plurimorum & grauissimorũ scelerum occasione atq; causam præ-  
 beat: ipsos tamen, qui pontificia pœna contenti sint, propter eam mo-  
 derationem admodũ esse laudandos, illos uerò, qui sacerdotes ob con-  
 tractum matrimonium uel professionem desertam carcere & uincu-  
 lis & omni suppliciorũ genere excarnificatos interficiunt, magnope-  
 re detestandos. Orat igitur principes, quando quidem aduersarij non  
 pareant huic ipsorum decreto, sed magna quadam licentia & impu-  
 nitate resistent, ut ijs etiam ignoscatur, qui naturæ quadã imbecillita-  
 te, ne conscientiam suam ipsi lædant, aut in manifesta uitia ruant, po-  
 stemum hoc ipsorũ decreti caput non exactè seruabunt: ualde enim  
 esse iniquum, ut illis præpotentibus impunè liceat ea uiolare, quæ fa-  
 cilimè seruare & possint & debeant, alijs uerò tenuioribus pœnam  
 infligi, ob uiolatam legem, quam ut seruent, non sit in ipsorum pote-  
 state: nec enim omnibus esse datum continentie donum, & quæ fiunt  
 de castitate uota, non solũ esse stulta, uerumetiam contra bonos mo-  
 res ac uitæ honestatem omnem. Posthæc, de instituendis Ecclesiæ mi-  
 nistris librum emittit, rogatu quorundam, ad senatũ Pragensẽ. eiq;  
 scriptũ adiungit, quo demonstrat, Ecclesiam habere ius ac potestatem  
 iudicandi de quauis doctrina, & constituendi ministros. Prius autem  
 definit Ecclesiam, eamq; dicit esse, ubicunq; purè docetur euangelium:  
 episcopos autem & id genus alios proceres ait esse statuas & capita  
 sine cerebro, nec ullum esse in ulla gente uel populo, qui suum faciat  
 munus, in Germania præsertim. Eodẽ propè tempore scripsit etiam  
 de doctrinis hominũ uitandis, ac præfatus ait, hoc scripto minimè se  
 patrocinari illis, qui leges & traditiones hominũ audacter quidẽ con-

Coelibatus.

Lutheri  
 uaria opuscula.

1523 *temnunt, sed interim, quòd sit hominis uerè Christiani, nihil agunt.*  
 Deinde formulam Missæ & communionis præscribit Ecclesiæ Vuit-  
 tembergenfi, & adhuc quidem se cunctanter egisse dicit, propter mul-  
 torum infirmitatem & doctrina sola cõtentum, eò spectasse, ut erro-  
 res ac impias opiniones mentibus hominum eximeret: nunc uerò con-  
 firmatis quamplurimis, esse tempus, ut, quòd impium sit, non tolere-  
 tur amplius in Ecclesia, sed ut puram doctrinam comitetur etiam a-  
 ctio sincera, omni remoto fūco & simulatione. Ei scripto coniunxit  
 aliud de pijs ceremonijs, in cœtu Ecclesiæ seruandis, item & illud, de  
 abominatione Missæ priuatæ, quam uocant Canonem. in cuius qui-  
 dem libelli præfatione commemorat, quòd editis libris, & pro con-  
 cione sæpe sit cohortatus homines ad abrogationem Missæ pontifi-  
 ciæ, propterea se uocari seditiosum, sed iniuriã sibi fieri: nec enim un-  
 quam docuisse populũ, ut impios cultus autoritate sua publicè abo-  
 lerent, sed ne magistratui quidem hoc à se concessum, nisi forè eccle-  
 siarum præfecti pertinaciter defendant errores: & quoniam horren-  
 da sit ista cœnæ domini prophānatio, sicut doctiores nunc agnoscant,  
 ideo se scriptionē hanc atq; laborē suscepisse, ut populus etiam intel-  
 ligat, & ut usitata illa sacrificia Missarum, non secus atq; Sathanam  
 ipsum defugiant, quòd ut doceat, ordine recitat eum, quem appellant  
 Canonē, & quibus ille sit refertus contumelijs in Deum, demonstrat.  
 Inter alios Germaniæ uiros doctos, qui Luthero plurimum fauebāt,  
 Vlrichus erat Vlrichus Huttenus Francus, nobili genere natus: is hoc anno, sub  
 exitum Augusti mensis, in Tigurinorũ finibus mortem obiit. Extant  
 quedam eius opuscula, quæ magnam ingenij libertatem & acrimo-  
 niam ostendunt. Libro superiori diximus, quemadmodum Lutherus  
 Angliæ regi Henrico responderit. Hoc scriptum rex ubi legit, ad Sa-  
 xoniæ principes, Fridericum, eiũsque fratrem Ioannem, & patrue-  
 lem Georgium, dat literas, & de Luthero grauius questus, quantum  
 ab eius doctrina periculum ipsis immineat, totiq; Germaniæ, demon-  
 strat: nec esse quòd contemnunt aut paruifaciant: nam & Turcicam  
 illam immanitatem, quæ nunc tam latè grassetur, ab uno atq; altero  
 homine perditò primã duxisse originem, & uicinam Bohemiam ipsis  
 documento esse, quanti referat, nascenti malo statim occurrere: Mo-  
 net etiam, ne Luthero permittant, ut Testamentum nouum lin-

Vlrichus  
 Hutte-  
 nus.

Angliæ  
 regis ad  
 Saxoniam  
 principis  
 pesmoni-  
 tio,



gna populari diuulget: sic enim iam esse notum artificem, ut dubium 1 5 2 3  
 non sit, quin bene scripta, male uertendo peruertat atq; deprauet. Ei  
 scripto Georgius princeps peramicè respondet, grauius & ipse Lu-  
 therum incusans, eiusque libros quàm longissimè suis à finibus arce-  
 re se dicit, tanquam nocentissimos omnium hostes: nam inde ab eo  
 tempore, quo disputationem ei Lipsiæ permiserit, satis deprehendisse,  
 quorsum exiret: quod etiam in ipsum tam acerbè scripserit, uehe-  
 menter sibi dolere, perque suam ditionem omnem edixisse, ne quis  
 aut diuendat aut legat. in librarium etiam, qui primum ad suos exem-  
 plar importasset, animaduertisse. In eo, quem diximus, conuentu  
 Noribergico, præter causam religionis egerant etiam principes de ra-  
 tione firmandæ pacis & constituendi iuris, de pœna eorum qui legi-  
 bus Imperij non obtemperarent, de perpetuis & continentibus auxi-  
 lijs contra uim Turcicam: Et de his quidem duobus postremis nihil  
 tunc decerni poterat, inq; aliud tempus atq; comitium reiecta fuit de  
 liberatio. Et Imperij quidem ciuitates omnes, quoniam in eo conuen-  
 tu promulgatum erat de nonnullis, quæ sibi detrimento fore uidebāt,  
 communem mittebant ea de causa legationem ad Cæsarem, in Hispa-  
 nas: hi cum Augusti mensis die sexta Valoletum uenissent, suæque  
 tertio post die proposuissent, Cæsar, aliquot post diebus, benignè  
 quidem & liberaliter respondit, sed pontificem apud se questum ait  
 per literas, de Argentorato, Noriberga, Augusta, quasi doctrinæ Lu-  
 theri faueant: se quidem ab illis expectare meliora, sed tamen silen-  
 tio noluisse hoc præterire, quo uidelicet & suis & pontificijs edictis  
 obtemperent, quod quidem omninò putet ipsos esse facturos. Illi sese  
 purgant, & nihil à suis prætermitti diligentia demonstrant, quo i-  
 psius uoluntati satisfiat. Interim Adrianus pontifex moritur Idibus  
 Septembris: ei succedit Clemens VII. è familia Medices. Heluetio-  
 rum propè soli Tigurini sequebantur Zuinglij doctrinam, ut supra  
 demonstrauimus: ex reliquis uerò plerique fremere ac indignari:  
 Et quum Bernæ propterea conuenissent, erant, qui Zuinglium  
 grauius accusarent, & inuidiæ concitandæ causa dicerent, illum pro  
 concione dixisse non semel, ipsos, qui cū exteris inijsset sœdus, uen-  
 dere sanguinè, & uesci carnibus humanis. Eo cognito, simulac legati  
 Tigurini domū reuerterāt, Zuinglius per epistolā sese purgat, neq; sic  
 esse

Adria-  
 nus pon-  
 tificis mo-  
 ritur.

esse locutum, sed in genere dixisse docet, esse nonnullos, qui esum carnis, lege pontificia interdictum, abominentur ut impium. quod autem humanas carnes auro diuendant & ferro consumant, in eo nullū esse piaculum existiment: nominatim ab se nullam gentem esse notatam, neq; se consueuisse, suos in Heluetios ad hunc modū inuehi, quos propter communem patriam uehementer amet: uitia quidem necessariō sese reprehendere, quæ nunc sanè plurimū exundent: id autem ad bo-

Disputa-  
tio Tiguri.

nos & innocentes minimè pertinere. Docebat inter alia Zuinglius, imagines è templis amouendas, & Missam, quod impia sit, abrogandam esse. propter hanc ergo causam, senatus alterum in urbe sua conuentum indicit. quò cū frequentes Octobri mense conuenissent, tri-  
dui fuit habita disputatio. Senatus autē, ne quid præcipitanter fieret, Constantiensem episcopum, qui neminem eò miserat, literis orat, ut

Ecclesiastici ma-  
riti sunt  
Argentini-  
æ.

sententiam in eo suam & ipse ostendat. Hoc ferè tempore, cum alijs in locis, tum Argentorati quidam ordinis ecclesiastici ducebant uxores: ea res magnam excitauit contentionem. Nam accusati responde-

1524

bant, nihil in eo se fecisse contra Dei mandatum, & omnibus esse concessum indifferenter matrimonium. Senatui quidē Argentinensi plurima fuit actio super ea re, cum eius urbis episcopo, qui tandem uigesimo Ianuarij die, Tabernas oppidum, euocat reos, ut ad certum diem adsint, audituri contra se ferri sententiam, ob contractum matrimonium. qua quidem in re dicit eos & Ecclesiæ & sanctorū patrum & pontificū & Caesaris etiam Imperijq; uiolasse leges, & ordini summā fecisse iniuriam, & maiestatem læsisse diuinā. His acceptis literis atq; citatione, illi supplicant senatui, ut causam dicere, suiq; facti rationē ipsis reddere liceat, neq; capitis recusant pœnam, si contra Dei præceptū fecisse quid comperiantur. Senatus ergo rursus interpellat episcopum: & quando quidem legitimam illi disceptationem minimè sugiant, neque sine graui motu quicquam in eos designari possit, præsertim, cū alij, qui cum meretricibus palam uiuunt, non mulctentur, orant, ut saltem ad exitum usq; conuentus Imperij, qui tum erat

Comitia  
Noriber-  
gæ.

Noribergæ, rem omnem differat: nec enim esse dubium, quin id genus actiones alijs etiam in locis natæ sint, & fore, sua quidem expectatione, ut in eo conuentu harum rerum omnium rationes expendantur. Hic est ille conuētus, qui nuper in aliud tempus reiectus, ut supra dictum



dictum est, in hunc annum incidit. Eò Clemens quoque pontifex le- 1 5 2 4  
 gatum misit Laurentium Campegium cardinalem, & datis ad Fride-  
 ricum Saxonie principem literis, amanter admodum scriptis ad Idus  
 Ianuarij, pergratū sibi fuisse dicit, cum de hoc comitio, cui & ipse es-  
 set interfuturus, audiret: nam in maximam spem uenire, posse aliquid  
 in eo constitui, quod salutem adferat reipublicæ: eaq; de causa mitte-  
 re Campegium cardinalem, magnæ uirtutis uirum, qui & de sua so-  
 licitudine ac uoluntate erga rempublicam principes edoceat, & pri-  
 uatim cum ipso de rationibus pacis colloquatur, ad quam procuran-  
 dam ut animum adijciat, & adiutor sit legato, magnopere ipsum hor-  
 tatur: nihil enim fieri posse, hoc quidem tempore, magis uel pium uel  
 necessarium, ac pertinere hoc ad ipsorum omnium, qui sint in magi-  
 stratu, salutem ac dignitatem: ualde se studiosum ac amantem esse Ger-  
 manie, ac sperare, illam non discessuram à prisca uirtute, sed compo-  
 sitis atq; sedatis offensionibus, ad futuram esse publicis incommodis  
 depellendis. Itaq; rogat, ut beneuolentiam omnem & amorem legato  
 suo præstet, à quo prolixius omnia sit auditurus. Ad uigesimū sextum  
 Ianuarij diem, Lucernæ fuit Heluetiorum conuentus: ibi factum est  
 decretum. ne quis uerbum Dei, quod supra mille quadringentos an-  
 nos nunc denunciātū sit, neue Missam, in qua corpus Christi consecra-  
 tur ad ipsius honorem, & uiuorum atque mortuorum solamen, de-  
 rideat aut contemnat: qui coenam domini per atate percipiunt, deli-  
 cta sua, quadragesimæ tempore, sacerdoti bis confiteantur, et reliqua  
 omnia more consueto faciant: Ecclesiæ ritus omnes atq; consuetudi-  
 nes seruentur: suo quisq; pastori pareat, ab eoque sacramenta perci-  
 piat, uti fieri solet, & quam debet annuam ei pecuniam, persoluat: sa-  
 cerdotibus exhibeatur honos: diebus uetitis abstineatur ab esu carnū,  
 & per quadragesimæ tempus, ab ouis etiam atq; caseo: Lutheri nihil  
 priuatim aut publicè doceatur aduersus receptum Ecclesiæ morem:  
 In cauponis atq; cōuiuijs, Lutheri, uel nouæ cuiuspiam doctrinæ nul-  
 la fiat mētio: diuorum imagines atq; statuae sint ubiuis inuiolatae: mi-  
 nistri Ecclesiæ rationē suæ doctrinæ reddere non teneantur, nisi ma-  
 gistratui tantum: tutela præstetur illis atq; patrocinium, si quis fortē  
 motus ingruat: qui sancti spiritus, Mariæ uirginis, diui Antonij cir-  
 cumferunt reliquias, à nemine rideantur: quas Constantiensis episco-  
 pus

Conuen-  
tus Hel-  
uetiorū  
Lucernæ

1524 pus tulit de religione leges, & seruentur: qui decretum hoc uiolarint, magistratui deferantur, & sint ubiq; tanquam inspectores eorū quæ fiunt. Vbi Noribergā uenit Campegius, iam abierat dux Fridericus. Litteræ  
Campe-  
gii ad Fri-  
dericum. quapropter scriptis ad eū literis pridie calendas Martij, et simul mis-  
sis illis, quas à Clemente acceperat, ait ualde sibi importunè accidisse, quòd coram non liceat colloqui: multa enim habere se, quæ pontificis nomine cum ipso communicet, quod literis & nuncijs adeò commo-  
dè fieri nequeat, & negotium esse tale, quod moram uix ullam admit-  
tat: sed quoniam corrigi non possit, initio multam ei salutem & pon-  
tificis & suo nomine precatur: postea subdit: etsi frequens admodum sit rumor, nouis ipsum hæresibus fauere, iam nascentibus, tamen id neq; pontifici neq; sibi posse adhuc persuaderi: nam à quo primum tempore nouisset, multas in eo præclaras & eximias uirtutes animad-  
uertisse, inprimis autem, quòd religionis & Ecclesiæ apostolicæ esset obseruantissimus: itaq; non habiturum esse fidem aliorum iudicijs, & ueterum opinionem de ipso non prius depositurum, quàm coram ipse rem cognouerit: Germaniam quidem paucis abhinc annis esse quodammodo transformatam, & nouos induisse ritus: uerùm intel-  
ligere se satis, quantum uulgus à nobilitate differat, & à uiris princi-  
pibus, legum præfectis, in quibus ipse primas facillè partes obtineat, tum suo, tum suorum maiorum uirtute atque merito, qui Romanam Ecclesiam ualde semper cohonestarint: pontificem ergò magnopere optare, ut his difficillimis temporibus, ipse, maiorum exemplo, uirtu-  
tem illam magis atq; magis illustrem faciat & declaret: cum enim seditiones ac periculosi motus, alij post alios oriantur, idcirco inpri-  
mis necessariam esse fortitudinem animi, sic, ut populi licentiam non solum molestè ferat magistratus, uerumetiā masculè ulciscatur: hanc autem disciplinæ seueritatem in ipsius prouincia cum primis exercen-  
dam esse, et eò quidè diligentius, quò maius oriri possit incendium, nisi maturè occurratur: quid enim sit ipsis expectandum, si populi ar-  
bitrio sacrarum legum atque rituum permittatur emendatio, facillè quemuis intelligere: uicinas regiones nimirum, Bohemiam & Pan-  
noniam esse documento: quibus in locis ortæ quondam seditiones ob-  
eiusmodi causas, ne nunc quidem satis adhuc sint compositæ: similem quoque statum esse futurum Germaniæ, nisi plebis non iam libertas,

uerum



uerum audacia reprimatur atque temeritas: qui sacras leges & ordi- 15 24  
nem ecclesiasticum magna quadam petulantia contemnunt, eos uim  
quoque tandem esse facturos haud dubie magistratui, quem alioquin  
oderint: gratum esse nonnullis, uidere praefectos Ecclesiarum & aulam  
Romanam ad hunc modum perturbari atque despicere: uerum hos non  
animaduertere, quanto ipsi uersentur in discrimine: pontificem uero,  
qui tanquam gubernator nauis in specula sedeat intentus, prauidere  
tempestatem hanc imminentem, & idcirco sibi legationem hanc de-  
creuisse, ut principes omnes ac ipsum in primis periculi commonefa-  
ciat, & ad depellendam calamitatem excitet, quae non tam urbe Ro-  
mam, quam ipsam sit oppressura Germaniam: hac etiam de causa li-  
teras sibi datas ab eo, & iniunctum esse, ut de his rebus omnibus cum  
ipso diligenter agat, quo tranquillitas uidelicet ociumque Germaniae  
reciperentur: nam ideo se missum, ut lapsos erigat & resipiscentes in  
gratiam recipiat: & licet ad eam rem parum sit idoneus, tamen ipsi-  
us fretum humanitate nihil esse reliqui facturum ad summam diligen-  
tiam: cum igitur hoc animo profectionem istam laboris & molestiae  
plenam susceperit, orare ne fauore auxilioque sibi desit, & quid fa-  
ciendum esse putet, proximè rescribat: se quidem ipsius gratia nihil  
non esse facturum. Post, in concilio principum à sua persona captata Oratio  
beneuolentia, Romae uix ullum potuisse reperiri dicebat, qui legatio  
nem hanc in Germaniam susciperet: tandem uero sibi, qui fortu-  
nam omnem suam Germanis acceptam ferat, hoc munus impositum  
esse: et habere in mandatis duo, de quibus potissimum agat, de religio-  
ne nimirum, deque bello Turcico: & primo quidem ualde se mirari,  
tot tantosque uiros principes, hanc doctrinae mutationem ferre, & pa-  
ti religionem illam, ritus atque ceremonias, in quibus nati sint & e-  
ducati atque etiam mortui ipsorum parentes atque maiores, adhuc  
modum extingui & aboleri, paucorum quorundam arbitrio at-  
que suasu, neque reputare secum, quo tendat haec innouatio, quemque  
sit exitum habitura: nisi enim occurratur in tempore, nihil aliud ex-  
pectandum inde profectò, quam turbas longè maximas, & populi  
contra magistratus rebellionem: haec omnia cogitantè ac metuentem  
pontificem maximum sibi legationem hanc mandasse, ut rationem  
cum ipsis ineat malum hoc sanandi, non quod praescribere uelit ali-  
quid

Oratio  
Campe-  
rij ad  
princi-  
pes.

152. 4 quid aut ab ipsis postulare, sed ut consilia conferat & medicinam faciat, reipublicæ salutarem: quòd si pontificis autem respuatur in eo diligentia, qui tanquam pius parens atque pastor suis liberis & ouibus optimè consultum esse uelit, iam non esse, quod in eum ulla reiiciatur culpa: Quod ad Turcas attinet, non se negare, collectam in hos usus aliquando pecuniam, & Romam quoq; delatam, non esse totam huc impensam, sed tamen idcirco non esse deferendam in hac temporum acerbitate rempublicam: quantum damni dederit immanissimus hostis, neminem esse qui ignoret, rem enim ipsam loqui, & in omnium oculis defixam herere: nostra nimirum indulgentia & socordia nuper illum cepisse Rhodum, & Hungariæ præcipuum propugnaculū, et uiam habere iam patefactam, ut quò uelit, longius progredi possit: Rhodios quidem durissimè circumfessos multis mensibus, & inopia rerum omnium adductos, cum auxilia nulla mitterentur, dedittonem fecisse: consimilem etiam Vngariæ fuisse fortunam, qui si debellentur omnino, & in illius potestatem uentant, metum esse, ne nobis fiant hostes, multò, quàm sint Turcæ. grauiores: uerum, nisi dissidium hoc, natum ex noua doctrina, tollatur, nec istam quoq; reipublicæ partē sua quidem sententia, posse procurari. Principes ad ea respondent. quòd Germaniam ista complectatur beneuolentia, quòd ipsi quoq; legationem hanc demandarit pontifex, ualdè sibi gratum esse: ex omni numero se uelle quosdam deligere, quibuscum agat & sua cōmunicet: existimare autem, modū ipsi præscriptum actionis atq; formulam, à pontifice & cardinalium senatu, qui de statu rerum omnium sciant: proinde, cupere, quòd sit ipsius cōsiliij, audire: quid periculi sit et impendeat ab ista doctrinæ mutatione, satis intelligere se atq; uidere: itaq; anno superiori, cum alter adesset legatus pontificius, rationem atque uiam demonstrasse componendi negotij: quid etiam à pontifice fieri uellent atque requirerent, scripto compræhensum eidem legato tradidisse, ut exhiberet pontifici, quod et ille se facturum receperit: si quid igitur eius rei habeat in mādatis, orare, ut exponat, quo uidelicet tantò rectius in medium consuli possit: de rebus Turcicis ita rem habere, quemadmodum dixerit, & se uehementer etiam hac sollicitudine affici, sed bellum istud longè maximum & difficillimum, pertinere non ad Imperium modò, sed ad reliquos etiam orbis Christiani principes atq;



atq; reges: nisi enim pacem hi colant inter se, suaq; conferant auxilia, non posse quicquam ad diuturnitatem constitui: ueruntamen, quia maximos Turca faciat terra marique bellicos apparatus, ideo se ipsius quoq; sententiam in eo uelle cognoscere. Legatus ad hæc, num ab ipsis ulla sit componendi dissidij religionis proposita ratio, uel entiam ad pontificem & cardinales delata, nihil sibi de eo constare dicebat: pontificis quidem egregiam esse uoluntatem, ab eoque se plenam agendi potestatem accepisse: uerum ipsis, qui personarum ac totius regionis morem & conditionem omnem teneant, uiam esse reperiendam, quæ perducatur ad optatum finem: In conuentu Vuormacie, Cæsaris exiisse mandatum eius rei, de communi ipsorum consilio promulgatum, quod etiam anno proximo repetitum fuerit: & placuisse tum, ut esset ratum per omnem Germaniam: & nonnullos quidem obtemperasse, quosdam uerò minus: ignorare autem se, quæ sit eius rei causa, quæ tanta per Imperium diuersitas et dissimilitudo: si bi igitur uideri, prius quàm aliquid decernatur, de modo executionis deliberandum esse: non eò se uenisse, quò flammam aut dissensionem aliquam excitet, ut nonnulli dicant, uerum et pontificis et suas quoq; cogitationes omneis ad beneuolentiam, pacem atq; concordiam spectare, quò uidelicet ij qui aberrarunt ac defecerunt, in uiam redeant, utq; conciliorum decreta, & Cæsaris atq; ordinum edicta seruentur: quantum ad ipsorum postulata pertinet, an edita sint, ut Romam deferantur, omninò se nescire: tria solum exemplaria fuisse perlata Romam, ad quosdam priuatim: ex ijs unum sibi contigisse: pontifici autem & cardinalium senatui non posse persuaderi, hæc à principibus ita fuisse decreta, sed existimare, priuatos homines odio reipublicæ Romanæ in lucem emisisse: nullum etiam eius rei se mandatum habere: neque tamen hoc sic accipiendum esse, quasi de eo potestatem non habeat agendi: sed in ijs postulatis esse multa, quæ & pontificis de rogent authoritati, & heresim redoleant, & à se tractari non possint alia uerò, quæ non aduersentur pontifici, quæq; nitantur æquitate, non se recusare, quò minus de ijs & cognoscat & agat: sed tamen sibi uideri, moderatius multò posse proponi, si quid erga pontificem habeant: sic nuper esse factum ab Hispanis, qui Romam missa legatione, quid requirerent, comòda sanè ratione demonstrarint: quod autē

1524. ista sint excusa typis & in uulgus edita, nimirum hoc sibi uideri: neque tam meum dubium esse, quin Germaniæ causa sit quiduis facturus pontifex: quanta sit etiam Turcica potentia, quis hoc tempore belli apparatus, non nescire pontificem, et ut regum sint consentientes animi, iudicare prorsus esse necessarium, ideo nihil non esse facturum, ut concordiam ipsis persuadeat: habere quoque magnam pecuniæ summam paratam, et in hoc esse totum, ut multo maiorem conficiat, quam sit omnem in hoc bellum erogaturus: ipsorum autem esse, propter Vngariæ uicinatē, regi adolescenti ferre opem, qui sit ipsis & sanguine cōiunctus & affinitate: pontificem quoque uelle pecuniam ei subministrare, & inde à suscepto pontificatu dedisse operam, ut inter Cæsarem, Gallum et Anglum facta pace, totis uiribus bellum in Turcas administraretur: ipsum uidelicet esse pastorem, & ad pacem omnia sua consilia referre: quod si pastoris uocem oues non sequantur, non esse quod præstet amplius: eadem se quoque de causa missum in Germaniam: si iam frustra laborem hunc sumat: tam pontifici quam sibi ferendum hoc esse patienter, & rem omnem Deo committendam. Per Heluetios augebat in dies magis atque magis de religione simultas, & reliqui pagi, missis legatis ad Tigurinos, dolorem suum testantur. Antiquitus omnia recte pieque constituta, nec ullam doctrinæ fuisse contentionem: nunc autem à temerarijs aliquot hominibus pulcherimum hoc otium et quietem tum ecclesiæ tum reipublicæ turbare, & discordiæ semina spargi: nimirum oportuisse iam pridem crescenti malo medicinam facere, ac more maiorum uindicare Dei omnipotentis & Mariæ uirginis et diuorum gloriam atque nomen, in eoque facultates omneis uitam atque sanguinem profundere: nunc etiam inprimis, ut ita fiat, tempus ipsum postulare: nam alioqui futurum, ut ipsis omnibus perniciem & animæ quoque iacturam ea res adferat: cuiusmodi sit enim huius, quam Lutherus inuexit, doctrinæ fructus, nunc satis apparere: populum uidelicet ac promiscuam multitudinem uix cohiberi iam posse: multa facere proteruè ac insolenter, sumere sibi magnos spiritus, & ad rebellionem omnino spectare: quin etiam eius rei nuper dedisse non obscuram significationem: huius uerò mali contagionem à Zuoglio esse profectam ad ipsos atque Leone Iudæ, qui uerbum Dei, quod pacem atque concordiam adferre debebat, sic doceant, proque suo

arbitrio

Expositu  
lant Hel-  
uetij cum  
Tiguri-  
nis.



arbitratu interpretentur, ut turbis atq; dissidijs omnibus aditus patefiant: et quanquā sibi non planē constet, quid illi doceant, tamen quid ex eorū doctrina sequatur incōmodi, quotidie sese in multis experiri: diebus ab ecclesia uetitis edi nunc indifferenter carnes & ova, sacerdotes à Deo consecratos tum uiros tum mulieres, uiolata fide, deserere professionem ac ordinem suum, & contrahere matrimonia, cultū omnem diuinū intermittere, nihil iam in templis cantari, nullas fieri preces, in contemptū uenire sacerdotes, monachorum dissipari sodalitia, delictorum confessionem atq; pœnitentiam negligi, sic quidem, ut ijs prætermiſſis, percipere cœnam domini quidam nihil uereantur: Misſam proſcindi conuicijs, uirginē Mariam cæterosq; duos affici contumelia, statuas & imagines reuelli, confringi & dissecari, sacramentis ecclesiæ nullum deferri honorem, et tantam nunc esse licentiam ac impunitatem, ut in manibus sacerdotis uix tuta sit hostia sacrosancta, panis uidelicet azymus, Christi corpus representans: hæc omnia tantū esse momenti, ut merito sint deploranda: se quidem non illa posse ferre diutius, & nuper in proximo conuentu, quosdam e socijs, ordinis ecclesiastici, communi missa legatione, suam opem implorasse: quæ cum ita sint, orare, discedant ab instituto, inq; ueteri maiorum religione permaneant: si quid uerè sit, in quo sese grauari putent à pontifice ac ipsius clientela, cardinalibus, episcopis & id genus alijs, quando scilicet illi præfecturas ecclesiarum inuadunt, permutant, uendunt, quando suis indulgentijs pecuniam regionis exhauriunt, quando nimiam sibi iurisdictionem usurpant, & quæ solum in rebus sacris exerceri debeat, eam ad res prophanas atque ciuiles applicant potestatem: hæc & eius generis alia permulta, si molesta sint ipsis atq; graui non se recusare, quò minus corrigantur: nam sibi quoque uehementer illa displicere, et unā cum ipsis uelle deliberare, quemadmodum onus illud excutiant. Ad ea senatus Tigurinus, Martij die uigesimo primo respondet: suos ecclesiæ ministros nunc in quintum annum docere sacra: & initio quidē doctrinæ genus hoc nouum sibi fuisse uisum, eò quod nihil eiusmodi prius audissent: cum autem intelligerent ac uiderent, hunc eius esse scopum atque finem, ut Iesum Christum ostendat, aram præsidiumq; salutis, qui pro mundi delictis uitam atque sanguinem profuderit, & solus ab æterna morte miseros

1524 liberarit, & sit unctus apud Deum humani generis aduocatus, non se potuisse tam salutare nuncium ardenti studio nō complecti, summam extitisse concordiam olim & consensionem inter apostolos & eos, qui post illorum ætatem Christi doctrinam complectebantur: idem sese sperare nunc quoq; futurum inter illos, qui huc animū adiungunt, postpositis hominum traditionibus, alienis à uerbo Dei: quod si Lutherus aut quiuis alius ita doceat, rectè fieri, neque tamen idcirco nomen eius obduci oportere, quasi propter ipsum dogmati fides habeatur: hoc enim & esse inuidiosum, & ad uerbi diuini contumeliā pertinere: ceterum, etsi Christum solū adorent, ad eumq; confugiant, nullam tamen iniuriam idcirco facere uel uirgini matri, uel cæteris etiam diuīs: nam hos omnes, cum in terris agerent, per solius Christi nomen æternam salutem expectasse: nunc eam esse lucem excitatam in animis multorum, ut pleriq; omnes in sua ciuitate, Biblica scripta diligenter euoluant: nec esse quod ecclesiæ ministri scripturam detorqueant, quæ sic in manibus omnium uersetur: nullam ergo sectam sibi posse obijci, sed nomen istud in eos rectè quadrare, qui sui quæstus atq; splendoris retinendi causa, uerbū Dei, quod uolunt, insectant: errorem sibi attribui, neq; tamen ab ullo demonstrari: Constantiensem, Basiliensem, Curientem episcopum, academias etiam aliquot & ipsos adeo non semel esse rogatos, ut id facerent, sed in hunc usq; diem nihil esse præstitum: ad hæc, in postremo suo conuentu neminem ab episcopis nec ab ipsis etiam adfuisse, præter Schafusianos & Sangallios: qui uerò tunc aderant, eos, re tota diligentius considerata, suam in sententiam uenisse: quod episcopi fortè dicant, non ipsis licere passim ita uerbum Dei tractare, id nulla ratione niti: cum enim sit illorum officij, cauere, ne pereant oues, æquū esse profectò, ut aberrantes in uiam reducant: sed quoniam id non faciant, & ad patres atq; concilia rem omnem reiiciant, uelle se, non quid homines decernant, sed quid Christus uelit atq; iubeat, audire: suos doctores atq; ministros nō dare causam ullam diuulsionis reipublicæ, uerū in illos hanc esse conferendam culpam, qui sui compendij et emolumentum causa, diuersum à uerbo Dei docent: nam ab ijs & seduci populum in errorem, & grauitè offendi Deum, qui uarijs deinde calamitatibus audaciam istam ulciscatur: disidium hoc omne ex eorum cupiditate manare, qui metuunt, ne



unt, ne quid commodis ipsorum decedat: quòd si puram isti doctrinam sequerentur, & quæ sit non hominum, sed Dei uoluntas, inquirerent, non dubium esse, quin fastum, luxum & auaritiam omnem ab se remouerent, & concordie rationes inirent: inundasse iam multa uitia, maioribus ipsorum incognita, quæ suæ ciuitatis doctores reprehendant, & simul ad metum numinis diuini cohortentur: quòd autem concionibus illorum pleriq; non emendentur, neq; fructum ea doctrina dignum proferant, id non seminis proiecti, sed ipsius fundi uitium esse: certè suos intra fines non eum uulgo conspici luxum nec intemperantiam, quæ passim alibi regnet, inprimis uerò suæ ditionis homines non sectari militiam illam externam & mercenariam, ut olim, quæ certè multorum uitiorum materiam subministraret: de carniū & ouorum esu, quanquam liber sit, minimeq; prohibitus à Christo, legem se tulisse, qua temeritas & offendiculum prohibentur: matrimonij Deum authorem esse, qui omnibus illud permisit: Paulum etiam iubere, ut ecclesiæ minister sit unius uxoris maritus: & quum episcopi, sacerdotibus, accepta pecunia, concubinas permittant, turpi nimirum exemplo, neque foeminis illi carere uel possint aut uelint, non se posse Deo, qui coniugium instituit, reluctari: eandem esse rationem, ad foeminas quod attinet quæ castitatem nouisse dicuntur: nam putare se, genus hoc obligationis atque uoti, minus gratum esse Deo: cumq; donum continentie non sit omnibus datum, præstare multò, sua quidem opinione, ut nubant, quàm ut in impuro uiuant cœlibatu: Canonicorum, et id genus alia collegia, quondam esse instituta, propter homines egenos: nunc autem eas facultates ab ijs plerumque teneri, qui satis alioquin habent ex patrimonio, neq; raro fieri, ut unus aliquis possideat quantum ad multos alendos satis esse posset: æquum ergo sibi uideri, ut in pauperum usus ea bona rursus accommodentur: qua tamen in re moderationem hanc adhibeant, ut usum fructum possessoribus permittant, donec è uita decedant, ne quis uidelicet querimonie causam habeat: templorum ornamenta non pertinere ad uerum Dei cultum, sed hoc esse Deo uehementer gratum, quando miserorum subleuatur inopia: Christum adolescenti locupleti mandasse, non ut sua bona suspenderet in templo, sed ut uendita distribueret in pauperes: ordinem sacerdotum ab se minime

contemni, sed eos magni fieri, qui suum munus faciant & rectè doceant: reliqua uerò turba, quæ publicè nihil prodest, imò nocet, si paulatim & sine offensione minuatur, eorumque bona pios in usus assumantur, non se dubitare, quin Deo sit illud officium longè gratissimum: an autem Deo sint acceptæ cantiones illorum atque preces, in dubium posse uocari: nam ex ipsis plerosque non intelligere quid dicant, deinde, mercede conductos illud facere: confessio illa tacita, quæ delicta recenset, & enumerat, quanti sit aestimanda, in medio sese relinquere, sed illam, qua uerè poenitentes confugiunt ad Christum intercessorem, arbitrari sese non utilem modò sed necessariam quoque perturbatis & mole peccati depresso conscientijs: genus illud satisfactionis usitatum & quæstuosum sacrificijs, permultum habere tum erroris tum impietatis: hoc demum esse uerè poenitere & satisfacere, si quis uitam emendet: monachorum ordines, inuentum esse humanum, non institutum Dei: sacramenta, quæ Deum habeant authorem, summa ueneratione sese prosequi, neque pati, ut quis ea contemnat: utendum autem illis iuxta uerbum atque præscriptum diuinum, & cœnam domini non eò transferendam esse, quasi uel oblatio sit aut sacrificium: quòd si clerus ille, qui nuper missa legatione, quærimoniam habuit, impedimentum ipsis illatum, uel errorem aliquem suum docere possit, non se recusare, quò minus illis satisfiat: sin minus, tum æquum sibi uideri, uti iubeantur officium facere, nimirum, ut uera doceant, et ab aliorum abstineant contumelijs: quod pontificiorum rapinas illas & expilationes & immoderatam potestatem aboleri cupiant, auditu sibi fuisse longè gratissimū: id autem nulla ratione posse fieri melius, quàm si uerbum Dei per omnia recipiatur: nam quoad leges illorum atq; mandata ualebunt, non esse quod liberationem aliquis expectet: sola uerò prædicatione uerbi diuini dignitatem illorum omnem atq; potentiam labefactari: quanta sit enim euangelij uis atq; ueritatis, illos uidere satis et intelligere, et quia suis uiribus diffidant, regum implorare subsidia: si nunc igitur hac quidem in parte scriptura sit utendum adminiculo, rem ipsam postulare, ut idem in alijs quoque rebus fiat, & ut ea, quibus offenditur Deus, abrogentur: quemadmodum uerò sit ijs omnibus medendum, ad hoc libenter sese non operam tantum & consilium, sed fortunas etiam collaturos: iam olim enim



nim hoc oportuisse fieri: quod cum ita sit, orare, ut ista boni consulant  
 & diligenter secum expendant: se quidem nihil expetere uehemen-  
 tius, quàm ut pacem colant omnes: nihil quoque facturos contra le-  
 ges atque pacta fœderis: in hac uerò causa, quæ sempiternam ipso-  
 rum salutem contineat, non se posse aliter facere, nisi demonstretur er-  
 ror: Itaque, sicut nuper, ita nunc quoque uehementer ipsos orare, si  
 doctrinam istam sacris literis aduersari putent, ut hoc intra certum  
 tempus, nimirum ante finem Maij sibi demonstrent: nam eo usq; se re-  
 sponsum ab ipsis atque etiam ab episcopis et academia Basiliensi uel-  
 le expectare. Constantiensis episcopus interim, habito consilio, re-  
 spondet Tigurinis, uti petierant et conscripto libello hæc potissimum  
 agit. cuiusmodi fuerint olim idola & simulacra, quomodo prophane  
 gentes illa coluerint atque Iudæi, cur ecclesia receperit imagines at-  
 que statuas, quo primum tempore sint introductæ, quid aliarum gen-  
 tium atque Iudæorum idola differant à statu hominum Christianæ  
 professionis. Exitus hic est, ut dicat, scripturam, ubi statuas & ima-  
 gines remoueri iubet, loqui solum de Iudæorum atque gentium ido-  
 lis: itaque retinendas esse receptas ab Ecclesia imagines. Ab hoc,  
 Missam tractat, & multis adhibitis pontificum atque conciliorum  
 testimonis, oblationem & sacrificium esse contendit. Hunc uerò  
 librum, ita conscriptum, & sic satis prolixum, mittit senatui sub ca-  
 lendas Iunias, & ne uel imagines auferant, uel Missam abrogent, ne-  
 ue populum aliter doceri patiantur, multis grauib;que uerbis hor-  
 tatur. Librum deinde typis euulgari iubet, & cum ad alios tum ad  
 canonicos etiam, uti uocant, Tigurinos mittit. Et quanquam ista se-  
 natui sint scripta priuatim, qui hoc ab se flagitarit, tamen, quod alijs  
 etiam in locis hac de re quæstiones audiat atque similitates oriri, uo-  
 luisse dicit una eadẽque opera cæteris etiam consulere: sequan-  
 tur ergo receptam ecclesiæ consuetudinem, nec ullius oratione diuer-  
 sum persuaderi sibi patiantur. Senatus ad ea respõdet Augusti mensis  
 die duodeuigesimo. Librum sibi diligenter esse lectum atq; relectum:  
 quod autem in lucem illum emisit, letari sese plurimum: sic enim fu-  
 turũ, ut utri iustiorẽ causam defendant, appareat. Postea suorum ho-  
 minum atq; doctorum sententiam explicant, & è scripturis contra-  
 rium demonstrant. Sed prius quàm ei rescriberent, iam in urbe, &

Consta-  
 tiensis  
 piscopi  
 ber ad  
 Tiguri-  
 nos.

Tigurini  
 statuas  
 demo-  
 nstrant.

1524. quàm latè patet ipsorum ditio. statuas omneis in uniuersum senatus  
 auferri iusserat & flammis aboleri, ueruntamen sine turba, fuit hoc  
 idibus Iunij. Mensibus deinde post aliquot, hi qui canonici uocantur,  
 certis legibus cum senatu transigunt, & quomodo collegij facultates  
 atque bona debeant impendi, constituitur. Ad Norberge conuen=  
 tum. de quo dictum est, Cæsar misit ioannem Haunartum, & questus  
 edictum illud Vuormaciense, quod communi ipsorum consilio ac uo=  
 luntate factum sit, esse uiolatum, maximo quidem Germaniæ detri=  
 mento, iubebat illud in posterum magno studio seruari: principes ad  
 ea respondent, se quantum eius præstare possint, facturos. Tandem ad  
 xvij. diem Aprilis decretum fuit, ut de uoluntate Cæsarís, pontifex,  
 in Germania primo quoquo tempore librum concilium indicat, loco  
 idoneo, ut ad Nouembris diem xi. Spiræ conueniant ordines, delibe=  
 raturi quid si qui oporteat interea dum concilij fiat initium: ut prin=  
 cipes, in sua quisque prouincia, deligant uiros doctos atque bonos, qui  
 ex Lutheri & aliorum libris colligant ea, de quibus putabunt posse  
 disputari, quæ principibus exhibeant in proximo conuentu, quò fa=  
 ciliior sit progressio, cum ad concilium erit deuentum: adhæc, ut in=  
 teruentu magistratus ac diligentia purè doceatur euangelium & mo=  
 destè, iuxta sensum & interpretationem scriptorum, quos ecclesia  
 comprobavit: item, ne qui posthæc libelli & picturæ contumeliosæ  
 prodeant: denique, ut ea, de quibus aulam Romanam & ecclesiasti=  
 cum ordinem nuper incusarunt principes, in proximo conuentu Spi=  
 ræ, notatione facta, definiantur. De concilio recepit Campegius, qui=  
 cum principes egerant, nanciaturum se pontifici, & diligenter qui=  
 dem. principes erant hoc in conuentu, Ludouicus Palatinus, Guliel=  
 mus & Ludouicus, Bauari, Fridericus Palatinus, Casimirus Brande=  
 burgicus, Treuirensis, Bambergicus, Vuirciburgensis, Tridentinus,  
 Brixinensis, episcopi, & Albertus Brandenburgicus, Prusiæ magi=  
 ster. Suprà diximus, quid senatus Argentinensis egerit cum urbis epi=  
 scopo, qui sacerdotes aliquot Tabernas euocarat. Cum autem illi  
 non uenissent ad diem, episcopus, datis ad Campegium literis, queri=  
 tur impediri se à senatu, quò minus exequi ius suum possit, & illos  
 mulctare, qui sacris legibus contēptis, facti essent mariti: deinde, sacer=  
 dotes in ordinem ciuili à senatu contra pōtēstias leges adoptari. Pro=  
 fecit

Decretū  
 conuen=  
 tus Nor=  
 berg.

Accusan=  
 tur sacer=  
 dotes ab  
 episcopo  
 Argenti=  
 mensi.



festus: tum Argentorato fuerat Noribergâ Thomas Murnerus, Theologus Franciscanus, qui senatum grauiter ad cardinalem detulerat: cumq; reipublice legati ad conuentum missi, purgandi sui causa uenissent ad Campegiū, & reliquo sermone cōfecto, de episcopi querimonia cognouissent, senatum dicebant episcopo nullum hucusque impedimentum intulisse, & ne nunc quidem eius esse propositi, imò clari uerbis illi nunciassse per literas, quicquid haberet actionis in sacerdotibus maritos, iuri diuino consentaneum, per ipsos licere exequi, & adiumento quoq; futuros in ea re: senatū uerò molestè ferre, quòd episcopus à pacto discedat: nam ita conuenisse, cum iure uolet in aliquem ecclesiastici gregis experiri, ut hoc apud iudicem suū urbanum faciat: uerū ea conuentione neglecta, uocatos ab illo reos extra urbem: cumq; lege pactionis illi sese defenderent neq; uenirent, damnatos esse non audita neq; cognita causa: iam uerò, si senatus permissu grauius quid in eos fieret, ad ius prouocantes, non dubium esse, quin populi sit ex eo fremitus atq; tumultus exoriturus: quòd autē sacerdotes in ordinem ciuium allegerint, pro ueteri more ciuitatis fieri: senatum etiam non ita pridem ab episcopo rogatum esse, ut ordinis ecclesiastici tutelam susciperet: hoc autem ea ratione consueuisse fieri, ut dictum sit. Ille contrā, perlectis literis & actione omni, quam episcopus ad se miserit, ita se reperire dicebat quòd extra urbē euocati sint, non esse factum contra iuris ordinem, & eandem episcopi esse, quæ sit ipsius uicarij, potestatem: orare igitur, ut in plectendis illis, episcopo senatus adesse uelit. post multum sermonem, quo contendebant in urbe primaria reddendum esse ius, hoc præterea legati dicebant, ecclesiasticos Argentoratenses, magna sui parte, turpiter uiuere cum meretricibus, quas domi foueant, magna quidem cum offensione populi, pessimoq; exemplo, sed tamen summa cum impunitate, nec eo nomine quenquam adhuc esse mulctatum ab episcopo: si nunc ergò senatus ei permittat in istos animaduersionem, qui pontificiam modò legem non seruarint, illis autem, qui Dei præceptum uiolant, impune scortari, & turpissima uitæ exempla passim edere liceat, quis dubitet, quanto sit hoc ipsorū periculo futurum? Ille, quæ sint inter ipsos pacta, nescire se, facinus autem illorum esse compertum, nec opus esse multa disceptatione iuris, nam ipso facto iam esse proscriptos, & ab

1524 Ecclesie communionem remotos: opem ergo ferendam episcopo: quod autem alij scortentur, & inhonestè uiuant, non ideò scelus istorum expurgari: non rectè facere qui sic uiuant, episcopum quoq; negligere suum munus, qui hoc illis concedat: scire se, Germaniæ episcoporum hunc esse morem, ut accepta pecunia scortationem suis permittant: fore etiam, ut eius facti rationem aliquando reddant: sed tamen idcirco non istis licere matrimonium contrahere: & quod sacerdotes fiant mariti, multò esse grauius peccatum, quàm si plurimas domi meretrices alant: nam illos habere persuasum, quasi rectè faciant, hos autem scire & peccatum agnoscere: nec enim omnes ea esse, qua fuit Baptista Ioannes, continentia: nusquam reperiri, neq; documentum ullum extare, quod cœlibatum ipsis relinquere liceat: ne Græcos quidem, qui ritus habeant à nobis diuersos, hoc suis permittere: quapropter iterum orare, ut episcopo suam operam communicent. Ad ea legati, si quidem episcopus omnium primò scortatores mulctet, tunc senatum ei multò posse commodius adesse in ijs, quæ post legitimè sit facturus in alteros dicebant. Ille autè instabat rursus, ut episcopo primum adsint: nisi scortationem ille puniat, se uenturum eò, pœnamq; sumpturum esse, pro cuiusque merito. A conuentu Noribergico, Ferdinandus, Campegius, Salisburgensis, Bauari fratres, Tridentinus, Ratisbonensis episcopus, item Bambergici, Spirensis, Argentinenfis, Augustani, Constantiensis, Basiliensis, Frisingensis, Passauiensis, Brinxenensis episcoporum legati, Ratisbonæ conueniunt, & in hanc sententiam, Iulij die sexto statuunt. Quia Cæsar, Leonis decimi iudiciū secutus atq; postulatum, edicto publico, Lutheri doctrinam, ut impiam, Vuormaciæ condemnarit, & in conuentu Noribergico, tam superior, quàm proximo, decretum sit, ut omnes ei pareant, quantum omninò fieri possit, ideò se, poscente cardinali Campegio, qui plenam eius rei procurandæ potestatem habeat à pontifice, uelle atq; iubere, ut edictum illud, & nuper in comitijs facta decreta, per suos fines atque ditionem seruentur: euangelium & alia sacra scripta doceantur in tēplis, iuxta ueterū interpretationē, qui uitæ puritate cōspicui fuerunt, suamq; doctrinā summa uirtute per supplicia confirmarūt: qui uel damnatas iam olim hæreses, uel aliquid docent, quod sit in Christum eiusq; matrē atq; diuos contumeliosum, uel quod seditioni cau-

sam

Conuen-  
tus Ra-  
tisbo-  
nensis.

Decretū  
Ratisbo-  
nense.



sam dare possit, iuxta formulam edicti plectantur: ad docendi munus 1 5 2 4  
 nemo recipiatur: nisi testimonium habeat & probationem episco-  
 pi: sed & illi qui iam docent, explorentur, nec occultis concionibus  
 detur usquam locus: quas de communi consilio cardinalis Campegius  
 conscripsit leges ecclesiasticas, tollendis uitijs & emendationi morum  
 accommodatas, hæ, cum euulgatæ fuerint, seruentur: in sacramentis at-  
 que Missa, cæterisq; rebus nihil mutetur, sed omnia fiant, sicut à ma-  
 ioribus fieri consuevit: qui delictorum omissa confessione & absolu-  
 tione, cænam Domini percipiunt, qui diebus uetitis carnem & id ge-  
 nus aliam interdictam alimoniam edunt, item ordinis desertores mo-  
 nachi seu monachæ, deinde sacerdotes, diaconi, subdiaconi mariti,  
 mulcentur: typis nihil euulgetur, nisi de uoluntate magistratus: Lu-  
 theri cumprimis atq; sociorum nihil quicquam exeat aut diuenda-  
 tur: qui Vuittembergæ dant literis operam, suæ ditionis homines, in-  
 tra tertium mensem, ubi de facto decreto rescuerint, domum reuer-  
 tantur, aut aliò sese conferant, ubi Lutheranum illud uirus locum non  
 habet: qui secus fecerint, beneficijs omnibus & hæreditate priuentur:  
 eius academiæ sectatoribus nullum conferatur sacerdotium, neq; iu-  
 uentutis docendæ munus committatur: Et ut ista ualeant, certi quidã  
 homines ac idonei deligantur, qui studiosè omnia peruestigent, & lo-  
 corum præfectos in eo adiuuent: fontes custodiæ mandentur, proq; me-  
 rito puniantur: ex ijs, qui relegantur & in exilium ire iubentur, nullo  
 prorsus loco perfugium habeant, quàm latè patent ipsorum omnium  
 fines atq; ditio: si quis fortè motus atq; seditio, propter hoc decretum,  
 in alicuius finibus nascetur, subsidio reliqui sint, opemq; ferant, alter  
 alteri, sic tamen, ut quod quisq; fœdus habet cū alijs, ei nihil hoc ipso  
 derogetur. Porro, quod è sacerdotum uitiosis moribus originem ha-  
 bere Lutheranam hæresim dicerent, ad emendandum Ecclesiæ statũ,  
 authore Campegio has ibi faciunt leges: uiuât honestè, uestiantur de-  
 corè, non negocientur, fugiant cauponas, non sint auari, neq; pro sa-  
 crorum administratione pecuniam acerbè imperent: concubinarij re-  
 moueantur loco: seriarum numerus sit moderatus. Ea, quæ diximus,  
 in Imperij comitio cupiebat sancire Campegius: cum autem id perficere  
 non posset, alienatis quorundam animis à pontificatu, conueniũ  
 hunc separatim egit. Lutherus, ubi cognouit Cæsarem & plerosque  
 Lutheri querimonia.

prin=

1524 principes urgere decretum Vuormaciense, statum Germaniæ deplo-  
 rat, quæ toties admonita salutem suam negligat: ipsos etiam compel-  
 lat principes, quod tam apertè & nefariè decepti à pontificibus Ro-  
 manis, dignitatem tamen illorum acerrimè propugnent, & in suam  
 unius perniciem, qui cupiat ipsis optimè consultum esse, moliantur:  
 itaque propter hanc & ingritudinē summam & pertinaciam in-  
 excusabilem, ait impendēre Germaniæ horribilem aliquam tempesta-  
 tem: monet etiam non temerè suscipiendum esse bellum aut confren-  
 dam pecuniam aduersus Turcam, qui consilio & moderatione no-  
 stros principes longè antecedit: his etiā moribus nullā nobis esse spe-  
 randam uictoriam: ualdè ridiculū & absurdum esse, quod Cæsar, qui  
 nullum temporis momentum uitæ suæ possit adijcere, profiteatur se  
 fidei & Ecclesiæ defensorem: Angliæ quoq; regis, qui eundem titulū  
 sibiumat, consimilem esse audaciam: orare se Deum, ut magistratum  
 populo præficiat, ipsius gloriæ cupidū atq; studiosum. Auream illam  
 rosam, nuper ab se consecratam, uti consuevit tribus hebdomadis an-  
 te pascha, pontifex, uelut insigne quoddam & indicium summæ be-  
 neuolentiæ, mittit Angliæ regi Henrico. Sub hoc ipsum tempus exijt  
 Erasmi Roterodami libellus, de libero arbitrio: Lutherus ei contra-  
 rio deinde scripto respondet, de seruo arbitrio. Vt argumentum illud  
 tractaret Erasmus, authores ei fuerant Angliæ rex & cardinalis E-  
 boracensis, ut ipsemet in quadam ad cardinalem epistola fatetur, quæ  
 typis est euulgata. His etiam diebus, Lotharingiæ Dux, Antonius, fa-  
 cto decreto, quoniam doctrina Lutheri damnata sit à pontifice Ro-  
 mano, & à Cæsare, & à celeberrimis academijs, mandat suis, ne quis  
 pro concione aliquid eius generis doceat: itē, qui libros habent ullos  
 à Luthero scriptos, intra certum diem exhibeant: ijs qui nō parebunt,  
 poenā constituit. Hoc Anno, Henricus Zutphaniensis, propter euan-  
 gelij doctrinam, miserabili morte & magno cum cruciatu fuit interfe-  
 ctus apud Dietmarios, qui sunt ad Germaniæ fines. Eò se tandem con-  
 tulerat, uocatus, cū apud Bremenses per biennū circiter docuisset.  
 Antea diximus de conuentu, qui mense Nouembri futurus erat Spi-  
 ræ: sed id mutatum fuit, & Cæsar, ubi cognouit, datis ab Hispania li-  
 teris, ad ordines Imperij, idibus Iulij, grauiter eos incusat ob factū de-  
 cretū. Etenim, cū antea actis aliquot annis, in cōuentu Vuormaciensi  
 de

Erasmi  
 liber de  
 libero ar-  
 bitrio.

Henrici  
 Zutpha-  
 niensis  
 marty-  
 rium.

Expositio  
 Cæsar-  
 is cū  
 principi-  
 bus,



de communi omnium ordinum consilio, grauissimis uerbis, Lutheri doctrinam, ut hæreticam atq; pestilentem, damnaret, cum etiam eius libros, à pontifice legitima cognitione damnatos, incendi iusserit atq; cremari, ualde sibi mirum uideri dicit, & dolere etiam, quod ipsi contumeliosos tantum libros atq; picturas infames diuendi prohibeant: quasi uerò edictum illud Vuormaciense non sit rectè nec ordine perscriptum: amplius etiam eò se commoueri, quod & concilium in Germania uelint haberi, & Campegium legatum appellarint, ut ad pontificem ea de re scribat, quasi ea procuratio non magis ad pontificem aut ad se, quàm ad ipsos pertineat: nā si Germaniæ tanti interesse putabant, cogi concilium, cur non ad se detulerint, quò uidelicet à pontifice hoc impetraret? Iam uerò, licet intelligat, quantum et pontificis & sue etiam authoritati decedat & derogetur hoc ipsorum decreto, tamen, quod inuicem cogitet ac secum expendat, rationem hanc non inutilem rei publicæ nec incommodam esse futuram, ideo se quoque conciliū approbare, sic tamē, ut & pontificis interueniat authoritas, & tēpore etiam atq; loco fiat idoneo, sic ut ipse interesse possit, quod omninò constituerit: quò autem ad xi. Nouembris diem, conuentum alium indixerint, quo quidem in conuentu rationem inire uelint constitutendæ religionis, ad tempus usq; concilij: quò etiam delectis aliquot uiris doctis & sacrorum peritis, iudicium de summa doctrinæ permittant, minimè omnium posse aut uelle se concedere, sed pro suo munere, quando quidem sit Ecclesiæ pontificiæ tutor atq; patronus, modis omnibus decretum hoc improbare, ne uidelicet tum pontificis iram aduersum se concitet: Quid enim in Ecclesiam Christianam contumeliosius fieri possit, quàm si reuerentia summæ potestati debita, sic projiciatur? si Germania, quæ primam semper habuit pietatis & obsequiæ laudem, tantam rem sola moliatur, quam nulli principes, ne pontifex quidem ipse Romanus audeat subire? uidelicet, ut eam religionem, quæ tot sæculis ualuit in orbe Christiano, repudient & aboleant: qua quidem à religione nemo unquam defecerit, quem non pro scelere ipsius grauiter sit ultus Deus immortalis: unum modò reuertum esse hoc quidem tempore Lutherum, qui sese opponat, et uerborum illecebris in fraudem homines ac insidias pertrahat, & existimationem uulgo sibi cōparet: his etiam artibus usum fuisse aliquando

1524 Mahometū, qui suo dogmate, reipublicæ Christianæ plus damni de-  
derit, quàm ulla uis potuisset armorum: eiusmodi autem errores, ubi  
sub specie ueri semel in animos hominum irrepsierint, non facile posse  
deinde reuelli: orare se Deum, ut Germaniam benignè respiciat, neq;  
se uiuo tantū malum patiatur inundare: pareant igitur edicto Vuor-  
maciensi, nisi poenam subire uelint, & actionē omnē religionis diffe-  
rant, dum & summi pontificis & suo etiam iussu concilium habea-  
tur, qui sint ipsorum supremi magistratus. Ad eundem planè modum  
scribit etiam priuatim ad quosdam ordines, & in his ad senatum Ar-  
gentinensem, itaque decretum illud futuri conuentus, fuit antiquatū.

Borbo-  
nius defi-  
cit ad Cæ-  
sarem.

Rustica-  
ni belli  
initium.

Cæsar enim, Gallico bello distentus, dabat operam, ut pontificem sibi  
quacunq; ratione demereretur. Per hanc æstatem, Carolus Borbo-  
niæ Dux, Connestablius Gallie, qui anno superiori, partim sua spon-  
te, partim à Cæsare sollicitatus, defecerat, Masiliam obsidet, sed fru-  
strà. Discedentem in Italiam, rex magna celeritate consequitur, &  
per Insubriam plerisq; locis occupatis, ipsa etià urbe Mediolano ca-  
pta, sub hyemem obsidione cingit Papiam, ad Ticinum flumen, oppi-  
dum. Mense Nouembri, coeperunt à suo domino, Comite Luthio,  
Sueuo, disidere homines rusticani, propter onera, quibus grauari se  
nimum, querebantur: idem & alij deinde uicini faciebant, in suum  
quisque magistratum, ita quidem, ut Imperij senatus, de quo suprà di-  
ximus, qui per absentiam Cæsaris, rempublicam procurabat, & tum  
erat Eslingæ, missis legatis controuersias aliquot sedaret: uerum hic  
æstus non conquieuit, ut postea dicemus. & hoc quidem fuit initium  
maximi periculosissimiq; motus, qui magnam deinde Germaniæ par-  
tem peruasit. Quum Lutheri doctrina passim propagaretur, eccle-  
siastici magno conatu resistebant, ueriti, ne de suis bonis atque fortu-  
nis omnibus periclitarentur. Et Argentineses quidem nonnulli,  
grauiter ad Imperij præfectos querebantur, quòd ipsorum immuni-  
tatem ac priuilegia senatus non uno modo uiolaret, quòd sacerdotes  
atque monachos maritos, Capitonem, Bucerum & alios Ecclesijs  
præficerent, quòd integram perciperent coenam Domini, quòd sta-  
tuas è templis tumultuose eijcerent. His ergo de rebus, Imperij præfe-  
cti, qui tum erant Eslingæ, primi nominis, Fridericus Palatinus &

1525 Philippus Badensis, Ianuario mense datis literis, monent senatum, ut



ab incepto desistant & omnia suo loco restituant. Ex Heluetijs non= 1 5 2 5  
nulli, Schafusiani cum primis & Basilienses, ubi tum Ioannes Oeco=  
lampadius docebat, sensim remittebant aliquid de offensione: ceteri  
uerò, præsertim Lucernates, Vrani, Suitenses, Vnterualdij, Tugiani,  
Friburgenses nulla ratione poterant placari. Et cum Turegiæ præse=  
ctus, quam ad regionem Tigurum pertinet, sacerdotem quendam, de  
nocte comprehensum abduceret, ac ille concitato clamore fidem au=  
xiliumq; uicinatorum imploraret, natus est repentinus tumultus, uti fie=  
ri consuevit, & dato signo per agros, ad arma discurrunt omnes. fa=  
ctum hoc ad iniuriam suam pertinere Tigurini dicebant, eò quòd in  
ipsum ditione captus esset ille: cùnque multis alioquin afficeren=  
tur probris, quarta Ianuarij die, datis literis ad omnes confœderatos  
atque socios, Christus, inquit, unam ferenti maxillam iubet alte=  
ram quoq; præberi feriendam: hanc eius doctrinã secuti, multa pro=  
fectò tolerauimus, & patienter quidem: nunc autẽ quando nullus est  
iniuriarũ finis aut modus, cogimur ad illud confugere, quod Christus  
usurpauit, & si malè quid egimus, doceri petimus illud atque demon=  
strari. Certè, quia tantam sustinemus inuidiã, & passim apud omnes  
traducimur, ipsa res postulat, et responsionẽ à nobis extorquet. Expli=  
cabimus igitur huius odij causam, & refutabimus criminationes, &  
quomodo simus erga patriã communẽ affecti, docebimus. Ac primò  
quidẽ, cùm Galliæ rex Frãciscus diu multumq; de fœdere sollicitasset,  
& uestram in eo consensionẽ obtinuisset, nos, licet interpellati sæpius  
à uobis, recusauimus illud facere, quum alijs de causis, tum inprimis,  
quòd ea ratio nobis minimè placeret. subministrare uidelicet copias  
& militẽ nostrũ alijs, ut mercede conducti, bello persequantur eos, à  
quibus nunquam læsi fuerũt, introducere mali rẽ exempli, et ad oculũ  
illos assuefacere, qui si militiæ perirẽt, uxores atq; liberos in extremã  
essent coniecturi miseriam: indignũ enim esse putauimus, maximo no=  
stro cum dispendio seruire cupiditati regis, & nostræ ditionis homi=  
nes illi propè mancipare: Libertatem igitur illam & corporis & for=  
tunarũ, quam nostri maiores, uirtute summa cruentisq; manibus no=  
bis pararunt, simili uirtute cõstantiaq; retinendã nobis esse iudicauim=  
us. Hæc autẽ res, omnis offensionis causa nobis esse uidetur & fons  
et origo: nam si fœdus esset à nobis comprobatũ, nullã fuisse putamus

Exposu  
lant Ti-  
gurini  
cum cæ-  
teris pa-  
gis.

15 2 5 orituram simultatem. Etenim à uobis interpellati subinde ne secessionem faceremus, quid esset nostræ mentis, ostendimus. nimirum, uelle nos amicitiam colere cum rege iuxta formulā pacis, iam antea constitutæ: deinde seruaturos esse leges, pactaq; scederis, inter nos olim initi, pro cōmunis patriæ defensione atq; salute. Et quoniam in eo peremansimus, aliunde nobis est conflatum odium: Post exortam enim euangelij lucem, onus illud, quod nobis idiotis pontifex ac ipsum clientela grauiissimū imposuerat, excussimus, & errores manifestos antiquauimus. Hanc occasionem nonnulli uestrum nuper arripuerunt, & per legatos à nobis, ut ad sanitatem reuerteremur, postularūt: nos autem ad illud, ut antea non semel, ita tunc quoq; respondimus, agere nos ex præscripto uerbi diuini: si quis errorem nobis ullum demonstrare possit, mutaturos propositum: sin minus, æquum esse profectō, ut Deo magis quàm hominibus obtemperetur. Ibi tum consurgens Eglius Lucernæ profectus, nisi Lutheri sectam atq; Zuinglij repudiemus, fore dicebat, ut Lucernates, Vrani, Suitenses, Vnderualdij, Tugiani, Friburgenses nolint in conuentibus assidere nobis deinceps. Neq; multō post, quàm hoc inter se lege confirmassent, Turegiæ præfectus, uerbi ministrum, Ioannem Oxlinum, noctu comprehensum domi suæ, captiuum abduxit. qua quidem in re duplex nobis est iniuria facta. primum, quòd nostræ ditionis non homo tantum, sed termini quoq; uiolati sunt: deinde, quòd, cū ad clamorem illius undiq; multi confluerent armati, & ut in eiusmodi turbis fieri consuevit, multa facerent insolenter, in nostros homines, qui promiscuè cum illis euolauerant, adeoq; in nos omnis huius facti confertur inuidia. Iam, altera illa criminatio quæ nobis obijcitur, originem habet ex eo conuentu, quē Ferdinandus Austriæ princeps egit anno superiori, Ratisbonæ, cum suæ ditionis præfectis, item episcopis & id genus alijs, qui puram doctrinam ferre non possunt. Quid autē illi iampridem moliantur & agant, non est obscurum. hoc uidelicet, ut dissidium inter nos excitent, & alteros ab alteris diuellant. Quò magis etiam nobis dolet, quòd ijs fidē habetis: nam sunt in ipsis nōnulli, quos aliquando, uelut homines nequam & improbos notastis, quos etiam nos, ipsorum intellectis dolis ac insidijs, è finibus nostris extire iussimus. hi scilicet ipsi, quando suis technis oclusas inuenerunt nostras aures, ad



uos transferunt, et nos hodie criminantur, quasi cum Austriaca domo factum & susceptum aliquandò fœdus, uiolatū sit à nobis. Aiunt nos Vualsutenſibus uicinis contra principem suum Ferdinandum auxilia dedisse: sed id falsum est. Cū enim ob religionis professionem essent in discrimine Vualsutenſes, nec ad dicendam causam admitterentur, è nostris aliquot, sua sponte, nobis inſcijs, eò transcurrerunt, ut uim & iniuriam ab inſontibus depellerent: nos autem certiores de eo facti, statim eos reuocauimus. Iacet igitur illorum criminationis caput. Si uerò præterea quid habet Ferdinandus princeps, quo fœdus illud uiolatū esse uideri possit, adducat in medium. sic enim respondebitur, ut utra pars in officio permanserit, liquidum sit unicuiq; futurū. Quòd igitur cum Ferdinandicis priuatim egistis, à colloquio remotis nostris legatis, hoc sanè pro eo ac decet, ualdè miramur. Etenim, si de uetusto fœdere tractatum ibi fuit, æquum erat profectè, nos etiam admitti: si uerò de religione, cur non ijs conditionibus agitis nobiscum, quas iam subinde uobis obtulimus? Rumor increbuit, coniurasse uos in perniciem sectæ Lutherane: quod etiā si uerum esset, tamen, quia sumus tam illi quàm uobis fœdere coniuncti, deinde, quia non Lutheri, sed sacre scripturæ uestigia sequimur, non oportuit in eo numero censeri. Sed quia nescimus, quid sit inter uos actum, & uerò delati sumus à maleuolis, quasi ciuitates aliquot, uobis inſcijs, de conferendis auxilijs interpellatæ sint à nobis: profitemur hanc esse meram calumniam. Eiusdem generis est illud, quod aiunt dato signo uelle nos ad arma suo tempore homines conuocare, Badenam & alia quædam inuadere. nimirū hæc eò spectant et excogitantur ab illis, ut uos, ijs occupatis oppidis, præsidium aduersus nos imponatis: quod si fieret, non dubitant, quin maior aliquis ex eo sit oriturus motus atq; turba, quæ bellum inter nos domesticum inflammet atq; ciuile. Multæ præterea sunt in nos cōfictæ calumniæ, in quibus etiā hæc est una, nos docere, quasi Maria Christi mater plures habuerit filios, quasi minor Iacobus apostolus mortem pro nobis obierit, non ipse Christus. Hæc & id genus alia quædam eramus Lucernæ refutaturi, sed à uobis prohibiti fuerūt nostri homines, ne ad populū uerba facerent. Cū etiam Eccius nunciaret, se uelle Zuinglio suos errores demonstrare, gauisi profectò fuimus, et non eitantium sed alijs etiam publica fide diligenter cauimus,

2525 hortati magnopere ut ueniret, & omnem ei beneuolentiam polliciti. Magnam insuper offensionem nobis peperit, ut quidē audimus, imaginum & statuarum abolitio: sed eius rei iam ante causam & rationē explicauimus. Cū igitur aduersus pacta fœderisque leges nihil sit à nobis admissum, cū pro communis patriæ salute nullum recasemus periculum, & uos omneis ea complectamur charitate, qua semper, modò per uos nobis liceat, cur patimur hanc inter nos fieri diuulsionem? Notum est, cuiusmodi fuerit maiorum aliquot nostrorum conditio, qui suis contenti finibus, & duro labore sibi familieq; uictum parantes, indigna seruitute premebantur à nobilitate: sed benignè respexit illos Deus. nam profligatis tyrannis libertatem sibi compararunt, & aucti facultatibus eorum quos eiecerant, fœdere sese munierunt, cuius præsidio uim omnem externam fortiter à suis finibus depulerunt, & de hostibus non semel triumpharunt: multi enim societatem illam infringere conati sunt atq; dissoluere, sed frustra. Quid autem à maioribus nostris, in ea temporum difficultate sit collatum opis atque subsidij, memoria uos tenere nihil dubitamus. Et hoc quidem paucis dictum esse uolumus de fœderis nostri primordio: Quæ uerò fuerit ab eo tempore diligentia, fides atque studium nostrum in amplificanda communis patriæ dignitate, non opus arbitramur esse commemorare: certè, quæ fuit ad hoc usque tempus, eadem nunc quoq; nobis est mens atq; uoluntas. Quod cū ita sit, ualde nobis dolet, uos, aliorum impulsu, qui sua modò compendia quærunt, sic erga nos exacerbari. Cogitate potius in animis uestris, quæ fuerit semper inter nos amicitia, quando diuersis in locis, tam domi quàm foris, eandem belli fortunam subiuiimus, & multa præclare fecimus. Profectò, huius rei memoria non modò nos, uerumetiam nepotes nostros arctissima necessitudine copulare debet. Si causa religionis aut quoduis aliud nostrum factum uos offendit, cur non amicè rem agimus inter nos atq; disceptamus, ut socios & confœderatos & fraterno quodam uinculo coniunctos decet? Non erimus uel morosi uel intractabiles uel obstinati, sed meliora docenti libenter obtemperabimus, ut sæpe à nobis auditū est. Quia uerò puræ doctrinæ professio, & fœderis Gallici repudiatio, & multe præterea in nos excogitatæ calumniæ, uestros à nobis animos alienarunt, & pristinam uoluntatem immutarunt, necessariò nobis



nobis hæc scribenda fuerunt, honoris, & existimationis nostræ tuen- 1525  
dæ causa. Nisi enim, quod iam sæpe dictum est, sacra scriptura duce  
nobis demonstretur error, non possumus ab eis, quæ de religione feci-  
mus, decretis abscedere, quæcunque tandem uis eo nomine intenta-  
bitur. Senatus Argentiensis, ad præfectorum Imperij literas idibus  
Februarij respondens, omnia diluit, & accusatores numero treis, a-  
liorum nomen atque societatem falso ait obducere, nec esse quen-  
quam alium, his exceptis, qui litem moueat, eos autem esse homines  
irrequietæ mentis, qui pridem ab urbe excesserint, ut turbas cõcitent:  
à se nihil esse factum, quod non iure liceat: & maioris in urbe uitandi  
motus causa, non potuisse populo non permittere doctrinam euange-  
lij, quæ nunc indies magis atque magis patefiat: Orare igitur, ne de-  
latoribus illis fidem habeant, & de se ita statuunt, ut æquum est de ijs,  
qui maiorum exemplo, suas cogitationes omneis ad concordiam &  
Imperij commodare referant. Concionatores etiam & ecclesiæ mini-  
stri, quos illi detulerant, ut antè diximus, eodè tempore, oratione pro-  
lixa respondent, & doctrinæ factique sui rationem ad eosdem præfe-  
ctos explicant, et quia iuri diuino nihil admiserint contrarium, ne ma-  
leuolis credant, nèue quid, nisi re tota cognita, statuunt, uehementer  
petunt. Ardebat tunc in insubria bellum Cæsaris cum Galliæ rege  
Francisco, qui profectus eò, sicut ante dixi, cum per hyemem obsedis-  
set Papiam, sub exitum Februarij, commisso prælio, captus fuit, & in  
Hispaniam ad Cæsarem abductus. Hoc in bello tandem Clemens pon-  
tifex occultè partium erat Gallicarum, sed commutata fortuna Cæsa-  
rianis ducibus magnam pecuniæ uim in stipendia militum dependit.  
Papiam defendebat Antonius Laua, Germanorum ac Hispanorum  
præsidio. Rex ingentes habebat copias, ita quidem, ut Cæsariani, re  
propè desperata per Insubriam, de seruanda Neapoli, & illuc tradu-  
cendo cogitarent exercitu: sed Ferdinandi Dauali Piscarij oratione  
confirmati, prælio decernunt, & hoste conciso, potentißimoq; rege ca-  
pto, gloriosam uictoriam & opima spolia sunt consecuti. Summæ  
rerum præerat Carolus Lanotus, Belga. Is, cum initio præ se ferret,  
quasi Neapolim esset abducturus regem, prouectus in altum, mutato  
cursu contendit in Hispanias, ut tantò esset expeditior pacificandi ra-  
tio. huius prælij dies incidit in natalem Cæsaris, uigesimum quartum

Argentien-  
ses respon-  
dent Se-  
natui Im-  
perij.

Galliæ  
rex capi-  
tur apud  
Papiam.

1525 Februarij diem. Paulò antè diximus de rusticorū seditione sedata, sed  
 Rustico huius anni uere primo, per Sueuiam atq; uicinam Germaniæ partem,  
 rum sedi quæ est ad Dinubiū, altera fuit exorta tempestas ordinis plebei con=  
 tio. tra quosdam procures ecclesiasticos, iamq; iureiurando ac fide data so=  
 cietatem coibant, obducta causa, quasi & euangelij doctrinam tueri,  
 & seruitutem ab se profligare uellent. Magistratus quidē cognoscere  
 de querimonijs ipsorum, & quod iniquum esset, emendare se uelle di=  
 cebat, uerū illi perseuerabant & augeſcebant indies, neque tamen in=  
 aciem prodibant, sed certis diebus, per occasionem nuptiarū & id ge=  
 nus conuiuiorum subinde conueniebant. Et hoc ipso tempore fuerunt  
 euulgata quædam ipsorum postulata, numero ad xij. de quibus à ma=  
 gistratu sibi fieri satis uolebant, ut libro sequenti docebimus: ea mox  
 alijs communicata, passim nouos incendebant motus. Dūm hæc ita ge=  
 Vuirtem bergicus runtur, Vlrichus princeps Vuirtembergicus, quem annis aliquot antea  
 rētat sua recuperat. finibus eiecerant Sueuicæ confœderationis socij, ut infra suo loco di=  
 ceatur, Heluetiorum aliquot millia cogit, ut sua recuperaret, et præter  
 alia, Stutgardie suburbium capit, in eoq; castra ponit, ut oppidum e=  
 tiam occuparet: cū autem Sueuici fœderis ordines, & Ferdinandi  
 quoq; regis præfecti, qui regionē illam tenebat, copias conscriberent,  
 & occultè milites atque duces ad defectionem sollicitarentur, pecunia  
 quoq; nō suppeteret, desertus, ab incepto destitit. Interea multū cre=  
 uerat rusticanorum exercitus, & Sueui, quos diximus, confœderati,  
 repulso Vuirtembergico, receptisq; oppidis, quæ ille ceperat, Vlmam  
 Rustici cū copijs tendūt in illos, qui tunc primum & ipsi prodeunt in aciem,  
 prodeunt in aciem. tripartito exercitu. unum agmē consedit propè Biberacum, alterū in  
 Algouia, tertium ad lacum Brigantinum seu Constantiensem. Cū au=  
 tem intercessionē Rauesburgensium & Campodunensium, ex rustica  
 nis nonnulli duces, Vlmam, fide publica uenissent, dierum aliquot pa=  
 etæ fuerunt induciæ, uerū non seruatæ. cuius quidem rei culpam u=  
 trinq; alij in alios, conferebant: itaq; cœptum est hostiliter agi. Senatus  
 autē Imperij, cū uulgò tumultum excitari uideret, de periculo solici=  
 tus, ad Sueuici fœderis cōsiliarios delectos, Vlmā legatos de pace mit=  
 tit, Simonem Pistoriū, qui Georgij Saxonie principis loco, Iacobum  
 Sturmium, uirum nobilem, & patricium Argentinensem, qui suæ ci=  
 uitatis nomine tūc eius erat senatus, ac misso diplomate, titulo Cæ=  
 saris,



faris, ut ab armis abstineret utrinq; graui de more constituta pœna, denunciat. Legati super inducijs agunt initio, sed id frustra fuit, quod rusticanos illi dicerent, uiolatis inducijs, gerendi belli causam dedisse: ueruntamen interuentu Sueuiæ ciuitatū aliquot, in quibus erāt Constantia, Memminga, Campodunum, Biberacū, ex rusticanis primi duces, Aprilis die secunda, rursus Vlmam ueniunt. ijs legati senatus Imperij mandatum exhibent, et pacis causa tractandæ se uenisse demonstrant. Illi, quoniam de pace nihil agi possit atque constitui, nisi factis primū inducijs, ideo se uenisse dicunt, ut, quæ sit aduersariæ partis in eo mens atq; uoluntas, intelligant. cū autē impetrari non possent induciæ, et ad uim omnia spectarent, illi postridie ad castra reuertuntur, eodēq; die cohortes aliquot equitum et peditū Vлма profectæ Elchingum, quod est infra Vlmam, ad Danubium, ex rusticanis quam plurimos interficiunt, multos etiam in urbem captiuos adducūt. Deinde Sueuici fœderis Imperator, Georgius Trucesius Vualpurgus, cum suis copijs Lippenium profectus, quod est duobus infra Vlmam miliaribus oppidulum, proxime Danubium, ubi magno numero illi confederant, non expectatis peditum turmis neque tormentis, et equitum inuectus caterua, magnam eorum partem concidit: reliqui se in flumen præcitauerunt, atq; ibi oppressi perierunt: oppidum deditiōe captū diripitur, et ex hostibus multi capite plectuntur. Ea parata uictoria, cū in reliquos etiam contendere uellet Trucesius, pedites, quibus præerat Gulielmus Furstembergius, signa proferre uolebant, et quasi prælio dimicassent, stipendium sibi dari postulabant. eare per dies aliquot disceptata, cū neque prælium illud fuisse, et in fugam illos abiisse prius quàm ipsi uenirent, diceretur, tandem fuit transactum. Hi quos antea dixi, Sueuiæ ciuitatum intercessores, de inducijs iterū agebant: confœderati autem, cum illis, qui nuper eas uiolassent, nihil pacisci uolebant: cum reliquis non detrectabant, qui per Algouiam erant uicinisq; locis: hi uerò parem esse uolebant omnium conditionem, itaque copias coniungunt. Induciarum ergo mentione reiecta, confœderati, senatus Imperij atque etiam ciuitatum legatis intercessoribus demonstrant, si quas haberent de summa rei, deq; concilianda pace rationes, ut eas proponant. Re diu multūque agitata, cū in sententiā fœderati persisterent, et prælij committendi causa,

castra promouerent, illi partim fuga dilapsi, partim deditione facta, sese ipsorum uoluntati permittunt, ad Idus Aprileis, et signa tradunt: Interim, in diuersa parte Sueuiæ, circa Halam, & per Franconiam, ingenti numero alij confluxerant, ij decima sexta die Aprilis, qui tum erat Paschæ dies, Vuinspergum oppidum occupant, nobiles aliquot presidiarios in eo, partim capiunt, partim cædunt: ex captiuis Ludouicum comitem Helfestenum & alios, militari quidem: sed crudelissimo supplicij genere necant, & hastis utrinq; proiectis confodiunt. quæ quidem in re tantò plus erat seleris et inhumanitatis, quòd illius quoque coniugem, Maximiliani Cæsaris filiam notham, cum iniuria reijcerent, quæ paruulum infantem ulnis gestabat, & ad ipsorum proietta pedes, lachrymarum ui maxima profusa, totiusque corporis habitu miserabili, maritum sibi, ac filiolo parentem donari petebat. Post hæc, copias diuidunt: unum agmen tendebat in agrum Vuirtembergicum, et ibi plerisque locis occupatis, Eslingam recta petit. Senatus Imperij, cum per Iacobum Sturmium et Mangoltum iureconsultum, legatos, frustra cum ipsis egisset de pace, Vlmam inde migravit. Is autem, quem dixi, Sueuici fœderis Imperator, Truccesius, deditione receptis illis, qui per agrum Vlmensem & Algouiam & ad lacum Brigantium confederant, ut antè docuimus, recta contendit ad istos, & profligat, interfectis aliquot millibus, in captiuos etiam grauitè animaduertit, eos potissimum, qui comitem Helfestenum trucidarant, ex ijsq; unum cathena laxè religatum ad palum, ut discurreret, circumposito igni, torret, ad eumq; excitandum ignem ipsemet ligna comportat: idem alij ex nobilitate faciunt, post, oppidum Vuinspergum incendit, & ne rursus ædificaretur, edicit. Alterum agmen in Franconiam ibat, & incensis illic circiter ducentis arcibus, nobilium ædificijs & monasterijs, eoq; amplius, Vuirciburgum urbem capiunt, & arcem obsident. Truccesius autem ex agro Vuirtembergico superueniens, ad Engelstatum uicum eos concidit & in fugam conijcit, post, Vuirciburgum recipit, arcem obsidione liberat, & multos capite plectit, adiutus à Ludouico principe Palatino, qui & ipse aderat. Incendium hoc in uicinam quoq; Lotharingiam ex Germania peruenit, & Antonius quidem eius regionis princeps, fratre suo Claudio Guisio inter alios commitatus, qui Gallici exercitus reliquias, pugna Papiensi, quando rex captus

Rustici  
in Lotharingia.



captus fuit dissipatas collegerat, Tabernas usq; progreditur, quo loca tam Lotharingici quàm Alsatici maximo numero conuenerant. Et cum aliquot insuper rusticanorum millia his auxilio uenirent: ille, comijs aliquot equitum peditumq; missis, prope uicum Lupffstenum, ad mille quingentos occidit, reliquis fuga dilapsis, et postridie in eos, qui circa Tabernas erant, ingentem edit stragem. qua tamē in re fides desiderata fuit. Nam iussi deponere arma, & impunitate promissa, cum per medias equitum & peditum cohortes prodirent inermes, domum quisq; suam redituri, leui quadam occasione concitata turba, cæsi fuerunt magna sui parte: post, à furente milite direptum est oppidum, & arx episcopi, ciues etiam & promiscuè omnes interfecti, nullo discrimine. Ea facta strage, cum princeps domum rediret, alter rusticorum exercitus ad uallis Vuileræ fauces confederat, ut transitu ipsum prohiberent, sed commisso prælio cæsi fuerunt supra millia quatuor: In eo conflictu Comitum Iseburgium desiderauit. Itaq; maxima cū præda plurimiq; captiuis domum reuertit. his tribus autem locis, uti diximus ad xvij. millia putantur esse cæsa fuit hoc mense Maio. Consimilis fuit passim aliorum etiam exitus, et ad Petershemū agri Vuormaciensis oppidum, magno numero fuerunt à militibus occisi, quum facta deditioe arma deposuissent. Aderant huic cædi princeps Palatinus, & archiepiscopus Treuirensis Richardus: quorum ille quidem magna ui conabatur furentem militem retinere, hic autem non solū probasse, uerum etiam multos ipse confodisse fertur. Quibusdam tamen in locis, dexteritate magistratus & intercessorum, placidè res composita fuit. & per Brisgoiam orta seditione, cum præcipuum ijs locis oppidum, Friburgum occupassent, Ernestus Marchio Badensis, qui magnas ibi possessiones haberet, Argentoratum profugit, & senatum orat, ut intercedant. proinde legati mittuntur Iacobus Sturmius, Conradus Iohamus: eorum hortatu atq; sermone persuasi, cum à Basiliensibus quoque legati uenissent & ab alijs quibusdam, domum illi reuertuntur, cum iam prope Laram, quatuor ab Argentorato miliaribus, consedissent. Basileæ demum, à multa disceptatione xxv. Iulij die, transactum fuit: sed nō planè seruata fides, multis, ubi domū redissent, postea capite mulctatis. Exortam quoque rebellionem in Sontgauia, Ferdinandi regis & Austriacæ ditionis prouinciæ uicini

1525 Heluetij magno studio sedabant, & quid utrinque fieri æquum esset, tam à magistratu, quàm è plebe, demonstrabant. Omnium autè ubi-  
 uis eadem erant propemodum postulata. quæ cum à Sueuicis originē  
 haberent, ad alios à uestigio dimanauerant, ut suprà diximus. Hoc igi-  
 tur incendium, inde à Turingia & Saxonie finibus, ut infrà docebi-  
 mus, ad alpes usque penetravit, per Salisburgensem etiam agrum ex-  
 citata demum seditione. Rebus autem per Franconiam & Sueuiā pa-  
 catis, exercitus quoq; Sueuici fœderis eò contendit, multis oppressis  
 atque proscriptis. quo in numero fuit dux illorum Geismeyerus, qui  
 cum parte copiarum, per alpes & tramites inaccessos penetravit ad  
 Venetos, ab ijsq; stipendio donatus anno, Patauij tandem, ubi domi-  
 cilium habebat, proditione fuit et ex insidijs interfectus. Et hic quidē  
 est exitus belli rusticani, quod à paruis initijs ortū, in tantam se diffu-  
 dit ampliitudinem. nam ad omneis ferè Germaniæ partes hæc cōtagio  
 peruasit. nec ruri tantū, sed in ipsis etiam urbibus multa seditione fie-  
 bant: & Colonie quidem totū ferè mensem armati ciues quotidie tri-  
 butim conueniebant, ne nocturno quidem intermisso tempore, deque  
 opprimendo non solum ordine ecclesiastico, uerum etiam senatu con-  
 silia inibant. sedata res tamē fuit absq; sanguine, ac multis deinde post  
 mensibus, unius & alterius supplicio malum hoc fuit expiatum. De  
 numero cæsarum in hoc bello, quod æstate fuit una confectum, non i-  
 dem omnes indicant: qui minimū, ad quinquaginta millia passim oc-  
 cubuisse ferunt. Sueuicum illud fœdus, de quo subinde fit mentio,  
 multò ante factum fuit, initio quidem in annos octo, deinde treis,  
 post, duodecim, inde decem: Anno uerò salutis humanæ supra mille-  
 simum quingentesimum uigesimo secundo, renouatum fuit in annos  
 undecim, paulò antè, quàm Cæsar, in Hispaniam rediret. Huius aus-  
 tem fœderis erant, Cæsar, ut Austriæ princeps, post etiam Ferdinan-  
 dus frater, nuper Vuirtembergici agri principatum adeptus, item  
 Moguntinus, Palatinus, Salisburgensis, Bambergicus, Vurcibur-  
 gensis, Aistetensis, Augustanus, episcopi: Gulielmus & Ludouicus  
 fratres, Bauariæ principes, Otho Henricus & Philippus Palatini,  
 fratres, Georgius Brandeburgicus & Albertus è fratre nepos, Phi-  
 lippus Hessiæ Landigrauius, multi præterea uiri nobiles & ecclesia-  
 stici, dein Sueuiæ ciuitates pleræq; omnes, & in his etiam Noriberga.

Fœdus  
 Sueuicū.



Sub Idus Aprilis, Tiguri fuit in Heluetijs abrogata Missa, mandatu  
 senatus, tam in urbe, quàm foris per ipsorum fines, in eiusq; locū fuit  
 instituta cœna Domini: ceremonijs etiā omnibus antiquitatis, lectio  
 prophetarum & precatio atq; doctrina uerbi succedit, & promulga  
 ta lege, scortatio prohibetur & adulterium, & iudices cōstituiuntur,  
 qui de causis matrimonij cognoscant.

1 5 2 5  
 Missa  
 abroga-  
 ra Tiguri.

## LIBER V.



Hic tanto tāmque formidabili bello causam quoque  
 dederunt importuni quidam concionatores. in qui-  
 bus erat primi nominis Thomas Muncerus, de quo  
 suprā diximus, qui tandem omīssa euangelij predica-  
 tione, nouum quoddam doctrinæ genus proposuit.

Thomas  
 Munce-  
 rus.

Est oppidum Alsfatum, ad fines Turingiæ, ditionis electoris Saxonie  
 principis. Huc ubi commigravit ille, cœpit docere primū, non so-  
 lium aduersus pontificem Romanum, sed ipsum quoque Lutherum:  
 utriusque doctrinam esse uitiosam & impuram: pontificem nimium  
 duris legibus atque uinculis alligasse hominum mentes: Lutherum  
 soluisse quidem ea uincula, sed in partem contrariam peccare, nimi-  
 ūmque indulgere, nec ea tradere quæ sint spiritus: licere autem pon-  
 tificis decreta negligere, quod ad salutem nihil conferant. eam autem  
 ut consequamur, aiebat omnium primò fugienda esse manifesta flagi-  
 tia, cædem, adulterium, contumeliam nominis diuini, castigandum  
 esse corpus & macerandum ieiunijs ac uestitu simplici, componen-  
 dum esse uultum ad austeritatem, rarò loquendum, & alendam bar-  
 bam. Hæc, & id genus alia uocabat crucem & carnis mortificatio-  
 nem atque disciplinam. Ad hunc modum instructis atque paratis di-  
 cebat aliquò esse migrandum extra urbem hominūque frequenti-  
 am, ac sæpius cogitandum de Deo, qui sit, an nostri curam aliquam  
 gerat, an Christus mortem nostri causa pertulerit, an religio nostra  
 sit præferenda Turcicæ: postulandū etiam à Deo signum, quò testetur  
 nos ipsi esse curæ, & religioni ueræ insistere: quod si nō è uestigio si-  
 gnum aliquod edat, nihilo tamen minus progrediendum, & instan-

Doctri-  
 na Mun-  
 ceri.

1525 dam esse precibus, imò grauiter exposculandū, quasi minus rectè nobiscum agat: quum enim scriptura promittat, eum uelle quæ petuntur, largiri, non iuste fieri, quod hominū ueram ipsius cognitionem petenti, nullum exhibeat signum: hanc exposculationem & iram aiebat uehementer gratam esse Deo, quod animi nostri propensionē & ardorem ex eo perspiceret: neque dubium esse, quin ad eum modum sollicitatus, aliquo signo conspicuo sese declaret, animiq; sitim restinguat, & nobiscum agat, ut quondam cum patribus: hoc etiam docebat, patefacere Deum per somnia uoluntatem suam, in ijsq; propositi sui fundamentum collocabat, & cuius fortè somnium explicari poterat, hunc magnis laudibus pro concione celebrabat. Cumq; hac ratione sibi multos conciliaffet, paulatim ad illud, quod iam pridem conabatur accessit, & in eo, quod suprā diximus oppido, cœpit eorum nomina conscribere, qui facta societate per iusiurandum promittebant auxilia, quò uidelicet impijs interfectis noui substituerentur principes ac magistratus. nam à Deo sibi mandatum esse proficiebatur, ut sublati illis constitueret nouos. Quādiu de somnijs & id genus alijs rebus loqueretur, tolerauerat eum Saxoniæ princeps, Fridericus, præsertim, cum Lutherus etiam per literas intercederet: uerū ubi se ditiose concionari cœpit, eiectus fuit è sinibus, & menses aliquot delitescens, Noribergam uenit: illinc etiam paulò post extrusus, Mulhusium sese contulit, oppidū Turingiæ. Nam Alsfeti cum esset, ciues aliquot Mulhusianos ad se pellexerat, quorum opera deinde consecutus ibi docendi munus: & quia senatui minus erat acceptus, effecit, ut tumultuante plēbe nouus ibi crearetur magistratus. fuit hoc initium turbae: posthæc, oppidani monachos eiiciunt, eorumq; domicilia inuadunt: ex ijs præcipuū ac longè ditissimū obuenit Muncero, qui iam nō solum ecclesiasten agebat: sed senatorem etiam. Ex reuelationibus enim diuinis iudicandum esse dicebat & ex Biblijs, deq; rebus omnibus arbitratu suo pronuntiabat, & quicquid diceret, sacrosanctū illis erat. Bonorum quoq; cōmunionem, & humanitati cum primis esse consentaneum, ut & dignitate sint omnes æquales, docebat, & conditione liberi, & promiscuè bonis omnibus utantur. Quò factum est, ut uulgus ab operis atq; labore desisteret, & qua quisq; re careret, eam ab alijs qui abundabant, etiam inuitis, acciperet. Hæc ille per menses aliquot



quot agitabat: & cū iam per Sueuiam atq; Franconiam essent in ar-  
 mis homines plebei ac rustici, ad XL. millia, & magnam nobilita-  
 tis partem prosligassent, complures etiam arces atq; castella diripui-  
 senti ac incēdissent, ut dictū est, cœpit & ipse manus admoliri, iamq;  
 tempus idoneū adesse ducebat perficiendi negocij, et conflatis in eade  
 Franciscanorū machinis bellicis, maximam hominum multitudinem  
 ex agris ad se perduxit, opinione prædæ ac melioris fortunæ. Socius  
 erat ei consiliorū omnium, quidam insigni præditus audacia, Phife-  
 rus, qui somnijs nocturnisq; spectris plurimum tribuebat, ac inter a-  
 lia tum fortē iactabat, per quietem se uidisse quodam in stabulo maxi-  
 mam uim copiamq; muriū, quos fugasset omneis: hoc sic accipiebat, à  
 Deo sibi esse mandatū, ut sumptis armis & eductis copijs, nobilitatē  
 omnē exturbaret. Muncerus autē, etsi uehementes habebat ad populū  
 cōciones, tamē erat aliquanto remissior, neq; fortunam periclitari uo-  
 lebat antē, quā omnes circum uicini essent in armis. Et quò facilius  
 rem cōficeret, dimissis literis ad opifices, qui metalla per agrū Mans-  
 feldensem effodiunt, grauiter eos monebat, ut in principes nullo disci-  
 mine facerēt impetū: fore enim, ut qui per Franconiam essent iam ex-  
 pediti, propius ad Turingiam accederent. Interea Phiferus, qui mole-  
 stē ferret omnē moram, egressus cum suis, uicinū agrū Isfeldium de-  
 populatur, arces atq; templa diripit, ex nobilitate multos prosligat,  
 quosdā etiā in cathenas conijcit, post, domū reuertit magna cū præ-  
 dā. quæ quidē res, quoniam fœliciter accidit, magnam excitauit ala-  
 critatē in animis uulgi, præsertim cū iam uicini quoq; sese cōmoue-  
 rent, & in Mansfeldicum agrū inuaderent. Itaq; Muncerus, quò o-  
 mnes ubiq; iam defecisse crederet, Mulhusio profectus cum trecentis,  
 coniungit se Francusianis. Ad hoc ipsum tempus mortē obiit Fride-  
 ricus princeps, non relictis liberis: nam in cœlibatu uixerat, & succes-  
 sorem habuit Ioannē, fratrem Germanū. Dum hæc geruntur, Alber-  
 tus Comes Mansfeldius: celeriter collectis aliquot turmis equitum, &  
 impetu in illos facto, ad ducentos interficit. Ea re perterrefacti, neque  
 longius progressi, Francusium fuga petunt, ibiq; commorati maiores  
 copias expectant. hæc sola res impetum illorū tardauit. eaq; mora in-  
 terposita, uicini principes equitatū conscribūt ad mille quingentos,  
 et peditatū non magnū. Hi erant, Saxonie princeps elector Ioannes,  
 eiusq;

Phiferus  
socius  
Munceri

Phiferi  
expeditio.

Frideri-  
cus mor-  
ritur.

1525 eiusq; patruelis Georgius, Hesiæ Lantgravius Philippus, & Brun-  
 Principum co- suici dux Henricus. Non longè à Francusio confederant rustici in  
 piaz in ru monte, & cōtractis curribus muniendi sui causa, difficulter poterant  
 sticos. adiri, sed neq; tormentis nec armis erant idoneè instructi, et plerique  
 omnes rei militaris imperiti. Quapropter etiā principes, miseratione  
 quadam impulsī, missis internuncijs, hortabantur, ut traditis modò  
 seditionis authoribus, ab armis discederent, & impunitate propo-  
 Concio Munceri ad rusti- ta, domum redirent. Muncerus autem de suo periculo sollicitus, pro-  
 cos, dit in concionem, & ad magnam seueritatem uultu composito, uide-  
 tis, inquit, commilitones atque fratres, non procul à uobis, tyrannos,  
 qui licet in capita uitamq; nostram coniurarint, adeò tamen sunt ani-  
 mis deiecti, nihil ut aduersum nos audeant moliri: conditiones autem  
 deferunt ineptas & ridiculas, ut armis uos exuant. Iam uerò, constat  
 uobis, actionem hanc auspiciatum esse me, non mea quadam authori-  
 tate priuata: nec enim unquam his rebus operam dedi: sed iussu diui-  
 no. Quod cum ita sit, meum est officium, & uestrum etiam, obtempe-  
 rare, neque stationem hanc deserere, in qua Deus ipse nos collocauit.  
 Abrahamo quondam præcepit, uti filium suum immolaret: ille autē,  
 etsi quis esset futurus euentus, ignorabat, tamē secutus imperium, ni-  
 hil recusabat. ideoq; & filium ei seruauit Deus, & ipsius fidem in gen-  
 tibus ornauit beneficijs: nos etiam, qui planè sumus in eodē statu, per-  
 seuerare, & exitum Deo committere debemus: Non dubiū est autem,  
 quin ex animo cedant omnia: uidebitis ipsi manifestum auxiliū Dei:  
 quicquid enim est hostium ubiq; profligabimus: non uno scripturæ lo-  
 co promisit Deus, adfuturum se miseris, & oppressurum esse impios:  
 Ea sanè uox propriè ad nos pertinet: sumus enim tenues & afflicti,  
 & quia cognitionem Dei retinere cupimus atq; propagare, de succes-  
 su atq; uictoria dubitari non potest: hostium uerò quæ sit conditio, ui-  
 cissim consideremus. principes quidē uocantur, sed reuera sunt tyran-  
 ni: nec enim uestri curam ullam habent, sed omnium facultates ex-  
 hauriunt, & nequissimis rationibus profundunt: in eo populo, quem  
 sibi peculiariter olim delegerat, ita constituit Deus, ne sumptum inu-  
 tilem reges facerent, imò iussit, ut uolumen legum, quas ipse tulisset,  
 diligenter inspicerent: nostri uerò tyranni quid agunt, aut quibus re-  
 bus occupantur? rempublicā nihil ad se pertinere putant, de miserorū  
 homi-



hominum causis non cognoscunt, iudicia negligunt, uias à latronibus  
 obsideri patiuntur, non animaduertunt in prædones, non reliqua sce-  
 lera coërcent, pupillis atq; uiduis nullum præstant officium, ut iuuen-  
 tus rectè instituatur, non prospiciunt, celebrationem nominis diuini  
 non modò prætermittunt ipsi, uerumetiam impediunt, & in hoc so-  
 lum intenti sunt, ut omnium facultates ad se conuertant: itaq; nouas  
 quotidie rationes expilendæ pecuniæ reperiunt, nec ad alendam aut  
 retinendam pacem consilia sua referunt, sed ut quàm maximè locu-  
 pletati belluēt in omni genere luxus atq; superbiæ. Nimis enim no-  
 tum est quàm leuib; & ineptis de causis, quantas sæpenumero tur-  
 bas excitent atq; bella, quibus deinde, quod reliquum fuit miseris ho-  
 minibus, totum perit & euertitur: Nimirum hæc sunt illæ præclaræ  
 uestrorum principum artes atq; uirtutes, in quibus exercentur: non  
 est igitur, ut quisquam existimet, Deum hæc esse laturum amplius, ue-  
 rum certò statuendū est, fore, ut sicut olim Cananæos deleuit, ita nunc  
 etiam istos exturbet. Nam ut illa fortè, quæ recitauimus, tolerari pos-  
 sint, an impunè putatis hoc illis futurū, quòd summam istam & exe-  
 crandam impietatem ecclesiasticorum defendunt atq; propugnant?  
 Quis omnium ignorat, quantum flagitiū sit in illa Missarum nundi-  
 natione? ne quid de reliquis dicam. Sanè, sicut è templo quondā Chri-  
 stus eiecit emptores ac uenditores, ita nunc etiam sacrificulos eorumq;  
 patronos atq; socios eliminabit. fortes igitur estote, & Deo gratifica-  
 turi turbam hanc omnem inutilem contrucidate: pacificandi certè ra-  
 tio nulla nobis apparet uel honesta uel tuta uel firma satis: nec enim à  
 proposito desistent, neq; libertatem nobis restituent, neq; uerum Dei  
 cultum permittent: atqui moriendum sit potius, quàm ut ipsorum ne-  
 quitiam approbemus, & euangelij doctrinam nobis eripi patiamur:  
 Certissimè autem uobis confirmo, Deum nobis adfuturum, nostramq;  
 ore uictoriam: nam ipsemet coràm mihi promisit, ipsemet inquam,  
 qui fallere non potest aut mentiri, iussit, ut ad hunc modum rem ag-  
 grediar, mulctato magistratu. Nimirū in hoc maximè fit illustris Dei  
 potentia, quum hostium ingens multitudo parua manu ceditur: ut a-  
 lia multa prætermittam, notū est uobis, quid Gedeon cum paucis qui-  
 busdam, quid Ionathas, uno tantum seruulo comitatus, quid Dauid,  
 cum solus ipse cōtra uasti corporis monstrū Goliath, sua mole et aspe-  
 ctu

1525 Etu solo terribilem, pugnaret, perfecerit: dubium uerò nullū est, quin  
 • hodiernus etiam dies, consimili spectaculo sit futurus insignis, & ad  
 posteritatē omnem memorabilis. Nam etsi nō satis instructi uidemur  
 armis, ac rebus necessarijs muniti, tamen superabimus hostem, & hæc  
 cœli terræq; machina potius immutetur, quàm ut à Deo destituamur:  
 sic olim natura maris immutata fuit, ut Israëlita, persequente Phara-  
 one, periculū euaderent. Nihil autem uos moueat rationis uestræ iu-  
 diciū, nihil perturbet obiecta quædam periculi species & umbra, sed  
 fortiter in hostē impiū & conscleratum inuadite, neq; uos perterre-  
 faciant illorū machinæ bellicæ: pilas enim omneis, quas illi tormentis  
 in nos eijcient, ueste mea sum excepturus. Ecce, uidetis ne, quàm ha-  
 bebimus propitium Deum? aspicite, quæso, signū ac testimonium illius  
 erga nos perpetuæ beneuolentiæ. Tollite oculos, & arcum cœlestem  
 mihi cernite: quum enim in uexillo nostro sit idem depictus arcus, cla-  
 re significat Deus hoc simulacro, quod è sublimi nobis ostentat, adfu-  
 turum se nobis in prælio, tyrannis autem nostris interitum, & excidi-  
 um hoc ipso denunciat. Magnis igitur animis irruite, certissima cum  
 spe diuini auxilij: nec enim uult Deus, pacem ullam uobis intercedere  
 cum impijs aduersarijs. Facto dicendi fine, trepidabant nihiloscius  
 pleriq; omnes, ob præsentis periculi magnitudinem: sed agebantur  
 omnia tumultuose, nullo certo uel Imperio uel ordine: deinde erant  
 in ipsis nonnulli, profligatæ homines audaciæ, & ad quoduis facinus  
 parati, hi cum sua sponte ad maleficium inclinarent, tum ea, quans  
 diximus, concidē, magis accēdebatur: sed inprimis excitabat eos ille,  
 de quo dictum est, in cœlo consistens arcus, idq; certissimum uictoriæ  
 signum esse iudicabant. Acceßit, quod copię erant non exiguæ, ad o-  
 cto circiter hominum millia, & locus ad defensionem opportunus.  
 Itaq; hi, quos modò nominaui, clamore sublato, monebāt, ut arma si-  
 merent omnes, & forti animo in hostem exirent: simul cansionem ad-  
 debant, qua sancti spiritus imploratur auxilium. Missus antea fuerat  
 ad ipsos adolescens quidam nobili genere natus: hunc Muncerus, con-  
 tra militiæ morem, contráque ius gentium interfecerat: eo facto ma-  
 gis exacerbati principes, cōmittendi prælij dant signū, & copias in-  
 struunt. Ibi tum Hessorum princeps Philippus, licet inter eos ætate  
 minimus, obequitans huc illuc, ad uirtutem cohortabatur milites,  
 quod



quod etiā si uera essent omnia, de quibus incusentur, tamen non lice-  
 cere plebeis in magistratum arma sumere: multis hoc posse scripturæ  
 testimonijs doceri: nolle autem se, uel sua, uel aliorum quoq; principū  
 excusare delicta: fateri enim culpam, & agnoscere non esse nulla quæ  
 corrigi debeant & emendari: quod etiā si uerum sit, à seditionibus  
 tamen abstinendum esse: diligenter enim præcepisse Deum, ut in ho-  
 nore sit magistratus: quod illi querantur, se magnis oneribus grauari,  
 non illud esse tanti, ut à fide atq; iureiurando ipsis propterea discede-  
 re liceat: quanquam, si uerè quis rem æstimare uelit, non esse quod  
 querantur: dependere quidem ipsos annuum stipendium atque uecti-  
 gal, sed ea de causa multis inuicem frui commoditatibus: habere do-  
 micilia cum liberis & familia, colere agros, exercere pecuariam, &  
 multis alijs modis rem augere familiarem, idq; beneficio magistratus,  
 in quorū sint patrociniū atq; tutela: quod præterea dicāt, nō sibi per-  
 mitti doctrinam euangelij: ne hanc quidē satis esse iustam causam fa-  
 ciundæ rebellionis: quum gladio feriret Petrus, grauiter fuisse moni-  
 tum et reprehensum à Christo: si principes uerā doctrinam persequan-  
 tur, ferendos tamē, & suppliciū potius subeundū, quā armis resi-  
 stendum: obducere quidē ipsos euangelij nomē, sed ipsa re nihil aliud  
 moliri quā latrocinia, rapinas, & id genus nefaria scelera, et tantō  
 esse nequiores, quod impia & sanguinaria sua cōsilia nihil ipsos pu-  
 deat tam specioso titulo cōmendare: hoc nimirum esse ipsorū consilij,  
 ut aliorū fortunas diripiant, ut magistratū omnem ē medio tollant, ut  
 alienis uxoribus atq; liberis uim faciant, ut omnium flagitiorū summa  
 sit impunitas: & quoniam his tam turpibus factis, tam pulchri et san-  
 cti nominis præsidij quærāt, dubitari nō posse, quin cōtumeliam hāc  
 sit ulturus Deus: itaq; fortiter in illos præliandū esse, tanquam in la-  
 troces, ut publica tranquillitas retineri, & singulorū fortunæ, coniu-  
 ges atq; liberi uindicari possint atq; defendi: iustissimam esse belli cau-  
 sam, neq; se fuisse uenturū ad arma, nisi Deo gratum esse sciat hoc offi-  
 cium, qui magistratui gladiū attribuerit, nō quidē ut latrocinium ex-  
 erceant, uerū ut iniustam uim omnem & latrocinia depellant. Ea  
 habita oratione, fit impetus in hostem: & tormentis primum res agi-  
 tur. Ibi uerō miseri homines, uelut attoniti ac mente capti, neque se  
 defendebant, neq; fuga salutem petebant, & carmen illud populare,

quo

15 2 5  
lites ex-  
horratio

1525 quo sancti spiritus petitur auxilium, cantabant. pleriq; enim consi-  
 si pollicitationibus Munceri, cœlestem opẽ expectabant. Emissis tor-  
 mentis, quum iam in munitiones fieret impetus, ac multi passim in-  
 terficerentur, ibi demum in fugam coniecti Francusium petunt: alij  
 quidam in diuersam montis partem sese recipiunt, & in proxima ual-  
 le per paucos equites aliquândiu sustinent ac demorantur, ex issq; u-  
 num & alterum interficiunt: quum enim magna sui parte fugerent,  
 equites absq; ordine uagabantur huc illuc dispersi ac dissipati, et quã  
 quisq; in partem uenisset, ibi fugientes persequabantur: sed nonnullis,  
 ut antea dixi, desideratis, accensi ira studioq; uindictæ, magis insta-  
 bant, & ad quinque circiter millia conciderunt. Mox à prælio fuit oc-  
 cupatum Francusium, in eoq; capti ad CCC. & capite mulctati. Pro-  
 fugerat in oppidum Muncerus, inq; domum non procul à porta, sese  
 abdiderat: huc fortè nobilis quidam diuertit: eius famulus cum in su-  
 periores ædium partem ascendisset, spectandi causa domicilij, repe-  
 rit quempiam decumbentẽ in lecto. rogat qui sit, an ex tumultu pro-  
 fugerit, an sit seditiosis unus: inficiatur ille, seq; iam pridẽ ait feбри-  
 citare, fortè iacebat ad lectum crumena, corripit eam alter, ut aliquid  
 auferret prædæ: postquàm aperuit, literas offendit, quibus Muncerũ  
 admonebat Albertus Mansfeldius, ut ab incepto desisteret, nec ad sedi-  
 tionem uulgus inflammaret. ijs perlectis literis, rogat, num ad ipsum  
 eæ sint datæ: neganti uim intentat: tum ille deprecatur, seq; Muncerũ  
 esse fatetur: captus igitur, ad Georgium Saxonie principem, atque  
 Lantgrauium adducitur. Ab ijs rogatus, quid ita miseros homines in  
 fraudem pertraxerit? nihil à se præter officium esse factum, & magi-  
 stratus, qui doctrinam euangelij non ferant eiusmodi rationibus esse  
 coercendos, respondit. occurrit ei Lantgrauius, & scripturæ testi-  
 monijs demonstrabat, in honore habendum esse magistratũ: seditio-  
 nem omnem à Deo prohibitam, neq; Christianæ professionis homini-  
 bus licere priuatim ulcisci iniuriam. Ad ea cõticuit, & quæstioni sub-  
 iectus, cum præ dolore exclamaret, Saxonie dux Georgius, tu quidẽ  
 nunc cruciaris, inquit, Muncere. sed inuicem cogita miserorum homi-  
 num cladem, qui per te nefarie circumuenti, hodierno die perierunt:  
 Tum ille, magno cum risu, hoc uoluerunt, ait. postea deductus Helde-  
 rungum, Mansfeldicæ ditionis oppidum, graui de ipso quæstione ha-  
 bita,

Muncerus fuga  
 sibi con-  
 sulit.

Muncerus capi  
 tur.



bita, quid sui fuisset propositi, & quos haberet socios coniurationis, fatebatur. Helderūgo profecti Mulhusiū principes, ē seditiosis quā plurimos capite plectunt, & in his eum, de quo supra diximus, Phiserum. Huc etiam paulo post adducitur in castra Muncerus, qui tum in ijs angustijs admodum fuit animo perturbato atq; deiecto, neq; sui si dei rationem explicare poterat, ut in eo temporis articulo fieri solet, & ipsius confirmandi causa, Brunsvici dux Henricus uoce illi praeibat: moriturus autem agnoscebat delictum & errorem, idque palam profitebatur, et militum septus corona, principes hortabatur ad maiorem clementiam erga miseros homines: ita fore, ut nullum eiusmodi posthac sit ipsis extimescendum periculum: simul monebat, ut sacrae scripturae libros, qui sunt scripti de regibus, diligenter euoluerent. eo confecto sermone, gladio percutitur, & exempli causa caput eius affixum hastae, medijs in campis collocatur. Quum eiectus ē Saxoniae finibus, ut antea dixi, Muncerus, oberraret, ac rumor increbuisse, eum cogitare Mulhusium: Lutherus, ea re cognita, datis ad senatum literis, grauitur monet, ne recipiant: esse hominem seditiosum, qui praeter uim & latrocinia, nihil cogitet: notum esse, quid Alstei, quid Cygnae sit machinatus: habere illum suos emissarios, qui passim obrepant hominum coetibus: non posse ab ijs hoc saltem impetrari, ut sese legitimae cognitioni sistant: ipsorum doctrinam esse non modò seditiosam, uerū etiam futilem, ineptam & inscitiae plenam: diligenter ergò caueant: fore enim, ut breui detegatur fucus: quod si minus id placeat, saltem ad tempus differant, donec quid de ipsis oporteat sentire, cognoscant: hoc suum esse consilium, hominis amici, deq; ipsorum salute solliciti, quod si repudient, eoq; post in calamitatem incidant, se futurum extra culpam, qui tam studiose praemoneat: recte facturum senatum, si roget ex illo, quis docendi munus ipsi commiserit, quis euocarit? & si Deum nominet authorem, tum iubeant hanc suam uocationem aliquo euidenti signo comprobare, quod si repraesentare non possit, ut tum repudietur: hoc enim esse Deo proprium atque familiare, quoties formulam consuetam & rationem ordinariam uelit immutari, ut tum uoluntatem suam aliquo signo declaret. Gliscente per Germaniam dissidio, quum ad turbam atque motum res inclinare uiderentur, nondum tamen arma sumpsissent plebei: Lutherus edito scri-

Muncerus decollatur.  
Luth. cauendū monet Muncerum.

1525 pto monebat omneis, ut à seditione sibi temperarēt: etenim, licet terrificus aliquis tumultus et præsens periculum imminere uideatur ecclesiasticis, arbitrari tamen se, uel nullum, uel non eiusmodi futurum, qui ditionem ipsorum omnem peruadat, aut potētiā euertat: nam longè aliam ipsis impendēre calamitatem, & fore, quod post Daniele Paulus etiam prænunciavit, ut ipsorum tyrannis nulla ui humana, sed aduentu Christi seruatoris & spiritu Dei corruat: hoc suæ sententiæ esse fundamentum, hac etiam de causa nunquam se restitisse illis magnopere, qui rem armis aggredierentur: certò enim sibi cōstare, frustra ipsos moliri: etiā si fortè pauci quidā ordinis ecclesiastici trucidentur, non tamē ad omneis peruenturam hanc esse lanienam: trepidare quidē illos nunc & concurrere, seq; inprimis optare, ut magis etiam trepident, si fortè scelerū ipsos pœniteat: sed accensam esse iram Dei, et illos de uitæ quidē periculo deq; fortunis nunc angi, quomodo autem Deo reconcilientur, nullam suscipere cogitationem, imò securos omnium rerum, aspernari tam claras admonitiones, ac iræ diuinæ significationem penè etiam ridere: et quanquam ab armis nihil grauius metuendū sit ipsis, tamen, cum præsens rerum status explicationē aliquam consilij requirat, dicturum se liberè sententiam suam: ac principio quidem, magistratus esse, hoc operam dare, ne populus aliena culpa detrimenti quid accipiat, & providere, ne falsis dogmatis religio deformetur, hōd ipsorum esse munus, & eam, qua sint præditi, potestatem, ad gloriam Dei conuertendā esse omnē, & ad populi salutē: quia uerò longè diuersum faciant, seq; inuicem impedian, nonnulli falsam quoque doctrinam tueantur: non laturos impunē: non hoc suum esse consilium, ut armis oppugnentur pontificij, uerū ut magistratus ad officium illos adstringat, in eoq; suā ditionem atq; ius exerceat, neq; sua uel lenitudine uel dissimulatione, illorum audaciam & improbitatem confirmet: ad uulgus autem et imperitam multitudinem quantum pertinet, grauitè esse monendos, ne se commoueant, nisi de uoluntate magistratus: frustra enim sumi laborem omnem, & Deum ipsum esse uindicaturū, neq; tam leui pœna tantam nequitiam expiari possi: quòd enim ad eò lentè tamq; remissè principes agant, quòd tantas indignitates perferant, & illis tam apertis iniurijs atq; ludibrijs ecclesiasticorū non commoueantur, id fieri permissu diuino, nimirum,

ut



ut unus ipse rem ulciscatur, & iracundiam suam omnem in illos effundat: quod etiã si fortè res in tumultum exeat, & tam leni supplicio sibi satis fieri patiatur Deus, tamen omnem istum agendi modum esse non solum illaudatum, sed inutilem quoq;: nihil enim esse rationis in seditione, & ferè fieri, ut innocentes præ cæteris luant: neminem etiam, qui turbas moueat, excusari posse, quantumuis habeat iustam causam: populari uerò seditione semel oborta, bonos & honestos homines unã cum nocentibus & improbis necessario perire: ad magistratum ergò respiciendum, & quãdiu is non se commouet, nihil priuatim esse tentandum: seditionem enim omnem pugnare cum præcepto Dei, qui controuersias omneis priuatorũ legitimè disceptari iusserit: quum autem seditio nihil sit aliud quàm uindicta priuata, nemini dubium esse, quin Deus illam improbet ac detestetur: eam uerò, quæ nũc impendere uideatur, seditionẽ excitari ab humani generis hoste Diabolo, qui cum ueritatis lucẽ ferre non possit, turbas excitet per homines euangelicæ professionis, ut uerã doctrinam, his aliquot annis, beneficio Dei restitutam, in odium ac uituperium adducat, quasi non sit à Deo profecta, quæ tantis malis occasionem præbuisse uideatur: hoc ipsum nunc ab aduersarijs magna contentione iactari, sed eorum esse contemnenda iudicia: se quidem illos planè despicere: nihil enim à se uel scriptum esse uel pronunciatum, quod seditionem ullam possit accendere: iam uerò, qui rogent & obijciant, quid agendum igitur, & quousque ferendæ sint indignitates illæ, conniuite ac dissimulante magistratu: illos hanc oportere formulam sequi, primum, ut delicta sua recognoscant, quibus offensus, tyrannidem illam ecclesiasticam Deus permisit esse tam diuturnam, tamque latè grassari: dominationem hanc adeo crudelem & impiam, esse nostrorum scelerum & improbitatis præmium: eam si uelimus à nobis depelli, cum primis oportere, ut uitæ emendatione Deum reconciliemus: deinde, magnis precibus implorandum esse diuinum auxilium aduersus regnum pontificium, exemplo Davidis, qui Deum sæpe rogarit, ut impiorum potentiam atque superbiam infringeret: postremò, celebrandam esse doctrinam euangelij, & pontificum imposturas orbi terrarum patefaciendas, ut detectis erroribus & agnita ueritate, homines pro nihilo ducant & planè contemnant quicquid ab illis profectũ fuerit:

1525 hanc rationē esse longē omnīū apertissimā ad minuendam illorum potentiam: uiribus et armis nihil quicquam profici, et ferē fieri, ut belli gerando magis illi confirmetur: quōd si autem cum pontificis persona, Christus, et cum eius doctrina componatur euangelium, tunc demum apparere, quantum sit discrimen inter lumē solis atq; tenebras, et quantū nobis beneficium Deus contulerit, patefacto nobis ad sui cognitionem, aditu, remotis omnibus obstaculis: tunc demum ruere atq; collabi uim omnem illorum et existimationem: hoc suo posse doceri exemplo, qui pontificium regnum grauius affligerit, quā ulla uis potuisset armorum: nullam igitur aliam esse optandam seditionem: hanc unam, quæ nunc resuscitata sit, auctore Christo, prædicationem euangelij, satis esse potentem et acrem ad obruendū pontificatū: huc esse defigendos oculos atq; mentem, nec aliō respiciendum: non suum hoc esse negocium, in quo uersetur, tantam enim molem excedere uires atq; modum humani ingenij: quōd etiam eousq; res deducta sit, omnino præter suam expectationem accidisse, ideoque nihil dubitare, quin idem ille, qui fundamenta iecit operis, qui dedit incrementum ad finem quoque sit illud et exitum perducturus, omnibus licet hostibus inuitis ac resistentibus: Diabolum multo antè præsensisse mutationē hanc tam insignem, ideoq; fuisse conatum impedire, et hæc tempora quosdam prænucciāsse, scriptis aliquot editis atque uaticinijs, ut homines redderet alienos à saluari doctrina: quum autem frustra se conatum esse uideat, decurrere nunc ad nouum præsidium, et ad seditionem homines impellere, ut impediat, quō minus à suo pontificisque regno fiat defectio: sed non perfecturum esse quod molitur, et fore, ut prædicatione ueræ doctrinæ magis atque magis labefactetur: in ea doctrina perseuerandum esse omni studio ac diligentia, et demonstrandum, quā nihil ad salutem conferant hominum decreta: monendos etiam homines, ne uotis monasticis alligari sese patiantur, et qui iam alligati sunt, ut ea repudient, item, ne quid pecuniæ contribuant ad fruiolos illos, et ioculares templorum usus, ad cæreos, campanas, tabulas, uasa, signa, substructiones, ornamenta, et quicquid sit eius generis: nam in hisce rebus non esse positam hominis Christiani uitam, sed in fide atque charitate: hunc ad modum si doceatur populus, dubium non esse, quin pontificum, eorūque clientelæ omnis authori-



tas atq; regnum paucis annis concidat: sin autem hæc doctrina post-  
 ponatur, nec hominum animis eripiantur errores ac opiniones illæ  
 falsæ, duraturum esse pontificatū, etiā si plurimæ simul in eum fiant  
 coniurationes: Inspiciant modò & secum cogitent, quantum ipse,  
 quàm exiguo tempore, sola doctrina perfecit: uel ipsos aduersarios  
 illud testari, quando suis emolumentis plurimum decessisse querun-  
 tur: ex eo faciliè intelligi, quid sit futurum, si uel per solum adhuc bien-  
 nium hæc doctrina cursum suum retineat: Sathanam ergo, qui rem o-  
 mnem præsentiat, tumultuari nunc, & institutum istud conari per se-  
 ditiones impedire: sed prudenter agendum, magnisq; laudibus benefi-  
 cium Dei celebrandum esse, qui uobis hanc suæ cognitionis lucem ac-  
 cenderit: detectos esse pontificiorū dolos, inscitiam, rapacitatem, ty-  
 rannidem, & totam illam sentinam præstigiæ, quibus orbem ter-  
 rarum ludificarunt: illos, qui fuerunt antehac omnibus formidabi-  
 les, nunc eò redactos, nihil ut habeant præsidij, nisi tantum in armis:  
 cum autem nudi iam conspiciantur ab omnibus, & quantam occulta-  
 rint immundiciem, oculis omnium appareat, & ad uim confugere co-  
 gantur, fieri non posse, ut sit diuturnus ipsorum status, & si quid for-  
 tē reliquum manserit ipsorum potentiæ, quod hæc euangelij doctrina  
 non infregerit, fore, ut totū illud aboleatur aduentu Christi: fortiter in-  
 standum igitur & progrediendum in eo curriculo: sed adhibendam  
 esse tamen certam rationem & ordinem: præposterè enim quosdam  
 in eo uersari, qui nulla instructi doctrina, simulatq; unam & alteram  
 audierint concionem, è uestigio sibi multum arrogant, seq; Lutheræ-  
 nos uocent, & alios nondum intelligentes acerbè reprehendant: mul-  
 tum autem in eo peccari, neq; sic agendum esse, & orare se, ut quis o-  
 mnino suum nomen obducat, sed elaborandum potius, ut cum Christi  
 nomen profiteamur, iure nobis illud uendicemus, ut Christiani cogno-  
 minemur: qui uerò docet, ei uidendum esse, cuiusmodi sint ij quibuscū  
 agat: nam esse quosdam pertinacibus ingenijs, qui & sanam doctri-  
 nam aspernentur, & alios etiā in errorē abducant: ab ijs planè tempe-  
 randū, & iuxta præceptum Christi, non esse spargendas margaritas  
 ante porcos: quum autē ijdē non contenti sua uel ignorance uel per-  
 tinacia, ceteros etiā à uera doctrina reuocant et auertunt, tum acriter  
 ijs resistendum, non quidem ipsorum causa, uerum ut ex multitudine

1525 *salte aliqui conseruentur: rursum, esse alios minimè quidè repugnantes, uerùm simplices et ignaros: cū his agendū esse leniter, non tumultuose nec immodestè, et ordine cōmonstrandum, in quo sit hominum posita salus, & ad ipsorum mediocritatem accōmodandam orationē omnem, donec sensim augescant & confirmentur. Superiori libro diximus de plebeis, qui per Sueuiā erant in armis, antequam Muncerus prodiret in aciem. Hi paulò moderatius rem gerebant initio, & quid à principibus atque magistratu fieri uellent, edito scripto demonstrabant, ut supra paucis attigimus, et si qua in re fallerentur ac errarent, non se fore pertinaces, uerum saniora uelle sequi consilia, profitebantur. Ex ijs postulatis primū erat, ut ipsis liceret ecclesiæ ministros eligere, qui uerbum Dei purè doceant, nullis admixtis hominum decretis: alterū, nolle se posthac ulla dare decumas, præterquam frumenti & has ipsas oportere distribui partim in ecclesiæ ministros, arbitrio bonorum uirorū, partim in homines egenos, partim in usus publicos: item, quòd hucusq; sint habiti, uelut conditione serui, rē esse indignā, quandoquidem Christi sanguine sint omnes facti liberi: non se quidè recusare magistratum, & scire constitutum esse à Deo, uelle etiam in rebus omnibus honestis parère, sed seruitutem illam deinceps nolle ferre, nisi scripturæ sacræ testimonio demonstraretur æquum esse, ut ferant: deinde, quod ipsis interdictum sit, capere feras, aues atq; pisces, nullam habere æquitatē, multò minus etiam, quòd plerisq; in locis nō ausint eiicere feras depascentes agros atque segetes: à condito mundo Deum dedisse homini ius & imperiū in omnis generis animantia: non se quidem uelle quicquam auferre per uim, ijs qui uel flumen totū uel partem aliquam emerint, sed petere, ut æquabilitas aliqua seruetur, in eoq; magis spectetur quid multitudini, quàm quid paucis utile sit atq; commodum: syluas etiam esse paucorum in potestate, non absq; magno dispendio plebis: itaque suam hanc esse uoluntatem, ut eæ syluæ, quæ non sint emptæ priuatim ab aliquo, fiant multitudinis, ut ex ijs & ad quotidianum usum & ad ædificationes etiam, cum opus fuerit, quilibet sibi sumat absque precio, sic tamen, ut eorum, qui deligentur ad eam rem procurandam, auctoritas interueniat: Quòd si fortè nullæ sint, nisi priuatorum syluæ, tum amicè cū possessoribus transigendum: adhæc, grauari se multis incommodis, quæ cumulentur indies*

Postulata  
sa Rusti  
corum.

magis



magis atq; magis: cupere ergò, ut eam rem principes moderentur ex æquitate & euangelij præscripto, neque plus oneris imponant, quàm antiquitus fieri consueuerit: uelle etiam, ut quæ quisque bona, fundos & agros teneat beneficio & concessu principis aut magistratus, eorum nomine non grauetur amplius quàm pactum si initio: eiusdem esse generis, quod ex ipsis multi pendant annuum tributum atq; stipendium maius, quàm pro modo facultatum: esse æquum, ut de eo principes aliquid remittant, ut qui colunt agros, aliquod saltem percipiant sui laboris emolumentum, nec ad inopiam redigantur: in multis etiam pecuniarijs requirere se maiorem æquitatem: nouas quotidie ferri leges, & pecuniam ab ipsis extorqueri sæpe, non emendationis causa, uerùm in ea re plerunq; & odium & fauorem atq; gratiam interuenire: petere ergo, ut iuxta formulas olim descriptas, non autem ex affectibus irrogetur pœna: sed & quosdam priuatim usurpare sibi fundos atque prata, quæ sint multitudinis: quicquid sit eius generis, uelle se uendicare, nisi fortè quis emerit. postremo, quod mortuo patrefamiliàs uisum sit, ut uxor atque liberi de suis aliquid bonis dependant, id supra modum esse iniquum: uelle igitur, ut totum hoc magistratus aboleat. Huic illorum scripto promulgato, Lutherus, ad quem prouocauerant, respondet, & ad ipsos oratione conuersa, uerùm est, inquit, et fateor, principes uiros, qui prædicationem euangelij nõ admittunt, qui populũ non uno modo grauant et opprimunt, dignos esse, quos è folio Deus præcipitet: nec enim ullam habent excusationem. Et quanquam hoc ita se habet, uobis tamen est prouidendum, ut conscientiam huc adseratis puram et inculpatam: alioqui corporis & animæ iacturam facietis: neque considerare uos oportet, quantæ sint uestre uires, quantumq; reprehendendi uestri aduersarij, sed quàm legitima sit atq; iusta, quam defenditis, causa. Diligenter itaq; provide te, neq; concionibus omniũ credite: Sathanas enim sub euangelij prætextu, multos hoc tempore seditiosos et planè sanguinarios excitauit doctores. Equidem liberè uobis atque sincerè consulam, ut debeo: uerum est adijcere animum & auscultare recta monenti. Neq; uerò, si pleriq; maledicent, & fortè conuicijs me petent, moueor: & satis est, modò saltem aliquos eripiã ultioni diuinæ: reliquã turbam nihil moror, & sicut me contemnunt, sic ego uicissim illos non metuo. Sed ut

Lutheri  
respõdo  
ad postu-  
lata rusti-  
corum.

1525 ad rem ueniam usurpatis uos quidem nomen diuinum, & Christianū uos appellatis ipsi cœtum atq; multitudinem, & legem à Deo præscriptam uelle uos per omnia sequi iactatis. Atqui, constat uobis haud dubiè, nomen Dei non esse temerè usurpandum, neq; falsò: nam pœnam comminatur Deus, quæ uos etiam manet, siquidem non rectè negocium hoc agitis: qui totum orbem terrarum inundationibus obruit, qui Sodomam ignita pluuia totam absorpsit, idem uos etiam faciliè delcuerit, quæcunq; sit tandem uestra potentia sed falsò uos obducere nomen Dei uestris actionibus, faciliè demonstrari potest: itaq; cuiusmodi sit futurus exitus, nō obscurè diuinare licet. Nec enim fallit, qui dixit gladio perituros, qui gladiū sibi uendicant ipsi. nimirū, qui sua quadam audacia sibi potestatem arrogant animaduersionis, cum Paulus tamen iubeat omneis in uniuersum obtemperare magistratui reuerenter & cū timore. Quid adhuc respondebitis, qui legis diuinæ præscriptum uelle uos insequi simulatis, & interim tamen gladium arripitis, ac magistratui, quem Deus constituit, resistitis? an non istud est temerè usurpare nomen diuinum? Sed magistratus ita se comparat, ut planè sit intolerabilis: nam et euangelij doctrinam nobis adimunt, & in cæteris rebus omnibus ita nos premunt, ut nihil supra. Sit ita sane: non tamen idcirco sunt excitandi motus atque seditiones: nec enim cuiuslibet est cohercere maleficia, sed hoc ad eum modò pertinet, cui tributum est ius atque potestas gladij, sicut aperte scriptura docet. Deinde, non leges tantum, sed & naturæ ius animis impressum, ostendit, non licere cuiquam, ut suæ causæ cognitor sit atque iudex, ipse. Sumus enim omnes uitiosi, & amore nostri prorsus excæcati. Negari autem non potest, quin hic uester tumultus atq; seditio, sit uindicta priuata: nam & cognitionem causæ uobis arrogatis, & quas uobis putatis esse factas iniurias, ulcisci paratis authoritate uestra: sed hoc ipsum pugnat cum iure diuino, cum naturali, cū ipsa demū æquitate. Quod cum ita sit, non potestis ulla ratione facinus hoc defendere: uel, si mandatum aliquod habetis à Deo uestri facti, necesse est hoc ipsum à uobis aliquo illustri miraculo demonstrari. Sed hic accidit, quod Christus ait: nimirum, quid in alijs reprehendendum sit, clarè perspicitis, quantū uerò sit impietatis in uestra causa, nō animaduertitis: Iniquè facit magistratus: at multò uos iniquius, qui contèpto Dei



mandato, iurisdictionem inuaditis alienam, qui magistratui nihil  
 minino relinquitis. quid enim superest, cum potestatem ei tollitis? Vos  
 ipsos appello: qui magnam bonorum partem cuiuspiam aufert, aliquid  
 tamen relinquit, & qui bonis ablatis uitam etiam eripit, uter uobis  
 atrocior esse uidetur? Magistratus adimit uobis possessiones: iniquum  
 est: uos autem iurisdictionem adimitis, qua quidem in re consistit om-  
 nis ipsorum fortuna tam corporis quam bonorum: uos ergo nocen-  
 tiores illis. Atqui, uitam ipsorum atque fortunas non petimus: crea-  
 dat hoc qui uolet, non ego: Qui præcipuam partem alicui tollit & au-  
 fert, non uerebitur etiam reliquum, quod ab ea dependet, auferre. Ve-  
 rum, sit ita sane, ut dicitis: maneant illis quæ possident, bona, uita quo-  
 que sit incolumis: illud uero, quod iam perpetrastis, omnem mediocri-  
 tatem excedit, quando potestate illis omni sublata, uultis ipsi rerum esse  
 domini. Perpendite rem ipsi, quæso: uestrum hoc institutum si laudari de-  
 beat atque ualere, nulla sint futura iudicia, nullus magistratus, & cui-  
 us liceat priuatim in quemuis experiri pro sua libidine & arbitrato,  
 nec expectandum inde sit aliud, quam mutæ cædes atque latrocinia.  
 Nam ut quisque sibi factam ab aliquo putabit iniuriam, ita mox illam  
 pro sua cupiditate uolet ulcisci: hoc ipsum uero, si & iniquum est, &  
 in nulla persona tolerari potest, multo minus coactæ alicui hominum  
 multitudini concedi debet, aut si conceditur, ut singulis etiam feren-  
 dum erit. Quid? in hoc ipso uestro coetu, si res eò licentiæ prolaberetur,  
 ut causam quisque suam priuatim ulcisci uellet, cedo, quid facere-  
 tis? Cogeretur ille dubio procul stare iudicio publico per uos constitu-  
 to: quid uos igitur excusat, qui iudicia conuellitis & magistratum  
 reijcitis, quem Deus ipse uobis præfecit? Hoc ipsum ius, de quo iam lo-  
 quimur, omnium mentibus est impressum, & à barbarissimis etiam po-  
 pulis colitur: nam alioqui summa sit omnium rerum futura perturba-  
 tio: quod etiam si diligenter illud seruaretis, nihilo tamen essetis hoc  
 ipso meliores, quam uel Turcæ uel id genus alij populi, nostræ reli-  
 gionis ignari: iudicia enim publica subire, & magistratus authorita-  
 tem sequi, non hoc præstat, ut quis fiat Christianus: nam ipsa demum  
 necessitas cogit etiam inuitos, ut ita faciant: Vos ergo, cum hoc ipsum  
 ius, mentibus infixum, & omnibus commune, reuellitis, multo estis  
 prophanis gentibus deteriores: tantum abest, ut nomine Christiano si-

15 25 tils digni, quem quidem titulum quia uobis usurpatis, & nomini di-  
 uino facitis iniuriam, indigni uidelicet appellatione Turcica, propter  
 naturæ ius uiolatum, quomodo tandem consistetis in aspectu Christi,  
 cum de nobis omnibus iudicium facturus est? Cuiusmodi sint ergo ue-  
 stri doctores, etiam atq; etiam provideat: uereor enim, ne sanguinarij  
 quidam uobis obrepserint, qui suis concionibus huc uos impellant,  
 quò tandem ipsi uestris auxilijs freti, dominationem & regnum in-  
 uadant, securi prorsus de uestris fortune atq; salute. Iubet Deus uindi-  
 ctam sibi omnem permitti, scriptura iubet parere magistratui, etiam  
 improbo: parendum igitur erit: alioqui motum quidem excitabitis,  
 uerum is tandè in uestrum caput desinet: nec enim licentiam hanc ue-  
 stram Deus impunitam dimittet, dumq; libertatē quæritis, uitæ, bo-  
 norum & animæ dispendium uobis ipsi comparabitis. Exardescit in  
 uos ira Dei, & salutis omnium hostis diabolus, falsos in uestrū coetum  
 immisit doctores: meū ergo secuti consiliū, cauete ac respiscite. Nunc  
 de iure Christiano seu euangelico uerba faciam. hoc enim quia uobis  
 arrogatis cognomen, æquum est, ut cuiusmodi sit ius uestrum, explo-  
 retur. Et primò quidem, Christus iubet nō esse resistendum malo, sed  
 unam ferienti maxillam iubet & alteram præberi: tunicam auferenti  
 iubet pallium quoque tradi, iubet benè tum præcari tum facere inimi-  
 cis. in eandem sententiam multa sunt loca passim in sacris literis. Iam  
 mihi uidete, quomodo uestrum hoc institutum respondeat mandato  
 Christi: uidete, quò uos abduxerint uestri doctores. Christianorum sa-  
 nè est, pati & subire crucem, non repugnare, non ulcisci, non gladio  
 ferire: quid autem simile in uobis conspicitur? Ardua cum primis est  
 Christiani nominis professio, et uix paucissimi re præstant ipsa, quod  
 debent. quò ut plenius intelligi possit, exemplum uobis adferam hu-  
 ius, de quo loquimur, iuris. Vt dominum ac magistrum suum Petrus  
 defenderet, seruulum pontificis ferijt: nōne iusta de causa? cum illi nō  
 modò uitam Christi peterent, sed eius quoq; discipulis, euangelij do-  
 ctrinam, in qua salus erat ipsorum posita omnis auferebant, sublato  
 nimirum præceptore Christo. Talis uerò tamque atrox iniurià uos  
 nondum perculit: sed quid interea Christus? iubet abstinere Petrū à de-  
 fensione, graui lata sententia in eos, qui gladio feriunt, hoc est, qui con-  
 temptu magistratu, uindictam priuatā exercent. Quid ipse, cum as-



figitur cruci, cum docendi munus à Deo patre mandatū exercere pro  
 hibetur? nimirum fert patienter, rem omnem Deo patri committit,  
 cumq; pro suis percussoribus deprecatur et orat. hæc uestigia sunt imi-  
 tanda uobis, aut deponendus est hic tam speciosus titulus. Quod si  
 Christi, exemplo insisteretis, patesaceret se Dei potentia: et sicut post  
 indignissimam filij sui mortem, longè lateq; propagauit euangelium,  
 inuitissimis licet omnibus aduersarijs, ita quoq; uos haud dubiè respi-  
 ceret, & salutarem doctrinam abundè largiretur: nunc uerò quando  
 quidem armis res administratur, nec oblinebitis quod uultis, & ar-  
 ma uobis de manibus excutientur. De me ipso nunc etiam aliquid di-  
 cam. Oppugnauit me summis uiribus totus orbis terrarum: & ta-  
 men quò fuit ipsorum omnium impetus uehemētior, eò fecit maiores  
 progressus mea doctrina. Quid ita? nihil egi uiolenter, nullum exci-  
 tui motum: non fui cupidus uindictæ, sed magistratum ciuilem reue-  
 renter colui, scriptis etiam meis exornaui, quantum in me fuit, &  
 quod præcipuum est, rem Deo cōmittens, in ipsius potentia totus ac-  
 quieui: Sic adeò seruatus sum in hunc usq; diem, fremant licet ponti-  
 fex omnesq; aduersarij, & simul mea doctrina multos ad populos di-  
 manauit. Vos autem importunè iam irruitis, & dum promouere uos  
 negotium putatis, quantum inferatis impeditenti, non animaduer-  
 titis. Hæc autem eò spectant, ut titulum illum & nomen Christianum  
 à uobis ablegetis in ista causa: quam etiamsi defenderetis optimam, ta-  
 men, ut suprà docuimus, homini Christiano nec pugnare licet nec ma-  
 lo resistere. Hunc ergo titulum atq; cognomen uobis non tribuam, nō  
 concedam. Neque tamen hoc ipso uelim purgare magistratum: nam  
 iniquè multa faciunt, & agnosco: sed nihilo minus à Christiani nomi-  
 nis professione hæc uestra longè remota est actio. Quod si uerò no-  
 men istud obstinatè retinebitis, & hoc ueluti suco uestrā causam ad-  
 umbrabit, aduersarium me uobis profiteor, quia sub euangelij præ-  
 textu planè diuersum à doctrina Christiana facitis. Itaq; Deum præ-  
 cabor, ut uos benignè respiciat, & uestrū hoc institutum euertat. Nec  
 enim obscure hoc intelligo, diabolū id moliri, quandoquidè per pon-  
 tificem Romanum hucusq; opprimere me nō potuit, ut per istos me  
 conficiat atque iugulet sanguinarios concionatores. Ergo preci-  
 bus instabo, sicut dixi, quanquam sanè malim ita uos cōparetis, ut ne  
 mihi

1525 mihi sit necesse precibus aduersum uos agere. Nam etsi peccator sum,  
 tamen et iustam esse precationis meae causam, et exaudiri quoq; meas  
 preces, nihil dubito. uult enim Deus nomen suum sanctificari, & no-  
 bis etiam sic orandum esse, commonstrauit. Hortor itaque uos atque  
 etiam oro, ne precationes meas & aliorum despiciatis: quid enim pos-  
 sint & efficiant, uestro certè maximo malo sentietis. Talem uerò fidu-  
 ciam ad precationem, uos nullam adferre potestis. nam & scriptura  
 et mens ipsa malè conscia uobis ostendunt, actionem hanc uestram esse  
 se prophanam & impiam. Ex uobis, oro, quotusquisq; Deum implo-  
 rauit in ista causa? uix ullus opinor, imò salutē omnem in copijs & ar-  
 mis positam esse putatis. Qui uerè sunt Christiani, nihil agunt uiolen-  
 ter, sed tolerant, precibûsq; Deum sollicitant, ut omnium temporum  
 uiri sancti suo nobis exemplo demonstrant. Nam & salutaris est hæc  
 unica ratio, & menti summam tranquillitatem adfert: nūc ergo, quo-  
 niam hanc negligitis, quia neq; preces ad Deum effunditis, neque pa-  
 tientiam ullam præstatis & à uobis omnia petitis atque speratis ipsi:  
 non est, quod ullum Dei beneficium expectetis. Fieri quidem potest,  
 ut conuiuente Deo sit aliquis uester successus, uerum id omne demum  
 in uestram residet perniciem. Ex ijs, quæ hucusque recitauimus, facile  
 est ad postulata uestra respondere. quæ etiamsi niterentur æquitate,  
 & iuri naturæ essent consentanea, tamen præcipua sui parte non con-  
 sistunt, quia magistratui uultis ea per uim extorquere. quod ipsum et  
 cum æquitate & iure communi pugnat. Is autem, qui uobis ea con-  
 scripsit, non est uir bonus, nam loca scripturæ, quibus uos accendit &  
 periculis obijcit, non integrè recitat, neq; bona fide, & propius inspe-  
 cta nihil adeo pro uobis faciunt, ut etiam uehementer impugnent. Ias-  
 tatur hoc à uobis præcipuè, doctrinam Euangelij uobis eripi: sed pla-  
 nè fieri non potest, ut ab Euangelio quis arceatur: hæc enim doctrina  
 non est ulli certo alligata loco, sed liberè per orbem terrarum uagatur  
 & oberrat, sicut illa stella, quæ Magis ab oriente sole profectis efful-  
 sit, & quo loco Christus esset natus atq; recumberet, ostendit. In ma-  
 gistratus quidem est potestate, ab eo loco, ubi docetur Euangelium, a-  
 ditu quem prohibere: sed in nobis etiam positum est, uetere solum, &  
 alijs in locis doctrinam hanc prosequi. Locus ipse non est à nobis ui-  
 retinendus aut occupandus, uerum relinquendus magistratui seu do-  
 mino,



mino, & commigrandum aliò, sicut Christus ipse docet. Quod est, 1 5 2 5  
 primum in uestris postulatis, de constituendis Ecclesiæ ministris: rectè  
 quidem habet, si rectus accedat ordo. nam si bona, quibus aluntur Ec-  
 clesiæ ministri, profecta sunt à magistratu, iam populo non licet illa  
 tribuere cuilibet: sed primum rogandus est magistratus, ut pastorem  
 constituat: si recuset, populus aliquem deliget, suisque alet impensis: si  
 ne hoc quidè feret magistratus, tum qui delectus est à populo, fugiat,  
 & unà cum eo qui uolet: si secus fiat, non potest abesse scelus & iniu-  
 ria. Quod ad decumas pertinet, iniquissimum est. quid enim hoc est  
 aliud, quàm magistratum abrogare totum? liberalitatem colite, sed de  
 uestro, non alieno. sic prorsus agitis, ac si dominia rerum essent in ue-  
 stra manu, qua quidem ex re facile potest intelligi, quid uestra sit men-  
 tis atq; consilij. Seruitutem etiam tollitis omnem. quid hoc? nonne &  
 Abrahamus & alij pleriq; uiri sancti possederunt seruos? Paulum le-  
 gite: is uos erudiet, de seruis quid statuendum sit. hoc ergo postulatum,  
 ad uim etiam atque rapinam pertinet, & cum Euangelio pugnat.  
 nam qui seruus est, potest nihilo minus esse pius, et libertate Christa-  
 na frui, sicut is qui captiuus detinetur aut ægrotat. Vos eò spectatis,  
 ut omnium sit eadem conditio, sint omnes æquales: hoc autem est ab-  
 surdum & ineptum. Nam hæc uita ciuilis & administratio reipubli-  
 cæ consistere nō potest, nisi personarum sit discrimen, ut uidelicet alij  
 sint liberi, alij serui, alij præ sint, alij pareant. Quæ reliqua sunt de fe-  
 ris, de pascuis, de syluis, de fluminibus, de tributis, & id genus alia, iu-  
 reconsultis relinquo disceptanda. nec enim ad officium meū pertinet,  
 quod in eo uersatur, ut mentes hominum in rebus sacris instituat. Et  
 hæc quidem est mea sententia consiliumq; uiri fratres, quod à me fla-  
 gitastis: nunc uestrum erit, quia scripturæ testimonijs uos obtempera-  
 re uelle scribitis, animū huc adijcere. Neq; uerò, cum hæc ad uos per-  
 ferentur, mox clamorem tollite, quasi magistratui sim factus adula-  
 tor, quasi non rectè doceam, sed prius rem omnem, & cuiusmodi sint  
 argumenta, quibus utor, diligenter expendite. nam certè uestra res a-  
 giur. in primis autem caute ab ijs, qui uos extimulant, doctoribus.  
 noui totum hoc genus hominum: abducunt uos in præcipitium, ut ho-  
 nores ac facultates periculo uestro consequantur. Causa, cur falsum  
 titulum, quo se uenditabant, tantopere illis obijcit, hæc erat, quod in  
 suis

1525 suis illi literis omnibus, cum ad societatem alios inuitarent atq; cogerent, ad arma se uenisse iactabant, præcepto diuino, et reipublicæ charitate quadam, ut euangelij doctrina celebretur & augeat & retineatur, ut ueritas & iustitia & uitæ honestas propagentur, & ut sibi suisque consulant, ne qua ui deinceps opprimantur. Cumq; ad hunc modum sui facti rationem explicassent, paucis uerbis mandabant uicinis, ut statim è uestigio sumptis armis accurrerent, opemq; ferrent, sin minus, tum se quam primum ad ipsos cum copiis omnibus esse uenturos minabantur. Cum ad hunc modum ijs respondisset Lutherus, principes etiam & nobilitatem scripto commonefaciens, uobis, inquit, solis acceptum ferri debet quicquid est hodie turbari, uobis autem inprimis, qui titulum habetis Ecclesiæ, qui ne hodie quidem ad huc definitis euangelij doctrinam persequi, & quidem contra conscientiam. Deinde, uos, qui ciuilem obinetis magistratum, hoc unum agitis, ut quocunq; modo compilata pecunia uobis suppetat ad omnem luxum atque superbiam, ita quidem, ut miserum uulgus hoc tantum onus tolerare amplius non possit. Imminet sanè uobis longè grauissimum periculum, & quasi leniter suspensus gladius impendet ceruicibus uestris, & tamen sic estis interea securi, quasi nemo possit uos deturbare loco: sed hæc ipsa securitas uobis erit haud dubiè perniciosissima. Contemptum aliquando Deus effundit in uiros principes, ut est in psalmis: admonui uos non semel, ut ab eo malo diligenter caueretis: uerum ultro procurritis ad interitum, nec ulla uos mouet admonitio. reuerendabit igitur in uestrum caput, ira Dei, ni uitam emendabitis. Quæ passim conspiciuntur & accidunt prodigia, nihil fausti denunciant. Effruescent in nos iram Dei facile possumus ex eo cognoscere, quod falsis doctoribus tantum in nos permittit, ut uidelicet in errores atq; tenebras abducti, merito plectamur. Huc iam accedit ista seditio popularis, quæ Germaniam funditus perdet, nisi precibus nostris Deus exoratus, medicinam adferat. Is autem est hodie rerum status, ut hunc uestrum dominatum homines nec possint nec uelint, neq; sanè debeant ferre diutius. Transformari uos oportet omnino, et uerbo Dei cedere: quod si plebs in hoc tempore non perficiat, alij succedent: ac licet plerique omnes à uobis interficiantur, tamen non excutiet Deus, qui negotium hoc agit & bellum uobis facit, & impietatis uestre poenam

expo=

Lutheri  
ad prin-  
cipes ex-  
hortatio



exposcit. E uobis nonnulli iactarunt, omnem sese fortunam & facultates impensuros in hoc, ut doctrina Lutheri tollatur funditus: quid autē? nonne iam eò res deducta uidetur? Absit ridiculum in hisce rebus. dicebant olim Iudæi, nullum se regem habere: sed eò demum recidit ipsorum reipublicæ status, ut in perpetuum rege careant. Neq; uerò contenti superioribus delictis nonnulli uestrum, euangelio nouam faciunt contumeliam, & quicquid hoc est turbarum, meæ doctrinæ ferunt hunc esse fructū. Age, pergite ad hunc modum insectari: cuiusmodi sit mea doctrina, quæ uox euangelij, nō uultis cognoscere, quod est obstinati & maleuoli animi signum. Equidē inde semper ob initio docui modeste, & à seditionibus uehementer abhorruī, & populum magno studio sum hortatus ad obedientiam magistratui præstandā, imò etiam, ut tyrannidem & impiam uestram dominationem tolerarent, admonui: eiusq; rei testimonium uel ipsi uos dare potestis: nō est igitur à me profecta ista seditio, uerum sanguinarij illi prophetae, qui sunt mihi non minus quàm uobis inimici, pestem hanc inuexerunt, circumuenta plebe, perq; triennium & amplius eò, rem istam agunt, nec interea quisquam illis ita restitit, ac unus ego. Si iam Deus, nequitiae uestre causa, Sathanae permittit, ut per eiusmodi prophetas, populi furorem in uos concitet, eoq; res deueniat, ut facultas mihi tollatur impediendi malum hoc et tempestatem: quæ cedo, culpa uel in me uel in euangelium transferri potest, cum hæc ipsa, quam profiteor, doctrina, non modo sæuitiam uestram perferat hucusq; sed pro uobis etiam preces ad Deum effundat, uestrumq; statu ad uulgus ornarit semper & summis commendationibus defenderit? Quod si iam cuperem ulcisci quas mihi fecistis iniurias: riderem in sinum, essem huius tragœdiæ spectator, aut coniungerem me furenti plebi, & quod dici solet, oleum adderem camino, & essem tanquam unguis in ulcere. Magnopere ergo uos oro, uiri principes, ne mea uobis admonitio sordeat, neue seditio uobis hæc uideatur leuis: non sanè quòd timeam, ne uos illi opprimant: nec enim metuere uos istud uelim: sed ut ira Dei sit uobis formidabilis. Nam si pro merito uos ulcisci cogitat, ut quidē me tuo, non effugietis periculum, etiā si minimæ sint hostium cohortes. Itaq; si quis adhuc locus est consilij, oro, cedite furori & imminentem procellam sapienter depellite, et quoniā incertus est euentus, tamen

etiam.

152 s etiam, quia, quæ sit Dei uoluntas ignoratur: omnia uos prius experi-  
 ri decet, & cauendum ne suscitetur incendium, quo tota conflagret  
 Germania. Nam certè flagitia nostra, quibus aduersum nos iram Dei  
 concitauimus, in conspectu posita sunt, ita quidem, ut ad leuissimum  
 queng; strepitum sit nobis expauescendum: mitto; cùm tantus hostiũ  
 numerus coalescit, & uim intentat. Lenitas & clementia nullum uo-  
 bis adferet dispendium, & ut adferat, magno tamen cum scœnore post  
 omnia restituet: uim autem si adhibebitis, de summa rerum forsitan e-  
 rit periclitandum. Et cùm alijs rationibus multò plus consequi liceat,  
 cur aleam hanc atq; discriminẽ subire uultis? postulata, proposuerunt ad  
 xij. è quibus aliqua sunt ita rationi & æquitati consentanea, ut me-  
 ritò uos pudere debeat: sed tamen ad suum emolumentum illi referunt  
 omnia, neq; satis rem demonstrant, & sunt alia multò maiora, quæ uo-  
 bis obijciantur, quæ ad rempublicam Germaniæ pertinent. ea quo-  
 dam in libro diligenter explicauimus: uos autem, quibus ea propriè  
 conscripsimus, quoniam illa repudiastis, iam multò duriora sustine-  
 tis, & uestro quidem merito. Postulant inprimis, ut legitimè consti-  
 tuantur ecclesiæ ministri, qui uerbum Dei doceant. Et quanquam hic  
 ad suũ priuatũ commodũ spectant, quando sumptum uolunt ex de-  
 cumis alienis ad eam rem præberi: tamẽ denegari quod petunt, nulla ra-  
 tione potest, nec enim ulli magistratui licet suos ab euangelij doctri-  
 na submouere. Cætera quæ pertinent ad seruitutes & id genus alia,  
 nituntur & ipsa ratione. Magistratus enim est, non affligere, non di-  
 uexare populum, sed fortunas illius atq; cõmoda potius tueri & con-  
 seruare. Iam uero nullus est expilationũ modus: quæ sanè res diutur-  
 na esse quĩ potest? Quod si homines rustici, fructus annuos è suis  
 prædijs atq; fundis percipiant uberiores expectatione, magistratus  
 autem & dominus tantò plus exigant ab eis tributi, atque hæc omnia  
 summo cum luxu profundant: quid, cedo, commodi redeat ad mise-  
 ros, aut quantula ex parte sit illorũ facta melior cõditio? Sanè coher-  
 cenda est omnis hæc profusio, & ressecanda luxuries, ut illis etiã, quo  
 uitam tolerant, aliquid superesse possit. Quod reliquum est, ex ipso-  
 rũ literis iam diuulgatis accepisse uos puto. Sic utriq; sigillatim com-  
 mone factis, communem illis epistolam scribit, & quòd malam utriq;  
 causam tueantur, monet, ut ab armis discedant, et disceptatione cau-



sam finiant. Magistratui quidem demonstrat, quàm tetri semper fue-  
 rint atq; funesti, tyrannorū, plebi uerò, quàm infœlices & calamitosi  
 seditiosorum exitus, qui sumptis armis in magistratum proterui fue-  
 runt. unū imprimis deplorat, quòd cum utrinq; mala conscientia bel-  
 ligerentur, principes quidem ut suam tyrannidem confirmet, alij au-  
 tem, ut, quod cupiunt, seditiose perficiant: animæ tacturam faciant o-  
 mnes, quicumq; hoc in bello cadunt. Deinde Germaniæ uicem deplo-  
 rat, quæ ciuili hoc bello sit interitura prorsus: facili quidem arma su-  
 mi, uerùm non ita facili, cum uolumus, deponi. Monet igitur ut absti-  
 neant, neq; tam perturbatum atq; cruentū reipublicæ statum, posteri-  
 tati relinquant: armis nihil ad diuturnitatem posse perfici, sed emen-  
 datione uitæ ac ratione, plurimū. Hortatur, ut per uiros bonos utrin-  
 que delectos causa disceptetur: magistratus de summo iure aliquid re-  
 mittat: plebei uicissim acquiescant recta monentibus, & à postulatis  
 nonnullis etiam discedant: hoc suum esse consilium, cui nisi pareant, se-  
 fore utriusq; ruinæ spectatorem: nefas enim utrinq; uersari, & bellum  
 esse plebi contra principes, ut in oppressores ipsorū salutis atq; fortu-  
 næ: magistratum inuicem conflictari cum plebcis, ut cum latronibus,  
 & ijs, qui nomini Christiano contumeliam faciant: In hac ipsorū ob-  
 stinata ferocia se rogaturum esse Deum, ut aut concordie uiam osten-  
 dat, aut utriusque partis consilia retundat & conatus: quanquam tot  
 nunc editis prodigijs, ualde se formidare, & in magna uersari sollicitu-  
 dine, ne iam ira Dei mitigari possit atq; depelli, non magis, quàm tūc,  
 quando per Ieremiam denunciauit, offensionē et iram ne sanctissimo-  
 rum quidem uirorum precibus condonare se uelle, quò minus popu-  
 lum Iudaciū affligeret: nihil ergo magis optare se, quàm ut resipiscant  
 & Deum uereantur, quò saltē calamitas iam impendens differri pos-  
 sit atq; mitigari. Dum hac ratione tumultū sedare studet: illi per Fran-  
 coniam alijq; in locis subito progressi, nō pontificijs modo sed nobili-  
 tati quoq; bellum faciunt, & longè lateq; grassantur, ut diximus. Ibi  
 tūc Lutherus, alio euulgato scripto, hortatur & instigat omneis, ut  
 uelut ad commune reslinguendū incendium, sic ad istos confsceleratos  
 & nefarios latrones ac parricidas trucidandos accurrant, qui et fidem  
 magistratui datā turpissimè uiolarint, & alienas possessiones per uina  
 occupent, & hanc tam horrendam impietatem atq; nequitiam, Chri-

stiani nominis tegumēto circumuestiant. quo quidem nihil indignius, nihil turpius excogitari possit. Illa etiam, quibus utuntur, argumēta, paucis refellit, ut suprà copiosè docuimus. Deinde magistratui demōstrat, quàm nihil dubitare debeant aut uereri, quò minus hanc seditio sam colluuiem inuadant & opprimant: hoc enim ad ipsorum propriè officium pertinere: nec enim ipsis modò, sed et cuius priuato licere, hominem seditiosum quocunq; tandem modo interficere, propterea, quòd seditione nullū existere possit in republica malum perniciosius: Et quò plures etiam isti pertrahant ac secum rapiant inuitos in suam societatem aut furorē potius, eò plus inesse sceleris, & tantò uehementiori opus esse animaduersione: professos initio, quasi & disceptationem causæ ferre possent, & admonitionem quoq; si meliora quis adferret: itaq; se non ausum fuisse tum illos condemnare, quandiu intra hos fines ac ueluti cancellos cōsisterent, nunc autem, quando simulasse ipsos omnia res ipsa doceat, sibi quoq; uertendum fuisse stylū. Idcòque clasicū canit, & monet, ut in eos non secus ac in efferatas beluas, impetus promiscuè fiat ab omnibus. Hunc eius libellum, ut nimis acrem & cruentum multi passim uituperabant: ipse uerò prolixè respondet, sententiāq; suam tuctur, & ne in illos quidem utendum esse misericordia demonstrat, qui à reliqua multitudine coacti, seditiosè quid perpetrarint: illis uerò solis ignoscendum, quod & antea semper dixerit, qui admoniti deditionē fecerint. Diximus antea, quomodo Cæsar conuentum Imperij, futurū Spire mense Nouembri superioris anni, missis ab Hispania literis inhibuit: cum autē turbulentus admodum esset Germaniæ status, et à Turca etiam graue periculum impenderet, datis iterum Toletō literis, ad xxiiij. diem Maij, cur superiorem conuentum agi noluerit, repetit: neq; tamen hoc sic accipiendum esse dicit, quasi de reliquis Imperij negocijs interim nulla deliberatio fieri debeat: agnoscere enim suum esse munus, ut & religionem Christianam, & pios ritus atq; consuetudines à maioribus acceptas defendat, doctrinam uerò perniciosam & religionis innouationem prohibeat: itaq; sui esse propositi, ut de consensu pontificis maximi conciliū publicum habeatur: sed quoniam id forsā aliquantò tardius futurum sit, atque interim tamen multa per Germaniam fieri contra decretum Vuormaciense, motus etiam atq; seditiones oriri quasdam audiat con-

Cæsar  
ex Hispanijs  
ad Principes  
Germaniæ  
literas.

tra mas



tra magistratum: deinde, quoniam & inter ipsos principes ac ordines magnæ sint multæq; controuersie, tum etiam, quia Christiani nominis hostis perpetuus, Turca, nostris iam finibus impendat: in iudicio quoq; publico & senatu Imperij multa emendationem desiderent: his de causis conuentum indicere se totius Imperij, ut ad calendæ Octobris Augustæ sint omnes, deq; republica tractent, imprimis autem de perpetuandis in Turcâ auxilijs: quod si coram ipse non possit interesse, daturū alijs negocium, qui suum locum expleant. Hæ literæ serius redditæ fuerunt in Germania, nempe ad xij. Augusti diē: quapropter de Ferdinandi principis, quem Cæsar sibi legauerat, & aliorū uoluntate, productus fuit hic dies ad Martiniana, seu Nouembris diē xi. ut longinquiores etiam ad iter sese cōparare possent. Is, de quo supra dictū est, Carolo stadium, à Luthero dissentiens, Vuitēberga relicta, clandestinis illis doctoribus, qui uisiones & colloquia cū Deo simulabant, ut antè diximus, multū erat familiaris. hac potissimū de causa, Saxonie princeps finibus illi suis interdixerat: ipse uerò libellis editis, Lutherum & collegas insectabatur, ut nouos Romani pontificis adulatores, quasi de Missa, de delictorū confessione, de statu & id genus alijs rebus malè docerent: illa etiam Christi uerba, Hoc est corpus meum, sic interpretabatur, hic sedet corpus meum. nec à principe quidem abstinens, fortunam & exilium suum odiosius exagitabat, cuiusque rei culpam in Lutherum conferebat. Ad ea Lutherus prolixè respondet, & dogmata sua defendit, & iustam subesse causam dicit, quam obrem princeps eum intra suos fines non patiat. Postea uerò, quàm illa seditio popularis oppressa fuit, & profligati rusticanorum exercitus, cū passim ad supplicia multi raperentur, Carolo stadium, in magnis positus angustijs, libellum efficit, quo se diligenter ac sollicitè purgat, & ab ijs, qui ipsum inter seditionis authores ponant, iniuriarum sibi fieri demonstrat, & scriptis literis ualde orat Lutherum, ut & hunc libellum edat, & suam innocentiam tueatur, ne indicta causa, uitæ ac bonorum discrimen sibi sit adeundum immerenti. Lutherus edita epistola, tametsi prauiter à se dissentiat ille, tamen, quod in his difficultatibus ad se confugiat potius quàm ad alios, qui ipsum in se concitarint, nolle se spem illius atque fiduciam fallere dicit, præsertim cū hoc etiam propriè sit hominis Christiani. rogat igitur

Carolo stadium  
dissentie  
à Luthero.

1525 magistratū, & in uniuersum omneis, quandoquidem et crimen intentatum à se remoueat, & notionem non recuset, & legitimo iudicio parere uelit, ut hoc ipsi concedatur: hoc enim esse plenū aequitatis et officij. Post hæc, Carolo stadium alterum mittit Luthero libellū, quo proficitur, ea, quæ de cœna domini scripserit, non definiendi, sed disputandi & ueritatis eruendæ causa scripsisse. Lutherus excusationem accipit: monet tamen homines, quoniam ipsemet dubitare se testetur, nec certum quid definiat, ut ab eius opinione sibi caueant, aut, si fortè ipsi dubitent, eouſq; differant, donec quid certò sequantur, appareat: nam in ijs quæ nobis credenda sint, minimè hærendū aut uacillandū esse, uerū adeò certā cognitionem esse comparandam, ut potius quàm

Lutherus  
Vestalē  
du-  
cit in  
matrimo-  
nium.

Zuinglij  
doctrina  
de Cœ-  
na Domi-  
ni diuer-  
sa à Lu-  
thero.

Lutherus quandam è sacris, ut aiunt, uirginibus, in matrimonium duxit, qua quidem re magis in se cōcitauit aduersariorū criminationes. tunc enim planè ipsum furere, & Sathanæ factum esse mancipiū clamabant. In hoc ipso tempore, Vlrichus Zuinglius, ecclesiæ Tigurinæ minister, in rebus omnibus propè Luthero consentiens, de cœna domini & ipse diuersum ab eo docebat. nam illa Christi uerba, hoc est corpus meum, Lutherus intelligit simpliciter & nudè, nec aliam admittit interpretationem. & corpus atq; sanguinem Christi uerè esse in pane ac uino, & sic etiam ore percipi dicit: Zuinglius autè contendit esse tropum, et id genus alios complures ait in Biblijs reperiri, et ea quæ diximus uerba sic exponit. Hoc significat corpus meum. ei subscripsit Ioannes Oecolampadius, ecclesiæ Basiliensis minister, & sic interpretatur. hoc est corporis mei signum. utrinq; res magna cōtentione fuit multisq; scriptis agitata: Lutheri sententiam probarunt Saxones, Heluetij uerò, Zuinglij: secuti sunt alij, qui secus explicarunt, sed una est horum omnium opinio, corpus & sanguinem Christi, spiritualiter non corporaliter, nec ore sed corde sumi. per triennium, et amplius eo durauit hoc dissidium, studijs hominū huc illuc inclinātibus: Marpurgidemum in colloctionem uentum est, authore potissimum Lantgrauiō ut suo loco dicetur. Erat per id tempus Augustæ Vindelicorum indictus à Ferdinando conuentus, ut paulò supra docuimus: quia uerò perpauci eò uenirent, ob eam, de qua dictum est, seditionem popularem, dilata res fuit in annum sequentem, ad calendas usq; Maij, quod

Comitia  
Augustæ.



ad tempus, ipsum quoq; Cæsarem ex Hispanijs adfuturum esse, spem faciebat Ferdinandus. ei conuentui designatur Spira. decretum fuit tamen inter alia, magistratui prouidendū interea esse diligenter, ut concionatores uerbum Dei populo proponant & explicent iuxta sententiam doctorū, quos ecclesia Christiana recepit, utq; doceant non seditiose, uerū sic, ut nomen Dei celebretur & tranquillitas retineatur. Dum Gallie rex Franciscus in Hispania captiuus detinetur, eius mater Aloisia, summam rerū administrabat, & retinendi pontificis causa, cum alijs de rebus, tum, quo esset erga Romanam ecclesiam animo, quaq; obseruantia, literis & internuncijs illi significabat. Clemens ergo septimus, datis literis ad senatum Parisiensem: uulgo parlamētum uocant: ex illa se cognouisse dicit, quemadmodum & per Galliam serpere iam incipiant impiarum hæresum mala, & ipsi prudenter atq; prouidē quosdam delegerint, qui dent operam, ut in eos, qui fidem ac ueterem religionē oppugnare conantur, animaduersio fiat: hos ipsos ad eam rem delectos, autoritate sua se comprobare etiam: in hoc nimirum tanto tamq; graui tumultu, quem Sathanae malitia & satellitum illius furor ac impietas excitauit, omnibus elaborandum esse, ut salus omnium communis conseruetur, quandoquidem hæc rabies non religionem modò, sed omnem principatum, nobilitatem, leges ordinēq; confundere ac permiscere cogitet: se quidem nulli parcere nec lauari neque curæ, ut medicinam huic malo faciat: ipsos etiam, quorum uirtus atq; prudentia sit ubiq; memorabilis, debere in hoc esse totos, ut non solum ueritas & recta fides, uerum etiam istius regni salus, & ipsorum ordinis dignitas, à domesticis periculis & calamitatibus custodiatur, quas hæc perniciosa & pestifera hæresis ubiq; disseminet: ipsos quidem hortatione non indigere, qui suæ sapientiæ documenta iam ostenderint, sed tamen pro suo, quod obtineat, munere, proq; ea, qua complectatur ipsos, beneuolētia, uoluisse hoc etiam addere: nam & placere sibi uehementer quæ adhuc egerint, et hortari, ut in posterum, simili animo atq; uirtute, pro gloria Dei & pro totius regni salute, contra impiam hanc hæreticorum pestem, diligenter excubent: hoc & Deo fore longè gratissimum, et apud homines etiam maximis laudibus celebratum iri: se quoq; suam ipsis operam omnē in eo communiaturum esse. Hæc literæ, xx. die Maij Roma scriptæ, senatui red-

Clemen-  
tis Pont.  
ad Sena-  
tum Pa-  
risiensem  
literæ.

1525  
Iacob.  
Fabrum  
infectan  
tur Pari  
sienſes  
theologi

Regis  
literæ  
pro Fa-  
bro.

Mutatio  
in Pruſ-  
ſia.

Origo  
milicium  
Teutoni-  
corum.

ditæ ſunt Lutetiæ, xvij. die Iunij. Per abſentiam quoq; regis captiui, Pariſienſes theologi, Iacobum Fabrum Stadulenſem, cuius & de phi-  
loſophia multi extant libri, & de ſacris etiam rebus, exagitabant, ita  
quidem, ut ille deſerta Gallia migraret aliò. Certior autem de eo rex  
factus, commendatione potiſſimum ſuæ ſororis, Margaritæ, quæ Fa-  
brum propter uirtutem amabat, dat literas ad ſenatum Pariſienſem.  
audire ſe, litem eſſe motam apud ipſos, Iacobo Fabro, & quibuſdam  
alijs eruditione præſtantibus uiris, theologorum impulſu, qui Fabrũ  
inprimis ualde oderint: nam & ante ſuam ex Gallijs profectionem, ab  
eius ordinis nonnullis, grauiter ad ſe delatum fuiſſe illum, ſed immeri-  
tò & calumnioſe: tunc etiam magnis quibuſdam et claris doctrina ui-  
ris negocium ſe dediſſe, qui de libris illius atq; ſcriptis, quorum nomi-  
ne fuiſſet accuſatus, cognoscerent: eos autem, rebus omnibus inueſtiga-  
tis atq; perpenſis, amplum & honorificum illi teſtimonium apud ſe  
dediſſe: quod cum ita ſit, & quoniam illius magna ſit apud Italos &  
Hiſpanos, opinio uirtutis atq; doctrinæ, quod quidem interea reſcui-  
rit, idcirco graue ſibi futurum, ſi qua creetur ei moleſtia uel pericu-  
lum innocenti. Cũq; ſeuerè & integrè, per ſuum regnum, ius admi-  
niſtrari, ſi unquam aliàs, nunc maximè uelit, deinde, quia uiris doctis  
omnem deinceps beneuolentiã præſtare cogitet, ideo mandare, ſi qua  
ſit poſt abitionem ſuam inſtituta lis in illos & actio, ut ad matrem  
ſuam, quæ ſit cum imperio, referant, quò per eam certior ipſe fiat, ut-  
que ſuam in eo mentem atq; ſententiã expectent, neq; longius pro-  
grediantur, & omnino ſuperſedeant, donec uel ipſe reuerterit, quod  
iam breui futurum ſperet, Dei beneficio, uel aliud in eo decretum ipſe  
matrue fecerit. Hæ literæ, datæ Madricij, oppido Hiſpaniæ, ad xij.  
Nouembris diem, ſenatui Lutetiæ redditæ ſunt eiufdem menſis die  
xxvij. Eſt hoc omnino uelut inſitum ſuperioris ætatis theologis, ut  
uiros doctos exagitant: huius autem rei cauſa eſt, quod inſcitiam ſuã  
uident eſſe deſpectam. Hoc anno mutatus fuit reipublicæ ſtatus per  
Pruſſiam, quæ eſt extrema Germaniæ prouincia, uerſus mare Bal-  
thi- cum. Repetemus autem rem paulò altius. Henrico VI, Friderici Bar-  
baroſſe filio, Cæſare, cum pro recuperanda Hieroſolyma Chriſtiani  
bellum gererent, inſtitutus eſt ordo militum, ut uocant, Marianorum  
Teutonicorum. qui quoniam pro religione pugnabant, crucẽ albam  
in ueſti-



in uestibus ferebant, uelut insigne quoddam atq; notam suæ professionis. fuit hoc ad annum salutis M. C. nonagesimū. Eius ordinis primus magister, fuit electus, uti memoriæ proditum est, in castris ad urbem Ptolemaida. Prusiam deinde sibi subegerunt illi, Friderico secundo, Cesare: & quum auctis uiribus bella gessissent aliquādiu cum Poloniæ regibus, prælio uicti, fidem per iusiurandum dederunt Casimiro Poloniæ regi, patri Sigismundi. A primo magistro usq; ad Albertum Marchionem Brandeburgicum intercesserunt triginta tres. Albertus autem electus fuit anno salutis M. D. XI. per biennium graue bellum gessit cum Poloniæ rege Sigismundo, et anno salutis M. D. XXI. pactæ fuerunt in annos quatuor induciæ. Interea subinde sollicitat Cæsarem Albertus & ordines Imperij, de auxilijs, & ad comitia Noribergæ, de quibus antè diximus, ipse uenit, & ut Imperij princeps, locum suum habuit in confesso. nam belli causa erat, quòd in Poloni uerbis iurare nollet. Cum autem & Cæsar esset bello Gallico impeditus, & Turca in Vngariam impetum faceret, & seditione rusticorum distineretur Germania, sic, ut auxilium inde nullum expectari posset, et iam exirent induciæ, pacem cum Polono facit, eiq; fidem dat, ut præcipuo suo magistratui, & euangelij doctrinam suscipit, et mutato ordine, Prusiam sibi uendicat, & qui fuit antè magister, iam de uoluntate regis, Dux Prusiæ salutatur, & aliquantò post, in matrimonium ducit Friderici Daniæ regis filiam Dorotheam, & academiam Conisbergi, montem regium uocant, instituit. Eo facto uniuersum ordinem in se concitauit. nam etsi Prusiam tenebat, ac Poloniæ regis præsidio nitebatur, tamè de communi consensu Vualtherus Cronbergus ei successus est, qui priscum nomen atq; statum repræsentaret. Is deinde in omnibus comitijs grauitè eum accusabat, ut suo loco dicitur. Ille autem, edito scripto, sui facti rationem explicat, & quemadmodum extrema necessitate coactus, quum ab Imperio destitueretur, in Poloni clientelam sese dederit, ostendit. Extant Leonis decimi pontificis epistole ad Sigismundum & Albertum, quibus ad concordiam eos, utq; legato suo, quem sit missurus, uel concilio Lateranensi causam permittant, hortatur: nam in primis conuenire, ut regum disceptationes à concilio iudicentur.

COMMENT.  
LIBER VI.

1525  
Luthe.  
scribit  
ad An-  
glie re-  
gem.



**D**E scriptis aduersarijs anglie regis & Lutheri, supra diximus: Cum autem interea quædam audisset Luthe-  
rus, quæ ad regis laudem atq; commendationem per-  
tinerent, exhilaratus ea famâ, demissè admodum illi  
scribit. Non se dubitare, quin grauitè ipsum offenderit, edito libello:  
sed id factum esse non tam sua sponte, quàm aliorum impulsu: Quòd  
uerò nunc ausit his literis interpellare, summa ipsius humanitate fie-  
ri, quæ ualdè prædicetur à multis: deinde, quòd libelli contra se scri-  
pti, non ipsum esse: authorem, & à sophistis hoc insidiosè fuisse capta-  
tum intelligat. Hic autem per occasionem de cardinali Eboracensi lo-  
cutus, Angliæ pestem nominat: audire etiam se, magna sanè cum uo-  
luptate, ipsum & fustidire genus illud perditorum hominum, & ad  
ueri cognitionem animum adijcere: quapropter orat, ut sibi factum  
illud condonet, utq; meminisse uelit, cum sit mortalis, non oportere  
inimicitias esse immortales: quòd si iubeat, uelle se peccatum hoc su-  
um profiteri palàm, & ipsius uirtutem alio celebrare scripto. post,  
hortatur, ut calumniatorum uoces defugiat, qui se uocent hæreticum:  
nam doctrinæ suæ caput hoc esse, quemadmodum fide per Christum  
nos oporteat fieri saluos, qui nostrorum scelerum pœnam, collo, cer-  
uicibus & corpore suo toto sustinuit, qui pro nobis mortuus ac resu-  
scitatus, cum patre in sempiternum regnat: hanc esse prophetarum &  
apostolorum omnium doctrinam: eo posito fundamento, docere se,  
quæ sint charitatis officia, quid inuicem nos oporteat alterum alteri  
præstare, quomodo sit obediendum magistratui, & euangelij profes-  
sioni omnis accommodanda uita: si quid in ea doctrina sit impietatis  
& erroris, cur eum non demonstrent aduersarij? cur se nec auditum  
neque conuictum damnent atque proscribant? quòd pontificatum  
Romanum & ipsius omnem clientelam reprehendat, eò facere, quòd  
illi diuersum à Christo & ab apostolis doceant, quæstus & emolu-  
menti causa, quò uidelicet reliquis omnibus imperent, & in summis  
delitijs belluentur: hunc enim ad scopum, cogitationes illorum o-  
mnibus atque facta dirigi: hoc etiam uulgo sic esse notum atque testa-  
tum, ut nec ipsi quidem negare possint: quòd si mores emendarent,  
nec alieno cum dispendio & iniuria uitam hanc ducerent ignauâ atq;  
tur-



turpem, facile posse disidium sedari: Germaniæ principibus ac ciui- 1 5 2 5  
 tatibus non paucis dogmata sua probari, qui beneficium hoc Dei re-  
 uerenter agnoscant: cupere se plurimum, ut & ipse in eo numero cen-  
 seatur, quod uerò Caesar & quidam alij contra se moliantur, non esse  
 nouum: Dauidem multis antè seculis prænuñciasse, futurum, ut reges  
 atq; populi contra dominum & Christum uaria meditentur, et impe-  
 rium eius proijciant: sibi quidem ad eiusmodi scripturæ loca respicien-  
 ti, mirum etiam uideri, ullum esse principem, qui faueat euangelij do-  
 ctrinæ. Postremo loco, responderi sibi benignè petit. Non multò post,  
 ad Georgium quoq; Saxonie ducem scribit, & cõsueuisse Deum, ait,  
 initiò quidem seuerè & acriter homines castigare, post uerò leniter  
 & amanter complecti: terrorè tunc atq; metum intulisse Iudæis, cùm  
 legem ipsis per Mosen ferret, postea uerò per euangelij prædicationē  
 summum denunciassè gaudium: se quoq; similem rationem secutum,  
 asperius aliquantò tractasse nonnullos, & ipsum quoq; sed interim  
 tamen alia quædam scripsisse, plena consolationis atque fructus: ex  
 quo facile sit uidere, nulla se maleuolentia, sed solostudio ueritatis la-  
 bore hunc omnem sumere, ut pro sit omnibus: audire autem se, nihil  
 ipsum de offensione contra se & iracundia remittere, sed exacerbari  
 magis atq; magis: hanc nimirū esse causam, cur nūc ad ipsum scribat:  
 orare uehementer, ut suam doctrinā oppugnare desistat, non quidem  
 sui causa, cui propter uitam nihil auferri possit, sed ipsius potissimum  
 gratia, cuius in eo uertatur salus: cū enim certò sciat, doctrinā suam  
 consentire prophetarum & apostolorum scriptis, ideo se magnopere  
 de ipso, qui tam acerbè illam oderit & persequatur, sollicitū esse: mo-  
 net etiam, ne ad suæ personæ tenuitatem respiciat: nō enim suum hoc  
 esse negocium, sed omnipotentis Dei: licet omnes fremant & indi-  
 gnentur, permansuram tamen eam esse doctrinam in sempiternum:  
 eoque magis dolere sibi, quod ipsum ita tumultuari uideat & impin-  
 gere: stationem hanc non se posse deferere, & quoniam ipsi alioqui  
 gratificari cupiat, orare, ut sibi ignoscat, quòd durius quædā in ipsum  
 dixerit: se uicissim precaturum esse Deum, ut ipsi culpam omnem  
 contempti & afflicti euangelij condonet: neque dubitare, quin sit  
 exoraturus, modò ipse desistat ab incepto, neque lumen illud orbi  
 terrarum accensum beneficio Dei, conetur extinguere: nam si per=

Luthe-  
 rus scri-  
 bit ad  
 Georgiū  
 Saxonie  
 principē

1526 gat ita scire, imploraturū se gratiam & auxiliū Dei contra ipsum,  
 atque ita fore, ut serō tandem intelligat, quid sit, uelle maiestatem di-  
 uinam oppugnare: fidem enim habere se firmā & indubitātam pro-  
 missionibus diuinis, atque ita sentire, suam orationem esse potentio-  
 rem omnibus artibus & insidijs diaboli: ad eam quoque se perpetuo  
 confugere, tanquam ad munitissimum propugnaculum & arcem. An-  
 gliæ rex, accepta Lutheri epistola quam suprà recitauimus, acerbè  
 respondet, inconstantiam et leuitatem illi obijciens: libellum quoque  
 suum defendit, & multis uiris bonis atque doctis pergratum esse di-  
 cit: quod Cardinali Eboracensi, reuerendo patri conuicium fecerit,  
 non in eo se mirari, qui nec à diuorum nec ab hominū abstineat con-  
 tumelia: sibi totiq; regno perquam esse utilem ac salutarem cardina-  
 lis operam: & cum antehac illum ualde semper dilexerit, nunc de-  
 mium esse multò maiori beneuolentia complexurum, postquam ipse  
 eū criminetur: nam illū inter alia hoc etiam utiliter & magna cū fide  
 atque diligentia præstare, ne quid ipsius lepræ, contagionis & hære-  
 sis in suo regno disseminetur & adhærescat: post, exprobrat, quòd  
 incestum matrimonium cōtraxerit, quo uix ullū designari possit tur-  
 pius flagitium. Cardinalis Eboracensis erat Thomas Vulseus, obscu-  
 ro loco natus, uerū summæ apud regem dignitatis. Georgius quo-  
 que princeps Lutheri sic respondet, ut, quanto ipsius flagraret odio,  
 facile posset animaduerti. Cum in Hispaniam ex Gallijs missi de pa-  
 ce legati, in quibus etiam erat regis captiui germana soror, Margari-  
 ta, uidua, nihil efficerent, Aloisia mater, quæ rei summam obtinebat,  
 muniendi sui causa, Britannia regem Henricum in suum fœdus & a-  
 micitiā adduxit. fuit hoc sub Augusti mensis exitum. fœderis hoc  
 primum est caput, ut & Turcarum impetus & pestifera secta Luthe-  
 rana profligetur, à qua non minus periculi sit, quàm à Turcis. Hoc fœ-  
 dus, Angliæ cardinalis, qui solus omnia tunc poterat, regi persuasisse  
 putatur. nam Cæsari minus bene uolebat, quod per eum stetisse crede-  
 ret, quò minus ipse, post mortem Adriani, crearetur pontifex, ut qui-  
 dem Cæsariani suis in libellis recitant. Lutherus, ubi regis Angliæ re-  
 sponsum, typis euulgatū legit, & incōstantiam sibi uidit obijci, quasi  
 de doctrina sententiam mutasset: quia non ad suam priuatam, sed ad  
 euangelij professionis iniuriā hoc pertinere indicabat, plurimum si-

Anglus  
 acerbè  
 respondet  
 Lutheri

Lutheri  
 querimo-  
 nia de  
 Angliæ  
 rege &  
 alijs.



Si dolere ait, quod amicis gratificatus, adeo scripserit ad illū demissē: 1 3 2 3  
 Christiernum Daniæ regem & coram & per literas non desisse ro-  
 gare & admonere, ut amanter scriberet, & illius prædicata humani-  
 tate spem fecisse, fore, ut leniter tractatus, purā doctrinam reciperet:  
 nunc autem intelligere se, quantum errauerit: idē sibi accidisse in car-  
 dinali Caietano, in Georgio Saxonie duce, in Erasmo Roterodamo,  
 quibus omnibus amanter, aliorū hortatu, scripserit, nec aliud sit con-  
 secutus tamen, quā quod ferociores ipsos effecerit. stultē factū ab se,  
 qui pietatē in aulis principum inuenire se posse putet, qui Christum  
 querat, ubi principatum sathanas obtineat, qui Ioannem Baptistam  
 inter purpuratos inuestiget: cū igitur placido & amico scribendi ge-  
 nere nihil proficiat, aliam se rationē initurū esse deinceps. Gallie rex,  
 quod pacis tractatio non successerat, acriori cogitatione ac sollicitu-  
 dine perturbatus, in aduersam incidit ualitudinem: sed recreatus col-  
 loquio Cæsaris, qui benē ipsum sperare iuberet, melius tandem cœpit  
 habere. Cæsar etiam apud se reputans, quā esset amissurus magnam  
 prædam, si quid illi contigisset humani, ad pacē indies magis atq; ma-  
 gis animū adiecit. Itaq; xliij. demū Ianuarij die, de rebus omnibus, 1 5 2 6  
 Madricij transactum fuit, in eoq; scripto, quod pacificationis formu-  
 lam continet, hoc inter alia cōmemoratur, Cæsarem atque regem eō  
 potissimū spectare, ut & Christianæ religionis hostes, & sectæ Lu-  
 theranæ extirpentur hereses: item, ut pace inter ipsos facta, republi-  
 cam constituent, & in Turcas bellum suscipiant, & hæreticos, ab Ec-  
 clesie communione alienos: nam & hoc esse cumprimis necessarium,  
 & pontificē maximū sæpe monuisse, multumq; sollicitasse: ut in hanc  
 curā incumberēt: eius igitur desiderio ut satisfaciant, decreuisse ipsum  
 orare, ut ad certum diem, loco idoneo, regū omnium atq; principum  
 legatos cōuenire iubeat, qui plenam habeant agendi potestatem, quæ  
 uidebuntur esse commoda tum suscipiendo bello Turcico, tum profligandis  
 hæreticis, hostibus Ecclesie: deinde, ut ijs principibus, qui ne-  
 gocium agent tam pium tamq; sanctum, in sua cuique prouincia, ra-  
 tionem permittat colligendæ pecuniæ, consuetam in hisce rebus &  
 usitatam: concedat etiam, ut stipendium in eam rem ecclesiasticis im-  
 peretur. Hac in pacificatione soror Germana Cæsaris Eleonora, quæ  
 Lusitanie regi Emanueli nupta fuerat antea, despoñdetur Gallie regi.

Cæsar

526 *Cæsar in dotem ei promittit, aureorum millia ducenta, & quædam in Heduis loca, de quibus inter ipsum atq; regem erat controuersia. Rex autem, ubi domum redierit, intra tempus bimestre, Burgundiæ principatum, quem Gallia reges inde à Caroli Burgundionis morte tenebant per annos iam ferè quinquaginta, Cæsari promittit reddere: deinde, Neapoli, Mediolano, Genuæ, Astæ, Flandriæ rennnciat: Henrico regi Nauarræ, Carolo duci Geldriæ, Vlricho Vuirtembergico duci, Roberto Comiti Marchiano nullam feret opẽ: per Italiam nulla tractabit occulta consilia: cùm in Italiam Cæsar ire uolet, classẽ ei subsidio mittet triremium sexdecim, omnibus rebus, præterquam milite, instructam & ornatam, ac simul aureorum millia ducenta, ut armetur: quam Britannia regi Cæsar debet ex pacto pecuniam annuã, eam rex Anglo soluet: Borbonia ducem Carolum atq; socios in integrum restituet, suisq; bonis uti frui permittet, sic ut illis, ubicunq; uelint, habitare liceat: quam de prouincia Massiliensi Borbonius habet actionem, eius nomine rex iuri sese quouis tempore sistet. His conditionibus, cùm fidem Cæsari dedisset, liberatus, domũ redit, & Hispania finibus egrediens, filios duos, Franciscum & Henricũ, ualde paruulos, obsides ibi relinquit, uti conuenerant, & nisi pacta seruet, capitinuũ sese denuò sistere pollicetur. Posthæc, Germaniæ principes admodum frequentes conueniunt Spiræ, ut constitutum erat, sicut libro superiori diximus. In his etiã fuit elector Saxonie Ioannes, & Lantgrauius Hesiæ, Philippus. Cæsaris erant legati, Ferdinandus frater, episcopus Tridentinus Bernardus, Casimirus Brandeburgicus, Philippus Badensis, Gulielmus Bauarus, Ericus Brunswicensis. Hi xxv. Iunij die facto initio, cum indicti conuentus à Cæsare causam exposuissent, hoc etiã addebant, Cæsarẽ in primis uelle atq; mandare, ut ordines cõmuni consilio decernant, quomodo religio Christiana & Ecclesiæ uetus atq; per manus deducta cõsuetudo ualeat apud omneis et integra permaneat: deinde, quomodo sint mulctandi qui contra faciunt & cohercendi, si fortè uim atq; potentiam opponant, quomodo sint etiam cõmunicanda inuicem auxilia, ut & Cæsaris edictũ Vuor-maciense, promulgatũ ante annum quintũ, & huius etiam conuentus decretũ seruetur ab omnibus, et in executionẽ ueniat. Cùm iam ex omni principũ & ordinum numero certi quidam essent delecti, qui de his*

Spiræ  
conuen-  
tus.



his rebus omnibus agerent, et in his etiam Lantgravius, Iacobus Sturmius Argentinenſis, & Creſſus Noribergicus: legati Cæſaris, Auguſti die tertio rurfus conuocant omneis ordines, ac intelligere ſeſe dicunt, ab ipſis aliquem numerum eſſe delectum eorum, qui de rebus propoſitis inter ſe conſerant: hos autem, ſua quidem ſententia, de religione fortè primùm eſſe deliberaturos: uerùm, ut in eo Cæſaris uolūtati moſ geratur, ut ne quid ab illis tractetur, de quo ſtatuendi facultatem ipſi nullam habeant, deinde, ne temporis iactura fiat atq; diſpendium, & reliquis deliberationibus impedimentū inferatur, idcirco, quid à Cæſare habeant in mandatis, hac quidem in re, uelle ipſis communicare. Poſtea literas Cæſaris, datas Hiſpali, xxiiij. die Martij recitant: earum literarum hæc erat ſumma. Se cogitare in Italiam atq; Romam, inaugurationis cauſa, tum etiam, ut de concilio cum pontifice agat: ſed in terea tēporis uelle atq; mandare, ne quid ordines in hoc conuentu ſtatuant, quod ullo modo ſit contra ueterem Eccleſiæ morem, leges atq; ceremonias, utq; ſuis in ditionibus omnia conſtituant ſecundum edictū Vuormaciēſis formulam, quod ipſorum cōmuni conſilio factum ſit & euulgatum: hanc uerò moram leniter ferant, donec ipſe cum pontifice maximo egerit de concilio, quod omnino breui ſit futurum: nam illis priuatis actionibus non modò nihil proſici, ſed errores etiam atq; licentiam uulgi magis confirmari. Per hoc tempus, Turcarum Imperator, Belgrado proſectus, cū Danubium atq; Sauum tranſiſſet, Vngariam rectā petit. Itaq; Ludouicus rex, miſſa rurfus legatione Spiram, auxilia poſtulat. Ex Italia quoque certius tunc adſerebatur nunciū, Clementem pontificem ac Venetos, in ito ſœdere cum rege Gallicæ, qui nuper ex Hiſpanijs domum reuerſerat, oppugnare Cæſarem, ut infra dicitur. His, quas ſuprà dixi, literis Cæſaris recitatis, pleræq; ciuitates, præſertim, ſuperioris Germaniæ, quid ipſorum eſſet conſilij, ſcripto, ſicuti fieri ſolet, explicabāt. Cupere ſe modis omnibus obtemperare Cæſari atq; gratificari, ſed religionis cōtrouerſiam indies augeſcere, maxime uerò de ceremonijs & deprauationibus rituum: antehac edictum Vuormaciēſe non potuiſſe, turbarum atq; ſeditionis metu, ſeruari, nunc autē eius rei multò maiorem obijci difficultatem: hoc etiam, conuentu ſuperiori, diſertis uerbis, legato pontificio fuiſſe demonſtratū: ne Cæſarē quidē ipſum, ſi corā adreſſet, ac de rerū ſtatu

Turca in  
Vngariā  
irrupit

Ciuita-  
tum ali-  
quos ſen-  
tentia in  
comitijs  
Spirenſi-  
bus.

152 6 statu doceretur, esse iudicaturum aliter: de concilio quidem suis in li-  
 teris Caesarē polliceri, sed quo tempore literas illas dedit, rectē ipsi cū  
 pontifice conuenisse: nunc uerò longē aliam esse rationem, quando  
 pontifex, mutata uoluntate, suas copias in Caesarem eduxit: nimirum,  
 quomodo in hoc rerum statu concilium coire possit, nō apparere: con-  
 sultum ergō sibi uideri, ut missa legatione, uel per literas, de re tota,  
 deq; Germaniæ statu Caesar edoceatur, quanq; graue sit & periculo=  
 sum etiam, actioni religionis ullam interponere moram longiorem,  
 & edictum urgere Vuormaciense: rogandum igitur, ut maioris uitæ  
 di motus causa, permittat prouinciæ Germaniæ concilium cogi, quō  
 de rebus controuersis omnibus cognoscatur: hanc enim rationem, con-  
 uentu Noribergico, probatam, & aliud idcirco tunc ad hanc urbem  
 designatum fuisse comitium, & multos ordines eō suas deliberatio=  
 nes instituisse: cum autem interdicto post esset actio sublata, seditioni=  
 bus atq; turbis longē grauißimis ac bello ciuili, patefactam esse uiam,  
 quæ quidem omnia caueri potuissent, si legitimè res tunc administra=  
 ta fuisset: quod si Germaniæ concilium non probet, orandum, ut edi-  
 cti Vuormaciensis executionem ad concilium usque differat: nam a=  
 lioqui fore, ut & nuper curatum uulnus recrudescat, & aliud multo  
 nascatur deterius: in hac etiam discordia, & quandiu de suo quisque  
 statu sollicitus esse cogitur, perquam esse difficile & incommodū, ad  
 aliorum auxilia pecuniam ullam conferre. Præter hoc scriptum, Au-  
 gusti die quarta principibus exhibitum, aliud etiam obtulerunt. Eo  
 queruntur, homines egenos passim in ciuitatibus nimium grauari mo-  
 nachis, qui uulgò mendici uocantur, quod enim illis ad tolerandam  
 uitam præsidio esse dedebat, hoc ab istis captari & interuertit: nec id  
 modò, sed hæreditates etiam & amplissima legata sæpe ad ipsos de=  
 ferri, magno sanè cum detrimento plurimorum: Itaq; sui esse consi-  
 lij, ne liceat eis propagare sua sodalitia, neq; mortuis alij summittan-  
 tur, & ut uolentibus uitæ genus aliud suscipere, detur annuum quid:  
 reliqua uerò conferantur in ærarium pauperū: adhæc, non esse æquū,  
 ut onerum ac rerum omnium habeant immunitatem ecclesiastici: con-  
 cessum hoc quidem illis priuilegium olim liberalitate regū, sed tunc,  
 cum & numero essent pauci admodum, & re familiari non magnat:  
 nunc autē, cum et multitudine et opibus in immensum creuerint, lōgē  
 aliana



aliam esse rationem: etenim sublata priuilegij causa, beneficiū quoq; 1 5 2 6  
 collatum non amplius habere locum: nam illos æquē ac reliquos ci-  
 ues, imò, plus etiam, uti frui commoditatibus illis omnibus, quarum  
 causa conferri pecunia & tributum atq; uectigal pendi consuevit: de-  
 inde, ferias etiam nimium frequentes, damnum dare populo, quibus  
 astricti sint, magna proposita pœna: nam & operas non raro necessa-  
 rias prætermitti, & ijs ipsis serè diebus, cum ociū sectantur homines,  
 ac dies festos agunt, Deum non uno modo grauissimè offendi: legem  
 quoque de ciborum delectu, sibi uideri antiquandam, & ceremo-  
 nias cuique suas ad concilium usquē liberè relinquendas, & doctri-  
 næ euangelij cursum nullo modo coercendum esse. Post illud Cæsa-  
 ris, quod dixi, pronunciatum scriptum, episcopi nolebant in actione  
 religionis progredi, & in hoc Cæsaris atque pontificis, tam graui  
 dissidio, differendum sibi putabant, donec gerendæ rei cōmodior es-  
 set oblata facultas: cumq; super eo grauis admodum esset inter dele-  
 ctos, qui religionis erant diuersæ, nata simultas, abrupta protinus &  
 omni conturbata deliberatione, Saxo & Lantgrauius domum cogi-  
 tant, & suis, ut ad iter sese compararent, mandant. Eo cognito, Fer-  
 dinandus & Treuericus Richardus & alij, quod uiderent magni reus  
 esse periculi: si tempore tam exulcerato, & plerisque omnibus in hu-  
 ius conuentus expectationem erectis, non solum nullo facto decreto,  
 sed etiam magna cum animorum offensione discederetur: rationem  
 ineunt uulnus hoc sanandi: cum enim superioris anni seditionem, ex  
 religionis atq; doctrinæ dissidio, magna ex parte natam, & eodem ex  
 fonte manare, quicquid hodie sit turbarum, multi iudicarent, matu-  
 rè uidebant occurrendum esse. Demulsis ergo quorundam animis  
 atque placatis, ita demum fuit decretum, ad constituendam religionis  
 formam & retinendam tranquillitatem opus esse legitimo, uel Ger-  
 manicæ, uel publico totius orbis concilio, cuius intra annum fiat ini-  
 tium: & ne qua mora uel impedimentum interueniat, legationem  
 esse mittendam ad Cæsarem, oratum, ut miserum & tumultuosum  
 imperij statum respiciat, & quamprimum in Germaniam accedat &  
 conciliū procuret. Ad religionē & edictū Vuormaciense quod atti-  
 net, placuit, ut interea dum ex ijs cōcilijs alterū habeatur, ita sese ge-  
 rant omnes, in sua quisq; prouincia, quo sui facti probabilē rationem

Decretū  
 Spiræ fa-  
 ctum de  
 religione

1526 Deo simul & Cæsari quoq; reddant. Prius quàm fieret hoc decretum Saxoniæ princeps & Lantgravius, legatos Argentinenſes, Noriberger, Auguſtanos ad ſe uocant, & quoniam ipsis charam eſſe uideant euangelij doctrinam, & uerò, quid epiſcopi moliantur atq; pōtifiçij, non ſit obſcurū, deliberare ſeſe dicūt, num qua ſocietas atq; ſœdus ini-  
 ri poſſit, ut, ſi quem huius profeſſionis cauſa periclitari contingat, mu-  
 tua ſubminiſtrentur auxilia: deinde, quoniam de Francoſurdij ac Vl-  
 menſibus bonam quoq; ſpem habeant, non ſe recuſare dicunt, quò mi-  
 nus & ipſi appellentur. Ad hæc legati, nullum ſe quidem eius rei man-  
 datum habere, ſed diligenter ſuis eſſe renunciaturus aiunt. Erant cum  
 Saxone Georgius Spalatinus, Ioannes Iſlebius Agricola, theologi:  
 Lantgravius quoque ſuos adduxerat: interpellabant autem reliqui  
 principes, ne docerent, motus uitandi cauſa, uerū id fruſtrā fuit. Fer-  
 dinandus etiam, ante factum decretum, ciuitatum omnium legatis ad  
 ſe uocatis, cū de ſua ſuorumq; maiorū & Auſtriacæ domus in ipſos  
 beneuolentia quædam dixiſſet, hortabatur, ut Cæſari morem gere-  
 rent, neq; ſe conſilij & perſuaſionibus quorundam abduci pateren-  
 tur. Vngariæ quoq; regi decreta fuerunt auxilia: ſed quo tempore di-  
 miſſus eſt conuentus, quod erat ſub exitū Auguſti menſis, iam in Un-  
 gariam progreſſus Turcarum Imperator, Ludouicum regem prælio  
 ſuperauerat, qui & in fuga periit. Erant hoc in comitio Spire, prin-  
 cipes electores omnes, præter Brandeburgicum. Hac æſtate Cæſar in  
 matrimonium ducit Iſabellam, Luſitaniæ regis Emanuclis filiam: ſo-  
 rorem Ioannis, qui patri ſucceſſerat. Quo tempore conuentus erat  
 ordinum Spire, duodecim Heluetiorum pagi, diſputationē inſtitue-  
 rant Badene. uenerunt eò primi nominis theologi pontifiçij, Faber,  
 Eccius, Murnerus: legatos uerò mittebant Conſtantiens, Baſilienſis,  
 Curienſis, Lauſanus, epiſcopi, quorum illi ſunt in ditione eccleſiaſti-  
 ca. promulgata fuerunt ibi themata, quæ confidenter admodū deſen-  
 debat Eccius, Verum Chriſti corpus atq; ſanguinem adēſſe in cœna  
 domini, pro uiuis etiam atq; mortuis uerè offerri: uirginē Mariam re-  
 liquosq; diuos pro interceſſoribus eſſe inuocandos: diuorum imagi-  
 nes non eſſe tollendas poſt hanc uitā ignem eſſe purgatoriū. Oecolam-  
 padius et alij quidā hæc impugnabāt: Zuinglius aberat, & cur eò nō  
 ueniret, datis ad Heluetios literis, explicabat, & Eccij dogmata ſcri-  
 pto,

Ludouic-  
 ci Vnga-  
 riæ regis  
 mors.

Cæſar  
 duxit ux-  
 orem.

Diſputa-  
 tio Bada-  
 na.



pto confutabat Ioannes Faber, quem Constantiensis episcopus habebat in honore, cū ualde Zuinglium odisset, impulit Heluetios ad hoc certamen, uti fertur, & primò quidem septem pagis persuadet: reliqui post etiam assentiuntur, præterquam Tigurini, quos deinde literis & internuncijs reliqui hortantur, ut ad constitutum diem & suos eò legatos, et Zuinglium inprimis, qui sit ex præcipuis unus, mittant, eiq; publica fide cauent: ille uerò, nonnullis adductis rationibus, & inprimis, quòd Lucernatibus, Vranis, Suitsijs, Vnterualdijs & Tugianis uitam suam credere non posset: deinde, quòd à senatu prohiberetur illuc ire, locum disputationi designatum recusans, Tigurum uel Bernam uel Sangallum minimè repudiabat Actionis hic erat exitus, ut in ea, quam hucusque seruassent, religione permaneant omnes, & concilij sequantur auctoritatem, neque nouum ullum dogma suos intra fines admittant. fuit hoc sub finem Iunij. Constantiensis episcopus iam antea sacerdotem quendam, Ioannem Haglium, Mersburgi iusserat cremari, quòd pontificium dogma non per omnia probaret.

Ludouico Pannoniæ rege miserabiliter extincto, Ferdinandus regnum sibi deberi pacto, contendebat: sed aduersarium habuit Ioannem Sepusium, Vayuodam, Transsylvanum. Quo quidem ex dissidio, cum nobilitas omnis & ordines diuiderentur, bellum fuit exortum, Germanis ac finitimis populis funestum & exitiale. nam Turcarum Imperator suam in fidem atque tutelam postea recepit Vayuodam, & tradita Buda regem constituit, beneficiarium atque clientem. Gallia rex, duobus filiis, Francisco & Henrico datis obsidibus, domum ex Hispania reuersus, ut ante diximus, quas pactus erat pacis conditiones, iniquas esse dicebat, nec illis uoluit teneri. Missis igitur ultrocitròque legatis, pontifex & Veneti fœdus cum eo faciunt. Eius hæc erant capita. ut ad tutandam Italiæ quietem alatur exercitus, peditū millia triginta, grauis & leuis armaturæ circiter sex equitum millia: classis etiam comparetur triremium duodetriginta cum nauibus onerarijs: hoste per Insubriam & Italiam debellato, fiat impetus in regnum Neapolitanum, terra simul & mari: expugnatum maneat in ecclesiæ Romanæ potestate, sic tamen, ut Galliæ regi, qui ius in eo sibi uendicet, aureorum millia lxxv. annua soluantur: familiæ Mediceæ dignitas in republica Florentina conseruetur: Francisco

Dissidiū  
Ferdinā-  
di cum  
Vayuodā.  
da.

Fœdus  
Galli, Pō-  
tificis &  
Veneto-  
rum in  
Cesarum

1526 Sfortia, quem Caesariani circumfessum in arce Mediolani coëgerant ad deditionem, Gallie rex principatum Mediolanensem permittit, eique tam sua quam Heluetiorum auxilia, sed & uxorem in Gallijs regia stirpe natam pollicetur, ea lege tamen, ut ille aureorum millia quinquaginta quotannis ipsi dependat, & fratrem Maximilianum in Gallijs captiuum, alat. Paulo post, Clemens pontifex, datis literis ad Caesarem, sua in ipsum beneficia commemorat. quod oblatas à Gallie rege conditiones ualde luculentas, in ipsius gratiam repudiari, quod capto rege, centum aureorum millia, praefectis militum ipsius certa conditione dependerit, quod aduersariorum consilia non semel ei patefecerit, quod tunc, cum in arce Mediolani, Sfortia Franciscus ab ipsius ducibus obsideretur, & ad foedus magni quidam se inuitarent, non illis auscultarit: pro his autem omnibus pessimam sibi gratiam referri: nam ab ipsius milite permagnam tum sibi tum ecclesie Romanae contumeliam & calamitatem allatam esse: deinde, neque conditiones impleri, neque pecuniam eo nomine datam sibi restitui: quam etiam alieno sit erga se animo, uel inde satis apparere, quod quibus conditionibus cum Gallie rege transsegisset, occultum sibi esse uoluerit, quod suas pro Sfortia deprecationes & intercessionones obstinate reiiciat, quodque per Hispanias & Neapolim leges tulerit, ecclesie Romanae libertati, suaeque dignitati plane contrarias: misso etiam ad obsidionem Massilie Borbonio, nouum ab eo bellum per Italiam excitatum esse: his igitur de causis necessario se foedus iniisse cum nonnullis, qui & Italiae quietem & rempublicam amment: Quod si pacem ipse quoque cupiat & amplecti uelit, rectè: sin autem, non sibi defuturas esse uires & arma, quibus & Italiam et Romanam quoque rempublicam defendat. Compræhensus in hoc foedere fuit Angliae rex, et ut eius esset protector, magnis pollicitationibus inuitabatur. Ad hanc eius epistolam, Caesar, Septembris die xviij. Grata respondens, sua in ipsum merita recenset. intercessione uidelicet & auxilio suo factum ipsum esse pontificem: cum esset renunciatus Caesar, non se prius assensisse, quam Leo decimus ratam haberet electionem, ac simul ius regni Neapolitani sibi permetteret: ipsam uero post & Albertum Carporum principem, Leonis mandatu, uaria fuisse contra se molitos, & facto cum Gallis foedere, totus hoc incubuisse, ut sibi

Pont. ad  
Caesarem  
literæ ex  
postula-  
toria.

Nea-



Neapolim atq; Siciliam adimerent: facta deinde temporum commu-  
tatione, cum Galli Rhegium Lepidi, pontificiæ dignitatis oppidum,  
tentassent frustra, se, copijs adiutum Leonis, bellum fecisse regi Gal-  
liæ: quo quidem in bello, Leonis ipse fuerit legatus, & muneris loco  
pensionem annuam ab se tum acceperit ex archiepiscopatus Toletani  
prouentibus, aureorum millia decem: profligatis ex Italia Gallis, du-  
ctore Borbonio, nō se potuisse illi denegare, quò minus in Galliam ar-  
ma ferret, ut ea, quæ rex ei propter defectionem ademerat, recupera-  
ret: obsidione uerò soluta Massiliensi, Gallum, ipsius impulsu, ut qui-  
dem pleriq; confirmet, bellum in Insubria renouasse: regnum Nea-  
polititanum in ipsius quidem esse clientela, uerūtamen, si bellum, in-  
quit, ijs locis fecisses, hoc eò pertinebat, ut ius eius omne amitteres: e-  
tenim, quibus de causis beneficium collatum, cliens, ijsdem planè de  
causis, patronus etiam dominum amittit. Ante quàm rex caperetur,  
de pace quidem intercessum abs te fuit, sed hoc agebatur, ut sub specie  
sequestri et depositi, Mediolanensem agrum occupares, ideòq; Veneti  
et Florentini, copias auxiliares, quas debebant ex foedere, tuo nimirū  
impulsu meis ducibus subtraxerunt. Nam & Galliæ rex profitetur pa-  
lām, quod abs te sollicitatus, ante quàm ex Hispanijs domū rediret, no-  
uum foedus inierit, & indicio cognoui, te soluisse illum à iurisiurandi  
uinculo, quo mihi tenetur: deinde, bellum intulisti prius, quàm literæ,  
quibus illud denūcias, mihi essent redditæ, et eo spectasti, quemadmo-  
dū non solum Italia tota me depelleres, uerumetiam ab Imperij digni-  
tate deijceres: hæ enim Ferdinandi Dauali Piscarij literis docere pos-  
sum, quem in hoc foedus sollicitasti, promisso regno Neapolitano. Prin-  
cipatum Mediolanensem nō una de causa mihi possum uendicare, sed  
tamen Italiæ quietis causa, Sfortiæ possessionem eius permisi: cumq;  
grauiter ille decumberet ex morbo, Borbonium ei substituere uolui,  
quòd hoc tibi cæterisque per Italiam gratum esse uiderem. Cur autem  
in arce Mediolani circumfideretur Sfortia, causa fuit, quòd tecum ini-  
to foedere, læsa maiestatis crimen perpetrasset, quòd patefacta coniu-  
ratione, nec arcem Cremonæ, neq; Mediolani meis præfectis reddere,  
neque se purgare de criminibus, aut cognitioni sistere uellet. Tuum  
erat postulatum, ut prorsus ei condonarem omnia, sed id neque po-  
tui, neque certè debui, ne pessimo exemplo, beneficiarijs, in patronos

2526 delinquendi fenestram aperirem. Si milites mei commeatū et reliqua necessaria sumpserunt à Parmensibus et Placentinis, mirum id uideri non debet, quoniam urbes illæ sunt ditionis Mediolanensis, & minime omnium ad ecclesiam Romanam pertinent. De pace cum Gallie rege facta tuos oratores nihil cælaui: conditiones enim eiusmodi sunt, ut occultas esse nolim. nam & ad publicam pacem & ad coercendū Christiani nominis hostes pertinent. Leges nonnullæ per Hispaniam latæ, solum eò spectant, ne iura patronatus, quæ mihi pontifex Adrianus concessit, Romæ supprimantur. Sed uide, quanta sit rei indignitas. Meis è regnis atq; prouincijs plus emolumentum & annuæ pecuniæ Romam defertur, quàm ex reliquis omnibus populis. Id demonstrari potest ex illis Germaniæ principū postulatis, quando de curia Romana grauius conuesti remedium adhiberi uolebant: ego autem, pro mea in ecclesiam Romanam obseruantia, querimoniam illorum tunc posthabui. Quod cū ita sit, & quoniam offensionis causam tibi nullam dedi, uehemēter abs te peto, discedas ab armis: idem ego faciā: et cum à Deo simus ambo constituti, ueluti luminaria duo magna, demus operam, ut per nos illustretur orbis terrarum, neque per nostrum disidium oriatur eclipsis: cogitemus de uniuerſa republica, de proſtigandis barbaris, de Lutheranorum sectis & erroribus comprimendis: hoc nimirum ad gloriam Dei pertinet, et hinc est faciendum initium: post aliæ tractentur & audiantur controuersie: me quidem ad hæc omnia paratissimū habebis: quod si non impetrabo, & si bellator esse perges, ad concilium prouocare me testificor, ut in eo simultates desinantur, & primo quoque tempore illud conuocari postulo. Quod de luminaribus ait, in eo sequitur Innocentijs Tertij pontificis uerba, qui Deum ait condidisse duo luminaria magna, quorum unum diei præſſet, alterum nocti. post usus accommodatione, pontificiam & regiam dignitatē ait denotari per ista luminaria, sed illam, quæ res procurat diuinis multo esse digniorem altera, quæ politica solum tractat: & quantum sit discrimen inter solem atque lunam, tantundem esse inter munus pontificium atq; regium. Extat decretum hoc sub titulo, qui est de maioriſſima, sicut aiunt, et obedientia. Cum ad hunc modum Clementi Cæsar respondisset, cardinalium quoque senatui scribit Octobris die sexto. Magnum se dolorem animo percepisse, quan-



do Clementem audiuit Gallie regi confederatum esse, bellum in se re 1 3 2 6  
 dintegranti: literas illum ad se dedisse admodum hostiles: arbitrari au-  
 tem, se, factum hoc esse communi ipsorum uoluntate atque consilio:  
 quæ quidem res omnino sibi præter expectationem acciderit: nec e-  
 nim ullum esse regem, qui maiori studio, quam ipse, Romanam eccle-  
 siam complectatur: documento esse Parmam atq; Placentiam, quas ur-  
 bes, licet Imperij sint ditionis, & ab eo nuper auulsa, restituerit eccle-  
 siæ, cum tamen iure non teneretur: Germaniæ principes ac ordines  
 omneis grauitè apud se questos Vuormaciæ, de multis iniurijs aulæ  
 Romanæ, & satisfieri sibi tum postulasse, uerùm quod naturæ qua-  
 dam propensione singulari, & uitæ quoq; insituto, Romanam eccle-  
 siam amet, surdis auribus illorū se præterisse postulata: cūq; maio-  
 res ex eo turbæ postea nascerentur, ac multa per Germaniam tumultu-  
 ose fierent, ideoq; principes alium designassent conuentū, se, graui  
 denunciata pœna, mandasse, ne conuenirent, eò quod ecclesiæ Rom.  
 atq; pontifici dispendium allatura fuisset ea deliberatio: utq; tum illos  
 demulceret, spem fecisse futuri concilij: maximam igitur iniuriam sibi  
 à pontifice fieri, cuius in gratiam adeo multa fecerit, ut etiam impe-  
 rij procures hoc ipso non parū ab se alienauerit: his de rebus omnibus  
 diligenter ei se scripsisse, ac monuisse, ut concilium publicum indicat:  
 petere igitur, ut illum officij commones faciant, et ad pacē potius quàm  
 ab bellum hortentur: sin autem recusarit, uel diutius quàm æquū sit,  
 concilium extrahat, ut tum ipsi statim indicant: etenim, si uel propter  
 non conuocatum concilium, uel nimis longam interpositam moram,  
 respub. Christiana detrimēti quid accipiat, id sibi minimè tribui oport-  
 ere. Spiræ nuper decretum fuit, uti diximus, legationem esse mitten-  
 dam ad Cæsarem in Hispanias: cum autem non multo post, Vngariæ  
 cladis esset allatus nuncius, properandū esse principes uidebant: & ut  
 per compendium ad Cæsarem perueniri posset, à Gallie rege petunt,  
 uti per suos fines dei iter tutum legatis: annuit ille, ac certum tempus  
 definit, ut infra dicetur: simul per hanc occasionem ad illos scribit O-  
 ctobris die sexto. Propter occupatam nuper à Turca Pannoniam, &  
 Ludouicum regem extinctum, & propter Germaniæ periculum,  
 magnum se dolorem animo percepisse: non minus etiam sibi dolere,  
 quod ciuili bello respublica pereat: per se quidem non stare, quo mi-

Gallie  
 rex scri-  
 bit Gero-  
 manis.

1526 nus orbi Christiano recuperetur ocium: Cæsaris uerò culpam hanc esse, qui pacis conditiones honestas & plenas æquitatis reiiciat: et quoniam ille, neq; publicis calamitatibus, nec indignissima morte sui sororij Ludouici regis, neq; sororis germanæ, iam uiduæ miseranda sorte commoueatur, neq; cōsideret, quanto in discrimine uersetur Austria, rectè facturos ipsos et ex officio, siquidem illum ad pacis consilia fle= etant, et hortentur ut cum uicinis regibus amicitiam colat, & immensam istam cupiditatem refrenet: hoc enim ei multò futurū esse gloriosius, quàm si pergat aliorum euertere fortunas, & unus omnia possidere uelit: suos maiores, Galliæ reges, multa sæpe bella gessiisse cū hostibus nominis Christiani: nunc idē posse fieri cōiunctis uiribus modò Cæsar uelit: hoc ergo si perficiant apud illum & impetrent, collaturum se in bellum Turcicum, omne suum robur, imò se ipsum: sin minus, non esse, quod sibi uitio detur, si quidem armis conetur ea, quæ beneuolentia non possit, recuperare: nam illi sane potius querendam esse pacem, qui Turcico periculo sit, multò, quàm ipse, propinquior.

**Cæsar**  
**scribit**  
**ad principem.** De his literis ubi Cæsar cognouit, Nouembris die xxix. scribit ad principem, ac initio cōmemorat, quàm clementer et benignè Galliæ regem captiuum tractarit, quomodo liberum dimiserit, quomodo sororem suam natu maximam, & in successionis gradu secundam, in matrimonium ei dederit: cum autē ipse nuper pacatis rebus, ut quidē putabat, in Italiam iter adornaret, ut in Christianæ religionis perpetuos hostes impetum omnem conuerteret, illum, uiolata fide & inito fœdere cum Clemente pontifice, cumq; alijs nonnullis, et diuiso iam inter ipsos atque spe quadam præoccupato regno Neapolitano, longè maximū redintegrasse bellū: itaq; factum esse, quò minus à furore Turcico liberarit Vngariā, quòd sui regni fines defendere cogeretur: quòd autē ille præ se ferat, quasi Ludouici regis interitus & Vngariæ calamitas ipsi doleat, esse planè simulatū, & eò fieri, ut illis aliquo modo silentiū imponat, qui cōstanter affirmant, interceptis literis, hortatu illius Turcæ hoc suscepisse bellum: quo tempore captiuus fuit, & deinde, cum liber factus domum reuertisset, datis literis illum sibi confirmasse pactorum obseruationem: idem etiam sibi, cum discederet ex Hispanijs, coram promississe: uerū, quòd in mediterraneis Europæ locis regnum obtineat, ocioso prorsus animo conturbare reipublicæ statum, & in suis



suis triumphis etiam annumerare Turcuram in Pannonijs uictoriam: 1526  
 quò minus autem in Germaniam ipse ueniat, illius culpa fieri, uerùn-  
 tamē se daturū operam, ut primo quoquo tempore mittantur in Tur-  
 cas auxilia: postremo, non se dubitare, quin Gallorū artes habeant ex-  
 ploratas: nam hoc illis esse proprium et familiare, ut discordiarum se-  
 mina passim spargant, & aliorum similitates ad suum traducant emolumentum.  
 Præter superius illud scriptum, publicè quoq; prodijt in  
 regis defensionem apologia, causas explicans, quamobrem pacifica-  
 tionem Madriciam non seruet. Huic deinde scripto fuit opposita pro  
 Cesare ualde prolixa & copiosa responsio. Quoniam occupata Eu-  
 da cum bona Ungariæ parte, et miserabiliter afflictis ibi populis, ma-  
 ximum à Turca periculum imminabat, delecti principes aliquot, Es-  
 lingæ, ubi tum erat Imperij senatus, conueniunt. Re deliberata, pla-  
 cuit, omiſſa legatione nuper decreta, per literas orandū esse Cæsarem,  
 ut propter periculi magnitudinem atq; præsentiam, reditum suum in  
 Germaniam acceleret. His literis, ad xix. Decembris diem scriptis, cō-  
 memorant, quemadmodū legationem ad ipsum decreuerint: & quia  
 per Galliam iter faciundum erat, orasse regē, ut illis publicè caueret:  
 hoc quidem fecisse illum, sed in quatuor solum menses: iam autem u-  
 num ex ijs exiſſe, & prius quàm legati conueniant, non multum esse  
 futurum reliqui temporis: quapropter, ne periculum eis creetur, mu-  
 tato consilio, statuſſe legationem hanc in proximum Imperij conuen-  
 tum reijcere: fieri enim posse, ut interea uel occasio mittendi commo-  
 dior accidat, uel ipse de causis legationis aliunde cognoscat. His rebus  
 ita constitutis, comitiū indicant, Ratisbonæ, ad sequētis anni Calēdas  
 Aprileis, belli Turcici causa. Quanquam Cæsar ad eum modum, uti  
 diximus, pontifici scripsit & collegio cardinalium, nihil tamen ea re  
 profectum fuit, & confœderati, missis ad eum legatis, uti conuenerat,  
 petūt, ut discedat ab armis, quò publicæ pacis rationes iniri possint: ut  
 Franciscum Sfortiam, Mediolani principem restituat, ut accepta pecu-  
 niā, regis Gallie filiolos obsides dimittat, ut ab Angliæ rege mutuo  
 sumptam pecuniam persoluat. Ad ea Cæsar, Februarij die xij. Valole= 1527  
 ti respondet. Non se posse ab armis ad breue tempus aliquod discede-  
 re: nec recusare tamen, quò minus induciæ fiant in annos treis aut  
 amplius eo: simul omnes utrinque copie mittantur in communem

Indictio  
 comitij  
 Ratis.

1527 Christiani nominis hostem, & interea pacis actio tractetur: Sfortiam esse clientem Imperij, & accusari læsæ maiestatis: non ergo posse restitui, nisi cognitione prius habita: sistat sese iuri & respondeat accusationibus: ad eam rem daturum se iudices minimè suspectos: Ut regi filios reddat accepta pecunia: non se posse facere, ac esse contra fidem regis & iusiurandum: Quod Angliæ regi pecuniam debitam persolui petant, uideri sibi mirum, quando quidem eius rei mandatum ab ipso nullum habeant: Etenim, amicitiam sibi cum Anglo esse tantam, ut propter rem nummariam minimè dissolui possit: Cum igitur parum idonea sint postulata, petere, ut alia proferant: se quidem nihil obstinatè facturum, & reipublicæ multa condonaturum esse. Sic ergo discedentibus legatis, infecta re, bellum utrinque magnis uiribus instauratur. His ferè diebus, electoris Saxonie filius, Ioannes Fridericus, in matrimonium ducit Ioannis Ducis Cluensis filiam, Sibyllam. Desponsa fuerat ei soror Cæsaris, Catharina, natu minima, confectis atque signatis ea de re literis: cum autem religionis hæc incidisset in Saxonia mutatio, discessum fuit à pactis, & Cæsaris legatus Haunartus, qui tunc per Germaniam erat, dicebat apertè, non esse fidem seruandam hæreticis, Constantiensis, opinor, concilij uestigia secutus, ut quidem in scripta quodam Saxonie dux postea commemorat. Erat inter Cæsaris præfectos ac belli duces, Borboniorum princeps, Carolus, qui superioribus annis à Gallie rege defece-  
rat, uti diximus. Is cum aliquot copijs Neapolim profecturus, urbem Romanam, ex itinere, postridie quam eò uenisset, oppugnatione capit ac diripit, Maij die sexto. Clemens pontifex & cardinales ac reliqui proceres, cum in Adriani molem uix agrè profugissent, obsidionem aliquandiu tolerabant, undiq; circumuallati fossi: post septimum deinde mensem, mandatu Cæsaris liberati fuerunt. Quanta fuerit militum Germanorum ac Hispanorū atrocitas & insolentia Romæ, uerbis explicari uix potest. Nam præter horrendas lanienas, direptiones, libidines, deuastationes, contumeliæ ac ludibrij genus nullū in pontificem, cardinales, reliquamq; turbam, prætermissum fuit. Cæsar, factum hoc diligenter excusans, nullo suo mandato accidisse dicebat: in primis autem ad Angliæ regem, ea de re scribit: et quanquā istud certo credat iusto Dei iudicio contigisse, qui uim & iniuriam sibi factam sit

Ioannes  
Fride-  
elector  
uxorem  
ducit.

Roma  
expugna-  
tur.



sit ultus, tamen operam se daturum ait, ut hæc ipsa clades initium sit  
 et occasio salutis reipublicæ. Cum in Hispaniam esset allatus eius rei  
 nuncius, ilico cessare Cæsar iussit ludos atq; spectacula, quæ propter  
 recens natum ei filium Philippum edebantur. Ad literas illas Cæsaris  
 Anglus nihil respondit: et iam capto pontifice, cuius erat obseruan-  
 tissimus, et augescente potentia Cæsaris, animum adiecit ad bellum,  
 in Galliam misso legato, cardinali Eboracensi. Ad Ratisbonæ comi-  
 tium nulli uenerunt principes, et legatis tantum missis eo, nihil ac-  
 tum fuit, nisi quod scriptis ad Cæsarem literis, Maij die xvij. cur  
 nihil actum sit, demonstrant, et è rep. futurum, si bella ciuilia com-  
 ponantur, ostendunt, et ipsius præsentiam inprimis esse necessariam di-  
 cunt. In hoc tempore uigebat nouum doctrinæ genus eorum, qui di-  
 cuntur anabaptistæ. paruulorum hi damnant baptismū, et rebapti-  
 santur ipsi, et bonorū docent communionem. In hos et scripsit Lu-  
 therus, et Zuinglius et alij complures, et passim animaduertit ma-  
 gistratus. Iactant etiam uisiones atq; somnia, et Sangalli, quidem, op-  
 pidò Heluetiorū, quidā eius generis, fratri suo germano ceruices atq;  
 caput abscidit, præsentē patre atq; matre, quibus persuaferat, à Deo si-  
 bi esse iniunctū ut id faceret: uerū à magistratu cōprehensus eandē pœ-  
 nam et ipse luit. Quomodo deinde creuerint, et quantum excitarint  
 in Germania motum, infra docebimus. Hoc anno senatus Argentinē-  
 sis decreuit, ne qui deinceps in urbe sepeliantur, et aliquot extra ur-  
 bem loca mortuorum sepulture constituit. Gallie rex, ubi de capta  
 Roma cognouit, inito fœdere cum Angliæ rege, ualidū mittit in Ita-  
 liam exercitum, Lautrecho Aquitano duce, ut pontificē liberaret. Is  
 cum in Insubriā uenisset, adiutus à Venetis, Alexandriam, deinde Pa-  
 piam, partim cōpositione, partim ui capit, et furente milite propter  
 captum ibi regem, post ingentem oppidanorum stragem, diripit. Iulij  
 die uigesimo septimo, Borbonie dux Carolus, in oppugnatione Ro-  
 mæ nuper mortuus, Lutetiæ damnatur à senatu, læsæ maiestatis, de-  
 uouetur eius nomen atque memoria, reuelluntur insignia, publican-  
 tur bona. Sententiam tulit Antonius Pratenfis, Cancellarius. Erat o-  
 mninò Borbonius animo in regem infestissimo, et Masiliam obsessu-  
 rus, ut libro quarto diximus, quoniam id temporis Angliæ rex erat  
 partium Cæsaris, literas dabat ad cardinalem Eboracensem, ac inter

Anaba-  
 ptistarū  
 secta.

Decretū  
 senatus  
 Argenti-  
 nenfis.  
 Galliæ  
 rex bellicū  
 instaurat.

Borbo-  
 nius Lu-  
 tericiæ  
 damnatus.

527 alia, nulli se labori suo uel periculo parciturum esse demonstrat, ut  
 Henricum regem, in recuperando iure, quod in Galliam habeat, adiu-  
 uare possit. Etenim Angli, ducentis ab hinc annis & amplius cō, Gal-  
 liam omnem sibi deberi contendunt, imprimis uerò Normanniam &  
 Aquitaniam repetunt: his ergo literis regem oblique Borbonius exti-  
 mulat, ut ius ibi suū persequatur. Eas uerò literas Gallie rex postea na-  
 Leonardus, multò grauius in illum concepit odiū. Erat in Bauaria tum Leo-  
 nardus cognomento Cæsar, euangelij professor. Is Passauiensis epi-  
 scopi mandatu captus, hæc doctrinæ capita defendebat. Solam fidem  
 iustificare: duo tantum esse sacramenta, baptismum & cœnam Domi-  
 ni: Missam non esse sacrificium, neq; prodesse uiuis aut mortuis: con-  
 fessionem delictorum esse consilij non præcepti: solū Christum satisfacere  
 pro peccatis: uotū castitatis non obligare: scripturam non loqui  
 de purgatorio: nullum esse discrimen dierum: mortuōs non esse inter-  
 cessores: in rebus diuinis non esse liberum hominis arbitrium. Produ-  
 ctus in iudiciū, uolebat hæc ad populū explicare copiosius, sed prohi-  
 bitus fuit. Erat in cōfessu reliquorū Eccius: agebantur autē omnia la-  
 tine, ne populus intelligeret: ipse uerò lingua populari differebat, nec  
 ab eis impetrare potuit, ut idē facerent. Tandē episcopi uoce damna-  
 tus pro heretico, mensis Augusti die xvi. crematus est, iubente Baua-  
 ro principe Gulielmo, cuius iurisdictioni traditus fuit à condemna-  
 tione. nam episcopus, ne sacra scilicet pollueret, uel prophanus, & ut  
 aiunt, irregularis fieret, de uita illius atq; sanguine nō pronunciabat.  
 Cū Ferdinandus, qui Cæsaris erat per imperium legatus, à morte  
 Ludouici, creatus esset Bohemiæ rex, & cum Vayuoda Transsylvana  
 no de Pannoniæ principatu contenderet, excitato bello, Philippus  
 Badensis ei summissus, Imperij conuentum nomine Cæsaris indicit,  
 & ut religionis ac belli Turcici causa, Ratisbonam ueniant ad initium  
 Martij, sequentis anni, iubet. Suprà dictum est de disputatione Baden-  
 si: Bernates autem, quorum est in Heluetijs præcipuum nomen atq;  
 potentia, cū & disputationis illius acta non essent ipsis communi-  
 cata, licet flagitassent, & disidia religionis aufererent, nec eadem  
 esset ministrorum Ecclesiæ doctrina, disputationem aliam sua in urbe  
 decernunt, edito scripto, Decembris die xvij, ad eamq; finitimos con-  
 uocant episcopos, Constantiensem, Basiliensem, Sedunū, Lausanum,

Disputa-  
 tio Ber-  
 nensis.



Et ut ipsi ueniant, suosq; secum adducant theologos, monent: alioqui mulctum denunciant earum possessionum, quas in suis finibus haberent. Deinde suæ ditionis homines ecclesiasticos conscribunt, et ut in actione tota, ueteris ac noui testamenti scriptura sola pondus et auctoritatem habeat, edicunt, et omnibus undecunque uenturis eò fide publica cauent: hanc quoq; legem statuunt, ut modeste sine conuicijs et iniurijs omnia fiant, et liberè suam quiq; sententiam dicant, et ita pronuncient, ut à scribis excipi possint cuiusq; dicta: quicquid ibi decretum fuerit, ratum atq; firmum esse per suam ditionem omnem iubent. Et, ut quibus de rebus agendum esset, constaret, eoque uenirent omnes paratiores, themata promulgant, numero decem, quæ ipsorum Ecclesiæ ministri, Franciscus Colbus, Bertholdus Hallerus profitebantur, et sacris literis confirmare se uelle dicebant. Ea uerò sunt eiusmodi. ueram Ecclesiam, cuius unicum sit caput Christus, ex Dei uerbo nasci, in eoq; permanere, neq; uocem alterius audire: hanc ipsam Ecclesiam nō condere ullas leges extra uerbum Dei: traditionibus igitur hominum, quæ titulum habeant Ecclesiæ, sic demum obligari nos atque teneri, si cum uerbo Dei consentiant: solum Christum pro totius mundi peccatis fecisse satis: ergo, si quis aliam salutis uiam aut expiandi peccata rationem esse dicat, hunc abnegare Christum: corpus et sanguinem Christi reuera et corporaliter sumi, testimonio scripturæ probari non posse: Missæ ritum, ubi Christus patri cœlesti pro uiuis atq; mortuis representatur et offertur, aduersari scripturæ, et contumeliam facere sacrificio, quod Christus pro nobis impendit: solum Christum, ut intercessorem et humani generis aduocatū ad patrem, inuocandū esse: quod sit ullus ab hac uita locus, quo purgētur animæ, in sacris literis nō reperiri: preces igitur et ceremonias illas omnes et exequias anniuersarias, quæ mortuis impēduntur, et cæcos atq; lampades et id genus alia, nihil omnino cōferre: statuam aut imaginem ullā proponi cultus causa, repugnare sacris literis: proinde, si quidē eo animo sint in tēplis erectæ, tollēdas esse: matrimoniū nō esse uetitum ulli hominū ordini, sed fornicationis uitandæ causa, mandari cuilibet atq; permitti sacris literis: cum scortator omnis uerè sit et testimonio scripturæ separatus ab Ecclesiæ cōmunionē, sacerdotiū ordini minimè omnium conuenire cœlibatū impurū atq; turpem.

Quum  
his

Thema-  
ta dispu-  
tationis.

his de rebus Bernates ad omnes Heluetios literas dedissent, hortati, ut & suos ipsi mitterent, & alii qui per ipsorum fines iter essent facturi, publicè caueret, Lucernates, Vrani, Suij, Vnterualdij, Tugia= ni, Glareani, Friburgenses, Soloturnij, prolixo scripto grauissimisq; uerbis hortantur, ut ab instituto desistant: commonesaciunt eos inuti= foederis atq; pacti. repetunt quoque disputationem Badensem, cuius ipsi fuerint imprimis & authores ac laudatores: neq; licere ulli popu= lo dicunt aut prouinciæ, formam religionis atq; doctrinæ mutare, sed hoc ad totius orbis pertinere concilium: orant, ne tantum in se facinus recipiant, nec à paucis aliquot externis, in errorem abduci sese patian= tur, sed in ea religione permaneant, quam ipsi, quam ipsorum paren= tes atq; maiores obseruarint, in qua tantum nominis gloriam adepti sint, in qua suos fines ad eum modum amplificarint, in qua toties fue= rint uictores: æquum esse, ut hoc ab ipsis impetrent: sin minus, tum il= lud quod de tuto itinere petant, non se posse polliceri: sed ubi de per= sonis cognouerint, iudicium atq; delectum esse facturos: illis quidem, qui nuper ad actionem Badensem, interposita fide uocati, non uene= rint, & partim diffidentia, partim contemptu quodam emanferint, nolle se cauere deinceps: adhæc, neque se quenquam eò mittere, neque suis, ut eò proficiantur, uelle concedere. nihil his omnibus commo= ti Bernates, pergunt, & ad diem præscriptum, qui septimus erat Ia=

852 **S**nuarij dies, actionem inchoant. Episcoporum, quos antè diximus, ne= mo uenit: Basilienses autem & Schafusiani & Tigurini & Abbe= cellenses & Sangallij & Mullusiani & Rhœti quoque finitimi suos mittebant: item Argentinenfes, Vlmenses, Augustani, Lindauij, Con= stantienses, Isnenses. Ab ijs, quos dixi, Bernæ ciuitatis doctoribus fa= ctum fuit initium actionis: eorū themata defendebat Zuinglius, Oeco= lampadius, Bucerus, Capito, Blaurerus & alij complures: oppugna= bat autem inter alios, primi nominis Conradus Tregerus Augustinia nus, qui tandem cum aliunde, quàm è sacris Biblijs, adiumenta sibi quæreretur, neq; præfecti disputationis permitterent, eò quòd lege ue= titum erat, loco decessit. Exitus fuit disputationis ad xxvi. Ianuarij diem, & ea quæ diximus themata, communi plurimorum assensu fue= runt approbata, & deinde non Bernæ tantum, sed in aliquot finitimis etiam locis à magistratu sancita, Missis, aris atq; statuis ubiq; sublati.

In Ber= mensium  
finibus  
abroga= tur Pa= patus.

Constan=



Constantienses iam antè quædam mutauerant, & quum scortationē, 1 5 2 8  
 adulterium et suspecta uel parum honesta cõtubernia lege uetuisent,  
 irati discesserant ab eis. hi qui dicuntur canonici. Docebat ibi Ambro- Ambro-  
 sius Blaurerus, honesta familia natus, qui monastica professionis an- sius Blau-  
 tē fuerat Alperspaci: cum autem ingenio ualeret, lectis Lutheri libris, rerus.  
 alium animum induit, & post multam similitatē relicto sodalitiio re-  
 uertit ad parentes atq; propinquos. Collegium autem illud est in fini-  
 bus agri Vuirtembergici, quem quidem principatum Ferdinandus  
 Austriacus tũ possidebat Abbas igitur per eius regionis præfectũ in-  
 terpellat senatum Constantiensem, ut illum ad ordinem suum redire  
 cogant: Blaurerus autem edito scripto rem omnem actam commemo-  
 rat, & conditiones proponit, quibus redire uellet, sed hæ tales erant,  
 ut eas repudiante Abbate, Constantiæ deinceps ille permaneret. fiat  
 hoc anno M. D. XXIII. Post disputationem uerò Bernensem, ima-  
 gines & aræ cum ceremonijs atq; Missa Constantiæ fuerunt abolitæ.  
 Geneuenses etiam Allobroges, in statuis remouendis atq; ceremonijs, Geneu-  
 Bernatũ sequebantur uestigia, quapropter episcopus atq; clerus ira- sium re-  
 ti discesserunt ab urbe. Mutata religione, Bernates Galliæ regi fœdus formæ  
 renunciant, & mercenariam illam prohibent malitiam, ea cõtenti pe- tio.  
 cunia, sicut etiam Tigurini, quam pacis colendæ causa, singulis pagis  
 rex dependit annuam. Abolitæ uerò religionis pontificiæ diem & an-  
 num, aurèis literis in columnam inscribunt, ut testimonium apud po-  
 steros extaret sempiternum. De cardinali Eboracensi Anglo diximus,  
 in Galliam profecto. Cũ inter eos iam conuenisset, legatos ambo  
 reges ad Cæsarem mittunt: & Galliæ quidem rex, ut accepta pecu-  
 nia sibi reddat filios obsides: Anglus uerò debitum sibi solui petit, &  
 quidem triplex. primum, ex mutuo, trecenta aureorum millia, dein-  
 de, quingenta millia propter non seruatum matrimonij pactum: po-  
 stremò, quatuor annorum pensionem, quam ei Cæsar promiserat, ut  
 libro tertio demonstrauius. Cũ ad ea Cæsar, non ex ipsorum ant-  
 misententia responderet, bellum ei per præconem etiam Anglus de-  
 nunciat, qui iam tũ agitabat cõsilia, quomodo relicta uxore Catha-  
 rina, matertera Cæsaris, alteram duceret: quod postea fecit, ut suo lo-  
 co dicetur. Cæsar, ob non seruatam sibi fidem, passim ad alios reges,  
 grauissimis uerbis Gallum incusabat, Gallicis quoque legatis idem  
 subinde

Galli &  
 Angli ad  
 Cæsarem  
 legatio.

1528 subinde dixerat, Rex igitur Lutetia datis ad eum literis, xxviij. diē  
 Galli ad Martij, per publicum præconem, heraldos uulgò nominant, ex eo ser  
 Cesarem mone, quem ad meos, inquit, habuisti legatos intelligo te iactare non  
 inuerti- ua. nulla, quæ ad infamiam meam pertinent: quasi contra fidem datam ē  
 tuis manibus excesserim. Iam uerò, quanquam is, cui post transactio-  
 nem ponuntur custodes, ab obligatione soluitur, & licet hac ratione  
 satis etiā sim excusatus, tamē honoris mei tuendi causa, breuiter hæc  
 ad te scribere uolui. si ergò uel hoc meū factū & abitionem crimina-  
 ris, uel aliquid unquam à me gestū esse dictis, contra uiri principis offi-  
 cium, clare dico te mentiri. nam honorem & existimationem meā ad  
 extremum usq; spiritum defendere constitui. Non igitur opus est plu-  
 ribus uerbis, & si quid in me requiris, non est quòd in posterum scri-  
 bas, uerū designato locū, ubi duello cōcertemus: etenim si congres-  
 sum differas, atq; interim nō desinas me criminari, testificor, totius rei  
 turpitudinē ad te pertinere. nam duello dirimetur controuersia. De  
 Ferdinandi regis & Vayuodæ Transsylvani contentione suprā dixi-  
 mus. Quum ea cruentum in bellum exisset, ac Ferdinandus potentia  
 Vayuoda- superaret, Vayuoda, mense Aprili datis ad ordines Imperij literis,  
 de ad nos que- rimonia post miserabilem, inquit, Ludouici regis occasum, equidem commu-  
 ni uoluntate procerum electus & inauguratus fui rex Pannoniæ, tri-  
 bus tantum exceptis, quos & paupertas & odiū & spes melioris for-  
 tunc transuersos egit, ut patriæ salutis obliti, Ferdinando Bohemiæ  
 regi subscriberent. Cumq; totus in hoc essem, ut patriæ succurrerem,  
 & amissa recuperarem, & ut uobis etiam hac ratione compararena  
 ocium, ecce, regnum ille meum hostiliter inuadit, urbes nonnullas oc-  
 cupat, & per illos, de quibus dixi, suæ factionis homines, Pofonij rex  
 creatur. Mirabar certè non parum, & dolebat mihi uehementer, na-  
 tionem hanc, satis iam antè miseram, affligi nunc ab eo, qui tueri cum  
 primis illam debebat. facile mihi tunc quidem erat, uim hostilem re-  
 primere, sed nolebam quod ex tot naufragijs reliquū erat ciuium regni,  
 temerè periclitari, & ad Clementem vii, Franciscum Gallie, Henri-  
 cum Angliæ, Sigismundum Poloniæ regem habui querimoniam. Et  
 Sigismundus quidem, per legatos, me nescio, Ferdinadum sollicitauit,  
 ne tempore tam alieno, discordia ciuili, uiam hosti patefaceret, quam  
 nec ipse nec quiuis alius deinde possit obstruere, sed ut pacem mecum  
 coleret.



coleret, & coniunctis armis in publicum hostem prodiret. Cūque 15 18  
Ferdinandus nihil ab se contra ius aut æquum fieri diceret, placuit, ut  
ad certum diem, controuersæ minuendæ causa mitterentur homines  
idonei: Conditionem accepi, simul missis ad uos legatis, & arbitrio  
uestro me submittes, orabam, ne quid auxilij daretis aduersario: Cū  
autem in Ferdinandi fines peruenissent, captiui facti contra ius gen=  
tium atq; detenti, mandata non potuerunt exequi. nam à uobis ad Cæ=  
sarem erant profecturi. Quanquam uerò grauis admodum hæc erat  
iniuria, tamen ad constitutum diem à Sigismundo, nisi quosdam, pa=  
cis & sua sponte, & meo quoque mandato, perquàm studiosos: sed  
Ferdinandicis iniquissima proponētibz, nulla re perfecta, discessum  
fuit. Dum hæc geruntur, nonnulli procures, uarijs artibus à Ferdi=  
nando sollicitati, fidē mihi datam uiolant. Et quoniam omnis est mihi  
præclusus ad uos aditus, equidem literis tandem aliquando uobis ex=  
plicare uolui, quàm iniustum bellum gerat, fortassis, ut amissam æta=  
te superiori gloriam suorum maiorum, Friderici Cæsaris atque Ma=  
ximiliani, recuperet. nam alterum iam planè triumphantem ac propē  
regem Vngariæ, patruus meus Emericus, totis finibus eiecit: utrunq;  
uerò parens meus Stephanus Sepusiensis, Mathia, rege, sic eiecit, ut  
Viennam nostris finibus adiungeret: sed & ego, nondum egressus a=  
dolescentiam, Maximilianum in nos parantem arma cohibui, factu=  
rus idem in hunc etiam hostem, nisi dolis & astu magis quàm uirtute  
mecum certaret & armis. Ad huc quidem, utcunque potui, patien=  
ter hanc iniuriam toleraui: sed cogitate in animis uestris, clarissimi  
principes, quàm sit acerbum, è summo dignitatis atque potentiæ gra=  
du præcipitatum, in ordinem cogi. Vix ullum reperiri puto tam le=  
nem atque patientem, qui tot iniurijs affectus, non circumspiceret o=  
mnia ubique præsidia. Cū igitur inde à suscepta republica nullas  
recusauerim æquas condiciones, cū ne nunc quidem illas reiiciam,  
& quiduis facere, quàm bellum excitare malim ciuile, aduersarius  
autem obstinatè pergat, profiteor equidem, non debere mihi dari cri=  
mini, si muniendi mei quasunque rationes ineam: etenim, si quid ex  
eo fortè detrimenti respublica capiet, illud non mihi, qui pacis consi=  
lia tentauī, sed hosti meo tribuatur, qui regnum alienum per sum=  
mam iniuriam inuadit. Aditus quidem ille diligenter omneis atq; nias  
obsedit,

1528 obfedit, ne quid ad uos perferatur: sed tamen audisse uos puto, quomodo sororium suum Ludouicum regem deseruit: nam sæpe sollicitatus, & magnis quidem precibus, neq; copias, neq; tormenta, nec ullū deniq; subsidium, aduersus irruentem hostem ei misit. Quid ita? Iam nimirum ad regni successionem oculum & animum adiecerat: deinde, publicum Imperij subsidium, Vngariæ destinatum, fratri misit ad uexandam Italiam. cū interim ego circiter tria militum millia, fratre meo ductore, Ludouico regi, meis ex facultatibus atq; copijs, auxilio mitterem, adfuturus ipse prælio, nisi mandatu regis in Transsylvania mihi commorandum fuisset: frater quidē meus eo in prælio fortiter occubuit. Iurauerat Ferdinandus, nisi Belgradum & quasdam arces præterea recuperasset prius, non se regni gubernacula suscepturum. sed fides in eo desiderata fuit. nam Turcæ nosiros in fines longissime progressi, & deuastatis agris onusti præda domū reuenterunt, & Bosnæ munitissimam arcem Iajciam occuparunt. Hanc arcem & Mathias rex magna suorum clade Turcis olim eripuit, & patruus meus Emericus, grauissimam deinde passus obsidionem, ab illis defendit, & maximo postea sumptu reges exædificarunt: sed hic noster Imperator, scilicet, qui tam gloriose multa promiserat, hoc tam præclarum suæ uirtutis tyrocinium nobis edidit, & nunc inopia rerum omnium laborans, fidem opemq; uestrā, opinor, implorabit, quasi Germaniæ salutis causa periclitetur: sed longē alio spectant eius consilia. Nec enim in Turcas arma parat, quibus etiam tributum annuum dare nō recusat, missis eō nuper legatis, uerū hoc agit, ut uestris copijs atq; pecunijs in Italia fratri succurrat, & me cōfecto, Pannoniam adducat seruituti. Quod cū ita sit, maiorem in modum à uobis peto, provideatis, ne priuata hæc iniuria, quæ mihi nunc infertur, in reipublicæ detrimentum cedat. Non multo post, in eandem propē senientiam scribit etiam ad Cæsarem hortatus, ut fratrem cohibeat. Hæc ille quidem ad suæ causæ defensionem edebat: Ferdinandus autem rex nitentatur transactione, quam Cæsar Maximilianus, anno M. CCCC. XCI. cum Vngaris & Ladislao rege fecerat. qua cautum fuit, quod si Ladislaus absq; sobole mascula decederet, ut tum Maximilianus & ipsius hæredes recta linea descendentes, regnum illud obtinerēt. Cū ergo Ladislai filius Ludonicus esset extinctus, non relictis liberis, ut

Ferdinā-  
di ius in  
Vngaria

supra



*suprà docuimus, Ferdinandus, qui & Maximiliani nepos esset è filio, 1. 5. 2. 8*  
 & Austriæ princeps, & præterea Ludouici sororè haberet in matri=  
 monio, iure sibi regnum illud deberi confirmabat. Hoc ipso tempo=  
 re Lantgravius Philippus & elector Saxonie, conscriptis copijs ad Lantgr.  
 bellum spectabant: eius autem rei hæc erat causa. Iureconsultus qui=  
 dam, Otto Paccius, nobili genere natus, ex primis Georgij Saxonie & elect.  
 principis consiliarijs unus, per occasionem colloquij Lantgrauum ad bellu  
 admonuit, uti suis rebus prouideret: nuper enim Ferdinandum, Bran  
 deburgicum, Georgium Saxonem, Gulielmum et Ludouicum Baua=  
 ros, Moguntinum, Salisburgensem, Bambergicum, Vuirzburgensem  
 inijsse fœdus, ipsius & Saxonie principis, electoris, & opprimendæ  
 causæ religionis: fidei uerò faciendæ causæ, confœderationis exemplū  
 exhibet, archetypum quoq; pollicitus. Dum copias illi parant atq; bel  
 lum, intenti erant omnium animi, quorsum hoc exiret: nam causæ uul  
 gò ferebantur uariæ, sicut fieri consuevit. Cùm uerò iam ab omnibus  
 rebus essent instructi, tunc primum dimissis in omneis partes literis  
 atq; nuncijs, formulam ad se delati fœderis promulgant, & simul ijs,  
 qui fœdus inijsse dicebantur, scribunt, missis legatis, ut quid sit ipso  
 propositi, cognoscant: sed hi omnes, pro se quisq; separatim, sese pur=  
 gant, euulgatis literis, & figmentū esse, neq; doceri posse confirmant.  
 Et Georgius quidē Saxonie princeps, Lantgrauij socer, argebat in=  
 primis, ut authorem ederet: nisi faciat, ab ipso confictum esse, motus  
 excitandi & turbandæ Germaniæ causæ sese arbitraturū. Primus im=  
 petus erat futurus in episcopos uicinos: itaq; se comparabant illi, con=  
 ductis, quas poterant in ea celeritate, copijs. Cùm autem archetypum  
 Paccius exhibere non posset, uti promiserat, ibi Lantgravius paulo  
 cœpit agere cunctantius: intercessione demum Palatini ac Treuren=  
 sis Richardi discessum fuit ab armis, ea lege, ut in belli sumptum, au=  
 reorum millia centum dependerent episcopi Lantgrauio, Moguntia=  
 nus quidem, xl. Vuirzburgicus, totidem, Bambergicus, uicena. Cùm  
 deinde ad certum diem, legati principum, ad quos ea criminatio per=  
 tinebat, conuenissent, Paccius, quem Lantgravius ibi sistebat, falsū  
 fuit conuictus, & dimissus tandem à Lantgrauio. cùm annis aliquot  
 apud exteros oberrasset, Antuerpiæ pœnam capitis luit. Rebus ad  
 hunc modum pacatis, ut dictum est, Suenici confœderati, de quibus

1528 antè non semel dictum est, Lantgrauium incusabant, quòd socijs uini  
 & iniuriam fecisset: cùmque nouus ex eo motus impenderet, sedata  
 demùm res Vuormaciæ fuit, sub exitum Decembris, interuentu Pala-  
 tini principis. Sunt qui putant non fuisse nihil, quod ille de confœde-  
 ratione dixerat: eamque suspitionem augebat ille, qui quatuor an-  
 nis antea fuerat Ratisbonæ, principum aliquot conuentus, ut libro  
 quarto diximus. Itaque conceptum quidem aliquid eius generis, non  
 autem ad finem deductum, neque planè decretum fuisse putatur. quod  
 tamen nolim pro uero ponere, ac suum cuique iudicium hic permit-  
 to. Diximus antea, comitium aliud Imperij fuisse Ratisbonæ desi-  
 gnatum ad ueris initium: in hoc autem apparatu bellico nullum fuit,  
 prolegato Caesaris renunciante, ne uenirent. Quas Galliæ rex ad  
 exitum Martij scripsit literas, ut antè docuimus, eas Iunij die septimo  
 primùm Caesar accepit, ac deinde misso præcone, xxiiij. die Iunij Mon-  
 tione respondens, non eo te criminor, inquit, nec incuso, quòd sis do-  
 mum profectus: nam hoc meo permissu factum est: uerùm, quòd non  
 redieris in meam potestatem captiuus, quemadmodum fide data mi-  
 hi promiseras te facturum, nisi conditiones pacis impleres, ut quidem  
 literarum monumentis, tua manu scriptis, doceri potest. Hoc nimi-  
 rum si fecisses, uiri boni fecisses ac laudati principis officium: nunc ue-  
 rò quando fidem in eo sefellisti, confirmo, & sine mendacio quidem,  
 turpiter abs te factum esse ac sceleratè. Et quoniam duello petis con-  
 stitui locum, equidem accipio conditionem, & ad flumen illud, quod  
 inter Fonterabiam labitur & Andream, tibi locum designo. quem sa-  
 nè minimè recusare debes. quia si tuam ac liberorum tuorum salutem  
 ante biennium ei credidisti, quando liber factus ac domum rediens,  
 illos mihi dabas obsides, nunc etiam ei te potes tutò committere. Ne  
 uerò longior interueniat mora, mittantur utrinque uiri nobiles, ea-  
 rum rerum periti, qui & locum idoneum ibi dispiciant, & de genere  
 armorum, deque certo die statuunt. Quòd si intrà diem quadragesi-  
 mum, post hanc acceptam epistolam, mihi non responderis quid tui  
 sit animi, dilationis in te culpa residebit atque turpitude, & ad alie-  
 rum illud non seruata fidei crimen, hoc etiam accedet. Has literas  
 præconi Caesar tradit, & ut in Galliam profectus, regi publicè reci-  
 set, aut si nolit audire, det ipsi legendas, mandat. Cùm tandem eo  
 uenisset



uenisset prece, rex pro concione sedens Lutetiae, ac procerum turba  
 stipatus, rogat, an duelli formulam adferat? Ille, & adferre, & habere  
 se praeietera quae dicat, & iniunctum sibi, ut coram recitet, aut ipsi tra-  
 dat: petere igitur, ut hoc sibi liceat. Rex autem, qui non nesciret,  
 quid in ipso Caesar requireret, cum ista publice pronunciari nollet,  
 commutatis aliquot uerbis cum praecone, consurgit, & neque loquen-  
 tem amplius audire, neque literas ab eo recipere uoluit, ut quidem Cae-  
 sariani scriptis editis affirmant. Calendas Augusti mensis, Caesar, da-  
 tis Valoleti literis, imperij conuentum indicit Spinae, ad initium Fe-  
 bruarii, sequentis anni, religionis & Turcici belli causa: quò minus  
 autem ipse ueniat, per occupationes excusat, simul constituit legatos,  
 Ferdinandum fratrem, Fridericum Palatinum, Gulielmum Bauarum,  
 episcopum Tridentinum et Hildessemum. Lautrechum Gallus, post ca-  
 ptam anno superiori Papiam & Alexandriam, uti diximus, Bononiae  
 substitit in hybernis, & sub primum deinde uer progressus, Neapolim  
 obsedit, quam Alonsus Daualus, Vgo Moncada, Ferdinandus Alarco,  
 Philibertus Orengius, Ferrandus Gonzaga defendebant. Iulio autem  
 mense, pestis admodum uehemens, magnam exercitus partem absum-  
 psit, & ipsum etiam Lautrechum, postridie idus Augusti mensis ex-  
 tinxit, quum paulò ante sublatus esset Vaudemontius, Antonij Lo-  
 tharingiae ducis frater Germanus, qui regi militabat, spe consequen-  
 di regni Neapolitani, quod Andegauensis familia, unde genus & o-  
 riginem habent Lotharingi, sibi deberi confirmat. Quemadmodum  
 à disputatione Bernensi religio fuerit mutata multis in locis, dictum  
 est. Proinde, cum antea saepe, tum hac etiam occasione, Argentinens-  
 sis ecclesiae ministri, inter alios doctrinae pontificiae errores, Missam  
 quoque docebant esse cum primis impiam, & ad summam nominis  
 diuini contumeliam pertinere: quapropter & abrogandam, & re-  
 ctum usum coenae Domini restituendum esse: nisi scripturae sacrae  
 testimonijs haec demonstrent, nullam poenam recusant. Cum autem  
 pontificij contra docerent, exarsit contentio quam senatus, facta col-  
 latione sententiarum, & aliqua disputatione finiri uolebat: & quum  
 hoc impetrari non posset, edicit pontificijs, quoniam alteros impro-  
 bent, ac impia docere dicant, neque tamen causae cognitionem admit-  
 tant, ne posthac docendi munus usurpent. Episcopus autem crebris

Conuen-  
tus Spi-  
rensis,

Galli Ne-  
apolim  
obsidens

152 **S**interea literis ac internuncijs monet & orat senatum, ut in ueteri maiorum religione persistant, neque doctoribus fidem habeant, et quanti sit res periculi, demonstrat. Senatus inuicem orat, quod etiam annis aliquot antè fecerat, det operam, ut quæ pertinent ad uerum Deicultum, instituantur, cætera uerò tollantur & antiquentur: hoc enim ipsius proprium esse munus: ille uerò, tamen si cōuentum atq; diem aliquando condixerat eius rei causa, nihil tamen præstitit, & literis tantum ab instituto deterrebat, & precibus nonnunquam intermiscebat comminationes. Cumq; iam propè desperaret, senatum Imperij, qui tū erat Spiræ, de quo sæpe diximus, orat, ut suam auctoritatem interponant. Hi missa legatione sub finem Decembris, admodum splendida, petunt, ne Missam abrogeni: nam neq; Cæsaris nec ordinum esse, ueterem & à maioribus acceptam religionem immutare, nisi uel per generale, uel totius nationis concilium: quòd si nimis hoc esse longinquum uideatur, differant saltem usq; ad Imperij conuentum, iam breui futurum, atq; ibi sua postulata proponant: non se dubitare, quin æquum sint laturos responsum: legibus enim esse cautum, ne priuato Magistratui liceat rescindere, quæ communi totius orbis consensu decreta sunt: æquum igitur esse, ut hoc ab ipsis impetretur: quòd si uerò pergant, fore, quia uis in eo sit, ut & Cæsar, summus magistratus, & ipsius per Imperium legatus rex Ferdinandus, grauius hoc et permolestè ferant: se quoq; pro suo munere atque fide teneri, quicquid est eius rei, perscribere Cæsari, ac simul adhibere, quæ oportet, remedia quod quidem inuiti admodum faciant. Itaque rogare, ut diligenter hæc secum expendant, & rectè monentibus auscultent: hoc & Cæsari fore longè gratissimum, & ad ipsorum quoq; laudem atq; salutem pertinere. Senatus ubi sui instituti rationem explicasset, legatos commodè ab se dimittit. Fuerat ibi paulo antè Hildessemus episcopus, et nomine Cæsaris idem postulauerat, hortatus, ut morem gererent, præsertim, cum Cæsar etiam de nationis Germanicæ concilio cogitet: nam alioqui fore, ut consilium sibi Cæsar ac reliqui ordines capiant. Adhæc, episcopus Argentinensis aliquot senatores urbis, uiros nobiles, priuatim interpellat, suos beneficiarios, et missis literis ad singulos, quandoquidem fide sint ipsi et iureiurando deuincti, grauius monet, ut abrogationem Missæ totis uiribus impendant, neq; comproben.



pro bent. Senatus interim, cum iam supra biennium ea res ageretur, & ecclesie ministri quotidianis concionibus uehementer instarent, ciues etiam supplicarent, cōuocatis omnibus ex more, qui rebus arduis adhiberi solent, numero trecenti, rem oranem ordine commemorant, & in utranq; partem multis in mediū adductis, quod si Missam aboleant, quid à Cesare sit periculi, si non faciant, quantopere Deus offendetur, explicant, & cogitandi spaciū ipsis largiuntur, & ut tributim collecti deliberent, petunt, quò deinde, cū rursus conuenient, de communi uolūtate atq; consilio statuatur. Cū ergo uenisset dies, eorum sententia, qui Missam oppugnabant, superior extitit. Itaq; sit decretum, Februarij die uigesimo, suspendi Missam oportere ac inter= 1 5 2 9  
mitti, donec aduersarij demonstrent esse cultum Deo gratum. Hoc de= Missa  
cretum & in urbe ac foris, quā late patet ipsorum iurisdictio, sena= abroga= ta Argen= tinæ.  
tus ualere iubet atq; seruari, & per litteras deinde certiores facit epis= scopum, qui non absq; gemitu maximoq; dolore se illud accepisse, & cogi patienter ferre, & quod sui sit in eo muneris, facturum se rescribit. Annis nunc aliquot, Basileæ quoque magnum erat religionis cau= sa dissidium, & senatus quidem decreuit tandem, ut eadem esset per totam urbem doctrina, utq; de Missis, quæ locis adhuc aliquoi super= erant, certo die, palām habita disputatione, per suffragia decerneretur, quid in eo fieri oporteret: pontificij autem nihilo secius urgebant suum institutum, & aliquantō etiam acerbius pro concione notabant aduersarios. Et quoniam hoc illis erat impunē, pleriq; sic accipiebant, quasi primores illud non improbarent. Itaq; delecti sunt è ciuibz qui senatui denuō supplicarent, & pacti memoriam renouarent. Hi post multam actionem petebant, ut ij senatores, quorum hortatū pontificij sic docerent, quoniam ea res nō solū ad decreti facti contemptum, sed ad turbam atq; seditionē etiam pertineret, loco submo= uerentur. Cū id senatus omninō recusaret, ciues, huius anni mensis Februarij die viij. in æde Franciscanorum conueniunt, et re delibera= ta, rursus idem à senatu, sed non tam demissē, quā antea, petunt: simul publica ciuitatis loca sibi capiunt et occupant, sine armis tamen. Sub eius diei uesperū, senatus placere sibi respondet ut ij, quos loco remoueri postulent, deinceps, cū de religione deliberabitur, nō adsint, in cæteris uerò locū & ordinem suū retineant. Eo dato responso, cū

Dissidiū  
religio= nis Basileæ.

1529 appareret paucos aliquot usurpare sibi summā rei, magis offēsi fuerunt animi ciuū: quamobrem palām testificantur, uelle sibi capere consiliū deinceps, nō quidem religionis, uerū sui iuris uindictandī causā. mox armati turres atq; portas occupant, & idonea loca praedijs firman, & excubias agunt, non secus atq; in castris, cum ab hoste uicino periculum est fieri solet. Postridie, senatus deliberandi spaciū petit, & ad eos, qui nuper fuerant intercessores, causam reijcit. Ciues illud non recusant, sed ut rei sint interea priuati, suoq; sumptu litem prosequantur, uolunt: ipsi uerō, qui reipublicae causam et posteritatis agant, sumptu publico. senatus etiam alia quaedam leuiora illis largitur, quō sic offensionem mitigaret. Hoc ipso die, nōnulli ciues, quibus erat mandatum, ut per urbem circumirent, ac rebus omnibus prouiderent, in templū primarium ascendūt. ex ijs quidam, hasta sua statuam alicuius Diui reuellit, sic ut in terram delapsa, cōfringeretur: hac autem occasione in plures deinde manus inijcitur: interuentu uerō sacri ficorum, qui id agrē ferebant, illi, ne mandati fines praeiret, nullam mouent amplio rem rixam, et abeunt. Cum eius rei nunciū esset ad ciues in forum delatus, & plenior multō, quā res ipsa ferebat, ad templum ē uestigio mittuntur armati tercētum, ut illis opem ferrent: nam esse in angustijs atq; periculo dicebantur. Vbi uentū est cō iam illi discesserant: ne uerō frustra illuc itum esset, idola seu statuas ibi repertas demoliuntur, & progressi reliquis in templis idem faciunt. Ibi tum ē senatu quidam accurrunt, sedandi motus causa: ciues autem ad illos, quod uos totū iam triennium deliberatis, an fieri debeat, illud nos, inquit, una perficiemus hora, ne propter idola sit ullum posthac inter nos disidiū. Sic adeō senatus eis omnia permittit, & loco moti fuerunt senatores xij. absq; ignominia tamen, in his erant Henricus Meltingerus, tum consul, Lucius Zieglerus, tribuum praefectus. Decretū etiam est factum, ut tam in urbe quā foris per ipsorum fines aboleatur Missa cum idolis omnibus: adhuc, ut in ijs rebus deliberandis, quae ad gloriam Dei pertinent & ad reipublicae commodum, senatus in posterum adhibeat tribules, numero ad ducentos sexaginta, quorum utatur consilio. Iis factis decretis, leti domum reuertuntur ciues, & in statuas tantū omnis desijt iracundia. Tercio die, qui tum erat ciuerum dies, ut pontificij uocant, statuę lignę distributę fuerunt in homines

Missa  
Basilicę  
abroga  
ta.



homines tenuiores, ut ipsi ad ignem uterentur: cum autem illi super di- 1 5 2 9  
uidunda prædixarentur, ac pugnis etiam rem agerent, placuit exu-  
rendas esse. Nouem ergo componuntur strues ante primariam ædem,  
& inflammate cremantur. Ita nimirum casus tulit, ut quo die ponti-  
ficij solent frontibus hominum inuergere cinerem, quò sese puluerem  
atq; cinerem esse recordentur, ille ipse dies, propter idola in cinerem  
reducta, ciuitati fuerit lætus atq; iucundus. Februarij die xij. tribules  
illi, quos diximus, acta senatus comprobant: altera die, per singulas  
tribus denuò iuratur, & amicè disceditur. Tigurini, Bernates, Solo-  
durnij, cum de turba esset ad ipsos perlatum, illic legatos mittunt in-  
tercessores: cum autem hi uenirent, iam sedata res erat. Paulò suprà  
diximus de conuentu Spirenfi, quem ad initium Februarij Cæsar in-  
dixerat, sed non est ante idus Martij factum initium. Principes ac or-  
dines aderant admodum frequentes: elector Saxonie Melanchthonem  
adduxerat. Principio cœptum est agi de religione, & post mul-  
tam actionem factum est decretum, ut infrà dicemus. Pontificij autem  
eò spectabant, ut Saxonem aliòsque principes à ciuitatibus dirime-  
rent, ne qua esset inter ipsos consiliorum communicatio, neque uo-  
luntatis consensus: & quoniam de cœna Domini non eadem erat om-  
nium ciuitatum, quæ principum, sententia, spem illi conceperant,  
se posse, quod cupiebant, perficere, sed id frustrà fuit, ut postea docebi-  
tur. Ferdinandus etiam & collegæ, ciuitatum aliquot legatos, Aprilis  
die quinta seperatim euocant, & quòd præter Cæsaris edictum mul-  
ta mutassent, grauiter incusant, ac demum hortantur, ut reliquorum  
ordinum sententiæ suam uoluntatem atque studium accommodent,  
ne per ipsorum secessionem comitia dissoluantur. Illi, mutationem  
factam, non ad Cæsaris iniuriam ullam pertinere, seque inprimis es-  
se cupidos concordie, & omnia uelle Cæsaris causa, neque legitimi  
concilij se recusare iudicium demonstrant. Cum Heluetiorum ciuita-  
tes duæ, longè potentissimæ, Tigurum atque Berna, consentirent  
in religione, sicut diximus, Lucernates, Vrani, Suitenses, Vnter-  
ualdi, Tugiani, qui præ cæteris erant huic infestæ doctrinæ, foedus  
cum Ferdinando rege faciunt. Per Ioannem Thomassium Miran-  
dulanum, Clemens pontifex, Aprilis die xij. principes hortatur  
ad bellum Turcicum: Ac licet permagnam ipse calamitatem his

Spiræns  
conuen-  
tus.

Fœdus  
Heluet  
Pontifi-  
ciorū cū  
Ferdin-  
ando.

1529 proximis annis acceperit, auxilia tamen, & omnem operam promittit, ut Cæsare, Galliæq; rege pacatis, concilium mox inchoetur, quò Germania rursus eandem cum alijs prouincijs religionem amplectatur. Is, quem suprà diximus, Imperij senatus, Eslinga fuerat ante menses aliquot euocatus Spiram. cumq; ciuitas Argentina suã eò misisset legatum, Daniele Miegium, qui cum reliquis ibi cõsiliarijs negotia publica de more tractaret, repudiatus à confessu fuit, propter abrogatam nuper Missam, & non expectatum huius conuentus exitum. Eo cognito, reliquæ ciuitates, quoniam ad ipsas etiam exemplum pertineret, intercedunt, & Imperij morẽ seruari petunt: etiã si forẽ quid illi fecerunt ab ecclesiæ ceremonijs alienum atq; ritu, non idcirco tamen in suo iure interpellandos esse, donec legitimo concilio sit dirempta controuersia: præsertim, cum adhuc nihil eiusmodi sit tentatum, neq; religionis causa cuiquã de suo iure quicquam sit in publicis conuentibus derogatum. Post hæc, Iacobus Sturmius, nomine ciuitatis in eò conuentu legatus, quòd si præter Imperij morem atque legem, ad hunc modum loco remoueantur, non esse, quòd ulla sumptuum ab ipsis expectetur deinceps communicatio, dicebat. Sed his omnibus nihil fuit profectum, & intercessoribus Ferdinandus ipse respondens, quamlibet aliam ciuitatẽ, quæ modò Cæsaris edicta seruet, in eius locum summitti iubebat. Post multam de religione disceptationem, superioris comitij Spirensis actio, paucis repetitur. In eo nimirum fuisse decretum, ut quantum ad Cæsaris edictum Vuormaciense pertinet, ita sese gerant omnes, quò sui facti rationem & Deo possint & Cæsari quoq; reddere: sed multos eo prorsus abuti, & omnis ferè generis horrenda nouaq; dogmata, sub hoc ueluti prætextu nunc & defendi & excusari. Nouum igitur fit decretum in hanc sententiam. Qui Cæsaris edictum illud adhuc seruauerunt, deinceps quoque seruent, ad concilium usque, de quo Cæsar iam propè certam spem faciat, & populum etiam huc astringant: qui uerò doctrinæ genus mutauerunt, neque discedere iam ab eo possunt absque metu seditionis, ut hi sibi temperent in posterum, nec aliquid præterea innouent adusque concilij tempus: deinde, ne doctrina eorum, qui de cœna Domini secus quàm ecclesiã, docent, recipiatur, nèue abrogeetur Missa: nec ijs in locis, ubi nouum est doctrinæ genus, impedimentum fiat, quò minus ad Missam,

Legatus  
Argentini  
ensis in  
confessu  
repudia-  
tur.

Decretum  
conuentus  
Spirensis.



*Sam, qui uolent, accedant: anabaptistis etiam, qui suum dogma perti-* 1 5 2 9  
*naciter defendunt, capitis poena constituitur, & Ecclesie ministris in*  
*iungitur, ut iuxta probatam ab Ecclesia interpretationem doceant,*  
*alia uerò dogmata, de quibus fortè disputari possit, non attingant,*  
*sed concilij decretum expectent: adhuc, ut pacem inter se colant, o-*  
*mnes ordines, & religionis causa nec damnum inuicem dent, nec alter*  
*alterius ditioni subditos in suam fidem aut tutelam recipiant: qui se-*  
*eius fecerint, proscriptorum numero iubentur esse. Huic decreto sese*  
*opponunt elector Saxonie, Georgius Brandeburgicus, Ernestius &*  
*Franciscus Lunenburgici, Lantgrauus, Anhaltius, & Aprilis die xix.*  
*palàm, cur non assentiantur, de scripto recitant. Et primò quidem su-*  
*terioris conuentus decretum repetunt, quo sua cuiq; religio permit-*  
*tatur adusq; concilium: ab eo minimè discedendur, neq; esse uiolan-*  
*da, quæ tunc pacis retinendæ causa post multam deliberationem pa-*  
*cta fuerunt, & signis atq; iurciurando confirmata: se quidem exem-*  
*plo suorum maiorum uelle omnia Cesaris causa: quantum etiam sa-*  
*cultatibus atq; uiribus possint, libenter ad eius usum atq; dignitatem*  
*collaturos: præsentem uerò causam ad omnium salutè pertinere sem-*  
*piternam: quòd igitur ab ipsis in eo dissentiant, orare, ne molestè fe-*  
*rant: sicut enim superius decretum de cõmuni omnium uoluntate fa-*  
*ctum sit, ita quoq; nisi pariter assentiantur omnes, rescindi non posse*  
*nec irritum fieri: quò minus ipsi, quem uelint, religiõis formam, suos*  
*intra fines constituent, non se repugnare, ac rogare Deũ, ut suæ cog-*  
*nitionis lumen in omnium mentibus accendat: annis nunc aliquot, mul-*  
*tam esse, doctrinæ causa, dissensionem ac simultatem: eius autè quæ*  
*sit origo, quis author, conuentu Noribergico fuisse quodammodo de-*  
*monstratũ, & ipsiusmet cõfessione pontificis, & ipsorũ quoq; princi-*  
*pum ac ordinũ postulatis, quæ numero ad lxxx. legato pontificio tra-*  
*dita sint: quorũ tamen nulla sit adhuc facta emendatio: deliberatio-*  
*num autem omnium hunc semper fuisse finem, tollendis uidelicet con-*  
*trouersijs et corrigẽdis uitijs nullam esse uiam expeditiorẽ concilio:*  
*quòd autem eo prætermisso, nunc decreuerint, ut qui doctrinæ genus*  
*mutarunt, neq; sine turba iam illud relinquere possunt, nihil amplius*  
*innouent, id nõ se posse laudare neq; recipere, nisi uelint ei doctrinæ,*  
*quam, uti piam atq; ueram hucusq; profutentur, fidem ipsi derogare,*

Interces-  
 sio prin-  
 cipum  
 contra  
 decretũ  
 Spirense

ac fateri, discedendum esse quidem ab ea doctrina, si modò sine tumultu atq; seditione fieri posset: quod ipsum quid esset aliud, quàm uerbū Dei, quod purum habeant ac impollutum abnegare? quo sanè nullum possit admitti grauius peccatum: nec enim sermone tantum, sed ipsa quoque re confitendum esse: quantam hæc etiam abnegatio ruinam secum traheret, & quàm esset futura pernicioſa multis euangelij cupidis, facile posse cogitari: quòd ad Missam attinet, notum esse, quem admodum sue ditionis ecclesiæ ministri, pontificiam missam inuictis & firmis scripturæ testimonijs expugnauerint, in eiusq; locum instituerint cœnam Domini, iuxta præscriptum atq; mandatum Christi, iuxtaq; morem ab apostolis obseruatum: quare nec istam quoq; decreti particulam admittere se, neque suis, ut adsint Missæ iam abrogatæ, posse concedere: nam ut maximè sincerus atq; rectus esset usus Missæ pontificiæ, tamen, si duas ipsi Missas inter se contrarias in suis templis admittant, quàm id sit futurum mali exempli, & quantæ sint ex eo simultates orituræ, neminem esse qui non uideat: quod autem præscribant, quid suis ipsi populis mandare, & quas in suis ditionibus ferre debeant leges, ualde se mirari, præsertim cum ipsi minimè sint passuri, si quis hoc inuicem apud eos tentaret: quid de corporis atq; sanguinis Christi præsentia, suis in Ecclesijs doceatur, omnibus constare, neque longiori opus esse explicatione: sed tamen, quod antea sæpe dixerint, nunc etiam sibi uideri, nondum esse uidelicet in illos, qui secus doceant, eiusmodi faciendum decretum, eò quod Caesaris diploma nullam eius rei mentionem faciat: deinde, quòd eius doctrinæ defensores neq; uocati sint nec auditi: quàm autem non sit decorum nec æquum, in rebus tam arduis aliquid ullo tempore statui, non auditis ijs, quorum interest, etiam atq; etiam esse considerandum: iam illud quod dicant, euangelium esse docendum iuxta receptas & ab Ecclesia probatas interpretationes, rectè quidem habere, sed in eo litem esse, quæ sit Ecclesia uera: cum autem nulla sit doctrina certior, quàm uerbi diuini, cumque præter illud nihil doceri debeat, & quæ uidentur obscuriora scripturæ loca non possint rectius, quàm alijs eiusdem scripturæ locis illustrioribus explicari, idcirco se permansuros in eo uestigio, & daturus operam, ut ueteris atque noui testamenti scripta purè ac perspicuè doceantur: hanc enim unicam esse rationem pla-



ne certam et indubitatam: hominum uero traditiones nullo niti fir- 1 5 29  
 mo fundamento: postremi conuentus decretum, pacis atque concor-  
 dia factum esse causa: uerum, si praesens hoc ualere debeat, maximis  
 turbis et offensionibus uiam patefieri: iam enim, licet adhuc quidem  
 suspensum fuerit edictum illud Vuormaciense, principes quosdam eo  
 spectare, ut priuatorum aliquot, suae ditionis hominum fortunas a-  
 uertant, et ad se transferant, ob non obseruatum edictum, ex eoq; fa-  
 cile intelligi, quid sit futurum, si nunc edictum illud denuo sanciat,ur,  
 et ex ipsis aliqui contra se uim expediant, et ad ea cogere uelint, quae  
 salua conscientia praestari nequeant: illud autem non recte dici, postre-  
 mi conuentus decretum, eiusmodi uerbis esse conceptum, ut eo ple-  
 rique abutantur, et interea dum concilium habeatur, licere sibi quid-  
 nis putent: haec nimirum ab ijs potissimum spargi, qui supremi iudi-  
 cij metu, cum patefient omnia, parum afficiuntur: de se uero quan-  
 tum attinet, non recusare, quod minus ijs, qui uiolatum ab se dicant il-  
 lud decretum, apud aequos iudices respondeant: quae cum ita sint,  
 non se assentiri huic ipsorum decreto, suiue facti rationem esse red-  
 dituros et palam omnibus, et ipsi quoque Caesari: ac interea, dum  
 inchoetur aut publicum totius orbis, aut provinciae Germaniae con-  
 cilium, nihil se facturos, quod iure possit improbari: quod insuper de  
 colenda pace, de non inuertendis aliorum bonis, de anabaptistis, de-  
 que typographis decretum sit, in eo quoque se, quid sui sit officij, non  
 ignorare. Huic principum protestationi, communicato consilio,  
 primi nominis ciuitates aliquot sese coniungunt, Argentina, Nori-  
 berga, Vlma, Constantia, Rutelinga, Vuinssemium, Meminga, Lin-  
 dauia, Campodunum, Hailbrunum, Isna, Vuissenburgum, Norlinga, Origo  
 Sangallum. Et haec quidem est origo nominis protestantium, quod nominis  
 non solum in Germania, sed apud exteris quoque gentes peruulga- Prote-  
 tum est atque celebre. Ferdinandus excesserat iam e concilio princi- stantium  
 pum, antequam hi protestarentur, tamen si, ut paululum modo differ-  
 ret, a Saxone fuerat rogatus atque socijs. Post, appellationis quo-  
 que formulam protestantes concipiunt et edunt, in eaq; rem omnem  
 ordine commemorant, ac demum ab omni actione Spirensi et de-  
 creto ibi facto prouocant ad Caesarem, ad futurum generale, uel  
 Germanicae nationis legitimum concilium, ad omnes denique non  
 suspen-

1529 suspectos iudices, ac simul ligationē ad Cæsarem decernunt. Nō multo post, Tigurini & Bernates copias educūt in quinque pagicos, uti uocant, ipsorum hostes, de quibus paulo supra diximus. Et Tigurini quidem, edito scripto, causam, cur ita faciant, exponunt, & multas illorum recensent iniurias, in quibus etiam hæc est, quod ipsorum ciues nonnullos, cum pecuniam sibi debitam reposcerent, Sutesenses uerbis affecerint, quod Vnterualdij, ipsorum atque etiam Bernæ & Basileæ & Argentinæ ciuitatis insignia suspenderint ad patibulum: scædus etiam ipsos omnes cum Ferdinando rege fecisse, ut religionē operant, in eoque pactum esse dicunt, ut quicquid ipsorum agris Rhenum, auxilio Ferdinandi capietur, id illis omne cedat. Qua quidē ex re facile est, inquit, uidere, hoc ipsorum esse consilij, ut externis copiis adiuti, nos ē finibus nostris eijciant. In quo sanē non modò ius nature, sed ipsa quoque pacta uiolant, quando uidelicet in nostram perniciem cum illo coniurant hoste, quo non alium habet nostra natio uel antiquiorem uel infestiores, in quo debellando, tot nunc annis à primordio nostri fœderis, tanta consensione, uires & robur omne simul communicauimus. Productis utrinque copiis, & positis castris, interuentu finitimorum & Argentinæ quoque ciuitatis composita res fuit, & discessum ab armis. A Ferdinando missa fuerunt illis auxilia, quæ ad Rhenum usque peruenerāt. Inter alia pactum fuit, ne religionis causa bellum inter ipsos esset, utque deinceps à maledictis abstineretur, constituta graui pœna. Gallie rex, cum & liberorum suorum statu, quos in Hispaniam miserat obsides, afficeretur, & per Italiam infœliciter bellum gereret, amisso nuper exercitu atque Imperatore Lautrecho, sicut diximus, amisso etiam Andree Aurie Genuate, rei maritimæ scientia clarissimo duce, qui sub idem ferè tempus, quo Lautrechus mortē obiit, ad Cæsarem defecerat, restituta patriæ libertate: ad pacē animum adiecit. Itaque Cameraci oppido Belgicæ, conueniunt Margarita, Cæsaris amita, & regis mater Aloisia, multique alij procures, ac in his cardinalis episcopus Leodiensis, Erardus Marchianus, & pacem Augusto mense faciunt, & illud, ante triennium in Hispania factum de Lutheranis decretum, ut supra docuimus, repetunt, ac denuò cōfirmant. Reliquæ conditiones, partim fuerunt mutatae. nam Burgundiam Cæsar Gallo permittit, si marem ē sorore suscipiat; Rex uerò pro liberatione

Pax fit  
inter Cæ-  
sarem &  
Gallum.

tione



clone filiorum Cafari dependit aureorum millia, uicies centena, et in 1529  
 his, debitum Anglicanum. Paulò poſt, ex Hiſpanijs Genuam Caſar  
 applicuit, eodemq; tempore Turcarum Imperator, Solimannus, à lo  
 anne Vayuoda ſolicitatus, per Hieronymum Laſcum, Polonũ, excel- Turca  
 lentis ingenij uirum, in numero cum exercitu per Vngariam tendit in Viennã  
 Austriam, & primariam eius regionis urbem Viennam, ad Idus Se- Austriæ  
 ptembris obſidet, & cuniculis rem agit, & qua parte incenia ſubuer- obſidet.  
 tiſſet: manus acerrimè conſerit: ſed cum milites præſidarij Germani,  
 quorum præcipuus dux erat Philippus Palatinus princeps, fortiſſimè  
 ſtationè defenderent, poſtridie Idus Octobris, infecta re diſcedit, mul-  
 tis hominum millibus, in reditu, partim trucidatis, partim in miſera-  
 bilem ac ſcedam ſeruitutem abductis. Vayuodam autem abiens Budæ  
 regem conſtituit. Nouum etiam morbi genus hoc anno Germaniam  
 inuaſit. Sudore peſtifero correpti homines, intra uigeſimam quartam  
 horam aut exhalabant animam, aut, ſi uirus exudaſſent, ualeitudinem  
 paulatim recuperabant, & priuſquàm de remedio conſtaret, multa  
 perierunt millia. Malum hoc, inde ab Oceano, per omnem propè Ger-  
 maniam peruaſit, breuiſſimo temporis ſpacio, & incredibili celerita-  
 te uelut incendium aliquod longè lateq; depaſcebat omnia. uulgò di-  
 citur morbus Anglicus. nam Henrici ſeptimi, Britannię regis anno  
 primo, qui fuit annus humanæ ſalutis M. CCCC. LXXXVI. eadem  
 lues Inſulam illam inuaſit, & quoniam in re noua remedium erat in-  
 cognitum, ingentem hominũ ſtragem edidit. Fuit inſuper hoc tempo-  
 re, frumenti ac uini tenuiſſimus prouentus: itaq; illa, quæ Deus iratus  
 eiaculari conſueuit in populum ingratum, tela, morbi contagio, bel-  
 lum, inedia, ſimul uno eodemq; tempore in Germaniã incubuerunt.  
 Captiui per id tempus tenebãtur Colonię Agrippinæ, Petrus Eliſte- Duo ex  
 dius, Adolphus Clarebachus, homines literati, quòd de cœna domini, ſti Colo-  
 deq; cæteris dogmatis diuerſum à pontificijs ſentirent. Senatus eius ur- nia.  
 bis habet ius, ut in carcerem ducat quos oportet: uitæ autē necisq; po-  
 teſtatem ſolus habet archiepiſcopus: ac fieri poteſt, ut quos capitis  
 damnauit ſenatus, archiepiſcopi prætor abſoluat. Illi uerò per ſeſqui-  
 annũ & amplius eò, cuſtodia detenti, nunc demũ ab utriſq; damna-  
 ti fuerunt & exuſti, magno cum gemitu plurimorum et cõmiſeratio-  
 ne. Culpam eius rei pleriq; conſerebant in theologos concionatores,  
 qui

1529 qui supplicij impiorū placandā esse clamabant irā Dei, nouo morbo genere nos uerberantis. Adolfus erat forma liberali, facundus & eruditus: cumq; duceretur ad supplicium, fidei suæ rationē explicabant, & scripturæ testimonijs inuicem sese confirmabant, ita quidem ut omnium oculi mentesq; in ijs hæerent defixi. Diximus antea de dissidio Lutheri & Zuinglij, super cœna domini: cum illud iam supra triennium agitaretur, et grauis esset dimicatio, multi, quibus doleret hac una simultate consensionem impediri doctrinæ, remedium adhiberi cum primis optabant. Lantgrauius ergo cum socijs re communicata, sollicitatis etiam Heluetijs, diem constituit, quo die Marburgi conuenerent utriusque partis uiri docti, deq; summa rei placidè conferrent. E Saxonia uenerūt Lutherus, Melanchthon, Ionas: ab Heluetijs, Oecolampadius, Zuinglius: Argentorato, Bucerus, Hedio: Noriberga, Oslander: multi aderant præterea uiri graues ac eruditi: solus autem Lutherus atq; Zuinglius causam disceptabant. Sed cum illud, quod dixi, morbi genus eò iam peruenisset, abrupta demum actione iussu Lantgrauij, sic conuenit: quandoquidē in præcipuis omnibus dogmatibus idem sentirent, abstinendum esse deinceps ab omni contentione, & Deum orandum, ut in hac etiam cōtrouersia lumen accendat, & concordie uiam ostendat. Et ita quidē amicè discessum fuit initio Octobris. Dictum est antè, quomodo Saxonie princeps et Lantgrauius, in conuentu, qui Spiræ fuit ante trienniu, fœderis ineundi mentionē fecerint: ea res in deliberationem deinde nō semel uenit, & iam potissimum, hoc facto decreto, coeptum est de illo cogitari uehementius, & finito conuentu, concepta quædam Noribergæ fuit eius rei formula, & post amplius tractata. Cumque mense Octobri Schuabachum legati principum ac ciuitatum uenissent, Saxonis & Georgij Brandenburgici nomine propositum fuit, quoniam religionis ac ueræ doctrinæ defensio, sit huius fundamentū fœderis atque causa, primum oportere cōsentientes omnium in eo esse uoluntates. Itaq; recitata fuit doctrinæ summa, capitibus aliquot comprehensa, quam approbarēt omnes: Argentinenses autē ac Vlmenses legati, neq; superiori conuētui Rotacensi factam eius rei mentionē esse, neq; se quicquam in mandatis habere dicebant. De cœna Domini non erat eadem omnium sententia sicut ante quoque diximus: & hic solus erat scrupulus. cum ergo

decerni

Collo-  
quium  
Lutheri  
& Zuinglij.



decerni propterea nihil posset, alter fuit Smalcaldie conuentus indi-  
 ctus ad Idus Decembris. Vbi iam Cæsar in Italiam uenisset, Erasmus  
 Roterodamus, qui Basilea relicta, propter mutatam religionem, & ui-  
 tandæ suspicionis causa, Friburgum sese receperat, Ferdinandi regis  
 oppidum, Nouembri mense libellum edit, qui titulo quidem inscri-  
 ptus est contra quosdam, qui sese falso iactant Euangelicos: reuera  
 autem totum ordinem perstringit. nam inter alia multa, nullum se no-  
 uisse dicit ex illis, qui non seipso uideatur esse factus deterior. Huic  
 deinde scripto respondent Argentinenfes theologi, quoniam de ipsis  
 potissimum & Basiliensibus ille tractauerat, inprimis autem de Bu-  
 cero. Aduentante Bononiam Cæsare, Franciscus Sfortia, qui pontifici  
 Gallieq; regi confœderatus ante fuerat, profectus ad eum, ubi suam  
 causam ipse dixisset, intercessionem Clementis septimi, Mediolanensem  
 principatum à Cæsare tandem recuperat, inter alia pactus ei dare au-  
 reorum millia nongenta: dimidiam quidem partem, hoc anno, reli-  
 quum autem intra decimum annum, æquis pensionibus: pignoris au-  
 tem loco, Cæsar, Comum & arcem Mediolani sibi seruat, dum anni  
 primi solutio fiat.

Erasmii  
 liber con-  
 tra Euan-  
 gelicos.

Sfortia  
 principa-  
 rum Me-  
 diolanen-  
 sem recup-  
 erat.

## LIBER VII.



IXIMVS ANTEA, PROTESTANTES decreuisse legationem ad Cæsarem. Hi erant Ioannes  
 Ehingerus, Alexius Frauentrutus, Michaël Cade-  
 nus Noribergensis, qui Genuam usque profecti, de  
 Cæsaris ab Hispanijs aduentu cognoscunt, ac deinde

Prote-  
 stantiū  
 legatio  
 ad Cæsa-  
 rem.

Septembris die nono, Placentiæ, per Mercurinum Cattinarium, qui  
 pridie factus erat cardinalis, per Henricum Nassouium, Alexandrum  
 Schuesium, Alfonsum Valdesium Hispanum, uiam & aditum sibi  
 faciunt. Cæsar xij Septembris diem eis constituit: monet tamen, ut sua  
 postulata scripto cōplectantur, neq; sermone utantur prolixiori, pro-  
 pter uarias & grauissimas occupationes. Cū ad diem uenissent, rur-  
 sus per interpretem monet, ut paucis agant. Illi, sicut in mandatis ha-  
 bebant, ordine repetunt decretū Imperij factū ante annum tertium,  
 quod nuper alio decreto sublatum sit: quod quidem si ualere debeat,

maximè

1529 maximæ sint ex eo turbæ nascituræ: Saxonie principem igitur electo rem atque socios, & his adiunctas quoque ciuitates, palam tunc esse professos, non se huic assentiri decreto: rogare autem, ne grauitè hoc ipse ferat aut molestè, sed necessitati tribuat. illos enim interea, dum cogitur concilium, nihil esse admissuros, quod non & Deo sperent & ipsi quoq; posse probari: deinde, maiorū exemplo facturos esse quiduis pro salute ac dignitate tum ipsius tum Imperij, seu bellū sit gerendum in Turcam, seu quoduis aliud sustinendum sit onus: obsecrare etiam, si fortè res ad ipsum aliter delata sit, ne credat, sed huic narrationi fidem habeat, nec ullam concipiat in eos offensionem, nisi prius ipsorum audita purgatione: præsertim, cum hoc semper deferant, si scripturæ testimonio rectius edoceantur, nihil esse facturos obstinatè uel præter officium: itaq; petere, ut illos in suam tutelam atque patrocinium accipiat, & primo quoquo tēpore, clementer ac benigne scripto respondeat: & quoniam sermones tota non possit explicari, quod etiam ipse iusserit, ideo se, quicquid omnino sit necessarium ad pleniorē cognitionem, scripto comprehensum ipsi tradere. Cæsar deinde, per interpretem, cuiusmodi sint ipsorū postulata, se accepisse, quam etiam suorum principum nomine deferant obsequentiam, habere pergratam, & cōmunicato cum suis consilio, quod æquum uidebitur, responsurum se dicit. xij demū Octobris die responsum dedit scriptum, ut illi petierant. de actione tota Spirensi, deq; decreto facto, per fratrem Ferdinandum regem, eiusq; collegas ante se cognouisse, quā ipsi aduenerint: & dissidium hoc quod multis incommodis atq; malis occasionem præbeat, uehementer sibi dolere: cumque sui sit officij, hæc omnia præcauere, ne accidant, aut, cum acciderint, emendare, ideo se diu multūque & grauitè, de re tota cum suis familiaribus deliberaſſe, atq; ita reperire. decretum illud eò factum esse, ne quid deinceps innouetur, nec ulli sectæ sit in posterum locus, cuiusmodi iam inuectæ sint complures & admodum tetra: deinde, ut pax & concordia per Imperium statuatur. ideoq; Saxonie principem atque socios meritò debuisse his omnibus assentiri: nam & sibi & reliquis principibus, animæ suæ salutem & conscientie tranquillitatem, non minus esse curæ, quā illis, nec etiam minus optare se concilium, quā illi, constituendæ reipublicæ causæ: quod tamen conciliū uideri possit



possit non admodum esse necessarium, si modo, quæ communi uoluntate decreta sunt atq; consensu, ualerent, si quoq; illud omnium ordinum approbatione factum Vuormaciæ, superioribus annis, decretum, & huic à se coniunctum edictum, seruaretur, sicut & ipsi fateantur eiusmodi decreta firma esse debere atq; fixa: quod cum ita se habeat, & quia moribus receptum sit, ut quod maior pars ordinum Imperij sancit, ne paucis quibusdam hoc rescindere liceat, ideo se datis literis ad Saxonem atque socios, mandasse, ut decretum factum habeant ratum, neq; contra faciant, sed obtemperent, pro ea fide, qua sibi deuincti sint & Imperio: nam alioqui fore, ut authoritatis & exempli causa, seuerè in ipsos animaduertat: existimare autem, hoc suum scriptum iam illis esse redditum, aut propediem redditum iri, & facturos quod iusserit: id sibi quidem fore longè gratissimum, præsertim in hoc tempore, cum certò nuncietur, Christiani nominis hostem, Turcam, progressum in Vngariam, cum omnibus copijs petere Germaniam: hac nimirum de causa uehementer opus esse cõcordia domestica: nam etiam ut in Turcicum bellum & in alios usus Imperij, pecuniam & opem illi conferant, tamen, nisi mutua sit animorum consensio, nisi pax inter omnes ordines atq; beneuolentia constet, non posse quicquam aduersus tantum hostem utiliter suscipi uel administrari: nec enim agi de una tantum et altera prouincia, sed totum hunc orbem reipublicæ Christianæ, præsertim uerò Germaniam, neq; coniuges tantum & uxores atque fortunas uniuscuiusque, sed fidem, religionem, leges omnes, & quicquid omnino charum esse potest, in præsentissimum periculum deuocari: resistendum igitur illi quamprimum, conunctis & animis & uiribus, aut hæc tam horrenda, tam funesta, tam tetra, indubitanter expectanda: quòd si nulla subesset alia, tamen hac præcipuè de causa, debere illos omne suum studium ad maioris partis ordinum Imperij uoluntatem aggregare: quæ cum ita sint, petere se rursus atq; mandare, ut decreto facto morem gerant, uti reliqui ordines, qui non minus, quàm ipsi, cupiant suam religionem atque uitam approbare Deo: contentione quoque omni deposita & dissidio, consulant in commune cum alijs atque decernant, quomodo fratri Ferdinando regi subministrentur auxilia, quomodo uis Turcica reprimi possit, ne longius euagetur: his etiam de rebus acturum se cum pon-

tifice, coram, quò uidelicet & immanissimus hostis reiiciatur, & religionis actio referatur omnis ad gloriam Dei, & ad communem omnium tranquillitatem: compositis quoque rebus per Italiam, quod felix atque faustum sit uniuersæ reipublicæ, primo quoque tempore, uim omnem atque uires in Turcam uelle se cōuertere: quamobrem sperare, illos, periculi considerata magnitudine facturos: quod alioquin ex officio debeant. Eo dato responso, legati, cum legissent, appellationem, sic, ut erat concepta, tradunt Alexandro Schueißio, testibus ad eam rem adhibitis, ut fieri consuevit: ille quidem initio recusat, sed tandem accipit, & ad Cæsarem defert, eodemque die post meridiem redit, & reliquo sermone confecto, Cæsarem iubere dicit, ne pedem moueant è diuersorio, ne quid suis perscribant, ne suorum quem ali- quò mittant, donec aliud renunciēt, capitis atque fortunarum denunciata poena, si secus faciant. Dum hoc agitur, fortè aberat domo Michael Cadenus, & è uestigio certior factus per famulum, rem omnem senatui Noribergico perscribit, & literas magna celeritate perferri curat: nec enim fide tenebatur deuinctus, ut collegæ. Penultimo demùm Octobris die, Parmæ, quò iussi erant sequi, Nicolaus Granuellanus, qui Mercurini partes obibat ægrotantis, nunciat eis, etsi delatam sibi prouocationem Cæsar ægrè ferat, tamen permittere, ut domum ad suos reuertantur: Cadenum uerò iubet manere, capitis poenam comminatus, nisi pareat. cuius quidem rei hæc erat causa. Lantgrauius dederat abituro libellum eleganter adornatum, qui doctrinæ Christianæ summam paucis complectebatur, ut Cæsari daretur: is per occasionem, cum ad sacrum iret Cæsar porrigit: Cæsar inuicem episcopo cuidam Hispano, ut quid rei esset, cognosceret. hic fortè in locum illum incidit, ubi Christus monet apostolos, ne principum affectent: hoc enim ipsorum non esse professionis, & gentium reges usurpare sibi talem potestatem. Eum locū author inter alia tra- ctauerat, demonstrans, cuiusmodi sit officium ministrorum ecclesiæ: sed ille, cū obiter legisset, percontanti Cæsari sic referebat, quasi magistratui Christiano ius gladij tolleretur libellus, & gentibus duntaxat, alienis à religione Christiana permetteret. hac ergo de causa detinetur iste: hoc etiam Granuellanus addebat, uelle Cæsarem, ut idem scriptum exhibeat quoque pontifici: cum autem ipse factum purgaret,



neque satis commodum responsum ferret, & è sermone Granuellani 1 5 2 9  
 periculum suum intelligeret, silentio conscendit equum, & celeriter  
 Ferrariam, inde Venetias profectus, domum reuertit. Senatus Nori-  
 bergicus, acceptis literis Cadeni, de quibus ante dictum est, Saxonem,  
 Lantgrauium atq; socios ilico certiores facit Octobris die xxiiij: re  
 deliberata, placuit Smalcaldie fieri conuentum, sub finē Nouembris.  
 Eo uenerunt ad diem Saxonie princeps, eiusq; filius, Ioannes Frideri-  
 cus, Ernestus & Franciscus Luneburgici fratres, Lantgrauus Philip-  
 pus Georgij Brandeburgensis consiliarij, ciuitates etiam, Argentora-  
 tum, Vlma, Noriberga, Heilprunum, Rutelinga, Constantia. Memin-  
 ga, Campodunum, Lindauia. Sub idem tempus uenerunt ex Italia le-  
 gati, cumq; legationem renunciaissent, ut supra commemorauimus, ui-  
 sum fuit agendum esse omnium primò de religione, cuius nuper erant  
 proposita capita. Rogantur itaque Argentineses ac Vlmeneses, quid  
 sit ipsorum in eo uoluntatis atq; propositi? respondent in eandem, ut  
 nuper, sententiam. quo tempore primùm sit agi coeptum de foedere,  
 nullam eius rei mentionem esse factam: hoc unum modò in delibera-  
 tionem uenisse, quomodo sint auxilia communicanda, si quem do-  
 ctrina causa periclitari contingeret: quid aduersarij moliantur ac in  
 animo habeant, esse non obscurum: inter illa uerò doctrinae capita,  
 quae sunt in medium adducta, quaedam posse disputari: quod si de ijs  
 non cõueniat inter doctos, metum esse, ne dissidium oriatur, quod ad-  
 uersarijs ualde sit opportunum atque commodum: itaque suum esse  
 consilium, ut ad illud, quod initio fuit de foedere faciundo propositũ,  
 omnis referatur deliberatio. Saxo, & huic adiuncti Luneburgici fra-  
 tres, & Brandeburgicus, sollicitabant eos per Noribergicos, ut assen-  
 tirentur: Lantgrauus uerò medium sese gerens, conciliationi stude-  
 bat: cum nihil proficeret, reliquarum etiam ciuitatum legati uocan-  
 tur, & si quidem eam doctrinam per omnia probent, actionem fœ-  
 deris institui posse cum ipsis, dicebatur: illi nullum habere se eius rei  
 mandatum, respondent, & primam urgent actionem. Tandem  
 ita disceditur, ut qui doctrinam hanc omnem profiteri uelint at-  
 que recipere, Noribergam ueniant ad sextum Ianuarij diem anni  
 sequentis, deliberandi causa, quid deinceps agendum sit. Argenti-  
 nenses interea, muniendi sui causa, quò uim iniustam à se suisque

Conuen-  
tus Smal-  
caldia.

Fœdus  
Argen-

tinensifi  
e im Hel-  
ueticis.

depellerent, cum Tigurinis, Bernatibus, Basiliensibus, qui & uicini erant, & dogmate magis conueniebant, foedus faciunt in hunc modum. Si doctrinae causa uim patiantur, hæ, quas dixi, ciuitates auxilia mittant atque copias, quantas omnino res ipsa flagitabit, sic tamen, ut in mille pedites, aureos bis mille menstruos dent Argentinenses, loco subsidij: contra, si uis ipsis inferatur, Argentina nullas quidem copias mittat, sed per belli tempus aureorum millia tria menstrua subministret: item, cuius in ciuitatis finibus, alterutrius partis hostes deprehendantur, non ferant impune, sed eo loco sint atque numero, sicut belli ius atque gentium præscribit. Si uis ulla fiat simul omnibus, tum singuli suo sumptu rem gerant, & hostem quam longissimè depellant. Argentina, pulueris tormentarij libras decies mille, Tigurum, & frumenti modios totidem, Basileam, pacis tempore, cum erit opportunum, mittant: ex eo tamen nihil sumatur, nisi belli tempore, & urgente inedia: tunc illud in ciues liceat distribuere, facta æstimatione precij, quantum ex æquo uidebitur: ueruntamen, si auxilio proficiantur Argentinensibus, puluere utantur, quantum erit opus, in communi autem bello dimidiam precij partem persoluant. Decretum fuit hoc foedus in annos quindecim, Ianuarij die quinto. Senatus Imperij, cui tum præerat Fridericus Palatinus, ubi rescuit, datis literis ad exitum eius mensis, peruulgatum esse dicit de foedere, quod cum Helueticorum pagis aliquot fecisse dicantur: id sibi cum primis esse mirum, eos uidelicet, qui sunt Imperio deuincti, sine consensu Caesaris & ordinum Imperij, foedus ullum inire cum aliquibus: & quanquam plerique omnes confirment, non tamen prius fidem habere se uoluisse, quam ab ipsis rem omnem cognoscant: itaque petere, ut sibi, qui Caesaris locum obtineant, clarè perscribant, quid rei sit, & quibus conditionibus pacti sint. Ad conuentum illum, à protestantibus designatum Noribergæ, uenerunt principum & per paucorum ciuitatum legati: consilium erat, mittendam esse legationem ad Cæsarem atque Ferdinandum, sed ab eo discessum fuit. Et quia Cæsar Imperij conuentum primo uere putabatur indicturus, placuit, interea deliberandum esse, quid in eo proponi debeat, & quod singulis uisum fuisset, intra tempus menstruum Saxoni renunciandum, ut per eum cæteri quoque cognoscant. itaque discessum fuit quarto Idus Ianuarij. Cæsar interea, qui Nouembris die

1530

Senatus  
Imperij  
literæ ad  
Argent.

Protesta-  
tium con-  
uentus  
Noribergæ.



die quinto Bononiam uenerat, Ianuarij die xxi. dimissis in Germania 1530  
 am literis, conuentum indicit omnium ordinum Augustæ, ad diem 0= Comitiz  
 Etatum Aprilis, religionis potissimum & Turcici belli causa. Viget= Augustæ  
 simo quarto deinde Februarij die, maximo cum apparatu atq; splen= indicta.  
 dore fuit inauguratus à pontifice, quum uerbis conceptis iurasset, pon= Cæsar in  
 tificiæ dignitatis perpetuum se futurum esse defensore. Ante quàm augura=  
 Bononiam ueniret, ad ipsos fines ditionis pontificiæ præstò fuerant ei rur à Pò  
 tres cardinales, à pontifice missi, fidem ab eo postulantes, ne quam ec= tifice.  
 clesiasticæ libertati uim unquam adferret: ille sic respondit, ut osten=  
 deret, se nihil uelle sui iuris imminuere, Parmam atque Placentiam  
 tacite designans, Mediolani ditionis urbes, quas tum ecclesia Roma=  
 na possidebat. Bononia profectus, Fridericum Mantuanum ornat  
 dignitate Ducali. fuit olim Mantua, Imperij libera ciuitas: post au=  
 tem, uarijs agitati motibus atque ciuilibus malis, ad Ludouicum Gon=  
 zagam, propter eiectam Passerini tyrannidem, rei summam deferunt,  
 anno salutis M. CCC. XXVII. huius abnepotem, Ioannem Fran=  
 ciscum, Sigismundus Cæsar, creuit Marchionem, anno M. CCCC.  
 XXXIIII, altera die Septembris. Et in hoc quidem gradu  
 constiterunt usque ad hoc tempus, uti diximus. Augustam primus  
 omnium uenit elector Saxonie, cum Ioanne Friderico filio: in reli=  
 quo comitatu erant Philippus Melanchthon, Ioannes Islebius Agri=  
 cola, Iustus Ionas, Georgius Spalatinus. Mittebant obuiam Cæsari  
 gratulatum, Vlmeneses: cum uix ægrè tandem essent admissi, Cæsar  
 postulat, ut à superioris anni protestatione discedant, seque deinceps  
 imperata facturos esse spondeant. Urbis tuendæ causa, conscripse=  
 rant Augustani ad octingentos pedites: hoc ubi Cæsar accepit, iubet  
 eos dimitti, & alios ipse conscribit, inq; suam fidem adigit, & portam  
 unam urbis tradi sibi postulat, diebus aliquot ante, quàm eò ueniss=  
 set. Is, quem supra dixi, Cattinarius, nuper creatus cardinalis, mor=  
 tem obiit Oeniponte, in eiusq; locum successit Granuellanus Vefon=  
 tinus. Hoc ferè tempore uenit in Galliam, ab Hispanijs, Eleono=  
 ra, cum regijs liberis, Francisco & Henrico, qui iam totum quadrien=  
 nium ibi fuerant obsides, loco parentis. Non multò post inaugura=  
 tionem Cæsaris, pontifex ad Ferdinandum regem mittit legatum  
 Petrum Paulum Vergerium, iureconsultum, ampla cum potestate:

Granuel  
 lanus suc  
 cedit Cat  
 tinario.  
 Legatus  
 Pont. Pe  
 trus Pau  
 lus Ver-

1530 **gerius ad Ferdinandum,** sed in primis ei dedit in mandatis, omnem operam nauaret, ne prouinciae Germaniae concilium fiat, utque Ferdinandus omnem impediatur eius generis actionem. Ille sibi commissum munus diligenter exequitur, & quacunque ratione potest, Lutheranis incommodat, & in Ioannem Fabrum, Eccium, Cochleum, Nauseam munificus erat, ut fortiter agerent: Eccium quoque Ratisbonae creauit Canonicum, ut legatus pontificis, quo praesente solet cessare ius eligendi. Augustam Caesar uenit idibus Iunij, sub uestperum: iam aderant plerique principes, & obuiam omnes progressi, perhumaniter excipiunt aduentantem. Erat in eius comitatu Campegius cardinalis, à pontifice missus cum plenis mandatis: hunc inter & Ferdinandum fratrem Caesar cogitabat in urbem ingredi medijs, sed quia praeter morem hoc erat Imperij, Moguntinus & Colonienfis proximè antecedeabant: ponē sequebantur Ferdinandus atque Campegius. Alter dies erat sacer, & corporis Christi memoriae dicatus, ut ualè dicunt: itaque Caesar ad diuorum templa supplicationem faciebat, misificante Moguntino. Principes aderant omnes maximo numero, praeter Saxonem, Lantgrauium, Luneburgicos fratres, Georgium Brandeburgicum, Anhaltum. Caesar quidem eis nunciauerat, ut & interessent, & suos abrogarent concionatores: illi autem neque uenerunt, & quia conuentus hic eo sit indictus, ut omnium audiantur sententiae, non se posse suis imponere silentium ante cognitionem causae, dicebant. Biduo post fuit edictum, ut utriusque partis concionatores desistant, donec de religione decidatur, Caesar tamen aliquos constitueret, qui sine cuiusquam contumelia doceant: fuit hoc uoce praconis denunciatur, constituta poena. Iunij die uigesimo factum est initium actionis, & Caesar Missam aditurus de more, Saxonem adesse iubet, ac sibi praeferre gladium. nam id Saxonicae domus est officium in eiusmodi pompis: ille, re deliberata, cum theologi dicerent licere adesse, quod ad suum officium esset euocatus, non ad Missam, uelut ad cultum diuinum, accessit, Georgio Brandeburgico comitatus: reliquorum nemo uenit: à sacro uentum est in curiam. Ibi Fridericus Palatinus nonnulla praefatus, moram Caesaris excusat, & simul causam indicti conuentus repetit. deinde recitata fuit oratio prolixa, de scripto, sicut fieri consuevit. scire ipsos, quemadmodum simul atque de communi consilio creatus esset Caesar,

**Saxonis electoris officium**

**Oratio nomine Caesaris lecta in consensu Principum**



Cæsar, ordinum omnium conuentus egerit Vuormaciæ: sed illo ipso 1530  
tempore illatum sibi fuisse bellum, ita quidem, ut, tametsi ualdè cu=  
peret in Germania permanere, coactus fuerit in Hispaniam redire:  
quod tamen fecerit & de ipsorum uoluntate, & non prius, quàm  
Imperij res legitimè procurasset, constituto nimirum iudicio & se=  
natu, & fratre Ferdinando, uelut altero se, legato sibi designato  
per suam absentiam: cùmque de illorum fide, diligentia, uirtute ma=  
gnam haberet opinionem, tranquilliori animo deseruisse Germa=  
niam: & illos quidem ita rempublicam administrasse, nihil ut am=  
plius desiderari possit. Interea uerò, dum in Hispanijs ageret, audisse,  
non solum magnas esse per Germaniam simultates atque dissidia re=  
ligionis, uerum etiam Turcas in Vngariam & loca finitima uim atq;  
bellum inferre: & amisso Belgrado, multisque alijs propugnaculis  
et arcibus, Ludouicum regem atque proceres, missis legatis, opem im=  
perij sollicitare, qua freti considerent non solùm uim omnem hostilem  
depellere, uerum etiam sua se posse recuperare, sin autem ea desitue=  
rentur, fore, ut quæ nunc ipsis incumberet calamitas, ea nō multo post  
ad reliquos omneis finitimos inundaret: his rebus cognitis, ualde se  
fuisse commotum, & idcirco, ut celeriter auxilia mitterentur, eam  
pecuniam, quam sibi Romam inaugurationis causa proficiscenti  
erant impensuri, iussisse omnem eò conuertii: sed cum tardius hoc ad=  
ministraretur, hostem, ubi Rhodum, uelut alteram arcem orbis Chri=  
stiani, cepisset, in Vngariam longius progressum, prælio superasse re=  
gem Ludouicum, & quicquid est urbium atque locorum inter Sauum  
atque Drauum flumina, cepisse, diripuisse, incendiisse, multis homi=  
num millibus interfectis: impetum deinde fecisse in Illyricum, &  
cum supra modum omnem ibi grassatus esset cadibus, incendijs, ra=  
pinis, deuastationibus agrorum, abduxisse illinc supra xxx. homi=  
num millia in miserabilem seruitutem, & eos, qui cum impedimen=  
tis fortè sequi non poterant, contrucidasse: deinde proximo superiori  
anno, in Austriam penetrasse cum innumerabili exercitu, & ijs locis  
urbem primariam obsedissee Viennam, & longè lateq; populatum esse  
agros, propè ad Lincium usque, nec ullum inhumanitatis genus præ=  
termisisse, nulla nec ætatis neque sexus habitatione, dissectis pueris  
infantibus, puellis atq; sceminis nefariè stupratis, & more pecudum

15 30 abactis: itaq; planè tunc se constituisse, rebus omnibus alijs posthabitis, illò proficisci cum copijs, & omne suum robur eò conuertere: datis etiam literis tum ad Ferdinandum regem fratrem, tum ad proceres atque belli duces, Viennæ circumfessos, ut suum aduentum prorsus expectarent, ac fortiter agerent, hortatum esse: Cum autem ille pedem referret, mutasse consilium, & multis de causis optimum iudicasse, ut rebus per Italiam pacatis, cum pontifice de summa reipublicæ constituenda, deque religione consilia conferret, & conuentum hunc indiceret: potuisse quidem inaugurari Romæ, sine ullo impedimento, & inde Neapolim proficisci, quod eius regni status atque conditio tunc inprimis requirebat: sed tamen re priuata postposita, cogitationem omnem ad rempublicam contulisse, ut uidelicet primo quoque tempore huic adesset conuentui: Iam uerò, licet Viennam hostis capere non potuit, tamen ingens damnum esse datum toti prouinciæ, quod uix longo tempore sarciri possit: & licet exercitum ille reduxerit, præsidia tamen atq; duces reliquisse ad fines, qui non Vngariam modo, sed Austriam quoque & Stiriam & loca finitima continenter ab eo tempore deuastarint: & quandoquidem fines nunc habeat multis in locis coniunctos nostris finibus, dubium nō esse, quin ad proximam occasionem multò sit maiori cum manu reuersurus, ut ad interuersionem omnia disperdat, in Germania præsertim: At qui, post captam Cōstantinopolim, quàm multa nobis ademerit, quantūq; Christiani sanguinis hauserit, & quas in angustias orbem hunc nostrum redegerit, sic esse notum, ut deploratione potius & querimonia, quàm ulla sit opus explicatione prolixiori: sanè tot tantisq; malis omnium animos uehementer affici, rerūque præteritarum exemplis debere commoueri, & certò statuere, quòd si iam rursus, ut antehac, remissè, lentè, cunctanter agetur, neque maioribus, quàm hucusque copijs atque uiribus, obuiam ibitur illius furori, non esse quod deinceps ullam salutem sibi polliceantur. sed fore, ut alia post aliam amissa prouincia, tandem, & breui quidem, in ipsius ditionem atq; potestatem redigantur omnes: his quidem de rebus, per suam absentiam crebros fuisse conuentus ordinum, quibus etiam optauerit ipse coràm interesse, uerùm id sibi per suos aduersarios atq; bella non fuisse integrum, sicut & literis & legationibus non semel demonstrari: sed tamen suas priuatas

iniu=



iniurias & offensiones, ubi primum licuit, condonasse rei publicæ: ac 1530  
 pacem cum hoste fecisse, multaq; de suo iure largitum esse, publicæ pa-  
 cis atq; concordie causa, neq; suum in Germaniam reditum uoluisse  
 longius differre, & relictis Hispaniarum regnis florētissimis, non absq;  
 magno discrimine in Italiam traiecisse, & quod ibi reliquum erat ho-  
 stium, atq; adeo totam Italiam pacasse: quæ quidem res impedimento  
 sibi fuerit, quò minus ad constitutum diem hic adesset: & quia subita-  
 rijs illis & intercisis auxilijs nihil adhuc profectum sit, opus esse no-  
 ua et ampliori deliberatione: cum enim eo spectet immanissimus ho-  
 stis, ut in suam seruitutem omneis redigat, imò, ut extra naturæ fines  
 exterminet, agendum esse nunc atque considerandum, quomodo per-  
 petuentur auxilia, ne uidelicet ullo tempore desit pecunia, copia, ui-  
 res, ut non modò defendi, uerum etiam inferri bellum, nec amissa so-  
 lum recuperari, sed illis etiam sua possint eripi atque auferri: Pontifi-  
 cem maximum liberaliter sibi pollicitum atque prolixè se quoq; ta-  
 met si pecuniam sibi promissam inaugurationis causa, totam in hunc  
 usum concesserit, licet sumptum in hac solenni coronatione solus o-  
 mnem fecerit, etsi multam præterea uim auri depēderint, tamē in hoc  
 opere tam sancto tamq; necessario facturum esse, quod se suamq; per-  
 sonam deceat: idem expectandum esse à fratre Ferdinando rege, qui  
 iam sit orbis Christiani, Germaniæ præsertim, ueluti propugnaculū  
 quoddam, obiectum furori Turcico: sed & alios reges atque princi-  
 pes externos non esse defuturos auxilio, quorum nonnullis iam eo no-  
 mine scripserit, alios etiā sit interpellaturus. Ad religionē uerò quod  
 attinet, inde statim à suscepta Imperij administratione, magno sanè  
 cum animi dolore se audisse, dissidium hoc excitatum esse, ideoque, ut  
 in tempore medicinam faceret, habito Vuormaciæ conuentu, decre-  
 tum tunc fecisse, communi ipsorum omnium assensu atq; uoluntate,  
 cui si obtemperatum esset, non fuisse tot malis & incommodis pate-  
 factam uiam, quæ nunc aliquot annis Germaniam affligerint: quo  
 quidem in numero popularis illa seditio & anabaptistarū secta prin-  
 cipem locum obtineant: cumq; uarijs actionibus hucusq; nihil effectū  
 esse uideat, magni fore momenti suam præsentiam existimasse: conuen-  
 tum igitur hūc indixisse, ut in eo, quod quisq; uellet, proponat in me-  
 dium, scripto comprehensum, quò nimirum tantò commodius atque

153 o celerius intelligi res possit atq; diffiniri: se quidem & in hac, & in re aliis omnibus Imperij causis facturum esse, quod sui sit officij, pro sua erga remp. atq; patriam charitate, & ut pro se quisq;, consimilem huc uoluntatem atque studium adferant, postulare. Principes, habita deliberatione, iudicabant omnium primò agendum esse de religione.

Oratio  
Campe-  
gij cardi-  
nalis.

Prote-  
stantiū  
Augusta-  
na con-  
fessio.

Quarto post die, Campegius, in consessu principum, Cesare presentem, orationem habuit latinam, hortatus eos, ut in causa religionis morem gerant Cesari, collaudata ipsius uirtute ac pietate: se quoq; pontificis nomine daturum operam, ut eandem fidem Profiteantur omnes, & reconciliatis animis bellum in Turcam suscipiatur. Ab eo, legati Austriaci, quantam acceperint à Turca calamitatem, exponunt, optemq; petunt. Posthac, Saxoniae princeps elector, Georgius Brandenburgicus, Luneburgensis, Lantgrauus, orant Cesarem, ut suae doctrinae confessionem, scripto comprehensam, audiat: ille iubet exhiberi scriptam atque deponi: rursus illi, quoniam ea res ad ipsorum existimationem, ad fortunas, ad sanguinem atq; uitam, & animae salutem pertineat, & quia secus ei forte delatum sit, quam res habeat, instant, & audiri postulant. Caesar, ut postridie domum suam ueniant, iubet, sed scriptum sibi iam tradi petit: illi denuò, quam possunt uehementissimè urgent & obsecrant: neque putasse dicunt, hoc sibi denegatum iri, quum alios, multo se humiliores, in rebus etiam leuioribus audiat: cum autem ille de proposito nihil mutaret, petunt, ut scriptum sibi relinquat, donec sit recitatum. eo permissio, ueniunt altera die, atq; ibi in coetu principum et omnium ordinum, auscultante Cesare, recitant: postea latinè atque Germanicè conscriptum ei tradunt, & si quid in ea desideretur, explicationem deferunt, & si forte iam definiri causa non possit, non se recusare toties & promissum & decretum concilium, demonstrant. Caesar, qui totam hyemem, inde à Nouembri usque in Martium mensem Bononiae fuerat cum pontifice in eodem palatio, totus eo spectabat, quemadmodum religionis disidium absque concilio pacaret. nam hoc esse Clementi longè gratissimum sciebat, cuius hic erat scopus, ut, si leniter sopiri causa non posset, opprimeretur armis. Itaq; lunij die xxvi, ciuitatum omnium legatos domum suam conuocat, & per Fridericum Palatinum exponit, in postremo conuentu Spirensi factum esse decretum, cui plerique o-



omnes obtemperarint, idq; sibi esse pergratum: alios uerò quosdam il-  
 lud repudiasse, quod sibi permolestè acciderit: itaq; postulare, ne se-  
 cessionem à reliquis faciant, aut uerò facti sui rationem exponant, cur  
 non obsequantur. Ad ea protestantium ciuitatum legati respondent.  
 in officiose nihil ab se factum esse: nec enim se minus, quàm suos ma-  
 iores, cupere ipsi omnem fidem ac obedientiam præstare: cùm uerò  
 causam scire uelit non admissi decreti, spaciū: sese petere delibera-  
 di. septimo deinde Iulij die, scripto respondent in eam ferè sententiā,  
 ut anno superiori fecerant, missa in Italiam ad ipsum legatione, sicut  
 diximus: ad eam quoque legationem & causas tunc expositas sese  
 reiciunt. Biduò post, Cæsar iubet à Saxone socijsque rogari, num  
 quid præterea uelint exhibere? Illi nihil aliud, nisi quod confessio-  
 nis iam traditæ summam paucis repetunt. ciuitatum deinde legatis,  
 quandoquidem conscientie causa non se posse parère dicant decreto  
 Spirensi, mandat, ut eorum, quibus grauari sese putent, capita, scri-  
 pto complectantur: Saxoniam uerò confessionē tradi reliquis prin-  
 cipibus, ut cognoscant: hi deinde suis theologis, in quibus facile erant  
 primi, Ioannes Faber & Eccius. Ille contrarium scriptum & confu-  
 rationem opponunt, quam ubi principes recitari audissent, nimis a-  
 crem esse nonnulli iudicabant, & deligendos putabant, qui partis u-  
 triusque scripta reuoluerent atque lenirent: sed uicit eorum senten-  
 tia, qui sic reddendam esse Cæsari, ac rem omnem ei committendam  
 dicerent. Interim Argentineses, Constantienses, Memingi, Linda-  
 uij, doctrinæ suæ confessionem, scriptam & ipsi tradunt Cæsari. de  
 cœna Domini, non idem hi, quod Saxones atq; socij, sentiebant, ut su-  
 præ diximus. Re deliberata cum legato pontificio, Cæsar decreuit re-  
 sponsam ad scriptum Saxoniam, & principibus illud Calendis Au-  
 gusti communicat. Exitus erat uehemens atq; durus, proposita nimi-  
 rum pœna proscriptionis, ijs, qui non parèrent: sed de principum con-  
 silio mitigatum hoc fuit. itaq; tertia die Augusti conuocat omneis or-  
 dines, ac per Fridericū Palatinum exponit, diu multumq; se delibe-  
 rasse de doctrinæ confessione Saxonica, mandasse quoque uiris ali-  
 quot honestis et eruditis, ut iudicium facerent, quid piè sit in ea, quid  
 alienè dictum ab Ecclesiæ cōsensu: fecisse hoc illos, & sententiā suam  
 alio scripto demonstrasse, quod & ipse probet, deinde recitata fuit

1530 Confessionis Augustinæ confutatio. à theologis aduersarijs conscripta, cuius hic erat ordo. Scriptum Saxonicum in duas partes diuiserunt, prior habet xxi doctrinæ capita: ex ijs alia receperant, alia reiecerant, quædam partim fuerunt admissa, partim repudiata, multis patrū & conciliorum adductis testimonijs. In reiectis hæc erant. opera bona nihil mereri: iustificationem tribui soli fidei, non etiam operibus: ecclesiam esse congregationem piorum: non posse satisfieri pro peccatis: diuos non intercedere pro nobis. alia receperant cum modo, de ceremonijs nimirum, item, uerum corpus atque sanguinem Christi esse in sacramento, sic, ut sub qualibet specie sit Christus, & uinum atq; panis omnino mutetur: illud de confessione sic admittebant, si populus astringeretur, ut quotannis ad pascha cōfiteantur, & delicta omnia diligenter enumerent, & cœnam Domini percipiant, & septem esse credant ecclesiæ sacramenta: cauebant etiam, ne quis erudiendo populo præficiatur, nisi de uoluntate & permissu episcoporum: adhæc, ut leges omnes & ecclesiæ præcepta seruentur, & quibus in locis abrogatæ sint, restituantur. Altera pars quinque præcipue complectitur: cōmunio cœnæ Domini sub utraq; specie, quod aiunt reijcitur, & petebat Cæsar, ut in eo totius orbis Christiani consensum atq; morem sequantur: de coniugio sacerdotum mirari se dicebat, hoc ab ipsis peti, cum inde ab Apostolorum ætate non fuerit in usu: prorsus igitur concedi non posse: Missa recipitur ipsorum, modò cum ritu Ecclesiæ Romanæ conueniat, si uerò mutata sit, reijcitur, ac simul affirmatur, Missam esse sacrificium pro uiuis atque mortuis, neq; debere Missam priuatam abrogari: Daniele multò antè prænucciassse, fore, cum antichristus uenerit, ut sacrificium aboleatur: hoc quidem nondum accidisse, ueruntamen ijs in locis, ubi Missa iacet, altaria destruuntur, exuruntur statuae, quibus in templis nihil cantatur, nihil legitur, nulla lucent amplius luminaria, ibi nimirum illud iam representari prophetæ uaticinium: itaq; cauendū esse diligenter omnibus, ne causam præbeant aduentus antichristi: uota monastica niti tam noui quàm Testamenti ueteris autoritate, plectēdos igitur, qui suæ professionis obliti deseruerunt ordinē: episcopos habere potestatem nō docendi tantum, sed et administrandi remp. nec in suo iure impediendos esse, quod liberalitate maiorum sint consecuti: non abstinere à carnibus, tempore prohibito,



non ieiunare per quadragesimæ tempus, non confiteri peccata, pro-  
 teruiam esse, nō libertatē Christianam. His ita recitatis, fatentur non  
 esse nulla, quæ requirant emendationem: ut etiā hæc sanentur, & Ec-  
 clesiæ status corrigatur, omnē suam operam Cæsar pollicetur, & o-  
 mnino se sperare dicit, quandoquidē de multis inter ipsos conueniat,  
 fore, ut ad Ecclesiæ sinum redeant protestantes, eiq; sese permittant:  
 quod quidem si faciant, nihil esse quod ab ipso non debeant expecta-  
 re: sin autem, tum sibi necessariū faciendum esse, ut Ecclesiæ tutorem  
 ac defensorē deceat. Ad ea Saxoniz princeps, & suo & sociorum no-  
 mine. quoniam professi sint initio, si quidem de religionis agatur con-  
 ciliatione, se facturos esse, quicquid omnino salua conscientia possint:  
 deinde, si quis ipsorum error doctrinæ, testimonio scripturæ common-  
 streetur, non repugnatu-ros: adhæc, si desideretur explicatio copiosior,  
 daturus: & uerò, eius doctrinæ, quam obtulerint, capita quædam sint  
 admissa, quædam repudiata, opus esse, ut amplius sua confirment atq;  
 doceant: itaque orare, ut consutationis exemplum sibi detur. Biduo  
 post, Cæsar, cū diu deliberaisset, ait daturum se quidem, uerū ea le-  
 ge, ne quid eius euulgent aut typis procudant: nolle etiam ampliorem  
 ullam admittere disceptationem, & petere, ut ad suas partes aggre-  
 gentur: illi autem hac lege non se posse recipere demonstrant. Postri-  
 die, qui sextus erat Augusti dies, Landgrauius, paucis aliquot comita-  
 tus, illinc discedit, relictis legatis. molestē hoc Cæsar tulit, & senatui  
 mandat, ne quem omnium per locum secretiorem urbis, qui noctu so-  
 lum patefieri solet, emittant. & altera die cū Saxonem atq; socios  
 euocasset, offensionem minimē dissimulat, & petit ut ad exitus ipsi  
 permaneant: se nimirum quod ad cōcordiam faciat, nihil esse præter-  
 missurum. Illi purgant Lantgrauium, per uxoris naletudinem, & le-  
 gatos reliquisse docent, neque se discessuros aiunt: sed interim mira-  
 ri, cur excubiæ sint atq; stationes ad portas dispositæ: nec enim in Im-  
 perij conuentibus ita fieri consueuisse. Cæsar excusat, propter cædē sa-  
 etam, & Germanorū ac Hispanorum dissidia: si quid turbæ deinceps  
 accidat, nihil eiusmodi se facturum, nisi ipsum, qui sit Imperij Mare-  
 scallus, antē præmoneat. Saxo respondet, si quid accidat, in quo suum  
 officium requiratur, præsto se futurum, uti decet: itaque remotæ fue-  
 runt à portis eodem die stationes. Circiter hoc tempus finem habuit  
 bellum

Lantgra-  
uius di-  
scedit  
Augusta

**Bellum Florentinum**, de quo pauca quedam obiter sunt explicanda. Quo tempore Roma capta fuit atq; pontifex, ut suprâ diximus, Florentini familiam Medicam elecerant, et Gallis auxilia deinde subministrarant, cum Neapoli bellum gererent. Restitutus autem pontifex, ut se suosq; gentiles ulcisceretur, missa in Hispaniam legatione, foedus cum Cæsare facit, Imperij supremam inaugurationem ei pollicitus inter alia, si quidem in Florentinos, pro eo ac meriti essent, animaduertet. Conditionem Cæsar accipit, neque multò post Genuam applicat. eò uenerunt ad ipsum à Florentinis legati deprecatur: ijs Cæsar, ubi grauius incusasset, respondet. etsi magnam poenam meriti sint, condonari tamen posse factum, modò pontificem recipiant: præter hanc, nullam esse aliam pacis rationem. ubi cum his mandatis domum redissent, diu multumq; re disceptata, uicit unius & alterius sententia, qui libertatem totis uiribus propugnandam esse dicerent, illa mentione, non modò Clementem, sed & Cæsarem ipsam diuturnis exhaustum bellis, in magna esse rei nummarie difficultate. Verū tamen, cum Bononiam Cæsar uenisset, alteram mittunt legationem, sed ea non fuit admissa. pontifice nimirum ita suadente. Sic igitur à Cesarianis atque pontifici ijs copijs obsesti, cum per anni serè tempus bellum duxissent, quarto Idus Augusti, certis conditionibus, cum Ferdinando Gonzaga Cæsaris legato transigunt. Cæsar deinde missis eò literis amplissimis, Alexandrum Medices, cui filiam suam Margaritam notham in matrimonium promiserat, principem eis constituit. Is deinde maximæ molis arcem ibi construxit, & hoc quidem est ipsorum seruitutis initium. Deditione recepta urbe, Clemens primarios aliquot senatores capite multauerat, & reipublicæ formam aliquam instituit, certus interim, fore, ut Alexander summæ rei praeficeretur. hoc enim consilium Cæsari dedit ipse, cum in Hispaniam ei mitteret legatos, uti dictum est. Nunc ad propositum reuertamur. Post multam actionem, Idibus Augusti delecti fuerunt utrinque septeni, qui concordie rationes inirent. Ex pontificiis erant, episcopus Augustanus, Henricus Brunswicensis, iureconsulti duo, Colonienfis & Baudensis, theologi tres, Vuimpinus, Eccius, Cocleus: è protestantibus erant, Georgius Brandeburgicus, Ioannes Fridericus Saxo, iureconsulti duo, theologi tres, Melanchithon, Ioannes Brentius, Erardus

Schneepfius.



Schnepsius. Inter hos de nonnullis conuenit, sed de Missa, de coniugio 1530  
 sacerdotum, de coena domini tota, de uotis monasticis, de iurisdictione  
 ne episcoporum præcipua erat controuersia, maximè uerò de Missa,  
 deque uotis nam in eo nihil remittebant pontificij: reliqua, licet etiam  
 improbarent, tolerari tamen posse dicebant ad concilium usque:  
 sacerdotibus quoque permittebant coniugium, ijs tantum, qui iam  
 haberent uxores, reliquis non item, & hæc quidem omnia maioris  
 uitandi motus causa: quantum ad illud pertinet de potestate & iurisdictione  
 episcoporum, Saxones aliquantò plus erant largiti, sed  
 neque Lantgrauiani neque Luneburgici neque Noriberghenses probabant.  
 Visum deinde fuit, hunc numerum esse arctandum. itaque  
 terni sunt utrinque delecti, Melanchthon cum duobus iureconsultis,  
 & Eccijs cum totidem: sed Philippo fuit iniunctum, ne quid amplius  
 concederet: cum uerò sententijs non conuenirent, pontificij uolebant  
 à pluribus rem denuò tractari, protestantes autem, cum hoc agi  
 uiderent, ut plures uie conciliationis reperirentur, actionem illam  
 detrectabant, si uerò de rationibus agere placeret constituendæ pacis  
 interea dum concilium fiat, non se recusare dicunt. Dum hæc ita geruntur,  
 Cæsar Georgium Brandeburgicum sollicitat per episcopum  
 Moguntinum & alios eiusdem familiæ, Saxonem uerò per Fridericum  
 Palatinum, per Nassouium, per Georgium Trucesium, ut ab  
 incepto desistant. Saxonem quidem conatus est etiam ab alijs diuellere,  
 tanquam præcipuum, & petenti suæ dittonis inaugurationem,  
 pro more Imperij, denegabat, nisi prius cum Ecclesia Romana in gratiam  
 rediret: alteri uerò denunciabat, nisi pareret, fore, ut Alberti sui nepotis  
 ex fratre Casimiro, tutela ipsi adimatur. Lantgrauio conati sunt  
 persuadere, si Cæsari morem gerat, Vlrichum principem Vuirtembergicum  
 iri restitutum, & quam haberet cum Nassouio de Chattis controuersiam,  
 Cæsaris interuentu posse componi. Pontifex hoc in conuentu  
 Ferdinando regi concesserat, ut totius Germaniæ templorum  
 ornamenta & quicquid esset auri atque argenti sumeret in bellum  
 Turcicum, ecclesiasticis quoque tributum imperaret: principes autem  
 minimè assentiebantur, & Cæsarem, ut irritum faceret hoc decretum,  
 interpellabant. Augusti mensis die decimo octauo, Erasmus Roterodamus  
 Eriburgo dat  
 literas

litteras ad Cardinalem Campegium. magnam quidem esse potentiam  
 Cæsaris, sed hoc nomen ab omnibus non agnosci: Germanos illud sic  
 agnoscere, ut imperent uerius quàm pareant: Lutheri doctrinam lon-  
 gè latèque per Germaniam esse disseminatam, ita quidem, ut inde ab  
 Oceano, malorum ista cathena pertingat ad Heluetiorum usq; fines,  
 quòd si pontificis arbitratu Cæsar facturum se profiteatur omnia, pe-  
 riculum esse, ne paucos habeat sui consilij approbatores: impendere  
 quoque summum discrimen à Turca, cuius potentie uix totius Euro-  
 pæ uires conferri possint: quid autem sit inuito milite belligerari, non  
 uno posse demonstrari exemplo: Cæsarem quidem ad pacem hauddu-  
 biè spectare, sed tamen fato quodam ad bella pertrahi: plurimis nunc  
 annis grauitè afflicta esse Galliam & Italiam: hoc autem bellū lon-  
 gè futurum esse nocentissimū, nisi caueatur: uulgò sic esse persuasum,  
 quasi pontifice authore & consiliario hæc omnia fiant: metum esse,  
 ne periculi pars magna redeat ad ipsum Cæsarem: qui sectas ament,  
 dignos esse quidem animaduersione, sed tamen ad reipublicæ salutem  
 potius respiciendum esse: calamitosum etiam olim fuisse statum Eccle-  
 siæ, cum Arriani, Pagani, Donatistæ, Manichæi, sua dogmata sparge-  
 rent, & barbaræ quoque nationes bella gererent, & tamen ex his o-  
 mnibus malis emeruisse tandē: ipsum uidelicet tempus aliquando re-  
 medium adferre grauius etiam morbis: tolerari Bohemos, licet pon-  
 tificem Romanū non agnoscant: si Lutheranis etiam idem conceda-  
 tur, fore non inconsultum, sua quidem opinione: & licet graue sit hoc  
 ipsum, bello tamen esse multò leuius malum. Septembris die septimo  
 Cæsar omnes principes ac ordines pontificios domum suam conuo-  
 cat circa meridiem: duabus deinde post horis, Saxonem atq; socios: &  
 remotis omnibus alijs, adhibitoq; Ferdinando fratre, episcopo Con-  
 stantiensi, Hispalensi, Granuellano, Truccesio, per Fridericum Palati-  
 tinum in hanc sententiam uerba facit. Omnino sperasse futurū, ut tam  
 amanter atq; benignè à se commonesacti post exhibitam confessionē,  
 ad suas partes transirent: et quanquam id frustra sperarit, tamen, cum  
 intercederent principes, assensisse, ut ex omni numero quidam delige-  
 rentur, conciliationis causa, & rursus in nouam spem uenisse futuræ  
 concordie: nunc autem nō sine graui molestia cognoscere, ipsos à re-  
 liquis dissentire in præcipuis dogmatis: quod planè sibi præter expe-  
 ctatio =



Etationem acciderit: nec enim existimasse, fore, ut ipsi, qui sint numero 1530 pauci, res novas introducerent contra uetussum & sacrosanctum totius ecclesie morem, aut singulare aliquod doctrine genus usurparent, à pontificis, à suo, à Ferdinandi regis, ab omnium Imperij principum & ordinum, à totius orbis regum atque maiorum instituto alienum: iam uero, quia & concilium cogi, & decretum hic fieri passicum petant, se, qui pacem inprimis optet, effecturū apud pontificem & reliquos orbis Christiani principes, ut ubi primum conuenerit de loco, concilium denunciatur: hoc se recipere ipsis atque confirmare: uerū ea lege tamen, ut interim eandem, quam ipse, quam alij quoque principes, religionem sequantur: nam ut concilium cogat, & nihilominus rem ita fluctuare sinat, neque nouationem istam coherceat, quis non uideat, quam id sibi reliquisque futurum sit graue: Illi, cum deliberasent, nullam se nouam sectam instituisse, neque secessionem ab ecclesia Christiana fecisse dicunt: quod concilium non recuset, agere per magnas gratias, & petere, ut primo quoque tempore pius atque liberum in Germania cogatur, uti proximo & superiori conuentu Spire decretum sit: ut autem abolitos ecclesie Romanæ ritus atque dogmata recipiant, non se posse, bona cum conscientia. Caesar à multa consultatione, per Trucessum, actionem omnem sibi lectam esse diligenter atque perlustratam, & reperire ait, permultum ipsos ab ecclesia Christiana disidere: mirari etiam delectorum lenitatē, qui tam multa concesserint, ipsorum uero duritiem, qui non acceperint oblata: quod autem ex decretis Imperij concilium petant, non habere locum, nec ipsis licere, qui postremum illud Spirense decretum repudiarent, contraque sint protestati, & ab eo prouocarint: quam tamen appellationem habeat pro nulla: nam æquum esse, ut minor pars accomodet sese maiori: quantula uero sint ipsi portio, si cum pontifice maximo, si secum, si cum reliquo principum cœtu componantur: utaque petere, ut exponant, num ampliore actionem ferre possint: nec enim ulli suo labori uel molestiæ se uelle parcere, quò tandem ad concordiam aditus fiat: quòd si autem recusent actionem, nec à proposito recedant, tum sibi faciundum esse, quemadmodum ecclesie protectorem deceat: & quia multus iam sit uesper: cogitandi spaciū se ipsis largiri in diem crastinum. Postridie, cum ordines omnes ad horam cōuenissent, per Pon-

1530 tantum iureconsultum Saxo socijque respondent. si quidem Caesar rem omnem, sic ut est acta, sciat, habiturum esse fidem suae narrationi superiori: neque dubitare, quin sua doctrina, pij liberique concilij futuri testimonio, iudicetur esse consentanea uerbo Dei: quò minus etiam esse mirum, quod ea, quae nuper oblata sint atque concessa, non receperint: appellationem illam, necessarijs de causis, ea solùm parte interuenisse, ubi decretum illud facit contra euangelij doctrinam & ueteris ecclesiae morem: in reliquis enim obtemperare sese: deinde, statim in illius conuentus initio promissum fuisse concilium ab ipsius legatis, multò ante factum decretum: nec id modò, sed in omnibus etiam alijs Imperij conuentibus hanc fuisse unam & perpetuam omnium sententiam: cùm ergo ad ipsum pariter & ad liberum concilium prouocarint, sperare futurum, ut huic appellationi nihil derogeret, donec legitime sit pronunciatum: an uerò minor pars, hac quidem in controuersia, cedere debeat maiori, non esse huius loci disputare: sibi nimium, hac potissimum de causa, necessariò fuisse prouocandum, suique facti rationem, in concilio uelle prolixius demonstrare: cùm itaque superiores conuentus omnes concilium decreuerint sine ulla conditione aut modo, petere uehementer, ne recindat ea decreta, sed uoluntatem suam reliquorum ordinum studijs accommodet: iam, quò ad ampliorum actionem, suum quoque laborem profiteatur, permagnas agere gratias: uerùm ex ijs quae iam acta sint, facile apparere, quemadmodum ad extremum sese demiserint: cùmque mirum ipsi uideatur de pontificijs, quò adzò multa concesserint, non esse difficile ex eo colligere, quid sit ipsius iudicij: frustra igitur ullam aliam actionem institui. quoniam reliquis negocijs ea res impedimentum allatura sit atque moram: sed ut de pace per Imperium colenda usque ad concilij tempus, agatur, non se recusare, quod initio quoque dixerint: interea nihil se facturos, quod non & Deo putent & legitimo quoque concilio posse probari. Iussi diuertere, tandem reuocantur: & quoniam ardua sit deliberatio, consideraturum se dicit Caesar, et à Saxone petit, quòd esset praecipuus, ne discedat: Georgius quidem Trucesius & Vetus iureconsultus Badensis, conciliationis uias aliquot de Missa deque uotis, priuatim in medium adducebant, sed id frustra fuit: itaque Caesaris mandatu delecti sunt, qui de faciendo decreto deliberet. Hi erant,



Moguntinus, Brandeburgicus elector, Salisburgius, Argentinenſis, 1530  
 Spirenſis epiſcopi, Georgius Saxonie, Gulielmus Bauariæ princeps,  
 Henricus Brunſuicenſis. Cum ad xvij. Septembris diem, Saxo do-  
 mum cogitaret, Cæſar petit, ut quatríduum ſolùm expectet: Interea  
 principes delecti, formulam decreti concipiunt, & xxij. Septembris  
 die, Saxonem atq; ſocios, domum ſuam Cæſar euocat, inque pleno ſe-  
 natu principum illud, quod ad religionem pertinebat, recitari iubet.  
 Saxonem uidelicet atque ſocios, doctrinæ ſuæ conſeſſionem exhibuiſ-  
 ſe, quæ poſtea ſit ſacræ ſcripturæ teſtimonijs conſutata: multo deinde  
 labore tam ſuo quàm reliquorum ordinum eò rem eſſe deductam, ut  
 illi quædam eccleſiæ dogmata receperint, quædam repudiarint: quod  
 cum ita ſit, ideò ſe, quò demonſtret, quàm ſit amans pacis, quàm nihil  
 impotenter, aut cupidè faciat, ſingulari quadam benignitate ipſis lar-  
 giri deliberandi ſpaciũ, ad xv. uſque diem Aprilis, ut interea repu-  
 tent ſecum atq; ſtatuant, num in ijs dogmatis, quæ reliqua ſunt, idem  
 quod pontifex, quod ipſe, quod uniuerſus denique orbis Chriſtianus,  
 profiteri uelint: interea autem ſeſe uelle, ut pacem per Imperium co-  
 lant omnes, ne Saxo ſocijqu; noui quid interea, de religione, ſuis in di-  
 tionibus procudi patiantur, ne quid etiam innouent, ne quem ad ſuam  
 religionem pelliciant aut cogant: ne ſuæ ditionis homines, qui ueterè  
 religionem ſequuntur, quò minus id faciant, ulla ratione impediant:  
 ne monaſticis perſonis, quò minus & ſacræ ſuæ peragant, & delicto-  
 rum audiant conſeſſionem, et cœnam domini ſuo more adminiſtrent,  
 ullum faceſſant negocium: ut unà ſecum & cum alijs ordinibus deli-  
 berent, quomodo coercendi ſint anabaptiſtæ, & ij qui de cœna do-  
 mini ſecus, quàm eccleſia, docent: poſtremò, quia multo iam tempore  
 nullum ſit habitum concilium, & uerò, tam in hoc ciuili, quàm in ec-  
 cleſiaſtico ſtatu multa requirant emendationem, ſe daturum operam  
 apud pontificem alioſque reges, ut intra ſeſtre tempus denunci-  
 tur concilium, & anno deinde poſt inchoetur. Ad ea Saxo ſocijque,  
 re deliberata, per Pontanum reſpondent. quòd in decreto ſit perſcri-  
 ptum, doctrinam ſuam, auctoritate ſacrarum literarum eſſe conſu-  
 tatam, non ſe fateri nec agnoſcere: imò ita ſentire, ſic illam niti ſcri-  
 pturæ ſacræ cõſenſu, ut quod impium ſit, nihil in ea reperiri poſſit: &  
 ſi quidem lectæ conſutationis exemplum impetraſſent, liquidò ſe po-

Decreti  
 Auguſta  
 ni formu-  
 la.

1530 tuisse hoc demonstrare: ne tamen silentio præteriretur confutatio, contrarium se scriptum inchoasse, statim ut audissent eam recitari, quantum quidem inter legendum memoria complecti potuerint: quod ipsum scriptum nunc tandem, post multas occupationes perfectum sit: & quanquam ad omnia responderi non possit propter enumeratam causam, tamen, si Cæsar hoc suum scriptum recognoscat, non dubitare, quin exhibitam confessionem, firmam adhuc, nec ullis concussam machinis reperiatur. Cum hucusque peruentum esset, Pontanus apologiam Cæsari desert: eam ubi Fridericus Palatinus accepit, subnunte Cæsare, cui Ferdinandus aliquid ad aurem insusurrauerat, reddit. Pontanus deinde pergit, quod decretum sit, ne quid innouent interea, neque typis euulgent, in superiori conuentu se ita de eo respondisse, ut satis factum esse putent: eiusdem nunc quoque se uoluntatis esse, neque facturos quod iure possit exprobrari: nihil etiam sibi commune esse cum sectis: & licet uera sit, quam profiteantur, doctrina, se tamen neminem ad illam adegisse, neque deinceps uelle: ad anabaptistas uero quod attinet, & eos qui sacramentum altaris contemnunt, suos intra fines nunquam se tolerasse id genus homines, uerum contrarias illis cōciones opposuisse semper, in anabaptistas etiam uindicasse, ita quidem, ut eiusmodi sectæ non modò radices agere nullas, uerum ne consistere quidem apud se, uel pedem figere possint: cum autem grauissima sit ista causa, quæ nimirum ad animæ uel salutem uel dispendium & iacturam pertineat sempiternam & multam requirat deliberationem, absentium quoque sociorum legati necesse habeant ad suos omnia referre, uehementer orare, ut decreti sibi permittatur exemplum, quò considerent atque statuunt interea de summa rei, quid ad diem sit respondendum. Postridie Cæsar per electorem Brandeburgicum refert. quòd adeò confidenter affirmant, suam doctrinam esse piam atque sinceram, non se mirari satis posse, cum non solum confutata iam sit autoritate scripturæ, uerum etiam superioribus omnibus concilijs, & ante multam ætatem, condemnata: quò magis etiam mirari, quòd sibi reliquisque principibus errorem & falsam religionem attribuant: etenim si uera sint quæ dicant, iam & suos & reliquorum etiam principum & ipsiusmet Saxonis parentes atque maiores, qui religionem illam seruauerint & propagarint, habendos esse pro hæreticis:



tici: itaq; sibi persuaderi non posse, nec etiam fateri se quod dicant, 1 5 3 0.  
 ipsorum uidelicet doctrinam insistere testimonio uerbi diuini: cum au-  
 tem singulari quadam clementia studioq; pacis, decretum iusserit ad  
 hunc modum conscribi, in eoque plus æquo sese demiserit, idcirco po-  
 stulare, ut sicut reliqui principes, ita ipsi quoq; illud recipiant, & se-  
 cum perpendant, quantis malis occasione sint prebituri, nisi faciant:  
 cuius quidem rei culpam Deo sint aliquando reddituri: nullis etiam  
 scriptis hoc esse proditum, ut spoliare quem liceat, & postea sic ex-  
 cusare, quasi fas non sit, eum qui damno est affectus, restituere: quod  
 ad scriptum attinet, oppositum consutationi, iam antea demonstras-  
 se, nullam se disputationem ampliore religionis uelle permittere,  
 quandoquidem hoc neque liceat, neque sui sit officij: hac nimirum de  
 causa illud repudiasse: nisi enim decretum hoc admittant & ratum ha-  
 beant, capiendum sibi esse consilium ex tempore, et faciundum in eo,  
 quod suam personam atq; munus deceat. Brandeburgicus hoc etiam  
 addebat, scire ipsos quanta reliquorum principum & ordinum dili-  
 gentia, fides ac sollicitudo interuenerit, ut disidium hoc placide com-  
 poneretur: nunc autem orare, secum expendant, quanti priuatim i-  
 psorum interfit, quanti etiam reipublicæ ut Cæsari morem gerant &  
 decretum admittant: nisi enim pareant, fore ut reliqui ordines omnia  
 Cæsaris causa uelint atque faciant: iam enim data fide promississe, for-  
 tunas omneis ei se communicaturos, & sanguinem ipsum atq; uitam,  
 ut negotio finem imponat: illum inuicem omne robur atque poten-  
 tiam huc esse collaturum, ac promississe, non prius iturum extra fines  
 Imperij, quam ad exitum res deducta sit: & hæc quidem ita se ipsis  
 denunciare principum atq; ordinum omnium mandatu. Illi contra  
 doctrine suæ confessionem, cum uerbo Dei consentire, cui ne infero-  
 rum quidem portæ queant resistere: & hoc ipsum alio scripto, quod  
 nuper oblatum sit, amplius doceri posse, quantum quidem ex reci-  
 tata consutatione retinere licuit: decretum uerò factum salua conscien-  
 tia non se posse probare, idcircoque petere, ut & totius actionis exem-  
 plum, & deliberandi spacium sibi detur, ad constitutum usque diem:  
 nihil enim facturos obstinatè, sed quantum omnino permissu uerbi di-  
 uini possint, largituros, & quid suæ sit mentis, liquido responsuros  
 ad diem, in cæteris etiam rebus omnibus non recusare fortunas atque

153 o uitam, ipsius quidem causa profunderè: quòd autem principes ac ora-  
 dines ad hunc modum sese deuinxerint Cæsari, ualde sibi mirum ui-  
 deri: nec enim eius rei causam ullam alicui unquam dedisse, & nihil  
 esse, quod non & ipsi, maiorum exemplo, ipsius causa uelint, & cum  
 res ita poscet, non futuros in postremis: quod etiam dictum sit, nemi-  
 nem esse re sua spoliandum, idem se quoque fateri, sed & culpa o-  
 mni uacare: quantum enim ad monachorum domicilia pertinet, non  
 semel esse professos, ita se rem gesturos interea, dum fiat concilium, ut  
 certò uideri possit & intelligi, nullum à se priuatum emolumentum  
 atque compendium captari. Cæsar ad hæc, post multam deliberatio-  
 nem, rursus per Brandeburgicum. non se fateri neque concedere,  
 quod de sua religione iactant: se quoque de sua salute & conscientia  
 sollicitum esse, & à ueteri perque manus tradita religione, multò mi-  
 nus, quàm ipsi, discessurum: in decreto autè iam facto nihil posse mu-  
 tari: si quidem illud admittant, rectè, sin minus, causam sibi præberi,  
 ut cum reliquis aliud faciat decretum, & rationem ineat, quemadmo-  
 dum & hæc sectæ nuper natæ funditus extirpentur, & pax Germaniæ  
 concilietur, & uetus ecclesiæ religio, fides atq; ritus ualeant: quæ qui-  
 dem res ad suam curam officiũque propriè pertineat: nisi enim ob-  
 temperent, nunciaturum se omnia pontifici maximo ceterisque re-  
 gibus, & illorum in ea re usurum esse tum consilio tum adiumento:  
 ad illud, quòd nemini se dedisse causam offensionis dicant, non esse ni-  
 hil quod obijci possit: nam & ipsorũ ecclesiæ ministros magnum at-  
 tulisse momentum ad seditionem atq; bellum illud horribile rustico-  
 rum, quo propè ad centum hominum millia perierint, & in pontifi-  
 cis atq; sui & reliquorum ordinum contumeliam, ludibrium atq; con-  
 temptum, multa per ipsorum fines atque ditionem esse facta: non igi-  
 tur ipsos tam uacare culpa, quàm præ se ferant: principes etiam & or-  
 dines, nulla priuata cupiditate, uerùm ex officio suam operam sibi  
 deuouisse, præsertim, cum ipsi nullam concordie uiam admittant:  
 quàm autem hæc defectio sit honesta, quàm que deceat illos, qui decre-  
 tum Vuormaciense laudarunt olim & approbarunt, non esse obscu-  
 rum: postremò, uelle etiam atq; mandare, ut Abbates, monachos & a-  
 lios ordinis ecclesiastici, quos elegerint, in integrum restituant: nam au-  
 dire se quotidianos illorum gemitus, & de restitutione quotidie soli-  
 citari.



citari. Post interpositam cogitationem illi respondent. quoniam decre- 1530  
ti exemplum, deque re tota deliberandi spacium impetrari nequeat,  
non esse quod amplius interpellent: ideoq; se rem omnem Deo cōmit-  
tere, in quo primam spem salutis positam habeant: quod præterea sit  
adiectum de seditione rusticana, prorsus nullā in eo culpam sibi pos-  
se attribui, & optima se conscientia niti: quid enim tunc tēporis præ-  
stitierint, quā nulli suo uel periculo uel sumptui uel labori peperce-  
rint, esse peruulgatū ac manifestum: quæ fuerit etiam eius origo sedi-  
tionis, quæ causa, demonstratum esse ante annos quatuor in conuentu  
Spirensi: tunc quoq; decretam fuisse legationē ad ipsum in Hispanias,  
ex qua res omnis ordine cognosci potuisset, nisi de mittendis legatis  
consilium fuisset immutatum: non rectē igitur inuidiam huius facti in  
se detorqueri, ac iniuriam sibi fieri: si quis etiam sit omnium, qui uel  
hac ipsa, uel quauis alia de causa, iure secum atq; legibus uelit experi-  
ri, non se recusare iudicium: itaque petere, ne grauiorem ullam in se  
concipiat offensionem, nec ad iracundiam aut odium sese patiatur ac-  
cendi: sua enim omnia, non minus quā reliquorum ordinum, ad i-  
psius usum atq; dignitatem esse destinata. Cū hæc orassent, petita di-  
missione, discedunt, relictis ibi consiliarijs legatis. uerū, antequā  
abirent, Moguntinus & Treuirensis & Palatinus per internuncios  
exponunt apud Saxonem & Lantgrauianos, quod Brandeburgicus  
elector de subministrandis auxilijs & communicandis fortunis ad  
propugnationem religionis, esset locutus, iniussu suo factum: hoc e-  
tiam ad Cæsarem minimè se dissimulasse, et quā habeant nullam ad-  
uersum ipsos inimicitie causam, ostendisse: quare, si quam de se conce-  
perint opinionem minus commodam, orare, ut illam deponant. Pur-  
gationem Saxonie princeps accipit, & ab se uicissim beneuolentiam  
omnem expectari iubet. Postridie quā abiissent, Cæsar omneis or-  
dines conuocat, & primò ciuitatum legatis per Trucesium mandat,  
ne ante comitiorum exitum discedant: deinde, quid cum Saxone cū-  
que socijs actum esset, exponit: & quoniam Argentinienses, Constan-  
tienes, Memingi, Lindauij suum quoddam singulare scriptum ex-  
hibuissent, acturum se quoque cum ipsis, ostendit. Post, alia tractan-  
tur Imperij negocia, præcipuè, de bello Turcico. Romæ tunc tempo-  
ris exundauit Tiberis, maximo cum terrore ciuitatis, reflantibus

Caracly  
smus Ro-  
mæ & a-  
pud Ba-  
rauos.

1330 uentis, & fluminis decurrentis impetum, à mari retrò pellentibus. itaque plurimum fuit acceptum damni. Consimilis planè calamitas & atrocior multò peruasit Batauos, iisque finitimos populos, quum per aggeres, quibus constringitur ijs locis, mare perrupisset, ac omnia secum longè latèque inuolueret. Decimotertio demum Octobris die, càm omnes ordines, præterquàm protestantes, in curiam uocati uenissent, ciuitatum legatis recitatur decretum, & petentibus exemplar, denegatum fuit, repetita semel atque iterum prælectione. Cùm plerique omnes approbarent, Augustani, Vlmenfes Francofurdi, Hallenses deliberandi tempus petunt. Octauo post die, Saxoniis atque sociorum legati, Moguntino, cuius inter principes primæ sunt partes, demonstrant, quòd si religioni pax detur adusque concilium, se quoque pecuniam & opem in bellum Turcicum esse collaturos. Cùm ergo postridie in curiam essent uocati, recitata fuit formula pacis, in qua hi solum erant comprehensi, qui decretum factum approbassent de quo cùm esset orta disceptatio, & legati, non ad se pertinere illud, aut si pertineat, clarioribus uerbis utendum esse dicerent, ne qua post incidat ambiguitas: illi se relaturos ad Cæsarem aiunt. Bi-

duo post, Cæsar domum suam euocat Argentinenfes atque socios, & in ordinem confessu recitari iubet ipsorum doctrinæ confutationem, scriptum ualde prolixum & acerbum, ea parte potissimū, ubi de cœna Domini tractatur. Eius erant artifices Ioannes Faber & Eccius. nam quòd inuidiosum esset argumentum, criminationis nullum genus prætermiserant, ut Cæsarem atque principes accenderent. Exitus hic erat, quando quidem in religione diuersam à reliquis omnibus opinionem profiteantur, & grauisimum illum errorem de sacramento eucharistiæ probent, statuas etiam è templis eiecerint, & Missam abrogarint, & collegia, Cæsarium atque regum liberalitate olim constructa subuerterint, & uarias quoque sectas foueant, inque uulgus per Germaniam disseminent, editis libellis, qui passim circumferantur: idcirco ab ipsis deuò se postulare, ut ad sanitatem redeant, & priscam religionem recipiant, alioqui non se prætermisurum esse, quod sui muneris ratio postulet. Illi paulò post respondent, in hac confutatione multa recitari secus quàm ipsorum habeat scriptum: atrocibus etiam uerbis quedam exagitari, quæ sanè non reprehensionem modò

Confutatio doctrinæ aliorum cuiusdam.

sed



sed & animaduersionem mereantur, uerum ea sibi non rectè tribui: 1 5 3 0  
 suis enim in ciuitatibus nihil eiusmodi fieri, neque fore cuiquam im=  
 punè si quidè eò licentiæ quis progrediretur: cum ergò benè sibi con=  
 scijs sint, & uerò causa sit grauis, & scriptum bene longum, neque re=  
 sponderi possit, nisi primùm ad suos referant, idcirco petere, primùm,  
 ut exemplum sibi communicetur, deinde, ne fides habeatur huic cri=  
 minationi, prius, quàm ipsorū audita sit atq; cognita purgatio: cate=  
 ris in rebus omnibus nihil non se facturos ipsius causa. Caesar confide=  
 raturū se dicit, & quinto demum post die per Brandeburgicū respon=  
 det. exemplar ipsis dari non posse: nam & Saxoniae principi graui=  
 bus de causis hoc denegatum, & omnè de fide disputationem esse pro=  
 hibitam: si uerò conciliationi studeant, & cum Ecclesia redire uelint  
 in gratiam, non recusare, quò minus repetatur semel atq; iterum con=  
 futationis recitatio: mandare autem, ut idè doctrinæ genus, quod reli=  
 qui omnes principes ac ordines profiteantur, & aduersus Turcam  
 auxilia conferant: nisi enim à sua proteruitia desistant, acturum se de  
 consilio pontificis & aliorum regum, ut se deceat. Impetrato delibe=  
 randi spacio, cum adessent omnes ordines, habere se dicunt in man=  
 datis, ut quoddam ad suam fortè confessionē obijciatur, eius exemplum pe=  
 tant, domumq; mittant: hoc autem fieri, sua quidem opinione, nō am=  
 plioris causa disputationis, uerum, si fortè diuersæ partis uiri docti,  
 suū scriptū, secus, quàm oportet, interpretentur, aut si quod ipsis cri=  
 men offeratur, ut sit in promptu quod responderi possit & excusari:  
 cum autē ex recitatione confutationis intelligant, quantum quidem  
 eius retineri potuit audiendo, suā confessionē aliò trahi, præter suam  
 suiq; magistratus mentē atq; sententiam, secus etiā interpretari, quān  
 ipsa uerba loquuntur: deinde, quoniam horrenda quædā enumeran=  
 tur, quæ minimè omnium sibi possint ascribi, quod antea quoq; dixe=  
 rint, idcirco rursus petere & obsecrare, ut confutationis exemplū sibi  
 detur, quò dilui possint obiecta: cum etiam ad suæ cōfessionis exitū o=  
 rarint Casarem, ut disidium hoc religionis legitimo Germaniæ con=  
 cilio disceptari uelit, & cum hæc ratio sola semper uisa sit omnibus  
 longè cōmodissima, cumq; sui nullum errorem, scientes quidē, appro=  
 bare uelint, nec aliquid proteruè facere cogitent, iterum atq; iterum  
 orare, ut per conciliū piū atq; liberū causa definiatur: quod in eo de=

133 decretum fuerit, et scripturæ sacræ testimonio comprobatum, non se re-  
 cusaturos: interea, quantum et uiribus & facultatibus possint, omnia  
 Cæsaris causa facturos esse: de subsidio in bellum Turcicum & ope  
 conferenda, proximis aliquot diebus, ad ciuitatum legatos, quid sue  
 sit uoluntatis, explicasse, nimirum, si pax cōmunis per Imperiū fiat,  
 & securitas præstetur adusq; cōcilium, libenter collaturos, quantum  
 ex æquo debeant: nā & anno superiori, liberaliter ac ferè plus quàm  
 tenerentur contulisse: quòd cū ita sit, & quia responsum adhuc nul-  
 lum acceperint, orare iterum, & uehementer quidē, ut religioni pax  
 detur: nam alioquin, etiā si maximè uelint, non se posse quicquam  
 contribuere. Brandenburgicus ait se renunciaturum Cæsari. post meri-  
 diem delecti quidam recitant ipsis formulam pacis, & in qua solum  
 erant comprehensi, qui decretum reciperent, ut suprà de Saxone di-  
 ximus atq; socijs. Hi respondent, neq; decreti sibi traditum esse exem-  
 plum, neq; se comprehendi etiam: itaq; non esse quod suorum nomine  
 promittant. & cū in dubio res adhuc sit, expectare se, quæ Cæsaris  
 in eo sit uoluntas, quemadmodum electori quoq; Brandeburgico de-  
 monstrarint. Reipublicæ Argentinesis erant in hoc conuentu lega-  
 ti, Iacobus Sturmius, Mathias Pharrerus, & ille quidem, tam sui se-  
 natus, quàm sociorum nomine, causam apud Cæsarem atque princi-  
 pes orabat. Dum hæc aguntur, Vlmeneses, Augustani, Francofur-  
 tenses, Hallenses decretum factum de religione declinant, & conciliū  
 urgent: Faber autem & Eccius honorarium munus à principibus pe-  
 tunt & impetrant, ob scriptas confutationes: operā quoq; suam dein-  
 cept pontificiæ religionis defensionis pollicētur. Nā hi, sicut alij pleri-  
 que, cogitabāt crescere de Luthero, et Faber quidē postea Viennensem  
 episcopatū est adeptus à rege Ferdinando. Hinc illud Erasmi Roterodami  
 facitū, quo dicere solebat, pauperem ac tenuem Lutherum lo-  
 cupletare multos. Interea Saxones atq; sociorum legati Cæsarem in-  
 terpellant per libellum supplicem, et orant, ut pacem communem per  
 Imperium constituat, neue religionis causa cuiquam ulla creetur uel  
 molestia uel periculū. Cæsar undecimo deinde Nouembris die per Fri-  
 dericum Palatinum respondet, quia decretum repudient, ideo se cum  
 reliquis se cisse pactum, non quidem offendendi, sed muniendi sui cau-  
 sa, si qua fortē uis intentabitur ijs, qui una secum eandem profitentur

reli-

Faber &  
 Eccius  
 honora-  
 rium ac-  
 cipiunt.



religionem: quod autē petant, ne fisco liceat aduersum ipsos experiri, 1530  
 non esse æquum: hoc enim propriè ad suum pertinere munus, ut ius  
 omnibus administretur, ideòque nolle sibi quicquam in eo præscribi  
 uel derogari. Cum aliud obtineri non posset, scribunt epistolam ad  
 omneis ordines, & quid actum sit, paucis commemorant, ac petunt,  
 ne sub exitum decreti, suorum principum nomina reliquis inferan-  
 tur: & quoniam de pace frustra sollicitarint, ad auxilia belli Turci-  
 ci nihil à se posse contribui docent: deinde, quia decreto cautum sit,  
 ut ij solum habeant locum in Imperij iudicio atque Camera, qui de-  
 cretum factum admiserint, mutari hoc petunt atque corrigi: nam alio-  
 qui nihil se posse conferre sumptuum, quos Camera requirit. cum  
 hæc ita denunciaffent Nouembris die xij, postridie discedunt. Libro  
 quinto diximus, quemadmodū Albertus Brandeburgicus in regis Po-  
 loniæ fidem & clientelam sese dedit. Solicitatus autem Cæsar à Vual-  
 thero Cronbergo, transactionem illam, uelut in detrimentum Impe-  
 rij factam, rescindit, & nullius esse momēti, xiiij die Nouembris pro-  
 nunciat. Quinto post die, præsentē Cæsare, decretum recitatur in o-  
 mnium ordinum cœtu, & post multam enumerationem totius actio-  
 nis, Cæsar statuit. ne tolerentur, qui de cœna Domini, secus, quàm  
 hucusq; seruatum sit, docent, ne quid in Missa uel communi uel priua-  
 ta mutetur, ut chrismate pueri confirmentur, & ægrotantes oleo con-  
 secrato inungantur: imagines atque statuae minimè remoueantur, &  
 quibus in locis ablatae sunt, ibi restituantur: eorum opinio, qui liberū  
 esse negant hominis arbitrium, nequaquam recipiatur, quòd & pe-  
 cunia sit & in Deum etiā cōtumeliosa: nihil omnino doceatur, quòd  
 ullaratione magistratus imminuere possit dignitatē: dogma illud de  
 sola fide iustificante, locū non habeat: ecclesiæ sacramenta sint eo loco  
 & numero, quo antiquitus: ceremoniæ omnes Ecclesiæ, ritus, exe-  
 quie mortuorum & id genus alia seruentur: sacerdotia quæ uacant,  
 conferantur idoneis: qui ante hoc tempus facti sunt mariti, sacerdotes  
 uel ecclesiastici, priuentur beneficijs, quæ statim ab hoc conuentu con-  
 ferantur alijs: qui tamen relictis uxoribus, ad pristinū institutū redire  
 & absolui cupiunt, eos, de uoluntate pōtificis, cum hoc ei legatus nun-  
 ciarit, episcopi restituār: ceteri uerò nullū usquam habeant perfugiū,  
 sed exulent aut etiam meritam pœnam luant: sacerdotum uita sit om-

Decretū  
Augusta-  
num.

53 o nis honesta, uestitus etiam decorus, & uitetur omnis offensio: si qui-  
 bus in locis ecclesiastici redacti sint ad aliquam iniquam conditionem  
 atq; pactum, si quid etiam bonorū sacrorum iniqua ratione uenditū  
 sit aut in alium usum prophanū applicatum, id omne sit irritū: ad do-  
 cendi munus nemo recipiatur, nisi qui doctrina simul et uitæ proba-  
 tum habeat ab episcopo testimoniū: in docendo sequatur omnes hanc  
 præsentem formulam, nec illud pro concione dicant, usitatum, quasi  
 hoc nonnulli agant, ut opprimatur euangelij doctrina: temperent e-  
 tiam à scommatis atq; contumelijs: hortetur populum, ut Missam au-  
 diat, ut diligenter oret, ut uirginem Mariam cæterosq; diuos implo-  
 ret, ut dies festos peragat, ut ieiunet, ut à cibis uetitis abstineat, ut sub-  
 ueniat egenis: monachis autem demonstrent, non licere professionem  
 ac ordinem deserere: breuiter, in ijs quæ pertinent ad fidem atq; Dei  
 cultum, nihil quicquam immutetur: qui contra fecerint, corporis atq;  
 uitæ seu bonorum discrimen subeant: quicquid ablatum est ecclesiasti-  
 cis, restituantur: quibus in locis domicilia monachorum & id genus a-  
 lia ædificia sacra diruta sunt, reædificentur, in ijsq; ceremoniæ fiant  
 atque ritus usitati: qui sunt in aduersariæ partis finibus, antiquæ reli-  
 gionis atq; fidei sectatores, & hoc decretum approbant, in Imperij tu-  
 telam recipientur, eisq; licebit, quo uolent, emigrare, nullo cum dei ri-  
 mento: de concilio pontifex appellabitur, ut intra sextum mensem il-  
 lud ad locum aliquem idoneum indicat, ut deinde primo quoq; tem-  
 pore, & ad summum intra spaciū anni fiat eius initium: Hæc omnia  
 rata sint atque firma: & si quæ sunt oppositæ uel opponuntur etiam  
 exceptiones aut appellationes, locum nullum habeant: ut uerò decre-  
 tum hoc ualeat & seruetur, quantum quidem ad fidem atq; religio-  
 nem pertinet, quicquid omnino uirium atq; facultatis concessit Deus,  
 id omne, uita etiam atq; sanguis huc impendetur: Si quis autem uim  
 alicui intentet, Camera, simul ac interpellata fuerit, ei, qui uim uel ar-  
 ma parat, denunciēt, ut ab incepto desistat, & legibus agat. si non ob-  
 temperabit, fiscus litem in eum instituat, et proscriptionē urgeat, eaq;  
 promulgata, uicinos principes atque ciuitates moneat, ut ei, qui uim  
 metuit, ilico succurrant: In Camera uerò iudicium nemo recipiatur,  
 nisi qui decretū hoc de religione factū approbarit: alioqui remouea-  
 tur loco. Hoc durante comitio, Lutherus erat Coburgi, ad Franconie  
 fines



fines, mandatu sui principis, ut tantò uicinior esset Augusta, si qua for  
 tè res ipsius consiliū postularet. Vt autē absens etiam aliquid in com=  
 mune conferret, librum ad episcopos & id genus alios proceres in eo  
 conuentu, conscribit, et cuiusmodi fuerit sub pontificatu Romano sta=  
 tus Ecclesie, quàm dense tenebræ, quàm impia doctrina, quàm fœdi  
 errores, demonstrat, & ipsos officij cōmonefacit grauissimis uerbis,  
 & crudelitatem animumq; sanguinarium exprobrat, et ne iam sanan=  
 di mali prætermittant occasionem, hortatur, & suam doctrinam esse  
 prophetarum ac apostolorum scriptis consentaneam, ostendit, & ad=  
 uersus Deum frustra iniri omnia cōsilia, docet. In hoc Cæsaris et pon=  
 tificiorum fremitu atq; comminationibus, Melancthon animo erat  
 admodum sollicito & anxio, non quidem sui, sed ipsius exitus & po=  
 steritatis causa, seq; mœrori, suspirijs atq; lachrymis totum dabat: Lu=  
 therus autem ubi cognouit, crebris literis illum erigit & consolatur:  
 & quia non hominum, sed omnipotentis Dei sit hoc negocium, mo=  
 net, ut omni deposita sollicitudine ac grauiori cogitatione, totam mo=  
 lem in illum reijciat. Et cur, inquit, ad hunc modū te crucias & affli=  
 gis ipse? Si filium suum Deus pro nobis impendit, quid trepidamus,  
 quid metuemus, quid angimur atq; tristamur? An sathanas est illo po=  
 tentior? an qui tantum nobis beneficium contulit, in rebus leuioribus  
 nos deseret? Cur mundum à Christo debellatum reformidamus? Si ma=  
 lam causam defendimus, cur non mutamus propositū? si piam atque  
 iustam, cur Dei promissis non confidimus? præter uitam certè nihil sa=  
 thanas eripere nobis potest: at uiuit tamen & in sempiternum regnat  
 Christus, in cuius tutela consistit ueritas. Is non desinet esse nobiscum  
 ante consummationē seculi. Si nobiscum non est, obsecro, ubi nam re=  
 perietur? si nos ad Ecclesiam non pertinemus, an pontificem & reli=  
 quos aduersarios pertinere putas? peccatores quidem sumus, non uno  
 modo, sed tamen Christus idcirco non est mendax, cuius causam agi=  
 mus. fremant reges atq; populi, quantum uolēt: qui cœlos inhabitat,  
 deridebit eos. Causam hanc Deus absq; consilio nostro gubernauit ad  
 hoc usq; tempus & protexit: idem quoq; deinceps ad optatum finem  
 perducet. De legibus & traditionibus hominum quod scribis, non est  
 difficilis responsio. Nemini enim licet nouū aliquod opus instituere  
 uel deligere, tanquam cultū Dei: nam & primum decalogi præceptū

1 5 3 0  
 Lutheri  
 liber ad  
 episco=  
 pos.

Luth=  
 rus sola=  
 tur Me=  
 lanch=  
 thonem.

1530 **E**t omnes prophetae damnant eiusmodi opera: corporis quidē exercitium esse possunt: sed si cultus accedat opinio, statim fiunt idolatriæ. Quod ad conciliationē attinet, frustra speratur: nec enim nos pontificem loco deturbare possumus, neq; uera doctrina, saluo pontificatu, incolumis esse potest. Quod cœnam Domini uultus integrè communicari, nec aduersarij in eo conceditis, qui contendunt esse indifferens, rectè pieq; facitis. nec enim est arbitrij nostri, statuere uel tolerare aliquid in Ecclesia, quod uerbo Dei defendi non potest. Clamant illi, totam Ecclesiam à nobis damnari: nos uerò dicimus, Ecclesiam in uitam fuisse captam **E**t oppressam tyrannide dimidiatæ Eucharistiæ, atq; ideo excusandam esse, quemadmodū uniuersa synagoga fuit excusata, quod in Babylone captiua, legem Mosi cæterosq; ritus nō seruauit. etenim ui prohibita fuit, ne faceret. Episcopis uerò ne nimiam iurisdictionem tribuatis, etiam atq; etiam prouidete, ne maior ex eo post turba nascatur. Mihi quidem omnis hæc actio de doctrinæ concordia, displicet: nam frustra labor hic sumitur, nisi regnum suum pontifex aboleri totum uelit. Si nostra damnant, quid conciliationem quærimus? si probant, cur ueteres retinentur errores? sed damnant apertè, fucus igitur est atque mendacium, quicquid agunt. De ceremonijs multum, ut uidetur, laborant: sed restituant antè fidei doctrinam **E**t operum: permittant Ecclesiæ suos ministros, qui faciant officia necessaria, Monachos in possessionem reduci postulant: ipsi contra restituant nobis tot innocētes ac pios homines, ab se trucidatos, restituant tot animas, impia doctrina perditas, restituant amplissimas illas facultates, fraude partas atq; nequitia summa, restituant deniq; gloriā Dei, tot contumelijs affectam. de his rebus ubi satisfecerint, agemus cum ipsis, ad utros bonorum sacrorum possessio pertineat. Cum de cœna domini potissimum ac ferè solum, esset inter Lutherū **E**t quosdam alios dimicatio, sicut supra nō semel diximus, **E**t cū id pōtificijs esset pergratum, reliquis autē ualde doleret, Bucerus, de uoluntate Saxonis electoris et sui magistratus, Augusta proficiscitur ad Lutherū, conciliationis causa, **E**t responsum tulit non incommodum, ita quidē, ut illinc ad Zuinglium **E**t Heluetios iret, quo propius iungerentur animis atq; sententia. Quum hic esset rerum status, **E**t offensionibus omnia paterent, Lantgrauius fœdere sex annorū sibi coniungit, Tiguri-

Bucerus  
eudet  
concilia-  
tioni.

rimos



vinos, Basilienses, Argentineses, ut si cui uis fiat religionis causa, 1 5 3 0  
 mutuum præbeatur auxilium. Nouembri mense factum fuit hoc fœ- Lantgra  
 dus. Eodem tempore, Cæsar, datis literis, iubet Saxonem electorem uij fœ-  
 adesse Coloniae ad xxi. Decembris diem, propter ardua quædam rei- dus cum  
 publicæ negocia. cum eas accepisset ille Nouembris die xxviii, uene- tribus ci-  
 runt ad ipsum eodem die nuncij atq; literæ Moguntini, quibus hoc e= uitati-  
 rat perscriptum: Cæsarem à se petiisse, ut principes electores conuo= bus.  
 caret, creandi causa Romanorum regis: itaq; citabat illum, ut ad xxix Saxo ci-  
 Decembris diem adesset Coloniae. nam Moguntini sunt in eo primæ ratus à  
 partes, ut supra quoq; dictum est. Ea re cognita, Saxo, dimissis ilico Mogun-  
 literis huc illuc, Lantgrauium reliquosq; principes ac ciuitates pro= tino.  
 testantes orat & hortatur, ut ad xxij Decembris diem Smalcaldie  
 conueniant: sed interea filium suum Ioannem Fridericum & cum eo  
 quosdam è suis familiaribus Coloniam celeriter dimittit, ut ad diem  
 à Cæsare constitutum adsint, per eos demonstrat, citationem Mogun-  
 tini non esse rectè nec ordine factam, & hac ipsa creatione regis, ui-  
 lari cum primis Imperij ius atque libertatem, & illud Caroli quarti,  
 Cæsaris, edictum, ideoq; non se ratam habere actionem hanc neque  
 probare. Vbi Smalcaldiam omnes uenerunt, fœderis concipiunt fœ-  
 mulam, non quidem offendendi quenquam, sed sui defendendi causa, Fordus  
 subscripserunt huic continuo principes, item Albertus & Gebartus Smalcal-  
 Mansfeldici, Magdeburgum etiam atque Brema: sed Argentoratum, dicum in-  
 Vlma, Constantia, Lindauia, Meminga, Campodunum, Heil= ter Pro-  
 brunum, Rutelinga, Biberacum, Isna, sic recipiunt, ut ad suos testantes  
 referant, & intra sextam hebdomadam disertè nuncient, quid ue-  
 lint: Georgium uerò Brandeburgicum, & Noribergam placuit per  
 literas interpellari, quandoquidem ipsorum legati nullam habebant  
 agendi super eò facultatem. fuit & hoc decretum, Danie regem &  
 Pomeranum, item Megelburgium principem, Hamburgum, Embe-  
 cum, Northemium, Francosfurtum, Brunswicum, Gotingam, Min=  
 dam, Hannobriam, Hildessumum, Lubecam, Stetinum aliàsque ciui-  
 tates maritimas per legationem esse sollicitandas. Pontifex, ubi quis Pontifi-  
 comitiorum Imperij fuisset exitus, accepit, missis tum ad alios, tum cis ad  
 ad Poloniae regem literis, omnino se sperasse dicit, fore, ut Cæsaris au- Polonū  
 thoritas atq; præsentia Lutheranam hæresim uel extingueret uel ali- literæ.  
 qua

1530 qua ratione sedaret: hanc enim spem sibi fuisse factam, quo primū tempore Cæsar in Italiam uenit, eaq; de causa præcipuè Bononiam se uenisse, ut illum, tametsi sponte sua satis animatum, amplius urgeret: hoc enim si perfectum fuisset, & religioni, & plurimorum saluti, qui nunc per istam hæresim periclitentur, consuli, & aduersus Turcicum furorem inueniri potuisse remedia: cum autem è Cæsaris atq; etiam legati sui literis intelligat, non solum ad sanitatē illos adduci non posse, nerumetiam magis atque magis obfirmari, se, qui uoluntate Dei nauiculam Petri tam turbulento tempore gubernet, ac solitudinis omnis maximam partem sustineat, cum cardinalibus re communicata, nullum reperire tutius remedium, quàm illud, quo sint ipsius usi maiores, nempe concilium publicum: itaque monere, cum deducta res eò fuerit, ut uel ipse coram, uel per legatos causam adeo sanctā adiuet: se nimirum, ubi primū fieri possit, ad aliquem Italiæ locum, qui sit commodus, illud indicturū esse. Datæ fuerunt hæ literæ calendis Decembris. Cōfœderati principes, quos dixi, Smalcaldia dant literas ad Cæsarem, die xxiiij Decembris. audire se, & peruulgatum esse, quasi fratrem suum Ferdinandum, qui ualde sollicitet & ambiat, creati uelit Romanorū regem: iam uerò, quæ sit principum electorū in eo potestas, & quid iuris habeant ex formula legis Carolinæ, quum mortuo Cæsare, totius Imperij nomine creandus est alter, notū esse omnibus: uerū tamen, ipso incolumi atq; superstite, cum in eum casum res nondum reciderit. à Moguntino Coloniam euocatos esse principes electores, ad exitū huius mensis, omnino contra præscriptū legis, contraq; morem Imperij: audire etiam, uenturos eò reliquos electores, ipsius rogatu, & fore, ut ambiente ac præhensante Ferdinando, uelut ex pacto & pollicitatione, res conficiatur: hanc enim famam longè lateq; iam esse disseminatam: quòd cum ita sit, uoluisse de quibusdam ipsum admonere: Et quanquam abstinere malint ab hoc genus oratione, tamen quòd & ipsum & patriam ament, eiusq; libertatem inprimis, inde à maioribus acceptam, deinde, quia nunc in hac mundi senectute multa captiose fiant & astute: non se posse aliter facere: primum igitur, scire ipsum, quàm accuratè, quàm sanctè, quibus uerbis atq; pactis Imperio se deuinxerit & obligarit, quomodo fide data per iusiurandū promiserit, seruare legem Carolinam, ex qua sanè libertas

Imperij

Prote-  
stātum  
ad Cæsa-  
rem lit-  
teræ.



Imperij potissimum dependeat, quomodo sponponderit, neq; se quicquam esse contrà facturum, nec alijs etiam, ut faciant, permissurum: hæc nimirum pacta uiolari non posse neque rescindi aut mutari, nisi de communi omnium ordinum consilio ac uoluntate: nunc autem, si quidem ipso uiuo & superstitè, Romanorum rex creetur, & quidem frater germanus, ambiens atq; rogans, uidere ipsum, quemadmodum id planè fiat contra legem, contra ius atque libertatem Imperij, contràque sponsonem atque pactum, & eam, qua sit reipublicæ deuinctus, fidem: quam etiam ipsi non sit commodum, quàm sibi quoq; futurum graue, toti; Imperio, duos habere eodem tempore dominos, quibus sit obtemperandum: Et quia molestè sint laturi, si quidem aut ipsi tale quid, ob nō seruatam fidem, exprobratur, aut etiam sibi, propter socordiam & malè defensam rempublicam, obijciatur, ideò se petere maiorem in modum, ut hoc suum scriptum, & ipsius atq; patriæ charitati, & conditioni temporum attribuat, & res antea factas in memoriam reuocet, & eiusmodi creationem noui regis, pro suo minere & autoritate prohibeat, & secum diligenter expendat, quantis ea res malis & incommodis occasionem sit in posterum præbitura, nisi caueatur: his etiam de rebus dare se literas ad reliquos electores, atque sperare facturos esse, quod sit ex usu reipublicæ, & daturos operam ne qua fiat ordinum Imperij diuulsio: quod reliquum est, omnia se uelle ipsius causa, quantum facultatibus omnino possint. Saxo deinde solus dat literas ad principes collegas: quando quidem à Moguntino sit euocatus Coloniam, ideò se filium suum & consiliarios aliquot eò misisse, qui suo nomine, quod opus erit, proponant & agant: iamque, sua quidem opinione, ipsos partem aliquam ex illis audisse, reliquum etiam ad xxix Decembris diem audituros esse: rogare autem, ut ab instituto desistant, & secum perpendant, quantum hæc actio sit allatura præiudicii, quantum incommodi, tum ipsis omnibus, tum posteritati, propter uiolatum ius, decus atque libertatem Imperij: petere etiam, ut in ijs, quæ filius atque consiliarij sui cum ipsis agent, ita sese gerant, quò uideri possit & intelligi, rempub. atq; patriam ipsis esse charam. Luneburgicus autem & Lantgrauius et Anhaltius & Mansfeldici prolixè scribunt eodem tempore, ad electores, in eandem sententiam, grauitèrque monent ne tantam iniuriam legi-

Saxoscribit Electoribus

1530 bus atque patriæ faciant, & peruulgatum esse dicunt, pollicitationes atque largitiones interuenisse: quod quidem etiam apertè sit contra legem Carolinam. Post, ultima Decembris die, tam principes quàm ciuitates, quas ante memorauimus, communi nomine dant literas ad Casarem: in ijs repetunt actionem Augustanam, quomodo de pace diu multumque sollicitarint, quid ipse demum responderit, præsertim de Imperij fisco, cuiusmodi sit etiam postea factum decretum: & licet illud Brandenburgici electoris dictum ipse mitigarit, & non offendendi cuiusquam, sed muniendi sui atq; defendendi causa, pactum se fuisse dixerit cum reliquis principibus, tamen, si fisco permittatur ea potestas agendi, quam decretum habet, cui dubium esse possit, quin ad offensionem atq; uim ea res pertineat: cum autem & maiorum suorum, & sua etiam extent optimæ uoluntatis et officiorum erga ipsum ipsiusq; maiores præclara testimonia, petere, ut quandoquidem illud Brandenburgicum uerbo mitigauit, hoc etiam fiscale re ipsa leniat atq; tollat, quo certi esse possint, adusq; pij liberique concilij decretum & exitum, uim nullam sibi pertimescendam esse: & si quidem hoc impetrent, collaturos deinceps, ut antehac semper, facultates & auxilia tum in bellum Turcicum, tum in alios reipublicæ usus. Causas creando Romanorum regis has in medium Casar adduxit in primo congressu principum electorum, Colonie. quia diuersis ipse regnis atque populis imperaret, neque posset continenter esse in Germania: quia turbulentius admodum esset & periculosus orbis Christiani, præcipuè uerò Germaniæ status propter disidium religionis, propter uim atq; potentiam Turcarum, propter nuper excitatam seditionem atq; bellum rusticarum, & quia per Imperium multa inofficiose fierent ac minus obsequenter: ceterum, tametsi de ipsorum omnium uoluntate atq; consilio, senatus fuerit institutus Imperij, superioribus annis, tamen non fuisse præstitam illis, quæ debuit, obedientiam: itaq; sibi uideri prorsus necessarium & ex usu reipublicæ: ut secundum se creetur aliquis Romanorum rex, uelut alterum Imperij caput, per suam absentiam, qui sit & ingenio præditus, & uigilans, & industrius, & potens, & amans pacis atq; concordia, & rerum Imperij non imperitus, & omnino talis, cui fidere, & in quo possit ipse totus acquiescere. Qui sit autem magis ad eam prouinciā idoneus fratre suo Ferdinando,

Cause  
creandi  
Roma.  
regis.



nando, Bohemiæ Vngariæq; rege, nullum se nouisse alium: huius etiam fines atq; regna iam esse ueluti murum aliquem, pro salute totius Germaniæ oppositum immanitati Turcicæ Principes electores, à de liberatione, Cæsarem orant, ne Germaniam deferat, sed in ea sibi domicilium atq; sedem collocet: cum autem in sententia persisteret, collatis consilijs, quinta Ianuarij die Ferdinandum renunciant Romano rum regē, Saxo, quod unum poterat, creationem hanc esse uitiosam, explicatis causis, neq; sibi probari. per filium disertè protestatur. Multo antè, quàm Augusta discederetur, disseminatus erat rumor, fore, ut Ferdinandus eum consequeretur dignitatis gradum. Colonia post. o= mnes profecti sunt Aquas: ibi Ferdinandus inauguratus regno fuit, undecimo Ianuarij die, & continuo dimissis huc illuc in Germaniam literis, hoc ipsum denunciat: Cæsar etiam publicis literis edicit, ut ipsum pro Romanorum rege omnes agnoscant, & separatim ad protestantes hoc ipsum perscribit. Interea dum est Colonia Cæsar, redditæ sunt ei protestantium literæ, quibus ab actione fiscali sese liberari petunt, ut supra diximus. Adeas, Aquis per Fridericum Palatinum, Idibus Ianuarij respondet legatis. non esse, quod responsi causa longius progrediantur aut expectent: nondum enim deliberasse, & consideraturum suo tempore, quid sit renunciandum. Eo facto, Brabantiam, Galliæ Belgicæ prouinciam, petit.

15 3 2  
Ferdinā  
dus re  
nuncia  
tur Ro  
manorū  
rex.

## LIBER VIII.



IN SUPERIORI CONVENTU SMAL= caldiæ, hoc etiam inter alia placuit. quoniam aduersarij causam atq; professionem euangelij multis calumnijs grauarent, & passim in summum odium adducerent, scribendum esse cum primum & Galliæ & Angliæ regi, ne sibi persuaderi patiantur. Itaq; xvi. Februarij die, Saxo, Brandeburgicus, Luneburgensis, Lantgrauus, Argentoratū, Noriberger, Magdeburgum, Vlma, tam suo, quàm sociorum principum atq; ciuitatū nomine, dant literas ad utrumq; separatim, eiusdem sententiæ. Scire ipsos haud dubiè, ueterem esse multorum querimoniam

Protestā  
tium ad  
Galliæ &  
Angliæ  
reges li  
teræ,

25 3 2 de uitijs ecclesiasticis, quæ multi sæpe uiri præstantes, & recenti ferè memoria per Galliam, Ioannes Gerson, per Angliam, Ioannes Cœtus, grauitèr notari atque reprehenderint: idem his proximis annis accidisse Germaniæ: cum enim expiationes illas, quæ uulgò dicuntur indulgentiæ, monachi quidam ibi circumferrent, & magna cum contumelia Christi, summoq; discrimine salutis hominum, illas celebrarent, et infamem ex ea re quæstum ubiq; facerent, admonitos fuisse leniter, à uiris aliquot eruditis atq; bonis, ne sic agerent: illos uerò non solum non abstinuisset, uerumetiam atrociter damnassee monitores, ita quidem, ut hi ueritatis tutelam atq; patrocinium suscipere cogerentur: per eam occasionem alia multa necessario fuisse reprehensa, uerum aduersarios, qui causam dederant offensionis impudenti sua nundinatione, non prius conquieuisse, quàm hæc doctrina, ipsorum opposita nugis & imposturæ, sine legitima cognitione damnaretur ut impia: quoq; totam opprimerent, in summum odium adduxisset apud Cæsarem aliisq; reges: ueruntamen effulgescente ueritatis, tanquam solis, radio, cum essent in omnium aspectu multa, neque negari possent, quæ deprauatis iudicijs obrepserant in ecclesiam, ordines Imperij, in eo conuentu, quem primum Cæsar egit Vuormaciæ, plurima illi edidisse grauißimæque postulata, quorum emendationem dicerent esse necessariam: in alijs deinde conuentibus Imperij, quum diu multumq; res inter ordines ac Cæsaris legatos agitata fuisset, componendi dissidij nullam esse uiam expeditiorem aut meliorem, quàm per liberum orbis Christiani concilium una omnium uoce iudicatum fuisse: Cæsari quoque rationem hanc, ubi cognouit, placuisse, dequæ concilij tum loco tum tempore deinceps deliberatum esse: quemadmodum decretis tunc factis doceri possit: cum autem ex Hispanijs Cæsar per Italiam uenisset in Germaniam, ad Augustæ comitia, totum in hoc fuisse, ut sine concilio res componeretur: quod quidem bono ipsum animo fecisse putent: itaque se doctrinæ suæ confessionem in eo conuentu palam tunc recitasse, & illi exhibuisse, & si maiori opus esset explicatione, detulisse: contrarium deinde scriptum suæ confessioni, fuisse recitatum: eius ubi petiissent exemplum à Cæsare, non impetrasse, propter adiectam conditionem, quæ sibi periculo futura erat atque fraudi: post, ex omni numero quosdam esse delectos ut



trinque, uelut arbitros & conciliatores: uerum ne sic quidem conuenisse, licet ipsi profiterentur, quicquid omnino salua conscientia possent, sese facturos: Casarem deinde proposuisse nonnulla, quae seruaerent interea dum fiat concilium, sed eius generis, ut, si recepissent, & conscientiam suam ipsi lederent, & Deum grauissimè offenderent: cum autem edictum posthac Caesar faceret ualde durum, se necessario prouocasse ad concilium pium atque liberum: & quam ita res habeat, licet iste sit rerum status, etsi nihil ipsi magis optent, quàm ut legitimè de causa cognoscatur, tamen audire, suos aduersarios in hoc esse totos, ut Casarem aliosque reges contra se uarijs calumnijs accendant: dogmata quaedam circumferri, quae sibi falso tribuantur: nec enim esse tantum à sacris literis aliena, uerum etiam abhorrere à sensu communi: si quis etiam ad hunc modum suos intra fines doceret, non illi futurum impune: quantis autem ipsi uersentur in periculis, ob huius doctrinae professionem, neminem esse qui non uideat: quae sanè discrimina minimè subire uelint, nisi certò scirent, hanc ipsam doctrinam esse consentaneam uerbo Dei, & propter gloriam nominis diuini retinendam: illud etiam spargi ab aduersarijs apud exteros, quasi doctrinae genus hoc receperint, non quidem ulla pietate, sed ut per eam occasionem inuaderent in bona sacra sed hanc calumniam & antea actis conuentibus esse refutatam, & fore, ut in totius orbis concilio magis confutetur: homines etiam prudentes atque iudicio praeditos, comparatione facta periculorum atque commodorum, facile uidere, non minus absurdam & ineptam hanc esse, quàm acerbam & odiosam criminationem: An enim uelle suis in finibus tantæ queant esse facultates ecclesiarum, ut existimationem, famam, dignitatem, coniuges, liberos, denique fortunas omneis atque uitam ipsam, in praesentissimum periculum idcirco deuocare uelint? an ulla commoda sibi tam arridere, & chara esse possint, ut non & Caesaris, & ipsorum, laudatissimorum uidelicet regum, beneuolentiam atque gratiam, his omnibus longè praeposant? suos nimirum maiores atque parentes, quum ex ijs bonis nihil attingerent, & domi cum dignitate uixisse, & sumptus etiam publicos tolerasse, nec id modo, sed ecclesias etiam partim instituisse nouas, collatis eo magnis uectigalibus, partim locupletasse ueteres ac magis ex-

153 ornasse: suæ quidem ditionis ecclesiarum opes esse mediocres, ac licet  
 necessarie sint ministris, qui populo præsent erudiendo, quorum sanè  
 prouentus annui sint admodum accisi, non se tamen recusare, quò mi-  
 nus in pios usus, arbitratu concilij conferantur: modò cōcilium illud,  
 tale sit, in quo præiudicijs et affectui non sit locus. In calumnijs etiam  
 hanc esse primam, & hoc nomine se deferri potissimum & accusari,  
 quasi doctrina, quàm profiteantur, improbet magistratum & legum  
 dignitatem eneruet: sed scriptum suum recitatū & exhibitum Augu-  
 stæ, respondere huic criminationi: hoc quoq; uerè posse dici, huius tem-  
 poris uiros doctos ornasse magistratus atq; legum dignitatem, magis  
 quàm ulla superior ætas fecerit: sic enim prorsus erudisse mentes, ut  
 & magistratus intelligat certoq; sciat, suum uite genus atq; statū esse  
 Deo pergratum, & populus inuicem agnoscat, honorem et obsequen-  
 tiam se debere magistratui, propter mandatum Dei, qui potestatis or-  
 dinariæ contemptum non dimittat impunitum: præterea, cum ipsi be-  
 neficio Dei præsent etiam alijs, cuius hoc esset dementiæ, tolerare do-  
 ctrinam, quæ frena laxaret hominibus, & obedientiam dissolueret, &  
 populum in se concitaret? Quid etiam de præfectis ecclesiarum sen-  
 tiant, in suo illo scripto luculenter explicasse: nam & ecclesiastici sta-  
 tus administrationem legitimam sibi probari, & ministerium uerbi  
 seu potestatem clauium summo se studio uenerari: iam uerò, cum hæc  
 & id genus alia crimina in se conferri audiant, & uerò publicè mul-  
 tum referre putent, ut ipsi, tanta prudentia & autoritate reges, cau-  
 sam ordine & rectè intelligant, ideo se, purgandi sui causa, uoluisse  
 hæc ad ipsos perscribere, & orare plurimum, ne calumnijs illis fidem  
 habeant, neq; sinistram ullam de se concipiant opinionem, sed integrè  
 seruent iudicium, donec publicè purgandi sui locus detur, quod impri-  
 mis cupiant: orare etiam, Cæsarem hortentur, ut propter causæ ma-  
 gnitudinem & ecclesiæ totius utilitatem, concilium pium atq; liberū  
 in Germania, primo quoq; tempore cogat, neq; grauius quid contra  
 se statuatur, donec legitimè disceptata res fuerit atq; definita: nam &  
 hucusq; semper officium se præstitisse suum reipublicæ Imperij, &  
 nunc doctrinam istam profiteri, eòq; nomine in discrimen uocari, nul-  
 la certè cupiditate uel proteruita, sed propter mandatum atq; gloriam  
 Dei: quò magis etiam sperare, non ipsos esse defuturos suis precibus:



nam in summa laude ponendum, si quidem hoc auctoritate sua per- 153.1  
 ficiant & intercessionem, ne ferro decendantur & armis hæ controuer-  
 siæ, sed rectum fiat iudicium, & sanentur morbi, & ecclesiæ concilien-  
 tur, & nis nulla fiat hominum conscientijs: postremo. si de ipsorum  
 erga se uoluntate per literas cognoscant, longè id sibi fore gratissimū.  
 Februario mense, Saxonie princeps elector, socios omnes conscribit,  
 ut ad xxix. Martij diem adsint Smalcaldie, deliberaturi de suscipien-  
 da defensione contra uim hostilem, si qua fortè fiat. Hi erant principes  
 ac ciuitates, quas antea sepe diximus: ueruntamen Saxo ualitudine  
 detentus filium eò misit, Ioannem Fridericum. Superiori conuentu  
 placuit, Danie regem Fridericum & Saxonicas maritimasq; ciuita-  
 tes de foedere sollicitandas esse: nunc igitur, cum denuò conuenissent,  
 quid actum interea sit cum illis, & quid singuli responderint, comme-  
 moratur. Et Danus quidem, amare se doctrinam euangelij, sed mul-  
 tos esse per suum regnum episcopos ualde potentes tam opibus quàm  
 clientelis & coniunctione nobilitatis, nec sibi integrum esse dicebat,  
 foedus hoc inire, tanquam regem: ad alias uerò suas prouincias quod  
 attinet, quæ sint ditionis imperij, non recusare. Megelburgensis Hen-  
 ricus excusabat, quòd ipsius legati decreto subscripserant Augustano,  
 ueruntamen nihil se facturum in ipsos inimicè. Pomerania princeps  
 Berninus, nò se quidem abhorre, sed penes fratrem natu maiorem,  
 summam rerum adhuc esse propè totam. Lubecenses non de-  
 stabant, sed quòd magnos belli sumptus tolerassent, eius quoq; rationem  
 haberi, & si fortè Danie rex Christiernus, regno pulsus, uim ipsis ad-  
 ferat, quid inuicem expectare debeant præsidij, scire cupiebant. Lu-  
 neburgenses, quod ipsorum principi Ernesto placeret, idem se quoq;  
 facturos esse prædicabant. Deliberatum deinde fuit de suffragijs ex-  
 quirendis, de subitarijs auxilijs, de contribuenda pecunia, de perpe-  
 tuandis auxilijs, de deligendis ducibus, de recipiendis illis, qui uelint  
 huius esse foederis, postea, de constituendis procuratoribus & aduo-  
 catis, qui suo nomine respondeant in iudicio, si fortè fiscus, aut man-  
 datu Caesaris, aut aliorum rogatu litem moueret. & huic quidem de-  
 fensionis parti sese coniungunt Georgius Brandeburgicus, Noriber-  
 ga, Campodunum, Heilprunum, foedus autem repudiabant. Decre-  
 tum etiam fuit, manifesta flagitia seuerè per suam cuiq; ditionem esse

Protesta-  
 rium con-  
 uentus  
 Smalcal-  
 die.

153 1 puniendā. Prius quā fœdus iniretur, in consiliū adhibiti fuerunt non iureconsulti modò, sed theologi quoque. Lutherus autem semper docuerat, magistratui non esse resistendum, & extabat eius hac de re libellus: cū autem in hac deliberatione periti iuris docerent, legibus esse permissum, resistere nonnunquam, & nunc in eum casum, de quo leges inter alia mentionem faciant, rem esse deductā ostenderent, Lutherus ingenuè profitetur, se nesciuisse hoc licere: & quia leges politicas euangelium non impugnet aut aboleat, uti semper docuerit, deinde, quoniam hoc tempore tam dubio tamque formidoloso multa possint accidere, sic ut non modo ius ipsum, sed conscientie quoque uis atque necessitas arma nobis porrigat, defensionis causa fœdus iniiri posse dicit, siue Cæsar ipse, siue quis alius forte bellum eius nomine faciat. Editio quoque scripto primum explicat, quā fuerint in Augusta comitijs obstinati pontificij, deinde monet in uniuersum omnes, ne magistratui ad eiusmodi bellum imperanti militiam, obtemperarent. Doctrinæ uerò pontificiæ complures & grauissimos quidem recenset errores, quos ait ab illis propugnatum iri, qui se castris illis adiungunt. qualesquidem in re summum nefas inesse dicit: quanta sit etiam lux illata mentibus hominum hoc tempore, per euangelij cognitionem, demonstrat, & à tam impij belli societate temperandum esse docet. De Tigurinīs, Bernatibus, Basiliensibus egerant aliquot ciuitates, quòd si indefinite, sine ullius dogmatis exceptione reciperentur, non esse recusaturos fœdus: Ioannes autem Fridericus ad parantem sese relaturum dicebat. Quod de paranda defensione propositum fuit, ciuitates ita recipiunt, ut in proximo conuentu Francosurtensi planè respondeant, quid in eo uelint: de creatione Romanorum regis idem principes, quod antea, statuunt, neque se parituros esse dicunt: & quia Cæsar datis ad ipsos literis mandauerat, ut pro Romanorum rege Ferdinandum agnoscerent, placuit, ut Saxonie princeps interea formulam responsi concipiat, & Francosurti in medium proponat: ciuitates etiam, quid de Ferdinandi regis creatione statuunt, tum explicent. Conuentui futuro dictus est dies Francosurti, ad quartum Iunij diem. Interea dum Smalcaldiæ sunt, allatæ fuerunt eis literæ Cæsaris, in quibus hoc erat perscriptum. ex omnibus locis nunciari de Turca, quemadmodum ingenti cum exercitu constituerit in



Germaniam inuadere: mandabat igitur, ut sine exceptione conferret 1 5 31  
 auxilia. Illi, maiorum exemplo nō se recusare dicunt ullum onus aut  
 officiū, quod reipublicæ præstari debeat: sed scire ipsum, in quam sen=  
 tentiam Augustæ uerba fecerit elector Brandenburgicus, quod tamen  
 ipse postea mitigarit, quid etiam de fisco decretum sit in eo conuentu:  
 se quidem & tunc orasse plurimum, ut actionem omnē fiscalem, quæ  
 religionis nomine moueri possit, authoritate sua tolleret, & cum ni=  
 hil impetrassent, nuper ante menses aliquot, missis literis atque lega=  
 tis idem denuō flagitasse, nullū uerò tulisse responsum, nisi quod ipso  
 rum legatis Fridericus Palatinus demum dixit, non esse quod longius  
 progrediantur aut expectent: nam suo tempore ipsum, quid oporteat  
 responderi, consideraturum: id sibi quidem omnino præter expecta=  
 tionem tunc accidisse, & nihilo minus putasse, fore, ut aliquando tan=  
 dem responderetur aliquid. Cū autem de conferendis in Turcam au=  
 xilijs nunc sollicitentur, neque tamen pacem adhuc impetrent, faciliē  
 cogitari posse, quā sit ipsis incommodum, quā non consultum, ut  
 in hoc dubio rerum suarum statu, cū & proscriptiones & uim ho=  
 stilem expectare coguntur, præsidia sibi detrahant, ac ueluti neruos  
 incidunt ipsi: nam si fisco permittatur aduersum se actio, religionis  
 causa, cui dubium sit: quin ad uim ea res pertineat: quapropter ite=  
 ram atq; iterum obsecrare, ut tandem aliquid statuatur, & fisco actione  
 omni interdicat adusq; concilij tempus, & pacem atq; securitatē si=  
 bi præstet: se facturos inuicem pro sua uirili parte, non in Turcico so=  
 lum bello, sed in omnibus alijs reipublicæ negocijs, quod sui sit officij:  
 petere autem, ut per hos legatos, quid sit ipsius propositi, renunciaret.  
 Martio mense decessit è uita Richardus, archiepiscopus Treuirensis: Richar-  
dus Tre  
uirensis  
moritur  
 magna fuerat eius inter electores authoritas, propter usum rerum &  
 studium libertatis, Veneni suspitio fuit, & ex domesticis quidam tor=  
 mentis ideò subiectus, fortitudine & constantia sua periculum euasit.  
 Cū Vlmeneses hoc ab Argentinenſi senatu flagitassent, Bucerus eo Bucerus  
instituit  
ecclesias  
Vlmenses.  
 profectus, ipſorum ditionis Ecclesias constituit, & religionis formu=  
 lam conscribit, adiutus ab Oecolampadio & Ambrosio Blauro. Vlmenſes.  
 Sub hoc tempus in Belgium uenit Maria, soror germana Cæsaris, quæ  
 Ludouicum Vngariæ regem habuit in matrimonio, sicut antè dixi=  
 mus. Hanc Cæsar, amita suæ Margaritæ, quæ nuper è uita decesserat,

153 substituit, & regionibus illis omnibus præficit. Clementi septimo li-  
 erat cum Alfonso duce Ferrariensi, de Rhegio & Mutina: tandem fa-  
 cto compromisso, Casarem deligunt arbitrum. Is, in Belgio cum esset,  
 Gallie  
 regis ad  
 Prote-  
 stantes  
 respõsio.  
 per hos ferè dies, pro Ferrariensi pronunciat. Ad principum atq; ci-  
 uitatum literas, Gallie rex, Aprilis die xxi. respondet. nihil optare se  
 uehementius, quàm totius Europæ concordia, & pergratū esse, quod  
 ipsi etiam eò propendeant, quodq; concilium fieri cupiant: hoc enim  
 sibi non utile modò, sed & necessarium uideri: & quoties de sananda  
 republica sermo incidit, ita semper iudicare, nullum esse firmitus fun-  
 damentum, quàm si ueri monstrator & almus ille spiritus, primas in  
 ea re partes obtineat: quod si cæteri etiam idem statuunt, & si conci-  
 lio deligatur locus ab omni periculo uacuum atq; suspitione, quo qui-  
 dem in loco suâ cuiq; sententiâ liberè pronunciare liceat, nec affecti-  
 bus aliquid detur, tunc nimirum optimè sperandū esse de summa rei.  
 Quod autem solliciti sint, ne criminationibus aduersariorum alienior  
 sit factus ab ipsis, non esse quod uereantur: suo enim quodam institui-  
 to atque disciplina non se consueuisse, ne de inimicorum quidem fa-  
 ma temerè statuere: cum uerò tanta sit, tamq; uetus inter Gallie reges  
 ac Imperij principes necessitudo, cuiusnam hoc esset inhumanitatis,  
 de propinquis & amicis ullam sinistram concipere opinionem, indi-  
 cta uidelicet causa? quantum enim ipse tribuat huic amicitia iam o-  
 lim initæ, uel ex eo posse uideri, quod etiam tunc, quando fortè bel-  
 lum geritur cum Casare, Germanis tamen & ciuibus Imperij tutus  
 in Galliam accessus & exitus illinc pateat, ut non secus, quàm si domi  
 essent, negociari ipsis ibi liceat, ita quidem, ut Germaniæ principum  
 atque ciuium domicilium, Gallia rectè nominari possit: Hæc quidem  
 esse nota & peruulgata, sed tamen non adeò magna, quin ipsorū cau-  
 sa, quodocunque res ita dabit, multò sit facturus maiora, præsertim,  
 si, quod proficiuntur, pij liberiq; concilij decreta non repudient: ut e-  
 nim disceptatione potius, quàm ferro dirimatur controuersia, quod  
 quidem ipsi petant, idem sibi quoque uideri, esse tum honestum ma-  
 gis, tum reipublicæ salutare: quæ tristissimam subitura sit fortunam, si  
 res ad arma ueniat. Illud de Germaniæ, Galliæq; necessitudine quod  
 dicit, sic habet. Francones Germani, Sueuis finitimi, facta quondam  
 irruptione, & Treuiris, Menapijs, Morinis, Neruijs, Ambianis, Bela-  
 louacis,



louacis, Sueſſionibus oppreſſis, in ea parte Gallie conſederunt, quæ  
 nomen ad hoc uſque tempus ab illis retinet: & Francia dicitur, cuius  
 quidem regionis caput eſt Lutetia Pariſiorum. & quum ordine mul-  
 ti reges ipſorum ibi dominarentur, ſuòsque fines amplificarent, tan-  
 dem ad Pipinum etiam eiùsque filium Carolum, rei ſumma peruē-  
 nit, qui poſt obrerum geſtarum amplitudinem dictus eſt magnus, &  
 ubi quartò Romam ueniſſet, à Leone tertio pontifice, & ab omni po-  
 pulo ſalutatus eſt Imperator Auguſtus, & Germaniam, Italiam, at-  
 que Galliam poſſedit. huius deinde filius Ludouicus, et qui uenerunt  
 ab eo nepotes, Gallie reges fuerunt. Huc ergò ſuam originem rex  
 Franciſcus reſert, & è Franconum ſtirpe procreatum ſeſe dicit. Eo-  
 dem fuit etiam uſus adminiculo, ſuperioribus annis, quum à morte  
 Maximiliani Cæſaris, dignitatem affectaret Imperij. Quum enim  
 exteris populis ad hunc gradum ſciret eſſe lege iam inueterata præclu-  
 ſum aditum, uoluit demonſtrare, ſe quoque Germanum eſſe. Verùm  
 enimuero, poſtremus è Caroli magni ſtirpe masculina Gallie rex,  
 fuit Ludouicus quintus, qui non relictis liberis uitam finiſt, anno ſa-  
 lutis nongenteſimo, octogeſimo octauo, quum in ea familia regni  
 poſſeſſio fuiſſet per annos ducentos, triginta octo. Poſt eius mor-  
 tem, ſucceſſio iure quidem ueniebat ad Carolum, Lotharingie du-  
 cem, Ludouici patrum: ſed Hugo Capetus, Lutetie Comes, uti tra-  
 dunt, cuius mater, ordine longiſſimo ſuum genus reſerebat ad Caro-  
 lum magnum, proſtigato captòque Lotharingie duce, regnum in-  
 uaſit, & ad filium Robertum tranſmiſit, cuius deinde masculina  
 progenies ad Franciſcum uſque regem continuata fuit. Sunt, qui Ca-  
 petum obſcuro humilique loco natum eſſe dicunt, ſed annalium ſcri-  
 ptores plerique negant, & hanc eius, quam dixi, recenſent origi-  
 nem. Britannie rex, Henricus octauus, Maij die tertio reſcribit. ma-  
 gna ſe cum uoluptate legiſſe, quod eò ſpectent, ut ſalua permanente  
 religione, & inuiolata pace, morbi ſanentur in Eccleſijs, & emen-  
 dentur, quæ uel hominum nequitia uel ignorance deprauata ſint  
 atque corrupta: quòd etiam ſuis literis totam actionem commemo-  
 rent, ualde ſibi eſſe iucundū, excitatam quidem fuiſſe famam de ipſis  
 non ualde commodam, quaſi defenderent homines quosdam demen-  
 tes, qui ſtudeant omnia perturbare & ſumma miſcere profundius  
 uerius

Angli re-  
 ſponſio  
 ad Pro-  
 teſtan-  
 tes.

153 uerum non se fidē habuisse, primū, quod Christiana charitas ita poscat, deinde, quod id genus crimina iudicaret non posse cadere in tanti splendoris, nobilitatis atque prudentiæ uiros: Et quanquam eorum, quæ ferebātur, nihil unquam crediturus erat prius, quā certō comperisset, tamen quod ad hunc modum sese purgarint, perquā si bi fuisse gratum, uel eō maxime, quod iudicio & opinione non aberauerit: quod igitur emendari uitia petant, in eo suam & omnium bonorum uoluntatem cum ipsorum studio planē congrueret: nam rerum humanarum hanc esse conditionem, ut tanquam in corpore, sic etiam in republica & omni administratione, continentibus ferē sit opus remedijs: magnam igitur laudem mereri, qui medicinam faciunt, et uulnus atq; morbum ita curant, ut nihil exasperent: non dubitare autem, quin eō tendat etiam ipsorum conatus: cauendum esse tamen diligenter ab illo genere hominū, qui res nouas appetunt, & ordinum æqualitatem prædicant, & magistratum efficiunt contemptibilem: eius enim sectæ quosdam intra sui regni fines aliquando fuisse, & inde ex Germania eō penetrasse: Et quoniam de reuerentia magistratus mentionem suis in literis faciant, ideo se paucis uoluisse commonescere, ne cui licentiæ fenestram aperiant: hoc enim si caueant & emendationi studeant, optimam operam esse nauaturos rei publicæ: Concilium quidem publicum in primis etiam optare se, Deumq; precari, ut principum animos in hanc curam accendat: de ipsis autem omnia se rectē sperare, nec esse quicquam, quod ipsorum causa non uelit: intercessurum etiam apud Cæsarem diligenter, ut concordie rationes inueniantur, in eoq; se facturum, quod ipsimet singulis temporibus optimum esse iudicabunt. Cum ad diem uentum esset Francofurtum, legati ciuitatū, sicut constitutū erat, quid de Romanorum regis creatione sentirent, exponunt. post multam deliberationem ita se reperire, ut propter titulum Ferdinando regi tribuendum, litem ullam non necessariam subeant, aut periculum sibi creent ipsi, nō uideri consultū: quādiu enim Cæsar aut uita supersit, aut sit intra fines Imperij, omnem esse penes ipsum potestatem: absente autem illo, rei summam ad Ferdinandum quidem uenire, sed tanquam nomine & loco Cæsaris: iam aliquoties omnia sua se detulisse Cæsari, quantum quidem facultatibus omnino possint: quod si nunc autem creationi regis obsistant, fo-

Conuen-  
tus Pro-  
testantiū  
Franco-  
furti.



re, ut uanam fuisse pollicitationem illam plerique dicant, & idcirco  
 fiant alieniores, & suam operam aduersum se multi profiteantur, qui  
 quidem contra religionis atq; doctrinæ causam nihil erant alioqui sa-  
 cturi: metum etiam esse, ne fortè alij, qui sese aggregare huic fœderi co-  
 gitabant hoc ipso iam deterreantur: his igitur de causis non sibi esse  
 integrum, in ea quidem re, Ferdinando resistere, sed electionem cuius-  
 modi sit, in medio sese relinquere: quòd si Ferdinandus autem aliquid  
 mandet, uerbo Dei contrarium, non se parituros: quòd si uim faciat,  
 tum facturos ex fórmula fœderis, & ad defensionem omnia sua colla-  
 turos esse. Principes autem ad Cæsarem & ad Ferdinandum scribunt:  
 quòd contra morem ac libertatem sit actum Imperij, non se posse il-  
 lud approbare, nec ipsi titulum tribuere Romanorum regis. Hoc et-  
 iam in literis ad Cæsarem addebat Saxo, quòd si legitime res tracte-  
 tur, non se dissimilem futurum à suis maioribus. De Heluetij: in fœ-  
 dus recipiendis, quod ciuitates ualde cupiebant, Saxo per legatos re-  
 spondet. quoniam de cœna Domini diuersum sequantur dogma, non  
 sibi licere societatem cum ipsis ullam coire: quanti sit ipsorum coniu-  
 ctio, propter uires atq; potentiam, non se quidem latere, sed eò sibi mi-  
 nimè respiciendum esse, ne tristis inde sequatur exitus, quod ijs acci-  
 disse scriptura testetur, qui muniendi sui causa, cuiusq; modi præsidij  
 usi fuissent. Eo durante conuentu, literæ fuerunt allatæ Saxonis atq;  
 Lantgrauij, ad reliquorum principum atq; ciuitatum legatos, qui-  
 bus hoc perscriptum erat. Moguntinum archiepiscopum & Palati-  
 num principem Ludouicum, permissu Cæsaris, uelle intercedere de  
 pace, & datis ad se literis, petere, ut idem ipsi quoq; permittant: tunc  
 enim diem esse dicturos conuentui. re deliberata, legati placere sibi re-  
 spondent. Cum igitur Lantgrauius atq; Saxo renunciaissent, actionem  
 sibi non improbari, si modò fiscus interea quiescat: illi, cum hoc impe-  
 trassent à Cæsare, diem constituūt, penultimam Augusti mensis diem.  
 Legatos habebant hoc in conuentu ciuitates, Argentoratum, Ulma,  
 Lubeca, Noriberga, Constantia, Rutelinga, Meminga, Lindauia, Bi-  
 beracum, Isna, Campodunum, Heilprunum, Magdeburgum, Brema,  
 Brunswicum, Gotinga. Bambergensis episcopus Vuigandus, aliquot  
 annis antè, querimoniam habuerat ad socios Suenici fœderis, de Ge-  
 orgio Brandeburgico, quòd suum ille ius ecclesiasticum interpellaret,  
 quòd

Lis Bam-  
 bergensis  
 episcopi  
 cum Ge-  
 orgio  
 Brande-  
 burgico.

531 quòd uectigalia sibi faceret deteriora, quòd facultates sacras aliò con-  
 ferret, quòd sacerdotes ad nouum istud atque falsum doctrinæ genus  
 cogeret, aut si non parerent, eijceret. Et quoniam in eo Romani pon-  
 tificis atque Cæsaris edicta, sed et leges et æquitatem ipsam uiolet,  
 summamq; sibi faciat iniuriam, petebat, ut uel gratia et autoritate  
 sua illum ad officium adducant, aut opem illam sibi præstent, quam  
 ex fœdere debeant, quòd sua deinceps tueri possit, et amissa recupe-  
 rare. Cum autem post uariam disceptationem, eius rei causa dies esset  
 dictus hoc anno, Norlingæ, mense Iulio, uenerunt eò, rogatu Brande-  
 burgici, protestantium legati: cum Bambergensi erant Augustanus,  
 Vuircburgensis et Aistetensis episcopi, tanquam adiutores et con-  
 siliarij. proponit actor, et quantum acceperit iniuriæ, quantumque  
 damni, commemorat: et licet socij fœderis, proposita poena, reo man-  
 darint iam olim, ut ab incepto desistat, ipsumq; restituat in integrum,  
 nihil tamen adhuc effectum esse docet, itaq; petit, ut iuxta formulam  
 fœderis agatur reus, ea quidem parte, quæ propriè ad religionem et  
 iurisdictionem ecclesiasticam pertinebat, interponit appellationem,  
 et ab illorum edictis atq; iudicio prouocat ad concilium. Illi uerò die-  
 bus aliquot interiectis, quòd adhunc modum prouocarit, ualde se mi-  
 rari dicunt: nam esse et inusitatum et contra præscriptum fœderis,  
 quo cautum sit, ut actor et reus in omni controuersia sequantur ar-  
 bitrium delectorum iudicum: adhæc, ita conuenisse, ut Ecclesiastico-  
 rum libertatem omnes defendant: huius ergò litis cognitionem ad se  
 propriè pertinere: cum etiam hucusque iudicium hoc agnouerit in  
 hac ipsa causa. sine exceptione, non esse quod iam recuset: deinde con-  
 cilium sibi præiudicare non posse, nec esse præferendū hac quidem in  
 parte: his itaq; de causis non se recipere prouocationem, sed edicta su-  
 periora cōfirmare: nisi autem obtemperetur, ex pacto sibi faciundum  
 esse demonstrant. Reus contrà, quantum ad sacram iurisdictionē per-  
 tinet, in appellatione permanere, neque iam latam sententiam admit-  
 tere sese protestatur. Causam hanc agebat Brandenburgicus tam suo,  
 quam ex fratre Casimiro nepotis Alberti nomine, cuius erat tutor. In-  
 terea Cæsar, componendi dissidij religionis causa, conuentum indicit  
 Imperij, Spira, ad idus Septembris: sed undecimo calēdas Septembris  
 ad Saxonem ueniunt Gulielmus Nassouijs et Nuenarius, Comites,  
 magnæ,

Conuen-  
 tus Spi-  
 ræ indi-  
 ctus.  
 Interces-  
 sores ad  
 Saxonē  
 missi.



magnæ propter uirtutem authoritatis uiri, ac permissu Cæsaris de 1 5 3 2  
 conciliatione agunt, & quinque omninò proponunt. de cœna domi-  
 ni, de ritibus Ecclesiæ, de bonis sacris, de auxilijs in Turcam, de Fer-  
 dinandi regis electione. Cùm autè ex ipsorum uerbis appareret, Cæ-  
 sari persuasum esse, quasi Zuinglij doctrinam et anabaptistarum, ipse  
 probaret, respondet cuiusmodi sit doctrinæ suæ genus, et quid suæ di-  
 tionis Ecclesiæ ministri doceant, ex Augustana confessione satus esse  
 notum: sed & hoc constare, quum esset in comitijs Augustæ, nullum  
 sibi fuisse cum ijs, qui Zuingliani uulgò putantur, commercium, sed  
 ne postea quidem, donec sententiam illi suam explanassent: eiusdem se  
 nunc etiam esse propositi, & quam sit Augustæ professus doctrinam,  
 in ea se beneficio Dei permansurum esse, ad extremum usq; spiritum,  
 & orare, ut ad Cæsarem hoc nomine sese purgent. Illi, iam antea se  
 nouisse, rem ita habere, sed tamen explicaturos Cæsari dicebant, neq;  
 dubitare: quin ei sit auditu futurum ualde iucundum atq; gratum: ad  
 reliqua postulata quod attinet, placuit in proximum Imperij conuen-  
 tum ea differri. petebant autem illi, ut ad eum conuentum aut ipse ue-  
 niret, aut filium eò suum mitteret. Ille, cupere se quidem omnibus mo-  
 dis gratificari Cæsari, sed ætate iam esse grauem, & ad prosecutiones  
 inhabilem. & subesse dicebat causas non leues, cur nec ipse ueniat, nec  
 filium quoque mittat: nam & Spiræ & Augustæ sibi quædam acci-  
 disse non boni exempli, sic quidem, ut nisi fide publica Cæsar sibi so-  
 cijsque caueat, adesse non possint: deinde, ubicunque sit futurus, non  
 se posse carere doctrina & prædicatione uerbi diuini, nec etiam pati,  
 ut ciborum & alimonie discrimen ullum sibi præscribatur: iam ue-  
 rò, si de religione futura sit actio, rem ipsam postulare, ut Lutherum  
 et alios eò secum adducat, quibus etiam idoneè cauendum sit: adhuc,  
 sæpenumero se rogasse Cæsarem, de suæ ditionis inauguratione,  
 pro more Imperij, deque rebus alijs, neque tamen quicquam impe-  
 trasse, licet magnæ pollicitationes interuenirent: imò Fridericum  
 Palatinum in proximis Augustæ comitijs, ita sibi ad ea respondisse  
 illius mandatu, ut faciliè uideret, iratum sibi esse Cæsarem, tametsi  
 nullo suo merito: his igitur de causis non sibi esse integrum, eò ueni-  
 re: quod si autem ipsorum intercessionem Cæsar ante conuentum ea  
 sibi concedat, non esse defuturum. Cùm sub exitum Augusti mensis,

2 5 3 1  
Legati  
Mogun-  
tini &  
Palatini  
ad Prote-  
stantes.

Moguntini ac Palatini principis legati, Smalcaldiam uenissent, pro-  
testantium legatis exponunt de suorum principum erga rem publi-  
cam atq; patriam charitate: quum enim infecta re sit Augusta disces-  
sum, ipsos, considerata periculi magnitudine, quod ex eo dissidio sit  
oriturum, non prius conqueuissent, quam Cæsar ipsis intercedendi, de-  
que pace tractandi facultatem permetteret: optimum ergo sibi uideri,  
ut quæ conciliari non potuerunt Augustæ, nunc denuò tractentur, &  
qui tunc illius fuit exitus, idem sit huius initium actionis. Adhæc isti,  
suos ignorasse, quid proponeretur, ideoq; nullam certam aut defini-  
tam agendi rationem sibi dedisse, uerum, ut postulata scripto compre-  
hensa domum referant, mandasse: itaq; licere proponant quod uidebi-  
tur: se deinde quod in mandatis habeant, esse facturos. Rursus illi de  
præclara suorum principum erga patriam uoluntate prolixè comme-  
morant: & cum illud fiscale sit impetratum, existimasse, pleniorē  
ipsos agendi potestatem habituros esse, præsertim de illis, quæ decidi  
non potuerunt Augustæ: iam uerò, si quidem in eo permaneant, nec  
amplius proferant mandatum, fore, ut & Cæsari hoc & suis quoque  
permolestè accidat. Hi contrà, non esse quod incusentur eo nomine:  
nam intercessores nullum prodidisse genus actionis, uerum in genere  
locutos esse de pace: non igitur alia sibi potuisse dari in mandatis: de-  
inde, ad earum rerum tractationem opus esse theologis atq; uiris do-  
ctis, quorum hoc propriè sit munus: cum igitur, cuiusmodi esset actio  
futura, nesciuerint, orare, ne secus interpretentur, & ad Cæsare quo-  
que, si sit opus, excusent: ut etiam concordie rationes proponant ad-  
modum sese cupere. Tum illi, ex literis ad Saxonē atq; Lantgrauium  
datis, fuisse non difficile, futuram actionem colligere: deinde non hoc  
sui esse propositi, ut de dogmatis agant, sed quia pacem ipsi flagitent  
adusque concilij tempus, ideo se uoluisse conferre sermonem, quid in-  
terea de dogmatis illis, adhuc quidem indefinitis, statuendum sit: his  
nimirum de rebus habere se mandatum ut agant & inuestigent, quo-  
modo uel pax coire possit uel induciæ: sed id confici nō posse, nisi pri-  
us de rebus controuersis aliquid definiatur: quod si per mandatum  
ipsis fortè non liceat ista tractare, demonstrent tamē, quæ potissimum  
ratio componendi dissidij uideatur omnium esse commodissima. Re-  
spondent hi, nihil esse in literis, quod ullam conditionem actionis su-  
turæ



ture significet: quod autem scire cupiant, quid interea, dum fiat concilium, de dogmatis nondū definitis agendum sit, non se uidere, quomodo statui aliquid in eo possit, nisi scriptura duce planum fuit, quid uerum sit atque pium, quid mendosum & impium: ut autē hoc fiat, non esse huius loci: nam scriptum illud suum, exhibitum Augustæ, & consutationem, huic oppositam, esse mediocriter magnam, & multa complecti, & ad istam tractationem adhibendos esse uiros rerum sacrarum peritos: ut autem ipsi uiam conciliationis & rationem aliquam ostendant, non hoc sui esse muneris, qui litis alteram partem sustineant: in comitijs Augustæ sepe rogatum esse Cæsarem de pace, post etiam, semel & iterum, per literas atq; legatos: idem nunc quoq; sese flagitare. Referunt isti, rationem illam, de qua prius dixerint, sibi uisam fuisse per commodam, sed quia mandatum eius rei nullam habere sese dicant, nolle amplius urgere. Verūntamen, ut ad hunc modum discedatur, non sibi uideri consultum, & quia Cæsar, intercessione suorum principum inducias concessit, existimare futurum non inutile, si dies aliquis constituatur, quem ad diem ipsi principes & ciuitatum legati conueniant: cūq; sit Imperij conuentus proximē futurus Spire, quod Cæsar haud dubiē ac reliqui ordines accedent, constitutum esse tempus, quo & ipsi prius eō ueniant: quod si fiat, sperare se fore, ut in longius aliquod tempus induciæ proferantur: sed tamen omnino uideri necesse, ut in primis illud tractetur, quid unumquemq; magistratum interea facere conueniat erga suos atq; etiam alienæ ditionis homines: quod si autem, nisi fide data publica, recusent eō uenire, licet nihil opus esse putent, tamen non dubitare, quin intercessores faciliē hoc apud Cæsarem perficiant. Hi, quid habeant in mandatis, iam antea se demonstrasse, nempe, ut postulata, quæcunque futura sint, literis consignata domum referant: ideoq; nec de illis, quæ desiderent, agere, nec ullam aliam concordie uiam ostendere sibi licere dicunt: suos nimirum principes & amare pacem, & omnia sua consilia eō referre, quod superioris temporis actionibus faciliē doceri possit: eiusdem se quoque uoluntatis esse, & quicquid ad salutarem reipublicæ constitutionem pertineat, ut in eo elaborent, agnoscere, sui hoc esse officij. Cū aliud agi non posset, tandē placuit, Spire conueniendum esse ad diem, qui uidebitur intercessoribus, ubi primum de Sa-

1531 xonis atq; Lantgrauij uoluntate cognorint: qui nimirum, quid sua sit in eo mentis, primo quoq; tempore, suo sociorumq; nomine renunciare debeant. Decretum hoc fuit altera die Septembris: initio autem mensis Octobris Moguntino ac Palatino principi Saxo & Lantgrauio re-  
 Saxonis & Lantgrauio ad interces-  
 sores lre  
 13.  
 scribunt, & actione repetita superiori, de rebus propositis nihil agi posse cum fructu, sine theologis, demonstrant: se nimirum in ea, quam sint Auguste professi, religione, permanere: cumq; in omnibus propè comitijs, & absente Cesare, & nuper etiam presente, conciliū sit promissum, & uia quidem promissum, ut non multo post exitū comitorum indiceretur & inchoaretur, sperare se, futurum, ut Caesar illud quamprimū in Germania procuret: in eo se uidelicet sociosq; doctrinam suā copiosius explicaturos, et quod ad piam cōciliationē faciat, nihil præterituros esse: uerum ne quid interea tumultuose per Imperium fiat, orare se rursus, & uehementer quidem, efficiant apud Cæsarem, ut eos, qui doctrinam euangelij uel iam profitentur, uel in posterum etiā profiteri uolent sinat uti pace, donec legitimi concilij decretum & auctoritas interueniat: quod si autem ipsis tractandum uidebitur & agendū de formula pacis, eoq; nomine diem constituent, mis-  
 fuos eò se legatos: in doctrina uerò sua, quam exhibuerunt Auguste, si quis errorem adhuc aliquem residere putet, idq; demonstrare uelit, aut si docere non possit, sacre scripturæ testimonio se submittat, pergratum id sibi socijsq; futurum: et, si Caesar eo nomine diem præfiniat Spire, si sibi socijsq; & Luthero, quem eò secum adducturi sint inter alios ecclesiæ ministros, idoneè caueat, si liberas & publicas uerbi diuini conctiones, & usum cœnæ Domini, iuxta mandatum Christi permittat, si ciborum discrimen nullum indicat, fore, ut uel ipsi ueniant eò, uel mittant legatos cum necessarijs mandatis, & sui dogmatis rationem omnibus explanent: quod si tum in eo congressu, doctrinæ suæ confessio, sacris literis refelli non possit, sperare, Cæsarem nihil amplius moturum, quò minus in ea religione permaneant: & quoniam ad conciliū legitimū prouocarint, neque repertum adhuc sit in sua doctrina, quod uerbo Dei repugnet, cum etiam ex præscripto iuris atque legum, appellatione pendente, nihil in prouocatorem grauius decerni debeat, omnino se confidere, futurum, ut Caesar, ipsorum quidem interuentu potissimum, pacem in Germania componat. Di-



ximus antea de conuentu Imperij futuro Spire ad Idus Septembris: 1 5 3 2  
 Caesar autem, cum de apparatu Turcico multorum literis atque nun-  
 cijs doceretur, in mensem Ianuarium anni sequentis diem producit, et  
 Ratibonæ locum indicit, ut Austriæ tantò esset utinior, ubi bellum  
 esse futurum uidebat. Quomodo bellum illud, quod ante biennium Ti- Dissidi  
 gurini et Bernates erant facturi quinquepagici, altarū ciuitatum in- inter Hel  
 teruentu pacatum fuerit, libro sexto docuimus: hoc autem anno recru- uctios.  
 duit uulnus, et urbes illæ duæ, locis omnibus occupatis atq; claustris  
 uiarum, ne quid ad illos deueheretur alimonie, prohibebant. fuit hoc  
 ad solstitium æstiuum. Et cum res ad magnum aliquem motum specta-  
 ret, Galliæ rex, item Glareani, Friburgij, Soloturnij, Appecellenses in-  
 tercedunt, et à multa disceptatione has proponunt leges, ut conuictio-  
 rum aboleatur memoria, inq; posterum temperetur. et maledicis igno-  
 scatur: ut exules religionis causa, restituantur: ut quinquepagici in re-  
 ligione quidem sua permaneant, sed tamen ueteris et noui testamenti  
 lectione suis non interdican: ut Tigurinorum et Bernatum socijs nul-  
 la molestia fiat: ut mutua subministrantur auxilia. Cum hæc frustra  
 fierent, Tigurini et Bernates, euulgato scripto, quemadmodum ma-  
 ximis illorum et uarijs iniurijs coacti, commeatu ipsos intercluse-  
 rint, exponunt: et quoniam pacis rationes ab intercessoribus propo-  
 sitas illi repudient, nec obscuram hostilis animi significattonem osten-  
 dant, et superiorum annorum pacta uiolent, quando cautum fuit,  
 ne religionis causa cuiquam sit fraudi, licere sibi dicunt illis denega-  
 re annonam: Si quis ergo nascetur ex eo motus, hoc illis, qui præter  
 dissidia nihil expetant, tribui oportere. fuit hoc Septembris die no-  
 na. Quum autem quinquepagici maxima rerum necessariarū inopia  
 premerentur, silentio conductis copijs, Octobris mensis die nono si-  
 gna proferunt, et opinione citius ad Tigurinorum fines perueniunt.  
 quibus in finibus erat iam antè dispositum à Tigurinjs præsidium  
 circiter mille militum et amplius. Et hi quidem suos monent, crebris  
 in oppidum dimissis nuncijs, ut mox aduolent, sed tanta fuit hostium  
 celeritas, ut hi uix ægrè subsidio uenire possent et cum iam superas-  
 senti montem, quā faciundum erat iter, laborare suos in proxima ual-  
 le, et in præsentī periculo uersari conspiciunt ibi tum ad uirtutem  
 sese cohortati, promiscuè decurrunt ex monte, cuius hæc erat natura,

1 5 3 1 ut singularibus eundum esset. ea res in causa fuit, quum uniuersi non possent in acie consistere, ut multitudine superati, plurimos è suis desiderarent, ac terga uerterent. fuit hoc undecimo die Octobris. In caso-

Zuingli-  
us occu-  
bit.

rum numero fuit Zuinglius. Nam Tigurinorum ita fert consuetudo, cum in hoste exitur, ut ecclesie minister primarius una prodeat. Zuinglius etiam uir fortis aliquin & animosus, cum secum reputaret, quod si domi resideret, ac praelium forte fieret aduersum, fore, ut magnam ipse sustineret inuidiam, quasi concionibus quidem accenderet hominum animos, in ipso autem discrimine remollesceret, uoluit omnino communè subire Martem. In corpus autem exanime ualde seuitum fuit, & uix etiam illius morte potuit odij acerbitas exaturari.

Galliae  
regis ma-  
ter Ludouica mo-  
ritur.

natus erat annos quadraginta quatuor, minor Luthero quatuor annis. Per totum serè mensem Augustum, uisus antea fuerat cometa, & illis ipsis diebus mortem obiit Galliae regis mater Ludouica, Sabaudiae ducis Caroli soror consanguinea. Bernates, qui finitimis Vnderwaldijs erant facturi bellum, ubi rescuerunt, iubent Tigurinos bono esse animo, & auxilia pollicentur, & suis omnibus cū copijs breui sese adfuturos nunciant, & hostis ulciscendi prouinciam sibi deposcūt. Vbi demum conuenissent omnes, quod fuit octauo circiter die post factum praeliū, et Bernates aliquantò remissius agerent: Tigurini, quibus auxilia miserant Basilienses & Schasfusiāni & Sangalli, & Mulusiani, deligūt aliquot signa ex omni numero, qui de nocte profecti, quiescebant in monte, propè Mencingum, ut ad primum lunae splendorem impetu facto, propinquum oppidum Tugium, ex improviso caperent. Hostes uerò, qui non procul inde confederant, cum id per indicium acceperint, celeriter arreptis armis ante lucem, procedunt, &

Tiguri-  
ni cedun-  
tur.

illos quiescentes inuadunt Octobris die uigesima quarta, magno sublato clamore & ululatu, quò plus terroris inferrent. utrinq; multi ceciderunt: & quanquam superiores extiterunt quinquepagici, de religionis tamen studio nihil remittebāt Tigurini. Pace demum facta per intercessionem, hoc etiam fuit additum, quod nuper cum Argentinen sibus atq; Lantgrauio fecissent foedus Tigurini, Bernates, Basilienses, ut ab eò discedant: idem de Ferdinando faciant quinquepagici. itaq; redditis literis, quibus inuicem tenebantur, dissoluta fuit hac utrobiq; confederatio. Sub finem Nouembris Oecolampadius è uita decessit:

Oeco-  
lampadij  
mors.



ex interitu Zuinglij maximum animo perceperat dolorem, eaque res morbum etiam auxisse putatur, erant enim coniunctissimi. Natus fuit annos quadraginta nouē. Extant eius in prophetas aliquot, lucubrationes, quæ ualde probantur doctis. Ad xix. Decembris diē legati protestantium Francosurti rursus conueniunt, & quod reliquum erat de paranda defensione, statuunt. Hoc in conuentu Goslarenses & Embeckenses in fœdus recepti sunt, paulò antè etiam Eslingenses. Aberant autem Georgius Brandeburgicus & Noribergense: & Campodunenses et Hailbrunnenses, nam hi licet doctrinam profitebantur eandem, sicut antè diximus, à fœdere tamen erant alieni. Cæsar initio mensis Ianuarij, relicto Belgio, Ratisbonam petebat, cōuentus agendi causa, sicut antè diximus. In itinere, cum Moguntinam uenisset ad calendās Februarij, Moguntinus archiepiscopus & Palatinus princeps iterum de pace intercedunt, & actionem permittente Cæsare, Saxonem atq; Lantgrauium monent, ut idem faciant. itaq; missis ultro citroq; literis, Schuinsfurti, quod est ad Moenum flumē, oppidum Imperij sit conuentus ad initium Aprilis. ibi coeptum est agi de pace ad concilium usque seruanda. principes intercessores ipsi aderant, & de præscripto Cæsaris hæc illis mandata proponunt. ut præter scriptum illud exhibitum Augustæ de religione, nihil innouent, nihil doceant, nihil euulgent, & intra hos fines permaneant adusq; concilij tempus, ita tamē, ut cum Zuinglianis & anabaptistis nihil habeant cōmune: ne per occasionem religionis, alterius ditionis homines ad se pertrahant aut in suam tutelam recipiant: ne quem suorum extra suæ ditionis fines docere patiantur: ut ab omni temperetur contumelia: ne iurisdictionē, ritus atq; ceremonias ecclesiasticis interpellent: ut opem aduersus Turcam ferant, & decretis obtemperent, quæ ad rempublicam & administrationem Imperij pertinent: ut Cæsari ac Romanorū regi pareant, & si quod fœdus contra Cæsarem, regē aut diuersæ religionis ordines fecerint, aboleant: hoc si faciant, sperare, se, fore, ut Cæsar atq; rex omnem superioris temporis offensionē deponant. Saxo filium eò miserat, Ioannē Fridericum, ipse ualetudine detentus: aderant etiam Franciscus Luneburgensis & Anhaltius, deinde reliquorum principū atque ciuitatum legati, quibus interim accesserant Nortusiani & Sueui Hallenses. Post multam disceptationem, intercessores, rem omnem ad

Protestantium  
conuentus  
Francosurti.

1532

Conuentus  
Schuinsfurti.

1532  
Comitia  
Ratisbo  
na.

Condi-  
tiones  
creandi  
Roman.  
regis.

*Cæsarem, qui cōuentus agebat Ratisbonæ perscribunt, ut quid ipsius esset uoluntatis, cognoscerent. Ad illud postulatum, quod erat, ut Saxo socijꝑ; Romanorum regi pareant: illi, quid in eo desideret, & quid à Cæsare requirant, scripto consignant, & intercessoribus Aprilis die xviij. tradūt, & ut Ferdinandus rex ab instituto desistat, neq; pro Romanorum rege sese gerat, petunt: si uerò Cæsari uidebitur opus esse aliquo tanquam coadiutore, ut tum de uoluntate consilioq; principum electorum, legem Carolinā interpretetur, & edicto sanciat in perpetuum, ut quidem iure fieri debeat, in hunc modū. Ne uidelicet posthac unquam uiuo Cæsare creetur Romanorum rex, nisi primū electores et his adiuncti sex alij principes Imperij iudicent ita fieri oportere: & cum apparebit ex usu esse reipublicæ, ut tū Moguntinus collegas & sex reliquos principes ad locum idoneum, amplius deliberandi causa, conscribat, & ubi rem omnem diligenter expenderit, tū soli principes electores, & his adiunctus Bohemiæ rex, creandi regis potestatem habeant: Romanorum rex, uiuo Cæsare creatus, non suo, sed Cæsaris tantum nomine rempublicam administret, nec ullam sibi potestatem aut Imperium arroget: principes ac ordines Imperij non teneantur ei ulla fide uel iureiurando, nisi post mortem Cæsaris: cum creabitur nouus rex, non aliter quā ex formula legis Carolinæ iuretur, neq; sit in electorum potestate, formulam hanc immutare: qui contra iusiurandum illud fecisse conuictus fuerit, aut alioquin in grauem suspicionem uenerit, neq; se purgauerit, is omni iure electoratus in perpetuum careat: posthac ex eadem principum familia tres reges ordine non creentur, uitandæ causæ præscriptionis: nullus creetur Romanorum rex, qui non sit ex aliqua Germaniæ principum familia progenitus: quæ lex Carolina sancit de creatione regis, ea neq; Cæsar neq; Romanorum rex mutet: quum electoribus apparebit creandum esse regem, necesse non habeant hoc antea denunciare Cæsari, neq; Cæsari in eo casu liceat episcopo Moguntino mandare, ut electores conuocet, sed quum iustis de causis uidebitur, quibus oportet, Cæsare superstitute regem esse creandum, Moguntinus Francfortum collegas ad certum diem conuocet, neq; sit in ipsius potestate conuentum alio in loco indicare, nisi collegæ grauib; de causis permittant: coronam, sceptrum & alia Imperij ornamenta Moguntinus à Noribergicis minimè petat, nisi assen-*

tiantur



tiantur college: trimestre illud spacium, quod à denunciatione princi- 1532  
 pibus datur ut conueniant, non deminuat: Imperij enim et reipub. plu-  
 rimum referre, si fortè unus & item alter, tempore exclusi, nō adsint:  
 interea dum Francofurti deliberant electores, omnes alij excludantur:  
 si quid harum rerum uioletur, tum electores non teneantur uel eō ue-  
 nire, uel permanere, & quicquid actum ibi fuerit, irritum habeatur:  
 neq; Cæsar neq; Romanorū rex in Italia, Gallia, cæteriue locis electo-  
 rum insignia præferri, nec officia sinat exerceri, nisi per electores aut  
 ipsoꝝ legatos: inaugurationē supremā Romanorū rex nō accipiat,  
 nisi uel electores uel ipsoꝝ adsint legati: neq; Cæsar neq; Romano-  
 rum rex impediat, quō minus exterorum regum atq; principū legati  
 ueniant ad Imperij conuentus, atq; ibi sua proponant: hoc enim & ad  
 ius gentium pertinere, & alioqui plenum esse humanitatis & officij:  
 nec Cæsar nec Romanorum rex, in causis principū Imperij, singula-  
 rem aliquam potestatem sibi sumat decernēdi, sed legitime sinat illas,  
 quo loco oportet, iudicari: quæ ad principum & Imperij decus, hono-  
 rem atq; salutem pertinent, quæq; data fide seruaturū se promisit Cæ-  
 sar, ea tueatur, & si quid contrā factū sit, emendet, & lege caueat, ut  
 quicumq; Romanorum rex erit, eadem seruet. Ad hunc modū si Cæsar  
 legem Carolinam explanet atq; confirmet, Saxoniæ principem non  
 esse defuturum officio, cūm respublica deliberationem eiusmodi postu-  
 labit: sin autem hæc intercessores à Cæsare non impetrent, non se desig-  
 nere legitimam cognitionem, sic tamen, ut rex Ferdinandus interea  
 nullam sibi sumat aut usurpet administrationem rerū Imperij, nec au-  
 thoritatem in ipsos præsertim & Gulielmum atq; Ludouicū, fratres  
 Bauariæ principes: quòd si ne hoc quidem impetretur, petere, ut tūm  
 Cæsar palàm ipsos in cætu principum & reliquorum ordinum au-  
 diat, ibi se demonstraturos, quā grauib; & iustis de causis hanc e-  
 lectionem nō probent: Et uerò, cūm ob hanc recusationem intelligant  
 se non solum apud Cæsarem, sed apud exteros etiam reges atq; popu-  
 los in suspicionē adduci rebellionis, idcirco rogare plurimum, ne Cæ-  
 sar moleste ferat, si per Germaniam & extra fines etiam Imperij, facti  
 sui rationem hominibus demonstrant: hoc enim sibi necessario faciun-  
 dum esse. Quod inter alia dicitur, ut electores iurent ex formula legis  
 Carolinæ, sic habet. Cūm Francofurtum illi uenerunt, peracto sacro,

1 5 3 2 procedunt ad aram, & librum, uti uocant, sacratum ibi manibus contingunt, & uerbis conceptis religiose iurant per eam, quæ Deo sint et Imperio deuincti, fidem se creaturos esse reipublicæ Christianæ nouæ atq; summum magistratum, quem eo munere dignum & inprimis idoneum ac salutarem esse puent, quantum quidem iudicio possint et ingenio consequi, nullo interueniente pacto, neq; largitione, neq; præmio, neq; pollicitatione. Quod Bauaros principes fratres in suo numero ponunt, hanc rationem habet. Hi Ferdinandi regis electionem improbabant etiam, & communicatis consilijs, cum Saxone, cum Lantgrauio, Galliæq; rege foedus inierant, Germaniæ libertatis tuendæ causæ & Galliæ quidem rex aureorum millia centena deposuit apud Bauaros, ut essent in promptu, si res ita ferret. Principes intercessores, ad illa, quæ recitauimus, Aprilis die xx. respondēt, pacis & concordiæ causa tractare se negotiū hoc, neq; putasse fore, ut hæc ab eis proponerentur: quod autem Cæsare superstitē Romanum regem crearint, habere se grauissimas causas, quæ tunc Ioanni Friderico parentis legato sint explicatæ, & si res ita postulet, copiosius explanari possint: cum autem non ad se tantum, sed ad Cæsarem etiam atque regem cæterosque principes collegas ea res pertineat, nolle se prolixius de eo disceptare, sed in medio relinquere, quò facilius ad reliquam conciliationem perueniri possit, cuius quidem causa sit hic indictus conuentus: uerū tamen, si res eò spectet, & hoc agatur, ut sibi omnino sit atq; suis reddenda sui facti ratio, non se recusare iudiciū, & ita suam causam esse probaturos, ut iure nihil exprobrari possit: iam uerò, si quid hæc ad Cæsarem deferantur, metuere se cum primis, ut non modò nullum habeant locum, sed reliquam etiam pacis tractationem impediant atq; tollant: ut igitur induciæ fiant & conciliatio tam religionis quàm electionis nomine, neq; separentur alterū ab altero, plurimum orare se tum patrem tum heredem filium, Saxonix principes, ut ipsorum habeant in eo rationem, & à sententia desistant: sic enim sperare futurū, ut Cæsar atq; rex idoneè & abunde caueant, electionem illam nec ipsis, nec heredibus unquam fore detrimento: non dubitare etiam, quin offensionem omnem deponant, & mutuam ipsis omnibus beneuolentiā declarent, Saxoni præsertim, in ijs, quæ sollicitet, negocijs, & in ipsa quoq; religionis causa, quantum quidem omnino fieri possit: nam ut religioni

pax

Interces-  
sorū ad  
Proce-  
ssantes  
respon-  
sio.



pax detur, et electionis causa maneat indefinita, ualde se uereri, ut hoc  
 possit impetrari: se nimirum hæc amanter ita consulere, & orare, ut  
 in eam partem accipiant, et ita sese gerant, ut suam commendationem  
 habuisse pondas, & diligentiam bene collocatam esse uideant. Ioan-  
 nes Fredericus princeps adhæc, quarto post die. Non se tale ab ipsis re-  
 sponsum expectasse: cum enim inter alia nuper dixerint, pro salute ac  
 dignitate Imperij creatum esse Romanorum regem, necessario sibi  
 respondendum ad hoc fuisse, tum sui parentis tum sociorum nomine,  
 quibus hoc sit persuasum, electionem hanc esse uiciosam & minimè  
 salutarem Imperio: cumq; iam ipsi personam sustineat intercessorum,  
 omnino se sperasse futurum, ut causam hanc non defenderent, sed ut  
 dubiam atq; controuersam, in medio relinquerent: nam ea quæ prius  
 ab se dicta sint, non ad ipsos, qui iam intercedunt, pertinere, sed ad il-  
 lud tempus referri oportere, cum hæc in communem deliberationem  
 uenient: Colonia quidem, quando fratrem suum Ferdinandū, ad Im-  
 perij societatem Cæsar cooptari petebat, propositas fuisse rationes,  
 cur id fieret, uerum eas non sibi uisas esse tantas, ut idcirco lex Caroli-  
 na & Imperij ius atque libertas uiolaretur: se quoq; tunc & reliquos  
 sui parentis legatos ipsis respondisse, quamobrem ita fieri non opor-  
 teret: Quod igitur postremo dictum sit, idem se nunc quoq; repetere,  
 si uidelicet hæc sua postulata Cæsar non admittat, ut tum legitimo iu-  
 dicio causa disceptetur, & suæ recusatationis causæ cognoscatur: cumq;  
 ex æquo & bono agant, existimasse futurum, ut ipsi, qui de reliquis  
 intercedunt, in hac etiam controuersia uiam aliquam & rationem ho-  
 nestam ac utilem Imperio, commonstrarent: sed cum id non fiat, nolle  
 amplius urgere: parentem uerò suum atq; socios haud dubiè demon-  
 straturos esse, nullius tamen cum iniuria, quomodo sit in leges atq; li-  
 bertatem Imperij commissum, & si quid ex eo nascetur incommodi,  
 quam nihil ipsis culpæ sit attribuendū: sperare etiā, quā ad reipubli-  
 cæ decus atq; salutē ista pertineant, fore, ut Cæsar nō inclementer acci-  
 piat. In reliquis postulatis, illud, quod primum est, ea parte, quæ est de  
 Zuingliani, eo spectabat, ut principes à plerisq; ciuitatibus diuelle-  
 rentur, & in disceptatione sic illud intercessores explanabant: quod  
 si Zuingliani faterentur errorem atq; desisterent, comprehendi etiam  
 in hac pace, sin minus, tum deserēdos, nec auxiliij quicquam eis com-

Saxo re-  
 spondet  
 interces-  
 soribus.

2 5 3 2 munitandum, neq; foedus ullum cum ipsis faciendum esse: uerum an-  
 no superiori Smalcaldiae conuenerat inter protestantes, & cum Ar-  
 gentinenses ac Sueviae ciuitates aliquot, dogma suum de coena domi-  
 ni, propositum in comitijs Augustae, copiosius tunc explicassent, re-  
 cepta fuit à Saxonicijs ipsorum interpretatio. Coniunctis igitur ani-  
 mis idem nunc respondent omnes, ad quæq; postulata, & has concilia-  
 andæ pacis rationes demum proponunt. Ipsi, qui doctrinae confessio-  
 nem & eiusdem apologiam exhibuerunt Augustae, quæ postea do-  
 ctrinam hanc recipient, intra hos limites consistant, neq; præterea quid  
 innouent, ad concilium usq; toties promissum atq; decretum: ijs, qui  
 de coena domini deque baptismo secus docent, quam ipsorum habet  
 scriptum, exhibitum Augustae, minimè se coniungant, quantum qui-  
 dem ad doctrinam attinet: alienæ ditionis homines non pertrahant  
 ad se, neque defendant, occasione religionis, uerum, si, quibus, aut le-  
 ge uel conditione liberum sit proficisci quò uelint, ut hi, quum suis do-  
 minis hoc antea denunciarint, aliò migrent, si uelint, atq; recipian-  
 tur: extra suos fines non emittant concionatores, qui doceant, nisi  
 fortè magistratus eius loci cupiat uel permittat, cum ibi conuentus  
 aliquis erit, nam si recuset, tum domi faciant, licebit: quòd si au-  
 tem intersint comitijs Imperij, uel si copias mittant aduersus Tur-  
 cam, utantur suis doctoribus atq; etiam coena Domini, iuxta manda-  
 tum Christi: temperetur à contumelijs, ueruntamen ecclesiae ministri,  
 pro suo munere moderatè reprehendant errores atque uitia, quodq;  
 rectum est, demonstrent: qui suæ sunt religionis, non excludantur ab  
 Imperij camera: iurisdictio ecclesiastica maneat quo nunc est loco, ne-  
 que liceat episcopis, ob huius doctrinae professionem alicui creare pe-  
 riculum aut molestiam: sententiae latae de religione, de iurisditione,  
 de ceremonijs, de bonis sacris, quæ quidem in executionem nondum  
 uenerunt, ad concilium usq; prorogentur: bonis ecclesiae utantur fru-  
 antur ij, qui permiserint ijs in locis, quo propriè bona illa perti-  
 nent, neque per uim cuiquam eripiat aliquid, & annui prouen-  
 tus ad ea loca, quò solent antiquitus, deferantur, donec concilium ali-  
 ter statuati: in rebus omnibus politicis, quòd sui est officij, quisq; fa-  
 ciat, & rempublicam omnes procurent, ac mutuam fidem beneuo-  
 lentiamq; præsent. Cum utrinq; uentum esset ad extremum, neq; pro-  
 pius



pius coniungi possent, intercessores pergendum esse tamen in actione 1 5 3 2.  
 ducebant, & quò celerius ad Cæsarem omnia perferrentur, Noriber= Cæsar  
 ge conuentum alterum indicunt ad tertium Iunij diem. Ibi tandem, dar pacē  
 licet summa rei conciliari non posset, tamen, quod irruente in Au= Germa-  
 striam Turca, necesse erat omneis undecunq; vires contrahere, Cæ= niæ.  
 sar pacem publicam totius Germaniæ sancit, & ne religionis causa  
 cuiquam ulla molestia creetur, edicit, adusque concilij tempus, aut si  
 nullum fiat, tantisper, donec per ordines Imperij alia fuerit inuenta  
 ratio disidium hoc sanandi: qui contra fecerint, ijs grauem constituit  
 pœnam, & omnem operam se daturum ait, ut intra sextum mensem  
 concilium denunciatur, & anno post inchoetur, aut, si hoc impetrari  
 non possit, ut tum in Imperij comitijs de summa rei tractetur: itaque  
 mandat, ut interim actiones omnes forenses, religionis causa iam in=  
 tentatæ, suspendantur, neq; posthac in protestantes ullæ moueantur,  
 & si quid fortè contra fiet, irritum esse iubet. Protestantes inuicem,  
 qui tum septem erant principes & ciuitates xxiiij. obsequentiam &  
 officium illi deferunt, & auxilia pollicentur aduersus Turcam. Hanc  
 pacis formulam intercessores decreuerunt Iulij die xxij. Cæsar au=  
 tem, quem per literas atq; nuncios interpellabant, Augusti mensis die  
 secundo ratam habuit, & edicto publico deinde sanxit, & Cameræ  
 ceterisq; iudicibus mandabat, uti pareant. Dum hæc geruntur, Cæ= Conuen-  
 sar conuentus agit Ratisbonæ, sicut antè diximus, & inter alia com= tus Ra-  
 memorat, se iam pridem de concilio misisse legationem ad pontificem tisbo-  
 & collegium cardinaliū, ac responsum tulisse, quod postea cum Gala- nensis.  
 liæ rege communicarit, qui necessarium quidem esse concilium iudi-  
 cet: uerum in eo, quod de modo, præcipuè uerò de concilij loco pon-  
 tifex rescripsit, permagnam esse difficultatem, neque statui quicquam  
 adhuc potuisse: sed tamen quum disidium hoc religionis auge scat in  
 dies, & magnum ab eo sit periculum, se daturū operam, ut intra con-  
 stitutum antea tempus pontifex illud indicat ad locum idoneum, &  
 sperare, non illum esse defuturum reipublicæ nec officio suo: sin mi-  
 nus, tum in alio Imperij conuentu, quem ideo sit indicturus, rationem  
 ineundam esse remedij. In Augustæ conuentu decretum etiam fue-  
 rat, ut Cameræ, quam uocant, iudicium reformaretur. Ad eam rem  
 Cæsar suo nomine binos attribuit, & insuper Moguntinum delegit  
 atq;

153 atq; Palatinum, electores, item Spirenses episcopum, Ioannem Palatinum Simmerium, Gulielmum episcopum Argentinensem, Philippum Marchionem Badensem. horum legati singuli, cum ad calendas Martij postea Spiram uenissent, leges faciunt, quæ partim ad iudices, partim ad aduocatos, partim ad litigatores pertinent. Huius autem emendationis formulam illi hoc in conuentu Cæsari exhibent. quicommunicato cum reliquis consilio, sibi placere illam affirmat, & paucula quædam adiicit. Hoc anno Christiernus Daniæ rex, in decimum nunc annum exul, ut supra diximus, comparata classe, cogitabat amissa recuperare, sed captus mari, custodiæ traditus fuit, eodemq; ferè tempore filius eius adolescens, quæ Cæsar auunculus educabat, mortem obiit.

Christi-  
ernus  
Daniæ  
rex exul  
capitur.

Alber-  
tus Prus-  
sæ dux  
proscrip-  
tus.

Libro superiori diximus, quomodo Cæsar transactione Alberti Prussæ ducis cum Poloniæ rege Sigismundo, rescidit: cum autem Albertus in proposito maneret, proscriptus hoc tempore fuit à Camera, sollicitante Vualibero Cronbergo. Quare cognita, Poloniæ rex, per legatum hoc in conuentu docet Prussiam esse antiquitus in fide & clientela sui regni. petit igitur proscriptionem illam aboleri totam. Cronbergus autem oratione prolixa demonstrat Iuni die tertio, Prussiam esse ditionis Imperij, nec ad Poloniæ reges pertinere quicquam: & licet sui maiores, bello deuicti, fidem dare coacti sint Casimiro Sigismundi patri, tamè id omnino fuisse contra superioris temporis pacta: quod autem ita res habeat, id uel ipsius Alberti testimonio posse doceri, qui ante annum octauum, in comitijs Noriberge sit illud professus. Itaq; petit, ut Poloniæ regis postulato repudiato, sententia in Albertum lata maderetur executioni. Præcipua fuit in his comitijs belli Turcici de liberatio. cumq; literis quotidianis atq; nuncijs adferretur, Turcam præmississe iam multas equitum copias, propter Danubium, legati etiam Austriaci, & finitimarum gentium, quanto ipsi essent in discrimine, docerent, decreta fuerunt auxilia, sic, ut omnes Imperij ordines, non pecuniam, sed militem in hoc bellum subministrarent. intraq; xxvij.

Ioannes  
Frideri-  
cus ele-  
ctor mo-  
ritar.

Iulij diem finem habuit hic conuentus, & ad bellum sese comparabant omnes. Ad Idus Augusti Saxonie princeps elector die supremum claudit: ei succedit Ioannes Fridericus filius. Cum Solymannus Belgradum uenisset, deflectit ad Leuam, & Giuntium oppidum arcemq; frustra tentat, fortiter illud propugnante Nicolao Iurixio, deinde prædatum

emit:



emittit ad quindecim equitum millia, duce Casono. Is Lincium usque  
 supra Viennam excurrit, & longè lateq; deuastatis agris, nullum im-  
 manitatis genus prætermittit: cum uerò pedem referret, in nostros e-  
 quites, qui fuerant emissi, ut rapinis ac populationibus illū prohibe-  
 rent, incidit, & diuersis locis ad internectionem propè concisus, tan-  
 dem & ipse occumbit. Solymannus, magis atq; magis ad læuam ten-  
 dens, Gratium petit, oppidum Stirie. Quo cognito, Cæsar, qui tum  
 erat Lincij, deliberat quid factū sit opus. Tandem ea sententia uicit,  
 ut castris omnibus ad Viennam positus, hostem expectaret. Sic tandē  
 Solymannus, nulla re memorabili perfectā, discedit. Gallie regem Cæ-  
 sar de auxiliis appellauerat: uerū is respondit, ut quidem Cæsar tum  
 referebat, Germaniam esse potentem satis, quæ sola Turcæ resistat.  
 Angliæ rex cunctanter etiā neq; satis apertè rescripsit: Clemens pon-  
 tificex opem tulit, & summæ rerum præfecerat Hippolytum Medices  
 cardinalem. Heluetij, licet à Cæsare sollicitati, non se cōmouerunt. per  
 Septembrem & Octobrem uisus hoc tempore Cometa fuit ante solis  
 ortum. Cū pedem Turca retulisset, Cæsar, eorum reiecta sententia,  
 qui persequendū hostem esse dicerent, exercitū dimittit, quod hyems  
 iam suberat, & Vienna contendit in Italiam. Mantuæ cū esset, deci-  
 ma Nouembris die datis literis ad ordines Imperij, fratrem suum Ro-  
 manorum regem ait per suam absentiam esse gubernaturum rempub.  
 se, grauib; de causis è Germania profectum esse in Italiā, & ibi cum  
 pontifice uelle agere de concilio, sicut Ratisbonæ decretum sit: pacem  
 ergo colant omnes, quam nuper edicto sanxerit, & fratri non secus  
 atq; sibi ipsi pareant. Inde Bononiam profectus, cum Clemente septi-  
 mo uenit in colloquium, deq; religione & concilio inter alia delibe-  
 rat. Fœdus etiam cum eo facit & cum cæteris Italiæ dynastis, aut po-  
 tius renouat in sesquiannum, uerbo quidem, pro tuenda Italiæ pace,  
 sed reuera, ne Gallis pateret aditus. Reclamabāt fortiter Gallie regis  
 legati: Clemens autē monebat, ut remissius agerent, tacitè significans,  
 non fore diuturnum. Adduxerat enim Cæsar magnas Hispanorum co-  
 pias, à quibus Italiam liberari pontifex cupiebat. itaq; fœdus hoc pro-  
 babat, obsecutus tempori. Cæsar post in Hispaniam nauigat mense  
 Martio: neq; multò post, legatū pontifex in Germaniam mittit Hu-  
 gonem Rangonum, episcopum Reginum: is, ubi demum ad Saxonem  
 uenit,

Turcæ  
 impetus  
 in Au-  
 striam.

Literæ  
 Cæsaris  
 ad ordi-  
 nes Im-  
 perij

Oratio  
 legati  
 pontifi-  
 cij ad Sa-  
 xonem.

1533 uenit, comitatus legato Caesaris, in hanc sententiam uerba facit. Cum  
 ante menses aliquot pontifex atq; Caesar, multis grauib; de rebus  
 consilia Bononiæ conferrent, causam religionis etiam tractasse, uisum  
 itaque tandem fuisse pontifici mittendam esse legationem in Germa-  
 niam: & quanquam rei magnitudo posceret aliquem maiori prædi-  
 tum ingenio & experientia, sibi tamen, quantumuis etiam deprecari  
 ti, munus hoc iniunctum fuisse: per hanc igitur occasionem ad ipsum  
 quoque uenisse iam, ut quæ sit pontificis mens atq; uoluntas, propo-  
 nat: Caesaris autem hæc omnia fieri uoluntate & approbatione. Cle-  
 mentem ergo septimum, inde à sui pontificatus initio, cum primis hoc  
 optasse, ut nata per Germaniam dissidia religionis componerentur,  
 quò uidelicet ecclesiam ipse ac rem publicam tranquillè posset admini-  
 strare: hac etià de causa multos non semel in Germaniam amandasse  
 uiros eruditione præstantes, qui hoc perficerent, sed adhuc quidè fru-  
 strà sumptum esse laborem omnem: cum autem ex Hispania demum  
 Caesar in Italiam uenisset, abiturus illinc in Germaniam, in maxima  
 spe fuisse pontificem, fore, ut ille, pro sua gratia & authoritate, dissi-  
 dium hoc facillè sedaret: & Casarem quidem, ut pristinae religioni pa-  
 triam restitueret, nihil ad summam diligentiam fecisse reliqui, & co-  
 mitijs aliquot habitis nihil tamen potuisse perficere, præsertim, cum  
 Christiani nominis hostis, Turca pulcherrimos ipsius conatus impedi-  
 ret atq; tardaret: cum uerò iam iterum in Italiam Caesar uenisset, post  
 multam pontificis cum eo colloctionem, uisum ei fuisse, remediū nul-  
 lum adhiberi posse commodius uel efficacius, quàm per concilium pu-  
 blicum, cuius Germani quoq; principes uehemèter sint cupidi: ratio-  
 nem autem hanc placuisse quoq; pontifici, tum reipublicæ, tum etiam  
 causa Caesaris, cui gratificari cupiat: hanc nimirum suæ legationis ef-  
 fectum causam, & habere se in mandatis, ut hoc ipsi nomine pontificis de-  
 nunciet: sed quia res ipsa postulet, ut de concilij futuri modo, deque  
 tempore & loco prius deliberetur, habere se capita quædam à pontifi-  
 ce notata, quæ formulæ eius rei complectantur, quorū nonnulla perti-  
 neant ad modum & ordinem, nimirum, ut sit liberum atq; commune  
 conciliū, & omninò tale, sicut patres habere consueuerūt, quorū men-  
 tes gubernari haud dubiè spiritus diuinus: deinde, qui sunt inter futu-  
 ri cōcilio, ut illius decreta se seruatuuros esse spondeant; nisi enim id ca-  
 ueatur,



ueatur, frustra sumi laborem omnem: quid enim profit, cōdere leges, 1 5 3 3  
 quas nemo seruet, quas impunè quisq; uiolare possit? adhæc, qui co=  
 ram ipsi non poterunt adesse, ut suos eò mittant legatos: item, ut inte=  
 rim omnia suo loco maneant & ordine, nec ulla fiat ante concilij de=  
 cretum innouatio: de loco diu multumq; cogitasse pontificem: nam  
 inprimis eiusmodi locum esse deligendum, qui sit & fructuosus, et ad  
 supportandū cōmeatum idoneus, & salubris etiam: itaq; uideri pon=  
 tifici Placentiam aut Boñoniam fore nō incōmodam, aut certè Man=  
 tuam, quæ sit Imperij ciuitas, & Germaniæ uicina, & pulcherrimo  
 loco sita, & rebus necessarijs abundans: ut autem ex his tribus unam  
 sibi deligant, licere: si qui uerò principes ad eiusmodi concilium fortè  
 non uenient, nec legatos etiam mittent, pontificem nihilominus in a=  
 ctione progressurum esse: quòd si deinde concilij decretis parere ali=  
 qui recusent, & à pontifice deficiant, proximum esse, ut Cæsar aliq;  
 reges atque principes ipsum & ecclesiam defendant, ne quid accipi=  
 ant detrimenti: quò minus autem in hoc ipso tempore concilium de=  
 nunciatur, hanc esse causam, quod circumstantias omneis diligenter  
 prius considerare oporteat: & quum toties futuri concilij spem Cæ=  
 sar fecerit, ipsi placuisse, ut Germaniæ principibus de uoluntate quo=  
 que pontificis nunciatur: iam uerò si quidem ad hæc postulata Ro=  
 manorum rex & cæteri Germaniæ principes commodè respondeant,  
 fore, ut pontifex, re deliberata cum alijs etiam regibus, intra sextum  
 mensem concilium indicat, anno deinde post, inchoandum, ut inte=  
 rea uictus, & res necessariæ comportentur, & ad profectionem sese  
 comparèt omnes, præsertim longinquiores. Cùm hæc orasset, ea quæ  
 diximus capita scripto comprehensa tradit electori. Postea Cæsaris le=  
 gatus uerba facit. quia superioribus omnibus comitijs, & adhuc qui=  
 dem frustra sit tentata religionis compositio, & per concilium posse  
 rem componi, iudicatum sit, Cæsarem illud nuper apud pontificem  
 impetrasse, nempe, ut ad eum modum, eoque tempore & loco, sicut  
 ipsius exposuit legatus, habeatur: Ideoque se missum à Cæsare, ut  
 pontifici placere concilium testificetur: & quoniam de re tota sit  
 abundè locutus, non esse quod ipse pluribus agat: petere autè, ut nar=  
 rationi fidem habeat & beneuolè respondeat. Saxo, quia magni sit  
 res momenti, consideraturum se dicit, & ut interim aliquam paruam

Saxo re=  
 sponderet  
 legatis.

moram

moram leniter ferant, petit. Adhæc legatus pontificius. rectè ipsum facere, quod deliberatione interponat, & merito spaciū hoc ei concedi: nam esse rem imprimis arduam. fuit hoc Vinariæ. paucis post diebus respondet Saxo. Quod concilium Cæsar atq; pontifex decreuerint, uehementer sese letari: nam reipublicæ statum hoc imprimis flagitare, ut habeatur quale Cæsar sæpenumero Germanis promissit, in quo nimirum legitime res tractetur, iuxta præscriptum uerbi diuini: quod si fiat, non se dubitare, quin rectè procedant omnia: se quidem & orare Deum, ut id largiatur, & suæ quoq; ditionis populū, ut id faciat, monituum esse: studium etiam suum eo se conferre totum, & socijs, ut eandem curam suscipiant, authorem esse uelle: cupere se quidem ipsis iam iam respondere, sed esse multos alios eiusdē religionis, qui cum parente suo Ioanne, doctrinā hanc in comitijs Augustæ professi sint apud Cæsarem: ut autem his inconsultis respondeat, neq; priuatim sibi licere, nec etiam utile esse causæ: multo enim præstare, ut idem communi nomine respondeatur: & quia Cæsar atque pontifex, hyeme superiori, datis Bononia literis ad ordines Imperij, legationis & concilij futuri spem fecerint, ideo se sociosq; diem constituisse, uigesimū quartū Iunij diem, quo conueniant Smalcaldiæ, de re tota deliberaturi: quapropter orare, ne procrastinationem hanc molestè ferant: simulac socij conuenerint ad diem, fore, ut communicatis consilijs, uel per legatos uel epistolam ipsis breui respondeatur: se quidem sic acturum esse, Dei beneficio, ut non solum hæc ætas, uerum etiā posterius uideant, omnium rerum se nihil magis optasse, quàm ut pura doctrina religioq; & pax non Germaniæ tantum, sed totius reipublicæ Christianæ floreat, & Cæsari, supremo magistratui, suus honos atq; dignitas constet. Cū deinde socij uenissent, re deliberata, communi nomine per literas responsum fuit ultima die Iunij. permagnas agere se gratias Cæsari, qui pro gloria Dei & salute reipublicæ laborem hunc susceperit: nec enim dubitare, quin ex animo concilium optet: itaq; se precari Deum, ut ipsius mentem confirmet, eoq; dirigat, ut ueritas celebretur, & falsa doctrina, uitijs cultus atq; ritus tollantur, & animis hominum eripiantur errores, & purus Dei cultus, aliæq; piæ uirtutes rursus excitentur: nā imprimis optare se conciliū, in quo, causa controuersa rectè & ordine definiatur: Cæsare etiam eiusmodi

Communis protestantiū responsio ad legatos.



concilium iam olim promississe, & in multis Imperij comitijs, à gra- 1 5 3 3  
ui deliberatione decretum fuisse, ut in Germania coggeretur: hanc enim  
dissensionem ex eo fonte manasse, quod nimis impudenter quidam  
prædicarent eas, quas uulgo uocant indulgentias: quo sanè tempore  
magni quidam errores, qui dissimulari non poterant, patefacti sint at  
que demonstrati: & quanquam Leo pontifex doctrinam istam, quæ  
detexit errores, damnavit, se tamē condemnationem illam adhuc op=  
pugnasse prophetarum & apostolorum testimonijs: itaq; summè ne=  
cessarium semper uisum fuisse concilium, in quo rursus de causa co=  
gnosceretur, quò uidelicet planum fieri posset, quid uerum sit, quid  
falsum: & ita quidem non se modò, uerum etiam reliquos omneis iu=  
dicasse principes ac ordines, quòd uiderent & faterentur, irrepsisse in  
religionem multa, quæ tolli debeant & emendari, quodq; scirent quid  
homines cuperent & quid respublica flagitaret: Cum uerò doctrinam  
hanc pontifex condemnasset, in conuentibus Imperij fuisse decretum,  
his uerbis, ut uel omnium populorum, uel prouincie Germaniæ con=  
cilium fieret liberum atq; Christianum: ideo nimirum his uerbis, ne  
uel illa sententia pontificis, uel cuiusuis alterius uis atq; potentia cau=  
se præiudicaret: deinde, ne secundum leges pontificias & scholarum  
opiniones, uerum iuxta sacram scripturam in hac tota causa iudiciū  
fieret: nam si cuius potentia plus ualere debeat, quàm sacræ literæ,  
quàm legitima cognitio, quis dubitet, aduersus pontificem frustra la=  
borem omnem & actionem suscipi: satis enim esse notum, quid ante=  
actis aliquot concilijs profectum sit: emendationem tunc quidem in=  
stitutam, sed interpellatione pontificū fuisse totam sublatam: graui=  
simis igitur de causis decretum esse factum, ut in Germania fieret con=  
cilium: hoc etiam Cæsari sic placuisse, uerum ista pontificis postulata  
pugnare omninò cum Imperij decretis, quæ principum atq; Cæsaris  
sint obsignata signis: etenim, etsi de libero concilio loquitur, tamen  
aliò ipsum haud dubiè spectare, quando uidelicet hoc agit, ut sibi re=  
ges atq; principes obstringat: nam si liberum esse uellet, quorsum atti=  
neret hæc obligatio? nunc uerò, cum huc totus incumbat, hoc nimi=  
rum ipsius esse propositum, ut nomine concilij suam dominationem atq;  
potentiam defendat, nèue quis errores atq; uitia reprehendat, aut si  
quis hoc molietur, non ferat impunè: quid alij facturi sint, non sibi

1533 constare, sed hoc illius postulatam eius esse generis, & ita conscriptū, ut à cōcilio magis absterreat, quàm ad illud inuiet: quis enim ad hunc modum sese deuinciat, præsertim, cum nondum appareat, qui sit concilij futurus ordo, qui modus, quæ forma, cum ignoretur, an suam ibi pontifex atq; suæ clientelæ præcipuam esse uelit atque summam auctoritatem, utrum de controuersia cognosci uelit iuxta sacras literas, an uerò secundum traditiones atque leges, nullo scripturæ testimonio confirmatas? concilij quoq; libertatem impediri, dum ait, illud peragendū esse more ueteri & iam olim recepto: se quidem superioris ætatis conciliorum decreta, sacris literis consentanea, minimè recusare, sed nostræ ac paulo uetustioris memoriæ concilia, quæ decretis hominum & pontifici plus æquo tribuerunt, à priscis illis plurimum differre: quod igitur illud futurum esse dicat iuxta ueterem morem, captio se fieri, ne uidelicet ea sit sententiarum libertas, qualem ei ipsi petant, & causa quoque postulet, sed ut secundum ipsius leges atque potestatem, quam sibi sumit & arragat, iudicetur, sicut in postremis aliquot concilijs factum esse constat: eiusmodi autem actione non pacificari ecclesias, neq; dubias & afflictas cōscientias expediri, sed amplius inuolui tenebris, & maiori seruitute constringi: cum igitur postulato ac desiderio tum Cæsaris tum ordinum Imperij pontifex nondum satisfaciat, orare se plurimum, ut Cæsar, considerata causæ magnitudine, quæ uniuersam rempublicam & omnes nationes complectitur, de operam, ut legitimè res agatur: nam hoc ipsius esse officium, eiq; licere legibus, quando uidelicet pontifex ueritatem impugnat: providendū enim esse, ne sit & actor ille uel reus, & simul iudex: omneis uidelicet populos erectos esse in spem huius concilij, & summis uotis atq; precibus flagitare, ut tandem dubitatione & angore afflictæ conscientie liberentur, & uia salutis commonstretur: à multis enim seculis non fuisse talem de tantis rebus dimicationem, ut in hoc tempore: certamen autem istud esse natum ex uarijs erroribus atq; uitijs, quæ multo ante nostram ætatem inundauit: quòd si autem ea fallat expectatio, neque tale concilium, uti iam olim promissum est, habeatur, quantum ea res moerorem atque cruciatum allatura sit mentibus hominum facile posse cogitari: deinde, si legitimam cognitionem pontifex defugiatur, metum esse, ne respublica & ecclesia maioribus agitentur fluctibus,



bus, quàm antehac unquam: sed cum Imperij ordines omnes, in omni-  
 bus conuentibus rectum concilium decreuerint, non dubitare se, quin  
 in eo quoq; permaneant, & laqueum illum atq; uincula, quæ ponti-  
 fex ipsis inducere cogitat, longissimè repudient: idem à cæteris quoq;  
 sese regibus expectare: quam enim ille molitur obligationem, esse ple-  
 nam captionis & insidiarum, neq; uerum posse fieri iudicium, nisi  
 liberæ sint & expeditæ omnium mentes: si uerò pergat, & concilium  
 habeat suo arbitratu, rem omnem se commissuros esse Deo, qui suam  
 ipse causam atq; doctrinam haud dubiè sit uindicaturus: uerum e-  
 nim uero, si res eò recidant, ut hoc pontifici permittatur, quod tamen  
 minimè credant, consideraturos amplius, quid facto sit opus: & si for-  
 tè citentur atq; uideant se posse aliquid pro gloria nominis Dei face-  
 re, uenturos eò fide publica, cum idoneè cautum fuerit, aut, missis lega-  
 tis, quicquid suæ causæ necessitas ratioq; postulabit, in medium esse  
 proposituros, ea lege tamen, ut interim illa pontificis postulata mini-  
 mè recipiant, nec etiam ullum concilium, quod sit ab Imperij decretis  
 alienum, admittant: etenim non uidere se, quomodo pontificis hoc in-  
 stitutum ad diuturnam ecclesiæ uel reipublicæ pacem pertinere possit:  
 ipsi quoq; si modò ueri pastoris officium facere uelit, non esse deco-  
 rum, ut ad hunc modum agat: nam proprium eius esse munus, ut ho-  
 minibus consulat, ueræq; doctrinæ pabulum proponat: quod cum ita  
 sit, orare se plurimum, ut hoc suum responsum ad Cæsarem atq; pon-  
 tificem referant, neue Cæsar, quem, uti summum magistratum à Deo  
 constitutum, reuerenter agnoscant, in malam partem istud accipiat,  
 sed in hoc elaboret, ut secundum Imperij decreta concilium fiat, &  
 per homines pios minimeq; suspectos controuersia tota disceptetur:  
 hoc nimirum ad ipsius laudem atq; salutem pertinere, ut potentiam  
 omnem & auctoritatem ad ueræ doctrinæ conferant amplificatio-  
 nem, non ad confirmandam eorum crudelitatem, qui multis nunc an-  
 nis in homines innocentes acerbè uindicant, ob euangelij solum atq;  
 doctrinæ salutaris professionem: quod reliquum est, omnia sua se de-  
 ferre Cæsari, nec esse quicquam cæterarū rerum, quod non ipsius cau-  
 sa uelint. Erat tum apud Ferdinandum regem pontificis legatus Pe-  
 trus Paulus Vergerius, de quo superiori libro diximus. Et quia Rhegi  
 nus episcopus ætate iam erat prouectus, & ualetudine minus firma,

Petrus  
Paulus  
Verge-  
rius.

Clemens Vergerio mandabat, si quidem illi quid accideret impedi-  
menti, ut ipse legationem subiret: in primis uero monebat, ut in memo-  
ria semper habeat, quæ sua sit de concilio mens atq; uoluntas: manda-  
tis igitur atq; formulæ præscriptæ diligenter insistat, neq; latum un-  
guem ab ea discedat, nec in angustias ipsum atque necessitatem per-  
agendi concilij conijciat, etiamsi fortè rex Ferdinandus maximè ur-  
geat & inflet.

LIBER IX.



VM AD HVNC MODVM RESPON-  
disent facto decreto placuit, theologis & iurecon-  
sultis dandum esse negocium deliberandi de futura  
concilij actione, responsum quoque pontifici datum,  
euulgandum, & exteris regibus atq; populis commu-  
nicandum esse, mittendos etiam legatos, ad iudices Camera, qui præ-  
ter edictum Cæsaris litem nonnullis mouebant religionis causa, dein-  
de, iudicium illorum esse recusandum, nisi desistant: ad Moguntinum  
simul et Palatinum principem, intercessores, mittendam legationem,  
& ad Cæsarem postea rem omnem perscribendam. De Georgio Sa-  
xonie principe non semel diximus, quomodo & Lutherum priua-  
tim, & publicè totam ipsius doctrinam odisset: cum autem è suis esse  
multos intelligeret, qui cœnam domini percipiendam esse dicerent  
iuxta Christi mandatum, ecclesiarum ministris iniunxit, ut ijs, qui  
tempore paschali, de more ueteri, peccata sua confiterentur, & cœ-  
nam Domini iuxta pontificum decreta sumerent, symbola quædam  
ac ueluti tesseras darent, quas illi post redderent senatui, quò sciri pos-  
set, quinam pontificium, qui uero Lutheri dogma sequerentur. itaq;  
Lipsiæ, quod est eius regionis primarium oppidum, deprehensi sue-  
runt ad lxx. sine symbolis. Hi Lutherum antea consuluerant, quid  
facto esset opus: ille per epistolam respondit, ut qui certò crederent in-  
tegram sumendam esse cœnam, nihil agant contra conscientiam, &  
capitis discrimen potius adiant. sic ergo confirmati perseuerant, &  
citati à principe cum eis propè bimestre tempus concederetur ad deli-  
berandum,

Georgi-  
us Saxo  
in Luth-  
eranos in-  
quiriit.



berandum, neq; propositum mutarent, tametsi priuatim singuli sollicitarentur, electi sunt oppido. Lutherus in ea, quam diximus, epistola, Georgium sathana uocabat apostolum: ea res magnam excitauit turbam, & Georgius quidem datus ad patruelem electorem Saxonie literis, accusabat illum, quod non modò conuicium sibi faceret & contumeliam, sed suæ quoque ditionis homines ad rebellionem inflammaret. Elector ea de re Luthero scribit, & inter alia, nisi de oblato crimine sese purget, necessario sibi in ipsum esse uindicandum ait. Hac igitur occasione Lutherus, edito libello criminationem illam refellit, & se consuluisse dicit illis, non ut principi resisterent impia mandanti, sed ut exilium paterentur potius: hoc autem ad nullam pertinere rebellionem: nam eos, qui uiribus & armis resistendum esse magistratui docent, hoc nomine censeri: quòd autem suæ ditionis populum Georgius iureiurando deuincit & astringit, ut doctrinam hanc persequantur, id quale sit, omnibus iudicio præditis æstimandum sese relinquere: sanè, si princeps elector tale quid aduersus ipsum à suis præstari uellet, non se dubitare, quin ille, quo est ingenio, statim, ut seditiosum sit interpretaturus: Atqui, dignitatem magistratus atque legum ita se scriptis illustrasse suis, ut amplius non possit à quoquam: etenim sub pontificatu Romano iacuisse prorsus in magnis illis tenebris, hanc etiam de magistratu doctrinam, & uulgò persuasum fuisse, quasi uitæ genus illud non esset Deo gratum: eos autem qui sic docent, esse reuera seditiosos, & extare Petri apostoli de ipsis uaticinium: sed hoc esse proprium euangelij professionis, ut tanquam seditiosa condemnetur. Christum ipsum hoc nomine atque titulo raptum esse ad mortem omnium indignissimam, quasi Iudeorum rex esse uellet, & populum, ut à Cæsare deficerent, incitaret. Huic deinde libello subiunxit epistolam, qua ciues Lipsenses exules consolatur, & monet, præsentem fortunam moderatè ferant, & simul Deo gratias agant, qui uim istam mentis atque constantiam sit ipsis largitus: non fore perpetuum hoc neque solidum gaudium aduersarijs euangelij, sed omnium opinione citius interituum, & adhuc quidem omneis illorum conatus irritos fuisse, ac singulari Dei beneficio concidisse demonstrat. Supra diximus de Cæsare & Clementis septimi colloquio: cum autè in Hispaniam Cæsar re-

Carolo-  
gus fami-  
liæ Medi-  
ceæ.

Clemens  
creat car-  
dinales  
Gallos.

Lantgra-  
militur  
restituti-  
onē Vri-  
chi. Vuir-  
temberg

disset, Clemens, rogatu Gallie regis, per mare Ligusticum uenit Mas-  
filiam, autumnii tempore, & arctioris necessitudinis causa, neptem  
suam Catharinam Medices, in matrimonium dat Henrico regis filio,  
principi Aureliano, xv. annorum adolescenti. De familia Medicea,  
quoniam res ita fert, nonnihil hoc loco dicemus. In primis numeran-  
tur Syluester, Auerardus, Ioannes, qui patricij Florentini fuerunt:  
Cosmus uerò splendorem ei familie primus omnium dedit, non suæ  
tantum ciuitatis, uerum Italie quoque totius longè ditissimus. huius  
filius Petrus genuit Laurentium & Iulianum, huic natus est filius  
posthumus, Iulius, qui deinde fuit Clemens septimus, tametsi de nata-  
libus eius non eadem est fama. Laurentio nati sunt Petrus, Iulianus,  
Ioannes. hic demum factus est pontifex, Leo decimus: Iulianus non re-  
liquit liberos: Petrus, eiectus Florentia, & tempestate demum sub-  
mersus in ostio Liris, filium habuit Laurentium. Is in matrimonium  
duxit, è familia Bolonica, Gallam, ex eaq; suscepit hanc, de qua lo-  
quimur, Catharinam. Commoratus Masilia Clemens per mensem  
et amplius eò, prius, quàm domum rediret, in gratiam regis atq; pro-  
cerum, quos regi charos esse uidebat, cardinales quatuor creauit, Gal-  
los, Odetum Castilionæum, Philippum Bolonicum, Claudium Gi-  
frium, Ioannem Venerium, Episcopum Lexouiensem. Quin ad sta-  
tus Italie mutationem hæc affinitas pertineret, nemo ferè dubitabat,  
& mirabantur plerique disparitatem coniugij: sed & Clementem  
subdubitasse, neq; prius credidisse ferunt rem agi seriò, quàm in com-  
plexus illi uenissent. Mensibus aliquot post, Lantgrauius ad Gallie  
regem Franciscum proficiscitur. eius autem rei hæc causa fuit. Anno  
salutis decimo nono, supra mille, quingentos, Vlrichus princeps  
Vuirtembergicus ditione sua pulsus fuit & eiectus à Sueuici foederis  
socijs, cum Rutelingam, oppidum Imperij, confederatum ipsis, nu-  
per cepisset. Eam deinde prouinciam Cæsar, ab illis, post, Ferdinadus  
frater à Cæsare, cum hereditas diuideretur, est consecutus. In Augu-  
ste uerò comitijs principes quidam intercedebant, ut Vlrichus, qui  
iam in undecimū annum exulabat, restitueretur: sed id frustra fuit, &  
Cæsar, repetitis ab initio causis, quamobrem fuisset profligatus, orna-  
menta solennia principatus fratri suo tum publicè conferebat. Lant-  
grauius ergo, qui magna necessitudine & propinquitate coniunctus  
erat



erat Vlricho, cogitabat illo ipso tempore aliquid moliri, sed à nonnullis, qui suam operam erant polliciti, destitutus, ad commodiorem occasionem rem distulit: & nunc, per absentiam Cæsaris, cum etiam hoc ipso tempore, Suevicum foedus, in annos undecim antea factum, dissolueretur, Galliam petit, & agrum Mompelicartum, regi, pro certa pecunie summa, nomine Vlrichi principis, oppignorat, ea lege, nisi intra tertium annum ille luat, ut tum sit regni Gallie hereditarius: præter eam pecuniam rex quoque mutuo se daturum promisit alteram summam, facta spe, non repetitum iri. Hoc tempore, maxima rerum est facta per Angliam immutatio, quod sic accidit. Anglie rex Henricus septimus, duos habuit filios, Arturum et Henricum Arturus in matrimonium duxit Hispanie regis Ferdinandi filiam Catharinam, mortuus non relictis libris. Henricus pater, qui cuperet necessitudinem hanc perpetuari cum Hispanis, Iulij Secundi, pontificis permissu, Catharinam alteri filio tradi curat, quem deinde regni successorem habuit, mortuus anno salutis humanæ M. D. IX. Henricus igitur, eius nominis octauus, quum à morte parentis eam duxisset, post complures annos, in regno iam satis confirmatus, episcopis aliquot animi sui scrupulum proponit, & in deliberationem adducit, an legitimum sit cum ea, quæ fratris fuisset uxor, matrimonium, & multos menses à congressu uxoris abstinuisse dicitur. Episcopi priuatim agunt ipsius mandatu cum regina, & pontificis diploma non esse idoneum atq; syncerum dicunt. Illa, nunc serò cognosci de diplomate, respondet, quod olim approbarint. Cumq; res tenderet ad iurgium, imploratum est Romani pontificis Clementis auxilium. Abortierat aliquoties illa, neq; foetum ullum edidit diu uitalem, præter unam puellam, Mariam. Pontifex causam delegat duobus cardinalibus, Campegio, quem in Angliam misit, et Eboracensi. Post multam disceptationem, cum regi facta spes esset ex urbe Roma, fore, ut secundū se iudicaretur, Campegius, in ipso propè uestigio futura iam iudicationis, monitu pontificis, tergiuersari coepit & procrastinare. cuius quidē rei causam fuisse dicunt, quod per interitū Lautrechii ducis & extincti circa Neapolim exercitus, & propter Andreae Aurie defectionem, quæ in illud tempus incidit, pontifex existimaret, Cæsarem, Catharinæ nepotem è sorore, cui per Italiam omnia feliciter euenirent,

Mutatio  
per Angliam.

1534 non esse temere offēdendum. Itaq; Campegius, nulla re perfectā, non sine maxima regis offēensione tandem discedit. Rex autem, ne quid temerē uideretur agere, missis internuncijs, per Galliam, Italiam, Germaniam exquirat theologorum sententias, & Parisienses quidem uidebantur approbare, non sine largitionis opinione, sicut alij pleriq;. Ceterum, erat in gynæceo regine uirgo quædam eximia pulchritudine, Anna Bolenia: hanc rex adamare cœpit, nec obscure significabat se illam expetere sibi coniugem. Hoc ubi cardinalis Eboracensis animaduertit, regi familiarissimus, quem authorem fuisse diuortij dicunt, mutat propositum, & datis ad pontificem literis, monet, ne diuortium approbet: nam alioqui futurum, ut Catharinæ succedat altera, quæ Lutheri sit infecta dogmate. Quod ubi rex, per legatum suū, qui tunc Romæ erat, accepit, magnopere fuit offensus, & aliquantū post, Eboracensi, qui & regni Cancellarius erat, & treis obinebat episcopatus, primò magistratū abrogabat, deinde binos episcopatus adimit, & tandem, cum ille priuatam uitam agens domi suæ, uoces quasdam emitteret insolentiores ac uindictæ studium præ se ferentes, mandat, ut dimissa familia, non magno cum comitatu ad se ueniat. Sic ille, cum aliter non posset, in uiam sese dat, sed in itinere, prius, quàm ad regem perueniret, cum ex animi ægritudine in morbum peracutum incidisset, uitam finit. Pontifex autem ut discedendi causam aliam quam Campegius haberet, litem ad se reuocarat, & quod Annæ coniugium sibi perniciosum esse futurum uideret, regem subinde monet, ac minis etiam territat, ut ab instituto desistat: Cum nihil proficeret, in gratiam Cæsaris, secundū Catharinam pronunciat, huius anni mensis Martij die xxij. quum rex ante annū, Catharina repudiata, et Maria filia pronunciata illegitima, duxisset alteram. Vbi sententiam contra se latam esse cognouit, grauissimum odium in pontificem concipit, & continuo decretum facit, quo se, per Angliam, ecclesiæ caput, proximum à Christo, pronunciat, & pontificatum planè proijcit, & capitis poenam constituit, si quis episcopo Romano supremam potestatem ascribat: tributum etiam annuum, Romani pontificis quæstori dari solitum, denegat, & ne qua pecunia Romam deinceps deferatur, grauissimis uerbis edicit, & hæc quidem omnia, de senatus ordinum regni, quod parlamentum uocant, assensu. Gallie rex Francis,

Anglus  
pōrificatū  
proijcit.



cifeus putatur non minimum attulisse momentū ad hoc diuortium, ut sic illum ab amicitia Caesaris totum auerteret. Quod de tributo diximus, sic habet. Inas, Britanniae rex, ad annum salutis D. CC. XL. opinione religionis ac pietatis, regnum suū pontifici Romano uectigale fecit, ut quidem memoriae proditum est, & in singulas domos imposuit singulos nummos argenteos. Itaque pontifices deinde suos habebant ibi quaestores, qui stipendium hoc quotannis colligerent. uulgo uocabant diui Petri denarios. Cumque inde ab eo tempore, ad hanc aetatem usque, Britannia Romanis episcopis eam pecuniam dependisset, Henricus, omnium primus inhibuit amplius eam persolui. Quomodo scriptis aduersariis egerint Lutherus & Erasmus de libero arbitrio, dictum est libro quarto: sed hoc anno recruduit simultas, & Lutherus per occasionē epistolae cuiusdam amici, grauiter incusat Erasmus, quasi religionem Christianam in dubium uocet, rideat & contemnat: adductis etiam aliquot ipsius lucubrationū locis, demonstrare illud conatur, & in scribendo flexiloquum esse docet, & eloquentia sua tyrānidem quandam exercere dicit, & quoniam in rebus diuinis ad eum modum ludat uerbis ambiguis, cum apertius loqui possit atque debeat, aduersus ipsum interpretanda esse omnia contendit. Huic deinde scripto respondet Erasmus, & asperē quidem: nam omnium rerum maximē timebat, ne gratiam & auctoritatem amitterent sua scripta. His serē diebus monachi Franciscani cruentū ac funestum ederunt ludū in Gallijs, Aureliae, res uerō sic habet. Praetoris uxor eius urbis, testamēto cauerat, ut sine pompa sepeliretur atque strepitu. Cum enim ē uita quis excessit in Gallijs, praecones funebres, ad hoc conducti, per urbis loca frequentiora circumeunt, et cymbalis excitato sono multitudinem conuocant: deinde nomen eius qui decessit atque titulos, edunt, et hortati populū, ut pro mortuo Deum precentur, quando sit & ubi sepeliendus, pronunciant. Cum autem finis defertur, adhiberi solent plerumque monachi mendicantes, & multa praeferruntur lumina. certatim ista fiunt, & emulatione quadam, & quo magnificentior est apparatus, eō maior est populi concursus & admiratio: sed ea, quam dixi, foemina, nihil earum rerum sibi fieri uoluit. Maritus ergo, qui coniugis memoriam diligeret, morē ei gessit, & Franciscanis, quorum in templo sepulta fuit iuxta patrem & auum, muneris loco

Simul-  
tas inter  
Lutherū  
& Eras-  
mum.

Tragoe-  
dia exci-  
tata Au-  
relia a  
Franci-  
scanis.

1534 dabat sex tantum aureos, cum illi multo sperassent maiorem prædæ.  
 Et cum deinde sylvam caderet atq; diuenderet, petentibus illis ligna  
 sibi dari gratis, denegabat. Tulerunt hoc ualde grauitè, & cum an-  
 tea minus illum probarent, ulciscendi rationem hanc excogitabant,  
 ut dicerent ipsius uxorem in sempiternum esse damnatam. Archite-  
 cti erant huius tragœdiæ Colimannus & Stephanus Atrebatensis;  
 ambo theologi doctores, & ille quidem erat exorcista, totumq; suum  
 apparatus, in eiusmodi rebus adhiberi solitum, habebat in promptu:  
 rem uerò sic administrant. Nouiciū quendam adolescentem supra  
 testudinem templi collocant: is intempesta nocte, cum ad demurmu-  
 randas preces illi more consueto uenirent, magnum excitat strepitū:  
 adhibentur adiurationes & exorcismi: sed nihil ille proloquitur: ius-  
 sus edere signum, quo declaret, num sit mutus spiritus, denuò tumul-  
 tuatur & perstrepat: id erat loco signi. Eo tacto fundamento, ciues ali-  
 quot, & celebres quidem ac ipsorum studiosos adeunt: narrant sibi  
 triste quiddam accidisse domi. neq; tamen quid rei sit, exponūt, sed ro-  
 gant, ne grauentur adesse nocturnis precibus. Cum hi uenissent, et pre-  
 cationum esset factum initium, ille de superiori loco turbam excitat.  
 rogatus quid uellet, et quis esset, significat non sibi licere loqui: iube-  
 tur ergò per signa respondere ad interrogata. foramen autem erat fa-  
 ctum, per quod, admotis auribus, exorcista uocē haurire poterat &  
 intelligere: deinde tabulam habebat ad manum, quam interrogatus  
 feriebat, sic ut infra posset exaudiri. Primum itaq; rogatur, num sit ex-  
 eorum numero, qui sint ibi sepulti: postea multis ordine recitatis no-  
 minatim, quorum erant ibi corpora condita, uenitur tandem ad uxo-  
 rem prætoris: ibi dato signo, se spiritum eius esse demonstrat. An sit  
 damnatus, et quonam suo merito seu delicto: num propter auaritiā,  
 aut libidinem, aut superbiam, aut non præstitam charitatem, an uerò  
 propter nuper natam hæresim & Lutheranismum? deinde, quid sibi  
 uelit illo strepitu & inquietudine? num ut corpus, loco sacro sepul-  
 tum effodiatur, alioq; transportetur? Ad hæc omnia, sicut iussus erat,  
 per signa respondet, quibus aliquid uel affirmabat uel negabat, prout  
 bis aut ter tabulam feriret. Cum autem & suæ damnationis causam  
 esse Lutheranam hæresim, & effodiendum esse corpus significaret,  
 monachi petunt à ciuibz quos adhibuerant, ut ijs, quæ coram uidis-  
 sent,



sent, dent testimoniū, et actis, quæ iam erant confecta superioribus die  
 bus, subscribant. Hi, re deliberata, ne prætorem offenderet, aut mole-  
 stiam sibi crearent, id facere recusant: illi nihilominus panem azimū,  
 quem uocant hostiam & corpus domini, cum reliquijs omnibus diuo-  
 rum aliò transferunt, & Missas ibi suas peragunt. quod lege pōtistica  
 fieri solet, cum locus aliquis propter infamiam & prophanationem  
 est expiandus. nam certa quædam eius rei capita sunt ipsorum cōpre-  
 hensa libris. Episcopi autem uicarius iudex, officialem uocant, ea re  
 cognita, ut propius omnia cognosceret, uenit eo, comitatus honestis  
 aliquot uiris, & exorcismos fieri se præsentē iubet, ac deligi nōnullos  
 petit, qui supra testudinem ascendant, & uideant, num spectrum ali-  
 quod appareat. Ibi Stephanus Atrebatensis admodum repughat, &  
 ualde dehortatus ne fieret, aiebat non esse turbandum spiritum: Et  
 quanquam is, quem dixi, uicarius multum instabat ut adiurationes  
 fierent, tamen impetrare nihil potuit. Interea prætor, ubi reliquos iu-  
 dices urbanos, quid fieri uellet, docuisset, ad regem profectus, rem o-  
 mnem cōmemorat. Et quia suis priuilegijs ac immunitatibus freti, iu-  
 diciū monachi declinabant, rex è senatu Parisino deligit, qui de cau-  
 sa cognoscat, issque plenam potestatem attribuit. facit idem cancel-  
 larius, Antonius Pratensis, cardinalis & legatus per Galliam pontifi-  
 cius. itaq; cum nullam haberent exceptionem rei, traducti Lutetiam  
 coacti sunt respondere: sed nulla potuit ab eis exprimi confessio, posi-  
 ta singulis erant custodiæ separatim, & nouicius quidem tenebatur  
 in ædibus Fumæi senatoris: ac sæpe sollicitatus nihil uoluit fateri, me-  
 tuens, ne post interficeretur ab illis, ob inuistam ordini maculam & fa-  
 ctam ignominiam: sed cum iudices & impunitatem ei promitterent,  
 & fore dicerent ut in ipsorum potestatem minime rediret, totam actio-  
 nem ordine recenset, & adductus ad illos, idem affirmat. Illi, quan-  
 quam erant conuicti, et in ipso propè maleficio deprehensi, recusabāt  
 tamen iudices, ac priuilegia sua iactabant: uerum id frustra fuit, & de  
 communi consilio lata sententia damnati sunt, ut Arrelam reducti et  
 in carcerem conditi, publicè deinde producerentur ad præmariū tem-  
 plum, et ad eum urbis locum, ubi supplicia sumuntur de maleficcis, at-  
 que ibi suum scelus ipsi profiterentur. Sed his ipsis ferè diebus incidit  
 en Lutheranos persecutio, sicut infra dicemus. quæ res in causa fuit  
 quò

2534 quò minus ea sententia, licet admodum lenis pro tanto flagitio, ueniret in executionem. Nam quia Lutheranorum nomen erat odiosissimum, metus erat, ne si quid grauius fieret, nō tam illis debita persoluta poena, quàm ordini facta putaretur iniuria: & quicquid eis accideret: Lutheranis id iucundissimum fore spectaculum pleriq; iudicabant. Franciscanorum autem ordo magnam habet ad uulgi opinionem sanctimonie: & quum illi iam damnati Lutetia deportarentur Aureliam. foeminae quædã, impulsæ misericordia, multis cum lachrymis atque suspirijs, ad portam eos usque sequebantur. Vbi uenissent Aureliam, in singulos carceres abducti, rursus immunitatem ac priuilegia sua iactabant, & tandem post diurnam custodiam, nulla grauiori poena mulctati, ac soluti uinculis euaserunt. Dum essent captiui, nihil eis deerat, & tam ad uictum, quàm ad comparandum patrociniū atq; gratiam, abundè subministratum eis fuit, à foeminis præsertim. Nisi persecutiones illæ, quas attigimus, & incendia rem impediuissent, constituerat rex, ut quidem ferebatur, ædificium illorum omnino diruere ac æquare solo. Ceterum, in regno pontificio creberrima solebant esse spectra. nam demortuorum spiritus, ut credebatur, tu multuantes à funere, quamobrem uel essent damnati, uel ad tempus, igni purgatorio, sicut uocant, affligerentur, exponebant, et proximos agnatos uel amicos, ut miseris opem ferrent, sollicitabāt. Frequens autem erat, ut aut uota, quæ diuis fecissent, persolui, uel pro sui libera-tione, Missarum aliquem certum numerum atq; sacrificia fieri postularent. Ea res & opinionem purgatorii mirabiliter auxit, & Missis auctoritatem summam conciliauit, & sacrificiis erat supra modum quæstiosa: sed postquam innotuit et aliquid roboris assumpsit Lutheri doctrina, paulatim euauerunt eiusmodi spectra. Docet enim Lutherus è sacris literis, mortuorū animas quiescere, & iudiciū diem suū premium expectare: turbas autem illas atq; strepitus formidolosos & phantasmata, per Sathanam excitari dicit, qui nullam prætermittat occasionem, ut impios cultus & falsas opiniones in animis hominum confirmet, & Christi seruatoris nostri beneficium extinguat. Lantgrauius, ubi cum Gallie rege pepigisset, primo uere copias conscribit, & tunc demum datis ad Ferdinandum regem literis, quibus facti sui rationem explicabant ambo, cum Ferdinandus interim ad iuris atq; le-

Spectra  
Pontifi-  
ciorum.

Lantgra-  
uij expe-  
ctatio.

gum



gum disceptationem, causam reijceret, exercitum educunt, & Maij 1534 die decima tertia, cum in copias hostiles, qui erant ad duodecim milia peditum incidissent, emissis tormentis, in fugam illos conijciunt, prope Laufenum oppidum agri Vuirtembergici. Ferdinandicis præerat Philippus princeps Palatinus, qui machina uulneratus in eo conflictu, calcem pedis amisit. In fuga, quàm plurimi, cum in Neccarū flumen sese præcipitassent, perierunt. Eo facto, pleriq; omnes per agrū Vuirtembergicam, in Vlrichi principis potestate redeunt: Aspergum, aliūmo & singulari monti superimpositum, item Vrachum, Tubinga, Nipha, loci natura munitæ arces, tandem & ipse deditiōem faciunt. Calendis Maij Ferdinandus euulgato scripto mandauerat, ne quis illorum factioni sese coniungeret, sed ut omnes, pro sua quisque uirili resisterent, et protestantibus ea de re sigillatim scripserat: Cæsar etiam in eandem sententiam aliquot antè diebus edixerat, & publicè quidē nemo suppetias illis tulit, & erecti erant omnium animi, quorum hic motus tandem exiret. Sub huius belli tempus, archiepiscopus Moguntinus & Saxonie princeps Georgius, Lantgrauij socer, agebant de reconciliatione Ferdinandi regis & Saxonis electoris, & Cadami demum, quod est oppidum Bohemie, Iunij die penultimo pacem faciunt his conditionibus, religionis causa uis nulla fiat, neq; lis ulla forensis moueatur, & ea pax, quam Cæsar fecit, seruetur: Ferdinandus efficiat loco Cæsaris, ut Camerae iudicium ab omni superseadeat actione cōtra protestantes, in quibus tamen hæc anabaptistæ, nec sacramentarij, nec id genus aliæ sectæ sint comprehēsi: Saxonie princeps atq; socij Ferdinandum agnoscant pro Romanorum rege, titulumq; tribuant: Ferdinandus inuicem hoc apud Cæsarem & reliquos electores efficiat intra certum tempus, ut decretum eiusmodi fiat, cum tempus olim incidet creandi Romanorum regis, uiuo Cæsare, ut tum principes electores antè conueniant, & deliberent num iustæ sint & idoneæ causæ, & si appareat, tum demum ex formula legis Carolinæ pergant: quod secus factum fuerit, irritum sit: hoc uerò decretum nisi fiat intra decimum mensem, Saxo socijq; non teneantur pacto: successionem quoque Saxonis in bonis paternis & autis, intra tempus illud Cæsar cōfirmet: Ferdinandus etiam det operam, ut quæ Saxoni sunt cum principe Cliuensi pacta matrimonij, Cæsar approbet.

Reconciliatione  
Ferdinandi  
& Saxonis electoris.

Dum

*Dum his de rebus agunt, simul alteram quoque pacificationem tra-*  
*stant. & Saxo quidem Lantgrauij atq; Vuirtembergici nomine spon-*  
*det, tanquam mandatarius, ratum habituros quicquid conuenisset.*  
*Post multam actionem, recuperato iam omni agro Vuirtembergico,*  
*sic pactum fuit. Vlrichus princeps & ipsius hæredes masculi, sint Fer-*  
*dinandi regis, tanquam Austriæ principis, beneficiarii, & agri Vuir-*  
*tembergici possessionem ei ferant acceptam: extincta fortè familia*  
*Vuirtembergica, nec extantibus masculis, Austriaci principes eam re-*  
*gionem obtineant, Imperij beneficio & autoritate, cui & hoc nomi-*  
*ne teneantur: Vlrichus Ferdinandum agnoscat pro Romanorum re-*  
*ge, neque sœdus ullum aduersus eum faciat: occupata per hoc bellum*  
*bona, Lantgravius & Vlrichus restituant dominis: ad mutandam re-*  
*ligionem neminem cogant: ecclesiasticis liberam permittant bono-*  
*rum possessionem: qui uel metu uel pudore cesserunt, ijs liceat redire*  
*domum: qui uolent, his liberum sit, saluis bonis, quò uelint, proficisci:*  
*t tormenta bellica, quibus munitum fuit Aspergum, Ferdinando cadât:*  
*æ alienum, quod Ferdinandus conlauit, & in rem suam uertit, per-*  
*soluat ipse, quod ad regionis autem impensum est utilitatem, eo tenea-*  
*tur Vlrichus: in agro Vuirtembergico quæ bona dependent à Bohe-*  
*miae regum beneficio ac tutela, eorum nomine Vlrichus eiusque hæ-*  
*redes, Ferdinando hæredibusque Bohemiae regibus teneantur: Philip-*  
*pūs Palatinus reliquiq; captiui dimittantur absque precio: Lantgra-*  
*uius & Vlrichus intra certum tempus ueniam petant à Ferdinando*  
*rege supplices aut ipsimet aut ipsorum legati: tunc quoque plenus*  
*ius possessionis à Ferdinando Vlrichus accipiat: Ferdinandus inter-*  
*cedat, ut etiam Cæsar ipsis condonet: pro sumptu belli nihil utrobi-*  
*que postuletur: ex ijs copijs quas habent Lantgravius & Vlrichus,*  
*Ferdinando suppeditent equites quingentos, peditum uerò millia*  
*tria, qui sumptu ipsorum è uestigio ad Monasterij obsidionem profe-*  
*cti, Ferdinando fidem per iusiurandum præstent, & si fortè sit opus,*  
*in treis menses militent. Vlrichi coniunx Sabina, utatur fruatur ijs bo-*  
*nis, quæ nomine dotis ei constituta fuerunt: hanc uerò transactionem*  
*habeat ratam populus omnis atque nobilitas. Circumfessa fuit per*  
*id tempus Monasterium urbs Vuestphalia, quam occupauerant ana-*  
*baptistæ, ut infra suo loco dicemus. hanc igitur ad oppugnationem*



Ferdinandus auxilia petebat ab illis. Recuperata iam omni propè  
 ditione Vuirtembergica, pecuniæ pars, quàm Galliæ rex pactus erat  
 in pignus, allata demum fuit: id autem non culpa regis acciderat, ue-  
 rùm administri seu quæstoris, qui cùm in literis obligationis aliquid  
 desideraret, longiorem interposuerat moram. Facta uerò pace, ac di-  
 missis iam copijs, altera quoq; pars allata fuit, quàm mutuò rex dare  
 promisit: Vlrichus autem intra finem anni uertentis pecuniam repen-  
 dit, & Mompelicarti possessionem recuperat: mutuatam uerò pecu-  
 niam, cuius erat non exigua summa, rex ei dono dabat. Pacificatio-  
 nem hanc permolestè tulit pontificius legatus, Petrus Paulus Verge-  
 rius, & cum Ferdinando rege nomine Clementis exposculabat, quòd  
 principes Lutheranos in amicitiam recepisset: Ille uerò, maioris ui-  
 tandi motus atq; turbarum causa, temporibus hoc se tribuisse, respon-  
 dit: Cùm Vlrichus pelleretur, filius eius Christophorus, erat circiter  
 quatuor annorum puer, & initio quidem ab auunculo Bauariæ prin-  
 cipe Gulielmo, tutore, fuit educatus, deinde traductus Oenipontem,  
 Ferdinandicæ ditionis oppidum: cùmque Cæsar, domum reuertente  
 Turca, sicut antè diximus, in Italiam rediret: ille, iam antè sollicitatus  
 et edoctus à suis propinquis atq; necessarijs, diuertit ex comitatu Cæ-  
 saris, inq; uicinam Bauariam peruenit. Nam, cùm solus esset hæres,  
 hoc fuisse consilium putatur, ut ad externos abductus, fieret ordinis ec-  
 clesiastici: sed restituto parente, profectus in Galliam, regis clientelæ  
 sese dedit. Rebus pacatis, Lantgrauius xxi. die Iulij dat literas ad Cæ-  
 sarem, in Hispaniam misso tabellario, & factæ pacis conditiones per-  
 scribit, & sibi atque Vlricho principi condonari petit, & omnem in  
 posterum obsequentiam ipsi ac Ferdinando regi, tum suo, tum Vuir-  
 tembergici nomine pollicetur. Ad ea Cæsar calendis Septembris, Va-  
 lentinæ, per epistolam respondet. de re tota se iam antè ex fratre Ferdi-  
 nando cognouisse: quid etiam suæ sit mētis, ad illum scripsisse, & iam  
 quoq; misso legato nunciare: futurum igitur, ut ex eo, de sua clemen-  
 tia studioq; pacis intelligat: deinde monet, ut quæ uerbis pollicetur,  
 ipsa re declaret, & obsequentem sese præbeat, & à turbulentis o-  
 mnibus abstineat consilijs. Bello durante Vuirtembergico, Medio-  
 lani princeps Franciscus Sfortia II. in matrimonium ducit Christi-  
 nam, Daniæ regis Captiui Christierni filiam, Cæsaris è sorore neptem.

1 5 3 4  
 Vlrichus  
 Vuirtem-  
 bergicus  
 restitu-  
 tus.

Christo-  
 phorus  
 Vuirtem-  
 bergicus  
 Vlrichi  
 filius.

Lantgra-  
 uijliteræ  
 ad Cæsa-  
 rem.

Francisci  
 Sfortiæ  
 nuptiæ.

Galliæ

1 5 3 4  
Clemen-  
tis pon-  
tificis  
mors.

Paulus  
tercius  
Pont.

Andreas  
Gritus  
dux Ve-  
nerorū.  
Ludoui-  
cus An-  
dræe fi-  
lius.

Gallia rex bellum ei facturum erat: sed mors Clementis septimi, quæ cum foedus antea fecerat, uti diximus, moram & impedimentum intulisse putatur. nam is diuturno stomachi uitio sublatus, quum uictus rationem suatore medico Curcio mutasset iam senex, ad exitum ferè Septembris decessit, & successorem habuit Paulum tertium, Farnesium. qui non multo post, Alexandrū, ex filio notho Petro Aloisio, ualde adolescentē, & Ascaniū, ex filia notha Constantia nepotem, creat cardinales. Vergeriū deinde uocat ex Germania, deq; statu religionis cognoscit, & cum cardinalibus deliberat, quomodo sit impediendum nationis conciliū interea, dum occultis consilijs ad arma Cæsar aliq; reges excitentur. placuit tandem in Germaniam esse remittendū Vergerium, qui generale, sicuti uocant, concilium promitteret, idq; daret operam, ne quid astutē uel captiose fieri putaretur, quod Clementi nimirum acciderat, utque profectus ad omneis principes, Mantuæ futurum concilium, ac ibi de conditionibus agendum esse diceret: inprimis autem attenderet, quam uellent actionis esse formam protestantes, ut ea perspecta, modum eis deinde præscriberet atque leges, quibus minimè uenturos esse sciret. Mandauerat etiam, ut principū antea mos in Angliæ regem accenderet, cuius ditionem omnem in prædand dare cogitabat occupanti: uideret præterea, num qua ratione possent Lutherus atque Melanchthon ab instituto dimoueri. Delecti quoque fuerunt cardinales aliquot & episcopi, numero ad nouem, qui formulam aliquam emendationis ecclesiasticæ conscriberent: ea tandem exiit in manus hominum, ut suo loco dicetur. Ferdinandus rex auctor fuerat Paulo, remittendi Vergerij, quod cum inprimis idoneum esse diceret ad munus illud foeliciter obeundum. Erat hoc tempore Venetæ reipublicæ dux, Andreas Gritus, maximæ uir dignitatis, ob eximiam prudentiam usumq; rerum. Huic, quo tempore Bizantijs uixit, natus est filius nothus, Ludouicus, qui teneris ab annis educatus ibi, quum ingenio ualeret, ac industria singulari summas parasset ope, & liberalitate sibi multos adiungeret, aulicis primū, deinde per Ibrahim, uirum prætorium, qui tunc solus omnia poterat, Solymanno sic innotuit, ut ad priuatum etiam admitteretur colloquiū. Hac usus tempestate secunda, de uoluntate beneficioq; Solymanni, maximo cum apparatu atq; splendore uenit in Vngariam, ut Illyrici partem



partem illam, quæ Venetorum est proxima finibus, teneret, Vngariæ 1534  
 uerò partem inferiorem, cuius est caput Belgradum, Turcarum Cæ-  
 sari custodiret. Erat ei filius Antonius episcopus Quinqueecclesiensis:  
 eum Clemens pontifex, in patris auiq; gratiam cogitabat adiungere  
 numero cardinalium: sed ecce, dum regnum sibi Ludouicus pollice-  
 tur, et in summa est omnium expectatione, pater etiam hoc tanto filij  
 successu plurimum gauderet, per occasionem simultatis atq; factio-  
 nis, in eum excitata, comprehensus ab aduersarijs & capite multa-  
 tus fuit, eo ferè tempore quo Clementi successit Paulus. Interea per  
 Galliam nouus oritur motus in eos, qui de Lutheranismò erant quod-  
 quo modo suspecti, cuius quidem rei hæc erat occasio. Lutetiæ Pa-  
 risiorum, & alijs quibusdam in locis & in ipso regis palatio, ferè eo-  
 dem tempore, noctu, chartæ quædam fuerunt affixæ, in quibus de re-  
 ligione & que Missa cum primis, multa erant perscripta: mox inquiri  
 coeptum est ac inuestigari, & per indicium nonnulli, quidam uerò per  
 suspicionem comprehensi, habita quæstione, uiui cremantur, horribi-  
 li sanè spectaculo. Nam ad machinam alligati, & in altum sublatis, de-  
 inde in ignem è sublimi demissi, & rursus adducti, carnificæ demum  
 abscindente funem, in subiectam flammam corruébant: ijs etiam, qui  
 paulò uidebantur eruditiores, antequam producerentur, lingua rese-  
 cta fuit, ne uel supplicij causam, uel suæ doctrinæ summam ad popu-  
 lum explicarent. Erat autem huius rei perquam idoneus administer,  
 Ioannes Morinus, prætor. etenim, ut sagacissimè nouerat eos odo-  
 rari & peruestigare, de quibus erat aliquid suspicionis, ita etiam, cum  
 deprehendisset, in irrogandis pœnis atq; supplicijs omnem propè ser-  
 sum humanitatis exuebat. Prodiit nihil omnius hoc tempore libel-  
 lus, authoris incerti, Gallica lingua conscriptus in pontificios merca-  
 tores atq; caupones, facetus quidem, sed serius & grauitatè condi-  
 tus. Ac primò quidem, inquit ille, mercatura, uitæ genus est & exerci-  
 tium, non illiberale nec inutile reipublicæ, modò fraus absit & auar-  
 itia. Nam Christus ab hoc hominum genere similitudinem sumpsit,  
 quando iussit exerceri talentum acceptum, ut fieret fructuosum, qui  
 quidem locus est intelligendus mysticè: pastores enim & ecclesiæ mi-  
 nistros nihil minus decet, quàm uel ulla suspitio sordidi quæstus. ue-  
 riùtamen Deus, hominum sceleribus offensus, in ecclesiam suam in-

Persecu-  
tio in  
Gallijs:

Libellus  
gallicus  
in pontifi-  
cios mer-  
catores.

1534 uadere permisit atq; grassari, non solum mercatores prædiuites & amplos, uerum etiam fures. Quis enim non furem esse dicat eum, qui uel alienam uel adulterinam mercem, pro sua, proq; sincera diuendit? an non emptor pulchrè decipitur? Sed hoc nobis iam olim accidit: nam loco pastorum insinuarunt se lupi supra modum rapaces. & quam nullius ingenium aut lingua satis explicare possit illorum artes omneis, tamen nonnullos attingam. Negociatores igitur hi, de quibus loquimur, callidi sunt supra modum, suamq; mercaturam sic amplificarunt, ut nullus omnino sit locus uel angulus, quem non suis repleuerint tabernis: & hæc quidem omnia, specie quadam simulata sanctimonie. Vestitu uerò differunt à reliquis, & sunt plerique raso uertice: nec enim ulli, qui non magnæ illius bestię characterem habeat & insigne, mercaturam exercere conceditur: hi soli ueniant, reueniant, permutant, & quidem omni tempore. Nam ceteri mercatores, diebus festis præsertim celebrioribus, planè cessant: deinde pleriq; selectantur & exercent unum aliquod mercaturæ genus. Aut enim lanā, aut sericum, aut frumentum, aut uinum, aut pecora uel metalla distrahant: hi uerò nulli anni tempus intermittunt, & omnis generis merces tractant, nihilq; est, quod ipsorum manus effugiat, non uiri, non mulieres, non infantes, tam nati, quam nascituri. quæstum enim faciunt ex omnibus rebus in uniuersum: seruit ipsorum cupiditati cœlum, infernus, terra, tempus ipsum & omnes planè creaturæ, tum animæ tum inanimæ, uinum, panis, oleum, linum, lac, butyrū, caseus, aqua, sal, ignis, fumigationes. Ex his inquam rebus omnibus norunt elicere aurum & argentum, incredibili sanè cum populi dispendio, tum fortunarum, tum animæ cumprimis, uitata nimirum & prorsus extincta uera de Deo doctrina. Quid est ne subtilis cuiusdam artis, uendere aliquid, & carè quidem, unde nihil ad emptorem perueniat, præter solum aspectum rei uenditæ? Mercatores alij, quando suas merces exponunt, prouerbio dicere solent, exhibitæ rei conspectum esse gratuitum, & omnibus communem: hi uerò nostri longè secus faciunt. Decedit quispiam è uita: mox tibi præsto sunt, rogant, uel sine mortui corpus ad sepulturam deferri, stragula honestiori contentum, an sordidore uel mediocri? uel sine crucem elegantem, an uerò minus pulchram antè ferreānam prout delegeris, dandum erit precium.

Obse=



Obsecro te, quid habes, quid aufers præter intuitum? nam mercem ostentatam reponunt, & postridie alteri tantidem uendunt. Eiusdem est artificij, quòd ex mercatoris etiam uestitu precium augetur: quam enim abbas decantat aut episcopus, multò constat maioris quàm alicuius monachi seu uicarij, Missa, qua quidè in re nihil differunt à meretricibus. nam hæc, quò sunt ornatiori cultu, eò carius turpitudinem suam uendunt. Huc pertinet, quòd eandem rem, eodem temporis puncto, pluribus diuendunt in solidū, et quidem inscijs emptoribus, præsertim, ijs locis, ubi maior est hominum frequentia. Venit ex nobilitate quispiam in ædem Dominicanorum, & Missam deposcit: annuit monachus: mox alius idem petit, & item tertius, eoq; plures. prodit tandem ille personatus, & Missa peracta, pecuniam à singulis accipit integram. Hoccine tu nihil esse putas? ingenio certè res ista non caret: ac ferè uideas, non illis ad faciendum quæstum aliqua maiori opus esse materia. nam uel ceræ particulam sibi fructuosam faciunt. Fortè in templum ingreditur muliercula quæpiam, & cereum ante diuum aliquem affigit: adest è uestigio meus hic uenditor: corripit cereum, extinguit, & compluribus deinde alijs ordine uendit. Ceram autem pleriq; omnes exercent, tenuiores quidem, sicut iam diximus, maiores autem in literis atque diplomatis, cuiusmodi sunt qui uulgò dicuntur officiales, copistæ, sigilliferi, datarij & id genus alij. Magnificus autè ille, qui cæteris omnibus præstat, & sanctissimi nomen sibi sumit, non quidem utitur cera, sed mirabili quodam artificio plumbum conuertit in aurum: deinde pileos maximo uendit, præsertim purpureos, quibus amplificati emptores, passim in hominum coetu sese ostentant, & alacres per omnia loca uolitant, regumq; ferè sectantur aulas, & maximis fruuntur prærogatiuis. Obtinere enim, quot libet, sacerdotia, & sine sumptu quidem atq; dispendio: deinde, sunt eius ordinis, unde proximus est ascensus ad summum dignitatis gradum atq; sedem. Horum exemplo, Sorbonistæ Lutetiani suos etiam pileos diuendunt theologia cādidatis eorumq; sumptu epulatur splendidi. Sed hic scire uelim, quandò quidè Ioannem eius nominis octauū, fuisse sceminam, & tertio pontificatus anno filiū peperisse tradunt, scire inquā uelim, primum, an spiritus sancti numine fuerit electus: deinde num eius acta debeant haberi rata, quādò uidelicet aut cardinalatus aut episcopatus

1534 aut abbatias uendidit? postremo, quid sentiendum sit de charactere sacerdotali, quo fuit insignita? Sed ad institutum redeo, quod eo pertinet, ut ostendam, hoc negotiatorum genere nihil esse magis astutum aut captiosum in orbe terrarum. An non uidemus, quemadmodum imperia, regna, prouincias, urbes ac possessiones amplissimas ad se traduxerint? non saepe reges, principesque uiros redegerunt in ordinem, et spoliatos rebus omnibus in summas coniecerunt angustias? Nunc autem eo potentiae deuenerunt, ut haec omnia ui possideant, et coelum terrae misceri potius uelint, quam pati sibi quicquam auferri. O lupos insatiabiles: quam accurrate uos depinxerunt multis ante saeculis, tum prophetae, tum apostoli, Paulus in primis atque Petrus. Negotiatores reliqui neminem adigunt ad suarum mercium emptionem: hi uero cogunt inuitos, ut emant, et si quis recuset, haereticum esse clamitant. Moritur quispiam re ualde tenui, relictis liberis et uxore, lamentabilis nimirum casus, et uidua mulier liberalitate aliqua merito subleuanda: quid autem isti non modo non misereantur, sed mox ad praedam oculos adijciunt, et demurmuratis cantionibus atque Missis, epulum ac pecuniam deposcunt. Quid autem est iniquius, quam uendere rem non suam, imò uendere ijs, ad quos ea proprie pertinet, et quidē compluribus rem unam? Cedo, campanas quis fieri curauit atque conflari? solum et area templi ad quem, obsecro, pertinet? num illorum est patrimonium? minime: cur igitur sonitum campanae, cur solum alienum tam carè, tanque saepe diuendunt? Dicent, opinor, hoc esse ius ecclesiae fateor: sed non eius, quam Christus lauit, instituit, sanctificauit, uerum eius, in qua uersantur ipsi, quae furtis, rapinis et omnis generis est accumulata flagitijs. Nam Christus iubet haec omnia conferri gratis. Pertinendum est autem et elegans ualde spectaculum, uidere certantes inter se uultures cadauere. Cum enim aliquis re lauta deceßit è uiuis, mox illi conuolant, et in praedam pro se quisque totis uiribus incumbunt, hi praecipue, qui uulgo nomen habent à mendicitate, monachi. Nam Franciscani cum Dominicis, Carmelita uero cum Augustinensibus non raro digladiantur, condendi corporis atque sepulturae causa: genus hominum uidelicet ignauum, iners, et non inuitile modò, sed etiam graue cumprimis, et merito pellendum è republica. Haec quae dico, negari non possunt, et palam conspiciuntur, et

tamen



tamen sic infatuati sunt miseri mortales, ut, quo ducantur illi spiritu, 1 5 3 4  
 non intelligant. Cum sacerdotiū aliquod uacat aut prefectura, Deus  
 bonæ, quæ sollicitatio, qui concursus, quàm diligens inquisitio de pro=  
 uentibus annuis, quid absenti, quid præsentī conducatur: quantum ex in=  
 fantiū baptisimis, ex matrimonijs, ex diuorum, quas uocant, reliquijs,  
 ab amicuclarijs exequijs è sepulchris, ex legatis atq; testamentis cor=  
 radi possit optimum uerò est aucupium ex diuis illis, qui propter opi=  
 nionem alicuius potentie sunt formidabiles, et tanquam Veioles con=  
 ciliantur donis atq; uotis. Quid ad ista tam nefaria & impia conniue=  
 tis uiri principes: cur tantam indignitatem, tam patienter, tam longo  
 tempore dissimulatis? recusant illi quidem uestram cognitionem: sed  
 tamen habetis in ipsos reuera, uelint, nolint, imperium: Vobis enim à  
 Deo traditus est gladius & cohercendi potestas: quin eam exercetis i=  
 gitur, & in raptorum genus hoc immanissimum uindicatis? Requirit  
 hoc à uobis officium Deus, & neglectum non dimittet impunitum.  
 Utinā in eius celebranda gloria tam sitis uigilantes & excitati, quàm  
 sunt hi suis in negocijs tractandis, nec enim ullam prætermittunt occa=  
 sionem: stant in perpetuis excubijs uigiles & erecti, ne minus ocula=  
 ti, quàm Ianus pater aut Argus. Quòd si campanæ sonitus alicubi ex=  
 auditur, mox illuc accurrunt: si quis locupletior agetet, ingerunt se=  
 se, neq; discedunt nisi ablata præda: si nuptiæ peragantur, adsunt, &  
 super thoro geniali suas preces expediunt, casti scilicet homines ac in=  
 primis temperantes, qui in turpissimo coelibatu uiuunt, ut eò licen=  
 tius in omni nequitia bacchentur. Cæterum, quod de istis diximus,  
 ad meretrices quoque pertinet, quarum non unus est ordo: monia=  
 les & nonnæ uulgò dicuntur. Omnis autem ista colluies, dici non  
 potest, quantam & quàm foedam inuexerit idolatriam. Exurge tan=  
 dem Deus, & nominis tui gloriam, in cuius societatem nemo uenire  
 debet, ipse uindica. Quum eius, quam dixi, laniens factum esset ini=  
 tium, Nouembri mense, Lutetiam rex Ianuario post uenit, & pla=  
 candi numinis diuini causa, supplicationem facit ad templa diuorum, 1 5 3 5  
 incredibili hominum studio atque concursu. Colitur Lutetiæ Gene=  
 ues: uirgo, propè supra omneis alios diuos: huius quoq; simulacrum  
 in illa pompa gestatū fuit, quod non nisi durissimo tempore fieri con=  
 suevit, cum uel expiatur ultio diuina, uel summis copijs præliandum

Gene=  
 fa, Pari  
 siorū tus  
 telaris  
 Dea.

2535 est, uel cū sterilitas & inopia metuitur. tunc enim ad hanc, uelut ad supremam anchoram, & portum unicum salutis confugitur, & uulgò persuasum est, frustra nunquam eius auxilium implorari. Gestatur autem à lanijis, ueteri consuetudine, qui dies aliquot antè, ieiunijs atque precibus ad eam rem sese comparant: & præsto sunt apparitores atque ministri publici, qui uix magno molimine uiam patefaciunt. nam summa religione concurritur ad simulachrum, quando circumfertur, & bene secum agi putant, qui uel extremo digito, uel pileo, uel linteo possunt illud contingere. Peracta Missa, cū in uicina episcopi domo rex prandisset, præsentibus liberis exterisque legatis, & omni circumfusa nobilitate, orationem habuit plenam affectibus, dolorem suum, quem ex impiorum hominum audacia cepisset & improbitate, iustificatus: deinde, cū de sua in ecclesiam obseruantia prolixè differuisset, hortabatur omneis, ut ab hac tam pestifera secta sibi cauerent: nec enim ulli fore impunè, si quid deprehendat: & si quam sui corporis partem ista contagione seiret infectam, reuulsurum illam esse dicebat, ne longius serperet. Expiationis uerò causa producti fuerunt eo die sex, qui machinis illigati, sicut antè dictum est, diuersis locis, quaregi domum redeunti faciundum erat iter, exusti fuerunt, illo ipso temporis puncto, cū rex præterueheretur, igni succenso, & ipsis misericordiam illius atque gratiam implorantibus. Gallie fert consuetudo, ut post meridiem sumantur supplicia, de quibus oportet. ibi tum factò silentio, recitantur animaduersionis causæ: cū autem ob Lutheranismum, sicut ipsi uocant, in aliquem uindicatur, si uidelicet de iustificatione fidei, non operum, de non inuocandis diuis, de Christo solo pontifice & aduocato generis humani, uerba quis fecit, aut si quis fortè diebus uetitis carnem edit, nihil eiusmodi pronunciatur, sed generatim & uniuersè maiestatem lesisse diuinam, & in Mariam uirginem reliquosque diuos fuisse contumeliosus, & ecclesiæ, communis omnium parentis, decreta uiolasse dicitur. itaq; uulgò creditur, id genus hominibus in orbe terrarum nihil esse nocentius, nihil scelerosius: & ferè fit, cū iam flammis illi torrentur, ut populus etiam fremat, & in medijs cruciatibus, uelut impios. & aspectu solis indignos, execretur. Cū autem hoc ipso tempore Turcici legati essent in Gallijs, eoq; nomine rex in odium atque suspicionem uocari sese



sese per Germaniam audiret, illa quoq; supplicia, quæ diximus, mul- 1535  
 tos offenderent, Calendis Februarij dat literas ad Imperij principes Gallie  
 omnes & ordines, ac illud de Turcæ primùm excusat, & tacito no- regis lite  
 mine, quosdam ait annis iam aliquot, ad Turcam subinde misisse lega ræ ad  
 tos, & ab illo inuicem accepisse, non consultis ijs, quorum intererat Germa-  
 scire, quid agerent: illos nimirum non recusasse stipendium atq; uecti- nos.  
 gal annuum dependere Turcæ, quò peruenirent ad eum, quem animo  
 iam pridem conceperunt, dominatum: sibi uerò, si quiescere uelit à  
 bello, maximas à Turcæ proponi conditiones, uerùm eas adhuc qui-  
 dem se repudiare semper, & uelle, ut cæteri quoq; reges atq; princi-  
 pes in ea pace comprehendantur: id autem quò minus fiat, in causa es-  
 se illorum ambitionem, de qua Turcarum Imperator compertum ha-  
 beat, neque ferre possit ipsorum sic augescere potentiam, quæ post i-  
 psi futura sit inuidiosa: quòd si autem certus esse queat, suos intra fi-  
 nes quenque manere, nec aliena cum iniuria suam ditionem ampli-  
 care uelle, non dubium esse, quin ille remotis armis à nostris finibus,  
 in diuersos & longinquiores populos impetum sit factururus omnem:  
 in nobis igitur esse positum, ut tam potentem hostem sine cæde & san-  
 guine remoueamus: & sibi quidem optimum hoc uideri consilium, ut  
 pacis & induciarū incantur cum eo rationes, hoc præsertim tempore  
 quando multis & peruersis in religionem inuectis opintonibus, respu-  
 blica ualde sit dilacerata: quòd si Clementi vij. Deus usuram lucis ma-  
 gis diuturnam dedisset, disidiū hoc omne religionis potuisse compo-  
 ni: multum enim sibi cum illo super ea re sermonem fuisse, nec aliud  
 quicquam tunc obstitisse, quò minus conciliū indicereur, quàm quòd  
 Cæsari promiserat, in Italia illud habere: cùm ipse contrà sentiret, &  
 quandoquidem pacata non esset Italia, Cæsar etiam atq; ille copias ibi  
 haberent, neq; dum sublata esset armorum causa, ut in Germania con-  
 cilium cogeretur, contenderet: nam neq; sibi propter belli suspitionē,  
 neq; Germanis omnibus propter diuersam religionis professionē, tu-  
 tum esse in Italiam armatam accedere: uerū tamen, quod Clemente  
 pontifice fieri non potuit, ut id Paulo iij. ductore bene succedat, opta-  
 re se plurimum. In huius deinde commendationē atq; laudem ingres-  
 sus, ait nullam in ipsius creatione uitium, nullam interuenisse largi-  
 tionem, nec esse cur ea metuat ille, quæ nonnullis metū adferre solent,

2535 quò minus legitimè sese cognitioni sistant: & quanquam fuerit non difficile, suæ gentis aliquem eò promouere dignitatis, tamen suasisse cardinalibus, qui suam tunc sequebantur auctoritatem, ut hunc deligerent: & cùm deinde creatus esset, rogasse per literas atq; legatos, ut loco tuto & idoneo concilium primo statum tempore conscriberet: ut itaq; bono sint animo, neque de conciliatione religionis animum despondeant, hortatur: nec enim ulli se labori suo parciturum esse: declarant ipsi modò, quid se uelint apud pontificem perficere. Pòst, alterum eximiationis caput diluit, & uel contra suum institutum atque naturam seueram se fuisse dicit in homines quosdam audaces atq; facinorosos, qui sub religionis prætextu, reipublicæ moliebantur excidium: itaq; ne longius hæc contagio serperet, grauius in illos uindicasse more maiorum: iam uerò, si quis in eo numero fuisset deprehensus homo Germanus, eodem loco se habiturum fuisse illum, quo ceteros: etenim, si qui suæ ditionis atq; gentis in ipsorum finibus aliquid simile perpetrassent, non se recusare, quò minus in ipsos acerrimè uindicetur: sed neminem esse reperiū Germanicæ nationis, affinem huic impiæ societati, quod sibi periucundum acciderit: itaq; suum regnum atque domicilium ipsum patere Germanis, non minus quàm Gallis: huius autem obtrectationis authores id agere solum, ut Galliam à Germania diuellant, astuto nimirum & insidioso consilio, ut per disfidium illud, & in his offensionibus, ad optatum ipsi finem perueniant, & utrisq; dominantur. Vere primo, Lantgrauius ad Ferdinandum regem proficiscitur, ut anno superiori conuenerat, integræ reconciliationis causa. Erat tum apud Ferdinandū, Roma nuper à pontifice reuersus Petrus Paulus Vergerius, & per hanc occasionem mandata sua de concilio, sicut antè diximus, Lantgrauio exponit: ille, summo ad deliberandum spacio, nihil tum aliud respondit. Vergerius deinde, sicut iussus erat, ad reliquos principes profectus, negocium suum agebat. Aliquo uerò mensibus pòst Lantgrauium Vrichus etiam princeps ad Ferdinandum regem ibat. Quod constitutum fuit, ut supplices ueniam ab ipso peterent, id Ferdinandus, cùm singuli diuerso tempore uenissent, remisit. Vrichus autem, illud, quo cautum erat, ut esset Austriacæ domus beneficiarius, indignissimè ferebat, eòq; nomine tum Lantgrauio tum intercessori Saxoni grauius erat offensus,

Lantgrauius ad Ferdinandū reconciliatio- nis ergo.



& diu multumq; deliberauerat, an factam pacem ratam haberet, an  
 minus tandem persuasus ab amicis, ad Ferdinandū ex pacto sese con=  
 tulit. Caesar Aprili mense Barchinone soluit, & in Aphricam cū exer=  
 citu profectus, cum Tunetem urbem & arcem Goletam cepisset, regē  
 eius loci Mulcassē, Mahometanæ religionis, quem Turcicus lega=  
 tus Barbarossa sinitibus eiecerat, restituit, sibiq; uectigalem facit, arce  
 communita ualido præsidio, post in Siciliam nauigat. Ad hoc bellum  
 Paulus Pontifex ei misit auxilio triremes aliquot instructas, Virginio  
 Vrsino ductore, simul, ut ordini ecclesiastico per Hispaniam impera=  
 ret decumas, permisit. Barbarossa, nostrorum incuria & errore dila=  
 psus, Hipponam, inde Argieram confugit, classēq; reparauit ac By=  
 zantium discessit. Erant in Anglia Ioannes Fischerus, episcopus Ros=  
 sensis, & Thomas Morus, uterq; celebris et eruditione clarus: et illius  
 quidem multi sunt aduersus Lutherum editi libri, Morus etiam, dum  
 regni fuit Cancellarius, qui præcipuus est ibi magistratus, in suspe=  
 ctos de Lutheranismō grauiter animaduenterat. Hi neq; diuortium  
 regis probabant, & multo minus decretum illud, quo, pontificis ab=  
 rogata dignitate, profitebatur se caput esse totius per Angliam eccle=  
 siæ: capti igitur, cū in sententia permanerent, huius anni mense Ia=  
 lio, capite mulctati sunt. Captiuum Rossensem pontifex creauit car=  
 dinalem, eaq; res odiū regis amplius accendisse creditur. Sub finem de  
 inde mensis Octobris, Mediolani princeps Franciscus Sfortia decedit  
 e uita, non relictis liberis. ea res noui belli dedit occasionem, ut infra  
 dicemus. Interea Caesar e Sicilia Neapolim uenit, & literis inde datis  
 ultima die Nouembris, ad Protestantes, pacem Noribergicam scrua=  
 turum quidem, sed audire se dicit, ipsos inuadere & occupare ponti=  
 ficiorum bona, et cū in iudicium idcirco uocentur, obducere pacem  
 illam atq; transactionem Noribergæ factam, nec illos restituere: quod  
 sibi & minus æquum uideatur, & non possit non esse molestum atq;  
 graue. Ad hoc ferè tempus elector Saxonie princeps ad Ferdinandum  
 regem iuit in Austriam, & rebus ibi confectis, quarum rerum causa  
 profectus erat, cū Pragam uenisset, urbem Bohemiæ primariam, do=  
 mum rediturus, interpellatus fuit à Petro Paulo Vergerio, quem pon=  
 tifex Paulus cōcilij causa miserat in Germaniam, ut supra docuimus.  
 Is mandata sua refert, hoc nimirum esse tempus illud toties optatū su

Caesaris  
 in Aphri  
 cam ex  
 pedirio.

Rossen=  
 sis & Mo  
 rus capi  
 te mul=  
 ctati.

Francis  
 cus Sfor  
 tia mori  
 tur.

Saxo ele  
 ctor in=  
 terpellia  
 tus à Ver  
 gerio.

153 turi concilij: hunc enim pontificem, Cæsarem atq; regem Ferdinandum, ista cogitatione & solitudine cum primis affici, quemadmodum ad Christi gloriam & ad hominum salutem omnia conferantur: eandem etiam cæterorum principum esse uoluntatem: pontificem quoq; suos huc illuc emittere iam legatos, non quidem ad speciem, sed serio & reuera, nec illos imitari, qui magna sepe polliciti, diuersum ab eo quod profiterentur, egerint: ipsius autem hoc esse præcipuum & unicuique propè studium, ut ad rem & actionem quam primum ueniat, ut concilium sit pium, liberum, ad quod omnes populi conueniant: quod ad locum attinet, pontifici grauib; de causis Mantuam solam placere: de forma & modo futuræ actionis nõ esse iam, sed in ipso conuentu disputandum: ipsos iam antea semper desiderasse legitimũ concilium, & placere sibi quod ea de re scriptum ediderunt: eiusmodi uerò concilium à pontifice nunc representari: Cæsarem etiam atq; regem nihil esse reliqui facturos ad summam in eo diligentiam: quod si iam ipse unus recuset, fore, ut plerique omnes putent ei nullam actionem placere: Clementem septimum aliquot proposuisse conditiones, hunc uerò, nullas: itaque pauciores nunc esse recusandi causas: quæ sit reliquorum principum in eo mens atque uoluntas, liquidò sibi constare: nam sollicitasse omnes: pontificem sanè sic ardere totum, ut nisi perficiat, uita sit illi futura non iucunda: & sua quidem opinione iam esse in itinere nuncios ab illo, qui concilium indicant: nunc ergo tempus ipsum postulare, ut, quantopere gloriam nominis diuini & reipublicam amet, ostendat: si enim assentiatur, fore, ut tanto maiori cum fructu negotium tractetur: sin autem recuset, nihilo tamen secius concilium inchoatum iri: præsentem igitur occasionem minimè omnium esse negligendam, quam uix ullo deinde tempore sit recuperaturus: ueruntamen, etiam si nihil agat ipse, neque concilium adiuuet, ipsum tamen Christum non esse desuturum: quod si ampliorem etiam desideret explicationem, non se recusare. Ad ea Saxo, re cum socijs communicata, se responsurum ait, simul reliquo sermone confecto, petit, ut quæ dixisset, literis completatur, sibiq; tradat: ille igitur calendis Decembris exhibito scripto, quædam prolixius & aliter declarat: pontificem misisse diuersos legatos ad omnes reges, concilij causa, se uerò missum ad Romanorũ regem Ferdinandũ & ad Germaniæ principes

Scriptũ  
 Vergerii



pes: & Cæsari quidem atq; regi placere concilij locum, Mantuā: nec  
 in eo quicquam esse noui: nam & ante biennium ita fuisse uisum Cæ-  
 sari, suamq; uoluntatem misso in Germaniam legato declarasse: nec  
 esse cur sententiam mutet, imò, cur in ea permaneat, nō unam subesse  
 causam, hanc uerò potissimum, quod sacramentarijs, anabaptistis &  
 id genus alijs sectis Germania redundet, neq; sit tutum exteris natio-  
 nibus eò proficisci: nam illos magna sui parte insanire, nec rationem  
 ullam adhibere: quanti sit autem res periculi, eò uenire nullo cū præ-  
 sidio, & ipforum ibi condemnare furorem & immanitatem, quis nō  
 uideat? eos uerò, qui pōtificem existiment à suo iure, quod longo iam  
 tempore sit confirmatum, uelle discedere, plurimum falli: qui Cæsare  
 quoq; credant, inuito pōtifice, prouinciæ Germaniæ conciliū habitu-  
 rum esse, frustra sperare: nam ad concordiam non esse uiam aliam ex-  
 peditiorem, quā ut publicum fiat & omnium populorum commu-  
 ne concilium: quod quidem etiam si nonnulli recusent, pontificem ta-  
 men esse progressurum, omni reiecta in Christum fiducia, cuius ibi ne-  
 gocium agat: neq; uerò defuturos illi reges atq; principes, de quorum  
 erga tam pium opus uoluntate compertum habeat: & quia re cum so-  
 cijs communicata se responsurum dixerit, orare, ut id quamprimum  
 faciat: se nunc ad Ferdinandum regem proficisci, atq; ibi responsum  
 ab ipsis expectare uelle: quod etiam de cautione & fide publica roga-  
 rit, & si forte sit in Italiam eundū, non literis modò cauendū, sed ob-  
 ses quoq; dandos esse dixerit, non sibi causam apparere, cur ita fieri  
 oporteat: nam esse Mantuam imperij ditionis urbem, uicinam Ger-  
 maniae, propinquam & Cæsaris & Venetorū finibus: itaq; nihil esse  
 periculi: sed tamen petentibus neq; Cæsare neq; sanè pontificē, quan-  
 tum quidē ipse possit atque soleat, hoc esse denegaturum. Paulo suprà  
 diximus, quemadmodum à pontifice fuerit in Germaniam remissus  
 Vergerius. Cū in ea legatione Lutherum quoq; Vuittembergæ con-  
 uenisset, ac è Saxonia rediret ad Ferdinandum regem, in itinere Saxo-  
 niem, ab illo reuertentem, offendit. Erat iam antea dies dictus, Decem-  
 bris dies sextus, quo Smalcaldiae conuenirent protestantes, alijs de cau-  
 sis: cū autem hæc interim legatio superuenisset, habita deliberatio-  
 ne, Decembris die xxi. per literas respondent. quid Pragæ sit actum,  
 ab electore principe se cognouisse: & licet nō omnes habeant in man-  
 datis,

Protes-  
 tantium  
 respon-  
 sio ad  
 Verge-  
 rium.

1535 datis, ut agant, nec enim omnibus denunciari potuisse tam breui tempore, suum tamen hoc esse ad ipsius postulata responsum, non quidem tam exactum, quàm res ipsa postulet, sed nudum & apertum, præcipuè, quum ipse quamprimum sibi responderi cupiat. Et primo quidem, quid sit ipsorum de concilio uoluntatis, iam antea se declarasse non unis comitijs, & ante biennium, Caesaris atq; Clementis vij. legatis exposuisse: nam se quoq; reipublicæ & communis omnium salutis causa, legitimè optare concilium & cum reliquis principibus hac à Cesare flagitasse, qui & ipse iudicari hoc esse necessarium: non dubitare etiam, quin omnes pij tale concilium requirant, quod reipublice mederi possit atq; prodesse: multis enim uiris bonis dolere plurimum, iniusta quorundam crudelitate ueram atq; salutarem doctrinam opprimi passim, & ecclesiæ membra dilacerari, & manifesta uitia confirmari: talem uerò seuitiam non illos decere, qui præfecti sint regendis ecclesijs: futurum etiam, nisi caueatur, ut hac agendi ratione prorsus deuantentur Ecclesiæ: quapropter, si unquam aliàs, nunc maximè opus esse concilio, ut & inueterata uitia tollantur, & iniusta uis atq; crudelitas coerceatur, & in posterum Ecclesiæ rectè constituantur: non ergo se defuturos reipublicæ & libenter ad etiusmodi concilium esse uenturos, ut in Imperij comitijs non semel decretum sit: precari quoq; Deum, ut ad ipsius gloriam & ad hominum salutem omnes conferantur actiones: quòd uerò Mantuam pontifex delegit, omnino se sperare, Caesarem in eo non esse discessurum ab Imperij decretis, nec à suis etiam promissis, quando cautum fuit, in Germania cogendum esse concilium: nam quòd periculosum esse in Germaniam uenire, neq; liberè posse ibi pronunciari dixerit, hanc ipsam nimirum esse causam, cur in primis ibi conueniri oporteat, quò uidelicet rectè & ordine disceptentur controuersie, & libera sint iudicia, neq; per uim aut factiones absterreantur uiri boni, quò minus liberè sententiam dicant: quid autem esse queat in Germania periculi, ubi principes omnes atq; ciuitates uni Cesari parent? ubi ciuitates ita sunt constitutæ, ut exteros ab omni iniuria defendant & magno studio cōseruent? quod pontificem dicat, more consueti, & quantum ipse possit, uenturis ad concilium esse prospecturum, ignorare se, quomodo sit hoc intelligendū, præsertim, cum ad superioris ætatis facta respiciūt: rempublicā Christi-



fiam opus habere pio liberoq; concilio, seq; ad eiusmodi conuen=  
 tum prouocasse: iam uerò cum ipse dicat, non esse de modo seu forma  
 tractandum actionis, nec obscure præ se ferat, ad pontificis hoc perti=  
 nere potestatem, non se uidere, quæ sit ibi futura libertas: ante bienniu  
 à Clemēte septimo promissum fuisse conciliū, adhibitis conditionibus  
 ualde captiosis: nunc autem id quod præcipuum est, quod concilij li=  
 bertatem & cognitionis modam atq; formam complectitur, partim  
 insidiosè prætermitti, partim ad pōificem referri, cuius esse dicat de=  
 nunciare & peragere cōcilia: pontificem uerò, qui doctrinam ipsorū  
 atq; religionem toties damnarit, esse manifestum aduersarium: at si  
 iudicium permittatur aduersario, iam sanè conciliū non posse esse li=  
 berum, in quo uidelitet de uoluntate Cæsaris, regum atq; principum,  
 ex omni numero deligendi sint homines idonei, qui iuxta uerbū Dei  
 causam cognoscant atq; definiant: concilia enim esse nō pontificis mo=  
 dō, sed aliorum etiam ordinum Ecclesiæ tribunal atq; iudicium: nam  
 & sacris literis & ueteris ecclesiæ demonstrari posse exemplis, adhi=  
 bitos fuisse concilijs atq; cognitioni uiros principes olim & alios or=  
 dines: quod autē Ecclesiæ totius authoritati, pontificis nonnulli præ=  
 ferant potestatem: iniquum esse & tyrannidis plenum: Cæsaris enim  
 esse & reliquorum ordinum, interponere suum ius in concilijs, & de=  
 ligere uiros peritos, præsertim in hisce causis, ubi errores impugnan=  
 tur pontificij, falsa doctrina nimirum & impius cultus: hoc enim &  
 iuris pontificij licere testimonio: cumq; sit communis hæc omniū cau=  
 sa, & ad uniuersam rempublicam pertineat, Cæsaris atq; principum  
 esse providere, ut rectum fiat iudicium: nam & quosdam episcopos, à  
 suis populis, & pontifices, à Cæsare simul & Ecclesia, propter erro=  
 res atq; pertinaciam olim fuisse condemnatos: hac autē ætate de mul=  
 tis & arduis rebus acrem esse dimicationem, quas pontifex nō uerbo=  
 tantum, sed impijs etiam & crudelibus edictis defendat, & in eos, qui  
 non obtemperant, acerbissimè uindictet: cum ergò sit aduersarius &  
 alteram litis partē sustineat, rem ipsam flagitare, ut Ecclesia tota, Cæ=  
 sar aliq; reges interueniant, & actionis futuræ modum præfiniant:  
 quod igitur adhuc semper fecerint, idem nunc etiam orare, ut institua=  
 tur actio sincera: nam & equū, & sacris literis atq; etiā Ecclesiæ ue=  
 teris hoc esse consentaneū exemplis: & si res ad eum modum agatur,

non

1 5 3 5 non se defuturos, ac sperare, fore ut & ueritas patefiat, & gloria Chri-  
 sti celebretur, & ecclesiæ suæ restituatur tranquillitas: quod si secus fi-  
 at, non dubium esse, quin multò sint orituri grauiiores motus: se qui-  
 dem non esse neglecturos ullo tempore communem rempublicam, &  
 sicut à uera doctrina recedere non possint, ita etiam alijs in rebus o-  
 mnia facturos esse concordie causa. Gallie rex, qui iam planè consti-  
 tuerat in Italia belligerari, legatum misit Gulielmum Bellaium Lan-  
 geum ad hunc Smalcaldie conuentum. Is xix. die Decembris oratio-  
 nem habuit, & primò de supplicijs regem excusat. illum animaduer-  
 tisse quidem in suæ ditionis quosdam: sed hoc ad ipsorum iniuriam  
 nullam pertinere, tametsi maleuoli dicant, quum illos è medio sustu-  
 lit, ipsorum quoque causam ueluti præiudicio quodam condemnasse:  
 rogat autem, ne tam ineptis calumnijs moueantur, & rem omnem di-  
 ligenter secum expendant: etenim in Germania multos ab ipsorū do-  
 ctrina prorsus abhorreere, quosdam non omninò subscribere, sed &  
 ipsos, qui sint eiusdem doctrinæ, non semper idem sensisse: quod nunc  
 autē idem profiteantur, pergratum esse regi: non se dubitare, tantam  
 ipsorum esse modestiam & humanitatē, ut nemini uelint præscribere,  
 neq; hoc sibi sumant aut arrogant, ut ad suam religionem etiam inui-  
 tos adigant: regem solere de ipsis amanter & perhumaniter loqui, &  
 ab ipsis agnoscere quædam esse sanctissimè declarata, sed moderatius  
 quædam fieri uoluisse: uidere quidem illum, & longinquitate tempo-  
 ris, & hominum indiligentia, & superstitione, ceremonias in Eccle-  
 siam obrepisse quasdam inutiles atq; superfluas, uerū ut omnes  
 idcirco promiscuè tollantur, absq; decreto publico, minus ei placere:  
 ceremonias enim esse uelut adiutrices atq; pedissequas religionis, &  
 singulis fuisse temporibus, et in eos, qui uiolassent, grauiiter atq; seue-  
 rè semper esse uindicatums: & cum rusticorum seditionem ipsi totis ui-  
 ribus oppresserint, cum anabaptistas coherceant, cum sine causa nihil  
 facere uideri uelint, cur non idem de rege amico statuunt? cur non co-  
 gitent, graues omninò fuisse causas & summam necessitatem, quam  
 obrem in suos animaduertit, etiam si fortè quidam minus fuerint no-  
 centes: cuiusmodi enim sint illorum flagitia, nō esse huius loci cōme-  
 morare: quædam enim plerunq; fieri, quæ, ne cum facta quidē sint,  
 scire ab omnibus expediat, cur ita facta sint, & pro temporis condi-

tione

Legati  
 Gallici  
 oratio  
 Smalcal.



tione remitti, nonnunquam etiam augeri poenam: ipsi quidem regi, 1 5 3 5  
 cuius tam latè pateat imperium, non ad præsens modò tempus, sed ad  
 futurum etiam respiciendum, & prouidendum fuisse, ne sua lenitate  
 plurimorū improbitati fenestram patefaceret: cūq; natura sit & e-  
 ducatione mansuetus & perhumanus, necessitate coactum, uicisse na-  
 turam, & aliam ad tempus induisse personam: & sicut differentes de  
 quaq; re libenter audiat, sic etiam illis offendi, qui temerè quid moli-  
 untur, nec ad eos referunt, quorum est definiendi potestas: illos uerò,  
 de quibus poenam sumpsit, nō idē quod ipsi, uerū longē sensisse di-  
 uersa: Iam, quod ad ipsorum attinet doctrinā, regem existimari, quic-  
 quid eius rei fecerint, cōmuni factum esse cōsilio: cuiusmodi uerò sint  
 ipsorum dogmata, in medio relinquere: nam in rebus tam arduis nol-  
 le sibi iudicis personam præ cæteris arrogare, et utrobq; esse aliquid,  
 quod & probari possit & improbari: nimirum sic esse comparatum,  
 si penes eundem sit & asseuerandi & iudicandi potestas, ut falli quis  
 & errare possit. Beneuolentiam deinde captat, & illos refellit, qui  
 Germanis dicebant esse cauendū ab exteris legationibus: nam ad ipso-  
 rum hoc pertinere detrimentum atq; seruitutem demonstrat: etenim  
 nullius populi tantas esse uires, ut diu stare possit atq; florere, nisi finē  
 timorum sit amicitia munitus & societate: sed perantiquam esse Gal-  
 liæ regum et Imperij principum coniunctionē, & utriusq; gentis ean-  
 dem esse stirpem & originem, & propter situm atq; propinquitatē,  
 non usui tantū atq; præsidio, sed ornamento inuicem esse posse: Re-  
 gem igitur, quum Germanis inter se minus cōuenire, audit, dolere plu-  
 rum, & quantum quidem ipse possit, conciliationi studere: non se-  
 mel etiam esse ueritum, ne dissidium hoc religionis, luctuosum aliquē  
 haberet exitum: & quia conuenisse iam ipsos, tuendæ suæ dignitatis  
 causa, nec etiam eos, qui sint diuersæ religionis, ab ipsorum acceperit  
 excludi contubernio, spem habere illum permagnam fore, ut ea res ad  
 opinionum atq; doctrinæ conciliationem, aditum faciat: his itaq; de  
 rebus admonitum, uoluisse per legationem, quid sui sit consilij, de-  
 monstrare: nimirum, quia temporum hic sit status, ut commune li-  
 berūque concilium adhuc quidem cogi non possit, optimū regi ui-  
 deri, si Germani conueniant interim omnes, & collatis sententijs ra-  
 tionē incant concordie, quæ faciliē sarciri possit, modò nihil obstinate  
 fiat,

1535 fiat, & errore deprehenso non pigeat mutare sententiam, & cedere  
 meliora docenti: si quidem hoc fiat, regem ipsis in eo futurum esse so-  
 cium & adiutorem: nam & Paulum tertium pontificem interpella-  
 tum à rege super eo, fateri, non sic esse traditionibus humanis insister-  
 dum, ut non pro conditione temporis, et publicæ quietis causa muta-  
 ri possint, & si rectè atq; ordine omnia fiant, profiteri, multa se tem-  
 poribus, multa communi concordia permissurum esse: quod si ipsis  
 etiam placeat, ut delecti aliquot Gallia viri docti & periti rerum sa-  
 crarum intersint huic actioni, uel, si quos ipsi de suis in Galliam mit-  
 tere uelint ea de causa, longè hoc illi fore gratissimum, & ipsorū hoc  
 arbitrio totum permittere: quod superest, hortari, ut pacem inter se  
 colant, seseq; muniant coniunctis animis: id enim ad externam quoq;  
 pacem pertinere, & regem quidem ipsorū hostibus unquam nec ope  
 neq; consilio adfuturum esse, modò, quòd adhuc fecerunt, in eadem er-  
 ga illum uoluntate permaneant. Initio huius libri diximus de Came-  
 re iudicibus, qui præter edictum Cæsaris, litem protestantibus moue-  
 bant, sic autem res habet. Hi, quos dixi, iudices, erant pleriq; omnes  
 religionis pontificiæ, & cum post bellum Austriacum in Italiam Cæ-  
 sar redisset, ab ecclesiasticis interpellati, qui de protestantibus queri-  
 moniam haberent, in ius illos uocabant. & licet protestantes excipe-  
 rent, affinem esse religioni controuersiam, edictoq; Cæsaris compres-  
 hendi testificarentur, qui litem omnem & actionem ex religione ita-  
 tam suspenderat, illi tamen, his omnibus reiectis, pergebant nihilo mi-  
 nus. itaq; protestantes datis in Italiam ad Cæsarem literis, de sua mo-  
 lestia queruntur, & alterum impetrant ab eo mandatum: illi uerò Cæ-  
 sari rescribunt, nescire se, quemadmodum agi debeat, aut quomodo sit  
 ipsius parendum mandatis: litigatores enim inter se nō raro discepta-  
 re, quæ sint religionis causæ, quæ minus: quid igitur ipsius in eo sit uo-  
 luntatis, renunciari sibi petunt. Ad ea Cæsar respondet, ipsq; potesta-  
 tem facit, ut, cuiusmodi sint causæ, cognoscant, utrum ad religionem,  
 an aliò pertineant. hanc adepti facultatem, pergunt alacriter, non so-  
 lum in mixtis, uerumetiam in merè religiosis causis, & non modò, si  
 quid ablatum esset ecclesiasticis, reddi, uerumetiam Missas & omnē  
 alium ritum atq; cultum pontificium restitui iubent. Cum autem ele-  
 ctor Saxonie princeps, alijs de causis Cadamum uenisset per id tem-

Camera  
 les nego-  
 cium fa-  
 celsunt  
 Prore-  
 stantibus



pus ad Ferdinandum regem, queritur, quid sibi, quid socijs accidat. et cum de cæteris rebus inter ipsos conuenisset, ut suprà diximus, Ferdinandus edictum Cæsaris confirmat, & factam pacem obtinere iubet, & Camera mandat, ut ab omni superseceant actione: sed illi nihilo eo commoti, procedunt. protestantes igitur explicatis causis, illos, uti si-  
 spectos & aduersarios, more solenni recusant, & arbitros designant, Henricum Megelburgium, Robertum Bauarum, Christiernum Holsa-  
 tie principem, Georgium Vuirtembergicum, Augustanũ atq; Vuor-  
 maciensem senatum, aut quosuis alios, homines æquos, qui de causis  
 recusationis cognoscant, utrũ legitimæ sint, an minus. Nam ipsorum  
 procuratores, offensionibus atq; metu deterriti, mussabant, neq; cau-  
 sam, ut erat necesse defendere audebant. Illi autem, interposito decre-  
 to, recusationem hanc, ut iuri scripto & legibus Imperij contrariant,  
 reiiciunt, & irritam pronunciant. Venit deinde Saxo Viennam, ad  
 Ferdinandum regem, ut antè diximus, & nouum rursus mandatum  
 impetrat. sed & hoc frustra fuit, ut infrà dicitur. Et quia pacem Cæ-  
 sar adusq; concilij tempus modò, largitus erat, aut ad proximum usq;  
 conuentum Imperij, Saxo rogauerat Ferdinandum, ut posterius hoc  
 omitteretur: deinde, petierat, qui non essent pacis Noribergicæ socij,  
 & tamen eandem cū ipsis doctrinã celebrarent, ut eiusdem essent con-  
 ditionis, qua reliqui, neq; lis ulla forensis in ipsos moueretur. Adhæc  
 Ferdinandus, nisi de uoluntate Cæsaris, nihil in eo se mutare posse re-  
 spondet. Saxo contrà, periniquum esse dicebat, aduersarijs licere, quo  
 uelint tempore, à pace discedere, sibi uerò socijsq; facultatẽ hanc eri-  
 pi: nec enim suis rebus esse consultum, ut obscura spe & cæca expecta-  
 tione suspensi pendeant et incerti: futurũ etiã, ubi primum denuncia-  
 bitur Imperij conuentus, ut hoc ueluti signum non seruandæ pacis, et  
 clasicum esse putetur futuri motus: qua quidẽ ex re multũ oriri pos-  
 sit incommodi: quod si etiam doctrinæ socij non habeant pacis illius be-  
 neficium, et fortè proscribantur aut alioqui grauentur, sibi reliquisq;  
 durum esse futurum, ad ea conuiuere, & deserere perichitantes. Eo ser-  
 mone nihil amplius profecit: hoc solum addebat ex primis Ferdinan-  
 di cõsiliarijs quidam, longũ adhuc superesse tempus ad Imperij cõuen-  
 tum, nisi fortè grauior incidat aliqua deliberatio: cumq; in eum casum  
 res adducetur, ut sint habenda comitia, fore, ut de ipsis atq; etiam de

Protestã-  
 tes Ca-  
 meram  
 recusant

Saxo a-  
 git cum  
 Ferdi-  
 nando:

1835 Lantgrauj consilio fiat. sic ergo quicquid ille. Cum pacis confirmatio-  
nem petcret, Ferdinandus respondit. se quidem anno superiori, sicut  
Cadami pactum erat, Camera iudicibus mandasse, ut desisterent: illos  
uero dicere, causis religionis admisceri quasdam alias & merè pro-  
phanas actiones atq; ciuiles, quæ sint omnino ipsorum iurisdictionis:  
nec enim ad fidem seu religionem eas pertinere, sed ad uectigalia &  
prouentus annuos. Huic Saxo respondet. has esse illas ipsas actiones  
atq; causas, quamobrem inducias atq; pacem tantopere sçigitarint: &  
licet ad bona pertineant siue possessiones, manare tamen illas ex reli-  
gione: per intercessores etiam principes, Moguntinum atq; Palati-  
num posse doceri, de huius generis causis, cum ageretur de pace, men-  
tionem esse factam: ceteras enim causas, quæ propriè ad fidem atq;  
conscientiam pertinent, nullo unquam tempore fuisse iurisdictionis  
Camerae, neq; sibi socijsq; fuisse necesse interpellare Cæsarem, ut hoc  
nomine silentium illis imponeret: deinde, Camera multò ante paci-  
ficationem Cadamicam contendisse, causas eiusmodi non esse affines  
religioni, atq; idcirco tunc inter alia Cadami fuisse cautum, ut ipsius  
regis interueniret authoritas. His ita tractatis, rex tandem assensit at-  
que promissit, effecturum se, ut in omnibus causis, quas ipse atq; socij  
pacis Noribergicæ, tanquam religionis causas defendant, supersedeat

Protectū tur. Ad ea, quæ legatus Gallicus dixerat, ut suprà recitauimus, respon-  
tium re- sum fuit. eisi de supplicijs illis uarijs sint rumores, tamen, quia sedi-  
sponsio tionem illos excitare uoluisse dicat, non esse, quòd regis institutum i-  
ad lega- pso reprehēdant, qui neq; suis in finibus id genus homines patiantur:  
tum Gal- ueruntamen, cum de receptis dogmatibus atq; ritibus non idem omnes  
licum. ubiq; sentiant, orare se regem, det operam, ne promiscuè sæuiatur in  
omneis, & ut illi seruentur, qui demonstratis erroribus atq; uitijs,  
puram euangelij doctrinam, quam in Augustæ comitijs ipsi professi  
sint, amplectuntur: negari enim nullo modo posse, multas in eccle-  
siam opiniones falsas & impias inuasisse, quas homines indocti atq;  
maleuoli magna credulitate defendant, quæstus atque potentie reti-  
nende causa: nimirum hos ipsos artificio quodam singulari multa se-  
pe crimina confingere in homines innocentes atq; pios, ut regum ani-  
mos exacuunt: sed cum propriè sit hoc regum atque principum mu-  
nus, ut gloriam Dei querant, ut ecclesiam ab erroribus repurgent, ut  
iniustam



iniustam crudelitatem reprimant, orare se uehementer, ut in istam curam potentissimus rex totus incumbat: hoc enim si faciat, existimatu= 1 5 3 8  
 ros amico ipsum atq; beneuolo in se esse animo, quod tum sibi, tum ec=  
 clesie scilicet atq; faustum esse cupiant: de uetusta Gallie regum atque  
 perpetua cum Imperij principibus amicitia, periucundum sibi sermo=  
 nem ipsius omnem fuisse: daturus quoq; operam, ut ista necessitudo  
 mutuaq; beneuolentia deinceps confirmetur: quod regem de nonnul=  
 lis rebus purgatum esse uelit, facile hoc ab se impetrari, & cupere in=  
 primis, ut concordiam publicam Deus largiatur, & multo sanguine  
 partam olim Germanie libertatem tueatur atq; propugnet: illud ue=  
 rò, quod de conciliatione dogmatum dixerit, paucis uerbis explicari  
 non posse: Regem tamen pro sua prudentia facile uidere atq; intelli=  
 gere, dissidium hoc omne natum esse ex aduersariorum obstinatione,  
 qui doctrinam hanc omnem acerbissime condemnarint: se quidem  
 plurimis nunc annis nihil aliud flagitare, quam ut de re tota legitimo  
 concilio disceptetur, sed pontificem eiusq; clientelam totis uiribus hoc  
 impedire: futuri concilij conditiones aliquot à Clemente septimo fuis=  
 se propositas, uerum eius generis, ut satis apparet, eum non posse fer=  
 re liberam cognitionem: hunc uero pontificem, etsi concilium promit=  
 tat, tamen de forma, deq; modo nolle tractari: deinde, indicare illud  
 extra fines Imperij: qua quidem ex re facile uideri possit, dolum sub=  
 esse ac imposturam, & hoc solum agi, ut sub nomine concilij uera do=  
 ctrina deleatur: cum autem non sit solius episcopi Romani, denun=  
 ciare concilium, sed ad reges etiam atque principes ea res aequè perti=  
 neat, obsecrare se regem, efficiat, ne uiolentum aliquod cogatur con=  
 cilium in loco suspecto & periculoso, uerum, ut de rebus tam arduis,  
 quæ totius ecclesie salutem atq; pacem continent, quæq; priuatim ad  
 singulos pertinent, liberè cognoscatur: hoc uidelicet nomine, nō hanc  
 ætatem modò, sed omnem quoque posteritatem ei plurimum deuin=  
 ctam fore, & gratias habituram immortales ob tantum acceptum be=  
 neficium: quod autem de communicatione doctorum hominum in  
 medium adduxerit, opus habere magna deliberatione: plerumq; eti=  
 am, ut in re improuisa, nullum à suis habere eius rei mandatum: ubi  
 primum ergo constitutum aliquid in eo fuerit, per epistolam esse renū=  
 ciaturos regi: nihil enim desiderare magis, quam ut doctrina salutaris

1 5 3 5 quàm longissimè propagetur: postremū illud ubi regē nihil opis in i-  
 pso laturū esse dixit, magna se cū uoluptate audisse: quamobrē se quo-  
 que in ijs rebus omnibus, quæ ad Cæsarem et Imperium nihil attinēt,  
 nulli daturōs in ipsū auxilia. Legatus idem egerat priuatim cū Pon-  
 tano, cum Melanchthone, cum Lantgrauianis & Iacobo Sturmio, de  
 multis dogmatis, & quæ regis esset de singulis opinio, quæ theologo=  
 rum sententia per Galliam, Lutetiæ præsertim, explicabat, de prima=  
 tu pontificis, de cœna Domini, de Missa, de mortuorū inuocatione, de  
 statuis, de libero arbitrio, de purgatorio, de iustificatione, de uotis mo-  
 nasticis, de cœlibatu sacerdotū. In plerisq; dicebat regem esse non a-  
 lienū à libro Philippi, quo locos ille tractat communes theologicos:  
 de pontifice uerò placere dicebat regi, non esse primum neque præci-  
 piū iure diuino, sed humano, sicut Philippus affirmet: sed Angliæ re-  
 gem, utrunque negare: & sanè pontificem arrogare sibi nimiam po-  
 testatem, dum reges atq; Cæsares in ordinem pro suo arbitratu redi-  
 git. quod quidem exemplum nunc etiam in Britannia regem statuere  
 cogitet, quantumuis & rex & pleriq; cardinales intercedant: theo-  
 logos quidem affirmare, caput illum esse ecclesiæ, iure diuino, sed ta-  
 men poscenti regi non illud potuisse demonstrare: uulgatam quoque  
 de purgatorio igni opinionem ab eis defendi: nam ex eo fonte manare  
 Missam, exequias anniuersarias, legata, et quicquid est nūdinationis:  
 Missa uerò sublata, rationem ipsis omnem auferri tuendæ potentie  
 suæ, ac ueluti nervos incidi sanguinis atque uitæ: cumq; rex illis ali-  
 quot esset largitus menses, intra quos de purgatorio sententiam scri-  
 ptura docerent, hoc demum respondiisse, aduersarijs non esse porrigen-  
 da tela, quæ post retorqueant: Ad uota monastica quod attinet, re-  
 gem putare, posse hoc à pontifice impetrari, ne qui iuuenes ante ma-  
 turam ætatē illi uitæ generi deuinciantur, utq; liceat illis, cum uidebi-  
 tur, ab eo discedere et contrahere matrimonium: ut autē eiusmodi col-  
 legia diruantur, regi nō uideri consultū, sed educandam esse potius i-  
 bi iuuentutē ad literas atq; pietatē: theologos etiam urgere cœlibatū  
 sacerdotū, sed regē hanc ueluti mediam inuenisse uia, ut qui iam sunt  
 in matrimonio, permaneant, reliquis autē non liceat uxorem ducere,  
 uel, si duxerint, abstineāt ab ecclesiæ ministerio: nam ad illud, quod de  
 Paphnutio solet adferri, qui patribus concilij Niceni sacerdotum per=  
 sua sit



suafit matrimoniū, theologos ita respondere, probari non posse, ullo  
 tempore sacerdotes contraxisse matrimoniū, sed, antè quàm in ordinē  
 sacerdotum allegarentur, uxores habuisse, non ipsos diffiteri: de cœna  
 Domini integra percipiēda, uel, quod aiunt, sub utraq; specie, sermo=  
 nem fuisse regi cum Clemēte vij. sperare etiam ab hoc impetrari posse  
 pontifice, ut factō decreto liberum permittat usum eius rei, pro cuius=  
 que cōscientia: Regem hoc præterea dicere, patrum memoria distribu=  
 tam fuisse per Galliam quibuslibet integram cœnam, nō quidē in me=  
 dio templo, sed in sacellis: hoc illum à nonnullis accepisse grandi eta=  
 te, qui ritum istum in Gallijs fuisse confirmant ante centum & uiginti  
 annos: deinde Gallie regibus administrari totam: & cum inter dispu=  
 tandum, theologis hoc ipsum rex obijcit, illos respondere, unctos esse  
 reges æquē ac sacerdotes, & scripturam loqui de sacerdotio regalit:  
 quod autem regibus liceat, non item esse permittendum alijs: In preca=  
 tionibus etiam illis quotidianis & familiaribus ordini sacerdotum, a=  
 gnoscere regem, multa posse refecari, quædā etiam esse prorsus tollen=  
 da: Clementem quoq; vij, eius rei curā demandasse cardinali Cruceto,  
 Hispano, cuius nunc extet liber, quem theologi Parisienses, ut hære=  
 ticum damnarint: nam esse genus hominum, quod non modò Germa=  
 nos, ut impios & malè sentientes de religione condemnet, sed ipsos  
 quoq; cardinales atq; pontificem, si res ita ferat: cum uerò negotium  
 hoc omne sit cumprimis arduum, regem in hoc esse totum, ut ecclesiæ  
 pax & concordia restituatur: se quoq; cum Bauariæ principibus ea de  
 re sermonem contulisse, qui sibi multò sint uisi duriores theologis Pa=  
 risinis, tamen si quidam illorum consiliarius postea dixerit, factos esse  
 mitiores, quod ipsum etiam Iulius Pflugius de Georgio Saxonie prin=  
 cipe, deq; Moguntino sibi confirmari: regem itaq; sic existimare con=  
 ferenda esse omnino consilia: pergratum autem ei futurum, si prius  
 quàm conueniatur, aliquot è præcipuis ipsorum theologis, pauci ta=  
 men, in Galliam mittantur, qui cum Lutecianis conferant: ad eius=  
 modi colloquium regem esse delecturum aliquot præfractos & a=  
 cres, & his additurum esse quosdam non alienos à puriori doctrina,  
 quo per hanc rationem ueritas patefieri possit & elici. Eo finito ser=  
 mone, hortabatur, ne quem concilij locum protestantes recipiant, ni=  
 si de sui atque etiam Angliæ regis consilio, qui sint inuicem idem fa=

tūri: Ludouicum Gallie regem superioribus annis contendisse, Iulio pontifici non licere concilium indicere, nisi de uoluntate Caesaris atq; regum: huius quoq; sententiæ tum fuisse regem Nauarræ, cunq; Iulius utrunq; proscriberet, Ferdinandum Hispaniæ regē hoc titulo Nauarræ occupasse: regem etiam huius esse mentis atq; sententiæ, neq; probare concilium ullum, nisi loco tuto fiat, minimeq; suspecto, uel ad iniuriam opportuno, quo quidem in loco liberè pronunciare quiduis liceat. Præter ea quæ diximus, magno studio sollicitabat illos de fœdere cum rege ineundo, & hæc quidem erat potissima legationis causæ: cū autem ipsi Cæsarem exciperent, aduersus quem nihil sibi faciendum esse demonstrabant, infectare discessit, & priuatim ad quosdam, mirari se, quod tantum regem negligerent, & tempus aliquando fore dicebat, quum illius coniunctionem magno redemptam cuperent. Angliæ quoq; rex, Henricus octauus, legationē eò misit, cuius erat princeps, Eduardus Foxus episcopus Herfurdensis. Hic initio commemorat, quum magna sit inter Britannię reges & Saxonię principes agnatio, sanguinisq; propinquitas, regem optimè erga ipsum atq; locios affectum esse, præsertim, cū hoc eos inprimis agere uideat, ut pura de cognitione propagetur etiam ad alios: Et quanquā multæ sint ipsis hoc nomine factæ contumeliæ, tamē idcirco nihil eum abhorrere, neq; de ipsis aliter sentire, quàm de uiris bonis, qui præter officiū ac sine ratione nihil facturi sint, & hoc solum spectent, ut per uerā Euangelij prædicationem gloria Dei celebretur: idem quoq; regis esse studiū, itaq; satis declarare illam, quæ iam sit per Angliam facta, mutationem: etenim regis mandatu iam abolitam esse magnam partem errorum, & de communi omnium assensu, pontificatum Romanum ac illius imposturas omneis è regni finibus exterminatas esse, non secus atq; per Saxoniam: cunq; sit idem utrobique studium atq; uoluntas, regem singulari quadam in ipsos accendi beneuolentia, & rogare, ut ita pergant, & eandem planè doctrinam profiteantur omnes: hoc enim esse perpetuæ pacis firmamentum: & quanti sint exorti motus ex opinionum uarietate, regē habere compertū, et anabaptistas exemplo suo demonstrasse: præ se ferre nunc pontificem, quasi de concilio cogitet: ac sanè, si qua sit adhuc reliqua dissensio, neq; de dogmatis omnibus conueniat, incommodum hoc ipsis futurum, ubi uentum fuerit ad cōcilium: quæ

tamen



tamen in re theologis minimè culpam attribuat: nec enim unquam ec-  
clesiæ statū ita fuisse tranquillū, ut non aliquod fuerit aliquando dissi-  
dium: hoc etiam Petri & Barnabæ atq; Pauli demonstrare posse exem-  
plo: cogitandum igitur esse de pace, quæ firmo scripturæ fundamento  
nitatur: pontificem autē hoc agere totis viribus, ut eiusmodi pacē atq;  
concordiam impediatur & euertatur: itaq; regem sic existimare, quoad il-  
lius imperium, tyrannis atq; seuitia durabit, ad conciliationem perue-  
niri nō posse: propter eiectam nuper ex Anglia seruitutē omnium scæ-  
disimam, & recuperatam à rege libertatem, idolum illud & antichri-  
stum planè furere, & quum apertè nihil possit, moliri fraudem et insi-  
dias, & falsis criminationibus concitare reges: nam etsi potentie suæ  
retinendæ causa quidvis faciat, tamē hoc etiam eius esse consiliū, ut in-  
flammatis animis utrinq; bellum exardescat: hæc autem idē regē i-  
psius exponi uoluisse, non quod pontificem metuat: sic enim esse para-  
tū à rebus omnibus, ut neq; de illo, nec de ipsius omni clētiela sit solici-  
tus, uerū, ut ipsi, quid molitur antichristus, liquidō perspiciant, hoc  
præsertim tempore, quando concilium ille se procurare simulat, cum  
interim longè diuersum habeat in animo: regem agnoscere quidē atq;  
fateri legitimam disceptationem fore cum primis utilem & reipubli-  
cæ salutarem: sed tamē, ne concilium fiat, in quo de stabilienda solū  
dominatione pontificis tractetur, omnibus modis providendum: itaq;  
petere & admonere, ne quod concilium approbent prius, quàm pu-  
blica pax orbis christiani constituta sit: cupere etiam, ut uerus Dei cul-  
tus restituatur, ad eamq; rem perficiendam et tuendam, non recusare,  
se se ipsis coniungere: & hæc quidem esse quæ habeant in mandatis:  
rogare autem, ut in posterum sibi liceat amplius de his rebus, priua-  
tim cum delectis aliquot conferre: sic enim affectum esse regem erga  
religionem et ipsos, ut suas fortunas omneis atq; se ipsum eō sit impen-  
surus. Ad hæc illi respondens, & collaudata regis uoluntate, cupere se  
demonstrant in primis, ut longè lateq; disseminetur euangelij doctri-  
na: quicquid etiam eius rei faciant, ex officio fieri: & quanquam sum-  
mis eo nomine sint affecti contumelijs & iniurijs, tametsi grauissimas  
in se concitarint offensiones, licet fremitum atq; minas plurimorum  
sepe sint experti, non tamen idcirco remisisse studium rei sanctissi-  
mæ propagandæ: huius autem odij tam uehementis & acerbi hanc

Protestā  
tes respō  
dent lega  
to Angli  
co.

153 5 solam esse causam, quòd impios errores et falsa dogmata repudiarint: iam, quòd suam operam in eo rex amplissimis uerbis polliceatur, quòd etiam è suis finibus episcopi Romani tyrannidem, è quo sanè tanquàm à fonte dimanarit quicquid est impij falsiq; cultus, protecerit & eliminarit, id sibi periuicundum auditu fuisse, deumq; precari, ut pergat: quòd etiam moneat, cauendum esse, ne quid incommodi pariat dissensio doctrinæ, permagnam habere se gratiam: sed nihil esse reuera dissidij. & in ea se permansuros esse doctrina, quam sint Augustæ testificati: nam ad anabaptistas quòd attinet, uindicare se grauter in eos, nisi ad sanitatem redeant: illos etiam ibi potissimum regnare, quibus in locis prohibita sit euangelij doctrina: de concilio deq; pontificis astu sermonem illum omnem sibi pergratum etiam esse: iam autem in Germania uersari legatum pontificis, & polliceri concilium, Mantuæ cogendum: egisse quoq; de hac re cum electore Saxone: quid autem ipsi, communicatis consilijs, ad illius postulata responderint, scripto comprehensum esse, quòd ei sint daturi, perferendum ad regem, ut quid suæ sit in eo mentis, intelligat: legatum illum pontificium præ se ferre, quasi solius sit pontificis indicare & habere concilia: se uerò existimare, ceteros reges & ordines reipublicæ non hoc ei concessuros, ut ipsis inconsultis ita faciat, in hac præsertim religionis atq; fidei causa, quæ legitimam disceptationem postulet. Iam de coniunctione regis quòd dixerit, agere summas ei gratias: ut etiam hæc tam salutaris doctrina cursum suum retineat, nulli se labori suo uel periculo parcituros esse, neq; dubitare, quin Deus hanc omnem actionem regat, quantumuis etiam inuitis & reluctantibus aduersarijs: & quia priuatim cupiat de hisce rebus conferre prolixius, delectos esse quosdam ad eam rem, quibuscum sua communicet: rogare autem, ut regi ista renunciaret, suumq; studium illi commendet. Cùm ad xij. Decembris diem à Ferdinando rege Smalcaldiam Saxo uenisset, pridie Natalis Christi factò decreto, fœdus, quòd annum adhuc unum durabat, renouatur in annos decem, & de reliquo apparatu constituitur, & recipiendos esse placet in hoc fœdus, qui uelint atq; cupiant, modò doctrinam Augustæ propositam in comitijs, profiteantur, & sortem communem subeant. In his erant Pomeraniæ principes, Ulrichus Vuirtembergicus, Robertus Bauarus Bipontinus, Augusta, Francofurtum,

Cam.

Fœdus  
Smalcaldicum  
renouatur.



Campodunum, Hamburgum, Hannobria, quorum nonnulli iam tum petebant admitti, reliqui spem faciebant. De Camera sic uisum fuit: quandoquidem pacis quam Cæsar fecit, confirmationem, rex Ferdinandus in se recepisset, eo singulis utendum esse præsidio, quos Camera fortè citabit: quòd si nihilominus illi pergant, & proscriptionibus agant, & sententiam exequi uelint, tum euulgato scripto communi rogandos atq; monendos esse Imperij ordines, ne moueantur hac illorum iniustitia, sed ut Cæsaris atque regis iudicium sequantur, et eiusmodi sententias habeant pro nullis, neq; uim ullam faciant: nam alioqui rationem sibi ineundam esse, quomodo iniuriam depellant, & se suosque tueantur: deinde, cum in pace Noribergica sit cautum, ne cui sue facultates eripiantur, hoc quoq; diligenter esse præstandum, sed tamen in iurisdictione ecclesiastica, in ceremonijs & id genus alijs emendandum esse quicquid sit uitij, placuit. Eodem tempore Gulielmus Comes Nassoui in socius fuit admissus: & quanquam Lantgrauius, propter cōtrouersiam inter ipsos, de ditione Chattorū non assentiebatur, tamen, si qua uis illi fieret ob euangelij professionem, non se defuturum dicebat auxilia petenti. Hoc etiam anno senatus Augustanus, omni demum sublata dissensione, doctrinam euangelij recipit, & datis ad Lutherum literis orat, ut fideles ecclesiæ ministros, & in his, Vrbanum Regium, mittat.

Augusta  
ni doctri  
nā euan-  
gelij reci-  
piunt.

## LIBER X.



VNC AD OBSIDIONEM MONASTERIJ, quæ est primi nominis urbs Vuestphaliæ, uenientum: sed paulò sunt quædam altius repetenda, inde ab initio, usq; ad illud tempus, quo capta demum urbe, de authoribus fuit sumptum supplicium. De Thoma Muncero diximus libro quinto, quemadmodum seditionem multitudinis concitarit, cuiusmodi fuerit ipsius doctrina, quis etiam uitæ finis: ex huius officina prodijt genus hominum, qui propter actionem & ipsum dogma uocantur anabaptistæ, de quibus etiam supra non-nihil dictum est. nam & paruulos arcant à baptismo, & rebaptisan-

Monaste-  
riū urbs  
Vuest-  
phaliæ.

Anaba-  
pistæ  
eorumq;  
doctrina

153 tur ipsi, & ita faciundum esse omnibus, affirmant, & uim omnem  
 priori baptismationi detrahunt. Sanctimoniam quandam externam  
 præ se ferunt, docent non licere Christianis in foro contendere, non ge-  
 rere magistratum, non iusiurandum dicere, non habere quid propri-  
 um, sed omnia debere omnibus esse communia. Et hæc quidē illi prin-  
 cipio, sed multò deinde grauiora proposuerunt, ut postea sum dictu-  
 rus. Cumq; per Germaniam longè lateq; serperent, Lutherus autem  
 et pleriq; omnes uiri docti reclamationē, magistratus etiam animaduer-  
 teret, ita quidem, ut maiori aliquo numero uix possent coalescere, tan-  
 dem in ea quā diximus urbe, ualde quidem munita, locum atq; sedē  
 occuparunt. Id autem sic accidit. Est non procul ab urbe Monasterio,  
 diui Mauricij templum: in eo docebat euangelium anno salutis no-  
 stræ M. D. XXXII. Bernardus Rotmannus, frequenti ciuium audi-  
 torio: cumq; de illo in urbem recipiendo cogitarent: pontificij, ut hoc  
 impedirent, mediocrem pecuniæ summam ei dant, quò scilicet exer-  
 cendi sui causa proficiscatur aliò: Discedit ille, & locis aliquot perlu-  
 stratis, ubi fructum aliquem et culturam ingenij percipere posset, re-  
 dit post aliquot menses. illi uerò, qui reditum ipsius moleste ferrent,  
 conantur eum à concionibus remouere: sed id frustra fuit, applauden-  
 te nimirum populo. Mox quidem è ciuibus præstantiores, in urbem  
 hominem recipiunt: cumq; à templis excluderetur, foris in porticu  
 suggestum ei collocant: augescente uerò indies numero ciuium et au-  
 ditorum, postulatur à pontificijs, ut templum ei patefaciant, sin mi-  
 nus ui patefactum iri. Non multò post, ille, de consilio delectorum po-  
 puli, missis literis in uicinam Hesiā, Lantgrauianæ ditionis, petit  
 uiros aliquot bonos atq; doctos ad se mitti, qui unā secum euangelij  
 sementem ibi faciant. itaq; Marpurgio bini mittuntur. Cum eò uentū  
 est, deliberant numero sex, quomodo pontificatum inde primo quoq;  
 tempore profligent, ut euangelium maiori cum fructu doceri possit.  
 Ad eam rem hæc est uisa ratio commodissima: pontificios errores con-  
 scribunt, & in xxx. circiter capita referunt, eaq; senatui tradunt, sic  
 interim animo parati, ut nisi demonstrant è sacris literis, hæc omnia  
 cum uerbo Dei pugnare, nullam pœnam recusent. Senatus in curiam  
 uenire iubet pontificios, & ea quæ diximus errorū capita proponit:  
 & quia semper præ se tulissent, doctrinam suam esse puram & niti  
 uerbo

Rotman-  
 nus euā-  
 gelij præ-  
 co.



uerbo diuino, concionatores autem hoc ipsum pernegent, idq; demon- 1 5 3 5  
 strare uelint etiam sui capitis periculo: rogat ex illis, an ea quæ obijci  
 antur, sacris literis cōfutare uelint. Ad hunc modum interpellati, cum  
 magnopere senatui rem esse cordi uiderent, paucis respondent, nihil  
 habere se quo sua defendant: quòd autem hucusque dixerint, suum  
 institutum esse probum atq; rectum, id opinione esse factum & igno-  
 ratione. Tùm senatus, quandoquidem erroris & falsæ doctrine con-  
 uicti, nihil habeant quod opponant, & suā ipsi nequitiam agnoscant:  
 iubet, ut in posterum à docendi munere abstineant, nouis autē docto-  
 ribus, qui detexissent ipsorum imposturas, locum in templis omnibus  
 permittant. Pòst, de uoluntate senatus atq; populi, templa singulis  
 attribuuntur, ubi doceant: eam rem perquam molestè tulerunt ponti-  
 ficij, sed imprimis ij, qui primarium templum obtinent, pleriq; omnes  
 genere nobiles. Hi, cum aliud non possent, irati discedunt, & ad eius  
 urbis episcopum abeunt, & inito consilio statuunt, occupandas esse  
 uias omneis & aditus, ne quid in urbem importari possit annonæ.  
 Aliquantò pòst, omnibus iam undiq; uijs obseßis, episcopus, et ij quos  
 diximus, amplioris ineundi consilij causa, Telgetum ueniunt, quod  
 est ab urbe oppidulum, ad milliare unum: illinc tabellarius ad senatū  
 mittitur cum literis, in hæc uerba. desistant ab instituto, pristinumq;  
 statum restituant, sin minus, hostium numero futuros. Episcopus erat,  
 Comes Franciscus Vualdeccus, proximè antè ipsum fuerat archiepi-  
 scopi Colonienfis frater germanus, Fridericus: uerum is, uel quòd ijs  
 locus parum uteretur firma ualetudine, uel quòd aliquid esset odora-  
 tus, non ita pridem sponte loco decesserat, & priuata uita contentus  
 in patriam reuerterat. Monasterienses, re deliberata, nunciū detinent,  
 & de nocte profecti, quæ diem natalem Christi præcedit, circiter non  
 genti, cum ex improviso uenissent, oppidulum capiunt, & occupa-  
 tis portis, ne quis euaderet, omneis comprehendunt: episcopus fortè  
 pridie discesserat, mox in urbem captiuos adducunt. in his erant pri-  
 mi nominis pontificij, & ex reliqua nobilitate nonnulli. Rogat ex ijs  
 senatus, quid sit ipsorum uoluntatis, & an euangelij prædicationē eo-  
 gitent posthac impedire? Liberaliter illi respondent, se daturos operā,  
 ut ea doctrina uigeat: itaq; fit pactio, cuius exemplū senatus Lantgra-  
 uio mituit, & simul orat, ut euangelij ac reipublicæ causa uelit non  
 deesse

1535 deesse negotio. mittit ille quosdam de suis: istorum interuentu pactum fuit, ut reconciliatis animis & offensione sublata, pacem utrinq; conlanti: in sex templis euangelium doceatur: quicquid sit impie religionis & superstitiosæ, tollatur: in primario templo nihil mutetur: neq; ciuitas illud quicquam ad se pertinere putet. hæc pacis formula fuit ob signata Lantgrauij & episcopi et ipsius clientelæ & nobilitatis & totius populi signis, Februarij die decimo quarto, salutis anno M. D.

Ioannes  
Leiden-  
sis sarci-  
nator, a-  
nabapti-  
sta.

XXXIII. Hunc ad modum rebus pacatis, uenit Monasterium sarcinator quispian Hollandus, Ioannes Leidensis, anabaptista uehemens. Is priuatim rogat ex euangelij doctoribus initio, cum in eorū sermonem se familiariter insinuasset, num arbitrentur paruulos recte baptisari? cum affirmarent, ille, qui totus esset deditus opinioni contrariæ, cæpit ridere & contemnere. Quare intellecta, Bernardus Rotmannus, de quo supra diximus, pro concione populum hortatur ad præcationem, ut puram ipsis doctrinam seruare liceat, & a fanaticis hominibus incorruptam defendere, in primis autem ab anabaptistis, qui nunc etiam latenter apud ipsos obrepant, & hominum coetibus aggregentur, quorum opinio si uincat, miserum esse futurum, non reipublicæ modò statum, sed & religionis. Eodem ferè tempore uenit eo

Herman-  
nus Sta-  
preda, a-  
nabapti-  
sta.

Hermannus Stapreda, qui Rotmanni factus collega, publicè in paruulorum baptismum inuehebatur. præceptorem iste habuit Henricū Rollium, de quo Traiectenses paulò antè supplicium sumpserant ob anabaptismum. Et hic quidè fuit alter ueluti gradus ad nouum istud doctrinæ genus, iamq; res eo processit, ut de anabaptistis plurimus esset per urbem sermo, tametsi priuatim adhuc & occultè res ageretur. nemo enim qui non esset ipsorum sectæ, admittebatur: deinde, non profitebantur ista palàm authores, neque docebant nisi de nocte, & quando somnum reliqui caperent: tunc demum sua peragebant mysteria. sed re patefacta, cum pleriq; ciues fremerent, & indignum esse clamarent, nouum dogma clanculum & noctu disseminari: fit senatus consultum, quo iubentur authores ab urbe proficisci, uerum egressi, redibant alia uia, & mandatum à Deo sibi iactabant, uti permanerent, causamq; suam grauius & seriò perficerent. Mouit ea res senatum, & nonnihil etiam perculit admiratione quadam: itaq; maioris uitandi motus & periculi causa, iubentur in curiam uenire tam ana-

baptismi



baptismi quàm euangelij doctores, & cum his aliquot homines erudi-  
 ti. Tum Rotmannus, quod eousq; occultauerat, ingenium suum pro-  
 dit, & paruulorum baptismum, ut impium & execrandum damnat:  
 sed Hermannus Buschius inprimis, ita coram senatu diuersam senten-  
 tiam defendit, ut illi decreto publico iuberentur urbe quamprimum  
 excedere. Cum autem per episcopi fines non sibi licere tutò proficisci  
 dicerent, senatus & fidem eis publicam impetrabat, & uiaticum unà  
 dabat: ipsi uerò, qui multò antè cõstituiſſent nusquam aliò proficisci,  
 clàm ad sue doctrinæ sectatores digressi, latitabant aliquândiu. Sena-  
 tus interea, priusquam è suis illi latibulis denuò prodirent, omnia tem-  
 pla claudit, uno solùm aperto. nam metus erat, ne anabaptistæ, quorū  
 indies augeſcebat numerus, comitati suis doctõribus, euangelij præ-  
 cones è templis exturbarent. Mense deinde Nouembri, Lantgrau-  
 us rogatu senatus mittit eò duos, docendi causa, Theodoricum Fabri-  
 tium, Ioannem Melsingerum: & hic quidem cognita rerum pertur-  
 batione, periculo etiam commotus, domum redit: alter autem strenuè  
 monebat ciues, ut ab anabaptistica doctrina diligenter cauerent: & in  
 hoc quidem stadio decurrit atque permansit, donec anabaptistæ supe-  
 riores facti, reliquos urbe pellerent, ut postea recitabitur. Et ne quid  
 omninò desiderari posset, certam doctrinæ & administrationis Eccle-  
 siasticæ formulam conscribit, senatu populòque comprobante. per-  
 missu deinde senatus, incipit rursus docere Petrus Vuirtemius: sed uix  
 paucis habitis concionibus, impulsu Rotmanni ab anabaptistis eiſci-  
 tur, qui iam ferociores facti, Fabritium & alios ad disputationem  
 prouocabant: assentiente senatu, placuit, ut è sacris tantum literis a-  
 lijsq; scriptis horum similibus res ageretur, adhibitis aliquot uiris li-  
 teratis atque bonis, uelut arbitris, qui partis utriusque sententijs &  
 argumentis probè cognitis & inuestigatis decernerent: quod ij sta-  
 tuiſſent, ratum fore, quò sublati tandem disidijs, pax restitueretur ec-  
 clesie: sed conditionem hanc Rotmānus atq; socij repudiabant. Cùm  
 ergò cognitionem subter fugerent, cœperunt uulgò cõtēnni: hanc ue-  
 rò maculam ut eluerent, aliam rationem inueniunt magis compen-  
 diosam. Ex ipsis quidam uelut afflatus numine, per urbem discurret,  
 & poenitentiam, inquit, agite, & rebaptisamini: sin minus, iam ira  
 Dei uos obruet. hic cœptum est uulgò tumultuari, & quicunque re-  
 bapti-

Anaba-  
 ptista  
 Monast-  
 rio pulsi.

1 5 3 5 baptisarentur, eadem quæ ille, eodémque modo declamabant: multi,  
quòd iram Dei metuerent, quam isti tantopere iactabant, simplicitate  
circumuenti, homines alioqui non mali, morem ijs gerebant: alij etiā,  
quòd suas fortunas conseruarent: aduersarios enim anabaptistæ malè  
mulctatos, possessionibus deijsciebant: fuit hoc ad exitum Decembris.  
et iam illi rursus è suis latebris exierant, de quibus antea diximus, et  
ad forum factò concursu, clamorem tollunt, et omneis non baptisatos  
iubent interfici, tanquam paganos & impios: deinde tormenta publi  
ca & curiam inuadunt, & multis uim faciunt. Alij autem, ut se suos=  
que ab iniuria defenderent, alium quendam urbis locum natura muni  
tum occupant, & complures ex ipsis capiunt. ea dimicatio in anaba=  
ptistas qui forum tenebant & undequaq; munierant, eousq; durauit,  
donec utrinq; datis obsidibus uentum est ad compositionē, qua cau=  
tum fuit, ut suam quisq; religionem sequerentur, ut domum redeant  
& pacem colant. Rotmannus interim & Bernardus Cnipperdolin=  
gus, facile primus eius factionis, etsi compositionem hanc laudarent,  
tamen occultè missis literis in oppida uicina, sui generis monebant,  
uti fortunis omnibus relictis, ad se quàm primum aduolarēt: quicquid  
reliquissent, fore, ut cum usura decupli recipiant. his tam magnificis  
& amplis excitati promissis, maximo numero comigrant, uiri pari=  
ter ac mulieres, & certissima spe consequendi maiora, præsertim te=  
nuiore, & qui domi stare non poterant, Monasterium petunt. Oppi=  
dani autem, ij præsertim, qui erant re lauta, cùm uiderent externis ho  
minibus urbem compleri, subducunt se quàm possunt commodissimè,  
relictis anabaptistis & promiscua plebe. fuit hoc sub Bacchanalia,  
mense Februario, M.D. XXXIII. Ad hunc modum debilitatis alte=  
rius partis uiribus, anabaptistæ nouum deligunt senatum, suæ factio=  
nis omneis, creant quoq; consules & in his Cnipperdolingum, pau=  
loq; post, eadem diui Mauricij, sub urbem, inuadunt, & cum uicinis  
omnibus ædificijs incendunt, deinde tēpla omnia diripiunt, & prima  
riam eadem intus labefactant. mox per omneis uias confertim discuc=  
runt, & primò quidem, pœnitentiam, inquirunt, agite: mox uerò, mi=  
gratè hinc è uestigio impij, nisi uitæ discrimen subire, uobis proposi=  
tum est. simul, armati concurrunt, & quicumque non essent ipso  
rum sectæ, statim ex urbe propellunt, nulla nec ætatis habita ratione, neq;

Bellum  
ciuile in  
ter Mo  
nasteri  
enses.



Sexus, ita quidem, ut in his turbis atq; fuga præcipiti, foeminae ali-  
quot grauidæ abortum facerent. continuo post, eorum, quos eiec-  
serunt, bona occupant. Et quanquam istud accidit pridie, quàm urbem  
episcopus obsideret, tamen cùm ex ista profugientium turba, quidam  
in episcopi manus incidissent, habiti sunt hostium loco, ex ijsq; non-  
nulli capitis adierunt discrimen, & in his unus & alter euangelij do-  
ctor. ille, de quo suprà diximus, Petrus Vuirtemius, cùm & ipse peri-  
clitaretur, interuentu Lantgrauij seruatus est. ea re permoti reliqui  
oppidani, homines boni, qui uidelicet, etiã si urbem desererent, præ-  
sens tamen imminere sibi foris periculum uidebant, coacti propemo-  
dum et inuiti remanserunt. Ad hoc tempus, primi nominis apud ipsos  
propheta, nam hoc sibi nomen usurpant: Ioannes Matthæus, manda-  
bat, ut quod quisq; haberet auri, argenti, rei mobilis, id omne deferret  
in medium, capitis proposita poena, & in hunc usum publica fuit con-  
stituta domus. Hac edicti seueritate populus ualde attonitus, obtempe-  
rabat: nec integrum erat cuiquam fallere aut partem aliquam defrau-  
dare: nam puellæ quædam duæ uaticinantes, quod commissum esset  
fraudis, denuntiabant. neq; uerò sua tantùm illi conferebant, sed eo-  
rum etiam, quos eiecerant, facultates, in suos usus assumebant. Post-  
hec idem propheta mandabat, ne quis ullum deinceps librum habe-  
ret aut sibi seruaret, præter sacra Biblia: reliquos omneis in publicum  
deferri iussit & aboleri: hoc se mandatum diuinitus accepiſſe dicebat.  
itaq; magno numero libri cõportati, flamma fuerunt omnes absum-  
pti. Fortè per id tempus Faber quispian, Hubertus Trutelingus, ridi-  
culum quid in eos dixerat, qui se prophetas ipsi uocabant. eo cognito,  
multitudinè illi conuocant, & armatos iubent adesse: mox hominem  
accusant capitisq; damnant: perculit ea res populum uehementer: pri-  
mus autem ex ijs propheta, quem suprà nominauimus, corripit mise-  
rum, & humi prostrato impingit hastam, absq; uulnere mortifero ta-  
men, utcunq; magno prosiliisset in eum impetu: post, illinc amotum  
aliò transportari iubet: tùm arrepta, quam uicinus adolescens gere-  
bat, machina, iacentem pila transuerberat: ne sic quidem illo statim  
extincto, cœlitus patefactum sibi dicebat, nondum uenisse tempus,  
quo mori ipsum oporteret, ac Deum suam ei gratiam impertiuisse: ue-  
rùm ille paucis post diebus uitam finijt: ea re cognita, prælongam  
hastam

Petrus  
Vuirtem-  
ius.

Io. Mat-  
thæus  
anaba-  
pista  
commu-  
nionem  
bono-  
rum e-  
dicit.

153 ; hastam corripit propheta, & incitato impetu per urbem procurrens.  
 Deum patrem sibi mandasse clamabat, ut hostem ab urbe reijceret: u=  
 bi propius ad castra uenit, exceptus à milite quopiam, confoditur. Et  
 quanquam ipsius prædictionum detectus iam iterum fuit error, tamē  
 socij prophete sic homines infatuauerāt, & rem sic ornabant ad uul=  
 gus, ut etiam magnum eius desiderium excitarent, & calamitatem  
 ipsis aliquam impendēre dicerent, uiro tam præstanti sublato: proxi=  
 mus autem ab illo uates, Ioannes Leidenfis, iubet eos esse animo præ=  
 senti: multò enim antè sibi reuelatum, illum esse talem habiturum ui=  
 te finem, & quam reliquisset uxorem, eam in matrimonium se du=  
 cturum. Biduo ante Pascha decurrunt in templa, & simul omneis  
 ubiq; campanas impellunt: aliquot pòst diebus uaticinatur Cnipper=  
 dolingus, fore, ut in summo gradu collocati, deturbentur, alij autem è  
 ffordibus, & infimis emergant subsellis: deinde iubet omnia templa  
 destrui, grauiter asseuerans, à Deo profectum hoc esse mandatū. Itaq;  
 mos ei geritur, & quod è coelo uenisse dicebat edictum, magno studio  
 perficitur. His ipsis serè diebus, Ioannes Leidenfis gladiū tradit Cnip=  
 per doloingus, carnificemq; eum constituit: sic enim uisum esse Deo, ut  
 qui summum antea magistratum gesserit & consul fuerit, nunc infi=  
 mum locum obtineat, & sit carnifex: ille minimè recusans, gratum e=  
 tiam habuit delatum munus. Cùm iam episcopus, aliquot mensibus,  
 omnem belli sumptum solus fecisset: Colonienfis archiepiscopus, Her=  
 mannus, & Cliuensis princeps, Ioannes, auxilio miserunt pecuniam,  
 tormenta, peditum & equitum cohortes aliquot: Colonienfis etiam  
 in castra fuit profectus, communicandi causa consilij, neque multò  
 pòst urbs fuit aliquot locis oppugnata: cùm autem eius per uim ca=  
 piundæ spes nulla superesset, septem fuerunt extracta circum castella  
 seu propugnacula, tollendi causa commeatus, cum singulis peditum  
 signis & cohortibus aliquot equitum, qui ibi essent in hybernis, con=  
 tinuandæ uerò causa obseſionis atq; belli, quod ad omneis æquē per=  
 tineret, Monasterienfis episcopus, ab iis principibus atque ciuitati=  
 bus, quæ sunt Rhenanæ prouinciæ, tanquam à uiciniorebus, auxilia  
 petit. Eius rei gratia cōuentus indicitur Confluentiæ, ad xij. Decem=  
 bris diem M.D. XXXIII. Germania est enim omnis in sex descri=  
 pta prouincias, in Franconiā, Bauariam, Sueuiā, Saxoniā, Rheni tra=  
 ctum,

Vaticinia  
 anabaptista  
 rum.

Germanix  
 diuisionis  
 no.



Etum, & Burgundiam. His finibus omnes ubiq; principes ac ciuitates, 1 9 3 5  
in Imperij comitijs, antiquo more censentur: hodie uerò Saxonia di-  
uiditur in superiorem ac inferiorem, deinde adiicitur inferior Germa-  
nia & Vuestphalia, & Austria. itaq; decem regionibus Imperiū nunc  
circumscribitur. Post frustra tentatam oppugnationem, Ioannes Lei-  
densis ad quietem sese componit, & totum triduum somniat: exper-  
gefactus, nullum uerbum facit, sed chartam poscit, in eaq; duodecim  
uiros describit, & in his aliquot nobili genere natos, qui summæ rerū  
præessent, & tanquam in Israël, cuncta gubernarent: hanc enim pa-  
tris coelestis uoluntatem esse dicebat. Cumq; hac ratione per duodecim  
uiros, ad regnum uia parata iam esset, dogmata iam quædam propo-  
nit concionatoribus, eaq; postulat scripturæ testimonio sibi confuta-  
ru: quod si non possint, ad multitudinem se relaturum, ut approbentur  
& sanciantur. eorum hæc erat summa. uirum non esse deuinctum uni  
coniugi, & licere quantumuis multas in matrimoniū ducere: sed cū  
sententiam hanc doctores impugnarent, conuocat eos in curiam, ad-  
hibitis duodecim uiris. eò cū uenissent omnes. pallium sibi detrahit,  
& in terram abiicit, unā cum libro noui testamenti per ea ueluti sym-  
bola testatur et iurat, quod promulgasset dogma, coelitus esse patefa-  
ctum sibi: grauißimis itaq; uerbis comminatur eis, quasi Deū non sint  
habituari propitium, nisi consentiant. tandē opinionibus conueniunt,  
& de matrimonio totum triduum doctores pro concione loquuntur.  
Mox ille ternas ducit uxores, quarum una fuerat eius, de quo diximus  
antea, magni propheta, Ioannis Matthæi, coniunx, hoc deinde exem-  
plum alij quoq; sequuntur, ita quidem, ut etiam in laude poneretur  
frequens matrimonij repetitio. Ciues autem nonnulli, quibus hoc in-  
stitutū ualde displiceret, dato signo per urbem, eos omnes, qui doctri-  
nam euangelij amarent, in forum conuocant, deinde prophetam &  
Cnipperdolingum & doctores omnes comprehendunt. quod ubi uul-  
gus accepit, ad arma procurrunt, captiuos illis extorquent, et ad quin-  
quaginta circiter magno cum cruciatu interficiunt. nam religatos ad  
arbores atq; palos tormentis traiiciebant, acclamante propheta pri-  
mario, ut qui rem gratam Deo facere uellent, primum telum emitte-  
rent: alij alio modo necabantur. Ad octauum calendas Iulias oritur  
propheta nouus, aurifex. Is conuocata in forum multitudine, comme-

735  
 Iohannis  
 de iusticia  
 tui Rex  
 Nabapi  
 pti. aru

morat patris cœlestis hoc esse mandatum et uoluntatem, ut imperium totius orbis terrarum Ioannes Leidenſis obtineat, ut cum ualidiſſimis copijs egreſſus, reges atq; principes omneis promiſcuè interſiciat, & multitudini ſolùm parcat, ſcilicet, qui iuſtitiam ament, uique ſedem patris ſui Dauid poſſideat, donec regnum pater ab ipſo repetat: oppreſſis enim impijs regnāturos eſſe pios in hac ipſa uita. His rebus palām pronuntiatuſ continuo Ioannes Leidenſis in genua procumbit, & ſublatis ad cœlum manibus, per multos, inquit, dies hæc mihi res comperta fuit, uiri fratres: neque tamen eam diuulgare uolui: nana ſidei faciendæ cauſa pater alio eſt uſus adminiſtro. Sic ergo rex factus, illud xij. uiros abrogat, & pro conſuetudine regum deligit ſibi: proceſſus, coronas etiam duas & uaginam & torquem & ſceptrum & alia id genus ornamenta ſibi parari iubet ex auro lectiſſimo: deinde certos conſtituit dies, quibus palām audiret omneis qui quaque de re uellent ad ipſum aliquid deſerre. Quoties in publicum prodiret, comitatus erat ſuis officiarijs & proceribus domeſticis: proximè eum ſequebantur adoleſcentuli bini, equites dexter coronam & Biblia geſtabat, aliter euaginatū enſem: eadem erat pompa primariæ uxoris. nam plures habebat eodem tempore: In foro paratum erat ei ſolium ſublime, panno ueſtitum aureo: quæ deſerebantur ad ipſum actiones & querimonia, plerunq; ad coniuges pertinebant atq; diuortia, quibus nihil erat frequentius, ita quidem ut nonnulli, qui per multam ætatem unā uixiſſent, tunc primum dirimerentur. Accidit autem, cū in foro ſtaret populus, audiendi cauſa, condenſatus & arctus, ecce Cnipperdo-lingus exiit, & manibus pedibꝫque reptans per homines conſertim ſtantes, in ſublimi diſcurrit, & in os illis inhalans pater, inquit ad ſingulos, te ſanctificauit accipe ſpirituſ ſanctum. Alio quodam die choſream ducens coram rege, ſic ſolebam, ait, aliquandò cum mea meretrica: nunc autem pater mandauit, ut in aſpectu regis ita faciam: cūque nimius eſſet neq; deſiſteret, rex offeſus abiit: tum ille conſcendit in ſolum, & pro rege ſe gerebat: interueniens autem rex deturbat hominem perq; triduum in carcere detinet. Durante obſidione, librum conſcribunt & edunt, Reſtitutionem ipſi uocant: hoc in libro tradunt inter alia, regnum Chriſti futurum eſſe eiꝫſmodi ante ſupremum iudicij diem, ut pii & electi regnent, impijs omninò deletis ubique:

tradunt

Liber A  
 nabapi  
 aru de  
 Reſtitu-  
 tione.



tradunt etiam licere populo, magistratum abrogare: item, etsi nullum  
 habuerunt Apostoli mandatum usurpandæ iurisdictionis, tamen eos,  
 qui nunc sint, ecclesiæ ministros, debere sibi sumere ius gladij, perque  
 uim constituere nouam rempublicam: adhæc, neminem, qui non reue-  
 ra sit Christianus, in ecclesiâ tolerandum esse: tum et illud, non posse  
 quenquam fieri saluum nisi facultates omnes in commune deferat,  
 nihilq; proprium possideat: Lutherum etiam et pontificem Roma-  
 num aiunt esse falsos prophetas, Lutherum tamen altero deteriorem:  
 sed et matrimonium eorum, qui uera fide non sunt illustrati, pollu-  
 tum et impurum, ac pro scortatione uel adulterio potius habendum  
 esse dicunt. Hæc illorum dogmata cum primis oppugnabant Melanch-  
 thon, Iustus Menius, Urbanus Reginus, quorum extant ea de re scripta,  
 ualde luculenta et copiosa. Paucis deinde post hebdomadis, prophe-  
 ta nouus, quem antea diximus, tuba canit per omnes uias, et edicit,  
 ut ad primarij templi uestibulum armati cõueniant: nam ab urbe pro-  
 fligandum esse hostem. cum cõuentum est, cœnam reperiunt paratam,  
 iussi discumbunt ad millia quatuor: deinde cœnant etiam ij qui inte-  
 rea fuerant in excubijs, circiter mille: rex et regina cum suis domesti-  
 cis ministrant. sumpto cibo, iamq; ferè peracta cœna, rex ipse panem  
 singulis porrigit, his uerbis, accipite, comedite, annunciate mortem  
 domini: Regina uerò poculum porrigens, bibite, inquit, et annuncia-  
 te mortem domini. post, ille, quem diximus, propheta, conscendit in  
 suggestum, et rogat an uerbo Dei uelint obtemperare: cum affirma-  
 rent omnes: patris, inquit, mandatum est, doctores uerbi esse emitten-  
 dos, circiter xxviij. qui ad quatuor mundi plagas profecti, doctrinam,  
 quæ hac in urbe celebratur, denuncient. nominatim deinde recenset  
 eos. et quemq; proficisci oporteret, demonstrat. Osenburgum itaq;  
 missi fuerunt, vi. Vuarendorsum totidem. Susatum viij. Cosfeldiam  
 totidem. Postea rex et regina cœnant cum reliquis ministris et illis,  
 ad processionem designatis. Inter cœnandum rex consurgit, ait sibi  
 quidpiam esse negocu, quod pater mandarit. fortè captus erat miles  
 quidam: hunc proditoris, ut alterum Iudam, rex insimulat, et decol-  
 lat ipse, post redit ad cœnam, et facinus illud suum facete commemo-  
 rat. Cœnati dimittuntur ij, quos diximus xxviij. sub noctem, et præ-  
 ter utaticum singulis datur nummus aureus, quem ijs in locis, quæ do-

Cœna  
 Anaba-  
 ptistarũ.

Apostoli  
 Anaba-  
 ptistarũ.

153 5 *Strinam ipsorum non admittant, relinquere iubentur, testimonium scilicet futuri ipsorum interitus & exitij sempiterni, obrepudiatam pacem & doctrinam adeò salutarem. Hi, cum egressi ad locum quisq; suum uenissent, excitato per oppida clamore, ut pœnitentiam agant homines, alioqui perituros breui, coram magistratu uestem humi tendunt, & quos acceperant nummos aureos superinijciunt, & se missos à patre confirmant, ut pacem ipsis deferant: eam si recipiant, iubent omnibus fortunas communicare: sin autem repudient, tum hac uelut arra sese contestari hoc ipsorum facinus & ingratitudinem: hoc enim esse tempus, quod prænunciarint omnes propheta, quo tempore per uniuersum orbem terrarum Deus uelit coli iustitiam: & quum officio suo rex persunctus eò rem deduxerit, ut ubiq; iustitia regnet, tum fore, ut patri suo Christus regnum tradat. Sic locuti, capiuntur, & primum amicis, deinde per tormenta rogati de sua fide atq; uita, deq; urbis mutatione, respondent, se solos habere ueram doctrinam, idq; sui capitis periculo uelle contestari: nam inde ab apostolorum ætate, neq; rectè denunciatum uerbum Dei, nec ullam fuisse iustitiam: esse quatuor omnino prophetas, quorum duo sint iusti, David & Ioannes Leidenensis, duo autem iniusti, pontifex atq; Lutherus, et hic quidem illo deterior. Interrogati, cur homines innocentes præter fidem datam ex urbe profugarint, ipsorum occupatis bonis, uxoribus atq; liberis, & quo scripturæ loco suam hanc iustitiam probare uelint atq; defendere? iam tempus illud adesse dicunt, quo fore Christus dixerit, ut mites terram possideant: sic Aegyptiorum bona Deum Israëlitis olim dedisse. Postea de copiis & annonæ ciuitatis locuti, plerosq; dicunt habere supra quinq; uxores: adhuc, expectari copias è Frisia & Hollandia: simul ac isti uenerint, regem omnium exercitu proditurum, ut mundum sibi subijciat, interfectis regibus ob non administratam iustitiam. Post habitam quæstionem, cum in proposito manerent, nec ullum agnoscerent magistratum, præter suum regem, capitis pœna mulctati sunt: ex ijs tamen unus euasit. Iam autem erat urbs adeò grauiter & angustè circumfessa, nullus ut cuiquam pateret exitus: itaq; ciues in ediam ueriti, deq; suo periculo solliciti, cogitabant comprehendere regem, & uinctum tradere episcopo: Rex autem, qui per indicium rem cognouisset, ex omni multitudine deligit sibi duodecim, quos maxime*

*fideles*



fideles sibi esse putabat, eosque uocabat duces, & singulis attribuit 1 5 3 5  
 partem aliquam urbis tuendam, & satellites, ut ne quis populi motus  
 exoriri posset: deinde, toti multitudini promittit, fore, ut ad Pascha  
 liberentur ab obsidione simul & inopia: quos uerò delegerat duces,  
 ijs ampliora multò pollicetur, & rerum dominos ait futuros: nomi-  
 natim etiam, quam cuiq; prouinciam, quas arces atq; prædia daturus  
 esset, exponit: uni tantum Lantgrauio parcendum esse dicebat, quòd  
 hunc suarum partium aliquando futurum esse speraret. Suprà dixi-  
 mus, conuentum fuisse indictum Confluentiæ, ad mensem Decem-  
 brem, eorum ordinum, qui sunt prouinciæ Rhenanæ: his etiam Sa-  
 xoniæ princeps elector, Ioannes Fridericus, ultrò se coniunxit. Eo in  
 conuentu re deliberata, decernuntur episcopo auxilia subitaria, equi-  
 tes CCC. peditum millia tria, in sex menses: his copijs totiq; bello  
 præficitur Vuirichus Comes Oberstenus: hoc etiam decernitur, reli-  
 quos omneis ordines Imperij sollicitandos de auxilijs, &, quoniam  
 Cæsar esset in Hispanijs, Ferdinandum regem orandum, ut in Aprilem  
 mensem, eius rei causa conuentum publicum indicat. Missis deinde li-  
 teris, grauiter monent obsessos, ut à proposito desistant, quod adeò sit  
 inhonestum & impium, ut nihil suprà: nisi pareant, seseq; legitimo  
 suo magistratui dedant, profitentur, episcopo, qui nunc ipsos obsi-  
 deat, non esse defutura Imperij totius auxilia. fuit hoc sub finem De-  
 cembris. Illi rescribunt idibus Ianuarij, anno salutis M. D. XXXV.  
 multis quidem uerbis, uerùm alienè, sic tamen, ut institutum suum  
 laudarent atq; defenderent: ad illud uerò, quod ipsis obiectum erat  
 de creato rege, nihil quicquam respondent: sed in literis priuatim ad  
 Lantgrauium scriptis conantur excusare, multa locuti de clade & in-  
 ternecione omnium impiorum, de liberatione et regno piorum in hac  
 uita. simul ei mittunt eum, de quo suprà diximus, librum de restituti-  
 one, & monent ut resipiscat, neque reliquorum principum more, qui  
 sunt impij, bellum ipsis inferat, hominibus innoxijs & populo Dei.  
 Lantgrauius, lectis illorum literis atq; libro, quid in eo uituperaret, Lantgra-  
 uius re-  
 sponder  
 scripto  
 Monaste  
 richium  
 annotat, suisq; mandat, uti respondeant. Et quoniam illi, paucissimis  
 uerbis atq; subobscuris, regem, non tam ab ipsis quàm à Deo constitu-  
 tum esse scripserant, rogat, cur non ea scripturæ loca, quibus id sibi li-  
 cuisse putent, euulgarunt, & signis atq; prodigijs antea cōprobarint?

153 5 nam de Christi aduentu Deum per prophetas omneis multò antè præ-  
nunciassè. ita quidem euidenter, ut non solùm de familia seu stirpe, sed  
etiam quando nasciturus esset & ubi, certò constaret. Cause quoq;  
fieri cognitionem illi postulauerant: ad hoc Lanigrauius. nō istud iam  
habere locum, quando quidem & gladij potestatem sibi sumpserint,  
& tantæ calamitatis extiterint authores: nam omneis uidere, quor-  
sum exeant, nimirum, ut leges omneis atq; respublicas euertant: & si-  
cut ipsorum institutum planè sit impium atq; sceleratum, sic etiam,  
quòd nunc de causa cognosci petant, fictum esse ac simulatum: se qui-  
dem ipsis ecclesiæ ministros misisse fideles, à quibus haud dubiè rectè  
sint instituti: quòd autem eorum proiecta doctrina, deficient à magi-  
stratu, quòd aliorū facultates occupent, quòd plures habeant uxores,  
quòd nouum sibi regem delegerint, quòd ex Maria uirgine Christum  
negent assumpsisse naturam humanam, quòd liberum esse dicant ho-  
minis arbitrium, quòd ad bonorum communicationem homines adi-  
gant, quòd lapso peccatori denegent absolutionē, hæc omnia tum sa-  
cris tum humanis etiam legibus aduersari. Cùm hoc ad eos esset alla-  
tum responsum, denuò scribunt, & librum unū mittunt, lingua popu-  
lari co. npositū de scripturæ mysterijs, per epistolam denuò suam cau-  
sam exornant & dogmata defendunt: in libro autem, quem diximus,  
totius mundi tempus atq; cursum omnem in tres partes diuidunt. &  
primum quidem mundum, inde ab Adamo usq; ad Noam inundatio-  
ne periisse, alterum, in quo nos hodie uersamur, igni periturum, tertium  
planè nouum esse futurum dicunt, in quo iustitia regnet: prius uerò,  
quàm hic postremus illucescat, eum, qui nunc sit, oportere per ignem  
expurgari, sed id non antè futurum, quàm sit reuelatus antichristus,  
& illius oppressa planè potentia: tunc demum fore, ut collapsa sedes  
Dauidis erigatur, & Christus regnum suum in terris obtineat, & pro-  
phetarum omnia scripta compleantur: presentem uerò mundum esse  
uelut ætatem Esau: nam & in eo silere iustitiam, & pios affligi: sed, ut  
à captiuitate Babylonica, sic etiā nunc à tantis ærumnis adesse tem-  
pus liberationis ac restitutionis, & futurū, ut impijs cumulatè repen-  
dantur ipsorum scelera sicut in apoca. Gypsi denunciatum sit: hanc au-  
tem restitutionem antecedere futurum seculum, ut impijs omnibus op-  
pressis, iustitia ueluti domicilium atq; sedes adoretur. Eo perlecto  
libro,

Anaba-  
pistarū  
liber de  
Scriptu-  
ræ my-  
sterijs.



libro, Lanigrauius negocium dei suis aliquot ecclesie ministris, ut contrarium scriptum opponant. Decretum illud Vuormacie factum, ciuitates, quædam perpatice, quæ tunc interfuerant, minimè conprobant, ac domum se renuntiaturus dicunt. Postea, reliquæ omnes Imperij ciuitates conueniunt Eslingæ, & ibi demum statuunt, eos qui Confluentie conuenissent antea, non habere ius, ullum onus ipsis imponendi: nam in eo Cæsaris & omnium ordinum debere consensum & auctoritatem interuenire. decretum itaq; factum repudiant, & inuicem auxilia promittunt, si quem hoc nomine periclitari contingat: quod autem in publicis Imperij consuetudinibus, legitimè, pro republica fuerit decretum, in eo se facturos officium, demonstrant. Ingrauescente uerò annona per urbem, Februario mense, sicut nonnullis etiam, fame ac rerum inopia percundum esset: quæpiam ex reginis miserrata uicem populi fortè ad alias dixit, non putare se Deum hoc uelle, ut ad hunc modum homines inedia consumantur. Rex, qui penum haberet instructum domi, non ad usum modò necessarium, sed ad luxum etiam, ubi reseruit, in forum illam producit, & unà reliquas omnes, & ingenus considerare iussim, capite plecti & mortuam ignominia notat, uti scortum. eo facto, reliquæ concinunt, & patri cœlesti gratias agunt: deinde choream rex ducit: multitudinem etiam, cui præter pa-

nem atq; salem nihil iam erat reliqui, ad saltationem atq; lætiam cohortatur. Cum uenisset Pascha, neque liberatio appareret ulla, rex, qui magnificè promiserat, ut ad excusationem aliquid inueniret, per sex dies ægritudinem simulat: post in forum prodit, & asino cæco se infedis, totiusque multitudinis peccata sibi patrem imposuisse dicebat: nunc igitur ipsos planè esse mundos, & ab omni piaculo solutos: hanc illam esse, quam promiserit, liberationem, qua quidem debeant esse contenti. Lutherus, inter alia, quæ populari sermone per hoc tempus emisit, ah, quid, inquit, aut quomodo querar, ac perditos illos homines deplorem? ipsa nimirum res loquitur, cacodæmones ibi confertim habitare: sed tamen immensam Dei misericordiam celebrare nos meritò decet. Nam etsi propter euangelij contemptum ac hominis diuini contumeliam, & piorum hominum profusum cruorem, digna sit Germania, quam grauius Deus affligit, satban e tamen impetum adhuc et uolentiâ coercet, neq; laxis habentis illam grassari permittit,

Rex reginam  
in ma-  
nu ob-  
truncat.

Lutheri  
scriptum  
de Mona-  
sticis  
uicibus.

153 *sed clementer nos admonet, et per tragœdiam hanc Monasteriensem, minime artificiosam, ad uitæ uocat emendationem. Etenim, nisi Deus illum frenaret atq; retraheret, nihil dubito, quin subtilissimus ille spiritus & tantus artifex, longè secus rē fuerit acturus: nunc uerò, quando securim ei Deus iniecit, non quantum cupit atq; uult, sed quantum ei permittitur, furit & tumultuatur. Nam qui fidem Christianam conatur euertere genius malus, non hanc uiam ingreditur, ut polygamiā introducat: cum enim nefas & rei turpitudine sit in omnī aspectu, satis intelligit homines abhorrere. Politia quidem & ciuilis gubernatio potest hac ratione turbari sed Christi regnum alijs est oppugandum telis atq; machinis. Qui uult in fraudem homines ac insidias pellicere, non est quod regnum aut dominatum affectet, ac tyrannum agat: hoc enim omnes improbant, & quod tendant illius consilia, uident: sed occultis rationibus, tanquam semitis, eò perueniendum est. obsoletè ac inusitatè uestiri, uultū ad austeritatem componere, caput in terram deiscere, ieiunare, non attingere pecuniam, non uesci carnibus, abhorrere à matrimonio, functionem ciuilem seu magistratum habere pro re prophana, recusare dominatum, ac apini demissionem singularem profiteri: hæc inquam est methodus atq; ratio, quæ sapientes etiam circumuenire possit, quæq; dissimulanter & occultè uiam ad regnum aditumq; patefacit. uerum, impudentia summa regnum sibi uendicare, proq; libidine quot libet uxores ducere, non hæc est aliquis exercitati, sed rudis etiamnum cacodæmonis techna, uel si est exercitati, iam sanè Deus illum ita reuinxit cathenis, ut subtilius insidiari non possit. quod eò facit haud dubiè, ut ipsius numen reueremur, & ad poenitentiam excitemur, prius, quàm frena laxet illi perito, qui certè multò nos acrius est adoriturus. Nam si tantam turbam grammatistes illic potest excitare, quid futurum est, ubi plenius uelis in nos inuehetur ille maiori præditus cognitione sathanas, leguleius nimirum atque theologus: itaq; nihil ab hoc tam inuenusto genio magno opere metuendum est: opinor etiam non omnibus in urbe ludum hunc atque fabulam probari, sed plerisque uehementer dolere, qui non absque suspirijs ac lachrymis à Deo liberationem expectant, ut superioribus annis in seditione quoq; rusticorum accidit. Atq; utinam nullus in orbe terrarum sit diabolus astutior hoc Monasteriensimodò uerbum*



uerbum suum Deus non eripat nobis, equidem perpaucos fore credi- 1 5 3 5  
derim, qui tam crassus magistro minimeq; sobrio sint habituri fidem:  
Quamquam sanè, cum exardescit ira Dei, nullus est error tam absur-  
dus et inconditus, quem non sathanas persuaदेat, ut in Mahometi do-  
gmate uidemus accidisse. nam etsi totum est ineptum, tamen extincta  
luce uerbi diuini, robur assumpsit, & in tantam sese diffudit amplitu-  
dinem atq; potentiam, uti uidemus. quod nisi Munceri consilium &  
conatum repressisset Deus, idem erat in Germania futurum: quantum-  
uis enim exiguam scintillam, permittente Deo, sathanas in immensum  
inflammare potest, nec incendij melior est uia restringendi, quam per  
uerbum Dei: cum enim hostis armatura sit omnis incorporea, non po-  
test aut equitum turmis aut machinis ullis debellari. Nostri uerò prin-  
cipes ac episcopi diuersum agunt: euangelij doctrinam impediūt, qua  
sola mentes hominum atque corda sanari possunt: interim supplicijs  
grassantur, ut corpus eripiant Diabolo, sed potiore[m] hominis partē,  
cor ipsum & animam ei relinquunt. Ea res nimirum illis ita cedit, ut  
Iudeis olim, qui cruce uolebant atq; supplicio Christum extinguere.  
Iam uerò, quantum ad ea pertinet, quæ de Monasteriensibus diuulga-  
ta sunt atq; scribuntur, equidē sic rem habere puto, fidemq; mihi fa-  
cit illud nuper ab ipsis editum scriptum, quo suum ipsi furorem pul-  
chre depingunt. Primum enim, de fide uehementer absurda docent,  
deq; Christo, quasi non sit ex Maria satus, ut ipsi loquuntur, tametsi de  
semine Dauidis uenisse fatentur, sed non satis rem explicant, & satha-  
nas haud dubiè monstri aliquid alit: hoc quidem non obscure signifi-  
cat & innuit, Mariæ semen aut carnem nō posse nos liberare. sed fru-  
strā nititur: nam ex Maria uirgine natum esse Christum scriptura di-  
cit. quæ quidem uox in omnibus linguis ad foetum refertur, qui de car-  
ne matris ac sanguine conceptus atq; formatus in lucem editur. Dein-  
de, quod baptismum superioris temporis, uti prophanum damnant,  
insciter quoq; faciunt: nec enim illum, ueluti rem institutam à Deo,  
sed tanquam opus humanum, censent, & aestimant. Quod si autē pla-  
nè cōtemni debet atq; proijci, quicquid impij dant aut habent, miror  
sanè, cur aurum, argentum, ac cæteras facultates, ereptas impijs, non  
aspersnentur, & nouam materiam fingantēnam ut ista, sic etiam ba-  
ptismus est opus & creatura Dei. Cum impius iurat, abutitur uero no-

153 mine Dei: si non sit ei uerum Dei nomen, non delinquit: qui latrocinatur, furatur aut prædæ facit, mandatum Dei uiolat. si non sit ei uerum Dei mandatum, nihil peccat: sic etiam, si prior baptisumus nihil sit, iam illi, qui sunt eo tincti, nihil errarunt. Cur igitur eiusmodi baptisum execrantur isti, uelut rem impiam, cum tamen nihil sit, ut ipsi confirmant? Si matrimonia superioris ætatis habenda sunt pro scortatione ac adulterio, sicut ipsi dicunt, quandoquidem ab ijs contracta sunt, qui fide carebant, ut aiunt, quæso, nonne meretricum sese filios esse faciunt? iam, si spurij sunt et illegitimi, cedo, cur suæ ciuitatis atq; maiorū possessiones obtinent? æquum erat profecto quoniam eiusmodi sunt, ne quam hæreditatem adirent, sed in hoc sub nouo matrimonij genere sibi nouas compararent facultates ac opes, quæ titulum haberent honestiorem: nec enim istos tam sanctos & religiosos uidelicet homines decet, ut meretricijs illis ac illegitimis bonis uitam tolerent, aut alijs illa per uim & latrocinium adimant. Ad ipsorum illud ridiculū regnum quod attinet adeo multa sunt et aperta quidē in hac unare flagitia, nihil ut sermone prolixiori sit opus: ac sanè hæc ipsa quæ dicimus, & nimis multa, neq; magnopere uideri possunt necessaria, præsertim, cum ab alijs abundè satis tractata sint & explicata.

Conuentus Imperij Vuormæ.

In imperij conuentu, quem rex Ferdinandus, rogatu principū, Aprilimēse, Vuormaciæ per legatos agebat, ciuitates quæ nihil adhuc derant pecuniæ, protestantur iniuriæ, se ad eū diem adesse, non propter decretum Confluentiæ factū, sed ut Cæsari ac Ferdinando regi morē gerant. Post magna fuit ipsis, de contributione, cū principibus altercatio. Tandē fuit decretū auxilium in menses quinque, nempe ad uiginti aureorū millia menstrua: item, ut expugnata uel capta urbe, parceretur innocenti turbæ, & ut uiris bonis, qui uel essent obsesti, uel aliō migrassent, bona restitueretur. Eo facto decreto, Monasteriensis episcopus exercitū tradidit Oberstenio: sed cū negligentè admodum & propè sero cōficeretur pecunia publica, nihil potuit præclarè administrari: tum & ipsi duces, ob difficultatem rei nummaria, non semel in magno fuerūt uite discrimine, tumultuante milite. Cū intra urbem iam recessisset, cum esset de ducta casum, ut fame cōplures quotidie morerentur multi etiā aliō discederent, ac foras prodirent adeo tenues & effæti, ut etiam hostis uteretur in eos misericordia: belli duces moriebantur.



nebant oppidanos, quod si regem & paucos præterea quosdam tra- 1 5 3 5  
derent, ipsis nihil futurum esse fraudi. Ciues, etsi uehementer optabāt,  
seueritate tamen & uigilantia regis deterriti, nihil audebant. tam e-  
nim erat rex obstinatus, ut quandiu superesset, quod ipse cum paucis  
ederet, non esset facturum deditionem. Itaq; duces rescribunt, & iu-  
bent, ne posthac ullos emittant, ne pueros quidem aut mulieres. fuit  
hoc calendis Iunij: postridie respondent illi. queruntur non admitti  
ad cognitionem legitimam, & præter omne suum meritum grauissi-  
mè affligi: quod si quis errorem ipsis demonstraret, non se defuturos of-  
ficio: deinde, locum quendam Danielis explicant, de quarta bestia, lon-  
gè omnium seuißima: exitus erat literarum, se beneficio Dei in hac ue-  
ritatis confessione perseveraturos. hæc autem omnia de uoluntate re-  
gis ita scripta fuerunt. Rebus autē ad extremum in urbe adductis, duo  
quidam profugiunt. ex ijs unus capitur à militibus, alter, interposita  
fide, ad episcopum uenit: & uterq; potiundæ urbis rationem ostendit.  
Oberstenius & episcopus, audito perfugarum sermone, & re delibe-  
rata, Iunij die uigesima secunda morient per colloquium oppidanos,  
ut sese dedant, & multitudinem conseruent, quæ fame cõtabescat: illi,  
præsentē rege, per Roimannum respondent, sic tamen ut à proposi-  
to nollent discedere. Biduo post, noctu sub horam undecimam, copie  
silentio ad urbem accedunt, & industria perfugæ, milites aliquot de-  
lecti, per fossam in uallum perueniunt, interfectis excubitoribus: hos  
alii subsecuti portam minorem offendunt patentem, & circiter quin-  
genti cum ducibus aliquot atq; signis in urbem inuadunt. Ibi tum op-  
pidani facto concursu, reliquos conātes irrūpere morantur, atq; uix  
tandē reiiciunt, & occlusa porta, mox in eos, qui fuerant ingressi, fa-  
cto impetu, multos interficiunt: cumq; per unā & alterā horam esset  
acriter dimicatum, qui erant inclusi milites, proximā portam, quæ mi-  
nimo tenebatur præsidio, ui refringunt, & socijs aditum faciunt, qui  
statim ingenti agmine sese inferunt, cumq; initio resisterent oppidani,  
& occupato fore sese cōmuniuissent, re desperata, multisq; cæsis im-  
petu primo, misericordiā implorant & impetrant. Rex autē & Cnip  
perdolingus in hoc ipso tēpore capiuntur: Rotmannus, abiecta spe sa-  
lutis, cum in confertam hostium turbam incurrisset, cōsoditur, ne uiuus  
in illorum ueniret potestati. Vrbe capta, episcopus dimidiam prædā &  
tor-

Monasto-  
rium ex-  
pugna-  
tur.

1535 **Alter conuentus Vuormaciae.** tormēta sibi sumpsit, postea dimissis copijs, duo tantum signa sibi seruat praesidij causa. Secutus est deinde alter Imperij conuentus, Vuormaciae, ad idus Iulias. In eo Ferdinandus rex per legatos proponit & rogat, occupata nunc urbe, num praeterea sit agendum de delendis in uniuersum, anabaptistis: monet etiam, ut pontificem Romanum de concilio principes interpellent. Illi, quid de anabaptistis fieri conueniat, esse iam antea cautum aliquot edictis: de concilio pontificem esse non semel sollicitatum à Caesare: neq; se posse aliquid praeterea dicebant. Eodē in conuentu, Monasteriensis episcopus petit impensas atq; damnum sibi sarciri, & pactam pecuniam nondum esse persolutam queritur. Cum nihil amplius decerni posset, perpauci etiam ordines adessent, indictus est alter ibi conuentus, ad Calendas Nouembris, in quo de rationibus & sumptu belli cognosceretur, & quae reipublicae forma sit insituenda posthac Monasterij, discerneretur. Vbi uenisset dies, Ferdinandi regis legatus paucis repetit causas indicti conuentus, ut uidelicet inter alia deliberetur etiam, quomodo ciuitas nuper occupata, deinceps in ueteri permaneat religione. Posthac, episcopi legatus exponit, quantos ille toto belli tēpore sumptus fecerit, quam magnum aes alienum conflauerit, quomodo capta urbe, motus & periculi uitandi causa, necesse habuerit bina extruere in urbe Castella, praesidijsq; munire. quarum rerum omnium rationē haberi petebat. Ad ea responsum est, episcopum & praedae maiorem partem & tormenta omnia, & ciuium etiam bona cepisse, quae quidem omnia sint reipublicae Imperij: æquum esse, ut aestimatione facta, cum sumptibus haec communicentur: quod amplius desideratum fuerit, eius quoq; rationem habendam esse. Postea decernitur, ut episcopatus Monasteriensis Imperio subsit, pro more antiquo, nobilitas omnis restituatur & ciues etiam qui migrarint aliò, modò ne sint anabaptistae: de religione agat episcopus secundū Imperij decreta. primo uere sequentis anni, principū legati Monasteriū profecti, de statu ciuium cognoscant, innoxios cōseruent, munitiones omneis ab anabaptistis excitatas, demoliantur, & episcopus etiam ab se aedificata castella in urbe, diruat, regem autē & Cnipperdolingum & Crechtingum captiuos, primo quoque tempore, pro ipsorum merito, plectat, neque amplius detineat. Ad illud quod de religione decretum esse diximus, palam testati sunt,



sunt, non se assentiri, Saxo, Lantgravius, Vuirtembergicus et Anhal= 1 5 3 5  
 dius: idem profitebantur etiam ciuitates, sed neq; ueteres urbis muni-  
 tiones dirui uolebāt: de nouis non repugnabant. Rex & socij duo ca=  
 ptiui, ducebantur huc illuc ad principes, spectaculi & ludibrij causa. Rex Mo=  
 Per hanc occasionem, Lantgrauiani concionatores cū rege sermonem nasteri-  
 conferunt, & disputationem ineunt de his potissimū dogmatis, de ensis spe=  
 regno Christi, de magistratu, de iustificatione, de baptismo, de cœna ctaculi  
 Domini, de incarnatione Christi, de coniugio, & scripturæ testimo= causa cir=  
 nijs eò proficiunt, ut illum, quantumuis reluctante suaq; defendente, cumduct=  
 etsi non mutarent totū, flecterēt tamen atq; labefactarent, sic ut ple=  
 raq; tandē cōcederet. quod tamē uitæ seruandæ causa fecisse putatur.  
 Cum enim secundò redissent ad ipsum, promittebat, impunitate pro=  
 posita, se facturū, ut qui per Hollandiam, Brabantiam, Angliam, Fri=  
 siam essent maximo numero anabaptistæ, silerent, & per omnia ma=  
 gistratui obtemperarent. Cū ipsius deinde socijs ijdem & coram &  
 scripto disputarunt, de mortificatione, de baptismo paruulorum, de  
 communione bonorum, de regno Christi. Cū essent adducti Telge=  
 tum, rex ab episcopo rogatus, qua fretus autoritate, tantam sibi li=  
 centiam arrogasset in suam ciuitatē atq; populū? rogat inuicem, quis  
 ipsi ius & imperium in eam ciuitatē dedisset? cumq; responderet epi=  
 scopus, de collegij populiq; uoluntate sibi ditionē hanc obuennisse: re=  
 fert ille, & se diuinitus eò uocātū. xij. deinde calendas Februarij, Mo 1 5 3 6  
 nasterium reducuntur, & singulis attribuitur custodia separatim: eo=  
 dem etiam die uenit illuc episcopus, & cum eo Coloniensis archiepi=  
 scopi & principis Cliuensis legati. Quod secutum est biduum, pijs  
 admonitionibus datū est, ut ab errore deducerētur: et rex quidē agno=  
 uit peccatum, ac precibus ad Christū confugit: reliqui duo nec ullū fa=  
 tebantur delictū, & obstinatē sua defendebant. Postridie rex in locum  
 editiorem productus, alligatur palo: aderant bini carnifices ac forci=  
 pes igniti: ad treis primos morsus conticuit, deinde misericordiam  
 Dei cōtinenter implorans, cū horam & amplius ad hunc modū la=  
 ceratus esset, transacto demum per pectus mucrone, decessit: idem sup=  
 pliciu & socios eius perculit. Et extincti, caueis ferreis illigantur sin=  
 guli, & ad summam turrim urbis exponuntur pensiles, rex quidem,  
 medius est, & quanta est hominis statura, sublimius illis. Huius anni  
 mense

Rex Mo-  
nasteri-  
ensis spe-  
ctaculi  
causa cir-  
cumduct-  
tur.

Suppliciu  
regis  
Anaba-  
ptistarū.

1535 mense Ianuario mortem obiit Catharina, quam ante annum tertium Henricus Angliæ rex, repudiauerat, ut suprâ docuimus. Libro quarto diximus, quomodo Holsatiæ dux Fridericus ope Lubecensium fuit creatus Dantiæ rex: cum is mortem obisset, natum est bellum inter eius filium, Christianum, regni successorem, & Lubecenses, admodum graue: sed cum Saxo, Lantgrauius, Ernestus Luneburgius, Bremenses, Hamburgij, Magdeburgici, Brunswigij, Luneburgenses & Hildesse=

**Bellum Danicæ cum Lubecensibus.** mij intercederent, huius demum anni mense Februario pacificatum fuit. Bellum tunc Geneuensibus aliquandiu fecerat Sabaudia princeps Carolus, adiutus ab eius urbis episcopo, uel potius instigatus, partim, ob euangelij professionem, partim alijs de causis. Erant autem Geneuenses Bernatum Heluetiorum socij, & tandem ab illis adiuti summis copijs, uim hostilem reijciunt. & Bernates progressi, quicquid ipsorum finibus erat opportunum, occupant, ad Lemanium usq; lacum. faciebant idem etiam reliqui Heluetij, quorum ad fines Allobroges pertingunt. Dum hæc geruntur, Gallia rex, qui multo antè constituerat in Italia belligerari, maximè uerò post mortem Francisci Sfortia, de quo diximus, uere primo conscriptis copijs, bellum & ipse principi Sabaudia facit, auunculo suo, propter controuersiam hereditatis, quam sibi deberi dicebat, ab illo possessam & occupatam. Sabaudus iam antea debilitatus, ut dictum est, & impar hosti tam ualido, breui tempore, ferè totis finibus eiectus fuit. Rex enim superatis alpibus, Pedemontanam quoque regionem inuadit, & inter alia præcipuum ijs locis oppidum Taurinum capit, & opere præsidioq; munit, ductore Philippo Schaboto Amiralio. Habebat in matrimonio Sabaudus Emanuelis Lusitania regis filiam, Beatricem, Cæsar autem huius sororem, Isabelam, & superioribus quidem annis neutri sese dederat ille: cum autè nunc ad Cæsarem inclinare uideretur, regem è sorore consanguinea Ludouica nepotè in se concitauit. Sunt qui dicant, Clemensem pontificem, quo tempore Masilia fuit, ut superiori libro diximus, regi consiliū hoc dedisse, ut si Mediolanum aliquando recuperare uellet, uicinam Sabaudiam atq; Taurinos primum occuparet. Vtuncq; sit, rex, anno sequenti, noua quadam cōsuetudine, per sui regni prouincias instituit milites legionarios, ad quadraginta circiter millia, qui sese armis exercerent, & cum tempus ita posceret, essent expediti.

Cum



Cum enim antiquitus Gallie reges plurimum ualeant equitatu, quem  
 alunt perpetuum, iste pediatu etiam uoluit habere delictu, ne semper  
 opus esset externo milite. Erat autem propositi regis, producere exer-  
 citum et bellum in Insubria uicina facere, quo principatu Mediola-  
 nensem recuperaret, quem antea toto sexennio possessum, ad se suosque  
 liberos pertinere contendeat, per Valentinam, Philippi Vicecomitis,  
 postremi Mediolani principis ex ea familia, sorore, proauiam suam.  
 Ita res autem habet. Vicecomitu familia per Insubriam illustre nome-  
 obinet. In ijs primo loco refertur Otho, Mediolanensis archiepiscopus,  
 qui Rodulpho, Cesare, Turrianos, nobilem et insignem familiam,  
 eiecit. Hunc sequitur ex fratre Theobaldo nepos Mattheus, inde Ga-  
 leacius, Actius, Luchinus, Ioannes, Mattheus II Galeacius II. Barna-  
 bas, Ioannes Galeacius, quem Vuenceslaus Cesar primum Mediolani  
 ducem creauit. Huic erant filij duo, Ioannes, Philippus, qui sine libe-  
 ris decesserunt et Valentina Philippi filiam notham, Franciscus Sfor-  
 tia, uir militaris, Iacobi filius nothus, in matrimonium ducit, et per  
 eam occasione principatu Mediolanensem inuadit, exclusa Valenti-  
 na, Philippi sorore, quam in matrimonio habebat Caroli sexti Gallie  
 regis frater Ludouicus, dux Aurelie. Sfortia nati sunt liberi, Galea-  
 cius, Ludouicus, Ascanius: ex ijs Ludouicus dominatum inuasit, et fi-  
 lios procreauit Maximilianu Franciscum Ex Valentina liberos ha-  
 buit Aurelie dux, Carolum, Philippum, Ioannem Carolus, pater fuit  
 Ludouici ducis Aurelie, qui post factus est Gallie rex eius nominis  
 duodecimus Philippus absque sobole decessit. Ioannes Engolismorum  
 princeps filium suscepit Carolum, patrem Francisci regis, qui Maxi-  
 miliano Sfortia capto, suam in potestatem redegit Insubriam: sed Leo-  
 decimus et Cesar, ipso profligato, Franciscu Sfortiam exule restitue-  
 runt, quo nunc demum extincto, rex Franciscus, repetendi sui iuris,  
 ut ait, et uindicandi causa, bellu denuo mouet, quia post interitu Sfor-  
 tie, Cesar Insubriam sue ditionis fecerat per Antoniu Leuam, quem  
 nauigaturus in Aphricam, ut supra diximus, legatu et ciuio de ibi re-  
 liquerat. Vbi primum ergo de conatu regis intellexit, ilico per Ger-  
 maniam, alijsque in locis, quantum omnino potest, conscribit exerci-  
 tum, et in Italiam euocat: et quum Neapoli Romam uenisset, initio  
 mensis Aprilis, aliquot post diebus, senatum sibi dari petit, et in fre-  
 quenti

Familia  
 Vicecomi-  
 tum  
 Mediola-  
 nensium.

Oratio  
 Cesaris  
 in Gallia.

2536 quenti cœtu cardinalium, præfente pontifice & exterorum regum legatis, orationem habet grauem ac uehementem in Gallie regem, qui rupto fœdere & inueterato quodâ odio, pulcherrimos ipsius & sanctissimos conatus impediret ac euerteret. Exitus orationis erat, ut diceret se paratū esse cum illo dimicare singulari certamine, quò uidelicet alterutrius priuato potius, quàm publico totius orbis incômodo, belli finis aliquando fiat. Prius quàm Neapoli discederet, fœdus cum eo Veneti fecerunt in Turcâ, eoq; magis, quòd fore sperarent, ut Mediolani possessionem alicui traderet. Nam cum reliqui per Italiam dynastæ, tum inprimis ipsi, neq; Gallos neq; Cæsarem uolebant amplissimo principatu locupletari, & superioribus annis eò sæpe conspirauerant, nunc in Gallum, nunc in Cæsarem, ut Franciscus Sfortia restitueretur, quòd ab eo sibi minus esse periculi putarent. Etenim, eius fœderis, quod ante annum decimum Clemens atq; Veneti contra Cæsarem inierant, hæc fuit causa, quòd illum, profligato Sfortia, totam Insubriam uelle sibi putarent uendicare, quod quidem certissimo suo cū detrimento coniunctū esse iudicabant: et quum ante annū sextum, Clemens pontificis interuentu, Sfortiam Bononiæ restitueret, incredibilem sibi cōciliauit beneuolentiam. Neapoli quoq; Cæsar nuptias peregit filie suæ nothæ cum Alexandro Medices, quem Florentiæ duce constituerat, ut libro septimo diximus. Alexander hic erat filius nothus Laurentij Medices, qui patrem habuit Petrum, quem superiori libro diximus in ostio Liris obrutum fluctibus interijisse. De Vergerio dictū est libro superiori, quare fuerit amandatus in Germaniam: cū autem Cæsar Neapolim ueniret, pontifex illum reuocat: ubi magna celeritate Romam uenisset, legationē renunciat: protestantes concilium postulare, liberum & Christianum, & quidem intra fines Imperij, loco opportuno, quod Cæsar sit ipsis pollicitus: de Luthero cæterisq; nullam esse spem, nisi opprimantur: ad illud de rege Britannie protestantes minime assentiri, cæteros uerò principes admodū fringere: Georgium autem Saxonie ducem affirmare, maximum esse periculum à Lutheranis, quod sanè non alia ratione depelli possit aut cui dari, quàm si bellum Cæsar illis atq; pontifex quamprimum faciant. Ea re cognita, Vergerium pontifex, ut Neapolim celeriter ad Cæsarem transcurrat, & hæc illi cōmemoret, præsertim illud de capiendis ar-

Fœdus  
Veneto-  
rum cū  
Cæsare.

Vergeri-  
us ad Cæ-  
sarem a-  
manda-  
tur.



mis in Lutheranos, dimittit. Cum deinde Romam Caesar uenisset, 1536  
 quod fuit Aprili mense, sicut antè docuimus, indictionem concilij mul-  
 tum urgebat, eiusq; rei diploma secum asportare cupiebat: pontifex  
 autem, non quidem recusare, sed aliquam urbem Italiae deligere, &  
 conditiones uelle se præscribere dicebat, ecclesiæ Romanæ necessarias.  
 Tum Caesar, modò peragere illud uellet, non se reliqua morari: nam  
 Germaniæ potissimam partem, ut in eo ipsum sequantur, adductu-  
 rum. Sic ergo nouem ex eo numero deligit pontifex, qui diploma con-  
 scribant. Hi erant Campegius, Cestius, Simoneta, Ginutius, Contare-  
 nus, Polus, cardinales: archiepiscopus Brundusinus, episcopus Rhe-  
 giensis, Vergerius, tum primum factus episcopus Modrusiensis, ac  
 non multo post, Iustinopolitanus: hi simul omnes, primum, pontifice  
 præsentē, postea separatim formulam indictionis conscribunt, ut in frâ  
 dicetur. Suprà dictum est de legatione Britannica: cum ijs actum fuit  
 Smalcaldiæ certis conditionibus, ut puram euangelij doctrinam, Au-  
 gustæ propositam, & post explicatam, rex propaget, & in legitimo  
 concilio, si quod erit, unâ cum ipsis defendat: ne concilij uel indictio-  
 nem uel locum alteri recipiant, nisi de communi uoluntate: quòd si ta-  
 men certis & indubitatis argumentis appareat, eiusmodi futurum es-  
 se concilium, quale pontificio legato Paulo Petro Vergerio sit demon-  
 stratum, ne repudietur: quòd si pontifex nihil ominis pergat, ut tum  
 eius institutum impediatur, & testificatione publica recusetur: sicut i-  
 psorum doctrinæ sese rex adiunxit, ita quoq; foederi coniungat, eiusq;  
 dicatur patronus atq; defensor: illa uulgaris de primatu pontificis o-  
 pinio, reiiciatur in sempiternum: si quod bellum nomine religionis aut  
 quauis alia de causa fiat in alterutros, ne quid auxilij detur ei qui uim  
 facit: ad foederis defensionem rex dependat aureorum millia centena,  
 cuius quidem pecuniæ partem dimidiam confœderati, cum opus erit,  
 impendant, reliquum uerò sumptum ex ea, quam ipsi contribuerunt,  
 pecunia, faciant: quòd si autem diuturnum sit bellum, & uis hostilis  
 ita cogat, tum ad ducenta millia rex annumeret, quandoquidem ipsi,  
 cum in eum casum rex deuenierit, non facultates modò, sed uitam ea-  
 tiam atq; sanguinem profundere pacto teneantur: eius quoq; summæ  
 sit eadem ratio quæ superioris, nec in alium usum quàm ad defen-  
 sionem erogetur, & quod reliquum erit confecto bello reddatur: hæc

Capita  
foederis  
inter Ang-  
glum &  
Præst.

1536 ad regem legati perscribant, et cum de ipsius mente cognorint, Saxo-  
ni, Lanigrauiq; renuncient, quo communis deinde mittatur ad illum  
legatio. Cum ad regē hęc postulata legati misissent, Vuittembergam  
profecti, reliquam hyemem ibi transigunt, & interea cum theologis  
ibi differunt de dogmatis, & potissima erat eis controuersia de cœli=  
batu sacerdotum, de cœna Domini, de missa pontificia, de uotis mona=  
sticis: inprimis autem sollicitabant, ut diuortium regis, theologi proba=  
rent: sed hi nō se posse per scripturam dicebant: cumq; illi multa dein=  
de persuadendi causa in medium adducerent, hoc inprimis, Clemen=  
tem pontificem sententijs uariasse, & ad Gallie regem, colloquio pri=  
uato, quid sentiret, explicasse: theologi respōdebant, si quidem ita sit,  
magnas regem habuisse causas: urgentibus autē illis, ut iustissimas suis  
se causas dicerent, denegabant. Cum autem ex Anglia uenissent iam li=  
tera, quibus animum suum rex atq; sententiam explanabat, legati cer=  
tiores de eo faciunt electorem, & xij. die Martij, de regis optima uo=  
luntate prolixē locuti Vuittembergæ, quō tum princeps uenerat, po=  
stulata pleraq; illi placere demonstrant, si pauca quædā emendentur.  
& quanquam omnia sint per Britanniam pacata, neq; subsit causa,  
quamobrem ab ullo sibi rex metuatur, & si qua fortē causa fuit, ea nūc  
uxoris repudiata sit interitu sublata, recuperanda tamē atq; retinen=  
da ueræ doctrinæ gratia, non illum recusare, quā flagitent, pecuniæ  
summā depēdere, si fœdus cœat: hac etiam de re uelle prolixius age=  
re coram cum ipsorū legatis: quod autē honorē hunc ei deferant, ut sit  
fœderis defensor atq; patronus, permagnam habere gratiam, et ipso=  
rum agnoscere beneuolentiam: ac licet intelligat, quanta sit hoc cum  
inuidia coniunctum & offensione, reipublicæ tamen causa non detre=  
ctare, si de primo atq; secundo postulato conuenerit: nisi enim doctri=  
næ sit cōcordia, putare, prouinciam hanc nō satis honorificā sibi futu=  
rā: cupere autē inprimis, ut suæ atq; ipsorū ditionis uiri docti prorsus  
idē sentiant: et cū id fieri nō posse uideat, nisi quædam ipsorum doctri=  
næ, confessionis & apologiæ loca, priuatis colloquijs præmolliantur.  
idedō rogare plurimum, ut legatos mittant, & in his aliquem insigni=  
ter doctū, qui cū suis, de doctrina tota, deq; ceremonijs conferant atq;  
statuant: cumq; tam liberalem sese præbeat, inuicem ab ipsis petere,  
primū, si quis ei bellū faciat, ut aut quingentos equites aut naues decē

instru=

Legati  
Anglici  
Vuittem=  
bergæ  
hymāt.

Angli ad  
Protest.  
literæ.



instructas & ornatas, suppedient in menses quatuor, deinde, ut sum= 1 5 3 6  
 ptu ipsius, equitum millia duo, peditum uerò quinq; procurent: po=  
 stemò, quam sententiam de diuortio factò theologi Viitembergi. i  
 pronunciaſſent, ut eam ipsi quoq; laudent, & in futuro concilio pro=  
 pugnent. Saxo, quoniam ad socios ea res omnis pertineat, cõmunica=  
 turum se cõsilia respondet. Aprilis deinde dies xxiiij. constituitur, quo  
 die Francofurti conueniant omnes, cū hac ipsa tum alijs de rebus. Cū  
 eò uentum est, legatis responsum fuit. etsi iam primū in fœdus non=  
 nulli sint recepti, quidam etiam propter itineris interuallum, quod ad  
 suos referre non possint, definiendi mandatū nullum habeant, fore  
 tamen, ut in hoc ipso conuentu, quemadmodum sit ad regem mittēda  
 legatio, statuatur, & qui iam statuere non possunt, intra mensem unū  
 Saxoni Lantgrauioq; suam uoluntatem declarent, quod ipsis illic  
 pōst, eo, quem designauerint, loco, renunciatur, neq; dubitare, quin  
 hi maioris partis, quæ iam legationē approbarit, sententiam probent.  
 Concepta deinde fuit actionis instituendæ formula, quam in Angliam  
 mittendi legati sequantur. in ea cautum fuit inter alia, quum eò uene=  
 rint, & de fœdere fortē decreuerint, ut in rebus omnibus Imperiū at=  
 que Cæsarem, cui fide sint atq; iureiurando deuincti, claris uerbis exci=  
 piant. Ciuitatum nomine fuit ad legationem designatus Iacobus Stur=  
 mius: theologi uerò Melancthon, Bucerus, Georgius Draco. Recepti  
 sunt in fœdus, hoc in conuentu, Vuirtembergicus princeps Vlrichus,  
 Berninus & Philippus fratres, Pomeraniæ principes, Georgius et Io=  
 achimus Anhaltij, fratres, item Augusta, Francofurtum, Campodu=  
 num, Hamburgum, Hannobria: de cæteris quoq; rebus, ad fœdus atq;  
 defensionem pertinentibus deq; iudicio Cameræ tractatum fuit: hoc  
 etiam decretum, mittendos ad Cæsarem esse nuncios atq; literas, qui=  
 bus ad ipsius epistolam, Neapoli datam, ut superiori libro diximus, re=  
 spondeatur. De Georgio Saxonie principe iam sæpe diximus, quomo=  
 do Lutheri doctrinam inde ab initio uehementer odisset: cū ergo  
 per hanc occasionem uariæ lites inter ipsum atq; Saxonem electorem  
 patruelem huius parentem, nasceretur, ita demum transacta res fuit,  
 ne quod religionis causa disidium sit, uerū in eo sese gerant uterq;  
 quemadmodum id putent Deo se posse probare, deinde, ut & alteru=  
 trius & utriusq; pariter beneficiarij seu clientes, cuiuslibet religionis,

Conuen=  
 tus Pro=  
 testantiū  
 Franco=  
 furti.

Transa=  
 ctio ele=  
 ctoris cū  
 Georgio  
 Saxonic.

2536 eodem sint iure quo prius. nam habent uterq; princeps permixta do-  
 minia: quod quidē pacis retinendæ gratia consultō maiores ita consti-  
 tuerunt, ut uter eorum uellet mouere bellum, suis ipse finibus atq; po-  
 pulis damnum dare cogeretur. Georgius autē, ea postposita transactio-  
 ne, quibusdam ecclesiasticis ditionis electoris, annuos prouentus, quos  
 in ipsius agris haberent, non multō post, eō quod Lutheri doctrinam  
 sequerentur, denegabat: eadem etiam de causa, communes utriusq;  
 clientes, ab usitato moribusq; recepto possessionis beneficio repudia-  
 bat. Mortuo uerō Saxone, Ioannes Fridericus filius cœpit per legatos  
 & per literas eum admonere pacti, sed ille minus amicē demū rescri-  
 bens, ueluti per contumeliam obiecit inter alia defectionem ab eccle-  
 sia & à pontifice atq; Cæsare: cumq; post multam actionem, hoc de-  
 mum anno frustrā rursum esset tentata conciliatio, per legatos elector  
 hoc in conuentu rem omnem socijs ordine commemorat, & ope con-  
 filioq; iuuari sese petit, si quam ille fortē cum suis uim paret. Ad deci-  
 mum deinde Maij diem dimittitur conuentus. Initio autem Iunij men-  
 sis, Angliæ rex coniugem suam Annam Boleniam, adulterij damna-  
 tam & incestus, capite plectit, quum filiam ex ea procreasset isabelā.  
 ea res legationem, de qua diximus, Anglicanam sustulit. Inflamma-  
 to iam bello Cæsaris cum Galliæ rege, Paulus III. Iunij die secundo scri-  
 ptum edit. posteaquam ad hanc dignitatē beneficio Dei peruenit, ni-  
 hil magis optasse, quā ut ecclesia, quæ suæ curæ sit à Deo commissæ,  
 sancti spiritus auxilio suaq; uigilantia repurgetur ab hæresibus & er-  
 roribus, qui iam pridem in ea nati sint & aucti, tum etiam, ut emenda-  
 tis moribus atq; disciplina, restituatur in pristinum statum: nam & ci-  
 uilibus bellis & impiorum etiam machinis illam dilacerari: quod sibi  
 cum primis doleat: cogitanti uerō magna cū sollicitudine, quemadmo-  
 dum hisce malis remedium adhiberet, nullam occurrisse uiam commo-  
 diorē, quā illā ipsam, qua consimilibus in rebus ecclesia semper sit  
 usa, concilium uidelicet publicum: hanc nimirū rationem & antea si-  
 bi semper esse probatam, & nunc etiam, simul atq; peruenit ad hunc  
 dignitatis gradum, probari, de eoq; literas ad Cæsarem aliosque reges  
 dedisse non semel, & iam planē rem constituisse, & omnino spera-  
 re, futurum, ut per hanc ueluti medicinam, non solum ex agro domi-  
 ni reuellantur hæreses, uerum etiam ut compositis regum disidijs, &

Anna Bo-  
 lenia An-  
 gliæ re-  
 gina capi-  
 te plexa.

Diploma  
 indictio-  
 nis con-  
 ciliij.



confirmata pace, bellum inferatur hostibus fidei, quò scilicet nostrare cuperentur, & ex ergastulis illis atq; miserabili seruitute captiui liberentur, & homines prophani nostræ fiant religionis, & in unum uelut ouile congregentur omnes: quod cum ita sit, pro ea, quam obtineat potestate, deq; fratrum suorum cardinalium assensu, concilium indicere se totius orbis Christiani publicum, ut ad uigesimum tertium Maij diem anni sequentis, Mantuam ueniant omnes, locum fructuosum & opportunum, quò concilij tunc fiat initium. Itaq; mandare in uniuersum omnibus ecclesiæ præfatis, ubicunq; terrarum uiuant, ut per eam, qua sint deuincti, fidem, illò ueniant ipsi, nisi poenam legibus constitutam subire uelint: Cæsarem autem, reges, principes & alios, quibus uel iure uel consuetudine licet interesse concilij, monere atq; rogare per Christum, ut ipsi quoq; reipublicæ causa ueniant, aut si non possint, legationes eò mittant honorificas & amplas: Cumq; ad omnium ordinum salutem hoc pertineat, ut ipsimet coram interfint, sperare se, Cæsarem imprimis atq; Galliæ regem non esse desituros: & Cæsarem quidem, religionis amore, tum suo tum Ferdinandi fratris & Imperij principum nomine, non semel de concilio sollicitasse Clementem septimum: quia uerò bellis & alijs incommodis, maxime uerò Clementis morte res impedita sit, ab initio statim sui pontificatus, quid suæ uoluntatis esset, Cæsari sese nunciassse, cui pergratum etiam illud fuerit: scripsisse quoq; Gallorum regi, qui liberaliter & amice responderit, cum antea quoq; datis ad Clementem atq; senatum cardinalium literis admodum pijs, mentem atq; sententiam ille suam ea de re demonstrasset: ueruntamen, si fortè non ueniant ipsi, rogare tamē, ut suæ ditionis homines, quibus interesse licet, eò uenire iubeāt ipsos, aut si iustis illi de causis non possint, cuius quidē rei fidem facere debeant, legatos mittant, qui ad exitum usq; Mantuæ permaneant, ut uidelicet in eo conuentu decreta fiant, quomodo et ecclesia reformatur, pristinumq; splendorem recuperet, & funditus tollantur hæreses, & in hostes religionis bellum moueatur: Et uerò quia scriptū hoc ad quosdam pertineat, quibus absq; periculo res denunciari non possit, deinde, ne quis ignorantie causam aliquam obducatur, placere, ut in æde diui Petri & Lateranensi palam recitetur illud, & post in urbe, quibus oportet atque fieri consuevit locis, affigatur. subscri-

1536 pſerunt huic diplomati cardinales uiginti ſex. Ad ſeptimum Iunij  
 Ferdinā- di lega- tus ad Helue- tios.  
 diem, Ferdinandus rex, Oeniponte miſſo legato ad Heluetios, Iacobo  
 Sturcelio, iureconſulto, Gallie regem ſolicitaſſe uos, inquit, de auxi-  
 lijs, neq; tamen impetraſſe quicquam audio: quod quidem ſumma  
 cum uoluptate accepi, & ad Cæſarem perſcripſi: nam certè per ſe æ-  
 quum eſt, ut ita fiat. Etenim huius belli cauſam Cæſar nullam dedit, et  
 omnino conſtituerat hac æſtate cum barbaris & noſtræ religionis ho-  
 ſtibus dimicare. Gallus autem ilicò poſt Franciſci Sfortiæ, Mediolani  
 ducis interitum, et ſi nihil in eo principatu iuris habet, quanquam ſu-  
 perioribus annis de re tota tranſegerat, cœpit inire belli conſilia, &  
 uiolatis pactis Inſubriam ſibi reſtitui poſtulabat, addita comminatio-  
 ne, niſi impetraret: ſimulq; eodem tempore conductis undiq; copijs  
 tranſcendit alpes, & Sabaudie ducem, Imperij principem aggreſſus  
 eſt, eo uidelicet conſilio, ut illa patefacta uia & ſubiugata prouincia,  
 longius progrediretur. Itaq; Cæſar, ut regionem illam defenderet,  
 neceſſe habuit exercitum & ipſe conſcribere. Et quanquam non ſo-  
 lum inde ab initio, ſed poſt etiam, cum iam ſui muniendi atq; tuen-  
 di cauſa maximos feciſſet ſumptus, pacem uehementè expetiuit, ne-  
 que detrectauit quò minus Inſubriam ille certis conditionibus accipe-  
 ret, ut quidem & pontifici coràm & cardinalium ſenatu, & mul-  
 torum regum legatis Romæ nuper ipſe demonſtrauit. Gallus tamen,  
 ijs omnibus repudiatis, in ſententia permansiſit. Nunc autem ad me de-  
 fertur, illum ruruſus inſtare continenter apud uos & urgere auxilia, et  
 præ ſe ferre, tanquam ex lege ſœderis illa ſibi debeantur, eò quòd in  
 ſuis ipſe finibus bello petatur, et Cæſar ipſum retrò cedentè ultrò per-  
 ſequatur. Longè uerò res aliter habet. Nam ut ſuprà dictum eſt, non  
 Cæſar, ſed ille huius belli fecit initium, & Cæſarem inuitum ad arma  
 pertraxit. Ac licet nunc propter oppoſitam Cæſaris aciem retrò ce-  
 dat, & Cæſar inſtet diſcedenti, non propterea belli Cæſar eſt dicendus  
 auctor, ſed rectè facere uideri debet, qui conſectatur hoſtem, ut & de  
 damno dato ſibi ſatiſſiat, & ocium publicum recuperetur. Non habet  
 ergo locum, illud, quod tantopere iactat & urget, conſœderationis ca-  
 put. Quod cum ita ſit, & quoniam uiolata fide bellū ruruſus excitauit,  
 peto, ut ne quas ad illum copias tranſire patiamini, hoc & Cæſari mi-  
 hiq; pergratum erit, & ad reipublicæ ueſtræ tranquillitatem impri-



mis pertinebit. Interea protestantes legationem mittunt ad Casarem 1536  
 in Italiam, & illud, de occupatis ecclesiasticorum bonis, qua quidem Protest.  
 de re Casar cum ipsis per literas exposulauerat, ut superiori libro di- legatio  
 ximus, excusant, & de Camere iudicio queruntur: sed antequam le- ad Casarem.  
 gati peruenissent eò, Casar, Iulij die septimo, Saulia oppido literas de- Cas. lite  
 derat ad protestantes. Et si frequenter antehac tum literis tum per le- reg ad Pro  
 gatos ipsis nunciavit, eò se spectare totum, ut pacem in Germania con- testantes  
 stituat, & quicquid est dissidiorum, præsertim uero religionis, placi-  
 de cõponat, nec eo nomine cuiquam fiat ulla molestia, licet ipsa quoq;  
 re præstiterit adhuc quod scripsit, tamẽ, quia Gallie rex, cui nunc ob-  
 uiam ire cum exercitu cogatur iniqua molienti, falso suggerat ipsis,  
 quasi nactus occasionem, sit uiolaturus inducias atq; pace, ideo serur-  
 sum his literis ipsos uoluisse commonescere, ne quid eius rei credant,  
 sed hoc certò persuasum habeant, seruaturum se pacta, neq; religionis  
 causa cuiquam facturum bellum, nec ullum in Germania molum ex-  
 citaturum esse: nam hunc apparatus bellicum fieri totum, iuris et au-  
 thoritatis uindicandæ suæ causa: sint igitur animo tranquillo, nec ad  
 ullum motum excitari sese patiantur: hoc & sibi pergratum, & ipsis  
 quoq; futurum esse perutile. Collectis iam uiribus, & per mediam I-  
 talias factò itinere, ualido cum exercitu Casar in prouinciam Galliã  
 inuadit. Rex ad Auenionem castra posuit, inter Rhodanũ & Druen-  
 tiam flumina, et deuastatis agris, qua parte Casarem esse descensurum  
 uidebat, cum pugnandi potestatem non faceret, in summas illum diffi-  
 cultates coniecit. nam inopia rerum omnium Casar adductus, & mul-  
 tis hominum millibus ex inedia & contagione desideratis, Antonio  
 quoq; Leua sublato, cum reliquis copiis dimisisset, Genuam redit.  
 Alter eius exercitus, per eam æstatem, in Veromanduis bellum faci-  
 ens, oppidum Peronam obsedit, Henrico Nassouio ductore, uerum  
 infecta re, per idem ferè tempus, quo Casar ex prouincia discessit, &  
 utriusq; rei nuncius allatus Lutetiam eodem die, magna lætitia ciui-  
 tatem affecit. nam ualde trepidatum fuit, et graues habebantur ad po-  
 pulum in Casarem conciones, & uallis atq; fossis urbẽ munire coepe-  
 rant legati regis, & ad portas erant dispositæ stationes. Militabat hoc  
 in bello Gallie regi, Gulielmus Pirstembergius Germanus. Sub  
 huius initium belli uitam sinijt Gallie regis filius natiu maximus,

Cæsaris  
bellũ cū  
Gallo.

Peronæ  
obsidio.

1 2 3 6 Franciscus, octodecim annorū adolescens. Veneno perijisse fama fuit,  
 Franci- & Italus quidam Sebastianus Moncucullanus in suspitionē uocatus,  
 fcus Gal habita questione, diuersis equis Lugduni fuit distractus, & rex datis  
 lia Del- postea literis ad Germaniæ principes, inter alia graue ea de re queri-  
 phinus moritur. moniam habuit, in Antonium Lauam et Ferrandum Gonzagam, Cæ-  
 Conciliū saris administratos, omnem inuidiam facti cōferens. Archiepiscopus Co-  
 prouin- loniensis Hermannus, cum iam olim emendationē ecclesiæ cogitaret,  
 cie Colo hortatu suorū, prouinciæ suæ conciliū cogit in hoc tempore, uocatis  
 nize A- eò reliquis, uti fieri solet, suæ ditionis episcopis, Leodino, Traiectēsi,  
 gripping Monasteriensi, Osnaburgensi, Mindensi. facta sunt ibi decreta de cere-  
 monijs atq; doctrina: post etiam eius rei liber fuit editus, quē Ioannes  
 Gropperus, iuris pontificij professor, composuit, in quo pleraq; o-  
 mnia dogmata pōtifficia, nouis interpretationibus et ueluti coloribus  
 uestiuntur. Hoc ipsum uerò scriptum, neq; tum satisfaciebat, licet ede-  
 retur, & aliquot post annis, episcopo minus placuit, ut suo loco dice-  
 mus. Ad hoc etiam tempus, Iulio mense, decessit ē uita Erasmus Rote-  
 moritur. rodamus, septuaginta circiter annorum senex, Basileæ sepultus, quo  
 remigrasset Friburgo relicto. Quantus & quā eloquens uir fue-  
 rit, quantumq; ei res omnis literaria debeat, testificantur ipsius mo-  
 numenta. Per occasionem profligati pontificatus, & repudiate filiæ  
 Marie, quam uulgo diligebant, et suppliciorum, quibus nonnulli fue-  
 runt affecti, quod regijs edictis non obtemperassent, nata fuit grauis  
 per Angliam seditio: quæ breui tempore sic exarsit, ut rex conductis  
 copijs obuiam illis procederet: cum autem castris utrinq; positis in  
 colloquium esset uentum, demulsis quorundam animis, reliqua turba  
 discessit ab armis: & cum iam æsus ille deferbuisset, capite pleriq;  
 mulctati fuerunt, eius motus authores. Quas Iulio mense Cæsar dedit  
 literas, ut dictum est, ijs protestantes nona die septembris respondent,  
 & quod adeo benignè liberaliterq; scripserit, permagnam animo  
 cepisse uoluptatem atq; letitiam ostendunt: nam licet ipsius uer-  
 bis atq; promissis fidem haberent, tamen, quod essent ad se uarij  
 rumores allati de ipsius offensione, deinde, quod Camera & ple-  
 riq; alij iudices, non habita ratione pacis, contra se multis modis ex-  
 perirentur, causam sibi dubitationis atq; solitudinis iniectam fuisse:  
 nunc uerò, postquam rursus adeo beneuolē & apertē scripserit, nihil



amplius dubitare, quin & illa præstet, & maleuolorum calumnias  
 excludat: idem se facturos inuicem, nec ijs, qui secus de ipso persuade  
 re uelint, habituros esse fidem, in cæteris etiam rebus omnibus actus  
 ros quod sui sit officij: Et quanquam nunc diuulgatū sit de concilio,  
 quod ipso sollicitante, ut quidem scriptū habet, pontifex ad uigesimū  
 tertium Maij diem anni sequentis, Mantuam conuocarit, ex quo sanè  
 scripto, cuiusmodi sit futura conditio, qui modus concilij, uideri non  
 possit, tamen, cum & ipsi pium liberumq; concilium in Germania co  
 gendum, semper flagitarint, cum & Imperij comitijs & pacificatio  
 ne quoq; Noribergica sic decretum sit, & cum ante annum tertium  
 ipsius atq; etiam Clementis pontificis legato, clavis uerbis hoc ipsum  
 & abundè satis demonstrarint, omninò confidere, futurum, ut legiti  
 mè rem instituat. Hoc ipso mense pontifex aliud scriptum euulgat,  
 & interea dum fiat concilium, uelle se dicit sanctam ciuitatem Ro  
 mam, totius orbis Christiani caput, & doctrinæ, morum atq; discipli  
 næ magistram, emendare, & ab omnibus eluere sordibus atq; uitijs,  
 ut sua nimirum domo rectè purgata, reliquas eò facilius etiam purga  
 re liceat: & uerò, quia sit imbecillis hominū natura, nec ipse rem tan  
 tam obire solus, & simul alia quoque reipublicæ negocia procurare  
 possit, ideo se cardinales aliquot delegisse, quos sibi Deus immortalis,  
 officij sui, & sollicitudinis tanquam adiutores atq; socios adiunxerit,  
 qui rem istam adeò necessariam atq; salutarem administrent, Ostien  
 sem, Sansuerinum, Ginutium, Simonetam, & cum his episcopum  
 Cassanensem, Nuuosicam, Aqueensem. His iubet omneis parère, graui  
 constituta pœna, qui secus fecerint. Cæsar Octobri mense Genua sol  
 uit, & in Hispaniam redit. Gallie rex Lutetiam deinde uenit, & ca  
 lendis Ianuarij filiam natu maximam Magdalenam, in matrimonium  
 ibi dat Iacobo quinto Scotiæ regi, qui superiori autumnò uenerat in  
 Galliam. Ad hoc ipsum ferè tempus, Laurentius Medices, gentilem  
 & propinquum suum, Alexandrum Medices Florentinum principem,  
 noctu per insidias interficit, cum in suas ædes eum traduxisset, iniecta  
 spe potiundæ cuiusdam matronæ nobilis, uicinæ suæ, quæ forma &  
 pudicitie laude cæteris anteibat. Eo sublato, summa rei peruenit ad  
 Cosmum Medices, qui de uoluntate Cæsaris in matrimonium postea  
 duxit Petri Toletani proregis Neapolitani filiam Eleonoram. Idibus

Pontifi  
 cis scri  
 ptum de  
 emenda  
 tione ci  
 uitaris  
 Romæ.

Scoti  
 matri  
 monium

Floren  
 tinus  
 dux tru  
 cidatus.

1537 deinde Ianuarij, Gallie rex, Lutetie Parisiorum uenit in curiam fo-  
 rensem, quod raro fieri consuevit, & frequenti admodū senatu, gra-  
 uem habet de Cæsare querimoniam, & causas explicat, cur Flandria  
 & Artesia prouinciæ, quas regum Gallorum beneficio atq; tutela Cæ-  
 sar teneat, sicut ipsius etiam maiores, ad Gallie patrimonium reuo-  
 cari debeant. uerba faciebat aduocatus regius Capellus, neque Cæsa-  
 rem, sed Carolum Austriacum appellabat. Interim Tigurini, Berna-  
 tes, Basilienses, Argentinienses, ad Gallie regem intercedūt pro ijs, qui  
 propter religionem erant in uinculis, & ut exules restituerentur, ora-  
 bant. rex iam antea redeundi facultatem dederat profugis, & liberta-  
 tem concesserat captiuis, ea lege, si quidem ad episcopos eorumq; ui-  
 carios crimen intentatum abiurarent, & in posterum rectè cauerent:  
 hanc uerò conditionem legati cupiebant omnino remitti, & rex non-  
 nihil quidem laxauit, sed desiderio tamen illorum non satisfecit, &  
 die xxiiij. Februarij, per Annam Momorancium, curiæ magistrū re-  
 spondit: de quo suspitio deinde fuit, quod ipsius impulsu rex minus li-  
 beraliter egisset. usi fuerunt opera reginæ Nauarræ legati, quæ soror  
 erat germana regis, lectissima mulier, & ueræ doctrine perquam stu-  
 diosa. Conscriptis interea copijs, rex, initio Martij progressus in Atre-  
 bates, oppidum & arcem Hesdinum ualde munitam obsidet, ac intra  
 mensem deditione capit. Ad hoc ipsum tempus uenit ad regem lega-  
 tus à pontifice, Reginaldus Polus Anglus, nuper factus cardinalis, am-  
 plissimo genere natus. Legationis causa fuisse putatur, ut aduersus An-  
 glie regem aliquid cuderetur. Sub illud tempus, quo Gallie regis filiā  
 Scotie rex ducebat, pontifex ei dono miserat ensē fabrefactum, mul-  
 tiq; precij, & in Angliæ regem, ipsum excitabat. Solent autem ponti-  
 fices, in nocte natalis Christi, certis quibusdā ceremonijs, ut alia mul-  
 ta, sic etiam ensē consecrare, sicuti uocant, quem deinde honoris &  
 beneuolentiæ causa tradunt aut etiam absenti mittunt, cui uidetur. Si-  
 xtus quartus hunc morem in primis usurpasse dicitur, ut quidem i-  
 psorum habet ceremoniarum liber. Polus librum postea conscripsit,  
 cui titulum dedit, pro ecclesiasticæ unitatis defensione. Regem autem  
 Henricum affatur, grauiterq; reprehendit, quod sese caput Ecclesiæ  
 constituat: nam ad solum pontificem Romanum id munus pertinere,  
 qui sit Christi uicarius & successor Petri, quem Christus apostolorum  
 prin-

Gallie  
 rex Cæ-  
 sarem in-  
 cusat.

Polus  
 legatus  
 ad Gal-  
 lum.

Polica-  
 rinalis  
 liber in  
 Angliæ  
 regem.



principem designarit: hunc enim esse, qui solus responderit, Christum esse filium Dei: super hunc, ueluti petram, Christum ædificasse Ecclesiam suam: pro eius fide Christum orasse, ut ipse conuersus fratres quoque suos conuerteret: Ioannem, à morte Christi semper obsecutum esse Petro, cumq; ad sepulchrum Christi simul ambo properarent, noluisse priorem ingredi, sed honorem hunc illi detulisse: curam pascendi oues, illi fuisse demandatam à Christo præcipue: sed & rete plenum piscibus, quod à multis trahi non poterat, ab uno Petro fuisse pertractum in litus. Ad causam diuortij post accedit regem non conscientie terrore neq; metu numinis diuini, sicut præ se ferat, sed libidine & cæco quodam amore concitatum, deseruisse Catharinam uxorem, quam Arturus frater, xliij. annorum adolescens, & imbecillus, uirginem reliquisset: Annam Boleniam non ei licuisse ducere, cuius antea sororem habuerit concubinam: uirginem autem fuisse Catharinam, ipsūmet esse professum tum alijs, tum Cæsari. Vehementer etiam exagitat, quod dimissis literis ad omnes academias, de primo suo matrimonio rex consilium exquisierit, & sua sit ipse lætatur turpitudine, quum illud incestum fuisse nonnulli pronunciarent: ualde autem esse pudendum, quod scorti filiam, legitimæ filię, & probatissimæ quidem uirgini, præferat. Post, de supplicio Rossensis episcopi & Thomæ Mori multum sermonem habet, detestatus crudelitatem. Adhæc, quomodo rex omnes ordines afflixerit, in quantam miseriam florentissimum regnum adduxerit, quantum ei periculum immineat à Cæsare, propter repudiatam materteram ac profligatam religionem, & quā nullum possit aut debeat à suis uel etiam externis auxilium expectare, qui tam sit malè meritus de republica, demonstrat, & ad Cæsarem oratione conuersa, plurimis eum uerbis, ut familiæ suæ contumeliam tam insignem ulciscatur, exacuit, & Turcicum semen per Angliam atque Germaniam dissipatum esse dicit, doctrinam, pontifici contrariam, designans. Post multam deinde criminationem & accerrimam reprehensionem, ad poenitentiam inuitat, nec ullum superesse dicit aliud remedium, quā ut ad Ecclesiæ gremium reuertatur, quā aliquando libris editis defenderit, gloriosissimo nimirū exemplo. Scriptum hoc excusum Romæ, non addito tempore, diu latuit, et post multos demum annos, ad unum et alterum in Germaniam emanauit.

1537 Scribendi uerò causam hanc esse dicit, quòd rex id aliquando petierit: et quanquam nonnulli per Angliam uiri docti, qui idem fecissent, uitam perfuderunt, se tamen, qui plurimum ipsi debeat, quid sui sit consilij, non potuisse dissimulare: neq; uerò maledicentiæ tribuendum istud esse: natura enim & uitæ quodam instituto, plurimum ab eo morbo sese abhorrere: sed quoniam adulatorum uocibus deceptum, et toto cœlo, quod dici solet, errantem, in uiam reuocet, maximum ei sese dare beneficium. Henricus rex in literis eum insitui curauit, adolescentem, et benignè multa in eum fecit: cum autem ea, quam diximus, mutatio per Angliam fieret, nec ille probaret, Paulus tertius, monitu & commendatione Contarenti, cardinalem ipsum creat & Romam accersit. Qui familiariter hominem norunt, euangelij doctrinam ei probè cognitam esse dicunt: quòd autem in Henricum regem ita scripserit, causam esse putant, ut suspicionem euitaret Lutheranismi. Librum uerò sumptu suo curauit Romæ procudi, sicuti ferunt, & ad se receptis omnibus exemplis, pontifici tantum atq; cardinalibus & intimis amicis legendum dabat: nam & illis probare sese uolebat, & simul uerebatur, ut est credibile, ne si uulgo legeretur, in eorum reprehensionem incurreret, qui longè diuersum ab ipso nō semel audiissent.

## L I B E R X I.

Augusta  
ni scri-  
ptum e-  
dunt in  
Eccle-  
siast.



DE AVGVSTANIS LOCVTI SVMVS libro nono. cum hi demum religionem mutassent, & ecclesiastici pleriq; genere nobiles, hanc ob causam irati deseruissent urbem, senatus ad Cæsarem, Ferdinandum regem & omneis Imperij ordines edito scripto, facti sui rationem explicat, et quàm amicè cum illis egerit, quàm multa pertulerit, quàm autem illi sese gesserint odiose, & quomodo seditionem aliquoties in urbe conati sint excitare, cōmemorat. Huic deinde scripto, non multò post, tum suo, tum suorum nomine respondet episcopus Christophorus, & à multa criminatione Cæsarem atq; principes hortatur, quandoquidem ad ipsos non minus quàm ad se periculum pertineat, ut in medium consulant. De legatione prote-  
stantium



stantium in Italiam ad Cæsarem missa, dictum est libro superiori. Hi 2537  
 erant Ioachimus Pappenhemus, Ludouicus Bambachus, Claudius  
 Peutingerus iureconsultus, et tria potissimum habebant in mandatis,  
 de quibus agerent: ut famam illam excitatam, quasi cum Gallie &  
 Angliæ rege foedus ipsi fecissent, refutarent, ut Camera iudicium Cæ-  
 sar cohiberet, ut qui post pacificationem Noribergicam in foedus ue-  
 nissent, eius quoque pacis beneficio fruerentur. Ea postulata Cæsar  
 audiuit quidem, sed rebus bellicis occupatus, in Germaniam se missu-  
 rum esse legatum ait, qui respondeat: cum ergò Genua rediturus esset  
 in Hispaniam, ut antè diximus, Mathiam Heldum procancellarium  
 in Germaniam amandat. protestantes, cum id ex legatis domum re-  
 uersis audissent, septimum Februarij diem constituunt, quo die Smal-  
 caldiæ conueniant omnes: & quia concilij dies instabat, neq; dubium  
 erat, quin Cæsaris orator ea de re quoque dicturus esset, placuit, theo-  
 logos etiam & primi quidem nominis, adduci oportere. ueniunt igitur  
 ad constitutū diem, præter principes atq; ciuitatum legatos, Lu-  
 therus, Melanchthon, Bucerus, Osiander, aliq; multi. Heldus, Ianua-  
 rio mense Vienna digressus à Ferdinando Romanorum rege, & in iti-  
 nere certior factus per Saxonem atq; Lantgrauium de ipsorum con-  
 uentu, cum Smalcaldiā uenisset, Februarij die xv. in omnium con-  
 sessu uerba facit. iniunctum sibi esse à Cæsare, ut Saxoni tantum atq;  
 Lantgrauio sua mandata referat, sed quoniam hi putarint socijs esse  
 communicanda quoq; uoluisse morem eis gerere: non sibi quidē esse  
 notos confœderatorum legatos omnes, ideoq; si qui sint in eo nume-  
 ro, ad quos responsum hoc Cæsaris nihil pertineat, non esse, quòd hi  
 secum aliquid actum arbitrentur, in primis autem Augustani, qui &  
 in Italia Cæsarem & in Hispania priuatim de religione sæpe sollicita-  
 rint, & nuper etiam Genuæ per legatum, cui tum Cæsar dixerit, fore  
 ut per aliquem è suis, in Germania det ipsis responsum: illos autē ad-  
 uentu suo minimè expectato, mutasse statum religionis, non absque  
 Cæsaris et contemptu & ludibrio: itaque se mutata necessariò consi-  
 lij sui ratione. cum Augustam uenisset, nihil quicquam egisse cum il-  
 lis, & rem omnem ad Cæsarem bona fide scripsisse. Cum deinde sue  
 legationis exhibuisset testimonium, pergit, & Cæsaris nomine dicta  
 salute, quòd de foedere Gallico & Britannico tam diligenter sese pur-  
 garint,

Protes-  
tantiū  
conuen-  
tus Smal-  
caldiæ.

Heldi  
oratio  
Smal-  
caldiæ.

537 garint, auditu fuisse pergratum Cæsari, qui & fidem ipsis habeat, & uirtutem quoq; collaudet, quòd à Gallicis artibus, insidiarum plenis, prudenter sibi caueant: post, de bello Sabaudico, deq; Gallie rege multa locutus, illum non Cæsari modò impedimentum inferre, quò minus omne robur in Turcam expediat, sed consilia quoq; communicare cum Turcis, & illos in rempublicam Christianam excitare dicebat: hoc etiam eius esse perpetuum studium, ut diuulsis & exacerbatis animis, bellū ciuile per Germaniam accendat, & in hoc nunc esse totum, ut ipsis persuadeatur, quasi pacta Cæsar non sit seruaturus: petere autem, ne tam fraudulentis consilijs fidem habeant: Cæsarem enim ea esse uirtute, ut à pactis minimè sit discessurus, & eiusquidem rei non unum ipsos habere documentum: Ad illud de Iudicio Cameræ quod attinet, mandasse Cæsarem, ut à causis religionis abstinerent: illos autem, datis postea literis ad Cæsarem, exposuisse, controuersiam oriri sepe numero, quæ sint religionis causæ, quæ minus: itaq; iussisse Cæsarem, ut quas causas à religione separatas esse putarent, de ijs indifferenter cognoscerent: perquam enim illi fuisse graue, iuris administrationem retardari: quanta etiam in eo fuerit difficultas, in actione Noribergica satis potuisse uideri: sed ab eo tempore multas incidisse causas, de quibus cum Cameræ iudices agere uellēt, ab ipsis & recusati sint, & asperioribus etiam uerbis cōpellati, & eius rei querimonias ad Cæsarem esse delatas à litigatoribus, qui suum iure consequi non se posse dicant: quæ sanè res permolesta sit Cæsari, præsertim, cum plerique omnes iudices delecti sint ex Imperij prouincijs, nec in suspicionem temerè uocari possint: Cæsarem ipsum quoq; re tota diligenter peruestigata, quas ad religionem ipsi causas aliquot rescribant, existimare, non eò referri oportere, uerùm ita sentire, cum illis oritur, quo in numero collocari causa debeat, à iudicibus petendū hoc esse, non ab ipsis litigatoribus: nam ut à causis religiosis abstineatur, satis ipsis esse debere: quòd si uerò iudices præter Cæsaris edictum egerint, non laturus impune, et fore, ut iuxta legem Ratisbonæ latam mulcentur: sed Cæsarem ipsos inuicem monere, ne priuatim à nonnullis instigati, temerè quid faciant, neue Camera præscribant: hoc enim neque licere, & esse turbulentum, & ad Cæsareæ iurisdictionis contemptum pertinere cum primis, & in ipsos quoq; iudices contumeliosum



meliosum esse, qui sint partim illustribus nati familijs, partim eruditione & uirtute præstantes: petere igitur, ne ius ipsum impediatur: Quod est è postulatis tertium, ut etiam illi, qui pace Noribergica non sunt comprehensi, fruantur eius pacis commodo: Cæsarem, quo tempore, ipsorum essent in castris legati, per occupationes bellicas ea de re non potuisse cognoscere: & licet religionem à nonnullis mutatam intellexerit, tamen, quòd in fœdus præterea recepti sint alij, nihil audivisse: quòd si iam ea sit ipsorum mens atq; postulatum, ut reliquis omnibus per Imperium, qui longè secus antehac promiserunt, qui decreta comitiorum laudarunt, qui pactis etiam antiquæ religioni sese devinxerunt, liceat, posthabitis promissis, pactis & obligationibus, à ueteri religione deficere, & suo arbitratu nouam constituere, seque ipsis adiungere, quàm id Cæsari non sit integrum, & quantopere conscientiam eius grauet, per se uoluisse testificari: quod si etiam Cæsar concedat, aut si sponte sua reliqui ordines faciant, & Cæsar habeat ratum, uidere tamen ipsos, quàm id non sit pacificationi Noribergicæ congruum: etenim si cuilibet à promisso discedere, & quam uelit religionem sequi liceat, quid aliud inde sit expectandum, quàm, ut fundamentum actionis Noribergicæ, nimirum pax ipsa, uiolentur? Cæsarem ergò, cum de reliquorum instituto certius cognouerit, facturum esse, quod æquum uidebitur, sed interim postulare, ut & inducias ipsi seruent, & ne uiolentur ab alijs, dent operam: quod quidem ipsos plañe facturos esse confidat, præsertim, cum iam concilij tempus appropinquet, quo controuersias omneis compositum iri sperare liceat: ipsos nimirum ad Cæsarem de concilio quoq; scripisse, & quartum hoc esse caput, de quo mandatum habeat cum ipsis agendi, ut uidelicet cognita Cæsaris in eo uoluntate, facilius decernant. Et primò quidem, scire ipsos, quemadmodum Cæsar & præsens, & absens, per legatos, multis in Imperij comitijs, de cõponenda religione, diu multumq; deliberrarit, factò demùm decreto, concilium esse peragendum: non prius autem conquieuisse Cæsarem, quàm illud indiceretur, & hoc eius fuisse propositi, ut ex Aphrica reuersus, intra fines Imperij maneret, donec interuentu concilij dissidium esset omne sublatum: quòd autem hys me superiori nauigandum fuit in Hispanias, non paruam ei molestiam attulisse: ueruntamen constituiſſe iam uere primo ipſam Italiam redire

atq;

1537 atque interesse concilio, nec in eo quicquam ei fore impedimento, nisi maior aliqua belli tempestas oriatur, cui sit totis viribus resistendum: et ut impediatur bello, quò minus ipse coram adsit, daturum esse tamen operam, ne quid hac in parte desiderari ab ipso possit: ac licet Gallie rex, omni uiolata fide, gerendi belli necessitatem ipsi imposuerit, tamen, quò minus pax cum eo fiat, nihil esse, quod æquum sit, prætermisurum: et cum ipsi concordie semper sint uisi per quam esse cupidi, nec alia quam per concilium appareat uia commodior, ad quod etiam ipsi prouocarint, putare Cæsarem, non esse defuturos reipublice, nec aliorum persuasum mutatuos propositum, aut maiori dissipatione causam daturus esse, præsertim, cum alie quoque gentes huc suas cogitationes atque studia referant, et spes magna sit, fore, ut non modò dissidia tollantur, uerum etiam Ecclesie rectè constituantur et emendantur: Quid autem ipsorum in eo sit uoluntatis, cupere Cæsarem clare cognoscere: nam si recusent et excipiant et procrastinent, arbitrari Cæsarem, futurum, ut et res pulcherrima, tanquam in medio cursu tardetur, et exteri quoque suspicionem de ipsis concipiant, quasi perturbationem reipublice magis quam pacem et ocium ament: cumque Cæsar eo solùm spectet, ut gloria Dei celebretur et hominum saluti consulatur, hortari atque petere uehementer, ut et ipsius et reipublice desiderio satisfaciunt: habere quoque se in mandatis, si quid incideret hac in re disceptationis, ut id omne diluat et componat: suum igitur in eo paratum esse studium atque uoluntatem: si quid etiam sui sermonis amplius ab se uelint explicari, non se recusare. Postridie, quam hæc dixisset, priuatim egit cum electore Saxonie principe. Cæsarem ei cum primis optime uelle: quò minus autem illud adhuc quidem declararit, impedimento fuisse dissidium religionis: Cum uerò spes magna sit, in dicto iam concilio, rem omnem posse componi, flagitare, ut adsit concilio, suosque mittat legatos, quò nimirum omni subblata discordia, suam ei beneuolentiam demonstrare possit: nam si recuset et exceptionibus utatur, quid ex eo sit nasciturum incommodi, facile ipsum uidere: deinde, quia maximos hoc tempore Turca faciat apparatus bellicos, ut Germaniam inuadat, petere, ut auxilia decreta Ratisbonæ, contra uim Turcicam, mittat, aut si fortè Turca non promoueat castra, neque Germaniam adoriatur, ut tum eadem auxilia sub-



subministret aduersus Gallie regem, qui prouinciā Imperij Sabau- 1537  
 diam occupauit: postremo, quia per tempus iam aliquod Cæsar in Ca-  
 mera iudicium solus omnem sumptum fecerit, et uerò maximam uim  
 auri bellis absumpserit, postulare, ut pro ueteri more Imperij, pecuni-  
 am eò contribuat, quod principes etiam reliqui promiserint. Saxo,  
 quoniam non ad se tantum hæc, sed ad socios quoq; pertineant, delibe-  
 raturum sese dicit. Vigesimo quarto deinde Februarij die respon-  
 dent simul omnes confederati, & multam inuicem precati salutem  
 Cæsari, quantum ad Augustanos attinet, rem omnem ex ipsorum au-  
 disse legatis, nec illos ab se posse dicunt segregare: de bello Cæsaris  
 cum Gallie rege, dolere sibi non mediocriter, quòd hostibus Imperij  
 Turcis peropportunum id esse uideant: quòd ipsorum Cæsar satisfac-  
 tionem acceperit, & factam Noribergæ pacem seruare cogitet, læta-  
 ri plurimum, & agere gratias: de Camera iudicio quod dixerit, &  
 quàm fuerit graue Cæsari, iuris administrationem retardari: difficul-  
 tatem quidem in eo fuisse docent, quo tempore Moguntinus atq; Pa-  
 latinus intercedebant, sed tamen à multa deliberatione, nullam appa-  
 ruisse firmiorem uiam constituendæ reipublicæ, quàm si religioni, &  
 omnibus in uniuersum causis religioni coniunctis pax daretur, adis-  
 que uel publicum Europæ, uel Germaniæ prouinciæ concilium: nisi  
 enim ita fieret, & nisi quæcunq; profluunt à religione causæ com-  
 prehenderentur unà, quàm facili momento turbis esset futurus locus,  
 & tunc fuisse animaduersum, & nunc etiam intelligi posse: uerba  
 quoq; Cæsaris edicti, quod tunc ea de re proposuit, satis hoc demon-  
 strare: sui uerò consilij fuisse nunquam, ut ullam aliam, quàm reli-  
 gionis causam obducerent, neq; Camera iudices, opinione quidem  
 sua, contrarium posse docere: Iam uerò, quòd Cæsarem dicat, illis,  
 ut de qualitate causarum cognoscerent, potestatem fecisse: per quàm  
 hoc sibi molestum esse: nam omnes illas actiones habere se pro reli-  
 giosis, & esse reuera tales, quæ uidelicet decidi non possint, nisi con-  
 trouersia primum religionis legitimo sit definita concilio: quod im-  
 psum et Cæsari et Ferdinando regi subinde per literas atq; legatos nun-  
 ciarint: hanc enim de religione quæstionem, esse præiudicialem, et con-  
 cilio debere definiri prius, quàm de reliquis, quæ dependent ab ea, co-  
 gnoscatur: cum autem propter meritum & officium conferantur be-

Protesta-  
 tium ad  
 Heidem  
 respõsio:

1537 nescia, non se posse illis, qui per suam ditionem, diuersum à sua doctrina religionem sequuntur, permittere, ut ecclesie bonis utantur fruantur, quæ nullo ipsis iure debeantur, quandoquidem officium præstare uel nolunt uel nesciunt: & quoniam ad animi conscientiam ea res pertineat, nullum esse locum iuri possessionis aut restitutionis: cum etiam Noriberge transigeretur, se nominatim consignasse lites omnes atque causas, quæ tum in Camera & passim in alijs iudicijs pendebant, easque tanquam causas religionis, intercessoribus representasse, qui tum receperint se daturos operam, ut Cæsar eas omnes iudicijs eximeret: idem quoque Ferdinandum regem in conuentu Cadamico recepisse: & illis edicti uerbis, ubi Cæsar omnem actionem rescindit, facultatem de statu causarum cognoscendi, Camere iudicibus omnem ablatam atque præcisam esse: & quanquam in illos nihil grauius dicere uelint, multos tamen, quod alacritatem in ipsis quandam contra se discernendi uiderent, esse factos audentiores, ut lites mouerent: idque non unare posse demonstrari: suos enim homines, cum quid in iudicio petunt, non modo non admitti, sed contumeliosis etiam uerbis repudiari: nuper etiam Hamburgenses ab illis esse iussos, ut suæ ciuitatis ecclesiasticos, non facultatibus tantum atque bonis, uerum etiam religioni pristinae & omni iurisdictioni restituant, & cum id facere bona conscientia non possent, in magnam auri uim esse condemnatos: quid sit igitur ipsorum mentis atque popositi, Cæsarem ex hoc uno facto posse uidere: nam aut hanc esse religionis causam, aut certè nullam aliam: si uerò liceat ad hunc modum agere, iam sanè frustra fuisse patet inducias: & si quidem hac ratione ceremonie ritusque mutati restitui debeant, nihil opus fore concilio, cuius tamen ad cognitionem hæc omnia Cæsar ipse pertinere dicat: iustis ergo & necessarijs de causis illud se recusasse iudicium, quum uarijs exceptionibus nihil proficeret: iam uerò, quantum ad personas Camere pertinet, uix unum & alterum, suæ religionis, in eo reperiri confessu: cuiusmodi sit etiam Ratibonæ factum decretum, esse non ignotum: etenim quò quisque uehementius ipsorum doctrinam oppugnet, hoc esse gratiorem ibi: sed & ipso etiam ex uultu, quomodo sint animati, quando causas tractant, posse non obscure præspici: quod cum ita sit, sperare, Cæsarem, illis, ut omnino desistant, mandaturum esse: de multa deq; lege la-



ta Ratisbonæ quod dixerit, ad nullum suum pertinere compendium: 1537  
 has enim causas, non item ut ciuiles atque forenses uel æstimari posse  
 uel sarciri: quòd si autem Cæsar ullam aliam ab se causam prophanam  
 admisceri putet, non se recusare, quò minus de eo cognoscatur, sic ta-  
 men, ut interim Cameræ iudicium quiescat: Iam, ad eos, qui post paci-  
 ficationem Noribergicam ad suam religionem accesserunt, quod atti-  
 net: superioribus annis, intercessores quidem hoc ab se Schuinfurti  
 contendisse, ne quem in suum præterea numerum atq; fœdus recipe-  
 rent: se uerò tum illud recusasse, & cum Noribergum deinde uen-  
 tum esset, in eadem sententia perseuerasse: quòd autem interuenisse  
 multorum pollicitationes affirmet atque pacta, ne religionem muta-  
 rent, hos ita respondere. quosdam ex ipsis nihil promississe, quosdam  
 priuatis transactionibus, ut hoc sibi liceret, excepisse, quosdam uerò  
 promississe quidem, sed ea fiducia, quòd Cæsar spem faceret, intra sex-  
 tum mensem indictum iri concilium, anno post inchoandum: & ue-  
 rò, cum longior in eo mora interueniret, atque ipsi interea beneficio  
 Dei, ueram doctrinam rectius intelligerent, non potuisse differre lon-  
 gius, & sui muneris existimasse, quod uerum atque pium esse scirent,  
 profiteri: nam & ius pontificium ita docere, si quis etiam iuratus a-  
 strinxerit se facturum aliquid, quod impium sit, nullo uinculo teneris  
 deinde, sicut aduersarij non sint repudiaturi, si quis è suo numero tran-  
 seat ad ipsas, ita quoque sibi non licere, cum quis ab ipsis in sua castra  
 transit, impedire, quò minus id faciat: orare itaque uehementer, ut  
 Cæsar & iudices reprimat, & non se tantum, sed alios etiam, qui post  
 accesserunt, eius pacis beneficio sinat uti frui: nam si secus fiat, & si qua  
 uis intentetur, non se posse uel fœderis, uel etiam doctrine socios in ea  
 necessitate deserere: quod ipsum Viennæ sit etiam Ferdinando regi de-  
 monstratum: nam illorum causam, non minus atque suam, ad conci-  
 lij notionem pertinere: quam si Camerales anteuertant & ad se ra-  
 piant, quis dubitet, quin uis in eo sit & iniustitia, contra quam ipsi, iu-  
 re naturæ, sese defendere cogantur: in eo uerò quantum sit incommo-  
 di, quis etiam eius rei futurus exitus, Cæsarem pro sua prudentia uide-  
 re: se quidem exoptare pacem, & cupere modis omnibus gratifica-  
 ri Cæsari, sic tamen, ut ad ueram doctrinam aditus pateat omnibus:  
 & si quidem hoc obtineant, paratiores in eo se futuros, quod de

2537 Turca deq; Camera Cæsar atq; Ferdinandus rex flagitarint: Ad concilium quod attinet, quò Cæsar ipsos inuitet: quas ea de re literas Paulus tertius emulgauit, earum se legisse exemplum, & deprehendere non eandem illius esse, quæ Cæsaris, mentem atq; sententiam: etenim, et si Adrianus sextus, in comitijs Noribergæ, per legatum suum proficeretur, pleraq; omnia Romæ esse uehementer corrupta, polliceretur etiam operam suam, ut inprimis emendarentur hæc omnia, successorem tamen illius, Clementem septimum, biennio post, in Germaniam ad altera comitia misso legato, longè diuersam instituisse rationem, ita quidem, ut Cæsaris tum legati ceteriq; principes, facto ibi decreto, concilium liberum in Germania cogendum esse statuerent, quo nimirum in concilio, quicquid in ecclesiam erroris atq; uitij sese insinuasset, tolleretur: hoc postea decretum à Cæsare fuisse probatum, intercessoribus Moguntino, ac Palatino principe: Clementem uero pontificem, anno post, concilium proposuisse longè diuersum ab Imperij decretis, & locum in Italia designasse, quod tum ipsi recusarint: idem postea fecisse Paulum tertium, misso legato, cui responderint etiam, eadem secuti uestigia, quæ prius: nunc autem illo suo diplomate pontificem idem moliri, licet occultè, quod Clemens aliquando claris uerbis præ se tulerit: iam enim illum præiudicio quodam condemnare doctrinam, quam ipsi profiteantur, dum de nuper natis loquitur hæresibus: quod enim de hac doctrina sentiat, eamq; conetur extirpare funditus, id testificari poenas atq; supplicia, quibus homines innocentes afficit propter huius doctrine professionem: atque interim tamen illum, impudenti quadam simulatione præ se ferre, tanquam ecclesiæ suæ tetros illos errores atq; uitia, de quibus, per tot annos, tam multi uiri boni & docti grauissimam habent querimoniam, emendare cogitet: & Cæsarem hoc illius astu persuasum, ipsos ad concilium euocare, quod minime sit factururus, si fraudem illius & insidias haberet exploratas: his etiam artibus illum uti, quando per legatos sollicitat reges atque principes, tum ipsos quoque ut concilium admittant, quò uidelicet impij sui propositi laudatores habeat atque defensores, & ut approbatione concilij suam ipsi doctrinam condemnent: qua quidem arte Iulianus olim apostata milites Christianos circumuenerit: Ac licet aduersarij personam ponti-



fex gerat, arrogare tamen sibi potestatem iudicis, omnino præter fas  
 1 5 3 7  
 & æquum, in eoque consentientes habere reliquos omnes, qui iu-  
 re iurando sint ipsi multisque modis deuincti: quàm id autem non li-  
 ceat, aut, quàm eis concedi non possit, Cæsarem haud dubiè, cæteros-  
 que reges, opinione quidem sua, posse iudicare: quòd enim errores  
 in ecclesiam pontifex, & doctrinam, non solum uerbo Dei, sed ue-  
 tus etiam concilijs atque doctoribus contrariam, inuexerit atque  
 defendat, quòd leges etiam tulerit quàm plurimas, præter mandatum  
 Dei, quibus uera cognitio sit oppressa penitus & obscurata, illud ni-  
 mirum suos theologos abundè beneficio Dei demonstrasse, idèoque se  
 cogitare, de his tantis rebus, in legitimo quouis conuentu, pontifi-  
 cem atque socios & accusare, & intentati quoque criminis conuin-  
 cere: quemadmodum etiam malis artibus & inhonestis rationibus,  
 per uim atque dolum, ad eiusmodi præfecturas perueniant, quàm  
 turpem uitam agant, quàm illaudatis exemplis præluceant, quàm ni-  
 hil sui muneris faciant, quomodo suæ fidei commissos homines ne-  
 gligant, & in omni uitæ nequitia bacchentur, id uulgò sic esse notum  
 atque testatum, ut explicatione prolixiori nihil sit opus: his etiam de  
 causis pontifici non licere, uel suimet iuris testimonio, indicare con-  
 cilium, multò minus in eo præsidere: sed neque socijs illius iuratis li-  
 cere, iudicis personam usurpare, quum legitimi concilij ne pars qui-  
 dem esse possint: ad hæc, in Italia constitutam esse concilij sedem, pla-  
 nè contra Cæsaris & ordinum Imperij decreta, quæ contemptim il-  
 le negligat: nondum etiam sibi constare, an cæteri orbis Christiani  
 principes eum locum approbent, & subesse graues causas, quamob-  
 rem eò uenire sibi suisque sit periculosum: nam etiàm si rectè cauea-  
 tur, tamen, quia suas ibi passim clientelas habeat pontifex, qui do-  
 ctrinam hanc oderint acerbissimè, magnum esse discrimen ab insi-  
 dijs & occultis consilijs, quæ locis illis magnopere sint metuenda:  
 deinde, cum hæc sit omnium longè grauissima causa, nec alia sub hoc  
 sole possit oriri maior, quæ nimirum ad sempiternam uel salutem uel  
 condemnationem pertineat, & cum rei magnitudo postulet, ut ipsi  
 magno numero cum suis ecclesiæ ministris atque doctoribus inter-  
 sint, neque solis legatis rem tantam aut procuratoribus committant.  
 per quàm sibi graue futurum, excedere finibus Imperij, & in Italiam

1537 abire, suosque fines atque populos, in hac animorum offensione per Germaniam, sine praesidio, & ecclesias absque ministris aliquantò diutius relinquere: quapropter orare etiam atque etiam, ut haec omnia Caesar diligenter secum expendat, & cum sit praecipuus magistratus, ad quem inprimis uera doctrina propugnatio pertineat, totus in hoc incumbat, ut uera Dei cognitio legitime propagetur & augeatur: nec enim ullum se doctrinae genus impium amplecti, nec aliud quam nominis diuini gloriam spectare. Hoc de concilio responsum approbabant etiam Georgij Brandeburgensis & Noribergensium & Halensium & Hailbrunnensium legati: reliquis non se admiscebant, quia non erant confederati. Cum ad hunc modum essent locuti protestantes, Heldus è uestigio respondet, & de praecleara Caesaris uoluntate, deque Galliae rege, qui cum Turcis in reipublicae perniciem conspiciat, multa denuò locutus, ad illud de Camerae iudicio uenit, & religionis quidem causis pacem esse datam, nec id quenquam negare, sed in eo uersari litem dicebat, quae debeant hoc nomine censer, quae minus: & cum ipsi pro religiosis habeant causas, quas alij ciuiles atque prophanas dicant, periniquum esse, nolle rem disceptari, nec alterius partis rationes & argumenta cognosci: Noribergae quidem ipsos intercessoribus fortè nominasse causas aliquot, quas in eum ordinem referrent, Caesarem uerò non ita recepisse, quod non planè sciret earum conditionem: & posse fieri, ut ne ipsi quidem principes tunc exactè sciuerint, aut nunc etiam sciant, cuiusmodi sint causae, nisi quantum ij commemorant, ad quos ea res pertinet, qui suum haud dubiè sequantur in eo compendium: Atqui legibus & aequitati & sacris literis esse congruum, ut in omni controuersia, litigatores ambo, quantum satis est, audiantur, neque secundum alterutrius narrationem, etiam si uera sit, quicquam pronuncietur: Caesarem ergò, qui litem hanc ad tribunal atque iudices reiecerit, omninò, quod sui sit officij, facere, & sic existimare, quò grauiore ipsi propositi sui rationes habeant, eò magis in lucem illas proferre debere: sic enim liquidò posse constare, quae sint praediuiciales, & ad concilium referendae causae, quae minus: item, an illi, quibus ademptae sunt facultates atque bona, sint restituendi, nec ne: putare quoque Caesarem, iudices in eo nihil esse facturos praeter officium & datam fidem: illos etiam ita confirmare Caesari

per

Heldi ad  
Protestan-  
tes respo-  
sio.



per literas, quasi nullam religionis causam attigerint: idem ad se quoque perscribere, et nominatim de Hamburgensibus hoc dicere, inde ab initio litis, quam cum ecclesiasticis habent, ad exitum usque, ne uerbulo quidem illos meminisse religionis, lata uero sententia, cum iam ad executionem res tenderet, tunc primum eius intulisse mentionem: iudices praeterea sui facti paratos esse rationem reddere, quod quidem satis esse debeat ipsis, praesertim, cum ex se nuper etiam audierint, quomodo satis facere Caesar ipsis cogitet, si quid illos deliquisse constabit: etenim, non dispendium modo sarcire, sed causas illas omnes, de quibus illegitime pronunciatum esse parebit, in pristinum statum restituere, et actionem omnem praeteritam uelle rescindere irritamque facere: sibi profecto, quid Caesar amplius prestare possit aut debeat, non appareret: quod autem dicant, eos qui religionem ipsorum proijciunt, non oportere restituere, id minus aequum sibi uideri: nam absque legitima cognitione, et nisi litigatoribus auditis, nihil esse pronunciatum: scire enim ipsos, nullo iure licere, quenquam religionis, uel alia quauis de causa spoliare: itaque non se posse rationem hanc atque modum agendi, in ullo, quicumque sit, probare: nam, ut ne quid eiusmodi fieret, idcirco Noriberge transfactum fuisse certis conditionibus, et edicto deinde Caesaris denunciata atque sancitam esse publicam per Imperium pacem: ac sane, de religione multo posse facilius conuenire, sua quidem opinione, si non occupandis bonis ad eum modum incumberetur: quae quidem bona non tanti esse debeant in hoc toto negotio, praesertim, cum euangelij doctrina longe diuersam uiam nobis commonstret, et ut cogitationes nostras atque studium alio referamus, hortetur: Quod Hamburgensem illam causam ad religionem pertinere dicant, aut nullam aliam, mirari se plurimum: nam esse multas alias, de quibus ex praescripto legum et eius edicti, quod Caesar Vuormaciae fecit, Camera iure possit cognoscere, uerum eas omnes, quada singulari Caesaris benignitate suspensas manere: cum ergo Caesar aduersus pacta nihil sit factururus, et idem ab ipsis expectet, petere sibi claris uerbis de eo renunciari: personas autem Camerae, quod nuper etiam dixerit, ex medijs Imperij prouincijs esse desumptas: et quanquam ipsorum societatis pauci admodum forte sint in eo confesso, tamen non esse probabile, rem idcirco minus aequum administrari, quando quidem illi non suo quodam arbitratu, uerum,

1537 ex legitimis rationibus, iuxtaq; leges & secundum Imperij consuetudinem pronunciare. fide data teneantur: hanc sanè rationem, quo tempore iudicium ipse fuit in numero, diligenter obseruatam fuisse: uerum, utcumq; se res habeat, si quod illorum sit delictum, non futurum impunè, neq; se defendendam illorum suscipere causam uel excusandam: illos etiam hoc ab se non requirere, & quò minus de re tota cognoscatur, non recusare: Nunc autem ad illos quod attinet, qui post, ad doctrinæ foederisq; societatem accesserunt: nuper se commemorasse, quemadmodum ad Cæsarem eius rei nihil exactè delatū sit hucusq;, & Cæsarem sic arbitrari, qui pace Noribergica non sunt comprehensi nominatim, eos omnibus teneri publicis Imperij decretis, & auctoritatem debere concilij expectare: quòd uerò dicant, quosdam nihil promississe, quosdam priuatis transactionibus hanc sibi facultatem integram seruasse, quosdam promississe quidè, sed fiducia futuri breui tempore concilij: quicquid eius rei sit, in medio sese relinquere: sed tamen, quantum ad eos pertinet, qui priuatas obijciunt transactiones, non se detrectare, si quod eius rei documentum proferatur, Cæsaris nomine respondere: nam quòd Cæsaris interuenerit ulla priuata cū aliquo super ea re transactio, præter illam Noribergicam, non se posse credere: sibi etiam utile uideri, qui sui facti causam hanc adducit, ut exhibeant documenta, quæ sit illic missurus ad Cæsarem, aut ipse forsitan delaturus: Et quia Cæsaris animus ad quietem atq; concordiam omnino tenet, petere rursus, ut in bellum Turcicum, & ad Cameræ necessitates, opem atq; pecuniam conferant: quorum utrumq; pertineat inprimis ad reipublicæ Germaniæ salutem: & si fortè Turca non se commoueat, ut tum in menses aliquot idem subsidium dent Cæsari cōtra Galliæ regem: id si faciant, fore, ut huius officij minimè ipsos poeniteat: cupere autem, quid ipsorum sit in eo uolūtatē, cognoscere, quòd mox ad Cæsarē perscribat: De concilio scire ipsos, quantum labor atq; sollicitudo Cæsaris interuenerit, ut id aliquando cogeretur: hoc autē eius esse mentis, ut in eo dissidium religionis placidè componatur, et reipublicæ status, ad gloriam Dei, hominumq; salutem emendetur: cūq; nunc eò sit deducta res tandem, ut ad concilij diem non ita longum sit interuallum, minimè omnium putasse Cæsarē, fore, ut ipsi contrà exciperent: & si quidem in eo proposito mancant, longè futurum hoc ei



grauiſſimum: & cū ſit maximi res momenti, habere ſe in mandatis, 1537.  
 ut hoc apud ipſos planè conficiat, itaq; uehementer obſecrare, ut Cæ-  
 ſari gratificentur, neq; ſeceſſionem ab alijs faciant: nec enim unquam  
 fuiſſe propoſiti Cæſaris, ut ullam rem impiam, & uerbo Dei contra-  
 riam, & turpem, quæq; mali ſit exempli, uel contra bonos mores, in  
 concilio defendat uel excuſet, ſe curaturum inprimis, ne quid ulli tri-  
 buatur affectui, cumq; ſit æquitati conſentaneū, ut ſacræ literæ & re-  
 cepte ſcripturarum explanationes primum obtineant locum, non ui-  
 dere Cæſarem, quid obſtet, quò minus ad conciliū aut ipſi ueniant,  
 aut ſuos mittant legatos: nam excluſis malis artibus atq; dolo, quod  
 quidē Cæſar in ſe recipiat, conciliū ſanè pro ſuſpecto haberi nō poſſe:  
 quas igitur adduxerint cauſas, non ſatis eſſe graues, & poſſe nō apud  
 Cæſarem modò, ſed apud reliquas etiam gentes in ſuſpitionē uenire:  
 Quæ uerò de pontificis animo dixerint, acrioribus paulò uerbis, ea  
 proſectò, ſi quidem uera ſint, à nemine poſſe laudari: Cæſarem pla-  
 nè de eo nihil quicquam ſcire, ſed ne ſuſpicari quidem, imò non dubi-  
 tare, quin pontifex, ut præcipuum ordinis eccleſiaſtici caput, pro ſui  
 muneris ratione, chriſtianè ſeſe gerat: uerūtamē, ſi quas habeant ad-  
 uerſus illum et reliquos eius ordinis querimonias, licere proferant eas  
 in concilio, & ſine odio atq; inuidia modeſtè tractēt: De forma etiam  
 & modo concilij, & quicquid eſt cæterarū rerū quod deſiderent, lice-  
 re ut ibi proponant: nam ut cæteris ipſi populis, modū, quo res quæq;  
 tractanda ſit & expedienda, præſcribant, id ſanè minus æquum eſſe,  
 nec etiam laudari poſſe. nam ne Cæſari quidem ipſi & reliquis ordi-  
 nibus hoc licere, neq; paucorum eſſe, de rebus illis decernere, ſed uni-  
 uerſi cœtus: uenturos enim eò plurimos eruditione & uirtute præſtan-  
 tes uiros: neque ſic putandum eſſe, tanquam ipſorum modò theologi  
 ſint afflati numine diuino: & rerū ſacrarum periti: nam & aliubi re-  
 periri, in quibus nec doctrina nec uitæ ſanctimonia deſiderari poſſit.  
 Iam ad concilij ſedem Mantuam quod attinet, Imperij quidem prin-  
 cipes, & ipſos inprimis, ſlagitaſſe locum in Germania conſtitui, neq;  
 Cæſarem id impediuiſſe, quò minus fieret: ſed cogitandum eſſe tamen  
 interim, quid reliquis etiam nationibus commodum ſit & oppor-  
 tunum, & cur eam urbem pontifex præ cæteris delegerit, nempe, ſuo  
 quidem iudicio, propterea, quod ſit Germaniæ uicina, & copioſa, &

1537 eo loco posita, quo comineatus facile supportari possit, deinde, salutem  
 britate cœli commendata, & ditionis Imperij, sic, ut nullum ibi pon-  
 tificis compendium habere possit: nam eius urbis principem esse bene-  
 ficiarium atq; clientem Imperij: sed tamen, si fortasse minus fidant &  
 discrimen ullum subesse putent, Cæsarem, qui maximè sit cupidus con-  
 cilij, curaturum, ut ipsis idoneè caueatur: itaq; si opus esse putent, li-  
 cere ut ea de re ipsum interpellent: non se dubitare, quin æquissimum  
 ferant responsum: petere autem, ut amplius super eo deliberent, et cla-  
 re de sua uoluntate respondeant, ac Cæsari morem gerant, quod ipsis  
 & utile cumprimis & honestum sit futurum, & Deo quoq; gratif-  
 simum. Cum sic orasset, petebat eorum nomina sibi dari, qui post pa-  
 cificationem Noribergicam accesserant, in eo perscriptum erat, Geor-  
 gium Brädeburgicum, Noribergam, Vucissenburgum, Hailbrunum,  
 Vuinsfemium, Halam, esse quidem eiusdem religionis, non autem  
 fœderis. rogabat igitur sibi nomine Cæsaris explicari, cuiusmodi es-  
 set ipsorum fœdus, & quibus initum conditionibus. Eodem, quo sunt  
 hæc acta, die, uenit eò legatus pontificius, episcopus Aquensis, cum li-  
 teris ad electorem Saxonie, quibus eum pontifex ad concilium hor-  
 tabatur. Cum enim anno superiori Vergerius legationē Germanicam  
 renunciasset, ut libro præcedenti diximus: pontifex, cui minimè illa  
 placerent, Aquensem in Germaniam emittit, ut nouus uidelicet lega-  
 tus aliquid impetraret. Sed & iste lusit operam, neq; magna fuit eius  
 habita ratio: & certo die, cum Lantgrauij colloquium expetiuisset,  
 ille non sibi uacare dixit, & eodem serè momento Lutherum inuisit,  
 grauitex ex calculo tunc ibi decumbentem. quod quidem è suo diuer-  
 sorio legatus uidere poterat. Aquensem, Vergerius, abiturum, Ger-  
 manie statum, & quomodo quisq; prensandus esset & appellan-  
 dus, mandatu pontificis docuerat. Quartò post die, qui fuit ultimus  
 Februarij dies, respondent Heldo protestantes. De Cæsare nunquam  
 se dubitasse, quin pacem factam seruaret, quod quidem literis tam pu-  
 blicis quàm priuatis nō semel promiserit: sed & Cameram, & ipsum  
 iam oratione sua talem affingere interpretationem, ut non in dubium  
 modò uocetur ea pax, uerum etiam planè uideatur tolli, nec ullius esse  
 usus: nam ipsius sermonem eò spectare, quasi pro causis religionis ha-  
 beat illas modò, quæ profluunt ex edicto Vuormaciensi & alijs qui-  
 busdam

Legatus  
pontifi-  
cis ad Sa-  
xonem.

Protest.  
ad Heldū  
respōsio.



Eiusdem Imperij decretis, nō etiam illas, quæ postea natæ sunt, & quæ 1 5 3 7  
 priuatas ad personas pertinent, de quibus nominatim sit actum Nori-  
 bergæ cum intercessoribus: longe uerò aliam huius tractationis cau-  
 sam fuisse. Nam etsi Leonis decimi pontificis impulsu, Cæsar edictū  
 illud Vuormaciense fortè promulgauit, tunc, cū ueram doctrinā per  
 pauci adhuc intelligerent, postea tamen illud alijs Imperij decretis,  
 quantum ad se quidem attinet, suspensum fuisse, præsertim in comitio  
 Spirensi, ante annum undecimum, ubi controuersiam omnē placuit  
 ad concilium referri, & hoc insuper additum fuit, ut interea magistra-  
 tus omnes, in sua quisq; ditione, rem ita gerant, quò factum suum &  
 Deo possint & Cæsari quoq; probare, nimirum ex eo satis intelligi,  
 suspensum illud edictum, neq; sibi Noribergæ opus fuisse, de noua so-  
 licitare suspensione: Cur enim ad legitimum concilium delata sit o-  
 mnis actio, si Vuormaciense ualere semper oportuit edictum, aut si  
 ipsorum habita semper est religio pro condemnata: multum uidelicet  
 inter se differre illud edictum & pacē Noribergicam: illud enim ad  
 executionē spectasse tantum, & hoc solum in quæstionē uenisse tunc  
 tēporis, an quis edictum uiolasset? eo cognito, licuisse tum fortè Came-  
 ræ, nisi Comitij Spirensis decretū interuenisset, iurisdictionē exercere,  
 tanquam in re ciuili: Verū eas causas, propter quas Noribergæ con-  
 uentum & tractatū fuit, ad fidē atq; religionem pertinere, quod cla-  
 ris etiam uerbis in suo diplomate Cæsar testificetur: nam etsi Cameræ  
 non licebat alioqui de hisce rebus cognoscere, tamen motus uitandi  
 causa, Noribergæ fuisse cautum amplius, ut ab ijs abstineretur: ex di-  
 plomatis quoq; Cæsarei uerbis liquidò constare, cautum ibi fuisse non  
 de ijs modò controuersijs, quæ tota sui natura sunt religionis, uerū  
 de illis etiam, quæ propter mutationē ritū atq; ceremoniarum & id  
 genus alia nascuntur: deinde, pactiones omneis intelligendas esse pro  
 qualitate rei siue causæ, propter quam nata lis fuit atq; controuersia:  
 Iam uerò, inde post illud Spirensē decretum ad pacem usq; Noriber-  
 gicam, è suis nemini, quod quidē ipsi sciunt, ullam fuisse litem motam  
 à fisco uel factam molestiam: Cameram quidem usurpassē sibi cogno-  
 scendi potest, & in iudiciū uocasse nonnullos, propter mutatā re-  
 ligionem, ceremonias, ritus, & propter facultates atq; bona: cumq; de  
 his rebus esset disidium, se nominatim illas intercessoribus detulisses  
 transa

2537 transactionem igitur illam non de ijs tantum rebus, quæ descendunt ab edicto Vuormaciensi, uerum de illis etiam intelligi debere, quæ tunc temporis, quando conuentum fuit, erant controuersæ: nam cur alioqui tantum laboris et molestiæ sumpsisset, cur sumptus fecissent in re, quæ iam dudum esset Imperij sublata decreto, & unde nihil erat metuendum incommodi? cum autem metus esset, ne Camera suis actionibus turbam excitaret, de inducijs fuisse pactum, quæ sanè non aliò refferri possint, quàm ad eas causas, de quibus tunc potissimum lis erat, & quæ tunc intercessoribus explicatæ fuerunt: quod autem ignorasse Cæsarem ait, quò propriè pertinerent illæ causæ, non uideri probabile, cum propter eas & indictus esset ille conuentus, & nisi componerentur, motus impenderet: neq; uerò credibile esse, uel intercessores ad Cæsarem hæc non scripsisse, uel Cæsarem, si quid improbasset, dissimulare uoluisse: quin etiam ista Cæsari pro sua potestate liceant, pacis retinendæ causa, nullum esse dubium: & quàm pax consistere non posset, nisi hæ causæ comprehenderentur, nuper se docuisse: cumq; lege sit cautum Imperij, ne quis alteri suum eripiat, se tum intercessoribus explicasse Noribergæ suam sententiam, & si quidem Camera sibi litem moueret, propter adempta suis monachis atq; sacrificulis bona, qui ueram religionē atq; cultum reiicerent, habituros illud se pro ut & iniuria, declarasse: quòd autem iniquum esse putet, nolle pati, ut Camera cognoscat quæ sint causæ religionis, quæ minus, quòd etiā dicat, quòd plures habeant sui propositi rationes, eò magis in publicū illas esse proferendas: ad ea satis iam esse responsum, neq; putasse futurum, ut hoc obijceretur: nam, etsi minimè lucem defugiant, imò uehementer cupiant coram æquo iudicio causam omnē disceptari, tamen, ut ab ea formula, quam Cæsar interposuit, discedant, non sibi esse integrum: nec enim ad Camera se se reiectos, uerum actionem omnem interdicto sublatam, & illud insuper additum esse, si quid contrā fiat, ut ad Cæsarem hoc ipsiusue legatum renunciatur: Nam de Camera facile sibi fuisse respondere, cur eam non admitterent, idèò nimirum, quòd in eo confesso pleriq; sint omnes religionis pontificiæ, & iure iurando teneantur, nō minus ex præscripto iuris pontificij, quàm ex legibus Imperatorum iudicare, quodq; non sibi tantum, sed multis alijs per Germaniam notæ sint ipsorū rationes & modus agendi: quòd  
autem



autem iureiurando sint astricti, non illos idcirco suspitione liberari: 1537  
 nihilominus enim recusari posse, quod sibi quoq; necessario faciundū  
 fuerit: quid enim ab ijs expectent, qui contrariam profitentur religio-  
 nem, quiq; suam doctrinam ut impiam condemnant? nihil etiam ad  
 rem facere, quod nomine Cæsaris perpauci, complures autem ex Im-  
 perij prouincijs in eo sint cōfessuri: uim enim totā in hoc esse positam,  
 cui sint addicti religioni: quales autem eos esse oporteat, ex decreto  
 comitijs Ratisbonensis apparere: plerosq; etiam omneis ab episcopis  
 & id genus alijs eō destinari: cumq; suas ipsi causas ecclesiastici, quæ  
 ad ceremonias atq; ritus, ad docendi munus atq; bona pertinent,  
 religiosas nominent, cur non ad hunc numerum eas omneis Camera  
 rescribat. quæ sunt eiusdē generis? uerum igitur esse quod prius quoq;  
 dixerint, si quidem Camera se iudicio submittant, nihil opus fore con-  
 cilio, cuius ad cognitionem illa propriè pertineant: nam illos indiffe-  
 renter, quæcunq; sint adhuc ad ipsos delatæ causæ, iudicare, & nō bo-  
 na tantum, sed impias quoq; ceremonias uoluisse restituī: quod ipsum  
 si ualere debeat, omnem suam doctrinam iri condemnatum: procura-  
 tores quoq; suos non audere metu periculi causas defendere, multo  
 minus recusare iudices: illos enim, etiā si recusentur, pergere nihilo-  
 minus, & remisisse nuper Hamburgensibus literas recusationis: De  
 monachis & id genus alijs ideo se illud exemplum posuisse, ut ostē-  
 derent, non ad eos, uerū ad ecclesiæ ministros & alios pios usus ea  
 pertinere bona: quod igitur de bonis occupatis, deq; spoliatione dixe-  
 rit, ad iniuriam suam pertinere, neq; sibi tale quid, non solum ab ullo  
 suæ conditionis, uerū ne à Cæsare quidem obiectum adhuc esse: mi-  
 rari autē, cur uim esse dicat in eo, quod monachis atq; sacrificis, qui  
 ueram religionem aspernantur, & manifestos errores obstinatē defen-  
 dunt, ecclesiæ facultates adimant: illos enim in his ipsis bonis, quæ sui  
 maiores magna ex parte contulerint, aliud nihil habere iuris, quā  
 quod ecclesiæ fuerunt aliquando suis in ditionibus ministri: postea uo-  
 rō, quā illuxit ueræ doctrinæ cognitio, deprehensos errores non se  
 potuisse bona consciētia tolerare diutius, uerū necessario sustulisse,  
 & illis, qui religionis emendationem præfractē recusarent, bonorum  
 usum fructū minimē permississe: Quod si qui fortē putēt, illos nihilo-  
 minus in sua religione tolerandos fuisse, non rectē sentire: nam id sibi

1537 nō licere, ne culpæ fiant affines, nō uerbis enim tantum, sed ipso quoque facto Christum atq; ueritatē abnegari: criminationē igitur hanc sibi præter meritū offerri: cuius enim hoc esset imprudentiæ. propter tantula bona, tam inuidiosa, in discrimen uocare fortunas omneis, exiustimationē, uitam ipsam, coniuges, liberos, & quicquid omnino charum esse potest? Aliena bona, quæq; suæ nō sint ditionis, nō affectare sese iure quoq; pontificio demonstrari posse, non illis ea bona competere, qui falsam doctrinam proponunt atq; defendunt: nec enim emolumentū hic spectari, sed hoc solū, & in primis agi, ne qua fiat per ipsoꝝ ditionem nomini diuino cōtumelia: nam illis, qui sanam doctrinam amplectuntur, nihil auferri quicquā: neq; dubitare, quin de hisce bonis multo sint ipsi meliorem Deo reddituri rationem, quā illi, qui titulū ecclesiæ sibi sumunt, eaq; bona nullo iure possident atq; profundunt: Et si fortē ius possessionis in medium adducant, nihil ad rem facere: cum enim ueritas illucescit, omnē & possessionē & præscriptionem & consuetudinem euanescere, uelut umbram, etiam iuris pōtificij testimonio: non ergo pugnare cū legibus aut æquitate suū hoc institutum, sed esse tum honestum tum pium & sacris literis consentaneum: illud etiam, quod ait non se probare, quando per uim aliquis à bonis deicitur, in aduersarios rectē quadrare, quorum ex grege si quis ad ueram doctrinam sese conuertit, huic non facultates eripi tantum, sed uitam quoq; scire enim ipsum, quanta seuitia, quantum sanguinis profusum sit, hanc unam ob causam: exilium quidem & totius familiæ calamitatē illis esse mitissimam pœnam: Quod præterea dicat, facilem fore concordie uiam, nisi de bonis ageretur: uerum esse quidem, ad aduersarios quantum attinet: nisi enim hi suas opes, honores, delitias, mollem illam & uoluptariam & turpem uitam longē præferrent studio ueritatis, nulla difficultate posserem omnem transigi: licet enim sciant iniquam hanc esse profusionem, tamen emendationem eos ferre non posse, quæ cum primis necessaria sit: iam quod Camerales dicant, nihil se præter officium fecisse: quā id sibi cōstet, è superioribus intelligi posse: nam & cognitionē legitimam exoptare se uehementer, & iam olim petiisse, quò de causis recusationis arbitri decernerent: Ut autem in integrum restituantur à Cæsare causæ de quibus Camera nō rectē pronūciarit, admodū fore difficile, nec actio-



res etiam, secundum quos lata fuerunt sententiae, permissuros: Quod 1 5 3 7  
 igitur scire cupiat, quid ipsorum sit in eo uoluntatis: et pace nihil si-  
 bi antiquius esse, et contra pacis rationes nihil fecisse, et causas, cur  
 illos recusent iudices, explanasse: iam uero, si quidem illi praeter haec  
 omnia suo more pergant, non se parere decretis, et si qua uis fiat, iure  
 naturae, quod defensionem omnibus permittat, socios periclitantes de-  
 serere non posse, cum sciant, illis oppressis, eundem casum sibi quoque  
 breui subeundum esse: Quantum ad reliquos attinet, qui post adfoe-  
 dus atque doctrinam accesserunt, dolere sibi, Caesarem de eo nihil habe-  
 re comperti: se quidem suis in Italiam legatis eorum nomina dedisse  
 perscripta, ut, si rogarentur, exhiberent: quod autem pacto licere qui-  
 busdam dixerint, liberam habere religionem, id de transactione Cada-  
 mica intelligendum esse, de quo principe Vuirtebergico, cui sit hoc per-  
 missum: et quoniam id Caesari constare possit, non opus esse documen-  
 to: reliquos autem, agnita ueritate, dum longius extraheretur conciliū,  
 iudicasse consciētiam obligationi ciuili longè praeferendam esse: Quod  
 de Caesaris animo dixerit, non dubitare se, quin ita res habeat: uerū-  
 tamen, audire se, longè aliud aduersarios moliri, et Caesarem in se con-  
 citare: cuius quidem rei fidem inter alia faciant Camerales: itaque rogare,  
 ut et sui ratio habeatur, et ea pax detur, in qua possint acquiescere:  
 quod si fiat, non se de futuros eius postulatis de Turca de quo Camera: po-  
 stremum illud de foedere, mirari se cur petat: nam Caesarē id non igno-  
 rare, et per intercessores ab se contēdisse Noribergae, ut ab eo discede-  
 rent: se uero tum ita respondisse, ut nihil amplius urgeret: ab aduersa-  
 rijs autem huius rei causam sibi datam esse: cuiusmodi enim hi consi-  
 lia multis nunc annis tractent atque cudant, esse non ignotum: hoc uero suū  
 foedus, non ad uim, sed ad defensionem esse comparatum, et ijs conditioni-  
 bus initum: ut si sit opus, non Caesari tantum, sed omnibus etiā indifferen-  
 ter exhiberi possit absque pudore: De concilio, de quo Caesaris erga rempu-  
 blicā animo quae dixerit, periuicunda sibi fuisse: credere etiam, incogni-  
 tum esse Caesari pontificis animū, et hac de causa conciliū tantopere  
 sollicitare: qualē uero de pontifice habeat opinionem Caesar, in medio  
 sese relinquare: sed cum eius diploma sit planè diuersum à uoluntate  
 Caesaris, et omnino captiosum, non se posse, quid de eo sentiāt, dissimu-  
 lare: nam antequam concilij fiat initium, doctrinam suā ab illo iam esse,

1537 non uerbo tantum, sed ipsa re quoq; cōdemnatam: notum etiam esse, quemadmodum in omnibus conuentibus, ubi de religione tractatur, etiā si scripturam illi sacram uideant contra se facere, ius definiendi sibi sumant & arrogant ipsi: Et quanquam sui sit propositi, pontificem atq; socios, in legitimo conuentu, falsæ doctrinæ & hæreseos & impietatis accusare, non dubium esse tamen, quin ille suo more cognitor esse uelit simul & iudex: quod enim eò spectet, ipsum testificari diploma, quod si semel approbent, ne quicquā postea de actionis modo uerba se facturos esse: An autem hoc sit eiusmodi concilium, quale Cæsar & ordines Imperij non unis comitijs decreuerunt, cuiusuis nō iniqui iudicis arbitrio sese relinquere: nam illa uerba, liberū & Christianum concilium, prudenter & consultò semper addita fuisse, & illud quidem non sic accipiendū esse, ut suam cuiq; sententiam ibi proferre tantum liceat, sed, ne pontifex etiam atq; socij, qui fide sint inuicem & uinculis astricti, de suis ipsi causis pronuncient: alterum uerò non ita interpretari oportere, quasi Turcis & id genus alijs in concilio non sit locus, uerum, ut iuxta sacras literas, doctrinæ partes omnes explorentur & definiantur: Scire etiam se, non una solū regione, sed passim per orbem terrarum esse dispersos homines pios atq; doctos, & hanc ipsam cogitationem sibi perquā esse iucundam, quod speret, si pontificis hæc immōderata potestas refringeretur, nec ab unus Imperio simul omnia penderent, futurū, ut non sui tantum theologi, uerum alij cōplures è diuersis nationibus, uiri boni, qui nunc illius oppressi tyrannide mussant atq; latent, ad ecclesiarū emendationem omne studium & operam conferrent: iam, ad concilij sedē quod attinet, non uidere se, quis potior locus, quā Germania, sit deligendus: nam licet ad alias quoq; gentes conciliū pertineat, tamen ad Germanos & ad se cum primis illud spectare, quibus eò sit ipsis ueniendum unā cum ecclesiæ ministris, cum interim alij reges atq; principes externi per legatos rem obire possint atq; conficere, pro uetusto & iam olim recepto more: cuiusmodi sit etiam urbis Mantuæ situs & opportunitas, nolle se disputare: sed esse iam in Italia bellū, & ut nullū sit, tamē, cur sibi locus ille suspectus esse debeat, nuper explicasse: Mantuæ dux quomodo sit affectus, nō se disputare, sed ipsius fratrem germanum esse primi nominis cardinalem, quod ipsum ad augendam



dam quoque suspitionē faciat: Itaque, si reliquæ gentes de suis rationibus  
audiant, quamobrem et locum recusent et agendi modum, non dubi-  
tare se, quin et probent, et si secus fieret, tunc demum sinistram de se  
concepturi sint opinionem: Cæsarem quoque scire, per Germaniam esse  
multas ciuitates non minus, quam est Mantua, commodas, et, quod præ-  
cipuum haberi debet, æquitatis et iustitiæ nomine commēdatas: nam  
illa clandestina et occulta consilia tollendi homines è medio, non sic  
esse nota nec usitata Germaniæ, sicut alijs quibusdam locis: Quod at-  
tem Imperij decretis ad hunc modum insistant, nec ab illis diuelli sese  
patiantur, non debere Cæsari uideri mirum neque nouum: nam olim et-  
iam Liberium episcopum Romanum, Athanasij fautorem et amicū,  
à Constantino Cæsare petiisse, ut conciliū indiceret Alexandria, ubi re-  
us et actores habitarent: et licet illis, qui sunt ad solem occidentē, lo-  
cus ille minus erat commodus, etsi totius orbis iudicio condemnatū A-  
thanasium, eiusque socijs igni et aqua interdictum esse Cæsar diceret,  
quanquam Liberium esse unum ex omnibus contenderet, qui publi-  
cam pacē perturbaret, nihil tamen hunc de suo studio remisisse, cumque  
deinde Cæsar id pernegaret, longo post tempore, errorem illum Arrij  
regnasse, tandem uerò uicttricem Athanasij fuisse doctrinam, et in sen-  
pternum ualere: quis autē enumerare possit, quā multum, eius do-  
gmatis causa sit profusum sanguinis? eandem quoque suæ religionis fir-  
turam esse condutionem, siue locus detur idoneus, siue non: consimili  
de causa, qui concilio interfuerunt Basiliēsi, recusasse Ferrariam, quod  
pontifex Eugenius aliud indixerat concilium: Henrico septimo Cæsa-  
ri grauem fuisse cum Roberto Siciliæ rege controuersiam, et citasse il-  
lum Pisas: id autem iniquum fuisse uisum Clementi V. pontifici, qui et  
regem tuebatur, et, quamobrem eò uenire non teneretur, causas expli-  
cabat, multo sanè leuiores, quā sint hæ suæ: quod igitur eiusmodi con-  
cilium recusent, non sibi sed pontifici culpam eius rei tribui debere:  
quoties enim ad concilium ipsi causam suam reiecerūt, de tali sensisse  
concilio. quale Cæsar et ordines Imperij decreuerant. nec enim igno-  
rasse, quod si pontificibus permitteretur summa rei, futurum, ut ad  
suum illi referrent omnia compendium, et oppressa uera doctrina su-  
am impietatem confirmarent: Atque interim tamen Paulum III. ita rem  
ornare uerbis ad Cæsarem, quasi candidè prorsus agat et sincere,

1537 cum longè diuersum cogitet: adhuc, cuiusmodi concilium ipsi requis-  
rant, non Clementis modò, sed ipsius etiam Pauli tertij legato Petro  
Paulo Vergerio sese declarasse scripto: cumq; Cæsaris hanc esse men-  
tem ipse dicat, ut emendentur errores atq; uitia, ne minimã quidẽ eius  
rei significationem in pontificis apparere diplomate: nam si ueram et  
necessariam cogitaret emendationem, non fuisse condemnaturum i-  
psorum doctrinam, indicta causa: Et quanquã de Cæsaris æquitate ni-  
hil dubitent, eoq; magis doleant, quòd ei gratificari non possint, tamẽ  
hac illius beneuolentia & sedulitate minimẽ sibi consultum iri: nam  
etiã si concilio Cæsar intersit ipse, notum esse tamen, quantulum sa-  
cultatis uel ei uel cæteris etiam regibus, in eiusmodi causis pontifices  
concedant: etenim, ut multum largiantur, adhibere quidem illos fortè  
deliberationibus, decernendi uerò potestatem nullam facere, sed eam  
sibi seruare solus, ut, si fortè Cæsar & ciuilis magistratus aliquanto lon-  
gius progrediantur, eo tanquã retinaculo atq; freno ipsos cohibeant,  
& pro suo demum statu arbitratu: quod igitur has pontificis insti-  
dias declinent, orare, ne Cæsar molestè ferat: brutis enim animantibus  
hoc insitum esse natura, ut quo loco positum sibi sciunt esse laqueum,  
eum locum uti fugiant: Quid etiam in concilio Constantiensi cum Si-  
gismundo Cæsare sit actum, esse peruulgatũ: nam licet is Ioanni Huf-  
so fide publica rectè cauerat, patres tamẽ eius imminuisse potestatem,  
cum dicerent nec ipsi nec alij cuiquam licere in eo sibi præscribere: ui-  
ctum itaq; Cæsarem, illorum authoritati, quam sibi uendicabant, ces-  
sisse, non absq; gemitu, sua quidem opinione, sed tamen miserabili cū  
interitu illius, qui fidem publicam secutus, in eam deuenerat calamita-  
tem: Quæ quidem ex re liquidò uideri, quantum Cæsar, etiã si maxi-  
mè cupiat, & uelit, subuenire possit ijs, quos illi semel induerint la-  
queis, & uelut in caueam incluserint: prouidẽ ergò sibi agendum, at-  
que interim tamen, ne quid sibi tribuatur, nõ paratos esse modò iustã  
subire cognitionem, sed orare quoq; Cæsarem uehementer, ut has tam  
graues causas diligenter expendat, & legitimum in Germania concil-  
lium indicat, in quo iudicandi partes ad pontificem atq; socios mini-  
mè pertineant. Quòd si autem pontifex in ea re Cæsarem impediat, et  
sincerum in Germania conciliũ cogi nolit, testificari se palàm, per se  
non stetisse, quò minus initæ sint concordie rationes: quicquid etiam



ex eo natum fuerit incommodi, totum hoc esse tribuendum pontifici: 1537  
 quod reliquum est, orare, ut hæc ad Cæsarem ita referat, suumq; studi-  
 um ei commendet. Quum ad hunc modum esset inter ipsos actum, &  
 Heldus omnia se renunciaturū Cæsari dixisset, protestantes de cæteris  
 etiā rebus decernunt, de alendis ecclesiæ ministris, de ludis literarū a-  
 perendis, ut ecclesiæ simul & reipublicæ semper suppetant homines  
 idonei, postea de ijs quæ ad fœdus atq; defensionē pertinent. De Tur-  
 ca responsum Heldo fuit, ut suprà diximus, & alioqui rumor increbui-  
 it, Ferdinandū regem parare bellum aduersus Ioannem Vayuodam,  
 ideoq; sollicitare de auxilijs. In hac autē dubitatione, ne fortē reipubli-  
 cæ deessent, decretū fuit absente iam Heldo, ut dimissis nuncijs com-  
 muni sumptu, Saxo & Lantgrauius, quid rerū agatur, cognoscant, et  
 si Germaniam fortē Turca petat, ut iū rursus cōueniant deliberaturi,  
 quid ex officio quemq; facere oporteat. Adhæc, ut omnibus facti sui  
 ratio, causaq; recusati concilij constaret, placuit scripto rem omnem  
 esse complectendam. Id post euulgant, typis excusum, & exteros re-  
 ges atq; populos in hanc sententiam affati, Paulus tertius, inquit,  
 diploma nuper edidit, quo concilium indicit Mantuæ, iam ad Maij  
 diem xxij. inchoandum, additis aliquot eius rei causis: legatos præ-  
 terea dimisit ad reges atq; principes tum Germanos tum alios, qui  
 concilium denuncient, & hortentur, ut eò uel ipsi ueniant, uel suos  
 mittant: cumq; nos etiam hac de re per legatum interpellauerit, &  
 Cæsar idem fecerit, res ipsa postulat, ut demonstremus, ad quantum  
 periculum atq; detrimentum pertineat non modò nostrum, sed etiam  
 totius reipublicæ Christianæ, si quidem illi mos in eo geratur. Et quan-  
 quam iusta sit causa nostri propositi, non dubium est tamen quin ad-  
 uersarij, quo sunt ingenio, criminentur factum, & in pessimam par-  
 tem interpretentur. nam ut nos totamq; causam in odium addu-  
 cant, affirmabunt haud dubiè nullam pati nos posse cognitionem, nul-  
 lumq; iudicem, & reliquas contemnere nationes, è quibus multi sæpe  
 uiri præstantes eruditione prodierint: hoc, etiam dicent, impium esse,  
 concilij recusare decreta, quod sit Ecclesiæ supremū tribunal, cui iure  
 teneantur omnes parere fingent præterea, quasi nos iam huius doctri-  
 næ pudeat, quasi lucem defugiamus, aut alioqui diſidia captemus, nō  
 necessaria, neq; publicum ocium ferre possimus. Iam sanè, si quidem

Protestan-  
tium  
Synodal  
die decre-  
ta.

Scriptū  
Protest.  
de recu-  
sato con-  
cilio.

1537 uerè de nobis hoc diceretur, esset non impium modò, sed auditu etiam horrendum: itaq; necessario nobis est explicanda facti nostri ratio, & speramus futurum, ut quicumq; sunt uiri boni per Germaniam, & alijs in locis, non modò nihil tale de nobis credant, uerum etiam in hoc incumbant, ut hæc omnium grauissima causa rectè tractetur, neque pontifici liceat sub ficto & adumbrato nomine concilij, manifestam ueritatem tyrannide quadam opprimere. Docebimus enim, non modò puram nos profiteri doctrinam, sed etiam aliud spectare nihil quàm gloriam Dei & reipublicæ salutem, nec ullam nobis aut per tinaciam aut morositatem obijci posse. Et primò quidem, quàm aliarum nationum & ecclesiæ iudicium non aspernemur, ex eo satis apparet, quod hoc agimus, ne pontifex atq; socij iudicandi prouinciæ sibi sumant, uerùm ut per homines idoneos minimeq; suspectos omnia tractentur. quod ipsum à pijs omnibus desiderari nihil dubitamus. Cùm enim nonnullis in prouincijs extent uetusta quædam scripta & querimonie de falsa doctrina, de uitijs & impio cultu, quæ tùm in ecclesiam obrepserant, non dubitamus, quin ijs ipsis in locis, hodierno quoq; die sint aliqui uiri pij & eruditi, qui sanam doctrinam intelligunt, etiã si tyrannide pontificis oppressi tacere coguntur. hi sanè meritò debent adhiberi concilijs, ut liberè dicant. nec enim pro legitimo debet haberi concilio, quod pontifex atq; socij regunt, qui falsa dogmata per uim atque potentiam defendunt, & pro ueteri consuetudine decreta faciunt uerbo Dei contraria. Christus enim, quando summum tribunal constituit, iussit ad ecclesiam referri quicquid emendationem requireret. quibus ipsis uerbis tyrannidem omnem atq; dominatum excludit & infringit. Calumniosum etiam est, quod fortè dicunt, nos defugere publicum aspectum, neque posse ferre lucem. nam in Augustæ comitijs, doctrinam nostram sumus professi palàm, in Cæsaris & omnium ordinum Imperij consensu: deinde, celebratur hæc ipsa doctrina publicè, nostris in diuitiis, & extant ea de re nostrorū hominum libri, qui testificantur eam, & ex aduersarijs multi fatentur, pleraq; dogmata nostrorum scriptis in lucem esse reuocata, quæ densissimis antea tenebris oppressa iacebant. nunc enim uera doctrina denuò lucet, de poenitentia, de fide in Christum, de remissione peccatorum, de bonis operibus, de uero cultu, de sacra-



mentorū usu, de potestate clauium, de magistratu, de traditionibus 1 5 3 7  
 hominū, & id genus alijs rebus. Neq; uerò nos euangelij pudet, ut  
 ait Paulus, sed in primis optamus, ut in omnium aspectu liceat de ijs re  
 bus explicare sententiam. Quod etiam nostris obijcitur, quasi dam=  
 natas iam olim hæreses rursus excitarint, neq; sit opus idcirco dispu=  
 tatione uel ampliori cognitione, falsum est, & ad eos, qui nostræ do=  
 ctrinæ confessionē eiq; cōiunctam legerunt defensionem, facile pote=  
 st excusari, quam enim profitemur, non est noua doctrina, sed planè ue=  
 teris ecclesiæ consensus, ut liquidò demonstrari potest nec ullam hære=  
 sim admisimus aut impium dogma, sed ueterum doctrinam multis lo=  
 cis nostri homines reuocarunt, oppressam à pontificibus atq; mona=  
 chis Falsum est etiam, quod de nobis dicitur, quasi dissidijs latemur:  
 nam ex animo nobis dolet, ita diuidi rempublicam Christianam, &  
 concordie causa iustū flagitamus concilium. Quia uerò pontifex atq;  
 socij ueram et necessariam doctrinam condemnant, eiusq; professores  
 affligunt & persequuntur, et alios, ut idē faciant, hortantur, non possu=  
 mus non hanc illorum reprehendere crudelitatem & audaciam. con=  
 fessione enim uult celebrari Deus, & impium est, associare se tyranni=  
 di pontificis ita scruentis. Deinde, cōstat nos omnia reipublice mune=  
 ra subire, et onera sustinere, sicut reliqui faciunt ordines. ex quo uideri  
 potest, in religione quoq; nos libenter esse consensuros alijs, modò li=  
 ceret. Intelligimus præterea, quantum ex eo nobis imminet periculi.  
 pontifices enim multis nunc annis nō obscure præ se ferunt, quid mo=  
 liantur, & quomodo regum animos in nos incendiant. hæc tanta dis=  
 crimina subire sine causa, & tantos in eam rem sumptus facere, an  
 non extremæ esset dementiæ? sed scimus officium hoc debere nos Deo,  
 nec quicquam esse, quod non eius mandato postponi debeat, & testa=  
 mur Deum, nihil à nobis aliud captari. Confutatis iam illorum cri=  
 minationibus, ad alterum ueniamus. Apud exteros pleriq; fortè pu=  
 tant, nos aliqua curiositate leuiora quædam impugnasse uitia, quæ pa=  
 cis retinendæ causa dissimulari poterant. præsertim, cum ea sit huma=  
 narum rerum conditio, ut in republica semper aliqua sint atq; rema=  
 neant, ad quæ conuiuere oporteat. Sed longè res aliter habet. nam pri=  
 mò quidem, errores atq; falsa dogmata non sunt dissimulanda. iubet  
 enim Christus à falsis doctoribus cauere: deinde, certamen est non

1537 de leuibz erratis, uerum de doctrina fidei, deq; uera Dei cognitione, quod est uitæ Christianæ & synceri cultus præcipuum caput, quod silentio præteriri non debet, sed purè conseruandum est, & diligenter in ecclesia docendum. Negari autem non potest, extinctum hoc omnino dogma fuisse, nouamq; doctrinam inuectam, magna certe cū Christi contumelia. Multos præterea reprehendimus errores, impiosq; cultus, quos etiam alij quidem multò ante hanc ætatem uiderunt, eozq; concilium desiderarunt, ut emendatis uitij, concordia retineretur: hac autem ætate multò magis est opus concilio, quandoquidem et plurimis in locis eadem uitia manent, & nata sunt dissidia, & in uitæ discrimen idcirco multi uocantur, homines innocentes. his ergo de causis tam arduis, non modò nos, uerum etiam Cæsar & cæteri ordines et episcopi decreuerunt ecclesiæ cum primis esse necessarium concilium, in quo pura doctrina conseruetur. nisi enim tale fieret, maiorem dissipationem excitatum iri uidebant: sed ecce, dum eiusmodi concilium expectamus, prodit diploma pontificis, Imperij decretis planè contrarium. Et quia non nostrā solum refert, sed totius etiam interest reipublicæ Christianæ, necesse putauimus hoc publico scripto testificari, & demonstrare, quam obrem cōcilium istud improbemus. Nam iudicandi potestas non ad solum pontificem & episcopos, uerum ad ecclesiam pertinet, quo quidē in numero sunt etiā reges ac cæteri ordines. Quapropter, etiā nisi pontifex in hac causa non sustineret alteram partē litis, tamen nō sit ei concedendum, ut solus ipse cum suis iudicaret, exclusis alijs ecclesiæ ministris: cum autem manifestè sit ex litigatoribus alter, multò minus id ei cōcedi oportet, quia cum iure diuino & naturali pugnat. Accusamus uerò pontificē non leuibz de causis, nec de illius dominatione tantū disputamus atq; luxu, sed ipsius et doctrinam & leges & impiū cultum reprehendimus, hoc est, reū agimus illū de idolatria & hæresi, quæ quidē crimina cum obijciuntur, non pontificem, sed ecclesiam oportet iudiciū interponere, sicut ueteres pontificū leges ipse testantur. Adhæc, pontifex non solum est alter litigatorum, sed quia doctrinam nostram multò antè cōdemnauit, hoc ipso maiorē in se cumulauit suspicionē: quod cū ita sit, quis dubitet, cuiusmodi sit in ipsius concilio futurū de nostra doctrina iudiciū? Nec enim putandum est, fore, ut definiendi potestatem ulli permittat contra uetus in-

stituta=



stitutum: et cum de modo tractationis nihil in eo diplomate dicat, me-  
ritò suspecta sunt nobis omnia. Nam eos tantum euocat et conscribit,  
qui sunt ipsi multis modis obligati, & de quorum uoluntate comper-  
tum habet indicti quoq; cōcilij causam hanc esse profuturam, ut nuper  
natæ hæreses extirpentur. Et quanquam id latè patet, tamen dubium  
nullum est, quin de nostra sentiat doctrina. nec enim de suis ipsum er-  
roribus loqui, credibile est. imò post aliud emisit diploma de Roma-  
næ curiæ reformatione, in quo clavis uerbis profuturum, eò cōuocari cō-  
cilium, ut hæresis pestifera Lutherana tollatur. itaq; principio quidē  
animum suum callidè texit, ut aliquam haberet speciem diploma, sed  
post aperuit. Dubium ergo non est, eò solum spectare illum, ut doctri-  
nam nostram excindat. cuius autem esset insantiæ, institutum hoc illi-  
us approbare? hoc enim agit, ut qui diploma recipiunt, doctrinam no-  
stram fateantur impiam & hæreticam esse, deinde, ut reges atq; prin-  
cipes, eo recepto, teneantur studium & opem conferre. Cùm igitur in-  
tersit reipublicæ, rogamus, ut hunc illius astum & insidias diligenter  
omnes considerent. nam licet mirari, cur his uerbis diploma concepe-  
rit: & dubium est, utrum eò fecerit, ut nos à concilio deterreat, an ut  
approbatione diplomatis irretitos habeat. Apud nos profectò dubium  
nullum est, Cæsaris hanc esse mentem, ut reipublicæ consulatur, neq;  
firmam hanc diplomatis ei probari putamus: pontifex autem nō tam  
concilium indixit, quàm sententiam aduersum nos promulgauit. Ne-  
que uerò permittet, ut scripturis res agatur, sed uolet è suis legibus &  
consuetudine & recentioribus aliquot concilijs pronunciari. Verùm  
hoc imprimis nos contendimus & affirmamus, hominum traditiones  
uerbo Dei contrarias, esse repudiandas. nam Ecclesiæ doctrinam recti-  
pinus, pontificis autem errores atq; tyrannidem nō oportet ecclesiæ  
titulo exornare. Vetus ecclesia neq; recepit ullam legem aduersariam  
scripturæ, nec immensam illam potestatem attribuit pontifici, quam  
nunc sibi sumit ipse. deinde coetus ille hominum, qui doctrinam euan-  
gelij damnant & affligunt, non sunt ecclesia, sed parricide, Caini pro-  
genes atq; posteritas. Et prisca quidem temporibus, pij episcopi  
sepe recusarunt concilia, quum non ueritatis propugnandæ, sed uel  
impie doctrinæ uel aliquorum potentie constituendæ causa uiderent  
illa conuocari. Cæsar Constantinus indixerat concilium Antiochiæ:

1537 Maximus autem episcopus Hierosolymitanus, tametsi non longum  
 esset interuallum, eò non uenit propterea quòd & Cæsaris animū, &  
 quid Arriani molirentur episcopi, sciret. Athanasius, etsi Tyrum ue=  
 nit in concilium, tamen non diu substituit, quòd primores concilij ui=  
 deret accusandi simul & iudicandi partes usurpare, & quòd sum=  
 missos contra se quosdam intelligeret esse accusatores. Sirmij, oppido  
 Pannoniæ, magnum fuit olim cōcilium aduersus Photinum, res enim  
 erat ardua: & quanquam Cæsar episcopis, ut eò uenirent, mandabat,  
 occidentales tamen non obtemperarunt, cūm Arrianorum turbam ibi  
 creuisse animaduertenterent, & fore suspicarentur, ut falsum ibi dogma  
 decerneretur: Erat tunc magni nominis, Osius, episcopus Corduben=  
 sis: hunc Cæsar, Arrianorum hortatu, iussit ex Hispanijs eò quoq; ue=  
 nire: cūm uenisset, ratum habuit captiosum illud symbolū Sirmense,  
 quod ingentem pōst ecclesiæ dissipationē excitauit, & reprehenditur  
 Osius hanc ob causam, ab Hilario, qui non interfuit. Cyrillus episco=  
 pus Hierosolymitanus, ad eorū conuentus, qui Christiū eiusdē esse cū  
 patre substantiæ negabant, nunquam uenit, & fertur omnium primus  
 à cōcilijs appellasse scripto. Mediolani fuit inchoatū conciliū, eoq; cō=  
 uocati per Cæsare episcopi: cūm uerò Paulinas episcopus Treuirensis  
 & alij quidam pauci uideret Auxentiū episcopū Mediolanensem atq;  
 socios moliri quædam sinistra, discessionē facta concilium illud disti=  
 paruit. Hunc igitur ad modū magni illi uiri conuentus omneis defuge=  
 runt suspectos, ne culpæ fierent affines. Cūm uerò pontifex nō obscure  
 significet, conciliū hoc cōfirmandæ potentiæ suæ causa institutū esse,  
 rogamus omneis, ne crimini nobis dent hanc nostram recusationem.  
 Sed & concilij locus grauibus de causis non probatur nobis: est enim  
 opportunus ad iniuriam, & omnino talis, qui dicendū libertatē impe=  
 diat: deinde, magna sunt excitata cōtra nos odia plurimorū apud ex=  
 teros calumnijs aduersariorū, quasi profugata sit apud nos religio &  
 uite honestas omnis: hæc autē persuasio, cūm sic preoccupati sunt ho=  
 minū animi, magnum in se periculum habet. Esset igitur uel eò solūm  
 imprimis utile, conciliū in Germaniæ peragi, quò uidelicet exteri, no=  
 strarum ecclesiarum atq; ciuitatum uiderent instituta moremq;, nec  
 impediti calumnijs ueram doctrinam odissent. Cause quoq; magni=  
 tudo poscit, ut ex nobis pleriq; ueniant ad cōciliū ipsi, uerum, ut no=  
 stras



stros fines deferamus, planè nobis est incommodum: & quia grauiſi-  
 mus de causis in Imperij comitijs decretum est, in Germania cogendū  
 esse concilium, non uidemus, quamobrem ab eo sit discedēdum. Cū  
 igitur ad totius orbis Christiani salutem hæc causa pertineat, obse-  
 ramus omnes reges atq; principes, ne nostris aduersarijs fidem habe-  
 ant, sed in hoc potius incumbant, ut uera Dei cognitio recuperetur:  
 hoc enim gloriosius nihil facere possunt. Pontifex quidem eò tendit,  
 ut ad iniustam crudelitatem ipsos impellat: sed ab ea debent inprimis  
 abhorre. nam ideò sunt in isto constituti gradu dignitatis, ut nomen  
 Dei celebrent, & exemplo suo reliquis præluceant, & homines inno-  
 centes ab iniuria defendant. Quòd si ullo unquam tempore legitimū  
 erit concilium, tunc ita causam nostram ibi tuebimur, ut omnes intel-  
 ligant, studia nostra cum salute reipublicæ semper fuisse coniuncta.  
 Fuerunt hoc in conuentu Saxo, Ernestus & Franciscus Luneburgici,  
 fratres, Vlrichus Vuirtembergicus, Lantgrauius, Philippus Pomeræ-  
 niæ princeps, Anhaltij tres, & Albertus Mansfeldicus. deinde, ciui-  
 tatum nomine legati quamplurimi cum amplissimis mandatis. nam  
 erant præmoniti quibus de rebus agendum esset. Prius quàm discede-  
 rent, quod fuit Martij die sexto. literas dant ad Galliæ regem. ijs pri-  
 mū excusant, quòd ipsius legato, superiori conuentu non satisfecer-  
 rint: causam etiam addunt, cur ne nunc quidem legationē ei mittant:  
 deinde rogant, ut in amicitia permaneat, & cū ad concordiam reli-  
 gionis omnes ipsi patefaciant aditus, nec tamē quicquam proficiant,  
 ut hoc suū studium fauore ac beneuolentia prosequatur: postremo  
 quæ sit ipsorum de concilio uoluntas, exponunt, & quid ipse consti-  
 tuerit in eo scire cupiunt. Rex deinde decimo calendis Iunij respon-  
 det, & satisfactionem accipit, & de sua erga ipsos perpetua amicitia  
 prolixè pollicetur, & suorum aduersariorum calumnias, edito scri-  
 pto, quod unā mittebat, refellit, & de concilio suam esse, quæ fuit an-  
 tea semper, hanc dicit sententiam, ut, nisi legitimum sit, & in loco tu-  
 to, nunquam sit illud approbaturus: neq; dubiū esse, quin Scotiæ rex,  
 gener, in ipsius quoq; sit futurus potestate. Is paucis antè diebus, ad  
 initium Maij, cum uxore domum reuerterat, quæ deinde circa solsti-  
 tium æstiuum uitam ibi finiit. Pontifex interea concilium ad calendās  
 usq; Nouembris producit, eiusq; rei causam esse dicit, quòd Mantuæ

Prote-  
 stantiū  
 literæ ad  
 Galliæ  
 regem.

Pōtifex  
 producit  
 conciliū.

1537 princeps Fridericus militum praesidio muniri urbem, & sumptus in eam rem fieri uelit: quod sibi praeter expectationem euenerit, & uereri plurimum, ne iam plerique suum edictum secuti, Mantuam uenerint, & exclusi fortè domum redire sint coacti: dolere sibi quidè istud magnopere, sed tamen eò moderatius ferre, quòd nulla sua, sed aliena culpa interueniat. Non multò post, Angliæ rex, & suo & regni procerum nomine scriptum euulgat. Concilium à pontifice conuocatum esse, cuius ille rei potestatem non habeat, & conuocatū esse, quo tempore bellum ardeat Caesaris cum rege Galliae, & Mantuæ designatum esse locum, quò non omnibus uenire tutum sit neq; commodum: se quidem ex animo cupere concilium Christianum, sed ad pontificium minimè uenturum esse, neq; legatos etiam missurum: nam hoc illis esse proprium, ut sui emolumentum causa, Christum & ueritatem in eiusmodi conuentibus opprimant: nihil uerò sibi cū episcopo Romano esse commune, nec illius edicta magis ad se pertinere, quàm cuiusuis alterius episcopi: de Caesaris atq; regum auctoritate conuocari solita esse concilia: hunc sanè morem esse recuperandum, hoc praesertim tempore, quando tam graues habeat accusatores pontifex, neq; tamen absq; uitæ periculo reprehendi possit & accusari coram, nisi legitimum habeatur concilium: non etiam sibi suisq; cautum esse fide publica, & ut cautum sit, tamen ob stare manifesta pericula, cur non ueniat: etenim ut fidem fallant, & innocentem cruore sese respergant atq; polluant, nō esse pontificibus inusitatum, & ut alijs eò uenire sit integrum, sibi tamen grauissimis de causis non esse, cui pontifex tenet insidias, quem oderit acerbissimè, & in summum odium apud alios reges adducere conetur, non alia profectò de causa, quàm quòd ipsius profligata sit è suo regno tyrannis, & annui cēsus ablati: quam sanè rem indignissimè ferat, eoq; magis, quòd metuat, ne ceteri reges exemplo suo moniti, idem aliquando faciant: Nunc etiam ad cælendas usq; Nouembreis prorogatum scilicet esse concilium, neq; tamen ascribi, quo loco sit habendum, & in Mantuæ principem conferri culpam: an non hoc sit orbem terrarum ludificare? Mantuanum certè nihil peccare, qui suam urbem tantæ hominum multitudini non sit absq; praesidio committere, sed in ipsum unum esse reiciendam omnem culpam, qui nihil agat sincere, sed omnia fraudulentè & ea

ptiose:

Angliæ  
registeri  
pium in  
conciliū  
Pontifi-  
cium.



ptioſe: quòd ſi iam aliam forè concilij ſedem conſtituet, futurum, ut 1 5 3 7  
aut alicuius principis, qui ſit ipſi deuinctus, aut ſua ditionis urbem  
aliquam deſignet: peramplam enim habere ditionem, & tenere pul-  
cherrimas urbes, quas & ipſius maiores per uim atq; dolum occupa-  
runt, & ipſe mala fide poſſideat: cùm autem de uero concilio pleriq;  
omnes iudicio præditi deſperent, optimum ſibi uideri, ſi quidem in  
ſuo quiſq; populo magiſtratus religionem emendet: quòd ſi conſuetu-  
dinem forè pontifex obſciat, id nullum habere locum: nam & Cypri-  
ani teſtimonio conſuetudinem, quæ ueritate nulla nititur, aliud nihil  
eſſe quàm errorem inueteratum: ſuum igitur hoc eſſe conſilium, ut an-  
tea dixerit, eamq; ſibi uidere commodiſſimam rationem, qua ſi quis  
aliam habeat meliorem, non ſe recusaturum. Cæſar totum hunc an-  
num in Hiſpania permanſit: exercitus autem eius Belgicus, Floro Bu-  
renſi ductore, Sanpaulum oppidum & arcem in Atrebatibus, Iunio  
menſe ui capit, præſidiarijs omnibus necatis: inde proſectus in Mori-  
nos, Terouennam oppidum obſidet, fruſtrà tamen. Ibi demùm indu-  
cia factæ ſunt decē menſium, in ea ſolùm regione: Nam in Gallia ſub-  
Alpina ſeu Redemontio uigebat bellum nihilo ſecius, & Cherium op-  
pidum ui receptum fuit à Cæſariis, & ingens eadē ſtrages militum  
atq; ciuium. Et cùm deinde Taurini premerentur inopia milites,  
obſeſis omnibus uijs & intercluſo commcatu, Gallie rex, autumnī  
tempore conſcriptis copijs, filium natu maiore Henricum & Annam  
Momorancium eò mittit, qui ferro patefacta uia præſentem in ediam  
ſubleuarunt. Octobri menſe, Ferdinandi regis exercitus, in quo &  
Saxones erant equites, & Miſnij, & Francones & Auſtriaci & Ca-  
rinthij & Bohemi & Pannonij, quos Germani uocant Huſſaros, Exc-  
chium oppidum ad Drauum flumen obſidebat, quod ualido teneba-  
tur à Turcis præſidio: cumq; tempus tererent, & inedia coacti diſce-  
derent, intercepti fuerunt ab hoſte circumſuſo, qui ſyluas & aditus  
omnes præoccupauit. In his anguſtijs, aliquot, primùm cēturiones  
militumq; præſecti & Pannonij, poſt etiam regis ipſe legatus Cacia-  
nerus profugit: reliqui uerò, qui fugæ turpitudinem hanc deteſtaban-  
tur, ad uirtutē ſeſe cohortati, præſertim equites Germani, impetū ho-  
ſilem ſuſtinuerunt, ſed multitudine ſuperati, magna ex parte conciſi  
fuerunt omnes, & è ducibus multi in hoſtium poteſtatem uenerunt,

Cæſaria  
ni San-  
paulum  
expa-  
uant.

Ferdi-  
nandi  
à Turca  
cædun-  
tur.

1537 abducti Byzantium in miseram seruitutem. Quarto Idus Octobris Eduardus sextus Angliæ rex nascitur Angliæ regi natus est filius Eduardus, ex Ioanna Semera, quam ab Anna Bolenia duxerat in matrimonium. Interea pontifex, quia per Belgium erant induciæ, totus in hoc erat, ut per Italiam & reliquis etiam in locis belli conquiesceret administratio, quò per hanc occasionem de summa rei transigi posset. Itaq; primum in aliquod tempus, id cum exisset, in aliud deinde producta res fuit, donec componeretur, ut postea sum dicturus. Pontificis concilium fuisse dicitur, ut illos iam pacatos, aduersus Britannie regem, cui erat infestissimus, atq; Lutheranos excitaret. Ad hoc etiam tempus Christina Danica, Cæsaris è sorore neptis, uidua Mediolanensis, Italia relicta, per Germaniam reuertit in Belgium, & agebatur de ipsius atq; Gulielmi principis Cluensis matrimonio, sed frustra. Per Geldriam quoq; populus tunc coepit rebellare suo principi Carolo Egmondano, qui per omnem uitam suam erat partium Gallicarum, Burgundionibus admodum infestus, & tunc eò spectare dicebatur, ut Gallorum ditionis, prouinciam suam faceret. Exclusus autem à populo passim tumultuante, uix unum aut alterum retinuit oppidum, quò perfugeret. Doctrinam pontificiam magno semper studio defendit, nec à supplicijs abstinuit etiam. Paulus tertius, initio sui pontificatus in cardinalium numerum allegerat suos nepotes, uti supra diximus: cum autem hoc nomine minus bene audiret, alios quosdam nobilitate ac doctrina præstantes uiros hoc etiam est honore dignatus, partim, ut inuidiam & offensionem leniret, partim, ut idoneos haberet propugnatores, qui scriptis & eloquentia ualeret. In his erat Casspar Contarenus, Reginaldus Polus, Ioannes Belaius, Fridericus Fregosus, quibus deinde per interualla temporis adiunxit Sadoletum, Aleandrum, Bembum. Sed & de Erasmo cogitauit, ut quidè in epistola quadam ad amicum Erasmus ipse refert. Extant etiam Sadoleti quedam ad Erasmus litteræ, ubi de pontificis egregia uoluntate multa locutus, fore dicit, & breui quidè, ut ipsum ad summam dignitatem perducatur. Contarenus erat patricius & senator Venetus, magni nominis, propter doctrinam, & præter omnem expectationem dicitur, cum nihil ambiuisset, ad hunc fuisse gradum euectus.





E CONCILIO, IN CALENDAS VS-  
que Nouembreis prorogato, suprà diximus, uerum  
id frustrà fuit: pontifex tamē, ut hominum spem ale-  
ret, ac aliquid facere uideretur, ex omni suorum nu-  
mero iam ante quosdam delegerat, ijsq; grauiter man-

darat, ut Ecclesiæ morbos & accuratè circumspicerent, & adula-  
tione omni remota sibi demonstrarent: simul iusiurandum ipsis remi-  
serat, ut liberè pronunciarent, & ut magno silentio rem omnem age-  
rent, iusserat. Delecti fuerunt, Caspar Contarenus, Petrus Theatinus,  
Iacobus Sadoletus, Reginaldus Polus, cardinales: Fridericus archiepi-  
scopus Salernitanus, Hieronymus Aleander archiepiscopus Brundu-  
sinus, Ioannes Mattheus episcopus Veronensis, Gregorius Venetus  
abbas, & Thomas Palatii sacri magister. Hi demum, habita delibera-  
tione, scripto rem omnem complectuntur, & ad ipsum oratione con-  
uersa, magnis eum laudibus extollunt ob studium ueritatis, cui clausæ  
fuerint ante hac quorundam pontificum aures, adulatorum maximè  
culpa, qui nimiam illis potestatem attribuerint. quando ipsos & omniū  
planè rerum esse dominos, & quiduis agendi potestatem habere con-  
firmarunt: ex hoc enim fonte, tanquam ex equo Troiano, tam multa  
in Ecclesiam inundasse mala, quibus nunc illa grauissimè sit afflicta:  
magnam igitur ipsius esse prudentiam atq; uirtutem, qui remedium  
illinc petendum esse uideat, unde morbi sit profectum initium atq;  
causa, qui diui Pauli doctrinam secutus, minister esse uelit & œcono-  
mus, nō dominus: & quia munus hoc ipsis demandarit, uoluisse mo-  
rem gerere, & pro ingenij sui mediocritate collegisse certa quædam  
capita rerum, quæ propriè ad ipsum & ad episcopos & Ecclesiam  
peruineant: Cum enim duplicem ipse personam sustineat, & sit non  
modò totius Ecclesiæ Christianæ episcopus, uerumetiam multarum  
regionum atq; ciuitatum princeps, ea solùm attingere se, quæ sunt  
administrationis ecclesiasticæ: ciuilem enim rempublicam ab eo sum-  
ma cum laude & sapientia gubernari. Et primò quidem, inquit,  
sanctissime pater, sicut Aristoteles præcipit, non temerè leges oportet  
re mutari, sic nobis quoq; uidetur, leges ecclesiasticas diligētè omni-

Scriptū  
Pontifi-  
ciorum  
de refor-  
matione  
Ecclesiæ.

1537 no seruandas neq; remittendas esse, nisi grauiſſima de cauſa: nec enim ulla maior peſtis in rempublicam inuadere poteſt, quàm cum legum ſoluitur & eneruatur poteſtas, quàm propè diuinam & ſacroſanctam eſſe maiores noſtri uoluerunt. Huic proximum eſt, ne pontifex Romanus, Chriſti uicarius, quum pro ſua poteſtate quam habet à Chriſto, largitur aliquid & indulget, pecuniam aut precium ullum accipiat: quum enim gratis hæc omnia ſint collata, Chriſtus quoque gratis ea uult alijs communicari. Hoc ueluti fundamento poſito, prouidendum eſt, ut quàm plurimos habeas Eccleſiæ miniſtros idoneos, qui præſint hominum ſaluti, quo quidem in numero primum obtinent locum epiſcopi: ſed hic ualde peccatur, quòd promiſcuè & nullo ſerè diſcrimine recipiuntur in hunc ordinem quilibet, nulla nec eruditione nec honeſtate uitæ cõmendati, pleriq; etiam multum adoleſcentes. Hinc multæ naſcuntur offenſiones, hinc ille ſacrorum contemptus & irreuerentia. Conſultum ergò nobis uidetur, ut primum in urbe Roma quosdam conſtituas, habendi cauſa delectus eorum, qui ſacris inaugurari petunt, deinde ut epiſcopis per ſuam cuiq; ditionem idem præcipias, neq; ſinas ullum recipi, niſi de conſenſu delectorũ aut epiſcopi: præficiatur etiam iuuentuti iam deſtinatæ ſacris, magiſter aliquid, & literarum atq; morum formator. In conferendis autem ſacerdotijs & præfecturis eccleſiaſticis multum peccatur, in ijs præſertim, quæ ad ſalutis hominum procuracionem ſpectant. nam hoc propè ſolum agitur, ut ſoli beneficiario bene ſit, gregis omni poſtpoſita cura. Cum ergò tale munus conſertur, in primis autem epiſcopale, danda eſt opera, ut ſint uiri boni & eruditi, qui poſſint atq; uelint eccleſijs ipſi præeſſe, ut iure tenentur. non eſt ergò dandum Italo ſacerdotium in Hiſpania uel Britannia, nec Hiſpanis aut Britannis in Italia. Multum eſt etiam in eo fraudis, quum à ſacerdotio quis deccedit aliq; tradit, & annuam penſionem, nonnunquam etiam totum uſum fructum ex eo ſibi reſeruat. nec enim ulla penſiõ retineri poteſt, niſi ad pauperum & id genus alios uſus uerè pios, quia ſacerdotio ſunt annexi fructus, neq; ſeparari debent ab eo, non magis, quàm corpus ab anima, qui que illud tenet, debet ijs facultatibus uti ſui honeſtè, & quantum ſatis eſt, reliquum uerò totum eſt in eos, ut dictum eſt, uſus erogandum. pontifici tamen interim licebit, ſi foriè res ita poſcat, im-

ponere



ponere beneficiario seruitutem hanc, ut certum quid annuum depen- 1537  
 dat alicui egeno, maximè autem ecclesiastico, ut uitam eò possit hone-  
 stiùs atq; commodius tolerare. Vitiosum igitur est, cum quis inte-  
 grum usum fructū sibi seruat, aut quum annua pensio datur illis, qui  
 non opus habent. In permutationibus quoq; ualde peccatur: nam ad  
 quæstum referuntur omnia: & quanquam testamento beneficia dare  
 non licet, inuenta est tamen ab hominibus ingeniosis ratio quædam  
 subtilis, qua legi fraudem faciunt, & beneficia cedunt alteri, sic tamē,  
 ut ad illa regressum habeant cum pleno usu fructu & omni admi-  
 nistratione. Itaq; fit, ut episcopi nomen gerat ille qui nihil habet iuris  
 aut potestatis, ille autem, qui reuera & ipsa ditione est episcopus, no-  
 men ipsum non habeat: hoc uerò quid aliud est, quàm heredem sibi  
 facere? Eiusdem generis est, quòd episcopi sibi coadiutores flagitant  
 atq; sumunt, & persepe quidem, multò minus, quàm ipsi sunt, ido-  
 neos. Clemens pontifex legem illam antiquam renouauit, qua caue-  
 tur, ne sacerdotum filij, parentum obtineant beneficia: sed tamen hìc  
 etiam indulgetur, malo certè exemplo: negari enim non potest, ma-  
 gnæ offensionum partem ex eo manasse, quòd Ecclesiæ facultates  
 ad hunc modum in priuatos usus auertuntur. adhuc quidem eius rei  
 emendationem pleriq; expectarunt, nunc autem planè desperant,  
 & pessimè de nobis loquuntur atq; sentiunt. Huc accedit et illa ratio,  
 cum in spem & futurum euentum beneficia conferuntur: qua quidem  
 in re certè uotum est & expectatio mortis alienæ: deinde alijs, qui for-  
 tè magis id merentur, uia præcluditur & aditus, & multarum litium  
 præbetur ueluti materia. Quid uerò dicemus de ijs beneficijs, quæ,  
 quoniam in una persona consistere non possunt, incompatibilia uul-  
 gò dicuntur? qua quidem uoce nos admouerunt maiores, non esse uni  
 alicui simul conferenda: sed & hìc uetus disciplina iacet, & plures et-  
 iam episcopatus uni permittuntur. quod omninò corrigendum no-  
 bis esse uidetur. Huc pertinent illæ quæ dicuntur uniones, quum plu-  
 ra simul beneficia, tanquam partes atque membra, coagmentantur,  
 ut unum modò corpus representent. quid? annon hoc est ludificare le-  
 ges? Iam et ille morbus inualuit, quòd cardinalibus dantur etiā episco-  
 patus, & plures quidē uni. quod sanè magni momenti nobis esse uide-  
 tur, et in primis emendandū. Nam distincta sunt & diuersa cardinaliū

1537 **E**piscoporum officia, nec in unam personam cadunt: etenim cardinales eo sunt instituti, ut tecum sint sanctissime pater, nec à latere tuo discedant, & uniuersam ecclesiam unà tecum gubernent: ad episcopos autem pertinet, ut gregem sibi commissum à Deo pascant. quod quidem fieri non potest, nisi coram illis adsint, ut pastores adesse uideamus ouibus. Deinde nocet hæc ipsa res exemplo suo. nam qua fronte, quo tandem ore sanabimus aliorum uitia, quæ nostro in cœtu maximè omnium apparent & conspiciuntur? Neq; uerò, quia dignitatis hunc gradum obtinent, ideo sibi plus licere putent, imò sicut moderatione ab ipsis maximè requiri, quoniam uita moribusq; debent aequalis præluere: nec enim sunt imitandi Pharisei, qui leges ferebant, quarum ipsi nullam seruabant, uerum Christus, qui sermone simul & opere pollebat. hæc etiam indulgentia magnū adferi impedimentum rectis consilijs, quando cupiditate & auaritia præoccupatus est animus. Adhæc, cardinales pleriq; sectantur curias regum, ut episcopus consequantur, eiusq; rei gratia sic illis addicti sunt, ut liberè pronunciare nihil ausint. Atq; utinam inhiberetur ista ratio, & cardinalibus aliunde prospiceretur, ut honestè se suamq; familiam alerent, & æqualitas in eo seruaretur, ut pares omnium essent prouentus annui. quod quidem factu nobis uidetur non difficile, si quidem omni abdicatione cupiditate, Christi uestigia sequeremur. His emendatis utiq; constitutis ecclesiæ ministris idoneis, uidendum est in primis, ut episcopi & id genus alij suis ipsi populis cohabitent: sunt enim ecclesiæ sponso. Quod uerò spectaculum tristius exhiberi posuit, quam uidere passim ecclesias derelictas, & greges à pastoribus desertos in manibus esse mercede conductorū? Grauius itaq; multandi sunt, qui suos ita destituunt, neq; censuris tantum & proscriptionibus agendum est, uerum annui quoq; fructus & pensiones adimenda sunt illis, nisi fortè ueniam abs te, modicum ad tempus, impetrarint. Cautum est enim legibus antiquis, ne supra treis hebdomadas episcopo liceat ab ecclesia suoq; abesse populo. Videmus etiā cardinales plurimos abesse Roma, nec eorū quicquam facere, quæ propriè sunt ipsorum officij. fatemur quidem, esse non inconsultum, ut ex ipsis nonnulli suis in prouincijs habitent: per ipsos enim ueluti per arborum radices atq; ramos, longè lateq; diffusos in orbem Christianum, retinentur homines in officio



ficio et huius nostræ reipublicæ obseruantia: sed tamen præstaret maiorem partem huius ordinis abs te reuocari Romam: sic enim & illi suum facerent munus, & esset eorum præsentia curiæ Romanæ tum honorifica tum utilis. In irrogandis etiam poenis atq; multis magna desideratur disciplinæ seuertitas. nam qui deliquerunt & poenam meriti sunt, rationem inueniunt, quæ se iurisdictioni sui uel episcopi uel præsidis ordinarij subducunt: aut si hoc non licet, ad poenitentiam præfectum confugiunt, ab eoq; nummis impunitatem redimunt. Id autem in primis faciunt inaugurati sacris. quæ sanè res ad multorum pertinet offensionem. Itaq; per sanguinem Christi, quo suam ecclesiam redemit, lauit & sanctificauit, obsecramus, ut hæc tanta licentia prorsus abrogetur. Cum enim respublica nulla diu consistere possit, nisi coherceantur maleficia, quanto magis id nobis in ecclesia cauendum erit? Vitæ quoque monasticæ plurima sunt & illaudata exempla. quamobrem abolenda nobis uidentur eorum, qui conuentuales appellantur, collegia, non subito quidem neq; ui, sed ita, ne quis in eum ordinem posthac recipiatur: sic enim paulatim interibunt, & alios deinde licebit honestiores illis submittere. sed in præsentia quidem putamus adolescentes omnes, qui factò uoto nondum religionem sunt professi, statim illinc submonendos esse. Curandum est etiam, ut sint idonei, qui confessionibus audiendis præficiuntur, in eoq; debet episcoporum interuenire uigilantia, cum primis uerò, ne quid pecuniæ causa fiat. Quod enim supra diximus de gratuita communicatione, non ad te modo pertinet, sed ad omnes alios tuæ ditionis beneficiarios. In uirginum quoque sacrarum & mulierum collegijs, quæ reguntur à monachis, multa committuntur & manifesta quidem flagitia, turpissimo sanè cum exemplo: uidendum est igitur, ut à monachis ablata procuratio transferatur ad alios, unde periculi uel suspicionis nihil esse possit. iam, quòd multis in locis, & per Italiam in primis, impia quædam dogmata disputantur, non in academijs tantum, sed in templis etiam, magnam meretur uituperationem. Episcopis ergo mandandum esse uidetur, ut quibus in locis gymnasia sunt & ludæ literarij, doctores moneant, ne quid earum rerum amplius proponant, sed iuuentutem ad pietatem atq; metum diuini huminis instituant & assuesciant, neq; de rebus theologicis palam, sed intra parietes priuè

1537 *tim* Inter se conferant. Eadem est adhibenda cura, quantum ad typographos atq; librarios attinet, et monendi principes atq; magistratus, ne cuiusq; modi libros exire patiantur. Vulgò receptus est in scholas, & iuuentuti prælegitur colloquiorum Erasmi Rotherodami liber, in quo sanè permulta sunt, quæ teneris & imperitis animis impietatem inculcare, quæq; lubricam ætatem & incertam deprauare possint. hic igitur & id genus alij libri longè sunt à scholis arcendi. Quod etiam monachis indulgetur, uoto religionem professis, ut uestitum ipsis peculiarem exuant aliumq; sumant, non rectè nobis fieri uidetur. uestis enim est ueluti symbolum uoti monastici: quod si deserant, à beneficijs & administratione submoueantur ecclesiastica. Sed & illi, qui diui Antonij circumferunt idq; genus alias reliquias, abrogandi nobis esse uidentur. Innumeris enim superstitionibus imperitum uulgus in errorem abducunt & planè circumueniunt. Permittitur quoq; sæpe matrimonium ijs, qui iam sunt inaugurati sacris: hoc autem nemini prorsus concedi debet, nisi grauib; de causis, quum uidelicet in uno aliquo stirps tota & regionis tutela recumbit: & quia Lutherani permitti coniugium sine discrimine omnibus uolunt, eò fortius hic nobis est reluctandum. Inter eos autem, qui sanguinis propinquitate uel affinitate sunt in altero gradu coniuncti, non est indulgendum cornubium, nisi grauiusimæ subsint causæ: qui uerò sunt paulò remotiores, laxius haberi debent, & hæc quidem omnia sine precio, nisi fortè iam in complexum uenerint coniuges. tunc enim illos mulctare licebit, im-perata pecunia, quæ statim in bonos usus conuerti debet. Iam, illud uirtutum, quod à Simone magno nomen habet, sic obtinuit, & in ecclesia planè dominatur, ut pleroseq; nihil pudeat: nam & audacissimè peccant, & data pecunia quærent expiationem, & quæ per scelus acquisierunt beneficia, retinēt nihilominus. Non negamus equidem, quin tibi liceat poenam illis condonare, quam sunt meriti, sed, ut peccandi tollatur occasio, seuerè putamus agendum, neq; remittendam esse poenam: quid enim turpius, quid perniciosius hac ipsa nundinatione? Cauendum est, ne quid ecclesiastici bonorum ecclesiæ cuiquam dent testimonio, nisi magnis de causis, ne cum dispendio pauperum alijs fortè suppetat, unde ad uoluptatem atq; luxum ædificent. Datur etiam facultas deligendi, quem quisq; uelit sacrificum, & peragendi sacri in ædibus



ædibus priuatis: hoc autem non temerè concedi debet, ne in contem-  
 ptum sacra ueniant, maximè uerò, præcipuum omnium sacramentū.  
 Illæ, quæ dicuntur indulgentiæ, seu delictorum condonationes, non  
 frequenter, sed semel tantum, anni tempore, magnis in ciuitatibus com-  
 municandæ sunt. Vota non sunt leuiter mutanda, nec in aliud opus  
 uertenda, nisi quod uoto respondeat. Mutari solet aliquandò supre-  
 ma testatorum uoluntas, qui fortè pijs usibus aliquam pecuniæ sum-  
 mam legarūt, idq; fieri solet ob inopiam heredum uel legatariorum:  
 sed adhibenda erit cautio, neq; permittendum, nisi paupertas inciderit  
 à morte testatoris, ita quidè, ut uerisimile sit ipsum, si uita superesset,  
 uoluntatem esse mutaturum, nam alioquin impiū est, illud, quod quis  
 omnium postremo uoluit, immutare. Explicatis iam illis, quæ ad uni-  
 uersam ecclesiam pertinent, quantum quidem in mentem nobis ueni-  
 re potuit, adiiciemus nonnulla, quæ ad pontificē & episcopū Roma-  
 num propriè spectant. Quum hæc urbs et ecclesia Romana sit omnium  
 ecclesiarum parens atq; magistra, decet inprimis, ut religione cæteris  
 antecellat & honestate uitæ: sed uersantur in æde diui Petri cōplures  
 indocti & sordidi sacerdotes, adeò uilibus induti uestimentis, tam suis  
 quàm sacris, ut etiam in obsoletis & priuatis domibus ita cōspici, ual-  
 de esset indecorū: atq; ita uestiti sacra peragunt, magna certè cū offen-  
 sione spectatorū. Archipresbytero mandandum est igitur uel pœniten-  
 tiario, ut in hac urbe primū, post alijs etiam in locis, eiusmodi sordes  
 ab hominū oculis amoueant. Quid autè dicemus de mulieribus impu-  
 dicis atq; scortis, quæ uestitu et omni apparatu nihil in hac urbe diffē-  
 runt à reliquis matronis, & uectæ mulis per mediam urbē, sectatores  
 habent, etiā media luce, primi nominis cardinaliū familiares & id ge-  
 nus alios? Eiusmodi certè luxum & intemperantiā nulla uidimus alia  
 in urbe, quàm in ea, quæ totius orbis terrarum ueluti speculū & exem-  
 plar esse debebat. Magnificas etiā illæ domus inhabitant, maximo sa-  
 nè cum probro. Sunt in hac urbe quoq; passim magnæ simultates atq;  
 factiones: tuum est autem hæc omnia sanare, & rectè erit, si cardina-  
 libus aliquot idoneis negocium des, ut compositis offensionibus ani-  
 mi ciuium reconcilientur. Pauperum etiam & uiduarum procuratio  
 peculiariter ad te pertinet. Et hæc quidè sunt, sanctissime pater, quæ  
 putauimus emendanda: & licet huic prouinciæ simus impares, tamen

quod in nobis fuit, præstitimus, & recti conscientia nitimur, & in maxima spem ingredimur, fore, ut sub te principe puram & elegantem & tranquillam conspiciamus ecclesiam, cum perpetua tui nominis et immortalis gloria. Sumpsiſti tibi nomen Pauli: speramus itaq; futurum, ut illius exemplo, uehementi quodam ardore complectaris ecclesiam. Paulum Deus ad hoc elegit, uelut singulare quoddam instrumentum, ut regnum coeleste gentibus annuntiaret: sic etiam te speramus esse delectum, ut Christi nomen, à gentibus obscuratum, in lucem reuoces, & publicis morbis medicinam facias, & Christi gregem in unum ouile reducas, & iram Dei, quæ nostris flagitijs debita, iam nobis incumbit, auertas. Emendatio hæc, uerbis quidem concepta, sed representata minimè fuit, nec in publicum educta. Pontifex demum

Pōtifex  
producit  
conciliū.

à calendis Nouembris, ad calendas usq; Maias anni sequentis concilium extrahit, & Vicentie locum designat, quæ Venerorum ditionis est urbs ampla & copiosa, eoq; treis mittit cardinales, Campegium, Simonetam, Brundusinum, qui & initium facerent actionis, & aduenientes exciperent. Volebat pontifex negocium reformationis esse arcanum, sicut antè dictum est, uerum non diu latuit: & cum in Ger-

1 5 3 8

maniam emanasset ex urbe Roma, Lutherus, lingua populari, Ioannes Sturmus autem latinè respondet, ad emendatores ipsos oratione conuersa. Lutheri libello præfixa pictura statim denotat argumen-

Lutheri  
liber ad-  
uersus re-  
forma-  
tionem  
Pontifi-  
ciorum.

tum. nam pontificem in sublimi solio sedentem circumstunt aliquot cardinales, qui caudis uulpinis, ad longurios alligatis, ueluti scopis, omnia sursum deorsum repurgant. Erat in cardinalium cœtu, Nicolaus archiepiscopus Capuanus, omnis emendationis impatiens. hic à Paulo summissus, ut certò creditur, magna contentione reclamabat, ne quid omnino reformaretur, ac inter alia dicebat, fore alioquin, ut Lutherani iactent, quasi ab ipsis propemodum adacti illud fecerint. Itaq; sibi sunt passi persuaderi patres atq; pontifex, ne quid mutaretur. Et tamen hic ipse, qui impediuit, clanculum in Germaniam ad amicum quendam emisisse libellum dicitur, quod pleriq; sic accipiunt, quasi pontificem uoluerit atq; reformatores illos præbere deridendos: Alij putant, non nescio pontifice, exiisse libellum, ut sic ipsius, aliquod studium appareret emendationis, et id homines intelligerent aliumde, tanquam ipse fuerit daturus grauiora, si quidè aliquid eiusmodi



modi putasset euulgandum. Porro, de colloquijs Erasmi, quod dicunt, 1538 sic habet. Inter alias complures lucubrationes, quibus literarum studia minificè promouit Erasmus, libellum quoque iuuentuti consecit ex dialogis, eumq; subinde locupletauit, cum auitissimè legeretur. Et ut erat ingenij præstantissimi, summæq; uir eloquentiæ, uarijs in eo lusit argumentis, ex media rerum natura desumptis, hominumq; uita, et mirabili quadam dexteritate, suauissimôq; dicendi genere, morum ac pietatis præcepta tradit, et simul errores inueteratos atq; uitia per occasionem demonstrat. Hinc illa de ipso querimonia. Februuario mense, Gallie rex Annam Momorancium, curiæ præfectum, creat magistrum equitum, ipsi Connestabulum uocant, qui summus est ibi gradus honoris. Vacauerat autem hoc munus inde à Carolo Borboniorum duce, per annos serè quindecim. nam huius defectione rex uehementer offensus, nemini illud ad hoc usq; tempus communicauerat. Et non uni magistratus hic infœliciter alioqui cecidit, quando summa potestate abusi, uel reges ipsos uel optimates in se concitarunt. Interea Protestantes ad exitum serè Martij conueniunt Brunsvici, et de rebus ad fœdus pertinentibus agunt, et Daniæ regem Christianum in fœdus accipiunt. Is erat Friderici filius, et euangelij doctrinam receperat, et instituendis ecclesijs Ioannem Pomera-num, Vuiltembergæ uocatum, præfecerat, ab eoq; fuit inauguratus regno. Ioannes etiam Marchio Brandenburgicus, electoris Ioachimi frater, ut in fœdus admitteretur, per Saxonie principem petebat: huic itaq; fuit iniunctum, ut certis cum eo conditionibus ageret, domum reuersus, et communi nomine reciperet. Petebat idem Prussie princeps Albertus. hunc ante sextum annum Camera proscriserat: eaq; causa fuit potissima, cur in hanc societatem non reciperetur: fauorem tamen atq; beneuolentiam ei promittebant omnes. Hunc ad conuentum proficiscenti Saxoni, Lantgrauio, socijsq; Brunsvicensis Henricus cauere fide publica recusabat, cum per ipsius fines eundem esset. Iam enim agitabat belli consilia, sicut postea dicemus. In comitatu Saxonis erat Mauricius, Georgij Saxonie principis, ex Henrico fratre, nepos, septemdecim annorū adolescens. Henricus erat religionis protestantium, ideoq; Saxo filium eius Mauricium, propinquum suum ad se receperat. Daniæ quoq; rex Brunsvicum ipse uenit. Libro nono

Erasmi  
Collo-  
quiorum  
liber.

Momor-  
rancius  
creatur  
Conne-  
stablius.

Protestā-  
tium con-  
uentus  
Brunsvi-  
ci.

1538 diximus de persecutionibus Lutheranismi per Galliam: longum esset  
 Luteræ autem omnia referre, sed hoc anno, sub Idus Aprileis, qui tunc nonus  
 Tolosa- erat dies ante pascha, Tolosanus quidam adolescens nobilis, & litera-  
 nus nobi rum studiosus, uiginti circiter annorum, Lutetia fuit exustus propter  
 is exuri esum carnis, non uiuus quidem, sed ita tamen, ut laqueo fracta gula,  
 sur. pendulus igne succensum persentisceret. quod pro loci consuetudine,  
 magni beneficii loco datum ei fuit, eo quod in carcere, prius quam edu-  
 ceretur, assidentis atq; minitantis iudicis Morini uoce perterritus, im-  
 pie se fecisse testificatus erat & irreligiose. Nam poenitentia quidem  
 hactenus tantum est ibi locus, ut minori cum cruciatu tollantur: in eos  
 uero, qui constantes permanent, seuerissime uindicatur, ut supra de-  
 monstrauimus. Consimili erant in periculo tres quidam Germani Bel-  
 ge, propter eandem causam, sed admoniti per senatorem quendam,  
 uirum inprimis doctum & acri iudicio praeditum, fuga sibi salutem  
 querebant. Maio mense pontifex Niceam proficiscitur, oppidum Li-  
 gurie maritimum: eo Caesar & Gallia rex etiam uenerunt, ipsius ro-  
 gatu potissimum, ille quidem classe profectus ab Hispanijs, hic autem  
 per loca mediterranea, comitatus inter alios, Germanorum copijs, qui-  
 bus praerat Gulielmus Furstembergus. Post multam actionem, eisi  
 de summa rei non conueniret, inducie tamen factae fuerunt Iunio men-  
 se, in annos decem. pontificis autem est filio nepoti, Octauio, pacta fuit  
 hic in matrimonium Caesaris filia notha, Margarittha, quam Florentiae  
 princeps Cosmus ambiuerat post necem Alexandri Medicei. Reges  
 hoc in loco non fuerunt ipsi congressi, quantumuis id pontifex opta-  
 ret: sed aliquot post diebus, quam ille discesserat, ad Aquas mortuas  
 conuenerunt, quod est Galliae Narbonensis oppidum, ad ostium Rhoda-  
 ni: fossam Marianam ueteres appellant, eo Caesar, in Hispaniam redi-  
 turus, ad Idus Iulij cum classe descendit. Rex obuiam ei miserat Velium  
 legatum, et triremes quae deducerent: cum autem Aquis appropinqua-  
 ret Caesar, aderat Galliae Connestablius, orans, ut classem in portum  
 subduceret: fore, ut rex intra secundam horam adsit, et ad ipsum in tri-  
 remem ueniat. Caesar, ubi reliquae naues, quae per superioris diei ne-  
 bulam aberrauerant, conuenissent, in portum inuehitur: neque mul-  
 to post uenit etiam rex, & comitatus inter alios Antonio Lotharin-  
 giae duce, eiusque fratre cardinali, contendit ad classem. Caesar ad sca-  
 lam

Cesar &  
 Gallus  
 conueni-  
 unt ad  
 aquas  
 mortuas



lam usq; triremis obuiam progressus, eum excipit. Dici uerò non po-  
 test, qui fuerint ibi complexus, quæ gratulationes: ubi consedissent in  
 puppi, qui cum Cesare tum erant proceres, demissè regem & officio=  
 se admodū saluant. Ibi Cæsar, Andream Auriam, clāssis præfectum,  
 principem Melphitanum, qui ante annum decimum à rege defecerat,  
 uti libro sexto dictum est, per Granuellanum accersit, salutandi causa  
 regis: ubi uenit, rex, quia Cæsaris, inquit, es familiaris & administer,  
 Andrea princeps, eiq; uisum est, ut te conueniam, gratificari sanè ipsi  
 uolui, quem loco fratris habeo. Collocuti deinde familiariter & ami-  
 cè per horam circiter, rex discedit. Postridie, prima luce Cæsar per o-  
 mnēs triremes, uoce præconis denunciat, ne quis in continentem ex-  
 eat: ipse uerò stipatus aliquot optimatibus enauigat, cum rege pran-  
 surus. Vbi terram tetigit, rex atq; regina cum duobus filiis illum hu-  
 manissimè complectuntur, & in palatium abducunt. Sub uesperum,  
 Andreæ Aurie, qui ad classem remanserat, Cæsar nunciat, rogatur re-  
 gis atq; reginæ sororis in oppido sese pernoctaturum & altera luce  
 post prandium esse rediturum ad triremem. hoc autem eò faciebat, ne  
 quid illi sinistra suspitionis in mentem ueniret. Itaq; postridie Cæsar  
 à rege totaq; procerum turba deductus redit ad mare: cumq; rursus in  
 ipsa puppi compotatum esset, amicissimè disceditur. Ea re cognita Lu-  
 tetiæ ac reliquis in locis, factæ sunt ad templa diuorum, uti fieri con-  
 suevit, supplicationes, & publicè excitati ignes Pontifex ab ijs Nicææ  
 contenderat, ut facta iam pace, Vicentiam ipsi uenirent ad concilium,  
 & quos haberent in suo comitatu proceres ecclesiasticos, eò mitterēt,  
 absentes etiam euocarent: cum autem illi de utroq; sese excusassent, &  
 qui Vicentiam erant ab eo missi cardinales legati, nunciarēt magnam  
 esse ibi solitudinem, concilij diem rursus ad pascha producit anni se-  
 quentis, diuulgatis ea de re literis, quarto calendas Iulij, quum esset  
 Genue, domum rediturus. In primo congressu rex ei dextrum pedem  
 osculatus fuit, in cathedra sedenti, post etiam reliqui proceres: uerū=  
 tamen erant in comitatu regis, qui, licet admoneret Connestablius, id  
 facere recusabant. Christophorus dux Wuirtembergicus, Gulielmus  
 Comes Furstenbergius, Germani, Marescallus Marchianus, Gallus,  
 & D. n. regis legatus, Georgius Gluchius. In hoc ipso tempore de=  
 cessit & uita Carolus Egmondanus, Geldriæ princeps: quem admodum

Andreas  
 Auria.

Pontifex  
 producit  
 conciliū.

Carolus  
 Egmon-  
 danus  
 moritur

538 finibus propè totis eiectus fuerit, libro superiori diximus: in his au-  
 tem angustiis positus, cum iam egrotus decumberet, egit cum Guliel-  
 mo principe Cliuensi, propinquo suo, qui de ipsius & nobilitatis atq;  
 populi uoluntate, rei summam totam ad se deinde transtulit, maxima  
 cum Cæsaris offensione, sicut suo loco dicitur. Mortuus etiam fuit  
 paulò antè Erardus Marchianus, cardinalis, episcopus Leodinus, quo-  
 niam alius doctrinæ causa plures afflixit. Sepulchrum iste sibi multis an-  
 nis antè fieri curauerat, in æde primaria Leodina. sumptuosissimum,  
 & exequias anniuersarias, non secus atq; mortuis pōtificij solent. ete-  
 nim uiuo magis profutura sibi iudicabat hæc sacrificorū opera, qui-  
 bus ipsi meritū attribuunt, & æternæ uitæ præmium deberi putant.  
 Qui propius hominē nouerant ostentatione quadam eum facere dice-  
 bant, quòd esset gloriæ cupidissimus, & uoluptatē ex ea pompa que-  
 reret. Excudebantur hoc tempore Lutetiæ biblia, sermone Anglico,  
 ut per Britanniam distribuerentur in templa, iussu regis: sed ubi resci-  
 tum est, interdictum fuit, nec erat in nullo discrimine typographus. In  
 Gallijs uulgò nō extat lingua populari scriptura sacra: neq; suspitio-  
 ne caret, si quis fortè nouum testamentū aut simile quid Gallicè legat:  
 sed neq; sacras literas tractare licet, nisi professione theologis ac id ge-  
 nus alijs: promiscua uerò multitudo nihil prorsus nouit, & mulieres  
 urbanæ, Missam audituræ, libellos in templa deferunt, qui latinas ha-  
 bent preces: eas utcumq; demurmurant, cum planè nihil intelli-  
 gant, & persuasum est eis, multò gratius esse Deo, quàm si patriq; utan-  
 tur sermone. hoc nimirum agunt sacrifici, quibus est hominum igno-  
 rantia quæstusq;. Domum reuertentem pontificem, quod fuit Augu-  
 sti mensis initio, Romani maximo triumpho & honore suscipiunt,  
 tensis & adornatis ubiq; uijs, & passim descriptis elogijs, quibus eū,  
 ob restitutam orbi pacem, & conciliatos monarchas, mirificè celebra-  
 bant. Hoc anno collegium est institutum Argentorati, seu schola iuue-  
 tutis, authore potissimum Iacobo Sturmio, senatore primario: & bre-  
 ui tempore sic effloruit diligentia doctorū, ut non solū extremi Ger-  
 mani, sed extræ quoq; nationes eo confluere. Instituentæ uerò iu-  
 uentutis, et tanquam in classes distribuendæ rationē, ac uniuersam do-  
 cendi uia, Ioannes Sturmius, et senatui primus ostedit, & post, edito li-  
 bro copiosius, explicauit. Et quū religionis atq; doctrinæ causa multis  
 esset

Erardi  
 Marchia-  
 niobius

Schola  
 Argēto-  
 rariensis



esset emigrandum e Gallijs atq; Belgio, senatus Argentinensis templū  
 illis aperuit, ut ecclesiam constituerent. huic primis aliquot annis præ  
 fuit Ioannes Calvinus, Nouiodunēsis, deinde Petrus Brulius, de cuius  
 exitu sum infra dicturus. Ceterū, fuit apud Britannos aliquot secu- Thomas  
 lis in summa ueneratione, Thomas Cantuariensis, eiusq; corpus inclu- Beque-  
 sum erat thecæ, gemmis et auro supra modum exornatæ: rex autem tus archi-  
 Henricus illum exemit hoc anno, reliquiasq; corporis incendit. Tho- episcop.  
 mas hic, cognomento Bequetus, fuit olim archiepiscopus Cantuarien- Cantua-  
 sis: et cum ordinis ecclesiastici immunitatem acrius defenderet, Hen- ricus.  
 ricus Angliæ regem eius nominis secundum grauiter offendit, et e-  
 xpulare iussus confugit ad Alexandrum iij pontificem, qui tunc, ob ini-  
 mitiam Friderici Barbarossæ, Cæsaris, in Gallijs erat. Huus demum  
 atq; etiam Ludouici vij. Galliæ regis intercessione, reconciliatus, do-  
 mum rediit, exilij anno septimo. Quum autem episcopis nonnullis,  
 qui regis erant secuti partes, molestiam deinde faceret, ac sacris inter-  
 diceret, rex iterum offensus, miserum sese clamabat, cui per unicum sa-  
 cerdotem non liceret uiuere pacato: deplorabat etiam e suis esse nemi-  
 nem, qui se liberaret ab ea molestia. Qua quidem uoce nonnulli conci-  
 tati, et, cum putarent non ingratum regi fore, Cantuariam profecti,  
 Thomam interficiunt, direptis illius fortunis. Rex autē magnum præ-  
 se tulit dolorem, et missis Romam legatis, purgandi sui causa, tandem  
 exorauit pontificem, ut cognitores, qui de facta cæde questionem ha-  
 berent, in Angliam mitteret. Cūq; tandem duo essent a pōtifice missi  
 cardinales, neq; de causa cædis liquidò constaret, rex iureiurando sese  
 purgat: et quia propter antea actum odium ac emissas uoces nonnihil  
 in eo suspitionis atq; culpæ residebat, hac tandē lege reconciliatus est,  
 ut et ecclesiasticis omnem deinceps beneuolentiam præstaret, et in-  
 tra tertium annum contra Saracenos ipse militaret, inq; Syriam pro-  
 ficisceretur. Fuit hæc facta cædes anno salutis humanæ M. C. LXXI.  
 neq; multò post inclaruit memoria Thomæ, per miracula, quæ diceba-  
 tur edere. qua de re cū audisset pontifex, renunciantibus legatis, re-  
 tulit eum in numerum diuorum. Quo tempore Niceæ conuentum est, Brandes-  
 Ioachimus Brædeburgicus princeps elector, Ioachimi filius, Iunij men- burgici  
 sis initio legatum mittit Eustachium Schlebium, ad Saxonem electo- electoris  
 rem, cum his mandatis, Polonia regē Sigismundum, et Ioannē Vay- legatus  
 nem, ad Saxo-

5 3 8 uodam Vngariæ regem sibi nunciassse: quemadmodum Turca mæ-  
 ximos faciat apparatus, ut occupata Buda, præsidioque & ope-  
 re munita, Germaniam rursus inuadat: & ipsum adco Turcarum  
 Cæsarem hoc significasse Vayuodæ: cum autem suo parenti publicè  
 mandatum aliquando sit in Imperij comitijs, ut quicquid de rebus  
 Turcicis cognouisset, reliquos ordines de eo commonefaceret, ideo  
 se quoq; non posse non munus hoc reipublicæ præstare, & uehemen-  
 ter quidem eo nuncio commoueri, propter communis patriæ sor-  
 tem & calamitatem: itaq; tum hac tum alijs de causis nuper ad Fer-  
 dinandum regem in Lusatiam fuisse profectum: hunc uerò de iisdem  
 rebus, & ante suum aduentum, & tunc, cum ibi esset, accepisse lite-  
 ras atq; nuncios: Quòd si iam illius impetus non tardetur, dubi-  
 um non esse, quin ipsi, qui sint planè finitimi, suos intra limites bre-  
 ui sint conspecturi crudelissimum hostem: nam inde à Buda, per o-  
 mnem illum tractum, ad suos usque terminos, nullam arcem, nullum  
 esse oppidum munitum, quod quidem uim tantam sustinere possit,  
 nullum flumen, nullum iter montuosum, angustias nullas aut uia-  
 rum claustra, quæ cursum illius impedian, una tantum excepta  
 urbe Vratislauiæ & oppido Lignicio: cuiusmodi enim sit Morauie  
 situs atque Silesiæ, & quàm sit patens atque fructuosa regio, scire  
 ipsum, nec opus esse commemorare: Et quanquam petenti regi Fer-  
 dinando promiserit auxilia, propter commune periculum, tamen ui-  
 dere se, quàm id genus auxilijs nihil effici possit: nam rei magnitudi-  
 nem postulare totius Imperij coniunctas uires & opem: sed quoniam  
 id obtineri fortè non possit, nisi publicis in comitijs, et nisi tota pacata  
 Germania, & uerò periculi præsentia longiorem moram non ferat,  
 ideo se per colloquiū sollicitasse regem, eò totus incumbat, ut de firma  
 pace rectè caueatur: Ad ea Ferdinandum regem, qui sanè & rempu-  
 blicam amet, & ab ipso nō sit alienus, respondisse liberaliter, & ope-  
 ram suam promississe, & causam uelle cōmendare Cæsari, modò sciat,  
 quid amplius ipse atq; socij desideret: Quod cū ita sit, orare, ut huc  
 animum adijciat, & rationes pacis, de quibus agendum esse putet, bo-  
 na fide sibi patefaciat: se curaturum, & suo quidem nomine, ut Ferdi-  
 nandus ad Cæsarem intercedat, & omnino sperare, futurum, ut hæc  
 actio sit reipublicæ salutaris: hoc etiam tempore multò esse facilius  
 quàm



quàm antea, reprimere Turcarum impetus, quandoquidem Ferdinandus 1538  
do sit reconciliatus Vayuoda, quod ipse rex arcanè sibi dixerit: nolle  
enim hanc dissipari famam, ne Turca resciscat: antea etis annis, & huc  
usq; magnam Vngariæ partem ab orbe Christiano fuisse diuulsam bel  
lo ciuili, placatis autem animis & offensione iam sublata, pulcherri=  
mam rei gerendæ datam occasionem esse: maiorem igitur in modum  
rursum obsecrare, ut communem reipublicæ causam adiuuet. Habebat  
Ioachimus in matrimonio Sigismundi Poloniæ regis filiã, & Vayuoda  
de Ioannis è sorore neptem. hinc illa necessitudo inter ipsos & fami  
liaritas. Religionem quoq; Saxonicam ille iam susceperat, eiusq; rei  
librum emisit, à scedere autem abstinuit, & Cæsari atq; Ferdinando  
regi totus erat alioquin addictus, & plusculum retinuit ceremonia=  
rum, & offensionibus mederi studebat. Saxo, datis ad Lantgrauium  
litteris, rem omnem exponit, & xij. deinde Iunij die simul ad Brande  
burgicū scribunt. Et si magni sit res momenti, & omnino talis, quam  
socijs oporteat communicari, tamen uidere se dicunt, quid incommo=  
di secum trahat mora, præsertim, cum & Turca de suo ardore nihil  
remittat, & quemadmodum Germania pacata, totis illi uiribus ob=  
uiam eatur, nimis iam diu deliberetur. Etenim, quod sibi per legatum  
nunciarit de suscipienda in crudelissimum hostem defensione, uerum  
esse, & fateri, rempublicam id flagitare, uerum suas inuicem ratio=  
nes esse tales, ut in primis opus habeant pace, quæ sit honesta, uera,  
firma, & minimè ambigua: nam ut facultates suas in bellum Turci=  
cum impendant, atque interim uicinos habeant implacatos, uidere  
ipsum, quàm id sibi non sit integrum neque consultum: se quidem  
pacis esse percupidos, eam uerò si impetrare non possint, ideòque su=  
spectis rebus, de suis ipsi copijs nihil detrahant, atque interim detri=  
menti quid accipiat respublica, nullam sanè culpam eius rei sibi posse  
tribui, sed illis omnino, qui pacis consilia repudiarint: Adhæc, sibi  
uideri, Ferdinandi regis & aliorum, qui sunt finitimi Turcis, ratio=  
nes postulare, ut hæc ad omnes referantur ordines: Quod etiam huc=  
usque nulla sint Imperij comitia, non esse ex usu reipublicæ: nam ut  
fortè tempus non patiat subitarium aliquod auxilium publicè  
decerni, & sit necesse priuatim aliquos de subsidijs implorare, Tur=  
cæ tamen eam esse potentiam, ut in multos etiam annos continuare  
bellum

Saxonis  
& Lant-  
grauij  
ad Bran-  
deburgi-  
cum li-  
teræ.

1538 bellum possit, neq; finem prius faciat, quàm aut uoti sit factus com=  
 pos, aut accepta clade, belli cogatur administrationem intermittere:  
 conuentum igitur Imperij planè sibi uideri necessarium, ut in eo &  
 pax Germaniæ constituatur, & de bello Turcico deliberetur: Et hoc  
 quidem posterius tanti esse momenti, ut, etià si pacata essent omnia  
 per Germaniam, nihilo tamen secius publico sit opus conuentu: Neq;  
 uerò referre, si fortè regi Ferdinando non liceat adesse nomine Cesa=  
 ris, modò legati mittantur idonei cum plenìs mandatis: quod quidem  
 si perficere ipse possit, futurum id & Cesari & uniuerse Germaniæ  
 perquàm salutare: uerùntamen, ne qua parte, reipublicæ desint, aut il=  
 lius ipsi cōmoda retardent, uelle se, quantum pro sua uirili parte con=  
 tribuere solent atq; debent in hunc usum, habere in promptu, cū o=  
 pus erit: neq; dubitare, quin socij sint idē facturi, sed ea lege, ut rex Fer=  
 dinandus è uestigio pacem ipsis apud Casarem impetret, formam &  
 indubitatam, & quam reliqui principes Imperij, religionis pontifi=  
 ciæ, ratam habeant: eo factò, & sublatis actionibus Camere, sua mox  
 parata fore subsidia: Quòd si uerò Caesar exclusus tempore non pos=  
 sit huc omneis principes permouere, saltem hos in suam sententiã ad=  
 ducat, Gulielmum & Ludouicum Bauaros, Georgium Saxonē, Mo=  
 guntinum, Coloniensem, Treuirensē, Salisburgensem, Magdebur=  
 gicum, Bremensem, Bambergicū, Vuirzburgensem, Monasteriensem,  
 Augustanum & Aistetensem episcopos: Quòd si ne his quidem per=  
 suaderi possit, ut tum Caesar & Ferdinandus, pro se suaq; ditionis u=  
 niuerse populo eam pacem confirment, & operam se daturos promit=  
 tant, ut etiam reliqui principes assentiantur: & si fortè reculent, ipsi  
 tamen à pacto nunquam discedant, & primo quoq; tēpore, tum hac  
 tum alijs de causis, Imperij conuentum habeant: quod si fiat, sperare  
 se, socios quoq; collaturos esse auxilia, sicut ipsi quidem facere consti=  
 tuerint, si modò socijs idem uideatur, & si pacis beneficio frui liceat  
 tam illis, qui post transactionē Noribergicam accesserunt, quàm qui  
 posthac sese uolent aggregare: deinde, si non ad Imperij solū prin=  
 cipes, uerū ad Daniæ quoque regem ea pax pertineat. Et, quò suū  
 studium appareat ac desiderium pacis, quandoquidē Imperij comitia  
 non tam subito cogi possint, conuentum se uelle decernere sociorum,  
 ut ad xxiiij. Iulij diem præsto sint Isenaci, cum ampliissimis mandatis:

rectè



recte facturum igitur, si quidem id operam det, ut Caesar & rex Fere-  
 dinandus, ipse quoque & Palatinus princeps eò suos mittant legatos.  
 Cum ad hunc modum respondiissent, datis literis ad socios, ut ad eum  
 diem, Isenaci, quod est oppidum Turingiæ, conueniant, hortantur.  
 Brandenburgicus per legatum renunciauerat, quòd si placeret ipsis a-  
 ctio, se curaturum, ut Palatinus elector, qui rem publicam etiam amet,  
 operam in eo suam communicet. Cum literis ad Brandenburgicum unam  
 mittebant omnem, quæ cum Heldo fuit, actionem, ut causam liquidò  
 perspiceret. Eo accepto responso, Brandenburgicus Ferdinandum orat,  
 ut illic rem istam curet apud Caesarem, prius quam ex Italia redeat in  
 Hispaniam: deinde Palatinum rogat, ut unam secum actionem hanc su-  
 scipiat. Is respondet, etsi de eo non sit à protestantibus interpellatus,  
 non defugere tamen, sed abiisse iam suos homines, quorum opera sit a-  
 liis usus in eadem causa: monet autem, ut suos ipse mittat omnino confi-  
 liarios: quòd si deinde sua sit opus presentia, non se defuturum. Cum er-  
 go uenisset dies, Brandenburgicus hæc omnia, Saxoni primum, deinde  
 Lantgrauio per legatos exponit, post etiam reliquis omnibus, Isenaci.  
 nam principes non eò uenerant ipsi. Petebat autem, ut Palatinum roga-  
 rent, quòd laborè hunc subeat, & ut alius designetur dies, quo rursus  
 conueniant: interea rem apud Caesarem posse confici, ut ipsius etiam in-  
 terueniat assensus atque mandatum. Ad hæc, rogabat, ut sese commodos  
 præbeant, & quantum omnino salua conscientia fieri possit, conce-  
 dant: Ferdinandum enim nihil esse prætermitturum diligentiam, neque  
 dubitare, quin ad pacem Caesar etiam uehementer inclinet. Ad ea  
 protestantes Isenaci quinto die Augusti respondent. ut de concordie  
 rationibus agatur, admodum sese cupere, sic tamen, ut Caesaris in eo  
 mandatū interueniat: deinde, tamen si nihil opus esse putent ab se ro-  
 gari Palatinum, qui et eò sua sponte propendeat, & si Caesar iubeat,  
 minimè sit recusaturus, literas tamē se daturos ad illum, & quum Cæ-  
 saris erit allatū mandatū, diem se dicturos esse de consilio Palatini &  
 Brandenburgici, quem ad diem omnes conueniant, actionis futurae cau-  
 sa. Hoc in cōuentu recepta fuit in fœdus Lantgrauij soror Elisabetha,  
 uidua: petebant etiam admitti Hallenses & Hailbrunenses, eaque res  
 Augustanis & Ulmensibus demandata fuit. Cognitū etiam est ibi de  
 cuiusque querimonijs, maxime uerò de Goslariensium causa, quos Hen-  
 ricus

Conuen-  
 tus Isenaci.

153 Ericus Brunswicensis ualde premebat. itaq; decretum fuit, Brandeburgicum esse rogandum, ut inter alia, Cæsaris quoq; mandatū in eo rex Ferdinandus impetret, quò uidelicet Brunswicensis actioni sistere sese cogatur: nam alioqui talem esse tanque duram & iniquam Goslarien sium conditionem, ut eos in his angustijs deferere non possint. De pacificatione Cæsaris & Gallie regis huc etiam allatum fuit. finem habuit hic conuentus Augusti mensis die nono. Hoc anno secta prodijt eorum, qui dicuntur Antinomi. hi poenitentiam ex decalogo non esse docendam dicunt, & illos impugnant, qui docent, non esse prædicandum euangelium, nisi primū quassatis animis atq; fractis per explanationē Legis: ipsi uerò statuunt, quæcunq; tandem sit hominis uita, & quantumuis impura, iustificari tamen eum, si modò promissionibus euangelij credat. In his erat facilè primus, Ioannes Islebius Agricola, Lutherus autem ista copiosè refutat, & docet, legem non eò datam esse, ut iustificet, sed ut peccatum ostendat, & conscientiam terret, ideoq; primum omnium esse docendā, deinde euangelij, quòd nobis filiū Dei propiciatorem & aduocatū humani generis demonstrat. Islebius tandem à Luthero cōmonefactus priuatim, & facta scripturæ collatione, rectius institutus, in sententiam eius accedit, idq; publico deinde scripto testatur, cōfessus errorē. Superiori libro diximus de Heldo, quē Cæsar miserat legatū in Germaniam. Cū is non tulisset à protestantibus quale uoluit responsum, adiit plerosq; omnes principes, & obducta criminatione, quasi protestantes nullum ius atq; cognitionem ferre possent, & æquissimas pacis conditiones ab se propositas repudiaret, cœpit eos de fœdere sollicitare, cuius & Cæsarem & Ferdinandum regē profitebatur authores, nec prius cōquieuit, quā id apud quosdam perficeret. Hi erant, Moguntinus & Salisburgensis, archiepiscopi, Gulielmus & Ludouicus Bauari, Saxo Georgius, Ericus, & Henricus Brunswicenses. Huius rei causa conuentum est Fœdus Noriberge, & hoc titulo fuit initum fœdus, ut si religionis pontificiæ causa, quam ueterem ipsi uocant, ulla fieret alicui molestia, paratū esset auxilium. Itaque sanctum uocabant, quasi pro gloria Dei susceptum & ecclesiæ tutela. Decretum uerò fuit ad annos xi. Gallie rex, Nicea domum reuersus, in colloquium uenit cum sorore Cæsaris Maria, Compendij, quod est in Sueßionibus oppidum.

Secta  
Antino-  
morum.

Fœdus  
sanctum  
Pontifi-  
ciorum.



Hoc ab illa fuisse captatum aliqui putabant, ut per occasionem fa-  
cta nuper pacis & amicæ congreſſionis ad Aquas mortuas, à princi-  
pe Clinenſi Gulielmo, qui Geldriam tenebat, animum regis auerte-  
ret, & amicitie regis opinione terrorem illi atque metum adferret.

De Camera iudicio ſepe diximus: Hi perpetuò ſui ſimiles, de con-  
ſuetis actionibus nihil remittebant, & ciuitatem Mindenſem nuper  
in omnium aſpectu, ſub aperto cœlo, ſicut ipſorum habet ceremo-  
nia, proſcripſerant, ob litem, quæ illis erat cum ſuæ urbis eccleſiaſti-  
cis. Ea re cognita, Saxo & Lantgrauius, tum ſuo tum ſociorum  
nomine, ſcriptum euulgant ad idus Nouembris. In eo rem omnem  
ordine commemorant, quid cum Camera ſit actum aliquot nunc an-  
nis, uti locis aliquot ſuprà demonſtrauimus. Et uerò quia ſint quic-  
tis impatientes, & inſiſſimis de cauſis recusati, nihil ſecius obſtina-  
tè pergant, & conſœderatos Mindenſes ad hunc modum proſcripſe-  
rint, monent atque rogant omneis principes & ordines, ut ſenten-  
tiam latam habeant pro iniuſta, neque ſe patiantur ad uim ullam ex-  
citari: nam ſi ſecus fiat, & ſi qua ſententiæ illius futura ſit execu-  
tio, non ſe poſſe ſociorum iniurias negligere. Cæſar interea per  
Ferdinandum regem interpellatus, ut ſuprà dictum eſt, miſſis in Ger-  
maniam literis, de ſua in rem publicam uoluntate, & quomodo reli-  
gionis hoc diſſidium pacare cupiat, exponit: conſimile quoque Gal-  
liæ regis dicit eſſe ſtudium: nam egiſſe nuper cum eo de tota republi-  
ca: Et quia paucis antè diebus ad ſe delatum ſit, proteſtantes etiam à  
pacis conſilijs non abhorreſcere, & actionem flagitare, modò ſuum in  
eo mandatum & conſenſus interueniat, idèò, ſe, cui publica tranquil-  
litate nihil ſit antiquius, hanc ipſam rationem comprobare, & archi-  
epiſcopum Londenſem atq; Matthiam Heldum conſtituere ſibi le-  
gatos, aut ex ijs alterum, ijsq; plenam ſacere poteſtatem, ut unà cum  
ſui fratris Ferdinandi regis conſiliarijs & alijs principibus interceſſo-  
ribus rem iſtam omnem tractent atque decernant: quicquid egerint,  
ratum habiturum eſſe. Datæ fuerunt hæ literæ Toleti, Nouembris die  
xxv. & cùm in Germania deinde redditæ eſſent, conſtitutus fuit Fe-  
bruarij dies xij. quem ad diem Francofurti conuenirèt omnes. Dixi-  
mus antea de ſœdere factò Noribergæ: huius erant primi duces Ludo-  
uicus Bavarus, Henricus Brunſuicenſis, qui totus ad rumpendū octi-  
publi-

Minda  
proſcri-  
pta à Ca-  
meraliſ.

253 publicum spectabat, & in hoc incumbere, ut belli fieret initium, ad-  
 uersus protestantes. Et quum illis ferè diebus literas accepisset ab ar-  
 chiepiscopo Moguntino, postridie natalis Christi paucis ei responderet,  
 cetera scribæ cõmittit, Stephano Fabro, quem ad ipsum mittebat cū  
 mandatis. Accidit autem penultima die Decembris, non procul ab  
 oppido Cassello, cum ad uenatum fortè Lantgravius iret, ut in hunc  
 incideret, comitatum adolescente Moguntino, qui literas pertulerat.  
 Ibi Lantgravius, pro more Germaniæ, rogat ab adolescente, qui con-  
 sultò prior occurrebat, ecquis esset? sum, inquit ille, Brandenburgicè  
 electoris famulus: ecquis alter? & ille quoque. Cum iam Stephanus  
 appropinquaret, ex ipsomet rogat, quis sit? respondet ut ille: quonam  
 tendat? Spiram: ecquid princeps ualeat? rectè: postea rogatus, num  
 hæc ita bona fide confirmet? maximè ait, itaq; dimittitur. paululum  
 deinde progressò Lantgrauo, quidam ex famulis renunciat, esse scri-  
 bam Henrici Brunswicensis. quod cum ab alio deinde qui scire po-  
 tuit, cõfirmaretur, Lantgravius mittit, qui retrahant hominè, et Cas-  
 sellum abducant, dum à uenatu redeat ipse Stephanus interea, dum est  
 in hypocausto, sacculù coriaceum è sinu depromit, & quasdam ex eo  
 literas corripit, & foras ire properat: animaduertit hoc quisspiam ex  
 famulis domesticis, & curiæ præfectum, qui fortè tum aderat, & in  
 subiectam aream ex hypocausti fenestra dispiciebat, submonet: Ro-  
 gatus igitur ille de literis, educit eas è sinu præfectus ad se recipit &  
 reuersò Lantgrauo tradit. Erant autem binæ literæ, unæ ad Mogun-  
 tinum, alteræ ad Matthiam Heldum scriptæ: ijs erant adiunctæ tabu-  
 læ seu commentarii, in quibus capita rerum perscripserat, de quibus  
 habebat in mādatis. Cum ergò res per se uehemèter esset suspecta, ma-  
 gis etiam hæc augeretur suspitio propterea, quæ in tabulis erant an-  
 notata, Lantgravius utranq; resignat epistolâ. Eius, quæ fuit ad Mo-  
 guntinum, hæc erat sententia. sibi redditas ipsius esse literas: letari ue-  
 rò plurimum, quod sui memoriam cõstantem retineat: se quidè ipsi  
 totum esse deuinctum, & mittere Stephanum scribam, hominè fidèle, ut  
 ex eo rem omnè, & quid è Bauaria sit allatū, cognoscat: orare ut ei si-  
 dem habeat, postea sibi iocijsq; bene precatur, aduersarios autè satia-  
 re cõmendat. Eodè ferè exemplo scripserat Heldo, mittere, e denuò  
 Stephanum cum mandatis, & orare ut beneuolè audiat, neq; minus  
 ei cre-



ei credat, quam si coram ipse loqueretur: quoad uixerit, partium se  
 futurum esse Cæsaris, quocunque tandem res euadat: neque dubita-  
 re, quin rectè Cæsar omnia sit procuraturus. In tabulis ad Mogusti-  
 num hoc erat. Lantgrauium esse prorsus irrequitum, neque som-  
 num capere, & sic addictum esse uenationibus, ut ad amentiam pro-  
 pè spectet: hoc magis opportunè rem posse geri, & iam partem ali-  
 quam eius esse confectam: quod autem Lantgrauius moliat, Baua-  
 rus esse non ignotum & certò confirmari, uel ipsi uel sibi facturum  
 esse bellum: itaq; socijs collegij persuadendum esse, ut in fœdus acce-  
 dant: ipsum quoq; rectè facturum, si totus huic fœderi sese tradat, nec  
 ad illos respiciat, à quibus aliquandò desertus, magnam acceperit ca-  
 lamitatem: fore, ut Bauarus & ipse coloquantur, & communicatis  
 consilijs aliquid statuunt: Suenicos etiam ordines de fœdere sollicitari;  
 & iam propè rem esse perductam ad exitum. In ijs ad Heldum hæc  
 inerant. Sperare se, Cæsarem ab Hispanijs uenturum esse breui, qui si  
 constans in proposito maneat, rectè omnia processura: tunc enim ali-  
 os quoque reges, qui nondum sese declararint, spe quidem & opinio-  
 ne sua, non futuros alienos ab hoc insituto: quod si confederati o-  
 mnes ea sint uoluntate ac studio, quo ipse, nihil esse desiderandum: sed  
 utcunque sese gerant illi, se quidem & constantem esse futurum, &  
 Cæsari semper obsequentem: uideri autem sibi consultum, ut Camera  
 Lantgrauio mandet, quòd discedat ab armis: interea se quoq; & Ba-  
 uarum fore expeditos: & si quidem ille non pareat, ut tum Camera  
 sibi & Bauaro mandet, dent operam, ne quid accipiatur detrimenti,  
 simul alijs quoque principibus iniungat, ut ex formula decreti publi-  
 ci conserant auxilia. His rebus ita cognitis, quid maximum suberat  
 periculum, & belli querebatur ab illis occasio, Lantgrauius è uesti-  
 gio dat literas ad socerum suum Georgium Saxonem, & explicata re  
 tota, sicut acta fuit, iniuriam sibi fieri, nec ullum parare sese bellum  
 demonstrat. Ad hoc ipsum tempus Matthias Heldus magna celeritate  
 per Galliam in Hispaniam ad Cæsarem contendit. Lantgrauius dein-  
 de ad Ferdinandum regem eiusque sororem Mariam, Belgij præse-  
 ctam, ad principes electores atque Bauaros, eodem modo, sicut ad  
 socerum Georgium, scribit, seseque purgat. Brunswicensis, ubi rem  
 esse patefactam, & de Lantgrauij scriptis cognouit, respondet, & 1539

1539 non ab illo tantum, capto iam scriba, sed à Saxone quoq; sibi factam  
 Scripta esse dicit iniuriam, anno superiori quum iussu Ferdinandi regis, nomi  
 aduersa ria Brun ne uerò Cæsaris, ad Georgium Saxonem esset profectus, deinde, cum  
 suicensis Noribergæ factò foedere domum rediret: nam illum sibi tunc esse infi  
 & Saxo. diatum. Ad ea Saxo respondet. quandòquidem ille sibi socijsq; cum  
 irent Brunsuicum, fidem publicam denegarit, contra legem atq; mo  
 rem Imperij, non aliter de ipso, quàm de inimico sentire potuisse: se  
 pe quidem illum antea, paucis comitatum, et ueste famulari, ne agnò  
 sceretur, per suos atq; sui fratris fines clàm esse profectum, nec à se  
 tamen, qui sciret ista, fuisse interpellatum. postea uerò, quàm sibi so  
 cijsq; uoluit aditum esse præclusum, cur plus licere sibi putet in ali  
 os, quàm illis ipse concesserit? Per hanc igitur occasionem cœptum  
 est agi scriptis aduersarijs, quæ non multò post in omnium acerbissi  
 mas inuectiuas desierunt. cuius quidem rei factum fuit initium à Brun  
 suicensi, qui nouo quodam inter uiros principes exemplo, nullum  
 prætermisit criminationis aut contumeliæ genus, ut libri typis ex  
 cusi demonstrant. Dum hæc geruntur, Ioannes princeps Cliuensis  
 moritur, Gulielmo filio hærede relicto, quem ab incunte ætate Conra  
 dus Heresbachius bonis literis atq; moribus informauerat. Quum  
 Conuen Febuario mense uentum esset Francofurtum, ut erat constitutum,  
 ius Fran post multam uariamq; disceptationem & acrem, Aprilis die xix.  
 cofurten sis. demum transactum est his conditionibus. Cæsar, ut colloquium ha  
 beri possit doctorum, de religione, largitur socijs Augustanæ confes  
 sionis, qui nunc in eo sunt numero, xv. mensium inducias, & ne  
 quid eis interea, religionis causa, molestiæ fiat, edicet: pacificatio  
 Noribergensis & Cæsaris edictum Ratisbonense, iubentur interim es  
 serata: Quòd si per tempus induciarum, de religione non conue  
 niat, pax tamen illa ualebit, adusq; proximum Imperij conuen  
 tum: Et si fortè ante finem induciarum conuentus fiat, obtinebit ni  
 hilominus ea pax usq; ad altera comitia: forenses omneis actiones,  
 intentatas protestantibus, & Mindensem quoq; proscriptionem, Cæ  
 sar, interea, dum erant induciæ, suspendit, & si quid contra fiat, ir  
 ritum esse iubet: Quod ipsis obijci solet, quasi propter hanc religionis  
 professionem in iudicio consistere non possint, amplius locum non  
 habebit sed ius & æquum illis communicabitur sine exceptione: pro  
 testan



testantes inuicem nullam interea molestiam ulli facient, & dum inducie sunt, in foedus neminem admittent, sic tamen, ut ipsorum religionis causa nemini uis fiat: nequis etiam in aduersarium foedus interea recipiatur, Caesar efficiet: ecclesiasticis, ubicunq; demum habitent, census annuos, quos illi adhuc obtinent, protestantes permittent: de uoluntate Caesaris constituetur dies, calendæ Augusti mensis, quem ad diem Noribergæ conueniant pontificij & protestantes, uiri boni cupidiq; pacis & minimè contentiosi uel pertinaces. Hi certum numerum diligent theologorum, qui placidè & amicè de religione conferant: ijs etiam alij quidam erunt adiuncti, non quidem professione theologi, sed tamen homines periti atq; sedati: Caesar etiam & rex Ferdinandus in hoc colloquio suos adhibebunt, si uelint, legatos: & quicquid ibi decretum fuerit utrobique, refertur ad ordines absentes, quibus approbantibus, orator quoq; Caesaris ratum habebit, aut uerò Caesar in proximis Imperij comitijs, ubi confirmauerit, fixum et inuiolatum esse iubebit: utrinq; discedetur ab apparatu bellico, & qui uidebitur aliquid moliri, quamobrem id faciat, causam dicere cogetur, sic tamen, ut defensio necessaria, nulli denegetur: in cæteris rebus omnibus, Imperij ius utrobique seruabitur: In his iudicijs non comprehenduntur anabaptistæ, nec alij, qui diuersam ab Augustana confessione doctrinam profitentur: auxilia in bellum Turcicum protestantes habebunt in promptu, ne qua sit mora: quicunq; electores & alij quidam præcipui principes atq; ordines, mandatu Caesaris Vnormaciam suos mittent legatos, ad xviii. Maij diem, protestantes quoq; suos mittent, ut de subitarijs auxilijs in Turcam deliberetur, & quicquid ibi de maioris partis consensu decretum fuerit, huic ipsi quoq; subscribent: & si dum inducie durant, bellum fortè Turca faciat, unà cum reliquis eum oppugnabunt: & hæc quidem omnia sic erunt rata, si Caesar intra sextum mensem ea comprobet, à Calendis Maijs initio facto, & interea, quod pactum est de inducijs, deq; non amplificando foedere, ualebit: si uerò Caesar animum suum intra tempus illud non declaret, ualebit tamen pacificatio Noribergica deinceps, ut antea. Caesaris erat hic legatus Iohannes archiepiscopus Londensis. nam Heldus in Hispaniam abierat, ut supra diximus. Ferdinandus quoq; rex eo suos miserat: protestantes aderant

1539 frequentes, & Saxo quidem ipse atq; Lantgravius, adductis aliquot theologis Palatinus & Brandeburgicus intercedebant. Hoc etiam inter alia Saxo tum resistebatur, nō se tribuere Ferdinando titulum regis Romanorum, sed stare pactis Cadamicis & Viennensibus. Is, quē dixi, Londensis archiepiscopus, erat patria Germanus, & Christierni Danie regis consiliarius, eoq; fugato, factus exul et amissa ditione, rediit in Germaniam, & ad Cæsarem applicuit, postea factus episcopus Constantiensis. Interea dum de conciliatione Francofurti agitur, copie aliquot militum per Saxoniam confluunt, & in agrū reipub. Brementis, Luneburgici principis et aliorū eius religionis, ire iubentur à præfectis, & expectare, dum castra moueantur. Cuius id fieret auspicio, ualde quidem initio fuit occultū, sed tandem certō cognitum est, ab Henrico Brunswicensi & eius fratre Christophoro archiepiscopo Bremensi esse conscriptos. Cameram quidē interpellabant ij, quibus damnum illi dabant, sed id frustra fuit. protestantes autem easdem deinde copias, ne plus damni darēt, industria quadam ad se traduxerūt, quibus tamen ad nullius iniuriam utebantur. Intercessorum principū rogatu, Stephanus Faber, de quo dictū est, dimissus à Lantgrauio fuit, cum idoneē causisset: uultro dixerat nō se rediturum ad suū principem, quod ei non amplius fideret, sed liberatus, rectā contendit ad ipsum. Hoc in conuentu Gulielmus princeps Cliuensis per legatos exhibuit scriptum protestantibus, in quo explicabat, quo iure Geldriam possideret, simul orabat, ut ad Cæsarem intercederent, causam quoq; suam Cæsaris ibi legato commendarent. Gallie rex, Vlricho duci Wuertbergico, per legatum nunciauerat, audire se, ipsum, impulsu confederatorum decreuisse bellum sacrum nonnullis per Germaniam episcopis: hoc uerō consilium non se probare, proq; sua in ipsum beneuolentia monere, ne faciat: nam alioqui futurum, ut Cæsarem ac Ferdinandum regem. quibuscum superioribus annis transegerit, offendet, suasq; fortunas omnes in magnum discrimen adducat. Vlrichus princeps, actis gratis propter commonitionem, iniuriam sibi fieri, seq; putare dicit, profectum hoc esse à Bavarie ducibus, qui consimilem de se rumorem, per Germaniam falso disseminarint: orare, ne fidem habeat: nam neque sui neq; sociorum esse propositi, ullam excitare turbam, aut armis aliquid tentare, nisi cogantur: non dubitare etiam,

Gallicus  
legatus  
ad Wuert-  
tembergicum.



etiam, quin illi, cum audierint, sese purgent. Cum ergo Francofurtum socijs hæc enunciaſſet, Saxo & Lantgravius, Aprilis die xix. communi nomine dant literas ad regem, & quid ſit delatum ad ipſum, ex VI. richo principe ſe cognouiſſe dicunt: ſed eſſe columniam, ab aduerſarijs atq; maleuolis excogitatam: nec enim ullum ab ſe parari bellum, & quantopere pacem expetant, teſtificare poſſe principes interceſſores: Nam eſi non uno modo ſint laceſſiti, quanquam ſocia ciuitas proſcripta ſit, & initum ſœdus à nonnullis, ut iniuſta decreta defendantur, licet conduſtæ ſint ab illis copię magno & inuſitato ſtipendio, quæ nunc in ſociorum agris hoſtiliter agant, ſe tamen interea quieſcere, neq; mouere quicquam: amare enim patriam, & iniurias omneis condonare rei publicæ: uerum aduerſarios impotenti quodam odio ferri, nec ulla ſequi moderata cõſilia, neq; legitimam admittere diſceptationem, ſed cõ ſolum ſpectare, ut ciuili ſanguine Germania redundet: quod cum ita ſit, rogare, ne falſis criminationibus fidem habeat, ſed operam det, ut pijs rationibus conſulatur eccleſiæ: nam hoc propriè regum eſſe officium, ut ueritati præſidio ſint & innocentie: quod cauſam religionis tueantur, id nulla fieri praua cupiditate, ſed pio quodam officio: nec enim dubitare, quin ea, quam profiteantur, doctrina, cum Dei uerbo conſentiat, quod omnino deſerere non poſſint. Ad exitum huius conuentus, Aprilis die xxiiij. moritur Saxonie princeps Georgius, non relictis liberis. nam eius filij duo iam antè deceſſerant abſq; ſobole, cum ex ijs unus Lantgrauij ſororem Eliſabetham, alter Mansfeldicam in matrimonio habuiſſet. Georgius itaq; fratrem Henricum, cuiusq; filios Mauricium & Auguſtum teſtamento facit heredes, ea lege, ne formam religionis mutant: niſi pareant, Cæſari & Ferdinando regi diuionem omnem attribuit, donec aut ille, uel filij, uel ex ea familia proximus agnatus, conditionem impleant, hoc ſuum teſtamentum ita conſectum, nobilitati prius et populo communicat, ſenex iam & ualetudine minus firma, petitq; ut ratum habeant, & dato ſide iurent, ab eo ſeſe non deceſſuros. Illi uerò, quod metuerent, ne bellũ ea res inter agnatos excitaret, orant, ut patiat̃ur ad Henricum fratrem mitti legationem: ſperare enim, illum aſſenſurum, ut in religione nihil immutetur. Itaq; miſi legati, quum uarijs uterentur argumentis, perſuadendi cauſa, præcipuè autem hoc dicrent, multum eſſe paratæ

Georgij  
Saxonis  
obitus.

2539 pecunie, multum exquisita suppellectilis & argenti plurimū, quæ sit  
 consecuturus omnia, modò uoluntati fratris morem gerat: ille mox è  
 uestigio, sanè uestra hæc, inquit, legatio planè mihi representat illud,  
 de quo proditum est in sacris literis, quum sathanas Christo pollicere  
 tur totius mundi regna, modò procumbens ad pedes, ipsum adoraret.  
 An uerò tanti esse apud me putatis ullas opes, ut earū causa uelim ab  
 agnita ueritate puraq; religione discedere? multum certè uos expecta  
 tio uestra fallit. Quum igitur hoc accepto responso, nullaq; re perse  
 cta illi discederent, antequam domum redissent, iam è uita decesserat  
 Georgius, Henricus frater illicò Dresdam & ad reliqua profectus op  
 pida, suam in fidem populum adigit. hoc autem eò procluius erat,  
 quòd scedere nitebatur Smalcaldico. Saxonie quoq; dux elector, cum  
 de testamento Georgij cæterisq; consilijs illius non nesciret, ubi de  
 eius morte in itinere cognouit, domum è uestigio properat, ut si opus  
 esset, Henrico subueniret. Hac tanta spe pontificij principes deiecti,  
 tantaq; iam ad protestantes acceßione facta, ualde doluerunt, Mo  
 guntinus præsertim, & Henricus Brunswicensis, ut postea dicemus.  
 Itaq; successorem habuit Georgius & heredem, omninò præter uo  
 luntatem suam. & is, quem omnium hominum acerbissimè per o  
 mnem uitam oderat, nimirum Lutherus, Lipsiam accersitus à nouo  
 principe, conciones aliquot habuit & religionis fecit initium. Ap  
 paruit hoc tempore, quod erat Maio mense, cometa, & illis ipsis se  
 re diebus moritur Caroli Cæsaris uxor, Isabela, cui deinde Gallie rex,  
 ubi primum audiuit, Lutetie facit exequias atq; funus, quæ regum  
 est consuetudo. Suprà diximus de concilio Vicentino, quod ponti  
 fex adusq; pascha huius anni prorogarat: quum autem ne tunc qui  
 dem ulli uenirent, ille, decimo die Iunij literis euulgatis, concilium  
 non quidem amplius producit, sed ad suum atq; senatus cardinalium  
 arbitrium suspendit. Anglie rex, aliquot antè mensibus alterum euul  
 garat scriptum de Synodo Vicentina, & quomodo pontifex orbi ter  
 rarum illudat, exponit. Quod enim per Mantue principem sese  
 purget, esse ridiculum: etenim cum tantam sibi potestatem arroget,  
 cur non illum cogat? si non possit, cur ad locum incertum, & quem  
 in sua potestate non habet, homines uenire iubeat? nunc, etsi Vicen  
 tiam delegerit ad eam rem, non dubium esse tamen, quin Veneti, tan  
 ta pru

Luth. do  
cet Lipsie

Isabela  
Cæs. u  
xor mo  
ritur.

Angli  
scriptum  
in conci  
liū pon  
tificis.



ta prudentia uiri, non magis, quàm Mantuanus, urbem suam tanta  
 hominum multitudine uelint absq; militum præsidio compleri, & fu-  
 turum, ut eadem sit ibi, quæ Mantuæ, solitudo: ludibrium igitur esse  
 quicquid agit, neq; tam effrenem licentiam ei diutius concedendam:  
 legitimis quidem concilijs nihil esse melius, nihil salutare magis: cum  
 autem ad priuatum emolumentum atq; commodum, ad confirmatio-  
 nem aliquorum potentie referuntur, incredibili illa rei publicæ ca-  
 lamitatem adferre. Cùm tam frequens esset in omnium ore concilij  
 nomen & ecclesiæ, Lutherus de utroq; librum edit lingua popu-  
 lari, & primo quidem tractat de conuentu apostolorum, Hierosoly-  
 mæ, cuius mentio fit actorum capite xv. contrarias deinde doctorum  
 sententias, Augustini præsertim & Cypriani, de baptismo, recenset,  
 & per eam occasionem meminit earum legum, quæ uulgò dicuntur  
 apostolorum canones, & indubitatis argumentis demonstrat, adul-  
 terinas esse, quiq; talem eis titulum affingunt, rei capitalis esse dam-  
 nandos. ordine postea recitat quatuor illi concilia, quorum præcipua  
 est authoritas, Nicenum, Constantinopolitanum, Ephesinum, Chal-  
 cedonense, & quibus de causis conuentum ibi sit, quidq; decretum,  
 explicat. post, ad primariam quæstionem uenit, & quæ sit concilij po-  
 testas, ostendit. itaq; non licere concilio dicit ullum nouum dogma  
 condere, nec nouum aliquod opus mandare, nec ceremonijs nouis ho-  
 minum mentes alligare, neq; ciuili gubernationi sese immiscere, ne-  
 que decreta facere, quæ paucorum potentie conducant: sed illius esse  
 officium, ut noua dogmata scripturæ sacræ dissentanea, noua; q; ce-  
 remonias uel supersticiosas uel inutiles ecclesiæ tollat & condemnet,  
 & quæ ueniunt in controuersiam, ex præscripto uerbi diuini cogno-  
 scat & dijudicet. Ecclesiam deinde definit, & quibus ex notis ea debe-  
 at cognosci, demonstrat, & collatione facta, quid Christus & aposto-  
 li doceant, pontificem, qui longè diuersam doctrinam in ecclesiam in-  
 uexerit, & orbem terrarum nefarijs rationibus expilarit, condemnan-  
 dum, & ad restitutionem esse cogendum dicit. Inter alia multa, quibus  
 ostendit in eo libro, quàm densæ fuerint sub pontificatu Romano tene-  
 bræ, quàm impura sædæq; religio, huc fuisse deuentū ait, ut etiam ue-  
 stis monachorum ad eternam salutem non parum conferre putaretur,  
 & pleriq; non modò mediocres, uerum etiam optimates ita sepeliri

Luth. li-  
 ber de cō-  
 cilijs.

1539 uellent. id quidem posteritas forte non credet, sed tamen uerum est, & in Italia potissimum fieri solebat, & nostra memoria, Mantuae Marchio Franciscus, eius nominis secundus, testamento cauit, ut in ordinis Franciscani, uel ut uocant, seraphici ueste sepeliretur: fecit idem Albertus pius, Carporum princeps, Lutetiae, & Christophorus Longolius, Belga, Patauij sepultus, uir cum primis eruditus, & Ciceronis admirator uehemens, cuius etiam extat in Lutheranos oratio, sicut Alberti quaedam, in Erasmus Roterodamum. A morte Georgij Saxonis, Henricus Brunswicensis ilico per Galliam ad Caesarem in Hispaniam contendit. His fere diebus ordinum regni conuentus agit Britanniae rex Henricus, & inter alia, de religione decreta facit, sub forma panis atque uini, uerum esse & naturale corpus atq; sanguinem Christi, & a consecratione non amplius manere substantiam panis atque uini: perceptionem integrae coenae domini non esse necessariam ad salutem, & sub utralibet specie contineri totum Christum: sacerdotibus non licere contrahere matrimonium: uota castitatis esse praestanda: Missas priuatas retinendas: auricularem & arcanam confessionem delictorum esse utilem & necessariam. ijs qui contra docerent, atque facerent, poenam constituit ut haeticis. Et hoc ipso tempore in matrimonium petebat principis Cliuensis Guilielmi sororem Annam, eleganti forma uirginem, quae cum esset ei pacta, mensibus aliquot post, in Angliam traiecit. Ut de dogmatibus illis ita rex statueret, nonnulli dicebant ab episcopis impulsam fuisse, quod per eam occasionem, Thomae Cranmero archiepiscopo Cantuariensi, & Thomae Cromelio, qui religionis erant cupidi, detraheretur omnis auctoritas. Huius anni mense Augusto, Turcicus legatus Barbarossa, Castelnouum, Illyrici oppidum, in sinu Ambra- cio, capit obsidione, & praesidiarijs omnibus interfectis, in seruitutem nonnullos abducit. Ante annum, Octobri mense, Caesar & Veneti confederati ceperant illud, & Caesar quidem tunc praesidium imposuit, ad quatuor Hispanorum millia, duce Francisco Sarmiento. Venetis hoc praeter opinionem accidit, quod in illa ora positum oppidum, sibi potius deberi dicerent. Itaque non multo post, cum eam societatem minus probarent, ac sibi cum primis fore periculosa uiderent, inducias a Turca petunt & impetrant. Orta fuit, hoc ipso fere tempore,

Conuen-  
tus ordi-  
num An-  
gliae.

Turca  
Castelno-  
uū capit.

Gan-



Gandavi seditio, uiribus & authoritate plurimum ea ciuitas ualet ijs 1 5 3 9  
 locis, & pro libertate uehementer sepe dimicauit cum Flandriæ do- Seditio  
 minis, quorum est in ditione. Cæsar, eo cognito, cum per Italiam prius Ganda-  
 cogitasset in Germaniam uenire, mutato consilio, per Galliam iter fa ueniss.  
 cere constituit, cum rex illud ab eo uehementer contenderet, ac libe-  
 raliter omnia promitteret. Palatinus interim & Brandeburgensis,  
 intercessores, missis ad Cæsarem literis de pacificatione Francofur-  
 tensi, rogauerant, ut colloquium doctorum Noriberge permetteret:  
 ille uero, quò minus ijs rebus uacare posset, morte suæ coniugis & a-  
 lijs quibusdam de causis fieri dicebat. Cum earum literarum exemplum  
 intercessores ad Saxonem atque Lantgrauium misissent, neq; tamen  
 significarent, an illas xvi. mensium inducias Cæsar approbasset, con-  
 uentus indicitur ad xix. Nouembris diem, Arnsteti, quod est oppidum Conum-  
 Turingiæ. Hic deliberatum fuit de augendo fœdere, deque defensione tus Arne-  
 necessaria, si fortè Cæsar transactionem Francofurticam non admit- steti.  
 tat, de rectè dispensandis bonis ecclesiasticis, de mittenda in Angliam  
 legatione, propter decreta religionis nuper facta, deq; mitigando re-  
 gis animo, de sollicitando Gallie rege, ne doctrinæ causa homines in-  
 nocentes affligantur, de mittendis etiam ad Cæsarem legatis, ubi pri-  
 mum in Belgium aduenisse constiterit. nam eius rei fama tunc incre-  
 buit. Et quoniam ex confœderatis quidam aberant, alij uero quidam  
 de rebus aliquot decernendi mandatum nō habebant, alter fuit Smal-  
 caldiæ constitutus dies, ad calendas Martias, quò de reliquis etiam de  
 cerneretur. In fœdus hic recepti fuerunt Rigenses, Liunioniæ ciuitas,  
 quibus cum archiepiscopo suo lis erat, ut plerisq; alijs per Germani-  
 am. nec alia lege recepti fuerunt, quàm ut per communes procurato-  
 res in Camera defenderentur, eoque nomine confœderatis depende-  
 bant aureos mille quingentos. Saxonie princeps Henricus, Geor-  
 gi frater, ante biennium fuerat cum filio Mauritio receptus in fœdus,  
 nullo cū onere, quia tenuioris erat fortunæ, sed ea lege tamen, si quan-  
 dō locupletior fieret, ut eandem cum reliquis conditionem subiret:  
 quum igitur hereditate loculētissima iam esset auctus, hoc in conuen-  
 tu super eare cum ipso fuit actum, qui quidē conuentus finem habuit  
 ad decimum Decembris diem. Principes non intererant ipsi, uerū  
 miserant legatos. & Saxo quidem Ioannem Dulcium, Franciscum

Cæsar  
uenit in  
Galliam

1540

Burcartum procancellarium mittebat in Britanniam, mense Nouembri, qui suo nomine nuptijs adessent regis & Annæ Cliuensis. nam huius ille sororem Sibillam habebat in matrimonio, sicut libro sexto docuimus. Itaque per hanc ipsam occasionem iniunctum eis Arnsteti fuit, ut confœderatorum nomine agerent cum rege, sicut paulò suprà diximus. Cæsar, accepta fide publica, paruo cum comitatu ingressus iter, mense Nouembri, cum ad Galliæ fines Hispaniæ propinquos uenisset, regis filios duos Henricum atque Carolum, qui dispositis equis eò contenderant, & Connestablium, qui multò antiè, magna cum nobilitate præcesserat, offendit: ab ijs receptus, ac deinde per mediam Galliam & amplissimas urbes deductus, cum Locham, in Biturigibus, uenisset, obuium habuit regem ipsum, ex recenti morbo tunc uix recreatum. factò deinde per Aureliam itinere, calendis Ianuarij Lutetiam est ingressus, medius inter regios liberos, gladium præstantie Connestablio. Nec enim ullum aut festæ lætitiæ genus aut honoris, quo mens hominis capi possit, prætermisissum fuit. Legatus autem eò uenit à pontifice, Alexander Farnesius cardinalis, & unà cum cardinali Bellaio, ciuitatis episcopo, in æde primaria Lutetiæ Cæsarem excipit. Commoratus ibi Cæsar in septimum usq; diem, discedit, comitante rege in Veromanduos, filijs autem Valencenam usq; deducentibus, oppidum Hannoniæ. Rex in magnam ac propè certam spem uenerat, recuperàdi Mediolani, sed longè secus accidit, ut infrà dicemus. Quo tempore Cæsar erat cum rege Galliæ, splendidissimam miserunt ambo legationem ad Venetos, Cæsar quidem, Alfonsum Daualum, in subriæ, Gallus uerò, Claudium Hannebaldum, Pedemontij præfectum. Hi multo sermone patres monebant, ut in hac potentissimorum regum amicitia, suum quoq; studium adiungerent, & ad Turcarum opugnationem omnia conferrent. Illi uerò, quum legatos demum honorificè dimisissent, re tota diligentius exquisita, Turcam, qui cum inducias habebant, omnino sibi reconciliadum esse indicabant. Itaq; transactione demum facta, cum Naupliam & Epidaurum ei tradidissent, pacem ab eo redimunt. Sunt qui dicant, Gallos, etsi palàm eos hortati fuerant in eam sententiam, uti Cæsaris legatus fecerat, occultè tamen eis insusurrasse, ut suis rebus prospicerent, neque tantum in se periculum, cui essent ipsi cum primis expositi, reciperent: ipse quidè rex,



rex, in quadam deinde contra Cæsarem apologia, rempublicam Venetorum, ab illo perditam, opera sua subleuatam, & intercessionem recuperatam esse dicit. Venetorum legatus, Aloisius Baduarius, de pace missus ad Turcam, omnes alias conditiones deferre prius, & duas illas urbes ad extremam necessitatem reservare iussus erat: sed Turca, qui decretum senatus iam antè per iudicium acceperat, exposulans cum eo, quod mandata sua non satis explicaret, non, nisi traditis illis locis, pacisci uoluit: Obstupefactus ille, cum arcana reipublice prodita esse uideret, illud, quod alioqui tandè facturum erat, quantumvis inuitus atq; dolens permittit. Vbi domum reuersus rem omnem exposuisset, attoniti patres, post diligentissimam peruestigationem quosdam comprehendunt, & criminis conuictos capite plectunt. Ex ijs quidam in Gallici legati, episcopi Monspessulani diuersorium, uelut in asylum persugerat: mittuntur ergo satellites, qui totam domum perquirant: sed quum aditu prohiberentur, senatus ex armamentario iubet educi machinas ad euertendam domum: itaq; Galli, cum periculum suum uiderent, illum exhibent. Senatus deinde, quamobrem ita fecisset, ad regem perscribit, ne legato factam putaret iniuriam. Aduentante Casare in Belgium, Ferdinandus rex ab Austria profectus, eò quoq; uenit: deinde, protestantium legati, sicut Arnsteti conuenerat, Hi multam inuito precati salutem Cæsari, & ob reditum in Germaniam gratulati, de criminationibus aduersariorum audire sese dicunt, qui pertinaciam, & supremi magistratus odium, & inquietudinem animi studiūque turbandæ reipublice sibi tribuant: sepe quidem optasse de his rebus, coram sese purgare, & nunc propter oblatam occasionem gaudere plurimum. Ac primò quidem, quum hoc tempore Deus euangelij sui cognitionem excitaret, non se potuisse non illam complecti, non quidè uel ipse uel ullius mortalium offendendi, sed salutis & perpetuæ felicitatis consequendæ causa: nam cæteris in rebus omnibus obedientiam ipsi præstitisse, & nunc eiusdem esse uoluntatis, idq; Francofordiana posse doceri actione postrema: quum autè ante annū & amplius eò, scriba Henrici Brunswicensis, prope Cassel-  
lum in Lantgrauii incidisset, & ob grauē suspicionem esset detentus, patefacta fuisse quorundā consilia, qui nimirum eò spectabāt, ut, quū alijs persuasissent, à protestantibus parari bellum, ad arma quoq; illos inflam-

Venet  
Turcæ  
reconci-  
liantur.

Legati  
Prote-  
stantium  
ad Cæsa-  
rem.

1540 inflammarent: hæc etiam ad ipsum haud dubiè delata, causam dedisse, cur sœdus aduersarium fieri permiserit: post initum etiam sœdus, conscriptum ab illis fuisse militem, & ab se quoq; postea, defendendi sui causa, & magni rem periculi fuisse, nisi scribam intercipi contigisset, & nisi Palatini principis atque Brandeburgici summa fides atq; studium interuenisset: quum uerò eius rei crimen & inuidia præter omne meritum in se conferatur, & editis libellis eiusmodi calumniæ sint abundè refutate, putare se, non ipsum in eius sœderis, de quo nunc increbuit, societatem fuisse uenturum, si quidem de re tota uerè compertum habuisset: itaq; rogare plurimùm, ne delationibus illis fidem habeat, & si quid in posterum deferetur, ut sibi renunciet, quo re spondere possint: orare etiam, ut de consilijs & actionibus Henrici Brunswicensis inquirat, operamq; det, ne quid eiusmodi posthac sibi sit metuendum: quòd etiam ipsis tribuatur, quasi de religione & recta emendatione minimè sint solliciti, calumniam esse: nam & hanc suam esse præcipuam curam, nec unquam defugisse ueram cognitionem: quod quidem plurimis documentis, & actione ultima Francofurtensi, & Lantgrauij literis, ad Ferdinandum regem à conuentu Francofurtico scriptis, demonstrari possit: ijs literis eum rogari, ut doctorum hominum curet institui colloquium: idem nunc etiam orare se plurimùm, & petere, ne secus de se statuatur, quàm de ijs, qui & religionis concordiam & reipublicæ salutem uehementer expetant, & ipsius quoq; causa, quantum fas et æquum sit, omnia uelint: Ante annum quartum uidelicet, ipsum ab Italia missis literis, ad componenda dissidia religionis, non uim & arma, sed rationem atq; ueritatem adhibiturum se nunciasse: nuper etiam eiusdem sententiæ literas ab Hispanijs ad Palatinum et Brandeburgicum dedisse, causis, quamobrem negocio religionis uacare tunc non posset, explicatis: quod sibi quidem auditu fuerit pergratum, & precari Deum, ut hanc ipsi mentem confirmet. Francofurti uerò transactum esse de multis rebus, & pactas inducias, ea lege, si quidem intra sextum mensem eas ipse probaret: Id quidem nondum esse factum, & iam pridem exisse tempus illud semestre, & Camere iudices aduersum se pronunciare in causis merè religiosis, & proscriptionem etiam urgere Mindensium, planè contra ipsius atq; etiam Ferdinandi regis mandatū: quanto autem istud fiat



fiat Imperij dispendio, ipsum intelligere atque uidere: quapropter o- 1 § 40  
rare, ut auctoritatem suam interponat: nam alioqui nec deliberatio-  
nem de bello Turcico nec illud doctorum hominum toties optatum  
colloquium institui posse: nam ut respublica recte constituatur, inpri-  
mis opus esse firma & perpetua pace, quam omnes ordines Imperij  
probent: hoc & ad ipsius pertinere gloriam, qui iam pacifici Caesaris  
nomen sit consecutus, & Germaniæ futurum esse perquam salutare.  
Cum ad xxiiij. Februarij diem Caesar ipsos audisset Gandavi, præsen-  
te Granuellano, re deliberata se responsurum dixit. Eodem ferè tem-  
pore, quo legationem ad Caesarem mittebant, Galliæ quoq; regi scri-  
pserunt. Annis aliquot proximis, cum & lueris & legatus multam i-  
psis declarasse beneuolentiam, & de concilio quoq; rectè sensisse, ue-  
ritate nimirum ac ratione potius agendum esse, quam armis atq; ma-  
nu, periurandam ceriè uoluntatē hanc ipsius atq; iudicium sibi fuis-  
se, quod æquitatis ab eo studium atq; tutelam suscipi uiderent: itaq;  
se uicissim, quantum omnino facere licuit, operam dedisse, ne parum  
esse grati uiderentur atq; ciuiles: quamobrem putare, quæ fuit ipsius  
antehac, eandem nunc etiam esse mentem & affectum: porro, quod  
ipsorum magistratui summo, Caesari sit amicitia coniunctus, letari  
se plurimum, et reipublicæ gratulari, cum alijs de causis, tum eò ma-  
ximè, quod ad pacandam ecclesiam sperent maximi futurum hoc esse  
momenti: morte coniugis tardatum adhuc fuisse Caesarem & impe-  
ditum, quò minus, quod anno superiori decretum Francofurti fuit,  
representaret: in hac autem animorum consensione facile rem posse,  
iudicio quidem suo, promoueri, si quidem ipse conatum in eo Caesaris  
adiuuat, ac ueluti manū porrigat: quod inprimis eum facere cupiant,  
ut uidelicet ea ratione, quæ Francofurti fuit inita, consulatur eccle-  
siæ: de Caesaris quidem egregia uoluntate nihil se dubitare, legationē  
quoque ad illum misisse, de qua benè sperent: sed aduersarios excogi-  
tare subinde noua consilia, quibus institutum hoc impediatur & euer-  
tant: cum enim causæ diffidant, non eos posse rectam ullam atque ue-  
ram disceptationem ferre: quod autem illam expetant ipsi, nullo cer-  
tè fieri metu, quasi potentiam illorum extimescant, si quando fortè  
coacti uim iniustam ab se iustis armis depellent: sicut enim nemini no-  
cere cogitent, ita etiam, si qua uis intentabitur & iniuria, satis habere  
se

Prote-  
stantium  
licere ad  
Galliæ  
regem.

1540 se uirum atque neruorum, Dei beneficio, ut se suaq; defendant: dein de, praesidium & opem ab eo sese expectare, cuius nomine periclitentur: causam enim hanc tam esse piam & honestam, ut nullum sit recusandum discrimen: sed moueri se reipublica periculo: nam etsi digni sint quos Deus uerberet, tamen, quia sit incredibilis oritura Germaniae uastitas, bello ciuili, nihil optare se uehementius, quam ut placide res tota componatur, utq; suae uoluntatis atque consilij testimonium illustre supersit ad omnem posteritatem: aduersarios autem ingenti quodam odio flagrare, nec ad aequitatem adduci posse, nec alium huius conflictationis apparere finem aut exitum, quam ut Imperij uires, quibus erat oppugnandus publicus omnium hostis, Turca, mutuis laniensis atterantur & omnino concidant: Id uero minimè sibi oportere tribui: & quocunq; tandem modo res cadat, fore tamen, ut quae nunc illi pertinaciter recusant, aliquando recipere cogantur, Deo nimirum sui nominis gloriam uindicante. Ad calendas Martias, principum & ciuitatum protestantium legati Smalcaldiam ueniunt, ut erat constitutum: una quoque uenerunt theologi, Ionas, Pomeranus, Melanchthon, Cruciger, Bucerus, eisq; fuit iniunctum, ut formulam conscriberent, qua putarent cum aduersarijs agendum esse de conciliatione doctrinae. Hoc in conuentu deliberatum fuit de ijs rebus, quae nuper indefinite remanserant Arnsteti, sicut supra dictum est. Interea Dulcius & Burcartus, quos in Angliam iuisse diximus, redierant, & septimo die Martij, Smalcaldiae referunt de statu religionis per Angliam. propter anni superioris decreta, non quidem admodum animaduerti, sed tamen Hugonem Latimerum & Salisberiensem episcopos, religionis causa captiuos, nondum esse dimissos, & Cromelium, qui summo sit loco, inflectere regis animū atq; mitigare, sed & regem ipsum in familiari colloquio suam aperuisse mentem, & sic existimare: Protestantium theologos non rectè sentire de coniugio sacerdotū, de coenae domini, quam uocant, utraq; specie, deq; missa priuata, & petere, ut de his alijsq; rebus necessarijs ad se copiosè scribant, suaq; sententiae causas adducant: se curaturum inuicem, ut sui regni uiri docti rescribant, quò sic ad ueri cognitionē aditus fiat: Cromelio etiam & alijs nonnullis uideri consultum, ut splendida mittatur ad regem legatio, & cum his una Melanchthon: nam si mediocris aliqua fieri posset

Conuen-  
tus Smal-  
caldiae.



posset doctrinæ conciliatio, regem esse magnam uim pecuniæ collatu  
 rum in fœdus, quod cum ipsis facere cogitet, nō de religione tantum,  
 sed in uniuersum: ualde enim regem mirari, cur religionis tantum no=  
 mine sint confœderati: futurum enim, ut bellum ipsis inferatur, longè  
 alio titulo. Paucis interiectis diebus, theologi scriptū exhibent, cuius  
 hæcerat summa. non esse discedendum à uestigijs Augustanæ confes=  
 sionis, & huic adiunctæ post apologiæ. sententiam hanc omnes alij  
 theologi absentes deinde comprobarunt, missis eò literis. Ad hoc tem=  
 pus Henricus Brunswicensis Gandauum uenit. Pridie Idus Martij, Cæ=  
 sar protestantium legatis per Cornelium Scepperum respondet, beni=  
 gnè quidem sic satis, uerū ita tamen, ut, an pacem præstare uellet, in=  
 telligi non posset. Legati ergo permissu Cæsaris paululum diuertunt:  
 mox redeunt, & ut actione interdicit Camera, pacemq; concedat, o=  
 rant. Ad ea Cæsar, quod in hoc tempore respondeat, nihil habere se  
 præterea dicit, deliberaturum autem amplius. hoc responsum Smal=  
 caldiæ recitatum fuit decimo post die. Postridie deinde paschatis, qui  
 tum erat Martij dies xxix. uenerunt eò principes ipsi. Gliscebat id  
 temporis inter Granuellanum & Heldum æmulatio quædam atq; si=  
 multas, quæ tandē hunc exitum habuit, ut Heldus loco summotus cu=  
 ria decederet, ac uitam priuatam ageret. nam ille præstabat authori=  
 tate, & Heldum in crimen odiumq; uocabat, quod in consilijs & a=  
 ctione nimium esset uehemens, quod Cæsarem nihil tale cogitantem  
 & inuitum propemodum in bellum pertraxisset. Cumq; non obscu=  
 ram suæ uoluntatis daret significationē Granuellanus, quasi concor=  
 diam & ocium publicum amaret, interpellatus à protestantibus, ad  
 pacis consilia Cæsarem inflexit. Et ipse quidem initio, tanquam suo  
 nomine, Smalcaldiam mittit intercessores atq; legatos, Theodoricum  
 Manderfcittum, Gulielmum Nuernarium, Comites, magni consilij ac  
 dignitatis uiros, quanquā ille graui ualetudine detentus in uia re=  
 stitit. Postulata quidem erant satis moderata, sed tamen illud signifi=  
 cabant, propè persuasum esse Cæsari, quasi religionem minimè spe=  
 ctent, neq; pacem ex animo petant, sed bonis & facultatibus ecclesi=  
 arum ad se transferendis tantum incumbant, & dissidijs lætentur, &  
 auersa sint ab eo uoluntate, magisq; propendeant in partes eorū, qui  
 similitates cum ipso manifestas et inimicitias exercerent. Hæc autē ad  
 Cæsa=

Cæsar  
 respōdet  
 legatis  
 Protec=  
 stantium

Heldus  
 curia ex=  
 icctus.

Legati  
 pacifica=  
 tores  
 Smal=  
 caldiam  
 missi.

§ 40. *Cæsarem delata fuerunt, partim ab aduersarijs, partim à Gallis, ut quidem pro certo dicitur. Nam quo tempore per Galliam Cæsar ibat, & ad summam arctissimamq; necessitudinem omnia spectare uidebantur, patefacta quædam ei fuisse dicuntur, & exhibitæ Smalcaldicorum ad regem literæ. Quidam hoc ipsi regi tribuunt, alij autem Connestablio, cuius erat præcipua tunc authoritas, et summum in pacificandis regibus studium, & non optinuit in protestantes, ob religionem, animus.*

## L I B E R XIII.

Protestantes respondēt legatis.



**A**D EA PROTESTANTES APRILIS die undecimo prolixè respondent. Et primò quidem permagnas, inquit, gratias agimus Granuellano, qui Cæsari semper author fuit, ut ratione causam hæc explicaret. Quæ sanè uirtus maximam laudem meretur: Deum quoq; precamur, ut hanc tam præstantem uoluntatem in eo confirmet. Quid enim gloriosius, quam publicas offensiones moderatis consilijs & prudentia componere, sine cædè & sanguine? Rogamus autem in uniuersam, ne quis arbitretur nos delectari simulatibus & dissensionibus ecclesiarum, aut emolumentum aliud quod captare priuatim, aut proteruia quadam, à cæteris gentibus, contra multorum sæculorum inueteratam consuetudinem, defecisse. Tantum enim & tam acerbum odium aduersariorum, tantos labores atq; molestias, tantos sumptus atq; dispendia, tot tantaq; multorum annorum pericula, nō imprudentes, nec inconsultò, neque temerè suscepimus, uerùm, ubi de doctrina fuit in Ecclesijs nata dissensio, quod olim non semel accidit, non licuit nobis, hominū gratiæ consequendæ causæ, ueritati resistere, multò minus illorum facta probare, qui magnâ crudelitate grassantur in homines innocentes. His nimirum tantis & tam grauibz de causis, tanq; pijs & ueris, cogimur nos illis opponere, & secessionem facere. Notum est enim atq; manifestum, magnos et intollerabiles errores, ab eis non uerbo solum, sed etiam armata uolentia propugnari: magistratus est autè officium, ut ab iniusta ui suos defendat. Et quoniam in crimen atque suspicionem uocari nos audemus,



mus, quasi non gloriam Dei nec emendationem ecclesiæ, sed commoda solùm nostra spectemus, Granuellanū oramus, ut de eo nos ad Cæsarem purget. scimus equidem id genus calumnias ab aduersarijs longè lateq; disseminari, quò ueram religionem & nos in odiū adducant: sed in senatu Cæsaris, quem in hoc tam sublimi fastigio Deus collocauit, indagari ueritas & locum habere sola debet, falsis omnibus exclusis delationibus. Nam quia causam illi tuentur iniustam & infirmam, quia suos errores passim ab omnibus impugnari uident, ac reprehendi, quia doctrinam euangelij refutare non possunt, ideo sibi aliunde colorem adiscunt, & ista nos criminatione premunt ac uulgò traducunt. Sed præter officium est & ualde indecorū episcopis, quòd de bonis ita Cæsarem sollicitant & urgent, quasi in eo summa sit posita reipublicæ Christianæ, nec interim de tollendis tot tantisq; uitijs & erroribus, quos ne ipsi quidem dissimulare possunt, uerbum ullū faciunt. prima sanè cura debebat illis esse de religione deq; pura doctrina conseruanda in ecclesijs: nunc autem eò tendunt ipsorum cogitationes omnes, quomodo suas opes, potentiam, luxū atq; splendore defendant. Sciunt ipsi, non de bonis ecclesiarum esse litem, sciunt etiam illa non à nobis expeti, sed suis impijs consilijs & oppugnationi ueritatis, hoc uelut umbraculū et tegumentum obducunt, ut in huius doctrinæ perniciem animos regū incendunt. Nostri enim ordinis nemo quicquam occupauit bonorum ecclesiæ, quod sit alieni iuris atq; ditionis, nemo quicquam ademit ulli episcopo: sed ipsimet episcopi iurisdictionem suam proiecerunt, postquam illa cœpit minus esse quaestiuosa, sed neq; ritè norunt illam administrare: deinde quæ dicuntur canonicorū colligia, planè suum adhuc obtinent: ipsi uerò contrà, multas ecclesiarū nostrarum facultates occuparunt, & suis interdicunt, ne census annuos nobis persoluant: & quum olim de suis facultatibus decidere quid annuū & conferre soliti sint in ecclesiæ ministros ac ludimagistros, nunc adeò nihil cōtribuunt, ut ciuitatibus in hunc usum sumptus sit omnis faciendus. Quæ quidem ciuitates, cum & onera multa subeant, & in magnis uersentur periculis, uerisimile profectò non est, auaritia quadam impulsos causam hanc tueri: sed inimici nostri, præsertim ij, qui præfecturas uenantur ecclesiarū, odio se nos apud Cæsare ita deferunt. Nobis autem esset optabile cumprimis, ut de cœnobijs rem omnem

154. o Caesar exactè cognosceret, et causam sciret mutati status monastici, et quemadmodū ea bona, partim in ecclesie ministros populiq; doctores, partim alios consimiles in usus pios erogantur. Intelligere quoq; Caesarem uellemus, quomodo aduersarij rapiunt ad se quicquid est bonorum, quomodo nō coenobia tantū, sed alias etiam ecclesias planè spoliant et exuunt, ita quidem, ut intra fines ipsorū, ecclesie complures et desertæ iaceant, et in paganismum prorsus degenerent. prius uero, quā plura de eo dicamus, obtestamur Granuellanum, ut pro ingenij sui præstantia secum ista perpendat. Nam etiā si nostrum hic esset aliquod compendium, faciliè tamen cogitari potest, non hanc, sed longè aliam et multò grauiorem esse controuersie causam, neq; nos propter tam exigua bona uelle tantam acerbiteriam odij, tantum laborē, curam atq; periculum subire: deinde, si periculis omnibus omis- sis, confirantur sumptus quotidiani, quos in hanc causam facimus, cum illis coenobiorū prouentibus, mox apparebit, quanto sint hi minores illis. et hos quidem sumptus iam supra xv. annum sustinemus, et crescunt indies cum sumptibus pericula. Cum etiam ad conatus et indefessum odium aduersariorū respicitur, quis est omnium principum tam imprudens, tam incogitans, qui suas fortunas omnes in tantū discrimen, ob tantula bona deuocare uelit: itaq; Caesare obsecramus, ne quid tale suspicetur. Ipsius enim amicitiam, et ocium reip. longè præferimus rebus omnibus humanis. Ex aduersarijs etiam ij, qui nostræ ditionis et rerum statum habent exploratū, hac suspicionē dubio procul ipsi nos liberant. nam ex ijs bonis minimum quid ad nos redire sciunt. Quod autem tanto cum onere et discrimine doctrinam hanc profiteamur, una solum est et præcipua causa, nimirum, quia Deus hoc à nobis requirit, ut filij sui nomē et euangelium profiteamur. iubet enim, ut falsum et impium cultum defugiamus, et grauiusimè uetat, ne scuitiam illorum probemus, qui ueram doctrinam persequuntur. Nunc de coenobiorum possessionibus loquemur, et aduersariorum querimonijs respondimus, et cur mutata sint collegia monachorū, explicabimus. Exorta per Germaniam, euangelij luce, uitijsq; detestis et reprehensis, multi, præsertim doctiores, uitæ genus illud pharisaicū sua sponte deseruerunt, et ex ijs nonnulli, quò literarū studijs operam darent, et aliud uitæ genus non impium sectarentur, pecuniarium aliquod subsidium fl-  
gita=



gitabant: Cum igitur non solum in nostris, uerum in aduersariorum quoque cœnobijs hæc incidisset mutatio, passim ijs in locis, ubi monachi supererant, uiros bonos cōstituimus, qui falsam doctrinam atque cultum reprehenderent: ijs etiam, qui mallerent ibi manere quam emigrare, satis de uictu necessario prospeximus, in primis autem et diligenter cauimus, ne, qui uel ætate uel ualetudine essent affecta, rem ullam desiderarent: Thuiusmodi quidē cœnobia sunt etiam hodie nonnulla nostris in finibus. Fuit hoc sanē nostri officij, tanquam magistratus, agnita ueritate falsam religionem abolere, et providere, ne dissiparentur ea bona, præsertim cum et monachi passim dilaberentur, et ex ipsis nonnulli cogitaret ea priuatos in usus auertere: deinde nulli erant in cœnobijs ad procurandam uel agriculturam uel rem domesticam idonei: sic igitur mutatus est illorū status. Nec enim aliunde uoluimus accersere monachos, et illis summittere, ne ecclesiæ nostræ turbarentur, ideoque bonam prouentuum partem, ad ecclesiæ ministeria conuertimus, et in usus eorum, qui uel egestate uel aduersa ualetudine premuntur, et in ludos quoque literarum. Et his quidem rationibus annui cœnobiorum census nonnihil sunt accisi: quicquid autem ex ijs bonis reliquum est, asseruatur, ut sit quod in tenuiores ecclesias, in sacerdotes egenos, et adolescentes rei literariæ deditos erogari possit. Nam is nunc est temporum status, ut cogitandum sit omnino de rationibus alendæ iuuentutis, quò suppetant ecclesijs olim et reipublicæ homines idonei. Quæ uerò sunt reliqua bona, non recusamus ad pios et salutares usus reipublicæ concedere, pro legitimi concilij, si quod erit, aut Imperij conuentus arbitrio. huc enim propriè pertinet ecclesiæ facultates, ut et sacræ literæ testantur et ueteres leges atque concilia. Quod cum ita sit, petimus inuicem, ut aduersarij quoque sinant illa bona consimiles in usus applicari. Iam enim in plerisque ciuitatibus nulli propè sunt aut admodum exigui parœciarum census: atque interim tamen episcopi ceterique procures, qui possessiones illas tenent, nullū munus aut in templis aut in scholis obeunt. itaque literarum ludi maximo cum reipublicæ detrimento paulatim intereunt. sunt igitur, ut antè diximus, inueniendæ rationes uulnus hoc sanandi. Deus enim ideo genus humanum condidit, et magistratum in hoc constituit, ut in eiusmodi cœribus ueram ipsius cognitionē homines addiscerent: ideoque regum est atque princi-

2540 pum, prouidere, ut hæc officia tam necessaria cum primis administrentur. Nos quidem etiam parati sumus, idoneè cauere de legitimo ussionum illarum, nostris in finibus, modò idem faciant aduersarij. uidemus enim palàm homines parùm frugi, parumq; temperantes, & reipublicæ prorsus inutiles, imò graues, in istis bonis belluari totos. Atq; utiuam Cæsar de nostris aduersarijs rem omnem sciat. ijs nimirum locis ipsorum ditionis, ubi census habent annuos ecclesiæ nostræ, illi sibi sumunt eos atq; seruant: cumq; nos nostra repetimus, & quos ipsorum ecclesiæ nostris in finibus habent prouentus, illis, ut inuicem tollant, permittimus, ecce conditionē repudiant, ad eamq; rem Camera facem admouet. Aequalitas, ut prouerbio dicitur, est alitrix et nutricia pacis: quòd si iam illis ocium & Germaniæ tranquillitas esset cordi, sanè non ad hunc modum agerent. uerùm ne suis quidē ipsi parant ecclesijs, & nouam subinde pecuniam atq; stipendium illis impendant, & quoniam pios doctores finibus eiiciunt, desertæ manent & solitaria complures paræcia, & dissipantur bona, deinde cœnobicia sic prorsus exugunt, ut quibusdam in locis monachi prouerbio dicant, præter campanarum sonitum & chori cantū nihil ipsis omninò relinquitur. hoc ipsum uerò magnam uulgò licentiam facit. & periculum est, ne religioni summam adferat aliquandò pernitiem. Esset profectò nobis ualde gratum, si de re tota Cæsar diligenter inuestigare, & percūteretur, quibus in locis ecclesiæ ministri benignius & honestius tractentur, ecclesiæ et ludi literarum melius constituantur, ecclesiæ ministeria decentius peragantur, utrū nostris in ditionibus, an apud aduersarios? Hunc laborem si Cæsar & cogitationem susciperet, non foret opus ullo nostro sermone uel defensione facti: nimirum res ipsa pro nobis uerba faceret, cumq; permoueret ad instituendam ueram emendationem status ecclesiæ. Nunc uerò, quando crudelitas exercetur, cum sacerdotes innoxij necantur, cum seuitiæ nullus adhibetur modus, futurum est, ut sublati hominibus idoneis, magna sequatur, & ad posteritatem propageatur barbaries. Clarum est igitur, nullam interuenire nostram cupiditatem, quando sanè præter molestiam et pericula nihil ad nos redit. cum interim aduersarij, minimè solliciti de pontifice, quē tantopere iactare solent, quantam omninò lubet, prædam agant ex ecclesiæ possessionibus, & præterea magnis remunerentur præmijs atq;

bene-



Beneficijs, ut ueram doctrinā obstinatè persequantur. Quòd etiam ar 1540  
 bitrio cōcilij reliqua bona summittimus, ut antè dictū est, id speramus  
 bonis omnibus ad nostri defensionem satis futurum esse. Quòd autem  
 aduersarij nobis attribuant, quasi fictū sit & simulatū quoties de con-  
 cillatione uerba facimus, et quasi eò solūm hoc tendat, ut Cæsaris con-  
 silia demoremur, causamq; trahamus, & legitimā impediamus cog-  
 nitionē: id sanè per quā nobis est auditu graue atq; molestū. quid enim  
 turpius, quid magis impiū, quā in re sacra & religiosa fucū hunc et  
 speciem simulatā obducere? Petimus igitur, quia grauis admodum est  
 ista criminatio, ut Cæsar ea, quæ purgandi nostri causa dicturi sumus,  
 patienter & attentè cognoscat. Cū ante annum decimū, in Augusta-  
 nis comitijs, aduersarij nostri multam haberent ad Cæsarem querimo-  
 niam de nostris ecclesijs, et nobis iniunctū esset, ut nostræ doctrinæ, re-  
 ligionis atq; ceremoniarū rationem explicaremus, nihil egimus astu-  
 tē, nihil occultē, sed doctrinā nostram omnē clavis uerbis palām pro-  
 fessi sumus, ut omnibus constare posset, illam esse consentientē aposto-  
 lorum doctrinæ: neq; dubitamus, quin multos ea res nostræ religioni  
 conciliari. quando uidelicet nihil cōtra ueteris ecclesiæ formulā doce-  
 re, sed errores, qui se in ecclesiam insinuassent, demonstrare nos atq; pa-  
 tescere, uiderunt. Negari enim non potest, obrepisse plurimos et gra-  
 uissimos errores: de pœnitentia docebatur frigidè & perplexè: de gra-  
 tia per Christū accepta, de condonatione peccatorū, ne uerbum qui-  
 dem: cœna Domini prorsus erat & horrendū in modum per Missam  
 pontificiam contaminata. Notum est enim, Missam priuatam esse rem  
 nouam, & inuestā partim ignorance, partim auaritia: propter abla-  
 tum sacerdotibus coniugiū redundabant omnia turpissimis exemplis.  
 doctrina de clauibus & ecclesiæ potestate tota iacebat, eamq; sibi po-  
 testatē pontifex ad sui tantū dominatus confirmationē uendicabat,  
 & infinitis propè legibus atq; præceptis hominum mentes onerabat,  
 idq; subinde uiri docti et iudicio præditi deplorabant: ut autem eccle-  
 sijs præficerentur homines idonei, nulla prorsus erat cura. De his tan-  
 tis tanq; necessarijs rebus, quæ esset nostra sententia, corā Cæsare te-  
 stificati sumus Augustæ, & extant in publica luce nostrorū hominum  
 ea de re libri. complures etiam aliarū nationum uiri docti fatentur, ex  
 his ipsis libris puram se doctrinam hausisse. non ergo defugimus lucē.

40 Et cum Augustæ tentaretur conciliatio, nihil egimus insidiosè, nihil  
 callidè, sed concordie nos esse cupidos, & si quidem aduersarij præci-  
 pua dogmata reciperent, de rebus medijs non admodum nos fore con-  
 tentiosos, demonstrauius. Et quanquam moderate fuerunt à nobis  
 tunc propositæ rationes, minus amicè tamè & æquè nobiscum ageba-  
 tur. atq; utinam Cæsari constet, quomodo tum sese gesserint aduersarij  
 delecti. Nimirum frequèter ad initium actionis hoc dicebant, nolle se  
 uel tantillum de sua opinione & doctrina decedere, sed quicquid face-  
 rent, eo fieri, ut in suam sententiam nos adducerent Ita q; coeperunt lo-  
 qui de dogmatis, de diuorum inuocatione, de Missa priuata, de satisfac-  
 tione, & nihil in his erroris inesse dicebant. Non igitur colloquium  
 istud erat, in quo solidis argumentis & scripturæ testimonijs, quid ue-  
 rû esset, inuestigaretur, sed erat fastuosa quedâ actio, quæ manifestos  
 errores confirmaret. Et quoniam ipsis tunc non fuimus assensu, nunc  
 illud sic interpretantur, quasi tantum ad speciem sit à nobis actum de  
 conciliatione, nō sincerè neq; reuera, sed dissinendi Cæsaris & eluden-  
 dæ cognitionis causa. nam conciliationis uerbum sic accipiunt, ut de-  
 ferta ueritate, causam ipsorum approbemus. Ab Augustano autē con-  
 uentu nulla fuit de his rebus instituta disputatio, quod tamen per nos  
 minimè stetit. inprimis enim optamus, ut uiris bonis atq; doctis liceat  
 de his rebus omnibus conferre & liberè pronunciare. Quapropter o-  
 ramus, ne quis huic illorum criminationi fidem habeat. nam si desuge-  
 remus lucem, uel si nos puderet causæ, non esset difficile ab ea discede-  
 re, & magnam apud illos inire gratiam: sed cum certò sciamus, omnitè  
 hanc esse maximè piam & inprimis necessariam causam, ideò labo-  
 rem hunc & dispendia & pericula subimus, et Christi doctrinam pro-  
 fitemur, eamq; cupimus & retinere & propagare, & ecclesiæ tum e-  
 mendationè tum pacem atq; concordiam optamus, & quod Franco-  
 furti sumus ante annum contestati, nunc etiam profitemur, nō defutu-  
 ros esse nos colloquio & actioni conciliationis. Quam quidè uocem,  
 ne quis erret, sic accipimus, ut uidelicet scriptura duce, quid uerû sit,  
 exquiratur, & errores antiquentur, & uera doctrina locum in eccle-  
 sijs obtineat. nam alioqui frustrà sumitur omnis labor. Christus Dei  
 filius, è sinu patris, uoluntatem suam atq; doctrinam nobis patefecit:  
 hic audiendus est, et pro iudice solus agnoscì debet. Quòd autem rectè



negocium hoc et ordine disceptari debeat, Cæsaris etiam literæ omnes 1540  
 atq; scripta satis ostendunt: & quomodo res acta sit ab aduersarijs, in  
 Augustæ comitijs, non ei patefactū esse putamus. Iam uerò quid sit no-  
 stræ uoluntatis, & quibus insistamus uestigijs, exhibita palam, et dein  
 de typis excusa, doctrinæ nostræ confessio, demonstrat. quā sacris lite-  
 ris consentire certò scimus, ideoq; deferere nō possumus. Præter hanc  
 ipsam doctrinam, quæ prima & præcipua est atq; summè necessaria,  
 sunt alie res quædam ueluti mediæ, de ceremonijs, de sacerdotū ordi-  
 natione, de iurisdictione, de uisitoribus, de bonis ecclesiarū, de cau-  
 sis matrimonij. quicquid in his est controuersum, conciliari, nostra  
 quidem opinione, poterit, si prius de necessarijs illis dogmatis conue-  
 niat. nam quoad præcipuas res impugnant aduersarij, & crudeliter  
 agunt, disidium tolli non potest. Quòd uerò Cæsari nonnulli persua-  
 dere conantur, permixtam esse doctrinæ nostræ multā hæresim et er-  
 rores, iniuriam nobis faciunt. si quid autē est quod nobis opponant, li-  
 cebit id publicè faciant: ferent à nobis responsum. in apologia quoq;  
 nostra si quid fortè dictum sit uel breuius uel minus aperitè, explicabi-  
 mus. deinde, si quid editum sit & typis euulgatū, quod mutari conue-  
 niat, nihil agetur obstinatè, cū detectum erit uitii. Scimus etiam im-  
 peritiores & infirmos offendi, quòd nō eadem sint in ecclesijs nostris  
 ubiq; leges. Et quanquam nihil opus est, eandē ubiq; formam retineri,  
 modò de doctrina conueniat, tamen, quò minus hoc etiam in aliquo  
 conuentu tractetur, non recusamus. Cū ergò, quid sit consilij nostri,  
 patefecimus, obsecramus Granuellanum, Cæsari sit author atq; suasor  
 emendationis atq; pacis ecclesiæ. Nam etiā si manifesta uitia & erro-  
 res ui defendantur atq; potentia, semper tamen excitabit Deus, qui il-  
 los impugnent ac reprehendant. quā etiam sit iniquum, & contra  
 ius naturæ, ueram doctrinam uelle ui & armis opprimere, et quā id  
 politie Christianæ nō conueniat, facile potest intelligi. Cesar Constan-  
 tinus his uoluit Donatistas audire palam, cū si manifestè falsa docerēt:  
 tertiæ uerò cognitioni interfuit ipsemet, ne quod in illos decretū antè  
 fieret, quā exactè rem omnem percepisset. pulcherrimo nimirum e-  
 xemplo, quod nos moderationis & mansuetudinis commonefacit. Et  
 quoniā hoc quoq; tēpore de multis grauissimis rebus est cōtrouersia,  
 Cæsarem speramus indicta causa nihil esse tentaturū armis ideoq; pe-

154 o timus, ut quòd Francofurti nobis per suum legatum promisit, colloquium instituat. Nam ad ipsius hoc propriè pertinet officiũ, ut hominum saluti consulat, præsertim cùm pontifices inflammati sint acerbissimo quodam odio, nec aliò spectent, quam ut accensis regum animis, homines innocentes ad lanienam rapiantur. Magnam etiam laudem Cæsar meretur, quam posteri quoq; celebrabunt, quòd sanguinarii illis consilijs hucusq; non assenserit. Vult enim Deus, & mandat, ecclesiæ suæ ministris beneuolentiam omnem & patrocinium præstari. Iam illud, quod spargitur, inclinare nos ad hostes Cæsaris, eiusdem est generis, quo calumniæ superiores. Nam probari potest, belli tempore, Cæsareis ducibus nos & artifices & puluerem tormentarium subministrasse, & nostros, ut quacumq; ratione possent, illis grauficarentur, monuisse. Conditiones quidem oblate nobis fuerunt id temporis, nec mediocres, nec incommodæ: sed eas repudiauimus omneis, nulla certè alia de causa, quàm ut Cæsari fidem atq; studium nostrum approbaremus: quòd si quis etiam nominatim hac de re sit delatus, & id palàm fiat, eius purgatione Cæsarem fore contentum arbitramur. Hæc autem omnia petimus, ut Granuellanus & secum expendat, & Cæsari recitet, nostrumq; studium & operam & publicam ei conciliationem commendet. Nisi enim ab illa cessetur persecutione piorum hominum & immensa crudelitate, sequetur dubio procul horrenda quædam omnium ecclesiarum uasitas. Pontifices enim & episcopi malint omnem religionem aboleri potius, quàm emendationem admittere. Petimus etiam, ut querimoniam nostram de Camera, Cæsari commemoret. nam pleriq; socij nostri premuntur ab illis iniquissimè, contra leges & Cæsaris edicta, & minimis de causis excitantur ab illis grauissimæ lites, ut ex actione Mindensi liquidò constat. Lis enim est de lx. solùm aureis, quos in usum parocciæ senatus applicauit, quò reuera pertinent, & antiquitùs conferri solebant: sed aduersarij malunt hos ipsos prouentus ab hominibus ociosissimis turpiter consumi. Et quanquam eius urbis ecclesiastici diuitijs abundant, tamen hoc tantulũ pecuniæ sibi auferri, & ad ueræ ecclesiæ ministeriũ impendi nolunt. Et hæc tam leui de causa Camerales ad extremum persecuti sunt Mindenses, eosq; proscripserunt. Hanc uerò tantam illorum insolentiam petimus in uniuersum cohiberi, & lites illas omneis



omneis aboleri, sicut Francofurti cum intercessoribus actum est. hoc enim inprimis est necesse ut fiat, si modò Cæsar pacatam uult uidere Germaniam. Nam illorum sententiæ & condemnationes eiusmodi, quid aliud sunt quàm classica, quibus bellum nobis denunciatur? cui quidem ut resistamus, ipsa naturæ lex nobis commonstrat. Etenim, si fortè Cæsar eos non reprimat, & interim alij fortè copias conducant, quid aliud existimemus, quàm eas aduersum nos comparari? qua quidem occasione facilè possit oriri magnum incendium, nobis etiam inuitissimis. Granuellanum ergò precamur, nostro nomine Cæsarem oret, ut illam toties à nobis quæsitam & flagitatam pacem concedat. Cum ita respondissent, Idibus Aprilis finem actioni faciunt, & theologis iniungunt, ut argumenta regis Angliæ de dogmatis illis quæ diximus, confutent, & is deinde libellus eò mittatur, cui si fortè respondeant Anglicani theologi, & spes aliqua sit futuræ consensionis, placuit non esse recusandum colloquium: ut autem fœdus cum eo fieret extra causam religionis, nemini uisum fuit. Vt etiam pro ijs ad regem intercedatur, qui doctrinæ causa per Galliam paterentur, decretum fuit: sed ita, ut de statu Galliæ prius cognoscatur, deq; uoluntate regis, & an locum habitura putetur intercessio. postea de bonis ecclesiasticis & de singulorum querimonijs decreta fiunt, & Heilbrunensibus consulitur, ut Missam pontificiam è certis templis, quod nondum fecerant, exterminent, promissis auxilijs ad eam rem, si quid fortè periculi contingat. Postremò, quid sit opus facto, constituunt, si fortè Cæsar aut pacem repudiet, aut ambigùè respondeat, aut Camera suo more pergat, aut copię cōscribantur occulè. Dum hæc geruntur, Cæsar animaduertit in Gandauenses, & seditionis authores capite plectit, et ablatis armis, quum priuilegia & beneficia omnia ipsis ademisset, arcem ibi construit, & præsidium in capite ac ceruicibus illorum colocat. Frequens autem est ei ciuitati, suis ut principibus resistat, ut supra quoq; diximus. fedit hoc in Carolo Burgundo, Cæsaris proauo, in Philippo abauo, in Ludouico, Flandriæ Comite, Philippi proauo materno. quos omneis hîc Cæsar ultus esse uidetur. nec enim unquam ita repressi fuerunt, ut in hoc tempore. Decimo octauo deinde Aprilis die, Cæsar dat literas ad Saxonem atq; Lantgrauû. Cum Ferdinando fratre, Romanorû rege, se collocutû esse inter alia de statu Germaniæ,

Cæsar  
animaduertit in  
Gandauenses.

Cæsaris  
ad Saxo-  
nem &  
Lantgr.  
litteras.

1540 maximè uerò de dissidio religionis, quod compositum esse cupiat: Eatenim, sicut antehac nihil in eo prætermiserit, ita nunc etiam eiusdem esse uoluntatis, modò suum hoc studium ipsi agnoscant, nec eo abutantur, & quod uerbis atque promissis iam olim præ se ferunt, pacis desiderium, re ipsa nunc tandem representent: multas quidem suas interuenisse plurimis nunc annis & lenes admodum actiones, uerùm iis nihil adhuc esse profectum, & eò nunc omnia spectare, ut nisi quamprimum succurratur, ingens quædam futura sit reipublicæ dissipatio, maximiq; motus omnium ordinum. Ac licet ita sit, tamen pro sua benignitate, se rursus ipsis alium indicere conuentum, ut ad sextum Iunij diem Spiræ sint, aut si fortè lues & morbi contagio nō permittat, eo loco, quem frater Ferdinandus constituerit, agendi causa uidelicet de rationibus, quemadmodum hoc tantum periculum, quod Germaniæ prorsus incumbat, auerti possit atque tolli: sperare autem, hanc suam lenitatem ipsis atque socijs aliquanto plus futuram esse cordi, quàm adhuc quidē fuerit, & fore, ut ita se gerant in actione, quò tum ipse tum Ferdinandus frater & reliqui principes obsequentes, aperte uideant, magis ipsos ad pacem & ocium, quàm ad discordiam atq; turbam inclinare: ueniant igitur ipsimet ad eum locum, die constituto, nec impediri se patiantur ulla re, nisi ualetudine, suosq; tum mitant intimos consiliarios, qui sint & pacis amantes & ad agendū idonei, & ipsorum uoluntatis planè conscij: denuncient hoc idem socijs, quò et illi ad diem adsint: uenturū autē eò fratrem Ferdinandum, qui de sua mente atque uoluntate, deq; ipsorum ad se missa legatione, copiosius exponat: sic igitur se comparēt, tum suæ ipsorum, tum patriæ salutis causa, ut dissensionis omni sublata materia, de reliquis imperij negocijs tantò rectius deliberari possit: non esse autē, quod ullum uereantur periculum. nam fidē se interponere suam, & pacis Noribergicæ beneficium ipsis largiri, neque passurum, ut contrà quis faciat. sic tamen, ut inuicem ipsi neminem offendant. Ad eas literas illi nona die Maij respondent. quòd pacis consilia sequatur, magnā se gratiam habere: quòd autē moneat, ut suum hoc studiū agnoscant nec abutantur eo, nō esse dicunt, quod aliud de se socijsq; cogiter: nihil enim sibi charius esse pace: quò minus autē hucusq; res conciliata sit, non sibi, sed cause magnitudini & aduersarijs oportere tribui, qui dogmatis nullam

Saxo &  
Lantgrauus  
ius respondet  
Cæsari.



nullam admiserint explicationem: iam uero, quod ad constitutum diem  
 ipsos adesse uelit, libenter quidem obtemperaturos, sed quia regē fru-  
 stra defatigari nolint, quid suæ sit sententia, uelle perscribere: nempe,  
 scire ipsum, inde ab initio huius dissidij, post multam deliberationem,  
 in comitijs Imperij, hanc solam rationē idoneam fuisse usam omni-  
 bus, ut legitimum haberetur concilium, aut prouinciæ Germaniæ con-  
 uentus: quum autem alijs ob temporis angustiam ea ratio deinde parū  
 commoda uideretur, Francofurti sermonem habitum fuisse de forma  
 futuri colloquij, de eoq; factum esse decretum: cum autem arduum  
 sit negotium hoc, et in quo salus hominū consistat, non posse breui  
 tempore explicari, si modò cum fructu aliquo sit agendū, ideoq; tum  
 Ferdinando regi, tum sibi socijsq; et alijs graue futurum, non habito  
 colloquio, nec aditu prius facto, his rebus ipsos operam dare: quod igi-  
 tur Francofurti placuit omnibus, idem nunc sibi quoq; uideri commo-  
 disimum, ut, si Germaniæ conuentus haberi non possit, colloquium  
 instituat: existimare enim se, nullam inueniri posse uiam ista melio-  
 rem: quod ipsum nuper etiā Comiti Nuenario demonstrarint: ut autē  
 ipsi non consultis nec assentientibus socijs eò ueniant, non sibi licere:  
 deinde sic esse breue temporis interuallum, ad illū usq; diem, ut conuo-  
 cari socij, deq; responso deliberari uix possit: longinquiores quidem,  
 ut ad diem adsint, uix ægrè posse fieri: hæc eò se nunciare, ut de sua uo-  
 luntate cognoscat: Et licet ita sit, tamen quia Ferdinandū regem uen-  
 turum esse dicat, missuros eò se legatos, et socijs, ut idem faciant, scri-  
 pturos, ea lege tamē, si fortē nihil actum fuerit, ut tum aliæ, de quibus  
 antè dictum sit, agendi rationes, integræ sibi mancant: nec enim ab il-  
 lis, nisi de sociorum assensu, posse discedere: daturus etiam suis hoc in  
 mandatis, ut ad conciliationē omnia sua consilia conferant, quantum  
 quidem propitio Deo et salua conscientia possint, et integræ concor-  
 diæ uiam aditumq; faciant: sperare autem futurum, ut ipsius mandatu  
 scriptura sacra summum et præcipuum locum in actione obtineat,  
 et quum ab ea discedent aruersarij, reuocentur in uiam: cum autem  
 ad actionem uentū fuerit, et spes aliqua dabitur ullius fructus, non se  
 defuturos esse conuētui: quam uero promissit fidē publicam, orare, ut  
 eam non legatis tantum, sed theologis etiam cōmunicet. quandoqui-  
 dem illorū primæ sint partes in hac tota causa. quid in eo decreuerit,

renun-

is 40 renunciari sibi petunt. De cardinali Farnesio supra diximus. Is Lute-  
tia Parisiorū profectus cum Cesare fuit in Belgium, adolescentiæ uix  
egressus annos. & Cesarem indigne tulisse ferunt, quod non aliquem  
etate consilioq; grauē pontifex misisset. Cū igitur de religione deq;  
bello Turcico incidisset deliberatio, & Granuellanus uerba fecisset,  
Farnesius tandem, præsentē Cesare atq; Ferdinando rege, sententiam  
dicit. pontificem ualde cupere pacem & consensionem Germaniæ,  
sed talem quæ Deo sit non ingrata: cupere etiam, ut omne robur ex-  
pediatur in Turcam: sed ad religionem & protestantes quod attinet,  
non semel cum illis actum esse de concordia, præsertim in Augustæ co-  
mitijs, & exhibitam ab illis tum fuisse doctrinæ suæ confessionem:  
quod sanè scriptum, licet multos habeat errores, ab ipsis tamen inte-  
rea sit uiolatum: itaq; cum nihil certi sequantur atq; statuunt, & sint  
tanquam angullæ lubricæ, nihil cum ipsis agendum esse præterea: su-  
periori etiam anno, regem, hortatu Brandeburgici principis, alteram  
instituisse cum ipsis actionem, sed in ipso limine, quod dici solet, illos  
impegisse, nec obscure demonstrasse, quàm sint animo à concordia  
prorsus alieno: cū enim ab officio semel & à disciplina recesserint,  
eò nunc esse progressos, ut pontificem non emendatum, sed extinctū,  
& uitia non sublata, sed ipsam apostolicam sedem uelint extirpatam,  
ut omnis deinde iurisdictio corruat ecclesiastica: cumq; id ausi fue-  
rint ante annum proximum, Europæ statu paulò tranquilliori, quid  
nunc credibile sit eos esse facturos, pace nondum constituta cum Gal-  
liæ rege, & Turca rursum imminente Pannonijs: nimirum, in hac  
temporum calamitate multò futuros esse proteruiore: nec esse quòd  
putentur ab instituto posse dimoueri: nec enim pauca quedam in con-  
trouersiam uenire, sed de plurimis dogmatis disceptari: deinde, propè  
incertum esse, cuiusmodi sit ineunda cōcordia, cū inter se dissideant  
ipsi, nam aliam esse Lutheri, aliam uerò Zuinglij doctrinam, ne quid  
interim de reliquis dicatur sectis: & ut concordiæ spes aliqua sit, illos  
tamen non esse parituros ecclesiæ Romanæ, nisi multa ipsis inuicem  
permittantur, nimirum, integra cœnæ domini perceptio, coniugium  
sacerdotum, & id genus alia: quæ quidem sine publico decreto non  
sint immutanda: iam, si quis dicat, hæc illis ocij communis & tran-  
quillitatis causa concedi, & consensum post impetrari posse uel sum-

mi pon-

Farnesij  
sententia  
de reli-  
gione.



mi pontificis uel etiam concilij: non malè quidem istud dici, sed fore, 1540  
ut illi mox eam facultatè arripiant, nō expectata cōfirmatione publi-  
ca: quod si fiat, omnem eos esse proiecturos concilij curam: qua quidē  
ex re magna sit oritura diuisio per orbem Christianum, quando uide-  
licet à Germaniæ ritibus Gallia & Hispania et Italia et reliquæ pro-  
uincis planè dissidebunt: quòd si deinde concilium fortè mutationem  
factam & ad tempus concessam improbet, & contrarium quoq; sta-  
tuat, nullam fore spem amplius in uiam reuocandæ Germaniæ, suis o-  
pinionibus iam confirmatæ, & periculum esse, ne protestantes, quod  
unum inprimis moliantur, reliquos etiam ordines ad defectionem im-  
pellant: Cæsarem ipsum non ignorare, quemadmodum antea actis an-  
nis, illi, de cogendo concilio decretum fecerint in Imperij comitijs, au-  
thoritate sua quadam, ipso non consulto: ne quid ergo simile posthac  
fiat, esse prouidendum: hæc autē ideò sese referre, quò uideant uterq;  
quid sperandum sit ex priuatis illis actionibus atq; colloquijs: de pace  
cum illis actum esse Schuinfurti, & post, Noribergæ fuisse pactas in-  
ducias, constituta pœna: sed illos, non habita ratione tanti beneficij,  
uiolasse pacta, suumq; fœdus auxisse nouis multarum ciuitatum atq;  
principum accessionibus, inprimis autem Daniæ regis & Vuirtem-  
bergici, multisq; in locis formam religionis immutasse, præter fidem  
& iusiurandū: faciliè igitur apparere, quæ sit reliqua spes de illis, qui  
uarijs rationibus, & partim gratia, partim ui sua in castra homines  
traducant: deferbuisse enim & planè tepesactam esse religionē, & ho-  
mines alioquin in hoc esse procliuēs, ut seueriori deserta disciplina, se  
se tradant molliori magisq; liberæ: Sed ne his quidē finibus illos con-  
tineri, neq; satis illis esse, quod homines in errorem abducant, nisi etiā  
sacra diripiant, episcopos eiijciant, & religionem omnē prophanent,  
& impunè quidē: imò nunc eò licentiæ progressos, ut etiam integerri-  
mum Cameræ iudiciū subuertant, quò nimirum eo sublato, Cæsaris in  
Germania ruat authoritas, & ipsi, nullo prohibente, in omnium fa-  
cultates atq; uitam, pro sua libidine grassari possint: ex priuatis igi-  
tur illis actionibus nullam esse sperandam aut firmam aut diuturnam  
pacem: & si qua fortè fiat, non dubium esse, quin ea dignitatē omnem  
sedis apostolicæ & politiam ecclesiasticam eneruet: posse quidem alia  
multa referri hoc loco, sed ea se breuitatis causa prætermittere: nunc

autem

1540 autem esse proximum, ut quomodo salua religione sit bello Turcico  
 providendū, inuestigetur: Commodissimam quidem esse rationem, si  
 protestantes simul & reliqui ordines auxilia contribuant: sed quoni-  
 am id obtineri fortè non possit, nisi pacata religione, & uerò tractatio  
 religionis nō ad singulares conuentus, uerū ad concilium publicum  
 pertineat, rectè futurum, si concilium habeatur primo quoque tem-  
 pore, & ad illud causa tota religionis reijciatur: sic enim fore, ut &  
 reliquis omnibus satisfiat, & protestantibus inferatur metus atque  
 terror: qui cū serio rem agi uidebunt, multò futuri sint obsequentio-  
 res, magisq; tractabiles, quod ad sanitatem sibi reuertendum esse, &  
 id nunc agi uideant, ne diutius in Germania tolerentur hæreses: Ete-  
 nim, cū ad omnes homines in uniuersum religio Christiana perti-  
 neat, nihil in ea mutandum aut emendandum esse, nisi de communi o-  
 mnium consilio: nec ad unam modò Germaniā, sed ad Galliam & Hi-  
 spaniam & Italiam & reliquos etiam populos respiciendū esse: nam  
 si quid his inconsultis in Germania mutetur, futurū, ut id in plurimo-  
 rum cadat reprehensionem, & perniciosum præbeat exemplū: mon-  
 stri quoq; simile futurum, si quidem ecclesiæ membra non omnino re-  
 spondeant suo corpori: uetustum etiam esse morem, & inde ab apo-  
 stolis memoriæ proditum, ut authoritate cōcilij controuersia omnes  
 finiantur: & quoniam omnes pij continuis precibus atque uotis con-  
 cilium expetant, nuper etiā Poloniæ rex Sigismundus, ea de re misso  
 legato pontificem interpellarit, fore non difficile, illud inchoare, præ-  
 fertim, cū ipsi quoque nuper inito fœdere per iusiurandum promi-  
 serint, operam se daturos omnem, ut concilium habeatur: ipsum uide-  
 licet tempus hoc esse cumprimis opportunum, quando cum Galliæ  
 rege sit actio de pace, & mutua beneuolentiæ non unum signum ap-  
 pareat, & ipsorum ditionis episcopis hac ratione tutò liceat eò pro-  
 ficisci: deinde, pertinere hoc etiam ad ipsorum tranquillitatem ani-  
 mi, si cuncta referantur ad concilium, neq; priuatis actionibus decre-  
 ta fiant, quibus offendatur Deus: sic enim nullam ipsis præstandam  
 esse culpam: Adhæc, utile quoq; futurum ipsis, quandoquidem in con-  
 cilium omni reiecta cura, cæteris rebus, quæ uidebuntur, liberè uaca-  
 re poterunt, & fœdus interim amplificare. quod eò conducet, ut pro-  
 testantes aut decreto concilij se summittant, aut à confœderatis catho-  
 licis



licis ad officium adducantur: & hæc quidem hæctenus: Iam, ad Turcam quod attinet, hortari se cumprimis & orare, quod antea quoque sepe fecerit, ut pax fiat cum Gallie rege: nam eam pacem esse reipublice Christiane salutarem, & nisi coeat, dubium esse, an potentie Turcarum resisti possit: quanta uerò sint eius pacis commoda, non semel antea se demonstrasse, nec opus esse nunc illa repetere: ceteros etiam ordines Imperij de auxilijs interea posse sollicitari: & si quidem aucto foedere & inchoato concilio, protestantibus persuaderi posset, idonea præstita cautione, ut ad concilium ueniant, fore non difficile, ab ipsis etiam impetrare contra Turcam auxilia: quod si autem non nisi malis & religioni perniciosis conditionibus id obtineri possit, uindendum esse, ex duobus malis utrum sit eligendum, & an præstet, religione prodita, Deum offendere, an uerò unius prouinciæ carere subsidij aduersus Turcam: etenim non facile posse discerni: utri magis Christum oppugnent, protestantes an Turcæ: nam hos quidem in corpora tantum sæuire, sed ab illis etiam animas in sempiternum exitium trahi: concilium ergo sibi uideri quamprimum esse conuocandum, eiusq; faciundum initium hoc anno, nec in Germaniæ conuentibus de religione tractandum aliquid, sed augendum esse foedus, ut uel hac ratione protestantes ad concordiam magis inuitentur: pacem quoq; faciendam cum Gallie rege, & interim undecunq; colligenda subsidia contra uim Turcicam, ut anno sequenti totis uiribus in illum fiat impetus. Erat attributus Farnesio Marcellus Ceruinus, episcopus Nicastræ, consiliorum ipsius moderator, in hac ipsa legatione factus cardinalis. Hoc Farnesij consilium, ubi mensibus aliquot post emanasset, Ioannes Caluinus excusum typis commentariolo uestiuit, ne quis illud secus quàm oportet, acciperet. Ad hoc tempus, Cliuie princeps, Geldriæ possessor, ad Cæsarem uenit, transactionis causa, uerum id frustra fuit, & domum reuersus, cum Gallie rege coepit communicare consilia. Nam is, quum recuperandi Mediolani spe tota decidisset, oblatis à Cæsare conditionibus, quas minimè putarat, animum ab eius amicitia totum auertit, licet dissimulanter, seq; falsum esse quebatur, & à Connestablio, qui transitus Cæsaris author fuisset, & ipsum ingenti spe totum impleisset, alienior esse coepit, cum antea nihil ei non tribuisset. Cum igitur & ipse rationes omnes occultè circum-

Gallie regis tacite offensa.

cum

340 cum spericeret, quomodo Cesari molestiam exhiberet, & Cliuensis tanta  
 tam litem ac offensionem sustinere solus non posset, coeptum est cogi-  
 tari de mutuis amicitiae uinculis. Erat Galliae regi, è sorore Margari-  
 tha, regina Nauarrae, neptis Ioanna, circiter undecim annorum puella,  
 longè omnium totius Galliae ditissima, & forma cum primis eleganti,  
 & optimis formata moribus: ut autem hæc in matrimonium Cliuen-  
 si daretur, ilicò parentes & in primis reginam sororè rex sollicitabat,  
 ac demùm perfecit, ut suo loco sum dicturus. Bellum hoc tēpore pon-  
 tificis faciebat Perusinis, cū illi salis & aliarum rerum uectigal, au-  
 ctum ab illo, pendere recusarent. ciuitatem uerò suæ ditionis fecit, &  
 Ascanium Columnam, uirum præpotentem, consimili de causa, finit-  
 bus omnibus eiecit. Cardinalis Farnesius, expositis mandatis, quum  
 de pace Cesaris & Galliae regis non succederet: dies etiam esset, clam  
 ipso, cōstitutus Haganoæ protestantibus ad futuram actionem, disce-  
 dit, & sub Idus Maias Lutetiā uenit, & Antonio, cardinali Medonio,  
 Stampianæ domine, quam rex in delitijs habebat, auunculo, galerum  
 purpureum, Roma nuper allatum, in urbis æde primaria, die penteco-  
 stes, imponit, inaugurationis causa, & in itinere salutato rege, celeri-  
 ter Romam cōtendit. Ferdinandus deinde rex, Belgio relicto, in uiam  
 sese dabat, conuentus Haganoici causa, nam propter morbi contagio-  
 nem Spire non licuit. Ad eum conuentum Galliae quoq; rex legatum  
 mittebat, Lazarum Baysium, monitu Cesaris. nam offensionē dissi-  
 mulabant uterq; & blandis adhuc uerbis res agebatur, et calendis Iu-  
 nij rex edictum proposuit admodū graue cōtra disseminatores hære-  
 sis & falsæ doctrinæ Lutheri atq; sociorū. Id Lutetiæ duodecimo pōst  
 die fuit euulgatum & typis excusum, uti fieri solet. His ferè diebus,  
 Angliæ rex Thomam Cromelium, quem ex infimo loco perduxerat  
 ad summam dignitatem capite plectit, & Annam Cliuensem repu-  
 diat, & Catharinam Hauardam, Norfolkiae ducis è fratre neptem, in  
 matrimonium ducit. Cromelius fuerat iuasor cōnubij Cliuensis: cū  
 autem rex Hauardam pōst adamaret, impulsus ab ea fuisse putatur,  
 ut Cromelius, quem suis illa rebus obstare iudicabat, è medio tollere-  
 tur. nobilitati quoq; non multum erat acceptus, & in suspicionem ue-  
 nerat, quasi pontificijs moliretur exitiū. Henricus Brunswicensis in-  
 terea tum reliquos protestantes tum Henricū Saxonie principē gra-  
 uiter

Bellum  
 Pontifi-  
 cis cum  
 Perusi-  
 nis,

Lazarus  
 Baysius.

Thomas  
 Cromel-  
 ius capi-  
 et plexus



inter ad Casarem accusabat, quod præter uoluntatem Georgij fratris, & conditionem ascriptam in testamento, religionem mutasset, quod episcopi Mersburgensis atq; Miseni iurisdictionem interpelleret, quod pecuniam in usum foederis à fratre relictam, aureorum millia lx. sibi seruaret. Monebat itaq; Casarem, ut illum ad officium adducat, & recusantem à successione fratris depellat, iuxta formulam testamenti. Non solus autem hoc agebat, tametsi præcipuè, sed ex confederatis etiam alij quidam. Nunc de conuentu Hagano dicam. Huius factum est initium xxv. die Iunij, quum Ferdinandus rex ante mensem eò uenisset. Protestantes, aliquot diebus ante actionem, interpellauerunt electorem Palatinum, Coloniensem, Treuericum, Ericum Brunswicensem, episcopum Augustanum et Spirensem, domi suæ quemque priuatim, ut pacis essent consiliarij. Ferdinandus igitur, eo quem diximus die, protestantibus, ad se uocatis, causam indicti conuentus exposuit, & quia principes non uenerint ipsi, quod Casar omnino facturos putaret, exhiberi sibi petit ab ipsis mandatum & agendi facultatem. Deinde nominat intercessores, Ludouicum Palatinum, Ioannem archiepiscopum, Treuericum, Ludouicum Bauarum, Gulielmum episcopum Argentinensem. Quum hos illi recepissent, coeptum est agi. uenerunt etiam eò theologi protestantium, magno numero, Iustus Merius, Pistorius, Urbanus Regius, Buccerus, Brentius, Blaurerus, Osiander, Schnepfius, & alij multi. Melanchthon graui ualitudine detentus in itinere substituit. Hi, domi quisq; suæ, conciones habebant ad suos, uti fieri consuevit, tunc in primis, quum deliberandi causa simul omnes conuenissent legati: Ferdinandus autem ubi resciuit, interdixit: legati contra, non publicè, sed priuatim doceri tantum demonstrant, nec esse quod ægrè ferat. Inchoato colloquio, uenturis erat Lantgrauius atque Saxo, iamq; suos ad fines expectabant, ut eius rei acceptio nuncio, mox essent expediti. Intercessores deinde petunt à protestantibus, ut capita doctrinæ controuersæ, paucis comprehensa sibi tradant. Illi, exhibitam esse ante annum decimum, Augustæ, doctrinæ suæ confessionem & apologiam dicunt, in qua prorsus acquiescant, parati rationem reddere, si quis aliquid in ea desideret: & quoniam ignorent, quid in eo libro potissimum reprehendant aduersarij, non habere se quod exhibeant, sed ab illis hoc potius exquirent.

Conuen-  
tus Hag-  
noicus.

154. o dum, ut demonstrarent, quæ dogmata putent esse uerbo Dei contrariata quod si faciant & ad colloquium res deueniat, ut quidem Francofurti uisum fuit, non se defuuiros concordie. Referunt hi post aliquot dies. quoniam in confessione exhibita permaneant, interea se libellum illum & actionem omnem Augustanam legisse, & reperire quædam ibi dogmata fuisse conciliata, quædam uerò minus: ut autem hæc etiam concilientur, omnem se daturos operam, & rogare, ut suam in eo mentem aperiant. Ad hæc illi. sermonem quidem fuisse de dogmatis aliquot, Augustæ, sed nihil definitum, nec ullam ibi factam esse conciliationem. Ad hunc modum ultrò citroq; re disceptata, cum protestantes colloquium urgerent, illi uerò sibi mandatum à Cesare atq; rege dicerent, ut ad modum actionis Augustanæ pergerent: Ferdinandus rex Iulij die xvi. conuocatis omnibus, quandoquidem ita se res habeat, ut iam definiri nihil possit, inprimis autem propter absentiam Saxonis atq; Lantgrauij, constituendum dicit alterum esse diem, quo die utriusq; partis legati & uiri docti, pari numero conueniant, & de dogmatis Augustanæ confessionis inter se conferant, sic tamen, ut Augustano Imperij decreto nihil idcirco decedat, & pontifici quoque sit integrum, si uelit, suos eò mittere legatos: deinde, cum nonnulli querantur, sibi facultates suas à protestantibus cripi, rationi sanè congruum esse, ut interea, dum de religione lis pendet, spoliati uel restituantur bonis ecclesiæ, uel iure suum repetant: Ad hæc, uitandi motus causa, paciscendas esse longiores inducias, in quibus hi modò sint comprehensi, qui fuerint Augustanæ confessionis, ante transactionem Noribergicam, ita quidem, ut eos, qui post accesserint, nihil ad se pertinere putent protestantes, nec alios quoq; deinceps recipiant. Quinto post die, protestantes, quid in eo postulato requirant, ostendunt. colloquium sibi ualde probari, & cupere, ipsum quoque Cæsarem, non etiam illius tantum legatos, interesse: uerum, ut pontifex quoque suos mittat, non se quidem in eo posse Cæsari legem ullam præscribere, sed tamen primatum ei nullum uel authoritatem hoc ipso tribuere. De restitutione bonorum ecclesiæ, deq; iudicio Cameræ prolixè respondent, ut supra non semel commemorauimus, & doctrinæ controuersiam inprimis definiendam esse dicunt: ut autem illos excludant, qui post pacem Noribergicam sese ipsis aggregarunt, nèue deinceps



ceps alios recipiant, non sibi esse integrum, nec etiam eius rei mandatum habere. Ferdinandus & intercessores contra bonorum restitutionem urgēt, aut saltem, ut ad definitionem usq; litis ea bona sequestrentur: ut autem plures in suam societatem perducant, non se posse concedere Ferdinandus ait, ideoq; monebat, ut ad suas conditiones accederent: nam etiā si reculent, se tamen nihilominus mandatu Cæsaris decretum esse facturum. simul proximo conuentui locum designat Vuormaciam ad xxviij. diem Octobris. Illi, colloctionis diem atq; locū sibi placere, sed neminem ab se spoliatum, et hanc ipsam quæstionem ad colloquium & futuram actionem pertinere, nec sequestrationem fieri posse dicunt, abq; magnæ suæ diuisionis ecclesiasticæ politiæ dissipatiōne, scholarum etiā atq; pauperum incommodo: et quia non longum sit tempus ad colloquiū diem, ut eo res omnis differatur, petunt: ibi se demonstraturos, quanto plus laborent atq; solliciti sint de gloria Dei, deq; ecclesiarum emendatione, quā de possessionibus atq; bonis: Ac licet docere iam possint, quomodo nonnulli diuersæ partis, id genus facultates ad sese rapiant, uelle tamen eousq; differre: cumq; tunc eius rei sermo fiet, liquidum esse futurum, utri possessiones illas in suum emolumentum priuatum magis, quā ad honorem Dei conuertant, et quid obstat, quò minus in meliores usus applicentur. De socijs idem quod antea respondent, & ad futurum etiam colloquium ista reiici petunt, & ut interea pax seruetur, orant. Ferdinandus ergo Iulij die xxviij. decretum facit, & actione tota commemorata, Vuormaciæ diem colloquio dicit, ut supra docuimus, ea lege, si quidem Cæsari placeat, Principes electores, item Magdeburgicus, Salisburgensis & Argentinenfis episcopi, Gulielmus et Ludouicus Bauari, & Cluensis iubentur eò suos mittere consiliarios, & protestantes quoq; suos, ita ut utrinq; sint undenti: scribas etiā adesse, pari numero, qui singula diligenter excipiant, & de dogmatis Augustæ propositis colloctionem fieri, placuit, & rogandum Cæsarem, ut Imperij conuentum indicat. Interea uerò pacem ab omnibus coli, & à ui iubet abstineri, graui denuntiata pœna, mandatu Cæsaris: quod autem protestantes affirmant, Cameræ iudicio non licere de pace Noribergica pronuntiare, hoc ad Cæsaris notionem sese referre dicit. Eo recitato decreto, protestantes exemplum sibi communicari petunt: & quia Cesar, datis

Decretū  
Hagano  
cum.

1540 ad se literis Bruxella, Idibus Iunij, quid de Camera sentiat, ipsum dicat explicaturum, scire cupiant. quid rei sit: quoniam in decreto nulum sit factum ea de re uerbum, ita quidem, ut nesciant, an actione sit Cameralibus interdictum, an minus. Ad ea Ferdinandus, habere se quidem à Cæsare in mandatis, ut sententiam eius ipsis exponat, sed ea conditione, si quidem bona sacra restituantur aut sequestro permittantur: tunc enim actionem omnem sublatum iri: cum autem utrunq; recusent, non habere se quod dicat aliud, & rem omnem Cæsari uelle renunciare. præter eos quos dixi principes, aderat etiam episcopus Tridentinus, Christophorus Madrucius, & Henricus Brunswicensis, uerum is ante finem conuentus abiit, domum profectus. Ad pacem non paruum attulerunt hic momentum Colonienfis & Palatinus, electores, Augustanus etiam episcopus: reliqui uero longè diuersa cudebant consilia, & decretum Augustanum urgebant, neq; disceptandum colloquio, sed quomodo protestantium infringi posset conatus atq; cohiberi, deliberandum esse dicebant. Eo durante conuentu, mortuus est Ioannes Vayuoda, rex Vngariæ, relicto filiolo Stephano, quem recens ei peperit Iabela, Sigismundi Poloniae regis filia. fuit hæc etiam causa, cur Ferdinandus rex, quum id suorum literis cognouisset, domum properaret. Sub hoc quoque tempus orta sunt uarijs in locis incendia per Saxoniam & loca finitima, ditionis ferè protestantium, exusti aliquot oppidis atq; uicis. Hoc tantum scelus, authore Brunswicensi factum esse ferebatur, ut infra dicetur. Secundo Catendas Iulij crematus est Londini Robertus Barnus, doctus theologus. Hic aliquandiu profugus ex Anglia, propter euangelij doctrinam, quum regem Henricum intelligeret animum adijcere ad pietatem & ueritatem, domum reuertit, ac deinde fuit in ea legatione, quæ Vuittembergæ cum theologis egit inter alia de diuortio regis, ut libro decimo docuimus. Cum autem à proposito rex discederet, & in plerisque omnibus doctrinam pontificiam retineret, iste, qui constantiam præstabat, eo quem diximus die raptus est ad necem, posteaquàm fidem suam esset palam in loco supplicij professus. fuerunt simul exusti duo quidam alij, eiusdem religionis: deinde cremati sunt eodem die tres, qui & Romani pontificis primatum, & Catharinæ Hispanæ coniugium approbabant. Augusto mense uitam finiit Lutetiæ, Gulielmus Budæus,

Vayuoda  
da Vnga  
riæ rex  
moritur.

Robertus  
Barnus  
exustus  
Londini.

Guliel.  
Budæus  
moritur



Budeus, libellorū supplicum magister, summa uir eruditionis, & me- 15 40  
 rito celebrandus ad omnem posteritatem, uel eò solum, quòd una cum  
 cardinali Belluo, episcopo Parisino facti longè pulcherrimi Francisco  
 regi fuit author & consiliarius, nimirum, ut Lutetie linguarum pro-  
 fessoribus & artium honesta constituerentur præmia. nam ex hoc son-  
 te nemo credat, quàm uberes & copiosi fluuij non solum in Galliam,  
 sed in alias quoque prouincias exundarint. Voluit autem absq; pom-  
 pæ sepeliri Budeus. Hic annus ob grauissimum æstum atque siccita-  
 tes fuit memorabilis: uinum quoque tunc prouenit longè præstantis-  
 simum. Gallie rex interea, sub autumnii tempus dimissis huc illuc lite-  
 ris ad episcopos, iubet supplicationes ad templa deorum fieri: nam et-  
 si pacem cum Cæsare colat, neque temerè uelit ab ea discedere, uereri  
 tamen plurimum, ne uetus ille generis humani hostis, & osor pacis,  
 materiam belli per homines idoneos paulatim accendat. Cæsar, Fer- Cæs con  
 dinandi fratris & intercessorum literis edoctus de re tota, confirmat firmat  
 decretum Haganoicum, & datis Viricæ literis, Idibus Augusti, prote- decretū  
 stantes hortatur, ut ad constitutum diem suos habeant Vuormaciæ le- Haganoi  
 gatos atq; theologos ijs etiam omnibus publica fide cauet. Et quia per cum.  
 occupationes non sibi liceat interesse, missurum eò se dicit è suis ali-  
 quem præcipui nominis: non etiam dubitare, quin pontifex eò mit-  
 tat, componendi causa disidij Conuentum quoq; pollicetur Imperij,  
 quò sit ueniturus ipse, quem ad conuentum etiam referri debeat huius  
 colloqui summa. Sub idus deinde Octobris, alijs literis Bruxellæ da-  
 tis, Granuellano potestatem facit agendi, sibiq; legatum instituit illum  
 ad futurum colloquium. Erat id temporis Vefontione, Granuellanus,  
 quod est in Sequanis oppidum, unde genus & originem ducebat,  
 quumq; distentus occupationibus, ad diem adesse non posset, scriptis  
 literis ad Moguntinum reliquosq; principes colloquio designatos, al-  
 tera die Nouembris Ioannem Nauium Lucemburgium præmittit, qui  
 moram excuset, & desiderium ipsis leniat. Postquam enim nata simul  
 tate, sicut antè diximus, Matthiam Heldum eliserat, hunc, uelut ma-  
 gis obsequentē suis moribus, asciuit, in eiusq; locum substituit. Interea  
 Cæsar Imperij conuentū indicit, ut Ianuario mense Ratisbonæ præsto  
 sint omnes. Cum deinde Vuormaciā Granuellanus ipse uenisset, Atre-  
 batenſi episcopo, filio comitatus, et theologis Hispanis, Muscosa, Mal-

Grāuol.  
 oratio in  
 concilio

1540  
Vuorma  
eicnsi.

uenda, Carobello, exhibitis in confessu mandatis & epistola Cæsaris, orationem habet xxv. die Nouembris, & excusans, cur neque Cæsar neque rex Ferdinandus adessent, præclarum Cæsaris erga rempublicam & uerè paternum animum exponit, qui nihil ardentius optet, quàm ut diuturnum istud & inueteratum disidium tollatur, quo non ecclesia tantum, sed & respublica ualde sit afflicta: nec enim dubitare se, quin & præsentem calamitatem ipsimet uideant, & ecclesiarum emendationem esse necessariam iudicent: nihil ergo magis ad ipsorum officium pertinere, quàm ut pijs consilijs occurratur huic malo, ne longius euagetur: etenim, sicut incendio forè nato, ciuium sit, illud refingere, sic etiam ipsis omnino faciundum hic esse, quo pax ei cordia recuperentur: cogitent porro secum ipsi, & ponant ob oculos, quantum ex hac dissensione malorum in Germaniam inundarit: ut cædes atq; funera mutantur, profligatam esse religionem, extinctam in animis hominum charitatem, ueteris atq; catholice ecclesiæ decus omne sublatum, deniq; nullius eloquentia satis explicari posse calamitatis magnitudinem: floruisse Germaniam olim & studio religionis & omni uirtutum genere, nunc autem degenerasse plurimum, & incommodorum totius reipublicæ caput & authorem haberi: nisi autem medicina fiat huic morbo, futurum, ut in peius omnia ruant: Et quia Cæsar hoc instituerit colloquium, ut & ueritas inuestigetur, & gloria Dei celebretur, animum huc asserendum esse non ambitiosum, non cupidum, sed pium & moderatum, inq; solum Christum esse respiciendum, qui nunc diductis brachijs hoc ipsum ab omnibus petat: hoc etiam summi pontificis & augustissimi Cæsaris & Ferdinandi regis præcipuum esse uotum: itaq; per mortem Christi, perq; omnia sacra uehementer obtestari, ut tunicam Domini, nulla non parte laceram atq; dissutam resarciant, memores uidelicet nominis Christiani, quod in sacrosancto baptismo sint consecuti, memores etiam inclytæ provincie Germaniæ, communis omnium parentis: nisi enim reconcilientur, ipsis attribuendum esse, quicquid in posterum nascetur malorum ex ista mentis obstinatione: si uerò modeste atq; sobriè rem tantā tractabunt, & Deo futurum hoc longè gratissimum, & Cæsarem id etiam uel maximi beneficii loco habiturum esse: qui daturus deinde sit operam, ut in proximis Imperij comitijs res tota perficiatur. A

morte



morte Vayuodæ, tutores reliquiq; procures, legatione missa, puerum 1540  
 Turcæ commendabant: ille patrociniū ei pollicetur, & simul dona  
 mittit. Ferdinandus etiam, ubi cognouit, Hieronymum Lascum, qui  
 superioribus annis à Vayuoda descuerat, Haganoa mittit Byzanti-  
 um, ut per hominem idoneum sibi Turcam placaret. Domum deinde  
 reuersus, bellum sibi gerendum iudicabat prius, quàm regina uidua  
 & tutores infantis essent instructi. Quo cognito, Solymannus in uin-  
 cula conijcit Lascum, quasi consiliorum Ferdinandi maximè consci-  
 um, simul auxilia mittit, quæ tamen impedita hyeme, paulò serius ad-  
 uenerunt. Postridie, quàm Granuellanus orasset, coeptum est agi de  
 notarijs atque scribis, & utrinq; electi sunt bini, qui singula diligen-  
 ter exciperent atq; seruarent. à protestantibus designati sunt Caspa-  
 rus Cruciger, Vuolfgangus Musculus, theologi. Octaua deinde De-  
 cembris die, Thomas Campegius, episcopus Feltrensis, legatus pon-  
 tificius, orationem habet, ac de pace nonnulla præfatus, quæ tanto pe-  
 re sit nobis à Christo commendata, Germaniæ quoque uicem misera-  
 tus, pontifices nunc aliquot & Paulum tertium imprimis, nihil non  
 fecisse dicit, quò calamitatem hanc ab ea depelleret, ideoq; nuper con-  
 cilium indixisse Vicentiæ: quum autem exactis aliquot mensibus ne-  
 mo ueniret, in aliud tempus necessario reiecit: Cæsarem uerò, qui sit  
 ecclesiæ Romanæ primogenitus & obsequens filius, protector etiam  
 et aduocatus, hoc instituisse colloquiū, ut esset ueluti præludiū quod-  
 dam actionis futuri conuentus Ratisbonensis: de illius autem uolunta-  
 te & assensu, deq; pontificis mandatu sese adesse, & rogare uehemen-  
 ter, ut ad concordiam omnia consilia referant: pontificem in eo sanè  
 facturum esse, quicquid omnino salua pietate possit. Huius conuen-  
 tus præfides hanc legem initio ferebant, ne cui, nisi qui sit ad congres-  
 sum designatus, communicentur acta colloquij, nec euulgètur etiam,  
 nisi prius ad Cæsarem sint omnia relata: deinde petebant, ut protestan-  
 tes ea doctrinæ capita, quibus omnino decreuissent immorari, scripto  
 complecterentur & exhiberent. His de rebus atq; etiam de formula iu-  
 risiurandi, deq; numero collocutorum, & suffragiorū modo, proluxa  
 fuit inter eos altercatio. Cum enim pontificij animaduertent, Palati-  
 ni et Brandeburgensis electoris atq; etiā ducis Cluēsis consiliarios in  
 protestantiū partes inclinare, uerui, ne suffragijs uincerentur, cōsulto

Ferdinā-  
 dus Vn-  
 gariā pa-  
 rat inua-  
 dere.

Oratio  
 legati pō-  
 ntificij.

Collo-  
 quium  
 Vuorma-  
 ciense.

1541 diem ex die ducunt, donec aliud à Cæsare nunciaretur. ut postea dice-  
 mus. Et altera quidem Ianuarij die, nouas & alienas cōditiones pro-  
 ponunt. nimirum, ut ex omni numero deligantur duo theologi, qui de  
 causa differant: ut hæc à scribis excepta deferantur ad præsides: ne mi-  
 nor pars teneatur maioris partis opinionem sequi, nisi ita faciendum  
 esse Cæsar & ordines Imperij decreuerint: ne collocutorum sermones  
 omnes, uerū nuda sententiæ, siue conciliatæ siue controuerse, de-  
 scribantur à notarijs: Augustanū et id genus alia decreta nihilominus  
 ualeant. Protestantes uerò cōtrā, cum utrinq; sint ad colloquium desi-  
 gnati xxij, petūt, ut singulis pronunciare liceat, neq; nuda solum sen-  
 tentiæ, uerū argumenta etiam & rationes & harū explicationes li-  
 teris mandentur: inquit etiam esse demonstrant, in hac omnium san-  
 ctissima causa, partis ullius opinionem, et nō potius uerbi diuini præ-  
 scriptum sequi, aut quenquam, ut contrā sentiat & profiteatur, uelle  
 cogere. Dum ad hunc modum tempus extrahitur, protestantes de eo  
 sepe queruntur, & ut in medium proposita doctrinæ confessione, Au-  
 gustæ exhibita, secundum Haganoici decreti formulam, actio quā-  
 primū inchoetur, petunt, præsertim, cum sit amicum & minimè ca-  
 ptiosum futurum colloquium, quo tanquam aditus quidam fiat ad cō-  
 cordiam. flagitabant idem etiam theologi, qui frequentes aderant, Me-  
 lanchthon, Capito, Bucerus, Osiander, Brētius, Calvinus, Alesius Sco-  
 tus, à Brandeburgico missus, & alij complures, ac his adiuncti, Simon  
 Gryneus, Ioannes Sturmius. Sub Idus demū Ianuarij mensis, pontifi-  
 cij deligunt Ioannem Eccū, alteri uerò, Philippum Melanchthonem,  
 qui differant, Et primo quidem, ut ordine fieret progressus, de pecca-  
 to, quod uocant, originis, uerba faciunt, alternis, in confesso publico:  
 sed ecce post tertium colloquij diem, Cæsaris adferuntur ad Granuella-  
 num literæ, ceterosq; legatos, quibus literis & actionem omnē ad Ra-  
 tisbonæ comitia reijcit, & protestantes inprimis cō uenire iubet, &  
 Granuellanū ad se quāprimū reuocat. Is recitatis literis in confesso,  
 quod fuit xv. Ianuarij die, Granuellanus hortatur, ut Cæsari morem  
 gerant, & Ratisbonam ueniant: nam illum esse percupidū pacis: & si  
 quid ipse per occasionē colloquij durius fortē dixerit, ut ne malè acci-  
 piant, deprecatur, & studiū suum erga rempublicā pollicetur. Ad ea  
 protestantes, dolere sibi plurimū, quod nō multo antè fuerit inchoatū



colloquium, et quod ne nunc quidem in eo progredi liceat, sed quia  
 Caesar ita iubeat, parendum esse: nunc itaq; domum sese redituros, ut  
 suis omnia renuncient, neq; dubitare, quin illi sint gratificaturi Cæsa-  
 ri: uerūtamen, si fortè paulò tardius eò ueniant, legatòsue mittant,  
 id propter temporis angustiam excusari oportere. Erat etiam hoc in  
 conuentu Petrus Paulus Vergerius, episcopus Iustinopolitanus, uer-  
 bo quidem, tanquam Gallie regis causa, sed reuera missus à pontifice,  
 qui suis rebus illum inferuire magis posse putabat, si quidem alieno  
 nomine ibi uersaretur. Oratione hic de unitate et pace ecclesie com-  
 posuit, et typis procusam ibi distribuit, in qua potissimum id agit, ut  
 doceat non esse de nationis concilio cogitandum. etenim conuentus  
 ille speciem aliquam eius rei præ se ferebat, et uiam præmunire uide-  
 batur: pontifex autem nihil minus ferre poterat, eiusq; sensum probè  
 callebat Vergerius. Per hunc igitur et id genus alios illius admini-  
 stratos impedita res fuit et dissoluta tandem. ducendo enim tempus, et  
 neccendo moram, diuertacula sibi quærent et effugia. Cæsar, initio  
 mensis Ianuarij, profectus è Belgio, Metim uenit, Mediomatricum ur-  
 bem primariam, inde per Spiram contendit Ratisbonam, et ex itine-  
 re, quas dixi literas, ad Granuellanum mittebat. Noriberga tunc iter  
 fecit, quam urbem antea non uiderat, et magnificentissimo fuit exce-  
 ptus apparatu. Februarij mensis die undecima Philippus Schabotus,  
 Gallie, quem uocant, Amiralus, uir summæ dignitatis, in suspitione  
 uocatus apud regem, ob non bene administratū bellum Sabaudicum,  
 de quo supra diximus, quum diu multumq; esset in ipsius uitam in-  
 quisitum, damnatus fuit repetundarum et læsæ maiestatis, et priua-  
 tus honoribus, quos habebat amplissimos, ablata quoque spe restitu-  
 tionis, in carcerem ductus est Vincennium, nō procul à Lutetia. Tulit  
 hanc sententiam, Meloduni, Gulielmus Poietus, Gallie cancellarius,  
 euocatis ad hoc iudicium, totius Gallie uiris primarijs et senatori-  
 bus iureconsultis. Et quanquam firmissimæ solent esse, quæ sic ferun-  
 tur sententiæ, et prorsus inuiolabiles, tamen autoritate regis non  
 multo post fuit absolutus, ut sum infra dicturus. Ad hoc etiā tempus,  
 Henrici Saxonie principis filius Mauritius, in matrimonium ducit  
 Agnetem, Lantgrauij filiam. Mense Martio pleriq; principes ac or-  
 dines Ratisbonam ueniunt, cum aliquādiu Cæsar eos expectasset. ue

Oratio  
Vergerij  
de unita-  
te eccle-  
siae.

Amira-  
lius Gal-  
lie da-  
mnatus.

Conuen-  
tus Ra-

# COMMENT.

154. nit etiam Lantgravius, prope sub exitum Martij, magno cum comita-  
 tisbonen- tu, & postredie satellitio stipatus ad Casarem iuit, à quo fuit acceptus  
 his, perhumaniter. Saxo legationem eò misit amplissimam atq; theolo-  
 gos & in his, Melanchthonem. A pontifice quoq; uenit Caspar Con-  
 tarenus, magni nominis cardinalis. Aderant autem Brandeburgicus  
 elector, Fridericus & Otto Henricus, Palatini, Gulielmus & Ludo-  
 uicus Bauari, Henricus Brunswicensis, Carolus Sabaudia princeps,  
 Georgius Brandeburgicus, Philippus Pomerania dux, item, Mogun-  
 tinus, Salisburgicus, Bremensis, Bambergicus, Spirensis, Augustanus,  
 Eistetenensis, Constantiensis, Hildessemijs, Brixienensis, Passauiensis, epi-  
 scopi. Sub hoc tempus exijt & Ratisbonam allatus est Martini Lu-  
 theri liber admodum uehemens, lingua populari scriptus in Henri-  
 cum Brunswicensem. Libro superiori de scriptis Henrici diximus in-  
 uectius in Saxonem atq; Lantgravium: quumq; nuper emissio libel-  
 lo Saxonem ille nominasset hereticum, seditiosum, Canum, mon-  
 strum, Aesopum, nulla nec corporis nec animi uirtute præditi, quem  
 ipse quoq; Lutherus, licet eius idolum ac uelut alter Deus, rideret at-  
 que contemneret: Lutherus, qui suam ad existimationem hoc perti-  
 nere ducebat, acerrimè respondet, & calumniam esse dicit. Et quoni-  
 am ecclesie titulum aduersarij sibi uendicent, plurimis adductis argu-  
 mentis, ab ecclesia uera demonstrat eos defecisse, & facta collatione,  
 pontificatum Romanum, qui puram de Christo doctrinam omnino  
 defcedarit atq; corrumpit, antichristum esse docet, quem tot antè sæcu-  
 lis & Daniel & apostoli prænuñciarint: quod cum ita sit, non ipso-  
 rum esse facultates ecclesie, & restitutionem ab ipsis improbè postu-  
 lari confirmat. deinde obijcit, quod lucem defugiant. Et, cur, inquit,  
 concilium modò flagitatis, modò promittitis, modò suspenditis, mo-  
 dò recusatis? quòd si sancta est ecclesia uestra, quid ita sibi metuit à  
 concilio? quid opus habet emendatione? quòd si opus habet, quomo-  
 dò sanctam dicitis? num sanctimoniam quoq; uestram uultis emenda-  
 ri? Nos quidem, ut ecclesie nostre reformentur, nunquam postulau-  
 imus concilium: nam uerbo suo Deus iam pridem sanctificauit eas, &  
 sordes omneis pontificias expurgauit, & ueram doctrinam nobis re-  
 stituit: uita quidè huic professioni nostræ non respondet, neq; tantum  
 re præstamus ipsa, quantum & debemus & optamus: sed & prophe-  
 tarum

Lutheri  
 liber in  
 Henrici  
 Brunswi-  
 censem.



tarum & apostolorum hæc etiam fuit, dum uiuerent, querimonia, & 1541  
 ea scilicet tunc demum nobis continget, cum ab hoc uitioso corpore  
 tanquam è carcere liberati, parem cum angelis conditionem obtinebi-  
 mus. Conciliū autem eò petimus, ut ecclesiæ nostræ palam audiantur,  
 & ut doctrina uestra, Christi doctrinæ contraria, damnetur, & ab ea  
 reuocati homines, uerū Dei cultum cognoscant atq; sequantur. Iam,  
 quod seditionis & inobedientiæ crimen nobis obijcitis, falsum est, uel  
 ipsorū ordinū Imperij testimonio. Principes enim nostri, & obsequen-  
 tes omnino Cæsari, & ad Imperij conuentus aut ad militiam uocati,  
 præsto semper fuerunt. Si uerò conuiciū hoc eò nobis facitis, quod Cæ-  
 saris edictis, quæ doctrinam nostrā damnant, non obtemperamus: læ-  
 tamur etiam & Deo gratias agimus. ob non præstitam obedientiam.  
 quod enim soli Deo debetur, non est largiendū Cæsari, qui Dei benefi-  
 ciarius esse debet. prouincijs quidem atq; regnis præfecit eum Deus,  
 ecclesiam uerò solus ipse uult regere suo uerbo, nec in istius honoris so-  
 cietatem ullū admittit. Quod agat, satis habet superq; Cæsar, admi-  
 nistrationem uidelicet reipublicæ, nimirū, hoc ei præscripsit officium  
 Deus, & hos ueluti limites posuit. quod si autē ille tēdat ulterius, iam  
 in Dei iurisdictionē inuadit. Scripserat inter alia Brunswicensis Hen-  
 ricus in suis inuectiuis, Lutherum excitasse tragediam hanc religio-  
 nis, impulsu Friderici principis, qui Magdeburgensem episcopatum  
 inuidisset Alberto Moguntino. Lutherus igitur ad hoc respondens.  
 hanc, ait, calumniam Henrico suggestit Moguntinus, & quia scire  
 dissimulat quod optimè nouit, causam & originem huius motus ex-  
 ponam. Anno salutis decimo septimo supra millesimum quingentesi-  
 mum, Ioannes Tecelius Dominicanus indulgentias circumferebat ue-  
 nales per Germaniam, hunc uerò Tecelium Cæsar Maximilianus a-  
 liquando damnauerat capitis, et Oeniponte iusserat in flumen præci-  
 pitari, sed Friderici ducis intercessione, qui tum ijs fortè locus erat, pe-  
 riculum euasit. Is inquam inter alia docebat, se tantam habere potesta-  
 tem à pontifice, ut etiam si quis uirginem matrem uitiaisset ac graui-  
 dam fecisset, cōdonare crimen ipse posset, interuentu pecuniæ: deinde,  
 non modò iam cōmissa, uerum etiam futura peccata condonabat, neq;  
 multo post, exijt libellus cū insignibus Alberti episcopi, quo mandaba-  
 tur quæstoribus, ut uim indulgentiarū populo diligentissimè cōmen-  
 darent.

Origine  
 stituti e-  
 uangelij.

54 darent, itaq; cognitum fuit, Tecelium esse ad eiusmodi declamationes  
 ab Alberto conductum. Nam Moguntiae creatus nuper erat archiepi-  
 scopus, Albertus, ea lege, ut suo sumptu Romae palliū redimeret. Tres  
 enim eius urbis episcopi, non ita longo decesserant temporis interval-  
 lo, Bertoldus, Iacobus, Vriellus, & graue tum erat collegio, tantos sa-  
 cere sumptus, & toties. pallium enim illud constare dicitur triginta  
 ferè millibus aureorū, antequam domum perfertur. tanti scilicet no-  
 uit pontifex uendere suum linum: pecuniam hanc autem mercatores  
 Augustani dependerant: ut igitur solueret eis Albertus, ratione hanc  
 questus excogitauit, eamque pontifex ei permisit, sic tamen, ut dimi-  
 dium perferretur Romam, ad extructionem basilicæ diui Petri. Sed  
 hæc omnia tum temporis ignorabam: itaq; scripsi Moguntino demis-  
 se admodū hortatus, ut præcones illos cohiberet: ipse uerò nihil quic-  
 quam respondit Brandeburgicus etiam interpellatus episcopus, mo-  
 nebat, ut desisterem, neque periculum mihi crearem ipse. Post, emisi  
 themata quædam, Tecelianis contraria, quæ paucos intra dies Ger-  
 maniam omnem percurrerant, & auidè legebantur à p̄terisq;: nam  
 communis erat omnium querimonia de indulgentijs, maxime uerò  
 de ijs quæ Tecelius docebat. Et quoniam ex episcopis nemo erat, neq;  
 ex doctoribus etiam qui resisteret, eò quòd Tecelius metum atq; terro-  
 rem pontificij fulminis adferebat, coeptum est nomen meum celebra-  
 ri, tandem uidelicet inuentum esse aliquem in orbe terrarum, qui sese  
 opponeret: sed ea gloriola mihi sanè minus erat grata, nec enim satis  
 tum intelligebam, quid sibi uellet indulgentiarum nomen. Hæc est ori-  
 go prima causaq; motus, quem non Fridericus princeps, uerum Mo-  
 guntinus per suum emissarium & peculatorem Tecelium excitauit:  
 quapropter, si quid est, quod nunc ipsum mordeat, sibi totum hoc as-  
 cribat. Alteram turbæ causam dedit sanctissimus pater, Leo decimus,  
 cum me deuoueret atq; proscriberet, & multi passim de me triumphare  
 uellent, nec esset quisquam tam indoctus, qui nō in meū caput atq;  
 famam, stylum acueret. Ego certè principio fore putabam, ut me pon-  
 tifex absolueret, Teceliū uerò condemnaret, eò quòd ius pontificium  
 pro me faceret, quod clarè docet, indulgētijs animas è purgatorio nō  
 liberari: sed ecce, dum sententiā ex urbe lætam expecto, fulmine per-  
 cutior, & uelut omnium hominum maxime nefarius, damnor. Ibi

Pallium  
 archiepi-  
 scopale.



tum coepi mea defendere, multis editis libris, ita quidem, ut ad Imper- 1 5 4  
 rij comitia res deinde fuerit introducta. Sic ad eò latus causam præbuit  
 filum lineum, unde pallium constat, & illud quidem ita nunc est con-  
 densatum, ac tale robur assumpsit, ut ab eo periculum sit pontifici, ne  
 stranguletur. Quod cum ita sit, sibi culpam attribuunt ipsi, qui tam  
 impudenter & immodestè rem egerint: ego quidem in sinum rideo.  
 nam perculit eos qui cælum inhabitat, neque tantam uoluit grassari  
 diutius impietatem, et populum suum è tenebris illis Aegyptijs in cla-  
 rissimam lucem ac solis aspectum iucundissimum eduxit. Atqui, pal-  
 lium istud, de quo semel & iterum est facta mentio, tribuitur tantum  
 archiepiscopis, & singulari quodam beneficio, paucis aliquot episco-  
 pis, ac in his Bambergenſi, Germano. Sic autem conficitur, ut ipſorū  
 habet ceremonia. In die Agnetis uirginis, qui est Ianuarij dies xxi. in  
 templo diuæ Agnetis Romæ, cum in Miſſa imploratur agnus Dei, ſu-  
 per altare ponuntur agni duo candidi, poſtea traduntur baſilicæ diui  
 Petri ſubdiaconis: hi mutant illos in paſcua, ſuoq; tempore tondent,  
 ex eâque lana, permixta reliquæ lanæ, cum in ſilum diducta fuerit,  
 parantur pallia. latitudine ſunt ad treis digitos, ab humeris propen-  
 dent in pectus atque renes: ad extremum ſunt laminae plumbeæ tenu-  
 es, eiſdem latitudinis: ad hunc modum contexta deferuntur ad cor-  
 pora diui Petri atq; Pauli, ac certis ibi precibus expeditis, relinquun-  
 tur per noctem unam: altera die ſubdiaconi recipiunt, & honeſto lo-  
 co diligenter aſſeruant, donec qui opus habet archiepiscopus, aut eiſ  
 procurator, ſibi dari petit. Traditur autem multis cum ceremonijs,  
 & deferentibus mandatur, ne ſuper noctem unam, ſi modò fieri poſ-  
 ſit, in eodem loco ſubſiſtant aut commorentur. Hanc ad eò nec opero-  
 ſam neque ſanè precioſam mercem archiepiscopi maxima ui pecunie  
 redimunt à pontifice. Neq; uerò licet antecęſſoris uti pallio, ſed quiſ-  
 que ſibi tenetur illud Romæ comparare: deinde, qui fortè uel permu-  
 tatione, uel quauis alia ratione ſit alterius eccleſiæ patriarcha ſeu me-  
 tropolitanus, licet antea ſibi parauit illud, neceſſe tamen habet, ut ite-  
 rum emat. De hoc genus expilationibus permagna ſepe fuerunt in  
 omnibus populis querimoniæ, ſicut libro quarto dictum eſt, inprimis  
 uero per Germaniam: & quum anno ſalutis M. D. XVIII Leo pon-  
 tifex, in comitijs Auguſtæ, per Cardinalem Caietanum hortaretur

154 Maximilianum atque principes ad bellum Turcicum, & id agere, ut omnes ordines contribuerent, & ecclesiastici quidem decumas, responsum ei fuit, ut ab ordine sacerdotum illud impetretur, uix posse sperari: nam curiæ Romanæ uarijs ac subinde nouis artificijs, illorum facultates atq; iura uehementer impediri: populum uero, si quid impeteretur, clamare, toties iam hoc nomine datam esse pecuniam, & de mirari, quomodo sit profusa, quouē census ille peruenerit, ē solis annatis per Germaniam collectus. Diximus antea de uarijs incendijs, per Saxoniam excitatis: ē maleficis autem deprehēsi complures atq; capti, diuersis locis, habita quæstione, pleriq; testificabantur ad extremum usq; spiritū, à præfectis & familiaribus Henrici Brunswicensis, accepta pecunia, se fuisse conductos atq; summissos, ut id facerent. Hoc igitur nomine, sed & alijs de rebus, Lantgrauius & legati Saxonicæ, Ratisbonæ, Brunswicensem apud Cæsarem accusant, & quid incendiarij singuli profiterentur, scripto comprehensum exhibent. His coniunxerat se Gulielmus Brunswicensis, qui & ipse fratrem germanum Henricum, à quo multis annis fuerat detentus in carcere, gratis

Cæsaris  
actio Ra-  
tisbonæ.

ter accusabat. Cū iam pleriq; conuenissent omnes, inchoatur actio, die quinta mensis Aprilis, & nomine Cæsaris de more proponitur. Ipsi constare, quātum interuenerit semper studium suum atq; labor, ut respublica bene constitueretur: cū autem ex dissidio religionis maximam imperij fieri diuulsionem, & per hanc occasionem in nostrā propē uiscera iam penetrasse Turcam animaduertaret, maximum animo se concepisse dolorem, & multis nunc annis, de ipsorum quēdam uoluntate, rationem tentasse pacificationis, & longē commodissimam semper esse uisam omnibus, concilij publici medicinam: hoc etiam in postremis Ratisbonæ comitijs ita placuisse: sed cū per id ipsum tempus in Vngariam & in Austriam deinde Turca totis uiribus irrueret, Germaniā deinceps adoriturus, exercitū illi sese tum suum tum Ferdinandi fratris & Imperij totius opposuisse: nec id modō, sed & classem non mediocrē in illū tunc emisisse, quæ uersus Constantinopolim prouecta longius, aditus illi quosdam & oppida & arces ademerit, ut sic illius refringeretur impetus: ubi uerō pedem ille retulit, domum reuersus, in Italiam sese profectum egisse magna diligentia cum Clemente pontifice, de concilio, & Italiam pacasse, ne quid esset



esset impedimenti: post, in Hispaniam redisse, quò constitutis etiam ibi rebus necessarijs, interesset ipse concilio: cur autem non successerit de concilio, quod anno post inchoandum pontifex promiserat, non ipsos latere, sua quidem opinione: quia uerò non multò post, legatum suum Barbarossam, in Africam Turcamisisset. Tunetano rege prostigato, se, depellendi publici periculi causa, in Africam traiecisse, Deiq; beneficio parta uictoria, totis illū finibus expulisse: post, in Siciliam, et Neapolim, inde quoq; Romam uenisse, et cum Paulo tertio pontifice de concilio tractasse. qui quidem totus huc inclinari: tunc nimirum sui fuisse propositi, propius ad Germaniam accedere, procurrende reipublicæ causa, uerum illo ipso tempore, affini suo et Imperij beneficiario Sabaudie principi bellum fuisse factum, et magnam ditionis partem armis ablatam: idèoque se, tanquam ex officio, defensionem illius tunc suscepisse: cumq; bellum istud ad bysmem usq; duceretur, neq; concilij spes magna superesset, in Hispaniam sese reuersum, aliquot ad pacem idoneas conditiones proposuisse: post in Liguriam reuertisse, quò pontifex etiam atq; Gallie rex accesserit: atq; ibi factis inducijs, cum classe profectum ad Aquas Mortuas, collocutum esse cum Gallie rege, sicut etiam antiè cum pontifice, de sananda reipublica, deq; bello Turcico: cum autem in Hispaniam inde redisset, diu multumq; de pacanda religione, deque impedimentis concilij cogitasse, ac deinde cum per Itatiam constituisset in Germaniam redire, sollicitatum atq; rogatum à rege, per Galliam iter fecisse, confirmande prorsus amicitie causa: uenisse post in Belgium, atq; ibi statum regionis offendisse turbulentum, cui tamèn incommodo medicinam ipse adhibuerit: et quanquam sibi tum per occupationes non liceret in Germaniam proficisci, conuentum tamen ad Haganoam indixisse, cui Ferdinandus frater interfuerit: quid autem in eo congressu, post etiam Vuormacia sit effectum, in recenti omnium esse memoria: et hæc quidem eò sese commemorare, quò suum erga rempublicam studium atque uoluntatem perspiciant, et causas etiam, cur citius in Germaniam nò uenerit, intelligant: quanto autem labore et molestia, quantisq; sumptibus, Imperij tutela sibi constet, id suo tēpore ita se demonstraturum, ut omnes uideant, Germaniæ salute nihil sibi quicquam esse charius: quantas etiā faciat impēsas quotidianas in classem,

1541 ad reprimendum arma Turcarum, uolle iam se commemorare: uenisse autem, & festinanter quidem, ad hæc comitia, tametsi ualetudine & nonnullis alijs rebus impediretur: adhuc, sollicitasse pontificem, ut iuxta decretum Haganoicum, legatum huc mitteret, & uenisse quidem ab illo Casparum Contarenum cardinalem, magnæ uirtutis uirum, & pacis amantem: cum ergo religionis consütudine causa potissimum sit hic indictus conuentus, & adhuc quidem indefinita res permanserit, & magnum subsit periculum, nisi pacificetur, ideò cupere se maiorem in modum, ut conciliatio fiat: quicquid eò possit ipse conferre, libenter esse facturum: idem quoq; studium ab ipsis expectare: quamobrem petere atq; flagitare, ut de ratione componendæ controuersie, & quomodo sit agendū, deliberent: & quò uideant, quantum opere concordiam amet, sui esse consilij, si modò nullam ipsi uiam expeditiorem habeant, ut ex omni numero pauci quidam iuxta boni et docti pacisq; cupidi, homines Germani, deligantur, qui de rebus controuersis amicè conferant, & quemadmodum conciliari possit, ad se suosq; ordines referant, ut inter ipsos deinde re deliberata, & cum legato pontificio communicata, decerni possit: hanc enim rationem & Augustæ quondam, & nuper etiam Vuormaciæ uisam fuisse commodißimam, sic tamen, ne quid Augustano decreto decedat: Ad ea protestantes, Aprilis die nono respondent, & ipsius collaudata uirtute, colloquium Vuormaciense continuari petunt, quod illinc huc translatum sit: quòd autem nunc deligendos esse quosdam dicat, ad hoc se responsuros aiunt, ubi de personis ex ipso cognouerint. Ceteri uerò principes ac ordines, dato responso die Aprilis duodecimo, consilium illius per omnia probant, & inprimis illud cauent, ut integra sit Augustani decreti authoritas. posthæc Cæsar ab utrisque petit, inprimis autem à protestantibus, ut deligendi personas facultatem sibi permittant, in eoq; sibi confidant, qui nihil sit factururus, quòd non ad patriæ salutem pertineat. Id cum obtinisset, Aprilis die decimo tertio, per Fridericū Palatinum principem ad colloquium designat Iuliu Pflugium, Ioannem Eccium, Ioannem Gropperum, Philippum Melancthonem, Martinum Bucerum, Ioannem Pistorium, ut dogmata controuersa tractent, & post ad se principesq; referant. Vigesimo secundo deinde Aprilis die, uocat eos ad se, multisq; uerbis grauitè monet,

ut

Delecti  
ad con-  
cilium.



ut in huius causæ tractatione nihil tribuant affectibus, uerum ad gloriam Dei solum respiciant. Illi uerè cundè sese excusant, & ut alij magis idonei constituantur, petunt omnes, præter Eccium: is enim paratū sese dicebat & instructum: sed cū Cæsar urgeret, accipiunt illi conditionem, & simul orant, ut quosdam adiungat, qui partim actioni præsideant, partim, ut testes, & auscultatores, adsint. Itaq; Fridericum Palatinum & Granuellanum præsidere iubet: Theodorum uerò Comitem Manderschlittum, Eberhartum Rudenium, Henricum Hafsium, Franciscum Burcartum, Ioannem Figium, Iacobum Stürmum; testimonij causa uoluit adesse. Cū autem Aprilis die xxvij. conuissent omnes, Fridericus Palatinus uerba facit, & collocutores monet, ut seriò rem aggrediantur & amicè conferant: Granuellanus deinde librum descriptum illis exhibet, quem Cæsari dicebat esse traditum à quibusdam uiris bonis atque doctis, uelut idoneum ad futuram conciliationem: uelle itaq; Cæsarem, quo uidelicet legitimum argumentum habeant, ac ueluti agendi materiam, ut eum librum pariter euoluant & expendant, & quod in eo simul omnibus probabitur, laudent, quod uerò minus, id corrigant. Liber iste doctrinæ capita hæc continebat. de creatione hominis, & ante lapsum, naturæ integritatè, de libero arbitrio, de causa peccati, de originali peccato, de iustificatione hominis, de ecclesia & illius signis & autoritate, de nota uerbi, de poenitentia post lapsum, de autoritatè ecclesiæ in discernenda & interpretanda scriptura, de sacramentis, de ordine, baptismo, confirmatione, coena domini, poenitentia & absolutione, matrimonio, unctione. de uinculo charitatis, de ecclesiæ ordine hierarchico, & in constituenda politia, autoritate, de statutis, de missa, de administratione sacramentorum, de disciplina ecclesiæ, ministrorum, & populi. Maio mense, protestantium ordines, ad Franciæ regem missis Ratissbo  
 naliteris, pro ijs, qui per prouinciam Galliam, ob doctrinæ professionem partim erant in uinculis, partim in exilio, partim in latibulis  
 rummosam uitam agebant, intercedunt. Et quia nonnulli recipiebantur in gratiam, si doctrinam abiurarent, hanc eis conditionem remitti petunt, & quàm graue sit, uulnerare conscientiam, ostendunt. Huic persecutioni causam dedit, in Merindolanos, prouinciæ uicū, anno superioriori lata sententia, præside Bartholomæo Chassaneo iureconsulto.

154. 1 quæ cum esset horrenda supra modum & atrox, ingentem terrorem attulit miseris hominibus: ueruntamen eius executio plena in aliud tempus dilata fuit, & huius anni persecutio, ludus est præ illa, quæ quarto post anno secuta fuit, ut suo loco dicitur. Dum hæc Ratisbo-  
 Cliuensis actio cū Gallo.  
 næ geruntur, Gulielmus princeps Cliuensis, quum implacatum haberet Cæsarem, ob Geldriæ possessionem, sicut diximus, clam in Galliam proficiscitur, & ijs, quos unâ secum esse uoluit, locum atque diem constituit, quò, diuersis uijs profecti ad ipsum tandem uenirent. Quum igitur sub exitum Aprilis Lutetiam parisiensium uenisset, exceptus à regijs ministris, & per Aureliam deductus, Maij die sexta uenit ad regem, qui tum erat Ambosæ, quod est ad Ligerim flumen, in Turonibus oppidum. Is non secus atq; filium parens complexus, illic regi Nauarræ & sorori suæ nunciat, ut adducta filia quàmprimum ad se ueniant. nam erant id temporis in Aquitania. Cum deinde uenissent, coeptum est agi de coniugio: Et quanquam parentes tunc non admodum probabant, licet etiam alienior esset puella, non tam suo quodam iudicio, uel illius contemptu, quàm susurationibus & impulsu quorundam, qui Germaniam, ut agrestem atq; duram, præ Galliæ delitijs & amoenitate summa despiciebant, tamen uicti regis auctoritate, qui sibi percommodam esse iudicabat hanc affinitatem, cesserunt. Itaq; sub idus Iunij mensis peraguntur nuptiæ, rege sponsam è sorore neptem, in templum deducente, Tornonio autem cardinale, missificante. Rex epulum dabat splendidissimum: aderant pontificius, Anglicus, Lusitanus, Venetus, & Saxonicus legati: nam Cæsareus excusauerat. Aliquot post diebus, domum Cliuensis redijt, in Gallijs relictâ coniuge sponsa, quam apud se remanere mater uoluit, donec esset  
 Amiralium restitutus.  
 tempestiua uiro. Prius, quàm in Galliam ueniret Cliuensis, Amiralium, de quo supra diximus, rex liberari, domumq; proficisci, Maio deinde mense iubet ad se uenire, & perhumaniter acceptum pristinae dignitati restituit, & tanquam ab inferis in lucem reuocauit, & nouo prorsus ac inaudito propemodum exemplo, sententiam, à lectissimis latam & summis quidem iudicibus, irritam fecit, partim odio Connestablii, sicut creditur, partim intercessione Stampianæ dominæ, quæ recenti fuit Amiralio coniuncta necessitudine per affinitatem. Connestablius ergò Momorancius, qui & Amiralium non amabat, æqualem suum,



suum, & regem habebat minus propitium, ob transitum Caesaris, ut 1 5 42.  
 antea dictum est, cum alioqui totus iaceret, & despiceretur, domum  
 sese recepit, & incerta conditione priuatam uitam egit, cum totum  
 antea regem solus possedisset.

## LIBER XIII.



VB FINEM APRILIS INCHOA-

tum fuit colloquium, ut suprâ demonstraui-  
 mus autem erat impatiens atq; morosus. nam & librum  
 fastidiebat, & socios collegas minimè probabat, & a-  
 liquantò post in febrim incidit, ita quidem ut interesse  
 non posset: adibant eum tamen socij, deq; rebus omnibus confere-  
 bant. Exhibiti uerò libri loca quædam, de communi consensu per col-  
 loquium fuerunt emendata, de quibusdam conuenire non potuit, de  
 ecclesia eiusq; potestate, de sacramento corporis & sanguinis Christi,  
 de peccatorum enumeratione, de satisfactione, de unitate & ordine  
 ministrorum ecclesiæ, de sanctis, de Missa, de usu integri sacramenti,  
 de coelibatu. Redditus itaq; Cesari fuit liber, sic, ut erat, emendatus,  
 & simul protestantium theologorum sententia, scripta super ijs, quæ  
 iam enumerata sunt, dogmatis controuersis. fuit hoc ultima die Maij.  
 Caesar & studium illorum laudat & gratum habet, & si fortè res de-  
 inceps ita poseat, ut consimilem diligentiam atque uoluntatem ad-  
 ferant, hortatur. Octaua deinde Iunij die, in consessu principum &  
 ordinum refert, quid actum, & quousque facta sit progressio: collo-  
 cutores egisse rem diligenter, & conciliasse multa, nec illa quidem le-  
 uia doctrinæ capita: de cæteris uerò, quæ nondum conciliata sint,  
 protestantium theologos, quid sentiant, aperuisse. Post, utrunq; scri-  
 ptum illis exhibet, & ut quamprimum deliberent, mentemq; suam in  
 utroq; demonstrent, adhæc, ut despiciant, quomodo status reipublicæ  
 tam ciuilis quàm ecclesiasticus emendari debeat, petit: se quidem ni-  
 hil in eo præteriturum, neq; dubitare, quin legatus etiam pontificius  
 eo propendeat. Senatus principum magna sui parte constat ex episco-  
 pis: itaq; uicit eorū numerus, qui & librum à Cesare propositum, &

Acta col-  
 loquij  
 Ratisbo-  
 nensis.

1541 actionem omnem colloquij reiiciebant, eiusq; rei sententia scripto comprehensa fuit, aliquantò durius: cum autem electores & alij nonnulli principes, reipublicæ studiosi, non assentirentur, conceptum fuit aliud scriptum, et altera die Iulij oblatum Cæsari, quem in eo monent, ut tanquam aduocatus atq; defensor ecclesiæ, rem omnem cum legato pontificio communicet, iuxta decretum Haganoicum, illa præsertim capita, de quibus inter collocutores conuenisset: utq; diligenter expendatur, an in ijs aliquid sit, quod uel sententia uel uerbis pugnet cum doctrina sanctorum interpretum, aut etiam cum ecclesiæ consuetudine: deinde, si quid obscurius dictum sit, ut explicetur, utq; suam potestatem, & quid consilij sui sit, ad ordines ipse referat, & cum protestantibus agat, ut in reliquis dogmatis controuersis erudiri sese patiantur, uel si hoc impetrari non possit, ut tum uel publici, uel prouinciæ Germaniæ concilij autoritas interueniat. Erant inter ordines, qui religionis emendationem impedirent: & his quidem impulsoribus factum esse putatur, ut ad legatum pontificium referretur omnis actio. Cæsar ad ea Iulij die septima respondet, putasse futurum, ut suam opinionem aliquantò clarius et copiosius explicarent, præsertim, quum per multos dies liber in ipsorum manibus fuerit: sed quoniam in eo persistant, facturum se quod suaserint, & quæ sit legati pontificij mens de re tota, uelle cognoscere, ne quid negligat uidelicet, quòd quidem sui sit officij. Protestantes etiam, quid ipsi sentiant, exhibito scripto, Cæsari demonstrant, & conciliata dogmata plenius explicant, & quàm non sit difficile, reliqua etiam conciliare, docent, & Augustanæ confessioni sese immorari dicunt. deinde, quod est tertium in postulatis Cæsaris, de politico reipublicæ statu emendando, leges illas ante annum undecimum Augustæ latas, in usum aiunt esse reuocandas: ad sacram uerò politiam quod attinet: eam posse restitui docent, si pure doceatur euangelium: si iuxta leges antiquas deligantur ecclesiarum ministri, de consensu populi: si civilem administrationem episcopi retineant, & quoniam ipsi more iam inueterato neque uolunt neque possunt, alios constituent ad obeundum munus ecclesiasticum, & suis facultatibus alant: si ministris ecclesiæ liberum permittatur coniugium, si turpis illa nudinatio, quæ multiplex est, & à Simone magno nomen habet, omnino tollatur: si facultates distribuuntur, ita ut leges  
iam

Protestan-  
tium scri-  
ptum Cæ-  
sari exhi-  
bitum.



iam olim prodite commonstrant: si puerilis ætas ad pietatem erudiat<sup>r</sup> 5 4  
 tur, & primis annis doctrinæ Christianæ fundamenta percipiat: si ma-  
 nifestè facinorosi pellantur ab ecclesiæ communione, donec ad sanita-  
 tem redeant, in eorū magistratus officium suum faciat, & falsum Dei  
 cultum aboleat, si iudicia fiant ecclesiastica, & ueluti censores consti-  
 tuantur, qui de ministris, de plebe, deq; morbis atq; uitijis quorumq;  
 diligenter inquirent. Cæsar, ut suprâ diximus, cum legato pontificio  
 rem omnem communicat, & ut reipublicæ status, in primis autem ec-  
 clesiæ, reformetur, instat. Legatus ad ea respondet. quandoquidē pro-  
 testantes in dogmatis aliquot à communis ecclesiæ cōsensu discedant,  
 & tamen spes interea sit, futurum, ut in uiam aliquando redeant, sibi  
 post diligentem totius causæ peruestigationem uideri consultum, ne  
 de cæteris rebus omnibus quicquam decernatur amplius, uerū ut ad  
 pontificem omnis referatur actio, qui sanè per concilium publicum  
 uel quamuis aliam rationem tempori accommodatam, si facturus in  
 hac controuersia, quod toti reipublicæ, cum primis autem Germaniæ  
 prosit. Deinde, quò reformationis etiam uideretur cupidus, episco-  
 pos omneis ad se domum euocat, & ita se comparent, hortatur, ne uel  
 minimam suspitionem ullius cupiditatis aut ambitionis præbeant, ut  
 omnem luxum quicquid omnino mali sit exempli, defugiant, ut fa-  
 miliam bene regant, et ad modestiam atq; temperantiam assuefaciant,  
 ut populi sibi commissi curam gerant, & habitent locis frequentiori-  
 bus, & provideant, ne morbus ille, qui iam per Germaniam grassa-  
 tur, sensim obrepat, seseq; insinuet, utq; nascenti fortè malo medici-  
 nam faciant: utile quoq; fore dicit, si, quibus in locis episcopi non ha-  
 bitant ipsi, fideles habeant ibi ministros & emissarios, è quibus omnia  
 cognoscant, & si fortè sathanas alicubi conetur irrumperè, mox illi re-  
 sistant & occurrant: monet etiam, ut suam quisq; prouinciam, sub-  
 inde perlustrent atq; reuisant, belli duces imitati, cum locus aliquis  
 ab hoste circumsidetur aut alio qui premitur: Adhæc, ut cultum diui-  
 num rectè peragant, & beneficia cōferant uiris idoneis: ecclesiæ quo-  
 que facultates in pauperum usus ait esse distribuendas, non in luxum  
 aliquem atq; superfluum & immoderatum splendorem: item præfi-  
 ciendos esse populo docendo uiros bonos atq; doctos, qui & minime  
 sint contentiosi, & aduersarios ita reprehendant, ut non odisse, uerū

Legati  
 pontificij  
 oratio  
 ad episco-  
 pos.

54 salutis ipsorū uideantur esse cupidini: nam illos asperitate nimia criminum fieri multo pertinaciores: operam etiam esse dandam, ut linguis & bonis artibus recte iuuentus erudiatur. qua quidem in re protestantes nihil prætermittant diligentiae. nam in hoc esse totos, ut suis in gymnasijs uiri doceant eruditione præstantes, atq; ita fieri, ut adulescentes pleriq; omnes ad ipsos concurrant, imprimis autem genere nobiles, qui cum literis unā religionem etiam illorum imbibant, eaq; corrupti ceteros deinde contagione sua lædant atq; contaminent. Instituendos igitur esse ludos literarum, & honestis præmijs inuitandos doctores bene de religione sentientes: episcoporum etiam esse, comonere facere parentes, ne suos liberos discendi gratia mittant illuc, ubi periculum sit ab impia doctrina: nimirum hæc esse, quæ sibi pontifex dederit in mandatis, ut ipsis explicaret. Hanc orationem postea scripto comprehensam petentibus episcopis dedit, atque etiam Cæsari. qui duodecimo deinde Iulij die refert ad omnes ordines, & quid ille responderit, exponit. Et quia nihil amplius hoc in comitio statui posse de religione uideatur, deinde, quia Turca maximos iam terra mariq; faciat apparatus, ut rempublicam Christianam inuadat, sibi necesse uideri cum primis, ut ad exitum actio ducatur, & de religione deq; pace & subitarijs atq; continujs auxilijs in Turcam decreta fiant: optasse quidem, ut de his omnibus consilium suum patefacerent: cum uero nihil adhuc responderint, neque tamen res longiorem moram ferat, & defensione sit interim opus aduersus Turcarum impetus, hanc sibi rationem, ut idoneam summæ deliberationis, in mentem uenisse, quam ad ipsos referat: itaq; rogare, putent ne esse consultum, ut ea, de quibus inter collocutores conuenit, recipiantur adusq; generale concilium, aut alterum Imperij conuentum, quò uidelicet conuersa religionis, propter quam tot nunc annis tantopere sudatum est, aliqua sui parte minuatur, & reliqua nondum conciliata, deinceps eo facilius tractentur? nam ad pontificem rectè se profecturum esse, quò certò cognoscat, quid sperandum sit, ac deinde quàm primum licebit, in Germaniam esse rediturum, ut rempublicam curet: & hæc quidem omnia sic accipi oportere, nequid interim decreto deeedat Augustano. Theologi protestantes, ubi Contareni scripta duo, quæ suprà recitauimus, legerunt, de communi consilio respondent, & iniuriam



iuriam sibi fieri docent, & propter eruditionem hominis longè meli-  
 ora sibi de illo promississe dicunt: quòd etiam ad animaduersionē atq;  
 sēuitiam principes hortetur, ualde in ipso reprehendunt, nec esse de-  
 monstrant, quod putet futurū, ut quos nunc damnant errores, unquā  
 ipsi probēt, aut ad ecclesiam illam, quæ tam manifesta uitia defendit,  
 aliquando reuertantur. Contare nus interea, cum responsum illud su-  
 um de quo dictum est, audiret accipi nō uno modo, suasu quorundam  
 tertium scriptum mittit ad ordines, & ut dogmata quædam pro con-  
 ciliatis recipiantur, & ad concilium usq; tolerentur, minimè se assen-  
 tiri, sed ad summum pontificem omnia promiscuè referre dicit. Postri-  
 die idus Iulij, principes electores, ad illud, de quo Cæsar consuluit, re-  
 spondent, & ut quæ conciliata sunt, ad concilij tempus usq; recipian-  
 tur, placere sibi dicunt. nam hoc & ad uitandam deinceps maiorem  
 offensionem, & ad ampliorem conciliationē in primis conferre: quòd  
 si etiam spes aliqua sit, reliqua posse iam hoc in comitio conciliari, pe-  
 tunt, ut in eo sese beneuolū exhibeat: si uerò temporis ratio non ferat,  
 ut tum, quod ultrò quidem iam promiserit, agat cum pontifice, cæte-  
 risq; regibus, ut in Germania, loco idoneo, quàmprimum inchoetur  
 publicum, aut pontificis permissu cogatur nationis concilium, eoq;  
 suum ille mittat legatum: & si ne hoc quidem impetrari possit, quod  
 minimè sperent, ut in Germaniam ipse redeat, eamq; fidem, quam  
 hucusq; præstitit, in posterum quòq; patriæ declaret, & pacem consti-  
 tuat. Protestantes uerò Cæsarem orant, ut definita iam doctrinæ capi-  
 ta sanciat & doceri iubeat: sic enim magis atq; magis patefactum iri  
 ueritatem, & hunc uelut aditum esse futurum ad sanandos ecclesiæ  
 morbos: decretum etiam Augustanum, uelut ad concordiam inuti-  
 le tollat & aboleat, aut saltem in suspensio relinquat: de concilio quid  
 sentiant, & cuiusmodi esse debeat, & quomodo iudicandi potestatem  
 neque pontifici nec ipsius clientele tribuant, demonstrasse iam pri-  
 dem, & in ea sese permanere sententia: quòd si forte concilium eius-  
 modi non possit cogi, & conuentus aliquis ordinum, ipsius manda-  
 tu, per Germaniam fiat, in eo se doctrinam suam explicaturos esse.  
 Cæteri postea principes, in quibus facillè primum locum obtinebant  
 episcopi, & his adiuncti Bauari fratres, & Henricus Brunswicen-  
 sis, quid ipsorum sit consilij, Cæsari separatim ostendunt. nimirum,

1541  
ad Cæsa-  
renum re-  
sponso.

Electorū  
ad Cæsa-  
rem re-  
sponso.

Protestā-  
tium re-  
sponso.

Pontifi-  
ciorum  
Principū  
sententia.

154. adeo multa uitia, sectas, hereses atq; dissidia, non modò per Germaniam, sed alijs etiam in locis, & propè per totum orbem Christianum inundasse, ut nisi per concilium tolli uel emendari non possint: ut autem iam ulla fiat mutatio religionis atq; rituum, qui tot seculis ualuerunt, aut olim instituti sunt, non sibi licere assentiri, præsertim, cum & per legatum suum pontifex concilium promittat, & ipse quoq; sit coràm sollicitaturus pontificem: orare autem uehementer, ut in eam curam pontifex incumbat, quò tandem extirpatis erroribus, ira Dei mitigetur, & hominum saluti consulatur: quòd si generale non possit obtineri, ad nationis, aut ordinum Imperij conuentum esse confugiendum: se uerò constituisse, insistere ueteri religioni, concilijs, doctrine patrum, inde ab apostolis ad hanc ætatem usq; deductæ, mandatis etiam atq; decretis Imperij, præcipuè autem Augustano: sperare quod futurum, ut illi, qui decretum Augustæ factum laudarunt, minime ab illo discedant, præsertim, cum & nuper Haganoë conuenerit, deliberandum esse de defensione, si quid contrà fieret, & ipse quoque semper illud ab omnibus actionibus exceperit: ut autem conciliata dogmata recipiantur ad tempus, non sibi probari, nam ex ijs quedam esse superflua, neque controuersa, primum uidelicet, secundum atque tertium, & illud, de peccato originis, Vuormaciæ tractatum esse diuerso modo: deinde, rem ipsam postulare, ut nouum instituat colloquium: nam in scriptis usurpata quedam esse uerba, præter communem usum ecclesiæ atque patrum, sententias etiam esse quasdam admixtas, quæ mitigari debeant atq; corrigi: postremo, quæ conciliata sunt, esse non ita magni momenti: sed quia de præcipuis rebus non conuenerit, de cœna domini, de sacri panis adoratione, de transubstantiatione, de missa, de coniugio sacerdotum, de utraque sacramenti specie, de confessione, pœnitentia, satisfactione, & id genus alijs, eaq; sic protestantes oppugnent, ut concordiæ spes nulla sit. ad hæc, quia collocutores catholici paulò sint progressi longius, & ipso- rum sententiæ censura quadà opus habeant: deinde, quoniam ad pontificis, ad ipsius et reliquorum ordinum contemptum istud pertineat, his de causis uideri sibi consultissimum, ut actio tota religionis ad concilium differatur, præsertim, cum legatus pontificius idem sentiat. Reliquæ ciuitates, quæ non erant de numero protestantium, Colonia,

Metia,



Metia, Spira, Vuormacia, Tullum, Haganog, Ratishona, Schuinsur-  
 tum, Colmaria, Gemunda, Roteburgum & alie multe, cum excluderentur à deliberatione, neq; principes illis exemplum responsi cõmunicarent, queruntur ad Cæsarem ea de re, sicut antea non semel, & ne suo in iure impediatur, orant, & quò minus conciliata recipiantur, ex ipsis pleræq; non recusant. Cæsar, auditis omnium sententijs, iterum proponit, & ordine cõmemoratis omnibus, quia definiri causa tota non possit, & uerò præsens immineat à Turca periculum nõ uno loco, multumq; iam tempus elapsum sit, actionem ad concilium uelle se referre dicit: de quo & legatus pontificius indubitata spem sibi fecerit, & ipse quoq; sit pontificem interpellaturus: reditum quoq; suum in Germaniam pollicetur, & à protestantibus petit, ut interim nihil tentent præter ea, quæ sint à theologis cõciliata. deinde monet episcopos & procures ecclesiasticos, ut rationes ineant, quibus ecclesiam quisq; suam reformet, quò uidelicet aditus fiat ad publicam emendationem. Hanc Cæsaris mentem laudant pleriq; omnes, & ut episcopi suas emendent ecclesias atq; repurgent, legatum quoq; pontificium ipsis debere grauitè ac seriò mandare, censent. Protestantes autem, ad conciliata & ad reliqua omnia quod attinet, in eo se facturos, quod sui sit officij, dicunt, & ut cæteris principibus liberum sit, conciliata dogmata suis in ecclesijs proponere, petunt. Quemadmodum Eccius & librum exhibitum à Cæsare, & collocutores etiam fastidiret, supra diximus: cum ergo post colloquium liber esset redditus Cæsari, sicut docuimus, & in concilio principum res disceptaretur, ille, febri detentus, epistolam mittit ad principes, in hanc sententiam. sibi nunquam placuisse librum illum insulsum, in quo tam multos deprehendisset errores: itaq; non esse recipiendum: nam omissa patrum & ecclesie consuetudine, Melanchthonis in eo uestigia modumq; loquendi passim animaduerti: deinde, non sibi uisum esse dicit librum, à collegis emendatum, & postea Cæsari redditum, sed dogmata quædam Lutheranorum sibi decumbenti fuisse tantum recitata: multò minus approbasse scriptum illud, quod Cæsari sit oblatum unà cum libro, nec enim illud unquã uidisse. Eo cognito, Iulius Pflugius et Ioannes Gropperus, qui suam ad existimationem hoc pertinere iudicabāt, colloquij præsides & auscultatores orant, uelut totius actionis testes, ut hono-

Reformatio Ecclesiasticis iniuncta.

Eccij epistola ad Principes.

54 rem suum aduersus Eccij calumnias defendant. Hi de re tota Casarem docent. qui deinde publico scripto præclarum & honorificum utrique testimonium dat, & quod uiros bonos deceat, fecisse dicit. Antea diximus, religionis causam esse reiectam ad generale uel prouinciæ

Contare  
ni episto  
la ad or  
dines.

Germaniæ concilium: Contarenius autem ubi cognouit, xxvi. Iulij die mittit epistolam ad omneis ordines, & illud posterius induci petit & obliterari: nam religionis controuersiam per eiusmodi concilia non debere definiri, & ad uniuersam ecclesiam istud pertinere: quicquid etiam ab uno aliquo populo priuatim in eiusmodi rebus decernitur, nullius esse momenti: rem ergò facturos esse ualde gratam pontifici, qui sit ecclesiæ caput & conciliorum, si quidem illud omittant: permolestum autem ei futurum, atque graue, nisi morem gerant: etenim multò maiores offensiones ex eo nascituras esse tum in alijs prouincijs, tum in Germania præsertim: & hoc quidē esse, de quo uelit ipsos admonere & mandatu pontificis, & pro sui quoq; muneris ratione. Principes eodem die respondent, ut ne quid offensionis atq; turbæ nascatur, pontificem posse cauere, si concilium indicat, tot nunc annis promissum: quod si fortè non coëat, & primo quidem tempore, iam cum esse Germaniæ statum, ut omninò sit opus aliam rationem inire sanandæ reipublicæ, quæ sanè in hoc nimium inueterato iam dissidio, salua diutius esse non possit: itaq; rogare plurimum, ut remediū pontifex adhibeat, & ipse quoq; pro suo candore & prudentia rem adiunget. Theologi quoq; protestantes illas Contareni literas atq; rationes prolixo scripto refutant, & ad singulas prouincias pertinere de-

Decretū  
conuen  
sus Ra  
tisbo  
nensis.

monstrant, instituire uerum Dei cultum atq; religionem. His rebus actis, Cæsar decretum facit. & recitari iubet Iulij die uigesimo octauo. Colloquium doctorum & actionem omnem refert ad concilium, ad conuentum uel Germaniæ totius, uel ordinum Imperij: sua in promotione per Italiam, de cōcilio promittit acturū se diligenter cum pontifice: & si neq; generale, neq; prouinciale possit obtineri, conuentum Imperij se denunciaturum aut intra xvij. mensem, religionis componendæ causa, & daturum operam, ut eo quoq; pontifex legatum aliquē mittat: protestantibus mandat, ne quid præter conciliata dogmata noui suscipiant, episcopis autem, ut suas ecclesias à uitijs repurgēt. Erant in decreto, capita quædam alia, de nō diruendis monachorum templis,



templis, de non interuertendis bonis sacris, de non solicitandis alijs. ad diuersam religionem, de iurisdictione & personis Cameræ: cum autē protestantes ea minus probarent, Cæsar eis priuato quodam scripto, quid suæ mentis esset in eo, separatim declarat. in dogmatis nondum conciliatis nullum se modum ipsis præscribere: monachorum collegia non diruenda quidem, sed tamen illos ad piam emendationem esse reuocandos: ecclesiasticis utrobique prouentus cuique suos annuos esse permittendos, non habita ratione diuersæ religionis: neminē alterius ditionis ad ipsorum religionem oportere pellici, multò minus hoc nomine defendi, sed tamen licere, ut recipiant, si quis ultrò uelit ad ipsos transire: præterea, decretum Augustanum, quod ad religionem pertinet, & lites omneis, de quibus ambigitur, an sint religionis, nec ne, sed & proscriptiones, nominatim uerò Goslariensem, publicæ quietis causa, donec aliquo uel concilio uel conuentu res cognoscatur, suspen- dit, & à Camera neminem repudiari propter diuersam religionem, & æquabile ius omnibus reddi iubet. Cum sic ipsis cautum esset lite- ris atq; signo Cæsaris, auxilia promittunt aduersus Turcam, de cuius aduentu iam indies magis atq; magis percrebuit, & aderant tum Vn- gari tum Austriaci legati, qui magnis precibus opem implorabant. Ita q; subitarium auxilium Germanorum mittitur in Vngariam, du- ctore Friderico Furstembergio. Hoc in conuentu, Cæsar, in omnium ordinum confessu, tertia Iulij die grauem habet querimoniam de Gy- lielmo principe Cliuensi, propter occupatam Geldriam, simul librum eis exhibet, quo suum ius in eam prouinciam docet, & illū quidē huc ab se uocatū, sed longē diuersum iter ingressum dicit, tacitē designans Galliam, ut antē diximus. Aderant legati Cliuenses, qui principē ex- cusabant, & cum in suo iure explicando pergerent, Cæsar cōsurgit & abit. Iulij die xxi. principes ac ordines omnes ad Cæsarem ueniunt, & pro Cliuensi deprecantur, & ut eum in Imperij tutelam accipiat, & amicæ tractationi litem permittat, petunt, in eoq; suam operam profitentur, & si fortē cōponi nō possit, ut iure suū repetat, obtestan- tur. Cæsar ad ea per Ioannem Nauium, quum sit hic indictus conuen- tus reipublicæ causa, quò sublatis nimirum dissidijs, Germaniæ pax restituatur, in eoq; plurimum sit consumptum temporis, neq; statui ta- men aliquid possit, ob animorum diuulsionē magna quidem sua cum

Cæsaris  
querimo-  
nia in  
Cliuen-  
sem.

154 molestia, neq; sine dispendio rerum suarum: ualde sibi mirum uideri  
 dicit, quod in hac una causa, quæ propriè sua sit, ita consentiant. Sic  
 illos dimittit, nō sine offensione. Postridie, Galliæ regis legatus, Ray-  
 mundus, oratione prolixa, de scripto recitat causam eliminati Sabau-  
 diæ principis, Caroli, qui superioribus aliquot diebus, ad Cæsarem et  
 ordines, regem accusauerat. Galliæ rex, hoc durante conuentu, Cæsa-  
 rem Fregosum Genuatem, Antonium Rinconem Hispanum, exulem,  
 mittit ad Turcarum Imperatorem: hi cū Padum nauigarent, ituri  
 Venetias, capti sunt & trucidati, sub calendas Iunij mensis. Erat tum  
 in Pedementio, regis legatus, Gulielmus Bellaius Langeus, qui cer-  
 tior ea de re factus, ut erat miræ sagacitatis & industriæ, continuo re-  
 gi nunciat, & simul Alfonso Daualo Marchioni, Cæsaris per Insu-  
 briam præfecto, quinta Iulij die, Taurino scribit, det operā, ut capti-  
 ui regis legati restituantur, quos ab ipsius hominibus interceptos esse  
 constaret: nam aliò qui pactas ante triennium inducias intercessione  
 pontificis, hoc ipso uiolatum iri. Petebat autem eos restitui, quod ini-  
 tio uel nesciret uel scire se dissimularet, quid illis accidisset. Marchio  
 suspicionem omnem ab se longissimè remouet, tanquam ignarus om-  
 nium rerum, & purgandi sui causa legatum mittit ad regem Comi-  
 tem Franciscū Ladronium. Langeus in epistola, quam xi. Iulij die da-  
 bat ad Alonsū, equidem in totius orbis concilio non dubitarem, in-  
 quit, loqui de rebus diuinis, et herclè non minus aptè, quàm tuus olim  
 propinquus atq; gentilis, Thomas Aquinas, modò rei theologicæ tan-  
 tum scirem, quātum de facta cæde familiares tui quidam sciunt. Nam  
 Alonsi paternus auus, Indicus, Rodorico patre natus Hispano, prædi-  
 uitem quandam ex Aquinatum familia duxit in matrimonium. Erat  
 autem Alonsus, Ferdinandi Dauali Piscarij, præstantissimi ducis, pa-  
 truelis. Rex, xx. Iulij die, Limerij, oppido Biturigum, respondet Alon-  
 so per literas, & ut honoris atq; famæ rationem habeat, monet, & in-  
 iuriam suorum, nisi restituantur, non se posse negligere, demonstrat.  
 Multis inter Langæum & Marchionem literis Gallicis, magna celeri-  
 tate transmissis ultrò citroq; nihil est actum præterea, cū Daualus à  
 diligenti peruestigatione, nihil se potuisse reperire diceret, in eoque  
 permaneret. Per legatum quoque suum Ratisbonæ rex ad Cæsarem  
 queritur, cumq; non ferret quale uoluit responsum, satis præ se tulit,  
 bel=



bellum ex eo nasciturum esse. Fortè ueniebat tum ex Hispanijs Geor-  
gius Austriacus, Maximiliani Caesaris filius nothus, archiepiscopus  
Valentinus, in Belgium rediturus: is Lugduni comprehensus, in car-  
cerem abducitur, uindicandi Rinconis & Fregosi causa. His ferè die-  
bus, Antonij Lotharingiæ principis filius Franciscus, in matrimoniũ  
ducit Danie regis Christierni filiam Christinam, uiduam. Tulit hoc  
molestè Gallia rex, eoq; magis, quòd anno superiori filia Lotharingi  
nupserat Auracæ principi Renato, qui totus à Cæsare pèdebat. Quo  
tempore Caesar conuentus agebat Ratisbonæ, Ferdinandus rex Budæ  
obsidet & oppugnat, in qua tum erat Vayuodæ Ioannis uxor uidua  
cum filiolo Stephano. Tutores autem infantis & regni proceres Tur-  
dicum auxilium implorauerant: legatum ergò Turca mittit cum co-  
pijs, quæ mense Iulio Budam uenerunt: ipse deinde cum reliquo exer-  
citu nō multò pòst eò uenit Itaque Ferdinandici reiecti, Germani, Bo-  
hemi, Morau, relicta obsidione, & ingenti accepta clade, Pesto etiam  
amisso, quòd est oppidum contra Budam, reliqui fuga salutē sibi qua-  
runt. Turca sub exitum Augusti munera mittit infanti Stephano, ue-  
stes auro textas & equos ualdè speciosos, ac matri nunciat cupere se  
puerum uidere, petit ut in castra sibi mittat. Mulier perterrefacta, cū  
aliud non posset, hortatu procerum mittit unā cum nutrice, comitatū  
turba nobiliū. Ille perhumaniter excipit, ac deinde per suos, reginæ  
consiliarijs ostendit, uelle sibi Budam tradi: nam ipsos nō illam posse  
ab hoste defendere, & sibi subinde redeundum huc esse cum exercitu:  
quod ualde sit & molestum & sumptuosum: itaq; multò præstare, ut  
ipse teneat. Hi de suo periculo solliciti, mussant. è uestigio Ianizariorū  
præfecto negocium datur urbis occupandæ, neq; prius ad matrem re-  
ginam missus est filius, quàm re perfectæ. Cū iam urbem tenerent &  
ciues omneis exarmassent, arcem quoq; sibi tradi postulāt, in qua re-  
gina tum erat. eam Turca iubet interim per internuncios animo esse  
præsentem, & Transsylvaniam ei atq; filiolo concedit. Quum igitur o-  
mni conquisita supellectile, tumultuariè abiisset, à præfectis et à mili-  
te barbaro deducta, Budam Turca cū duobus filijs uenit, Septembris  
die secundo, & templum ingressus expiatum, actisq; gratijs deo suo,  
propter rem bene gestam, in castra reuertit, & relictis Budæ Pestique  
præsidijs, reliquum exercitum domum reducit, & in itinere Lascum  
dimit-

1 5 4 2  
Georg.  
Austria-  
cus cap-  
tus.  
Francis.  
Lotha-  
ringi nu-  
ptia.

Ferdin-  
dus Bu-  
dam ob-  
sidet,

1541 dimittit, quem propter Fregosum & Rinconem interceptos, Belgradi captiuū reliquerat, Budam proficiscens. nam Galliae rex, uehementer irritatus eo facto, per Polinū, Solymanno rem omnē enunciauerat. Peractis Ratisbonae comitijs, Caesar mox in Italiam contendit, & Lucae cum pontifice colloquitur interea dū in naues imponitur exercitus, quem ex Germanis, Italis, Hispanis iam antè collegerat. Quia uerò iam suberat hyems, deterrebat eum pontifex à nauigatione: sed ipse, licet de clade Pannonica iam acceperat, quò Turcas in diuersa parte distineret, omninò sibi proficiscendum esse duxit, & sublatis anchoris soluit è portu Veneris, & per Corsicam atq; Baleares Insulas facto itinere, ad xxij. Octobris diem, Argieram appulit, urbē Aphricae maritimam. Peditatus erat omnis ad xxij. millia, equites paulò supra mille. primam acie Hispanorum ducebat Ferrandus Gonzaga, Siciliæ prorex: alteram, Germanorū, Caesar: tertiam, Italarū & equitū Rhodiorū, Camillus Columna. Quo die classē Caesar applicuit & postridie, cœlum erat serenū, & placidū mare: tertio uerò die coorta uehementior tempestas & imbres effusissimi, cum nō remitterēt, ad ministrationem belli totam impediuerunt, ita quidem, ut Caesar amissis quàm plurimis nauibus, & tormentis & reliquo omni apparatu, & millibus aliquot militū desideratis, infectare discedere cogeretur, in Hispaniā demum reuersus, quod fuit mense Nouembri. Sic adeò res nostrae terra mariq;, tam in Aphrica quàm in Europa calamitosum habuerunt exitū. Hic etiam annus Germaniae funestus fuit contagione morbi, praesertim ad Rheni tractum: extincti sunt inter alios, Argentinae quidē, Capito, Basileae uerò Simon Gryneus, uterq; summæ uir eruditionis, ille, professione theologus, hic uerò philosophus, & simul rerū sacrarū studiosissimus. Caesar è Germania discedens. Fridrico Palatino negocium dabat, ut per principes electores ageret cum Cliuensi de resituenda Geldria. Mittunt hi legatos, eumq; tum sui priuati periculi, tum publicae perturbationis admonent: ille, & legitimū heredē, & absq; uitio possessionē esse nactū, & causam totam disceptationi iuris permittere sese dicit, & ne uim sibi fieri patiantur, sed ad aequitatem Caesaris animū inflectant, obtestatur. Ex Italia Caesar proficiscens, Granuellanū ibi reliquit, ut & pontificem de concilio sollicitaret, & Senensem rempublicam aestuantem seditionibus componeret.

Caesaris  
in Aphri  
cam ex  
pediſſio.

Capito  
& Simon  
Gryneus  
mori  
untur.



neret. Cladis Aphricanæ nuncius in Galliam delatus mense Decem= 1 5 4 1  
 bri, non obscuram excitauit lætitiā. fremebant enim pleriq; pro=  
 pter casum Rinconis atq; Fregosi, iamq; tempus adesse dicebant illos  
 ulciscendi. Rebus malè gestis, & amissa Buda, Ferdinandus rex ordi=  
 num suorū agit conuentus, Pragæ, Bohemorū urbe præcipua. Ibi de= Austria=  
 mum inter alia, procures Austriaci, Decembris die xiiij. supplicem li= corum  
 bellum regi tradunt. Initio captant beneuolentiam, suāq; omnia pro supplica  
 ipsius & dignitate & salute tuenda deferunt. Post, infelicè reipubli= tio pro  
 cæ statū, & suam propriè conditionē deplorant, qui tam uicinum ha doctrina  
 beant crudeliſſimum hostem Turcam, & eum quidem uictorem: itaq; Euangeli=  
 de remedijs cogitandū esse dicūt, inprimis autē, ut ira Dei mitigetur,  
 qui peccatis hominū offensus, hanc totam calamitatē immittat: nam  
 in toto reipublicæ corpore, nihil esse puri, nihil sani: proiectam esse di  
 sciplinam omnem & publicam & priuatam: hunc nimirum esse son=  
 tem omnis mali, sed tamen uerbi diuini contemptum, præcipuam esse  
 causam, cur ita nos Deus uerberet & affligat. Etenim, & sacris, in=  
 quiunt, & prophanis historijs doceri potest, non propter illa leuiora  
 nobisq; congenita uitia, sed propter falsum cultum & contemptū sui  
 uerbi, Deum grauiter sæpenumero multasse florentissima regna: po  
 pulus Iudaicus in Assyriam & Babylonem abductus fuit propter con  
 temptos prophetas, & nouam religionem atq; cultum, quem sibi fin=  
 xerant ipsi: tandem ad internecionem fuit deletus, excisa Hierosoly=  
 ma, propter crucifixum Dei filiū: illa mundi florentissima quondam  
 Imperia, Babylonicum, Persicum, Græcum, à Turcis oppressa, reli=  
 gionem, leges, rempublicam & dignitatem omnem sic amiserunt eis=  
 dem de causis, nullum ut propè supersit hodie uestigium: & quum  
 Dei beneficia partim repudiarent, partim fastidirent, in horribiles in=  
 ciderunt: tenebras & seruitutem longè foediſſimam: Neq; uerò subita  
 fuit hæc mutatio: nam sexcentis annis et amplius eò, bella Turcæ ges=  
 serunt, antè quàm Græciam perdomarent, quod tunc demum accidit,  
 quum illi toties inuitati & admoniti, nihilo fierent meliores, & pec=  
 cata peccatis accumularent. Iam, si quis illa regna, quorum tanta  
 fuit potentia, tantusq; splendor, in quibus tam præclara fulserunt in=  
 genia, conferat cum ista Turcarum planè barbara & beluina republi  
 ca, comperiet inde ab orbis diluuiio nullam accidisse cladē grauiorem:

Quod

154 Quod si autem illi tam potentes populi, tam infirmæ genti, qualis initio fuit Turcica, resistere nō potuerunt, Deo sic ulciscente peccata populi, quid nobis expectandum est, qui sumus quidem in eadem culpa, sed ideo longè deteriori conditione, quia rem habemus cum hoste supra modum potente? Videmus, ut nos Deus affligat, his præsertim locis, bello, inedia, pestilentia: sedem regni, Budam urbem, seuissimus hostis nuper occupauit: per Bohemiam grassata sunt incendia, & quid non malorum totos iam sedecim annos patimur? quantum est effusum sanguinis? quàm multa hominum millia in tristissimam seruitutem abducta? Nimirum eò nunc Turcarum potentia creuit, ut supra ceteros omnes reges caput exerat. Et quia continentes propè uictorias contra nos obtinet, intelligit se flagellum esse Dei, nec ultioni suæ quæquam eripi posse. Cum ergo grauissima sint delicta nostra, quid nobis pollicebimur, aut quomodo nos aduersus eum tuebimur? Vnicum certè remedium est. in manu Dei posita sunt omnia: Deus est qui dat & adimit Imperia, qui uerberat & sanat, qui nos in poenitentiam inuitat, oblata sui uerbi cognitione. quod quidē semper facit prius, quàm affligit: Sic Niniuitis antè misit Ionam prophetam & condonauit ob poenitentiam: sic Assyriorum regem Nabuchodonosor benignè respexit, obtemperantem Danieli. Sanè rationē aliam aut medicinam nullam nouimus potentissime rex, quàm ut uerbum Dei purè doceatur, & ad emendationem uitæ, populus incitetur, ut hac fiducia pleni uim Turcicam à se depellant. Est enim in eo posita salus, ut rectè Deum colamus. Complures autem obreberunt, & negari non potest, in ecclesiam errores, qui nostro hoc tempore patefacti magnum excitauerunt dissidium: Sed nuper in Imperij comitijs pleraq; doctrinæ capita conciliata sunt, & ad certum usq; tempus pax est data religioni: deinde mandatum est episcopis, ut ecclesiarum uitia corrigant. Quod si iam ea conciliatio nobis denegetur, aut si quis ea doctrinæ capita, de quibus conuenit, sequatur, eoq; periclitetur, quàm id sit futurum graue, non est difficile cogitare. Quapropter obsecramus, ut tuo mandatu doceatur euangelium, imprimis autem illud doctrinæ caput, quod est de iustificatione, nempe, quòd peccata nobis cōdonantur propter solum Christum: deinde, ut ad præstandam charitatem homines excitentur, & ad opera bona, qui sunt tanquam ueri fructus & indices fidei:



fidei: deterreantur à peccatis, & Deo gratias agere consuefcant, quòd 1 5 4 1  
 ipsius misericordia, per Christū filium liberati sumus à peccato, mor=  
 te, inferno, & facti cohæredes regni cœlestis: item, ut ijs, qui cupiunt,  
 cœna Domini detur iuxta ueteris ecclesiæ morem: episcopis etiam  
 manderetur, ut iuxta decretum imperij nuper factum, ecclesiæ morbos  
 emendent atq; tollant, ut erudiendo populo præficiant idoneos mini=  
 stros, neq; sanos doctores eiçiant, ut antehac semper. Et quanquam  
 hæc reformatio, propter inueteratum morbum, non ita subito fieri po=  
 test, iocum tamen habere debet in ecclesijs, doctrina & sacramentorū  
 administratio pura, quoniam in eo salus nostra uertitur, & ita fieri ne=  
 cesse est, ut populus nimirum, qui nulla iam disciplina continetur, &  
 uix ieuem Dei notitiam habet, ad sanitatem redeat. Sunt enim eccle=  
 siæ complures omnino desertæ: quo fit, ut uulgus hominum prorsus  
 degeneret in paganismum, ita quidē, ut uix ægrè cohiberi possit. quod  
 sanè maximo cum animi dolore commemoramus, ideoq; precamur,  
 ut in re tam pia tamq; necessaria nobis deesse nolis. Neq; uerò putes  
 hoc à nobis ideo sollicitari, quò maiorem aliquam libertatem nobis ca=  
 ptemus, aut res nouas moliamur: nam salutem nostram omnē in uno  
 Christo positam agnoscimus, & euangelij cognitionem ornandam es=  
 se pietate uitæ, & tibi fatemur obedientiam omnem esse præstandam,  
 quantum & facultatibus & ipsa uita possumus. Quod cū ita sit, ob=  
 testamur, ut decreti nuper facti beneficiū nobis permittatur, & ut ijs,  
 qui formam religionis à nobis antè recitatam, sequentur, nulla fiat mo=  
 lestia. Sic enim & ecclesijs inuenientur ministri & maioribus animis  
 in hostē atrocissimum arma sumentur, cui propter nostram ingrattis=  
 dinem & impietate, tot uictorias Deus atq; triumphos huc usq; lara=  
 gitur. Qui ad hunc modum supplicarunt, Austriacæ nobilitatis & or=  
 dinum nomine, fuerunt ad xxiiij. proceres, ciuitates autem x. et in his,  
 Vienna, deinde finitimi Stirij & Carni. Ferdinandus ad ea respondet. Ferd. ad  
 dolore sibi uehementer quas recitauerint calamitates, neq; dubitare Austria-  
 quin delictorū ac scelerum hæ sint pœnæ, atq; ideo ministris ecclesiæ cor re=  
 non semel mandasse, ut ad emendationem uitæ populū diligenter inci=  
 tarent: quòd autem adeò tenui cum fructu factum sit istud, augere sibi  
 dolorem: itaq; nuper antè quàm Lincio discederet, eadem mandata re=  
 nouasse, quod quidem ipsis cōfiteri: nunquam etiam se repugnasse, quò

154: minus uerbum Dei rectè doceretur iuxta traditionem apostolorum et interpretum, quos ecclesia recepit & approbauit: eiusdem nunc etiam esse mentis: nec in ullum uindicasse, quod quidem sibi constet, qui formulam hanc sit secutus: nunc etiam ecclesiasticis uelle se mandare, ut iuxta postremum Imperij decretum, sublatis uitijs, ecclesias reformat, & populo præficiant doctores idoneos: uidelicet scire ipsos, quantus labor suus atq; studium interuenerit, ut religionis hoc distidium tolleretur: idem nunc etiam optare se cum primis, & omnino sperare futurum, ut uel publico totius orbis, uel nationis Germanie concilio, uel Imperij conuentu res tota definiatur: quamobrem ita sibi de ipsis inuicem polliceri, fore ut conciliationem istam publicam obedienter expectent, nec aliquid mutant aut innouent, sed in religione colenda cæterisq; præstandis officijs, patrum suorum sequantur uestigia, neq; decretum Ratisbonense quicquam ad se pertinere putent, cuius nimirum ea sit sententia tantum, ut catholici quidem in ueteri, protestantes autem in ea religione, quam conciliationis illius tempore sequebantur, permaneant usq; ad alterutrum conciliū, aut Imperij conuentum, intra xvij. menses indicendum: quod cum ita sit, non sibi licere, suis, ut contra quid agant, permittere. Illi rursus in eandem propè sententiam, paucis tamen supplicat, & ut purus Dei cultus instituat, neq; ueris ecclesiæ ministris periculum creetur, orant: nam alioqui non esse, quod ullam sibi de Turca uictoriam aut fortunam polliceantur. Paulò sub hoc tempus mortem obiit episcopus Numburgicus, in eiusq; locum à collegio fuit cooptatus Iulius Pflugius, de quo diximus: elector autem Saxonie princeps, non hoc licere collegio, nisi de suo consensu, contendebat, & reiecto Pflugio, Nicolaum Amstorffium, ex nobilitate theologum Wittenbergicum instituit, inau-

154: 2 gurante Luthero, mense Ianuario, qui post eius rei librum edit lingua populari, & Pflugio, tanquam hosti puræ doctrinæ, gregem Domini minime committendum esse docet. Pflugius ad hunc modum repudiat, emisit libellis ad ordines Imperij, ius suum demonstrat, & de iniuria queritur: princeps inuicè respōdet, et prolixè de suo Saxoniceq; domus iure locutus, et multis ex uetustate repetitis, inter alias causas, cur cum ferre non possit episcopum, hanc etiam adducit, quod Augustane confessioni palam aduersetur. Accepta per Vngariam clade, si-

Intius  
Pflugius  
repudia-  
tus.



cut diximus, conuentum Cæsar indicit ordinum, Spiræ, per Ferdinandum regem, et initium fieri mense Ianuario, et Ferdinandum fratrem suo loco præsidere iubet, eiq; Hugonem Monfortum, Ioannem Nauium attribuit. Principes aderant, elector Brandenburgicus, Fridericus Palatinus, Albertus Megelburgius, Ernestus Badensis, Moguntinus, Vuormaciensis, Spirensis, Constantiensis, Hildessemensis, episcopi: reliqui miserant legatos. Vbi conuentum est, quod fuit die nona mensis Februarij, Ferdinandus rex de more proponit. Quanta fuerit hucusque diligentia Cæsaris, ut & religio componeretur, & reliquæ partes reipublicæ constituerentur, omnibus cōstare: cum uerò dissidium hoc, superiori conuentu non posset integrè conciliari, grauissimis de causis è Germania Cæsarem esse profectum in Italiam, & de concilio, deq; Turcico bello cum pontifice collocutum, eò rem deduxisse tandem, ut pontifex ad hunc imperij cōuentum legationem se missurum diceret: in Aphricam esse deinde cum classe profectum, ut Argiera urbe capta, quam hostes tenebant, & unde plurimum impendebat Hispaniæ cæterisq; prouincijs incommodi, iustum auxilium posset à suis, aduersus Turcam, sublato periculo nimirum, & ora maritima pacata, cōsequi: sed quum tempestate detentus, quod uoluit, perficere non posset, in Hispaniam reuertisse, ut ad bellum Turcicum, terra mariq; gerendum, denuò sese compararet: Et quia primariam urbē Pannoniæ, Budam, & huic oppositum oppidum Pestum Turca nuper occuparit, præsumptisq; muniuerit, hunc indixisse conuentum, ut de summa rei deliberetur: Turcam enim ijs locis omnia reliquisse tormenta, quæ uel adduxerat ipse, uel nostris ademerat: neq; dubium esse, quin per æstatem sit rediturus, ut nō solum quod in Vngaria reliquum est, capiat, uerum etiam ut Germaniæ finitimas prouincias omneis inuadat: etenim capta Buda, cæterisq; uiarum claustris patefactis, nihil esse iam quod ipsum remoretur aut distineat: his igitur tantis tamq; necessarijs de rebus conferenda nunc esse consilia, quibus ipse quidem Cæsar interesse uellet, cum autē exclusus tempore non posset, munus hoc sibi delegasse: & licet suæ regionis status præsentiam suam imprimis requirat, noluisse tamen deesse reipublicæ. His ita commemoratis, quid Austriaci, quid Vngari, quid Bohemi et ijs adiuncti populi, quid etiā suæ ditionis ecclesiastici collaturi sint in hoc bellū, exponit, & ut idē ipsi faciant,

154 hortatur atq; petit. nam in omnium oculis uersari periculum, & eam  
 nunc esse rerum conditionem, ut aut reiiciendus & ex Vngaria sit ex=  
 pellendus hostis, aut extrema sit omnibus expectanda. pauloq; post  
 subeunda calamitas. A conuentu Ratisbonensi, Ioannes Gropperus,  
 archiepiscopi Colonienſis legatus, domum reuerſus, Bucerum miſiſſe  
 cœ commendabat, & inter omneis idoneum eſſe dicebat, cui religionis  
 emendatio rectè committi poſſet: nam eſſe cumprimis doctum, & pa=  
 cis amantem, & integræ uitæ. Episcopus ergo, qui iam antè nouiſſet  
 Bucerum. & ipſius opera cogitaret uti, ſignificat cupere ſe cum ipſo  
 loqui. proſectus eò Bucerus, huius anni menſe Februario, per huma=  
 niter ſuit exceptus, in primum à Groppero, qui precibus ab eo conten=  
 derat, ut Bonna, Colonia ad ſe ueniret. Itaq; tum ita dimittitur ab  
 episcopo, ut ſuo tempore uocatus, eò rediret, uti poſt dicitur. His eti=  
 am diebus, Angliæ rex, uxorem Catharinam Hauardam, capite ple=  
 titi, quòd cum eam pro uirgine duxiſſet, antea fuiſſe corruptam atq;  
 uitiatam comperiſſet. Qui uitiaratus, in Hiberniam abierat, ibiq; pu=  
 blici quid muneris habebat: reuocatus autem ab illa, iam regina, & in  
 familiam aſſcriptus, capite mulctatus fuit poſt eam, ut alij quidam,  
 partim ob idem ſlagitium. partim ob reticentiam. Ea ſublata, ſextam  
 rex ducit, Catharinam Parram. Ad Spiræ conueniũ, legationem Gal=  
 liæ rex miſit, cuius erat princeps Franciſcus Oliuerius, cancellarius  
 Alenconius. Is in omnium ordinum conſeſſu, cum de bello Turcico  
 deliberaretur, Februarij die decimoquarto uerba facit. Beneuolenti=  
 am nolle ſe captare ſolicitè, quòd regis animum in Germaniæ commo=  
 da propenſiſſimum ſatis agnoſcant omnes: eam etiam eſſe cauſæ ma=  
 gnitudinem, ut haud dubiè libenter ſint regis conſilium & ſententiam  
 audituri: nimirum, quo tempore de religionis componendo diſſidio,  
 Ratiſbonæ conuentus agebatur, allatum fuiſſe nuncium in Galliam,  
 maximis copijs Turcam aduentare in Vngariam: regem igitur lega=  
 tos ad illum è ueſtigio miſiſſe, quò bellum ab Vngaria, propter uici=  
 nam Germaniam, auerteret, ſi poſſet: uerum in Italia legatos fuiſſe ca=  
 ptos à Caſariano milite, neq; ſatis adhuc eſſe compertũ, necati ſint an  
 uerò ſuperſint: qua quidem re uiolatæ ſint non induciæ modò, ſed &  
 ius gentium: quòd autem eam ob cauſam amandati fuerint, id regem  
 ipſis literis declaraturum atq; notulis, quas etiam Caſariani tum inter  
 cepe=

Groppe.  
 Bucerũ  
 commen  
 dat.

Ang<sup>ra</sup>.  
 regina ca  
 pitale  
 xa.

Gallici  
 legari o  
 ratio Spi  
 rz.



ceperint: falso deinde iactatum à maleuolis rumorem, quasi Turcam rex euocarit, cum tamen publicè constet, eos, qui Bude premebantur obsidione, Turcicum auxilium implorasse: non multò post captos legatos increbuisse famam de clade Vngarica. quo quidem nuncio ualde rex fuerit perturbatus, & cum accepisset in his comitijs deliberandum esse de subsidijs in Vngariam mittendis, & reprimendo furore Turcico, non potuisse non animi sui sensum in hac tanta re declarare: quamobrem, si fortè prolixior sit sermo futurus, orare, patienter audiant: nec enim posse breuius rem omnem, quæ uenit in hanc causam, quantumuis eloquenti & docta oratione, comprehendere. Et primum quidem de liberationis esse caput, an utile sit non Germaniæ tantum, sed etiam rei publicæ, ut bello Turcam laceessant: hoc autem ut melius intelligi possit, explicaturum se rationes eorum, qui bellum suadent: illos uidelicet hæc ferè dicere: Germanos & semper fuisse & habitos esse strenuos non suæ tantum, sed et uicinorum suorum libertatis propugnatores: itaque non esse ferendum, ut Turca, crudelis & barbarus & nominis Christiani communis idemque perpetuus hostis, dulci ebrius fortuna, uicinum regnum, & illud quidem florentissimum, Vngariam, Germaniæ propugnaculum, teneat, sed magnis uiribus & animis mouendum ei bellum, neque dubitandum de uictoria, quod summo scelere et turpitudine, non etiã legitima successione uel iure peruenerit ad hanc tantam Imperij molem: & licet amplissimè regnet, tamen expugnari posse, nec esse tam inuictum, ut plerique putet: idque satis apparere tum ex ijs, quæ foeliciter in ipsum gesserint, & Ioannes Huniades, & Matthias Vngariæ rex, & Scanderbegus Epeiri dominus, & Tamberlanes Scytharum Imperator, tum etiam ex ijs, quæ proximis annis ipsimet gesserint, quo tempore Viennam ab eo defenderunt: alias enim esse Turcarum, alias Germanorum in bello rationes: nam illos & latrocinari, & fugiendo uastare agros, quacunque uadant, Germanos autem fortiter præliando uel hostem profligare, uel per honesta uulnera mortem oppetere: cum ergò sit iam hostis in ipso Germaniæ limine, bellum necessario suscipiendum, neque diutius differendum esse. Hæc quidem & id genus alia quædam ab ijs adferri, qui bellum suadeant: sed eos non satis expendere, qui sit Germaniæ status, & ita loqui, totaque de re differere, quasi pacata sit Germania, cum interim simultatibus

15 4 2 & odijs omnia flagrent, quasi nulla sint principum inimicitiae, nulla  
 dissidia: Considerandum autem esse Germaniae, quantum ferre possit,  
 quantum sit hoc futurum bellum, & quam periculi plenum, aduer=  
 sus eum hostem, quo non sit alius in orbe terrarum potētior, nec rebus  
 omnibus bellicis instructior: etenim nō uno uel altero praelio posse fi=  
 niri bellum hoc, sed nouo semper & recenti milite opus fore, & perpe=  
 tuis maximisq; sumptibus: ingentes quidem esse Germaniae uires &  
 robur quoddam incredibile, sed non temerē profundēdas eiusmodi sa=  
 cultates atq; copias, quin potius meliorem expectandam occasionem,  
 & differendum, quoad orbis Christiani potentia, reconciliatis princi=  
 pum animis amplificata sit & maioribus firmata praesidijs: ne quid  
 etiam imprudenter suscipiatur, documento nobis esse debere praetium  
 illud Sigismundi Caesaris ad Nicopolim, & alias deinde clades, ad hoc  
 usq; tempus acceptas: nullum enim bellum, quo quidem bello sit ille  
 laesissus, foeliciter adhuc accidisse: Budam atq; Pestam sic esse dubio  
 procul rebus omnibus munitas necessarijs, ut nisi fame deditiōem sa=  
 cere cogantur milites praesidiarij, uix ulla sit spes ea recuperadi: hanc  
 ipsam uerō spem esse incertam, deinde, Turcam posse nouum semper  
 exercitum & copias recentes adducere, quibus militem Germanum,  
 longa fessum & debilitatum obsidione, magis fatiget atq; frangat, &  
 annonam obseſis inferat: quod si iam praelio & summis copijs decer=  
 natur, & ille superior euadat, maximam fore Germanis difficultatem  
 restaurandi exercitus, neq; tam subito hoc posse fieri, quin iam in in=  
 teriorem Germaniam ille penetrarit, & omnia pro suo gerat arbitra=  
 tu: Germaniam quoq; crebris bellis exhaustam milite, cum primis ha=  
 bere opus ocio, sui reficiendi causa: quantum uerō sit tribuendum Vn=  
 garis, neminem esse qui nesciat: quid enim illis inconstantius atq; le=  
 uius? qui subinde dominos mutant, & in Germanos adeo sint infestis  
 animis, ut Turcicum imperium longē praeferrant: multo igitur praesta=  
 re, ut quae sunt inter Vngariam & Austriam arces & oppida, tum o=  
 pere tum praesidijs continuo muniantur: idem apud Bohemos & ubi=  
 cunq; sit opus, fieri debere: satius enim hoc esse, quam nullo satis uali=  
 do post tergum relicto praesidio, bellum inferre, & conari quas Turca  
 tenet urbes & arces, illi eripere: qua quidē in re quod minimum pos=  
 sit esse peccatum, maximo sit futurum exitio reipublicae Christianae:



fin autem ille Germaniæ bellum faciat, iam explicandas esse vires o= 1 5 4 2  
 mneis: hanc enim esse ueterem & propriam Germanorum laudem, ut  
 sicut aliena cum iniuria suos fines minimè solent amplificare, sic etiã  
 fortiter depellant periculum, et pro libertate pugnent acerrimè: hanc  
 omnino laudem esse transmittendam ad posteros, & animose resisten=  
 dum hosti bellum inferenti, neq; temerè credendum ei, si fortè, post=  
 quam belli signum dederit, pacis offerat condiciones: hanc enim esse  
 naturam corū, qui dominatum sibi propositum habent, ut ambitioni  
 modum statuere nesciant: cū ergo uidebitur ad uim spectare, diligen=  
 ter esse cōparanda, quæ sunt ad defensionem necessaria: Sic enim futu=  
 rū, ut aut abstineat, aut si pergat, intelligere possit incōmodo suo, quã=  
 tō sit & honestius & facilius, libertatē suam tueri, quàm alienam di=  
 tionē cum iniuria uelle sibi uendicare: quia uerò difficile sit ipsis, tan=  
 tū sustinere hostem, siue bellū inferant, siue defendant, rem ipsam fla=  
 gitare, ut ciuiles Germaniæ simultates atq; dissidia componantur: Nu=  
 per adeo Ratisbonæ ipsis couenisse de primis dogmatis, de iustifica=  
 tione, de fide & operibus: ea nimirum esse præcipua religionis capita:  
 sequendam igitur hanc esse doctrinam, & amicè uiuendū, nec ulla de=  
 inceps mouenda iurgia: relictum esse nobis ab apostolis, & post à con=  
 cilio Niceno, fidēi symbolum, quod omnes profiteantur: & cū ita sit,  
 non oportere locum esse dissensionibus, nec alterū ab altero debere uel  
 contemni uel conuicijs affici: nec enim omnibus idem à Deo datum es=  
 se donum: Absq; concordia certè res Imperij non posse firmas esse uel  
 diuturnas, præsertim imminente Turca: Romanos euasisse dominos  
 rerum, non tam uiribus & armis, quàm astu quodam & calliditate,  
 quando id operam dabant, ut quam gentē imperio suo subijcere cogi=  
 tabant, eam ciuili dissidio & offensione diuiderent, & alterius factio=  
 nis partes ad tempus defenderent, donec simul utrosq; opprimerent:  
 hac ratione circumuentos fuisse Carthagenenses, & Asiaticos, & Gal=  
 los, & Græciam natura facilem atq; mobilem: sic etiam ludificatos à  
 Tyberio fuisse Germanos, quo tempore bellum in Italia moliebantur:  
 solam Britanniam euitasse iugum hoc, quod artes illorum intellige=  
 rent, & odium omne domesticum, in communi periculo in hostem ef=  
 funderent: hac ipsa ratione concidisse tandem Romanos: Philippum  
 quoq; Macedonum regem hac arte Græciam expugnasse, commissis

1542 Atheniensibus, Corinthijs, Theſſalis: Ottomannum, huius Turcicæ gentis primum Imperatorem, cepiſſe Bythiniam, diſſidentibus inter ſe Chriſtiani nominis principibus: ea tandem occasione Turcam penetraſſe in Europam, expugnaſſe Thraciam, Græciam omnem & Peloponeſum: imò Turcas trecentis ab hinc annis rerum eſſe potiſſimum, noſtra uel diſcordia uel proditiſſione: Quo tempore Byzantium urbs capta fuit, ſeditionibus omnem Italiam redundante, dum hi Guelphi, illi uerò Gibellini dicerentur, Cæſaræ & pontificiæ factionis nomina: quid Rhodo nuper acciderit, quid Vngariæ, et per quam occaſionem, non opus eſſe recitare: ſic adeò Turcas, tenuem, obſcuram & barbaram nationem, è Scythiæ latebris prorepentem, noſtris creuiſſe diſſidijs, et hanc imperij molem exædificari, dum uel Græci pateſcèrent eis portam Europæ, uel Genuates, ſide Liguriæ per Hellespontum eos traicerent, uel fratres Peloponeſi principes: accenſi mutuis odijs, eos accerſerent, alter in alterius perniciem, uel Epeirotæ ſubſidium eis ferrent, uel Myſij ſua cū ipsis conſilia cōmunicarent, uel Pannonij ſponte ipsis inuitarent: Communis ergo libertatis uindictandæ cauſa, rationes ineundas eſſe concordiæ, neq; cogitandum, fore, ut ipsis uel ceſſantibus uel factione diuiſis, extere nationes in hanc curam incumbant: hanc regis eſſe mentem atq; conſilium, & rogare, ut in optimam partem accipiant, et ab ipſo firmam amicitiam atq; coniunctionem expectent. Pontifex legatum eò miſerat Ioannem Moronum, epiſcopum Mutinenſem: is de ſententia pontificis rogatus à Ferdinando rege Cæſariſq; legatis, uigeſimo tertio die Martij uerba facit. Cæſarem, anno ſuperiori, cum in Aphricam iret, factò per Italiam itinere, tractaſſe cum pontifice de bello Turcico, deq; concilio: ſed cum & arduares eſſet atq; grauis, & Cæſar feſtinaret, nihil fuiſſe decretum, & remaniſſe in Italia Granuellanum, quicum amplius deinde ſit actum negotium: ac pontificem quidem ſemper optaſſe bellum Turcicum, eiusq; rei cauſa dediſſe operam, ut pacem omnes colerent: nunc etiam in hoc eſſe totum, ut quæ ipſius potiſſimum interceſſione pactæ ſunt inter Cæſarem & Galliæ regem induciæ, ſeruentur: cū autem uaria de apparatu Turcico diſſeminentur, neque certò conſtare poſſit, quorſum euadat, ſuppeditaturum eſſe millia quinque peditum, ſi Cæſar ipſe militiæ præſit, ſin autem, eius ſummæ dimidium, atque

Pōtificij  
legati or-  
ratio Spi-  
ritus.



que ita quidem egisse cum Granuellano, nisi fortè rerum priuatarum **1542**  
 status in eas redigatur angustias, ut ab ipsis auxilium ei sit imploran-  
 dum: nam alioqui facturum esse quantum omninò possit, in hunc e-  
 um usum omnia sua destinasse: De concilio, quæ semper antè fuit, ean-  
 dem illius esse mentem atq; sententiam, ut aliquando peragatur: ad-  
 huc quidem illud suspendisse de Cæsaris & Ferdinandi quoque regis  
 assensu, quòd ad concordia aditus aliquis in Germania patefieri pos-  
 se interea, crederetur: cum autem id frustra susceptum sit, ad prius in-  
 stitutum redire: sed ut in Germania cogatur, nec ipsius etatem ferre,  
 qui uelit & debeat interesse, uia quoq; longinquitatem obstare, cœ-  
 liq; mutationem: deinde, nò omnibus populis Germaniam uideri com-  
 modam, & metum esse, ne turbulenta sit actio futura: magis igitur ei  
 probari Mantuam, aut Ferrariam, aut Bononiam, aut Placentiam,  
 quæ sint omnes ample ciuitates ac peropportune: ueruntamen, si mi-  
 nus hæc placeant, non illū recusare, quin Tridenti fiat, quod sit ad Ger-  
 manie fines oppidum: uoluisse quidem initium fieri ad pentecosten,  
 sed propter angustiam temporis, ad Idus Augusti producere, et orare,  
 ut depositis offensionibus in hanc curam omnes incumbant. Ferdi-  
 nandus rex & cæteri principes pontificij & legati Cæsaris agunt gra-  
 tias, & si quidem locus in Germania magis idoneus haberi non pos-  
 sit, Ratisbona scilicet aut Colonia, placere sibi Tridentum affirmant.  
 Protestantes uerò, neq; concilium pontificis, neq; locum, neque quòd  
 in decreto sit eius facta mentio, probant, & palàm contrà sentiunt.  
 Gallie regis legati, cum nihil proficerent, & ordines in bellum Tur-  
 cicum inclinarent, suamq; præsentiam & ingratam esse uiderent atq;  
 suspectam Cæsarianis, ante finem comitiorū abeunt subirati. Triden-  
 tum est in alpibus, ad Athesim flumen, Ferdinandicæ ditionis oppidū,  
 à Venetijs iter tridui, Verona, non bidui. Vbi domum reuertisset A-  
 lenconius, rex ilicò belli suscepit consilium: & quanquam ipsa re iam  
 antè restituerat Amiralium, sibiq; familiarem habebat, ut suprà dixi-  
 mus: tamen, ne quid ei uel ipsius liberis aliquando fraudi esset, scripto  
 rem omnem comprehendere iubet, & bonis, honoribus atque fame  
 ipsum restituit, neque uel læsæ maiestatis uel prodicionis crimen ab  
 eo commissum esse profitetur, eiq; multam, aureorum ad septingen-  
 ta millia, remittit atq; largitur, & has literas, tum Lutetia, tum alijs

Triden-  
tum.

Gallus  
se compa-  
rat ad  
bellum.

5 4 2 in locis, in acta publica referri iubet. fuit hoc Martij die xij. Quum  
 hoc tempore circa Lutetiam esset Gallia rex in arce Vincennia, nun-  
 cius ei noctu uenit de subito tumultu, quasi Veromandorum finibus  
 in Picardia iam imminerent hostes, è ditione Cæsaris. itaq; subito, qui  
 tum aderant fortè principes, eò mittuntur, Vendomius, Guisus, Au-  
 malius, Niuernus & alij complures maxima cū nobilitate. postquam  
 eò uentum est: mera solitudo, merum silentium. Hunc autē rumorem  
 eò fuisse nonnulli dicebant excitatum, ut populo persuaderetur, à Cæ-  
 sarianis captari bellum, cuius ipse rex nolebat author uideri, cū iam  
 prorsus illud decreuisset, ut infra dicitur. Quoniam is erat Germa-  
 niæ status, ut supra docuimus, auxilia decreta fuerunt, & exercitus  
 cōparari iussus, qui Ferdinandicis copijs adiutus & auctus, uim Tur-  
 cicam sustinere posset ac amissa recuperare. Summæ rerum præfici-  
 tur de cōmuni cōsilio, deq; Cæsaris etiam uoluntate, Ioachimus Bran-  
 deburgicus, elector, qui Spira statim profectus, ad uiam sese parat. Hu-  
 ius autē belli causa, uiritim fuit collecta pecunia per omnem Germa-  
 niam, & magistratui permissum, ut suis hoc nomine tributum impe-  
 rarent: sollicitandos etiam Heluetios, aliosq; reges, Danum inprimis  
 & Italos, de auxilijs, placuit: adhæc, ut pacem omnes colant, nec ullū  
 intra fines Imperij motum excitent, decretum fuit. Finem habuit con-  
 uentus Aprilis die undecimo. Ad idem ferè tempus, orta fuit magna  
 per Saxoniam simultas, inter electorem principē & Mauricium, qui  
 patri nuper mortuo successerat Henrico. Lis erat de finibus & oppi-  
 do quodam: & Pflugij causam non obscure probabat etiam Mauri-  
 cius, commendantibus eum propinquis. Ad ciuile bellum res omnino  
 spectabat: nam ad arma conuocabant uterq; suos: uerū interuentus  
 Lantgrauij composita quieuit. Initiū fuit hoc offensionis inter ipsos,  
 quæ post aucta tempore, grauißimum Germaniæ uulnus infixit, ut  
 suo loco dicitur. Et Mauricium quidem multi mirabantur eò uehe-  
 mentie progressum, ut, cui tum ipse tum parens omnem propè fortu-  
 nam deberent, in eum tam acerba cogitaret. huic autē nō parum attu-  
 lisse momenti putantur ex consiliarijs nonnulli, qui cū Georgio prin-  
 cipi fuissent admodum familiares, nec religionē amabant, nec electo-  
 rem etiam. Decreto iam bello, cū arma pararent omnes, Lutherus  
 lingua populari libellū emittit, concionem militarem seu castrensem.

Expedi-  
 tio in  
 Turcam

Dissidiū  
 electoris  
 & Mau-  
 ricij.

Lutheri  
 concio  
 castren-  
 sis.

paulo



paulò rem autem repetemus altius. Primis annis inter alia scripserat, 1 5 4 2  
 belligerari cum Turca, nihil aliud esse, quàm repugnare Deo, qui nos  
 eo tanquam flagello uerberet. hoc eius thema, Leo decimus unà cum  
 reliquis damnabat: aduersarij etiam reliqui clamabant eum dissuade-  
 re bellum Turcicum. Itaq; postea tum sua sponte, tum aliorū hortatu  
 tractandū hoc suscepit argumentū, & anno salutis M. D. XXVIII.  
 edito libello, quē inscripsit Lantgrauio Philippo, sui thematis ratio-  
 nem, et quamobrem tunc temporis ita scripserit, exponit. Nam tunc,  
 inquit, in illis doctrinæ tenebris, nemo de ciuili magistratu rectè do-  
 cebat, quam haberet originem, aut quod eius esset officium. Pleriq;  
 omnes, & docti quidem etiam, habebant functionē illam, uti propheta  
 nam, & conscientiae quoq; periculosam: hoc ipsis adeò regibus atq;  
 principibus erat persuasum à sacrificis atq; monachis, ideoq; salutis  
 noua subsidia sibi comparabant, in quibus faciliè primum ac potissi-  
 mum hoc erat, ut Missas non solum audirent, uerum etiam largitioni-  
 bus in perpetuum stabilirent. Cum enim suum uitæ genus Deo minus  
 gratum esse putarent, ista quarebant adminicula: testificari possunt  
 hoc ipsum, qui tunc uixerūt principes. etenim, ut alios omittam, cum  
 esset editus à me libellus de magistratu, Fridericus princeps ualde fuit  
 exultatus, & in delitijs illum habuit, quòd de suo statu certi aliquid  
 ex eo cognosceret. Solus enim pontifex cum suis regnum ubique te-  
 nebat, eratq; ueluti numen aliquod in terris: magistratus autem iace-  
 bat in tenebris neglectus, & quàm haberet illustre testimonium atque  
 promissum Dei, prorsus erat ignotum. Volebat haberi pro Christia-  
 no pontifex, & interim suadebat bellum Turcicum: ibi tum nata fuit  
 inter nos controuersia. nam ego totus in hoc eram, ut cuiusmodi esset  
 hominis Christiani officium, docerem. Et quia de functione ciuili ni-  
 hil erat à me tum adhuc proditum literis, adulari me pontificij clama-  
 bant magistratui: nunc uerò, postquàm illud etiam argumentum ex-  
 plicauī, seditiosum esse iactant, cum tamen eam rem, inde ab aposto-  
 lorum ætate, præter unū Augustinum fortasse, nemo uel perspicuè ma-  
 gis uel copiose tractarit. Inter alia uerò, quæ tum docebam, illud eti-  
 am Christi dictum, quod est de tunica relinquenda cum pallio, deque  
 perferendis iniurijs, explicabam. quem quidem locum pontifex ac  
 ipsius tota schola planè deprauarant, & consilij, esse non præcepti,  
 uulgo

1 4 2 uulgo persuaserant, errore nimirum longè pessimo. Cum ergò Chri-  
 stianum cognomen sibi sumerent, et quidem inprimis, ac nihilo secius  
 in Turcam præliari uellent, omnis impatientes iniuriæ, ego contrà  
 nitebar, & illud Christi dictum secutus, hominem Christianum nõ re-  
 sistere malo, sed omnia pati debere, demonstrabam, & illud, quòd à  
 Leone diximus esse damnatum, thema, tunc inter alia prodebam, eoq;  
 magis id faciebam, ut Romanæ curiæ nequitiam atq; dolos detegerẽ.  
 Nec enim seriò pontifices agebant de bello, sed hoc utebantur colore,  
 quoties pecunia uellent exhaurire Germaniam. itaq; meum illud the-  
 ma damnabant, non eò quòd bellum dissuaderet, sed quòd nummis no-  
 stris & opibus, ne Romam perferrentur, uiam intercluderet. Deinde,  
 nec illud tunc probabam, quòd nostros illi principes ad bellum sem-  
 per extimulabant, cum interim nulla uitæ apud nos appareret emen-  
 datio, potissimum uerò, quòd militiam hanc uocabant Christianam,  
 tanquam in Turcas, ut in Christi aduersarios, nostri pugnarent. quòd  
 ipsum tamen à Christi tum doctrina tum nomine discrepat. à doctri-  
 na quidem, eò quòd ille nos resistere malo, uel iniuriam ulcisci uetat:  
 à nomine uerò, quòd in tantis copijs uix quinq; fortasse reperire li-  
 ceat uerè Christianos, & quòd Turcis pleriq; sint deteriores, cum ta-  
 men interim sibi nomen illud omnes usurpent: quæ sanè res ad iniu-  
 riam Christi pertinet, quando nimirum ipsius nomen ad hunc mo-  
 dum deformatur. quod tunc inprimis fieret, si bello pontifex etiam in-  
 teresset & episcopi. Cum enim ipsorum sit peculiare munus, uerbo  
 Dei sathanam & precationibus oppugnare, minimè decet, ut ea ne-  
 glecta statione, machinis & armis rem gerant. Ad ciuilem uerò magi-  
 stratum ea cura pertinet, & distincta sunt officia: sed iam olim ponti-  
 fices illa conturbarunt, tametsi legibus maiorũ prohibeantur. Quàm  
 infoeliciter autem adhuc sint administrata bella, propter falso usurpa-  
 tum nomen Christi, res ipsa docet. amissa Rhodo, & Vngariæ parte  
 potissima, uicinum planè Turcam habemus: quàm sit etiam infausta  
 pontificiorum in bello societas, pugna Varnensis demonstrat, &  
 Ladislai regis calamitas, cui Iulianus cardinalis committendi prælij  
 fuerat author: docet etiam recens, & ante secundum annum accepta  
 clades, quando Ludouicus rex miserabiliter interijt. Ista præfatus,  
 ad rem ipsam uenit, & Deum inprimis reconciliandum esse dicit, &



ecclesiæ ministris, ut ad pœnitentiam homines hortentur, præscribit, postea Turcarum religionem ac impietatem explicat, & Cæsaris propriè munus esse dicit, in illum belligerari, nō quidem uindicta, uel gloriæ, uel æmolumenti causa, uerū ex officio, nimirum, ut ab iniuriā suos defendat. Neq; uerò Cæsarem his uerbis ad bellum excitandū esse, tanquam sit orbis Christiani caput, ecclesiæ protector, fideiq; defensor: nam eiusmodi titulos esse falsos atque uentosos, & ad iniuriā Christi pertinere, qui solus ecclesiam suam defendat: eoq; maiorem hanc esse iniuriam, quod plerique reges ac principes, ueræ doctrinæ sint hostes acerbissimi: non ergo propter diuersam religionē, sed quia latrocinij grassatur, & iniustissimum bellum gerit, & turpissima uita secum inuehit exempla, Turcam oppugnandum esse, uimq; propulsandam. Collatione deinde facta, pontificatum Romanum nihilo meliorem esse Turca, demonstrat, & ut ille per suum Alcoranum, ita pontificem per suas decretales, euangelij doctrinam extinxisse: quod ille per uim, hoc pontificem agere per suam illam excommunicatio- nem: utrumq; uerò contumeliam facere matrimonio, & contemptæ legis diuinæ, quæ coniugium instituit, dare pœnas dicit, quando prorsus à Deo reiecti, scœdisimis amoribus exardescunt, & ordinem naturæ sceleratissimè perturbant. postremò, de Turcarum potentia locutus, monet, ne securè bellum gerant, sed cum hoste sibi rem esse sci- ant omniū acerrimo. Hæc inquam et id genus alia tractat in eo, quem diximus, libro: nunc autem, quando Cæsaris & Ferdinandi regis hor- tatu, bellum ordines Imperij decreuerunt, alterum scriptum edit, mi- litarem, sicut dixi, concionem, ut, qui castra sequebantur ecclesiæ mi- nistri, sicuti fieri solet, formulam aliquam haberēt & docendi & ex- hortandi. Primum est igitur, inquit, ut homines intelligant, quid de Turca sentiendum sit. nam scriptura uaticinatur de duobus immani- bus tyrannis, qui Christianum orbem uastaturi sint ante supremū iu- dicij diem, unus quidem falsa doctrina, de quo Daniel, & post eum, Paulus: hic nimirum est pontificatus Romanus: alter uerò, copijs & armis, Turca uidelicet, de quo Daniel capite septimo. Qui uolent igi- tur esse Christiani, confirment animos, nec ullam pacē aut iucundio- rem uitam & ocium in posterum expectent, nam tempus illud ærum- nosum, quod ille pronunciauit, iam adest. Consolemur autem nos ad-

1542 uentu Christi, & futura liberatione, quæ statim post afflictiones illas apparebit, & certo sciamus omnem rabiem ac iracundiam sathanæ per Turcam in nos effundi totis uiribus: nec enim ullus unquam tyrannus ad hunc modum sæuijt, ut iste. Danielis deinde caput septimū, quod est de quatuor bestijs, è mari prodeuntibus, explicat, & Turcicum regnum ibi describi demonstrat. nam hoc esse paruulū illud cornu, quod inter illa decem cornua quartæ bestię natum sit: ac licet in immensum creuerit, fieri tamen non posse, ut ad Imperij Romani potentiam accedat: prophetam enim designare quatuor solum Imperia. quæ sint ordine successura: postremum ex ijs esse Romanum: itaq; nullum esse futurum aliud, quod sua magnitudine Romano comparari possit. Et quoniā tria tantum cornua Daniel ei tribuat, quæ sit ex illis decem reuulsurus, non esse longius aliquò deinceps progressurum ipsius impetum: hæc enim tria cornua iam pridem esse reuulsa, Græciam, Asiam, Aegyptum: quas quidem Imperij prouincias longè maximas Turca possideat: hos intra fines atq; cancellos eū includi à propheta: spem igitur esse, futurum, ut Imperij prouinciam nullam deinceps occupet. Quòd uerò per Pannoniam tumultuetur, et Germaniæ nunc etiam immineat, postremum hunc actum fore tragœdiæ: fieri quidem posse, ut in eas regiones impressiōe faciat, sed ut pacatas habeat et tranquillè possideat, sicut Asiam, Græciam, Aegyptum, nō sese putare: nam uaticinium illud esse clarum ac perspicuum. Post hæc, reliquas partes omneis tractat, & ad pœnitentiam inprimis inuitat, & ut magistratui militiam aduersus Turcam imperanti, præstò sint omnes, ac non modò fortunas, uerum etiam se ipsos impendant, hortatur: captiuos etiam, qui uel iam sunt in Turcarum potestate, uel in seruitutem ab illis rapiuntur olim, multis argumentis consolatur, & ut à speciosa illa Turcarum atque fucata religione sibi diligenter cauant, cōmonefacit: nam audire se, multos Christianæ professionis homines ultrò deficere ad ipsorum religionem, eò quòd probitatis atq; sanctimonię speciem aliquam habeat: patienter autem ferant seruitutem, suisq; dominis, licet prophanis & impijs, fideliter inseruiant, nec ab illis profugiant, aut se ipsos interficiant, impatientia tædioq; conditionis, uerum illud, quod Petrus atq; Paulus de seruorum officio scribunt, in memoria semper habeant: cum autem aduersum Christianos bellum



bellum mouetur, uitæ periculum potius adeant, quàm illis militent: nam esse latrones, ac bellum facere sanctis, ut Daniel inquit, & sanguinem innoxium profundere: cauendum igitur inprimis à tanti sceleris atque flagitij societate. Huic scripto subiungit rationem precandi contra furorē Turcicum, & sub finem expatiatus in nostri temporis uitia, quæ per omnes ordines regnent, Germaniam, quæ tam sit corrupta prorsus et impura, nō posse diuturnam nec incolunrem esse, docet. precationis uerò formulam hanc præscribit. Aeternæ pater, nos quidem meriti sumus, ut affligamur, sed tu nos ipse plecte, pro tua, nō offensione & ira, sed misericordia: multò nobis enim præstat, in tuas incidere, quàm in hominum hostiumq; manus: tua enim est immensa et infinita misericordia: tibi certè peccauimus, tuaq; sumus transgressi mandata, sed nosti pater cœlestis, diabolum, pontificē atq; Turcam, ut nos affligant, nullum habere ius atq; causam: nihil enim in eos conuimimus: tu autem illis, ueluti flagello quodam uteris in nos, qui te nō uno modo per omnem uitam aduersum nos excitauimus: illi inquam, cōtra nos causam nullam habent, sed uellent potius, ut ipsorum exemplo grauissimè te semper offenderemus, ut impio cultu, falsaq; doctrina, mendacijs, imposturis, latrocinijs, furtis, rapinis, adulterijs, fornicatione, ueneficijs, tui nominis maiestatem læderemus: hoc illis esset optatissimum: quòd autem te Deum patrem, tuumq; filium Iesum Christum, dominum nostrum & spiritum sanctum, unicum ac sempiternum Deum profitemur & celebramus, hoc illud est flagitium nostrum atq; scelus, propter quod ita nos oderunt & persequuntur. Si fidem hanc proijceremus, facta defectione, tum nihil esset ab ijs expectandum incommodi. Respice nos igitur Deus pater, & remedium adhibe: sunt enim tui magis aduersarij quàm nostri: cum nos uerberant, te ipsum uerberant: quam enim annunciamus, tua est non nostra doctrina: sathanas autem hanc ferre non potest, & tuo loco uult adori, tuoq; remoto uerbo mendacia nobis conatur obtrudere: sed & in filij tui Iesu Christi locum Turca suum uult collocare Mahometū. Iam, si peccatum est illud, quòd te patrem, tuumq; filium ac spiritum sanctum profitemur esse uerum & unicum Deum, certè tu es ipse peccator, qui nos ita doces, & hoc à nobis officium requiris: & illi, quum hac de causa nos persequuntur, te ipsum oderunt & affligunt.

Precatio  
contra  
furorē  
Turcicū

Ex

1542 Expergiscere ergo mi Deus, & nomen tuum sacrosanctum, quod illi polluant atq; deformant, ipse uindica, nec iniuriam hanc ab illis patere, qui non delicta uitiaq; nostra plectunt, sed uerbum tuum in nobis delere conantur, eoq; tendunt, ne tu regnes omnino, neue populi ullum habeas, qui te colat & reuereatur. Porro de Turcarum origine & incremento, quia multi scripserunt, nihil attinet hic aliquid annotare: creuerunt à paruis initijs in immensum. primus autè illorum Imperator ponitur Othomannus, ad annum salutis humanæ circiter millesimum trecentessimum: huic deinde succedit Orhanes, Amurathes, qui primus per Hellepontum in Europam copias transmisit, & Thraciam inuasit, Baiazethes, Cyriscelebes, Moses, Mahomethes, Amurathes, Mahomethes, Baiazethes, Selymus, Solymannus. Per hos ferè dies, Alonsus Daualus, de quo dictum est, ad Germaniæ principes emissio libello, Galliæ regem incusat, qui reipublicæ tēpore tam afflicto res nouas molitur, ut Cæsaris & ordinum omnium honestissimos conatus impediatur: causam uerò leuem atque futilem obducere, propter Antonium Rinconem & Cæsarem Fregosum scilicet interceptos: quibus sanè quid acciderit, non se potuisse, licet diligentia nihil prætermiserit, inuestigare. Galliæ rex, eo cognito, longè maximam sibi factam iniuriam esse demonstrat, uiolatis magna cum atrocitate legatis: ea de re non semel questum esse grauius ad pontificem atque Cæsarem, & ut sibi satisfaceret postulasse, uerim frustra: cum autem rei tanta sit indignitas, non se posse illam, nisi maxima cum turpitudine & nominis infamia, negligere. Maij deinde mensis die secunda, litteris datis ad senatum Parisiensem, ut corda nostra, suo numine Deus, inquit, illustret, ac fidei constantiam largiatur, & errantes in uiam salutis reducat, si qui sunt, & pacem nobis tribuat, per satisfactionem iniuriarum, que mihi propter occupatum ius nostrum & uiolatos nuncios atque legatos factæ sunt, aut, si pace desperata mihi sit ad arma uenire necesse, uictoriam concedat: equidem peto, ut ad templadeorum supplicationes fiant, & per concionatorem idoneum huius rei causa populo recitetur: deinde, si quis fortè minus rectè de fide, deque religione nostra sentiat, nec emendationem promittat, ut sui delicti publicè det poenas, mando. Non multò post ad principem Cluensem mittit Longeuallum, qui sub æstatem collectis ibi copijs, ductore

Turcarum  
Imperatores.

Longeuallus.

Mar-



Martino Rossemo, rei gerendæ occasionem expectabat. Interea pontifex calendis Iunij concilium indicit, & quemadmodum non semel indictum ab se concilium postremò suspenderit ad idoneum usq; tempus, prolixè commemorat. itaq; culpam omnem à se remouet: & licet nunc quoq; sit anceps reipublicæ status, noluisse tamen ait differre longius. Indicit autem illud, Tridenti, ad calend. Nouembris, eoq; uenire iubet patriarchas, episcopos, abbates, & id genus alios, quibus iure uel priuilegio concilijs interesse licet, ac sententiam dicere permissum est. Cæsarem etiam & Galliæ regem imprimis hortatur, ut aut ipsi ueniant, aut legatos mittant, & suis episcopis eò proficisci mandent: Germanos autem episcopos ante omnes inuitat, idè quòd ipso rum causa potissimum & rogatu labor hic suscipiatur omnis. Iulio Gallus mense Galliæ rex atrocissimis uerbis bellum Cæsari denunciat, & e= Cæsari bellum edicit. duo libello, suis liberum facit, ut quacunq; ratione possint, terra mariq; prouincias illius deuastent. Paulo antè Longeuallus & Rosse= mus in Brabantiam inuaserant, magnumq; terrorem inferebant im= paratis, & proximum erat, ut Antuerpiam caperent atq; Loua= nium, sed destituti rebus ad tormenta necessarijs, non poterant oppugnare, & progressi, quacunq; uaderent, omnia populantur, & pecuniam extorquent, & ui patefacta uia, filio regis, Aureliano principi Carolo, qui Lucemburgicæ regioni bellum tunc faciebat, mense Augusto sese coniungunt. In his copijs erant à Daniæ rege missi equites, ad CCCC. præter Danuillerum, Virtonum, Lucæum, capta fuit etiam urbs primaria, Luceburgum. Rex ipse diuersa parte bellum mouet, & ualido cum exercitu profectus, Parpinianum, quod est ad Pyrenæos montes oppidum agri Ruscinonensis, obsidet: sed & per Pyremontium arma iubet expediri, ductore Gulielmo Langeo, & in Atrebatem atq; Morinos impetum facit, Vendomio principe rem administrante. Sic adeò quinq; diuersis locis hostem inuadit, & multorum iudicio præstabat, unam aliquam prouinciã summis copijs oppugnare, quod exitus etiam docuit. Nam & Parpinianum frustra tentauit, & Aureliano domum reuerso, Cæsariani, præter Lucæum, pleraq; recuperant per hanc occasionem Antuerpiæ coepta fuit muniri, quæ prius facilem habebat aditum. Bellum rex facturum, Polinum remisit ad Turcam, oratum, ut in prouinciã Galliam sibi clas=

154.2 sem mitteret: cum autem serius aliquantò Polinus aduenisset, Soly-  
mannus rem in annum sequentem reijcit. Eo flagrante bello, rex edi-  
cta proponit in Lutheranos: Parisiensis etiam senatus, parlamentum  
uocant, graui constituta pœna denunciat librarijs, ne quos libros da-  
mnatos atq; suspectos excudant, diuendant, & nominatim Ioannis  
Caluini librum, qui est de institutione religionis Christianæ. Deinde,  
rogatu inquisitoris fidei, quem uocant, septimo Iulij die decernit, ut  
pro concione populus admoneatur, officium suum ecclesiæ præstent,  
& si quem Lutheranum, aut de religione malè sentientem norint, de-  
ferant: hoc enim esse Deo gratissimum opus. Ecclesiæ uerò ministris  
Formula præscripta fuit formula, quam in explorando sequerentur: iubeban-  
inquire- tur enim à delatoribus percontari, num aliquem nouissent, qui dicat  
di in Lu- non esse purgatorium: hominem extinctum, aut saluum esse iam aut  
thera- damnatum: obseruatione mandatorum Dei, hominem non iustifica-  
nos. ri: solum Deum implorandum esse non diuos: uenerationem imagi-  
num esse idolatricam: sanctos nō edere miracula, ceremonias ecclesiæ  
nihil prodesse: leges ecclesiæ non obligare quenquam: omnibus promi-  
scuè necessariam esse cognitionem euāgelij: sacram scripturam lingua  
populari legendam esse omnibus: ineptum esse, uulgus hominum præ-  
cari Deum sermone latino: sacerdotem non condonare peccata per sa-  
cramentum pœnitentiæ, sed esse ministrum, & beneficium Dei con-  
donantis peccata denunciare tantum: ecclesiæ non licere quenquam  
astringere peccato mortali: licere quouis tempore uesci carnibus. Hæc  
formula perquirendi data fuit priuatim atq; mandata, sicut diximus,  
ecclesiæ ministris: publicè uerò propositum fuit edictum, quo deferri  
iubentur & accusari, qui ritus atq; leges ecclesiæ negligunt, qui li-  
bros habent alienos à fide Christiana, uel eos alijs dant legendos, aut  
sponte per uias abijciunt inter eundum, ut spargantur, qui priuatis in  
ædibus & hortis conueniunt, & consilia cudunt aduersa legibus ec-  
clesiæ, qui suas in domos & hortos id genus homines recipiunt. qui  
sint harum rerum conscij, iubentur intra sextum diem deferre theolo-  
gis doctoribus, ab inquisitore delectis, Henrico Geruasio, Nicolao Cle-  
rico, Petro Richardo, Roberto Buccino, Ioanni Benoto, Francisco Pi-  
cardo, Ioanni Morino: nisi faciant, excommunicantur. Librarijs e-  
tiam mandatur, si quid habeant excusum aut manuscriptum, quod  
aliquo



aliquo modo suspectum sit, aut ab ecclesiæ consuetudine alienum, 1 5 4 3  
 ut intra sextum diem ad illos deferant: post, non fore purgationi lo=  
 cum. Quo die diuulgatum est hoc edictum, supplicatio facta fuit ad  
 templa diuorum, & regni salutis, & conseruandæ causa religionis, et  
 circumgestata fuit Gencuesæ, tutelaris ipsorum Dea, sicut libro nono  
 diximus, & his ipsis serè diebus exusti quidam fuerunt, propter dog=  
 ma. Docebat per id tempus Lutetiæ populum, in æde sanctæ Crucis,  
 Franciscus Landrus, & purè quidem. neque misificabat, quòd ui=  
 num non biberet: naturæ uel instituto, me latet. in hunc ordo theo=  
 logorum ingens odium concepit: cumq; per emissarios quædam Francif.  
Lādrus  
concio  
nator.  
 illius dicta notassent, hæc demum capita doctrinæ proponunt. sa=  
 crificium Missæ institutum esse à Christo, & prodesse tum uiuis tum  
 mortuis: orandos esse diuos, ut sint nobis ad Christum intercessores  
 & aduocati: panis atque uini substantiam in consecratione muta=  
 ri: sacerdotibus tantum licere consecrare panem & uinum, & ad eos Capita  
doctrinæ  
Sorbont  
cæ.  
 modò pertinere cœnam domini totam: uota monastica seruanda:  
 confirmatione & unctione, sacramentis, conferri spiritum sanctum:  
 oratione, ieiunio & bonis operibus animas è purgatorio liberari: le=  
 ges ecclesiæ de ieiunio & ciborum delectu obligare conscientiam: u=  
 num esse summum ecclesiæ præfulem atq; pontificem, cui iure diui=  
 no teneantur omnes obedire: multa esse credenda & necessariò re=  
 cipiendæ, quæ non sunt prodita scripturis: indulgentijs pontificijs  
 condonari pœnam purgatorij: sacerdotes, etiam impuros & uitio=  
 sos, consecrare corpus domini: peccata omnia mortalia esse reuelan=  
 da sacerdoti, & sacramentalem absolutionem ab eo recipiendam:  
 homini esse liberum arbitrium, quo possit agere bene uel male, &  
 resurgere à peccato per pœnitentiam: non sola fide, sed per charita=  
 tem & ueram pœnitentiam acquiri peccatorum remissionem: ec=  
 clesiam & concilia legitimè congregata non posse errare, & eis es=  
 se parendum: ad ecclesiam pertinere iudicium & interpretationem  
 scripturæ, si quid sit controuersum. Hæc eum approbare, & si=  
 gillo suo confirmare uolebant: ille, diebus aliquot interiectis, ge=  
 neratim respondet. pium & sanctum esse, quicquid de his rebus ec=  
 clesia sancta & catholica tradat: sed eo responso minimè contenti,  
 grauiora in ipsum moliebantur, ut infra dicemus. In hoc etiam

1542 tempore Meti docebant euangelium, unus & alter ordinis Domini-  
 Meti do- cant: cumq; sacerdotum turba non obscurum odium præ se ferret,  
 cetur & pleriq; ciues uehementer orabant senatum, ne docentes impediret,  
 uangelii omnem obsequentiam professi. uenit etiam eò Gulielmus Farellus, qui  
 primò quidem in urbe, priuatim, pòst, in castello quodam, foris, do-  
 cebat. Cùm autem Cæsaris essent ad senatum allatæ literæ, quibus  
 mandabat, ne quid in religione mutarent, & ut in fontes uindicarent,  
 interdictum ciuibz fuit, ne cuius interessent concioni, qui non epi-  
 scopi & tredecim uirorum mandatu doceret. Hac æstate, locustarum  
 infinita turba Germaniam & Italiam citeriorem uolando peruasit.  
 erant autem inusitata magnitudine, & ubicunq; sese demitterent,  
 agros depascebant. De Henrico Brunswicensi, de grauißimis illius  
 in Saxonem atque Lantgrauium inuectiuis, deq; incendijs excita-  
 tis non semel diximus: Cùm autem Imperij ciuitates, Goslarianæ &  
 Brunswicum, Smalcaldici fœderis, perpetuis excursionibus atq; ra-  
 pinis uexaret, neq; Cæsaris & Ferdinandi regis pareret edictis, qui ro-  
 gatu protestantium, ut ab omni ui temperaret, mandauerant, bellum  
 ei Saxo faciunt & Lantgrauius, communi sociorum nomine, & bre-  
 ui tempore suam in ditionem, ipsius agrum omnem perducunt, & ar-  
 cem, non procul ab urbe Brunswico positam, Vuolsebutelum, in qua  
 spem omnem collocauerat, deditione capiunt. Ipse, non diu commo-  
 ratus, aduentante iam hoste, fuga sibi salutem petit, et ad Bauaros cum  
 natu maximo filio, Carolo Victore, contendit. In ea quàm diximus  
 arce complures repertæ sunt literæ, quibus liquidò doceri potest, quid  
 ipse, quid Bauari, quid Moguntinus, quid Heldus & alij nonnulli  
 conati sint. Id autem suo loco pòst referemus. Protestantes, edito  
 scripto, sui facti causas prolixè commemorant, & non intulisse, ue-  
 rum necessario defendisse bellum socijs illatum, demonstrant. In su-  
 periori conuentu Spirensi, Ferdinandum regem sollicitauerant, ut &  
 Cæsaris & suo nomine iuberet eum à Goslariensibus abstinere. Gessit  
 morem Ferdinandus, qui tum aduersus Turcam ipsorum haberet o-  
 pus auxilijs, & misis legatis acriter hominem monebat: sed ille con-  
 temptum & fastuose respondit, neq; desistit. eoq; subsecuta fuit il-  
 la, quam dixi, defensio. nam Spiræ Ferdinando regi demonstraue-  
 rant, nisi ille pareret edictis, non se neglecturos sociorum iniurias.

Hæcicus  
 Brunswi.  
 pulsus  
 sua diuio  
 ne.



Ad Idus Iulias fuit alter Imperij conuentus, Noribergæ. sic enim decretum fuerat Spire, propter bellum Vngaricum. Aderat rex Ferdinandus, legati uerò Cæsaris erant, Fridericus Palatinus, episcopus Augustanus, Fridericus Furstembergus, Hugo Monfortus, Ioannes Nauus. proponit Ferdinandus. Quod exercitum in Vngariam miserint, pergratum esse Cæsari, qui & ipse decreuerit adesse huic bello cum suis copijs, eoque conuentus ordinum indixerit per Hispaniam: sed in ea deliberatione in grauem incidisse ualetudinem, & conuentus illos in aliud tempus necessario reiecisse: cumque iam de summa rei, deque præmittendis ab Italia & Burgundia copijs omnino statuisset, tunc primum ipsius hostium conatus erupisse, ita quidem, ut non in Italia solum, sed in Belgio quoque periculum ipsi metuendum esset: cuius tamen rei causam ipse nullam dederit, qui publicam tranquillitatem inprimis amet: scire autem ipsos, quemadmodum hostes, inde à conuentu Spirensi nihil non tentarint, ut Heluetijs & Germanis militibus ad se traductis, belli fieret initium: sic adeò Cæsarem, omnino præter animi sententiam impeditum & retardatum esse, quò minus aut ipse ueniret, aut etiam auxilia mitteret, quibus ad sui defensionem opus habeat: ueruntamen in hoc totum esse futurum, ut antè finem anni uertentis in Germaniam redeat, & animo destinatum bellum perficiat: classem etiam habiturum esse mari plenam & instructam, ut Turca duplici bello distentus, non possit uires omnes in Vngariam conuerrere: cum in Germaniam quoque uenerit, nihil esse præteriturum, quod ad piam & tolerabilem religionis conciliationem pertineat: Cæterum, incommodo reipublicæ maximo fieri, quòd possimi conuentus decreto non omnes pareant: quosdam enim ordines nullum misisse militem, alios misisse quidem, sed non plenè: rursus esse qui miserint, sed absque pecunia: machinas etiam desiderari cum instrumento, quas nonnulli dare promiserint: hanc nimirum esse causam, cur belli administratio consistat, & exercitus omnis, non sine summo Imperij detrimento quiescat: belli duces ea de re grauem habere querimoniam, & se ipsum hæc omnia uidisse coram, & quia res magni sit periculi, uenisse hunc ad conuentum, non absque graui suo dispendio: petere igitur maiorem in modum, ne tempore tam necessario, reipublicæ desint. Prius, quàm Vienna discederet Ferdi-

2542 **n**andus, Noribergam iturus ad conuentum, de bello Brunsvicensi cer-  
 tior factus, per internuncium fuerat dehortatus illos ab instituto: nunc  
 autem, ubi Noribergam uenisset, de communi consilio missi fuerunt  
 Legati **Legati**  
 ad Saxo- **ad Saxo-**  
 nem & **nem &**  
 Lantg. **Lantg.**  
 legati, quorum hæc erat orationis summa. ne copijs & armis rem ge-  
 rant, hoc præsertim tempore: nam alioqui metum esse, ne Turcicum  
 bellum impediatur, & ciuile per Germaniam excitetur. Ad ea Saxo  
 & Lantgrauius, Augusti die undecimo respondent e castris antè Vuol-  
 febutelum arcem, & susceptæ defensionis causas prolixè commemo-  
 rant, nec alia uia rem potuisse geri demonstrant: & quanquam neces-  
 sariò bellum istud gerant, magnosq; sumptus faciant, tamen in Tur-  
 cicum bellum bona fide se subministrasse nibiominus quæ debebant  
 auxilia, neq; deinceps etià esse defuturos: quòd si cæteri omnes idem  
 facerent, non esse quòd dissipationem exercitus aliquis uereatur: sed  
 quid in plerisq; desideretur, id multorum literis atq; nuncijs perfer-  
 ri: quod cum ita sit, & quia Brunsvigijs alia ratione coherceri non  
 possit, aspernatus uidelicet tum Cæsaris, tum Ferdinandi regis edicta,  
 Imperijq; decreta, orare, ne secus hoc suum factum interpretentur:  
 nam illum unum hoc bello peti, neq; se recusare, pacatis rebus, omneis  
 copias ad Vngariæ subsidium traducere, quantum quidem ipsi pos-  
 sint. Exitus comitij fuit ad xxvi. Augusti diem. poena decernitur in  
 eos, qui comitij Spirensis decreto non obtemperant, simul alia quæ-  
 dam gerendo bello necessaria statuuntur. Principes nulli aderant, præ-  
 terquam Prusiæ magister Vualtherus, Bambergensis, Eistetensis, &  
 Tridentinus, episcopi, tum illi, quos dixi, Cæsaris uicarij. Dictum est  
 antea de cardinali Contareno: is legatione sua non bonam gratiam  
 iniit apud pontificem atque collegium, quasi non satis acriter sese  
 Lutheranis opposuisset, & quasi rempublicam Romanam propè in  
 discrimen adduxisset. Cum absentem plerique grauiter incusa-  
 rent, ab uno Fregoso cardinali fuit defensus. In Italiam reuersus è  
 Germania, Lucam uenit, ubi tum Cæsarem pontifex Paulus expe-  
 ctabat, iturum in Aphricam. Romani deinde cum Paulo profectus,  
 non multò post creatus est legatus Bononiæ, ubi demum hoc anno,  
 sub exitum Augusti mortuus est, non sine ueneni suspitione, cum pau-  
 lò antè Fregosus quoque mortem obijisset. Qui familiariter illum no-  
 uerunt, de iustificatione hominis rectè sensisse dicunt. Fuit uir cum-  
 primis

**Contare-**  
**nus &**  
**Fregos-**  
**us Car-**  
**din. mo-**  
**riuntur.**



primis doctus, & extat eius, de magistratibus atque republica Venetorum, liber. Hoc ipso mense, Gallie cancellarius, Gulielmus Poictus, mandatu regis, qui tum Parpinianum ibat, captus de nocte, dum cubaret, in carcerem ducitur. Cum ea fama Lutetiam uenisset, incredibilis fuit omnium letitia: nam quatuor illis annis, quibus hoc munus administravit, offenderat omnes ordines, & e gyneco regis hæc illi nata fuit calamitas: inuidiam auxit etiam Amiralij condemnatio, sicut antè dictum est. Magnam uerò spem ac propè certam animo conceperat, consequendi cardinalatus, ideoq; mensibus aliquot antè, sacris inaugurari uoluit, quod tamen clerique factum ab eo dicebant, ut, quoniam in odio plurimorum erat, sustinere se posset, ac uita periculo subducere, si quandò æstus ille prorumperet ac effruesceret. Tertium hoc erat fortune ludibrium, in Gallijs, paucos intra menses exhibitum. cum enim summum dignitatis gradum obtinerent hi, quos diximus, Amiralius, Connestablius, Cancellarius, mutuis inuidiæ conflagrarunt incendijs, & quàm sint fallaces, incertæ, lubricæque res humanæ, suo demonstrarunt exemplo. Ad hoc tempus Otto Henricus Palatinus euangelij doctrinam amplectitur: idem faciunt Hildessemenses. De concilio supra diximus. pontifex eius rei literas atque diploma statim ad Cæsarem in Hispaniam mittit. Cæsar ad eam xv. die Augusti respondet. Initio laudat eius conatum atque studium erga rempublicam, sed Gallie regem sibi conferri, dolet: hunc enim prodigum esse filium, se uerò, qui nunquam ab officio deflexerit, multò arctius complectendum esse dicit: nullum enim laborem, nullum se recusasse periculum atque sumptum, ut aliquando concilium haberetur, ut republica tota pacata, uires omnes in Turcam expedirentur: Illum contrà, longè semper aliò spectasse: non ergò nihil esse, quod in ipsius literis desideret: consueuisse illum iactare, quasi cardinales habeat in sua manu: quapropter dubitare se, num uerum illud sit: Sed utcumq; res habeat, niti sese conscientia recti, & actiones utriusq; notas esse publicè: nimium sanè ipsum esse lenem in illum, nimiumq; indulgere: nam frustra multis nunc annis omnem suscipi laborem: admonitum esse frequenter officij, remissas illi sæpe grauissimas iniurias, renouata subinde cum eo fœdera, sed his omnibus factum esse deteriorè, et sua lenitate atq; patientia prorsus abuti:

1542  
Poictus  
in uincula con-  
cius.

Orto Pa-  
larinus  
Euange-  
lium am-  
plectitur  
Cæsar  
responsio  
ad ponti-  
ficem.

1542 quis belli causam dederit, quis pacta uiolarit, explicatum ab se fuisse Romæ: quid acciderit interea, nunc etiam dicturum: nempe, quàm fuerit amans ipse cupidusq; pacis, ex eo faciliè posse demonstrari, quòd post inducias Nicenas, cum illo uenerit in colloquium ad Aquas mortuas, etq; sese permiserit, et anno sequenti per Galliam iter fecerit, magna cum hominum admiratione, neq; sine reprehensione multorum: etenim cum non semel fidem ille uiolarit, et sit in consilijs omnibus ualde mobilis ac inconstans, magni certè rem fuisse periculi, quòd eius fidei sese committeret: compertum etiam habere se, deliberatum fuisse tunc de se retinendo: quòd autem nonnulli dicant, propter motum Gandauiensem necessariò sibi fuisse faciendum illac iter, id nihil esse: nam cum modum à paucis quibusdam, et quidem infimi generis hominibus, excitatus, et prouinciam omnem in fide permansisse, et sororem suam reginam ijs rebus potuisse mederi: consilij uerò sui tunc fuisse, per Italiam reuerti in Germaniam, sed illius precibus adductum mutasse propositum, perq; Galliam iter suscepisse: quòd quidem et illius et liberorum eius, et procerum quoq; literis docere possit: etenim illum hoc ita uehementer ab se flagitasse, ut honorem suum lædi putaret, si quidem aliò, quàm per Galliam, iter fieret: cumq; iam esset in Gallijs, illum non semel affirmasse, pactas inducias uelle seruare: postea uerò coepisse queri, non sibi reddi Mediolanum ex promisso, cum tamen ei promisso hæc fuisset adiuncta conditio, si quidem Sabaudie principem auunculum suum restitueret, et alia quedam faceret: Ab eo uidelicet tempore, diuersis locis illum contra se machinatum esse, per Germaniam, per Italiam, apud Turcam, apud Vayuodam Ioannem, eiusq; coniugem uiduam, et quosdam Vngariæ proceres, quorum opera Budam Turca sit consecutus: Et tamen interea pulchrè dissimulasse maleuolentiam et multa sibi prolixè de amicitia confirmasse, captiose nimirum, ut tempus duceret, et inopinantem adoriretur: occasionem autem arripuisse tunc primum, quando Fregosus atq; Rinconus fuerunt amissi: quas quidem de re quomodo illi satisfacere uoluerit, ipsum esse testem, qui fuerit arbiter delectus atq; discipulator: hanc igitur illum obduxisse causam noui motus et perturbationis reipublicæ, cum tamen multò antè id facere cogitasset: quid uerò conati sint Fregosus atq; Rinconus, illius mandatu, per Italiã atq;

Tur=



Turciam, & quam operam ei sæpe præstiterint, satis esse notum: uo= 1 5 4 2  
 luisse enim rempublicam Christianam proditione in summum addu=  
 cere discrimen: non ergo pacis Nicenæ beneficio potuisse frui, qui pa=  
 cem publicam ipsi uiolassent: deinde, furtim & occultè transcurris=  
 se per Insubriam, cum exulum comitatu, quod ipsum capitale sit, eius  
 regionis consuetudine: Marchionem Daualum ab eo grauitè insimu=  
 lari, sed hunc sistere se noluisse iudicio: cur autem illud recusarit, & a=  
 lias etiam repudiarit satisfactiones, non esse obscurum: se quidè, cùm  
 illi satisfactum iri crederet, traiecisse in Aphricam, & misso legato  
 publicam ei commendasse pacem: at licet amplè promitteret, uaria ta=  
 men aduersum se tentasse per Germaniam & Daniam, alijsq; in lo=  
 cis: cogitasse etiam inuadere Nauarram: in comitijs deinde Spire to=  
 tum in hoc fuisse per legatos, ut disidium religionis aleret, dum utris=  
 que separatim amicitiam atque fauorem promitteret: conatum esse  
 Imperij ordines à bello Turcico detertere, sollicitasse Turcam, in Ita=  
 liam misisse copias, per Martinum Rossenum in Germania inferiori,  
 per Aurelium uerò principem, filium, in agro Lucemburgico sibi  
 bellum intulisse, prius, quàm illud denunciasset: reliquas deinde uires  
 omneis ad Hispaniæ fines conuertisse: hunc scilicet esse fructum ipsi=  
 us diligentie, qui tantum illi sit largitus, & toties ad pacem adhor=  
 tatus: quòd etiam archiepiscopum Valentinum ab eo detineri capti=  
 uum, & Hispanis aliquot nobilibus atrocem iniuriam, à Gallis, A=  
 uenione fieri sit passus, nimiam herclè tolerantiam esse: Nunc ergo  
 defensionem sibi necessario subeundam, quo tempore minimum ab il=  
 lo sibi metuerit, propter amplissima illius promissa, quo tempore e=  
 tiam in bellum Turcicum sese compararit, & in Germaniam idcirco  
 redire constituerit: Iniuriam quidem esse magnam, & cladè non me=  
 diocrem, quam ille sibi suisq; finibus intulit, sed his omnibus non  
 tam moueri, quàm reipublicæ calamitate: nam ad sua priuata quan=  
 tum attinet, quoniam ille subinde discedit à pactis, multò sibi præ=  
 stare, bellum apertum gerere, quàm inducijs aut conditionibus insti=  
 stere, quas ad primam quanque occasionem ille rescindat: pacem e=  
 nim insidiosam esse plerunque: nam illum interea struere noua con=  
 filia, perniciose reipublicæ, alere factiones, & in hoc uersari totum,  
 ut dispendijs atque sumptibus defatigato sibi difficultatem obiciat

5 42 resistendi Turcis: & quum eo sit ingenio præditus, liberos etiam ad  
 eandem disciplinam instituire: iam autem eius ambitionē & immensam  
 cupiditatem ita creuisse, ut occultari non possit: illius maiores oc-  
 cupasse prouinciam Galliam, quæ sit ditionis Imperij: sic illum tenere  
 nunc Sabaudiam & Pedemontij partem, atq; ita communire, ut faci-  
 le appareat, non constituisse reddere: fuisse autem illius propositi, nō  
 Insubriam modò, sed Parmam quoque & Placentiam, ac deinde Lu-  
 cam atq; Senas, post etiam ecclesiæ Romanæ ditionem inuolare, quò  
 sic patefactum haberet iter ad Neapolim atque Siciliam: quin eò ten-  
 dat, non esse dubium, & ex ijs, quæ per Italiam molitur atq; tentat,  
 facile posse deprehendi. Breuiter, cupiditatem eius nō certis ullis fini-  
 bus contineri, sed esse uagam & infinitam: neque uerò esse, quod pa-  
 cta seruaturus unquam putetur, quādiu supererit quod alijs eripiat  
 & ad se transferat: hoc enim animi morbo, uitioq; mentis, uelut æstu  
 quadam, ita rapi transuersum, ut omnis etiam pietatis atq; religionis  
 oblitus, cum Turca fœdus inierit, & cum hoste reipublicæ non consi-  
 lia modò, sed fortunas etiam communicet, & nunc quoq; magnificē  
 iactet, fore, ut nostros in fines Barbarossa cum classe ueniat: an hæc ad  
 sanandam rempublicam, ad inchoandū concilium faciant, ipsum de-  
 bere pro sua prudentia cogitare: semper illum hoc egisse, ne quando  
 coiret cōcilium, quòd ita suis priuatis rebus utile esse arbitretur: ideo  
 se, quum hoc animaduertisset, aliam instituisse rationem conciliandi  
 per Germaniam dissidij religionis, in eoq; solū spectasse gloriā Dei  
 & ecclesiæ dignitatem: quò minus ergò concilium habeatur, illi tri-  
 buendum esse, qui semper impediuit, non sibi, qui tantum eo nomine  
 suscepit laboris atque molestiæ: quod si igitur afflictam rempubli-  
 cam iuuare uelit, debere ipsum ex officio se profiteri illius hostem, qui  
 totius perturbationis & calamitatis est auctor, qui Turcam in rem-  
 publicam Christianam inuitat & elicit, qui nihil intentatum relin-  
 quit, ut ambitionem & animum uindictæ cupidissimum exatiare  
 possit: cum enim ad ipsum orbis Christiani præcipua cura pertineat:  
 ex officio pastoralis, rem ipsam profectò postulare, ne diutius illum ita  
 tumultuari permittat, sed inimicum ei sese declaret: Quod si faciat,  
 & bonis omnibus longè gratissimum, & ad ceteros quoq; reges in  
 officio continendos, futurum id esse perutile: nam cogendi concilij, &  
 recupe-



recuperandæ pacis, & reipublicæ constituendæ hanc unam esse uiam: 1542  
 quæ quidem in re si suum ipse faciat officium: non etiam se defutu-  
 rum esse.

## LIBER XV.



VM IAM VNDIQUE BELLVM FER= Pacifica  
 ueret, pontifex, Augusti die xxvi. legatos mittit car= tores car  
 dinales pacificatores, Michaëlem Visensem Lusita= dinales  
 num, ad Cæsarem, Iacobum Sadoletum, ad Gallia re= missi ad  
 gem, orans, ut priuatas iniurias, reipublicæ condo= Princi-  
 pes.

nent, & ad pacis consilia sese referant. legatos quoque Tridentum  
 mittit in synodum, cardinales, Parisium, Polum, Moronum. Cæsar et  
 legato Visensi respondet, & pontifici scribit in eandem propè senten-  
 tiam, ut superioribus literis demonstrauimus. frustra pacē fieri cum  
 eo, qui pacta non seruet: itaq; rursus monet, ut illius hostem sese profi-  
 teatur: nam sepe confirmasse, grauius in eum esse uindicaturum, qui  
 uiolasset inducias, aut fœdus cum Turca fecisset: hanc unam modò ra-  
 tionem esse firmam & idoneam ad cōstituendam rempublicam. Cum  
 his literis legatum dimittit ad xviij. diem Octobris. Quia Longeual-  
 lus & Martinus Rossemus, per ditionem ducis Cliuensis exercitum  
 collegerant, ut suprâ dictum est, Cæsariani, ductore principe Aurai-  
 co, Iuliacensem agrum inuadunt, & incendijs longè latèque uastant,  
 & Duram, ijs locis præcipuum oppidum, deditione capiunt: nam ad  
 Cliuensem Iuliacus & Montensis etiam principatus à matre perue-  
 nerant. Hoc quoq; tempore exercitus Imperij, nulla re per Vngariam  
 perfectâ, cū Pestam oppidum frustra tentasset oppugnatione, domū  
 redit, & è contagione multa hominum millia desiderata sunt. Saxo-  
 niæ dux Mauricius hoc in bello uoluntariè militabat, circiter xxi.  
 annorum iuuenis, & è castris quodam die progressus, uno solū co-  
 mitante satellite, cū in Turcas aliquot incidisset, manus conserit, &  
 equo confosso in terram effunditur. Ibi famulus, quem dixi, genere no-  
 bilis, corpore toto superincumbens, iacentem protegit, & tantisper il-  
 los demoratur atq; sustinet, donec equites superueniunt, qui principē

Dura de  
 ditione  
 capta.

Mauri-  
 cij peri-  
 culum.

1542 ēriperent. itaq; uitam ei seruauit, ipse uerò, multis acceptis uulneribus, in castra relatus, non multò post interijt. Hunc finem habuit bellum Pannonium. pontifex ad tria millia peditum auxilio miserat, Alexandro Vitellio ductore. Exarsit & hoc tempore bellum inter Anglos atq; Scotos, cuius hæc fuerat ante annum occasio, quòd Scotus, quum ad auunculum Angliæ regem, transigendi de finibus causa, uenturum se constituisset Eboracum, dehortante matre & multis ex nobilitate, non uenit. Accidit autem, ut Scoti sub initium Decembris, hoc anno, prælium aduersum facerent. eo in prælio capti fuerunt complures genere nobiles, ac sponte quidem, quod ducem contemnerent, humili loco natum, & illum sibi præpositum esse, grauius molestèq; ferrent. Eo facto uehementer indoluit rex, domumq; reuersus, paulò post mortem obiit. fuit hoc pridie Iduum Decembris, quum ante diem octauum uxor ei filiam peperisset Mariam: quæ res dolorem etiam auxit, quòd hærede masculino careret. nam anno superiori filiolos duos intra xxiiij. horas, diuersis locis amiserat. Vxorem autem habebat Mariam, Claudij Guisti principis, è familia Lotharingica, filiam. Laborantibus ad hunc modum Scotis, Galliæ rex auxilio mittit pecuniã & tormenta. Mortuo rege, summa rei permissa fuit Arrianæ Comiti Iacobo Hameltonio, qui regis erat consobrinus magnus. proximum ab eo locum tenebat cardinalis Andreanus, Galliæ regi deditissimus. Diximus antea de Saxonie principe Henrico, qui pro se filioq; Mauricio, foederi protestantium nomen dederat: ab eius uerò morte sollicitatus Mauricius, non se teneri uinculo patris, nec ab illo potuisse obligari, dicebat. Profligatus, ut supra dictum est, Henricus Brunswicensis, accusat Saxonem, Lanigrauium atq; socios ad Cameram, qui deinde citati, tribunal illud atq; iudicium in omnibus planè causis, mense Decēbri, recusant, & missis eò legatis, hoc eis denunciant, ac simul testificantur, non se quidem recusare legitimam aut ordinariam iurisdictionem, sed ipsos repudiare iudices, qui sint diuersæ religionis, qui decretum Augustanũ, factũ ante annum xij laudent, & data fide comprobent, qui propter hoc ipsum grauius ab se dissideant, & magnum odium circumferant, qui se pro hæreticis habeant, neq; sibi ius communicandum esse putent, qui multis non obscuris præiudicijs hoc suum odium sepe prodiderint. In conuentu Ratisbonæ decretum erat,

ut

Bellum  
inter Sco-  
tos &  
Anglos.

Scotiæ  
regis  
mors.

Prote-  
stantes  
Camerã  
recusant



ut huius anni mense Ianuario Camera reformaretur: hoc protestantes  
 itaratum habebant, si modò suæ quoq; religionis homines in eū con=  
 fessum admitterentur. itaq; Cæsar hoc eis tribuit, ut suprà diximus, et  
 Ferdinandus quoque post in comitio Spirensi renouauit, & Iunium  
 mensem huic emendationi constituit, & hac ratione subsidium ab il=  
 lis in bellum Turcicum impetrauit. etenim si secus fieret, palàm tunc  
 illi fuerant professi non modò sumptum nullum se facturos esse de in=  
 ceptis in Cameram, sed ipsorum etiam edictis nolle obtemperare. Quñ  
 igitur hucusq; nihil esset præstitum, illi, sicut dictum est, missis legatis,  
 iudicium recusant: Camerales autem edito postea scripto recusationē  
 hanc reiiciunt. Nuper in Comitio Noribergico placuit, ut belli Tur=  
 cici causa rursus ibi conuenirent ordines ad decimum quartum No=  
 uembris diem, sed dilata res fuit: & brumæ tempore asperissimo, dux  
 Cliuensis Duram circumsidet ac recipit. Cum Parpinianū Gallie rex  
 obsideret, seditio fuit nata Rupellæ, quod est in Xanthonibus oppi=  
 dum maritimū, celebre cum primis & opportuno loco positum. Ab  
 Anglis aliquando possessum fuit, sed ad Gallie ditionem rediit, Ca=  
 rolo quinto, rege, qui patri Ioanni successerat. Causa motus fuit pro=  
 pter impositum ab rege præsidium, ductore Iarnaco, Amiralij cogna=  
 to: uicinis etiam in locis tumultuose res agebatur, ob salinarū uecti=  
 gal, regijs administris & quæstoribus, qui eò uenerant, repulsis. Vbi  
 primum rex accepit, nouum eò præsidium mittit equitū atq; peditiū:  
 Iarnacus etiam tormenta illis omnia tollit & arma, & occupatis por=  
 tis, excubias atq; stationes ibi collocat. Vltima deinde Decembris die  
 rex eò uenit, & postridie, pro tribunali sedens, cum & oppidani &  
 uicini, supplices, adq; pedes ipsius proiecti, misericordiam implo=  
 rassent: Et si, quo tempore grauissimis, inquit, eram dissentus & oc=  
 cupatus negocijs unà cum liberis meis, pro regni totius & uestra o=  
 mnium tutela, immemores officij, quod mihi debetis, rebellionem se=  
 cistis, excitata turba, sic quidē, ut optimo iure in uos animaduertere  
 possem, ac pro meæ personæ conditione, proq; delicti uestri magnitu=  
 dine, satisfactionē exigere: tamen, quod in suum populū uti misericor=  
 dia, nō minus pulchrū & decorū esse putem uiro principi, quàm ipsi  
 populo est honestum, in officio permanere, deinde, quòd præsens hoc  
 uestrū studium & animi promptitudinem seueritati iuris antepōnā,  
 equi=

Cliuens  
 sis Durā  
 recipit.  
 Seditio  
 Rupellæ.

1542

1543 Equidem constitui obliuisci iniuriæ, quam mihi fecistis, & rationem habere non tam erroris facti; uestri, quàm consuetæ meæ facilitatis: ea fiducia nimirum, ne quid eiusmodi designetis in posterum: nam alioqui clementis & benigni principis loco sitis habituri seuerum iustitiæ uindictam, idque moribus ac uestra sanè culpa, quæ profectò non debet haberi minor quàm ea, quæ proximis annis grauiter uindicta fuit in Gandauenfibus, quando non supplicijs tantum affecti fuerunt, sed libertatem etiam in perpetuum amiserunt. Quod quidem exemplum licet absque reprehensione poteram imitari, quia nec minorem iniuriam accepi, nec ulla re sum inferior illo, qui sic dolorem suum ultus est, tamen, quoniam amore, fidelitate, beneuolentiâque meorum cre-scere magis cogito, quàm bonis illorum atque facultatibus locupletari, planè uobis condono factum & priori uos conditioni restituo: quæ tamen uestra sponte mihi liberaliter donastis, ea retineo: quicquid etiâ est ablatum uobis per hunc tumultum, ut uobis restituatur, uolo. Cum hanc regis orationem secutus esset auditorum applausus & admiratio, statim audita fuit symphonia cantorū suauissima, qui in turri primarij templi Bartholomeani, letitiam publicam significabant. Regi deinde coenam splendidissimâ senatus dedit. Altera die, rex, iam abiturus, ad populi delectos, Equidè in diuersam, ait, regni mei partem nunc discedo, defensurus eam ab hoste: uos hanc defendite, quemadmodum uobis planè confido: si quid est etiam, quod ad ciuitatis ornamentum ac utilitatem pertineat, non sum petentibus denegaturus.

Comitia  
Noriber-  
gæ.

Ianuarij die decimo septimo, Ferdinandus rex cum duobus filiis Noribergam uenit comitij causa: post octauum deinde diem uenit etiam eò Granuellanus, ab Hispanijs, qui per Tridentum iter faciens cum episcopo Atrebatensi filio, legatos pontificios ad progressionem fuerat hortatus. Hoc in conuentu Cæsar sibi legauerat Fridericum Palatinum, episcopum Augustanum, Ioannem Nauium. Secundo calen-

Acta co-  
uentus  
Noriber-  
gici.

das Februarij rex Ferdinandus proponit, & quia superioribus ali-quot comitijs decreta sint aduersus Turcam auxilia continua, monet ac petit, ut in eam cogitationem omnes iam incumbant, ne quid rei necessariæ desideretur: nunciari enim ab omnibus, illum hoc anno maximis uiribus ut Ungariam esse rediturum, & ut ita faciat, à nonnullis incitari Christiani nominis principibus: ac licet exhaustæ sint

prouin-



provinciæ suæ continentibus propè bellis, tamen non etiam se desutu- 1 5 43  
rum esse: quanti uerò sit momenti, defendere Vngariam & Austriam  
& Morauiam, & finitima loca, neminem esse ferè qui nesciat. Per-  
suadendi causa recitatæ fuerunt uariæ literæ, diuersis locis ad Ferdi-  
nandum regè aliosq; scriptæ, quæ propè omnes hoc nunciabant. Tur-  
cam instruere nouum exercitum atq; classẽ, ut terra mariq; bellum  
gerat. Aderant etiam reginæ Mariæ, quæ pro Cæsare Belgium guber-  
nabat, legati, Vuirichius Criechingus, Viglius Zuichemus iureconsul-  
tus. hi principem Cliuensem oratione proluxa grauitè accusabant,  
quòd ipsius ope, consilioq;, rex Galliæ, Martino Rossemo ductore,  
bellum ijs locis fecisset. itaq; petebant, ut illum ad officium adduce-  
rent. quò uidelicet à Geldriæ possessione decedat, & damnum datum  
resarciat. Quinta deinde Februarij die, Granuellanus, quid in man-  
datis haberet, exponit. quæ sit Cæsaris erga rempublicam uoluntas,  
non opus esse commemorare: permagnam autem eius fuisse lætitiã,  
anno superiori, quum ipsos coniunctis uiribus in Turcam ire nuncia-  
retur: uoluisse quidem & ipsum interesse bello, & ad prosecutionem  
tunc omnia comparasse, uerum ex improviso bellum ei fuisse motum  
à Galliæ rege & duce Cliuensi: quæ sanè res omnè eius cogitationem  
antè susceptam euerterit: quas enim uires explicaturus fuerat in Chri-  
stiani nominis hostem perpetuum, eas tunc fuisse coactum ad sui de-  
fensionem accommodare. præsertim cùm etiã de Turcica classe mul-  
ta iactarent hostes, in eaq; magnum sibi dicerent esse paratum substi-  
dium: sed tamen illum in ea, quam semper præ se tulit & ostendit,  
uoluntate permanere, & non facultates modò, sed & uitam ipsam  
atque sanguinem in bellum Turcicum impendere decreuisse, modò  
ipsi uicissim ei ferant opem in oppugnando Galliæ rege ac duce Cli-  
uensi: quàm sanè rem & illius in rempub. propensa uoluntas, & tem-  
porum quoq; status ipsis persuadere debeat. Quomodò Sabaudix du-  
cem Galliæ rex finibus eiecerit, omnibus esse notum: idem de cæteris  
illum etiam cogitare, modò tempus & occasio detur: & quia Cæsar il-  
lius impetum atq; conatus refringat, hanc istius odij uehementis cau-  
sam esse: nuper ipsos audisse, recitatis literis, quid ille molietur apud  
Turcam, quid etiam in Germania, & quomodo bellum Turcicum im-  
pedire studeat: quia uerò dux Cliuensis foedere sit illi coniunctus,

1 5 4 3 *Et conatus quoq; Caesaris honestissimos retardet, Et Germaniae salutem impediatur, decernenda esse in utrunq; auxilia, ut eorum insolentia reprimatur atque temeritas. Protestantes interea Ferdinando regi Caesarisq; legatis libellum supplicem tradunt. in eo prolixè commemorant, quid multis nunc annis actum sit in religione, quomodo pax data Noriberge, quomodo Camerales etiam infregerint, quomodo Caesar ante biennium ipsis rectè cauerit, suamq; mentem explicarit Ratibone, quomodo sit ibi factum decretum de emendatione Camera, Et rectè constituendo iudicio: quid etiam ipsi tum sint contestati palam, nisi decreto satisfaceret: cum autè hucusq; nihil sit emendatum, Et uerò Camerales pergant more suo esse molesti, primum, ob defensionem in Brunswicensem Henricum susceptam, deinde, propter non soluta stipendia Camera, recusasse propterea se iurisdictionem illorum omnem: quod quidem se facturos esse iam antè palam in comitio sint professi: nunc ergo, si fortè res aliter sit ad ipsos delata, petunt, ne fidè habeant: necessitate enim coactos ita fuisse, et usos remedio legitimo, quod Et ius ipsum Et aequitas unicuiq; permittat: nam si pergant ad eum modum, Et iudicandi potestatem usurpent, et proscriptiones aliasq; poenas contra se decernant, futurum hoc non sibi tantum, sed Et reipublice perniciosum: excitatis enim inter ordines offensionibus, Et exacerbatis animis, quum in civile bellum erunt facultates omnes profusa, quam id sit futurum utile Turcis, quam opportunum, quis omnium dubitet aut ignoret? quam enim sit difficile, postquam exasperata sunt odia, rem componere, multis exemplis posse doceri: sibi quidem nihil esse magis in uotis, quam ut firma pax, et æquabile ius, et ocius in Germania constituantur: nimirum, à dissidio religionis omnem hanc similitatem atq; diffidentiam oriri: dissidium autem illud ex eo fonte manare, quod euangelij doctrina Et purus Dei cultus impediuntur, quod errores ac manifesta uitia non modò non tolluntur Et emendantur, sed ambitionis Et emolumentis causa, defenduntur etiam: hac igitur ingratitude Deum offensus ac irritatum, affligere nos magnis calamitatibus, neq; facturum esse finem, quoad in eo permanebimus: orare igitur, ut huc suas cogitationes referant, Et saltem in hoc elaborent, ut religionis causa nihil turbæ moueatur, Et ius omnibus ex æquo communicetur: sed quoniam id fieri non possit, ut quidem nunc est*



est Camerae status, rogare, ut iuxta ueteres imperij leges, & Caesaris de  
 clarationem, iudicium illud emendetur, & alij constituentur iudices,  
 & lites omnes eo loco sint, quo fuerunt ante recusationem, & iudici-  
 bus mandetur, ut emendationis futurae formulam exacte seruent, &  
 contra superiorum annorum pacificationes nihil moueant: nisi enim  
 ita res instituat, & idonee sibi de pace caueatur, non se posse Turci-  
 ci belli consilium ullum habere, quum alioqui pro republica nihil non  
 facere cupiant. Ne diu multumque disceptata, cum et Ferdinandus rex,  
 & Caesaris legati, iam indictum esse Tridenti concilium, & Caesarem  
 quoque uenturum, & absque causa cognitione non posse remoueri Ca-  
 merae iudices, & eius emendationem iam esse decretam, & prope-  
 diem institutum iri, & Henrico Brunswicensi, qui sit eiectionis, repetenti  
 sua, non posse ius denegari, neque sibi licere plura largiri dicerent: pro-  
 testantes, neque concilium illud approbare se, neque uenturos eo, neque de  
 ceteris etiam rebus sibi satisfieri, nec idonee cauere, nec deliberatio-  
 nem ullam aliam habere se posse demonstrant. Ferdinandus autem &  
 reliqui ordines decretum nihilominus faciunt de muniendis locis fi-  
 nitimis Turcarum ditioni, de contribuendis in eam rem sumptibus,  
 & emendationi Camerae Iulij mensis diem tertium designant, & cor-  
 rigendam esse statuunt iuxta formulam Ratisbonae praescriptam ante  
 annum undecimum: eos etiam qui recusarint auxilia conferre, fiscali  
 iurisdictioni subiiciunt. Protestantes uero contra profitentur, non  
 se assentiri huic decreto, quia factum sit non communicato cum ipsis  
 consilio, quia de pace ac iure nihil certi constitutum sit, & quia con-  
 tributionis magna sit inaequalitas. Quum propter Caesaris aduen-  
 tum, ad multo grauius bellum res tenderet inter ipsum atque Cliuen-  
 sem: principes electores & alij ordines per legatos intercedunt, &  
 uix demum inducias impetrant a Granuellano, non quidem certas ac  
 definitas, uerum tales, ut esset in arbitrio Caesaris, ubi primum Ger-  
 maniam tetigisset, illas uel habere ratas, uel repudiare, atque interim  
 oppidum Sittardum, quod est ad fines agri Iuliacensis ualde muni-  
 tum, in potestate Caesaris futurum erat, donec ille, quid suae mentis es-  
 set, explicaret. Intercessores hoc etiam promittebant, obuiam se missu-  
 ros legationem ad Caesarem, deprecandi causa: & Granuellanus qui-  
 dem magnam spem faciebat, fore ut benignum ab eo responsum ferrent.

Decretum  
Noribergicum.

1543 Pactionem hanc, legati Cliuenses, quorum erat primus Ioannes Vlat-  
tenus, genere nobilis & uir doctus, probabant, & intercessoribus ad-  
gebant gratias ob nauatam operam: sed interea fuit commissum præ-  
lium, ad oppidum Sittardum, Martij die uigesimo quarto: cumq; su-  
perior esset in eo Cliuensis, partim ob hanc uictoriam, partim impul-  
su Gallie regis pecuniam subministrantis animum obfirmabat, repu-  
diatis inducijs, quum legati domum rediissent. Prælij secundi nunci-  
us, magna celeritate perlatus in Galliam, excitauit ingentem lætiti-  
am, & iussu regis decreta fuit Lutetie supplicatio. Bauari fratres in  
comitio per legatos intercedunt apud protestantes, et inter alias, hanc  
etiam proponunt conditionem, ut Henrici Brunswicensis ager omnis,  
interea dum causæ fiat cognitio, Cæsaris aut aliquot Germaniæ prin-  
cipum fidei permittatur: sed de eo nihil tum potuit decerni. Hoc in

Augusta-  
nus epi-  
scopus  
moritur. conuentu mortuus est apoplexia Christophorus Augustanus episco-  
pus, cum in posterum diem instituisset conuiuium. Erat è familia Sta-  
dionum, homo literatus, & à studio pacis non alienus. ei successit Ot-  
to Trucesius. Decretum hic factum, neq; relatum fuit in commen-

Galli ad  
Cæsaris  
litteras re-  
sponso. tarios, uti fieri consuevit, nec auctoritatem habuit. Gallie rex ali-  
quanto serius accepit litteras Cæsaris, ad pontificem datas, de quibus  
libro superiori diximus, ideoq; nunc tandem scripto ualde prolixo  
respondet. quod sibi præferri Cæsar uelit, quasi de ecclesia Romana  
præclare sit meritus, esse ridiculum atq; leue: nam nec illius maiores,  
cum suis, nec ipsum etiam debere secum, hac quidem in parte, compo-  
ni: scilicet egregium esse filium, & prima laude dignum, cuius exer-  
citus patrem familiās Clementem septimum, obsedit, uexauit, cepit,  
& primam orbis terrarum urbem diripuit, & templa deorum im-  
mortalium non uno modo polluit, nec ullum ibi flagitij genus atq; li-  
bidinis & crudelitatis prætermisit, qui ludibrium etiam adiunxit i-  
pse huic tantæ immanitati, quando uota nuncupauit in Hispanijs, &  
supplicationes decreuit pro liberatione parentis, quem ipse domi ca-  
ptum arctissimè detineret: suos uerò maiores, Gallie reges, inde à Ca-  
rolis, Martellis, Pipinis, Ludouicis, omnia semper fecisse, tum ampli-  
candi causa tum ornandi pontifices Romanos: Multis uerbis illum  
prædicare suam diligentiam atq; studium erga rempublicam, sed lon-  
gè rem aliter habere, si rectè iudicetur: nam illius auspicijs atq; du-  
ctu ma-



Etu maximas copias esse concisas à barbaris non ita pridem, in Vnga- 1543  
 ria semel & iterum, in sinu Ambracio ad castellum nouum, in Aphri-  
 ca post, ad Argieram. quo sibi necessario tum proficiscendum esse di-  
 xerit, quum reuera fugeret, ac Germaniam hosti iam aduentanti relin-  
 queret. illius culpa, Vayuodæ Ioannis filium infantem, & fratrem i-  
 psam Ferdinandum, & Vngariam in hanc incidisse calamitatem: ia-  
 ctare illum, quasi confirmandæ causæ pacis, ad Aquas mortuas uene-  
 rit: in eo autem si quid esse potest laudis, hoc sibi potius deberi, qui  
 prior ad ipsum in irremem ascenderit, ac liberos quoq; suos eo postea  
 miserit, quum sanè magnum esset periculum, & ab eo, qui nihil cui-  
 quam fidat, & ab Auria, clausus præfecto, uersipellis ingenij uiro, post,  
 iter illum fecisse per Galliam, rogatu quidem suo, sed, cum prius ipse  
 per legatum & literis & internuncijs hoc ab se petisset, & Medio-  
 lanum offerret: obducere quidem illum nunc alias causas, uerum ne-  
 cessitate coactum propter motum Gandauensem, illac transisse: quod  
 deliberatum fuisse dicat, ut retineretur, falsum esse, nec in mentem sibi  
 uenisse unquam: Sabaudie duci nullam ab se factam iniuriam, sed  
 cum ille & dotem & hereditatem maternam sibi denegaret, & Ni-  
 ceam à se redimi non pateretur, & legatos militesq; suos uiolaret, ar-  
 mis atq; ui sese repetiuisse, quæ iure consequi non posset, præsertim,  
 cum ille pleraq; omnia Cæsaris impulsu faceret, cui nimirum hoc sit  
 familiare atque proprium, ut ad defectionem homines alienæ ditionis  
 impellat, & post in calamitatem adducat: exemplo esse Borbonium,  
 & Sabaudum, & Salasiorum principem, & Brunswicensem Henri-  
 cum: sed & propinquis & agnatis illum esse grauem atque damno-  
 sum, Christierno regi Danie, & Ferdinando fratri, & sibi cum pri-  
 mis, qui sororem eius habeat in matrimonio natu maximam: Quod  
 Vngariam Turca nuper inuasit, occupata urbe primaria, non sibi  
 sed illi atque fratri tribuendum esse, qui Vayuodæ, filiolo hæredi sint  
 insidiati, bellumq; fecerint: In comitio Ratisbonæ sollicitatos fuisse  
 omnes ordines, ut conferrent auxilia, uerbo quidem, in Turcam, sed  
 reuera in miserum infantem, quem illi fortunis omnibus euertere co-  
 gitabant: Quoties in Germaniam legatos misit, nihil se fecisse callidè,  
 nihil insidiosè: falso etiam sibi tribui, quasi factiones alat, et utriq; re-  
 ligioni se fauere simulet: nam Germaniæ salute & concordia suam

1543 quoque salutem contineri: quæ sua sit etiam religio, neminem late-  
re: misisse uerò nuper eò legatos, & grauissimis de causis bellum Tur-  
cicum dissuasisse: quàm autem salutare suum fuerit consilium, eius  
belli iam hoc testificari longè calamitosissimum euentum: illius autem  
eò spectare omnia consilia, ut Germaniam in perpetua dissensione di-  
stineat, quò magis opportuna sit & idonea seruituti: iam uerò, quan-  
ta sibi sit ab illo facta iniuria, uiolatis Rincone & Fregoso legatis, no-  
tum esse omnibus: & tamè facinus hoc ab illo sic defendi, ut iure quo-  
que casos affirmet: Quæ fuerit ipsorum causa legationis, demonstra-  
ri posse tabulis interceptis: reipublicæ nimirum, præcipuè uerò Pan-  
noniæ & Germaniæ salutis causa fuisse amandatos ad Turcam: nam  
illum ab se crebrò sollicitari, ut cum Christianis pacem colat: ipsum ue-  
rò semper ad ea respondere, non sibi cum gente Christiana, sed cum  
Carolo & Ferdinando rem esse, à quibus iniuria sit affectus, & quo-  
rum infinitam cupiditatem ferre non possit: cum ergo prodicionem il-  
lus intentat Cæsar, iniuriam conduplicari, de qua nunquam sibi satis-  
facere cogitarit, & per ludibriū ferè semper responderit: itaq; se nun-  
quam dissimulasse cõceptam offensionem, & satis præ se tulisse, ni si-  
bi satisfieret, non se neglecturum esse contumeliam: Prius autem o-  
mnia se tentasse, quàm ad arma ueniret, & archiepiscopum Valenti-  
nam eò retinuisse, ut uel hac ratione suos recuperaret, quos tū adhuc  
uiuere putasset: frustra uerò consumptis omnibus consilijs, ad extre-  
mum uenisse remediū, & bellum, cuius ille fuisset author, defendisse:  
Turcarum societatem ab illo sibi dari crimini, quam ipse, cum sæpius  
ambiret, consequi non potuerit, & ut consequeretur, annuū illi dare  
stipendiū non recusarit: suam autem istam cum Turcis amicitiam, non  
ad ullum reipublicæ detrimentū, sed ad utilitatem summam spectare,  
si modò non obstaret summa illius ambitio: suis nempe maioribus hoc  
esse tributū cognomē, ut Christianissimi dicantur: in eo quoq; uestigio  
se permansurum esse, Dei beneficio, neq; commissurum ullo tempore,  
quò minus ea dignus appellatione uideatur: atrocem igitur esse iniu-  
riam, dum in omnes populos hanc de se calumniam ille spargit: cu-  
ius enim hoc esset, non dementiæ, sed furoris, adiuuare conatus illius,  
& augere potentiam, qui paulò pòst tibi sit exitum allaturus ipsi?  
Tridentinum etiam concilium ab se minimè tardari uel impediri: nul-



tum enim ex eo compendium ad se redire, & à suorum maiorū exem- 1 3 4 3  
 plis atq; more hoc esse perquam alienum, qui concilijs omnem & o=  
 peram & fidem sepe præstiterint: illum uerò sic rapi transuersum o=  
 dio sui, ut nullum non criminationis genus attingat: hoc etiam eius es=  
 se ingenium, ut & imperare uelit omnibus & eripere libertatem: atq;  
 interim tamen hanc suam cupiditatem sic illū occultare uerbis ad spe=  
 ciem compositis, ut etiam pietatis primam laudem sibi deberi puerit:  
 Que cū ita sint, orare, ne calumnijs fidem habeat, & ita de se statu=  
 at, nihil esse, quod non reipublicæ, & ipsius, & ecclesiæ Romanæ cau=  
 fa uelit. Paulo ante hoc tempus, mortē obiit Gulielmus Bellaius, Lan- G. Bel-  
 geus, de quo non semel est facta mentio, summæ uir dignitatis atq; uir lai) Lan-  
 tutis, & præcipuum Gallicæ nobilitatis ornamentum, ob insignē do- gæ jobi-  
 ctinam, eloquentiam, usum rerum, & singularem in omni functione tus.  
 dexteritatem: longè nimirū dissimilis à plerisq; regum sectatoribus,  
 qui suas modò facultates amplificare student: ipse autem, ingenio præ=  
 ditus heroico, solū eò spectabat, ut solida uirtute sibi ueram gloriam  
 compararet, & fidelem operam, suo principi, uel cum rerum suarum  
 dispendio, nauaret. Suprà dictum est de concionatore Parisino, Franci  
 sco Landro. cū is ad doctrinæ capita proposita responderet ambigūe, Franci  
 & docendo pergeret, diebus aliquot ante pascha iussus est in carcerem  
 ire. theologorum hoc fuit factum impulsu, qui illum ad pro præto-  
 rem accusarant. Diebus aliquot postea rex uenit Sangermanum, quod est  
 infra Lutetiam quinque milliaribus, oppidulum & arx, ad Sequa=  
 nam, & certior factus de re tota, Landrum euocat. Ille, quum eò ue=  
 nisset, perterrefactus quorundam uocibus, qui regem uehementer ex=  
 acerbatum esse dicerent, non præstitit eam constantiam, quam ab eo  
 complures expectabant, & redire iussus Lutetiam, Aprilis die uige=  
 simo nono, cogitur ea quæ prius docuisset, detestari sua uoce. nam eo  
 die conuenerunt in æde primaria senatores, qui parlamenti nomi=  
 ne censentur, item magistratus omnis, & prætor urbanus, & theo=  
 logi, maximo numero: deinde templum fuit occlusum, & septum ap=  
 paritoribus armatis, qui populum illinc arcerent. Vbi confederunt  
 omnes, recitantur ipsius dogmata, & rogatus de singulis quid sentiat,  
 ex illorum arbitrio respondet, & erratam ab se fuisse pronunciat,  
 & obsequentiam in posterum pollicetur, & ea doctrinæ capita, quæ

Francisci  
Lãdri pa  
linodia.

1543 primum theologi, post etiam consiliarii regis, ipsi proposuerant, pro  
 ueris atq; pijs agnoscat. Eodem modo fuit actum paulò post, licet non  
 ita solenniter, cum altero quodam populi doctore, Depensio: qui cum  
 primò nò usq; adeò clarè sua retractasset, alio quodam die coactus est  
 in concione ad populum explicare singula distinctè & aperitè, donec  
 theologis, qui aderant, satisfactum esset. Vixit in Gallijs Clemens Ma  
 rotus, qui non superioris modò, quæ paulò fuit incultior, uerùm suæ  
 etiam ætatis poetæ omneis, populari sermone longè superabat. Lati  
 næ quidem linguæ non ita magnum habebat usum, sed doctorum ho  
 minum consuetudine multum profecit: nec erat ferè quicquam in poë  
 tarum libris, quod ipsum fugeret, ita quidem, ut ex illorū scriptis plē  
 raq; traduceret ad suum institutum. sic ex Tibullo, Propertio, Nasone  
 quedam transtulit in suas elegias, dissimulanter tamen: ex Catullo  
 autem epithalamium sumpsit Herculis Ferrariæ ducis & Renatæ Ar  
 moricæ, Ludouici xij, Galliarum regis filia: uertit etiam primum Me  
 tamorphoseon Ouidij librum elegantissimè. Postremis autem annis  
 hanc scribendi facultatem ad sacras literas contulit, eiusq; consilij fu  
 it, rhythmo Gallico psalterium omne Dauidis exprimere, sed morbo  
 sublatu, ad quinquaginta tantum psalmos absoluit, qui nunc extant,  
 & non sine summi ingenij admiratione leguntur. nihil enim est illius  
 oratione suauius, nihil purius, nihil illustrius, nihil magis proprium  
 & concinnum. Edidit autem illos hoc anno Geneuæ, quò sese rece  
 perat, cum in Gallijs propter Lutheranismi suspicionem parum esset  
 tutus. triginta quidem psalmos ediderat ante biennium, Lutetiæ, sed  
 magna cum molestia: nec enim prius hoc ei licuit, quàm theologi Sor  
 bonistæ pronunciaissent, nihil in eo contineri libello, fidei Christianæ  
 contrarium. Istud fortasse non usq; adeò nostrum ad institutum perti  
 net, sed tam excellentis artificis nomen exteris etiam populis com  
 mendandum esse putauit. nam in Gallijs uiuit ad omnem posterita  
 tem, & pleriq; sic iudicant, non temerè futurum, qui uirtutes illius in  
 hoc genere possit adæquare, & quod de C. Cæsare dicit Tullius, à scri  
 bendo sanos homines deterret. tractarunt idem argumentum alij, &  
 quidem illo doctiores, uerùm ad eam uenustatem minimè accedunt.

Coloniæ  
 sis ar  
 chie

Libro decimo dictum est de archiepiscopo Coloniensi, quomodo suā  
 ecclesiā cuperet emendari neq; suæ prouinciæ synodū illam probaret,

ut cum



utēq; liber ipsius nomine hac de re prodisset: cū autem in comi-  
tio Ratisbonæ decretum esset factum, & iniunctum episcopis, tum à  
Cæsare, tum à legato pontificis, ut in suis quisq; finibus piam emen-  
dationem instituerent, ille suorum ordinum agit conuentus. hi sunt,  
clerus primarij templi, Comites, nobilitas, & ciuitatum legati. Re de-  
liberata, placuit omnibus, inchoandum esse tam pium opus atq; salu-  
tare, negotium ergò dat quibusdam, ut rationem aliquam future re-  
formationis scripto concipiant, & de uiris bonis ecclesiæ ministris cir-  
cumspiciant. Scriptum illud theologis Coloniensibus mittit, & ut è  
sacris literis iudicium faciant, sententiamq; suam ostendant, petit: sed  
quum eius desiderio non satisfaceret, nec essent quos populo rectè præ-  
ficeret, Martinum Bucerum ad se uocat Argentorato, quem & Ioan-  
nes Gropperus magnopere semper ei commendauerat, & ipse quoq;  
per colloquia satis exploratum habebat. Is quum anni superioris men-  
se Decembri uenisset: huius anni principio, mandatu principis, Bon-  
næ cœpit docere, quod est ad Rhenum, circiter quinq; supra Coloni-  
am milliariis, oppidum. Ad Idus deinde Martij nouos agit conuen-  
tus ordinum episcopus, Bonnæ, et ut de pia reformatione deliberetur,  
petit: cū autem clerus neminem ad hoc designaret, reliqui ordines  
ab archiepiscopo contendunt, ut pro suo iudicio deligat homines ad  
eam rem idoneos. Bucero munus hoc igitur committit, ut doctrinæ  
Christianæ capita conscribat, & quò rectius omnia fierent, Saxonie  
principem electorem orat, ut Philippum Melanchthonem adiungat.  
cū is uenisset, & à Lantgrauio, Ioannes Pistorius, ac perfectum esset  
opus, archiepiscopus illud primarij templi Coloniensis ecclesiasticis  
mittit, qui sunt omnes illustribus nati familijs, & ut eius libri dogma-  
ta diligenter expendant, petit. Deinde ad xxij. Iunij diem, alterum in-  
dicit conuentum, & reformationis librum illis exhibens, orat, ut sin-  
guli ordines deligant nonnullos, qui cum suis eum librum euoluant,  
quò tolerabilis aliqua fieri demū possit & pia cōciliatio: sed hi, quos  
diximus, ecclesiastici, pertinaciter hoc urgebant, ut Bucerus inprimis  
et alij quidā nuper instituti doctores populi, loco submoueantur: post,  
amplius deliberandi spaciū de libro, postulant, & cum reliquis confer-  
re consilia recusant. Ille, quanquam uidebat, quò consilio moram in-  
terponerent, tamen, ne quid desiderarent, deliberandi tēpus concedit:

Bucerus  
Bonnæ  
docet.

1543 quod autem de Bucero submouendo dixerant, eiusq; collegis, non recusabat, si uel falsæ doctrinæ, uel impuræ uitæ quispiam eos conuinceret: eiusq; rei probandæ facultatem eis non semel detulit, paratus illos exhibere legitimæ cognitioni. Cum igitur in eo res permaneret, illi librum aduersarium parant, & antididagma uocant. in eius libri præfatione, post magnam uim cōuictorum in Lutheranos, clavis uerbis affirmant, sub imperio Turcarum malle sese uiuere, quàm sub magistratu, qui reformationem illam sequatur atq; defendat. huius autem libri fuit author, ut aiunt, & architectus, Gropperus. Nam is, etsi Bucero fuerat admodum familiaris ante biennium in comitio Ratisbonæ, quanquam inde domum reuersus, uehementer eum non archiepiscopo tantum, sed passim apud omnes prædicauerat, licet crebras ad eum dedisset & amicissimas literas, tamen, cum res in eum esset deducta casum, ab eius amicitia se totum auertit, & principe relicto, cui fortunam omnem debebat, in aduersariorum castra transijt: idem fecit Bernardus Hagius, Cancellarius, ambo sacerdotijs multis opimi. Bucero uehementer oppugnabant theologi Colonenses, & grauissimis lacerabant conuictijs: ille uerò disceptationem fieri petebat, & doctrinam hanc uelle se contra ipsos tueri profitebatur in omnibus conuentibus. Ad eius quoq; defensionem Melancthon libellum tunc emisit, & ad modestiam illos hortatus atq; studium ueritatis, quàm tetros defendant errores, ostendit. Saxonie dux Mauricius leges aliquot cōdit ad hoc tempus, quæ per ipsius ditionem seruentur: ac initio quidē populi doctores & ecclesiæ ministros hortatur, ut officium diligenter faciant, purè doceant euangelium, præluceant honestis uitæ exemplis, hortentur homines ad precationem ac mutuam charitatem, uitia reprehendant acriter, & præfractos ab ecclesiæ communione separent, assentiente magistratu, donec resipiscant: eos uerò, qui ne sic quidem emendantur, magistratui deferant. Deinde, quoniam inuentus est ueluti seminariū tam ecclesiæ, quàm reipublicæ, treis literarū ludos instituit, Misene, Merseburgi, Porta: singulisq; locis certum numerum attribuit adolescentum. his omnibus uictum prebet atq; uestitum, magistris etiam annua stipendia soluit, & in hunc usum applicat eorū collegiorū proventus, in quibus aliquando monachi uixerant & id genus alij: studiosis concedit sex annos, ut ibi doceantur: Ex ipsdem quoq; bonis

Leges à  
Mauri-  
ciolatae.



bonis Academiam Lipsensem auget & amplificat duobus aureorum  
 millibus annuis & modijs aliquot frumenti: mendicationem quoque  
 prohibet, & ut subueniatur familijs egenis, pecuniam annuam certis  
 locis designat. Posthæc, ijs qui puellas deuirginant, nec in matrimo-  
 nium ducunt, hanc poenam statuit, ut, etiã si post illas eloquent ac nu-  
 ptui tradant, in carcerem tamen ducantur: adulteros autem gladio fe-  
 riri iubet: uiros nobiles, qui ducunt uxores, illas, quibuscũ antea con-  
 sueuerunt, ita mulctat, ut ipsorum liberis, qui nati sunt ante nuptias,  
 bonorum, quæ pendent ab ipsius beneficio, possessionem atq; fruitio-  
 nem adimat. Cæsar interim ab Hispanijs cum classe Genuam appellit,  
 & Maij die xxvi. datis illinc literis ad Saxonem, Lantgrauium atq;  
 socios: quoniam ipsis de pace publica sit iam antea satis cautum suis  
 edictis, deinde quia breui futura sit etiam emendatio Cameræ, horta-  
 tur, ne recusent aduersus Turcam auxilia conferre, de cuius nõ solum  
 apparatu longè maximo, sed aduentu quoq; certis literis atq; nuncijs  
 constet. Ex nauio, qui profectus ad eum fuit, rem omnem de comitijs  
 acceperat. eodem etiam tempore conuentum indicit Imperij ad ulti-  
 mum Nouembris diem, Spiræ. Genua deinde profectus, in colloquiũ  
 uenit cum pontifice, Busseti, quod est inter Placentiam atq; Cremona-  
 nam, ad Tari fluminis ripam, oppidũ. Ibi rursus ab eo petit, sicut an-  
 tẽ per literas, ut Gallie regi se profiteatur inimicum: sed ille non hoc  
 expedire rei publicæ docebat, in eoq; permansit. Filio suo Petro Aloia-  
 tio pontifex nuper attribuerat Parmam atq; Placentiam, quas à Car-  
 dinalium senatu, facta permutatione, consecutus erat: & quia ducum  
 Mediolani fuerunt hæ ciuitates aliquando, petebat, ut Cæsar autori-  
 tate sua filio possessionem confirmaret, & insignia principatus mo-  
 re solenni conferret: id uerò Cæsar, qui Mediolanum obtineret, ac sui  
 iuris nihil imminuere uellet, recusabat. Pontificis etiam hoc fuisse con-  
 silium aiunt, ut Cæsar, accepta pecunia, nepotem Octauium crearet  
 Mediolani ducem. Cæsar, abrupto colloquio, ne diutius impediretur,  
 quum Florentiæ duci Cosmo Mediceo, Florentinam arcem atque Li-  
 burni, quas ad hoc usq; tempus habebat in sua potestate, tradidisset, ac-  
 ceptis ab eo ducentis aureorum millibus, & amplius eò progreditur.  
 Prius autem, quàm ex Hispanijs decederet, filium Philippum designa-  
 uit regem, & in matrimonium ei dedit Ioannis Lusitanie regis filiã,

Cæsar  
 licet ad  
 Prote-  
 stantes.

Collo-  
 quium  
 Cæsar  
 & Ponti-  
 ficis.

1543 Mariam. Hoc etiam anno, Sigismundus, Poloniae regis Sigismundi  
 filius, in matrimonium ducit Ferdinandi Romanorum regis filiam  
 Elisabetham. Henricus Brunswicensis, ad Caesarem in Italiam pro=  
 fectus, Cremonae grauiter accusat protestantes. Aduentante iam ex I=  
 talia Caesare cum copijs, protestantes, qui literas eius, Genuae datas, nu=  
 per acceperant, ad xxiiij. Iunii diem, Smalcaldiae conueniunt, & de le=  
 gatione ad illum mittenda, de rebus ad agri Brunswicensis tutelam at=  
 que foedus pertinentibus, de Mauricio principe sollicitando, de Sue=  
 ciae rege, de Ottone Henrico, de Vuolfango principe Bipontino, de  
 Monasteriensi episcopo, qui quidem omnes cupiebant in foedus reci=  
 pi, deliberant. finem habuit hic conuentus xxi. die Iulij. Paulo sub  
 hoc tempus, Caesar & Angliae rex foedus faciunt aduersus Galliae re=  
 gem, qui Scotis opem ferebat, ut supra dictum est. hanc uero societa=  
 tem grauiter tulit pontifex, idèoque Gallicam amicitiam sibi ducebat  
 esse necessariam. Cum sub exitum Iulij, Spiram Caesar uenisset, prote=  
 stantes eò mittunt legatos, Franciscum Burcartum, Georgiũ Bemel=  
 bergum, Christophorum Veningerum, Iacobum Sturmium. Admissi  
 die secunda mensis Augusti, propè in eandem sententiam uerba faci=  
 unt, ut ad Ferdinandum regem supra fecisse, demonstrauiamus. exitus  
 orationis erat, ut dicerent, si quidem idonee sibi caueatur de pace, si  
 Camerae iudicium emendetur, uti Ratisbonae nuper decretum sit, si  
 contributionum tollatur inaequalitas, non se defuturos esse publicis  
 necessitatibus: quod ad Henricum Brunswicensem attinet, senatum si=  
 bi dari, causamq; cognosci petunt, & illum, qui prior uim fecisset Gos=  
 lariensibus & Brunswicis, iure pulsum ac profligatum esse, liquidò se  
 demonstraturos aiunt. Caesar ad ea, per Nauium, praesente Granuel=  
 lano, biduo post. nò esse quòd amplius requirant: satis enim ipsis esse  
 de pace cautum superioribus decretis: Camerae iudices, indicta cau=  
 sa remoueri non posse: iam Octobri mense futurum, ut de ipsis in qui=  
 ratur, nec impune fore, si quid in eis culpae residebit: contributionum  
 moderationem, nisi de communi omnium ordinum uoluntate ac con=  
 silio, fieri non posse: respiciant ad praesentem reipublicae statum, &  
 quia maximi sit res periculi, nisi subueniatur quamprimum, auxilia  
 conferant aduersus Turcam, reliquorum ordinum exemplo: sibi nunc  
 esse totis uiribus eundum in Galliae regem ac ducem Cluensem, quò  
 suos

Foedus  
 Caesaris  
 & Angli  
 in Gallia.

Prote=  
 stantiũ  
 legati ad  
 Caesarẽ.



suos ab iniuria defendat: Henricum Brunswicensem uehementer ur= 1 5 4 3  
gere restitutionem: itaq; quid in eo sit ipsorum uoluntatis, ostendant.  
Illi responsum hoc in literas referri, sibiq; dari petunt, ut diligentius  
expendant: annuit Cæsar, & post bidie Spira profectus Moguntiam  
contēdit. Bouſq; secuti legati, cum scriptum illud accepissent, à Gran= uellano simul & Nauio referunt, quamobrem sibi de pace non sit sa= tisfactum, & Cæsaris declarationem Ratisbonensem, de qua superio= ri libro diximus, urgent, & prorsus eadem petunt, & quia de causa Brunswicensi cupiant audiri, nullum amplius habere se mandatum in eo, demonstrant. Illi uerò, Cæsarem aliter facere non posse dicunt, & superiora repetunt, & Brunswicensem, nisi restituatur, ipsum haud= dubiè rationes initurum esse docent, quomodo suarecuperet: cum igitur in eo permaneretur, legati discedunt, ut suis renuncient. Spiram uenit ad Cæsarem, archiepiscopus Coloniensis, & pro Cliuensi inter= cedit, sed id frustra fuit: nisi enim à Geldriæ possessione prius ille disce= deret, nullam pacis mentionem Cæsar audiebat. Et quum Saxonicus legatus, mandatu sui principis, Granuellanū, Moguntia, pro Cliuen= si deprecaretur, ac persuadendi causa, reipublicæ diceret priuatam in iuriam esse condonandam, præsertim iam imminente Turca: non esse discessurum à proposito Cæsarem, ille respondet, quæcunq; tandem sit futura Turcarū impressio. Diximus antea, quemadmodū Hildes= semenses, proiecta religione pontificia, uenerint in fœdus protestan= tium: episcopus autē eius ciuitatis, Valentinus, grauitur eos & ad Ca= meram & ad Ferdinandū regem, & nunc etiam ad Cæsarem accusa= bat, quòd ueterem religionem & ecclesiæ ritus mutassent, quòd no= uos instituisſent populi doctores, quòd Missam abrogassent, quòd an= tiquæ religionis sectatores mulctarent, quòd non aras tantum & ba= ptisteria, sed templa quoq; diruerent, quòd ecclesiasticorū bona mobi= lia, supellectilem omnem & ornamenta partim amouissent, partim ad se receptis clauibus detinerēt, quòd nuper etiam editis ludis, uirgi= nem Mariam reliquosq; diuos, per ludibriū uulgo traduxerint, quòd ipsius iurisdictioni se subtrahere cogitarent, quòd in protestantium fœdus atq; clientelā sese dedissent, quòd monachos & id genus alios, ad sue religionis obseruationē, ui cogerent, & eos, qui non essent ob= secuti, palam afficerent contumelijs, & finibus etiam exterminarent.

Hildes= semenses  
ad Cæsa= rem ac= cusati.

1543: Hac audita criminatione, Cæsar, Augusti die sexto, Vuormacia dat li-  
 teras ad illos, & grauissimè cominatus mandat, ut & religionem &  
 quæcunq; alia in pristinum statum restituant, donec publicè decretum  
 aliquid fuerit. Triduo post, Moguntia dat literas ad senatum Coloni-  
 enses, audire se, concionatores quosdam in hoc esse totos, ut ipsos ab  
 antiqua religione dimoueant, quibus tamen ipsi fortiter adhuc resti-  
 terint: id autè permagnæ sibi uoluptati esse, & monere, ut in eo per-  
 maneant, & ciues in officio contineant: hoc sibi longè fore gratissi-  
 mum, & ipsa quoque re, suo tempore declaraturum. In eandem pro-  
 pè sententiam pontifex quoq; tum senatui scripserat. itaq; conuocato  
 Pontifi-  
 cis ad e-  
 osdem. populo senatus mandat, ut his edictis pareant. Calendis Iunij ponti-  
 fex collegis primarij templi Coloniae, scribit. in hac animi sollicitudi-  
 ne & dolore, què percipiat ex archiepiscopi uesania, ualdè se recreari  
 fortitudine ipsorum atq; pietate, quæ non ipsis tantum, sed & uicinis  
 omnibus perquam sit salutaris: quòd enim & amplissima ciuitas &  
 prouincia tota sit incolumis, post Deum immortalem ipsis acceptum  
 esse ferendum: itaq; permagnas ipsis agere gratias, ob tam strenuè na-  
 uatam operam, eiusq; rei perpetuam apud se futurā esse memoriam:  
 licet enim officium fecerint, tamen propter rem & exemplum, fateri,  
 plurimum se ipsis debere: uerū tamen opus esse constantia, uel eò ma-  
 ximè, ne, si relanguescant, archiepiscopus, cum fortè superior euadet,  
 grauiter in ipsos uindictet: sint ergo fortes in defensione nominis diui-  
 ni & catholicæ religionis, & suæ ipsorū libertatis atq; salutis, quam  
 impius hæresiarcha studeat euertere totam & labefactare: non qui-  
 dem ipsis opus esse monitore, sed tamen hoc etiam ueluti calcar adde-  
 re se uoluisse curretibus, & rogare plurimum, dent operam, ne ille,  
 qui sit indignus nomine archiepiscopi, nobilissimam ciuitatem conta-  
 gione sua lædat: neque pro pastore illum habeant sed pro hoste: se qui-  
 dem neq; consilio nec ipsa re defuturū ipsis. Has literas Ioannes Pog-  
 gius, pontificis apud Cæsarem legatus, Moguntia mittebat illis Augu-  
 sti mensis die xxv. Paulò ante hoc tempus, Gallie rex in Veroman-  
 duos cum exercitu profectus, oppidulum Landresium Cæsari adimit,  
 & opere præsidioq; munit. His ipsis quoq; diebus, Barbarossa Tur-  
 cicus legatus, ductore Polino Gallo, magna cum classe Tollonum ap-  
 plicuit, quod est prouinciæ Gallie oppidum atque portus inter Mas-  
 siliam



filiam atq; Niceam. eius de aduentu rex ubi cognouit, Angianū Ven- 1 5 4 3  
 domensem cum copijs & triremibus illi mittit auxilio. postea simul  
 ambo Niceam uersus contendunt, & cum oppidum atq; portum, Au-  
 gusti mensis die uigesimo cepissent, arcem obsident. Alter Turcarum  
 exercitus in Pannoniam irruit, Quinqueecclesiam oppidum, & ur-  
 bem arcemq; Strigoniam capit, Albam autem regalem expugnat. Mi-  
 serat auxilia pontifex, Baptista Sabello, Iulio Vrsino, ducibus: uerū  
 ij paulo serius aduenerunt. Theologi Parisienses, ubi de Landro &  
 Depensio triumphassent ad eum modum, sicut diximus, doctrinæ  
 capita promulgant, illa nimirum, quæ suprà docuimus concionatori  
 Landro fuisse priuatim ab illis proposita. sunt autem numero ad  
 xxv. Res acta fuit Lutetiæ Calendis Augusti, & per præconem tu-  
 ba conuocato de more populo, recitata fuerunt dogmata, post etiam  
 typis excusa, mandatu regis, qui & illa sanciebat, & graui denuncia-  
 ta poena, ne quis omnium contrā faceret aut doceret, edixit, addito e-  
 tiam decreto de peruestigandis Lutheranis. Theologi præterea, noui-  
 cijs ipsorum professionis, & ijs qui nomen habent à lauri bacca, cate-  
 risq; mandat, ut hanc formulam sequantur. alioqui contubernio ipsis  
 interdiciunt. His illorum dogmatis aduersarium deinde scriptum edit  
 Caluinus, & antidotum uocat, eosq; multo sale perfricat, & eodem  
 ferè tempore libellum emittit, lingua Gallica scriptum, de sanctorum  
 reliquijs, ut & hæc ætas & posteritas uideat, quò fuerit delapsa reli-  
 gio: sed ea solum, quæ sunt ipsi nota, recenset, & optat in alijs quoq;  
 prouincijs idē fieri. Sunt autem in eo numero, præsepe, cunæ, lintea,  
 præputium, sanguis Christi, partim purus, partim aqua dilutus, hy-  
 driæ nuptiarum in cana Galilææ, uinum, quod tunc ex aqua Christus  
 fecit, suppellex ultimæ coenæ, quam habuit cum apostolis, marina po-  
 puli Israëliti: crux, calamus, clauis, spongia, lancea, corona spinea,  
 uestis, calcei, sudarium, lachrymæ Christi: lac, interula, capilli, cingu-  
 lum, crepida, pectines, annulus Mariæ uirginis, pugio & clypeus ar-  
 changeli Michaëlis: occiput, mandibula, cerebrum, digitus Ioannis  
 Baptiste: cathedra, pedum, missaria uestis, cerebellum Petri: deinde,  
 corpora diuorum, & quidem uarijs in locis eadem. Ostendit autem,  
 quanta ueneratione populus hæc omnia sit prosecutus, cum ea sa-  
 crifici non sine precio illis exhiberent, & è longinquo spectanda pro-  
 ponere

Turca-  
 rum im-  
 perus in  
 Vngariā

Antido-  
 tum Io-  
 annis  
 Caluini.  
 Eiusdem  
 libellus  
 de reli-  
 quijs.

1543 ponerent, rem uidelicet nihili, friuolam, ab ipsis propter quæstum ex cogitatam, & quæ propius inspecta, nihil habeat præter fucum & umbram. Cæterum in Belgica duæ sunt urbes potissimum, hoc nomine celebres, Treuirensis & Aquensis. huc enim, uisendi causa reliquias, ut aiunt, confluere solebant homines, etiam ex Pannonijs & Illyrico, quum septimo quoque anno, ut maior esset authoritas & admiratio, suas merces negociatores illi proferrent. Cæsar Moguntia Bonnam uenit secundo flumine: docebat ibi tum Bucerus, ut antè diximus, & Casspar Hedio quoq; , Argentina nuper accersitus ab archiepiscopo, uir & ingenij ualde sedati, & ad docendum populum inprimis idoneus. Erant uterq; non in nullo discrimine, maximè, præsentibus Hispanis: Cæsar etiam, ut eos dimitteret, ab archiepiscopo per legatos contendit: Melanchthon iam antè discesserat: illi etiam nõ multo post, impetrata dimissione & constitutis ecclesijs atque ministris, domum reuerterunt. Inde Duram Cæsar petit, & quum ad Augusti diem uigesimum secundum eò uenisset, postridie misso præcone, deditionem sibi fieri postulat: nisi faciant, bellum denunciat. Milites præsidarij contemptim respondent, neque sibi periculum esse dicunt ab illo, qui iam pridem sit factus esca piscium. nam rumor increbuerat, Cæsarem, quum post cladem Argieranam, ex Aphrica domum rediret, facto naufragio, periisse: & hæc opinio sic infederat animis populi Cliuensis, ut etiam illis, qui se non uidisse modò Cæsarem, sed conuenisse quoque dicebant, uix crederent. principi quoque fuit idem persuasum, fatali quadam crudelitate. huius autem figmenti putantur authores fuisse Galli, ne Cliuenses remollescerent, ac Cæsaris potentiam ueriti, paciscerentur. Eo dato responso, Cæsar, communis castris, & rebus omnibus instructis, Augusti die uigesimo quarto, prima luce, tormentis oppidum oppugnat, postea militem immittit, Hispanos maximè, quorum erat ingens alacritas. ij sæpe repulsi, quum plurimos è suis desiderassent, non prius conquieuerunt, quàm ui caperent. oppidanorum ea fortuna fuit, quæ solet esse, quum ferro uia sit & aditus. Porro, caput hic ostentari solebat Annæ, quæ mater fuit Mariæ uirginis, eoque ueniebat quotannis magna hominum multitudo, ad uigesimum sextum iulij diem, qui consecratus est illi diuæ: sed Hispani uictores, caput illud, inclusum auro, magna cum pompa

Cæsaris  
expeditio  
in  
Cliuensem.



pompae religioſe deſerebant in eadem Franciſcanorum, ne in illa rui-  
na & templi conflagratione periret. Oppido direpto & incenſo,  
Caſar progreſſus, Iuliacum, ac deinde Ruremundam, quod eſt ad Ru-  
rae fluminis & Moſae confluentem, oppidum Geldriae munitum, de-  
ditione capit. nam Durae calamitas inopinata, magnam omnibus tre-  
pidationem atque terrorem attulit. Ruremunda Venlonum petit. eo  
tandem ad ipſum in caſtra uenit, dux Cliuenſis, Comitatus Henrico  
Brunſuicenſi, & legatis archiepiſcopi Coloniienſis Hermanni: cumq;  
ſupplex deprecaretur, Brunſuicenſis etiam & legati uehementer in-  
tercederent, Caſar tandem conſurgit, & Auraica principi ac Gran-  
uellano dat negocium, ut leges illi praſcribant. His ergo conditioni-  
bus, in gratiam, Septembris die ſeptimo, receptus eſt. ab eccleſiae ca-  
tholicae religione non diſcedat: ſi quid mutauit, reſtituat: fidem &  
obedientiam Caſari, Ferdinando regi & Imperio promittat: foederi  
Gallico & Danico renunciet: foedus nullum faciat, in quo non & Ca-  
ſar & Ferdinandus & ipſorum excipiantur heredes: à totius Geldriae  
poſſeſſione decedat, & inſiurandum populo remittat: ad recupe-  
randam Geldriam, ſi quae fortè loca deditioem facere recuſent, au-  
xilia Caſari ſubminiſtret: Caſar inuicem illi prouinciam Iuliacenſem  
bello nuper acquiſitam reddit, duobus exceptis oppidis, Hensbergo  
& Sittardo. quae ſibi retinet ad tempus, donec de ipſius fide comper-  
tum habeat & obſeruantia. Dum in Cliuenſem Caſar uadit, Galliae  
rex, per Campaniam petit agrum Luceburgicum, & ſororis filiam  
Ioannam, Cliuenſi deſponſam & publicè traditam ante biennium,  
uti ſuprà diximus, accerſit, traducturus eam ad maritum. Ibat illa  
quidem inuitiſſima, ſicut antè quoque demonſtrauimus, ueruntamen  
auunculo regi morem gerebat. Additus autem ei fuit à rege cardina-  
lis Bellaius, epiſcopus Pariſienſis, tanquam unus omnium maxi-  
mè idoneus, qui & animum ipſius flecteret, & totius itineris eſſet  
comes. Cùmque iam perueniſſet in Sueſiones, inde petitura re-  
gem, ecce nuncius adfertur de ſubiugato Cliuenſi. qua quidem  
re uehementer exhilarata, non ſibi uerendum amplius, & quorſum  
ea res pertineret, ſatis uidebat. nec aberrauit: nam eo cognito, rex ad-  
modum fuit perturbatus, itaque domum illa reuertit. Ipſe uerò pro-  
greſſus nihilo ſecius, Luceburgum urbem rurſus occupat ſub finem

Cliuenſis  
reconci-  
liatus.

Septem=

343 Septembris, & habita deliberatione, munit. Hoc etiam tempore,  
 Landre- Britanniae rex Henricus, foedere nuper associatus Caesari, copias ali-  
 sij obsi- quot militum transmittit in Belgium, qui Caesarianis coniuncti, Lan-  
 dio. dresium obsident. Interea uenit Metim, initio mensis Octobris, missus  
 Caesaris legatus ad Me- Caesaris, Carolus Bosetus iureconsultus, et primis aliquot diebus, com-  
 tenses. municato cum senatu, cum monachis & ecclesiasticis consilio, quum  
 ex concionatoribus alterum ad se uocatum, acriter obiurgasset, man-  
 dat, ut ante triduum excedat urbe, neq; sermonem deinceps cum ullo  
 ciue conferat, capitis denunciata poena, si secus faciat. post, ad idus  
 Octobris recitatur edictum Caesaris, quo senatui mandat, ne quid no-  
 ui dogmatis admittant, et in fontes animaduertant. itaq; senatus edi-  
 cit ciuibus, ut antiquam religionem colant, ut suspectos & improba-  
 tos libros intra septimum diem proferant in medium, ut ecclesiae legi-  
 bus pareant, ut diebus uetitis ab esu carniū abstineant, ut ordinis ec-  
 clesiastici uiros reuerenter habeant, ut qui propter diuersam religio-  
 nem sese dederunt in clientelam atque fidem protestantium, intra cer-  
 tum tempus ei renuncient: qui secus fecerint, ijs & multam & exi-  
 lium & alias poenas, pro cuiusq; merito, constituit. Barbarossa cum ar-  
 cem Nicenam frustra circumsideret, copiae etiam Caesaris ex insubria  
 superuenirent. Daualo ductore, maturius paulo, quam tempus anni  
 postulabat, exercitum in Hyberna, Tollonum deduxit. hoc enim op-  
 pidum ei rex attribuerat, iussis illinc emigrare ciuibus & incolis. Vi-  
 gebant hoc anno seditiones atq; turbæ per Scotiam, diuisis procerum  
 animis. nobiles enim illi, quos in Anglia captos fuisse diximus, libera-  
 liter à rege dimissi, rebus eius uehementer studebant: cardinalis autē  
 Scotus, qui magnos haberet in Gallia census annuos è sacerdotijs, &  
 regina Guisij filia, regis Galliae partes tuebantur. A morte Scotiae  
 regis, Henricus octauus in hoc erat totus. ut Eduardo filio suo reginu-  
 la Scotiae nuper nata desponderetur. in ea re bonam operam nobiles  
 illi, quos diximus, ei nauauerant: & quum Iacobo Hameltonio gu-  
 bernatori persuassissent, cardinalem Andream captiui, & reginam  
 in arce quadam obsident, & confectis literis, matrimonium illud ra-  
 tum habent. Cum autem Galliae rex consilium hoc turbaret, nobilitas  
 etiam reginae sortem indigne ferret, & Hameltonius in alteram par-  
 tem transfret, discessum fuit à pactis: itaque bellum rursus incruduit  
 inter

Seditio  
 per Sco-  
 tiam.



inter ipsos, & Anglos, ut infra dicitur. Bellum etiam erat Danie regi cum Cæsarianis Belgis, propter Christiannum regem captiuum. & ille quidem protestantes de auxilijs interpellabat, sed hi causam hanc ad fœdus nihil pertinere dicunt. nam cautum erat si religionis nomine bellum ei fieret, ut tunc communibus auxilijs defenderetur. Cliuensis fœderi Gallico renūciat

Legatum mittit ad Galliæ regem, cuiusq; fœderi renūciat, & uxorem sibi mitti petit, pro cuius transitu fœderi publicam Cæsaris impetrasset. Rex legato respondet. quò minus ei sit & uxor tradita, & missus etiam exercitus, per se non stetit. se, uerum ipsius factum esse culpa, qui nunciarit, neque patere uiam per ea loca, nec alimoniam subministrari posse: quicquid promiserit, liberaliter se præstitisse, & aliquantò plus etiam quàm deberet: ipsum uerò minus rectè fecisse, qui sui generis & conditionis oblitus, in talem seruitutem sese coniecerit: ad neptem quod attinet, licere ut de parentum atq; etiam illius uoluntate cognoscat: se quidem ipsi nullā re deuinctum amplius esse. Cæsar, compositis rebus per Geldriam, Octobri mense Landresium uenit, ingenti cum exercitu. uenit etiam eodē Galliæ rex, totis uiribus, & omnino res ad prælium spectabat: sed quum annonam intulissent Galli, silentio noctis illinc discedunt, nec deprehensum hoc ab hoste fuit prius, quàm illuxisset. tunc demum insecuti, postremum agmen morantur, & complures interficiant. Et quia iam suberat hyems, Cæsar nihil amplius tentandum existimans, cum ad obsidionem Luceburgi copias aliquot misisset, reliquum exercitum dimittit. Landresij militabat Cæsari uoluntariè Mauricius, qua quidem re magnam sibi beneuolentiam & aditum ad illius amicitiam comparauit. Per hyemen, Lotharingiæ dux & alij quidam de pace intercedunt, sed id frustra fuit. Cæsar Landresio domum reuersus, Ferrandum Gonzagam, proregem Siciliæ mittit ad Angliæ regem, ut eum aduersus Gallum amplius excitaret. De Gulielmo Furstembergio diximus non semel: is factus alienior à rege Galliæ, per Granuellanum sibi uiam facit ad Cæsaris gratiam: utq; fidem suam approbaret, collectis in agro suo copijs aliquot peditum, media bruma Luceburgum petit, & Cæsaris copijs sese coniungit: sed cum Galli, ductore Longeuallō, commeatum intulissent, nulla re perfectā discedit, multis ex frigore desideratis et inedia. Suprà dictum est, Imperij

Prote-  
sta. con-  
uentus.  
Frācosur-  
ti.

conuentum à Cesare fuisse indictum ad ultimum Nouembris diem: protestantes ergo Francosurti prius conueniunt, & de rebus ab se tra-  
standis in comitio, deliberant. & cum propter bellum Gallicum res  
extraheretur, Saxo & Lantgravius, datis ad Cesare Nouembri men-  
se literis, ad comitia se uenturos dicunt si quidem ipse ueniat, & sibi  
socijsq; publica fide caueat. Caesar ad ea, Bruxelle, Decembris die de-  
cimo, sese uenturum, & Ianuario quidem mense, respondet, ac simul  
cautionis formulam mittit: illos uero, qui suis hostibus fide uel pactio-  
ne sint addicti, excludit, Gallie regis designans emissarios occultos.

1544.  
Comitia  
Spiræ.

Initio deinde Ianuarij mensis è Belgio profectus, Spiram uenit. huius  
mensis die xxiiij. fuit magna solis eclipsis, interdum, sic ut ab omnibus  
non sine admiratione conspiceretur: Lune quoq; tres hoc anno fue-  
runt eclipses plenæ. res nimirum prodigiosa, & quam à Caroli magni  
tempore non accidisse physici dicunt. Cardinalis Farnesius, Alexan-  
der, itinere facto per Galliam, Cesarem euntem ad comitia conuenit,  
ab eoq; Vuormacie dimittitur. legationis causa fuisse putatur, inter-  
cessio de pace. Frequens admodum fuit hic Spiræ conuentus. nam &  
Ferdinandus rex & electores omnes, quod raro fieri solet, & pleriq;  
omnes principes aderant, & in his etiam Cliuensis. Aduenienti Saxo-  
ni, quod fuit xvij. die Februarij mensis, obuiam profecti sunt Lant-  
gravius, archiepiscopus Colonienfis, Fridericus Palatinus, & Siciliae  
prorex. biduo post fit initium, & proponit Caesar. Quibus de causis,

Actio  
Cesaris.

Hispania relicta, rursus in Germaniam iter suscepit, & conuentum  
hunc indixerit. literis suis Genue datis explicasse: nec opus esse repe-  
re seu commemorare, quantopere salutem rei publicæ semper amarit,  
quò uidelicet domi compositis rebus omnibus, in Christiani nominis  
hostem arma sumerentur: ideoq; superiori comitio Ratisbonæ diligen-  
ter egisse de comparandis copijs & auxilis: & quum anno sequenti  
bellum aduersus illum susceptum, minus foelicem haberet exitum, in  
postremis deliberationibus placuisse, finitima loca præsidijs tantum  
& opere, hoc quidem in tempore, esse communienda: tam, licet ipse  
tum uehementer optaret adesse bello, pro sui muneris ratione, tamen,  
quibus rebus, et per quem sit impeditus adhuc atq; retardatus, notum  
esse publicè: nam impulsu stip. dieq; Gallie regis, anno superiori, Tur-  
cicam uenisse classem in mare Ligusticū, & in Sabaudie ducis, Impe-  
rij



rij principis agrum inuasisse, et capta Nicea cum portu, magnis uiribus  
 15 4 4  
 bus arcem ijs locis obsedisse, & tromentis acriter oppugnasse: ac licet  
 suis copijs aduentantibus obsidionem soluere coacti sint, tamē in alia  
 tum Imperij, tum Hispaniæ ditionis loca circumtulisse bellum, & in  
 hoc nunc esse totos, ut omnia disperdant: in summum ergo periculum  
 & extremum ferē casum rem esse deductam, ac nisi coniunctis animis  
 & uiribus occurratur, futurum, ut serō nimis calamitatem suam Ger-  
 mania deploret & agnoscat: se quidem ijs malis optasse nō semel me-  
 deri, sed inferente sibi bellum Galliæ rege, diuersis locis, nec in Germa-  
 niam redire, neq; sua cum ipsis auxilia coniungere potuisse: cur autē  
 Germaniam Turca tam confidenter petat atq; tentet, cur etiam in il-  
 lum suscepta bella tam inſœliciter adhuc administrata sint, hanc esse  
 causam, primū, quod de dissidio religionis, de publicis & priuatis  
 ordinum offensionibus, de statu rerum & ijs quæ geruntur in Impe-  
 rio, singulis temporibus, per Galliæ regem ille cognoscat, ad quem ista  
 perferantur: deinde, quod in Galliæ rege fauorem & auxilia sibi pa-  
 rata esse uideat, ut proximis comitijs explicatum testimonijs atq; lite-  
 ris, nunc etiam ipsa re demonstratum sit: & quanquam utile rei publi-  
 cæ fuisset, hos Galliæ regis conatus opprimere statim & refecare, ne  
 longius uagarentur, tamen placere sibi, quod in proximo Noribergæ  
 conuentu responsum ea de re dederunt: quia uerō ille communem o-  
 mnium & immaniſſimum hostem in rempublicam Christianam exci-  
 tat & armat, existimare se, fore ut hoc bellum, quod ipse iam in illum  
 necessariō suscipit, non secus habeant, quā si in Turcam ipsum sus-  
 cipiatur: fore etiam, ut non solum actiones illius atque consilia dam-  
 nent, sed opem quoque sibi ferant, quō nimirum ab hoste domestico li-  
 beratus, uim omnem aduersus Turcam explicare possit: ceterum, au-  
 dire se, non absq; molestia, quæ decreta sint auxilia comitijs antea actis,  
 non esse collata sicut oportuit, & serius multō, quā expediat rei-  
 publicæ: cū enim in ijs Ferdinandus rex frater spem ferē totam col-  
 locasset, & superiorum annorum sumptibus exhaustus non ita mul-  
 tum ipse præstare posset, Turcā hoc anno proximo rursus alia quæ-  
 dam ademiſſe nobis oppida & arces, quæ sanē clades potuisset eui-  
 tari, si quidem auxilia decreta, suo tempore subministrata fuissent:  
 quum is ergo sit rerum status, cū in hoc Turca totus elaboret, ut ex-

1544 pugnata Vngaria, tanquam propugnaculo, & multis iam patefactis  
 uijs, Germaniam debellet, quum res ipsa postulet, ut Pannonij liberetur,  
 ne uidelicet destituti Turcicum imperium subire cogantur, & ex  
 amicis fiant hostes, petere, ut de re tanta deq; perpetuis & continen-  
 tibus auxilijs deliberent, non defendendi tantum sed & inferendi bel-  
 li causa. quò uidelicet ab uxoribus & liberis & à communi patria,  
 pestis hæc omnium nocentissima profligetur: Ad illa uerò quod at-  
 tinet, quæ magnum hucusq; publicis actionibus impedimentum in-  
 tulerunt, cupere se, quantum omninò possit, remedium adhibere: &  
 de religione quidem scire ipsos, quantus labor suus interuenerit &  
 sollicitudo, multis abhinc annis, ac nuper etiam Ratisbonæ: sed cum  
 ibi non posset iniri concordia, reiectam fuisse causam ad concilium  
 aliosque conuentus: ac deinde sollicitatum ab se pontificem, concil-  
 ium indixisse, cui sanè decreuerit ipsemet interesse, nisi Gallie rex bel-  
 lum sibi mouisset: Interea quid actum sit, è suis hoc ipsos legatis  
 haud dubiè cognouisse: nunc uerò, cum idem adhuc maneat dissidium,  
 reipublicæ sanè uehementer incommodum, petere dispiceant ac se-  
 cum ipsi cogitent, qua potissimum uia tolli possit & emendari, sibiq;  
 rationem illam, quæ uidebitur ipsis optima, demonstrent: ut etiam  
 Cameræ iudicium, publicæ pacis uinculum & firmamentum, legiti-  
 mè constitutur, & iam antea se prouidisse, & deinceps quoq; nihil in  
 eo prætermisurum. Eodem die Ferdinandus rex, per legatos, de Tur-  
 carum excursionibus multa locutus, auxilia petit. Statim post hæc,  
 Saxo, Lantgrauius atq; socij, ad Cæsarem oratione conuersa, scis, in-  
 quiunt, inuictissime Cæsar, quemadmodum inde ab initio testificati  
 sumus, uelle nos in hoc amplissimo confesso causam explicare susce-  
 pte defensionis aduersus Henricum Brunswicensem: eiusdem nunc  
 quoq; sumus uoluntatis atque consilij: neq; dubitamus, quin audita  
 re tota, causæ uobis apparebunt graues atq; iustæ, quamobrem & ea  
 defensio nobis necessario suscipienda fuerit, & illi non liceat interesse  
 concilio principum: sed quia uidemus illum ingerere seipsum huic  
 confesso, nobis minimè comprobantibus: quod unum possumus atq;  
 licet, ne uidelicet deliberationes publicæ tradentur aut impediuntur,  
 prostemur nos illum non habere nec agnoscere pro principe Imperij,  
 nec etiam uelle ius aliquod nostrum, per ipsius præsentiam nobis de-  
 minui.

Actio  
Ferdinandi.

Actio  
Protestan-  
tium.



minui. Brunsvicensis ad ea, mox è uestigio, per cancellarium, Saxo, 1544  
 inquit, Lantgravius atq; socij, uiolato iure diuino & humano, perru-  
 ptis Imperij legibus & fracta fide publica, per uim & summam iniu-  
 stitiam, prouincia mea me spoliarunt. quo quidè nomine ipsos ad Ca-  
 meræ tribunal accusaui: quod cùm ita sit, nec locum in Imperij sena-  
 tu habere possunt, & si quem habuerunt, eum hoc admissio facinore,  
 iam amiserunt, & digni sunt, quorum consuetudinem omnes defugi-  
 ant: si uerò res ita ferat, ut in publicis deliberationibus mihi sit ipsis  
 asidendum, profiteor, me nec hunc eis locum tribuere, nec actioni meæ  
 quicquam uelle propterea derogatum esse. Protestantes iam tum cu-  
 piebant facti sui rationem, & rem omnem commemorare de scripto,  
 ne uidelicet illius criminatio uera putaretur, aut in animis hominum  
 defixa maneret: sed per Fridericum Palatinum atq; Nauium Cæsar  
 petebat ab ijs, quia multus iam esset dies, ut differrent. simul affirma-  
 bat se uelle diem ipsis designare, quo sua proponant. itaq; morem illi  
 gerunt. Et quoniam in confesso principum, Lantgravius tunc forè  
 proximum habebat à Brunsvicensi locum, Ioannes Palatinus prin-  
 ceptis, Simmerius, uitandæ simultatis causa consurgit, & medius inter  
 utrunq; sedet, professus antea, ne sibi suæq; familiæ fraudi sit istud aut  
 præiudicet. monitu Cæsaris id fecisse putatur. pridie Saxo & Lant-  
 grauius Fridericum Palatinum atq; Nauium orauerant, efficerent per  
 Cæsarem, ne Brunsvicensis in communem coetum ueniret: id autem  
 impetrari non potuit, cùm Cæsar illum excludi non posse diceret, nisi  
 causis primùm explicatis. Gallie rex, qui facillè poterat scire, Cæsa-  
 rem de se grauem habiturum querimoniam ad principes, legationem  
 decernit amplissimam, Ioannē Bellaium Cardinalem, Franciscum Or-  
 liuerium Alenconium, Africanū Malleium, prætorem Diuionensem.  
 Hi quum Ianuario mense uenissent Nanceium, oppidum Lotharin-  
 gie, subsistunt, & cautionem Cæsaris expectant. fecialem enim rex  
 præmiserat Spiram, eius rei causa, cum literis ad Cæsarem, & priua-  
 tim etiam ad principes electores, quibus literis petebat suis legatis pu-  
 blica fide caueri. Cùm autem ferè sub exitum Februarij, fecialis eo ue-  
 nisset, indutus ueste solenni, sicut fieri consueuit, sistitur à Granuella-  
 no, cui & literas reddit sui regis ad Cæsarem scriptas. eum aliter non  
 posset, & sui causam aduentus explicat, & legatis, qui non ita procul

Legatio  
 Galli ad  
 Comitiam  
 Spirensem.

1544 absint, iure gentium cauere petit. Iussus manere domi, & diligenter obseruatus, ne quis ad ipsum colloquendi causa ueniret, quarto post die dimittitur, asperrimis uerbis. Imprudenter ipsum fecisse, & magnum adiisse capitis periculum, qui sit ausus eo uenire: nam regem, qui sit hostis Germaniæ, non habere quod agat intra fines Imperij, neque ius gentium illi communicandum esse: redeat ergo domum, & hæc regi suo renunciaret: non esse uerò quod posthac aut ipse uel quiuis alius accedat: & nunc quidem ipsi condonari factum atque remitti, clementia quadam Cæsaris, magis, quàm pro ipsius merito, sed caueat in posterum: alioqui non laturum impunè: nam fecisse contra leges feciales, nec in Cæsaris domicilium ei licuisse uenire, nisi de illius permissu: quod ad literas attinet, quas habere se dicat, ita regem esse de republica Christiana & imprimis de Germania meritum, ut in hoc rerum statu Cæsar neque uelut neque debeat eas recipere, ne per illius usitatum scribendi genus atque promissa, uel ipse uel etiam alij decipiantur. Hoc responsum gallicè per scriptum ei datur. Sic ergo remittitur cum literis regis ad Cæsarem scriptis atque principes, & additi fuerunt equites nonnulli, qui Nanceium usque perducerent. huius autem rei nihil fuit communicatum principibus, ac plerisque; uidebatur hoc ab Imperij consuetudine esse alienum. Ea re cognita, legati magnis erant in angustiis, ualde solliciti, quomodo sine periculo domum redirent: collato autem consilio cum Lotharingiæ principe Antonio, noctu clanculum discedunt, inque Galliam propinquam reuertuntur. Dum adhuc Nancei commorantur, uenit Spiram principis Antonij nurus, ut, quod ipse nō potuit, nec alij quidam, hoc ista, quæ Cæsaris esset è sorore neptis, & precibus & lachrymis & commendatione quadam sexus impetraret. sed & hoc frustra fuit. Cæsar enim animo prorsus obfirmato bellum cogitabat, & ita faciendum dicebant consiliarij, retinendæ causa dignitatis & existimationis. Lotharingiæ uerò dux, etsi neutri erat addictus, & quanquam iam olim cum utroque pactus erat, ut id sibi liceret, tamen, cum ad suos fines bellum esse gerendum, nec id sine graui suo dispendio fieri posse uideret, de pace multum erat sollicitus. Februarii die nono, principes quidam, hortatu Cæsaris, Spira dant literas ad pontificem Romanum. quā anno superiori audissent, Cæsaris copiis & ipsius etiam auxilijs,

Principum literæ ad Pontificem.



auxilijs. Turcas atque socios, ab arcis Nicenæ obsidione depulsos, su- 1544  
 ga sibi salutem quaesivisse, magnam animo se percepisse uoluptatem  
 atque letitiam, eoq; magis, quòd intelligerent, illo capio propugna-  
 culo, non ecclesiæ modò Romanæ prouincijs, uerùm & Italiae & u-  
 niuersæ reipublicæ magnum imminere discrimen: sed quum in hoc  
 tempore ex fide dignis audiant, illos restaurare Tolloni classem atque  
 copias, ut arcem illam in suam potestatem redigant, angi non medio-  
 criter, ob commune non periculum modò, sed dedecus etiam: & hanc  
 esse causam, quam obrem pro sua in ipsum obseruantia & amore scri-  
 bant ad ipsum, qui sit reipublicæ parens. itaq; rogare plurimum, ut  
 Sabaudie principi Carolo suum & consilium & opem communicet,  
 & pro singulari sua prudentia secum ipse cogitet, quantò satius &  
 reipublicæ sit utilius, primo statim uestigio depellere hostem, quàm  
 differre longius, & post amissam arcem omnium opportunissimam,  
 ad arma uelle concurrere: rationem etiam inuit, quomodo tam bar-  
 barus hostis, non ab ea tantùm arce, uerùm ab ijs etiam locis, ubi por-  
 tum atq; receptum habet profligetur: nam si Turcam atq; socios du-  
 cat hostium loco, quod quidem omninò facturum putent, pro ipsius  
 in remp. charitate, & summi quoque pastoris officio, si uires huc o-  
 mnibus & ecclesiæ facultates impendat, non dubitare se, quin popu-  
 lum suum Deus è manibus inimicorum eripiat: & quum in arce illa  
 magnum salutis momentum esse collocatum uideat, obsecrare iterum,  
 det operam, ne ueniat in alienam ditionem: hoc & Deo longè gratif-  
 icum, & toti reipublicæ futurum esse perquam salutare. Pontifex  
 ad ea xxvi. Februarij die respondet. ut arx Nicena consistat, daturum  
 se deinceps operam, sic ut adhuc quidem fecerit: pergratam sibi esse  
 ipsorum erga se beneuolentiam, & sperare, quemadmodum de Nicea  
 solliciti sint, futurum, ut pro republica non minorem quoq; curam su-  
 scipiant: hoc enim ipsos in primis decere: quo semper ipse fuerit ani-  
 mo in communem hostem, inde à suæ administrationis initio, palàm  
 esse notum: etenim aduersus illum auxilia se perpetuò tulisse, belliq;  
 subministrasse duces atq; classem, in Pannonijs, & in Apbrica: nihil  
 deniq; non fecisse, quò tam seuum & importunum hostem ab orbis  
 Christiani ceruice depelleret: itaq; continentibus ac propè quotidia-  
 nis impensis exhaustum esse per hoc decennium, quo reipublicæ præ-

Pontificis  
 responsio  
 ad lirc-  
 ras Prin-  
 cipum.

1544 *sit* & hos quidem sumptus fecisse in maximis angustiis aerarii, quando uidelicet defectione multorum ualde sint illius accise facultates & imminutæ: quid? an ullum suum desiderari possit officium, qui non modo crebras miserit legationes, uerum ipse quoque protectiones multas reipublicæ causa suscepit? ante biennium ab se fuisse indictum concilium, Tridenti, Germanicæ ditionis oppido, nimirum ut pax Germaniæ restitueretur, emendarentur uitia, componerentur dissidia regum, & belli Turcici rationes inirentur: sed nihil adhuc labore & sollicitudine sua profectum esse: nam remanere communis morbi causam, & rempublicam ueluti tabe quadam indies magis atque magis interire: quod autem arcis Nicenæ tuitionem sibi tantopere commendent, esse pergratum, & omni ratione deinceps curaturum, ut non ueni tantum loco bene sit, uerum, ne cæteras quoque prouincias contagio lædat, & ut à Turcis ac id genus impijs hominibus respublica liberetur: sui enim esse muneris, in uniuersum providere membris omnibus, & languenti corpori medicinam facere: sicut ergo Niceam sibi commendent, ita se uicissim reipublicæ salutem ipsis commendare, quæ ualde sit afflicta & debilitata: sanandi uerò rationem esse primam & unicam, ut regum animi concilientur: nam ab eo fonte manare quicquid sit incommodi: dissidijs autem illis sublati, pristinum nitorem esse redditurum: etenim ante simultatem hanc & offensionem, nec hereses in Germania, neque per Pannonias aut Italiã extitisse Turcas: ubi primum uerò discordiæ ciuili patefactus fuit aditus, è uestigio natas esse hereses & factiones & odia tum publica tum priuata, sed & concilium, quò minus cogeretur, impeditum adhuc atque tardatum esse: stabiliendam igitur pacem, quæ prius fuit, & medicorum imitatione tollendum esse morbi principium: nam pace sugari bellum atque Turcam: concilio autem, quod pace recuperata peragi possit, hereses omnes, & quicquid est uitiosum, profligatum iri: si secus fiat, non esse, quòd uel Niceam ab hoste defendi, uel ullam orbis Christiani partem à periculo uacua esse posse putent, imò futurum, ut omnes eadē inuoluat calamitas atque ruina. Martio mense decessit è uita Ludouicus Palatinus elector, eique succedit Fridericus frater. Electores ac reliqui ordines omnes, monitu Cæsaris, Aprilis die secundo dant literas ad Heluetios. Quæ de causa bellū decreuerint aduersus Turcā ante biennium,

Ordin  
Imperij  
literæ ad  
Helue-  
tios.



id ipsos tunc ex Ferdinandi regis atq; etiam è suis accepisse legatis, *et* 1544  
dolere sibi, quòd nò liberalius tunc ad ea responderint: Cæsarem tunc  
quidem constituisse huic interesse bello, sed impeditum à Gallie rege  
fuisse, qui non modò diuersis locis bellum ei fecerit, sed Turcarum e=  
tiam auxilia sollicitarit: *et* anno proximo, Turcicam classem, illius  
auspicio atq; ductu, ingressam in mare Ligusticum, intulisse bellū Sa=  
baudie principi, capta Nicea: classem autem istam habere nunc quo=  
que suam adhuc stationem in Gallijs, *et* in hoc intentam esse, quomo=  
do rebus Imperij Cæsarisq; quamplurimum noceant: hoc sanè facinus  
regis, tam horrendum *et* inauditum, eò magis esse detestandū, quòd  
ad impię gentis amplificationem, ad reipublicę uerò periculum lon=  
gè maximū pertineat: Itaq; sibi cum primis uideri mirum, quòd ipsi,  
quibus non minus quàm cæteris Germanis, à Turca sit metuendum,  
Gallie regi copias in illud bellum auxilio miserint, qui Turcam ha=  
beat socium et adiutorem: nam sine ipsorum auxilijs nò temerè illum  
fuisse bellum hoc ciuile suscepturum: nunc etiam ad se deferri, denuò  
solicitari ipsos de nouis mittendis copijs: cū autem ad omneis æquē  
pertineat, non modò Turcicam uim reprimere, sed eorum quoq; so=  
cijs auxilia quęcunq; detrabere, seruandę causę reipublicę, orare se  
plurimum, ne Gallie regi, qui propter impium fœdus haberi debeat  
pro communi hoste, suos deinceps militare patiantur, *et* eos qui iam  
fortè profecti sint, reuocent, *et* ita se gerant, ut publicam salutē ipsos  
noluisse negligere, uideri possit. Dū de rebus à Cæsare propositis deli=  
beratur, Saxo, Lantgrauius atq; socij, Brunswicensē Henricū, Apris=  
lis die quinta, coram Cæsare, Ferdinando rege, *et* totius Imperij con=  
fessu, de scripto, grauissimorum criminum accusant, *et* ordine com=  
memorant etiam, quid damni dederit Brunswico ciuitati et Goslarie,  
socijs *et* confœderatis, quorum salutis defendendę causę, coacti sint  
ipsi uim illam iniustam propulsare. Postea recitant, quemadmodum  
annis nunc aliquot totus in hoc fuerit, ut bellum ipsis per occasionem  
inferret: idque literarum testimonijs demonstrant, quas, illo finibus  
eiecto, et arce primaria capta, repertas fuisse, suprà diximus. ijs in lite=  
ris, quas propè omneis ad Moguntinū, ad Bauarū *et* ad Heldum scri=  
pserat prius, quàm eijceretur, Cæsaris aduentū ab Hispanijs, frequen=  
ter optat, *et* cū aliquid esset spei, iactat *et* minatur: *et* ubi iam Cæ

Protest.  
Brunswi  
censem  
accusant

1544 *far uenisset, ac lentius ageret, de illius cunctatione queritur atq; mo-  
 ra, neq; sibi socijsq; satisfieri, et foedus Noribergæ factum negligi de-  
 plorat, & in Granuellanum, qui sit pecunia corruptus à protestanti-  
 bus, omnem huius rei culpam confert, ei que conuicium facit, &  
 mortem ignominiosam, pro ipsius merito, precatur, & Caesarem dor-  
 mire, nec excitari posse, & illius nomen obducere se frequenter ait,  
 ad speciem solam atq; terrorem, sicut aucupes aliquando soleant osten-  
 tare mortuum accipitrem, territandi causa. hæc & id genus aliæ mul-  
 tæ literæ, quibus affectum & uoluntatem suam prodit, recitatæ fue-  
 runt. In eandem ferè sententiam & Bauarus & Heldus ad ipsum in-  
 uicem scripserant. Et quia Georgij Saxonis frater Henricus, ad prote-  
 stantium foedus accesserat, mutata, sicut diximus, religione, literis &  
 internuncijs Caesarem, ut illi facultates omneis adimeret, sollicitauerat  
 Brunswicensis. fore sperans, ut in eius regionis possessionem ipse mit-  
 teretur. huius quoq; rei literæ sunt recitatæ. Post hæc, impium esse, ac  
 pontificiam quoq; religionem, cuius defensor uideri uelit, ab eo con-  
 temni & ludificari, dicunt, idq; testimonio luculentissimo docent. Ha-  
 bebat Brunswicensis in matrimonio, Vuirtembergici ducis Vlrichi so-  
 rorem, Mariam. huius erat in gynæceo puella quædam eleganti for-  
 ma, genere nobilis, Eua Trotтина. cœpit hanc ille deperire, & cum  
 persuasisset, proles aliquot ex ea procreauit: deinde, quò minus res de-  
 prehenderetur, & ut eius frueretur consuetudine diutius, consilium ei  
 dat, ut domum ad parentes uelle redire simulet. currû, equos, et quic-  
 quid esset ad protectionem necessarium, ipse subministrat. Abit illa,  
 cumq; domum ire putaretur, in quandam illius arcem abducitur. hu-  
 ius arcis præfectus iam antè doctus erat ab eo, quid fieri oporteret: ad-  
 hibentur etiam una et altera muliercula, quibus ipse maximè fideret.  
 Eua, paucis post diebus, quum eò uenisset, in lectulum sese componit,  
 et morbum simulat. ille iam antè curauerat fieri simulachrum ligne-  
 um, quod hominis mortui caput, ceruicem atq; pectus repræsentaret:  
 reliquæ corporis partes erant expressæ linteo quodâ. id effarciebant  
 muliercule cinere uel terra, sic ut solidum uideretur. post, ligneû ca-  
 put atq; pectus ei linteo sic effarcto superimponunt & accommodant:  
 linteam uerò sic erat formatum, ut etiam obduceretur capiti. Compo-  
 situm ergò corpus ad hunc modum & obuolutum, humi reponitur,  
 ut in*

Festiua  
 de Brun-  
 swicensi  
 & ipsius  
 amalia  
 narratio



ut in mortuis fieri consuevit. statim ex mulierculis altera uenit ante  
 coenaculum praefecti, nunciat Euam esse mortuam: mox ille iubet pa-  
 rari thecam ad reponendū corpus: deterrendi uerò causa, ne quis pro-  
 pius accederet fingunt interijisse pestilentia, & iuniperi granis alijsq;  
 rebus odoratis faciunt suffitum: postea funus effertur, & cum pompa  
 deducitur ad Franciscanos. ij, quum humo conditum esset honorifice  
 suis usitatis precibus atq; sacrificijs illud prosequuntur & Deo com-  
 mendant, & totum annum deinceps pro concione populum hortan-  
 tur, ut pro mortua Deum deprecetur. Mandatū quoq; Brunswicen-  
 sis funus ei sit in eius arcis, ubi mortua esse ferebatur, sacello, conuoca-  
 tis illuc ex agro uicino sacrificis: idem fit in arce primaria, Vuolfebu-  
 telo, quæ non procul abest urbe Brunswico. nam & huc ille mortem  
 eius nunciauerat. his autem exequijs aderat ipsius uxor cum pedisse-  
 quis & coetu uirginū, omnes cultu lugubri. Venerant eò uocati multi  
 sacrifici, quibus deinde datū fuit epulum, et singulis aliquid loco mer-  
 cedis, pro ueteri & inter pōtificios usitata cōsuetudine. Interim Eua,  
 cuius mortem adeò multi deplorauerant, rectè ualet in arce Stauffe-  
 burgo, ubi subinde reuifit ipsam Henricus, ab eoq; tempore proles ex  
 ea susculit ad VII. uxori quoq; persuadet, ut Eua parentibus atq; pro-  
 pinquis mortem illius nunciet. Cum autem illā superesse, & Stauffe-  
 burgi detineri, fama deinde spargeretur, uxor, ad quam etiam istud e-  
 manauit, uehementē suspitionem cōcipit, & è seruulis, quid esset rei,  
 percunctatur: sed ille, ne quis omnium ad ipsam ueniret, ex quo posset  
 aliquid cognosci, uetebat. hanc uerò suspitionem, illa, quoad uiueret,  
 in animo defixam habuit, et subinde datis ad eum literis, miseriam suam  
 deplorabat. Hoc eius factum inter alia fuit etiam in eo confesso recita-  
 tum, ut quid de sua sentiret ipse religione, notum fieret omnibus. Ac-  
 cusationis hic erat exitus, ut docerent, quā iustis de causis et necessa-  
 rijs arma sumpserint in illum, qui contemptis & Cæsaris & Ferdi-  
 nandi regis edictis pacem publicam turbasset, ac nihil non iniuriarū  
 socijs fecisset atq; confœderatis. Huic actioni Brunswicensis non ade-  
 rat, ita uolente Cæsare: nam protestantes optabant illū adesse coram,  
 de eoq; Cæsare interpellauerant. Postridie paschæ, qui tum erat Apri-  
 lis dies xiiij. Cæsariani milites, Alphonso Daualo ductore, configunt  
 in Pedemontio cū Gallis, ad Carignanū oppidū, et superantur multis

Calloræ  
 ad Cari-  
 gnanum  
 uictoria.

milli=

544 milibus desideratis. Gallorum dux erat Angianus Vendomensis, de  
 quo supra diximus. ea nunciata clade, Cæsarem multi putabant non  
 recusaturum actionem pacis, uerum obfirmatè bellum parabat. Bruns-  
 suicensis, accusationi protestantium, Aprilis die xxij. respondet, &  
 uim magnam conuiciorum passim effundit, & coniurationem, rebel-  
 lionem, perfidiam, rapinam, Gallicam & Turcicam societatem illis  
 obijcit, & de literis in arce repertis, utcunq; potest, excusat, et, si qui-  
 dem ipsorum excutiantur arculæ, multò posse reperiri deteriora di-  
 cit: illud autē, quod de Eua diximus, nō multis attingit. Huic recri-  
 minationi protestantes iterum respondēt: & cū publicè nihil amplius  
 in eo Cæsar fieri uellet, scriptum exhibent. idem postea facit Brunswi-  
 censis. Aprilis die xxvij. Sabaudie dux, Carolus, Gallie regem in se-  
 natu principum, per legatos iterum accusat, & præter superiorū an-  
 norum uim ac iniuriam, excitatum ab eo dicit Turcicū legatum Bar-  
 barossam, qui Gallorum copijs adiutus, Niceam oppidum suum dedi-  
 tione ceperit, contraq; fidem datam diripuerit, & plurimis in seruitu-  
 tem abductis, incenderit. Petit igitur, ut sibi uehementer afflicto sub-  
 ueniant, præsertim, cū ad arcis obsidionē omnino redituri uidean-  
 tur hostes: pontificem ab se rogatum de auxilijs, illud solum uectigal  
 sibi largitum esse, quod ei quotannis dependere soleant ecclesiastici:  
 sed illud esse uehementer exiguum in hac sua tenuitate, quando uix  
 decimam sue ditionis partem obtineat: quò minus etiam ad comitiū  
 ipse uenerit, per ætatem, & interuallum itineris, & imminens ab ho-  
 ste periculum excusat. sed neq; sumptū tolerare se posse dicit, qui uix  
 habeat, quo se, filium atque familiam alat. Sub finem Aprilis, Helue-  
 tij, qui tunc Badenæ conuentus agebant, ordinum Imperij, literis re-  
 spondent. Suos duces ac militum præfectos ab se rogatos, affirmare,  
 nullum se uidisse Turcicum auxilium in castris Gallorum, nec de eo  
 quicquam audisse: nam alioqui non fuisse militaturos: Gallie quoq;  
 regem ab ipsis interpellatum, queri, quum hyeme superiori legationē  
 misisset, repudiatam esse: quæ si fuisset audita, calumniam illam faci-  
 le potuisset refutari: quod si pacem Cæsar non abnuat, illum & Bohe-  
 mis, qui Februario mēse scripserint etiam, et Germanis aduersus Tur-  
 cam auxilia sua polliceri: iam, ad ipsos quod attinet, quosdam esse de-  
 uinctos Gallie regi, & pacto teneri, ut militent: alios uerò quosdam  
 multis

Sabaudia  
 in Gal.  
 accusa-  
 tio.

Hæductio  
 rum ad  
 princi-  
 pes re-  
 sponsio.



multis ab hinc annis amicitiam cum eo colere, quorum ex ditione si 1 5 4 4  
 qui transcurrant in Galliam, ipsis & inuitis et nescientibus hoc fieri,  
 sicut etiam alijs in locis per Germaniam accadat: sibi autē uideri con-  
 sultum, ut regis audiantur legati, & pax constituatur. qua quidem in  
 re si quid ipsi possint adferre momenti, perlibenter esse facturos. Ad  
 hoc tempus, Angliæ rex ingentem classē mittit in Scotiam. hi secun- Angli ex  
peditio  
in Sco-  
tiam.  
 dam nocti tempestatem, quum appulissent, Letham, nobilem portū,  
 post, Edimburgum, primariam urbem Scotiæ, capiunt, & quum arx  
 ibi defenderetur, neq; capi posset, incendunt. fuit hoc initio Maij men-  
 sis. Hoc in comitio Cæsar, Vuolfgangum, Prusiæ magistrum, ceremo-  
 nia solenni, palam inaugurabat, eiq; Prusiæ magistratus insignia con-  
 ferebat, in quo multis iam annis erat Albertus Brandeburgicus, Cæsi-  
 miri & Georgij frater, & uxore ducta sibi illū usurpabat, eoq; nomi-  
 ne proscriptus fuit à Camera, ante annū xij. ut suprà docuimus: Polo-  
 niæ autē rex Sigismundus, ueluti beneficiarium suum atque clientem  
 defendebat: & iam, quum alter esset inauguratus, uti diximus, regis  
 legatus palam profitebatur hanc inaugurationem esse uitiosam, neq;  
 suo regi, cuius in fide ac tutela contineretur Prusia, derogari quic-  
 quam posse. Legati Vngari, quum superioris anni cladem recitassent,  
 opem implorabant Imperij: iam enim ad extremū casum rem esse de-  
 ductam, & si desituantur, facturos omnino se, quod rebus desperatis  
 fieri soleat, & quod à nemine reprehendi possit: subituros esse quan-  
 tumuis iniquas conditiones & seruitutem ipsam potius, quam, ut re-  
 liquis ociosis & inspectantibus, in exitiū uoluntariū ruant. Quemad- Oratio  
legatorū  
Galliæ.  
 modum regis Galliæ fecialis infecta re dimissus fuerit Spira, diximus  
 antè: cum ergo domum rediissent legati, quam habituri fuerant in con-  
 sessu omnium ordinum orationem, eam typis excusam emittunt. Ini-  
 tio captant beneuolentiam, & utriusq; gentis eandem originem esse,  
 neq; Germaniæ quicquam accidere posse dicunt, quod non ad Galliā  
 quoq; pertineat: deinde, criminationes aduersariorum, quasi rex al-  
 tero iam bello rempublicam perturbet, & sœdus cum Turca fecerit,  
 diluunt, usi præfatione quadam, deliniendi Cæsaris causa. & prius  
 quidē bellum excitatum esse docent, quod à Sabaudia duce rex here-  
 ditatem maternam consequi non posset: hoc uerò posterius, propter  
 trucidatos contra ius gentium, regis legatos: cum Turca nullum esse  
 regi

1544 regi fœdus, nullam societatem, nisi commerciorum, & quietis publicæ causa, cuiusmodi sit Venetis, Polonis, & alijs nonnullis: quanquā, si fœdus ullum esset, nō posse in crimen uocari, propterea quod idem aliquando fecerint & Abrahamus & Dauid, & Solomon, & Phineas, & liberi Tobie, et Machabæi duces, post etiam, Honorius, Constantinus, Theodosius iunior, Iustinianus II, Paleologus, Leo, Fridericus I. & II. Cæsares, usi diuersæ religionis gentium auxilijs: & Fridericum quidem II. Saracenorum humeris in Italiam, unde pontifices ipsum eiecerant, esse reportatum: scire ipsos, quantas copias & auxilia non semel in bellum Turcicum rex promiserit: eius quoq; rei pontificem esse & senatum cardinalium, testes locupletissimos: in Vngariam uerò Turcam irruisse, cū esset ibi natum dissidium de principatu, magis deinde fuisse lacesitum bello Aphricano, post captam Tunetem: quod in mare Ligusticum Turcica classis nuper uenerit, nō esse tribuendum regi: nec ad rem facere, quod in ea classe fuerit regius minister Polinus: etenim Barbarossæ fuisse consilium, ut Andream Auriā inuestigaret & opprimeret: cū id non posset, arcem obsedisse Nicenam, idq; sua sponte: regem uidelicet inducias habere cū Turca, quod alias etiam ipsis nunciarit, honestas, & nemini perniciosas: id autem ei non posse dari crimini, quum eas maximi sepe uiri non adeo nuper expetuerint etiam: afflictum esse rei publicæ statum, idq; regi uehementer dolere: pacem autem hac una ratione posse recuperari, si quidem ea, quæ sunt regis, optimo iure, Cæsar ei restituat: hoc si possint efficere, futurum, ut ad uim omnem externam à Germania depellendam, rex nulli suo uel labori uel sumptui uel periculo parcat. Superioribus libris diximus, quomodo Saxonie dux, pro Romanorum rege Ferdinandum non agnosceret: hoc autem in conuentu, Maio mense transacta res fuit, & obseruantiam Saxo promisit. Cæsar inuicem pactiōem dotalem Saxonis atque Cliuensis confirmat, quod antehac perpetuò recusauerat, &, si Cliuensem mori contingat absq; liberis masculis, ut ei Saxo sororius liberiq; mares omnino succedant, permittit, ea tamen conditione, si quidem ante hunc casum de religione conuenerit. Arctioris etiam uinculi causa, Ferdinandus, approbante Cæsare, filiam suam Eleonoram, Saxonis filio nati maximo desponsat, si conciliatio fiat religionis, antè, quàm illa sit matura uiro,

postea

Transactio inter Cæsarem, Ferdinandum, & Saxonem.



posterius hoc ualde fuit arcanum, & magno silentio tegebatur utriusque sic, ut ne Lanigravius quidem atque socij quicquam de eo scirent. nam acta res fuit à paucis consiliarijs, & Caesar Granuellanum, Ferdinandus Hofmannum, Saxo Pontanum atque Burcartum adhibuit. Daniele quoque rex, missis legatis, omnino transiegit cum Cesare, quum ad illud usque tempus, per totam hyemem, copias militum aluisset in futurum euentum. à Gallie regis amicitia uidebatur discedere, propter societatis Turcicæ famam. nam hoc propè significabant legati, cum familiaritas ad socios loquerentur. Nunc ad postulata Caesaris atque Ferdinandi reuertemur. diu multumque re deliberata, Iunij mensis die decimo finem habuit conuentus. Ordines Imperij, licet ipsis esset graue duplicatum auxilium dare, tamen, quia scilicet multò bellum Turcicum geri posse putabant, si domesticus primum hostis ad officium esset adductus, pecuniam Cesari decernunt semestrem, aduersus Gallie regem, in equitum millia, quatuor, peditum xxiii. eius uero pecunie partem aliquam Caesar communicat Ferdinando fratri, quò loca finitima Turcis muniat: in futurum bellum Turcicum colligi placet pecuniam, utritim, per omnem Germaniam, pro cuiusque facultatibus atque censu, nec immunitas ulli datur: ne quis exteris militet, Gallie regi præsertim, grauissimis pœnis edicitur, & magistratui permittitur, ut in eos uindicet, qui deprehensi fuerint. quia dissidium religionis in his bellicis occupationibus tractari non potuit, ad proximum conuentum, inque mensem Decembrem reijcitur: interea Caesar negocium se daturum ait utrisque bonis atque doctis, qui piam aliquam emendationis formulam conscribant: ut idem quoque principes faciant, hortatur, quò post in futuris comitijs, facta collatione, de cõmuni consensu statuatur aliquid, quod ad publicum orbis concilium usque seruetur, in Germania peragendum, aut ad conuentum usque nationis Germanicæ: pacem interea colant omnes, neque turbæ quicquam ob diuersam religionem excitetur, & ecclesiæ, cuiuscunque sint religionis, utrobique facultates suas obtineant, ex ijsque bonis decidatur ecclesiæ ministris, scholis & egestate pressis: Camere iudices locum suum retineant, usque ad tempus eis præfixum: cum id exierit, tunc in eum confessum recipiantur omnes promiscuè, nõ habita ratione religionis: editum Augustanum & lites omnes motæ protestantibus, doctrinæ & professionis causa,

Decreta  
conuen-  
tus Spi-  
rensis.

544 Goslariensis etiā & Mindensis proscriptio, suspensā maneat ad pro-  
 xime futuram usq; transactionem: anabaptistæ poenā subeant iam  
 olim decretam: magistratus tamen uiros doctos atq; pios adhibeat,  
 qui commonstrato errore ad sanitatem ipsos reuocent. Decretum hoc  
 minimè laudabant pontificij, totisq; uiribus impugnabant: sed quum  
 Colonienſis & Monasterienſis episcopi starent à protestantibus, Cli-  
 uenſis etiā & Badensis arbitrio Cæsaris omnia permetteret, qui uiam  
 hanc, ueluti mediā & utrisq; tolerabilē, post multam disceptatio-  
 nem, ostenderat: illi, bona sui parte diminuit, non se quidem assentiri,  
 sed neq; Cæsari modum in eo præscribere, nec ipsius derogare potesta-  
 ti, sed tolerare uelle dicunt. Palatinus elector Fridericus & Brande-  
 burgicus interceſſerant, ut ita decerneretur. Litem quoq; Brunſuicem-  
 sem in eo decreto comprehendi petebant Smalcaldici, sed hoc impe-  
 trari non potuit, & urgebat Cæsar, ut aut cum reſtituerent, aut captā  
 prouinciā sibi per sequestrum permetterent, donec de causa liquet-  
 ret. hac de re cum Lantgrauio & Saxone, quum adessent, & post eo-  
 rum discessum, diu multumq; cum legatis egerat. Auxilia belli Gallici  
 ciuitates initio recusabant, propter mercaturam & comineatum: sed  
 cum principes assensissent, & plena esset odij, Gallie regis causa, sub-  
 scripserunt & ipsæ, quantum uis inuitæ, præsertim hæ, quæ sunt Gal-  
 lie uiciniores. Luneburgenses & Wuirtembergici legati recusabant  
 etiam, sed admoniti priuatim sunt & uerbis castigati, ne reliquorum  
 uoluntatem soli tardarent. Quum Lantgrauius domum rediturus ad  
 Cæsarem uenisset, salutandi causa, perbenignè fuit acceptus: & Cæ-  
 sar quò minus iam ipsius uideretur opera contra Gallie regem, consul-  
 to fieri dicebat, ne grauaret ipsum odio: sed eo confecto bello, profi-  
 cturum se statim in Turcam, & ipsum uelle sibi legare, totiq; admini-  
 strationi bellicæ præficere: cumq; ille uerecundè se excusaret atque de-  
 mitteret uelut impar tantæ prouinciæ: Cæsar, tibi, inquit, & alijs ali-  
 quando rectè belligeratus es: nō dubito, quin & mihi bonam operam  
 præstare possis. atq; his uerbis amicissimè dimittit. Ille, spe bona ple-  
 nus, & hilaris, qui tam haberet propitium Cæsarē, quum hoc ipsum  
 nonnullis familiariter exposuisset, domum reuerſus. De sequeſtri ra-  
 tione, post uariam & multam actionē, ita demum placuit, ut Cæsari  
 tanquā summo magistratui permittatur omnis ager Brunſuicēſis, do-



nec uel amicè, uel iure ac legibus disceptata lis fuerit, atque definita: 1544  
 prouinciæ uero administrationem Cæsar committat, uel Palatino, uel  
 electori Brandeburgico, item Mauricio uel Cliuensi principi: pœnam  
 uiolentæ pacis publicè luant, qui non parebunt: Henrico Brunswicensi  
 denunciât Cæsar, ut pareat, sin minus, legibus in ipsum uindictet. has  
 demum conditiones Cæsar proposuit, in eoq; permansit: eas deinde  
 ratas habuerunt protestantes, ut infrâ dicemus. Finito conuentu, Cæ=  
 sar Spira proficiscitur Metim. Iam omnis illius exercitus ad Galliæ fi=  
 nes in Lotharingia conuenerat, & sub finem Maij, Luceburgum ur=  
 bem deditione recuperat. Militabant Cæsari Saxonie dux Mauricius,  
 Albertus Brandeburgicus, cum singulis equitum millibus, item Gu=  
 lielmus Furstembergus, peditum præfectus, & Sebastianus Scherte=  
 lius, protestantium religionis omnes. Dum Cæsar est Meti, captus in  
 Lotharingia fuit Hubertus Comes Bichlingus, Germanus, qui Galliæ  
 regi merebat. adductus Metim, damnatur capitis. uxor, cum eò uenis=  
 set, ad pedes proiecta Cæsaris, nihil legit, & iam erant ad supplicium  
 instructa omnia, tandem summittitur Ferdinandi filius Maximilia=  
 nus, quem Cæsar ad se nuper receperat, is demum exorat, & uitam ei  
 seruat. Interim Barbarossa, uel quòd res ipsius ita ferrent, uel persua=  
 sus à rege, uel quòd metueret, ne Galliæ rex cum Cæsare pacificaret,  
 domum redit & quæcunq; loca maritima uel Cæsaris essent uel Impe=  
 rij, uexat incursionibus: à pontificis autem ditione temperat, Galliæ  
 regis, ut est credibile, commendatione. Cæsaris exercitus progressus,  
 Lineum oppidum & arcem, tribus à Barra milliaribus, capit: inde  
 Sandesirium petit, quod est Gallicæ ditionis oppidum, ad Matronam  
 flumen tenebatur autem firmo præsidio militum, quibus præerat Lan=  
 dræus, ille qui Landresium à Cæsare & ab Anglis ante annum forlitter  
 defenderat. Dum hæc ita geruntur, mortem obit Antonius Lotharin=  
 gie dux, non tam ætate grauis, quàm solitudine confectus, ob ut=  
 cinum ac penè domesticum bellum. ei succedit filius Franciscus, qui  
 Cæsaris è sorore neptem habebat in matrimonio, sicut antiè dixi=  
 mus. Ad hoc tempus Angliæ rex ingenti cum exercitu traiecto ma=  
 ri, Caletum uenit: post obsidet Monstrelum, eiq; de uoluntate Cæ=  
 saris militabat Burenensis Comes Maximilianus. illinc Boloniam pro=  
 sectus, oppidum maritimum, obsidet. ei rex præfecerat quendam

Cæs. ex=  
 peditio  
 in Gallia.

Cæs. Gat=  
 liam in=  
 uadit.

Antonij  
 Loth. o=  
 birus.

Boloniam  
 obsessa  
 ab An=  
 glo.

1544 genere nobilem Veruinū. Sandefirium Cæsar, ubi circumfedit, oppugnât, immisso milite, ad Idus Iulij, sed desideratis circiter quingentis, quum oppidani fortissimè sese defenderèt, nihil actum est, & secundo cernū mense, cum & Landraeus ruina domus oppressus interisset, & puluis tormentarius deesset, deditione capitur. Ea durante obsidione, Renatus Auracæ princeps, tormento percussus, altero post die, quum Gulielmi Nassouij filium, patruelem suum fecisset heredem, uitam finit, non sine mœrore Cæsaris. Erant tunc in Lotharingia legati protestantium, ut sequestrationis pacta, nuper à Cæsare proposita confirmarent. Meti primùm, postea Tulli substiterunt, & datis frequenter literis ad Cæsarem atq; Granuellanum, quamobrem uenissent, explicabant: Cæsar uerò tandem per occupationes bellicas excusans, domum ipsos redire iubet, & rem omnem ad proximum Imperij conuentum, aut in aliud tempus commodius reijcit. Capto Sandefirio, Cæsar Augusti die uigesimo quinto pergit, & Catalano relicto, quod est oppidum Campaniæ, castra ponit ad Matrōnam, cuius ad fluminis alteram ripam excubabant aliquot equitum Gallorum cohortes. Ibi Gulielmus Furstembergus, qui Galliæ situm & aditus omneis nouisset, uno tantum seruulo comitatus, de nocte procedit è castris, ut quo loco flumen uado transiri posset & exercitus traduci, cognosceret. ubi iam ductore quodam homine rusticano uadū reperit, & in alteram ripam euasit, interceptus ab equitibus Gallis, & in castra perductus magno cum ludibrio, nec sine conuicijs, quod ipsorum partes antea secutus, magnam auri uimè Gallijs exportasset, Lutetiam pertrahitur. ea res omnino Cæsari præter expectationem accidit, & suspensum aliquandiu tenuit. Galliæ rex, quod Heluetij nondum aduenerant, prælium declinabat: & Cæsar promotis castris, iuxta flumen Matrōnam progreditur. Est ijs locis oppidum Epernæum: ibi multum erat alimentis & supellectilis militaris: ea ne ueniret in hostium manus, flumine secundo tumultuariè deuchitur: quod auferri non potuit, igni corumpitur, ipsismet oppidum incendentibus Gallis. itaq; Cæsar, nemine resistente, Castroteræum uenit, castellum Theodorici uulgo uocant, ad idem flumen, ab urbe Lutetia, non bidui uia positum oppidum. Et quanquam erant in castris Cæsaris, legati regis Galliæ, de pace missi, Cæsar tamen progrediebatur nihilominus, & quum

Renati  
Auracæ  
princeps  
mors

G. Fur-  
stemb. a  
Gallis in  
tercep-  
tus



iam hucusque peruenisset, incredibilis fuit orta Lutetiae trepidatio. 15 4 4  
 fugiebant omnes, qui paulò essent lautiori fortuna, nec regis edictis  
 fugam prohibentis contineri poterant, & sex modò hominum mane-  
 bat. itaq; periculum erat, ne ab his ipsis urbs omnium longè maxi-  
 ma & imprimis opulenta diriperetur. eorum qui dant operam lite-  
 ris, ingens est ibi numerus, ex omni fere Europa: hi quoque fugie-  
 bant, & alioqui rex edixerat, ut omnes externi confestim discederent,  
 capitis denunciata poena. fuit hoc initio Septembris. Aliquot post  
 diebus, Boloniam Angliae rex, tormentis ualide concussam, deditione  
 capit. quod nec ipsius parens, nec superioris aetatis reges potuerunt.  
 Vigesima quarta demum Septembris die, Caesar cum Galliae rege pa-  
 cem facit, quā Castroteræo uenisset in Suebiones. pacificatores erant  
 legati, Caesaris quidem nomine, Gonzaga Siciliae prorex, & Granuel  
 lanus: regis autem loco, Claudius Annebaldus Amiralhus, Carolus  
 Nullæus, Gilbertus Baiardus, hæ uerò sunt conditiones. Quicquid  
 ab inducijs Nicenis utrinque captum est, redditur: Astenæum oppi-  
 dum, Galliae rex, Lotharingie duci, quoniam est in clientela Luce-  
 burgicae prouinciae, restituit: ut uetus religio restituatur & ecclesiae  
 concordia, mutuam operam & auxilium alter alteri præstabunt, eoq;  
 totis uiribus incumbunt: Galliae rex in bellum Turcicum pollicetur e-  
 quites cataphractos sexcentos & peditum millia decem: renunciat iuri  
 & petitioni Arragonicae, Neapolitanae, Flandricae, Atrebatensi, Gel-  
 dricae: Caesar inuicem renunciat ditioni Boloniensi, Peronae, & alijs  
 ad Somiam flumen positis oppidis: adhæc, Burgundiae inferiori &  
 agro Matifconensi: deinde, filio regis Aureliano duci, Carolo, filiam  
 suam natu maiorem, Mariam, aut uerò Ferdinandi fratris filiam, in  
 matrimonium spondet, & utram dare uelit, intra quartum mensem  
 exponet: si filiam dederit, Brabantiam, Geldriam, Luceburgum, Lim-  
 burgum, Flandriam, Batauiam, Hannoniam, Atrebatem, Namurcum,  
 Frisiam, Viricam & quicquid est ibi regionum, item Burgundiam  
 superiorem in dotem promittit, ut ab ipsius morte utantur fruantur.  
 hoc si fiat, rex iuri Mediolanensi pro se suisq; renunciat liberis: quod  
 si non relictis liberis filia Caesaris decedat è uita, iam Aurelianus ab  
 omni illa possessione discedit, & integrum ei manet ius Mediolanen-  
 se, Caesari uerò Burgundicum: si Ferdinandi filiam dederit, principa-

Bolonia  
capra ab  
anglis.  
Pax Cæ-  
saribus cū  
Gallo.

Condi-  
tiones  
paci.

154 4 tum Mediolanensem in dotem largitur. utrumcunq; erit matrimonium, intra spacium anni perficietur, & Sabaudie ducem rex integrè resituet: Hesdinum regi permittitur: ut inter Gallie regem & Anglum pax quoq; fiat, Cæsar omnem operam pollicetur: ad ducem Cliuensem quod attinet, quæ rex atq; regina Nauarræ confirmabant, filiam suam in matrimonio nunquam assensisse, imò contrà testificatam esse more solenni atq; recepto, Gallie rex eam testificationem intra sextam hebdomadam Cæsari mittet, ut aliquid statui possit. Hac in pace comprehenduntur, pontifex, Ferdinandus rex, Lusitanus, Polonus, Danus, Veneti, Heluetij, Sabaudus, Lotharingus, Genua, Florentia, Ferrarientis, Mantuanus, Vrbinas, Luca, Senæ, principes electores ac ordines omnes Imperij, qui sunt obsequentes Cæsari. Ea facta pace, Cæsar è Suebionibus domum redit, dimissis copijs. Accidit ea pacificatio plerisq; omnibus præter opinionem. nam qui Cæsari familiares erant, certissimam sibi promiserant uictoriam, priusquam in bellum iretur, & intra menses aliquot, ipsorum ditionis Galliam futuram, aut regem imperatura facturum esse iactabant, cui potèssimi tres hostes imminerent, Cæsar, Imperium, Britannus.

LIBER XVI.

Pontificis ad Cæsarem litterarum.



ORDENTE BELLO, PONTIFEX, Octauo calendas Septembris dat litteras ad Cæsarem. cuiusmodi decreta Spira nuper fecerit, ad se relatum esse: quid uerò de illis sentiat, non se posse pro suo munere & charitate in ipsum, dissimulare, & ut ita faciat, exemplo moueri sacerdotis Heli, quem Deus grauissimè mulcavit, ob nimiam erga filios indulgentiam: ad eundem planè modum, quandoquidem ea decreta pertineant ad ipsius animæ periculum, & ad maximam ecclesie perturbationem, necessariò sibi ipsum esse commonefaciendum: primum igitur hoc esse, ne ab ecclesie consensu uel consuetudine maiorum discedat, sed eandem disciplinam, ordinem, instituta sequatur & obseruet: hunc autem ordinem esse talem, ut, quoties de religione disceptatur, iudicium omne referri debeat ad ecclesiam



am Romanam: ipsum uerò nuper, quando de generali et nationis concilio & Imperij conuentu statuit, nullum habuisse rationem eius, qui solus iure diuino & humano, cogendi concilia, & decernendi de rebus sacris potestatem obtineat: neq; uerò hoc solum in reprehensione uenire, sed illud etiam, quòd non idiotis modò sed & damnatarum hæresum assertoribus permittat, de religione iudicare. quòd de bonis sacris, eorumq; controuersijs decernat, quòd eos, qui sunt extra communionem ecclesiæ, & ipsius sæt edictis iam olim damnati pristinis honoribus atq; loco restituat, non assentientibus iis, qui ueterè & religiosam obedientiam præstant: an hæc cum sacris legibus & institutis conueniant? an non omnem disciplinam & ordinem tollant? Existimare uerò se, non ex ipsius hæc esse profecta sinu, sed maleuolorum esse consilio factum, qui pro suo in ecclesiam Romanam odio, sollicitauerint ipsum, ut aliquam ab alienati animi significationem daret: quòd autè illis acquieuerit & morem gesserit, eò sibi uehementius dolere, quo maiori uideat hoc esse cū ipsius & ecclesiæ detrimento coniunctum, nisi respiciat: hunc etiam metum sibi crescere & augeri consideranti, quibuscumq; amicitiam inierit: prauis nimirum colloquijs corrumpi bonos mores: sic etiam magnum esse periculum, quando cum prauis & uitiosis hominibus fœdera fiunt: non dubitare se, quin honestos illi titulos obducant: nullū enim esse propè tam malum consilium, quod non aliquo specioso nomine commendetur: sed reuera, perscrutanti scripturam occurrere multa & illustria exempla, quibus ira Dei docetur in eos & uindicta, qui summi sacerdotis munera sibi uendicant: ab aduersarijs in odium atque crimen uocari sacerdotum negligentiam, & hoc eos uti, tanquam stimulo, dum ad procurationem religionis principes uiros exhortantur: hoc quidem & pulchrum & laude dignum uideri, sed nulla ratione subsistere: priuatis in ædibus patremfamilias unicuique distribuere quod agat, neq; pati, si quis alienum opus faciat, ne conturbetur ordo: sic etiam in ecclesia, quæ sit domus Dei, suum cuiq; munus esse distributum, quod obeat, neq; decere, ut superiorum officijs fungantur inferiores, idq; tanto magis obseruandum esse, quanto sit ecclesia maior et illustrior quamuis alia domo: quum ergo supremum ecclesiæ munus commendatum sit à Deo sacerdotibus, magnam esse iniuriam, quā horum partes et honore ipse sibi

1544 sumit: notum esse quid acciderit Ozæ, sustinenti currum, quo uehebatur arca Dei, iam propensum ad ruinam: neminem quidem esse, cui non rectè fecisse uideatur ille, quod absentibus Leuitis, cum ruina periculum impenderet, admotâ manu currum inclinatum subleuaret: sed tamen illum, ulciscente Deo, sublatum è uita, documento nobis esse, quàm non oporteat alienum officium usurpare: caueat igitur, ne persuasus ab illis, qui emendationem ecclesiæ semper habent in ore, temerè manus admoueat ijs rebus, quæ peculiariter ad sacerdotes pertineant: similem etiam & atrociorẽ exitum fuisse Daiban, Abironis & Core, quum auctoritatem uellent Mosi & Aarõni fratribus derogare: præclarum fuisse regem Oziam, & tamen, quòd incensum ad altare uellet adolere, factum esse leprosum, arrogationem alieni muneris ulciscente Deo: procuracionem ecclesiarum officium esse quidem Deo gratissimum, sed ad ipsum non pertinere, uerum ad sacerdotes, et in primis ad se, cui ligandi potestatem atque soluendi Deus fecerit: neque uerò ad rem pertinere, quòd dicat has leges non esse perpetuas, uerum temporarias, & ad concilium modò duraturas: nam etiã si piũ esset, tamen ratione personæ impiũ fieri: Deum esse, qui sit rationem postulaturus à malis sacerdotibus: in illo conquiescendum esse, nec aliquid præterea tentandum: etenim eos, qui principem ecclesiarum, sedem Romanam adiutarunt, qui fidem & amorem ordini sacerdotum præstiterunt, maximis à Deo semper amplificatos esse beneficij atque donis, ut in Constantino magno, in Theodosijs, in Carlo magno uidere liceat: eos uerò, qui contrà fecissent, grauissimis poenis afflictos: neque iam de Nerone, Domiciano & id genus alijs, qui nascentem ecclesiã conati sint extinguere, sed de ijs uelle se loqui, qui confirmata Petri cathedra, cum adultior esset facta, resisterunt: in hoc esse numero Anastasium primum, Casarem, deinde Mauricium, Constantem secundum, Philippum, Leonem & alios complures, qui rebus atque fortunis omnibus dispoliati, turpiter & ignominiose uitam finierint: Henricum quartum, quòd indignè tractaret eum, quem loco parentis uereri debebat, à filio suo captum Leodij, dignas luisse poenas: Fridericum secundum, ecclesiæ Romanæ grauem aduersarium, à filio suo trucidatum occubuisse: neque tamen semper affligi rebelles, & aliquandò in summa rerum copia florere: quòd



quod nimirum eò fieri patres dicant, ne, si omnes hic impij plecteren- 1544  
 tur, nullum aliud superesse tribunal Dei putetur: peccatum quidem  
 nullum impunitum dimitti, sed hanc omnium esse grauissimam iram  
 Dei, cum, qui peccant, impunè se id facere arbitrantur: hos enim esse  
 deploratos ac uerè miseros, quòd peccata semper accumulenti: ad hunc  
 uerò modum, non singulos tantum homines, uerum prouincias etiam  
 mulctari, quæ uel Christum ab se repudiant, uel eius parère uicario re-  
 cusant: duos autem esse populos inprimis, qui sua calamitate nobis id  
 clarè demonstrent, Iudeos atque Græcos, quorum illi, Christum Dei  
 filium occiderint, hi uicarium eius non uno modo sint aspernati: iam,  
 si Deus iram suam in illos declarauit propter eiusmodi conatus atque  
 scelera, multò sanè plus ipsi esse uerendum, si quid tale designet, cui-  
 us origo sit ab ijs Imperatoribus, qui nō plus honoris ecclesiæ Roma-  
 ne detulerint, quàm ab ea receperint: hæc autem non eò spectare,  
 quòd tale quid ipsum cogitare putet, aut quòd contræuersiam non  
 maxime cupiat ipse componi, sed quòd de ipsius periculo sit sollicitus:  
 Constantino magno sacerdotes olim detulisse cognitionem suarum li-  
 tium, sed illum reieciisse, neque de ijs iudicare uoluisse, qui de cunctis  
 iudicandi potestatem haberent: huius nimirum esse uestigia sequen-  
 da: quòd res controuersas conciliari, quòd ecclesiæ fieri cupiat emen-  
 dationem, inprimis esse laudandum: petere etiam, ut in eo suam ope-  
 ram sibi præbeat, cui ministerium hoc atque curam Deus commiserit:  
 adiutorem se quidem ipsum posse ferre, sed rectorem atque caput,  
 non posse: percupidum sese publicæ reformationis esse, quod non se-  
 mel declararit indictis concilijs, quandocunq; uel minima spes afful-  
 sit, ea posse coire: ac licet frustra quidem adhuc istud egerit, tamen,  
 quod suarum esset partium, nihil uoluisse præterire: concilium enim  
 optare se, tum reipublicæ tum Germaniæ causa potissimum, quæ ut-  
 riè sit lacerata dissensionibus: dolere autem sibi quòd eorum utatur  
 consilijs, qui iam olim damnati sint, etiam ipsius uoce: nec eò dolere  
 tamen, quòd ab ipsius amicitia semper eos uelit esse remotos, uerum,  
 quòd hac ipsius indulgentia fiant insolentiores & magis temerarij:  
 quum autem unica sit ratio curandi mali, concilium uidelicet, ideo ad  
 illud esse confugiendum: sternat igitur uiam, ut cogi possit, & tantope-  
 re desideratam pacè populo Christi reddat, aut saltem arma cohibeat

1544 interim, dum de republica deliberabitur: nam disceptatione potius utendum esse, quàm uir & armis: ijs depositis, omnia rectè casura: iam pridem enim denunciatum esse concilium, etsi bellorum causa dilata sit in commodius tempus: ut idem cæteri quoq; principes faciant, daturum se operam, in primis autem apud eum, quicum ipse iam bellum gerat: obtemperet ergo suis monitis & quum sit primogeniti filij loco, parentem salutaria consulentem amplectatur, & maiorum suorum uestigijs insistant, nec à uia regia deflectat, nec in sacris tractandis ullum ius uel auctoritatem sibi uendicet, et disceptationes omneis religionis, ab Imperij conuentibus excludat, & ad suum reijciat tributum: de bonis etiam ecclesiasticis nihil statuatur, sed positis armis paci studeat, aut, si pax aliter coire non possit, controuersiam omnem & belli causas concilij disceptationi submittat: postremo, quæ nimia quadam lenitudine, rebellibus illis atq; Romanæ sedis aduersarijs concepsit, ea rescindat & omninò tollat: nam alioqui futurum, ut, nisi muneri suo deesse uelit, maximo quidem ecclesiæ cum detrimento, seu erius agere cum ipso cogatur, quàm uel consuetudo sua, uel natura, uel etiam uoluntas ferat: ut autem officium suum neglexisse uideri possit, non se commissurum: nam oculis obuersari semper illud diuinæ seueritatis in Heli sacerdotem, exemplum: adhuc quidem se clementia patris usum esse, uerùm, si nihil iam proficiat, aliam sibi rationem incundam: consideret ergo, quid ipsum deceat, & utrum ipsius tum honori tum rebus magis conducatur, an, ut in recuperanda ecclesiæ tranquillitate, se nece tuti suæ manum præbeat adiutricem, an, ut illis saueat potius, qui nihil aliud quàm ecclesiæ dilacerationem quærunt. Ut ad hunc modum ei scriberet, Gallie quoq; regis impulsu fiduciaq; factum esse putatur. nam is, ut est credibile, foedus Anglicanum odiosè admodum exagitabat, ut pontificem acueret. hinc illud, quod de malorum hominum societate scribitur, ut dictum est. Amicitiam enim illius uterq; sollicitè per legatos atque literas ambire solent, belli præsertim tempore, & pro se quisque dant operam, ut ei sint quàm gratissimi. Stephanus, Vintoniensis episcopus, Britannus, libellum ad hoc tempus emisit in Bucerum, ualde contumeliosum et acerbum, eoq; cœlibatum inter alia defendit. Cardinales hoc anno creauit pontifex, Christophorum Madrucium, Tridentinum, Ottonem Trucesium, episcopum

Vinton,  
episcopus  
ber in Bu  
cerum.  
Cardina  
les creati



Augustanum, Germanos: Georgium Arminiacum, Iacobum Annebat 1 5 4 4  
 dum, Amiralij cognatum, Gallos: Franciscum Mendozam, Bartholo-  
 mazum Cueuam Hispanos, nimum in Cæsaris, Ferdinandi, Gallieq;  
 regis gratiam. Eodem quoq; tempore, concilium, quod bellis antehac  
 impeditum fuit, rursus denunciat ad idus Martias anni sequentis: &  
 quia pacati iam erant Cæsar Gallieq; rex, magnam præ se fert læti-  
 tiam, & diplomatis, quo concilium restaurat, initium facit ab eo scri-  
 pturæ loco, Lætare Ierusalem. prodijt etiam hisce diebus Lutheri li-  
 bellus de cœna Domini, quo ueterem controuersiam renouat, & in  
 Zuinglium eiusq; doctrinæ socios multa dicit. ei postea respondent  
 Tigurini, & quidem acriter. De clero & academia Colonienſi supra  
 diximus, quomodo totis uiribus, archiepiscopo, propter institutam  
 reformationem resisterint: cùm autem ipse pergeret, illi, missis iterum  
 legatis atq; literis, actionem superiorem repetunt, & duo se flagitasse  
 pridem ab ipso dicunt. primum, ut ab instituto desisteret & concilij  
 decretum expectaret, deinde, ut nouos cõcionatores abrogaret: ipsum  
 uerò progredi, neq; suis precibus acquiescere, quod sanè toti prouin-  
 ciæ futurum sit ualde calamitosum: itaq; per omnia sacra rursus ob-  
 secrare, ut sui muneris fideiq; memor, qua sit ecclesiæ Colonienſi,  
 pontifici Romano, Cæsariq; deuinctus, cõcionatores illos remoueat,  
 & rem omnem ad publicam usq; notionem differat: nisi enim faciat,  
 implorandum sibi esse magistratum superiorem, & inuenienda reme-  
 dia, quomodo & cõscientiæ suæ consulant, & iram Dei procul auer-  
 tant: inuitos quidem eò descendere, sed tamen si pergat, omninò faci-  
 undum esse. Cùm ne sic quidem aliquid efficerent, Octobris die nona  
 conueniunt in æde primaria Colonie, & de scripto recitant inter a-  
 lia, quid ante annum xxij sit actum Vuormaciæ, quando Lutherus  
 de consensu principum omnium damnatus fuit à Cæsare, quid Augu-  
 stæ, quid Ratisbonæ, quid Spiræ nuper decretum: his autem omnibus  
 neglectis, archiepiscopum Hermannum inijsse dicunt nouam ratio-  
 nem, & euocasse Bucerum, hominem monasticæ professionis deserto  
 rem, & bis incestis nuptijs pollutum, & doctrinæ sacramentariæ de-  
 fenſorem, eiq; munus ecclesiasticum demandasse, & nouos instituisse  
 paſſim populi doctores, homines proſtigatos atq; perditos: illis etiam  
 authoribus conscriptam esse reformationis formulam, & mandatu

Lutheri  
liber de  
cœna do-  
mini.

Colonia  
enf. cleri  
Actio cū  
Archie-  
piscopo.

44 principis editam: se reclamasse quidem his omnibus uehementer, &  
 archiepiscopum, ut concilij tempus expectaret, aut saltem ad Imperij  
 conuentum usq; differret, saepe quidem, sed frustra tamen orasse: cum  
 autem sit lamentabilis prouinciæ status, & ad summam perturbatio-  
 nem omnia spectent, nec ille sese flecti patiatur, necessario sese consu-  
 gere ad extremum remedium, & prouocare ad pontificem maximum,  
 & ad Cæsarem: ecclesiæ Dei summum aduocatum, & protectorem,  
 eorumq; tutelæ se suæque omnia committere. Præsidebat huic cœtui  
 Georgius Brunswicensis, Henrici frater, eius collegij præpositus. Ea re  
 cognita, archiepiscopus, edito scripto, nullam esse causam ait appella-  
 tionis: nihil enim ab se factum esse præter officium: itaque se reiicere  
 prouocationem, atque spem habere, futurum, ut ab incepto illi desi-  
 stant: sin autem, progressurum se nihilominus in ijs quæ ad gloriam  
 Dei & ad ecclesiarum emendationem pertineant. Alio deinde scripto  
 criminationes eorum refutat: neq; cum Luthero neq; cum Bucero sibi  
 quicquam esse negocij priuati, sed eorum doctrinam, quæ sacris lite-  
 ris consentiat, habere se pro uerè apostolica, & planè digna doctrina,  
 quam omnes recipiant: damnatum quidem esse Lutherum ab ecclesia  
 Romana, sed indicta causa, uiolenter & tyrannicè: de edicto Vuorma-  
 cienti, quo Lutherum fuisse condemnatum dicant, nihil unquam sibi  
 fuisse compertū, prius, quàm in uulgus exiisset, typis excusum: quòd  
 ergò de consensu principum esse factum affirmant, ad se minimè per-  
 tinere, cui nihil unquam eius rei fuerit communicatum: decretum Au-  
 gustanum de religione factum, sibi nunquam placuisse: cumq; nonnul-  
 li principes multa Cæsari tum pollicerentur, & pro religione pontifi-  
 cia tuenda fortunas omneis deferrent, se mandasse tum suis consilia-  
 rijs, ne quid eiusmodi promitterent, imò, ut claris uerbis contrà testifi-  
 carentur: illos autem non hoc fecisse quod habebant in mandatis, &  
 reticentiæ causam nonnullis esse notam, qui nunc inter aduersarios pri-  
 mum locum obtineant: quòd cum ita sit, edicto illo minimè se obliga-  
 ri, atque, ut deinceps aliquando fuerit, tamen agnita ueritate, nō am-  
 plius teneri: nullum enim pactum aut iusiurandum, quo Dei uioletur  
 honos, uim ullam habere: Ratisbonensi autem decreto, sibi & qui-  
 busuis alijs episcopis non modò permissum, sed iniunctum etiam esse  
 munus emendationis ecclesiasticæ, quòd Bucero ad hoc opus accer-  
 siuerit,

Scriptū  
 Archie-  
 pisc. Co-  
 loniēsis.



fuerit, factum esse cum primis impulsu Gropperi, qui sibi uehemen- 1544  
 ter illum prædicarit & coram & per literas, ut doceri possit: se qui-  
 dem in Bucero nihil deprehendisse, quod sit alienum uel indignum ui-  
 ro bono: permagni etiam esse momenti, quod Ratisbonensi colloquio  
 Caesar illum, ut hominem pium, doctum, & pacis amantem adhibuit:  
 idem suum esse iudicium de cæteris etiam ecclesiæ ministris, ab se con-  
 sultatis. Ad xviij. deinde Nouembris diem, clerus Coloniensis reli-  
 quos ordines in urbem euocat, & ut appellationi subscribant, petit:  
 idem etiam à reliquis per totam prouinciam ecclesijs & episcopis &  
 academijs aliquot, etiam externis, contendunt, & è suis, qui recusa-  
 rent, loco submouent, & archiepiscopum ad Cæsarem atq; pontifi-  
 cem grauitè accusant, ut postea dicemus. Apacificatione Sueſſionen-  
 si, Caesar Atrebatensem episcopum, Granuellani filium, Gallie rex,  
 cardinalem Bellaium ad Angliæ regem unà mittunt, transactionis  
 causa, uerum id frustra fuit, Anglo recusante Bòloniæ restitutionem.  
 Per hos etiam dies, princeps Aurelianus & cardinalis Tornonius, &  
 gynæceum regis ad Cæsarem in Belgium proficiscuntur, mutue con-  
 gratulationis causa. Caesar Hispanorum copias in Lotharingiam &  
 agrum uicinum mittit in hyberna. Per Cæsaris prouincias & per Bel-  
 gium multi passim erant ualde cupidi cognitionis euangelij, sed occul-  
 tē, propter edicta Cæsaris atq; supplicia. Est autem ijs locis oppidum  
 Tornacum, facile primum in Neruijs. eò uocatus fuit ab istis, Argen-  
 torato, concionator quidā Gallus, Petrus Brulius, de quo diximus li-  
 bro xij. quum eò uenisset, quod fuit mense Septembri, perhumaniter  
 acceptus ab ijs, qui uocauerant, cœpit eos erudire priuatim: & post,  
 Insulas profectus eadem de causa, quod est oppidū Flandriæ, sub exti-  
 tum Octobris redijt Tornacū: sed iam enunciata res fuit, & cœptum  
 est inquiri de illo, per totam urbem, occlusis portis. Cum ergo præsens  
 ei periculum immineret, nec occultari posset amplius, altera Nouem-  
 bris die, nocturno tempore, per urbis mœnia, sune demittitur ab ami-  
 cis: ubi terram tetigit, et humi cōsedit, quidam ex eis qui demiserant,  
 procumbens ex muro, salutem ei summissa uoce precatur, & dum sic  
 innittitur, saxū, quod fortē resoluta calce non benè coherebat, impel-  
 lit: impulsus illi aduoluitur, & sedenti crus perfringit. itaq; partim  
 dolore casus, partim frigore afflctatur, miseriam & infortunij suum  
 quer

Legatio  
ad An-  
glum.

Petrus  
Brulius  
exustus.

querulis uocibus & lamentando deplorat. id exaudiunt uigiles, & suspicati quod erat, accurrunt, & cōprehensum in carcerem cōdunt. Eius rei fama cū in Germaniam uenisset, senatus Argentinēsis missis literis intercedit, pōst etiam legati protestantium, qui tum erant Vuormaciæ, sed id fuit aliquantō serius, & priusquam hæc literæ perferrentur, Saxonis atq; Lantgrauij nomine missæ, iam erat sublatus

1545 ē medio. fuit hoc ad xix. Februarij diem. Supplicij genus erat uehementis. nam igni non magno fuit exustus, ut tantō maior esset cruciatus. doctrinam suam constanter ad extremum usq; spiritum profitebatur: & discipulos, qui passim erant in catenas coniecti, per literas consolatus ē uinculis ad constantiam hortabatur. Lata sententia fuit, eō sumi de ipso supplicium, quōd in Cæsaris mandata peccasset. nam inde à multis annis, edicta grauissima Cæsar, per inferiorem Germaniam atq; Belgium suæ ditionis, proposuerat in Lutheranos, & quotannis ea bis recitantur ijs locis, ut ne quis ignorantie causam obducatur.

Brulij  
respōsio  
ad inter  
rogata  
mona-  
chorum.

Quum ex uinculis causam ille diceret, theologi monachi rogāt ex eo, præsentem magistratu, quid sentiat de sacramēto, quod uocant, altaris, de Missa, de consecratione, de adoratione hostiæ, de loco purgatorio, de sanctorum ueneratione, de libero arbitrio, de bonis operibus, de iustificatiōe, de statutis, de baptismo, de uotis, de peccatorum confessiōne, de uirginitate Mariæ matris. Ad hæc ille. uerum ibi corpus et sanguinem Christi sumi, non quidem ore, sed spiritu per fidem, neq; panis atq; uini substantiam mutari: sed cū ex instituto Christi cœna distribuitur ecclesiæ, sermone populari, sic ut omnes usum atq; fructum eius intelligant, tunc uerè consecrari illa, nimirum ex uerbis Christi: nam tacitum illud & summissum mūrmur, quo sacrifici panem atque uinum tractant & affantur, ad sortilegos & ueneficos magis, quàm ad Christianos pertinere: Missam pōtificiam nihil habere commune cum cœna Domini, sed esse cultum ab hominibus inuentum ad contumeliam & iniuriam Christi: adorationem consecrati panis esse idolatricam: nam creaturam ibi loco creatoris adorari: purgatorium se nullum aliud scire, nec etiam inuestigare, præter sanguinem Christi, qui non culpam modò, sed & pœnam peccatis debitam nobis condonetur: atq; Missam & alias preces, quæ mortuis impenduntur, esse non solum nullius usus, uerum etiam impias, quòd præter uerbum



Dei sint institutæ: duos non posse rectius coli, quam si fidem & uirtutem 545  
 tes ipsorum imitemur. si quid accedat præterea, esse impium, et ipsos,  
 dum uiuerent, longè ab se repudiassè cultum omnem: non igitur esse  
 implorandos pro intercessoribus, quòd ad solum Christum hæc glo-  
 ria pertineat: per peccatum Adæ, naturam hominis esse prorsus cor-  
 ruptam, & arbutum impeditum, sic ut absque gratia Dei nihil l'oni  
 præstare possit: hominem autem regeneratum, impulsore Deo, uelut  
 bonam arborem, bonos proferre fructus fidem esse, quæ saluem no-  
 bis adferat, nempe, quando promissionibus diuinis confidimus, &  
 propter Christum filium certò statuimus, condonari nobis peccata:  
 traditiones, quibus alligantur mentes, non esse recipiendas: ut imagi-  
 nes atque statuæ sint in templis, periculi plenum esse, propter idola-  
 triam: Baptismum esse signum fœderis, quod nobiscum fecit Deus,  
 quo testatur se nobis condonare peccata: esse quoque signum perpe-  
 tue mortificationis & nouæ uitæ, quæ baptismum comitari debeat:  
 hoc sacramentum esse omnibus percipiendum, nec arcendos ab eo par-  
 uulos, qui sint & ipsi promissionis diuinæ participes: uotum nullum  
 esse faciendum, quod sit uel extra uerbum Dei, uel ab homine præsta-  
 ri non possit: debere quenq; sua delicta confiteri Deo quotidie, cuiusq;  
 misericordiam implorare: si quis etiã scrupulus conscientiam ur-  
 geat, consulendum esse ministrum Ecclesiæ, consolationis percipien-  
 dæ causa: uerùm auricularem illam peccatorum enumerationem, ne-  
 que testimonium habere scripturæ, neq; posse præstari, sed esse carni-  
 ficinam mentis ualde periculosam: de perpetua Mariæ matris uirgi-  
 nitatè nullum sibi dubium esse. De his rebus omnibus, aliquot diebus  
 antiè, quàm produceretur, ad uxorem suam & reliquos amicos, qui  
 hoc ab eo flagitarant, scripsit, usus ministerio sororis: et damnatus ca-  
 pitis, alteris literis, uxori, quo genere supplicij uitam esset postridie  
 finiturus, exponit, ac simul illam consolatur, demonstrans, non opor-  
 tere discipuli potiorè esse, quàm ipsius magistri, conditionem, uitæ  
 quoq; præcepta quædam ei tradit. Theologi Parisini decreta religio-  
 nis fecerant ante biennium, uti diximus: hoc autem tempore, iussu re-  
 gis, Meloduni conueniunt, quod est decem supra Luteciam milliari-  
 bus oppidum, in insula Sequanæ positū. Rex erat in arce uicina Fon-  
 temblica, et illos conuenire iusserat, ut, quia pace iam facta concilium  
 esset

Conuen-  
 tus theo-  
 logorum  
 Parisien-  
 sum,

45 *esset futurum, habita deliberatione statuerent omnino de dogmatibus,*  
*ecclesie necessarijs, quæ putarent in concilio, & publico totius orbis*  
*Christiani theatro posse defendi. Huius deliberationis hic fuit exitus,*  
*ut, licet multum esset inter eos altercationis, tamen in ijs, quæ iam an-*  
*tè promulgauerant Lutetiæ, sicut dictum est, nihil mutarent. Parisien-*  
*sium exemplo theologi quoque Louanienses dogmata conscribunt,*  
*& post, de uoluntate Cæsaris edunt. sunt autem ad xxxij. prorsus*  
*eiusdem generis, ut Lutetiana, quæ suprà recitauimus. ea Cæsar edi-*  
*cto confirmat & sancit, euulgatis literis pridie Idus Martias. theolo-*  
*gi scribunt, eò se libentius hunc subisse laborem, quòd id Cæsari per-*  
*gratum esse certò cognoscerent, qui iam olim aliquid eiusmodi fligi-*  
*tarit. In pacificatione Sueſſionensi conuenit, ut ueterem, sicut ipsi uo-*  
*cant, religionem, Cæsar atque rex. pro sua uirili recuperarent, sicut*  
*diximus: hæc autem, quæ iam commemorauimus, eò spectare uiden-*  
*tur, & cardinalis Tornonius, qui cum Aureliano fuerat in Belgio,*  
*non paruum ad eam rem attulisse momentum putatur. Lutherus au-*  
*tem per contraria themata Louaniensibus respondet, & hæreticos*  
*atque sanguinarios appellat, qui cùm impia docent, & ratione, sua*  
*non possunt atq; scriptura defendere, uim adhibeant, & igni grassen-*  
*tur atque ferro. nam illi, sicut etiam Parisienses, nuda solùm axio-*  
*mata proponunt, & quid sequendum sit, præscribunt, locum uerò*  
*nullum è sacris literis adducunt, & magistratum ad animaduersionem*  
*inflammant. Erat tum Imperij conuentus Vuormaciæ: Cæsar, quum*  
*sepe constituisſet, impeditus articulari morbo, serius eò uenit. lega-*  
*tos habebat ibi cardinalem Augustanum, Fridericum Furſtembergi-*  
*um. xxiiij. die Martij Ferdinandus rex, per absentiam Cæsaris pro-*  
*ponit. Quamobrem hic sit indictus conuentus, notum ipsis esse, nimi-*  
*rum constituende religionis & iuris & pacis, & Turcici belli causat:*  
*Cæsarem optasse quidem his actionibus interesse, ut Spire decretum*  
*sit, & ad diem constitutum huc uenire, sed detentum uoletudine non*  
*potuisse, ideoq; rem omnem, primum, ad alteram Ianuarij diem, post,*  
*ad calendas Februarias reieciſſe: cùm autem expectatione diuturnior*  
*esset morbus, mutasse consilium, & ne deliberationes publicas lon-*  
*gius impediret, Turcicam inprimis, ab se contendisse, ut prouinciam*  
*hanc subiret: quod quidem ipse, in reipublica gratiam, nò sine magno*



suo dispendio fecerit: deliberandum igitur esse de rebus communibus 1 3 4 5  
 ut, quum Cæsar ipse uenerit, decerni aliquid atq; statui possit: etenim  
 de ipsius ualetudine non mala, quotidianis literis atq; nuncijs iam ad  
 ferri, neq; dubium esse, quin breui sit uenturus, ut reipublicæ consu-  
 lat: hac etiam de causa pacem cum Galliæ rege fecisse, affini suo, in eò  
 que rempublicam suis priuatis commodis anteposuisse, quò uidelicet  
 rebus undiq; pacatis, religio componi possit & emendari, & post, o-  
 mnino robur atq; studium in Turcam expeditri: huius autem pacis bene-  
 ficium, ad uniuersam Germaniam, et imprimis ad ordines Imperij per-  
 tinere: Galliæ quoq; regem auxilia in bellum Turcicum promississe, et  
 per legatos, qui cum plenis mandatis in Belgio fuerint, approbasse  
 concilium Tridentinum, & eò constituisse ipsum uenire, uel amplis-  
 simam mittere legationem: apud pontificem quoq; Cæsarem id esse  
 cisse, ut, quod antea prorogauerat concilium, rursus denunciaret: ita-  
 que diem illi designatum esse ad Idus Martias iam præteritas, & mis-  
 sos à Cæsare iam eò legatos, & ab se quoq; sollicitatum etiam à Cæsa-  
 re pontificem, ut pro sui loci & ordinis dignitate conferret in Turcā  
 auxilia, respondisse, quid in eo facere uelit, in his comitijs per legatū  
 esse declaraturum: quantus etiam labor Cæsaris interuenerit, ut con-  
 cilium haberetur, ipsos non ignorare: nam ea de re cum Clemēte VII  
 Bononiæ, postea cum Paulo III. Romæ, Genuæ, Nicææ, Lucæ, nuper  
 etiam Busseti diligenter ipsum egisse: & quanquam à postremo con-  
 uentu Spirensi Cæsar maximis rebus fuerit dissentus, non neglexisse  
 tamen quod Spiræ decretum fuit, & uiris aliquot bonis atq; doctis  
 negotium dedisse conscribendæ reformationis, quam etiam ab ijs ac-  
 ceperit: cū autem hæc ipsa causa ualde sit grauis, multamq; delibe-  
 rationem requirat, & uerò concilium iam proximè sit inchoandum,  
 & propter irruentem Turcam non sit huius temporis hac de refor-  
 matione deliberatio, uideri Cæsari consultum, ut ea nunc omissa, qui  
 sit concilij futurus progressus, expectetur: & si quidem appareat nul-  
 lum esse futurum, ut tum ante finem huius comitij, nouus designetur  
 Imperij conuentus hac ipsa de causa: quod ad pacem atq; ius attinet,  
 existimare Cæsarem, non esse, quod quisquam in decretis publicis ea  
 de re factis aliquid desideret: arbitrari quoq; si cui uis aliqua fiat, à  
 Camera petendū esse remediū: orare etiā, ut & de cōtribusendis in Ca-

1545 meram stipendijs, & de constituendis ibi iudicibus quamprimum aliquid statuunt: & si fortè de hoc posteriori nõ conueniat, ut tum ipsius fidei munus hoc committant, ne, si nulla sit iurisdictio, respublica detrimetur decipiat: de bello Turcico Cæsarem perpetuò cogitare, nec ullum ætate nostra fuisse bellum cum ea gente, cui non optarit ipse interesse: nimirum in Aphricam semel & iterum traiecis, & Vienne usq; gerendi belli causa, superioribus annis uenisse: quod etiam Spiræ promissit in hoc bellum, pro tutela Germaniæ, non recusare, modo ipsi uicissim auxilia decreta cõferant: Itaq; petere, ut in eam cogitationem prorsus incumbant, & quia non ita multum super sit idonei temporis, decernant: crebris enim literis atque nuncijs adferri, Turcam ipsum, maioribus, quàm unquam antea uiribus, in Vngariam aduentare, quò Germaniam post inuadat: deliberent igitur atque statuunt, an inferendum ei sit bellum, an uerò defendendū, & quid ipso- rum sit sententiæ, Cæsari renuncient, qui pontificem etiam & Galliæ regem, ad huius belli societatem perduxerit, & alios quoq; non defuturos arbitretur: & si fortè propter temporis angustiam & anni sterilitatem non esse inferendum ei bellum hoc anno putabunt, de defensione statuunt, & pecuniam contribuant, ut & illi maturè possit occurrere, & Cæsar, ipsorum alacritate commotus atq; studio, bellum hoc ipse gerat, quod quidem iam olim se facturum promiserit: de inferendo autem bello, ut scilicet amissa recuperentur, deque religione, proximis in comitijs agi oportere: uerum in præsentī deliberatione opus esse celeritate: nam si longius differatur, futurum, ut, cum per Vngariam & alijs in locis, fines & aditus omneis hostis occuparit, disiectis atque dissipatis equibus leuis armaturæ, quorum maxima sit exercitatio per Vngariam, & intercluso cõmeatu, populus in extremam desperationem adductus, à nobis deficiat, inq; ditionem illorum perueniat: qua quidem in re quantum insit periculi, quantum dispendij, quantus etiam faciendus deinde sumptus, ut ea recuperentur, neminem esse qui non uideat. Ad ea protestantes & his adiuncti Coloniensis archiepiscopus & Palatinus elector, Aprilis die tertio respondent. hunc indictum esse conueniunt, religionis causa potissimum: superioribus aliquot colloquijs aditum esse factum ad conciliationem, eoque magis nunc esse sperandum de rei summa: pergratum ergò sibi futurum,

Protestantes  
respondent  
Ferdinando.



futurum, si quidem hoc omnium primò tractetur: Germaniæ quidem  
 interesse plurimum, ut ita fiat, & si metus diuini numinis accedat,  
 non se dubitare de successu: quòd si autem uel rei magnitudo, uel bre-  
 uitas temporis, uel imminens à Turca periculum non serat, opus esse  
 tamen, ut illud decreti caput, quod est de pace, declaretur amplius: re-  
 ligioni datam quidem esse pacem adusq; concilium, se uerò non a-  
 gnoscere concilium hoc Tridentinum pro legitimo, quale sit in Impe-  
 rij comitijs promissum: & cur non agnoscant, iam antea sepe demon-  
 strasse: pacem igitur sibi necessariam esse, quæ non sit astricta concilio pontificio, sed quæ locum habeat, donec de re tota piè fuerit &  
 Christianè transactum: & quia pax uel constitui uel esse firma nō pos-  
 sit, nisi iuris administratio sit æquabilis, & uerò Spirensi conuentu  
 proximo decretum sit, quid in eo fieri oporteat, non se defuturos, quò  
 minus ei decreto satisfiat: hæc ergò duo capita si decidantur, nō se re-  
 cūsare belli Turcici deliberationem. Reliqui principes ac ordines, &  
 in his Moguntinus atq; Treuirensis archiepiscopi, statuunt, religionis  
 causam ad concilium iam indictum referri, & Cameram ex antiquis  
 Imperij legibus constitui, & secundum ius scriptum iudicari, & ex om-  
 ni numero deligi oportere, qui de bello Turcico consilia conferant.  
 stipendiorum Cameræ partem dimidiam pollicentur in annum sex-  
 tum, & ut reliquum Cæsar persoluat. petunt. Ad illud protestantium,  
 Ferdinandus rex, Cæsarisq; legati respondent. decretum Spiræ factum  
 de pace, placuisse tum ipsis, nec ullam interuenisse aliam cautionem  
 uel exceptionem, cum & antè fuisset indictum concilium, & aliquan-  
 tō pōst iterum denunciaretur: in Cameræ quoque confessum fore ut  
 recipiantur homines idonei, iuxta decretum Spiræ factum: quòd cum  
 ita sit, æquum esse, ne quid amplius in eo requirant, & cum reliquis  
 de bello Turcarum statuunt. Ad hæc illi. quoniam ob temporis angu-  
 stiam & imminentem hostem, religionis causa minimè tractari iam  
 possit, & à concilio pontificio nihil boni sit expectandum, orare, ut  
 ante finem huius comitij, Cæsar alterum conuentum indicat, ubi con-  
 ciliationis uie peruestigentur amicè: decretum esse Spiræ, primum,  
 ne quid moueatur turbæ propter religionem, deinde, ut pia & ami-  
 ca disceptatione, dissidium hoc omninò concilietur: huic nempe fun-  
 damento, Germaniæ pacem insistere, neq; se fuisse quicquam deside-

Pontifi-  
 ciorū de  
 liberatio

1545 raturus amplius, modò res in eo permanfisset: nunc uerò, quando pontifex, ut conciliationem hanc disturbet & impediat, concilium indixit, in quo solus ipse cum suis definiendi potestatem obtineat, cuius etiam decreto pacificationem superiorem finiri plerique omnes dicant, necessariam sibi esse cautionem ampliorem: neque uerò nouum esse quod requirant, sed illud ipsum, quod Spirensi decreto continetur: cur enim pontificis cognitionem atque concilia recusent, editis libellis iam pridem se demonstrasse, & ante annum tertium, quando pontifex, misso Spiram legato, concilium promittebat, contrà testificatos esse, ut publicis commentarijs doceri possit: breuiter, quoties concilij pontificij facta sit mentio, semper illud repudiasse, & solenniter quidem, in omnium ordinum consensu: iam, etiam ut Spiræ nihil ea de re sit exceptum, tamen, si bellum sit gerendum in Turcam, opus esse, ut prius pacata sint omnia domi: nam in bellum istud pecuniam imperari populo: sed quo iure uel qua fronte pecuniam quis exigit à suis, nisi certam spem illis faciat, fore, ut in sua religione cum liberis & uxoribus tuò permaneant: nimirum eò suscipi bellum in Turcam, ut & cuiusque facultates, & res publica & uera religio conseruentur: belligerari uerò cum Turca, & interim domi expositum esse periculo, quantum hæc inter se differant: grauem igitur subesse causam, cur amplius caueri sibi petant: de Camera placere sibi quod dicant, ex præscripto decreti Spirensis constituendam esse: de stipendijs autem eò conferendis, uelle se cum reliquis deliberare. His de rebus, per totum mensem Aprilem, ad septimum usq; diem Maij disceptatum fuit: tunc demum, quando quidem Cæsar iam erat in uia, Ferdinandus ad illius aduentum ea differri iubet, ac simul ab ijs petit, ut interea cum cæteris Turcicum negotium agant. Principes nò aderant ipsi, ne pontificij quidem, præter unum Augustanum. Gallie rex legatum eò misit Grinianum, prouinciæ Gallie præfectum. per huius absentiam orta fuit ijs locis ingens persecutio. Sunt in prouincia Gal-

Persecutio in  
Valden-  
ses.

lia qui dicuntur Valdenses: hi uetusta consuetudine neq; pontificem Romanum agnoscunt, & aliquantò puriorem habuere semper doctrinam, & postquam Lutherus innotuit, ampliorem cognitionem auidè sibi compararunt. Ad regem uerò sæpe fuerant hoc nomine delati, quasi magistratum contempnerent ac rebellionem facerent. hac enim

crimi-



criminatione pleriq; nunc utuntur, inuidiosa magis quàm uera. Con-  
 tinentur autem aliquot oppidis atque uicis, inter quos est Merindo-  
 lum, in hos ante annum quintum lata sententia fuerat Aquis, quod est  
 provinciae summum tribunal, ut opprimerentur omnes promiscuè, ut  
 dirutis ædificijs æquaretur uicus ille solo, refecarentur etiam arbores  
 omnes, & locus redderetur desertus omninò, sicut libro decimo tertio  
 attigimus. Porro, quanquam sic erat pronunciatum, non tamen ea uis  
 tunc adhibita fuit, regem admonentibus nonnullis, & in his, Guliel-  
 mo Bellaio Langeo, qui tum prorex erat in Taurinis, ut de causa to-  
 ta prius cognosceret: sed hoc demum anno, iudicij atq; senatus Aque-  
 sis præfectus, Ioannes Minerius, Aprilis die duodecimo, senatu conuo-  
 cato, recitat literas regis, quibus executio mandabatur latæ sententiæ.  
 has autem literas, Tornonij cardinalis commendatione dicitur impe-  
 trasse Minerius, per idoneum sollicitatorem, Philippum Cortinum.  
 Cum igitur eas mense Ianuario accepisset, non statim protulit, sed in  
 tempus rei gerendæ commodum seruabat, ijs recitatis literis, delecti  
 sunt è senatu, qui rem exequantur: his adiutorem sese profitebatur  
 Minerius, eo quòd absente Griniano provinciae præfecto, rem publi-  
 cam gerebat. Iam antè uerò mandatu regis passim conduxerat co-  
 pias, Anglici belli causa, uerùm his ad suum hoc institutum est usus:  
 adhæc, Massiliæ, Aquis, Arelatæ, cæterisq; in locis frequentioribus  
 militiam omnibus imperauerat, qui possent arma ferre, graui de-  
 nunciata pœna: deinde ex Auenionensis agri finibus, diuisionis pon-  
 tificiæ, missa quoque fuerunt auxilia. primus igitur impetus factus  
 est, non in Merindolanos, uerùm in agrum oppido Pertusio uicinum.  
 Idibus autem Aprilis, Minerius, turba procerum atque ducum sti-  
 patus, Cadenetum uenit: sed interea centuriones aliquot, in unum  
 & alterum uicum, ad Druentiam flumen, irruunt, & cædibus, di-  
 reptionibus, incendijs grassati, magnam uim pecoris abigunt: idem  
 fit alijs etiam in locis, eodem tempore. Merindolani, cum ardere o-  
 mnia circum aspicerent, relictis sedibus in syluas confugiunt, & ad  
 uicum Sansalesum maxima cum formidine pernoctant. huius au-  
 tem loci incolæ iam & ipsi fugam parabant. Cauallonensis enim  
 episcopus, pontificij legati uicarius, negocium dederat nonnullis  
 ducibus, ipsos contrucidandi. Postridie, paulò progrediuntur

1543  
Merin-  
dolum.

Mineri-  
us præfe-  
ctus A-  
quensis.

Copia in  
Valdenses

154 5 longius, tecti syluis. nam undique periculum erat, & Minerius, capite sanxerat, ne quis eos ulla re iuuaret, sed ut promiscuè caderentur omnes, quocumq; loco deprehensi. ualebat idem edictum in locis finitimis pontificiæ ditionis, & episcopi quidem eius regionis ferebantur alere magnam copiarum partem. Ibant ergo difficili & molesto itinere, gestantes pueros in humeris & brachijs, inq; cunis, & quidem mulieres aliquot grauidæ: cumq; ad constitutum locum uenirent, iam eo confluxerant multi, qui rebus perditis fuga salutem quæsiuerāt. Non multo post nunciatur, Minerium aggregare simul omnis copias, ut ipsos inuadat. fuit hoc sub uesperum: itaq; re deliberata, consilium ex tempore capiunt: & quoniam iter faciendum erat per loca impedita & aspera, mulieres, puellas & infantes ibi relinquunt, paucis quibusdam adhibitis, & in his, ecclesiæ ministro: cæteri sicut constitutum erat, Musium oppidum petunt. hoc autem ea spe faciebant, fore, ut hostis in imbellem turbam & omni præsidio destitutum uteretur misericordia. quis ibi fuerit excitatus gemitus, qui complexus, quæ lamento facile cuius intelligit. Vbi totam noctem iuissent, superato monte Leberone, multos ardere uicos atque prædia conspiciunt: Minerius deinde bipartito agmine rem aggreditur: & quia per indicium acceperat, in quam partem Merindolani sese recepissent, ipse Merindolum petit, reliquas uero copias ad illos inuestigandos mittit. Antè quàm hi peruenirent in syluam, ex militibus quidam, impulsus commiseratione, præcurrit, & è summo cacumine rupis, qua parte suspicabatur profugos confedissee, duo saxa deiecit, deinde per interuallum ijs acclamat, licet eos non conspiceret, ut fuga sibi statim consulant. & in hoc ipso temporis puncto, ex ijs, qui Musium iuerant, duo quidam interueniunt, & hostium aduentu nunciato, ministrum ecclesiæ, cæterosque custodes, qui pauci numero sceminis erant relictæ. sicut diximus, abire cogunt, uia quadam ardua commonstrata per syluam, qua fugientes, periculum euaderent. Vix hi discesserant, cum ecce milites adfunt, pleni furoris, & eductis gladijs ad cædem omnia poscunt, magno cum ululatu: ueruntamen à cæde tum sibi temperant, & cum insolenter multa fecissent, omni argento & alimonia spoliatas abducunt. erat ipsorum propositi, scædus illas tractare, sed à centurione quodam equite interpellati, qui sortè superueniens pœnam eis minabatur,



batur, & ad Minerium rectâ contendere iubebat, ab incœpto desinunt, usque relictis, prædam & pecus abigunt. erant mulieres numero circiter quingente. Minerius interim uenit Merindolum, & cum uacuum habitatoribus reperisset, dissipat ac incendit, edito prius exemplo ualde crudeli. nam adolescentem unicum ibi nactus, religari iubet ad oleam, & tormentis occidit: post, Cabrieram oppidum petit, & machinis concutit, & administrante Polino duce, persuadet oppidanis, ut portam patefaciant, pollicitus impunitatem: uerum intromisso milite post aliquam moram, concisi fuerunt omnes, neque uel ætatis uel sexus ulla fuit habita ratio. Multi ad ædem sacram, alij aliò, quidam in cellam uinariam arcis confugerant, sed producti foras in pratum, uestibusq; nudati trucidantur ad unum fere omnes, non uiri tantum sed & mulieres, pleraq; grauidæ. Minerius etiam ad quadraginta circiter foeminas in horreum straminis atque fœni plenum includit, post ignem subijcit & incendit: cumq; illæ uestibus exutis conarentur flammam nascentem restringere, neque possent, ad maiorem fenestram, qua fœnum recondi solet in horreum, aduolant, ut sese eijciant: sed ibi repulsæ telis & hastis, conflagrarunt omnes. fuit hoc Aprilis die xx. Post hæc, Minerius partem copiarum mittit, qui Costam oppidum oppugnantibus iam ingressis iter, deprehenduntur illi, quos paulò antè in cellam uinariam arcis confugisse diximus, excitato igitur clamore, quasi laterent insidiæ, reuocantur milites, & ad internecionem illos interficiunt. Cæсорum numerus repertus est tam in oppido quam foris, numero ad octingentos. qui superstites erant infantes ab eo furore, plerique rebaptisati fuerunt ab hoste. Rebus ad Cabrieram expeditis, copię mittuntur Costam: eius oppidi dominus iam antè cum ciuibus egerat, ut in arcem arma sua conferrent, & quatuor diuersis locis murum disjcerent: id si facerent, se pro sua gratia facile perferretur apud Minerium pollicebatur, ut à maleficio temperetur. persuasi morem gerunt, post ille discedit, quasi deprecaturus, & non longè progressus obuium habet militem: hi quum nihilosecius procederent, & impetu primo nihil efficerent, altera luce uehementius oppugnant, & incensis circum ædificiis omnibus suburbanis, facili manu capiunt, eò quòd superiori nocte pleriq; deserto statione profugerant, delapsi funibus. Post editam ergò eadem & oppidum di-

Minerij  
crudeli-  
tas.

154. *reptum, decurrunt in hortum castello uicinum, & mulieres atq; puellas, quæ trepidantes eò confugerant, promiscuè constuprant, & quinu diem unum atque noctem inclusas detinuisse, adeò tractarunt inhumaniter, ut illæ quæ gerebant uterum, & natu minores puellæ, non multò post extinguerentur. Interea Merindolani & his adiuncti complures alij, qui per syluas atque rupes oberrabant, intercepti, uel ad triremes mittebantur, uel confodiebantur, multi etiam inedia perierunt: deinde, non procul ab oppido Mustio quod antè diximus, quidam ingressi cauernam sub rupe latitabant, numero ad uiginti quinque, sed proditi, fumo fuerunt omnes & igni enecati. sic adeò nulum seuitiæ genus fuit prætermisum: nonnulli tamen, qui lanienam hanc effugerant, Genuam & ad loca uicina peruenerunt. Huius ergò rei fama cum in Germaniam emanasset, plurimorum animos offendit: & Heluetij quidem, qui non sunt pontificiæ religionis, intercedebant ad regem, ut in eos, qui profugissent, uteretur misericordia: rex autem, & iustas esse causas, cur ita fecerit, & quid suis in finibus agat, aut quomodo in fontes animaduertat, non magis illos oportere sollicitos esse de eo dicit, quàm sit ipse de illorum negocijs.*

Valden-  
sum do-  
ctrine cõ-  
fessio.

Anno superiori miserant Valdenses regi doctrinæ suæ confessionem, scripto comprehensam, quo suam docerent innocentiam. eius doctrinæ capita sunt, de Deo patre, creatore omnium rerum, de filio intercessore & aduocato generis humani, de spiritu sancto, consolatore & commonstratore ueritatis, de ecclesia, quam aiunt esse cœtum omnium electorum, & caput habere Iesum Christum: de ministris ecclesiæ, quos loco remouendos esse dicunt, nisi faciant officium, de magistratu, quem institutum à Deo fatentur, ut bonos defendat, fontes uerò puniat: deinde non honorem modò, sed tributum etiam illis & uectigalia deberi, nec ullum ordinem hic excipi oportere, nimirum exemplo Christi, qui uectigal ipse soluit: de baptismo, quem signum esse uisibile dicunt & externum, quod nobis & renouationem spiritus & mortificationem membrorum representet: de cœna domini, quam aiunt esse gratiarum actionem, & beneficij per Christum accepti commemorationem: de matrimonio, quod cum sanctum sit, & institutum à Deo, nemini prohibendum esse iudicant: de bonis operibus, quæ nobis esse colenda docent & exercenda, sicut sacræ literæ demon-

strent:



Prent: de falsis dogmatis, quæ quoniam à uero cultu nos abducunt, 1545  
uitanda esse pronunciant. In summa, fidei suæ normam & regulam  
esse dicunt, uetus & nouum testamentum, seq; credere profitentur ijs  
omnibus, quæ in apostolorum symbolo continentur. postremo, regem  
orant, ut narrationi fidem habeat: etenim, si quid fortè sit delatum a-  
liter, id falsum esse, uelle se demonstrare dicunt, si modò audiantur.  
Bello tum rex erat implicatus, itaq; conqueuit actio, : sed facta pace  
recreuit, & instigantibus nonnullis, in hanc tantam exarsit imma-  
nitatem. De Hispanis, quos per Lotharingiam Cæsar in hyberna col-  
locauerat, antè dictum est: hi, cùm plurimum damni dedissent ijs lo-  
cis, mandatu Cæsaris Aprili mense discedunt, & proximè ad Argen-  
toratum facto itinere, quum Rhenum ibi transissent, per Sueuiam pro-  
ficiscuntur in Austriam, ad tria circiter millia peditum. Ad hoc tem-  
pus è uita deceßit Ludouicus Bauarus, Gulielmi frater, non relictis li-  
beris. nam ita conuenerat, ne duceret uxorem, hereditatis coagne-  
tandæ causa. Magnus ei fuit usus & amicitia cum Henrico Brunswi-  
censi: nam & foederis contra protestantes initi, duces erant, ut dixi-  
mus, & Brunswicensis ditione sua pulsus, ad hunc inprimis confugit.  
Vuormaciam deinde Cæsar uenit Maij die xvi. postridie, cardinalis  
Farnesius. Huius quæ fuerit aduentus causa, non quidem affirmare  
possum, sed excitandi belli causa in Lutheranos uenisse, certò pute-  
tur: publicè quidem nihil egit, neq; per fines Wuirtembergici princi-  
pis iuit, Roma ueniens, sed Dillingæ commoratus aliquandiu, quod  
est ad Danubium, Augustani cardinalis oppidum, aliò deflectit. Ferdi-  
nandus rex Wuirtembergico scripserat, ut in sui gratiam ei tutum iter  
daret, & beneuolentiam præstaret: ille, quoduis aliud iter susciperet,  
malle se respondet, ueruntamen si per suos fines transire uelit, ipsius  
quidem gratia, non se recusare. sed ille, sicut diximus, diuertit, & al-  
tero post Cæsarem die Vuormaciam peruenit. Cæsar, facta pace cum  
Galliæ rege, sollicitabat etiam reliquos dynastas, ut concilium indi-  
ctum adiuuarent: & per hanc occasionem ad Poloniæ regem missus  
ab eo legatus, demonstrat, Cæsarè plurimis nunc annis hoc unum age-  
re cumprimis, ut totius orbis Christiani commune bellum suscipiatur  
in Turcam, & omnium propè uoluntates iam huc inclinare, sed so-  
lam religionis controuersiam illi esse impedimento: hæc autè ut com-

Ludouici  
Bauari  
mors.

Cæsar  
Vuorma-  
ciam uenit.

Cæsaris  
ad Polo-  
num le-  
gatio.

154. 5 ponatur, & ut protestantium desiderio satisfiat, qui concilium semper postulent, maximo Cæsaris labore & industria, Tridenti iam indictum esse concilium: itaq; rogare, suos ut eò mittat legatos, qui & sua presentia solennem illam actionem condecorent, & quæ fient ibi de rebus sacris decreta, confirment: quia uerò Cæsar existimet, protestantes, qui semper fuerint contumaces, nec ab Augustana confessione discessuros, nec publicis etiam decretis obtemperaturos esse, rem ipsam postulare, ut reges atque principes interueniant, & in illos, nisi pareant, tanquam in reip. & sacrorum omnium perturbatores uindictent: cum autem ipse pij & Christiani regis laudem inter alios obtineat, orare Cæsarem, ut & de Turcico bello cogitet, & concilio Tridentino subscribat, & si protestantes ad sanitatem non redeant, ope consilioq; ipsam adiuuet, quod alij quoq; reges promiserint. Polonus ad ea, percipere se diem illum uidere, quo reges ac principes Christiani, positis armis, & sedato bello ciuili, robur omne simul in Turcam conuertant: nec enim se futurum in postremis: ad concilium & protestantes quod attinet, omnia se facturum, quæcunque & reipublicæ & ecclesiæ tranquillitati conducent, neq; si sit opus, in summo periculo defuturum esse Cæsari amico & affini. Per scriptum id temporis Roma fuit, pontificem, etsi concilium indixerat, suosq; iam Tridentum miserat legatos, adeò tamen belli fuisse Lutherani cupidum, ut auxilia promitteret, peditum millia duodecim, equites quingentos: clàm etiam ab eo fuisse cōductos centuriones atq; duces: quum autem ei renunciatū esset, non ita multum idonei superesse temporis ad rem gerendam, & aliam expectandam occasionem, continuo ducibus illud cōmunicasse, & anni futuri spem fecisse. Altera post pentecosten die, monachus quidam Franciscanus, Italus, concionem habet ad Cæsarem, Ferdinandū regem, cardinalem Farnesium, episcopum Augustanum, Granuellanum, & sermone digressus ad Lutheranos, cum atrociter in eos multa dixisset, tēpus est, inquit. potentiissime Cæsar, ut tandem officiū tuum facias: nimis herclè diu cessatum est: iam pridem oportuit rem esse confectā: ornauit te Deus ingentibus beneficijs, teq; constituit ecclesiæ defensore: quapropter exere uires tuas, & pestiferum illud genus hominū tollas e medio: nefas enim est, eos diutius inueneri solem, qui sic omnia polluunt atq; confundunt: neq; uerò dicas

Pōtifex  
belli cupi-  
dissimus

Franci-  
scani cō-  
gio ad Cæ-  
sarem.



ae facturum: iam enim, iam inquam fieri debet, nec interponi moram 1 5 4 5  
 ullam oportet. Quot autem hominum millia de salute perpetua peri-  
 clitari quotidie putas, per istorum uesaniam, quos omneis abs te sanè  
 Deus reposeet, nisi remediū adhibeas? Eo classico fertur offensus fuis-  
 se Granuellanus, uel quòd ita simularet, uel quòd protestantibus hoc  
 esse uideret cautionis loco. Non multis ab ea concione diebus, Farne-  
 sius, de nocte, clanculum discedit, & Romam magna celeritate reuo-  
 lat. His ferè diebus prodijt Lutheri liber, populari lingua scriptus, cui  
 titulus est, Aduersus pontificatum Romanum, à Sathana cōstitutum. Lutheri  
liber ad-  
uersus  
Pontifi-  
catū Ro-  
manum.  
 eo libro primū respondet epistole pontificis, qua Cæsarem graui-  
 bus uerbis dehortatur à procuranda religione, sicut antè docuimus:  
 post, ea scripturæ loca, quæ pontifex usurpat ad sui primatus confir-  
 mationem, copiosissimè refutat, & in ipsum retorquet. Libro pictu-  
 ram præfixit, quæ statim indicat argumenti summam. sedet in subli-  
 mi cathedra pontifex, iunctis & protensis manibus, ornatu solenni,  
 sed aures habet asininas: circà uerò plurimi sunt cacodæmones, uarijs  
 figuris, quorum alij superimponunt eius capiti diadema triplex, ole-  
 to fastigiatum: alij funibus eum demittunt in medium infernum, hor-  
 ribili specie subiectum: alij titiones & ligna cōportant: alij, tanquam  
 officiosi, pedes ei subleuant, ut rectè molliterq; descendat. Non multò Lutheri  
themata  
derribus  
hierar-  
chijs.  
 post, themata quædam eius prodierunt, quæ disputauerat aliquando,  
 de tribus hierarchijs, ecclesiastica, politica, æconomica. quas Deum  
 ait instituisse contra furorem diaboli: pontificem uerò prorsus ab ijs  
 omnibus excludit, quòd euangelii damnet & opprimat, quòd leges  
 omneis iusq; ciuile sibi subijciat, quòd matrimonium prohibeat qui-  
 bus ipsi uidetur. itaq; belluam illam esse dicit, quæ per Germaniam ab  
 urso simul & lupo nomen habet. Ea nihil est, inquit, efferatius, nihil  
 truculentius: quapropter, ubi signū datur, aut rumor increbuit, mox  
 omnes ad arma discurrunt, ut illam conficiant: quòd si fortè cauea  
 uel septo teneretur inclusa, loci uerò præfectus aut iudex eam exime-  
 ret uel etiam defenderet, esset persequenda nihilominus, & qui perse-  
 quentes impedirent, impunè uiolari possent: eodem planè modò, pon-  
 tifici, si uim & arma paret, si bellum faciat, resistendum est, tanquam  
 immani rabidæq; belluæ, quibuscunque sit tandem munitus auxilijs.  
 nam qui latroni militat aut opè ferunt, expectare debent eius rei præ-

1545 mium quod merentur. Alteram quoq; tunc emisit, ridiculam quidem,  
 sed futuri prænunciam picturam. Sui pontifex infidet ornatus, am=  
 ple & mammosæ, quam calcaribus fodit: dextræ digitis duobus, pol=  
 lici proximis, de more protensis, bene precatur ips, qui fortè occur=  
 runt: sinistra tenet oletum recens atque fumans: ad eius nidorem por=  
 ca suspicit, et rictu naribusq; prædam captat: ille uerò per ludibrium,  
 & acerbè bestiam increpans, ut me sessorem, inquit, habeas, & calca=  
 ria mea perferas, oportet, quantumuis id inuita facias: de concilio mi=  
 hi satis iam diu molestiam exhibes, quo me traducas, & liberè crimi=  
 nari possis: en illud, quod tantopere petis, concilium. Per porcam de=  
 signat Germaniam. hæc illius ludicra pleriq; taxabant, ut parū ipso  
 digna, neq; satis uerecunda, sed suas ipse rationes habebat, quam obrè  
 ita faceret, et longius prospicere credebatur, & extant alloquin in il=  
 lius libris passim uaticinia multa, de rebus grauissimis, quorum non=  
 nulla iam comprobauit euentus, reliqua sunt adhuc in manu Dei po=  
 sita. Caesar interea per Granuellanum & Nauium, de concilio, deque  
 Turcarum bello cum protestantibus agit. Hi Franciscum Burcartum,  
 Gunterotum cancellarium Hæsicum, Christophorum Veningerum,  
 Iacobum Sturmium ad eam rem deligunt. qui superiorè actionem o=  
 mnem paucis repetūt, & ita sibi de pace cauere petunt, ne decreto con=  
 cilij tollatur: adhæc, ut iuxta Spirense decretum Camera constituatur:  
 id si fiat, de republica se cum reliquis deliberaturos. Tum illi. postu=  
 lata hæc à Cæsare præstari non posse, uidelicet ut ipsos eximat con=  
 cilij decretis, & eiusmodi pacè tribuat, ne teneantur parère concilio,  
 cuius authoritati subiecti sint omnes: quomodo enim ad cæteros reges  
 atque principes hoc Caesar excuset? aut quem in usum habeatur con=  
 cilium, si quidem soli Germaniæ, cuius causa potissimum sit indictū,  
 liceat illi parère, uel minus? Legati contrà, quibus de causis illud non  
 habeant pro legitimo, docent: extare quoque suas ea de re testificatio=  
 nes publicas: quòd si contribuenda sint aduersus Turcam auxilia, o=  
 pus esse cautione, quò certi esse possint, nullam sibi uim factum iri,  
 quæcunque tandem futura sint concilij decreta. Rursus illi. ueniant  
 in concilium, & causas, cur suspectum habeant, demonstrant: fore ut  
 & audiantur, neque pontifici potestas omnis tribuatur: quòd si tum  
 iniqua uidebitur actio, posse recusari: sed nunc ipsos loqui de rebus  
 futuris,

Actio  
 Cæsaris  
 cum Pro=  
 testanti=  
 bus.



futuris, & iudicium facere de ijs, quæ nondum apparent: id sanè præ= 1 5 4 5  
 properè nimium ab ipsis fieri. Ad ea legati, pontificem ac ipsius cli=  
 entelam omnem iam olim & damnasse religionem hanc, & in eius  
 professores acerbè uindicare: quamobrem non esse quod eò ipsi ue=  
 niant, aut ibi recusationis causas explicent: pacari uerò Germaniam  
 hac sola posse ratione, si placidè collatis sententijs & amicè, ueritas  
 inuestigetur: nam à concilio, quod pontifex regat, nihil non incommo=

dorum expectandum esse. Gallie regis legatus, Grinianus, quod la= Grinia= ni Galli= ci legati actio.  
 tine linguæ nullum haberet usum, mandata sua scripto complexus,  
 per interpretem in medium exponit, Iunii die uigesimo, rediisse re=

gem, beneficio Dei, cum Cæsare in gratiam, & factam esse pacè, quæ  
 toti reipublicæ futura sit utilis: regi uerò, pro sua in Germaniam cha=

ritate & antiquo sœdere pergratum fore, si quidem ipsis etiam de re=

ligione conueniat: nam ex ea diffensione multum calamitatis in or=

bem Christianū inundasse, & indies magis atq; magis augescere: cum  
 autem hæc omnia sanandi nulla sit ratio melior, quàm per concilium,

& illud iam sit indictum ac inchoatum ferè, Tridenti, Cæsarem atq;  
 regem decreuisse operā dare, ut legitimè ac ordine peragantur omnia,

& sublatis offensionibus concordia recuperetur, & optatum ocium  
 Germaniæ restituatur: itaque regem obsecrare, ut & ipsi concilium

approbent, cæterorum regum atque principum exemplo: hoc enim  
 ad ipsorum omnium salutem pertinere. Grinianus erat necessitudi=

ne coniunctus cardinali Tornonio, qui et huius legationis author fu=

isse putatur. nam in Belgio fuerat, ut suprà diximus, deque rebus ad  
 concilium pertinentibus egerat: ac tum ita conuenerat, regem quoq;  
 misso legato, debere illos ad conciliū hortari, quod Cæsar & ipse iam

approbassent: hoc enim ad terrorem protestantibus inferendum per=

tinere putabatur. Ad hoc tempus moritur Lotharingiæ dux Fran=

ciscus, relicto filiolo Carolo, duorum annorum puero. Erat ei fra=

ter, Nicolaus, episcopus Metensis. hunc inter & pueri matrem

Christinam, Cæsaris neptem, orta fuit contentio de tutela: nobilitas

omnis in illum magis inclinabat, imperium muliebre fastidians, ue=

rùm intercessionem Cæsaris, administrationi præfæcti sunt ambo, sic

tamen, ut matris esset authoritas præcipua. Moritur etiam per hosce

dies, Ferdinandi regis filia, quam Sigismundi Poloniæ regis filius

ante

Franci= sci Lo= tharin= giæ ducis obitus.

1545 ante biennium in matrimonium duxerat. Ex Hispanijs autem latus  
 Cæsaris fuit allatus nuncius, de Carolo nepote nato Cæsari, ex filio Philippo,  
 nepos ex cuius quidem rei gratia, magna fuit ab Hispanis excitata Vuormaciæ  
 filio na= letitia: sed interiectis aliquot diebus, nunciatum est de morte nurus  
 scitur.

letitia: sed interiectis aliquot diebus, nunciatum est de morte nurus  
 Cæsaris. Vuormaciam uenit ad Cæsarem Alſonſus Daualus, adductis  
 aliquot primi nominis ex urbe Mediolano. putatur conſtituiſſe tum  
 Cæſar in matrimonium dare principi Aureliano, Ferdinandi regis ſi-  
 liam, & hos ideo uocaſſe, quò de ſtatu rerum per Inſubriam cognoſce-  
 ret, quam in dotem illi pactus erat, ut ſuprà diximus. Dum Cæſar hos  
 conuentus agit, Brunſuicenſis ad Galliæ regem proficiſcitur. Collige-  
 bat tum copias peditum, ad Saxoniæ fines, pro rege Britannia, Fride-  
 ricus Riſebergus: eam ſpeculatus occaſionem Brunſuicenſis, regi pro-  
 mittit ac perſuadet, ſi pecunia ſubminiſtretur, facile ſe diſſipaturum  
 illos. itaq; aureorum aliquot millia conſequitur ab eo: ſed neq; Riſe-  
 bergum impediuit, & acceptam pecuniam in bellum aduerſus prote-  
 ſtantes deinde conuertit, ut inſrà dicemus. Ad conuentum iſtum prin-  
 cipes nulli uenerunt, ut antè dictum eſt, ne pontificij quidem, præter  
 Auguſtani: ſed cùm Cæſar iam adeſſet, uenit etiam Palatinus elector,  
 & rogatu proteſtantium, intercedit. Cùm autem in bellum Turcicum  
 nihil ab eis contribui Cæſar uideret, niſi illud de concilio & Camera  
 impetrarent, legatum mittit ad Turcam, de inducijs, Gerardum Velt-  
 uuichum, hominem cumprimis doctum, & linguarũ ualde peritum.

Inducia  
 Cæsaris  
 cum Tur-  
 ca.

Hoc durante conuentu, ſenatus Metenſis inquit in eos, qui pro con-  
 ſuetudine pontificiorũ, nuper ad paſcha nõ percepiſſent coenam Do-  
 mini: deprehenſos iubet urbe excedere. Suprà diximus, quomodo cle-  
 rus & academia Coloniensis ad Cæsarem atque pontificem prouoca-  
 rint, ut hac ratione conatus archiepiscopi tardarent: cùm autem ille  
 pergeret, neq; miniſtros eccleſiæ remoueret, quod ipſi cumprimis uo-  
 lebant, Cæsarem rursus implorant, graui de ipſo habita querimonia.  
 Sub finem igitur Iunij, diuulgatis Vuormaciæ literis, in patrocinium

Archiepi-  
 scopus  
 Coloni-  
 enſis ci-  
 tatus à  
 Cæsare  
 & Pon-  
 tifice.

ſuum Cæſar eos recipit, & proſcriptionis denunciata pœna, mandat,  
 ne quis omnium illos uel in religione ſua, uel in poſſeſſione bonorũ et  
 ueſtigalibus & iure impediât. Alteris deinde literis archiepiscopum  
 citat, ut intra diem trigefimum ad ſe ueniat, aut mittat procuratorẽ,  
 & accuſationibus reſpondeat: interim uerò iubet, ne quid moueat aut  
 innouet,



innouet, & si quid innouatum sit, pristino loco restituat. Idem etiam 1 5 4 3  
 mandat oppidanis Andernaci, Bonnæ, Lincij, Campenæ: nam ijs in lo-  
 cis archiepiscopus cōstituerat in primis qui populū docerent. Iulij de-  
 inde die xvij. Paulus III. illum eodem modo citat, ut intra diem sexa-  
 gesimum Romæ sibi præstò sit: citat etiam Henricum Stolbergum,  
 primarij templi Coloniensis decanum, eiusq; collegas, omneis illi stri-  
 genere natos, Iacobum Ringrauium, Fridericum Vuendensem, Chri-  
 stophorum Oldeburgum, Richardū Bauarum, Philippū Obersteniū.  
 hi enim & archiepiscopum amabant, neq; reliquorum actionem pro-  
 babant. Erat omnino pontifex ab aliquot annis malè in archiepisco-  
 pum animatus. quam quidem ad rem non paruum attulerat momen-  
 tum Vergerius episcopus Iustinopolitanus. qui cū legationē obiens  
 in Germania, sicut antè non semel diximus, Coloniam uenisset, ac illū  
 audiret ad ecclesiæ suæ reformationē spectare: grauitè eum & acer-  
 bè, tum literis, tum oratione, domū reuersus incusarat. Quum de con-  
 cilio, de pace, de Camera, deq; bello Turcico diu multumq; discepta-  
 tum esset, uti suprà docuimus, Cæsar Augusti die quarto finem actio-  
 ni facit, & quòd pleraq; nisi principes adessent ipsi, potuisse tracta-  
 ri, deinde, quòd legatos aliquot non habuisse in omnibus agendi ple-  
 na mandata diceret, comitium & actionem omnem in mensem Ianua-  
 rium anni sequentis prorogat, & Ratisbonam principes omneis ue-  
 nire iubet, nisi uale tudine detineantur: se quoq; uenturū eò dicit: reli-  
 gionis pacificationem optare se quidē in primis, uerū ipsi omnibus  
 ait constare, cur hoc in conuentu nihil in eo suscipi potuerit: ut autem  
 aliquando cōcilietur disidiū, aliud doctorum hominum colloquium,  
 & utrinq; quaternos instituit collocutores, & binos auditores, eosq;  
 sub calendas Decembreis adesse Ratisbonæ, & ante comitia rem in-  
 choare iubet. deinde superiorum annorū edicta pacis renouat & con-  
 firmat, & ne quid contrā fiat, edicit. Pecuniam in bellum Turcarum,  
 ex anni superioris decreto collectam, asseruari, donec de suscipiendo  
 bello deliberatum fuerit, & quibus in locis nondum collecta sit, con-  
 ferri statim iubet et aggregari: Cameræ reformationem in proximum  
 conuentum reijcit. interea iurisdictionem illis permittit atq; proro-  
 gat. Huius decreti caput illud, quod est de colloquio doctorum, ponti-  
 ficij recusant, nec in eo Cæsari uolunt assentiri: cetera nō impugnant.

Prote=

1545 Protestantes uerò superiorem actionem repetunt, & per se non stetit se dicunt, quò minus tractatum de religione sit, & quod suprà de concilij recusatione dixerunt atq; Camera, rursus adducunt, & Spirense decretum anni superioris urgent, neq; Cæsaris hoc decretũ, quibus locis ab illo disidet, admittere se profitentur. Quomodo protestantium legati, propter sequestrũ secuti sint castra Cæsaris ante annum, & quomodo Cæsar actionem in aliud tempus reiecerit, suprà diximus: hoc igitur in conuentu definita res omnino fuit, & ijs conditionibus, quas antè recitauimus, Brunswicensis ager omnis Cæsari per mittitur, qui confestim Henrico mandat, ut legibus rem agat, & ab armis abstineat. Ille uerò minimè assentitur, de eoque protestatur, & cum Cæsar ei denuò grauißimis uerbis ac proscriptionis denunciata poena mandaret, uti pareret, non modò non obtemperat, uerumetiam acerbè rescribit eiusq; consiliarios, Granuellanum inprimis atq; Nauium, odio se criminatur: nec eo contentus, occultè cœpit cogere manus, ut amissa recuperaret, sicut paulò post dicemus. Vuormacia Cæsar secundo flumine Rheno Coloniam uenit, inde domum redit. Coloniensis episcopus, quia citatus erat, ut ubicunq; Cæsar esset, eo ueniret, aut mitteret intra xxx. diem, etsi pro ueteri Germaniæ consuetudine, & electorũ priuilegio nõ tenebatur esse præstò Cæsari, extra fines Imperij: tamen procuratorem eo misit qui se defenderet. Ardebat tunc bellum Galliæ regis cum Anglo, & gerebatur res tam mari quàm terra, & arcem Galliæ rex in littore maris prope Boloniam nis per amissam edificabat, ut commeatu illos intercluderet: & ne quod impedimentum ei structuræ fieret, nèue Britanni longius euagarentur, exercitum habebat in propinquo. Dolebat autem protestantibus, hos reges ad eum modum inter se conflictari, qui tot annis pacem conluisent. itaq; cum id utriq; non ingratũ fore cognoscerent, legatos de pace mittunt, in Galliam quidem, Christophorum Veningerum, Ioannem Brunonem, Nidepontanum, Ioannẽ Sturmium: in Angliam, Ludouicum Bambachum, Ioannem Sleidanũ. Hi quum Septembris die decimo uenissent Ambianũ, de morte ducis Aureliani, qui pridie decesserat, cognoscunt. Is erat Cæsari futurus aut gener aut affinis, ut supra docuimus, & perpetuæ amicitie ueluti firmißimũ quoddam uinculum: sed ecce, quo ferè tempore nuptiæ erant peragenda, paucorũ dierum

H. Brunswic. proscrui.

Bellum Galli cū Anglo.

Protest. legati ad reges.



dierum morbo perit, circiter xxij. annorum iuuenis. In hoc ipso tem-  
 pore, Henricus Brunswicensis, instructus auro Gallico, sicut diximus,  
 militum manus sibi conducit, quàm potest, occultissimè. quæ cum in  
 agro Verdensi conuenissent, equites circiter mille quingenti, pedites  
 ad octo millia, Roteburgum, agri Bremensis oppidum petit, ut sui fra-  
 tris archiepiscopi Bremensis tormenta bellica suis coniungeret, ue-  
 rum id frustra fuit. Bremensis enim senatus eò præmiserat qui locum  
 defenderent. Itaq; facto itinere per agrum Luneburgensem, non sine  
 maleficio, suam in prouinciam ingreditur, & Stenbruccû arcem de-  
 ditione capit, postea in agris multum damni dat, incensis ædificijs: &  
 uicinis ciuitatibus, Brunswico, Honobriæ, Mindæ, Bremæ, Hambur-  
 go denunciat, ut sibi de iniurijs satisfaciant, & à coniuratione Smal-  
 caldica, sic enim uocabat, discedant, sin autem, dira minatur. Aliæ  
 quædam illius copię, circiter octingenti equites, & peditum millia  
 tria, quum Dechelburgio Comiti, socio protestantium, incendijs at-  
 que rapinis multum damni dedissent, Visurgim flumen transmittunt,  
 & illi sese coniungunt. itaque primariam suæ ditionis arcem, Vuol-  
 febutelum obsidet, & passim in suam fidem iureiurando populum  
 adigit. Interim Lantgrauius, mandatu sociorum, cogit in suis finibus  
 ad septem hominum millia, & tria signa peditum, & equites circiter  
 mille sexcentos. cum ea manu, & xxij. tormentis Northemum pro-  
 ficiscitur. Eò uenit ad ipsum Ernestus Brunswicensis, Philippi filius,  
 missus ab electore Saxonie cum equitibus mille, tribus millibus pedi-  
 tum, & sex millibus eorum, qui per ipsius fines & agrum erant col-  
 lecti, cumque tormentis xij. Venit etiam auxilio, Lantgrauij gener,  
 Mauricius, adductis equitibus ad mille, & circiter quinque millibus  
 peditum & tormentis aliquot. Ea re cognita, Brunswicensis, arcis ob-  
 sidione relicta, quam præsidarij milites fortiter defendebant, aliò de-  
 flectit, & collecta, quam potuit, pecunia, militi iam dilabenti soluit,  
 ac deinde progressus, propè Calsfeldû castra facit, qui uicus à Lantgra-  
 uij castris aberat milliare unum. In hoc rerû statu, Ericus Brunswicen-  
 sis, eiusque mater uidua, Ioannes Brandeburgicus, Henrici gener, &  
 alij quidam intercedunt de pace: Lantgrauius autem atq; Saxones ni-  
 hil in eo sibi licere dicunt, nisi de sociorû uoluntate. Mauriciû igitur  
 illi summittunt, & orant, ut Lantgrauio socero persuadeat. gerit ille  
 morem,

1. 5. 4. 5  
 H. Brun-  
 swicensis  
 grafsa-  
 tur.

Lantgra-  
 uij expe-  
 ditio in  
 Brunswi-  
 censem.

1545 morem, & cum in castra uenisset, quod fuit Octobris die xvi. rem omnem exponit, & actionem sibi permitti petit, Lantgravius autem eodem modo, sicut antè diximus, excusat. postridie, Brunsvicensis equitum cohortes aliquot propius ad Northemum accedunt, & cum Lantgravianis dimicant, sed repulsi tormentis redeunt in castra. Sub uesperum eius diei, Mauricius iterum urget Lantgraviū: et quia suam hanc operam Henrico illiusq; necessariis promiserit, petit proponi conditiones, ut si recuset Henricus, commodè ipse possit ab actione recedere. fert conditiones Lantgravius, & eius quidem generis, ut dubium non esset, eas repudiatum iri. Mauricius ad eam rem legat Christophorum Eblebum, Comerstatum iureconsultum, qui ad illum reserant. Interea nunciatur aduentare Brunsvicensis cum omnibus copijs, ut montem Lantgraviij castris uicinum occupet. Lantgravius autem prior eò peruenit, & tribus equitum turmis ac signis aliquot perditum relictis defensionem castrorum, exercitum omnem in eum montem perducit: nō multò post cœptū est utrinq; leuibus prælijs decertari. Dum hæc geruntur, redeunt legati Mauriciani, nunciant Henricū respondisse liberaliter, seq; totum permittere Mauricio, neq; deinceps uelle religionem oppugnare. Cōmutatis ultrò citroq; uerbis, quum Mauricius admodū instaret, Lantgravius hanc unam esse pacis rationem dicit, ut de religione caueat, in Mauriciij potestate sese dedat, prouinciam suam omnem ipsi tradat, & quod de belli sumptu, de damno dato, deq; controuersia Goslarienti pronunciatū à Mauricio fuerit, ratū habeat. Has cōditiones ut ipse uelut intercessor proponat, Mauricio Lantgravius permittit, & si quidē eas ille recipiat, communicato prius cum Saxone & uicinis ciuitatibus consilio, statuendum esse dicit. Cum his mandatis Mauricius iterum legatos mittit. hi quum rediissent, aiunt bonam esse spem, uerū in hoc strepitu militari, dum utrinque res armis geritur, nihil rectè posse fieri, & opus esse inducijs ad eam actionem. iam nox suberat. itaque fiunt induciæ, permittente Lantgrauio, in eum diem & in sequentis diei uesperum. Mauricius interim in colloquiū cum Henrico uenit, ut persuadeat: ille uerò propositas conditiones omneis reijcit, & alias adfert longè diuersas ab illis, & per colloquium, ad quosdam Mauriciij cōsiliarios, intra tertiā, inquit, horam apparebit, utrum Lantgravius, an ego sim orbis domi-

nus,



mus, ut ad Scipionem Hannibal dicebat: sed & pactas inducias Henri- 1 5 4 5  
cus uolauit, facto impetu in pabulatores Lantgrauicos. Vbi ergo de  
conditionibus ab Henrico propositis Lantgravius cognouit, actionē  
omnem abruptit, & Mauricio de intercessionē gratias agit. Octobris  
die xx. Henricus per suos consiliarios rursus tentat Mauriciū, & ut  
idoneo loco inter utraque castra conueniatur, petit: sed Lantgravius  
abnuī. itaq; Mauricius quoq; bellum Henrico denūciat, quod factū  
rum se, nisi de pace conueniret, ei prædixerat, Nullusio missis ad eum  
literis. Intempesta deinde nocte, Lantgravius octo cohortes equitum,  
& peditum millia circiter xij. cum tormentis, ductore Conrado Han-  
steno præmittit: ipse cum reliquis copijs, cum Mauricio & Ernesto  
subsequitur. Albescēte die, primum agmen, ad adiūm quendam edi-  
tiori loco positum, non longē ab Henrici castris peruenit, post etiā  
Lantgravius cum reliquo exercitu. Hic acriter pugnatum est, & pro-  
pter angustiam loci, quia solum una parte transiri poterat, anceps fuit  
aliquādiu dimicatio: sed in eo temporis uestigio, Lantgravius emissis  
tormentis hostem repellit. post, re deliberata, quum iam alijs in locis  
per eum aditum esset patefacta uia, Lantgravius aliquā exercitus par-  
tem traducit, & maioribus tormentis in hostem eiacularur. Ibi Brun-  
suicensis mittit præconem ad Mauriciū & colloquū petit: Lant-  
gravius autem nihil respondens, omnem prius exercitum traducit, &  
aciem instruit, & tormentis in illos fulminat. Tunc rursus ab Henrico  
ueniunt internūcij duo, & idem flagitant: ad eos Lantgravius, non  
est, inquit, alia pacis conditio, quā ut Henricus eiusq; natu maximus  
filius in potestatem meam sese dedant: hoc si faciant, rectē habet, sin  
autem, experiar quid possim: hoc illi renūciate, & paucis decernite.  
Hic iterum Mauricius ad socerum, exercitus, ait, est traductus omnis:  
quid autem spei de pace? tum ille, uolo, inquit, ut Henricus eiusq; fili-  
us me e potestatē sese permittant: si recusent, prælio decernam. Eo da-  
to responso, Mauricius Henricum adit & colloquitur. Lantgravius  
autem nihilo secius bellum administrat, emissis tormentis, & propius  
ad hostem accedit, & circiter quingentos ab eo passus cōsistit, & Mau-  
ricio per Conradum Hanstenum nūciat, non se posse quiescere, quod  
metuat, ne per occasionem colloqui, Henricus euadat. Mauricius ait  
expectandum esse donec cum illo sit collocutus, & rogat ut tantisper

154 <sup>5</sup> abstineat. paulò post redit, & Henricum, magna ui lachrymarum profusa, miseriam suam deplorare, & uelle sese dēdere cum filio, renunciat, & ne uerbis in eum sit asperior, orat. Vbi iam Henricus uenit cum filio Carolo Victore, Lantgrauius, quòd si tue potestatis, inquit, essem factus, non diu mihi lucis usuram concederes: ego uerò tecum aagam liberalius, quàm pro tuo merito: quid autē in mentem tibi uenit, quòd Cæsari nō obtemperasti, repudata sequestratione? nimirum hac uia tibi tuisq; rectē consuluisses. Ad hunc modum locutus, custodias utriq; ponit. sed interim exercitus Lantgrauij propē manus conferebat cum hoste, et nisi Lantgrauius atq; Mauricius magna celeritate interuenissent, ingens fuisset edita strages. Henrici copię cogitabant uero agmine discedere, sed quia periculum erat, ne rursus per occasionē aliquid mouerent, Lantgrauius eos consequitur, & in planicie quadam deprehensos cogit, ut signis direptis fidem darent, intra sextum mensem non se militaturos in ipsum atq; socios. Machinas deinde bellicas omneis ipsis adimit, ad xviij cum omni instrumento, et progressus arcem Stenbruccum recuperat, & populum in suam fidem rursus adigit & gratias agere iubet Deo, pro uictoria, & Ioannem Sehamburgum, Ottonem Ritbergum, Comites, quòd ei subministraissent auxilia, mulctat, inde, copijs dimissis, domum redit. In hoc tempore moritur Albertus cardinalis Moguntinus, ei succedit Sebastianus Husestenus. Magdeburgensem autem episcopatum adeptus est Ioannes Albertus patruelis, qui coadiutor ei fuerat attributus antea. De Mauricio fuit post dissipata fama, quasi captiosus et fraudulentis uerbis Henricum in eas angustias perduxisset. eo cognito, scriptum ille diuulgat, & quamobrem à Saxone atque Lantgrauio rogatus, deesse ipsis non potuerit, ostendit, & rem omnem ordine commemorat, & iniuriam sibi fieri demonstrat, & nihilo secius, ut ille liberetur, intercedit. Lutherus autem edito libello principes hortatur, ne captiuū dimittant: uictoriam enim istam minimē cruentam, diuinitus contigisse. His ferē diebus, Gulielmus Furstembergus, quum hucusq; Lutetiæ captiuus fuisset, depensis aureorum millibus triginta, dimittitur, & per Belgium profectus, ubi Cæsari suum infortunium exposuit, domum redit. Cæsar, ut rationes circumspiciat, quibus damnum acceptum resarciri possit, hortatur, in eoq; multam ei beneuolentiam promittit. Henrico

Bruno

H. Brun-  
suicenis  
dedit se  
cum filio

Alberti  
Mogun-  
tini obi-  
tus.

G. Fur-  
stember-  
gus li-  
beratus.



Brunsuicensi, filioq; capto, statim Cæsari rem omnem perscribunt Sa= 1 5 4 8  
 xo atq; Lantgravius: & quoniam ille, contemptis omnibus edictis, no  
 uo bello Germaniam turbasset, petunt, ut tum ipse, tum socij, propter  
 uiolatam pacem publicam, proscribantur, iuxta formulam & seque=  
 stri conditiones iam antè pactas. Vltima deinde Octobris die, Cæsari  
 Lantgravius, Ritbergum oppugnans, denuò scribit, & superioris epi  
 stolæ facta mentione, cum idem petiisset, prostrigato Brunsuicensi, ca=  
 ptoq; sese uarias literas, & quidè grauissimis de rebus atq; technis oc=  
 cultis, in castris illius reperisse dicit, quæ satis ostendant, eum aliquid  
 magni fuisse molitum aduersus ipsum aut Ferdinandum regem: nam  
 inter alias, epistolam unam esse, qua princeps quidam elector ei rescri=  
 bat, non se posse ijs conditionibus in eam societatem atq; foedus ueni=  
 re, sed sui magis esse officij, ut consilium eiusmodi patefaciat: quod ni=  
 si silentij fidem ei promississet, omnino se facturum illud fuisse: nò in=  
 terpellat ergo posthac, alioqui non fore tacitum: hæc & id genus alia  
 quedam esse in manibus: quod si tam sua interesse aliquid putet, lice=  
 re, ut è suis familiaribus aliquem mittat: ei se literas illas exhibiturum,  
 & ut exemplum etiam ex archetypo describat, permissurum esse. Cæ=  
 sar, qui tum Brugis erat, urbe Flandriæ, Nouembris die sexta Nicola=  
 um Conricium ad Lantgraviū mittit cum his mandatis. Audire se,  
 quemadmodum Henricus Brunswigius cum filio in ipsius potestatem  
 uenerit: & quanquam uellet eum sequestri conditionem accepisse,  
 tamen, cum in eum statum res deuenerit, existimare, non esse opus, ut  
 illi uiolatæ pacis publicæ poena iam irrogetur: confidere etiam, ipsum  
 ita moderatè usurum esse hac uictoria, ut nemini sit ab eo uis ulla me=  
 tuenda: monere autem, ut pro ueteri principum consuetudine, capti=  
 uos liberaliter ac honestè tractet, nec ad ullam iniquam aut ipsis in=  
 dignam cōditionem adigat, sed amicæ uel legitimæ disceptationi rem  
 permittat. qua quidem in re nihil sit ipse, pro suo munere atq; loco  
 prætermittendus: & quia nullam sit ei uel socijs metuendum amplius  
 periculum, petere, ut copias dimittat pacemq; colat, et si quam habeat  
 de ullo querimoniam ob bellis societatem aut subministratum auxili=  
 um, legibus experiatur: se quidem in eo facturum quod æquum fuerit.  
 Cum ista Nouembris die decimo octauo Conricius exposuisset, Lant=  
 grauius, eodè die, Casselij respondet, quia Cæsaris Imperijq; mandata

Lantgr.  
 literæ ad  
 Cæsare.

Cæsaris  
 legatus  
 ad Lant  
 grauiū.

non uno modo Brunsvicensis uiolarit atq; socij, sperare se, futurum, ut Caesar aperte demonstret, quàm grauer molesteq; factum illud ferat: inter socios illius primo loco esse Oithonem comitem Rutenburgum, clientem ac beneficiariũ suum, quem hoc nomine multat: esse quoque etiam alios, in quos merito iudicari posset uerum, ut Caesar & omnes planè uideant, quanto opere sint à turbis ipse atq; socij alieni, nõ se quicquam in illos mouisse ac miluẽ exauthorasse: quod cum ita sit, & quia necessariam defensionem susceperint, orare plurimum, ut & Henricum Caesar & socios proscribat: nam etsi captus ille sit, tamen auxiliares nihilo secius esse plectendos, à quibus etiam nihil nisi hostile sit expectandum: captiuos haberi sic satis liberaliter: de cæteris ad

Pacistra  
ctario in  
ter Gal.  
lũ & An-  
glum.

Saxonem sociosq; relaturum. Legati, quos suprà diximus in Galliam atq; Britanniam esse missos à protestantibus, mandata quidem sua peragunt, sed eodem tempore, Caesar etiam pacificationi studebat, & Brugis, diè constituit utriusq; regis legatis, à Gallo missus eò fuit Claudius Annebaldus Amiralus, ab Anglo, Stephanus Vintonic̃sis episcopus: uerum infecta re disceditur. interim uerò protestantium legatorũ opera factum fuit, ut ampliorem actionem ambo reges minimè recusarent. Itaq; legatos mittunt, Gallus quidem, Ardeam, Anglus uerò, Caletũ & Guinã. hi medijs in campis, æquo ferè spatio, inter utrumq; oppidũ, Nouembris diè xxvi. sub tabernaculis conueniunt: & quã a legatis protestantium essent pacis propositi: quædã rationes, diu multumq; rem inter sed disceptant. Galli Boloniæ restitutionem, & ut Scoti comprehenderentur, imprimis urgebant: id autem Angli planè recusabant, internuncijs deinde atq; literis res agebatur apud utrumq; regem, sed post multam actionem nihil effectum fuit. Itaq; Ianuarij diè sexto, regum atq; protestantium legati discedunt, domumq; reuertuntur. Postridie annonam Galli inferebant in arcem, quam in littore maris rex ædificarat, ut suprà diximus: id cum Angli prohibere uellent, dimicatum est, ac multis utrinque desideratis, illata fuit alimonia. Cum essent in Anglia hi quos dixi, protestantium legati rex per occasionem colloqui dicebat, imminere ipsis longè grauissimum bellum: id sibi certò constare: monebat etiam, ut ad suos perscriberent. Ex ipsius autem consiliarijs quidam præcipue tunc authoritatis, alteri legato post idem explicabat, nominatis aliquot excursoribus et emissarijs,



rijs, quorum id opera potissimum fieret. quòd etiam cum Gallie re- 1 5 4 6  
ge pacem anno superiori Cæsar fecisset, molestè rex ferre uidebatur,  
eoq; magis, quòd illius impulsu bellum se fecisse diceret Gallie, pro-  
pter societatem Turcicam. Ianuario mense conuenius erat protestan-  
tium Francofurti deliberatum ibi fuit de concilio Tridentino, de pro-  
rogando fœdere, de sumptibus belli Brunsvicensis, de non deferendo  
Coloniensi, de sollicitando Cæsare in comitijs, ut pacem religioni det,  
& Cameram rectè constituat. Hoc in cōuentu archiepiscopi Colonien-  
sis legati queruntur de iniurijs cleri, deq; mandatis & citationibus tū  
Cæsaris tum pontificis. Interea Palatinus elector instituit passim eccle-  
sie ministros & euangelij doctores, integram quoq; cœnam domini  
et coniugiū sacerdotum permittit, & decimo die Ianuarij, loco Missæ  
pontificiæ, peractum fuit in primario templo Hedelberge sacrum, lin-  
gua populari. Protestantes igitur, missa legatione, gratulantur ei, &  
gratias agunt, quòd Coloniensis archiepiscopi legatis liberaliter res-  
ponderit hortantur etiam ut pergat, & Augustanæ confessionis do-  
ctrinam profiteatur, & in proximis Ratisbonæ comitijs operam det,  
ut pax & ius constituantur. Adhæc ille, pacis perpetuò se fuisse studio-  
sum, & fore etiam, quoad uixerit, de Coloniensi dolere sibi plurimū,  
quòd ad hunc modum exagitetur in hac præsertim ætate: cum igitur  
ipsi mittent ad Cæsarem & ad clerum atq; senatum Coloniensem, de-  
precandi causa, se quoque suos unà missurum; in religione se multis  
nunc annis conciliationem aliquam sperasse: quia uerò differri peri-  
culosè rem uideat, neq; spes magna subsit, nō se potuisse populi sui uo-  
tum & expectationem remorari diutius: itaq; doctrinæ & rituum in-  
stituisse emendationem, quam & urgere deinceps cogitet, & profite-  
ri palàm. Ad decimum septimum Ianuarij diem, Vefaliæ conuenie-  
bant electorum legati, eorum, qui Rhenani dicuntur, hi sunt Mogun-  
tinus, Coloniensis, Treuericus, Palatinus. nam eorū ditiones ad Rhe-  
num pertingunt. Palatinus urgebat hic Moguntinum & Treuren-  
sem, ut unà secum & cum Brandeburgico, missis legatis, intercede-  
rent pro Coloniensi: sed illi, quòd offensionem metuerent, recusabant.  
Hoc tempore cœpit spargi rumor, Cæsarem occultè moliri bellum: 1  
Lantgrauius igitur datis ad Granuellanum literis, Ianuarij die xxiiij, 2  
non ex Germania tantum, sed ex Italia quoq; nunciari dicit, alijsque

Protestan-  
tium con-  
uentus  
Franco-  
furti.

Palati-  
nus euan-  
gelij do-  
ctores in-  
stituit.

Famab. l  
lia Pro-  
testantes

15 4 6 locis, Cæsarem atq; pontificem parare bellum in Lutheranos, & uelle  
 tueri concilium, & primo uere facturos initium, & fore, ut in Colo-  
 niensem archiepiscopum, ex inferiori Germania, in Saxoniam autem,  
 ex Bohemia, & in superiorem Germaniam ab Italia fiat impetus: ha-  
 biturum quoque Cæsarem ad decem millia peditum, & equitum co-  
 hortibus aliquot, custodia loco, qui Ratisbonam ipsum deducant: hunc  
 rumorem non uulgò tantum spargi, sed ab ipsis quoq; tribunis & cen-  
 turionibus ac belli ducibus, quorum nonnulli iacent, à Cæsare sibi  
 iam esse numeratam pecuniam: quum autem Gallie regem Cæsar ha-  
 beat pacatum, inducias quoq; sit pactus cum Turca, sicut pleriq; con-  
 firmant, mirum uideri multis, in quem usum copias conducatur: sibi qui-  
 dem atq; socijs, dum ad pacificationem, primum Noribergæ factam,  
 postea Ratisbonæ, Spiraë & alijs in locis confirmatam respiciunt, non  
 facile posse persuaderi, ut id credant esse uerum, præsertim, quum &  
 Cæsari & Ferdinando regi contra Turcam & alios etiam hostes bo-  
 nam operam nauarint: ueruntamen hæc ipsi uoluisse familiariter ex-  
 plicare, quæ crebris literis atq; nuncijs ad se sociosq; perferantur: pos-  
 se enim fieri, ut ad Cæsarem, de se socijsq; consimilia dicantur à male-  
 uolis, quæ causam diffidentie motumq; suscitent, & utrisq; sumptum  
 augeant: non dubitare autem, quin sibi sit ad ea responsurus: & quia  
 pacis consiliarius adhuc quidem fuit, orare, ut deinceps quoque Cæsa-  
 rem eo flectat. Granuellanus ad hæc Februarij die septimo rescribit.  
 Cæsarem, neq; pactum ullum habere cum pontifice, neq; militem con-  
 scribere, nec ulli duci pecuniam numerasse: quanquam si manum ali-  
 quam militum cogeret, non id cuiquam debere uideri mirum in hoc  
 tempore, tamq; dubio rerum statu, quando uicini circum reges atque  
 principes copias conscribunt: quis enim hoc in illo reprehendat, si det  
 operam, ne quid prouinciæ suæ detrimenti accipiant: mirari uerò se,  
 tam impudentes homines reperiri, qui talia de Cæsare spargant, cuius  
 animus quàm sit pacis & ocij cupidus, nemini non perspectum esse  
 possit: ipsum adeò scire, quanto opere semper elaborauerit, ut firma pa-  
 ce frueretur Germania: hoc etiam nunc ipsius esse uoluntatis atque  
 propositi, eaq; de causa colloquium esse Ratisbonæ institutum: illud  
 de decem millibus peditum, quos Ratisbonam sit adducturus ad comi-  
 tia, nimis esse uanum: quanquam, si faceret, neque exemplo carere,  
 quòd

Græuell.  
 ad Lan-  
 grauium  
 respon-  
 sio.



quòd Augustam Vindelicorum olim ita uenerit, nec etiam ratione, 1 5 4 6  
 quandoquidem ad ipsum uaria de rebus atque statu Germaniæ nunciantur: sed esse falsum rumorem: iam enim Cæsarem esse paratum ad iter in Germaniam, & minimo cum comitatu proficisci, quòd existimet, animum suum esse perspectum omnibus, & fore, ut nemo caussam ipsi det, cur secus faciat: archiepiscopum Coloniensem ipsum esse testem, quàm benignè Cæsar & clementer egerit, quàm amanter ipsum in uiam reuocarit: licet enim grauitè sit accusatus, nihil tamen Cæsarem in ipsum statuissè, quantum quidem salua licuit existimatio: ne: nuper etiam per Nauium admonuisse, ut desistat & comitijs Ratisbonensis decretum expectet: nam certè nec æquum esse illius institutum, neque Cæsarem decere, ut hæc in eo ferat, de quibus ipsum humanissime iam commonefecerit: se quidem uniuerse reipublicæ, sed imprimis Germaniæ, salua & prospera omnia precari. Sub exitum Ianuarij mensis Francofurti conueniunt Lantgrauius & Palatinus elector Fridericus. Augustani, multis ex locis, de Cæsaris & pontificis apparatu bellico certiores facti, Sebastianum Schertelinum, hominem militem & ipsis addictum, miserant ad Palatinum atq; Lantgrauium, qui de his rebus ipsos arcanè doceret. is igitur, cum utrumque separatim conuenisset, efficit, ut deliberandi causa huc uenirent ambo, & Palatinus quidem, Ottone Henrico patruele comitatus. Paucis diebus post, ueniunt etiam eò legati protestantium ex Gallia & Britannia, & Lantgrauio socijsq; legationem renunciant. postridie, qui fuit quartus Februarij dies, Lantgrauius discedit, & ad archiepiscopum Moguntinum, nuper creatum, qui milliare unum illinc aberrat, proficiscitur, & inter alia rogat, ut in comitio Ratisbonensi consilia sua referat ad Germaniæ tranquillitatem. Non multò post dimittitur Francofurti conuentus, et facto decreto, protestantes, missis legatis ad Cæsarem & ad clerum Coloniensem, intercedunt pro archiepiscopo. Saxonie dux Mauricius, etsi non erat eius fœderis, legatum habebat Francofurti, Christophorum Carlebicium, ex nobilitate uirum egregiè doctum, qui, dimisso conuentu, statim ad Cæsarem proficiscitur. Erat tum in Geldria Cæsar, ad eumq; delatum antea fuerat, quasi Smalcaldici aduersus ipsum Francofurti coniurassent: neque dederant, qui, sicut dici solet, oleum adderent camino, & hos ordinum

1546 principumq; conuentus ad ipsius contemptum pertinere dicerent. Nauius à Cesare missus fuit ad Coloniensem episcopum, uti dictum est: inde ad Moguntinum atq; Palatinum uenit, & in itinere cum Renardo comite Solmensi, homine militari & industrio, fortè loquitur de presenti rerum statu, deq; rebus ad Cesarem delatis. Et cum Solmensis inuicem diceret, cuiusmodi de Cesare fama per Germaniam spergeretur: ille pernegat, neq; Cesari unquam in mentem uenisse dicit: sic enim esse pacis amantem, ut etiam suis postpositis rebus, ad Imperij conuentum iam sit iturus: neq; se dubitare, quòd si Lantgrauius ad ipsum ueniat, quin amicè tractetur, & omnino sibi uideri consultum, ut ueniat, sic enim fore, quia fortè Ratisbonam non sit iturus, ut se suorumq; purget, & de Caesaris animo coràm cognoscat, & de republica sermonem conferat: futurum etiam, ut omnis & suspitio tollatur & diffidentia, quæ nata sit ex delationibus utrinq;: quòd si colloquium expetat, rectè facturum: si paucis comitatus, bona fide ueniat, & hoc ipso declaret, quantum Cesari tribuat atq; fidat. Vbi Lantgrauius hæc è Solmensi cognouit, uigesimo Februarij die dat literas ad Nauium, & auertendæ suspicionis causa, quid Francofurti sit actum, paratim exponit, deinde famam dicit excitatam fuisse de Cesare, quasi bellum pararet, & inter alios duces Alberto Marchioni Brandeburgico mandarit, ut circiter equites mille conducatur: Solmensem autem, ipsius relatu, confirmare, uanum esse rumorem hunc: & quia Graniellanus etiam idem scribat, ipsis habiturum se potius fidem, quàm ijs, quæ uulgo disseminentur: etenim se sociosq; sperare, futurum, ut à pactis & à decreto Spirensi Cesar minimè recedat, præsertim, quum causa quam obrem aliter faciat, nulla subsit: ad colloquium quod attinet, de quo Solmensis etiam ipsius uerbis dixerit, non se recusare, sed cum socijs rem esse prius communicandam, è quibus etiam nonnullos adesse uelit, per paucos tamen. Antè diximus, quomodo Cesar colloquium doctorum instituerit Ratisbonæ, & sub initium Decembris omneis adesse iusserit: diem autem hunc post in idus Decembris prorogauit. à Cesare missi uenerunt Petrus Maluenda, Hispanus, Eberardus Billicus carmelita, Ioannes Hofmesterus Augustinensis, Ioannes Cochleus, theologi: Georgius Loxanus, Caspar Calentalus, Georgius Isingerus, Bartholomæus Latomus, auditores. quorum Cesar auxerat numerum,

nam

Lantgr.  
ad Naui  
um literæ

Collo/  
quiū do-  
ctorum  
Ratisbo-  
næ.



nam antea bini tantum erant designati, sicut diximus. A protestanti- 5 4 &  
 bus uenerunt, Bucerus, Brentius, Georgius Maior, Erardus Schnep-  
 fius, theologi: Volratus comes Vualdeccus, Balthasar Gultlingus,  
 Laurentius Zochus iureconsultus, Georgius Volchamerus, audito-  
 res. Ambrosius Pelargus Dominicanus aderat pontificijs extra ordi-  
 nem, Ioannes Pistorius autem & Martinus Frechtus & Vitus Theo-  
 dorus, protestantibus. Ad calendas Ianuarij uenit alter colloqui prae-  
 ses, à Caesare constitutus, Mauricius episcopus Eistensis, & aliquot  
 post diebus, Fridericus comes Furstembergus, collega. Vigesimo septi-  
 mo demum Ianuarij die fit initium, & praesides nonnulla praefati de  
 suis personis, de onere sibi imposto, deque mora, theologos hortan-  
 tur, ut in re tam graui, tamq; sancta, nihil affectibus tribuant, sed agant  
 syncerè, Deumq; uereantur & concordia spectent. suã deinde polli-  
 centur operam, fidem & aequitatem. postea recitant Caesaris esse man-  
 datum, ut protestantium Augustae quondam exhibita confessio, tractetur  
 hoc in colloquio, tribus primis omisissis dogmatis, de Trinitate, de  
 uerbi incarnatione, de peccato originis: nam illa duo non habere con-  
 trouersiam, hoc uerò postremum iam antè satis esse disceptatum: reli-  
 qua uerò doctrinae capita tractentur ordine, de iustificatione, de re-  
 missione peccatorum, de legis impletione, de fide, de bonis operibus,  
 de merito, de sacramentis, de purgatorio, de suffragijs mortuorum,  
 de ueneratione & inuocatione diuorū, de reliquijs, de statuis, de uo-  
 tis monasticis, de coelibatu sacerdotum, de delectu ciborum, de ferijs,  
 de traditionibus ecclesiasticis, de ecclesia, de potestate clauium. de or-  
 dine hierarchico, de Romani pontificis, episcoporum et conciliorum  
 autoritate. His rebus expositis, protestantes, qui uiderent quibus-  
 cum aduersarijs essent commissi, collocationem omnem & acta de-  
 scribi petunt à tabellionibus, ut Caesar atque principes rem totam, &  
 cuiusque partis argumenta & probationes intelligant. praesides con-  
 tra. nimis id fore prolixum, & satis esse, modò capita rerum annoten-  
 tur praecipua: deinde, nihil eorum quae agerentur, effereendum esse di-  
 cunt, & tempus antemeridianum colloquio designant. A multa di-  
 sceptione conuenit, ut utrinq; bini sermonem omnem scripto man-  
 dent, ut acta reponantur in cistam, nec ulli communicentur, nisi reli-  
 quis praesentibus, & silentio tegantur. haec ita praesides permittunt,

1546 modo *Cæsari* placeat, à quo nullum eius rei mandatum habere se dicebant. *Protestantes* etiam eadem conditione recipiunt, sic tamen, ut ad suos principes renunciare sibi liceat, quæ scire, ipsorum intersit, et quæ sibi perscribi illi postularint. Eo constituto, *Petrus Maluenda*, theologus *Parisiensis* incipit, et die quinto *Februarij* mensis multa præfatus in laudem *Cæsaris*, doctrinæ caput, quod est de iustificatio-  
 ne, prolixè admodum et more scholastico tractat. *Bucerus* autem interpellans dicebat id esse contra colloquij legem, et *Cæsaris* præscriptum, in medio positam esse doctrinæ ipsorum confessionem *Augustanæ*: sumat ex eo libro caput de iustificatione, et si quid habeat, ordine refutet aut obijciat, ille nihilominus pergit, et uia concludit, ut et libero arbitrio plurimum tribueret, et non fide tantum, sed et spe et charitate quoque diceret hominem iustificari. Postridie *Bucerus*, ante annum quintum, in colloquio, *Ratisbonæ*, dogma de iustificatione conciliatū fuisse demonstrat, et quid *Cæsar*, quid reliqui principes ac ordines de eo tum statuerint, exponit, et hoc ipsum in acta referri petit. deinde secutus ordinem à *Cæsare* præscriptū, idem dogma repetit, et in quatuor capita diuidit: hominem non iustificari coram Deo, suis operibus aut meritis, gratis uerò iustificari propter Christū, per fidem, cum et in gratiam se recipi, et peccata propter Christum sibi remitti credit: Christum sua morte pro peccatis nostris satisfecisse: Deum imputare fidem pro iustitia. hæc scripturæ testimonijs confirmat et explicat, et quid sibi cum *Maluenda* conueniat, quid minus, ostendit, et illius argumenta refellit. *Maluendæ* successit *Carmelita Billicus*, et quum alia quædam à *Bucero* dicta, tum illud de iustificatione refutat, et conciliatum aliquando fuisse, negat. Decimo tertio *Februarij* die, *Maluenda* *Bucero* respondet, et hæc tria concludit. opera disponere ac præparare ad iustificationem: charitatem esse formam iustitiæ: iustificationum opera consummare iustificationem, et mereri uitam æternam. Cum de his rebus ageretur, ecce decimo quinto *Februarij* die *Cæsaris* adferuntur literæ. ijs mandat, ut inter præfides recipiatur *Iulius Pflugius*, episcopus *Numburgicus*, ut ne collocutorum et auditorum numerus augeatur extraordinarijs, ut non alij, quam quos præfides delegissent, tabelliones, acta describāt, ut omnes iurciurando silentium promittant, nec ulli mortalium aliquid enuncient.



cient de rebus colloquij, prius, quàm ad Cæsarem & ordines Imperij 1 5 4 6  
 relatum sit, ut ea, de quibus conuenit, subscribantur ab utrisque, con-  
 trouersa uerò, paucissimis uerbis, et summis tantum sententijs utrius-  
 que partis recitalis, annotentur, & tabellionibus tradita seruentur.  
 His ita commemoratis, protestantes deliberandi spaciū postulant,  
 & altera die Martij, dato responso, de tertio præside non sibi displi-  
 cere dicunt, modò sui principes etiam probent: deinde, sua responsa  
 nondum absoluta, sibi licere prosegui, & illud de conciliatione Ra-  
 tisbonensi superiori, in commentarios referri, & Ioannem Pistorium  
 pro tabellione manere, et non multas quæstiones, inter disputandum,  
 uno tempore confundi, sed aliam post aliam ordine tractari petunt:  
 illud autem de silentio tam arcto non se posse præstare dicunt, quòd  
 in mandatis habeant, ut suos de statu colloquij, subinde certiores fa-  
 ciant. Hisce de rebus diu multumque disceptatum fuit, cum & Cæ-  
 saris mandata sibi sequenda præsidēs, & à suorum principum iussis  
 non se posse discedere, protestantes inuicem dicerent. Itaq; præsidēs,  
 quid illi peterent, ad Cæsarem tandem perscribunt. Interim uerò Sa-  
 xoniæ dux, qui conditiones colloquij non probaret, postquam de illis  
 accepit, reuocat suos, ut rem omnem cognoscat. Illis ergo discedenti-  
 bus, Bucerus etiam, ut acta Lantgrauio referret, die uigesimo Martij  
 mensis abit. Tulerunt hoc impatienter admodum præsidēs, & quum  
 antea præsentēs monuissent, uti manerent, iam, nonnullis profectis, re-  
 liquos, qui supererant, per epistolam, ut Cæsaris rescipiū expectent,  
 grauissimis uerbis hortantur: sed hi, quoniā collegæ præcipui disces-  
 serint, non esse quòd maneant, & si continuandum sit colloquium,  
 non se defuturos in posterum esse docent. Pontificij post, editis libellis,  
 acerbè criminantur eos, hanc ob causam, uerum ijs copiose postea Bu-  
 cerus respondet, & simul, quicquid de iustificatione hominis dici po-  
 test, amplissimè tractat. Protestantibus, deprecandi causa pro archi-  
 episcopo Coloniensi missis ad Cæsarem, adiunxerant se Palatini prin-  
 cipis & Brandeburgensis electoris legati. petitionis hæc erat summa,  
 ut ad cæteras religionis causas, hanc etiam Cæsar referat, & institutà  
 à clero actionē rescindat: etenim, si qua uis ei fiat, non se posse illū ne-  
 gligere, significabāt. Quū xxvi. die Februarij Cæsar eos audisset Tra-  
 iecti, per Nauiū altera die Martij respondet, omnem se beneuolentiam

Collo-  
quium  
dissolui-  
tur.

Protesta-  
tium lega-  
ti ad  
Cæsare  
pro Co-  
loniensi

2346 ad hoc usq; tempus illi declarasse, & coràm, deinde per legatos etià  
admonuisse, ut erga clerū & reliquos ordines archiepiscopatus com=  
modè sese gereret ac tolerabiliter: hoc enim aliòquin ipsius esse offi=  
cij: sed illum, etsi spem magnam faceret ac liberaliter promitteret, his  
omnibus neglectis, ita rem gessiisse uiolenter, ut et totius prouinciæ tu=  
endæ, & suæ etià existimationis retinendæ causa, necessariò sibi fue=  
rit adhibendum remedium, lenè quidem illud atque legitimum, quo  
non sit usus etià, nisi tunc, quum frustra consumptis omnibus alijs  
consilijs, ille, ne ad futurum quidem proximè conuentum usq; Ratis=  
bonensem differre uellet, sed suis posthabitis mandatis, contemptim  
pergeret, fretus appellatione quadam friuola, quæ neque sit à quo=  
quam admissa, neq; locū ullum habere possit: etenim si huius admini=  
culo uelit uti, æquum esse, ut interea quiescat, & suam atq; ordinum  
Imperij cognitionē expectet: cū autem id facere recusat, occurren=  
dum fuisse, & cur ita fecerit, causas habere se graues atq; iustas: & si  
rem omnem sciant, nō dubitare, quin idem sentiant, præsertim, quum  
ipsis constet, quàm leniter atque mansuetè semper egerit in cōmuni=  
bus Imperij causis, & quanta sua interuenerit pro republica sollicitu=  
do: uerūtamèn, boni sese consulere legationem hanc, quòd ad pacem  
atq; conciliationem religionis eam pertinere putet: itaque si desistat  
archiepiscopus, & suis pareat mandatis, nō esse quòd in se quisquam  
requirat, & proximis comitijs usurum in eo se principum & ordi=  
num consilio: petere autem ut principes cō ueniant, omni remota ex=  
cusatione: se quoq; iam ad iter esse paratum, & licet impediatur ua=  
letudine, tamen, ut finis aliquando controuersiarū fiat, nullum recusa=  
re laborem atq; molestiam. Per hos ferè dies mortem obiit Alfnus  
Daualus, Cæsaris per Insubriam præfectus, in cuiusq; locū succedit Fer=  
dinandus Gonzaga Mantuanus qui Siciliæ prorex antea fuerat. Con=  
cilium suprà diximus ad Idus Martias anni superioris indictum fuis=  
se, Tridenti Legatos eò pontifex misit Ioannem Mariam Montanū,  
Marcellum Ceruinum, Reginaldum Polum Britannum, cardinales.  
Venit etià eò, sed non ad constitutum diem, missus à Cæsare, Iaco=  
bus Mendoz, Hispanus, & cū in laudem Cæsaris, deque illius erga  
concilium & ecclesiam Romanam præclara uoluntate multa dixis=  
set, absentiam illius excusat. & operam suam atque studium ipsius

Legati  
pontifi=  
cij misi  
Triden=  
tum.



nomine proficitur, & quòd ab Hispanijs nondum uenerint episcopi, quos Cæsar euocari, iuneris tum interuallo tum difficultati tribuendum esse dicit. fuit hoc durante comitio Vuormaciensi, de quo diximus. Legati cardinales ad hæc respondent. etsi de pietate Cæsaris nunquam dubitarint, pergratam sibi fuisse tamen ipsius orationem: & quum pontifex uerus Christi uicarius, & apostolorum principis Petri successor, communicata re cum Cæsare, concilium hoc indixerit, sanande causa reipublicæ, Germaniæ præsertim, sperare se, Cæsarem daturum operam, nequid Vuormaciæ statuatur de religione, sed ut ad concilium omnia referantur: hoc enim ad ipsius gloriam et conscientie quoq; tranquillitatem inprimis pertinere: si uerò secus fiat, non ecclesiæ modò consuetudinem uetustam, sed ius quoq; diuinum & humanum uiolari: pessimam etiam exemplum introduci, & concilij dignitatem conuelli totam: quòd ad ipsum pertineat, gratam eius esse præsentiam atq; personam. Cùm ergo serius pleriq; uenirent, nihil eo fuit actum anno, nisi quòd mense Decembri, quem uulgò dicunt ad uentum, eò quòd Christi diem natalem antecedit, monachi quidam orationes habebant ad patres, uti fieri consueuit. pontifex etiam euulgato diplomate, bullam uocant indulgentiarum, ad Idus Decembris, eam huius esse temporis calamitatem dicit, propter inundantes hæreses, & quantumuis etiam operæ, laboris atq; sollicitudinis pro reipublica sumat, uix tamen sibi satisfaciat ipse: concilium ergò se denunciasse, ut ecclesiæ uulnera sanentur, ab impijs hæreticis inflata: quia uerò salus omnium in eo posita sit, deinde, ut concilij patres, aliorum precibus adiuti, Deo sint commendatiores, hortatur in uniuersum omnibus, ut è uestigio sese comparent ad poenitentiam, delicta sua sacerdoti confiteantur, ternis per hebdomadam diebus, ieiunio corpus macerent, & iisdem diebus adsint sacris supplicationibus, aut si per ualetudinem non possint, in pauperes aliquid erogent, tenuiores autem precationem Dominicam subinde recitent, ac deinde cœnam Domini percipiant. obtemperantibus, peccatorum ueniam ac remissionem largitur, & episcopis omnibus ut hæc populo denuncient, mandat. Secunda deinde Ianuarij die huius anni, cùm auctorior esset episcoporum numerus, fit initium concilij: cùmque in primarium templum uenissent omnes peracto sacro, legati cardinales, quos diximus, orationem

Initium  
concilij  
Tridentini.

hæc

1546 habent de scripto ad patres, & tribus de causis agi concilium dicunt;  
 ut hæreses extirpentur, ut ecclesiæ disciplinæ restituatur, ut pax recu-  
 peretur: presentis autem calamitatis culpam in ordinem ecclesiasticum  
 debere transferri dicunt: neminem enim esse, qui suum faciat officium,  
 & qui agrum domini colat: itaque natas esse hæreses, tanquam uepres:  
 ac licet nullam ipsi hæresim excitarint, tamen, quod non excoluerint  
 agrum, quod non semina iecerint, quod enascentem zizaniam non e-  
 uulserint, in eadem esse culpa: circumspiciant ipsi, & suam quisque con-  
 scientiam consulat, an munus suum fecerit: certè, quod proiecta sit o-  
 mnis ecclesiæ disciplina, totum ipsis tribui oportere: tertium malum  
 esse, bellum: hanc uerò plagam à Deo suscitari & immitti propter ne-  
 glectam religionem & disciplinam: armis autem affligi rempublicam  
 & ecclesiam, non modò Turcicis & externis, uerum etiam ciuilibus  
 atque domesticis, dum uel ipsi reges belligerantur, uel illi, qui ab obedi-  
 entia suorum pastorum defecerunt, ordinem omnem perturbant, & ec-  
 clesiæ bona diripiunt: his autem malis occasionem sese dedisse, quan-  
 do per auaritiam & ambitionem, pessima uitæ exempla introduce-  
 runt: iustum igitur esse Dei iudiciū, qui nunc ipsos ad hunc modū uer-  
 beret, sed tamen multò mitiorem esse poenam, quàm pro merito suo:  
 beatos quidè esse, qui propter iustitiā patiuntur, se uerò nihil eiusmodi  
 posse prædicare, qui multò sint digni grauiori uindicta: suum ergo  
 quisque delictū agnoscat, & iram Dei mitigare studeant: nisi enim a-  
 gnoscant, emendationi nullum esse locū, & frustrā concilium haberi,  
 frustrā quoque sancti spiritus gratiam implorari: magnū uidelicet esse  
 Dei beneficium, quod occasionem dedit inchoandi concilij, quò, sicut  
 olim Hierosolyma, post diuturnam captiuitatem, sic ecclesia, post lon-  
 gum & uehemens naufragium, in portū delata, restauretur: Esdras,  
 Nehemiam, cæterosque duces, ubi domum reuertissent, grauius admo-  
 nuisse populum Israëliticum, ut sua suorumque maiorum peccata pro-  
 fitebatur, misericordiam Dei sollicitarent: hoc etiam ipsis imitandum esse  
 exemplum: extitisse tum temporis, qui restaurantes Hierosolymam  
 iudeos impedirent ac deriderent: hac etiam etate non defuturos, qui  
 conentur idem atque faciant: sed constanter esse pergendum, fiducia Chri-  
 sti, cuius mandatū & opus hic agant: & quia iudicis personam susti-  
 neant, prouidendum esse, ne quid dent affectibus, uerum, ut ab ira, odio,  
 amicilia



amicitia uacui sint: nec in ullius hominis gratiam aliquid decernant, 1 5 4 6  
nullius etiam auribus atq; cupiditati seruiant, sed soli Deo gloriam  
omnem ascribant: omneis enim ordines à uia deflexisse, nec esse quen  
quam ex omnibus, qui rectè faciat: Deum ipsum & angelos intueri  
hunc coetum, nec ullius cogitationem occultam esse posse: agant ergò  
sincerè, & qui sunt à regibus atq; principibus missi episcopi, manda-  
ta quidem illorum procurent, sed tamen Deum in primis reuereantur,  
nec odio uel fauori quicquam tribuant: cum enim pacis causa conuen-  
tum sit, omnem oportere contentionem atq; factionem abesse procul.  
Post hanc orationem recitatur decretum synodi, per Ioannem Fosse-  
cam, episcopum Castrimarinū, Hispanum. eo monentur omnes Chri-  
stiani nominis, ut uitam emendent, Deum metuant, sepe confiteantur  
delicta, frequenter adeant templa diuorum, & de pace publica Deū  
orent: episcopi autem & reliqui sacerdotes intenti sint precibus, &  
saltē septimo quoq; die, qui Domino sacratus est, Missam peragant,  
& preces effundant pro pontifice, pro Cæsare, totaq; republica, ieiun-  
nent etiam, et egenis benefaciant: in primario templo sacrum fiat sin-  
gulis hebdomadis, die Iouis, in honorem sancti Spiritus, & sacrificij  
tempore sint omnes in sacerdotem intenti, & à confabulationibus ab-  
stineant: sobriè quoq; uiuant episcopi, neq; luxum ullum mensis adhi-  
beant & sermones omneis ociosos atq; leues defugiant, et ad eandem  
disciplinam suos assuesfaciant, ut et sermone & uestitu & omni actio-  
ne præ se ferant honestatem: & quia synodus hoc potissimum spectet,  
ut depulsis errorū tenebris & heresum, quæ tot annos iam terris in-  
cubuerunt, ueritatis lumen effulgeat, monentur omnes, docti cum pri-  
mis, ut diligenter secum ipsi considerent, qua potissimum uia possit  
istud confici: in dicendis autem sententijs decretum concilij Toletani  
sequantur, agant modestè, nō clamose, nō sint cōtentiosi nec obstina-  
ti, sed suauiter omnia & sedatè pronuncient. Alter confessus fuit die  
quarto Februarij mensis. nihil hic actū est, nisi quòd symbolum fidei  
profitentur, & tertio cōfessui dies dicitur, ad octauū Aprilis diē. nam  
plures aduentare, et esse iam in uia dicebantur: eos ergò putabant ex-  
spectandos, ut tantò maior esset decretorū authoritas. Dum hæc Tri-  
denti geruntur, Lutherus ad Comites Mansfeldios proficiscitur, uo-  
catus ab ijs, cōponēdi causa disidiij, quod inter ipsos erat de finibus et  
hære=

Secūdus  
cōfessus  
Tridentij

Luthe-  
rus ad  
Mansfeldios  
proficiscitur,  
uocatus  
ab ijs, cōponēdi  
causa disidiij

1546 hereditate. non solebat ille quidem eiusmodi negocia tractare, & per omnem uitam suis tantum studiis uacauerat: sed quia natus erat Islebij, quod est Mansfeldiorum ditionis oppidum, non potuit hunc laborem & operam illis atq; patrie non prestare. Prius quam Islebium perueniret, quod erat sub exitum Ianuarij, ualitudine utebatur tenuiori: sed tamen & causam agebat, propter quam erat uocatus, & aliquoties in templo docebat, percepta quoq; coena Domini. Decimo septimo uero Februarij die coepit egrotare grauius ex pectore. erant cum eo filij tres, Ioannes, Martinus, Paulus, & alij quidam familiares, in his etiam Iustus Ionas, Hallensis ecclesiae minister: & quamquam erat imbecillior, prandit tamen cum reliquis atque coenauit. inter coenandum uarijs de rebus locutus, hoc etiam inter alia rogabat, num in illa sempiterna uita simus alter alterum recognituri? cumq; illi auerent ex ipso sciret quid, inquit, accidit Adamo? nunquam ille uiderat Euam, sed quum eam formaret Deus, altissima quiete sopitus dormiebat: experges factus autem, cum illam uideret, non rogat, quae sit, aut unde ueniat, sed carnem esse de sua carne dicit, & os de suis ossibus. Qui uero faciebat istud? nimirum spiritu sancto plenus, et uera Dei cognitione praeditus, ita pronunciabat: ad eundem modum, nos etiam in altera uita renouabimur per Christum, & parentes, uxores, liberos, & quicquid est, multo perfectius agnoscemus, quam tunc Euam Adamus cognouit. A coena, quum diuertisset precandi causa, sicuti consuevit, coepit augeri dolor pectoris. Ibi monitu quorundam usus est cornu monocerotis, ex uiuo, post, in minori lectulo hypocausti per unam et alteram horam suauiter dormit. cum euigilasset, in orbiculum ingreditur, & ad quietem iterum sese componit, & salutatis amicis, qui aderant, orate, inquit, Deum, ut euangelij doctrinam nobis conseruet: pontifex enim & concilium Tridentinum dira moluntur. Hec, ubi dixit, facto silentio dormit aliquandiu, sed urgente ui morbi, post mediam noctem excitatus, queritur de pectoris angustia, & presentiens iam instare uitae finem, his omnino uerbis Deum implorat. Pater mi coelestis, Deus, & pater domini nostri Iesu Christi, Deus omnis consolationis, ago tibi gratias, quod filium tuum Iesum Christum mihi reuelasti, cui credidi, quem sum professus, quem amauimus, quem celebraui, quem pontifex Romanus & reliqua impiorum

turba

Lutherus egrotat.

Lutheri obitus.



turba persequitur & afficit contumelia: rogo te mi domine Iesu Chri-  
 ste, suscipe animulam meam: mi pater cœlestis, etiã si diuellor ex hac  
 uita, licet corpus hoc mihi sit iam deponendum, certò tamen scio, me  
 tecum esse perman surum in sempiternum, neq; posse me tuis ex mani-  
 bus à quoquam auelli. Non multò post eam precationem, ubi spiritum  
 suum in manus Dei semel & iterum commendasset, tanquam dormi-  
 turus, paulatim è uita decedit, nullo cum corporis, qui quidem ani-  
 madueri posset, cruciatu. Sic ergò mortuus est in patria sua, quam à  
 multis annis nò uiderat. Februarij die xviij. maximo cum gemitu plu-  
 rimorum. Mansfeldij quidem cupiebant illum suis in finibus, quòd il-  
 linc originem haberet, sepeliri, sed iussu principis electoris, Vuittem-  
 bergam honorificè delatus, quinto pòst die reconditur. erat annorum  
 circiter lxij. natus enim fuit anno salutis millesimo quadringentesi-  
 mo, octuagesimo tertio, Nouembris die decimo, parentibus honestis  
 atq; laudatis, Ioanne & Margarita: domi primas literas didicit, inde  
 Magdeburgum missus & Isenacum, æquales omneis facillè superabat.  
 pòst Erfordiam uenit, totumq; se dialecticè dabat atq; philosophiæ: et  
 cum ibi fuisset aliquã diu, non conscijs parentibus atq; propinquis, in  
 Augustinense collegium sese dedit, & omne studium ad sacras literas  
 applicabat, iuris atq; legum relicta tractatione, quam antè susceperat.  
 Porro, Vuittembergæ recens erat instituta academia: Stupicius, igitur,  
 de quo libro primo diximus, cum eius rei curam haberet, Luthere-  
 rum eò traducit, ut theologica doceret. Romam deinde missus fuit Lu-  
 therus, à sui ordinis sodalitis, ut litem, quæ tum ibi dependebat, procu-  
 raret, fuit hoc anno salutis M. D. X. domum reuersus, impulsu ami-  
 corum, insignia doctoratus accepit, subministrante sumptum Frideri-  
 co duce. Quanta fuerit in eo uis & copia dicendi, testantur librorum  
 monumenta. Germanicam certè linguam & exornauit plurimùm, et  
 locupletauit, & primam in ea laudem obtinet, et ea uertit è latino ser-  
 mone, quæ uerti non posse putabantur, & significantissimis uittur  
 uerbis, maximeq; proprijs, & unica uoce rem nonnunquam ob oca-  
 los ponit. De pontifice quodam in loco scribit, quemadmodũ cœnam  
 domini prophanauerit, & Missam applicari iusserit etiam pro mor-  
 tuis: ait eum penetrasse cum sua Missa, non modò per omneis angulos  
 totius orbis Christiani, uerum etiam in purgatorium ipsum: sed uittur

Lutheri  
natales.

Lutheri  
facundia  
Germanica.

1546 uoce Germanica, quæ tibi strepitum illum representat, qualis excitari posset, si mortuorum ossa, certis locis & distinctè composita, subito quis et magna ui concutiat ac impellat, aut globum in illa contorqueat. Animo fuit prorsus inuictus, quo primum tempore coepit docere de indulgentiis, ignorabat, quò res ea pertineret, ut ipsemet fatetur, & hoc unum agebat, ideoq; demissè tum admodum ad pontificem aliòsq; scribebat: cum autem in scripturæ cognitionem magis indies magisq; proficeret, suamq; doctrinam cum uerbo Dei congruere iudicaret, omnem aduersariorum impetum & totius orbis odium fortissimo petore sustinuit, & tanquam murus aeneus consistit immotus, omni contempto periculo. Cum à Clemente Caesar inauguratus, Vindelico- rum Augustæ conuentus ageret, horrenda quædam uidebatur imminere tempestas, ut libro septimo demonstraui: ipse autem & amicos priuatim & publicè consolabatur omnes, & psalmum xlv. huc accommodans, firma nobis est, inquit, arx & propugnaculum, Deus: ille uetus humani generis hostis, rem totis nunc uiribus agit, & omnis generis machinas adhibet: nostra quidem est exigua potentia, neq; tantum impetum diu sustinere possimus: atqui pro nobis arma sumpsit & praeliatur heros ille, quem sibi Deus ipse delegit: si rogas, quis ille sit, scias esse Christum Iesum, penes quem ut uictoria sit atq; triumphus, oportet: quòd etià si Diabolus hæc tota mundi fabrica redundaret, tamen non expauescimus, & certissima fiducia letum expectamus exitum: quamlibet enim fremit & grassetur satanas, nihil tamè in nos efficiet: nam iudicatus est, ac solo uerbo concidit omnis illius armatura: uerbum hoc aduersarij nobis non eripient, sed quantumuis inuiti relinquent: uersatur enim in castris acieq; nostra Deus, qui suo spiritu nos atq; donis protegit: si uitam, si bona, si liberos & uxorem auferant, patienter feras: nam ipsis propterea nihil accedit, nobis autem est regnum paratum immortale. Psalmum hunc, ad tempus illud, mororis & angustie plenum accommodans, ut dixi, quum sermone populari uertisset, inflexa nonnihil sententia, numeros etiam addidit & modulos, argumento ualde conuenientes, & ad excitandum animum idoneos. Itaq; nunc ab eo tempore frequens inter alios etiam psalmos ille decantatur. Quòd autem eiusmodi factum sit Augustæ decretum, eius rei culpam omnem, edito postea libro, transfert in Clementem septimum,



ptimum, eiusq; legatum Campegiū: Caesaris autem honorificam sa- 15 4 6  
cit & præclaram mentionem, cuius illi nomen & auctoritatem ob-  
ducant, ac innocentiam ei tribuit.

## LIBER XVII.



## DE COLLOQVIO RATISBONENSI

paulò suprà dictum est. Profectus eò fuit cum Bucero,  
permissu senatus Argentinensis, Ioannes Diazius, Hi-  
spanus. is multis annis, Lutetiae Parisiorum dederat o-  
peram literis & theologiae Sorbonica: quum autem  
Lutheri libros & aliorum legisset, & indefesso studio sacram scriptu-  
ram euolueret, coepit ei doctrina illa sordere magis atq; magis: & tan-  
dem, ut maiori cum fructu rem ageret, relictà Lutetia, uenit Geneu-  
am, ubi Calvinus erat ecclesiae minister. Ibi commoratus aliquandiu,  
petit Argentinam: & quia magnam in eo doctrinam ac studium inde-  
fatigatū Bucerus animaduertit, aliquot post mensibus, colloqui cau-  
sa Ratisbonam iturus, author senatui fuit, ut cum sibi comitem darent  
sociumq; laboris. Vbi Ratisbonam ergò mense Decembri uenit, Petrū  
Maluendam, de quo diximus, quem Lutetiae nouerat, adit. Is, uelut  
obstupefactus, deplorat & queritur, quòd ijs locis ipsum uideret, &  
quidem in comitatu protestantium, qui de uno Hispano, in ipsorum  
sententiam adducto magis sint triumphaturi, quàm de millibus ali-  
quot Germanorum. Itaq; coepit admonere, ut sui nominis rationem  
habeat, neq; tam foedam maculam sibi suaeq; genti & familiae inurat.  
Diazius ad hæc modestè respondet, commendata protestantium do-  
ctrina, & tunc quidem ita discedit. cumq; post aliquot dies rediisset,  
uti conuenerat, Maluenda machinas omneis admouet, ut eum abster-  
reat: deq; pontificis Romani potestate multa locutus, quàm sit res gra-  
uis, illius excommunicatio, prolixè commemorat: deinde, quia Cæ-  
sar breui sit uenturus, monet, ne illius expectet aduentum, qui fortè  
sit ei futurus periculosus, uerùm obuiam proficiscatur, & ad sacrifici  
Cæsarei pedes proiectus, ueniam admissi criminis petat: in eo se fore  
ipsi adiutorem profitetur. Ad hæc Diazius masculè et copiose respon-  
det, & doctrinam protestantium esse prophetarum ac apostolorum

Ioannis  
Diazij  
collo-  
quium  
cum Mal-  
uenda.

154 6 doctrinae consentaneam dicit, et Hispaniae patriae suae miseriam deplorat, quae tantis in tenebris uersetur, & ipsum Maluendam atque socios, qui manifestam ueritatem oppugnent, & Caesari malorum consiliorum sint authores, reprehendit, grauiusque monet, ut desistat, et ipsius consilium repudiat, & salutarem hanc doctrinam professurum se, beneficio Dei, neque capitis ullum recusare periculum, demonstrat: Maluenda, ubi confirmatum uidit, huc, inquit, frustra uenisti. nihil enim hic statuitur: quod si publice prodesse uolebas, ut quidem iactas, Tridentum ire oportuit. post hunc congressum Diazius in posterum ab illo abstinet. Maluenda interim datis literis ad sacrificum Caesaris, rem omnem exponit, & grauius uerbis monet, ut nascenti malo statim occurrat. cum haec literae redderentur, aderat Hispanus quidam, Marquina, qui Roma nuper uenerat. is intellecta criminatione coepit excusare Diazium, quem familiariter nouisset. paucis deinde post diebus domum redit, & Diazii fratri, Alfonso, iureconsulto, Romae, quid est sacrificio Caesaris audisset, recitat. Interim Diazius Ratisbona proficiscitur Nuburgum, quod est Ottonis Henrici Palatini principis oppidum, ad Danubium, xij. supra Ratisbonam milliariis. causa profectiois erat, ut cuiusdam libri, quem typographo Nuburgensi miserat excudendum Bucerus, emendationi praesset. Alfonso frater, excitatus oratione Marquinae, forte etiam literis quorundam, statim accingitur ad iter, & celeri cursu, primum Augustam, deinde Ratisbonam uenit, & ubi, quibus locis esset Diazius, cognouit, eò contendit, & admiranti causam aduentus tam subiti tamque insperati commemorat. post, eisdem prope rationibus & argumentis utitur, quibus ante Maluenda, quae Ratisbonae conuenerat. Cum id frustra faceret, pollicetur annuos census esse sacerdotibus, modo secum eat Romam. cum ne id quidem succederet, interpositis aliquot diebus, uictum se fatetur, et amare doctrinam euangelij simulat, & illum, ut relicta Germania, quae uiris doctis abundet, & ipsius opera non indigeat, secum in Italiam proficiscatur, ibi multis prodesse queat, hortatur: uenturos primo Tridentum: ibi multos esse magna eruditione uiros & iudicio praeditos, quibus gratissima sit ipsius futura consuetudo: post, ituros Romam, Neapolim, atque ita fore, cum ab ipso passim per Italiam multi rectius erunt inslituti, per eam occasionem haec doctrina in Hispaniam quoque propagetur.

Alfonsi  
cum Ioā-  
ne Dia-  
zio fra-  
tre actio



getur. itaq; rogat & obtestatur, ut in eo sibi morè gerat: *sumptum* 02 1 5 4 6  
 mnem & quicquid sit necessariū, ipse pollicetur. *Diazius*, magna per  
 fusus letitia, tum sibi tum illi gratulatur, & missis *Ratibonam* literis  
 ad *Bucerum* & alios, consilium illorum exquirat. ij rescribunt, & ne  
 comitetur eum, monent. *Alfonsus* ergò deiectus ea spe, rogat, ut saltem  
*Augustam* usq; *Vindelicorū* secum eat. Dum hoc agitur, uenit *Nubur*  
*gum Bucerus*, domum rediturus, ut supra diximus, & ne pedem illinc  
 efferat, hortatur. neque prius illinc ipse discedit, quàm *Alfonsus* abiisset,  
 quod fuit *Martij* die xxv. Sed pridie, quàm abiret *Alfonsus*, fratrē  
 humanissimè compellat, hortatur ad constantiam, & se beatum esse  
 prædicat, qui paucis diebus, ex ipsius colloquio tantum profecerit in  
 uera Dei cognitione: rogat, ut subinde sibi scribat, beneuolentiam o=  
 mnem promittit, & recusanti, xiiij. aureos obtrudit, atq; ita, profusis  
 utrinque lachrymis, discedit, & curru uectus, *Augustam* uenit, sex à  
*Nuburgo* milliaribus. Postridie, blandis uerbis & largitione remora=  
 tus aurigam, ut ipsum anteuertaret, idem iter, unde uenerat, ingredi=  
 tur, & in itinere cōparata securi, quam à fabro lignario fortè emerat,  
 xxvij. die *Martij*, prima luce *Nuburgum* uenit, & equis ante portam  
 relictis apud nuncium *Augustanum*, quem secum adduxerat, in oppi=  
 dum ingreditur, famulo sicario comitatus, & ad diuersorium fratris  
 accedit. Famulus, ne statim agnosceretur, tabellarij uestem pileumq;  
 sumserat, & præcedens ostium pulsat, deq; *Diazio* rogat, ad quem li=  
 teras habeat: intromissus, ascendit, *Alfonsus* autem ad infimos gradus  
 manet, obseruans, ne quis conatū impediret. *Diazius* expergesfactus,  
 quum à fratre nuncius adesse diceretur, prosilit è cubili, & pallio so=  
 lūm tectus atq; pileo nocturno, in proximum cœnaculum egreditur.  
 mox adest ille cum literis, easq; reddit. uix dum illuxerat: *literarum*  
*hæc* erat sententia. ualde se sollicitum esse de ipsius periculo: caueat  
 sibi diligenter à *Maluenda* & id genus alijs hostibus euangelij. Dum  
 ista legit *Diazius*, carnifex à tergo stans, occultatam sub ueste securim  
 totis uiribus illi in capitis partem dexteram infligit adusq; manu=  
 brium, sic, ut ille, subito perruptis omnibus organis cerebri, nullam e=  
 deret uocem. Percussor securim in uulnere defixam relinquit, et ilico  
 descendens, cū hero parricida statim ex oppido properat. Ibi conscen=  
 sis equis ante portam, quum incredibili celeritate *Bothmæum* uenisset

Io. Dia-  
 zius tru-  
 cidatur.

546 sent, quod est inter Nuburgum & Augustam, medio ferè itinere, oppi-  
 dulum, acceptis equis recentibus, quos ibi reliquerat, Augustam pe-  
 tunt. Cubabat in eodem cubiculo, cum Diazio, Claudius Senarclæus,  
 adolescens nobilis, Sabaudus. Cædes autem adeo fuit tacite facta, ut  
 is nihil sentiret, nisi tunc primum, quando sicarius per gradus descen-  
 dens edebat strepitum calcaribus. Ibi consurgens ille, quum in coena=  
 culum uenisset, miserum & acerbum offendit spectaculum. Huius  
 tam horrendi sceleris & inauditi fama statim Nuburgi diuulgata fuit,  
 & ex aulicis ministris nonnulli, qui Diazium amauerant, arreptis  
 equis, illos insequuntur: & cum Augustam uenissent, neq; reperirent,  
 domum redire statuunt, re desperata: sed ex ipsis quidam, etate uiri=  
 busq; præstantior, Michael Herfferus, maxima celeritate pergit, &  
 quum illi quodam in uico somnum caperent, ex itinere defatigati, præ-  
 uertit, ac citius quàm ipsi, uenit Oenipontem, & rem omnem magi=  
 stratui recitat: cumq; non multò post etiam illi uenissent, comprehen=  
 sos cædis atque parricidij accusat, & ad principem suum Ottonem  
 Henricum datis literis, omnia perscribit. princeps, ea re cognita, binos  
 è suis consiliarios Nuburgo iubet Oenipontem ire, qui causam agant.  
 Hi calendis Aprilis eò ueniunt, usi celeribus equis, & ne quis esset du-  
 bitationi locus, pileum nocturnum Diazij, securim adhuc cruentam  
 ac sanguine respersam, & literas ad eum fratris adferunt. Sed prius  
 quàm hi uenissent, concessum Alfonso fuerat, ut nonnullis de suo sta-  
 tu scriberet. Aprilis die secundo, legati Nuburgici, cum adissent ma-  
 gistratum, & rem omnem docuissent, ut supplicium sumatur de illis,  
 aut, si factum negent, ut subijciantur quæstioni, petunt. Ab his reiici-  
 untur ad alios iudices. quum eò uentum est, reis dantur aduocati: per  
 hos de die in diem res ducitur: tandem actores iubentur accusationem  
 exhibere Latine & Hispanice: postea Cæsaris dicuntur superuenisse  
 literæ, Ratisbonam euntis, quibus mandatum sit, ut ab actione desi-  
 stant: nam in comitijs uelle ipsum, quid rei sit, cum fratre cognoscere.  
 Cum aliud impetrari non posset, Otto Henricus & Palatinus elector  
 ab senatu Oenipontano postulant, ut reos Nuburgum certa cautione  
 mittant, ubi sit admissum parricidium: illi uerò per literas Cæsaris ex-  
 cusant. Quo tempore cædes facta fuit, Cæsar Spiram uenit, Ratisbo-  
 nam iturus, cum in itinere Bipontij fuisset, quod est Vuolfgangi Pala-  
 tini



lini principis oppidum: eius uxor, Lantgrauij filia, tum erat puerpe- 1 5 4 6  
 ra: Caesar autem inuifit, & benigniffimè collocutus, in gynæceum il- Caesar  
 lius dona distribuit: ipfi uerò dominæ, quòd ea dignum munus non ha inuifit  
 beret ad manum, Spira deinde mittit, quò sub exitum Martij uenerat. Lantgra  
 uij filiâ.

Lantgrauius erat monitus, uti fuprà diximus, per Nauium, ut in uia,  
 cum Cafare, Ratisbonam eunte, congregaretur: idem ei Granuellanus,  
 Februario mense nunciauerat, cùm efferet Traiecti Cafar ad Mosam.

Acceptis ergò fidei publicæ literis à Cafare, uenit Spiram: uenit etiam  
 Palatinus elector, & Wuirtembergici principis legatus, Gulielmus

Mafbachus. fuit hoc Martij die xxviij. Lantgrauius itaq; Cafarem a- Lantgra  
 nit ad Ce  
 dit, & priuatim cum eo per fuum cancellariũ locutus, ubi fui caufam facem.

aduentus & occasionem exposuit, non ex uno loco, nec è Germania  
 tantum, fed ab exteris etiam nunciatur, ait, potentiſſime Cafar, te, im=  
 pulſu pontificis, in ſocios Auguſtanæ confeſſionis malè animatum ef=  
 ſe. rumor etiam ſpargitur, quaſi Gallie regi perſuaſeris in actione pa=  
 cis, ut in ijs mulcandis opem tibi ferat: adhuc, Turcam abs te ſollicita=  
 ri de inducijs, ut eò commodius, quod propoſitum habes, perficias, i=  
 deoq; concilium indictum & inchoatum à pontifice dicunt, ut factis  
 ilico decretis, executioni res mandetur: huic autem famæ propè fidem  
 facit, & nos uehementer mouet inſtituta lis aduerſus episcopum Colo  
 nienſem, et mandatum illud graue, ſollicitantibus aduerſarijs in ipſum  
 editũ. Et ſanè, quoniam in Gallie regem atq; Turcam auxilia tibi tam  
 liberaliter dedimus, maiora quoq; facturi, ſicut Spiræ demonſtratum  
 fuit, quia plus etiam contulimus, quàm maiores noſtri facere conſue=  
 uerunt, quia de pace, deq; iure, tum Ratiſbonæ, tum Spiræ, prolixè no  
 bis cauifſi, omninò præter expectationem iſta nobis accidunt. Spera=  
 mus tamen, fore, priuſquam ex Imperij finibus excedas, ut religionem  
 ex uerbi diuini præſcripto, per nationis Germaniæ concilium deſiniri  
 facias, & ſi fortè componi diſidiũ non poſſit, tamen, quæ Spiræ pro=  
 miſſa nobis pax fuit, ut eã integrè ſeruari iubeas, ita quidè, ut nullius  
 uel cõcilij uel Imperij conuentus decreto mutari poſſit aut etiam tolli.

Cafar ad ea, per Nauium. uarios quidè ad ſe rumores allatos de ipſis, Cafar  
 reſpõdet  
 quaſi molirentur aliquid, ſed non habuiſſe fidè, præſertim, cùm ipſius Lantgra  
 ad Nauũ literas audiſſet recitari: multò minus nunc etiam illud crede uio.

re: quod de Gallie rege dixerit: eius nullũ adferri poſſe documentum:

15 4 6 pacem intercedere sibi cum illo tantum, nec aliud quicquam: esse morem illius gentis, ut temerè multa saepe iactent: de inducijs Turcam ab se interpellatum, Germaniæ causa potissimum: cum enim in plerisque comitijs de sumptus magnitudine querantur & populi tenuitate, uiam hanc sibi uisam esse cum primis idoneam, ut per tempus induciarum, de belli ratione in illum suscipiendi, deq; religionis compositio ne tractari possit: nihil tamen adhuc esse definitum, & fore, ut cum fratre sermonem de eo conferat: concilium, quod multis nunc annis ab se flagitarint, maximo suo labore iam esse congregatum: quicquid eius rei fecerit, optimo in rempublicam animo fecisse: quod autem secus nonnulli forsitan illud interpretentur, non rectè fieri: Coloniensem a manenter ab se tractatum esse, uerum ne minimam quidem moram actioni suæ uoluisse interponere: qui suis sit apparatus aut cogitatio belli, coram ipso uidere: præter familiares atq; amicos in suo neminem esse comitatu, nullas etiam ab se cogi manus: cur ipsum autem accersuerit, causam esse, quod pacis eum esse studiosum existimet: ideoq; petere, ut quomodo religionem pacari, uel quid à socijs obtineri posse putet, ostendat: quod si iam in præsentia nolit, daturum se consiliarios, quibuscum ea de re colloquatur. Ibi Lantgravius ipse uerba faciens, ad Germaniæ salutem, inquit, & ad retinendam inter te, Cæsar, ac ordines omneis amicitiam, si quid conferre possem, nulli certè labori meo sim parciurus, & hac in primis de causa huc ueni: cuperem sanè plures adesse socios, uerum id propter temporis angustiam fieri non potuit: Saxonie quidē elector longius abest, & Iacobus Sturmius ualitudine impeditur. credo equidem uaria tibi esse delata, sed profecto sic res habet, ut ad Nauium scripsi. Nullum enim est à nobis Francofurti contra te susceptum consilium, & id solum egimus, quomodo & in religione nostra permanere, & uim iniustam depellere possimus: de Gallie rege delatum ad nos fuit, quasi per Aureliani ducis affinitatem auxilia tibi rex aduersum nos promiserit: quod de inducijs Turcæ solicitares, mirati sunt homines prudentes, neq; leuè subesse causam putabant, præsertim, cum Gallie regem haberes pacatū: nunc uero, quia rei publicæ causa istud fieri dicis, equidem non habeo quod opponam: iam pridē enim opus habet, ut à sumptibus Germania recreetur: concilium flagitauimus quidem, sed liberum, pium, inq; Germania: cur

autem

Lantgravius oratio ad Cæsarem.



autem Tridentinum istud eo loco non habeamus, Vnormaciæ tibi de- 1 5 4 6  
monstrauimus abunde: nam exclusis idiotis, uti nos omnes uocant,  
episcopi & alij, qui sunt pontifici iureiurando deuincti, discernendi  
potestatem ibi soli obtinent: ut religionis componendæ rationem ali-  
quam ostendam, mihi sanè non est integrum, absq; sociorum interuen-  
tu, & utrinq; malam mihi gratiam esse paratam uideo: quò minus au-  
tem inter tuos atq; me sermocinatio aliqua fiat, sine præiudicio tamè,  
non recuso. Equidem in concilio nō multum habeo positum spei, sed  
provinciæ Germaniæ conuentum arbitror futurū non inutilem: nam  
sententijs atq; dogmate nimium adhuc à nobis reliqui populi dissidēt:  
in Germania uerò sic est comparatū, eoq; res deuenit, ut mutari non  
possit: nihil ergo potius est aut præstabilius, quàm ut liberam permit-  
tas in ea religionem, sic tamen, ut pacem omnes colant. Colloquium  
opinor optimo consilio institutum abs te Ratisbonæ. sed ab ijs qui in-  
terfuerūt, accipio, monachos ibi quosdam esse uirulētos, qui dogma-  
ta superioribus annis eodem loco conciliata rursus in disputationem  
adducant, & uita quoq; tam sint impuri, prorsus ut nihil ab ijs expe-  
ctari possit. Colonienſis archiepiscopus, haud dubiè uir bonus est, &  
quicquid huius rei facit, ex officio sese facere arbitratur, præsertim,  
cū Ratisbonenſis comitijs decretū, ecclesiæ reformationē ei mandet:  
eam uerò, quàm fieri potuit, moderatiſsimè conſcribi inſit, & neces-  
ſaria tantum ſuſtulit, & in ſacris bonis minimum immutauit. Liber  
autem ille cum ſacra ſcriptura congruit, & habet ueterum doctorum  
teſtimonia, Tertulliani, Auguſtini, Ambroſij, & aliorum, qui proxi-  
miores ætati fuerunt apoſtolorū: ſi qua uis igitur ei propter hanc cau-  
ſam intentetur, id cautionis loco futurū ſit alijs, qui multò plura mu-  
tarunt. Tum Ceſar, actionē Francofurtenſem ſuo ſe loco relinquere:  
nō ſe fidē ijs habuiſſe quæ delata ſint, neq; ſanè cauſam dediffe, quam-  
obrem ita fiat: nunc ipſius etiam ſermone ſibi amplius ſatisfieri: con-  
ciliū eò ſe procuraffe, ut & reipublicæ prodeſſet, & qui ſunt ibi pa-  
tres, ultro ſe ſe reformarent ipſi: neq; ſui eſſe propoſiti, ut ſi quid ibi  
decretū ſit, conſeſſionis Auguſtanæ ſocijs idcirco uis ulla fiat: hac etiā  
ipſa de cauſa Ratisbonæ colloquium inſtitutum eſſe, cuius initiū qui-  
dem fuerit egregium, modò eſſet facta progreſſio: Colonienſem, eſi  
promiſerat uelle ſuperſedere atq; diſſerre, progredi nihilominus, &

Reſpon-  
ſio Ceſa-  
ris ad  
Lant-  
granium

§ 46 cogere homines ad suum institutum: Ratisbonæ factum esse decretum, ut suas ecclesias episcopi reforment, non autem illis permissum, ut nouam fidem atq; religionem introducant: deinde et hoc additum, ut emendationis formulam concipiant, & post in altero Imperij conuentu cognoscendam exhibeant: illum etiam ecclesiæ ministris atque pastoribus ordinarijs remotis, instituisse nouos: adhæc, impedire Canonorum facultates atq; uestigalia, sibiq; partem aliquam ex ijs uel le decidi, & acerbis edictis rem agere, sic quidem, ut patrocinium & opem suam implorante clero, necesse habuerit, pro suo munere, quod gerat, contrarijs mandatis illum cohercere: ut autem colloquium inter ipsum atq; consiliarios, minimè sit captiosum, sibi placere. Lantgrauius ad ea, quod ita sis in Germaniam meosq; socios affectus, perucundum inquit, est mihi, Cæsar amplissime, Deumq; precor, ut in eo perseueres. Ac sanè, si, quæ uales ingenij præstantia, rem omnem bene consideres, ac tecum perpendas ipse, quantas tibi tuisq; regnis atque prouincijs commoditates adferat Germania, reperies nihil esse potius, quàm ut te, suo præcipuo magistratu latentur omnes ordines, & tu uicissim illis utare beneuolis & officiosis. Nam certè, si Germaniā debilitari contingat, tuo sit hoc inprimis incommodo maximo futurum: quæ tua sit etiam de concilij decretis mens atq; uoluntas, percipide audiuit: sed ut illi sua reforment ipsi, uereor, ut id sperari possit: etenim & pontifici deuincti sunt, & soli decernunt, & quanquam emendatione cumprimis opus habent, tamen illam sibi minus utilem, & prouentibus annuis detrimentosam esse uident: in colloquio Ratisbonæ uereor ut rectè ac ordine res geratur: nam & actionis exempla denegantur, & initio nõ fuerunt permissi nostris tabelliones atq; scribe. De Coloniensi res habet, ut antè dixi: quia pastor est, cupit bonum atq; salutare pabulū suis ouibus proponi: putat hoc sui esse officij: cōscribi iussit igitur eius rei formulam: & qui nunc sunt eius aduersarij, fuerunt initio reformationis auidi, Gropperus inprimis: nunc, postquam eò uentū est, recusant & tergiuersantur. Hic Cæsar interpellans, ah, quid reformet, inquit, bonus ille uir: latina uix tenuiter attingit: per omnē uitā treis tantum Missas peregit, quarū ipse duas audiuit: non tenet initia. Sed diligenter euoluit libros Germanicos, ait ille, & quod certò noui, religionē intelligit. Cæsar inuicem: reformare,



non est aliā inuehere fidē aut religionē. Nec ille fatetur, ait Lantgrauius, nouam ab se religionē esse receptā, sed ueterē illam, à Christo nobis relictam & apostolis, redintegrari: quòd nonnullis ecclesiæ pastoribus remotis, præfecit alios, ad ipsius curam istud pertinet. nam si minister sit uel impure uitæ uel indoctus, episcopi certè est, illi summittere qui sit idoneus: passim in ditionibus episcoporum multæ uacant ecclesiæ, quod possum affirmare, destitutæ pastoribus, ubi populus nulla neq; doctrina pascitur, neq; regitur disciplina, sed pecudū more uitā agit & barbaram & dissolutā. quòd cleri facultates interpellat, hanc rationē habet, quoniam in bellū Turcicum et Gallicum auri uim maximam impendit. est autē Imperij moris, ut magistratus hoc nomine suis pecuniam imperent: nullam ergò reprehensionem istud mereatur: quod autem religionis hoc eum causa facere uulgò fertur, id ad ipsius inuidiam excogitarunt aduersarij. Postridie, apud Palatinum electorē cōueniunt Lantgrauius, Granuellanus, Nauius, Masbachus. ibi Nauius initium sermonis facit, & heßerni colloquij cum Cesare partē aliquam recitat, & quamobrē iam conuentum sit, exponit, & quā sit cōcordiæ Cesar cupidus, ostendit, et quum eo nomine colloquium esset institutum Ratisbonæ, theologos illinc abiisse dicit. Tum Lantgrauius, de illorū abitione sibi nihil adhuc cōstare: sed ad Saxoniā atq; se perscriptū esse, quā incōmodæ sint ipsis propositæ conditiones, quando nec initio scribas adesse, nec actionis exemplum exhiberi, neq; domum aliquid enunciari præsides uoluerunt: audire etiam, quā agant immodestè monachi collocutores, qui & dogmata pridē ibi conciliata rescindant, & concordiæ spem omnē adimant, & illaudatis uitæ exemplis homines offēdāt: an idcirco sui discesserint, re desperata, nondum sibi esse compertū: se quidē illos non reuocasse. Hunc sermonem Granuellanus excipit, & de Cesaris præclara uoluntate studioq; pacis nonnulla præfatus, illud de colloquij cōditionibus partim excusat: quòd autē uetiti sint domum aliquid nunciare, Cesaris iniussu factum esse dicit. Ibi Lantgrauius, ut ijs omiſsis ad rem præsentem ueniatur, hortatus, illud, ante annū secundum Spire factū de pace, deq; iure dicundo decretum, laudat, & pacificandæ religioni, prouinciæ Germaniæ concilium inprimis aptū esse docet, & quoniam Itali, Hispani, Galli, tantopere à Germanorū dogmate dissideant,

gene=

Principum aliquot colloquium.

1546 generalis, uel, ut uocant, œcumenici concilij non magnum usum esse  
 futurum censet: uerum utcunq; res cadat, & ut conciliatio nulla fieri  
 possit, colendam tamen esse pacem, & Spirense decretum minimè tol-  
 li oportere demonstrat: religionis enim eum nunc esse statum per Ger-  
 maniam, ut si quis eam opprimere conetur, infinita sint hominũ tru-  
 cidanda millia. quod & maximo cum Cæsaris detrimento, quem Ger-  
 manie uires auxerint, & aliarum gentium, quæ nobis infestæ sunt,  
 Turcarum imprimis, letitia summa futurum sit atq; compendio. Spi-  
 rense decretum, tempori fuit accommodatum, ait Granuellanus, neq;  
 per Cæsarem stetit, quo minus ualeret: quis autem contrà fecerit, non  
 est obscurum: in priuatis nationũ concilijs uitiorum est facta semper  
 atq; morum emendatio tantum, de fide autem atq; religione, uerbum  
 nullum: iam uerò plena sunt omnia dissidijs atq; sectis, quando de fide  
 nō idem sentiunt omnes: ad disceptationem igitur hanc non Germa-  
 ni tantum, sed reliqui etiam omnes populi Christiani nominis perti-  
 nent: theologi plerique sunt homines morosi, difficiles, obstinati, qui  
 buscum expediri causa non possit: adhibendi sunt igitur uiri princi-  
 pes & optimates, & media quædam est dogmatum inueniendæ ratio:  
 ne uos quidem ipsi liberam permittitis religionē: nam qui diuersum  
 sentiunt à uobis, carcere mulctantur atque pecunia: cum uerò concor-  
 diam Cæsar imprimis expetat, non ei licet, quod impium sit, largiri:  
 nam si promiscuæ multitudini permittantur omnia, ne magistratus  
 quidē in tuto sit futurus. Imprudenter facio, quod de tantis rebus, ait  
 Lantgrauius, absentibus socijs uerba facio: uerū tamen, quia res non  
 agitur captiose, pergam. bono equidem animo Spiræ factum illud à  
 Cæsare decretū arbitror, & cum aduersarij uelle se tolerare illud tunc  
 promiserint, non est quod iam reclamet: deinde, quia Cæsari firma  
 dedimus in Gallie regem auxilia, fore speramus, ut quod tunc et com-  
 probatū fuit & sigillis obsignatum, minimè uioletur: porrò nationis  
 concilium nihil est quod remorari debeat: nam eandē, quàm apostoli,  
 quam concilium Nicenum, quam Athanasius, fidem profitemur, &  
 de summis atq; præcipuis dogmatis conuenit nostris theologis: de cœ-  
 na domini sunt quidem inter eos contentio, uerum ea nunc est cōsopi-  
 ta: nemo enim est, qui nō fateatur ibi corpus atq; sanguinē Christi ue-  
 rè percipi: sunt anabaptistæ, sunt Davidici et nescio qui præterea, sed



in hos animaduertimus: non igitur opus est, ut exteræ gentes etiã ad- 1 5 46  
 sint, cùm hæc definientur. quanquam, si ueritatis cognitioni sese da-  
 rent, optabile cumprimis esset: ut media quædã dogmata statuatur,  
 & quidem à magnatibus, non admodum repugno, sed absq; theolo-  
 gis illud uix posse fieri puto: quòd si pura euangelij prædicatio, & in-  
 tegra cœna Domini, & ministris ecclesiæ permittatur coniugium, ut  
 Baphnutius olim in concilio suasit, stabiliri posse concordiam arbi-  
 tror: ad religionem nostram ubi ui cogantur homines, locum nullum  
 scio: diuersam quidem aut uariam in eodem loco doctrinam non pati-  
 mur, uim autem nemini facimus, nec occidimus quenquam, neq; [po-  
 liamus bonis: quod si uestris in sinibus nostræ religionis homines es-  
 sent inuiolati, suaq; templa separatim haberent, ego sanè, ut pro me  
 tantum loquar, idem uestris per meam ditionem atq; fines permitte-  
 rem: sed quoniam id à uobis minimè conceditur, nos etiam æquabilè  
 et eandem esse cupimus ubique doctrinam: quod ergò de Spirensi de-  
 creto, deq; Germaniæ concilio dixi prius, idè nunc etiam optimū esse  
 duco. Si quis omnium est, inquit Granuellanus, qui religionem amet,  
 is profectò Cæsar est, inq; gratiam pontificis ne tantillum quidem ab  
 æquitatè deflectet: Spirensè quoq; decretū, magna cum alterius par-  
 tis, nec sine pontificis etiam offensione seruauit: sed & Nauius & ego  
 non mediocrem hoc nomine sustinemus inuidiam: in concilio natio-  
 nis equidem nescio qui sit futurus iudex: nec enim eodem modo scri-  
 pturam intelligunt omnes: & quoniam in colloquio parum uidetur  
 esse spei, rationes aliæ profectò sunt inueniendæ: conciliata quidè ali-  
 qua sunt dogmata, sed rursus multa sunt adhuc controuersa: deinde,  
 conciliata plenius & amplius interpretatur Bucerus, quàm res ipsa  
 patitur: quòd si iam in eo permaneat, qui sit tandem Imperij status  
 futurus, faciliè iudicari potest. Pergratū est, ait Lantgrauius, quòd Cæ-  
 sare à pontifice minimè pendere dicis: atque utinam ille pontificem  
 ad officium adducat: episcopi Romani Cæsarem olim pro magistratu  
 summo colebant, nunc autem illis iureiurando sunt deuincti Cæsares:  
 in omni disceptatione, iudicij summa meritò defertur uerbo Dei,  
 quòd minimè est obscurum, modò sese mens hominum accommodet.  
 nam & peccatū nobis ostendit, & ad pœnitentiam uitæq; nos emen-  
 dationem inuitat, & Christum nobis proponit, qui mundi peccata su-  
 stulit,

15 46 stulit, in cuius etiam nomine Deus est inuocandus, ut spiritum suum sanctum nobis largiatur: hæc nimirum fides atque doctrina semper extitit, & in ecclesia Dei permansit, uti precatio Dominica, & symbolum apostolorum, & multe præterea cantiones, in ecclesijs usitate, de beneficio Christi, demonstrant: neq; uerò considerandum hic est, quid maxima pars opinetur, sed quid uerum sit. nam & Hierosolymæ, cum ex apostolis atque discipulis pleriq; uellent gentes promphanas, quibus erat annunciatum euangelium, circumcidi, Petrus tantum, & Paulus, & Iacobus atque Barnabas, contra senserunt, & errore commonstrato, iugum illud legis abrogarunt. quo quidem tempore, maxima pars eius conuentus, paucorum iudicio, quod rectum erat, cessit & obtemperauit. Nos quidem alijs populis minimè præscribimus, uerùm id modò cupimus, ut Germanis inter se conueniat. De medijs rationibus ut agatur, ferre quidem possum, sic tamè, ut à Spirensi decreto non recedatur, quantum ad pacis atq; iuris constitutionem pertinet: in cæteris autem uidendum est, quid per uerbum Dei statuere liceat, quid non. sed Palatinum etiam uelim, propinquum & necessarium meum, quoniam is & plurimis interfuit comitijs, & res anteactas nouit, in medium aliquid adferre. Tum ille, de Cæsaris optima uoluntate locutus, Ratisbonæ colloquiū rectè fuisse inchoatum, & si repetatur, quæq; conciliata sunt dogmata, non disputentur amplius, putare se dicit de reliquis posse tolerabiliter conuenire. Cōcordiam, inquit Granuellanus, ualde Cæsar expetit, ut ante non semel dictum est: ea nisi constituatur, incommodo certè reipublice fiet: & quanquam ex Imperio ne tantillum quidè habet emolumenti Cæsar, etsi ualetudine quoq; sit minus firma, tamen Germaniæ causa, profectionem hanc suscepit: cum Galliæ rege uel cum alijs nihil habet occulti consilij, neque uenit auxilia petiturus, uerùm ut in commune consulat omnibus. Cogunt manus atque copias tum Gallus tum Britannus, quod ualde suspectū est: deinde, propter mortem nuncius habet quod in Hispanijs agat Cæsar: uerùm his omnibus postpositis, ad comitia tendit. quod si nulli ueniant eò principes, quid solus efficiat? clamatur subinde & imploratur eius intercessio, neque tamen ad locum deliberationi constitutum, uenitur: rectè igitur erit, si tu Palatine, tuq; Lantgraue, qui facili es tibi primi, uos eò conseratis.

Etiam si



Etiam si forte non ita multum, ait Lantgravius, ad Caesarem ex Impe- 1 5 4 6  
rio redit, tamen, quod & in Turcam & Galliae regem & in alios ei  
dantur auxilia, quod Imperij dignitas haec authoritate ei summam ad  
ceteros reges conciliat, quod copias perpetuo conscribere, et exerci-  
tus maximos in Germania conficere potest, quum id ceteris non liceat,  
quanti id esse putabitur? Aduersarij multo magis quam nos, clamant,  
neq; tamen sanis consilij acquiescunt. nos enim & decretum Spiren-  
se probauimus, & ante annum quintum Ratisbonae conciliata dogma-  
ta postulauimus in acta referri, colloqui etiam postremi rationes o-  
mnibus aequas admisimus: illi contra, nihil horum receperunt, nec ad ul-  
las condiciones accedunt: imo, Vuormaciae, publica testificatione col-  
loquium recusarunt. Iam, ut ego Ratisbonam me conferam, fieri cer-  
te non potest, propter sumptuum magnitudinem: est etiam luti aliquid  
electori Saxoniae cum Mauricio: quod cum ab utriusq; consiliarijs com-  
poni non possit, ad me reiectum est, et ut componatur, permagni referri:  
legatos tamen ad comitium amplis cum mandatis mittam. Sic dimis-  
so conuentu, Nauius, aliquot post horis redit ad Lantgraviu: ait Ca-  
sari placere colloqui hodiernum, & ut Ratisbonam ipse ueniat, ite-  
rum urget, simul exquirat, an Caesarem eo die sub uesperum denuo con-  
uenire uelit: non abnuat ille, cumq; uenisset, per Nauium Caesar ei gra-  
tias agit, primum, quod eo uenerit, deinde, quod ipsum atq; Palatinum  
uideat esse cupidos concordiae: ceterum, collocutores existimare se  
Ratisbonam esse redituros: id si non fiat, se rursus illos uelle conscri-  
bere: sed interim petere, ut ad comitium ipse ueniat, si non initio, sal-  
tem ad exitum: se uidelicet rebus omnibus posthabitis, in Germania  
totum nunc uersari triennium, ut eam pacare possit. Ad ea Lantgravius,  
de collocutorum habitu nihil sibi constitisse prius, & hodie primum au-  
disse, causas etiam, cur id factum esse putet, recitasse: quod si iam ipse pe-  
tat, suisq; socijs uisum fuerit, ut diuersae partis iude theologi reuertan-  
tur, suos etiam non emanfuros: ut autem ipse contendat eo, non sibi esse  
integrum, quod magnos in Brunswicensi bello sumptus fecerit, quod  
filiam nuper elocarit, quod inter Saxoniae duces arbiter esse debeat,  
quod non nisi magno cum comitatu sibi proficiscendum sit. quod a Brun-  
swicensis captiui socijs periculum suis finibus, per suam absentiam in-  
cumbat. Tum Caesar, sui minimè consilij, ut ipsum ullo non necessariò  
sum-

Caesar  
Lantgra-  
uium mo-  
net, ut ad  
comitia  
ueniat.

1546 sumptu grauet, sed petere inprimis ut ueniat, quod ipsius presentiam  
 actioni toti ualde profuturā, & fore putet, ut et Saxones & alij sic ex-  
 citentur: neq; uerò esse quod ab Henrici socijs aliquid metuat: nec e-  
 nim tantas illorum esse uires, & ut aliquid conentur: se tamen inter-  
 uenturum, nec ut quietem publicam & ociū aliquis interturbet, per-  
 missurum esse. Lantgrauius, repetitis iterum causis nihil se polliceri  
 posse, legatos tamen ait missurum, qui paci studeant: quod si autē per  
 omnia morem ei gerere uel gratificari non possint, orare, ne molestē  
 ferat, sed cogitet nulla id obstinatione uel malicia fieri, uerū metu  
 numinis diuini: nam & perbreuem ac incertam esse huius lucis usurā,  
 & de perpetuitate cogitandum esse. Caesar iterum de suo studio locu-  
 tus, negotium illud Saxonicum differri posse: ueniat igitur, nec ulla re  
 sese patiatur impediri, fore, ut præsens ipse consultor sit & author so-  
 cijs, quo sese tractabiles præbeant, & ut cōmodum fiat actionis ini-  
 tium. Posthæc, Lantgrauius conquestus de nonnullis, quorum opera  
 sit usus Henricus Brunswicensis, rem omnem actam, & quomodo sit  
 ille captus, breuiter exponit, & ab illis iniuriam sibi fieri Mauricioq;  
 dicit: esse uidelicet homines leues, & natos excitadis turbis: in his Fri-  
 dericum Spedium heri sibi nunciasse, quod si uellet audire, patefactu-  
 rum quæ nunc agitentur occulta quædam & artificiosa consilia: sed  
 quod homini minimē fidat, eius repudiato colloquio, nunciasse, ut  
 quæ coram esset dicturus, per scripta sibi mittat. Cum hoc Lantgra-  
 uius diceret, admodum Spedio Caesar succensuit: his ergo commuta-  
 tis inter eos uerbis, Lantgrauius peramicē dimissus à Cesare, discedit,  
 Heidelbergam profectus, inde domū. Caesar autem rectā contendit Ra-  
 tisbonam: & illis ipsis ferē diebus, nimirum ad calendas Aprileis lega-  
 ti protestantiū Vuormaciæ conueniunt, de summa rei consulturi: quia  
 uerò benignē Caesar Lantgrauū ab se dimiserat, illi, acceptis à Lant-  
 grauiō literis, qui rem actam interea cum Saxone communicauerat,  
 Aprilis die xxij. discedunt, ut Ratisbonæ, quo proficiscendum erat  
 alioquin ad comitia, de his ipsis rebus deliberent. Hoc in conuentu  
 Rauesburgenses in protestantium fœdus uenerunt. Aprilis die octa-  
 uo, tertius fit Tridenti confessus patrū. ibi ueteris atq; noui testamēti  
 libri recitantur, & sacrosancti esse iubentur, nulla ipsorū omīssa par-  
 ticula: uetus autē & illa uulgata Bibliorum uersio sola iubetur in tem-

Cesar  
 uenit Ra-  
 tisbonā.

Tertius  
 confessus  
 Tridenti.

plis



plis atq; scholis obtinere locū: statuitur etiam, ne quis ad suum captū  
 atq; sensum interpretetur sacram scripturam, sed ut ecclesiæ consen-  
 sum atq; patrum in eo sequantur omnes: adhæc, librarijs, ne quid ex-  
 cudant aut distrabant, nisi de consensu præsulis ordinarij, mandatur:  
 deinde, ne quis ad ludicra, fabulosa, uana, uel ad superstitionem atque  
 ueneficia seu famosos etiam libellos utatur sacre scripturæ sententijs  
 atq; locis, edicitur, & futuro confessui dies ad decimum septimum Iu-  
 nij diem designatur. Aderat tum Cæsaris legatus, Franciscus Toleta-  
 nus, et cum in Cæsaris laudem multa dixisset, explicasset etiam, quā-  
 fuerit iucundus ille dies Cæsari, quo conciliū pontifex inchoauit, Di-  
 daco Mendociæ, qui febri correptus Venetias ad pristinam legationē  
 redierit, se datum esse collegam, demonstrat, & operam suam profes-  
 sus, Deum esse rogandū dicit, ut hanc pontificis atq; Cæsaris cōsensio-  
 nem tam ptam, tamq; salutarem reipublicæ perpetuam esse uelit, quō  
 uidelicet emendatis uitijs, et noxijs herbis reuulsis, pristinā suam cul-  
 turam ager domini recipiat. Ad undecimū Aprilis diem, pontifex, per  
 Hieronymū Franchū, quem tunc in Heluetios remittebat, dat literas  
 ad Sedunensem & Curiensem episcopos, & quosdā ijs locis abbates,  
 totius orbis Christiani procures ecclesiasticos, ad concilium generale  
 Tridentinū ab se uocatos: æquū autem esse, ut ipsi, qui ecclesiam Hel-  
 ueticam repræsentant, inprimis eō ueniant, nam eius nationis populū  
 ualde sibi præ cæteris esse charum, quōd sint tanquam peculiare filij  
 sedis apostolicæ, & libertatis ecclesiasticæ defensores: uenisse iam Tri-  
 dentū ualde frequentes episcopos ex Italia, Galijs, Hispania, & auge-  
 scere quotidie numerum: itaq; non esse decorum, ipsis qui sint uicini,  
 longinquiores præuertisse: gentem ipsorum esse non parua sui parte  
 contaminatam hæresibus, eoq; magis indigere concilio: tarditatē igitur  
 istam diligentia nunc resarciant, et mox eō se cōferant, omni post-  
 posita mora, nisi pœnam, legibus præscriptam, & neglecti officij neq;  
 præstitæ obedientiæ crimen incurrere uelint, quam quidem obedi-  
 tiam per iusiurandū sibi promiserint: cætera dicturū esse legatum, &  
 orare ut ei fidem habeant. Clerus et academia Colonienſis litem suam  
 aduersus archiepiscopum magno studio Romæ exercebant. Itaq; pon-  
 tifex, Aprilis die decimo sexio, lata sententia, illum, quōd suæ salutis  
 immemor, contra regulas & doctrinam ecclesiasticam, & apostolo-

Cæsaris  
legatus  
in concilio.

Pontificis  
literæ ad  
episc. Hel-  
ueticos.

Archiep.  
Coloniæ.  
à Papa  
excom-  
unicatus.

1546 rum traditiones, contra Christianæ religionis consuetos in ecclesiis ritus atq; ceremonias, contra Leonis decimi censuram, aduersus Lutherum atq; socios editam, non uno modo peccarit, ab ecclesiæ communi-  
 one submouet, et archiepiscopatu cæterisq; sacerdotijs omnibus & privilegijs & facultatibus priuat, & ipsius ditionis populo mandat, in uniuersum, ne deinceps ei pareant, iusiurandum etiam, quo sint ei deuincti, remittit, eiq; silentium imponit, & ut sumptum luis aduersæ parti resituat, edicit. Erant adiuncti Colonienfis, Leodinus & Vatricensis episcopus, & academia Louanienfis. ea sententia Romæ post excusa fuit typis, Augusto mense. Cæsar, ubi Ratisbonam uenit, & præsidum colloquij sermone cognouit de re tota, molestissimè tulit theologorum abitionem, & dimissis in Germaniam literis, admodum de eo queritur, & principes, ut ipsi ueniant, grauissimis uerbis hortatur. A protestantibus legati solùm uenerunt: aderant autè Mauricius, Ericus Brunswicensis, Ioannes & Albertus Brandeburgici, Tridentinus, Augustanus, Bambergicus, Vuirzburgensis, Passauensis, Hildessemius, episcopi sub exitum Maij Ferdinandus quoq; rex eò uenit. Altera die Iunij protestantes adeunt Cæsarem, queruntur de cæde Diazij, & de parricida supplicium sumi postulant. Cæsar cum fratre deliberaturum sese: Ferdinandus etiam interpellatus, eodem modo respondet. protestantibus aderant Palatini, Colonienfes, Monasterien-  
 ses, Noribergici, Ratisbonenses ac Norlingenses legati. Tertio post die, Cæsar conuocat omnes ordines, & indicti causam conuentus exponit. ipsis constare, quemadmodum Imperij causæ, longè sanè grauius, comitio superiori Vuormaciæ, propter plurimorum absentiam expediri non potuerint: ad hunc itaq; conuentum rem fuisse dilatam: quò minus autem ad constitutum diem, nonas Ianuarij mensis, ipsæ uenerit, factum esse, partim ob infirmam ualeitudinē, partim, quòd colloquium esset inchoatum opinione tardius: habuisse quoq; rationem temporis & hyemis asperrimæ, nec ipsos ullo non necessario sumptu uoluisse grauare: & quanquam domi satis esset quod ageret, tamē ingressum iter, omnium primum huc uenisse: quod sanè præter expectationē sibi prorsus acciderit: nam exemplo suo debuisse reliquos etiam priuatis negocijs antetulisse rempublicam: confidere autem fore, ut qui ualeitudine nō sunt impediti, ueniant etiamnum, reliqui uerò le-  
 gatos

Cæsaris  
 actio Ra-  
 tisbonæ.



gatos mittant cum plenis mandatis: porro, Vuormaciæ fuisse designa-  
tum colloquium doctorum, cuius quidē sit factum initium, & omni-  
nō putasse, futurum, ut postquam ipse cæteriꝑ; principes huc uenif-  
sent, & collocutores reperirent huic rei uacantes, & quid inter ipsos  
actum esset, cognoscerent: nunc autem scire ipsos atque uidere, quem-  
admodum absq; fructu sit dissolutum & abruptum colloquium: cum  
autem ipse uehementer cupiat pacare Germaniam, dissidio sublato re-  
ligionis, petere, ut quid amplius in eo faciundum esse putent, sibi com-  
municent, ut pro suo munere officioꝑ; statuere demum aliquid utili-  
ter possit: adhæc, quoniam Imperij summa necessitas postulet, ut Ca-  
mere iudicium restituatur, et uerò, quemadmodum id fieri debeat, le-  
gibus iam antea cautum sit, postulare, ut qui eius rei ius habent, exhi-  
beant ac repræsentent assessores, et impensam omnem faciant, neq; se,  
qui maximum Imperij causa sumptū sustineat, præterea grauent: nam  
ut legibus atq; iudicio careat Germania, rem esse et illaudati exempli  
nec ullo modo posse excusari: deliberationē etiam de inferendo Tur-  
cis bello, in hoc tempus esse reiectam, sed anno superiori Gallie regem  
sibi nunciassse, de inducijs impetrandis esse spem, ad eamq; rem procu-  
randam suum studium & operam esse pollicitū: & quia non ita pridē  
auxilia sibi dederint ordines, annona quoq; multis in locis nō respon-  
deat expectationi, uisum sibi fuisse Germaniam esse nonnihil recrean-  
dam, ut, cum opus erit, tolerare sumptum possit: itaq; per intercessio-  
nem Gallie regis egisse cum Turca, et unius anni pactas esse inducias:  
cū autem illæ iam ad finem Octobris exeant, & alioqui nō uno mo-  
do uiolentur, sicut à Ferdinando rege fratre accipiat, & qui sit futu-  
rus euentus, non constet, omninō se arbitrari, futurum, ut cū res ita po-  
scet, illud, quod de auxilijs antea polliciti sunt, præstent: se uicissim,  
quod ad tutandum Imperiū pertineat, nihil non esse collaturū & opis  
& consilij. Solent electores communicare consilia: sed hoc tempore  
Moguntini et Treuirenses legati secessionem faciunt à Colonien-sibus,  
Palatinis, Saxoniciis, Brandeburgicis, & ad pontificios transeunt, &  
re deliberata, conciliū Tridentinum approbant, & Cæsarem, ut illud  
tueatur, & protestantibus persua-deat, hortantur, quò nimirum & cō-  
ueniant, & synodi decretis atq; cognitioni se submittant. Protestan-  
tes uerò Cæsarem orant, ut firmam pacem & æquabile ius consituat,

Diuisio  
inter Ele-  
ctores.

154 *ut religionem legitimo Germaniæ concilio uel imperij conuentui, uel colloquio doctōrum, certis legibus instituendo, permittat: Tridentinum etiam hoc concilium non illud esse, quod in imperij conuentibus decretum sit atq; promissum, demonstrant. Dum his de rebus delibatur, eccefama spargitur, à Cæsare & Ferdinando & pontifice maximos fieri bellicos apparatus. Nam quia pacem Galliæ rex cum Cæsare colebat, et inducias in hunc annum Turca largitus erat, idoneum hoc uidebatur esse reigerendæ tempus. Episcopi quidam & sacrificus Cæsaris magnum inter alios huc attulisse momentum dicuntur, à pontifice nimirum subornati. Cum ergo belligerari Cæsar omnino constitisset, nona die Iunii Tridentinum cardinalem celerrimo cursu Romanam mittit cum mandatis ad pontificem, auxilia promissa conquirendi causa. Biduo post, centuriones omnes, tribunos atque duces cum pecunia dimittit, ut è uestigio delectus habeant. Burenſi Comiti Maximiliano iam antè mandauerat, ut quantas omnino posset equitum peditumq; copias, per inferiorem Germaniam conduceret. Albertum etiam & Ioannem Brandeburgicum & ordinis Germanici magistrum, Vuolfgangum iubet conscribere equitatum: nam duo illi, quanquam erant religionis, & Ioannes quidem etiam fœderis protestantium, tamen, quod Cæsar, non propter religionem, sed quorundam rebellionis ulciscendæ causa bellum suscipi diceret, suam illi operam addixerant: et erat Ioannes, Henrici Brunswicensis captiui gener, ut sæpe diximus. His rebus commoti, deq; communi Germaniæ periculo solliciti, protestantium legati, reliquos Imperij ordines, ut Cæsarem unà secum adeant, belli deprecandi causa, rogant: uerum id frustra fuit: inprimis autem Moguntini recusabant, & Treuirenses. Lantgrauius, qui diligentissimè peruestigare et omnia, subinde missis Ratisbonam literis, quid comperisset, & quid diuersis ex locis ad se delatū esset, nuntiabat, & ut equitum cohortes aliquot, iam ante propter belli suspicionem conductæ, retinerentur amplius, & nouæ conscriberentur, monebat. Illi uerò, quod Cæsaris postulata, nihil hostile, sed summam lenitatem studiumq; pacis præ se ferrent, nullum eo quidem anno, bellum esse futurum putabant: cum autem ipsa res declararet, non esse uanum rumorem, cum iam non in Germania tantum, sed per Italiam quoque manus cogerentur, Hispanorum etiam aduentarent copie,*

Fama  
belli in  
Protestan-  
tes.

Lantgra-  
uij saga-  
citas.



pie, Iunij die xvi. Cæsarem adeunt, & quia sint plena omnia motibus  
 bellicis, num ipsius hæc fiant imperio, sciscitantur: cū enim nec in Tur  
 cam, nec in externum ullum principē aliquid ipsum moliri sama sit,  
 mirari, quorsum iste pertineat apparatus. Aderant eis Colonienses ac  
 Palatini legati. Cæsar ad ea per Nauium, qua charitate sit Germaniā  
 complexus, inde ab inito magistratu, et quā fuerit perpetuò studio=  
 sus pacis, nihil opus esse recitare: nunc etiam eiusdem se uoluntatis es  
 se, nec aliud habere sibi propositum, quā ut concilientur ordines, &  
 pax atq; ius per Imperium ualeant, in eo qui sibi paruerint, eos omnē  
 ab se beneuolentiam expectare iubet, qui secus facient, in hos pro iure  
 & autoritate sua sibi agendum esse dicit. Postridie, datis literis ad  
 plerasq; ciuitates foederis protestantium, inprimis ad Argentinenſes,  
 Noribergicos, Augustanos, Vlmenses, non dubito, quin uobis, inquit,  
 abundē constet, quā chara mihi semper fuerit Germania, communis  
 omnium patria, quantos etiam subierim labores, & sumptus fecerim,  
 non absq; regnorum meorum maximo dispendio, ut graue illud & pe  
 riculosum religionis disidium componeretur, qua quidem in re nul  
 lum meum captauī priuatum emolumentum, sed id semper operam  
 dedi, ut sublatis offensionibus, pace Germania frueretur: hoc enim  
 decreta testificātur, à me subinde renouata, tametsi quidam secus hæc  
 interpretantur, & falsō mihi diuersum attribuunt. In hac etiam mea  
 reipublicæ administratione, ciuitatum salus mihi semper curæ fuit, ne  
 uidelicet à quibusdam opprimerentur, qui datam occasionem atque  
 facultatem eius rei perficiendæ, non erant neglecturi, quod etiam uos,  
 ex rebus antea actis, pro uestra prudentia non semel animaduertiſſe pu  
 to: iam, licet à quibusdam uaria sæpe tentata sint in uestrum & reli  
 quorum ordinum & meum quoq; detrimentum, tamen, quod ea sine  
 maiori aliquo motu corrigere non possem, toleraui, spe quadam bo  
 na fore, ut huius mee lenitudinis fructum aliquandō perciperem, uti  
 lem reipublicæ: quod sanè futurū erat, nisi quidam occultis et miris ar  
 tibus conciliationē impediuiſſent, non eò certè, quòd religionē ament  
 aut gloriam Dei spectēt, sed ut obducta quadā specie pietatis, qua suā  
 nequitia tegūt, reliquos ordines opprimāt, eorumq; facultates in suā  
 potestatem redigant: nam & quorundam bona iam occuparunt, &  
 per uim adhuc detinēt, magna certè cum iniuria plurimorū. Et quum

Cæsaris  
 literę ad  
 ciuitates  
 Prociſt.

1546 eò rem deduxerunt, ut sublatis iudicijs, nihil amplius metuant, nūc etiam hunc meum, quo fungor, magistratum non uno modo petunt & temerariè conuellant, eo consilio nimirum, ut ordines Imperij, maxime uerò ciuitates, partim ui, partim insidiosis rationibus subigant. Cuius quidem rei fidem mihi faciunt sermones ipsorum, quando id estant, ut quidem ad me desertur à fide dignis, et minantur etiam, se mihi uim facturos atq; bellum. Testantur idem tot illorū ficti, seditiosi, famosi libelli atq; picturæ, quas edunt, ut turbas excitent, & in me populum accendant. itaq; spem nullam habere possum, fore, ut patientia & lenitate mea uicti redeant ad sanitatem aliquando, & ab insolentia sua desistant. Nam adhuc quidem adeò nihil hac ratione profecti, tot nunc annis, ut non solum non facti sint meliores, uerum etiam se ipsis deteriores, et obstinati magis, magisq; rebelles ac temerarij. Quæ sanè res ad interitum reipublicæ pertinet, ac nisi remediū adhibeatur, futurū est, ut è sua prisca libertate Germania grauissimam in seruitutē atq; tyrannidē adducatur: id uerò tolerare diutius atq; pati nec mihi licet, nec ullo modo, si ferrē, excusari posset: ut ergò dignitas mihi mea cōseruetur, ut pax atq; ius in suo gradu consistant, ut imminēs periculum, ab Imperio depellatur et à uestro capite, reipublicæ perturbatores illos ad officiū adducere, et Germaniam suo nitori atq; libertati restituere cōstitui. Quod quidem institutum meum uobis putauī denuncian- dum, ut ne fidē habeatis ijs, qui fortē spargēt aliud esse mei cōsiliij. nā sanctè uobis confirmo, nō aliud me spectare quàm hoc ipsum, quod iam exposui. quapropter etiam cōfido uos mihi non esse defuturos, ut & illorum reprimatur audacia, & uestra uobis dignitas recuperetur. Id si feceritis, omnem à me beneuolentiam uos expectare iubeo, quod quidem amplius declarabo, si quis à uobis ad me ueniat eius rei legatus. In eādē ferè sententiam ad Vuirtembergicum quoq; principem scripsit. Eodem die, quo fuerunt hæc perscripta, Granuellanus atq; Nauius ad se uocant earum, quas dixi, ciuitatum legatos, & ad singulos separatim in eundem propè modum locuti, bellum hoc non aduersum ciuitates, uerum in quosdam parari dicunt, rebelles, qui læsæ maiestatis crimē admiserint, qui Cæsaris auctoritatē uiolarint, qui principum aliquot & episcoporum facultates occuparint, qui per occasionem ne ciuitatibus quidem sint parciuri: fidem igitur & officium Cæsari



Cæsari præstitit, nec aduersarijs opem ferant, ut ne Cæsar causam habeat offensionis in ipsos, quibus bene uelit: scribant autem hæc suis quàm primum, & hortentur, ut in officio permaneant: Cæsarem quoque scripturum illis & missurum etiam legatos. Eodem die, Tridenti, statuitur, ut in eorum, qui uulgo canonici dicuntur, & monachorum collegijs theologica prælectio cuiusdam demandetur, ad eamque rem, sacerdotium aliquod loco stipendijs designetur: ad legendi uero munus nemo recipiatur, nisi de cuius eruditione, moribus atque uita compertum habeat episcopus aut abbas: et quoniam euangelij prædicatio non minus necessaria sit, quàm ipsa lectio, iubentur episcopi & quicumque alij proceres ecclesiarum docere populum, aut, si legitime impediuntur, substituere qui faciant: archipresbyteris etiam atque populi pastoribus mandatur, ut saltem septimo quoque die, qui Domino sacratus est, denuncient hominibus quæ cognitu necessaria sunt ad salutem, hortentur eos ad uirtutem & à uitijs deterreant: negligentibus constituitur poena: simul admonentur episcopi, diligenter cognoscant, quid quisque doceat, & si forte disseminentur hæreses ac opiniones absurde, remedium, legibus præscriptum, adhibeant. Post sunt decreta de peccato quod uocant, originis, & culpam eius omnem tolli dicunt per baptismum. manere quidem in baptisatis fomitem peccati, seu concupiscentiam: & licet hanc Paulus aliquando peccatum uocet, hoc tamen eo fieri, non quod reuera sit et propriè peccatum, sed quod ad peccatum inclinet: hoc autem decreto non comprehenditur uirginem Mariam, et obseruandum esse, quod in eo quondam statuit Sixtus pontifex eius nominis quartus. proximo deinde confessui dies dicitur ad xxix. iulij diem. Porro, Sixtus quartus anno sui pontificatus xiiij. decretum fecit, quo sacris interdicat illis, tanquam hæreticis, qui uirginem Mariam in peccato fuisse conceptam originali, quod uocant, & eius conceptionis memoriæ consecratum diem ab ecclesia Romana, non esse celebrandum docent. Decretum hoc extat in ea iuris pontificij parte, quam dicunt extrauagantem. In hoc, quem diximus, confesso, Gallie regis legatus, Petrus Danesius, orationem habet, & de Gallie regum in ecclesiam Romanam meritis atque pietate, multa locutus, inde à Clo doueo rege ducto initio, Franciscum regem ab his maioribus profectum, nullo genere officij inferiorem illis esse docet, qui perpetua quadam

Decretum  
Synodi  
Trident.

P. Danesius  
sij oratio  
in concilio.

1545 amicitia coniunctus fuerit Leoni, Adriano, Clementi, & iam Paulo III. pontifici Maximo, qui in ista religionis iactatione atq; tempestate diligenter cauerit, ne qua fieret suos intra fines mutatio, propterea quod penes ecclesiam, totius rei iudiciū esse uellet. Etenim, etsi natura sit clementissimus, tamē grauissimas pœnas ijs denunciassē, qui priuata quadam temeritate, statum auderent ecclesiæ conuellere: qua quidem diligentia & seueritate sit hoc consecutus, ut Galliam totam ipsis iam tradat pacatam: nihil enim in ea nouum esse, nihil alienum, nihil, quod non ex ueteri more ac disciplina sit introductum: & cum imprimis uile reipublicæ semper existimari, esse unum in ecclesia, pontificem Romanum, ut Petri successorem, ad quem cæteri uelut ad caput, omnia sua referant, semper illi fuisse curæ, ut hic magistratus principem locum obtineret: Ac licet magnis sæpe propositis conditionibus sollicitatus sit, ut diuersum ageret, & editum ab altero quodam exemplū sequeretur, nunquam tamen ab instituto potuisse dimoueri, et indicto nuper concilio, quum patres aliquot eò conuenisse audiret, ilicò suis aliquot delectis episcopis, ut huc cōtenderent, mandasse, cūnque deinde consensibus aliquot habitis, decreta quædam essent facta, inq; Galliam perlata, sibi & collegis dedisse negociū ut huc profecti, quid sit ipsius uoluntatis, exponerent: primū igitur hoc esse postulatum, ut semel in uniuersum constituant, quid in religione, sequendū sit atq; credendum, deinde ut personis ecclesiasticis uitæ morumq; disciplinam acerrimam præscribant: quicquid decreuerint, fore, ut illius mandatu per omnē Galliam obseruetur: Adhæc, quia Galliæ regū maxima sint in ecclesiam Romanam merita, ne patiantur quicquam eorum imminui uel mutari, quorū possessionē Galliæ reges habuerunt, inde à Ludouico pio Caroli magni filio: postremo, ut Gallicanis omnibus ecclesijs, quarū ipse tutelam habeat, à maioribus relictam atq; cōmendatam, sua iura omnia, priuilegia & immunitates confirment. Cum ijs literis, quas paulò suprā recitauimus, & amplioribus mandatis, Argentoratum uenit à Cæsare, Lazarus Schuendius, Iunij die xxiiij, cum ex itinere cæteros, de quibus antè dixi, cōuenisset. Senatus autem, eo dimisso, Cæsari non multò post rescribit, & quod Lazaro non statim responderint, factum esse dicunt rei propositæ difficultate, quæ non ad se tantum, sed ad alios quoque pertineat: iam, quod de sua

Argenti-  
nensium  
ad Cæsa-  
rem res-  
ponso.



in Germaniam uoluntate dicat, habere se permagnam gratiam, & 0=1 5 4 6  
 rare, ut in ea permaneat, nec ad ciuile bellū incitari se patiatur: quòd  
 præterea queratur de nonnullis, qui suum non faciunt officium, neq;  
 fidem & obedientiam præstant, magno se cum dolore legisse: sperare  
 tamen, suæ religionis neminem esse tanti criminis affinem: neq; enim  
 per nos, inquit, stetit, quò minus conciliata sit religio: & ante an-  
 num quintum, in comitio Ratisbonæ, quum de quibusdam dogmatis  
 conuenisset, tuq; , Cæsar, ad ordines retulisses, placereine decretum  
 fieri de recipiendis illis atq; sanciendis, meministi. quemadmodum &  
 nos & alij complures tum assensi fuimus. quod sanè conciliationis  
 optimum erat futurum initium: sed & alij quidam, monitu atq; suasu  
 pontificis recusarunt, & Romam omnia reiecerunt: in alijs deinde co-  
 mitijs nihilo plus actum est, impredientibus aduersarijs, qui quidem et  
 ante annum, Vuormaciæ, non modò non approbarunt colloquium  
 abs te institutum, sed singula quoq; uerba decreti, quæ huc pertinerèt,  
 dispunxerunt: impediti uerò postremi colloquij causam, nostramq; si-  
 mul excusationem, è scriptis nostris, hoc in conuentu exhibitis, cogno-  
 uisse te putamus: quam etiam fuerint concordie cupidi, quos tu consti-  
 tueras, collocutores, uel ex eo satis apparet, quòd dogma iustificatio-  
 nis, abhinc annos quinque conciliatum, magnis uiribus impugnarunt  
 neq; pro conciliato haberi uoluerunt. Quæ nostra sint uota, & quan-  
 toperè cõcordiam optemus, nouit Deus, quem nostris in templis, hoc  
 nomine quotidianis precibus sollicitamus: aduersarij autem, à superio-  
 ri conuentu Ratisbonensi, nullam admiserunt actionem, & ad ponti-  
 ficem, cuius in clientela sunt, atq; concilium, rem omnem reiecerunt:  
 Atqui, graues illos errores, de quibus in ecclesia natum est hoc disti-  
 dium, pontifex ui quadam atq; potentia retinere cogitat, & prorsus  
 ita rem gerit, ut eius iudicio committere causam nō possimus: ex quo  
 satis intelligi potest, iniuriam nobis fieri, si quis non compositi disti-  
 dij culpam in nos confert: quòd autē illis tribuitur, quasi conentur ec-  
 clesiarum facultates ad se transferre, sub nomine religionis, parū hoc  
 sit amicè: cur enim huius professionis socij, monasticam illam uitam,  
 quæ nimium herclè degenerauerat, in suis ditionibus ferre diutius nō  
 potuerint, & simul, cur illa ipsa bona in meliores usus conuerterint,  
 nosti, Cæsar, è superiorum annorum actionibus, & causam non semel

15. 46 audisti: sed aduersarij, quum ecclesiæ bonis fruuntur, ita nullam habēt  
 eius curam, ut multis in locis ipsorum ditionis, aut nulli sint ministri,  
 uel qui sunt, nullam ad rem sint minus idonei, siue quis eruditionem,  
 siue uitam atq; mores inspiciat: quomodo etiam literarum ludos pro-  
 curent, quomodo prospiciant egenis, notum est. Adhæc, quibus ratio=  
 nibus diuersas ecclesiarum facultates ad se pertrahant, & in unum ue-  
 luti corpus redigant, ne quid ad omnem luxum eis desit, nihil attinet  
 commemorare. Quapropter, etiā si fortē nostræ professionis aliqui  
 non rectē per omnia dispensent ecclesiæ bona, tamen id nullo modo  
 conferri possit cum ijs, quæ multis iam sæculis illi committunt, itaq;  
 res ipsa poscit remedium, uidelicet, ut ex præscripto sacrarum litera-  
 rum, & secundū ueteris ecclesiæ decreta distribuuntur ea bona. quam  
 quidem ad rem perlibenter sumus operam nostram communicaturi:  
 deinde, & Ratisbonæ, & nuper Spiræ decreta fecisti, quemadmodum  
 ocij publici causa, de ijs bonis agere oporteat: iam si quis est omnium,  
 qui modum in eo non seruauit, non dubitamus, quin idem, si cogni-  
 tioni sistatur, & inuicem audiatur, æquum iudicium subire, neq; cau-  
 sam dare uelit, ut propterea bello Germania uastetur. Obijcitur no-  
 stris, quasi iuris administrationem euerterint: sed non te latet, maxi-  
 me Cæsar, quamobrem de personis Camerae questi sint, & quanto pe-  
 re emendationem iudicij flagitarint, quæ licet sæpe sit promissa, tamē  
 in rem præsentem nunquā uenit. Itaq;, pacis conseruandæ causa, Spi-  
 ræ nuper illos exauthorasti, & quemadmodum deinceps institui Ca-  
 mera debeat, modū præfiniisti. Quam quidem formulam ipsi proba-  
 uimus, & in altero conuentu Vuormaciæ, iurisdictioni nos illorum  
 uelle parere, demonstrauiamus, aduersarij uerò, quod tibi sanē constat,  
 perpetuò recusarunt, ac potius nullum esse iudicium uoluerūt: in hos  
 nimirum eius rei culpa est omnis conferenda: quòd si uel nunc etiam  
 res ad eum modū, ut tu præscriperas, institueretur, id quod inprimis  
 optamus, & de quo nostris in hoc Ratisbonæ conuentu legatis man-  
 data dedimus, non dubium est, quin illi, qui nostros in Ratisbonense  
 ac Spirense decretum deliquisse putant, iure suum consequi possent.  
 eam ad rem operam nostram profiteamur: nec enim ullū, qui sit inof-  
 ficiosus, fauore uel auxilio prosequi uelimus. Nunquam etiam depre-  
 hendimus aliquem ex nostris affectare magistratum hunc tuum, aut



aliorum oppressiōnem moliri, uel iactare minas, quasi uim facere co= 1 5 4 6  
 gitat. Ac sanè credimus, à pontifice & ipsius administris hæc tibi fre=  
 quenter decantari, pro eo, quod in religionem circumserunt, odio: stu=  
 dium autem erga te nostrum putamus te non semel ex ijs bellis quæ  
 gessisti cum exteris, deprehendisse: atq; utinam ille, qui te iam aduer=  
 sum nos accendit, eo semper in te fuisset, quo nos sumus, animo: quæ=  
 dam certè bella uel omnino non suscepta, uel multò citius pacata fuif=  
 sent. Iam, in seditionibus illis atq; bellis, quæ per Germaniam, te Cæsa=  
 re, nata sunt, quomodo sese gesserint erga te, deinde, quàm liberaliter  
 aduersus Turcam sua subsidia nostri contribuerint, publicè notū est,  
 inprimis uerò tuis Austriacis prouincijs. Cùm ergò nō dubitemus hos  
 ordines ab ijs criminibus, quæ tibi delata sunt, esse alienos, & si cogni=  
 tioni sistantur, posse tibi, Cæsar, & quibusuis alijs innocentiam suam  
 approbare, uehementer etiam atq; etiam te rogamus, mitissimū Cæ=  
 sare, & patriæ parentem, ac per omnia sacra perq; Germaniæ salu=  
 tem obsecramus, ut hunc tantum apparatū deponas, & illos, qui tam  
 grauitè tibi delati sunt, iudicio sistas, more nimirum à tuis maioribus  
 usurpato, quem neq; te prætermisurū speramus. Id si facias, fore con=  
 fidimus, ut et iniuriam illis factam, & præclaram ipsorum esse uolun=  
 tatē erga te cognoscas. In hac uerò deliberatione respicias, quæsumus,  
 Germaniæ statum, miserabilem certè, tum propter diuturnam rerum  
 omnium caritatem, tum propter formidabilem & perpetuū hostem  
 Imperij, Turcam: consideres, quam fidem horum ordinum parentes  
 tuis maioribus, quam ipsi tibi ac Ferdinando fratri semper præstite=  
 rint, quando et in Turcam et in alios uestri nominis hostes, auxilia uo=  
 bis, amplius etiam quàm reliqui, subministrarunt, quæ ne nunc quidē  
 recusant etiam: expendas tecum atq; reputes, quàm sit hoc futurū bel=  
 lum exitiosum, quantū calamitatis atq; malorum ex eo redūdabit ad  
 innoxiam multitudinem, pueros, infantes, mulieres et id genus alios:  
 neque illorum impulsu, qui sui dominatus atque potentiæ retinendæ  
 causa, nostris aduersantur, eò rem deducas, ut inclyta Germania, uel  
 pars eius aliqua, certè tibi deuotissima, suis exhausta uiribus, et pror=  
 sus afflicta, uim Turcicam sustinere amplius & demorari nō possit. ut  
 ergo nostris precibus acquiescas, maiore in modū oramus: habebimus  
 id summi loco beneficij, et si quis erit, qui post factam cognitionē, tibi  
 pare=

1546 parere, præterius & æquum recusarit, eum non modò non probabi-  
mus, uerùm etiam tibi, summo principi ac magistratui, diuinitus da-  
to, quantum in nobis erit, auxiliabimur, ac fidẽ omnem semper præ-  
stabis. Mauricius, qui uigesimo quinto die Maij Ratisbonam ue-  
nerat, Iunij die uigesimo discedit, ubi Cæsar priuatim cum eo diu mul-  
tumq; sermocinatus fuit. eius uerò quæ fuerit summa colloquij, res  
ipsa post declarabit. Protestantium legati, cùm ad uim & arma spe-  
ctarent omnia, neq; sine periculo de rebus necessarijs uel deliberare  
possent, uel ad suos etiam perscribere, discedunt alij post alios, do-  
mumq; redeunt. Ad Idus Iunij Cæsar legatum mittit ad Heluetios, Io-  
annem Muschetum, superioris Burgundiæ quæstorem, & initio præ-  
fatus de sua in ipsos beneuolentia, de charitate erga rempublicam: ma-  
ximè uerò Germaniam, studioque pacis, Germaniæ quosdam ait esse  
principes, qui sub euangelij prætextu multa seditiose faciant, leges o-  
mnibus euertant, ut sublati iudicijs nihil sit amplius quod metuant:  
eorum audaciam eò nunc progressam, ut contra suum honorẽ & ma-  
gistratum nitantur, & uim atq; bella minentur, nec obscure præ se fe-  
rant, quasi per suam absentiam, inuadere cogitent & opprimere com-  
munem patriam: his ergò rebus coactum, arma sumere, ut pro sui mu-  
neris atq; loci dignitate, periculũ à republica depellat, & illos coher-  
ceat: neq; dubitare, quin hunc suũ conatum Deus approbet: existima-  
re etiam, fore, ut cæteri ordines, quorum hic salus uertitur, ope, consi-  
lioq; sese iuuent: rogare igitur, ne ab aduersarijs, qui odiose multa &  
acerbè contra se spargant, aliud sibi persuaderi patiantur, nec ab illis  
impulsi aliquid faciant, aut in suis finibus permittant, quo suum hoc  
institutũ tardari possit aut impediri: bellum enim hoc pro totius Ger-  
maniæ salute suscipi, nec ullam aliam subesse causam: acquiescant igi-  
tur in ueteri amicitia & fœdere, quod sit inter ipsos: nihil enim se fa-  
cturum contrà, neq; suis permissurum, uti faciant, & per occasionem  
præstiturum ipsis esse fidem omnem & amorem, ut adhuc quidem fe-  
cerit: id cum ex rebus alijs multis, tum ex eo potissimũ intelligi pos-  
se, quòd cùm alijs regibus atq; dynastis ullam unquam pacem fecerit,  
in qua non & ipsi comprehenderentur. Superioris Germaniæ ciuita-  
tes & dux Vuirtembergicus, audito Cæsaris responso, quod per Na-  
uium dedit, ut suprà docuimus, continuo datis literis ad Saxonẽ atq;

Lantgrau



Lantgrauium, fœderis duces, quid agatur, ostendunt, et omnē fidem opemq; polliciti, quantas omnino possint, peditum copias conscribunt, et omnino primi fuerunt in armis Exercitus autem erat bipartitus: unum agmen erat Vlrichi principis, ad uiginti quatuor signa peditum, et in his ex nobilitate complures: alterum erat à ciuitatibus conductum. Hi cum Vlmæ conuenissent omnes, Iunij die xxi. Gunspergum petunt, et altera luce producti, dispartiti consistunt. duces erant Ioannes Hedecus, Schertelinus, Balhasar Gultlingus, Sebastianus Bessererus, Matthæus Langemantelus, Ioannes Harderus, Iudocus Rosebergus. Hi ciuitatum copias primū, certis conditionibus, per iusiurandum, ut fieri solet, astringunt, et ut Schertelino pareant, ac dicto sint audientes, mandant, donec principes ipsi fœderis duces, uenerint. post ad Vuirtembergicos digressi, cum idem egissent, Hedecum illis eadem ratione ducē constituunt. eo factō, Balhasar Gultlingus, genere nobilis, et Vuirtembergici ducis consiliarius, de reliquorum uoluntate uerba faciens ad sui principis militem, Sathanæ uicarius, inquit, pontifex Romanus, incendium excitare denuō cogitat, commilitones charissimi, quo Germania, quæ nobis ortum dedit omnibus, conflagret, et funditus intereat. huc nimirum impellit eum, et illud, quo ueram religionem persequitur, odium acerbissimum, et uindictæ quoq; studium, ob acceptam superioribus annis calamitatem à Germanis. quando Roma capta fuit atq; direpta. Carolū itaq; Cæsarem potentissimū excitauit, ut in principes nostros et ordines, qui pio fœdere coniuncti sunt, arma sumat, fore sperans, ut per uim et summam crudelitatem illos cogat ad impiæ suæ religionis ac diabolicæ cultum et obseruantiam. Etenim pro certo nunciatur, superbum illud et nefarium sathanæ mancipium, habere iam coactas tam equitum quàm peditum lectissimorū copias nō mediocres, quas ad Cæsarem mittat. de Hispanis quoq; iam increbuit aduentantibus: quid uerò malorū, ab externo milite, cōmuni patriæ, quantaq; pestis incumbat, nemo nō intelligit: nostri principes igitur ac ordines, quia sui muneris esse sciunt, ut non modò uim omnem et iniuriam à suæ ditionis populo depellant, uerum etiam elaborent et prouideant, ne falsa religione decipiantur, et salutis æternæ discrimen adeant, omnino constituerunt bellū istud, quod præter omnē expectationem, imò præter pactum

Balthasar  
ris ora-  
tio ad  
militēs.

1546 pactum atq; promissum ipsis infertur, beneficio Dei defendere. ideo  
 que uos & uestri ordinis alios, quantum quidem in hac celeritate fie-  
 ri potuit, conduxerunt. quia uero foederis duces adhuc absunt, uentu-  
 ri tamen paucos intra dies, illustrissimus princeps Vuirtembergicus,  
 Vlrichus, ut interea res omnis ordine administraretur, nec hosti praebea-  
 tur ulla nocendi nobis facultas, loco sui, ducem uobis constituit amplo  
 & illustri loco natum Ioannem Hedecum. huic ergo fide data pare-  
 bitis, & ita uos geretis in uniuersum, ut nomen illud praeclarum &  
 illustre, quod maiores nostri, uarijs olim gestis bellis cum exteris na-  
 tionibus atq; populis, uirtute summa multoq; sanguine sibi compara-  
 runt, ad nepotes etiam nostros propagetur. Cetera Deo commitemus  
 omnipotentis: qui sine dubio rationes expediet in hac tam iusta cau-  
 sa, piaque defensione, pro ut ipsius maiestati uidebitur, nobis esse  
 commodum atq; salutare. De Smalcaldicorum legatis antea dictum  
 est, quemadmodum Ratisbona discesserint, quum deliberationi nul-  
 lus esset ibi locus: conductis autem copijs, ut iam demonstrauimus, Vl-  
 mae congregantur, ut in commune consulant. Itaq; Iunij die uigesimo  
 primo, duci ac senatui Veneto scribunt, & de pontificis iniuria que-  
 sti, rogant, ne illius copijs dent iter per suos fines, & si pontificis ui-  
 res augeantur, quid ipsis & alijs per Italiam populis expectandum  
 sit, superioris aetatis exemplis demonstrant. scribunt etiam passim ad  
 nobilitatem Germaniae, ac monent, ne militem ad se proficiscentem  
 impediant. deinde, quia Rhætos atq; Tirolenses acceperant multum  
 angari propter externi militis aduentum, ultima die Iunij per literas hor-  
 tantur, ut transitu illos prohibeant, ad eamq; rem auxilia pollicentur.  
 à Noribergicis quoq; petunt opem, sed illi non se posse dicunt: quod ad  
 suorum finium defensionem uix ipsi satis habeant. adhuc, Schertelino  
 secunda die Iulij mandant, ut hostes, qui propè radices alpium dele-  
 ctus habendi causa confluebant, inuadat. simul ad Heluetios legatio-  
 nem decernunt. De Cardinali Tridentino diximus antè, qui Romanis  
 celeriter transcurrit, missu Caesaris. illo igitur sollicitante, foedus, quod  
 iam antea conceptum erat & informatum, Iunij die uigesimo sexto decer-  
 nitur his pactis. Quoniã per multos nunc annos, in magnis perseuera-  
 uit erroribus Germania, sic ut ingens ex eo sit metuendum periculum,  
 cuius quidẽ auertendi causa sit indictum Tridenti conciliũ, & mense

Prote-  
 stantium  
 ad Vene-  
 tos lites  
 ræ.

Foedus  
 Caesaris  
 cū Pon-  
 tificis.

Decembri



Decembri anni superioris inchoatum: & uerò Smalcaldici repudient illud, nec ad se pertinere dicant, ideò pontificem atq; Caesarē, pro gloria Dei, & pro Reipublicæ, maximè uerò Germaniæ salute, certis legibus inter se transsegisse: & primò quidē, ut Caesar exercitū & quicquid est ad bellum necessarium proximo mense Iunio comparet, et sit rebus omnibus instructus, & eos, qui concilium recusant, & errores illos defendunt, uiribus & armis ad priscam religionem et sanctæ fidei obedientiam reducat: sed interim omnem operam det, & experietur an sine bello possit hoc perficere: pacem aut transactionem nullam cum ijs faciat, quæ sit ecclesiæ et religioni noxia: pontifex, præter illa centum aureorum millia, quæ iam deposuit, tantundē Venetijs quoq; deponat, quæ post ipsius legati nullum in alium, quàm in belli usum expendant: & si nullum erit bellum, eam pecuniam ad se recipiat: ad hæc, subministret in hoc bellum & alat peditū Italarum millia duodecim, & leuis armaturæ equites quingentos, per semestre tempus, & his copijs præficiat legatum, duces atq; centuriones: quod si bellū ante sextum mensem finiatur, ipsius hoc fiat commodum: Caesari liceat hoc anno, permissu pontificis dimidiam partem bonorū ecclesiæ, per Hispaniam sumere, liceat quoq; ex annuis prouentibus monasteriorū Hispaniæ diuendere, donec ad aureorum millia quingenta confecerit, & hæc quidem omnia belli tantum huius gerendi gratia, uerū ea lege tamen, ut de suis bonis tantundē illis inuicem oppignoret: & quia res noui sit exempli, ex arbitrio pontificis, hoc nomine rectè caueat: si quis hoc ipsorum institutum impedire uelit, coniunctis uiribus ei resistant, & auxilium alter alteri ferant, idq; facere teneantur ambo, quādiu bellum durabit, & sex præterea mensibus à finito bello: integrum sit cuiq; sese adiungere huic foederi, & partē subire tum oneris tum emolumentii: pactionem hanc confirmet etiam senatus cardinalium, & quod de Iunio dictum est, accipiat de huius anni mense Iunio, quo foederi iam antè concepto subscripserint uterq; Huius confederationis exemplum, legatus pontificis, Hieronymus Franchus, Heluetijs post exhibuit, ut infrà dicetur. Ad hoc ferè tempus pacem Galliæ rex facit cum Anglo, & Boloniam ei permittit, donec pecuniā debitā persoluat: & quum his ipsis diebus Galliæ regis filio Hærico nata esset filia Isabela, rex Angliæ cōfirmandæ amicitie causa rogatur,

Pax Gal  
liæ regis  
cum An-  
glo.

546 ut in sacro baptisinate pro illa fideiubeat. Tunc etiam Scotiæ cardina-  
 lis Andreamus in sua quadam arce, sub prandij tempus confoditur à  
 nobili quodam, cuius ille fratrem ob Lutheranismum durius tractauit  
 Pontificis literæ ad Helueticos. rat. facta cade, percussor in Angliam profugit. Iulij die tertia ponti-  
 fex dat literas ad Helueticos, & captata beneuolentia, propter suam  
 & suorum antecessorum cum ipsis coniunctionem, deplorat, quos-  
 dam ex ipsis, per insidias diaboli, et perturbatores legum, auulsos es-  
 se ab apostolica religione, & ab se, tanquam charissimos filios è sinu  
 & complexu amantiissimi parentis: ueruntamen, magnum esse Dei be-  
 neficium, quòd ex ipsis multi permanserint cōstantes in fide erga Deū  
 & ecclesiam, quò uidelicet alij, qui sermonibus improborum decepti  
 sunt, exemplum habeant positum ob oculos, & ad maiorum suorum  
 religionem aliquando reuertantur: nam diuinæ bonitatis magnum  
 hoc esse argumentum: quòd in isto dissidio religionis, pacem inter se  
 colant, quum alijs in locis per hanc occasionem grauissimi sint exci-  
 tati motus: quos ut componeret, nullum non adhibuisse remedium sta-  
 tim ab initio sui pontificatus, & magna semper usum esse lenitate: nu-  
 per etiam ad extremum confugisse, denunciato concilio generali, cui  
 locum atque sedem delegerit Tridenti, oppido Germaniæ, cuius in-  
 tra fines hæc hereticorū uitiosa seges maximè creuerit: quod quidem  
 ad oppidum tutò uenire possent, & suas ibi partes tueri, si uellent: spe-  
 rasse enim, in tam angusto conuentu, cui semper Christiani reges atq;  
 populi plurimū detulissent, & in cœtu tot episcoporum, qui spiritu  
 sancto ductore religionem tractarent, neminem fore tam impium, qui  
 non tantæ se submitteret authoritati, qui nō impijs continuo dogma-  
 tis reiectis, ecclesiæ catholicæ iudiciū amplecteretur: hanc etiam nunc  
 opinionem retinere se de ipsis, & propter concordiam domesticam  
 sperare, futurum, ut ex ipsis, qui fideles atq; constantes permanserunt  
 obtemperanti concilio, cæteri uerò, qui non consultò, sed quadam  
 credulitate in errorem adducti sunt authoritatem synodi non asper-  
 nentur: quod ut faciant, & ad concilium ueniant, tanquam ad cœ-  
 lestem aliquem senatum, cui Deus ipse præsit, hortari se plurimū,  
 ut ante quoq; fecerit: magno autem dolori sibi fuisse, quòd in Germa-  
 nia non pauci sint, etiam de numero eorum, qui principes habentur,  
 qui concilium non modò superbè & insolenter contemnunt, sed ma-  
 ledictis



ledictis etiam & conuicijs insectantur, neq; se decretis illius parituros esse dicunt: ideo uero doluisse cum primis, quod ista perditorum hominum contumacia & obstinatione, necessitate sibi uideret imponi, rem armis tentandi: nam neq; tot animarum iacturam, quæ per hæreses quotidie perirent, neq; Christiani nominis oppressionem hanc diutius perferre se potuisse, quorum illud ad pastorale suum officium, hoc autem ad sui gradus atq; loci dignitatem pertineat: dumq; de remedio sepe cogitaret, ac Deum precaretur, ut uiam ostenderet, per opportunè accidisse, ut Cæsar, maximæ pietatis princeps, eisdem ferè, quibus ipse, sceleribus impiorum offensus, armis uindicandam sibi religionem iudicaret: cum enim ipsius intercessionem & opera, Germaniæ datū esset ab se concilium, uisum ei fuisse, quod qui illud recusarent atq; contemnerent, ipsius quoq; factum & auctoritatem despicerent: hanc igitur occasionē diuinitus oblatam se libenter arripuisse, et præclaram istam Cæsaris uoluntatem adiuuare constituisse omnibus tam suis quàm ecclesiæ Romanæ facultatibus: etenim si secus faciat, si negligenter agat & remissè, non dubium esse, quin tot filiorum animas, hæreticorum perfidia corruptas, ab se Deus, tanquam à parente requirat: hoc autē suum consilium atq; mentem ideo se patefacere ipsis, ut et qua prematur solitudine, uideant, & sua uota secum, hoc est cum Deo & religione coniungant: multa quidem ipsorum existere præclara facta, sed nullum esse præclarius, quàm hoc, si cum Deo ueterē amicitiam exemplo maiorum, colant, si ecclesiæ Romanæ, quæ semper ipsis benefecerit, pristinam fidem & amorē præsent, si iam in hac tam pia causa subministrant auxilia: quod ut faciant, orare plurimum. Protestantium superioris Germaniæ legati, quinta die Iulij Badenā Vlmæ ueniunt ad conuentus Heluetiorū, & expositis mandatis, in mensem Augustum reijciuntur. postulata erant, ne milui externo dent iter per suos fines, & ut suos militare ipsis permittant, si res ita postulet. his etiam diebus, Brunswicenses, Goslarienteses, Hildessheimij, Hanobrij, mandatu Saxonis atq; Lantgrauij, demoliuntur, Henrici Brunswigij primariam arcem, Vuolffebutelum, quam ad hoc usq; tempus, impposito præsidio muniuerant. Palatinus elector, in his motibus interpellat Cæsarem, Ratisbonæ, per legatum Vuolffium Affensenum, equitem, & quæ sit belli causa, in quem fiat apparatus, scire cupit: deprecatur etiam, & ut sibi li-

Protestā  
tiū legari  
ad Helue  
tios.

Palati  
nus belli  
causam  
sciscita  
tur.

15 4 6 ceat intercedere, obsecrat. Diebus aliquot interiectis, per Grannuellanū atq; Nauium Caesar respondet. non illi esse difficile, utrumq; scire, & quæ sit causa, & qui petantur bello. post, eadem ferè, quæ suprà in literis ad ciuitates, criminatur, quòd sibi non obtemperent, quòd non in Germania tantum, sed apud exteros etiam multa sint aduersum se quidam machinati, specie religionis, quòd nullis legibus uelint astringi, quòd alienas possessiones inuaserint, sacras inprimis, easq; pro sua dispensent tyrannide, non alio certè cōsilio, quàm ut in suos liberos atq; nepotes, hereditario quodam iure, transferant episcopatus & id genus alias præfecturas: an credibile sit, eos, qui talia committunt, ferre posse legitimam ullam cognitionem, ac non potius eò spectare, quem admodum excitatis turbis atq; distidijs, iudicium & censuram defugiant? emendationis quidem nullam esse spem, & scire ipsum, quàm leniter egerit, quàm multas offensiones illis condonarit. qua tamen re nihil sit consecutus aliud, quàm quòd insolentiores facti, reliquos etiā ordines pertentent, & ad rebellionem sollicitent: quibus artibus id fiat non sibi constare: quàm autem sit indignum, et meritò sibi dolendum, facile quemuis intelligere: cum etiam ipsi, iure omni sublato, tyrannicè & uiolenter agant, et Imperij decreta proijciant, non esse, quòd alia uia, quàm ea, quæ sit ipsis usitata & familiaris, hoc est, armata manu, res tentetur: itaq; sui esse propositi, ut hoc bello non religionè modo, sed & reliquas offensiones componat, & Germaniæ pacem atque libertatem restituat, & eos, qui facient officium, patrocínio suo defendat, in perturbatores autem ocij communis & oppressores libertatis, pro eo ac meriti sunt, grauiter atque seuerè uindictet. Hoc Cæsaris responsum, Palatinus, Iulij die decimo, quum pridie esset allatum, Saxoni, Lantgrauio & Vuirtembergico mittit, & explicato communi periculo, quod incumbat Germaniæ, præsertim ab externo milite, si bellum incrudescat, obtestatur, ut quantum omnino possint, largiantur atq; concedant: etenim, licet tristis & aspera sit rerum facies, tamē existimare se, quòd si erga Cæsarem se submittant, & nonnullis in rebus morem ei gerant, fore, ut ad conciliationem ea res maximum adferat momentum: hæc autem esse, quibus mitigari posse Cæsarem intelligat, primum, si condonari sibi petant offensionem, deinde, si quid minus a què factum sit ab aliquo, corrigatur, postremo, si quid alieni possideant,



fideant, ut id Cæsari uel cuiquam alij, prout uidebitur, permittant: in 15 4 6  
 eo si quid ipse possit amplius, fidem operamq; suam pollicetur. Saxo  
 interim atq; Lantgrauius, quibus omnino præter expectationem hic  
 tam repentinus motus accidit, præsertim, quòd amicissimè Cæsar Spi-  
 ra nuper discesserat, certiores facti de re tota, magno studio copias &  
 ipsi conducunt, & ad socios datis literis, ut idem faciant, neue callidis  
 quorundam consilijs diuelli sese patiantur, monent. Et quum delibe-  
 randi causa conuenissent, Iulij die quarto datis ad Cæsarem literis, è le-  
 gatis, inquit, nostris, tuo mandatu Ratisbonam missis, clementissi-  
 me Cæsar, accepimus, quomodo, cum de belli audissent apparatu, no-  
 stre confessionis atq; fœderis socij, diligenter te sollicitarint, dares ope-  
 ram, ne quid acciperet Germania detrimenti: & quanquam tum ita  
 respondebas, ut iure nobis oboriri suspitio posset, tamen in bona qua-  
 dam spe sumus, eo bello neq; nos nec ullum Imperij ordinem peti, pro-  
 pterea, quòd ad conuentum illum abs te uocati, legatos eò misimus cum  
 plenis mandatis, qui & de postulatis tuis deliberarunt, & quid sui es-  
 set consilij, demonstrarunt, ita quidem, ut nullius offensionis in mentem  
 nobis uenerit: deinde, responsum illud tuum non ad præterita, sed ad  
 futura pertinet, dum ais uelle te constituere rempublicam, & in eos, qui  
 non sint dicto audientes, pro tua auctoritate uindicare: quamobrè mi-  
 nimè cogitandum nobis erat, fore, ut prius, quam & postulata tua pro-  
 mulgares, et à nobis responsum esset, bellum parares: ubi uerò tandem  
 ex multis coniecturis, in primis autem ex tuis ad principes aliquot at-  
 que ciuitates literis, tum etiam ex Granuellani uerbis atq; Nauij ser-  
 mone cognouimus, tui esse propositi, principes quosdam minus obe-  
 dientes mulctare, iamq; rumor ubiq; percrebuit, in nos belli molem  
 omnem conuerti, molestè sanè grauiusq; pro eo ac decet, istud tuli-  
 mus, & hanc ad te mittendam epistolam duximus, purgandi nostri cau-  
 sa. Et primo quidem, uerè possumus hoc affirmare, nos atq; socios o-  
 nera publica nobis imposita subiisse semper præ cateris, cum nonnul-  
 lis etiam daretur immunitas: deinde, quæ in proximo conuentu Spiræ  
 petebas auxilia, dedimus operam ut impetrares, & nos illa contuli-  
 mus ipsi: quòd autem nunc ijs omnibus exhibitis officijs in crimen uo-  
 camur non præstite obedientiæ, non modò nobis dolet, sed uehemen-  
 ter etiam est molestum & acerbum: fuisset autem optabile nobis,

Protesta-  
 tiu literę  
 ad Cæsa-  
 rem.

25 46 *Et* quidem æquum erat etiam, accusari nos, *et* audiri prius, quàm ad arma ueniretur, *et* hæc nostri criminatio spargeretur: sic enim *et* nostram eramus innocentiam faciliè probaturi, *et* eorū refutaturi calumniam, qui nos tibi ad hunc modū detulerunt: quàm amanter cum utroq; transegeris et Spiræ nuper, *et* ante annum quintum Ratisbonæ, notum est, ita quidem, ut nulla nobis obijci possit uel rebellio uel facinus illudatum: ut interim omittamus, quòd agri Brunswicensis possessionem, tuo rogatu, sequestro permisimus ante annum, *et* in summum ferè discrimen fortunarum omnium idcirco deuenimus: non te latet etiam, quomodo tunc, quum Francofurti creatus fuisti Cæsar, Imperio te deuinxeris, quid per sanctissimum iusiurandum promiseris, *et* quomodo sit ex Imperij legibus agendū, quando crimen eiusmodi, quale tu nobis iam obijcis, aliquis commisisse dicitur: quòd autem in dicta causa uim nobis adferre cogitas, id Deo commedabimus, *et* ubi, quibus de rebus nos incusas, acceperimus, ita respondebimus, ut quis uis intelligat, *et* iniuriam nobis fieri, *et* te, Romani antichristi ac impij concilij Tridentini impulsu, bellum hoc suscipere, ut *et* euangelij doctrina *et* Germaniæ libertas opprimatur, nec ullam aliam subesse causam docebimus: rerum nostrarum status, ut hoc ita tibi nūciemus, postulat: in hanc ergò partem accipies. nam multò nobis esset iucundius, tibi gratificari, studiumq; nostrum approbare. Cæsar, Iulij die septimo, datis ad archiepiscopum Coloniensem literis, Germaniæ salutis, inquit, causa, nimirum, ut ocium publicum *et* ius *et* æquum, *et* huius nostri loci dignitas, Imperijq; libertas recuperentur, quæ quidem omnia seditiosi quidam ex republica propemodum sustulerunt, *et*, nisi coherceantur, tollent omnino, cogor arma sumere, ut illos ad officium adducam: *et* quoniam in hoc esse totos accipio, ut te simul et alios in societatem suam pertrahant, mando, primum, ut per omnem tuam prouinciā edicas, *et* des operam, ne quis militet, nisi mihi meisque ducibus, qui mandatum habebunt, eiusq; rei fidem facient: deinde, ut eos, qui fortè iam in militiā profecti sunt, ilicò reuoces, *et* domi manere iubeas, *et* nostrum expectare iussum: in eos uerò, qui non parebunt, seuerè uindices, atq; ita te geras, ut intelligere possim, Germaniæ quietè tibi esse charam: ni facias, magno tuo cū periculo *et* bonorum omnium dispendio futurum scias. Eas literas archiepiscopus, ut

Cæsar  
literæ ad  
archiepi.  
Coloniensem.

acce=



accepit, passim promulgat, & edicit ut pareatur: deinde preces fieri i 5 46  
iubet in ecclesijs, ut imminens Germaniæ periculū Deus auertat. Eo=  
dem serè tempore. protestantes ad Gallie & Angliæ regem, nuper re=  
conciliatos, ut dictum est mittunt legatos, qui de auxilijs utrunq; soli  
citant. Cum Saxo & Lantgravius ad Cæsarem priuatim ita scripsis  
sent, uti diximus, publicum etiam scriptum edunt idibus Iulij, quo de=  
monstrant, religionis causa bellum hoc suscipi, & hoc esse consilij Cæ  
saris, ut obducta specie quadam rebellionis, et tanquam in paucos ali  
quot vindicare uelit, socios fœderis diuellat, alios ab alijs, & tantò fa  
cilius paulatim post omneis euertat. Eius rei probationes multas ad=  
ducunt, & quid Ferdinandus rex, quid Granuellanus, quid Nauius et  
alii quidam Ratisbonæ priuatim dixerint, referunt, nimirum, concilij  
contemptum, huius esse causam belli: Rauesburgijs etiam, qui nuper  
euangelij doctrinam admiserint, mandasse Cæsarem aiunt missis lite=  
ris, ut paucos intra dies ab instituto discederent, alioqui futurum, ut se  
ctionem urbis & agri militibus permetteret: sed ex itinere cum literis  
reuocatum esse nuncium, ut ne palàm fieret, hoc bello religionem pe=  
tti: quòd etiam archiepiscopum Coloniensem, pōtifex, ob emendatio=  
nem doctrinæ, lata sententia, loco & dignitate sua priuauit, quòd i=  
dem propè Cæsar facit atque minatur, an belli causam id non satis de=  
claret? Rumorem enim esse non obscurum, id agi, ut cardinalis Augu  
stanus, qui facè his turbis admoueatur, per uim illi surrogetur: hoc etiam  
spargi, fore, ut ipsis oppressis, militum copiae passim per Germaniam  
distribuantur, qui concilij decreta de religione facta, Cæsaris nomine  
defendant & exequantur: adhæc, multorum literis perscribi, Toleta=  
num archiepiscopum inprimis, & reliquos id genus Hispaniæ pro=  
ceres, ingentem pecuniæ uim in hoc bellum conferre. quod quidem mi  
nimè sint facturi. si prophana esset belli causa: notum esse præterea,  
cuiusmodi sit factum Augustæ decretum ante annum xvi. quandò Cæ  
sar profitebatur, non se posse ferre sectam hanc atq; doctrinam Lu=  
theri. sed ut eam funditus extirpet, omne suum robur, uitam etiam at=  
que sanguinem uelle cum suis impendere: Si quidem ipsi oppriman=  
tur, quod Deus auertat, tunc statim appariturū, an huic religioni par  
cant, ac non potius ecclesiæ ministris trucidatis, & ipsorum stupratis  
uxoribus atq; liberis, monachos & id genus reliquam colluuiem resti

Saxonis  
& Lant=  
grauij  
scriptum  
publicū

1546 tuant: Cæsari uerò non licere uim ullam facere ulli ordini, nec indicta causa proscribere quenquam, neq; militem externū intra Germaniæ fines adducere, uel ius aliquod hereditarium atq; successionē Imperij sibi uendicare: nimirum his legibus eum esse deuinctum, et eas per ius iurandū approbasse. nam si fas ei sit secus agere, non posse diuturnum esse reipublicæ statum: quam autem habeat offensionis causam, non se uidere: nam ad me quod attinet, ait Saxonie Dux, quicquid inter illum, Ferdinandum fratrem, atq; me fuit disidij, totum est abolitum, ante biennium, Spira, & arctioris necessitudinis causa, Ferdinandi filia Eleonora, filio meo natu maximo desponsa fuit ultrò, si modò de religione conueniret. Id Cæsar tum probauit, et cum domum illinc esset comitijs rediturus, in diuersorium meum misit Granuellanū atque Nauium, & amplissimis uerbis omnem beneuolentiā mihi meisq; liberis ac toti prouinciæ deferebat. Ab eo tempore quodnam tantum scelus commisi, quamobrem in me tam dira molitur? Sed reuera sic res habet, ut antè diximus: quia concilium pontificium recusamus, in odium incurrimus: æquum autem erat, illum non sic agere, nec aduersus familiam Saxonicam ista cogitare: nouit enim, quomodo patruus meus Fridericus, post Maximiliani mortem, hanc Imperij dignitatem sibi delatā, ad ipsum uoce atq; suffragio suo detulerit, ut interim omit tam alia multa Saxonice domus in Austriacam familiā collata beneficia. Quòd si fortè propter submotum ab episcopatu Numburgico Iulium Pflugium offensus est: equidem & ius meum editis libellis explicauimus, & si Cæsar arbitros non suspectos daret, eorum cognitioni rem permisi. Iam, quod ad me pertinet, inquit Lantgrauius, ante annum quintum planè fui reconciliatus ei Ratisbonæ: et quòd annis aliquot superioribus bellū in episcopos mouere constitui, quòd deinde propinquo meo duci Wirtembergico suppetias tuli, quòd sua recuperaret, totum hoc, & si quid etiam contra ius scriptum & Imperatorum leges, palam aut occultè fecissem, condonatum mihi fuit, conscriptis ea de re literis atq; signatis: quæ sit igitur alienationis causa, planè nō possum recordari: deinde, quum nuper ipsum Spira conuenire, adeo fuit erga me benignus & uultu & sermone, ut uestigiū nullum offensionis deprehenderem. Ratisbonæ cōuenerat ante annum quintum, si quid aduersus Cluiensem ipse tentaret aliquando, ne me prorsus immiscerem.

monuit



mouit illi postea bellum, & quod promiseram, seruauit: cumq; deinde  
 Cliuensem in gratiam reciperet, quod fuit ante Venlonum, omnibus,  
 qui militassent ei uel opem tulissent, ignouit. Atqui, si fortè nostram  
 absentiam, & quòd Ratisbonam ipsi non uenimus, ægrè fert: excusa=  
 uimus uterq; Saxo quidem, per legatos, ego uerò coram in colloquio,  
 Spiræ. Sed quenam sit ista Germaniæ libertas, aut reipublicæ forma,  
 si propterea bellum suscipi debeat, cum & in superioribus aliquot, et  
 in his ipsis Ratisbonæ comitijs, alij multi principes absint? Bellum ue=  
 rò Brunswicense non potest nobis dari criminari: nam, ut uim ab se depel=  
 lat, cuiq; permissum est. Rogauimus frequenter in comitijs et obtestati=  
 sumus, ut illius comprimeretur audacia: præter literas autem atq; uer=  
 ba nihil consecuti sumus: & tamen ijs literis, quas Ferdinandus rex ad  
 Henricum ea de re publicè dedit nostro rogatu, priuatim erant aliæ  
 adiunctæ literæ, è quibus faciliè uidebat Henricus, non sibi obtemper=  
 andum esse. Hæ literæ Vuolffebuteli repertæ sunt, subscriptæ manu  
 regis, & in medium adferri possunt, si sit opus. quòd si ea seueritate  
 fuisset actum in Brunswicensem, ut iam Cæsar in nos, licet immeren=  
 tes, agit, nullum erat futurum bellum: sed quia nos, qui propter euan=  
 gelij professionem odia maxima sustinemus, oppugnabat, conuineba=  
 tur ad ipsius omnia facinora. Nouit autem Cæsar, quomodo & cap=  
 tam prouinciam sequestro permisimus, & propter susceptam in illum  
 defensionem, coram arbitris ab ipso datis, iuri nos sistere uoluimus:  
 hanc rationem si secutus ille fuisset, neq; repudiata sequestratione &  
 posthabitis Cæsaris edictis, nouum excitasset motum, sed iure nobi=  
 scum & legibus contendisset, facilis erat uia. Nam si iudicio uicti non  
 paruissimus, iam exequendi iuris causam Cæsar habiturus erat gra=  
 uem atque legitimam. nunc uerò, cur ita rem gerat, nullam habet.  
 Adde, quòd à quo tempore captus est Henricus cum filio, Cæsar  
 nihil unquam à nobis eo nomine postulauit: non est igitur, quòd of=  
 ficii neglecti possimus inculari. Si fortè nobis impingitur, quasi iu=  
 risdictionem impediamus: iniuria nobis sit longè maxima: nam quòd  
 multis iam annis in Cameræ tribunal atque confessum ij solùm reci=  
 perentur, qui nostram religionem oderunt acerbissimè, quòd hi ipsi,  
 posthabitis transactionibus, contra nos atque socios in causis religio=  
 nis pronunciarent, quòd in causis etiam ciuilibus nullum ius nobis

1546 communicarent, fecimus, quod iure nobis facere licebat, eosq; legitimè & necessariò recusauimus, uti suspectos & aduersarios, professi recusationis causas amplius nos uelle demonstrare coràm delectis arbitris. Nihil igitur hic nobis obijci potest: deinde Spiræ decretū fuit ante annos duos, ut æquabiliter Camera constitueretur: quò minus autem id factum sit, nobis atq; socijs tribui non potest: & nouit Cæsar, ante annum in conuentu Vuormaciensi, neminem huic ipsius decreto fortius reclamasse, quàm illos ipsos, qui uolunt obsequentes & officiosi uideri principes, cò nimirum, ut quum sint aduersarij, iudices etiam esse possint. Audimus insuper, hoc quoq; ueluti crimen intentari, quòd ex nobilitate quosdam ad nos conamur traducere: sed mirum est, cur hoc in nobis reprehendatur: nam ex rerum Imperij commentarijs doceri potest, hunc morè etiam patrum memoria semper extitisse, ut suæ ditionis non nobiles tantum sed episcopos etiam sibi coniungerent: et ut aliquid sit in eo culpæ, num ideo bellum indicta causa nobis mouere licet? tam, etsi in illo fœdere hereditario, quod est inter Saxonicam, Brandenburgicam & Hessicam domū, Cæsar exceptus est, tamen hoc sic accipi debet, modò potestate sua non abutatur. Albertus igitur & Ioannes Brandenburgici, cognati, qui suam operam Cæsari contra nos addixerunt, diligenter secum expendant, quid agant, & sint memores iurisiurandi, quo tenentur: hoc ipsis denunciatum uolumus, & ijs etiam, qui, cum sint beneficiarij nostri, stipendia sub ipsis merent hoc in bello. Neq; uerò excusantur, si fortè dicant Cæsarem habere in animo mulctare quosdam principes, oñ nā præstitam obedientiam: sciunt enim ipsi, nihil eiusmodi iure nobis obijci posse. Quòd si de crimine Cæsar nos accusasset, ut equū erat, neq; nos illud refellere potuissemus, nihil opus fuisset his artibus uti, & ad defectionem sollicitare socios. nam demonstrato crimine, sponte sua pleriq; nos deseruissent, & in cusa non bona pauci nobiscum erant commune subituri periculum. Adhæc, ante annum secundum, quando contra Gallie regem auxilia Cæsari decreuimus cum alijs, promittebat, eo finito bello se profecturum esse ipsum in Vngariam aduersus Turcam: nunc autem in Vngariam & loca finitima, Turcæ maximis cum copijs irruunt, ut quidem à multis nunciatur, & sunt alioquin ijs locis Budæ atque Pestæ magna Turcarum præsidia: sed postponitur miserorum homi-



hominum salus eius regionis, qui nunc hosti crudelissimo uelut in prædam obijciuntur, & hoc agitur interim, ut in Germania cedes fiat, & eorum, qui Christum profitentur, cruore omnia redundant. Quod cum ita sit, fore speramus, ut hanc nostram uicem plerique omnes doleant & miserentur, et aduersarij, qui solum eo tendunt, ut apud nos extirpetur & euangelij doctrina, sicut alijs in locis ipsorum ditionis fieri uideamus, extrema seruitus nobis imponatur, minimè sese coniungant, sed tolerabili stipendio nostra potius, quàm illa castra sequantur, in quibus uersatur antichristus Romanus & ipsius clientes, quorum hoc est præcipuum studium, ut, uel cum internecione Germaniæ, doctrinam suam & impiam & impuram denuò stabiliant atque confirment. Et quia post multam belli deprecationem, nullius adhuc criminis conuicti, cogimur uim iniustam à nobis depellere, confidimus ad futurum esse Deum ueritati contra mendacium, & in hac sua causa, belli summum Imperatorem atque signiferum esse futurum aduersus nefaria consilia pontificis. Et uidelicet rem omnem commendamus, & ut sanguinariorum consilia retundat, ac nominis sui maiestatem, magis atque magis illustrem faciat, precamur. Eodè die scribunt ad Ioannem Marchionem Brandeburgicum: & quia sit foederis protestantium, ut quidem ipsius literis doceri possit, deinde, quia priuatim sit iam olim ipsorum cõfoederatus, monent, ne ferat arma contra se, uerum ut ex patetis & pro ratione foederis agat: nam alioqui fore, ut rem omnem euulgent, & quam non suum faciat officium, publicè demonstrent. Ad hæc ille. se militare Cæsari, neque negare, quandoquidem sibi cauerit, non peti religionem: se quidem esse foederis Smalcaldici, uerum Augustanæ tantum cõfessionis ratione: quod ad priuatum foedus attinet, in eo Cæsarem excipi claris uerbis: id cum ita sit, non esse, cur hanc suam missionem egrè ferant, aut aliquid ab se contra fidem datam factum esse dicant. Eo dato responso, illi publicum scriptum edunt, & inter alia, quod de Augustana cõfessione dixerat, refutant, & ipsius literis docent, eum sibi socijsque teneri opem ferre, si res in eum casum deueniat, & si quis aliam contra se belli causam obducatur atque simulet, uti nunc Cæsar facit. Itaque diligenter monent omnes, præsertim tribunos, centuriones atque milites, ne suam operam illi, qui fidem uiolarit, addicant. Idibus Iulij, pontifex, euulgato scripto, multa locutus de sua sollicitudi-

Litteræ  
protest.  
ad Ioan.  
Brandeburgicū.

1 5 4 6 ne & affectu erga rem publicam, hominumq; salutem, de concilio iam  
 Pontificis inchoato, de pertinacia hæreticorum, qui contemnunt illud atq; recu-  
 scriptū sent, & pijs omnibus nefarium bellum indixerint, hortatur in uni-  
 versum omnes, ut ieiunijs atq; precibus Deum sollicitent, delicta sua  
 confiteantur, & sacerdotem sibi quisque deligat quem uelit, deinde  
 cœnam Domini percipiant. quò uidelicet Deus exoratus benè uertat  
 hoc bellum, quod Cæsar & ipse necessario susceperint ad extirpan-  
 dum hæreses & restituendam ecclesiæ pacem. Porro, quanquam Cæ-  
 saris hoc erat consilium, ut conductis undique copijs, quàm posset oc-  
 cultissimè, Smalcaldicos adoriretur prius, quàm essent instructi, tan-  
 ta tamen erat illorum diligentia, tantus hominum ardor & ad defen-  
 dendum hoc bellum alacritas, ut ad xvi. Iulij diem Lantgravius suas  
 copias educeret in hostem, tametsi per inferiorem Germaniam Buren-  
 sis Maximilianus exercitum iam propè totum haberet instructū, nec  
 in quem primùm esset facturus impetum, constaret. Filium natu ma-  
 ximum Gulielmum, ad xvi. annorum adolescentem, Lantgravius,  
 antequam è suis finibus exiret, Argentoratum misit, urbem præ cæte-  
 ris ualde munitam. Abituro nuntiabat Henricus Brunswicensis è car-  
 cere, si quidem audire uellet, patefacturum se ipsi, quo tempore, &  
 cuiusmodi essent huius bellifabricata consilia: Lantgravius autem,  
 qui callidè hoc ab ipso fieri putaret, offensionis minuendæ, uel con-  
 sequendæ causa libertatis, respuit colloquium: at ille, nemini præter  
 quam ipsi uni, rem uolebat explicare. Primus impetus, à superiori-  
 bus Germanis, qui iam erant expediti, factus est in hostem, ex Vinde-  
 licis. Cùm enim crebris nuncijs adferretur, pontificis copias, iam su-  
 peratis ferè alpibus, imminere Germaniæ, præuertendum illis esse iu-  
 dicabant. sic autem res habet. Ex Italia uenientibus, per Tridentum  
 est iter Oenipontem, Ferdinandi ditionis oppidū. Inde duabus omni-  
 no uijs in Bauariam itur, ubi tum Cæsar erat, uel secundo flumine  
 Oeno, per Copstenum, uel ad læuam per medias alpes. Propè ad exi-  
 tum alpium habet arcem Erebergum, editissimo loco positam, rex  
 Ferdinandus, & ea est natura loci, propter angustias & crepidines  
 uiarum, & præcipitem despectum, ut qui hunc aditum teneat, quan-  
 tū uis magnas copias transitu prohibere possit. Contendit igitur eo  
 cum mediocri manu, Iulio mense, Sebastianus Schertelinus, mandatus  
 legato=

Profect.  
 primus  
 impetus.



legatorum, qui Vlmæ conuenerant, ut antè diximus. & ex itinere ca=<sup>1</sup> 5 46  
 pta Fieſſa, oppido epiſcopi Auguſtani, quod eſt ad Læchum flumen,  
 aditum etiam illum & arcem, decima die Iulij, deditioe facta per mi  
 lites præſidarios, occupat. Erat eius conſilij, cōtinuato itinere per al  
 pes, Oenipontem etiam capere, & firmo præſidio munire: ſic enim  
 utramq; tenuiſſet uiam, qua uenitur in Germaniam ex Italia, & mi  
 lite Cæſarem atq; cōmeatu, ijs quidem locis, intercluſiſſet: ſed in hoc  
 tumultu, quum iuſſu Ferdinādi repente ad arma uocati eſſent omnes  
 per agrum Tirolenſem, magnæ manus conueniunt Oenipontem, du=  
 ctore Francisco Caſtelalto, Tridenti præfecto, & ad oppidi defenſio=  
 nem relicto præſidio, uias & aditus occupant. Itaq; Schertelinus im=  
 poſito in arcem Erebergum, & oppidū Fieſſam milite, retrocedit, &  
 cū ſuis deinde copijs ad eum exercitum, qui per ſuperiorem Germa  
 niam collectus, ad Danubium erat, proficiſcitur. Hic exercitus, cui  
 præerat Hedecus, Dillingam, epiſcopi Auguſtani oppidum & arcē,  
 deditioe capit, & in fidem ſuam adigit, Iulij die xxij. Sub idem tem  
 pus, Eiſtetenſis epiſcopus Mauricius legatos mittit ad belli duces, &  
 ut ſibi ſuiſq; parcant, orat: uter etiam per ſuos fines & cōmeatum pa=  
 cto pollicetur. Infra Dillingam eſt oppidū Donauerdæ. hi de deditio=<sup>Donauerdæ</sup>  
 ne ſolicitati, recuſarant: miſiſis autē eò copijs, quum uis adhiberetur, <sup>da capta</sup>  
 in Smalcaldicorum poteſtatē ueniunt. Interim Saxo & Lantgrauius  
 cum ſuis copijs procedunt, & per Franconiam proſecti, cū Vuirci=  
 burgenſis epiſcopus ipſis idoneè de nō impediendo commeatu cauſ=  
 ſet, ad ſocios cōtendunt. Erat tum in ipſorū caſtris, electoris Brande=  
 burgenſis, & Mauricij ducis legati, de permittenda interceſſione miſ=  
 ſi: cū autem illi rem ad ſocios reiicerent, nihil actum fuit. Qui com=  
 morantur Auguſtæ, prædiuites quidam, collectis rebus, urbe iam pri=  
 dem exceſſerant: & quia rumor erat, eos mutuò dare pecuniam Cæ=  
 ſari, hi qui tum erant Vlmæ legati, datis ad ſenatū Auguſtanū literis  
 & miſiſis internuncijs, quàm hoc ſit indignū, demonſtrant, grauiterq;  
 monent, dent operam, ne quid in poſterū tale fiat. Senatus, illos iam  
 antè ſuo more, pecuniam fortè mutuò dediſſe reſpondet, ne eſſet ocio=  
 ſa, quòd belli cōſilia neſcirent: nunc autem exiſtimare, neminē eſſe qui  
 id faciat: nec enim impunè cuiquam futurū, ſi reſciſcant. Erat id tem=<sup>Cæſaris</sup>  
 poris Batiſbonæ, Cæſar, & præter Hiſpanos, ad millia tria, peditum <sup>copie Ra</sup>  
<sup>tisbonæ,</sup>

Ger=

15 46 Germanorum millia circiter quinq; & ad septingentos equites, nulle  
 adhuc ad ipsum copię tunc conuenerant. Hispanos ex Pannonijs  
 euocauerat: & erant illi, quos à pacificatione Sueſtionenſi, in Lotha-  
 ringia hyemaſſe, ac deinde propè Argentinam factò itinere, ante annũ  
 in Vngariam uiſſe, libro ſuperiori diximus. Facta nuper pace inter  
 Gallię regem & Anglũ, opportunè proteſtantibus accidit, quòd mi-  
 lites Germani, quorum opera Gallię rex uſus fuerat, dimiſi, tranſie-  
 runt ad ipſos, ductore Bichlingo Comite, & Georgio Recrodo, qui  
 Saxo & Lantgrauierat beneficiarius. Saxonem atq; Lantgrauium, Cæſar,  
 uis à xx. die Iulij, publicis literis proſcribit. Initio ualde prolixè cõmemo-  
 rat, quantos hucusq; ſumpſerit labores, ut Germaniam in uniuerſum  
 pacaret, cuiuſmodi fecerit eius rei decreta, quibus cautum ſit, ne qua  
 uis cuiquam fiat, quacunq; de cauſa, uerũ ut legibus atque moribus  
 agatur: deinde, quo modo ſibi deuincti ſint, & quam fidem præſtare  
 debeant ordines Imperij, docet. ſed his, inquit, omnibus neglectis, Io-  
 annes Fridericus elector Saxonie & Philippus Heſiæ Lantgrauius,  
 temerario quodam auſu, ſtudium atq; laborem noſtrum omnem, pro  
 republica ſuſceptum. ſingulis temporibus, quantiũ in ipſis fuit, impe-  
 diuerunt, neq; dicto fuerunt audientes, & non modò ſeſe mihi oppo-  
 ſuerunt, ſed alios etiam ordines, ut idem ſacerent, et illicitas cum ipſis  
 inirent coniurationes, impulerunt. Et Lantgrauius quidem, ſuperio-  
 ribus aliquot annis, obducta qua nescio cauſa, bellũ inſtituit in quoſ-  
 dam primi nominis Imperij ordines, & in ipſorum fines progreſſus,  
 pecunię uim magnam extorſit. deinde, ambo ſimul, quendam Imperij  
 principem, indicta cauſa, bello petitum, finibus expulerunt, occupata  
 prouincia. Sed et episcopatus aliquot et præfecturas tam ſacras quàm  
 ciuiles, quarum domini ueteri conſuetudine ſunt ditionis Imperij, &  
 onera publica ſuſtinent, et in ordinũ conſeſſu locum obtinent, in ſuam  
 ditionem perduxerunt, & adhuc quidem illos, cum ſæpe meam fidem  
 in comitijs implorarent, in ea ſeruitute detinent. Multos quoque ſuis  
 facultatibus atque prouentibus annuis ſpoliarunt, & alienę ditionis  
 homines in ſuam cliētelam receperunt. nuper etiam audacia quadam  
 ſingulari ſolicitarunt quoſdam ordines, ne ad iſta uenirent comitia,  
 uidelicet ut actionem omnem impedirēt, meiꝫ cõtemptionem excita-  
 rent. Et hæc quidem omnia tantò faciunt ſecurius atq; licentius, quòd  
 iudia



iudicia contemnunt, nec magistratum agnoscunt aut uerentur. Nam ipsorum culpa summum Imperij tribunal est sublatum: tacent leges, & multo iam tempore ius nullū dicitur, magno sanè cum dispendio plurimorum, & nouo prorsus atq; inaudito exemplo. quodq; omnium est grauissimum, agunt hæc omnia specioso illo & dulci nomine religionis, pacis atq; libertatis: his enim utuntur tanquam pallijs atque uestibus, ut suas illas tegant actiones, quum interim nihil minus quam religionis conciliationem aut Germaniæ pacem atq; libertatem expectant. Certè, nullo scripturæ loco docere possunt, ipsis licere, ut summo magistratui sese quocunq; modo pertinaciter opponant: diuersum uero doceri potest tum sacris literis tum probatis historijs, nempe, priuscos illos doctrinæ Christianæ professores, qui suam fidem non uerbis tantum sed factis etiam atq; morte comprobarunt, prophanis quoq; regibus obtemperasse. Quò certè minus licet istis, officium mihi suū denegare, specie religionis: & cum denegant, apertè declarant, ipso-  
rum esse consilij, ut diadema, sceptrum atq; potestatem omnem mihi adimant, & sibi usurpent, & conturbatis omnibus, religionem, ius, pacem atque libertatem opprimant, & amplificati nouis honoribus atq; facultatibus, in suam tyrannidem omneis cogant. Hoc enim ipso-  
rum uerba testantur. plena minarū, libelli etiam atq; picturæ famose, disseminatæ passim & in uulgus emissæ, magno cum nostri nominis ludibrio atq; contemptu. Præterea, non solum fœdera pacti sunt aduersum me, suis illis in conuenticulis, uerumetiam externos reges in odium mei concitarunt, & clanculum ope consilioq; iuuerunt. Non desunt etiam, qui recitare possint, quid moliti sint, ut Turcam in Germaniam excitarent. quod eò magis credi potest, quoniam ad ipsorum institutum ea res perquam fuisset opportuna. His ergò factis, et fidem datam uiolant, qua mihi deuincti sunt, & muneris nostri dignitatem conuellunt, & decreta omnia labefactant, quæ certè non secus accipiunt, quam si ideo facta sint, ut alijs uim ab se depellere non liceat, ipsis uero solis permissum sit, uim cuiq; facere. Quamobrem in grauissimū illud læsæ maiestatis crimen, & in pœnas eo crimine dignas, legibusq; præscriptas, inciderunt: & quia nota sunt ipsorū facinora, nihil attinet ea demonstrare. Cæterum, etsi pro autoritate, qua fungor, multò antè mihi licuit in eos, pro merito ipsorū uindicare, tamè,  
studio

2546 studio pacis, & motus uitandi causa, plurimum illis indulsi, multa sæpe concessi, magis etiam quam deceret, in eoq; et conscientiam meam non semel ipse lēsi, & auctoritatem mihi minui, & alijs parum bene consului. Sic ante annum quintū, Ratisbonæ, cum Lantgrauio, ante biennium uerò, Spiræ, cum Saxone egi clemētissimē, nimirum ea spē, futurum, ut hac immodica mea lenitate uicti & tolerantia, desisterēt tandem aliquando à suis illis illaudatis consilijs, nec opus esset uiolentius aliquod remedium adhibere: cū autem ipsa re, nihil esse profectum, & illos uerba mihi solum dedisse, comperiam, eò quòd meis & Imperij decretis contemptis, & uiolatis pactis, obstinatē pergant, & effreni quadam dominandi cupiditate facultates aliorum diripiunt, neq; legibus teneri uolunt, sed eò tendunt, ut omnem reipublicæ statum euertant: & uerò, nisi coherceantur, non modò non religio conciliari, sed nec reliquæ etiam reipublicæ partes cōstitui possint atq; sanari, cogor aduersus ipsos uti ea, qua sum præditus, potestate. Et quia de rebellionē constat, ita quidē ut ipsi negare nō possint, deinde, quia uiolenter agunt, neq; iudicium ullum subire uolunt, equidem illos, uti perfidos, rebelles, seditiosos, læsæ maiestatis reos, et cōmunis ocij perturbatores, proscribo, & statutū habeo in illos, ut meriti sunt, animaduertere, quòd per ipsos mihi deinde liceat rempublicam constituere, & ea facere, quæ propriè sunt mei muneris. Itaq; mando, ne quis opem illis ferat quocunq; modo, neque se causæ ipsorum adiungat: qui secus fecerint, & fortunarū et uitæ discrimen adibunt, quiq; iam fortè profecti sunt, ut illis militent, redeant quamprimū: mihi uerò subministrant omnes auxilia, neq; foedere uel pactionibus priuatis impediri se patiantur. nam hæc omnia rescindo. Deinde nobilitati atq; populo ditionis ipsorum, fidem atq; iusiurandum, quo sunt eis deuincti, remitto, & publica fide caueo, si morem gerant: qui recusant, eodem modo, quo illi, plectentur. Iulij die uigesimo secundo, Gerardus Velduwichus, Ratisbona remittitur Constantinopolim, quum nuper inde uenisset. Cæsar, quum hic nihil decerni posset, in calendās Februarias anni sequentis, Imperij conuentum transfert. De literis pontificis, missis ad Heluetios, antea diximus: has ubi legatus pontificius, Hieronymus Franchus accepit, Luceria transmittit, & simul ipse uigesimo quinto Iulij die scribit. ante triduum sibi redditas esse pontificis et se-

H. Fran-  
chi ad  
Helueticos  
os litteræ



natus cardinalium literas: & quanquam eiusdem propè sint sententia cum superioribus aliquot illius epistolis, tamen, quòd aliquid habeant præterea, celeriter ad ipsos mittere iam exemplum, & in proximo conuentu uelle archetypum exhibere: ac quoniam in eo fœdere, quod nuper ad exitum Iulij pontifex atq; Cæsar inierunt, locus etiã sit relictus alijs, qui uelint in eam societatem uenire, deinde, quia conuenit, ut Cæsar prius experiatur, num absq; bello possint ipsius et Romanæ sedis aduersarij ad sanitatem & officium reduci, pōtificem admodū ab ipsis flagitare, ut claris uerbis pronuncient, an huius esse fœderis, & an Tridentini concilij decretis obtēperare uelint: cumq; diē sibi constituerint, ad proximum Badenæ conuentū, quo die ad superiora postulata sibi respondeant, ideò se, nunc etiam hæc ad ipsos perscribere, ut interea deliberent: orare igitur, per sanguinem Christi seruatoris, ut diligenter secum expendant, quàm sit hoc futurū gloriosum, quàm salutare tum ipsis tum ipforum liberis, si & incendiū hoc per Germaniam unà restinguant, et cōcilij decreta laudent. Quòd fœderis causam pontifex enunciarit, callidè factum esse nōnulli putant, ut hac ratione Cæsarem summis difficultatibus objiceret: molestè quidem ipsum tulisse, quòd Cæsar aliam belli causam præ se ferret, certū est, ut infrà dicitur. In hoc tēpore, Bauariæ ducis filius Albertus, Ferdinandi regis filiam, Annam, alteram uerò, Mariam, Gulielmus dux Cliuensis, in matrimonium ducit. Cum enim Nauarricam Cliuensis frustra speraret ex Gallijs, ut antè diximus, indultu pontificis, ut aliam duceret, permissum ei fuit. hanc ergò duxit, & fuerunt utriusq; nuptiæ peractæ Ratisbonæ, medijs in turbis atq; moribus bellorum. Virunq; matrimonium ad nouum necessitudinis uinculū pertinebat. Confessui patrum, Tridenti dictus fuit dies, ut suprà docuimus, ad exitum Iulij, sed dilata res fuit in anni sequentis initium, ut suo loco dicetur. Erant autem Tridenti, præter cardinales, pontificis legatos, & Tridentinum atq; Pachecum Hispanum, archiepiscopi quatuor, Numecrus patrum cōcilij Tridentini, episcopi triginta tres, & in his duo Galli, quinq; Hispani, Illyricus unus, reliqui omnes Itali. Theologi doctores, monachi, xxxv. ex alijs uerò non monastice professionis, duodecim, pleriq; omnes Hispani. Cæterum, in quatuor illis archiepiscopis erant duo, ueluti personati, Olauus Magnus, Vpsalensis, Robertus Venantius, Scotus. id autem

Bauariæ  
& Cliuensis  
nuptiæ.

Numecrus  
patrum cōcilij  
Tridentini.

fic

2 3 4 6 sic accidit. Cum Sueciæ rex Gustauus, Daniæ finitimus, religionem mutaret, quod fuit anno circiter M. D. XXXVII, Ioannes Magnus, archiepiscopus Vpsalensis, qui mutationem illam improbaret relicta patria, Romam confugit, eoq; uenit mediocri cum comitatu. Venetias profectus deinde, factus est eius ciuitatis patriarchæ uicarius, & ut uulgò dicunt, suffraganeus. Eam uerò conditionem postea pertæsus, Romam reuertit, & in angustias redactus, quum diuenditis equis familiam ferè totam dimisisset, à Paulo pontifice collocatur in hospitali domo, quam uocant, sancti spiritus, in eaq; tenuis atq; pauper uitam finit. erat cum eo frater Olaus: huic pontifex archiepiscopatum illum Gothicum, licet extra commercium ecclesiæ Romanæ positū, confert, et concilio interesse iubet, & ad uictum quotidianum aureos dat menstruos quindecim. Alter ille, Scotus, cum archiepiscopatum Armacanensem esse in Hibernia pontifici demonstrasset, titulum eius fuit ab illo consecutus. erat autem cæcus, et tamen non solum misiscabat, uerumetiam per celeres equos currebat: hos ergò duos pontifex in cœtu patrum esse uoluit, ostentationis causa tantum, quasi duo isti populi tam longinqui, Gothi & Hiberni, potestati ipsius agnoscerent, cum illi reuera, præter umbram & nudum titulū, nihil haberet. De Mauricio supra diximus quemadmodū post priuatū cum Cæsare colloquium, Ratisbona discesserit: ubi domum reuertit, subsequente paulo post Ferdinando rege, Pragam ad illum proficiscitur. Augusti deinde mensis die primo, Cæsar proscriptionis, quam supra diximus exemplum Mauricio Ratisbona mittit, & datis ad ipsum atq; populum cōmunibus literis, eadem ferè, quæ proscriptionis tabula continentur, commemorat: & quia proscriptis agnatione sit & necessitudine coniunctus, ita quidem, ut in illorum possessiones atq; bona, ius aliquod sibi forte uindicare possit, grauius uerbis mandat, ut sibi in occupandis illorū prouincijs adsit totis uiribus, imò, ut ipse quamprimū occupet omnia, & sui iuris tuendi causa detineat: nam alioqui fore, ut occupantis omnia fiant, quicumq; sit ille, nec quicquam ei prosit ius agnationis atq; pactorū: deinde, propter contemptum imperium eandem subiturū esse pœnam, quam illi nobilitati autē atq; populo mandat, ut edicto pareant, et fidelē operam principi nauent, eadē cōstitutā pœna. Quas Mauricio scripsit, Augusto etiā fratri cōmu-

Cæsaris  
literæ ad  
Mauri-  
cium.



nes erant literæ. Smalcaldicorum exercitus iam omnis ad Danubium 1 5 4 6  
 peruenerat. ibi Saxo, Lantgrauus atq; belli consiliarij dant literas ad  
 Gulielmum Bauariæ ducem, Augusti die tertio, ut de Cæsaris appa- Proteſt.  
 tu bellico multa dicant, nihil opus eſſe: ſcire enim ipſum rem omnem: ad Bau-  
 & quanquam nullum officiij genus erga Cæſarem prætermiſerint, nec rum li-  
 offenſionis ullam ſubeſſe cauſam exiſtimarint, tamen ex illius reſpon- teræ.  
 ſo & aliorum ſermone multò antè accepiſſe, illum cogitare ſibi facere  
 bellum, quaſi minus fuerint obediētes, cum interim neque ſint ullius  
 conuiſti criminis, neq; uim cuiſpiam fecerint: & ut maxime uerum ſit  
 quod ille crimen intentat, non tamen ei licere, niſi cognita prius cau-  
 ſa, rem armis experiri: ſed hoc illius inſtitutum eſſe contra ius & leges  
 Imperij, contra pactiōem, contraq; morem ſuperioris ætatis: nam ſi  
 quid haberent Cæſares aduerſus aliquem ordinem, id ſemper ad publi-  
 cam cognitionem deferre conſueuiſſe: ſcire ipſum, à multis nunc an-  
 nis inita fuiſſe uaria cōſilia, quò Germaniæ ſua libertas eriperetur: ne  
 que dubium eſſe, quin hoc etiam bellum eò ſpectet: iam uerò, licet ſtu-  
 dium retinendæ communis libertatis, adhuc quidem ſemper in ipſo  
 animaduenterint, & quanquam nuper admodum de ſua erga ipſos uo-  
 luntate multa pollicitus, nunciari non ſe permiſſurum iter externo  
 militi, tamen ad ſe deſerri, iam ipſum & dediſſe iter, & alimoniam e-  
 tiam atque tormenta ſubminiſtraffe, et hoſtium copias in oppida ſua  
 recepiſſe: id ſanè dolere ſibi non mediocriter, & exiſtimare, falſis cri-  
 minationibus ei perſuaſum eſſe, ut ita faciat: quum autem ſuis libellis  
 nuper editis abundè demonſtretur, quàm iniquè Cæſar agat, & quàm  
 multæ pactiōes tum publicæ tum priuatæ hac una re uiolentur, con-  
 fidere ſe, tuendæ cauſa libertatis, ipſum ope conſilioque ſibi non de-  
 futurum, præſertim, quum eius rei ſpem nuper fecerit per internun-  
 cium: Cæsaris ergo milites è ſuis oppidis Ræno & Ingolſtadio migra-  
 re iubeat, aut ſi tantundem præſidium ijs locis inponere permittat:  
 det iter tutum per ſuos fines atque commercatum, de eòque ſibi caueat  
 per literas: & licet non denegaturum putent, petere tamen, ut intra  
 diem quantum reſpondeat: etenim ſi ſecus faciat, capiendum ſibi eſſe  
 conſilium ex tempore. Ad ſeptimum Auguſti diem, Mechliniæ, quod  
 eſt Cæsaris ditionis oppidum Brabantie pulcherrimū, pulvis tormen- Clades  
 tarius in turri quadā in mœnibus diſpoſitus, à fulmine correptus et in Me. hli-  
 nix.

1546 census, ipsam turrim primum à fundamentis euertit, proxima deinde  
 ædificia, intra & extra urbem, ad quingentos amplius passus in circui-  
 tu inuasit, ex ijs pleraq; incendit, plurima euertit, diruit ac disiecit, nō  
 nulla concussit ac disrupit, atq; ex his lapides ingentes correptos, ple-  
 rosq; ad sexcentos passus longè abiecit, atq; ita corruptis tectis ac de-  
 nudatis, uitreis fenestris per omneis uias concussis atq; fractis, totam  
 propemodū urbem deformauit, arbores radicitus euertit & ambussit.  
 perierunt in ea calamitate homines plus minus ducenti, partim incen-  
 dio absumpti, partim ruinis ædificiorū ac lapidibus & tegulis obruti,  
 præter eos, qui grauiter uulnerati mortē effugerant, quorū ingēs erat  
 numerus, ex his complures biduo ac triduo, nōnulli quatrduo post, è  
 cellis subterraneis, in quas confugerant, pleriq; mortui, qui uel fame  
 uel spiritu præcluso extincti erant, pars uiui, qui penu ibi condito, in-  
 uento uitam tolerauerant, reperi atq; extracti sunt. præterea ingens  
 numerus iumentorum atq; pecorum, cum stabulis deflagrauit. murus  
 autem, qua parte turris steterat, ad ducentos amplius passus dirutus  
 ac solo fuit æquatus. Heluetij, ad nonum Augusti diem, iterum Bade-  
 næ conueniunt. et protestantium legatis, quos tunc adesse iusserant, ut  
 supra diximus, quarto post die respondent, non quidem omnes, ue-  
 rùm illi, qui sunt religionis pontificiæ, dolere sibi plurimum istud in-  
 ter ipsos atq; Cæsarem excitatum bellum, neq; esse, quod potius ue-  
 lint aut magis optent quàm pacem: ideoq; nolle prorsus immiscere  
 se huic bello, nec in alterutram inclinare partem, sed arcere à suis fini-  
 bus militem externum, & transitu prohibere, & suos continere do-  
 mi, quantum quidem possint: ideoq; iam edixisse grauiter, ne quis  
 militet, sed ut omnes imperium magistratus expectent, & ad patriæ  
 defensionem intenti sint: nihilo tamen secius abiisse multos in mili-  
 tiam, quos ipsi conduxerint: id sibi esse permolestum: itaq; rogare,  
 ut & illos dimittant, & domum redire patiantur. Præter superiora,  
 protestantes hoc etiam tunc postulauerant ab illis, ne uenirēt in fœdus  
 illud Cæsaris atq; pontificis, neue militē ullum eis auxillio mitterent,  
 quod pontifex inprimis sollicitabat, sed ut sibi, qui bellum iniustum de-  
 fendere, & ab se propulsare cogantur, opem ferrent. Et multa locuti  
 de pontificis iniquitate, qui & præsidere concilio, & simul iudex esse  
 uelit, & illud habeat in loco ad iniuriam opportuno, per occasionem

Heluctio-  
 rum ad  
 Prociū.  
 respōsio.



referunt de nece Ioannis Diazij, & facinus illud tam horrendum non  
 modò non uindicari in hunc usq; diem, sed etiam à multis ita laudari,  
 quasi præmio dignum sit, ostendunt: eam rem esse indicio, quàm non  
 sit ipsis consultum atque tutum ad ea loca uenire, ubi summam rerum  
 obtinent aduersarij, & in his episcopus Tridentinus, nuper factus car-  
 dinalis, & pontifici non uno modo deuinctus. Quia protestantes iam  
 cum omnibus copijs erant ad Danubium, sicut diximus, Cæsar, qui  
 nondum esset instructus, Augusti mensis initio, relicta Ratisbona cum  
 præsidio, Landshutum petit, Bauariæ ducis oppidum, ad Isaram flu-  
 men, & pro mœnibus castra ponit. Donauerda, Saxo, Lantgrauius  
 atq; socij, missis literis, Augusti die undecima, quo sint in ipsum ani-  
 mo, iuxta belli morem atq; legem denunciant, & superiori, inquirunt,  
 mense, per epistolâ nos apud te purgauimus, Carole Cæsar, de ijs, quo-  
 rum incusamur: ac licet æquum erat, ut aut bellicum apparatus inter-  
 mitteres, aut saltem belli causam explicares, et nobis inuicem auditis,  
 pro more Imperij, proq; data fide abs te per iusurandum, ageres, ta-  
 men, quia nihilominus pergis, coacti sumus & ipsi uenire ad arma,  
 uim istam iniustam, tuâq; persona indignam depellendi causa: quod  
 enim euangelij doctrinam simul & Imperij libertatē petas, uarijs tuis  
 actionibus demonstrari potest. Scis enim ipse, cuiusmodi consilia mul-  
 tis nunc annis, cum antichristo Romano & cum exteris regibus tra-  
 ctaris, ut eos uel tibi coniungeres, uel in nos excitares. Deinde, nō con-  
 sulto senatu principum & ordinum, inducias fecisti cum Turca, planè  
 contra promissum. etenim cùm auxilia tibi daret in Gallie regē, ante  
 annum secundum, Germania, cōfirmabas, eo finito bello, te ipsum ef-  
 se cum exercitu profecturum aduersus Turcam: sed nunc pactus es cū  
 illo, nimirum, ut eò commodius, quod constitueras, aduersum nos per-  
 ficeres. Et iam in his Ratisbonæ comitijs, nouum huic rei colorem atq;  
 speciem induxisti, prolixè multa locutus de tuo erga Germaniam &  
 communem patriam studio atq; uoluntate, deq; contumacia quorum-  
 dam, quod eò uidelicet faciebas, ut nos, qui religionis nomine consue-  
 derati sumus, alios ab alijs diuelleres. Nam neglecti à nobis officij cri-  
 men nullum docere potes, et causæ diffidens, non citasti reos, ut sese co-  
 gnitioni senatus Imperij sisterent, imò ne nominaſti quidem illos: atq;  
 interim tamen datis literis ad diuersos principes atq; ciuitates, callidè

Protestan-  
 tes bellū  
 Cæsari  
 denunci-  
 ant.

15 6 simulabas, quasi non religionis, sed contumaces quosdam coercen-  
 di causa, bellum parares: religionem autem abs te peti, uel ex eo satis  
 apparet, quod concilium apud pontificem sollicitasti, in quo præter  
 clientes atque beneficiarios illius nemo locum habet. fuerunt in eo  
 confesso pauci quidam, aliquantò liberiores in dicendo, sed inuenta  
 ratio fuit, ut ijs reuocatis atque submotis alij summitterentur nequio-  
 res. Cuiusmodi etiam decreta Tridentini patres, aliquot iam confessi-  
 bus fecerint, notum est omnibus: non est igitur hoc illud concilium, to-  
 ties promissum in comitijs, ut ante annum Vuormaciæ tibi demon-  
 strauimus: & quæ tunc à nobis dicta fuerunt, iam repetita uolumus:  
 quod etiam tui sit propositi, cogere nos, ut concilium approbemus,  
 doceri potest literis pontificis nuper missis ad Heluetios, quibus ual-  
 de queritur de multis per Germaniam, qui concilij dignitatem proij-  
 ciant, & hanc dicit esse causam, cur armis rem experiri uelit: & quo-  
 niam eadem de causa tu quoq; belligerari constituisses, peropportu-  
 nè sibi dicit hoc accidisse, atque ideo uelle tum suas tum ecclesiæ Ro-  
 manæ uires omnes atque facultates huc impendere. Cùm ergo pro-  
 positum illud tuum, quod alia quæ sita specie tegere uolebas, pontifex  
 patefecerit, quis amplius dubitet, religionem peti? Nos quidem nul-  
 lius facti nobis conscij sumus, quod uel publicè cognosci recusemus,  
 uel non possimus excusare: sed erat tui muneris, exemplo maiorum,  
 sistere nos senatui principum, & rationes nostras inuicem audire: ne-  
 que decebat, ut ad hunc modum nobiscum ageres, uocares ad comitia,  
 proponeres de republica, consilium nostrum exquireres, atque inter-  
 im belli rationes contra nos inires. Quid enim hoc rei est, dimisso Tur-  
 ca, belli furorem omnem in nos conuvertere, quasi multò simus illo de-  
 teriores? atqui confidimus omnino fore, ut hoc tam indignum facinus  
 impediatur Deus atque retardetur: etenim, si qua fuit inter te, Ferdinan-  
 dum fratrem atque nos offensio uel simultas, ea fuit tota sublata Ca-  
 dami, Viennæ, Ratisbonæ, Spiræ: pingas ergò licet & ornes, quan-  
 tum uoles, hoc tamen certò scimus, nullam aliam subesse causam, nisi  
 ut oppressa uera doctrina, libertatem amittat Germania. Scribis tu  
 quidem ad diuersos, & conaris persuadere, quasi ualde cupias euan-  
 gelij doctrinam propagari, sed academix Louaniensis dogmata, tuo  
 iudicio confirmata, deinde piorum hominum supplicia, tuis in ditto-  
 nibus,



nibus, & ista cum antichristo Romano facta confœderatio, demon-  
 strant satis atq; loquuntur, quid tui sit animi, nimirum hoc ipsum, ut  
 uniuersum pontificatum recuperes atq; confirmes, extincta uera do-  
 ctina, quam sumus Augustæ professi. Quòd cum ita sit, & quia fœ-  
 dus eò fecimus, ut in hac religione permanere nobis liceat, & ut eam  
 coniunctis animis tueamur, etiã si quis aliam offensionis causam ad  
 uersus aliquem ex nobis obducatur, neceßariò nobis hæc suscipienda fu-  
 it defensio, quam & diuinum & naturæ quoq; ius nobis concedit at-  
 que tribuit. Et quanquam propter hoc tuum institutum nullo tibi su-  
 mus astricti uinculo, nec opus idcirco fuit, ut quid nostræ sit uolunta-  
 tis, tibi denunciaremus, tamen amplioris cautionis loco renunciamus  
 eam tibi, qua deuincti fuimus, fidem & officium, non quidem ut im-  
 perij ius atq; commoda diminuamus, uerum ut ea conseruemus poti-  
 us. hoc ergò profiteamur palàm & more solenni, sic animo parati, ut  
 tuum hoc atq; sociorum bellum à nobis depellere cogitemus. etenim  
 in causa tam pia, tamq; honesta, nullum debemus recusare periculum.  
 Hanc epistolam per adolescentem quendam nobilem atq; tbicinẽ, uti  
 fieri solet, ad Cæsarem mittunt in castra propè Landishutum: ille au-  
 tem non modò non accipit, uerumetiam iubet capitis denunciata pœ-  
 na, ut eam suis referant. hoc insuper addit, si quis in posterum ab illis  
 ad se ueniat, fore, ut loco muneris atq; torquis aurei, laqueum ab se fe-  
 rat: deinde proscriptionis tabulam, de qua dictum est, illis tradit, &  
 grauissimis uerbis mandat, ut suis eam reddant. Prius quàm hanc epi-  
 stolam mitterent, disputatum fuit, quomodo Cæsar esset affandus: &  
 Saxo quidem non ei tribuendum esse Cæsaris cognomen, aliòqui cum  
 eo belligerari non licere: Lantgrauius uerò contrà sentiebat: & habe-  
 bant uterq; sui dicti comprobatores: tandem hæc fuit inuenta ratio me-  
 dia, ut illum appellarent uelut eum, qui sese pro Cæsare gerat. Postea,  
 quo sit eundum, deliberatur: erant qui Landishutum dicerent, ubi Cæ-  
 sar erat: cum autem periti regionis docerent interesse paludes, ita qui-  
 dem, ut angustis admodum uijs, per unum & alterum subinde millia-  
 re singulis eundum esset equitibus, mutato consilio, Ratisbonam ire  
 statuunt, ubi Cæsar & præsidium reliquisset & tormenta: nam & ca-  
 stris ibi deligi locum idoneum, & si Cæsar obseßis opem ferat, de sum-  
 ma rei posse cum eo dimicari. Promotis ergò castris, pergunt, sed leniẽ

1546 *admodum: et sub illud ferè tempus, quod fuit ad idus Augusti, Landis-*  
*Pontificis hutum ueniunt Itali seu pontificij milites, maxima cum Cæsaris expe-*  
*copiæ ne ctatione, qui de Smalcaldicorū progressu certior factus, dimissis nun-*  
*niant ad cijs, illos, ut accelerarèt, hortatus fuerat. Peditum erant millia decem,*  
*Cæsare. equites leuis armaturæ, quingenti. His omnibus copijs, nepotem Cæ-*  
*saris, Octauium Farnesium, pontifex præfecerat. ei militabant magni*  
*nominis duces, Alexander Vitellius, Ioannes Baptista Sabellus, Sfortia*  
*Palauicinus, Fridericus Sabellus, Paulus Vitellius, Iulius Ursinus, Ale-*  
*xius Lascaris, Hieronymus Pisanus, Ioannes Maria Paduanus, Nico-*  
*laus Plumbinus, Nicolaus Petilianus. Cum hac manu, Florentiæ dux*  
*Cosmus Medices unà mittebat equites ducentos, Rudolpho Balione,*  
*et Ferrariæ dux Hercules, centum, Alfonso fratre noho, ductore. O-*  
*ctauio pontifex fratrem adiunxerat cardinalem Farnesium Alexan-*  
*drum, uelut inspectorem consiliorum Cæsaris, et impulsorem atq; fla-*  
*bellum etiam. Discedens ex Italia Farnesius, dixisse fertur, se tantam*  
*esse daturum stragem per Germaniam, ut in Lutheranorū cruore uel*  
*natare possit ipsius equus. Non multò post, aduenerunt etiam Hispa-*  
*ni, quos ab Insubria et Neapoli Cæsar euocauerat, circiter millia sex,*  
*ueterani omnes. His præerant Philippus Lanoius, princeps Sulmo-*  
*nensis, Aluarus Sandeus, Alfonsus Viues, Iacobus Arzius. Cæsaris e-*  
*rat legatus Ferdinandus Toletanus, dux Albæ: post hunc proximum*  
*locum habebat Ioannes Baptista Castaldus. Cardinali Augustano de-*  
*mandata fuit annonæ præfectura. Militabant etiam Cæsari Maximi-*  
*lianus Austriacus, Emanuel Philibertus, Sabaudie ducis filius, Ericus*  
*dux Brunswicensis, et Henrici captiui filius Philippus, Georgius dux*  
*Megelburgius, Georgius dux Brunswicensis, Henrici frater, uir ordi-*  
*nis ecclesiastici, Fridericus Furstembergus, Renardus Solmensis, et*  
*alii complures. In protestantium castris erant Ioannes Ernestus, electo-*  
*ris Saxonie frater, Ioannes Fridericus, electoris filius, Philippus dux*  
*Brunswicensis cum quatuor filijs, Ernesto, Alberto, Ioanne, Vuolsgan-*  
*go, Franciscus dux Luneburgensis, Vuolsgangus princeps Anbaldus:*  
*Christophorus Hennebergus, Georgius Wuirtembergicus Albertus*  
*Mansfeldius cum duobus filijs Ioanne et Voltrato, Ludouicus Octin-*  
*gensis, cum filio, eiusdem nominis, Gulielmus Furstembergus, Chri-*  
*stophorus Oldenburgus, Hubertus Bichlingus, Hedecus, Comites om-*

nes:



nes: Recrodus, Rifebergius, item Heluetiorum octo signa. Cum igitur omnes iam conuenissent copiae, praeterquam eae, quas ab inferiori Germania Burenensis ducebat: Caesar, illinc profectus, Ratisbonam petit. eo cognito, statim oborta fuit suspitio nonnullus, quasi in Misniam atque Saxoniam cogitaret: confectis ergo pontibus, in alteram Danubij ripam Smalcaldicorum transportatur exercitus. progressus aliquantum uersus Norgouiam, nuncium adfertur, Ratisbona Caesarem contendere Ingolstadium: ubi conuersa ratione, per loca salebrosa & aspera, Danubium repetunt, ne Nuburgum, quod est supra Ingolstadium tribus miliaribus, & Donauerdam Caesar occuparet, inq; Vuirtembergicum agrum iter haberet expeditum. Vbi Nassefelsum uenissent, Lantgrauius postridie non magno cum comitatu progreditur, ut Ingolstadium contemplaretur, ignarus ibi Caesaris esse copias: nam de paucis tantum Hispanis ibi praesidiarijs acceperat, eosq; uolebat ad pugnam prolektare: sed dum pergit, Sulmonensis principis equites aliquot prodeunt: impetu facto, desiderati sunt utrinq; nonnulli uulnerati uero plures: è captiuis cognitum est, Caesarem eo die castra facturum esse ad Ingolstadium. Lantgrauij factum hoc elector Saxoniae moleste grauiterq; tulit, & si quid eiusmodi posthac ipso faciat inconsulto, discessurum se profitetur. Copijs deinde productis omnibus in aciem & instructis, quasi praelio dimicandum esset, in castra militem reducunt. Nocte sequenti, per primam quietem, in Hedecci castra qui Saxoni fuerat attributus, irruunt Hispani, & pedites ad centum interficiunt: ex ipsis quoq; nonnulli desiderati sunt. itaq; magna fuit in omnibus castris excitata turba, quae tenebris etiam augebatur. Postridie, qui uigesimus nonus erat Augusti dies, aliquot emittuntur centuriones atq; duces, qui situm castrorum hostilium cognoscant. in hos eruptionem ex improviso faciunt equites Itali: cunq; multi cecidissent utrinq;, illi, nulla re perfecta, redeunt in castra. Lantgrauius igitur altera luce, paucis aliquot comitatus, ex omni numero delectis, ut aliquid certi cognosceret, exit, et uado reperto, quod nullum esse dixerat ante ipsum emissi speculatores equites, redit ad Saxonem, et equitatum traduci posse renunciat. Pridie calendarum igitur Septembris, prima luce pergendum, et occupandum locum editiorem, ubi specula fuit Ingolstadiorum aliquando, & tormentis agendum esse placuit, si forte Caesar ad praedium elici pos-

Hispano  
rum in ca-  
stra Pro-  
testantiu  
irruptio.

15 4 6 set. Multa iam nocte, Saxo, per interuallum, his Lantgrauio nunciat, abiisse Caesarem, & summare castra: sed ille, cum fidem ei rumori non haberet, quinque cohortes equitum suorum emittit. ductore Gulielmo Schachto, qui uadum occupent, & traducendis tormentis atque peditatui pontes efficiant: aliquantò post, ipse cum reliquis copijs omnibus atque tormentis magna celeritate sequitur. Vbi uentum est ad flumen, Schachtus ei nunciat, Caesarem non se commouisse loco: cum id ad Saxonem deferri curasset, progressus, collem illum, de quo dictum est, occupat, & tormentorum ibi partem collocat: copias etiam ad leuam atque dexteram distribuit: idem deinde Saxo facit, ubi cum suis eo uenisset.

LIBER XVIII.

Burenfis  
ad Cæsa-  
rem cum  
copijs te-  
dit.



DE Maximiliano Burenfi dictum est antea: is omni confecto exercitu, qui erant, equitum, ad quatuor, peditum ad decem millia, & in his aliquot Hispanorum atq; Italorum cohortes, qui Britanniae regi contra Galum militauerant, Augusto mense progressus è Belgio, supra & infra Moguntiam, & ubicunq; nauium esset facultas, Rhenum transmittit, licet ad alteram ripam essent à Smalcaldicis copiae dispositae, Christophoro Oldeburgo et Risibergo ductoribus, qui transitu illos prohiberent. Archiepiscopus Moguntinus non minimum huc attulisse momentum putatur. Vbi iam Smalcaldicorum exercitus omnis conuenisset eo, quem diximus, loco, coeptum est omnibus tormentis in castra Caesaris fulminari, & uehementissimè quidem. Ibi tum Lantgrauius, conuocatis ad Saxonem belli consiliarijs atq; ducibus, quod si penes me solum, inquit, esset administratio, sicut tunc erat, quando Vuirtembergicum restitui, duabus equidem cum legionibus hostem adoriri primò uelim, & fossoribus adductis, munitiōnes illorum disturbarem, & summis deinde copijs impressionem facerem. Variantibus ibi sententijs, cum alij dissuaderent, ut rem summi discriminis: alij non improbarent quidem, modò ut ab Ingostadijs, qui tormentis abundabant, nihil periculi sit metuendum, et equitatus

etiam



etiam adhibeatur statim initio pugna: nihil actum fuit. Quod quidē ita reprehenditur à multis, ut hic error, & ipsorum calamitatis, & victoriæ Cæsaris initium atque causa fuisse putetur. Nam & equitatu longè superabant, & humili tantum fossa, Cæsaris tum erant munita castra: cum autem eius diei fulmen & impetum Cæsar sustinisset, nocte sequenti castra sic cōmuniuit, ut maiori deinde fiducia remageret, ac tempestatem omnem multò commodius ferret. Incredibilem uerò Cæsaris aiunt fuisse fortitudinem in hoc tanto discrimine, quum non modò timoris nullam daret significationem, sed suis etiam animum adderet, eandem subire paratus, quam illi, fortunam. Quomodo Cæsar, per suum in Burgūdia quæstorem sollicitarit Helueticos, libro superiori diximus: ad ea postulata responsum fuit in eo conuentu, quem Augusto mense Badenæ fuisse docuimus. non se discessuros ab eo foedere, quod sit ipsis cum Austriaca & Burgundica domo: deinde, qui sint ex ipsis iam in militiā profecti, reuocare, ac nisi pareāt, uelle multare pro eo ac decet. Hunc ad modum responderunt nouem pagi, qui pontificiæ sunt, uti diximus, religionis: Tigurini uerò & Bernates & Basilienses & Schafusiani, quia literæ Cæsaris atq; pontificis non eandē belli causam referant, deinde, quia Cæsaris atq; pontificis confederationis exemplum, ipsis à legato pontificis exhibitū, clarè dicat, religionis protestantium extirpandæ causa bellum susceptum esse, legato Cæsaris dicebāt, uelle se deliberare quid respōdeant, & expectare, donec à Cæsare fiant certiores, an religionem ipsis integram & saluam permittat. Hoc ubi Cæsar accepit, Augusti die uigesimo septimo dat literas ad eos, è castris ante Ingolstadtium. quod non idem cum alijs responderint, non uidere se causam, & aduersariorum dolis hoc esse factum, existimare: nam audire se, quemadmodum in superiori conuentu Badenæ conati sint ipsis persuadere, quasi nō multandi causa principes rebelles, uerū aduersus aliquot ciuitates bellum hoc susceptum sit, quò scilicet ope pontificis, euangelij doctrina simul & Germaniæ libertas opprimantur: audire etiam, quomodo sollicitauerint ipsos, non solum de auxilijs contra se, uerū etiam de foedere, cuius & spem esse factam intelligat, & fore, ut eis in proximo conuentu planè respondeatur: iam uerò, quæ sit causa belli, quoniam hoc suis è literis, & priuatis ad eos scriptis, & palam editis in-

Helueticorum ad Cæsare responso.

Cæsaris ad Helueticos Euāgelicos literæ.

1546 tellexerint, nō esse quōd hic repetat: quōd enim religionis nomine molestiam ulli fecerit, aut rebellionis causam dederit, nō posse doceri: sed statim ab initio quum bellum pararet, amanter egisse atque benignē cum plerisque, magis etiam, quā uel suam personam, uel illorum conditionem atq; gradum deceret: nec esse, quōd rebellionem suam purgent, eō quōd pontifex opem sibi ferat: etenim non Italiae modō, sed Germaniae quoq; principes aliquot, & ex nobilitate complures, honestissimis familijs procreatos, et quidem in ijs nonnullos, Augustanae confessioni coniunctos, auxilia sibi dare, & uitam atque sanguinem in hoc bellū impendere: quōd certē minimē sint facturi, si quidem res ad hunc modum haberet, ut seditiosi falso dicant: quōd autem illi semper eō spectarint, ut religionis obducta specie, supremum magistratū conuellant, & oppressa religione ac libertate Germaniae reliquos ordines in seruitutem redigant, id plurimis ipsorum actionibus ita iam esse notum, ut ampliori demonstratione nihil sit opus: nimirum, sub dulci nomine religionis, in suum foedus pellexisse potissimas Germaniae ciuitates, & earum copijs atque facultatibus instructos, aliorum occupasse ditiones atque bona: quomodo etiam nunc grassentur, & alienae ditionis homines in suas partes cogant, & multos in sua religione impedian, & ad aliud uitae genus cogant, in carcerem etiam & uincula conijciant, & grauissimē comminentur, & templa dispoliant, rem ipsam loqui: hanc uidelicet esse causam, cur ipsos de foedere sollicitent, ut hac ratione amplificati, cōmodius, quod animo destinatum habent, perficiant: non autem dubitare se, quin & haec ipsi uideant, et quid commodi uel incommodi sit ab illorum expectandum societate, satis intelligant: quōd cū ita sit, & quoniam de sua uoluntate, deq; belli causis compertū habeant, confidere se, futurum, ut & foedus illorū repudient, & militē domi contineant, & eos, qui iam in militiam abierunt, denunciata poena domū reuocent, & in antiqua foedera nihil committant, sed reliquorum exemplo, pacē & amicitiam colant: hoc & ad ipsorū pertinere laudem, & sibi quoq; futurum esse pergratum. Ad eas literas illi eodē ferē modo, ut supra legato respondisse diximus, rescribunt, & ut interpositam moram boni consulat, orant: & quia neq; religionem neq; patriae libertatem hoc bello peti confirmet, se quoq; dicunt inuicem facturos quod se deceat: etenim, si

qui



qui suis è finibus in militiam abierunt, id nullo suo permissu factum, 1 5 4 6  
 sed clanculum illos esse profectos, ut antea non semel: suæ autem esse  
 consuetudinis, non quidem illos reuocare, qui se nescientibus et inui-  
 tis abierunt, sed, ubi domū reuerterint, mulctare. Sicut Heluetios, ita  
 quoq; Bohemos Lantgravius atque Saxo sollicitabant: hi uerò sic re-  
 spondebant, ut facile appareret, ipsorū animos esse iam criminatione  
 Ferdinandi regis preoccupatos. Id cū ex eorum literis illi cognos-  
 cissent, sub exitum Augusti rescribunt, & religionē hoc bello peti de-  
 monstrant, & libellos ab se nuper editos ea de re, mittunt, & ne quid  
 hostile contra se faciant, petunt, & quid sit ipsorum uoluntatis, nun-  
 ciari sibi flagitant. Sub idem etiam tempus edunt scriptum, & à fide  
 dignis ad se deferri dicunt, pontificem, antichristum Romanum, or-  
 ganum sathanæ, huius authorem belli, qui superioribus aliquot an-  
 nis, per incendiarios conductis, igni Saxoniam grauitè afflixerit, nunc  
 emisisse ueneficos, qui puteos & aquas stagnantes corrumpant, ut  
 quod ferro supererit & armis, hoc isti ueneno perdant. Itaq; monent  
 in uniuersum omneis, præsertim suæ ditionis homines, dent operam,  
 ut emissarii illi comprehendantur, & subiecti tormentis, quum de sce-  
 lere constabit, poenam luant. Aliquot deinde post diebus, electoris si-  
 lius, Ioannes Gulielmus, euulgatis literis, monet suos, ut sibi diligen-  
 ter caueant. nuper enim nō procul à Vinaria, oppido Turingiæ, com-  
 prehensum esse quendam ex suspitione, Italū, qui sibi & nonnullis alijs  
 Romæ datam esse pecuniam fateatur nomine pontificis, ut incendijs  
 atq; ueneno, quantum omnino possent, per Germaniam damni darēt.  
 De proscriptione, & quomodo Cæsar eius formulam siue tabulas ad  
 Saxoniam atq; Lantgrauium miserit, supra diximus: hanc igitur ut acce-  
 perunt, è castris ad Ingolstadiū, altera die Septembris, honoris et exi-  
 stimationis tuendæ causa respondent, edito scripto ualde prolixo.  
 Quod suum ille studium atq; uoluntatē erga Germaniam tantò opere  
 cōmendat, simulatū esse: nam inde ab inito magistratu semper eò spe-  
 ctasse, quomodo illam in seruitutē adduceret: hanc nimirum esse cau-  
 sam, cur Hispania cæterisq; relictis prouincijs, in Germaniam sæpe re-  
 dierit, tantosq; sumptus fecerit: eiusdē esse generis, quod de religione  
 dicat: hoc enim semper eius fuisse consiliū, ut nactus occasionem tem-  
 poris, purā doctrinam opprimeret: quoties enim, inquit, pacē nobis  
 atque

Prote-  
stantes  
ad Bo-  
hemos.

Incendia-  
rij & ue-  
nifici à  
Papa e-  
missi.

Prote-  
stārium  
respon-  
sio ad  
proscrip-  
tionem  
Cæsaris.

1346 atque religioni dedit: hoc astute fecit, solum ad tempus, donec in publicos usus atque necessitates Imperij, pecunia esset à nobis contributa: post, in dubium atq; questionem decreta facta uocauit, & in suspenso rem tenuit, ut interim cum Gallie rege, pacem, cum Turca uero faceret inducias, & speculati tempus idoneum, ipse atque pontifex, Tridentinum illud concilium indicerent, ac foedus inirent. Eius autem rei quaedam adferemus documenta. Ratisbonae ante annum quintum, de religione statuit: & quum nobis decretum illud in plerisque non probaretur, mentem suam declarauit amplius, concepta formula, qua nobis recte cauebat: eam post in alteris comitijs, ipsius legati & Ferdinandus rex confirmarunt: sed ante annum secundum, in conuentu Spirensi, cum eius rei mentio fieret, non sibi uenire in mentem aiebat eius declarationis. In superioris anni conuentu Vuormaciae, Hildessemensis episcopus, palam in confesso principum, pontificijs illum promississe dicebat, decretum Spirense non habiturum esse locum à bello Gallico. Paucos ante menses, quum Ratisbonam iret ad comitia, Granuellanus mihi dicebat, inquit Lantgrauius, praesente Palatino, meisq; consiliarijs et legato Wuirtembergico, decretum illud Spirense, tempori fuisse accommodatum: nunc uero, Caesarè illud ad reliquos ordines non posse tueri. Ante annum sextum, in conuentu Haganoë, Ferdinandus rex quum ad pontificios ordines mandata sua referret, nulla dicebat nobis esse decreta seruanda: nam illa metu belli Turcici fuisse facta, quum nostris esset opus auxilijs. Quid? pulchrane uidetur haec esse causa circumueniendi nos atque socios? fatentur ipsi technam, qua pecuniam à nobis emunxerunt. Planum igitur est, quod religionis excidium semper sit molitus, ut quidem foedus nuper initum demonstrat, & quod tempus solum ad eam rem opportunum captauit. Ut autem legitime res agi uideretur, semper à nobis contendit, ut concilio nos pontificio summitteremus: id uero cur nobis facere non esset integrum, satis abundè scriptis in lucem emissis, demonstrauius. Fuit autem eius propositi, decreta concilij tueri & exequi, ad eamq; rem perficiendam, multo ante principes aliquot exteros sollicitauit: sed quum metus esset, ne hac ratione aduersum se concitaret omneis religioni coniunctos, aliam obduxit causam et rebellionem finxit, ut socios diuelleret, et praecipuis oppressis, reliquos deinde cogeret imperata facere. Et quamquam



quam ipse atque frater hoc suum tam uasum & insidiosum consili-  
um magno studio tegere cogitabant, singulari tamen Dei beneficio  
factum est, ut indies magis atque magis patefieret. nam & belli cau-  
sam & fœderis exemplum pontifex ipse per legatum Heluetijs expo-  
suit, ex quo perspicuum est, non sibi tantum, sed & omnibus, qui do-  
ctrinam hanc profitentur, imminere discrimen, & hoc agi, ut ponti-  
ficatus omnino restituatur. Iudicent igitur omnes, quàm pulchrè sit  
actum ab illis, quando nuper in conuentu Ratisbonæ conati sunt per-  
suadere, quando confirmarunt, ad componendam religionem uelle se  
legitimis & tranquillis uti remedijs. Nuper, ait Lantgrauius, Spiræ  
mihi dicebat ipse, nullum sibi esse fœdus cum pontifice: dicebat idem  
Granuellanus: hic est scilicet ille paternus animus, hoc studium illud  
& amor pacis, de quo toties & tam multa prædicant. Ecquis unquā  
eiusmodi quid audiuit, uelle persuadere principibus diuersum ab eo,  
quod iam olim in animo defixum fuit? Quid Cæsari debeant princi-  
pes, quid inuicem ipse præstare debeat, abundè nobis constat: ut nos  
illi, sic ipse uicissim nobis est obligatus: quod autem indicta causa nos  
proscribit & possessionibus omnibus deicere conatur, in eo iuris uin-  
culum dissoluit, quo clienti seu beneficiario deuinctus est inuicem pa-  
tronus. Iam, quod rebellionem nobis obijcit, nihil est, & scit ipse, no-  
bis iniuriam fieri. nam mihi nuper, inquit Lantgrauius, hoc nomine  
gratias egit Spiræ, quod ad componendam religionem nihil diligen-  
tiæ præterissem. Quod autem parasse bellum, & pecunia quosdam  
ordines multasse me dicit, non diffiteor equidem, & causæ fuerunt  
graues, cur apparatus facerem: sed publicè constat, Ludouici Palati-  
ni principis & Richardi Treuirensis intercessionem rem omnem fuisse  
consopitam: ipse quoque datis literis, etsi factum hoc indignè tulisset,  
tamen, quod arma deposuissem, nihil amplius desiderare se nuncia-  
bat: deinde, quum annis ab hinc sexdecim Augustam uenisset, & hoc  
nomine me compellaret, equidem, Ferdinando rege, Friderico Pala-  
tino, & nonnullis alijs presentibus, ita me purgabam, ut ei satisfac-  
eret. non est igitur, quod ex eo causam aliquam assumat ad hoc bellum.  
Quod Vlricho Wuirtembergico principi meam operam præstiti, eo  
nomine, quum Saxonie dux Georgius et Moguntinus intercederent,  
reconciliatus fui per transactionem, quam ipse ratam habuit: & po-  
stra

1546 *ſtea Ratiſbonæ, quicquid eſſet offenſionis, interpoſita fide & cautela ne ſuſtulit totum & aboleuit. Nunc etiam de bello Brunſuicenſi loquitur: eius uerò cauſam edito ſcripto demonſtrauimus, & ante biennium in frequentiſſimo Imperij confeſſu, præſente ipſo, copioſius explicauimus. Reſpondit tunc quidem Henricus, uerùm noſtras reſutationes audire Cæſar recuſabat. cur autem non exactè rem omnem cognouit, & de conſilio reliquorū principum in eo ſtatuit? nimirum, quia in bellum Gallicum atq; Turcicum auxilia petebat, cōſulio rem ſuppreſſit, & ſequeſtrum introduxit, in eoq; illi Vuormaciæ ſumus aſſenſi, tameliſi non teneremur, et utrinq; placuit, ut captam prouinciā Fridericus Palatinus & eius patruelis Ioannes Simmerius tenerent & adminiſtrarent, donec de cauſa legitime pronunciatum eſſet. Eo facto, nobis cōfirmabat, fore, ut Brunſuicenſis etiam aſſentiretur, ad eumq; miſſis literis, grauiter mandabat, uti pareret: ille uerò contemptis ijs mandatis bellum in nos excitauit, in eoq; captus eſt, ut ex meo & Mauricij ſcripto conſtat, Hoc igitur in bello nihil egimus inofficioſe, nihil aduerſum leges, & ad æquum iudicium prouocamus. Verùm ex hoc ipſo, quæ ſit eius in religionem uoluntas, uideri poteſt. nam licet illius mandata contempſerit Henricus audaciſſimè, quamquam, cum de ſequeſtratione nunciaretur ei, grauiſſimis uerbis ipſum atq; cōtumelijs aſſecit, tamen, quòd noſtræ religionis eſſet acerrimus oſor, impunè omnia fecit. Quòd à nobis ait quosdam eſſe perductos in noſtram ditionem, longè ſecus habet, & iam antè non ſemel ad ea reſpondimus. hoc autem de ipſo uerè dici poteſt, qui nonnullas Imperij prouincias & episcopatus in ſuam ditionem redegit, & ſub huius belli tempus nobilium conuentus paſſim habuit, ut illos in noſtram perniciem ad ſe traduceret. hoc quidem fatemur, nos in fidè noſtram atq; clientelam recepſiſſe nonnullos, ut ſi propter euangelij doctrinam periclitarentur, illos tueremur: id autè officij noſtri eſſe putamus: nam ſubuenire Deus iubet afflictiſ. deſenſione autè, multis nunc annis, & hoc tempore potiſſimum, nulli magis opus habent, quàm hi, qui pro Lutheranis habentur: in cæteris autem rebus, extra religionē poſitiſ, nullum eis patrociniū dedimus, imò ſumus hortati ſemper, ut ius ſuū magiſtratui tribuant. Obijcit nobis etiā, quaſi dehortati ſimus alios, ne ad comitia uenirēt: id autem ualde eſt abſurdum: etenim, quum nu*  
per



per ad calendās Aprilis nostri legati Vuormaciæ conuenissent, et ipse 15 46  
 Ratisbonam peteret, iussimus, ut rebus omnibus omīssis, ad eum con-  
 uentum & ipsi proficiscerentur: ad reliquos omneis Imperij conuen-  
 tus aut ipsi uenimus, aut semper legatos eō nostros misimus. De Ca-  
 mera quod dicit & perturbato iudicio, iam antè sepe refutatum est.  
 Mentionem quoq; facit Ethnici magistratus, ut ostendat non licere se-  
 bi resisti. atqui non officium modò nostrum fecimus, uerū amplius  
 etiam, quàm uel oportebat, uel maiores nostri facere consueuerunt, ei  
 præstitimus, non sine maximo nostro dispendio: & quàm nullam ha-  
 beat querimonie causam, ex eo uidere licet quod dicemus. Quidam  
 Gallie regis legatus nuper ad eum missus, per occasionem incidit in  
 huius belli mentionem: ait permagnū esse quod molitur: cogitet se-  
 cum ipse, quanta sit Germaniæ potentia, & quanti res periculi: quòd  
 si unus & alter forte deliquerint, iniri posse rationem, quomodo sine  
 bello res componatur. Ad ea fertur ille respondisse. nihil opus esse  
 compositione: uelle se domare Germaniam, aut de fortunis omnibus  
 periclitari: nam illius uires non posse iam esse tantas, ut sibi magnope-  
 re sint extimescende: iam enim amplius annos uiginti fundamenta se-  
 icisse huic rei: sepe illos auxilia sibi tulisse, multis bellis, nuper etiam  
 contra regē ipsum: fecisse maximos sumptus in crebris comitijs: mili-  
 tum etiam manus atq; robur amisse diuersis bellis: & hæc quidē eò  
 se fecisse, ut uiribus Germania destitueretur: hoc igitur esse peridoneū  
 rei gerendæ tēpus. Qui hūc eius sermonē ex ore legati accepit, uir ho-  
 nestus ac fide dignus, nobis recitauit. cur ergò belli causam in nos deri-  
 uat, quū illud tam longo ante tēpore sit molitus? quando nos et prius  
 ti uiximus. et eramus adhuc in religionis pontificiæ sentina demersi?  
 Quòd si pactis stetisset atq; decretis, nos etiā nostrū eramus officiū fa-  
 cturi: sed quoniā ea uiolauit, et uerò præcipua Deo debetur obediētia,  
 sibi culpā ipse tribuat. Etenim quia religioni molitur exitium atq; li-  
 bertati, causam præbet, cur ipsum oppugnemus bona cōscientia. Cū  
 enim in eū casum res deuēnit, licet resistere, sicut et sacris et prophanis  
 historijs demonstrari potest. nā iniusta uis minime Deū habet authorē,  
 nec alia ratione sumus ei deuincti, quàm si cōditiones, quibus est crea-  
 tus Cesar, impleat. Priuatim se transgisse nobiscū fatetur: id nobis est  
 auditu sane pergratū: cur igitur ob eas causas, de quibus bona fide semel  
 trans-

25 46 transactum est, bellum exuscitat? nam rebellionem ullam nos fecisse, uel ante, uel post eas transactiones, doceri non potest, sed ita res habet. Ante annos xxxv. decretum Vuormacie fecit, & edictum promulgauit aduersus Lutherum & eius doctrine sectatores, grauissimasq; penas constituit: edictum autem illud hoc nimirum bello iam exequi cogitat. Sceptrum illius atq; diadema nunquam appetiimus: facultatibus enim nostris contenti sumus, Deumq; precamur, ut pie nobis eas conseruare liceat. Si uerum est quod dicit, cur illi toties auxilia dedimus, etiam nuper ante annum secundū, aduersus Gallie regem? cuius quidē beneficii ac meriti causa deponere debebat quicquid erat offensionis, etiā si nulla fuisset antē facta transactio. Intemperanter in eum nihil unquam diximus, imō, propter opinionem uirtutis ualde semper prædicauimus. Libelli famosi & picture in ipsum contumeliosæ, nulla sunt à nostris theologis aut alijs etiam editæ: imō theologi nostri ac uiri docti semper illum magnis laudibus celebrarunt, & pro concione populum hortati sunt, ut idem facerent, ac Deum pro salute ipsius deprecarentur. ediderunt fortē quædam in pontificatum: id uerō cur illis inhiheremus, causa nulla fuit. Quā petulanter autem & ignominiosē nos, nostrosq; socios & theologos infectati sint Cochleus, Hadamarus, Carmelita Colonienfis, etiam tunc, quum Ratisbone disidij componendi causa conuentum esset, satis est apertum. Conspirationes & conuenticula nobis obijcit, in eoq; permagnam facit iniuriam, ut in cæteris omnibus. nati enim sumus & editi sanguine Germano, remoti & alieni plurimū ab eiusmodi technis, cuiusmodi plurimis abhinc annis in nos fabricatæ nunc primū sese produnt. ut autem nos contra uim iniustam tueamur, foedus iniuimus, neq; diffitemur, idq; fecimus, muniendi solū, non autem cuiusquam offendendi causa, et quamobrem fecerimus, iam altero scripto demonstrauimus. Et ante annum quintum, in comitio Ratisbone, quando cum Cesare, inquit Lantgrauius, transégi, Granuellanus mihi meoq; tum Cancellario confirmabat, illum eo foedere minimē offendi, imō posse ferre, ut quā plurimos in nostram partem traduceremus. Posthæc, obscuris uerbis aliquid dicit, quasi Turca sit per nos in Germaniam excitatus: hoc autem ipsa re consutari potest. nam & auxilia semper dedimus in bellum Turcicum, amplius etiam quā nostri



maiores, & dedimus, quum id minime teneremur facere, propter nos 1 2 3 4 5  
impletas condiciones, & quum alij nonnulli, qui dare promiserant,  
nihil præstarent: sed iam pridem auditum est, quomodo ipse & frater  
hoc egerint apud Turcam, ut impetu facto nos tantum atq; socios op=  
primeret. Decreto publico nuper data sunt ei contra Gallie regem au=  
xilia: promisit tunc, eo finito bello, se mox iturum in Turcam: fecit de=  
inde pacem cum hoste, non consultis ijs, quorum pecunia bellum ges=  
serat, & ecce nunc omnem impetum in nos conuertit. Est ne pulch=  
rum spectaculum, ex Austria subuehi tormenta in hoc bellum, atq; in=  
terim ab hoste truculentissimo uicinam Pannoniam deuastari? Quæ  
nobis impingit crimina, seditiones, coniurationes, læsæ maiestatis, nul=  
la sunt, nec est alia belli causa, quam ea, de qua sæpe diximus. Aut se plu=  
ra nobis esse largitum, quam se deceat, & ad multa conuiuisse, non si=  
ne conscientie animiq; dolore: simulatum etiam hoc est. iam pridem ea=  
nim concupiuit, sed temporibus impeditus non potuit nobis inferre  
bellum, & hucusq; necessario distulit, donec Cluensem principem &  
Gallie regem & Turcam haberet pacatos. Quid enim eius fuerit uo=  
luntatis, declarant grauissima illa, per ipsius provincias, piorum & in=  
nocentium hominum supplicia. Quod etiam antehac nobiscum trans=  
egit, nunc primum uidemus eò fuisse factum, ut interea reliquis nego=  
cijs expeditus, unum hoc bellum administraret. de quo suspicari pro=  
fecto nihil equidē potui, inquit Lantgrauus, propter summam illam,  
qua Spiræ nuper usus est in me, beneuolentiam & humanitatem. quo  
quidem tempore Nauius hoc etiam apud Cancellarium meum egit, ut  
colloquium istud silentio tegeretur. Scopus autem illius criminatio=  
nis hic est, ut socios à nobis disiungat. itaq; tyrannidem & rapinam  
& ordinis politici conturbationem nobis obicit, sed immerito, nam  
in rapinas & latrocinia nostris in finibus acerbè uindicamus, & hoc  
nomine non parum odij nobis conflauimus. Atqui, nefario, & post ta=  
tos homines inaudito latrocinio sublatus est nuper è medio & truida=  
tus uir innocentissimus, Ioannes Diazius: comprehensus frater parrici=  
da & accusatus: principes obtestati sunt, ut tam immane scelus uindi=  
catur: quid autem consecutum sit, res ipsa loquitur. Offensionum  
atq; turbarum causam in nos transfert, sed ipsius edictum illud Vuor=  
maciense motus omneis excitauit, nam sæpe ac uehementer à nobis so

1546 licitatus, nunquam illud antiquare uoluit, eiq; tanquam firmamento  
semper incubuerunt aduersarij, & inprimis Henricus Brunswicensis,  
qui foedus iniit cum nonnullis ante conuentū Augustanum: cuius qui-  
dem conuentus qui fuerit exitus, quale decretum, publicè notum est.  
illa sanè uerborum atrocitas tunc pronunciata, causam nobis dedit in-  
eunde postea societatis atq; foederis hodierni. Passim in omnibus co-  
mitijs molesti nobis fuerunt pontificij, & ad delectum ciborum atq;  
ferias ab ipsis excogitatas cogere nos uoluerunt. Augustæ etiam Cæsa-  
ri permisimus, cum amplè polliceretur, ut populi doctores constitue-  
ret: sed notum est, quàm impios & imperitos homines ei rei præfece-  
rit. Vetus est Imperij consuetudo, quum princeps aliquis ex comitijs  
domum redire cogitat, ut id pace Cæsaris ei liceat: meus autem pater,  
inquit Saxo, quum esset Augustæ, dimissionem ab illo impetrare non  
potuit, & non semel per indicium accepit, fore, si pararet abitionem,  
ut retineretur inuitus. Et quanquam præclarè meritis est de illo pa-  
truus meus Fridericus, tamen parenti meo, quoad uixit, principatus  
insignia conferre recusauit, edicti solum Vuormaciensis & religionis  
causa: deinde, cum cæteris principibus tractauit Augustæ consilia de  
substituendo fratre Ferdinando in Imperiū, patre meo summo pro  
sus ab ea deliberatione. quod sanè factum, quia uehementer erat indi-  
gnum, & ad summam familiæ nostræ spectabat iniuriam, minimè po-  
tuit à nobis dissimulari. Et quanquam iustis de causis integrum nobis  
erat, abesse deinceps à publicis conuentibus, præsertim illis, in quibus  
Ferdinandus pro Romanorum rege sese gerebat, tamē, ne rei publicæ  
defuisse uideremur, aut semper ipsi uenimus, aut legatos eò misimus.  
Quum ergo de belli causa consiet, obtestamur omnes, ne diuersæ nar-  
rationi fidem habeant, & communem patriam unà nobiscum defen-  
dant. de populo quidem & beneficiarijs nostris, quibus ille fidem, qua  
nobis tenentur, remittit, non dubitamus, quin officium suum nobis il-  
li præstabunt. Dimissa pugnandi occasione ad Ingolstadtum, sicut di-  
xi, per triduum adhuc ibi commorati Smalcaldici, cum Cæsar interea  
sefe diligenter uallis atq; fossis munisset, quarto Septembris die disce-  
dunt, ut Burensem transitu prohibeant: licet hoc aliqui dissuaderent,  
neq; longius querendum hostem esse dicerent, qui sub ipsorum oculis  
& aspectu uersaretur. Secundis castris, Nuburgū, quod iam antè præ-  
sidio

Protestā  
tes castra  
mouent.



sidio firmauerant, biduo post, Donauerdam ueniunt. Decima Septembris die, prope Vendingam, Oetingici Comitis oppidum, castra ponunt, emissis exploratoribus, qui de Burensi cognoscant: id Caesarem non latuit, & ab illo certior factus Burensis, ab itinere defleuit, et Noriberga Ratisbonam profectus, ad Ingolstadium Caesari sese coniungit incolumis. hac igitur expectatione illi deiectione, Donauerdam tertio post die redeunt. huc ad ipsos ueniunt Christophorus Oldeburgius, Fredericus Rifebergus cum duabus legionibus, et Comes Bichlingus, cum quinque signis peditum. Interea Caesar, promotis castris, Nuburgum petit: & cum nulla uenirent auxilia, praesidarii deditionem faciunt. ipsi omnibus Caesar ignouit, accepta fide, ne posthac in ipsum arma ferrent. Fama deinde fuit, Caesarem cogitare Augustam: itaque Smalcaldici Danubium transmittunt, ut eius iter impedirent: cum autem disposito Nuburgi praesidio, Marxamum peteret: illi priora in castra reuertuntur. In Galliam atque Britanniam legatos ab illis fuisse missos de auxilijs antea diximus, uerum id frustra fuit. Et Galliae quidem rex, eodem quod pace cum Caesare facta, non sibi licere diceret, excusabat: uerumtamen, quod illius augeri potentiam nollet, Petrum Strozam Florentinum, hominem militarem atque praediuitem, hortatus fuit, ut illis ad trecenta aureorum millia mutuo daret, & quo commodius id fieret, magnam pecuniae summam, quam ei debebat, persoluit. Non recusat ille, quoniam Argentinenfes, Augustani & Ulmenfes fide interponebant, & ad principes in castra, quae tum erant Donauerdæ proficiscitur cum Ioanne Sturmio, qui missus in Galliam fuerat. Quum eodem uenit, magnifice fuit exceptus: & sic discedit, quasi certo depensus pecuniam: ubi uero tempus uenit, quo id fieri oporteret, nusquam in Gallijs compareret. Id autem astu cardinalis Tornonij factum fuisse, multi putant. nam is, odio religionis, aduersa quaeque Smalcaldicis optabat, & erat praecipue tum apud regem auctoritatis. Sub finem Septembris, denuo Smalcaldici scribunt ad Tigurinos, Bernates, Basilienses, Schafusianos, & quid in animo Caesar habeat, & quid ipsis ab eo sit periculi, si rerum potiat, ostendunt, et considerare iubent, sit ne consultum rebus ipsorum, ut Caesari atque pontifici sese profiteantur hostes, ac deinde Caesarem in finitimis locis adorianur: quod si faciant fidem omnem & auxilium ipsis pollicentur. Ad haec illi post respondent, non sibi

Nuburgum Caesari deditur.

Protestantes ad Helueticos Evangelicos.

15 4 6 tantum, sed & reliquis Heluetijs hæreditarium esse fœdus cum Austriaca simul & Burgundica domo: quæ quidem regiones ipsis omnibus & uinum & frumenta subministrant: itaq; si temerè fœdus illud ipsi rescindant, fore, ut socij Heluetij, qui sunt diuersæ religionis, & commeatum sibi nolunt intercludi, causam habeant, cur Cæsari atq; Ferdinando ferant opem, & in alpihus claustra uiarum, magno suo labore conclusa, patefaciant, & in illorum societatem ueniant: deinde, subesse iam hyemem, sic, ut etiã si maximè uelint, nihil tam magnopere possint: & si finibus egrediantur, periculum esse, ne alij locum interim occupent: multo igitur præstare, ut domi maneant: sic enim fore, ut & socij non se commoueat: optimo se quidem in ipsos esse animo, & fausta omnia precari, quod etiam ipsa re iam antè declararint: sed ut tantum in se discrimen recipiant, minimè sibi consultum uideri: quapropter orare, ut in bonam partem interpretentur. Cæsar, Marxemo Donauerdam contendit: sed cùm castris idoneum locum non reperiret, deflectit ad dextram, & Octobris die tertia Monhemum petit. Erat tùm fortè nebula, & à Smalcaldicis emissi speculatores, qui de illius itinere cognoscerent, non idem renunciabant: ubi tandem Comes Oetingensis Ludouicus, illum magna cum exercitus parte iam transisse Vuernizam flumen, adferret, continuo sequuntur, duabus circiter horis post meridiem, & sub noctem, à Cæsare non supra dimidium miliare castra ponunt. huc ad ipsos uenerunt à Norlingensibus internuncij, qui in ea propinquitate Cæsaris auxilia petebant. ijs liberaliter responsum fuit. postridie, rursus est oborta nebula. primam aciem, Saxo, mediam Lantgrauius, postremam Georgius Malsburgus & Rifebergus ducebant. Saxo progressus cum quinque legionibus & multis equitum turmis, ad hostem propius accedit, & excursionibus utrinq; factis res agitur. Dissipata nebula, Cæsar, cùm primum agmen uia Norlingica procedere uideret, postremum uerò nondum appareret, omnem educit exercitum, quasi collaturus signa: Lantgrauius ergo, qui medius erat, cùm ad ipsum acies hostilis obuerteretur, consilium exquiri: erant qui Saxonem insequendum esse dicerent: quia uerò postremum agmen longius adhuc aberat, quòd suo discessu, presenti uidebat expositum iri periculo, non sibi discedendum esse putabat, uerùm dimissis nuncijs, qui & illos properare iube-



iuberent, & Saxonem reuocarent, constitit immotus in ijs quos occu- 1 5 4 6  
 pauerat collibus. Erat medius inter utrunq; exercitum Egra fluuius,  
 tenuis quidem, sed difficili transitu, Cæsari præsertim, si prælio decer-  
 tare uellet: hoc ad flumen usq; Burensis iam cum suis copijs peruene-  
 rat: & cum ad prælium res omnino spectare uideretur, Cæsar illum  
 reuocat, & grauitè, ne longius progrediatur, edicit. sic utrinq; redi-  
 tum est in castra, & Smalcaldici quidem propè Norlingam. Altera lu-  
 ce, Cæsaris aliquot cohortes propius ad hostem adequitant, & manus  
 acerrimè conferunt, hoc in conflictu per aduersum os uulneratur Al- Alber-  
 bertus Brunswicensis, Philippi filius, cum à compotatione tumultua- tus Brun-  
 riè prodijisset: Norlingam relatus, nò multò post interijt. Cæsar ibi per swicensis  
 dies aliquot commoratus, Octauium Farnesium interea mittit, adiun- uulnera-  
 cto peditatu Germano cum tormentis, ut Donauerdam occupet. pro- Donas-  
 bauit hominis consilium fortuna: cunq; de nocte profectus, eò prima uerda de  
 luce uenisset, ad motis scalis, oppidani sese dedunt: præsidarij fuga si- ditur.  
 bi salutem quærunt. eò facto, Cæsar Donauerdam petit. Smalcaldico-  
 rum fuerat consilium, illius adoriri castra, uerùm discessu mutata res  
 fuit, & per indicium illud Cæsar accepisse putatur. His ipsis diebus,  
 Lantgrauio nunciabat dux Albanus, quid ita montes atq; colles insi-  
 deat? cur non in planiciem descendat & prælio contendat? Lantgra-  
 uius inuicem, se sociosq; fuisse per dies quinq; medijs in campis ante  
 Ingolstadium, & expetiuisse prælium; cur non conflixerit? cur idem  
 iam ad Norlingam non fecerit, ubi totum ipse diem substitit? Dum Mutatio  
 hæc in Sueuia geruntur, magna fit rerum per Saxoniam immutatio. per Sa-  
 xoniam.  
 Quemadmodum Cæsar, cum Mauricio duce, Ratisbonæ, Ferdinan-  
 dus autem Pragæ consilia tractarint, quomodo deinde Cæsar ei man-  
 darit, ut Ioannis Friderici atq; Lantgrauij prouincias occuparet, su-  
 præ diximus. Porro, Mauricius, principio belli Ratisbona domum re-  
 uersus, suæ ditionis ordines omnes conuocat, et Chemnici, quid facto  
 sit opus, consultat. Illi suadent, ut è Cæsare planè cognoscat, an religio  
 nem uelit esse saluam, deinde, ut ipse & Brandeburgicus elector inter  
 cedant: quòd si religioni caueatur, & intercessio locū non habeat, hor-  
 tantur, quandoquidè extra causam religionis teneatur in omnibus pa-  
 rere Cæsari, ut quiescat, & ad prouinciæ defensionem copias condu-  
 cat: ad eam rem auxilia promittunt, simul ex omni numero sex illi at-

8346 tribuunt, quorum utatur in rebus omnibus consilio. Cum autē ea quæ  
 diximus, ad ipsum essent allata Cæsaris mandata, Ferdinandus etiam  
 ex Vngaria militem euocaret, et in Bohemia manus cogeret: Fribergū  
 rursus conuocat ordines, Octobris die octauo. Repetit actionem supe-  
 riorem, deq; ipsorum consilio se unā cum Brandenburgico sollicitasse di-  
 cit Saxonem atq; Lantgrauū, ut intercessionem sibi permittant, gra-  
 uiter etiā illos, ut quantum sit res periculi, secum expendant, cōmonu-  
 se: uerū adhuc nullum esse datū ab ijs responsum idoneum, & editis  
 libellis ad arma rem deuenisse, & leuioribus aliquot prælijs iam esse  
 dimicatum: & quanquam illi non semel ab se flagitarint opem, tamen  
 quia Cæsar de religione sibi rectē cauērit, ideō se, quemadmodum ipsi  
 suaserint, nihil mouisse, uerū ad suæ regionis tutelam, in hoc usque  
 tempus aluisse militem & cum delectis communicasse consilia: nunc  
 uerō tam dubium & periculosum esse statum temporis, ut delecti non  
 se posse tantum sustinere onus, dicant: illorum ergō rogatu cōuentum  
 hunc esse indictum: etenim Cæsaris ad se peruenisse mandata, quæ sit  
 ipsis exhibiturus, grauiā quidem illa, maximiq; momenti, & eius ge-  
 neris, ut si negligentur, toti prouinciæ summum ex eo periculum im-  
 mineat: adhæc, Bohemos, eorumq; socios parare bellum, & iam exiis-  
 se finibus, ut Ioannis Friderici prouinciā inuadant: & licet per lite-  
 ras primū, deinde, missis legatis, post ipse quoq; suscepto itinere, Fer-  
 dinandum regem sit deprecatus, tamen nihil impetrasset: cum etiā Cæ-  
 saris hoc mandatu fieri putet, non sibi licere, neq; sanē in sua esse po-  
 testate, ut resistat: optare se quidem uehementer, ut composito bello ci-  
 uili, Turcarum impetus tardetur: sed scire ipsos, quæ sit utriusq; ditto-  
 nis necessitudo & successionis expectatio, & quomodo argentifodina  
 habeat cum electore patruele communes: pati autem hæc omnia  
 diuelli à domo Saxonica, & in alias deuenire manus, id sibi fore lon-  
 gè grauiusimum: deinde, totam regionem sic esse permixtam inuicem,  
 ut si patrueles agrum externi milites inuadant, periculum sit, ne sua  
 quoque prouincia maximam calamitatem accipiat: uidere etiam i-  
 psos, quā non sit consultum, peregrinas nationes ijs locis inuetera-  
 scere: quod cum ita sit, petere tam suo, quā Augusti fratris nomine,  
 ut rem omnem diligenter expendant, & ope consilioq; iuuent: se uti-  
 cissim, quod sui sit in ipsos officij, nihil esse prætermisurum. Recon-  
 sulta=



sultata, Saxoni & Lantgrauio nunciandum esse placuit continuo, de 154. 6  
 Cæsaris mandatis, atq; Ferdinandi regis apparatu, & utrunq; rogan- Maurici  
 dum, ut cladis uitande causa, suas prouincias à Mauricio patiantur anorum  
 occupari: hoc enim & ad honestatem & ad cautionem uideri satis. O= stantes  
 Et obis igitur die undecimo scribunt ad utrunq; separatim rem omnē literæ.

enumerant, de consilio, quod sub initium bellū dederint, de mandatis  
 Cæsaris, de Bohemorum & Ferdinandi regis apparatu, de Mauricij  
 apud Ferdinandum intercessione: & quia nunc ad Saxonia fines ex-  
 terni milites peruenerint, in maximo rem esse discrimine: uehementer  
 quidem sibi dolere casum, sed quia Cæsaris hæc omnia fieri mandatu  
 intelligant, qui de religione ipsis cauerit, non esse quod ei resistent, qui  
 sit precipuus omnium magistratus: cum uero tanta sit inter ipsos co-  
 niunctio, nullam ut dari damnum uni possit, quod non & alteri no-  
 ceat, idē post multam cogitationem, nullam apparere sibi uiam expe-  
 ditio rem, quā si Mauricio suas possessiones permittant: sic enim so-  
 re, ut et bellū externū à finibus remoueat, & religio conseruetur, et  
 rebus aliquandō pacatis, multo sit facilius, ab eo cui sus illa consequi,  
 quā ab alijs: ponderet ergo secū rem omnē, & huic consilio acquie-  
 scant, quo non aliud inueniri possit, hoc quidem in tempore, magis sa-  
 lutare. Lantgrauium in literis orabant etiam, ut rationē hanc electori  
 persuaderet. Mauricius unā quoq; scribit ad socerū Lantgrauium, in  
 eandem propē sententiam: & quia miles externus iam instet, necessa-  
 riō sibi prouidendum esse dicit, ne Saxonia deuastetur: multam dein-  
 de beneuolentiam ei pollicetur, nec ipsius quicquam appetere se, de-  
 monstrat. Polonia quoq; regem ait uelle ad Cæsarem intercedere, idq;  
 sibi per legatū nunciasse: gerat ergo morem, neq; se patiat, ullis uer-  
 bis exasperari, & Saxoni idē persuadeat, neq; recuset demittere se er-  
 ga Cæsarem: hunc enim propē solum esse aditum ad reconciliationē,  
 neq; se de futurum etiam studio pacis. Ad Fribergi conuentum, Saxo- I. Guli-  
 nis electoris filius, Ioannes Gulielmus, quum de Ferdinandi regis au- elmi ad  
 disset apparatu missis legatis, à Mauricio petit, ut pro ratione foederis Maurici  
 hereditarij coniungat arma, & à communi patria periculū depellat. um lega-  
 ti.

Mauricius, nulli se labori suo pepercisse, quō res cōponeretur: cum au-  
 tem id frustra fecerit, & nunc sint in armis uicini, non sibi licere quic-  
 quam facere contra summum magistratum, ait, quem foedus etiā illud

546 antiquum exceperit. De Cæsaris profectiōe, Donauerdam euntis, ut dictum est antè, serò tandem acceperunt Smalcaldici. postridie, Laugingam, quod est oppidum supra Donauerdam tribus milliaribus, ad Danubium, ire constituunt, & de nocte quidem: cùm autem incertum esse, num sit progressus Cæsar, & si Laugingam ipsi petant, ac Cæsar interim sit à tergo, periculum esse nonnulli dicerent, ne Norlingam occupet, ac deinde per uallem Remisiam in agrum Vuirtembergicum inuadat, mutato consilio, diem unum ibi subsistunt. Tulit hoc moleste Schertelinus, ut alia quædam, & Augustam proficiscens, à qua ciuitate missus fuerat in bellum, quod erat Laugingæ præsidium, abducit, neq; post in castra rediit. Cæsar interim Donauerdam progressus, Dillingam & Hochstetum, pauloq; post, Laugingam, & Gundelfingam, ad Brentam flumen, deditione capit. itaq; Danubij possessionem adeptus, permagnas habebat rei gerendæ commoditates, et Laugingæ relicto præsidio, cùm Brentam traieciisset, propè Sonthemum uicum, castra statuit, Vlmam petiturus, tribus ab eo loco milliaribus. Octobris die xiiij. Smalcaldici, promotis demum castris, cùm allatum esset, Cæsarem tenere iter Vlmense, Giengam postridie ueniunt, quod est ad idem flumen, oppidum, non longè supra Sonthemum sic ut inter utrunq; exercitum medius laberetur amnis. Cùm ibi consisterent, nondum tensis tabernaculis, equites aliquot in monte uicino conspiciunt. in his erat Cæsar ipse, qui cum Albano processerat speculandi causa. Ducebat eo die primū agmen, Saxo, celeriterq; contendit ad hostem, & Lantgrauio, ut cōsestū sequatur, nunciat: cùm uerò pedem referrent hostes, cunctanter agit, & in monte Lantgrauium operitur. Amissa tunc fuisse putatur pulcherrima rei bene gerendæ occasio. nam neq; uado transiri flumen poterat, & unus modò pans erat ijs locis, et ut fortè per eum Cæsar euasisset, præcipui tamè duces in magnis erant angustiis futuri, quod ipsimet postea feruntur nō dissimulasse. Cæsar, Vlmensi intermissa profectiōe, ne, post tergum hoste relicto, Danubij commeatum amitteret, aliam rationem inijt, & idibus Octobris in propinquam syluam collocat insidias, ad tria tormētariorum millia: cunq; Sulmonēsis princeps armatura leui proluderet, & factō concursu fugam simulans ad syluā eos pellexisset, illi mox irruunt ex insidijs & urgent. id cōspicatus Lantgrauius, ilicō suis laborantibus, qui erāt equi=



equitum cohortes quatuor, auxilio uenit. itaq; dimicatum est acriter 1 5 46  
 adusq; noctem, et maioribus etiam tormentis acta res fuit. Saxo inte=  
 rim ad exercitum mansit, ut si fortè Cæsar in his turbis castra uellet at=  
 que munitiones adoriri, propulsaret impetum. Cum hoc non succede=  
 ret, nocturnas insidias instituit Cæsar, & ex omni numero deligit pe=  
 dites Germanos & Hispanos, & lineas interulas iubet superinducere  
 armis: equitatū etiam addit, & Albano duce, prima uigilia noctis e=  
 mittit, ut silentio profecti ad hostem contendant. ipse cum reliquis cō=  
 pijs expeditis, ilicò subsequitur. Cum eò propè ueniū est, Albanus &  
 excubitorum numerum auctum, & in armis illos esse cognoscit. itaq;  
 frustra fuit hic conatus, quum illi paucis horis antiè, rem per indicium  
 accepissent. Propter pabuli autem & commeatus inopiam, & anni  
 tempus, & assiduos imbres, contagio et lues inuasit Castra Cæsaris: et  
 ad hoc ferè tempus domum ex castris proficiscitur cardinalis Farnesi  
 us, & Italorum aliquot cum eo cohortes. Cæsar etiam eadem de cau=  
 sa mutare locum, & in uetera propè Laugingam castra reuerti coa=  
 ctus est, pridie calendarum Nouembris. Ad nobilitatis et ordinū Mau=  
 ricij literas, Fribergo missas Octobris die xi, sicut diximus, Lantgra=  
 uius, eiusdē mensis die uigesimo respōdet. dolere sibi uehementer, bel=  
 lum ijs regionibus inferri, multò magis autem, in communi periculo  
 non consociari arma, more & exemplo maiorum: quòd autem non  
 animaduertant hoc bello peti religionem, id sibi cum primis uideri mi=  
 rabile, quum & pontificis ad Heluetios literæ, & fœdus inter ipsum  
 atq; Cæsare in initum, & mandatu pontificis exhibitū Heluetijs, aperte  
 hoc testificentur & planum faciant: etenim, post in initum fœdus, à pon=  
 tifice, magnas ad Cæsarem uenisse copias, et ex Italis qui fortè capiun=  
 tur, omnes hoc affirmare, ideò se missos, ut bellū Lutheranis facerent:  
 deinde, socios religionis ualde crudeliter hoc bello præ cæteris affligi  
 direptionibus, incēdijs, latrocinijs: fœminas atq; uirgines nefarie con=  
 stuprari, pueris ipsis & infantibus refecari manus atq; pedes, nimi=  
 rum odio doctrinæ: quòd Cæsar ipsis de religione cauerit, id esse fictū:  
 nam si rogetur ex eo, uelitne religionē, quæ Lutheranis dicitur, conci=  
 lij pōtificij decretis et authoritati subijci, nō dubium esse, quin techna  
 statim deprehendatur: nō esse igitur, quòd illi promisso fidant: adhuc,  
 quòd Cæsaris illa proscriptione moueantur, ualde se mirari, quum

Lues in  
castris  
Cæsaris.

Lantgra  
uius re=  
spondet  
Mauri=  
cianis

1846 sciant, non hoc ei licere, nisi primum rei citati sint & iudicio conuicti: sed dolendum esse cum primis, nobilissimam familiam & populum Saxonicum ita diuidi: nam si vires coniungerent, & eadem esset omnium uoluntas in defendenda patria, periculum hoc omne, quod nunc metuitur, facile posse profligari: se quidem contulisse consilia cum electore, sed illum ab ea ratione, quam ipsi demonstrent, prorsus alienum esse: nam si quid ipse tale, commutata fortuna, peteret à Mauricio, non dubitare, quin & ille recuset, & ipsi quoque dissuadcant: quod cum ita sit, non sibi consilium ipsorum probari, eoq; magis, quod Mauricius non ita pridem datis ad utrumq; literis, dolere sibi ualde diceret quorundam sermones, qui iactarent ipsum captare provinciam sui patruelis: nam iniuriam sibi fieri, & orare, ne fidem habeant: ipsi redditis literis, excusationem se illius accepisse, neque sollicitos fuisse amplius: quod si nunc autem illius agrum occupet, uidere ipsos, quæ sint hominum futura iudicia: petere igitur, ut impediant, ne fiat: nam alioqui non externum modò sed & ciuile bellum ex eo nasciturum: cum enim propter euulgatam proscriptionem uis ei fiat, neq; se neq; socios ei posse, qui sint in eadem causa, deesse: quis autem eius rei sit futurus exitus, non esse difficile providere: dent igitur operam, ne Saxonica domus & Hessica diuellantur, sed ut Mauricius opem sibi socijsq; ferat: hoc illi fore cum primis & gloriosum & salutare. In eadem ferè sententiam, eodem die scribit ad Mauricium, & monet, ne Cæsaris edictis atque proscriptione moueatur, sed in memoriam reuocet electoris atq; sua in ipsum & parentem ipsius merita: cum enim Georgius patruus testamento cauisset, ut suam provinciam omnem Cæsar teneret, donec frater à protestantium religione discederet, scire ipsum, quid tum acceperit ab utroq; beneficij: deinde, quum annuam pecuniam, ipsius parenti Georgius daret, ac metus esset, ne odio religionis eam denegaret, protestantes ei tum promississe, quod si res in eum casum deueniret, se liberaliter ei tantundem annuè daturos: desistat igitur ab incepto, nec inuito Saxone quicquā in illius provincia teneat: nam alioqui non ei defutura sociorum auxilia: Polonicam legationem fuisse quidē in castris apud Cæsarem, & quid egerint, ad Saxonem atq; se scripsisse: conditiones autē eius esse generis, ut ad pacem minime faciant. Ad eundē propè modū belli consiliarij scribunt ad Mauricium



ricium & ipsius ordines, ac si uis ulla fiat Saxoni, non se neglecturos 1. 5. 4. 6  
 illius iniuriam profitentur: ipse quidem elector nihil tum illis respon=  
 dit, ut infra dicetur amplius. Eodē die Lantgravius & consiliarij scri  
 bunt etiam ad Magdeburgicos, Brunswicenses, Bremenses, Hambur=  
 gios, Goslarienses, Hildessemios, Gotingenses, Hanobrios, Embece=  
 ses, Mündenses, ad Pomeraniæ ducem, ad Luneburgios, & Anhaltiū:  
 docent, quantum immineat Saxonie periculum, inprimis autē electo  
 ri, cuius ad fines iam hostis peruenerit: initium esse factū ab rege Fer=  
 dinando, qui Bohemos ad hoc bellum pertraxerit: deinde, Mauricio  
 illi sese coniungere, & causam obduci, quod Cæsar eum proscripserit:  
 se uerò nunciassse Mauricio, desistat ab armis, alioqui nō defutura Sa=  
 xoni auxilia: cum autem in præsentī discrimine omnis illa regio posi=  
 ta sit, & elector opem ab se flagitet, non se posse non illum adiuuare:  
 & fuisse quidem suæ uoluntatis, illi tradere partem exercitus, quem  
 habeant, sed quia non procul ab se confederit hostis, & spes bona sit,  
 fore, ut breui summis copijs decertetur: qua quidē in re posita sit ipso=  
 rum omnium salus, nō esse consultum, ut in hoc tempore sese debilitēt  
 aut infirmiores reddant ipsi: nam hoc ab hoste captari, ut alijs in locis  
 bello distenti, non possint omne robur in ipsum expedire: quod cum  
 ita sit, petere, ut communi nomine copias peditum ei subsidio quam=  
 primum mittāt Vuittembergam & Vinariam, ac simul quod reliquū  
 ex fœdere debent pecuniæ, totum hoc electoris filio & cōsiliarijs per=  
 soluant: nam agi communem omnium causam, & socijs afflictis, sulu=  
 rum, ut ad ipsos idem casus recidat. De Bohemis antē diximus: hi mi=  
 litabant quidem Ferdinando regi, sed admodum inuiti, propter anti=  
 quum fœdus, quo domui Saxonice coniuncti sunt: deinde, quod non  
 necessarium bellum esse dicerent, & quod electori pleriq; putarent  
 iniuriam fieri. Ferdinandus autem peruicit, & ex Pannonijs atq; Si=  
 lesia militem euocauit, ut illos uel nolentes cogeret. equites Pannonij  
 uulgō dicuntur Hussari, genus hominum ualde rapax & immitē. Con  
 ductis ergō copijs, quū iam finibus egredierentur, Sebastianus Vuit=  
 temullus, ductor exercitus, ad xx. Octobris diem, missis literis, bellum  
 Saxonie ducis populō denunciāt, quod superioribus annis ipsorum  
 princeps collegium Dobrilugum occuparit, quod Cæsari nuper atq;  
 socijs fidem renunciarit, uiolato fœdere, quod cum domo Saxonica  
 Bohe=

Prote=  
stantium  
ad ciuita=  
tes lite=  
ræ.

Hussari.

Ferdinā=  
di lega=  
tus bellū  
indicit  
Saxonie  
cis.

1 5 4 6 Bohemis intercedat: & quanquam nihil opus fuerit ulla denūciatio-  
 ne, propterea quod ille sit à Cæsare proscriptus, tamen, ne quid præ-  
 termissum esse uideatur, uoluisse hoc pro sui muneris ratione signifi-  
 care. Per hosce dies legati Smalcaldicorū Vlmæ conueniūt, ut in com-  
 mune cōsulerent: cū autem è Saxonia crebri uenirent nuncij de sta-  
 tu rerum, elector, datis literis xxvij. die Octobris, mandat suis, qui e-  
 rant Vlmæ, rem omnem socijs exponant, & sui rationē haberi postu-  
 lent, quoniam ipse nulli suo periculo atq; labori pepercerit, ut à Ger-  
 mania superiore tempestatem hanc profligaret: belli consiliarios, pau-  
 cis antè diebus nunciassse quidē ciuitatibus & alijs per Saxoniam, ut  
 sibi ferant opem: sed incertum esse, quid illi sint facturi, & ut faciant,  
 tamē uereri se plurimū, ne sint impares tantæ multitudini hostium,  
 et periculum esse, ne, prius quàm sint instructi, iam hostis in suū agrū  
 inuasferit: hæc igitur petant à sociorum legatis, primū, quia sibi gra-  
 ue sit & incommodum in hac rerum asperitate, coniugem, liberos &  
 populum deferere diutius, ut sibi dent in eo consilium: deinde, ut am-  
 pliora sibi decernant auxilia, cuius quidem rei spem Lantgrauius &  
 belli consiliarij iam fecerint: postremò, ne cū hoste pacē faciant, nisi  
 prius ipse recuperarit amissa. Legati liberaliter ad ea respondent, &  
 imprimis orant, ut ad exercitum maneat, donec in hyberna Cæsar mi-  
 litem deduxerit, & quanti sit res periculi, si discedat, ostendunt: quod  
 si Ferdinandus atq; Mauricius ullam uim ei faciant, auxilia pollicen-  
 tur, neq; dubium esse dicunt, quin socij principes ac ordines omnem  
 ei fidem ex scedere præstent, neq; pacem antè faciant, quam ipse sua  
 recuperarit: si quidē ipsi uideatur, se quoq; sicut Lantgrauius & bel-  
 li consiliarij fecerint, hoc ipsum uelle denunciare Mauricio: confidere  
 etiam omnino, fore, ut qui sunt per Saxoniam ordines confœderati,  
 suum in eo faciant officium. Eo, quem diximus, Octobris die xxvij.  
 Mauricius Dresda dat literas ad electorem, quid Cæsar sibi mandarit,  
 & quanto sit res in discrimine, nuper ipsum è suæ ditionis ordinum  
 literis accepisse: iam uerò, quum sibi suoq; populo Cæsar de religio-  
 ne cauerit, idè se, de consilio suorū, constituisse, quò uidelicet Cæsari  
 satisfiat, & suum quoq; ius integrū sibi permaneat, inire rationem, ne  
 ipsius ager atq; prouincia in alienas manus deueniant, atq; istud qui-  
 dem ita se, tum suo, tum fratris Augusti nomine, ipsi denunciare: quod  
 si tem-



si tempus olim erit, quo Cæsari ac regi Ferdinando reconciliabitur, non se recusare, si quidem illi patiantur, quò minus suæ ditionis ordines, inter utrumq; de summa rei tractent. In eadem planè uerba scribit electoris filio Ioanni Gulielmo, & ut literas ad parentem scriptas curret perferri, monet. Bohemi interea et Hussari, in finitimum electoris agrum, Voetlandiam, irruunt: cædibus, direptionibus, incendijs atque libidinibus grassantur: sed non diu cõmorati Bohemi, quoniam inuiti, sicut diximus, militabant, ad xi. Nouembris diè discedunt à signis, & dilapsi domum recurrunt. Vngari uerò, & quos mercede Ferdinandus conduxerat, Mauricio sese coniungunt, qui Zuiccauiam deinde & Schnebergum & Aldeburgū, & pleraq; omnia electoris oppida deditione capit, inq; suam fidē illos adigit, præter Gotham, Isenacum, Vuittembergam. Eius rei nuncius in castra Cæsaris perlatus, magnam excitauit letitiam, quam & tormentorum tonitru Cæsar significabat, uti fieri consuevit. Hisce ferè diebus Cæsar iterum castra mutat, eadem de causa, qua prius, & locū magis commodū atq; sic cum deligit, ut militem uehementer afflictum resciceret, & cõmeatus difficultatem subleuaret. pleriq; omnes in hyberna ducendū esse militem suaserant: sed unus ipse, qui loca prius explorauerat, continendum esse statuit exercitum, & alendum bellum. Mauricij factum pleriq; omnes admodum reprehendebant, quòd illi, quem loco parentis colere debebat, qui fortunarum ipsius omnium propè solus auctor erat, tam indignam referret gratiam. & prodibant in illius inuidiam atq; uituperium libelli & carmina multum amarulenta, quæ & uiolatæ fidei, & proditæ religionis, & summæ ingratitude ipsū in simulabant, eoq; magis, quòd nec uxoris neq; foceri precibus quicquā in eo tribuisset. Ea re cognita, scriptū edit, purgandi sui causa, & cuiusmodi sit in suis finibus religio, quid ipse populo promiserit, et quo modo iuuandæ religionis causa, literarum ludos instituerit, ostendit. Postea, Cæsare, sibi, suoq; populo, nec sibi tantum, sed alijs etiam principibus cauisse dicit de religione, deq; libertate Germaniæ conseruanda, nec illius esse uoluntatis, ut uiolenter aliquid in eo fiat. sed ut legitime causa componatur ex multis iam factis Imperij decretis: itaq; se fidē illius habere promissis atq; literis, eorum principū exemplo, qui nunc ei militent, & non domi tantum, sed in castris etiam, & militiæ,

Irruptio  
in Saxo-  
niam.

Mauri-  
cius ma-  
le audit.

Mauri-  
cij excu-  
satio.

reli-

2546 religionem hanc profiteantur: hos enim, qui sint ei familiares, & ipsi  
 ipsius aspectu quotidie uersentur, animum eius facile posse perspicere,  
 & si quid eiusmodi deprehenderent, dubio procul non esse cum eo  
 permāsueros: quod autem Cæsari pontifex opem ferat, id eo fieri, quod  
 bellum ijs infertur, quos erroribus atq; potentiae suae uidet inprimis  
 aduersari: sed considerandum esse, non quid illum moueat, sed quæ  
 sit Cæsaris, qui bellum administrat, uoluntas: quod etiam suis in pro  
 uincijs religionem pontificiam Cæsar retineat, non augere suspitio=  
 nem: hoc enim in illius esse positum arbitrio, neque modum ei posse  
 in eo præscribi: neq; certè ullum esse principem aut magistratum, qui  
 sibi aliquid in eo præfiniri ab alijs patiat: quum ergò religioni cau=  
 tum sit, nullam se uidere causam, cur in cæteris omnibus Cæsari non  
 obtemperet: Christi enim esse mandatum, ut Deo pariter atq; Cæsari,  
 quod suum est, cuiq; tribuatur: quæ sua sollicitudo, qui labor interue=  
 nerit, ut hoc tantum incendium restingeretur, hoc & Cæsari & Fer=  
 dinando regi & multis alijs esse non ignotum: neque sanè per se steti=  
 se, quò minus ad compositionem uentum sit: etenim, ut nulla fuerit  
 alia causa, tamen hanc unam sibi fuisse præcipuam, cur pacem opta=  
 ret, quod bello ciuili, Turcæ potentia simul & animus augetur, cuius  
 rei uel sola Græcia documentum esse possit: quum uerò sublata men=  
 tione pacis, grauissima Cæsaris ad se perferrentur edicta, de Ioannis  
 Friderici bonis occupandis, Ferdinandus etiam illius iam immineret  
 finibus, non Bohemis tantum, sed Austriacis etiam & Vngaris ad  
 hoc bellum excitatis, non sibi fuisse integrum, resistere magistratui,  
 quem omnia fœdera semper excipiant: quod autem de se nonnulli di=  
 cant, quasi sui patruelis agrum omnem appetat, iniuriam sibi fieri:  
 seque iam pridem illud ad socerum Lantgrauium atque Saxonem per  
 literas excusasse: atque utinam ille sit rerum status, qui tunc erat, quæ  
 ea scriberet, nec essent, qui possessiones illius ad se transferre conen=  
 tur: cum autem nunc longè sit alia conditio temporis, & Ferdinan=  
 dus flecti non possit, & exercitum immittat, & iam argentifodinas  
 aliquot, sibi cum patruelle communes, occuparint illius ex Bohemia  
 profectæ copię, necessario sibi prouidendum fuisse, ne reliquas etiam  
 inuaderent, nèue longius progredierentur: quid autem sui esset confi=  
 lij, & Lantgrauio & patrueli eiusq; filio prius denunciaſſe: quod



eum ita sit, orare, ne quis aliorum istud accipiat, nec ips, quæ de se for  
 te spargentur, fides habeatur: nam & in tuenda religione se fore con-  
 stantem, & non aliò spectare, quàm ne Saxonica domus facultates et  
 ornamenta in peregrinas manus deueniant. Per hoc tempus recru-  
 duerunt in Gallijs persecutiones. Est ijs locis Meldæ, decem à Parisio-  
 rum Lutetia miliaribus. eius oppidi superioribus annis fuerat epi-  
 scopus, Gulielmus Brissonnetus: qui cùm doctrinæ purioris admodum  
 esset studiosus, idoneos etiam doctores populo præfecit, exclusis mo-  
 nachis. cùm autem hoc nomine periculum ei crearent theologi Sor-  
 bonistæ, non præstitit constantiam, & ab incepto desitit: ueruntamen  
 remanserunt in animis multorum, eius doctrinæ reliquæ, & hoc de-  
 mum anno, circiter sexaginta oppidani, re deliberata, uerbi ministrum  
 sibi deligunt, & in adibus priuatis collecti, finita cõcione, certis die-  
 bus, coenam domini, iuxta præscriptum euangelij & institutum Chri-  
 sti percipiunt. Ea res non diu potuit esse occulta, præsertim, cùm ex  
 agris etiam nonnulli sese coniungerent. itaq; capti, cùm simul essent  
 omnes, in carcerem conduntur, & habita quæstione, carris impositi,  
 Lutetiam pertrahuntur. ibi damnati capitis domumque reportati,  
 quatuordecim ex illis, alligati singulis palis, eodem tempore uiui cre-  
 mantur, reliqui partim uirgis & fustuario, partim exilio fuerunt mul-  
 tati. Quum Lutetia domum reducerentur, in uia quidam illis occur-  
 rit è proximo uico, & ad perseverantiam hortatur. itaq; compre-  
 hensus, idem quod illi, supplicium adiit. Antequam cremarentur,  
 subiecti fuerunt tormentis, ut doctrinæ socios atque sectatores prode-  
 rent, uerùm nihil ab eis potuit extorqueri. Nonnulli consultò istud  
 fieri putabant, impulsu quorundam, ad disturbandam Smalcaldico-  
 rum cum rege coniunctionem, de qua tunc agebatur. Mauricij literæ,  
 quibus amicitiam Saxoni renunciabat, redditæ fuerunt in castris ad  
 sextum Nouembris diem. Libro superiori diximus, quomodo pon-  
 tifex lata sententia, mensis Aprilis die xvi Coloniensem archiepi-  
 scopum proscripserit: cùm hoc ille, quarta die Nouembris primum  
 certò accepisset, ut ipse commemorat, aliquot post diebus edito scri-  
 pto, & causis explicatis, quamobrem pro iudice pontificem non  
 agnoscat, qui sit iam pridem & hæresis accusatus & idolatriæ, pro-  
 uocat ab ea sententia ad legitimũ Germaniæ conciliũ, & ubi primũ

Meldæ  
 sis perse-  
 cutio.

Coloni-  
 ensis ar-  
 chiepisc.  
 proro-  
 gat ad  
 conciliũ.

id in-

2546 id inchoatum fuerit, prosecuturum se litem contra pontificem, affirmat. Smalcaldicorum legati, quos sub exitum Octobris Vlmæ conuenisse diximus, quum sententijs nõ conuenirent, mense Nouembri Gienham ad castra profecti fuerunt, ut faciliior esset deliberatio. Ibi proponitur. quia socij religionis nulla dent auxilia, & ex consœderatis Luneburgenses et Pomerani & alij quidam, nihil omnino, reliqui uero per Saxoniam ordines atq; ciuitates non ita multum conferant, & ex Gallijs nihil adferatur, & dilabente quotidie milite propter anni tempus & alia incommoda, diminuatur exercitus, è tribus unum esse deligendum, ut aut prælio contendant, aut discedant, præsidij in hyberna dispositis, aut pacẽ induciasq; faciant. re deliberata, pacis mentionem posse fieri, placuit, et adhibetur Adamus Trottus, qui per causam electoris Brandeburgensis, aditum habebat ad eius fratrem Ioannem Marchionẽ: cum autẽ Cæsar, qui rationes illorum omneis & incommoda per indicium ex propinquo cognouit, & nuper è Saxonia letum acceperat nuncium, duras admodum conditiones proponeret, decernitur, ut reliquis omnibus abductis copijs in Saxoniam, equites mille, & ad octo millia peditũ relinquantur in hybernis, ad eamq; rẽ sumptum faciant dux Vuirtembergicus, & Germaniæ superioris ciuitates. Ad xxij deinde Nouembris diem, discedunt, factõ prius decreto, ut in Galliam & Angliam altera legatio mittatur, & ad duodecimum Ianuarij diem Francofurti denuo cõueniatur. Sic ergõ parum feliciter fuit administratũ bellum. cuius quidem mali præcipus fuisse causa putatur, quod non ex unius arbitrio res ageretur. cum enim æquali essent potestate præditi Saxo & Lantgrauius, nõ semel accidit, ut in disceptando peropportune delaberentur occasiones. quod etiã de distribuendo præsidio decretum fuerat, non successit, cum nonnulli contribuere quid amplius recusarent. Vbi de illorum discessu Cæsar comperit, equites continuo dimittit, qui de itinere cognoscant. paulõ post, Albanum et Burensem sequi iubet, sed & ipse deinde cũ equitatu Germanico procedit, peditatu relicto & iusso expectare. Smalcaldici iam erant in castris pleriq; ubi pernoctandũ erat: Lantgrauius autẽ, & si primum agmen eo die ducebat, substitit tamen apud Saxonem, & habebant uterq; decem equitum uexilla tantũ ac tormentarios circiter quingentos, cum his in monte consiunt, adductis, quas

Exitus  
belli pro  
stanti-  
um.

reli=



reliquas habebant, machinis: atq; ita commorati, cum sub noctem Cæsar suos reuocasset, ipsi quoq; silentio progressi ueniunt in castra prope Heidenæum, quod est Vuirtembergicæ ditionis, periculo uitato præsentissimo. nam si Cæsar impetum fecisset, illi, qui numero longè superabantur, aut capti fuissent omnes, aut interfecti. quod nec ipsi posita dissimularunt. Cæsar autè, qui de copijs ipsorum nesciret, ac multò crederet esse maiores, agebat remissius, & eadem nocte peditatum progredi, seq; subsequi iubet, eo consilio nimirum, ut postridie illos inuaderet: uerum illi, sicut diximus, de nocte profecti, iam erant ad exercitum. itaq; Cæsar in castra reuertit, in ijsq; biduo permansit, militis reficiendi causa. deinde, quod illos per Franconiam hyemare uelle putaret, copiosam & locupletem prouinciam, anteuertendum esse statuit. Cum Bophingam igitur, Norlingam, Oetingensem agrum & Dingelspulum deditione cepisset: Roteburgum, quod est ad Duberum flumen, oppidum Imperij, magna celeritate contendit. Lantgrauius ad Vuirtembergicum profectus, quum Saxoni suos attribuisset, domum repetit, & calendis Decembris Francofurtum uenit. Saxonie uerò dux, etsi neruo belli destitutus erat, tamen ingressus iter cum copijs, Gemundam, oppidum Sueuiæ, tormentis oppugnat, deditione capit, à senatu deinde pecuniam exigit, quæ uiritim collecta fuit: post, duodecimo Decembris die Francofurtum uenit, ab ijsq; nouem aureorum millia consequitur: Moguntino autem, ad quadraginta millia imperat: progressus deinde, Fuldensæ abbatem prædiuitem & alios quosdam pontificiæ religionis, eodem modo tractat. Lantgrauius, domum reuersus, dat literas ad Mauricium generum, seq; uenturum scribit ad ipsum, modò sibi publica fide caueatur. nam de pace inter illum atq; Saxonem agere uolebat. Mauricius cauet illi quidem, eiusq; rei literas mittit, sed conditiones erant ascriptæ complures, & eius generis, ut ille, non sibi proficiscendum ratus, mitteret legatos, Hermannum Hundelsusium, Henricum Lersnerum, ac licet hi diligenter sollicitarent, nihil tamen confici potuit. cum & Mauricius non sibi licere, nisi de Cæsaris uoluntate, pacisci diceret, & Saxo, qui copias haberet instructas, quò minus ei bellum faceret, moram nullam uelle interponere. Desperata igitur pace, Lantgrauiani milites domum redeunt: Recrodus autem, qui peditatum Germanicum è Gallijs adduxerat,

1 5 4. 6  
Periculū  
Profectū  
suum.

Saxo Pō  
tificios  
mūltat.

15 4 6 ut *suprà* docuimus, cum Saxone permansit. Rotenburgi Cæsar cum esset, Burensem ab se dimittit, & ut rationem ineat occupandi Francofurti, mandat. postea, sub idus Decembris datis illinc literis ad Vuirtembergicum principem Vlrichum, etsi propter bellū, inquit, abs te susceptum atq; Lantgrauio, superioribus annis, in fratrem Ferdinandum regem, & occupatū agrum Vuirtembergensem, æquum erat, ut grauius in illum atq; te statuerem exemplum, tamen iniuriam omnem & poenam tibi condonauit, & beneuolentiam omnem exhibuit: et nuper, sub initium huius belli, tametsi longè aliter esses meritis: eò quod tyrannidem non in populum modò, sed in uicinos etiam Imperij ordines atq; ciuitates exerceas, neq; legibus aut iudicio uis ullo teneri, quendam genere nobilem ad te misi legatum, qui suscepti belli causam tibi demonstraret, ac simul peteret, uti quiesceres, ac omnem de me beneuolentiam expectares: uerum his omnibus neglectis, nec habita ratione fidei, qua mihi deuinctus es, coniunxisti te proscriptis eorumq; socijs, et in idem, quod illi, crimen incidisti, rebellionis, ac primum Ferdinandi fratris & aliorum ordinum, post etiam aliquot meæ ditionis & Imperij oppida, ex improviso, cum tuæ factionis hominibus occupasti: nec eo contentus, quum hæc perpetrasses, bellum mihi scilicet denunciasti, singulari quadam audacia, meamq; famam & existimationem grauißimis uerbis lesisti, & hunc dignitatis gradum atq; splendorem mihi detrahere conatus es, & fidem mihi renunciaisti, & uestigio cum tuis coniuratis exercitum ausus es educere, mihiq; opponere, uolentis quamplurimis & Ferdinandi fratris & meis beneficiarijs. itaq; in poenam, quæ perfidiosis & proscriptis, & lese maiestatis condemnatis debetur, incidisti. Quod cum ita sit, & licet causam habeo grauem atq; iustam, ut in te pro tuo merito seuerissimè uindictam, tamen, pro mea clemetia, et ut misera multitudo cõseruetur, edico, ut statim, his redditis literis, te tuasq; fortunas omnes, totamq; prouinciam, & quicquid omninò tuum est, sine conditione mihi dedas, ut pro meo arbitratu statuam: nisi enim pareas, te simul & tuos igni ferroq; persequar. Etenim, quas ante diem quartū, purgandi tui causa dedisti ad me literas, eæ mihi nō satis faciunt, neq; sunt idoneæ, quæ tuū hoc facinus excusent atq; subleuent. Earum literarū exemplum ad eius ditionis populum unā mittit, et ne deinceps ei pareant, edicit, sed missis ad se lega-



tis audiant, quid imperet: fidem etiam & iusiurandum, quo sint ei de- 15 4 6  
uincti, remittit: id si faciant, curaturum se dicit, ut æquiore conditione  
postea uiuant: sin autē, eandem quam illi, pœnam ipsis comminatur.

Quā hæc Cæsar scriberet, iam ipsius copie, Albano duce, erāt ad fines Vuirtem  
agri Vuirtembergensis: Vlrichus uerò princeps, in arcem Tuelam, ex bergici  
tra regionem, alijsimo & prærupto monte positam, sese recipit, & ad Cæsa  
ex itinere, quum Cæsaris ei redditæ essent literæ, uigesimo die Decem rem lite-  
bris illi suppliciter et demissè admodum scribit, quod in tantum sit o- ra.  
dium eius adductus, uehemētissimè sibi dolere, nec enim grauius quic  
quam sibi potuisse accidere: cū autem pro se quidam intercesserint,  
ipse quoq; culpam sibi condonari flagitarit, bonam se spem habuisse,  
mitigatum iri offensionem: eam uerò spem sese adhuc retinere, quod  
ipsius habeat exploratam clementiam, qua soleat in supplices utri-  
nūm eius rei non unū extare documentum, & quidem ante paucos  
annos editū in quosdam ex ordine principū, qui fortè nō paulò maio-  
rem, quā ipse, causam offensionis ei præbuerint: quod si suos etiam  
audisset legatos, non se dubitare, quin lenius multò fuerit scripturus:  
itaq; se misericordiam eius implorare, ac petere, ut propter Christum  
sibi condonet, neq; grauius quid in se, miserum sanè principem, suosq;  
statuat. Per hosce dies uenerunt ad Cæsarem equites cataphracti Nea-  
politani, circiter quingenti, Ioanne Baptista Spinello, ductore. Post-  
hæc, Cæsar Halam, oppidum Sueuiæ, nuper ei reconciliatum, profici- Frid. Pa  
scitur. eò uenit ad ipsum elector Palatinus Fridericus. Is quadringen- latinus  
tos equites auxilio miserat Smalcaldicis, quū essent ad Ingolstadtum. reconci-  
itaq; Cæsarem adit, & non ipsius oppugnandi causa, uerū, quod ex liatur Cæ  
fœdere priuato teneretur Vuirtembergico duci, factum hoc esse de- sari.  
monstrat. Cæsar eum acribus uerbis excipit, & enumeratis, quæ con-  
tulisset in ipsum, beneficijs, grauius incusat: uerū tamen ignoscit, &  
ut errorem hunc atq; culpam, in posterum, accuratiore fide compen-  
set, hortatur. Sub initium belli, Palatinus, quum de constituendis ecclē-  
sijs cogitaret, Paulum Fagium, hominem facundum atque doctum,  
Argentorato uocauerat Hedelbergam, ut euangelij doctrina cæteris  
præiret ac uiam commonstraret: in hac autem Cæsaris fortuna, quod  
inchoatum ibi fuit, totum intercidit. Aliquot post diebus, ueniunt ad  
Cæsarem legati Vlmenses, & cū supplices facti culpam agnoscerent

Vlmenses  
Cæsari

15 4 6 ac deprecarentur, recōciliati fuerunt. huius ciuitatis præcipua est per reconci- Sueniam autoritas atq; potentia. permagni erat igitur hæc ipforum liantur. à socijs diuulsio: sed illi datis ad amicos literis sub exitum Decembris, cur ita fecerint, causam esse docent, quòd Cæsar iam iam erat urbē circumfessurus, ipsi uerò miserè essent à socijs deserti, nec ullum apparet humanū præsidium, quo se contra tantam potentiam defenderent: deinde, quòd ex socijs nonnulli primi ordinis, Cæsarem priuatim de re conciliatione sollicitarent. Cæsar eos mulctat centum millibus aureorum, tormentis xij. & decem signa peditum illis imponit. Burenensis interea Lantgrauij ditionē, quæ supra Francofurtum est, ingressus, oppidum Darmstatum, partim ui, partim deditione capit, arcem incendit, & multitudini parcat. defendebant enim illud ciues tantum & ex agris collecta turba. post, præter Francofurtum tendit: & quum eius per uim capiundi, præserim, malè affecto milite, & eo anni tempore spem nullam haberet, copiarum partem Rhenum transmittit, & ad Moguntiam se iubet expectare. cunq; nihî minus ipse cogitaret, & domum iam esset rediturus, ecce, Francofurtenses, missis legatis, deditionem faciunt, & imperata se facturos demonstrant. Ille, nihil cunctatus, iter arripit, & cum exercitu oppidum ingressus, in Cæsaris potestatem illos redigit: & ut erat ingenij aperti, quum epulum ei senatus daret, iocatus in illos esse dicitur ob tam leuiter atq; timide factam deditionem: Darmstatanos nimirum esse dignos, qui Francofurtum inhabitent, ipsos uerò Darmstatum esse deducendos. est enim oppidum illud, si cum Francosurto componatur, propè uicinus. Cur autem ita facerent, causa fuit inter alia, quòd Vlmeneses & Vuirtembergicū uiderent iam reconciliatum iri: deinde, quòd metuerent, ne mercatus ab ipsis aliò transferretur. nam facultas est omnis ipsoꝝ in eo collocata: neq; nesciebant Moguntinū et Vuormacienses, pro se quemq; interpellare Cæsare, ut id obtinerent. legatis deinde missis ad Cæsare, in gratiā recipiuntur, depensis aureorum millibus octoginta. Saxonie dux, ubi iam ad suos fines cum exercitu peruenit, Decembris die uigesimo secundo, missis literis ad ordines Mauricianos, quòd ad uestra, inquit, epistolam, undecimo die Octobris ad me datam, nihil rescripsi, consulto feci, & euentum expectare uolui: quid autem interea sit actum, publicè constat. Atqui, pro ea, quæ est inter nos, agnatione & necessitudine

Darmstata  
tū expu-  
gnatur.

Frācosur-  
tum Bu-  
rē si se de-  
dit.

Saxonis  
literæ ad  
Mauri-  
cianos  
ordines.

tudine



tudine & confederatione, proq; meis in principem uestrum meritis, 1 5 4 6  
 nihil equidem tale uel ab illo uel à uobis etiam expectabam: nec un-  
 quam mihi uenit in mentem, fore, ut ad hunc modū ille in me meumq;  
 populum ageret: multò minus, ut eius consilij, quod ad totius regionis  
 & ad uestrum etiam detrimentum pertineret, uos illi essetis authores  
 atq; duces. Verū hoc uobis esse puto uisum tempus idoneū, quo sese  
 proderent insidiosa quorundam uestri ordinis, & multis nunc annis  
 fabricata, sed à Deo semper repressa consilia: nam expendite uobiscū  
 ipsi, quale fuerit hoc uestrum factum, quando Georgio duci fuistis con-  
 sultores, ut fratrem suum & fratris filios exheredaret propter diuer-  
 sam religionem, & heredes institueret Casarem atq; Ferdinandum re-  
 gem, nisi pontificiam illi religionē profiterentur ac restituerent. quod  
 autem eius testamenti nulla habita ratione, ad Henricum fratrem hæ-  
 reditas omnis delata fuit, & euangelij doctrina retenta, id sanè mea et  
 sociorum opera cumprimis factum est. Et quanquam ille nostram re-  
 ligionem professus in foedus etiam uenit, confectis ea de re literis &  
 obsignatis, tam suo, quàm filiorum nomine, uos tamen, quoniam spes  
 illa prior uobis excidit, illum, ut à pacto discederet, impulistis: cunq;  
 mortem obijisset, filij quoq; parentis uestigia secuti sunt, haud dubie ue-  
 stro consilio. Et sicut bonorum illa possessio, uobis inuitis, ad Hen-  
 ricum eiusq; filios peruenit, ita etiam illa, quæ mihi cum Henrico fu-  
 it, amicitia, non mediocriter uobis doluit, & ut ea diffunderetur, non se-  
 mel estis moliti: neq; sanè frustra fuit omninò conatus uester, & quod  
 illo uiuo perficere non potuistis, id apud filios tandem estis consecuti,  
 præsertim apud Mauriciū, de quo maximam uirtutis & coniunctio-  
 nis opinionem atq; spem in animo conceperam: etenim ante annum  
 ferè quintum, non multò post quā magistratum inijisset, illum aduer-  
 sum me, nihil tale meritum, excitastis, & ita quidem, ut magni res es-  
 set periculi. Et quanquam tempestas illa tum intercessore Lantgra-  
 uio sedata fuit, & addita cautio, ne quid in posterum tale fieret, sed ut  
 ex antiquo foedere res ageretur utrinq; uos tamen illi & Augusto fra-  
 tri consilium dedistis, ut absente me, prouinciam meam occuparet.  
 quæ sanè res eò magis mihi dolet, quod ille peramicis ad me datis &  
 inuicè acceptis literis, nihil eiusmodi significauit: deinde, quod Lant-  
 grauij & sociorum deprecationi nihil in eo tribuit. Mouet me & ue-

1546 hementer quidem, innoxie multitudinis meiq; populi calamitas; quem ille peregrino & crudeli & barbaro milite adducto, rapinis, latrocinijs, direptionibus afflixit: mouet etiam, quod eiectioni sunt & profligati passim ecclesie ministri, uiolatae uirgines atque matronae: cuius quidem atrocitatis Deum aliquando fore uindictam, nihil dubito: sed multo me uehementius mouet atque perturbat illius actio tam insida, tam hostilis & inopinata, uobis auctoribus proculdubio suspecta, qui precio & largitione, Iudae proditoris exemplo, estis ad hoc comparati. Cur in meas ille possessiones inuadat, obducitur causa, quod Carolus ita iusserit, & Ferdinandus urgeat: sed horum edictis longè debebat praeferrì propinquitas & sanguinis coniunctio, & ipsam denique foedus atque pacta, quae sunt utrique familiae communia: de rebus enim omnibus, extra religionem positis, iam pridem inter Carolum, Ferdinandum atque me conuenit, & quae nobis tribuuntur crimina, falsa sunt, & religionis causa tantum affligimur. Si uos commouit illius mandatum, cur non magis commouit ipsa rei indignitas? cur non expendistis, an mandatum tam iniquum & nulla ratione munitum principi uestro liceret exequi? Sed in consilium attulistis animum iam olim affectibus deprauatum atque corruptum, & uobis principi; uestro magis adhibuit prouincia mea, quam aequitas ipsa, quam uerum iudicium. nam alioqui ratio uobis commonstrasset, quoniam indicta causa condemnati sumus, proscriptionem ipsam pugnare cum legibus, cum pactis atque iure, quibus ille tenetur Imperio deuinctus: Mauricius quoque facillè uidisset, non sibi licere, tam impio & uiolento parere mandato, & patriae salutem potius spectasset: uerum maluit insistere uestigijs nefarii Doegi, & ficta quadam officij necessitate facinus illud suum tegit atque circumuestit. Neque uerò ad rem facit, quod illum nihil tale fuisse facturum dicitis, nisi Ferdinandus cum copijs in meos fines aduentasset. nam longè secus res habet, & à fide dignis ad me defertur, primum, uos ipsos atque Mauricium haec omnia callidis & occultis consilijs apud Caesarem atq; Ferdinandum, Ratisbonae simul & Pragae sollicitasse, ut ipsum tempus olim patefaciet: deinde, non omnium hoc esse factum assensu, uerum à paucis aliquot ex omni numero delectis hoc tam sceleratum facinus fuisse confectum. Nunc ergo, postea quam me-

os fit



os fines, Dei beneficio rursus attigi cū exercitu, planè constitui uestro  
 principi parem referre gratiam, & ea omnia tentare, quæ sunt ad de-  
 fensionem & ad prouinciæ meæ recuperationem necessaria. qua qui-  
 dem in re uos etiam, præsertim authores tam flagitiosi consilij, pro  
 scelere eorum sic ulciscar, ut quàm sit atrox, quæ mihi facta est iniu-  
 ria, prorsus intelligant. Dolet mihi quidem, eò rem esse deductam, &  
 communis patriæ moueor incommotis: sed quum à uobis factum sit  
 initium, & res ipsa postulet, ut uim & iniuriam à meis depellam, pro-  
 fiteor, quicquid ex eo deinceps nascetur malorum, non esse mihi tribu-  
 endum. Si qui uestrum etiam sunt ab hoc facinore alieni, qui suam in-  
 nocentiam mihi uelint probare, licebit ut id faciant: humaniter eos ac-  
 cipiam atq; benignè. Daniæ rex, etsi confederatus erat, tamen nullam  
 opem Smalcaldicis tulit. Cæsar Hala profectus Hailbrunum, & op-  
 pidanis in gratiam receptis, Albanum immittit in agrum Vuirtember-  
 gicum, ut suprà diximus. is deditione captis aliquot locis, multū dam-  
 ni dabat. Solicitante uerò Palatino principe, Vuirtembergicus Ianua-  
 rij die tertio reconciliatur his conditionibus. Quoniam ipse per uale-  
 tudinem non possit, mittat legatos, qui supplices facti, Cæsaris miseri-  
 cordiam implorent: idem ipse faciat intra sextam hebdomadam, decre-  
 ta Cæsaris de republica seruet: Saxoni & Hesso nulla det auxilia, sed  
 Cæsari ferat opem, ut in executionem ueniat aduersum ipsos euulga-  
 ta proscriptione: nulla suis in finibus commercia permittat Cæsaris ad-  
 uersarijs: nullum scædus omninò faciat, in quo non & Cæsar & Ferdi-  
 nandus & Austriaca domus comprehendantur: si qui suæ ditionis ad-  
 uersus Cæsarem, Ferdinandum regem, Austriacamq; domum milita-  
 bunt, in eos grauissimè uindictet: nobilitatè etiam, ne quis ex ipsis mili-  
 tet, per iusiurandum adigat: Cæsari, quoties uisum fuerit, det iter per  
 suos fines, & aditum ad omnia patefaciat: tormenta sociorum, reli-  
 cta suis in finibus, cum omni instrumento tradat: in sumptum belli  
 dependat aureorum millia trecenta, dimidiam quidem partem, è ue-  
 stigio, reliquum autem, intra diem xxv: cautionis loco tradat Asper-  
 gum, Kirchenum, Schorendorffum, ut ijs præsidia Cæsar imponat pro  
 suo arbitratu: cum ijs, quibus hoc in bello damnum dedit, transigat,  
 si non possit, stet iudicio Cæsaris: consuetudinem fori Burgundiæ supe-  
 rioris sequatur tum ipse tum filius, quum ijs locis iudicio contem-

1 5 4 7  
 Vuirtem-  
 bergicus  
 Cæsari  
 reconcili-  
 liatur.

1547 dent: in suæ ditionis homines, qui Cæsari deditionem fecerint, minime uindictæ: Ferdinando regi suum ius integrum maneat: intra sextam hebdomadam filius eius Christophorus & populus ista confirment, & habeant rata: frater eius Georgius huius pacis beneficio minime fruatur. Quam hæc Ianuarij die tertio, sicut diximus, essent concepta literis, Vlrichi principis legati, Balthasar Gultlingus, Ludouicus Frauenburgus, Ioannes Feslerus iureconsultus, quinto post die ueniunt Hailbrunum, & ad Cæsaris proiecti pedes, principem, quò minus ipse ueniat, impediri ualitudine, & sibi negotium dedisse dicunt, ut excusent: illum uerò culpam profiteri palàm, & dolere uehementer ob admissum facinus, & orare per omnia sacra, ut in gratiam recipiatur, & ne quid in se suumq; populum statuatur acerbius: nam & ratas habere pacis conditiones, & ubi primum per ualitudinem licebit, ipsum deprecandi causa uenturum, neq; tanti beneficij memoriam unquam esse depositurum. Ad ea Cæsar per Nauium. quod delictum agnoscat & deprecetur, accipere se satisfactionē, & pro sua clementia uelle conseruare multitudinem, ait, & illi ignoscere, modò pax seruet, & in posterum, quod sui sit officij, non prætermittat. Post eos ueniunt Memingi, Bibraci, Rauesburgij, Campodunenses, Isnenses legati, supplicesq; facti poenam deprecantur, & quòd in ipsum deliquerint, partim errore suo, partim aliorū culpa factum esse dicunt: se uerò confugere nunc ad ipsum, uelut ad fontem misericordiæ, & obsecrare ut ignoscat & pristino loco restituat, neq; de suis priuilegijs et immunitatibus quicquam diminuat. Cæsar deinde per iusiurandum eos adigit, ut sibi sint in posterum fideles, ut iisdem teneantur legibus, quibus reliqui ordines, ut à fœdere Saxonis atque Lantgrauij discedant, nec ulla re ipsos adiuuent, neq; fœdus ullum contra se deinceps faciant. post, recipit eos in gratiam & Memingenses quidem multat aureorum millibus quinquaginta. Prius quàm in Cæsaris conspectum uenirēt, de nō mutanda religione sibi caueri petebant. Nauius autem, quo Cæsar tū utebatur his in rebus interprete præcipuo, sollicitè monebat, ne quā eius rei mentionē facerent. nā alioqui futurū, ut Cæsar hoc ipsorū erga se diffidentie tribueret: etenim initio belli satis illū declarasse uoluntatē in eo suam: acquiescant igitur, nec amplius sibi caueri postulent. hoc autē eò factū esse creditur, ne, si denegatum esset, aliud

Ciuitates Pro-  
testantes  
reconciliantur  
Cæsari.



agi putaretur, quàm quòd Cæsar euulgatis literis erat professus: quòd 1 5 4 7  
 si autem claris uerbis concederetur, ad pontificis hoc offensionem per  
 tineret, cuius hic erat scopus, ut isto bello, protestantium extinguere-  
 tur omninò doctrina. Per hosce dies Genuæ fuit nata seditio, in fami-  
 liam Auriensem, cuius tum erat princeps, Andreas, rei naualis peritia  
 longè omnium clarissimus, eiusq; reipublicæ facillè primus, beneficio  
 Cæsaris. huius uerò turbæ dux erat et signifer Comes Fliscanus, in cá-  
 que fuit trucidatus inter alios Andreæ gentilis atq; propinquus, Ioan-  
 ninus Auria, uir magnæ uirtutis. quòd nisi Fliscanus fortè dilapsus in  
 mare perisset, in maximo discrimine res futura fuisse creditur: sed illo  
 sublato, socij facinoris diffugiunt, eamque tempestatem ilicò secuta  
 fuit magna tranquillitas. Authores huius consilij Cæsar fuisse dicit  
 Farnesios, inprimis Petrum Aloisium, Placentiæ ducem, ut infrà suo  
 loco dicetur. Qui sub exitum Iulij, superioris anni, futurus erat Tri-  
 denti patrum confessus, in hoc usq; tempus fuit prorogatus, & Ianua-  
 rij die xij. quum in primarium templi patres de more conuenissent,  
 statuitur de iustificatione hominis, & damnantur, qui post peccatum  
 Ade, non esse liberum hominis arbitrium, qui sola fide & imputa-  
 tione iustitiæ Christi, hominem iustificari, qui iustificationem nihil al-  
 liud esse, quàm fiduciam diuinæ misericordiæ, peccata remittentis per  
 Christum, qui necessarium esse, ut certò quis credat, neq; dubitet sibi  
 remitti peccata, seq; esse ex numero prædestinatorum, qui præcepta  
 Dei non posse ab homine etiam iustificato, præstari, qui iustitiam acce-  
 ptam non conseruari atq; etiam augeri per bona opera, qui post ba-  
 ptismum amissam iustitiam recuperari sola fide, sine sacramento pœ-  
 nitentiæ, qui peccatori pœnitenti culpam omnino remitti, neq; pœ-  
 nam ullam restare luendam uel in hac uel in futura uita, per purgato-  
 rium, qui decreta ista gloriæ Dei & merito Christi derogare, dicunt.  
 Aduentante cum exercitu Saxonie duce, Mauricius Lipsiam præsi-  
 dio munit, & suburbia incendit. eodem tempore ueniunt illuc equites  
 Pannonij suprà mille. Ianuarij die xij fit oppugnationis initium, sed  
 oppidanis fortissimè sese defendentibus, infecta re disceditur sub eius  
 mensis exitum. Crebris autem tormentorum ictibus ac ueluti grandi-  
 ne quadam, oppidum uehementer dilaceratum fuit & planè deforma-  
 tum. Illinc Saxo profectus, non solum amissa deinde recuperat per

Seditio  
Genuæ.

Decretū  
concilij  
de iustifi-  
catione.

Lipsiæ  
obsidio.

5. 4. 7. Turingiam & Misniam, sed Mauricium quoq; suis oppidis exiit, in-  
 Mauri- columi tantum Lipsia & Dresda: Magdeburgicum etiam & Halber-  
 eius suis statensem episcopatum ad se traducit, facta cum episcopo Ioanne Al-  
 oppidis exiit. berto, transactione. Pridie, quam Lipsiam oppugnaret, Ferdinandus  
 rex Bohemis mandat, ut sumptis armis auxilio profisciscantur Mau-  
 ricio: parebant quidē illi, sed iniussi postea domū redierunt: itaq; Fer-  
 dinandus ad finem Ianuarij rursus idem mandat. Ibi populus Pragen-  
 sis, cuius est ijs locis authoritas præcipua, senatū rogat, dent operam,  
 ut rex mandatum aboleat, quod cum ipsorum libertate pugnet, et cui  
 non possint honestè parere: nullam enim subesse causam, cur in Saxo-  
 nem electorem arma ferant, & multis in rebus eandem ipsorum esse  
 religionem, quæ sit illius: egregiam quoq; semper fuisse uoluntatem  
 ipsius atq; studium in reprimendis Turcarum armis. Ad ea Ferdinan-  
 dus inter alia non ei religionis causa bellum inferri, sed rebellionis: &  
 quod de collatis in Turcam auxilijs dicant, longè rem aliter habere:  
 nam illum, missis internuncijs ante menses aliquot, sollicitasse Turcam  
 ait, ut Vngariæ atq; Bohemiæ bellum faceret, nec ampliores inducias  
 largiretur, & quas pepigisset, rescinderet: & ut commodè res agere-  
 tur, se non desuturum, & ex diuersa parte facturū esse impetum. Vbi  
 de statu Saxonie Cæsar cognouit, & crebris Mauricij literis sollicita-  
 retur, equitum peditūque copias ei mittit auxilio, Alberto Bran-  
 deburgico ductore, ac deinde subsequi iubet Hispanorum et Italarum  
 manus, Sandæo & Marignano ducibus. Albertus, Ianuarij die nono,  
 cum sua manu discedit Hailbruno. Cæsar, illinc etiam profectus, Vl-  
 mam petit: in itinere Lindauenses & Eslingenses ei reconciliantur.  
 De pontifice dictum est antea, quemadmodum lata sententia Colo-  
 niensem archiepiscopatu priuarit & omni functione: cum id faceret,  
 omne ius & authoritatem simul attribuit Adolfo Schauenburgo Co-  
 miti, quem superioribus aliquot annis archiepiscopus inter omneis  
 unum sibi delegerat coadiutorem. itaque, misso diplomate pontifex  
 monet totius regionis ordines, ut eum pro suo præfule recipiant &  
 agnoscant: adhæc, Cæsarem urget, ut sententiam exequatur. Cum  
 autem admonitus aliquoties archiepiscopus, ut ab incepto desistat,  
 non sibi licere pacata conscientia, diceret, Cæsar, iam propè uictor, le-  
 gatos Coloniam mittit Philippum Lalengum, Geldrie præfectum,

Albero  
 rus Bran-  
 deburg.  
 auxilio  
 missus  
 Mauri-  
 cio.

Adolfus  
 Schauen-  
 burgus  
 Coloni-  
 ensi ar-  
 chiepisc.  
 successus.



& Viglium Zuichemum iureconsultum. Per eos interpellat prouin- 1 5 4 7  
 cie totius ordines, quos ad certum diem eò uenire iusserat, ut archie-  
 piscopo relicto Hermanno transeant ad eum, qui coadiutor antè fuis-  
 set, eiq; fidem omnem & obsequentiam, ut antistiti suo, præstent. Ab  
 ecclesiasticis quidem difficile non erat istud impetrare: nam huius ipsi  
 motus erant auctores: uerùm nobilitas, & in his complures illustri lo-  
 co nati, deinde ciuitatum legati, non sibi esse integrum demonstrant,  
 ab eo, cui tam longo tempore paruissent, quo sint usi tot annis nõ poe-  
 nitendo principe, cui fide sint per iusiurandum astricti, deficere. Hac  
 obiecta difficultate, dux Cliuensis, plane finitimus, grauioris turbæ ui-  
 tandæ causa, consiliarios eò mittit intercessores. qui post multam &  
 diligentem actionem ab ecclesiasticis obtinent, ut quiescant, interea  
 dum cæteri ordines archiepiscopo rem omnem exponant. Mißi fue-  
 runt ergo Theodoricus Manderschittus, Gulielmus Nuenarius, Co- Herman-  
 nites, totius nobilitatis faciliè primi. hi pro sua dexteritate atque gra- nus cedit  
 tia persuadent illi, ut misericordia populi, ne bello uastetur tota pro- archiepi  
 uincia, cedat. Cùm fidem igitur & iusiurandum remisisset omnibus: scopatu  
 ille, quem diximus, coadiutor, quem fratris loco semper dilexerat, suc- Coloni-  
 cedit, fuit hoc Ianuarij die xxv. Erat archiepiscopi frater, Fridericus, ensi.  
 quem episcopum fuisse Monasteriensem libro decimo diximus, eccle-  
 siæ Bonnensis præpositus, uti uocant: priuatus autem ea præfectura  
 fuit, eiusq; tulit exuias Gropperus. idem accidit Stolbergio Comiti,  
 Coloniensis ecclesiæ decano, qui constanter archiepiscopum defende-  
 rat. Mox per totam regionem, archiepiscopi noui mandatu, religio-  
 nis facta fuit immutatio, & quicquid Bucerus instituisset, aboletur.  
 Smalcaldicorum legati, quum Galliæ regem adijissent, Britanniam pe- Henrici  
 tunt, ut idem apud utrunq; perficerent. Sed iam tum grauitè rex Hen- Angliæ  
 ricus ægrotabat, & inualescente morbo, sui regni anno xxxviij. sub regis o-  
 finem Ianuarij decedit è uita, quum testamento filium Eduardum, no bitus.  
 uem annorum adolescentem, fecisset hæredem, eiq; filiam Mariam, ex  
 prima, & Isabelam, ex altera coniuge substituisset. Verùm antequam  
 mortem obiret, hominem ducem Norfolkii, cuius magna semper fue-  
 rat autoritas, perpetuis uinculis addidit: eius uerò filium, Comi-  
 tem Surrie, capite plectit, ob emissas aliquot uoces nimium suspe-  
 ctus ægrotanti. Eius interitum secuta fuit deinde religionis immu-  
 tatio,

1547 tatio, sicut infra dicemus. nam etsi pontificis auctoritatem omnem  
suis è finibus eiecerat, licet esse capitale, si quis illū, ut præcipuū eccle  
siæ caput cognosceret, quanquam in publicis ecclesiæ precibus, illum,  
uti pestem & antichristum, auersabatur, tamen doctrinam retinebat  
pontificiam, ut supra demonstratum est. Filium ab ineunte ætate rectè  
curauerat erudiri, et moriturus ei consituit tutores, ad xvi. & in his,  
Eduardum Comitem Herfordensem, adolescentis auunculum. Huius  
deinde, quod maximè fidelis ei futurus crederetur, præcipua pars tu  
telæ demandata fuit à contutoribus, & attributum cognomen hono  
rificum, ut regis atque regni protector diceretur. Accessit etiam ducis  
cognomen, quum ei Somersetensem principatum rex tribuisset. Is &  
euangelij doctrinam amabat, & ut ea reciperetur, operam dabat, &  
eius amplectendæ regi alumno suo fuit author, in eoq; socium & ad  
iutorem habebat inprimis Thomam Cranmerum, archiepiscopum  
Cantuariensem, insigni doctrina præditū, & Angliæ primatē. Mori  
tur etiam hisce diebus Ferdinandi regis uxor, Anna, multorum libe  
rorum mater. ei Cæsar funus facit Vlmæ. Interim Augustani, sociorū  
exemplo & suo periculo commoti, quum idoneos haberent interces  
sores, & in his Antonium Fuggerum, redeunt cum Cæsare in gratiā,  
multatū centum quinquaginta millibus aureorum, tormentis xij. in  
structis, & præsidio militū, signis decem. Erat in urbe Schertelinus,  
& multis nunc annis illorum stipendijs merebat. hunc Cæsar & Fer  
dinandus rex inprimis oderant, ob occupatam arcem Erebergū: itaq;  
tametsi uehementer senatus deprecaretur, tamen, quum Cæsar obsti  
natè recusaret, nec aliter pacisci uellet, uertere solum coactus fuit, &  
cum omni familia Cōstantiam sese recepit, quod est proximè ad Hel  
uetiorum fines, oppidum. Lipsiæ durante obsidione, Brandenburgicus  
elector intercedit, & missis ad utrunq; legatis, actionem sibi permitti  
flagitat. Elector quidem non abnuuit: Mauricius autem grauitè incu  
sans illum, quòd tam acerbum bellum gereret, sexto demum die, paulò  
respondet alienius, quum frustra uideret oppidum oppugnari. Bran  
deburgicus igitur hoc statim Lantgrauio perscribit, orans, ut Mauri  
cio persuadeat: & quia bellum hoc ciuile per Saxoniam componi uix  
possit, nisi publicū illud Cæsaris compositū sit etiā, rogat, ut animum  
huc adijciat, persuadendi uerò causa, quanto uersetur in periculo, de

Thomas  
Crāme  
rus An  
glie pri  
mas.  
Augusta  
ni tran  
sigunt  
cum Cæ  
sare.

Brande  
burgicus  
elector  
interce  
dit de  
pace.



monstrat: socios enim ferè omneis iam esse Cæsari reconciliatos, & Vuirtembergicum grauissimis transsegisse conditionibus: Cæsare novas parare copias: & quoniam tantæ potentie solus ipse diu resistere non possit, monet, ne grauentur sese demittere, & ijs pacisci legibus, quas ipse cõceperit, & per legatos unà mittat: etenim, quia multis de causis ualde sit exacerbatuſ Cæsaris animus, rem ipsam postulare, ut supplici quadam demissione sibi condonari petat: respiciat ergò se suosque liberos & promiscuam multitudinem, nec in extremum periculum rem deducat. In eandem sententiam electori quoque scribit. Cæsar, paulò antè, quàm Smalcaldici mense Nouembri discederent, negocium dedit quibusdam, ut ilicò nouis conscriptis copijs, bellum in finitimis Saxonie locis facerent, ne, qui sunt ijs locis ordines atque ciuitates, Lantgrauio uel Saxoni possent opem ullam ferre. His copijs omnibus, quæ erant peditum signa xx. equites mille ducenti, præficit Iudocum Gruningum, Selandiæ præsidem. Hi Conradum Comitem Deckelburgium, Smalcaldici foederis socium, & Osnabrugū, et Mindam oppidum, & Comitem Lippensem et alios quosdam ijs locis, imperata facere cogunt, & Ritbergum arcem occupant, inde Bremam petunt. fuit hoc mense Februario. Militabant hic Cæsari Philippus Eberstenius Comes, Christophorus Vrisbergus, Fridericus Spedius. Elector Saxonie, quum de successu Cæsaris audisset, datis ad senatum Argentinensem literis, Februarij die xiiij. quomodo sua recuperarit, & Mauicio pleræque per Turingiam & Misniam ademerit, eiusque nobilitatem in suam fidem adegerit, & Magdeburgensem episcopatum sibi coniunxerit, exponit: quòd autem Vlrichus Vuirtembergicus, & pleræque omnes Germanie superioris ciuitates, iniquissimis conditionibus transegerint, & religionis omiſsa mentione, contra se reliquosque socios auxilia Cæsari promiserint, id sibi planè præter expectationem accidisse, & omninò fieri contra rationes foederis: de ipsis audire se, quòd constanter agant: id sibi fuisse periucundum: pergant igitur, neque remollescant, & faciant uti foederatos decet, ac si res ita postulet, Heluetiorum atque Gallie regis auxilio sese tueantur atque sustentent: se quidem cupere ipsis omnem fidem & amorem prestare, sed impediri bello domestico, cui si Deus finem fecerit, suo commodo, nò se defuturum ipsis: Magdeburgi conuenisse iam Saxoniorum

Nouæ  
Cæsaris  
copiæ in  
Saxones

Saxonis  
literæ ad  
Argentio  
nenses.

15 47 ordinum atq; ciuitatum legatos: cum his agere se de ijs rebus, propter  
 quas Francosurti fuerat indictus conuentus, & sperare, futurum, ut  
 officium præstent, ciuitates inprimis, nec à societate sese diuelli patian-

Gallicus  
 legatus  
 ad Ar-  
 gentinen-  
 ses.

Nauij  
 mors.

Ferdinā-  
 di postu-  
 lata ad  
 Bohe-  
 mos.

tur. Ad idus Februarij uenit Argentoratum à Gallia rege Mendoza,  
 Hispanus, exul, & prolixè pollicetur: sed iam tum senatus mittendam  
 esse legationem ad Cæsarem de pace, decreuerat. sic ille re nulla perse-  
 cta discedit. Legati ad Cæsarem erant Iacobus Sturmius, Matthias  
 Pharrerius, Marcus Hagijs. legationis causa fuit, ut Vlmam profecti,  
 quibus conditionibus Cæsar omnino pacisci uellet, cognoscerent. Ha-  
 bebat tum in consilio Cæsar Atrebatensem episcopum Antoniū: Gra-  
 uellanus enim pater Vefontionem erat profectus, & Nauius hoc ipso  
 tempore uitam morte cōmutauit. cuius in locum deinde successit Ge-  
 orgius Seldus iureconsultus, eiq; fuerunt adiuncti propter multitudi-  
 nem negociorum Germania, Ioannes Marquardus Badensis, & Hein-  
 ricus Hasius, qui Palatini fuerat antè, & nuper admodum Bipontini  
 principis consiliarius, rerum Germaniæ ualde peritus. Ferdinandus  
 rex, ut Bohemos excitaret, detrectantes militiam, sicut diximus, Fe-  
 bruarij die sexto, cum filio Ferdinando progreditur, et Lætmerician  
 uenit, quod est ad Bohemiæ fines oppidum. Ibi quum unum & alte-  
 rum diem regni procures ac ordines expectasset, prolixam habet ora-  
 tionem: & quia Mauricijs fidem suam imploret, hortatur, ut arma  
 capiant, tum propter scædus antiquum utriusq; gentis, tum quòd sint  
 beneficiarij Cæsaris: & quoniam hoc ipso nonnulli dicant libertatem  
 suam imminui, cautionem promittit, ne quid ipsis in posterū sit frau-  
 di. Qui tunc aderant ordines, nō sibi licere dicunt statuere, nisi de re-  
 liquorum assensu. petunt igitur, ut quamprimū agat conuentus: a-  
 lij quidam obsequium & operam suam profitentur. hi erant oppido-  
 rum præfecti, quibus deinde gratias rex agit, illis uerò prolixè demon-  
 strat, nō hoc esse quæstionis tempus, & rem ipsam flagitare præsens  
 auxilium aduersus hostem: ea confecta militia, nō se recusare conuen-  
 tum, neq; uelle quicquam ipsoꝝ adumere libertati: gerant igitur mo-  
 rem & secum pergant. Illi tandem offensionem uerit, quum rex pau-  
 lō acrius esset locutus, assentiuntur, & nisi militet ipsi, stipendia pro-  
 mittunt. Sub Idus Februarij, nobilitas & Pragenses, missis ad regem  
 literis, orant, quia mandatis insistat, nouo quodam exemplo, ut ad xx

Martij



Martij diem, ordines omneis iubeat adesse Pragæ: quòd si non possit, 1547  
 & ipsi tum fortè conueniant atq; decernant, petunt ne molestè ferat.  
 ille, quid Lætmericiæ sit actum, exponit, & ad xviij. Aprilis diem con-  
 uentum promittit, & ne quid interim ipsi tentent, nèue congregen-  
 tur, uetat. quarto pòst die, quàm illa scripserant, fœdus faciunt, tuen-  
 de libertatis causa. Postea quàm in Saxoniam Albertus Marchio per-  
 uenit, Mauricius oppidum Rochliciam illi attribuit. cuius usum fru-  
 ctum habebat Lantgrauij soror uidua, Georgij Saxonie ducis nurus.  
 Eo cognito, Ioannes Fridericus elector, qui tum Aldeburgi erat, tribus  
 ab illo milliaribus, calendis Martijs Ernestum Luneburgicum, Volra-  
 tum Mansfeldium cum aliquot equitum turmis, ac deinde Recrodum  
 cum sua legione peditum de nocte præmittit: ipse cum reliquis copijs  
 subsequitur. Postridie, antè quàm luceret, pauci quidam equites præ-  
 missi, excubitores inuadunt. ex ijs nonnulli capti fuerunt, reliqui su-  
 ga petunt oppidum. Erant in suburbio signa peditum quatuor. his co-  
 mitati aliquot equites Albertini, & prima luce egressi, manus conse-  
 runt: repulsi in suburbium sese referunt. Cum autem elector, qui secun-  
 dam aciem ducebat, uenisset, et ex monte uicino, tormentis in oppidũ  
 fulminaret, pedites etiam impetu facto suburbium incenderent: illa, quæ  
 diximus, peditum signa quatuor, per pontem, equites uerò per Mul-  
 dam flumen, in fugam abeunt. pedites ergò, qui iam suburbium tene-  
 bant, magnis animis progredi, oppidum inuadunt, diripiunt & hosti  
 tormenta tollunt. Dum hæc ita geruntur, Albertus fugam circumspi-  
 cit & flumen petit, sed ab Ernesto Luneburgico interceptus ad electo-  
 rem deducitur. In oppido præsidium erat, peditum signa sex. hi sese con-  
 sociant cum reliquis equitibus, & defensionem parant, sed uicti mul-  
 titudine deditionem faciunt omnes, & armis exuti, non se militaturos  
 in Saxonem atq; socios intra sextum mensem pollicentur, atq; ita dimit-  
 tuntur. Equites cõsecrati quatuor illa signa peditum, quos trans pontem  
 fugisse diximus, magnam eorum partem cõcidunt. In ijs erant complu-  
 res Itali & Hispani Habebat Albertus tam à Ferdinando rege, quàm  
 à Cæsare circiter mille quingentos equites, peditum signa decem, ma-  
 chinas uerò bellicas xiiij. A prima luce pugnatum est usq; ad meridiem.  
 Elector non multos è suis desiderauit, & in his, magnæ uirtutis ui-  
 rum, Vuolffium Theodoricum Phirtensem, qui tormento percussus,

Fœdus  
Bohemorum.

Rochlicie expugnatione.

Albertus capitur.

alii

¶ 47 aliquot post diebus è uita migravit. Cæsorū numerus in oppido re-  
pertus fuit ad mille, foris autem, & in ipso flumine, trecenti. Post con-  
flictum, elector cum Alberto captiuo redit Aldeburgū, ac deinde rem  
omnem in Bohemiam enunciat, neq; se contra fœdus facturū aliquid  
esse demonstrat, & eos, qui in suæ ditionis homines igni grassati sint  
Vuirtembergicus atq; ferro, mulctari petit. Vuirtembergicus princeps erat pactus, ubi  
primū per ualitudinem liceret, supplicem se futurum Cæsari. Venit  
Cæsari, igitur Vlmam, mense Martio, quantumuis affecto corpore, & sedens  
in sella, permissu Cæsaris, quoniam sese commouere non poterat uel  
inflexere, per consiliarios supplices condonari sibi factum petit, o-  
mnem obsequentiam in posterum pollicitus. Vbi liberaliter ad ea Cæ-  
sar respondit, è uestigio discedit, & belli Saxonici causa Norlingam  
contendit. Dum Vuirtembergicus ad hunc modum deprecatur, homi-  
num erat ingens circumfusa corona, qui præmoniti ad spectaculum  
confluxerant. In tribus illis locis, quæ suprà diximus, agri Vuirtem-  
bergici, Cæsar iam antè præsidia collocauerat, Hispanos potissimum.

## L I B E R XIX.

Septi-  
mus con-  
fessus  
concilij.



ARTII DIE TERTIO, TRIDENTI  
fit septimus patrum confessus, in eo damnantur, qui  
uel pauciora quàm septem ecclesiæ sacramenta, uel  
non omnia dicunt à Christo instituta, qui negant aliud  
alio esse dignius, qui signa quædam illa solum exter-  
na dicunt esse gratiæ uel iustitiæ per Christum atq; fidem acceptæ, qui  
negant eorum perceptione conferri gratiam, qui baptismo, confir-  
matione & ordine non inprimi characterem in anima, uel signum  
spirituale & indelebile, qui administrandi ea potestatem omnibus  
esse communem, qui receptos ecclesiæ ritus, in eorum administratio-  
ne prætermitti, uel mutari posse, qui ecclesiæ Romanæ, parentis o-  
mnium atque magistræ doctrinam de baptismo, non esse synceram,  
qui facta post baptismum uota, nullius esse momenti, & derogare fi-  
dei quam sint professi, qui cōfirmationem, ociosam esse ceremoniam,  
& olim aliud nihil, quàm adolescentulorum institutionem fuisse di-  
cunt,



cunt, qui spiritus sancti uirtutem & afflatum, adesse confirmationi ne-  
gant, qui non solis episcopis, uerum cuius sacerdoti promiscuè confir-  
mationis ministerium tribuunt. Posthæc, decreta faciunt de benefi-  
cijs ecclesiasticis. ut episcopi ceteriq; proceres ecclesiarum sint legiti-  
mè procreati, sint & ætate & moribus & eruditione spectabiles: ne-  
quis omnium plures episcopatus quocunq; titulo possideat, & ut illi,  
qui plures possident, ex ijs retineant quem uelint, reliquos intra an-  
num abdicet: quibus est populi pascendi demandata cura, sint ipsi præ-  
sentes, nec alios in locum substituant, nisi ad tempus, & ita, si, cur abes-  
se non possint, causam docuerint, & id episcopo probatum fuerit, cui-  
us erit prouidere, ne populus negligatur, & ut sacerdotum delicta pu-  
niantur, & quæ sunt apud ipsos uitiosa, corrigantur. alteri deinde  
confessui dies dicitur xxi. Aprilis. Ferdinandus rex, ubi Dresdam per-  
uenit ad Mauricium, octauo die Martij scribit Bohemis: Ioannem  
Fridericum constituisse ipsos inuadere: prouideant ergo suis rebus, &  
Sebastiano Vucittemullo, quem sibi per absentiam suam legauerit, ob-  
temperent. Argentinenfes legati, quos Ulmæ fuisse diximus, domum  
reuerfi, quum à Cæsare præscriptas conditiones, senatus non impro-  
bare, denuò mittuntur, ut omninò transigant. Ingressi iter, Cæsarem  
Norlingæ reperiunt, ex podagra male tunc affectum, & uigesimo pri-  
mo Martij die deprecati, reconciliantur. Conditiones erant tolera-  
biles. nam neque præsidium Cæsar illis imposuit, & aureorum milli-  
bus triginta fuit contentus, neque supra duodecim exegit tormenta.  
Brandeburgicus elector solcitè quidem agebat pro Lantgrauio, & ad  
Ferdinandum quoque rem detulit: sed durissimæ ferebantur condi-  
tiones. hæ erant, ut futura decreta senatus Imperij, sine omni exce-  
ptione probet: ut è suis filijs alterum det obsidem: ut Henricum Brun-  
suicensem atque filium dimittat, & Cæsaris cognitionem in eo sube-  
at: ut aduersus electorem Saxonem atque socios auxilio Cæsari mit-  
tat equitum centurias aliquot, octo signa peditum, in eosq; per tem-  
pus semestre sumptum ipse faciat: ut Cæsari supplicet fiat, & crimina  
sua palàm profiteatur. has uerò conditiones ille respuit, & nisi mitti-  
gentur, quoniam illis honestè non possit assentiri, quamuis fortunam  
sibi subeundam potius, datis ad amicos literis, ostendit. Cæsar, quo die  
cum Argentinensibus transiit, Norlinga discedit Noribergam uer-

Argenti-  
nenses re-  
concilia-  
tur Cæ-  
sari.

Cōditio-  
nes Lant-  
grauio  
propositæ.

154. 7 sus: & postridie missis ex itinere literis ad ordines Mauricianos, quos  
 Cæsaris niam Ioannes Fridericus, ait, proscriptus ille, ex fuga domum reuer-  
 literæ ad sus, non solum ea recuperavit, quæ Mauricius princeps elector illi  
 Mauri- meo mandatu ademerat, sed illa etiam, quæ Ferdinandus frater ijs lo-  
 cianos. cis occupauerat, quod essent sub clientela Bohemiæ: equidem ad re-  
 primendam illius audaciam atque rebellionem sum ingressus iter,  
 quamobrem à vobis postulo, primum, detis operam, ut ijs locis, qua  
 sum transiturus cum exercitu, nihil desit rerum necessariarum, & ut  
 benignè milites accipiantur: deinde, ut contemptis illius comminatio-  
 nibus, principi uestro fidem omnem præstetis & amorem, ut adhuc  
 quidem fecistis. nam eò militiam hanc suscepi, ut illius oppressa fero-  
 cia, pax & ocium vobis recuperetur. Eodem etiam die Pragæ con-  
 siliarijs scribit atque præfectis. In Ioannem Fridericum se constituisse  
 pro ipsius merito vindicare: provideant igitur, ut in sua castra sit con-  
 meatus ex ipsorum agro. Martij die uigesimo quarto, Bohemiæ pro-  
 ceres atque ciuitates, illi, qui foedus nuper fecerant, uti diximus, ubi  
 Pragæ conuenissent, sicut antè constituerant, leges condunt militares,  
 & ad gerendum bellum, si res ita poscat, necessarias, & summæ re-  
 rum præficiunt Casparum Phlugium. Sub hoc tempus rex Ferdi-  
 nandus & Mauricius & Augustus frater cum suis copijs Pricciam ue-  
 niunt. tulerunt id grauiter Bohemi, quod in suos fines illi iam essent  
 ingressi: per literas itaq; Ferdinandum orant, ne patiatur exterarum  
 nationes introduci: nam & noui & periculosi rem esse exempli, sed  
 & ipsi Mauricio & Augusto fratri scribunt, ut è suis finibus quam-  
 primum excedant absq; maleficio: nam alioqui se consitium esse ca-  
 pturos ex tempore. Ferdinandus ad ea rescribit uigesimo sexto Mar-  
 tij die. non esse quod uereantur: nam eò solum ad hæc loca uenisse, ut  
 Cæsari iam appropinquanti sese coniungant. Pragensibus deinde scri-  
 bit, ne sumptum ullum non necessarium faciant: Saxonem enim ces-  
 sisse retrò. Legatum Saxo miserat in Bohemiam, Nicolaum Min-  
 quitium, renouandi causa foederis antiqui: sed is uale tudine deten-  
 tus in uia, quum Pragam uenire non posset, datis literis petebat, ut  
 quosdam ad se mitterent homines fideles, quibuscum rem transigat.  
 Bohemi ijs acceptis literis, Praga Saxoni scribunt procures uigesimo octauo  
 ad Saxo- die Martij, & quid Minquitius flagitarit, exponunt: cupere se qui-  
 dem



dem uehementer ei gratificari, & agnoscere æquum esse, ut ita fiat: 1 5 4 7  
 sed impediri difficultate temporis & præsentibus turbis: Mauricium  
 enim atque fratrem, conductis copijs, conari damnum dare finibus  
 ipsorum, idq; Ferdinandi regis impulsu: rogare autem, ne sic istud  
 accipiat, quasi foedus renouare nolint: etenim uelle se illud seruare  
 & in ueteri amicitia persistere, non minus quàm si iam renouatum  
 esset: daturus etiam operam, ut primo quoque tempore denuò con-  
 firmetur: nam ideò cogi manus, & uim contra se parari, quòd a foe-  
 dere non discedant, & ipsi bellum facere recusent: petere igitur, si for-  
 tè Mauricius ita pergat, ut opem ipsis ferat: id si faciat, nullum esse  
 tantum discrimen, quod non pro ipsius salute subire ælint: Ferdi-  
 nandum nunc esse Priciæ, & inde cum copijs profecturum in uale-  
 lem Ioachimicam, ut quidem fama ferat: hoc si fiat, se constituisse pau-  
 cis post diebus mouere castra, & cum exercitu omni progredi in eam  
 partem, ubi necesse uidebitur, & res ipsa feret. Penultima die Mar-  
 tij scribunt ad Morauie procures, hortati, ut pro mutui foederis ra-  
 tione, sumptis armis, quamprimum ad se ueniant ut ab impio il-  
 lo & Sodomitico genere hominum, Hispanis & Hussaris, quos Cæ-  
 sar & Ferdinandus adducant, communis patria defendi possit. Gal-  
 lie rex Franciscus, quum regnasset annis triginta duobus, Rambolæ  
 ti, quod abest Lutetia iter diei, uitam finit ultima die Martij. suc-  
 cessorem habuit Henricum filium, circiter xxvij. annorum iuue-  
 nem. Is è uestigio Connestablium, Annam Momorancium, qui iam  
 totos frè sex annos priuatus uiuebat, ut suprà docuimus, reuocat, &  
 loco pristino restituit, & in summo honore habet. deinde, qui præ-  
 cipuo loco fuerant antè, partim uilescunt, partim submouentur, &  
 in uincula coniiciuntur. hi erant cardinalis Tornonius, Anebal-  
 dus Amiralus, Grinianus prouinciæ Gallie præfectus, Longueal-  
 lus, Bayardus, Polinus, & inprimis illa, quam in delitijs rex habue-  
 rat, Stampiana. Francisci regis interitus ualde incommodè accidit  
 uiris literatis atque studiosis. nam artes omnes liberales nemo uehe-  
 mentius amauit, aut liberalius est profecutus. Multa iam consuetudi-  
 ne uariam sibi cognitionem comparauerat. nam prandens atque cœ-  
 nans ferè loquebatur de literis, & auidissimè quidem, usus ad eam  
 rem per multos annos Iacobo Colino, homine docto, & in lingua

Francisci  
 Gallie re-  
 gis obi-  
 tus.

15 4 7 populari mirabiliter facundo post hunc subiit Petrus Castellanus. Ab  
 ijs, quicquid est in poetarum, historicorum, cosmographorum libris,  
 hauserat: quicquid de plantis, herbis, animalibus, metallis, gemmis  
 prodiderunt Aristoteles, Theophrastus, Plinius, & id genus alij, mul-  
 to, sicut dictum est, usu, & quotidiana recitatione cognitum habebat  
 & exploratum, de mathematicis etiam & rebus diuinis frequens erat  
 collocutio. Circumsistebant mensam omnis ordinis uiri magnifici: &  
 quoniam de uarijs argumentis inferebatur sermo, uix erat, ut non ex  
 ijs aliqui semper in medium aliquid adducerent: & id quidem unicui-  
 que licebat, qui modò esset paulò notior. exemplum etiam istud stu-  
 diumq; regis, multos, ut cum laude coram eo differere possent, ad  
 maiorem diligentiam exacuit. In sua lingua semper habitus est in-  
 primis eloquens atque grauis. Per Italiam atque Græciam habebat,  
 qui ueterum authorum scripta conquirerent atque describerent: &  
 bibliothecam instituit amplissimam, quæ libros aliquot insignes po-  
 stea dedit. eius erat custos Castellanus. Paulò antè quàm è uita dece-  
 deret, Saxoni atque Lantgrauio miserat in subsidium belli, singulis  
 aureorum millia centena, & tunc, cum obiret mortem, uix dum erat  
 ea perlata pecunia. Sub idem quoque tempus è Britannia redeunt  
 in Galliam legati protestantium, ut reliqua conficerent: & sicut ibi re-  
 gem Henricum, postea quàm eò uenissent, ita nunc Franciscum, si-  
 mulac eò reuerterant, extremè egrotantem offendunt. Itaq; hoc e-  
 tiam ad reliquam Cæsaris fortunam accessit, quòd reges duo poten-  
 tissimi, quibus nec opportunitas, nec, ut plerique tum putabant, uo-  
 luntas etiam deerat illius & impediendi & retardandi consilia, mor-  
 tui sunt eodem propè tempore. Cæsaris illæ copię, quas nobilibus  
 aliquot oppressis, & capta Minda, Bremam iuisse diximus, ad exi-  
 tum huius mensis, mediocrem cladem acceperunt, amisso belli duce  
 præcipuo, Selandiæ præfecto, Groningo. Cumq; Bremensium ui-  
 res creuissent acceßione Hamburgensium, Vrisbergerus, ad quem  
 illius morte summa rerum peruenerat, mutatis castris, & longa sa-  
 cta circuitione, propter interiectas paludes, urbem alio loco cœpit  
 obsidere. Non multò post, eò uenit etiam Ericus Brunswicensis,  
 quem Cæsar ad idus Martij, Norlingæ ab se dimiserat, ut nouum  
 equitatum ac peditatum conscriberet, in eaq; loca deduceret. Cæ-



sar Norlinga profectus Noribergam, inde petit Egram, proximè ad Bohemorum fines, oppidum ditionis Ferdinandicæ. Mandauerat rex Pragensibus aliquoties, ut discederent ab armis: per eos reliqui ordines facti certiores, quarta die Aprilis illi rescribunt. quòd arma sum-  
 pserint & cum copijs progressi sint, eò fieri, ut ab se suisq; sinibus uim iniustam depellant, præsertim per ipsius absentiam: rogare au-  
 tem, ut ad Cæsarem intercedat, ne Saxoni bellum faciat, sed amicæ dis-  
 ceptioni rem permittat: conuentum etiam haberi petunt, uti pro-  
 miserit. Hisce ferè diebus Egram Cæsar uenit: & Aprilis die vij. cum  
 pridie Ferdinandus & Mauricius eò uenissent, scribit ad omnes or-  
 dines Bohemiæ, & paucis repetit quæ superiori mense scripserat, uti  
 diximus, & Saxonem tantum ab se peti demonstrat: commeatum in-  
 gitor expediant, & annonam subministrent, & domum reuertantur:  
 nam aliòqui futurum, ut id sibi & Ferdinando fratri grauiter acci-  
 dat: de religione non esse quod uereantur: nam toto hoc bello nemi-  
 ni se religionis causa fuisse grauem. Eodem tempore, delecti, qui Pra-  
 gæ erant, rursus dimissis literis in omnes partes, monent ordines gra-  
 uissimis uerbis, ut arreptis armis quamprimum accelerent, patriæ tu-  
 endæ causa: nam ad extremum discrimen rem esse deductam. Ferdi-  
 nandus illorū postremis literis, xi. die Aprilis, Egra respondet, in ean-  
 dem propè sententiam, uti Cæsar: desistant igitur ab incæpto, nisi fa-  
 ciant, initurum rationem, quò temeritas ista coherceatur: quòd pro Sa-  
 xone intercedant, uideri sibi cumprimis mirum: nam neq; de Cæsare,  
 neq; de se, neq; certè de Bohemia sic illum esse meritum: de conuentu  
 quod petant, facturum in eo se quod deceat. Interea Saxo progressus,  
 Fribergum & Misenum oppidum ad Albim, Mauricio adimit. Et sub  
 hoc tempus, qui Tridenti erant patres. Bononiam eunt, neq; post illū  
 confessum, in quo de sacramentis egerunt, sicut antè diximus, ulla fece-  
 runt decreta. Discedendi causa ferebatur, quòd aër huius loci minus  
 esset salubris, ita dictante Hieronymo Fracastorio Veronensi, qui pa-  
 trum concilij medicus erat, & à pontifice mensiuos habebat aureos  
 ad sexaginta, tulit hoc indignissimè Cæsar, & suæ ditionis episcopis  
 atq; theologis mandabat, ne pedem illinc mouerent. itaq; concilij pars  
 Tridenti, pars altera Bononiæ fuit. Cum Norlinga Cæsar Noribergam  
 peteret, Burenstis Maximilianus, qui cum peditum signis duodecim,

Cæsar ad  
 ordines  
 Bohemig

Tridenti  
 ni cōcilij  
 pars Bo-  
 noniam  
 migrat.

2547 equitibus autem circiter quadringentis Francofurtum tenebat, eò ue-  
 nit, accersitus: & quum deinde Francofurtū redisset, Aprilis die duo=  
 Suppli-  
 cii Fran-  
 cofurti  
 sumptū  
 de duo-  
 bus.  
 decimo supplicium sumit de duobus, quorum unus, Gulielmus Ver-  
 densis, erat oppidanus, alter uerò Ioannes Gellusius, ditionis Lantgra-  
 uij. Causa supplicij fuit, quòd à Lantgrauio summissi dicebantur, ut  
 unius portæ clauēs à fabro compararent, ut quatuor diuersis locis op-  
 pidum incenderent, ut infixis clauis ferreis, tormentorum usum adi-  
 merent, ut excitatis incendijs, Burensem eiusq; familiares & consu-  
 lem atq; senatum auxilio sociorum trucidarent, ut puteos oppidi ue-  
 neno corrumpere, illum inprimis, qui culinæ Burenensis aquam da-  
 bat, & alterum qui est in ipsa curia. post exijt scriptum, quod coniu-  
 rationem hanc illos esse confessos in carcere, & cū ad supplicium du-  
 cerentur in eo perstitisse dicit. Lantgrauius autem sese purgat, & à  
 quo tempore Francofurtum in Caesaris potestatem uenit, nihil ab se  
 tentatum esse confirmat, & obiecta crimina multis grauib; uerbis  
 amolitur: Ioanni Gellusio se mandasse quidem aliquoties, ut quā Cæ-  
 sar atq; Burenensis iter facerent cum copijs, cognosceret, & id quidem  
 solum: quòd si autem acerbitate questionis & doloris magnitudine  
 uicti, falsa dixerunt, & non alijs tantum sed sibi quoq; iniuriam ipsi  
 fecerunt, orare, ne suam hoc ad inuidiam & odium transferatur: tor-  
 turam enim omnem & questionem, quæ modum excedat, esse rem  
 incertam & periculi plenam: eius rei documentum esse, quòd hi  
 ipsi, quos antea socios coniurationis nominauerant, eos deinde, cū  
 ad poenam raperentur, innocentes pronunciarunt. Aprilis die de-  
 cimo tertio, delecti Pragenses denuò scribunt ad ordines regni, graui-  
 terq; monent, ut foederi, quòd sit ipsis cum domo Saxonica, satisfaci-  
 ant: queruntur etiam à nonnullis iam illud esse uiolatum: itaq; man-  
 dant, ne quis deinceps in illud committat. eodemq; die dant literas ad  
 Ferdinandum, & ne militiam hanc suam agrè ferat uel ipse uel Cæ-  
 sar: adhuc, ne Saxonem electorem oppugnet, orant, primum, propter  
 foedus, deinde, quòd ille de causa cognosci cupiat. Hoc ipso die, Ferdi-  
 nandus Ioannem episcopum Olmucensem & quosdam alios consilia-  
 rios Pragam mittit ad conuentum, qui ad xvij. Aprilis diem institutus  
 erat per eos, quò minus ipse uenerit, excusat: deinde, ut foedus nuper  
 initium rescindant, & discedant ab armis, petit: nam aliòqui non pos-  
 se libe-

Ferdinā-  
 di legati  
 ad conue-  
 ntus Bohe-  
 morum.



se liberum agi conuentum, id si denegetur, iam in mandatis habebant 1 5 4 7  
 legati, ne quid agerent præterea: si uerò mos geratur, ut tum agant ex  
 præscripto, nihil autem decernant, sed ad ipsum referant omnia. Cæ- Cæsaris  
expedi-  
tio in Sa-  
xonem.  
 sar eodem die discedit Egra cum omni exercitu, comitatus Ferdinan-  
 do fratre, qui grauis armaturæ equites habebat D C. Hussaros autem  
 ad mille, & peditum signa decem. Aderant quoq; Mauricius & Au-  
 gustus frater cum totidem copijs. decimo tandem die, quum continen-  
 ter iuisset, prope Misenum, ubi Saxo tum erat, Aprilis die xxij. perue-  
 nit. eo cognito, Ioannes Fridericus, oppido relicto, quum pontem su-  
 blicium incendiisset, prope Mulbergum ad Albim, castra ponit. Cæsar  
 autem ueritus, ne Vuittembergam se reciperet, opere præsidioq; mu-  
 nitum, & primarium eius ditionis oppidum, accelerandum sibi uide-  
 bat. Iussis ergò progredi copijs, quum diem unum quieuiissent, Aprilis  
 die xxiiij. manè uenit ad Albim. erant ad alteram ripam disposita sta-  
 tiones à Saxone cum tormentis, ut Cæsarem impedirent, quò minus  
 aut effecto ponte, uel uado reperto flumen transmitteret, tū etiam, ut  
 eum pontem, quem è scaphis atq; lintribus ipsi confectum habebant,  
 defenderent. cum autem adesse Cæsarem omni cum exercitu uiderent,  
 & Hispanorum agmen unum, circiter mille, magno impetu prorue-  
 rent in flumen, sic ut brachijs tantum extarent, & confertim eiacula-  
 rentur, illi flammam in scaphis coniiciunt, quæ partim exustæ fue-  
 runt, & à ripis paulatim discedunt. Ibi pedites aliquot Hispani, nudi  
 & gladios transuersos ore deferentes in flumen sese coniiciunt, & quū  
 natando peruenissent in ulteriorem ripam, nauigia illa, quæ secundo  
 flumine deuecta, Saxones à reliqua parte pontis amulserant, sistunt, et  
 licet multis peterentur telis, abducunt. Ex ijs nauigijs & illis, quæ Cæ-  
 sar plaustris adduxerat, effecto ponte, fluuius deinde fuit constratus  
 ut pedites & impedimenta transirent. In hoc rerum statu, Saxo, qui  
 tunc sacram concionem audiebat, præmissis impedimentis, ipse postea  
 subsequitur, et Vuittembergam iter habet. Cæsar aut, qui in celeritate  
 momentum omne positum esse uideret, uado reperto, primum Hussa-  
 ros & leuiorem omnem equitatum transire flumen iubet. post ipse  
 quoq; cum grauiori armatura transit incolumis, neq; cunctandum ra-  
 tus, donec impedimenta simul et peditatus adessent, progreditur,  
 & tribus trans Albim milliaribus, ad syluam Lochanam, Saxonem

1547 offendit. ibi suos ad uirtutem cohortatus, initium praelij facit. Exercitus omnis equestris erat bipartitus. in prima acie erant Albanus, Lanovius, Antonius Toletanus, Baptista Spinellus, Mauricius: alterum agmen Cæsar & Ferdinandus cum duobus filiis & Sabaudie ducis filio ducebant. Poterat Saxo uim tantam sustinere & fortè profligare etiam, si quidem exercitum omnem habuisset coniunctum: nam & Vuitembergæ & passim erant in præsidio relictæ magnæ manus, & Gulielmus Thumsernus cum suis copijs aberat, nec in tanta cele-  
 ritate Cæsaris conduci potuerunt omnes. Itaq; numero uictus & multitudine, quum ad noctem usq; pugnatum esset: ipse, per sinistram maxillam accepto uulnere aduerso, cum fortiter sese defenderet, capitur, & ad Albanum abductus, Cæsari deinde sistitur. In cuius aspectum ubi uenit, equidem me tibi captiuum, inquit, statuo, clementissime Cæsar, & ut custodiam mihi ponas principe dignam, oro. Tum ille: nunc ergo sum tibi Cæsar? ait: accipiam te pro merito. Ferdinandus paulò acrius illum adortus est uerbis, & quòd ipsum atq; liberos omnibus fortunis euertere tentasset, incusat. Captus cum eo fuit Ernestus Brunswicensis, Philippi filius: natu uerò maximus filius electoris, accepto uulnere Vuitembergam peruenit. captiuorum ingens erat numerus: qui ex fuga superstites fuerunt, circiter cccc, Vuitembergam continent. in his erant Bichlingus & Recrodus. equites consecrati fugientes magnam faciunt prædam, & tormenta omnia, quæ Saxo præmiserat, uti diximus, intercipiunt. Albanus deinde Saxonem & Ernestum Alfonso Viui custodiendum tradit. Quo tempore Cæsar prope Misenum accessit, quod fuit Aprilis die uigesimo secundo, deinde, postridie, & eo die, quo flumine transmissio pugnavit, & aliquot  
 post diebus, solis aspectus ualde fuit tristis, obscurus, pallidus, & ueluti caligine quadam circumdatus, ita quidem, ut plerique longissimè à Saxonia remoti, & ignari quid ageretur, iudicarent magni aliquid portendi. nec enim in Germania solum, sed per Galliam etiam & Britanniam id fuit obseruatum, & ita rem habere multa hominum millia testificari possunt. De regis Ferdinandi legatis, Pragæ missis ad conuentum, antè diximus: regni proceres, auditis eorum postulatis, quòd foedus fecerint & arma sumpserint, nec iniquum, neque contra Bohemæ consuetudinem esse dicunt.  
 deinde

Saxo elector captus.

Prodigium solis.



deinde legationem ad Ferdinandum inuicem decernunt, qui eadem ex-  
ponant, & simul illum orent, uti pro Saxone ad Cæsarem intercedat.  
sed prius quàm hi dimitterentur legati, nuncius à Ferdinando uenit de  
uictoria Cæsaris & capto Saxone. Ibi commutata sententia, commea-  
tum & annonam pollicentur, & Ferdinandum orant, det operam a=  
pud Cæsarem, ut exercitus ille omnis in Vngariam deducatur aduer=  
sus Turcam, de cuius aduentu nunc crebrò nuncietur: alij quoq; re=  
ges ad huius belli societatem inuitentur: quòd si fiat, non se futuros in  
postremis. Capto Saxone, Cæsar Vuittembergam petit, eoq; cū exer=  
citu, Maij die quarta peruenit, & triduò post, Ioannem Fridericū ob  
rebellionem, ut ait, capitis damnat: ille uerò, cū audisset, animi con=  
sternati significationem nullam dedit, sed existimare se respondit, Cæ=  
sarem non ita secum acturum: ueruntamen, si fixum hoc ei sit atque  
decretum, petere ut certò sibi renunciatur, quò de rebus ad uxorem at  
que liberos pertinentibus constituat. Brandeburgicus autem elector,  
ubi de facto prælio cognouit, statim iter arripit, & ad Maij diem sex=  
tum in castra uenit, & Cæsaris animum mitigat, ut Saxone conserua=  
to sententiam mutaret. Conditiones ergò Cæsar proponit, quas ubi  
Saxo ratas habuit Maij die decimo octauo, uitam redemit. Inter alias  
hæc etiam perscripta fuerat, ut quicquid concilium aut Cæsar de reli=  
gione decernerent, approbaret: cū autem ille minimè assentiretur, in  
eoq; permaneret, nec ullius periculi rationē in eo haberet, Cæsar eam  
particulam induci iussit & obliterari. Cæteræ uerò conditiones sunt  
eiusmodi. dignitati septemuiresi, tam suo quàm liberorum nomine re=  
nunciat, & Cæsari, ut pro suo statu arbitratu, permittit: Vuittem=  
bergam & Gotham, alterum regionis propugnaculum, Cæsari tra=  
dit, sic tamen, ut suppellectilem omnem & annonam auferat, præter=  
quàm tormenta & tertiam alimonie partem: militi præsidario Cæ=  
sar abitionem permittit, absq; signis tamen: Albertum Brandeburgi=  
cum Saxo liberum sine multa dimittit, & ablata illi restituit: Cæsar  
inuicem dimittit Ernestum Brunswicensem, accepta prius ab eo fide:  
quæ Mansfeldijs & Prussie magistro & Solmensibus per hoc bellū  
adempta sunt, Saxo reddit: iuri Magdeburgico, Halberstatensi, Hal=  
lensi renunciat: Camera Imperij, quam Cæsar constituet, parere, &  
sumptus in eam subministrare promittit: ut Henricus Brunswicensis

Saxo ca-  
pitis da-  
mnatus  
à Cæsare

Condi-  
tiones  
Saxoni  
propo-  
sitæ à  
Cæsare.

1547 atq; filius liberi fiant, assentitur, nec ullam in eos actionē mouebit: discedit ab omni fœdere contra Cæsarem atq; Ferdinandum regem inito, nec ullum deinceps faciet, in quo non ipsi cum suis prouincijs atq; socijs comprehendantur: bona illius omnia Cæsar publicat, eaq; donat Ferdinando fratri et Mauricio, sic tamen, ut ei liberisq; aureorū millia quinquaginta annua Mauricius dependat: si Cæsari uidebitur, Saxo, permittente Mauricio, Gotham oppidum et arcem retinebit cum omni fructu, uerū tamen arcis munitionem demolietur, nec oppidū firmabit: quia magnā uim æris alieni Saxo conflauit, Mauricius, ut ea debita, quæ contracta sunt ante fœdus Smalcaldicum, persoluantur, subsidio dabit illius liberis ad centum aureorū millia: deinde, reliquæ debita, quæ publicatis, & ipsi à Cæsare donatis bonis inhaerent, persoluet, eaq; ratione quæ sunt inter utrosq; lites & controuersia, sinē habebunt: in illos, qui Cæsari militarunt, nihil Saxo mouebit, sed nec in Daniæ regem: decreta Cæsaris & ordinum Imperij seruabit: quia supplicium & pœna corporis ei remittitur, erit deinceps in custodia Cæsaris aut ipsius filij, Hispaniarū principis: ijs bonis, ut suprà dictū est, utentur fruuntur ipsius liberi, modò pacis conditiones habeant ratas ipsi pariter atq; populus. Ab hac pace excludūtur Albertus Mansfeldius, eiusq; liberi, Bichlingus, Ringrauius, Recrodus, Thumsernus. quanquam hic, si copias intra mensem dimittat, comprehendetur. Antequam hæc constituerentur, Cæsar è castris ante Vuittembergam sexta die Maij conscribit ordines Imperij, ut sub Idus Iunij Vlmæ conueniant fœderis ineundi causa: legatos eò mittit cardinalem Augustanum, Ioannem Brandeburgicum, Liranum, Henricum Hasium. Idem facit rex Ferdinandus. Ad illud, quod delecti Pragenfes nuper dixerāt de facto fœdere, quasi nihil in eo noui uel cōtra morem regionis fecissent, Ferdinandus, è castris ante Vuittembergam, Idibus Maij respondet. prorsus esse noui rem exempli, quæq; ad suam iniuriā pertineat: deinde, quid per suam absentiam fecerint, quā multis modis rebellarent, ostendit, & plurimis coaceruatis argumentis hoc agit, ut fœdus illud in Cæsare atq; se factum esse demonstraret: ut igitur illud aboleant & rescindant, & sigillum cuiq; suum reddant, & fœderis formulam suis tradant legatis, mandat: nisi pareant: capturum sibi esse consiliem. Esi cum Saxone Cæsar transegerat, uti diximus, tamen qui

Vuittem



Vuittembergam defendebant milites præfidiarij, ad tria circiter milia, & ciues etiam recusabant facere deditionem, nisi princeps ipse mandaret. Oppidanos enim terrebat inprimis licentia militaris, quæ exipsis propè mœnibus atq; uallis conspicerent, quantum damni darent per agros, Hispani præsertim et Vngari. Saxo igitur Maij die uigesimo primo, quum frater et filius & consiliarij quidam prodissent ex oppido, militiæ sacramentū eis remittit, & ut ante diem tertium ilinc discedant, iubet. eo accepto mandato, Cæsarem oppidani rogant, ne militē peregrinū introducat. promisit ille & seruauit, eisq; potestatem fecit, ut eos omneis, qui non suo mandatu sese ingererent, eiusq; rei fidē facerent, repellant. Facta deditione, Saxonis uxor, Sibylla Cliuensis, egressa cum filio et fratre mariti uenit in castra, & supplex facta, Cæsare multis cum lachrymis deprecatur pro coniuge: Cæsar eā perhumaniter accipit & confirmat, deinde Saxoni permittit, ut oppidum ingressus per dies octo cum uxore & liberis cōmoretur. Quo die milites egressi fuerunt, mandatu Saxonis, quod erat uigesimo tertio die Maij, Cæsar pedites Germanos immittit, Nicolao Madrucio ductore. biduo post, rex Ferdinandus cum filijs, cum electore Brandeburgico & Mauricio uenit in oppidum, spectandi solū causa, neq; diu moratus redit in castra. post meridiem Cæsar etiam ingreditur, & cum in arcem uenisset, uxorem Saxonis captiui salutat, & iterum cōsolatus, bono esse animo iubet. De Francisco rege Gallie mortuo supra diximus. is xxiiij primū die Maij sepultus fuit in æde diui Dionysij, consecrata regibus, & unā cum eo filij duo, Franciscus & Carolus, quorum ille, ante annum undecimum, hic autem ante biennium è uita decesserat. nam ad hoc usq; tempus extabant. Interea dum Francisco regi funus paratur, effigies illius per dies aliquot exornata pulcherrimis uestibus, diademate, sceptro et reliquis insignibus, lecto superimponitur, ad eamq; certis horis prandiū atq; cœna deferitur, iisdē planē ceremonijs, ut uiuo fieri consueuit: ijs deinde remotis uestibus, lugubres inducuntur: aderant perpetuò monachi quadraginta octo, ex ijs qui uulgò dicuntur mendicantes: hi cōtinenter decantabant Missas et uarij generis preces: circa corpus exanime positi erant carei magni quatuordecim, & è regione, altaria duo, in quibus inde à prima luce sacra fiebant ad meridiē usq;: sacellum etiam erat in propinquo, cum infir-

Vuittem  
bergæ de  
ditio.

Francisci  
regis ex  
quia.

1547 infinitis cæreis atq; luminaribus: circa currum, in quo corpus ferebatur, erant monachi uiginti quatuor cum totidem cæreis: antecedeabant autem homines egeni, quingenti, lugubri ueste, cum singulis facibus. Inter alios proceres aderant cardinales undecim. orationē funebrem habuit Petrus Castellanus, episcopus Matisconensis, de quo suprà diximus. Hic inter alia multa regem constituisse prædicat ex ædificare collegium, in quo docerentur omnes artes atq; linguæ, & ad studia literarum alerentur sexcenti, ad eamq; rem designasse dicit aureorum millia quinquaginta annua. De Erico Brunswicensi diximus antea: is, ut agrum suum ab iniuria defenderet, Maij die xxij discedit ab obfide Bremæ: idem facit Vrisbergerus, qui alteram exercitus partem ducebat, & inter eos de loco conuenit, ubi suas copias iterum coniungerent. Ericus autem incidit in hostem. hi erant Hamburgenses, qui Bremensibus auxilio uenerant: pugnatum est acriter in ipsam usq; noctem, & Ericus tandem profligatus, ac in Visurgim flumen compulsus cum equitatu, multos è suis desiderauit: ipse tamen tormentis omnibus amissis euasit incolumis, & post ad Cæsarem profectus, culpā omnem in Vrisbergum contulit, qui sibi non tulisset opem. Brant cū Bremensibus, eorumq; socijs Albertus Mansfeldius, Hedecus, Thumsernus, Conradus Phenningus, & alij complures: ubi uerò cum Cæsare Saxo transgisset, dilapsæ fuerunt omnes istæ copię. Dum hæc geruntur, Mauricius & Brandeburgicus pro Lantgrauio diligenter intercedunt: & quò commodius res ageretur, Lipsiam illum euocant: sed cū Cæsar omnino uellet, ut absq; conditione sese dederet, arces etiam omneis atq; tormenta traderet, infecta re domum redit, eoq; die Vneisselssum usq; proficiscitur, quatuor à Lipsia miliaribus. Postri die, cū inter equitandū, de propositis conditionibus, deq; sua fortuna sermonē cum Christophoro Eblebo conferret: quod si scirem, inquit, fore, ut Cæsar exorari sese, meq; domum redire patiatur, & ex propugnaculis unum mihi permittat, instructum tormētis, equidem, publicæ pacis causa, reliquas arces demoliri, & tormenta omnia tradere, nō recusarem. Tum Eblebus, hunc, ait, sermonem ad Mauriciū referam: paucos intra dies uel rursus adero, uel certi quid renunciabo per epistolam, & ut interim ab alijs consilijs quiescas, oro. profectus igitur ad Mauriciū, nō multo post, redit, & literas ad illum à Mauricio,

Ericus  
Brunswi-  
profliga-  
tus.

Interces-  
sio pro  
Lantgrauio.

Mauri-  
cij literæ  
ad Lant-  
grauium.



ricio, simul & Brandeburgico perfert, quarta Iunij die scriptas in 1547  
 hanc sententiam, è castris ante Vuittembergam. simulac de ipsius uo=  
 luntate per Eblebum, amplius accepissent, ad Cæsarem denuò se rem=  
 detulisse: quid autem impetrarint, hoc ipsam docere formulam, et ca=  
 pita pacis, quæ nunc Eblebus ei ferat: & quia sint conditiones tolera=  
 biles, non dubitare se, quin sit eas admissurus, præsertim, quum uide=  
 at quanto uersetur in discrimine: non recuset igitur illas, et Cæsari se=  
 se permittat absq; conditione: nec enim esse, quod uereatur, ne grauior  
 ra Cæsar imponat, aut ipsum detineat captiuum: eius rei nomine fidẽ  
 se suam interponere, & si quid ipsi præter eam formulam, quam nunc  
 per Eblebum sit accepturus, accadat, aut si detineatur, non se recusa=  
 re, quin eandem subeant fortunam, et ab ipsius interpellati filijs, ad sa=  
 tisfaciendam sese sistant: de religione futurum, ut ipsi caueatur eodem  
 modo, quo sibi iam cautum sit & Ioanni fratri, quod cum ita sit: &  
 quoniam ista transactio nõ ipsi modo priuatim, sed reipublicæ quoq;  
 sit utilis futura, petere se maiorem in modum, ut quamprimum acce=  
 dat, & Henricum Brunswicensem atq; filium adducat, ut conditiones  
 recipiat, suamq; fidẽ sequatur: nec esse quod metuat, ne fortè per uim  
 ipsi Brunswicensis eripiat in uia: periculũ enim omne sese uelle præ=  
 stare, & cum erit ingressus iter, fore, ut obuios habeat equites, qui ip=  
 sum deducant incolumem. Formula pacis hæc erat: ut se suamq; pro=  
 uinciam Cæsari nulla conditione dedat: ad Cæsarem ipse ueniat, &  
 supplex cõdonari sibi petat: erga Cæsarem obsequenter sese deinceps  
 gerat & officiosè: quæ Cæsar pro salute reipublicæ faciet decreta, ser=  
 uet: Camera iudicio, quod Cæsar constituet, pareat, & sumptum pro  
 uirili parte sustineat: aduersus Turcam auxilia, singulis temporibus,  
 ut ceteri principes, conferat: ab omni fœdere, maximè autè Smalcal=  
 dico discedat, & eius generis literas omneis Cæsari tradat: nullum fœ=  
 dus unquam faciat in quo non Cæsar & Ferdinandus rex cõprehen=  
 dantur: hostibus Cæsaris omni sua prouincia interdicat: si quem Cæ=  
 sar mulctare uelit, eum minimè defendendũ suscipiat: Cæsari det iter  
 per suos fines, quum res ita feret: in suæ ditionis homines, qui contra  
 Cæsare aut Ferdinandũ militabunt, grauiter animaduertat: eos uerò  
 qui iam militant, reuocet, ut intra diem xiiij discedant à signis, et nisi  
 pareant, bonis omnibus mulctet, quæ Cæsari deinde cedat: in sumptũ  
 belli

Formula  
 pacis cū  
 Lantgra  
 uio.

1547 belli Cæsari dependat intra quartum mensem aureorū millia centum  
 quinquaginta: quas habet arcēs atq; propugnacula, præter Zegenhe=  
 mum aut Cassellum, ad solum usq; demoliatur, & quos in ea dispo=  
 net præsidarios atq; duces, in Cæsaris fidem adigat: nihil in posterū,  
 nisi de Cæsaris uoluntate, muniat: machinas omneis bellicas cū omni  
 instrumento Cæsari statim tradat: ex ijs uerò Cæsar ei largiatur, quan=  
 tum satis esse uidebitur ad eius loci, quem ei cōcedet, tutelam: Henri=  
 cum Brunswicensē, eiusq; filium, liberos dimittat, & Henrico suam  
 prouinciam reddat, eiusq; ditionis populo iusiurandū remittat, deq;  
 damno dato cū illo trāsigat: quæ Prussiæ Magistro ceterisq; per uim  
 eripuit, restituat: in Dania regē uel quosuis alios nihil moueat, quod  
 uel opem ei non tulerint, uel quod Cæsaris secuti sint partes: captiuos  
 omneis, qui Cæsari militarunt, absq; mulcta dimittat: ijs qui iure cum  
 ipso quaq; de re uolent experiri, sese sistat: has leges ipsius liberi ratas  
 habeant: idem faciant nobilitas atq; populus, & si quidem ille pacta  
 nō seruet, Cōprehensum Cæsari tradant: pro his rebus omnibus Brar  
 deburgicus & Mauricius & Vuolsfgangus Palatinus generi fidei=  
 bent, & nisi pareat, uires omneis in ipsum expedire spondent, ut ad  
 seruanda pacta cogant: Hæc ubi fuissent allata, de cōmuni suorū ordi=  
 num consilio & assensu Lantgrauius ea recipit, sic tamen, ut amplius  
 nonnulla, sibi peteret declarari. Sexta die Iunij Cæsar iam moturus ca=  
 berga. stra, milites præsidarios, Vuittemberga rursus euocat: cōfestim Mau=  
 Mzauri- ricium suos immittit, & quum eodē die cōsules atq; senatū uocasset in  
 cio cecidit. arcem, de priuilegijs ipsorū atq; libertate nihil se uelle diminuere di=  
 cit, ac simul in suam fidem illos per iusiurandū adigit. Est enim Vuit=  
 temberga, septemuiralis ditionis oppidū primariū, qua Cæsar Mau=  
 ricium nuper donauerat, publicatis Ioannis Friderici bonis, uti dixi=  
 mus. Oppidani post et nobilitas orant Mauriciū, uti scholam in hoc  
 tumultu bellico dilapsam restauraret: hoc ille promittit, & simul homi=  
 nes rusticanos, qui profugerant, reuocari iubet, et ad ædificandū, ma=  
 teriam, ad sementem uerò faciendā & tolerandam uitā, frumentū illis  
 dare pollicetur, tenuioribus quidē, gratis, alijs autē mutuo. deinde Iu=  
 liū Pflugū mittit in possessionē episcopatus Numburgensis, et Nico=  
 laum Amstorffū instituit à Ioanne Friderico, sicut libro decimo quar=  
 to diximus, deiecit. A Cæsare quoq; missus fuit Lazarus Schuendius

cum



eum præsidio militum, ut & Gotham arcem dirueret, & Albertum 1547  
 Brandeburgicum ibi captiuū liberaret. Hyeme superiori, Magdebur=  
 gicus archiepiscopus cū Ioanne Friderico transegerat, sicut diximus,  
 eiq; ditionem cesserat: cōmutata uerò fortuna, quum & Cæsar et cle=  
 rus hoc ipsum indignè ferrent, coadiutor ei datus est electoris Bran=  
 deburgici filius Fridericus. E castris Vuittembergicis in Bohemiam Ferdinā.  
 reuersus Ferdinandus rex, Lætmericiæ, quod est ad fines oppidum, di lirc æ  
 subsistit: illinc initio Iunij dat literas ad omneis ordines Bohemiæ, que ad Bohe  
 ritur denuò de fœdere, & illud contra se factum esse dicit: itaq; man=  
 dat, ut ab eo discedant, & singuli, quid suæ sit in eo uoluntatis, nomi=  
 natim sibi perscribant: scire enim se, multos esse lapsos per impruden=  
 tiam, quibus ignoscere uelit, neq; moturum esse quicquam, nisi tan=  
 tum in eos, qui suum istum magistratum uiolarint. Quum Vlmam ue=  
 nissent ordines: legati Cæsaris, quos diximus, prolixè cōmemorant, Acta cō=  
 uentus  
 Vlmens=  
 sis.  
 quantopere Cæsar & Ferdinandus paci Germaniæ semper consulue=  
 rint tam in publicis quàm priuatis actionibus: uerum eius rei nulla ha=  
 bita ratione, Saxonem & Hessum, non ipsos modò rebellasse, uerum  
 alios etiam, ut idem facerent, impulsisse, & uiolatis legibus atq; iure,  
 omnia conturbasse per Germaniam: itaq; Cæsarem, pro sui magistra=  
 tus dignitate arma necessario sumpsisse, maximo & uite cū periculo  
 et fortunarum dispendio: quid autem damni dederint rebelles illi atq;  
 proscripti per hoc bellum, ditioni Moguntinæ, Magdeburgicæ, Hal=  
 berstatiensi, Eistetenensi, Augustanæ, Fuldensi, Stolbergijs, Mansfeldijs  
 & Gemundæ ciuitati, satis hoc esse notum: & quia Cæsaris cogita=  
 tiones omnes eò tendant, ut Germania pace fruatur, inprimis ei uide=  
 ri consultum, ut fœdus aliquod eius rei causa fiat, eiusdem quoq; sen=  
 tentiæ Ferdinandum regem esse, & utrunq; in eam societate esse uen=  
 turum, ut & præsens hic tumultus, & si quis alius nascetur aliquan=  
 do, facili momento coerceri possit: nam ut cōmuni patriæ bene sit,  
 nihil esse reliqui facturos ad summā diligentiam atq; fidē: idē inuicē  
 ab ipsis illos expectare. Hanc ipsorum deliberationem pestilentia uis  
 interpellauit: Augustam ergò sese tandē recipiunt, quo in loco Cæsar  
 magnos Imperij conuentus agere instituit, ut infrā dicemus. Cæsar de=  
 inde rebus ad Vuittembergam constitutis, Halam Saxonie profiscici=  
 tur, quod est ad Salam flumen, oppidum, inde petiturus Hessiam, nisi

1547 Lantgravius transigeret. Cum autem in his esset angustijs Lantgravius, nec aliter posset, Mauricii fidem atq; Brandeburgici secutus, iter ingreditur, & decimo octavo die Iunij Halam uenit sub uesperum, medius inter Mauriciū & Brandeburgicū, qui obuiam ei Numburgum usq; processerant. horam unam post, uenit etiam eò Brunswicensis Henricus cum filio Carolo Victore, qui captiuus fuerat, & altero filio Philippo, et Erico Brunswicēsi, qui nuper post aduersum factum praelium, uti diximus, eò uenerat. Postero die, manē, Christophorus Carlebicius ad Lantgraviū ueniens, pacis formulam exhibet, uti scribat. in ea fuit additum Caesaris esse interpretari singula eius capitula. Lantgravius ergo, quoniam id in illa, quā Brandeburgicus et Mauricius antē miserant, perscriptum non erat, episcopo Atrebatensi renunciat, non sibi esse integrum subscribere. is per scribam esse neglectum ait, & rursus idem urget. sic ille morem gerit. Amplius deinde petit Atrebatensis, quia de religione sibi uelit cauere, sicut Mauricio cautum sit atq; Brandeburgico, ut ipse uicissim caueat & Caesari promittat uelle parere concilij Tridentini decretis. Ille contra, nec anteā quenquam apud se, nec pacis quoq; formulam eius rei meminisset cariturum potius illa cautione Caesaris, ut ipsi quoq; nō sit necesse caueri: cumq; diu super eo disceptatum esset, minae quoq; fuerunt adhibite: consedisse iam in aula Caesarē, & ipsum operiri, molestēq; ferre dilationem: mutaret ergo, ne quid ille fortasse grauius in ipsum statuat. Tandem in hæc uerba subscribit Lantgravius. liberi, pij & generalis concilij decretis, quo quidē in cōcilio nō minus reformetur caput, quā reliqua membra, uelle se parere, sicut Mauricius & Brandeburgicus facerent. hi enim ab Augustana confessione nō se discessuros, ei promiserant. Eo facto, sub horam quintam, post meridiem, ubi Caesar in folio, domi suæ consedit, electores duo, quos dixi, Lantgraviū adducunt, qui cum ad Caesarem propius uenisset, in genua subfedit, & proxime illū Cancellarius Guntherodus, qui de scripto recitans, quod Lantgravius, inquit, antea cōto bello, grauiter te offendit, potentissime Caesar, sic ut iure in eū uindicare possis, hoc ei summopere dolet, eoq; sicut antē promisit, tue uoluntati sese permittit, ac simul per omnia sacra rogat, ut & pro tua clementia factū ignoscas, & pro scriptiōnē, quam cōmisit, aboleas, & pristino loco ipsum restituas, &

Lantgravius sit  
Caesari  
supplex.



in tuam fidem ipsius omnia recipias: hoc ille summi beneficii loco habebit, ac deinceps omnem tibi fidem, obsequium et obedientiam præstabit. Cæsar ad ea, per Georgiū Seldum, ubi deliberasset: etsi gravissimam poenam sit meritus, ut et publice constet, et ipse fateatur. se tamen ait et pro sua liberalitate, et quoniam principes aliquot intercesserint, nō recusare, quin et à proscriptione liberetur, et neq; supplicio, quod sit commertus, neq; carcere perpetuo, neq; bonis etiam multetur amplius, quàm sit in formula pacis definitum: ipsius etiam nobilitati atq; populo sese ignoscere, modò pacta seruent, et suū hoc tantum beneficium deinceps agnoscant. Huius actionis erant spectatores, Maximilianus Austriacus, Philibertus Sabaudus, Albanus, Prusiæ magister, Atrebatensis, Numburgicus, Hildessemius episcopi, Henricus, Ericus, Carolus et Philippus Brunsvicenses, Romani pontificis, Bohemi, Daniæ regis, Cliuenses, et maritimarum aliquot civitatum legati, deinde ex nobilitate complures. Lantgravius, qui salua putaret omnia, Cæsari gratias agit, et cum diutius cum Cæsar insidere genibus pateretur, iniussus consurgit. post aliquantò Brandeburgicus accedit, et ipsum atq; Mauriciū unā secū apud Albanum ducem esse cœnatos dicit: ille ne tum quidem aliquid odorari potuit. cum ad Albanū venissent, cœnatur: à cœna Mauricius et Brandeburgicus cum Albano et Atrebatensi colloquuntur: interim fallēdi temporis causa Lantgravius ludit alea. Multa iam nocte, Mauricius et Brandeburgicus illum ad se uocant, et per Eustachium Schlebium ostendunt, se per omnem uitā, ut viros principes deceat, egisse fideliter, et si quid essent polliciti, seruasse diligenter: eandem fidē ab alijs etiā expectasse: nunc uerò ducem Albanū et Atrebatensem dicere, ipsi pernoctandū ibi esse, custodibus admotis: eare nihil unquam sibi grauius accidisse nec acerbius: uelle autem cum ipso Cæsare colloqui, et sperare non detentum iri. tum ille, se quiduis potius expectasse, quàm ut id fieret: ipsorum fidem secutum eō uenisse: scire ipsos, quomodo sibi liberisq; deinceps sint: satisfaciant igitur ei promisso et obligationi. Cùm uero manendum esset, Mauricius, et ex Brandeburgici consiliarijs nonnulli cum eo per noctem illam commorantur. postridie Cæsarem adeunt, et grauem habent querimoniam, et quanti existimationis ipsorum interfit, demonstrant: etenim, si qua fuisset eius rei uel minima suspitio, nec

Lantgravius captiuitas.

1547 illi sese consulturos, ut eò ueniret, nec illum, ubi libertatem esset amis-  
 surus, unquam fuisse uenturum: habeat igitur ipsorum, qui intercesse-  
 rint, rationem, eumq; missum faciat, quod quidem ipsi per interposi-  
 tam fidem ei promiserint. Cæsar, cauisse quidem illi dicit, non quòd o-  
 minò nō esset detinendus, sed quòd non perpetuò, nec aliud suæ suis-  
 se uoluntatis, ostendit. Ad consiliarios deinde transeunt, inprimis ad  
 Atrebatensem. ij, post multam & acrem disceptationem, Lantgrauio  
 nunciant, licere uti discedat: ille, perlibenter, ait, modò ut incolumis  
 domum deducar. hic iterum duo illi intercedūt, sed frustra. biduo post,  
 ei nunciatur, ut Cæsarem comitetur, hoc ille recusat omninò, neq; se  
 profecturum dicit, nisi ui pertrahatur. Ibi tum Mauricius & Brande-  
 burgicus multum orant et obtestantur, ne recuset: quòq; magis faciat,  
 dextra data, præsentiibus aliquot ex nobilitate, non se decessuros pro-  
 mittunt ab aula Cæsaris antè, quàm sit liberatus. Profecti cū eo Num-  
 burgum, ad Cæsarem post abeunt, ut ipsius causam agant. triduo post,  
 quod erat Iunij die uigesimo sexto, Carlebicium ei mittunt, & quòd  
 Cæsarem non sequantur longius, orant ne molestè ferat: nam illum o-  
 minò uetuisse, ne faciant: alioqui futurum, ut in Hispaniam ablege-  
 tur: uerintamen, si centum illa & quinquaginta aureorum millia per-  
 soluat, si de reliquis etiam seruandis conditionibus fidem faciat, intel-  
 ligere se, futurum, ut intra decimum quartum diem postea liberetur:  
 Augustam sese profecturos esse breui ad comitia, nec ullum studium, si-  
 dem atq; diligentiam prætermisuros. Ille, qui casum hunc inuode-  
 ratissimè ferret, de pecunia, deq; diruendis arcibus uelle se curare dicit,  
 & confidere, cuius rei spem faciant, fore ut ea præstetur. Postea Turin-  
 giæ finibus egressus cum Hispanis, ubi Greuetallum uenisset, Albano  
 fidei publicæ literas & obligationis formulam exhibet: is nihil, nisi de  
 perpetuò carcere promississe Cæsarem ait intercessoribus. Et quis igitur  
 eius captiuitatis, ait Lantgrauius, erit modus aut terminus, quoue  
 temporis interuallo circumscribetur: etiàm si per xiiij aut eò plures an-  
 nos, inquit Albanus, te detineat, nihil tamen contra promissum Cæsar  
 fecerit. Ille, quòd libertatem quamprimum recuperaret, pecuniam non  
 multò post omnem dependit, arces demolitur, & machinas tradit. Por-  
 ro, tormentorum, quæ partim ab illo, partim à Saxone & Vuirtem-  
 bergico & à ciuitatibus est consecutus Cæsar, ingens erat numerus,

Tormentorum  
 ra proce-  
 nantibus  
 crepta.



Et, ut aiunt, ad quingenta: quorum deinde nonnulla, Mediolanum, alia in Hispaniam misit, reliqua per Belgium distribuit, tanquam uictoriae trophaea et monumenta. Lantgrauus captiuitatem acerbissime tulit is, quem internuncium fuisse diximus, Eblebus, genere nobilis, et aliquantò post è uita decessit, dum eius rei cogitatione uehementius afficeretur, ut plerique putant. Caesar constituerat bellum facere Magdeburgicis, qui sunt infra Vuittembergam ad Albim, iter bidui: nam hi propè soli minus ei satisfaciebant: sed in hoc ipso tempore Galliae rex Henricus militem in Germania conducit per Sebastianum Vogelsbergium, ad signa decem. id erat Caesari suspectum: itaque tum propter hanc causam, uti creditur, tum, quòd illos alia uia posse coherceri putaret, Hala profectus, iter suum in Germaniam superiorem conuertit, et Iulij die uigesimo septimo Marchionem Marignanum Ferdinando fratri mittit auxilio cum signis octo peditum Germanorum. Erat tum Ferdinandus Letmericia, occasum expetens rei gerendae: quumque de successu Caesaris audisset, et capto Lantgrauo, calendis Iulij missis literis ad Pragenses, mandat, ut ad sextum Iulij diem sibi praesto sint in arce Pragensi, seseque cognitioni sistant. posteaquam eò uenit cum copijs, in publico confesso rem omnem antea etiam, et quot modis in ipsum deliquissent, exponit, et laesae maiestatis crimen admisisse dicit, et ut ad singula respondeant, iubet. Ibi tum illi facti supplices, ipsius uoluntati sese permittunt, et ne iure secum experiatur, flagitant: itaque rex, quum et Ferdinandus filius et Augustus Mauricij frater et alij quidam procures intercederent, has eis conditiones decima die Iulij proponit. in proximo còuentu foedus initum prorsus aboleant, conuulsis omnibus sigillis: libertatis et priuilegiolorum suorum literas omnes atque documenta sibi tradant, quòd nonnulla corrigat, et quae uidebuntur, ipsis denuò largiatur et confirmet: tradant etiam literas omnes, quibus iura tribuum atque societatum continentur, eò quòd ex ijs nonnulla turbis occasione atque materia subministrant: arces quoque tradant et iurisdictionem omnem atque uectigalia, deinde literas omnes foederis, et eius quod cum ceteris ipsi fecerunt, et quod initum est cum Ioanne Friderico: ceruissae uectigal illud promissum in annos treis, perpetuò dependant: tormenta et bellicum instrumentum omne deducant in arcem, et quae priuatim quisque

Ferdinandus cum copijs Pragam uenit.

Bohemiam à Ferdinando multasti

1547 habet arma conferant in curiam. hæc si faciant, multitudinem se conseruaturum ait, exceptis nonnullis, quos ad poenam, ut meriti sint, & in commodum reipublicæ captiuos detinere uelit. Ad populum re delata, quum ex captiuis ad quinquaginta dimisisset, transactum est. ex nobilitate quidam citati, quum ad diem non uenissent, lata sententia, famam, fortunas omneis atq; uitam commisisse pronunciantur: alie quædam ciuitates atq; nobiles, ad eum modum, uti Pragenses, absq; conditione sese dedunt. Caspar uerò Pflugius, quem rei summæ confoderati præfecerant, uti diximus, læsæ maiestatis damnatur, & in eius caput præmium constituitur, aureorum millia quinq;. In comitijs deinde, quum abolito fœdere sigilla conscidissent, rex ea quæ postulauerat, omnia propemodum ab illis impetrauit. Dum in Germania Cæsar triumphat, grauis orta fuit Neapoli seditio, cuius hæc erat causa, quod prorex, Petrus Toletanus, pro more Hispaniæ uellet de cuiusq; fide & religione inquirere. tulerunt hoc impatienter ciues, alioquin etiam pertæsi Hispanorum imperium, & post multas utrinq; lanienas in urbe, Hispani superiores extiterunt, ut qui propugnacula tenerent & arces. itaq; multatis aliquot, reliqui iubentur exulare. Cæterum, inquisitio Hispanica, quæ tam est hodie celebris, instituta fuit olim ijs locis, à Ferdinando & Elisabetha, regibus, in Iudæos, qui post baptismum suos ritus atq; leges retinerent. nunc autem, quando Lutheri nomen est inuulgatum, in omneis promiscuè, qui uel minimum suspecti sunt, exercetur, & asperè quidem atq; subito. His ipsis diebus, Galliæ cardinales ad septem, regis mandatu Romam petunt, & ibi commorari iubentur, donec aliud nunciatur. id eò factum esse putatur, ut & horum opera pontifex omninò se ad regis amicitiam applicaret, & si mortem obiret, quia iam ætatis annum octogesimum agebat, ut alius crearetur non alienus à rege. neq; uerò deerant, qui Connestablii factum hoc esse consilio dicerent, ut per illorum absentiam solus ipse regem possideret. nam illi propè omnes, regem, quocunq; iret, sectabantur. Legatum pontifex paulò antè miserat in Galliam Hieronymum Romanum, cardinalem, cum amplissima potestate largiendi multa, quæ sunt & legibus & concilij quoq; decretis interdicta. cardinalem etiam hoc tempore creauit Carolum Guisium, Claudij filium, archiepiscopum Rhemorum, quem regi periucundū esse sciebat. Galliæ rex contra,

Seditio  
Neapoli.

Cardina  
les Galli  
Romam  
amanda  
ti.



contrà, filiolarum suarum, notharum, circiter nouem annorum puellam, O = 1 5 4 7  
 racio Farnesio, pontificis ex filio nepoti spondet, maioris necessitudi-  
 nis inuendæ causa. Cæsar, Hala digressus, Bambergam uenit, ut in ea  
 propinquitatem magis terreret Bohemos, & fratri tanquam neruos ad-  
 deret. hic quum esset, tertia Iulij die conuentum denunciat Imperij, et  
 ut ad calendis Septembris Augustæ conueniant omnes, principes qui  
 dem ipsi, reliqui uerò legati, cū plenīs mandatis, edicit, seq; bellus fuis-  
 se tardatum ait, quò minus ad antea actas Februarij calendæ egerit con-  
 uentus, uti Ratisbonæ decreuisset: turbis uerò sedatis, et quia motuum  
 authores in sua nunc habeat potestate, non amplius differre se uoluis-  
 se, quò nimirum reipublicæ partes uitiosæ sanari possint: deliberatio-  
 nem autem fore de ijs rebus, quæ Vuormaciæ, & ante annum Ratisbo-  
 næ tractari debebant. Vlmæ futurus erat hic conuentus, uerum ob pe-  
 silentiæ contagionem mutatus est locus, ut suprâ quoq; diximus. Bam-  
 berga deinde petit Noribergam: ibi cū esset, aliquot Saxonie ciuita-  
 tes in gratiam recipit, & decimo sexto Iulij die literis euulgatis, quid  
 cum Lantgrauio sit actum, & quibus ei pactis ignouerit, exponit: &  
 quoniam ille sit sollicitus, ne fortè pleriq; per imprudentiam, ipsius  
 bonis atq; populo uim faciant, ideo se, rogatu illius mandare, ut om-  
 nes abstineant, & si quam habent in eum actionem, ut legibus expe-  
 riantur. Hoc ipso tempore Mauricius, Melanchthonē, Pomeranum, Mauri-  
 Crucigerum, theologos Vuittembergicos, perhumaniter accipit Li-  
 psie, quò illos euocauerat, et de sua in religionem uoluntate multa lo-  
 cutus, ecclesiæ simul & scholæ ministerium illis commendat, & ut  
 pro sua consuetudine pergant, hortatur, & stipendia constituit, ut ipsi  
 met scribunt, donis ornatos dimittit. nam edito post libello, Pomeran-  
 nus hanc illius humanitatem & munificentiam prædicat. Gallie rex, Inaugu-  
 qui calendis Aprilis parenti successerat, Iulij die xxv, post meridiem, rādi Gal-  
 ad urbem Rhemorum uenit, inaugurationis causa, et ante primariam lici regis  
 ædem sacram exceptus à tribus cardinalibus, deducitur ad aram, et o-  
 sculatus ibi diuorū reliquias, auro inclusas, & reliquis peractis preci-  
 bus, ad coenam abit: coenatus redit, & denuò precatus, cū sua delicta  
 sacrificio recitasset, ad quietem sese confert. postridie mittit quosdam  
 ex nobilitate, qui diui Remigij abbatem orent, ut pixidem olei sacri,  
 quam cœlitus uenisse dicunt, adferat. post in templo conueniunt hi qui

Conuen-  
tus Au-  
gustæ.

Mauri-  
ci, libera-  
litas in  
Mini-  
stros.

Inaugu-  
rādi Gal-  
licæ regis  
ratio.

1547 dicuntur pares Franciæ, numero duodecim, Rhemensis, Laudunensis, Lingonensis, Bellouacis, Nouiodunus, Catalanus, episcopi: deinde, rex Nauarræ, Vendomensis, Guisus, Niuernus, Mompenserius, Aumalius. hi representabant Burgundiæ, Normanniæ, Aquitaniæ duces, ite, Tolosæ, Flandriæ et Campaniæ comites. Ex episcopis electi fuerunt, Lingonensis & Bellouacis, item cardinales duo, qui regem adducerent: quum in cubiculū hi uenissent, recitatis aliquot precibus, regem lecto decumbentem, uti fert ceremonia, subleuant, & comitati reliqua turba sacrificorum, deducunt in ædem sacram, præstante districtum enses Connestablio. Rex, quum ad aram esset precatus, ab episcopis in suam sedem deducitur, & interea dum pyxis illa uenit, archiepiscopus Rhemensis, ubi preces, quæ libro ceremoniarū continentur, absoluit, aqua consecrata regem & ceteros omnes aspergit. cumq; iam pyxis aduentare diceretur, quam absentis abbatis uicarius monachus ferebat, insidens equo gradario albo, & sui ordinis monachis comitatus atq; nobilibus illis, quos antè diximus à rege fuisse missos, archiepiscopus obuiam ei procedit cū episcopis aliquot, usq; ad uestibulū templi, præeunte crucigero, atq; ibi pyxidem ab illo recipit, interposita cautione de restituendo: & cum rursus ad aram ueniret, rex è sede consurgens, honorem ei deservit. post in sacrarium templi sese confert archiepiscopus, atq; ibi more solenni uestitus egreditur, & iusiurandum ab eo petit atq; fidem, qua pro ueteri consuetudine reges dicuntur esse deuincti ecclesiæ. ab episcopis deinde duobus rex ad aram adducitur: ibi sumptis alijs uestibus, in genua procumbit, & gladio, quem ille multis precibus consecrauit, ut aiunt, cingitur. Post hæc archiepiscopus oleum ritè parat, & interea dum reliqui sacrifici suas cantiones expediunt, tacitè cum rege præcatur, uterque pronus in terram: deinde caput regis & pectus & utrunq; humerum, & utriusq; brachij iuncturam inungit, additis precationibus usitatis. Eo facto, rex nouis uestibus, tanquam ecclesiæ minister, induitur, & in utriusq; manus palam inungitur: manus deinde componit ad pectus, & chirothecis induit consecratis, uti uocant. archiepiscopus uerò annulum ei in digitum inserit, & dextræ sceptrum tradit, & in hoc ipso momento Cancellarius euocat eos, qui dicuntur pares. ijs præsentibus, archiepiscopus ab altari sumit Caroli magni coronam, et quæ eam tetigerunt pares,



res, capiti regis imponit, & in solium editiori loco constructum, regē 1547  
deducit, comitante procerum turba, & finitis ibi precibus, osculatur.  
Idem faciunt proceres, & acclamatione facta, multam ei salutem pre  
cantur omnes, & clangore tubarum excitatur publica congratulatio:  
post in promiscuam multitudinem dispergitur aurum & argentum.  
inde Missam archiepiscopus orditur, & decantatus euangelij uerbis,  
rex nummos aliquot aureos & panem argenteum & uinum ad aram  
desert, et peracto sacro, cœnam domini more ipsorum percipit, postea  
prandetur. In hunc usum, et ne qua res hunc actum inturbaret, rex  
noibat uideri militem cōduxisse Germanum, ductore Vogelsbergio,  
sicut antè diximus. Interea Cæsar reliquos Imperij ordines pecuniam  
poscit, ob sumptus belli, quod ipsorum causa potissimum, & pro salu  
te Germaniæ susceptum esse dicebat. nobilitas etiam omnis, & ij qui  
Smalcaldicis militauerāt, tota passim Germania mulctantur. Eius ue  
rò pecunie, quam à principibus atq; ciuitatibus tum pontificijs tum  
Lutheranis consecutus est Cæsar, summa censetur supra decies sexies  
centena aureorum millia, ut quidē ex rationibus editis apparet. quos  
dam etiam Cæsar, uti rebelles, à sua gratia planè repudiabat: in his e  
rant Georgius Vuirtembergicus, Albertus Mansfeldius, Ioannes He  
deccus, Ludouicus Comes Oetingensis, pater atq; filius. hunc enim sic  
mulctabat, ut ipsius possessiones omneis, alteris filijs, quorum erga se  
fidem atq; studium probabat, Friderico & Vuolsfingo, prorsus at  
tribueret. itaq; ille cum uxore cæterisq; liberis profugus, & omni for  
tuna dispoliatus, Argentoratum uenit, ac deinde multis annis passim  
oberrauit, donec temporis facta cōmutatione, Cæsar illis ignosceret,  
ut infra dicemus. Magdeburgicos etiam Cæsar euulgatis literis pro  
scribit: sed & Ferdinandus rex, propter suis finibus illatum bellum,  
à Smalcaldicis, præsertim à ciuitatibus pecuniam exigit, & ab Augu  
stano quidem ac Vlmensibus ingentem summam consequitur: deinde  
Ulricho Vuirtembergico, quasi fidem & superiorum annorum pa  
cta uiolasset, litem de tota prouincia facit: neq; quicquam illi profuit,  
quòd grauissimis conditionibus nuper à Cæsare pacē redemerat. Ad  
hec, cardinalis Augustanus maximā auri uim à ciuitate etiam extor  
quet: sed & Tridentinus pecuniam eos poposcit, quòd Ferdinando re  
gi militē auxilio se misisse diceret, ad recuperandū in alpihus aditum

Cæsar  
mulctat  
Ordines  
Imperij  
pecunia.

Magde  
burgici  
proscri  
pti.

1547  
Helueti-  
os Caesar  
de fœde-  
re solici-  
tat.

illum, à Schertelino, sicut diximus, occupatum. Heluetios quoq; Cæsar de nouo fœdere sollicitat: Basileam tamen & Tigurum & Schafisium & quosdam alios eximit, quòd ad imperium eos pertinere diceret. Illi, de communi consilio respondent, cum Austriaca, cumq; Burgundica domo, sibi fœdus esse, cui firmiter insistant, nec esse quòd aliam societatem ineant: idem se uicissim ab ipso etiam expectare. Sub finem Iulij mensis, Augustam Cæsar uenit cum Saxone captiuo: Lant grauium uerò Donauerdæ reliquit, custodibus Hispanis, qui multa quotidie in eius contemptum atq; ludibrium faciebant. Armata fuerunt hæc comitia. nam præsidium erat in urbe iam antè, decem signa peditum: in agris uerò circum erant Hispanorum & Italorum copiæ: à quibus ut essent immunes Memingenses, triginta, Campodunenses autem uiginti aureorum millia pendebant: adhæc, ab inferiori Germania uenerunt equites circiter sexcenti, quos per agrum uicinum Cæsar distribuit. Hispanorum signa duodecim, cum apud Biberacum aliquândiu hyemassent, in oram illam, quæ est ad lacum Brigantinum, deducti fuerunt: Vuisseburgi, oppido Nortgouiæ, erant in hybernis equites Neapolitani septingenti. Gerardus Veltuichus, quem ad Turcam iussisse libro xvij. diximus, Augusti mensis die xij. redit ad Cæsarem, pactis inducijs in annos quinq;. Augustam Cæsar ubi uenit, priumarium templum & alia quædam sibi sumit: reliqua senatui permittit atq; populo: sacrifici uerò prius quàm aliquid in suis templis agerent, adhibitis ceremonijs, illa, tanquam Lutheranismò polluta, repurgant & expiant. Docendi muneri Cæsar in primo templo Michaëlem Sidonium præficit, Moguntini uicarium episcopum. Is inter alia multas habuit de sacrificio Missæ, quod uocant, conciones, quæ postea fuerunt ab ipso typis euulgatæ. cum autem in ipsorum templis magna esset ciuū solitudo, pontificij, passim oblata pecunia, tenuiores, ut inter esse uellent, sollicitasse dicuntur. Frequentissimus fuit hic cōuentus: aderant electores omnes, & in his Adolfus Colonienfis, & Mauricius. uenit etiam cō rex Ferdinādus & cardinalis Tridentinus, et Henricus Brunswicensis, et Cluësis, et soror Cæsaris Maria, et neptis, Lotharingæ uidua. Calendis Septembris fit initium. ibi cum Maximilianus Austriacus, nomine Cæsaris pauca quædam esset præfatus: de scripto Cæsar, per scribā, ut fieri solet, proponit, & de sua in communē patriam uolun-

Initium  
conuen-  
tus Au-  
gustani.



uoluntate locutus, ante bienniū se conuentus egisse dicit Vuormaciæ, 15 47  
 ut similitatem omnem componeret: cum uerò pauci quidam adessent,  
 actionem omnem transulisse Ratisbonam, quò & ipse primus omni  
 um uenerit, licet ualetudine tum uteretur admodum tenui: cunq; cæ-  
 terorum aduentum expectaret, quibus ea de re scripsisset, uix paucos  
 tamen sibi præsto fuisse, quorū nonnulli deinde se minimè conscio di-  
 scesserint: eo cognito, se reliquis etiam abeundi fecisse potestatem: sic  
 adeo conuentum illum fuisse, nullo cum fructu, neq; sine ludibrio, dis-  
 solutum: & quum astu quorundam atque detrectationibus id factum  
 esse cognosceret, necessariò sibi adhibendum fuisse remedium: ideoq;  
 missis literis, quid sui esset propositi, & quomodo religionis hoc dis-  
 sidium legitimè componi uellet, multò antè significasse: postea uerò,  
 quàm felicem euentum sui consilij Deus dedit, comitia se denunciā-  
 se statim, ut de communi ipsorum uoluntate atque suffragio decernat  
 quod sit ex usu reipublicæ: sed quia dissidium religionis, causa sit o-  
 mnīs perturbationis Germaniæ, & nisi cōponatur, pax omnino con-  
 stitui non possit: et uerò sua potissimū opera, quum id sæpe ab se fla-  
 gitassent, indictum sit & inchoatum Tridenti concilium, ideo se pri-  
 mam & potissimam uelle huius rei deliberationem esse: quemadmo-  
 dum uerò pacem omnes colere debeant, id esse iam antè decretum. ue-  
 rūtamen si quid in eo putent esse corrigendum aut amplius declaran-  
 dum, libenter auditurum rationes ipsorum: ut etiam ius administre-  
 tur, in primis esse curandum: nam ad infamiam et detrimentum Ger-  
 manie pertinere, quod iam per aliquod tempus nullū ius dicitur: de-  
 cretum quidem antè fuisse, quomodo sit cōstituenda Camera, sed quò-  
 minus id factum sit, incidisse quædam: nuper autem principes aliquot  
 atque ciuitates fidem dedisse, iudicio, quod ipse daret, se parituros es-  
 se, & sumptum etiam in eo facturos: itaq; petere, ut huius rei procu-  
 rationem suæ fidei permittant, et sumptum, pro sua quisq; uirili par-  
 te, conferant: daturum enim operam, ut in eum confessum homines  
 idonei recipiantur, qui data fide per iusiurandum, æquabile ius omni-  
 bus dicant: & quia propter intermissum aliquādiu iudicium, causa-  
 rum & litium numerus ualdè sit auctus, uideri sibi consultum, ut lo-  
 co supplementi decem præterea iudices, ad consuetum numerum ex-  
 tra ordinem adijciantur: de querimonijs autem ecclesiasticorum, pro-

1547 pter ereptam ipsis iurisdictionem atque bona, uelle se cognoscere, & offensionem omnem tollere, si possit: de Turcicis auxilijs placere sibi actionem differri, donec Ferdinandus rex Frater uenerit, qui et de pactis inducijs, & quid in posterum fieri oporteat, sit explicaturus: postremò, priuatas quorundam deliberationes atque congressus non sibi probari: nam ijs impediri publicas actiones, ac sæpe fieri, ut persuasionibus à sententia concepta multi reuocentur: id autem in publicis Imperij conuentibus non esse decorum neque ferendum: quid enim quisq; sentiat, palàm debere in confessu & liberè pronuciari: hæc esse, de quibus ad ipsos referre uoluerit, & petere, ut de ijs quamprimum agant, & quid sit ipsorum uoluntatis demonstrant. Huius mensis die decimo, Petrus Aloisius, Pauli tertij filius, Placentiæ, domi suæ confoditur, & paulò post, Ferdinandus Gonzaga, Cesaris per Insulæ præfectus, urbem occupat. eius rei nuncius intra paucos dies peruenit Augustam, & ex eo, quod Cesari nunciatum esse dicebant, cōmunicata principibus fuit rei gestæ historia, scripto comprehensa. narratio tota pertinet ad infamiam & uituperationem Petri Aloisij: sic autem res habet, ut quidē in eo scripto recitatur. Quum facta permutatione factus esset Placentiæ dux atque Parmæ, Petrus Aloisius, multa fecit contra ius et æquum, et asperitate sua nullum nō ordinem offendit, & inter alios, Hieronymum Palauicinum spoliavit bonis: & quum is uitandi periculi causa, Cremam sese recepisset, Venetorum ditionis oppidum, uxorem eius atque liberos in carcerem coniecit. Quum ea res ad maiorem aliquem motū spectaret, cardinalis Tridentinus, qui Farnesiorū familiæ bene uellet, datis literis intercedit, sed Aloisius alienè respondet. uenit postea Tridentum Octauius è Caesaris Cesaris, domum rediturus: ei cardinalis rem omnem exponit, rogat, ut ad patrem intercedat. gerit ille morē, & postea renunciat, fore, ut Hieronymus in gratiam recipiatur, modò ueniat ipse, & supplex condonari sibi petat. Cū autem esset metus, ne uiolata fide grauius quid in eum fieret, cardinalis nō magno cum comitatu Cremam proficiscitur, & Hieronymum accersit: is ueritus insidias, non prius accessit, quàm de cardinali certò sciret. ubi sermonē et cōsilia contulissent, & suam operam cardinalis prolixè deferret, iter ambo suscipiunt. Cardinalis autem è suis unum & alterum præmittit ad Aloisium, qui de

Petrus  
Aloisius  
arucida-  
tus.

Hierony-  
mus Pa-  
lauici-  
nus.



de suo & Hieronymi aduentu docerent: ibi tum ille diuersum ab eo, 1547  
 quod Octavius filius antè significauerat, renunciat, neque se posse il-  
 lum restituere, demonstrat. Et quanquam legati, uiri graues atq; pru-  
 dentes, multa dicerent hominis mitigandi causa, ille tamen in eo per-  
 sistit. Itaq; Tridentinus, ubi Palauicinum Cremam reduxisset, domū  
 reuertit. Iam antea uerò quidam ex nobilitate, qui Aloisium etiam o-  
 derant, in ipsius caput atq; uitam coniurabant. hi conductis aliquot  
 sicarijs, occasionem expectant, & eo stipati satellitio subinde prode-  
 unt separatim in publicum, & , pro se quisque, propter inimicitias  
 priuatas istud fieri, præ se ferunt: atque interim è suis priuatim singu-  
 li percontantur, an in ulciscenda iniuria fidelem operam ipsis na-  
 uare uelint, quam ab aule præfecto Aloisij sibi factam esse dicebant:  
 illi suam operam non in eo tantum, sed in ipso quoque domino truci-  
 dando pollicentur. Sub hoc ipsum tempus Aloisio scribit Paulus ter-  
 tius pater, ut à decima Septembris die sibi caueat: astra enim ei præ-  
 nunciare cladem aliquam insinem. erat enim Paulus pontifex non  
 astrologiæ modò, sed & necromantiæ, sicuti pro certo confirmatur,  
 admodum studiosus. ijs acceptis literis, Aloisius erat in metu & solici-  
 tudine: cumq; dies ille uenisset, magno cum comitatu lectica deporta-  
 tus, arcem egreditur, ut urbis munitionem, quam instituerat, uideret.  
 aderant etiam coniurati: sed cum ibi non possent, quod uellent, exe-  
 qui, subsistunt, & quum ille domum rediret, comitantur, et tanquam  
 officij causa, præcedunt, numero xxxvi. & ubi iam in arcem cum le-  
 ctica peruenisset, è uestigio pontem pensilem ad se reducunt, ne quis  
 præterea subsequi posset. ibi continuo strictis mucronibus illum pe-  
 tunt, & acerbè tyrannum increpantes, in lectica confodiunt, & unà  
 sacrificum quendam & stabuli præfectum & satellites quinque Germa-  
 nos trucidant. postea per arcem discurrunt & omnia diripiunt, maxi-  
 ma ui pecuniæ reperta, quam ille munitioni urbis designauerat. In-  
 terea fit ciuium concursus ad arcem, & quid rei sit, queritur, cum fre-  
 mitus atq; clamor intus exaudiretur: illi de sublimi respondent, se oc-  
 cidisse tyrannum, & ciuitati pristinam recuperasse libertatem, cum  
 autem eius rei uix ægrè fidem facerent, interposita cautione ciuium,  
 & impunitate promissa, corpus exanime, cathena religatum ex mu-  
 ro suspendunt, & agitaturn aliquandiu præcipitant in fossam. Ac-  
 currit

Coniura-  
ratio in  
Petrum  
Aloisium.

47 currit populus, & pugionibus atque pedibus illum petunt. tanta erat  
 acerbitas odij, post, re deliberata, per celeres equos, Ferdinando Gon-  
 zage, quid actum sit, enunciant, & Caesaris clientelæ sese dedunt, &  
 auxilia sibi quamprimum mitti postulant. Ille statim præsidium eo  
 mittit, & occupata urbe, in Caesaris fidem per iusiurandum illos adi-  
 git. post, ad Caesarem omnia perscribit, & quid sit ipsius uoluntatis,  
 rogat. Parmenses etiam, ut Caesari sese permitterent, sollicitati fuerunt:  
 sed hi, missis ad pontificem literis, in eius fide uelle permanere, neque se  
 recusare dicunt, quò minus interfecto parente, filium Octavianum pro  
 principe agnoscant. Hæc est eorum summa, quæ Caesari nunciata fuis-  
 se dicebant ipsius familiares, et quæ spargebant inter ordines: alij ue-  
 rò longè secus commemorant, & consultò rem actam esse, & paucis-  
 simis horis à facta cede, Gonzagam ad portas urbis adfuisse cum præ-  
 sidio dicunt: sed affirmare nihil possum. Vt cunque sit, impium et sce-  
 leratum in primis hominem fuisse Petrum Aloisium, fatentur omnes:  
 & extant Italicorum libelli, qui nefarias illius libidines enumerant, in  
 quibus hoc est omnium in primis memorabile, quòd Cosmum Cheri-  
 um, episcopum Fanensem, per uim stuprasset dicitur, usus opera suo-  
 rum, qui illum destinerent. quod quidem facinus misero illi sic dolui-  
 se ferunt, ut præ mœrore & indignitate rei postea sit extinctus. neque  
 desunt, qui uenenum ei datum ab illo fuisse putant, ne flagitium illud  
 ad Caesarem deferret. Paulus nihilo secius impense filium amabat, &  
 ad ipsius amplificationem omne studium conuertit, & quum de flagi-  
 tijs nonnunquam audiret, non admodum ægrè tulisse, & hoc solum  
 fertur consueuisse dicere, hæc illum uitia non se commonstratore didi-  
 cisse. Quomodo concilij patres, Tridento relicto Bononiam migra-  
 rint, supra diximus: illud uerò Caesar grauissimè tulit, et iam cum Au-  
 gustam uenisset, author senatui principum fuit, ut de eo pontificem in-  
 terpellarent. Itaque decimo quarto die Septembris, episcopi datis ad  
 eum literis, Germaniæ statum atque periculum exponunt, & illud a-  
 uerti potuisse dicunt, si maturè fuisset adhibitum nascenti morbo re-  
 medium, concilium uidelicet publicum, de quo Caesarem non semel  
 interpellarint, ut intra Germaniæ fines illud procuraret. quò nimi-  
 rum eius regionis episcopi, quorum in primis inter sit, adesse possent:  
 cum enim ipsorum sit ampla iurisdictio, non esse cōmodum, hoc præ-  
 fertim

Impicras  
 nefanda  
 Aloisij.

Episco-  
 porum  
 Germa-  
 niæ lites  
 ra ad Pon-  
 tificem.



fertim tempore, longius à suis abesse finibus: diligentia tandem Cæsa-  
 ris, quum Mantuam & Vicentiam nemo uenisset, indictum quidem  
 esse concilium & inchoatum, sed extra fines Germaniæ: Tridenti sci-  
 licet, quod ad Italiam magis pertineat: hac etiam de causa per paucos  
 eò uenisse Germanos: neq; sanè potuisse, præsertim belli tempore, om-  
 nibus undique uijs obseßis & interclusis: nunc autè ea depulsa tem-  
 pestate, quum in ipsum ferè portum esset peruentum, & bona quæ-  
 dam spes animos omnium teneret, præter omnem expectationem aliò  
 transferri, uel diuidi potius concilium, in quo salus fuisset tota collo-  
 cata reipublicæ: uehementer hoc sibi dolere propter impendens peri-  
 culum: iam enim totos xxvij annos conflictari Germaniam cum no-  
 uis & perniciosis dogmatibus atq; sectis, & episcoporum auctoritatem  
 propè omnem iacere, & in hac uastitate rerum atq; confusione infi-  
 nita hominum millia de salute periclitari: breuiter, hoc tam pestilenti  
 malo uitiatum & corruptum esse, quicquid antea sincerum fuit, &  
 diuulsos inuicem ordines Imperij, nullam inter se colere amicitiam:  
 in his tot tantisq; malis unicum habere se perfugium ad ecclesiam a-  
 postolicam: orare igitur maiorem in modum, & per Germaniæ salu-  
 tem, ut concilium restituat: id si faciat, nihil esse, quod non ab ipsis de  
 beat expectare: sin autem, non sibi apparère, unde petant auxilium:  
 nam undique uentos atq; procellas imminère, quibus depellendis ec-  
 clesiam Romanam Deus constituerit, ueluti propugnaculum aliquod  
 & rupem firmissimam: habeat igitur eorum, quæ postulèt, rationem,  
 & cogitet posse fieri, nisi prouideat, ut aliæ rationes ineantur atque  
 consilia, causam hanc expediendi: quod superest, orare, ut hæc boni  
 consulat: nam ut ita scribant, et officio & temporis cōditione sese co-  
 gi. His etiam diebus Angli maximo prælio Scotos deuincunt, ducto-  
 re Somerseto regis auunculo. Belli causa fuit eadem quæ prius, Hen-  
 rico rege, nempe, quòd Scoti pactam Eduardo regi sponsam non da-  
 rent. post eam uictoriã Angli progressi, multa per Scotiam occupant  
 & suos fines longinquè proferunt. De postulatis Cæsaris nō idem sen-  
 tiebant omnes. nam è septem uiris, qui sunt ecclesiastici, cōcilium Tri-  
 dentinum urgebant sine omni conditione: Palatinus autem & Mau-  
 ricius, & Brandeburgenses legati nō illud recusabant, modò liberum  
 esset atque pium, in quo pontifex minimè præsideat, & episcopis re-  
 mittat

Anglorū  
 in Scotos  
 uictoria.

1547 mittat iusiurandum, & ipsorum quoq; theologi decidendi facultate  
tem habeant, & decreta iam facta retractentur: ceteri uero principes  
ac ordines instabant, ut concilium continuetur, ut protestantes acce-  
pta fide publica, audiantur & decretis parere cogantur. Eorū omniū  
sententijs cognitis, Cæsar Octobris die decimo octauo respondet, &  
ut omnes concilio se submittant, petit, et cum Palatino atq; Mauricio  
priuatim agit, ut assentiantur. Et Palatinus quidem territatus fuit e-  
tiam, nisi morem generet, ob recentem anni superioris offensionem,  
uti diximus, cum uix ea cicatrix coaluisset: Mauricio, qui et socerum  
Lantgrauium cuperet liberari, & nuper admodum esset auctus à Cæ-  
sare, faciundum aliquid sibi uidebat. Itaque cum Cæsar eis prolixè de  
sua uoluntate per internuncios promitteret, & ut ipsius fidei rem  
permitterent, flagitaret, illi demum Octobris die uigesimo quarto as-  
sentiuntur. Reliquæ solùm erant ciuitates, quæ magni rem esse periculi  
uidebant, submittere se concilij decretis indifferenter. cum ijs Gran-  
uellanus & Hasius diu multumq; agebant: atq; interim fama per ur-  
bem diuulgata fuit, illos esse præfractos, qui recusarent id quod iam  
principes omnes comprobassent: auditæ quoq; fuerunt comminatio-  
nes, futurum, ut acrius multò, quàm nuper, plectantur. Tandem fuit  
inuenta ratio, & ut Cæsari satisfaceret, et ipsis etiam esset cautum. etc=  
nim uocati ad Cæsarem: ut ipsi responsa principum corrigant, non  
suum esse dicunt, & simul scriptum ei tradunt, quo testificantur, qui-  
bus ipsi conditionibus concilium probent. Cæsar, eorū audito sermo-  
ne per Seldum respondet, sibi pergratum esse, quod reliquorū exem-  
plo rem sibi permittant, & cæteris consentiant. Ita plus eis tribuebat,  
quàm ipsi uellent: nec enim cōsenferant alijs, uerùm inuidiæ declina-  
re causa nolebant principū sententiam conuellere, & tamen, ne quid  
in posterum esset fraudi, quomodo conciliū ipsis placeret, scripto ex-  
plicabant, ut aliquando suæ uoluntatis extaret documentum. fuit hoc  
sub exitum Octobris, & eodem tempore Ferdinandus rex, post etiam  
Brandeburgicus elector eò uenit. Cæsar ergò mox cardinalem Triden-  
tinum, initio Nouembris Romam celeriter mittit, ut pontificem, de  
synodo reuocanda Tridentum, interpellaret. Nouembri mense, uxor  
Lantgrauij, Christina, & filij, & delecti quidam consiliarij, missis li-  
teris, ad omnes principes ac ordines Imperij, qua ratione sit ille ca-  
plus

Protesta-  
tes solici-  
tantur  
ut concil-  
lio sub-  
scribant.

Litteræ  
ad ordi-  
nes pro  
Lantgra-  
uio.



ptus, quum fide publica uenisset Halam, exponunt: & quia conditio= 1 5 4 7.  
 nes omnes à Cæsare præscriptæ, quæ quidem præstari iam possint at=  
 que debeant, sint impletæ, depensa pecunia, liberatus Henricus Brun=  
 swicensis cum filio, confœderatorum literæ omnes exhibitæ, iusiuram=  
 dum nobilitatis & fideiussorum interposita cautio, tormenta omnia  
 tradita, diruta propugnacula: deinde, quia parati sint neq; recusent  
 ipsimet esse obsides, donec reliquis etiã satisfiat, magno se cum ani=  
 mi dolore & cruciatu hanc illius tam indignam sortem & captiuita=  
 tem aspicere: nam prius quàm Halam iret, non sic afflictas fuisse res  
 ipsius, quin ad tempus potuerit arces contra uim hostilem defendere:  
 hoc etiã Cæsaris legatos, qui pòst ijs locis fuerunt, posse testificari:  
 uerùm misericordia populi, bello pacẽ antetulisse: quapropter orare  
 uehementer, intercedant apud Cæsarẽ, et omne studiũ eò conuertant,  
 ut quamprimũ libertati restitutus, domũ redeat: nam si diutius de=  
 tineatur, futurum id ipsius maximo cum uoletudinis detrimento. Rei  
 uerò conficiendæ causa, Lantgrauij coniunx uenit Augustam, & tum  
 ipsa, tum per Mauriciũ & Brandeburgicũ sollicitat principes, ut in=  
 terueniant. Eo cognito, Cæsar, prius quàm intercederetur, Nouem=  
 bris die xxv. refert ad ordines. audire se, quibus de rebus ad ipsos dela=  
 tum sit: & quia uarij sint hominũ sermones, uelle se rem omnẽ reci=  
 tare simpliciter. Et primò quidem, inquit, anno superiori, cũ Smal=  
 caldici propè Giengam castra posuissent, Lantgrauius, per Adamum  
 Trottum, interueniente Ioanne Marchione Brandeburgico, pacem  
 sollicitabat: sed responsum à me tulit, hanc solam esse conditionem, ut  
 se mihi sisteret, ac sine pactione omni dederet. domum deinde reuer=  
 sus ab illa fuga, subinde per Mauriciũ ducem, diuersis locis, Hailbru=  
 na, Vlmæ, Norlingæ, Egræ, pro se tantum idem egit, nulla neq; Ioan=  
 nis Friderici, neq; sociorum facta mentione: sed et quum in Saxoniam  
 irem, id ipsum urgere nõ destitit. Ad ea respondi Mauricio, quòd tam  
 grauiter & toties in me deliquisset Lantgrauius, nulla cautione mihi  
 satisfieri posse, nisi se mihi sisteret, et arces omneis meæ potestati per=  
 mitteret. Capto autè Saxone, quũ uideret omnẽ belli molem in se con=  
 uersum iri, Lipsiam uenit, et incõmodas aliquot cõditiones proponit.  
 Intercedebãt Mauricius et Brãdeburgicus, neq; recusabãt se mihi siste=  
 re pro illo, donec impleisset cõditiones: ego uerò, qui iudicãre ualde esse  
 indi=

Cæsaris  
excusa=  
tio ad  
Ordines

§ 47 indignum & iniquum, ut ij, quorum esset in me spectata fides atq; uo-  
 luntas, alienum periculum in se reciperet, sponsonem illam reieci, &  
 ipsum unum poscebam. Non multo post, bello confecto Saxonico, &  
 dedita Vuittembergæ, quum transmissio rursus Albi, tenerem iter in  
 Hesiā: ille, digressus Lipsia, quendam ex nobilitate misit in castra,  
 & per Mauriciū atq; Brandeburgicū has leges proponit. uelle se-  
 se mihi dedere, sine conditione, demoliri arces, et tormenta omnia tra-  
 dere: solum petebat, ut ex propugnaculis alterum sibi permittere-  
 tur, Zegenhemum aut Cassellum: deinde, ex tormentis etiam, quan-  
 tum ad unius loci presidium satis esset. Ibi Mauricius & Brandebur-  
 gicus querebant scire, si quidem ita sese dederet, quonam illud perti-  
 neret, & quousque esset accipiendum? Responsum illis bona fide fuit,  
 fore, ut neq; corporis poenā ullam lueret, neq; perpetuo carcere de-  
 tineretur, neq; bonis mulctaretur amplius, quam pacis formula præ-  
 scriberet: hoc etiam adiectum fuit, non oportere huius rei consciū  
 esse Lantgrauium. Et hæc quidem ratio, presentibus illis, comprehen-  
 sa scripto, nec ulla spes alia fuit ostensa, quod ipsos etiam puto posse  
 testificari. Sic igitur Halam uenit, & quum supplex mihi factus esset,  
 Brandeburgicus rogabat, uellemne affari illum, et præbere dextram,  
 sicut alijs, quos in gratiam antè recepissē? respondi, uix esse decorū  
 ut id facerem prius, quā sit omnino factus liber. Albano duci postea  
 mandabam, ut in arcem deduceret, & custodias ei poneret. Is Mauri-  
 cicio & Brandeburgico & Lantgrauio dat cœnam, & quum illum  
 deinde sisteret, orta fuit disceptatio, & uarij iactati sermones. qua-  
 re cognita, primam eius rei quæstionem esse uolui, iurēne uiderer an  
 iniuria detinere captiuum? hoc etiam clarè dicebam, potius quam in-  
 susceptionem aliquam uenire dicta mea patiar, concessurum esse, ut a-  
 ctione omni rescissa, domum redeat Lantgrauius, quo mihi meum in-  
 stitutum persequi liceret. Tum Mauricius atque Brandeburgicus fa-  
 tebantur ipsi, nihil à me factum esse iniquè, & ad omneis uelle excu-  
 sare, si qui fortè secus loquantur: hoc solum rogabant & deprecaban-  
 tur, ne diuturnior eius esset captiuitas. huic ipsorum postulato re-  
 spondi, uelle me considerare prius & uidere, ecquid ille pactis atque  
 promissis satisfaciat. Iam uerò, licet fore putabam, ut conditiones im-  
 plexeret, tamē non est nihil quod in eo requirā. nam neq; literas et arca-



na Smalcaldici foederis exhibuit, uti promiserat, nec arces etiam est  
demolitus, ut oportuit, & non ita pridem sollicitauit custodes, ut prae-  
ter datam mihi fidem, ei morem gererent. Hæc uobis explicare uolui  
nudè & simpliciter, ut res tota & æquitas causæ uobis planè conste-  
ret. Hanc Cæsaris narrationem ordines eodem die Mauricio & Bran-  
deburgico rennanciant: hi postridie respondent. Et antea semper, &  
nunc etiã sese fateri, non esse, quòd Cæsarem hac in re criminentur  
aut incusent: ueruntamen & cum Ferdinando rege, priusquam è ca-  
stris ante Vulttembergam domum rediret, et cum Cæsaris consiliarijs,  
paucis quidem illis, uariam & arcanam actionem sibi fuisse: ac fieri  
posse ut ex imperitia linguae sit aliquid admissum erroris, neq; se uul-  
tum super eo uelle disceptare: nam utcunq; res habeat, se quidem, ut et  
innoxie multitudini parceretur, & Germaniæ restitueretur optatum  
ocium, authores fuisse Lantgrauio, quum de captiuitate & custodia  
nihil suspicarentur, ut Halam profectus, ueniam exposceret, & pacis  
conditiones non repudiaret: quòd autem amissa libertate, captiuus ad  
huc quidem detineatur, non sine magno ualeitudinis periculo, quàm  
hoc sit cum honoris & existimationis ipsorum dispendio cõiunctum,  
neminem esse qui non uideat: itaq; petere maiorem in modum, ut unà  
secum ad Cæsarem intercedant, & deprecentur, ut ipsorum, qui fide-  
lem operam Imperio nauarint, potius, quàm Lantgrauij rationem ha-  
beat, neque sibi grauius aliquid accidere patiatur, sed illum libertati  
restituatur, præsertim, quum & conditiones ferè sint omnes impletæ, &  
amplissimis cautionibus in omnem partem Cæsari sit prospectum.  
Sic ergò communi nomine interceditur: & Lantgrauij quidem uxor,  
Mariam sororem Cæsaris adhibuit adiutricem: sed nihil profectum  
fuit. Et quia Mauricius atq; Brandenburgicus, Lantgrauij filijs per in-  
terpositam fidem sese dicebant obligatos esse, quândiu ille detinere-  
tur, Ioannem Liranum Cæsar mittit ad Lantgrauium, qui tum erat  
Norlingæ, nuper eò traductus ab Hispanis. per eum literas omneis re-  
petit, etiam illas, quibus ei publicè cauerant. ipse, non ab se, uerùm à  
filijs eas asseruari dicit atque consiliarijs: etiã si scribat, frustra ta-  
men id fieri: nam abeunti dixisse, non se reddituros, nisi prius ipso libe-  
rato: ueruntamen, si de sue liberationis tempore certi quid à Cæsare co-  
gnoscat, omnem operam esse daturũ, ut reddant. Eo responso minime

Mauri-  
ci et Brã  
deburgi-  
ci pro  
Lantgra-  
uio res-  
pondunt

1547 Cæsar contentus, paulò post, remotis ab eo familiaribus, unum & al-  
 terum ei tantum relinquit. Sub exitum Nouembris, Petrus Martyr,  
 Petrus Florentinus, Argentorato, ubi iam per annos quinque magna cum lau-  
 de docuerat, permittente senatu, proficiscitur in Angliam, uocatus ab  
 archiepiscopo Cantuariensi, de uoluntate regis, et sacris literis inter-  
 pretandis, Oxoniæ præficitur. erat ei socius itineris Bernardinus O-  
 chinus Senensis: qui, cum summæ fuisset apud Italos authoritatis ob  
 eloquentiam & opinionem uirtutis, relicto uitæ genere monastico, ad  
 puriorem doctrinam sese conuerterat, & principio, Geneuam, inde  
 profectus Augustam conciones aliquot suas euulgauerat. Ad hoc fere  
 tempus, Henrici regis, de religione decreta, de quibus libro duodeci-  
 mo diximus, edicto publico per Angliam abolentur, & è templis re-  
 mouentur imagines atque statuae. fuit hoc ecclesiarum emendationis  
 initium. Cardinalis Tridentinus nona die Decembris, in frequentissi-  
 mo senatu Cardinalium, præsentem pontificem rem proponit, ut erat ius-  
 sus, & quantos labores atque pericula Cæsar, concilij causa suscep-  
 perit, multis grauibuscque uerbis exponit, & nunc eò rem esse dedu-  
 ctam ait illius diligentia & autoritate, ut omnes ordines concilio pa-  
 rere uelint. rogat igitur per omnia sacra, Cæsaris & Ferdinandi regis  
 & totius Imperij nomine, primum, ut patres, qui Bononiæ sint, Tri-  
 dentum reuerti iubeat, ad perficiendum opus inchoatum, & reipubli-  
 cæ perquam necessarium: deinde, legatum unum aut alterum mittat  
 in Germaniam, ut de ipsorum consilio modus aliquis rectè uiuendi con-  
 stituatur, ad exitum usque concilij, & ut emendatio fiat ordinis eccle-  
 siastici: postremo, consideret etiam atque statuatur, si concilij tempore  
 pontificem decedere contingat, utrum eligendi potestas penes concilij  
 patres, an uerò cardinales esse debeat. ne, quum in eum casum fortè res  
 deueniet, noui motus excitentur. Quinto post die, quum Tridentinus  
 orasset, Iacobus Mendoza, Cæsaris mandatu, eodem in auditorio, lo-  
 quitur in eandem sententiam: & si uel dilationem uel excusationem  
 aliquam pontifex interponet, in mandatis habere se dicit, ut cætero-  
 rum regum atque principum legatis adhibitis, palàm de uitio synodi  
 profiteatur. Hoc ipso die, qui Decembris erat dies decimus quartus,  
 Rhemorum archiepiscopus, quem æstate superiori cardinalem esse  
 creatum diximus, Gallie regis nomine Romam profectus, ad pontifi-



cem atq; cardinales orationem habet. Initio, regem Franciscum uita de  
 functum laudat, inter alia, quod reliquorum etiam principum iuris  
 ac libertatis ita fuerit amans, ut nullum unquam discrimen atq; sum-  
 ptum recusarit: ab eius autem moribus et ingenio, filium, Henricum  
 regem minimè degenerare: qui simul ac magistratum inisset, ac finis  
 parenti fecisset, nihil potius neq; prius habuerit, quàm ut suam erga se-  
 dem Romanam uoluntatem et obseruantiam declararet: nimirum,  
 Gallie regum tam esse multa et illustria in pontifices Romanos offi-  
 cia, ut faciliè primum locum obtineant, et ceterarum nationum stu-  
 dijs antecedant: et quum hodierno die magna sit multorum protera-  
 uitas, qui huius loci maiestatem quotidie maledictis incessant et oppu-  
 gnent, maximi sanè rem esse momenti, quòd in hoc ipso tempore, po-  
 tentissimus rex, ut primogenitum ecclesie filium et antesignanum na-  
 tionis Christiane decet, se suaq; omnia submittat ecclesie, suasq; facul-  
 tates omneis. pro illius dignitate conseruanda polliceatur: optare qui-  
 dem illum imprimis, hæc omnia coram exponere, et ipsius os atq; uul-  
 tum augustissimum intueri, sed uarijs negocijs occupatum atq; distentum,  
 nec ipsum adesse, neq; citius per aliū hoc efficere potuisse: perpendant  
 igitur ista secum, et ita se comparent, ut rex amari se ab ipsis intelli-  
 gat: cum enim respublica præmio contineatur atq; poena, curandum  
 ipsis esse, ut pios atq; iustos principes benignitate in officio retineant,  
 quos autem uel ipsorum imminuere maiestatem aperte, uel cuniculis  
 euertere cognoscunt, eorum insaniam et audaciam sic reprimant, ut,  
 quem diuinitus acceperunt gladium, non esse retusum aut hebetè sen-  
 tiri possit: neq; tamen illud sic accipiendum esse, quasi de ipsorum et se-  
 ueritate et prudentia dubitet, aut aliquam ipsis de aliquo suspitio-  
 nem commouere uelit, sed ut ex contentione rectè factorum eluceat  
 regis in ipsos beneuolentia: sacris legibus esse cautum, ut statim atque  
 summum hoc sacerdotium iniuerint pontifices Romani, legatos in  
 Galliam mittant, amicitie firmande causa: regem igitur, inito nuper  
 magistratu, uoluisse eodem officij genere sanctissimam hanc sedem co-  
 honestare: quòd ergo foelix atq; faustum sit, regem Christianissimum  
 in ecclesie gremium pontifex admittat, et omnem ab ipso fidem ac  
 amicitiam expectet, et quod reliquum est, operam det, ne quid accipiat  
 ecclesia detrimenti: scire enim ipsum, quàm paruis initijs olim exar-

1547  
 tio ad  
 Pontifi-  
 cem.

1547 serint factiones, quum nemo se conatibus improborum opponeret: eius rei documētum esse in Ioanne xij, in Gregorio vij, in Paschali iij, multisque alijs, qui in maximas calamitates inciderint, donec, qui secuti sunt illos, pontifices, Gallie regum auxilijs dignitatem amissam recuperarunt, & in his, Alexander tertius, qui Fridericum Sueuum Cæsarem ad æquam pacem adegerit, & ereptam ecclesie libertatem, ac designandi pontificis iura iudicavit. Gallie rex, quod interfecto Petro Aloisio, pontificis animum esse uehementer exulceratum sciret, & propter translatum Tridento concilium, offensionem augeri uideret, tempus hoc idoneum esse iudicabat, quo suum ad usum atque compendium istud traduceret: itaq; missis crebro legatis ad pontificem, & suam operam professus, ut iam dictum est, animum illius augebat & confirmabat. Pontifex, ubi postulata Tridentini & Mendozæ cognouit, uelle se dicit cum patribus, qui Bononiæ sint, deliberare, & ad ceteros etiam orbis Christiani principes rem deferre. Tridentinus ergo quum aliud responsum impetrari non posset, domum reuertit, relicto ibi Mendoza, cui Cæsar, ut reliqua perficeret, mandauerat. Pontifex autem Decembris die decimo sexto, datis literis ad suum in concilio legatum primarium, Ioannem Mariam Montanum, cardinalem, Tridentinum, ait, his proximis diebus, nomine Cæsaris mihi retulit, quemadmodum cuncta Germania concilio se submiserit: itaq; & illius & Ferdinandi regis & Imperij totius nomine petijt, darem operam, ut Tridenti concilium contineretur: idem deinde petijt Iacobus Mendoza, conuocatis aliorum quoque principum legatis, & ne qua fieret mora, flagitauit: ego autem cum cardinalibus re communitata, concilij patres consulendos esse duxi, ne quid temere fieret, & ut decreta iam facta, tam illud de transferendo concilio, quam reliqua, permanerent inuiolata: quum ergo de Germaniæ salute ualde sim sollicitus, neque Cæsaris causa uelim interponi moram, iubeo, ut impetrato numine spiritus sancti, patribus rem omnem exponas, & quid respondendum Cæsari esse putetis, quamprimum ad me perscribas. Montanus, ut erat præceptum, in consilium rem adducit, postea pontifici rescribit. Quanquam Tridento sit Bononiam legitime translatum concilium: etsi palam in confesso patrum, quo die de transferendo concilio decretum factum fuit, admoniti sint omnes, ut Bononiam

pete=

Gallus  
occasio-  
nem au-  
cupatur.

Pontificis  
ad lega-  
tum suū  
literæ.

Legati  
ad ponti-  
ficem re-  
sponso.



peterent: licet ipse ceteriq; patres Bononia deinde missis literis Tri- 1 5 4 7  
 dentum, amanter cohortati sint ad suscipiendum iter, aliquos tamen  
 ad hunc usq; diem ibi permanere: quæ sanè res ad concilij cõtempium  
 pertineat, & multos offendat: patres ergò non uidere, quomodo sal-  
 ua dignitate & exstimatione synodi, de reditu deliberari possit, nisi,  
 qui sunt Tridenti, Bononiam prius accedant, & sese reliquis conun-  
 gant, & concilij potestatem agnoscant: deinde, opus esse, ut patribus  
 antiè caueatur, fore uidelicet, ut concilio sese Germania summittat, et-  
 usq; decreta comprobet, quæ uel iam facta sunt, uel in posterum fient,  
 sic, ut à nullo retractentur: adhæc, quia rumor increbuit, populare fu-  
 turum esse concilium, cupere sibi patres, hoc etiam nomine prius ca-  
 ueri: nam si locum illud habere debeat, ordinem omnem conciliorum  
 atque modum, inde ab apostolis ad hanc ætatem usq; deductum, im-  
 mutatum iri: cupere etiam scire, quomodo ipsis cauebitur, ut tuto li-  
 bereq; possint ibi singuli commorari, & quum uidebitur, illinc disce-  
 dere, nemine prorsus impediente: postremò, & hanc esse necessariam  
 cautionem, ut quum certis de causis maiori parti uisum fuerit, liceat  
 patribus aliò deslectere, & concilium deducere: item, quum appare-  
 bit, ijs causis, ob quas indictum fuit concilium, satisfactum esse, liberè  
 sit patribus finem imponere atq; cessare: hæc esse, quæ patres, à multa  
 deliberatione, quum sancti spiritus numen inuocassent, ad ipsius po-  
 stulata responderint, et orare, ut boni consulat. His redditis literis, pon-  
 tificis, Decembris die uigesimo septimo, peracta Missa, legatum Cæsa-  
 ris, Mendozam, in cœtum cardinalium accersit, & quid synodus Bo-  
 noniensis responderit, exponit, eamq; sententiam sibi & cardinali-  
 bus non improbari demonstrat, ut iuri consentaneam: ad se quod atti-  
 net, nihil esse quod non Germaniæ causa uelit: hoc ipsum adeò Cæsa-  
 rem testificari posse: nihil enim, quod ad boni pastoris & amantißimi  
 parentis officium pertineat, ab se prætermisum: uidere se quidem,  
 quid Cæsar, quid Ferdinandus rex & Imperij ordines petant, sed exi-  
 stimare hoc ab illis ita flagitari, modò sit cum reliquarum nationum  
 pace commodoq; coniunctum, & cum ecclesiæ libertate. Mendozæ,  
 quum uideret pontificem habere cœtum illum Bononiæ, pro cõcilio,  
 statuit omninò protestari contrà mox è uestigio: sed intercedente colle-  
 gij decano & nonnullis cardinalibus, placuit responsum hoc Cæsari

Pontificis  
 responsio  
 ad lega-  
 rum Cæ-  
 saris.

Ad epi-  
scopos  
Germaniæ.

1548

renunciandum, & eius expectandas esse literas, & in uigesimum usq;  
diem protestationem differri oportere. Quum ergo tunc Cesari Men-  
doxa rem omnem perscriberet, pontifex etiam ad episcoporum Ger-  
maniæ literas, de quibus antè diximus, calendis Ianuarij respondet. et  
ipsoꝝ laudata pietate, quòd de republica solliciti sint in his hæreti-  
corum et seditiosorum hominum motibus, causam ait subesse grauem  
atq; legitimam: nam & se uehementer angi sollicitudine ista: & quoq;  
niam hoc ad suum pastorale munus propriè pertineat, nullū sibi tem-  
pus abire, quo non de remedio cogitet: hac etiam de causa, statim à su-  
scepto pontificatu decurrisse ad illud, cuius & ipsi mentionē faciant,  
perfugium, & sua sponte conciliū indixisse, Mantuæ primum, deinde  
Vicentiæ: sed cum id frustra fieret, Tridentū ad eam rem delegisse, op-  
pidum in ipsis Germaniæ finibus positū, quò sine periculo ueniri pos-  
set: cumq; sub illud ipsum tempus bellum exortum impediret aditum,  
se, qui legatos eò misisset, necessario distulisse rem in aliud tempus, ac  
deinde facta pace rursus denunciaſſe conuentum, dimissis in omneis  
partes literis: & quanquam inter illud tempus atq; bellum postremū  
annus & eò amplius interceſſit, ex ipsis tamen eò neminem uenisse, ne-  
que sanè misisse legatos, præter unum aut alterum: nam ut metu finiti-  
morum hæreticorū ipsis fortè non fuerit integrum, longius à suis ab-  
esse finibus, licuisse tamen per procuratores adesse: cuius ipse rei pote-  
statē per literas fecisset: Tridentū uerò non solum ex Italia, sed ex lon-  
ginq̃uoribus etiam prouincijs magnum uenisse numerum episcopo-  
rum & aliorum procerum, & summa illorum consensione multa ibi  
esse facta decreta, tum religionis tum discipline, quibus non minima  
pars impiorum dogmatum, quæ defenduntur ab huius temporis hæ-  
reticis, refutata sint atq; damnata: quæ sanè res & magnæ sibi no-  
luptati fuerit, & causam dederit, cur eius loci minimè ipsum pœnite-  
ret, in quo tam salutaris esset orbi Christiano senatus: quòd autem po-  
stra sit illinc migratum, hoc nescio se factum esse, & nuncium hunc  
prius ad se fuisse delatum, quàm id fore suspicaretur: sed non esse du-  
bium, quin eius rei potestatem habeat ipsa synodus, idcoq; se putare  
legitimam subesse causam, cur ita fecerint, nisi rem aliter se habere,  
planè cognoscat: & licet pauci quidam ab eo discesserint, tamen non  
idcirco diuisum esse conciliū: quid enim parti maiori placeat, con-  
siderari



siderari oportere: deinde non esse translatum in eam urbem, quæ uel 1 5 4 8  
 Tridento nimis longè distet, uel parum tuta sit & opportuna: nam  
 neque nimis longum esse interuallum, & tum aëris salubritate, tum  
 rerum omnium copia, tum magnitudine & hospitalitate cumprimis  
 eum locum esse celebrem & commendatum: quod autem sub ecclesiæ  
 tutela sit ea ciuitas, ideò non debere minus tutam uideri Germaniæ,  
 quæ non solum fidem & religionem Christianam, ab ecclesia, sed alia  
 quoq; multa liberalitatis monumenta quondam acceperit: huc etiam  
 pertinere, quòd finitimi circum principes atq; populi sint in fide &  
 clientela Cæsaris: & quanquam hæc ita sint, tamen, ut ibi potissimum  
 habeatur concilium, non se magnopere laborare, neq; id sua permultū  
 referre: quapropter si quis alius locus de communi patrum assensu de-  
 lectus fuerit, nō se recusare, modò ne inuiti sint ibi futuri patres: cur i-  
 psi Tridentum redire uelint & cupiant, hanc adduci causam, ut eò li-  
 bentius accedant Germani: laudare se quidem ipsorū desiderium atq;  
 conatum: neq; dubitare, quantum ad ipsos pertinet, quin de loco non  
 multum sint anxii: cuiusmodi uerò sint impedimenta, licere ut ex pa-  
 trum literis, qui sunt Bononiæ, cognoscant: quòd autem aliquantò tar-  
 dius ipsis respondeat, hanc esse causam, quòd non multò post ipsorum  
 allatas literas, cardinalis Tridentinus ad se uenerit, missu Cæsaris: &  
 quum illius atq; etiam Iacobi Mendozæ postulata planè congruerent  
 cum ipsorum literis, non se prius ipsis, quàm Cæsari, uoluisse respon-  
 dere: quum autem illi non priuatim modò secum, sed palam etiam in  
 senatu cardinalium rem istam sæpius egerint, se misso celeri nuncio,  
 consuluisse patres, Bononiæ congregatos, et eorum deinde responsum  
 recitasse Mendozæ, cum Tridentinus iam abiisset, cuius quidem re-  
 sponsi nunc mittat ipsis exemplum, ut uideant, quid fieri oporteat pri-  
 us, quàm de reditu deliberetur: quapropter hortari, ut ecclesiæ tran-  
 quillitati consulant, & cum cæteris Bononiam aut ipsi ueniant, aut  
 suos eò mittant legatos, & conciliū ibi prosequantur, uel si locus fue-  
 rit uisus minus idoneus, hoc ipsum unà cum reliquis patribus ibi deli-  
 berent atq; disceptent: quòd autē extremis literis perscribant, metuen-  
 dum esse, ne cessante ipso, rationes aliæ suscipiantur, nō eo se commo-  
 ueri, propterea quòd nullū sit ab se prætermisum officium, quem De-  
 us in hac sede dignitatis, uelut in specula collocarit, ut totius gregis,

15 4 8 præcipuè tamen eorum, qui diuenterint ab illis, curam habeat: quàm autem nihil in se desiderari possit. & quanto studio sit cõplexus Germaniam, id esse publicè notum: eòque se minus, timere casum aliquem aduersum, quò magis optimæ uoluntatis in hac causa, laboris atq; studiij sibi sit conscius: de ipsis uerò, deque Cesare, quorum sit explorata constantia & integritas ita se sentire, ut nihil inconsultò facturos existimet: quòd si autem aliud agetur, & contra Romanæ sedis auctoritatè noua suscipientur consilia, non se quidè prohibere posse, quò minus id fiat & tentetur: nam ipsum architectum Christum, quando ecclesiæ Romanæ fundamenta iecit, futuras prænucciassè tempestates: uerum, ut conatus foeliciter succedat, & uentorum ulla uis ædificium hoc à Christo cõstructum euertat, minimè se uereri, eò quòd in firmissima petra consistat: non semel hoc ab alijs olim fuisse tentatum, sed fractis eorum conatibus, Deum in illis exemplum statuisse, quod omnes intueantur, ut quidem tam recentibus quàm antiquis historijs demonstrari possit: si qui futuri sint igitur hodie, quos illorum ob oculos posita clades atque poenæ nihil moueant atque deterreant, eorum sane uicem dolore sibi cumprimis ob imminentem calamitatem: ut autem in ea pietate atq; fide, quam semper præstiterunt, ipsi permaneant, nec ab ecclesiæ dignitate remota consilia locum ullum habere suis in conuentibus patiantur, hortari se cumprimis, & ab ipsis etiam flagitare. Quum ergò pontifex & Bononiæ congregata synodus in sententia persisterent: Caesaris legati, Bononiam ea de causa missi, Franciscus

Caesaris Vargas & Martinus Velascus, Ianuarij die decimo sexto, cum senatui legati Bononiam sibi dari postulassent, ueniunt in confessum. Aderat cardinalis Montanus & circiter quadraginta quatuor, tam episcopi quàm eius ordinis ad Cõcilium missi. alij procures. Ibi Vargas, diploma, quo potestatem ei Caesar agendi faciebat et collegæ, cum nuper illud exhibuisset, repetit, & uerba facturus interpellatur à præside cõcilij cardinali Montano. ijs in literis atq; diplomate Caesar, non concilium, sed cõuentum Bononiensem uocat. Montanus ergò præfatus, quanquam, ait, hic cõcetus nō tenetur ullam orationem uestram audire, propterea quòd mandatum à uobis exhibitum non pertinet ad hanc sanctam synodū, tamen, ne quis ullam habeat querimonie causam, non recusamus audire uos, ea cautione tamen, ne uel nobis aliquid dispendij, uobis autè emolumenti quid actio ista



ista pariat, & ut nobis liberū sit nihilominus, continuare concilium, 1 5 4 8  
 & progredi, & in quoscunq; contumaces atq; rebelles pœnam decer=  
 nere, sacris legibus definitam. Posthæc, Cæsaris orator Vargas, in acta  
 publica referri petit hoc ipsum, quod impeditus esset, quò minus ipse  
 prior loqueretur: deinde, postquam literas, ait, Cæsaris fiduciaras ui=

Legati  
Cæsaris  
oratio  
ad Pa=

tres.

distis, quid in mandatis habeamus nunc explicabo: comparemus au=

tem apud nos acturi de re longè maxima, & non modò nos, uerume=

tiam respublica tota Christiana summis precibus à uobis flagitat &

poscit, ut in ea præstetis æquitatem. sic enim omnes iudicant, siquidē

obstinatè perseuerabitis in sententia, quā non satis prouidē semel estis

amplexi, futurum id maxima calamitate publica. si uerò desistetis &

Cæsari morem geretis, omnia foeliciter euentura: quod ut melius intel

ligi possit ab omnibus, rem totam paulò repetemus altius. nam ita pla

num fiet, & quā perniciosè errabitis, nisi propositum mutetis, &

quā sit egregia Cæsaris in rempublicam uoluntas: in eoq; nihil ipsi

de nostro, ne uerbum quidem, addemus, uerū accepti mandati uesti=

gijs immorabimur. Ibi denuò Cardinalis Montanus. adsum & ego, in=

quit, huius sacrosancti concilij præses atq; legatus, à Paulo tertio pon

tifice, Petri successore, & in terris Christi uicario cōstitutus: adsunt &

hi sanctissimi patres, ut concilium Tridento legitimè translatus, ad

gloriam Dei hominumq; salutem prosequamur. itaq; Cæsarem ora=

mus, ut sententiam mutet, & nobis hac in re ferat opem, & concilij

perturbatores coherceat: non nescit enim, qui sacris concilijs impedi=

mentū aliquod inferunt, quicunq; tandē illi sint, grauissimas commit

tere pœnas ex præscripto legū: sed ut res cadat, & quicunq; demum

adferantur terrores, non sumus tamē libertati & honori uel Ecclesiæ

uel cōcilij, nec etiā nostro defuturi. Quum deinde Vargas mandati li=

teras palàm recitasset, ipsius collega protestationis formulā legit. Ini=

tio commemoratur, quomodo Cæsar à Leone, ab Hadriano, à Clemen

te, & demum à Paulo tertio concilium sæpe flagitarit, quum id Ger=

mani uehementer urgerent: quomodo deinde Paulus tertius Mantuæ

primum, deinde Vicentiæ, postremò, quum ijs locis haberi nō posset,

Tridenti illud indixerit de Cæsaris & reliquorum ordinum assensu,

propterea quòd is locus, & Italis & Hispanis & Gallis & Germanis

esset peropportunus, & rebus necessarijs minimè careret: quū igitur

Protesta  
tionis à  
Concilio  
formula.

154 & hæc esset synodo delecta sedes, legatos, inquit, pontifex eò misit, cardinales, Parisium, Moronum, Polum: Cæsaris etiam nomine uenerūt episcopus Atrebatensis, eiusq; parens Granuellanus, & Iacobus Mendoza: sed quum nec illud tempus pontifici satis uideretur idoneum, actione dilata, rursus noui legati Roma uenerunt, Cardinales, Montanus, Crucius, Polus, à Cæsare autē idem Mendoza et Franciscus Toletanus: aliorum quoq; principum legati uenerunt, & omnes undiq; magno numero Tridentum consuebant: eodem uerò tempore bellum Cæsar in Germania gerebat, tuendæ potissimum & amplificandæ religionis causa, ut quos ratione flectere non poterat, armis cogeret: cumq; magna ex parte foeliciter administrato bello, in uiam reuocasset eos, qui concilium antè contempserant, ecce uos, qui Romanæ sedis legatorū nomē uobis usurpatis, repentē, inconsulto pontifice, sicut quidem ipsi dicitis, conficta qua nescio causa, de transferendo cōcilio proponitis, et uix dato cogitandi spacio, tumultuose Tridento disceditis, quum multi præstantes & egregia uirtute patres minimè assentirentur, & iniustam esse migrationem dicerent, seque Tridenti mansuros profiterentur. Interea Cæsar in Saxoniam profectus, hostem ad Albim superat, utrunq; belli ducem prælio & deditione capit, & nihilo minus ante & post confectum bellum, sæpe per literas & internuncios pontificem rogauit, iuberet patres Bononia redire Tridentum: esse enim magni periculi, si secus fieret. Postea, conuentum indixit Augu-  
stæ, in quo, petente Cæsare, principes omnes ac ordines, magno consensu, concilium Tridentinum approbarunt, eiq; se uelle parere sine ulla conditione, promiserunt. cum id obtinuisset, cardinalem Tridentinum ilico Romam misit, qui pontifici & senatui cardinalium ista explicaret, ac totius Imperij nomine, concilij Tridentini continuatio-  
nem flagitaret. idem etiam Iacobo Mendozae mandauit: pontifex autem deliberandi moram interposuit, & uos prius consulendos esse dixit, & responsum à uobis tulit uarium, subdolum, & captiosum: deinde Cæsari minus aptè respōdit, & tergiuersando satis ostēdit, quàm non sit de re publica sollicitus: nam ad probandam migrationis causam opus erat testibus fide dignis. Cæsar, Ferdinandus rex & princeps, missis literis et legato amplissimo, quæ sit omnium ordinum de concilio uoluntas, docuerunt: sed horum omisso testimonio, fidem potius habet



habere pontifex uoluit abiectis & plebeis hominibus. Concilij causa, 1 5 4 8  
 quàm difficiles & molestiæ plenas profectiones Cæsar nō semel suscepit: quātos uerò fecit sumptus: hæc omnia scilicet perierint? Graui-  
 mis et maximè necessarijs de causis, postulante Cæsare, petētibz Ger-  
 manis, reliquis assentiētibus principibus Christianis, Tridenti conci-  
 lium & indictum fuit & inchoatum: itaq; nisi publica rursus omniū  
 ordinū authoritas interueniat, aliò transferri non potest. etenim trans-  
 lationis causa nulla fuit, & inuentum fuit aliquid ad excusandum, se-  
 briculæ quedam & aëris uitium scilicet: ad eamq; rem summissi fue-  
 runt medici quidam, inprimis autem ancillæ atq; coci: quàm autem fu-  
 tilis ea fuerit causa, res ipsa docuit & euentus. Dicitis inconsulto &  
 inscio pōtifice uos abiisse: uerū eius ad uos perscriptæ literæ, & da-  
 tum Cæsari responsum, longè diuersum significant. certè discedendū  
 non erat, neq; mutandus locus, nisi de consensu Cæsaris, cui concilio-  
 rum omnium est demandata tutela: uerū ita celeriter abiistis, ut eos  
 qui Cæsare atq; pontificē esse prius consulendos dicebant, reijceretis.  
 Quòd si migrandū erat omnino, seruanda certè erant sacrorum con-  
 ciliorum decreta, & manendum intra fines Germaniæ, ut, de quorum  
 causa præcipuè agebatur, Germani, tutò possent ad conciliū ueni-  
 re: nunc uerò Bononiam delegistis, in medio Italiæ collocatam urbem,  
 & ecclesiæ Romanæ subditam Imperio, quò certum est minimè uen-  
 tuos esse Germanos, & ideo delegistis, ut summo reipublicæ detri-  
 mento & dedecore conciliū aut dissoluatur, aut ad uestrum peraga-  
 tur arbitrium. rogat ergò Cæsar, & maximopere quidem, ut qui lo-  
 cus antè placuit omnibus, ad eum ut redeatur, præsertim, quū omnia  
 sint tuta, pacata, neq; timoris ulla subsit amplius causa: quòd si autem  
 recusabitis, equidē nomine & mandatu Cæsaris, concilij translatio-  
 nem hanc, friuolam & illegitimam, & actionem omnem nullius esse  
 momenti, profiteor: uestrum etiam illud responsum, ineptum esse  
 testificor & plenum figmentis, & quæ sequentur deinceps incommo-  
 da reipublicæ, non Cæsari, sed uobis esse tribuenda, sed neq; uos pote-  
 statem habere concilij transferendi affirmo: & quia publica salus per  
 uos negligitur, Cæsar, ut ecclesiæ protector, eius curā suscipiet, quan-  
 tum et iure licet, et sanctorum patrum legibus est concessum. Quum  
 hæc ille recitasset, scriptā protestationis formulā exhibet, et in acta re-  
 ferri

48 ferri petit. Ibi cardinalis Montanus, de uoluntate patrum grauitè locutus, iniuriam sibi fieri demonstrat, & Deum testificatur, seq; paratos esse dicit mortem oppetere potius, quàm pati tale exemplum in ecclesiam introduci, ut uidelicet magistratus ciuilis pro suo arbitrato concilium cogat: Cæsarem esse quidem ecclesiæ filium, sed non dominum aut magistrum: se uerò, suosq; collegas esse Romanæ sedis legatos, neque iam recusare, quò minus & Dō primū & deinde pontifici suæ legationis rationem reddant: quod reliquum est, fore, ut paucos intra dies ipsorum protestationi respondeatur. In eandem sententiam, eodem ferè tempore, Mendoza, quum à Cæsare uenissent literæ, quibus mandabat uti pergeret, Romæ contestatus est ad pontificem atque cardinales, exterorum regum atque principum adhibitis legatis, uti iussus erat.

LIBER XX.



UPERIORIBVS LIBRIS OSTENDIMUS, quemadmodum Albertus Brandeburgicus in Poloniae regis fidem sese dedit, & Prusicæ reipublicæ formam mutauit, & à Camera sit proscriptus: deinde, quomodo Polonus in Comitibus Imperij, Cæsarem & reliquos ordines non semel sollicitarit, ut, quoniam ille in sua esset clientela, proscriptionē abolerent: cum autem in hunc usq; diem nihil impetratum esset, & in hac Cæsaris uictoria periculum aliquod grauius impendēre uideretur, Polonus hunc ad conuentū legationem mittit, cuius erat princeps Stanislaus Lascus. Is orationem scripto comprehensam, Cæsari, & senatui principum, Ianuario mense tradit: eius hæc erat sententia. Causam Prusicam esse iam aliquoties attam: sed quia semper in alios reiecta sit conuentus, habere se in mandatis, ut rursus illam explicet: regem uerò sperare, quoniam & liberaliter ei sepe responderint, & æquitate causa nitatur, futurum, ut ipsius rationem habeant, non quidē ut iudices, uerū ut principes omni honore & obseruantia digni. Et primò quidem, inquit, de ordine Prutenico sum nonnulli dicturus, ut res plana fiat. Prusicæ bonā partem

Poloniæ  
regis  
legationis  
ratio.



tem huic ordini, quem uulgo Teutonicū uocant, Poloniæ reges ea lege concesserunt, ut in Christiani nominis hostes, eorum uterentur opera: sed illi magna quadam ingratitudine, uiolatis pactis, in suos dominos arma conuerterunt. Itaq; sæpe pugnatum est, sæpe renouata pacta, quæ propter uetustatem nihil attinet cōmemorare: sed illud, quod nostra ferè memoria contigit, referam. Casimirus rex, Sigismundi pater, ingenti prælio superatos, ad pacis conditiones adegit. Tunc inter alia pactum fuit, ut Poloniæ reges in posterum, pro suo magistratu, per fidem & iusiurandum agnoscerent: uerum extiterunt postea quidam eius ordinis magistri, qui discederent à pactis, & in tutelam alienam sese darent. In his fuit Albertus Brandeburgicus, qui quū ex patre teneretur regi auiunculo dare fidem intra semestre, recusauit. Itaq; rex, quantumuis amans pacis, arma necessario sumpsit. Et licet summis copijs nunquam sit dimicatum, populationibus tamen & incendijs & leuioribus prælijs & direptionibus multum damni datū fuit, sic ut Albertus, quum esset inferior, induciarum causa ueniret ad regē. In hoc ipso uerò tempore, auxilio illi uenerunt Germanorum copię: quapropter infecta rē discessit, & bellum redintegrare coepit: sed non multo post, desertus ab illis, quod antea simulauerat, tunc seriò cōstitutus fuit agere, ut pacem impetraret. Ea demum constituta fuit intercessionē quorundam, his legibus, ut regi per iusiurandū fidem daret, & ea faceret omnia, quæ fidelem beneficiarium atq; clientem decent. Certum est igitur, Prusiam, post hominum memoriam, & inde ab eo tempore, quo religione Christiana primū imbuti fuerunt, & iure belli & pactiōibus multis ad Poloniam pertinuisse. nam si qui alij, iuris aliquid in eam sibi uendicarunt, id magistrorum ordinis insolentia factum est & iniuria, qui cū essent, nostrorum quidē regum permissu, origine Germani, sæpe conati sunt Prusiā ad alienos transferre. quæ sanè res, et multarū offensionū inter Germanos atq; Polonos causa fuit, & decretū etiam hoc excitauit, quo proscriptus est Albertus. sed quid iuris habent, ij qui proscripserunt, in clientem alienum? etenim quod in iudicium non uenit citatus à non suis iudicibus, id regis mandatu fecit, in quem omnis est deriuanda culpa, si qua tamen esse potest: sin autem ideò proscriptus est, quia pro magistratu regem agnoscit, id sanè cumprimis est iniquum, poenas uidelicet aliquem cō-

dare,

1548 dare, quòd officium fecerit: ut ergò proscriptionis decretum illud iniustum & illegitimum aboleatur, rex à vobis flagitat, inuictissime Cæsar & ordines amplissimi. Neq; uerò est, ut ambitione quadam & au-gescendi cupiditate regem quis existimet uelle Prusiam suæ ditionis facere: nam qui provincias amplissimas ultrò sibi delatas recusarit, quo modo in huius rei suspicionem ueniat? certè, nō est ei tanti hæc regio, quin facillè sit eam, si posset honestè, neglecturus: cum autè ad ipsius ditionem propriè pertineat, ut sæpe iam demonstratum est, nō potest aliter facere. nam quòd turbæ frequenter & cōtentiones ea de re sunt obortæ, magistrorum id semper factum esse culpa, diximus: & Deus quidè in illorum audaciam ac improbitatem subinde uindicauit. Scituit ista tuus, Cæsar, atq; Ferdinande rex, auus Maximilianus, qui me-mor iniuriarum, quas tum ipse, tum Fridericus pater ab illis acceperat, sanctè promisit Sigismundo regi, quo tempore Viennæ conueni-runt, et promisit quidem tam suo quàm uestro etiam nomine, nullum se daturum auxilium huic ordini. Fecit autem hoc Maximilianus, nō nouo quodam exemplo, sed maiorum secutus uestigia: nam & Sigis-mundus Cæsar cum Ladislao rege, mei principis auo congressus, non edem modò, sed auxilia quoque in illos promisit, & proauus uester, Fridericus Cæsar, cum Casimiro, Sigismundi regis parente, uires & arma coniunxit in Vngariæ regem Matthiam, et hunc, de quo loqui-mur, ordinem, tunc confœderatos. Et quanquam Casimirus, huius or-dinis bello tardatus & impeditus, Friderico Cæsari non posset copias auxiliares mittere, pecuniam tamen suppeditauit, quantam debe-bat ex pacto. Sic ergò planum fit, ordinem istum hostili semper animo fuisse in familiam Austriacam, quæ Poloniæ semper, & fœderum & affinitatum uinculis coniunctissima fuit. cuius quidem rei Sigismun-dus rex haberi rationem à vobis petit. Etenim si qui sunt eius ordinis, qui se putant astrictos, ut fidem et religionē Christianam propugnent, ij sanè, quod agant in Prussia, nihil habent. nam finitimi circum omnes, religionē Christi profitentur: alia sunt igitur petenda loca, ubi sese exerceant. nimirum, aliquot iam sæculis, Hierosolyma tenetur ab hoste barbaro, cuius quidem ad loci defensionē hic ordo dicitur anti-quitus esse institutus: tenetur etiam ab eadem gente, Constantinopolis: hoc opus, hic labor est, aut si nimis id uetustum atq; longinquum esse putatur,



putatur, capta sunt non ita pridem & expugnata multa reipublice 15 4 8  
 Christianæ et firmissima propugnacula: quin eò potius hic ordo pro=  
 ficiscitur, ut uel amissa recuperet, uel ab hoste reliqua defendat: Quòd  
 si bello ciuili magis delectantur, iam quiuis iudicare potest, quàm nò  
 sint eo cognomento digni. sed ita res habet: in hoc ordine semper est  
 desideratus ordo. quapropter etiam non è Prussia tantum, sed è Bohe=  
 mia quoq; centum ab hinc annis et penè quinquaginta fuerunt eiecti:  
 neque tamen ea Bohemiæ loca, unde pulsati sunt, uti publica & uacan=  
 tia quisquam adhuc sibi concedi postulauit: sed sola Polonia uisa est  
 idonea, cui molestia fieret, cum tamen inprimis ei parcendum esset.  
 Nam etsi multos ordo ille offendit, Poloniæ tamen maximas omnium  
 fecit iniurias. etenim, præter paucos aliquot, & hos quidem primos,  
 uix ulli eius ordinis magistri suum fecerunt officium, imò, pleriq; bar=  
 baris neglectis, in magistratū suū, Poloniæ reges, arma conuerterunt,  
 nec id modò, sed Tartaros etiā genus hominū crudele, et nomini Chri=  
 stiano uehementer infestū, sollicitarūt in fœdus, ut de Michaële Coch=  
 mestero memoria proditiū est. Itaq; si quis rationē ineat & conside=  
 rei labores, pericula, sumptus, bella, turbas, prælia, cædes, deuastatio=  
 nes, quibus hic ordo præ cæteris causam dedit, uix illū esse tanti repe=  
 riet. ut autē malorū finis aliquando fiat, rex inprimis optat. nā si quis  
 Alberto Prusiæ duci bellum faciat, non potest omnino rex illius iniu=  
 riam negligere, quoniam & auunculus est & patronus. lactantur, &  
 ad regē perferuntur cōminationes aliquorū: id ei sanè perquàm est au=  
 ditu molestū. amat enim pacē & ociū, maxime uerò concordiam or=  
 bis Christiani: uerū, si quis uim faciat, inuitus quidem ad arma per=  
 trahetur, sed ea tamen arripit, ut se suosq; defendat. Amicitiam ille  
 quum omnium principum, tum uestram inprimis, potentissime Cæ=  
 sar & Ferdinande rex, appetit, eamq; perpetuam esse cupit. Antehac  
 sæpe uos orauit per literas & internuncios, ut in Albertū principem  
 decreta proscriptio tolleretur: id quò minus adhuc factum sit, nò tam  
 uobis, quàm temporū difficultati tribuit. nunc uerò, quum explicatæ  
 sint uobis rationes omnes, et impedimenta sublata, putat potestatem ha=  
 bere uos eius cōficiendi, quod aliquando liberaliter promissis, quan=  
 do non unis literis, uoluntate magis quàm facultate uos esse para=  
 tos ei gratificari, significastis. Quòd si fortè nolit ordo quiescere, sed

1548 turbas atq; bellum excitabit planè uos maiorum uestrorum Maximilianus & Friderici Caesaris pacta seruaturus esse confidit. Alterū, quod in mandatis habeo, pertinet ad Dantiscum & Eluungam urbes. Hæ, quanquam sunt ditionis Poloniæ, tamen ad Imperij conuentus euocantur. petit ergò rex, ne quid in posterum eiusmodi fiat, & quæ præter ipsum nemo quicquam habeat iuris in illos, ut suis legibus uti permittantur. Caesar, ubi de postulatis congruiuit, ad ordines Imperij refert, & Vuolsango Prusiæ magistro dat orationis exemplum. Is Ianuarij die uigesimo tertio lingua populari respōdet, & nonnulla præfatus in hoc, inquit, tota rei controuersia consistit, utrum ditionis Poloniæ Prusia sit, an Imperij: si posterius hoc demonstrauero, facilis erit dijudicatio. sic autem res habet, inuictissime Caesar, potentissime rex, amplissimi principes ac ordines, ut dicam Annis ab hinc serè quadringentis, quum in barbaros, qui nostræ religionis homines per Asiam & Aphricam uehementer affligebant, publicū susciperetur bellum, institutus hic fuit ordo, de quo loquimur, quem & Cæsares munificè locupletarunt, & pontifices confirmarunt. Eius ordinis milites, aliquot annis difficilima bella deinde gesserunt ijs locis, pro re publica Christiana, sed ingenti accepta calamitate, diuersa per loca dissipati fuerunt atq; disiecti. Per idem uerò tempus, Mazouie dux Conradus, grauiter afflictus à Prusijs, qui tum Christi religionis erant hostes, quum sese tueri diutius & ab illis defendere nō posset, primo Romanū pontificē implorabat, ut coelesti & immortalī proposito præmio homines ad arma, sicuti fieri solet, uocaret, deinde, meū hunc ordinem sibi coniunxit, & Culmensē agrum omnem, Prusiæ finitimum, atq; ut magis excitaret, Prusiam omnem dedit occupandam. Eam donationem Fridericus secundus Caesar confirmauit, & ei, qui tum erat, ordinis magistro, Hermannō Salcio permisit, ut Prusijs bellum faceret, & si debellaret, in perpetuum, ea regione potiretur. Fuit hoc anno salutis M. CC. XXVI. Sic adeò meus ordo, Caesaris & pontificum & Imperij principum auxilijs continuato bello per annos ferè Lij. in suam demum potestatem subegit Prusiam, & ad religionē Christianam deduxit, & episcopatibus aliquot atq; collegijs decorauit, arces etiam et urbes in ea construxit, ut esset ijs locis ueluti murus atq; propugnaculum Imperij, & nobilitatis Germanicæ per fugium.

Prusiæ  
magistri  
ad legatū  
Poloniæ  
respōsio.

Origo  
ordinis  
Teutonico-  
rum.



Et ita quidem pars eius regionis in nostra potestate permansit ad annum usq; salutis M. CCCC. L. altera uerò pars ad Albertum usq; Bran-  
deburgicum. Cum deinde Litواني Tartaris coniunctis bellum facerent  
Polonis atq; Mazouijs, nostri milites, professionis et instituti sui me-  
mores, sumptis armis, longè lateq; profligarunt Lituanos, in ipsorum  
ingressi fines. itaq; diuturna pax et amicitia nobis fuit cum Polonis,  
donec Lituaniæ quidam princeps, Poloniæ rex fuit creatus. Is, ut suæ  
gentis cladem atq; dedecus ulcisceretur, bellum nobis repente fecit. et  
adiutus à barbaris, maximum damnum dedit: sed repulsus à nostris,  
et exutus bona suæ ditionis parte, non latam eius belli finem habuit,  
ita quidem ut ad concilium Constantiense querimoniam deferret. In-  
teruenit postea decretum, ut quam belli iure nostri tenebant partem  
Poloniæ, redderent. Ad hanc modum auctus iterum, accepti beneficij  
memoriam deposuit, et bellum redintegrauit, et quasdam ordinis no-  
stri prouincias, Poloniæ ditionis, esse contendebat. Et quanquam in-  
tercessione duorum regum Vngariæ atque Bohemiæ transactum fuit.  
recruduit tamen uulnus, et demum ad Sigismundum Cæsarem delata  
causa fuit, qui priorem transactionem, regum arbitrio factam, com-  
probabat. Sed ne sic quidem Polonus conquieuit, et bellum rursus ex-  
citauit, quod uigesimo quarto post anno Tornij compositum fuit, La-  
dislao, rege. Qui quidem in pacificatione, ille ab omni lite discedit,  
neq; se Prusiæ dominum aut hæredem uocat, et successores omneis  
obligat, ut intra anni tempus, ab initio magistratu, iurent se ratam ha-  
bituros hanc pacem, et ad idem iusiurandum, episcopos ac regni cæ-  
teros ordines adigant, et ut decimo quoq; anno iusiurandum hoc re-  
nouetur. Hoc etiam tunc pactum fuit, si quis Poloniæ rex deinceps  
Prusiæ magistro bellum moueat, ne populus ei parere teneatur uel au-  
xiliari, sed ut pacem perpetuam utriq; colant. Et hæc quidem transac-  
tio circiter ducentis fuit obsignata sigillis, ut demonstrari potest: ne-  
rùm non amplius xiiij. annis ea pax distauit. Nam anno salutis M.  
CCCC. L. populus, facta rebellionē coniurauit aduersus magistrum.  
et licet pontifex atq; Cæsar eos prosciberent, Fridericus tertius, effi-  
cognitionē ille fieri petebat, tamen adeò non destiterunt, ut lxx. circi-  
ter oppida et arces uno die deficerent. Huic illorum coniurationi Po-  
loniæ rex Casimirus, Sigismundi pater, sese coniunxit, et nos in ea re-

1543 degit angustias, ut qui tum erat ordinis magister, Ludouicus Erlinsus, presentis periculi metu coactus, qui uel in constantissimum uirum cadat, ut & prouinciam retineret, et saluus ipse in prouincia esse posset, iniquissimis conditionibus cum eo transegerit, nulla uel pontificis uel Caesaris uel Imperij ordinū interueniente auctoritate. Huius autē pacis hæ sunt leges inter alia, ut Prusie magistri deinceps, intra sextum mensem ab inuito magistratu, Poloniæ regē adeant, & per iurandum pro domino agnoscant, eiq; ferant opem in quoscunq; Polonos quoq; recipiant in ordinem non minus quā Germanos, & ad præfecturas etiam admittant, & quas deinceps acquirerent facultates, eas ad Poloniæ regum clientelam deferant. Hæ uidelicet conditiones non solum ad priuatum ordinis mei, sed ad publicum etiam Imperij et nobilitatis Germaniæ detrimentum atq; dedecus pertinent. itaq; fuerunt ab eo tempore magistri, qui perspecta rei iniquitate, graues ea de re querimonias habuerunt ad pontificem atque Caesares, uerū tamen coacti iurarunt. Et Prusia quidem in Imperij clientela permansit ad Fridericum usq; Saxonem & Albertum Brandeburgicum, ordinis magistros. nam ij fidem Poloniæ regibus dare noluerunt, eo quod neque pontifex neq; Caesar transactionem illam Casimiri comprobassent, et quod anno M. D. Maximilianus Caesar in comitijs Augustæ. facto decreto, iusserat fidem Imperio tantum præstari. Cumq; deinde minuentæ controuersie causa, diem Maximilianus indixisset Passauij, quod fuit anno M. D. X. missis eo legatis, nihil omnino confici potuit: unde postremum illud est insectum bellum. sed & Albertus ipse Noribergæ fuit in comitijs ante annum uigesimum quartum, & ut Imperij princeps locum habuit inter alios, & decretum ibi factum ob signauit. planum igitur est, neque Poloniæ regem habere quicquam iuris in Prusiam, nec Alberto licuisse, in illius sese dare fidem atque clientelam. Iam uerò, quod ordinem meum legatus insectatur ob ingratitude[m] & uiolata pacta, facit in eo nobis iniuriam, & literarum monumentis doceri potest, uix unquam à regibus Poloniæ nobis seruata[m] esse fidem. An ullæ sunt unquam uisæ literæ, pluribus ob signatæ sigillis, quā ille, quibus cum rege Ladislao transactum fuit: an ulla potuisset amplior interuenire cautio? Et tamen perruptis literis atq; sigillis redintegratum in nos fuit bellum, hanc scilicet gra-



tiam nobis retulerunt ob restitutam ipsis Sarmatiam & bonam Lituanie partem. Superioris memoriae Cæsares aliquot nominat, & offensos ordini meo fuisse dicit: sed longè res aliter habet. nam Sigismundus, non modò litem diremit, & secundum nos iudicauit, ut paulò super dictum est, uerùm etiam auxilia nobis in hostem subministravit: deinde, Fridericus, quo tempore populus rebellionem fecit, ut antè recitauimus, & amorem nobis omnè præstitit, & coniuratores proscripsit, & Imperij conuentus hanc ob causam egit Noribergæ, quibus incomitis auxilia quoq; nobis decreta fuerunt. Maximiliani consimilis fuit uoluntas atq; studium. nam neq; iurare nos Polono uoluit, & tum suo, tum Imperij nomine crebras idcirco literas ad Sigismundū regem dedit, & decretū tunc fecit, nobis honorificum. Pergit orator, & facit nobis etiam illudit, & cur Hierosolymam, idq; genus alia loca non recuperemus, interrogat. Equidē nō sum ita rerū imperitus, quin multa possim in eum retorquere: sed propter hunc amplissimū confessum mihi temperabo, et hoc solū inuicē ex eo quaeram, primum, cur Polonia rex non recuperet ea, quæ Moscouiæ princeps illi superioribus aliquot annis ademisse quæ sanè magnitudine sua totam ferè Prusiam aequant: deinde, cur in hac tanta fortuna non defendat suos fines ab illis quotidianis Tartarorum incurSIONIBUS: nimirum, hæ sunt uiolatæ fidei pœne. Nostros ait tota Bohemia quondam esse pulsos: id cur dicat, non uideo, nisi ut per exemplum ostendat, ipsis quoque licere, spoliare nos bonis, & exuere possessionibus. Nam eius temporis clades non solū ad nostrum ordinem peruenit, sed omnem quoq; Bohemiam peruasit, & in eos potissimum, qui priscam religionem sequerentur, exundauit, quando uidelicet ob Hussicum dogma graues ibi fuerunt excitati motus. Bella quidem gessit meus ordo cum Poloniæ regibus, fateor: quòd uerò causam ullius belli dederit, constanter negonec enim unquam arma sumpsit, nisi iuris uel defendendi uel repetendi sui causa. Cū Tartaris ait nos iniisse sœdus: hoc in ipsos uerè dici potest: cōstat enim, quomodo sint auxilijs illorū usi contra Christianæ professionis homines: deinde, situs ipse regionis facillè docere potest, utrū nobis an ipsis opportuni sint magis atq; finitimi Tartari. Quod postremo loco dicit de Dantisco et Eluinga, prorsus nulla ratione nititur: nam utraq; ciuitas est nostræ ditionis, et ad Imperiū Germanicū

1548 pertinent, nec aliud ibi ius habet Polonus, quàm quod ciuium defectio-  
ne atq; perfidia consecutus est, sicut multis documentis ostendi potest.  
Quæ cum ita sint, inuictissime Cæsar, potentissime rex, amplissimi or-  
dines, ut quæ iam pridem est lata sententia, in executionem ueniat, ob-  
testor. hoc enim à uobis impetrare debent et æquitas causæ, et impe-  
rij dignitas, et status religionis, et Germanicæ nobilitatis honos pa-  
riter ac emolumentum. Poloniæ legatus aduersarium quidē scriptum  
parauit, sed non exhibuit: nam utriusq; rationibus auditis, delecti sue-  
runt ex omni numero qui cognoscerent. horum summa deliberatio-  
nis erat, sententiam in Albertum pronunciatam, esse tuendam: sed ta-  
mē, quoniam executionis permagnam esse difficultatem uidebant, ad

Sigismū-  
di Polo-  
niæ regis  
mors.

Pontifi-  
cis ad le-  
garū Cæ-  
saris res-  
ponsio.

Cæsarem omnia reiiciunt. Sigismundus rex, aliquantō post, mortem  
obiit, etate grauis, quum regnasset annos xliij. patre fuit natus Casimi-  
ro, sicut dictum est. fratres habuit treis. ex ijs Ladislaus, Vngariæ rex  
fuit atq; Bohemiæ. pater Ludouici regis et Annæ Ioannes Albertus,  
et Alexander, quum ordine regnassent à patre Casimiro, non relictis  
liberis, ad natum minimum fratrem Sigismundum rei summam transmi-  
serunt. huic successit eiusdem nominis filius, Ferdinandi Romanorum  
regis gener. De Mendoza diximus libro superiori, quemadmodum  
Romæ sit de concilio protestatus. Ad hæc pontifex, calendis deinde  
Februarij, coactio senatu cardinalium illi respondēs, quum iniunctum  
tibi diceres à Cæsare, ut de concilio protestationem interponeres, ma-  
gnū, inquit, dolorem nobis omnibus attulisti, Mendoza: postea uerò  
quàm mandati literas diligentius expendimus, denuò recreati sumus.  
et primò quidem de causâ mœroris dicam. Nimirum, protestandi ge-  
nus illud est mali res exempli, et ab ijs potissimum usurpata, qui uel  
prorsus ab obedientia discesserunt, uel in ea cœperunt uacillare. Do-  
luit ergo mihi cum primis, qui paterno semper amore Cæsare sum pro-  
secutus, et ut ecclesiæ pastorem decet, concordie semper studui. tantò  
magis autem et mihi et collegio cardinaliū doluit, quò minus in hoc  
tempore aliquid eiusmodi fuit expectatum. Bellum enim Cæsar gessit  
cum suis et ecclesiæ hostibus, et gessit meis adiutus copijs. Et quan-  
tum tu leuiter hoc æstimare Mendoza uideris, tamen summi benefi-  
cij loco debet haberi. nam et permagna fuerunt auxilia, quæ dedi, sic  
ut etiam erarij sacri facultates atq; uires exceßerint, et opportuni si-



mo tempore collata fuerūt. quid igitur minus expectari potuit, quam  
ut parta uictoria, & recenti quidem, talem fructum pietatis atq; bene  
uolentis Caesar mihi redderet? nempe, ut eius belli finis, initium esset  
aduersus me protestandi. Planè mihi usū uenit quod propheta queri-  
tur, ut collecturus uinas, inueniam labruscas. Inde à suscepto pontifica-  
tu, Cæsarem, ueluti nobilissimam aliquam plantam, summo studio co-  
lui, ut copiosam aliquandò uindemiam facerem: sed hoc eius institutu,  
omnem prope spem fructus mihi tollit. Habes causam mceroris:  
nunc accipe, quomodo simus eo leuati. Tu, quasi facultas tibi data es-  
set, contra me & sacrum hoc collegium protestandi, sic usus es illa, nec  
honorifica nobis, neq; sanè digna Cæsare: sed in literis mandati, nullū  
est uerbum, quod Cæsaris eam fuisse uoluntatem ostendat, ut ad hunc  
modum ageres: nullum inquam est uerbum, ut melius intelligas, quod  
eius rei potestatem tibi faciat. Suis Bononiæ procuratoribus mandat  
Cæsar, ut coram nostris tibi legatis, qui concilij locum mutauerunt, ita  
protestentur: id ubi tu factum esse comperisti, prorsus eadem hic apud  
nos uti uoluisti protestandi formula: sed in eo fines prætergressus es  
mandati. Si quidem hoc antè non deprehendisti Mendoza, nunc tan-  
dem admonitus recognosce. Mandat enim Cæsar, non, ut aduersum  
nos, uerum, ut coram hoc nostro cœtu, contra legatos, migrationis au-  
thores, contesteris. Itaq; modestissimi principis officium Cæsar in eo  
fecit, qui intra fines illos atq; cancellos constitit, & coram me testifica-  
tionem illam fieri uoluit, quem totius negocij legitimum & unicum  
iudicem esse nouit. Etenim, si causæ cognitionem suscipere recusa-  
sem, tunc demum erat futurus ei protestationi locus. Tu uerò, non e-  
am, quam oportuit, rationem ingressus, ut de causa cognoscerem, mi-  
nimè petiisti, sed præiudicio quodam usus, ut decretum de transferen-  
do concilio factum rescinderem, & ut patrum maximam partem ce-  
dere iuberem paucis aliquot, qui Tridenti manserunt, postulasti. qua  
quidem re quid magis auctoritatem omnem eneuare concilij possit?  
An non multò fuisset æquius, ut, qui non magno sunt numero Triden-  
ti, si quam habebant de reliquis, qui Bononiæ sunt, patribus, queri-  
monie causam, eam ad me deferrent? equidem nec illorum tunc po-  
stulata repudiasset, & ne nunc quidem reiicere uelim. Cùm ergò  
Cæsaris uoluntatem minimè cum uo facto congruere certum sit, est

1548 quod Deo gratias agamus, qui mentem illius ad hunc modum regit: est quod nobis gratulemur, est quod ipse principis tui causa tibi gaudeas. Et quanquā hoc ipso, quod iam explicauimus, actionis tue fundamentum corrui, ita quidem, ut ad contestationem tuam nihil sit opus respondere, tamen, ne silentio uidear agnoscere tuas criminationes, eaq; re multos offendam, imperitiores praesertim, refutabo singula. Et primò quidem, hunc tibi scopum proposuisse uideris, ut me negligentem esse, & tergiuersari, & afferre moram, ne concilium habeatur, Caesarem uerò, de republica sollicitum, & uigilantem & diligentem, & in hoc totum esse, ut concilium cogatur, demonstres. Equidem laudibus Caesaris nec inuideo, neq; sanè debeo: & si quidem in eo constitisses, non erat quod responderem: sed quia sic illum extollis, ut me deprimas, ita celebras, ut me quodammodo contemptibile facias, dum illum non à me tantum, sed à maioribus etiam meis, pontificibus Romanis concilium flagitasse dicis: ipsa res postulat, ut ad ea tibi respondeam. Itaq; si Caesaris ea semper mens fuit & hoc desiderium, ut perageretur concilium, fuit hoc mihi cum eo commune: deinde, sicut etate praecedo, sic etiam ante ipsum, hoc expetiui, quod amplissimi cardinales docere possunt, illi, qui tum erant huius collegij. Creatus uerò pontifex, in eadem uoluntate permansi, & uel minimam adeptus occasionem, concilium indixi, Mantua primum, postea Vicentiae: sed illuc propè nulli, huc pauci quidam uenerunt: & legati, quos miseram, per semestre tempus ibi reliquos expectarunt episcopos, à me conuocatos, literis atq; nuncijs in omnes partes dimisis. Eas autem urbes minimè aptas fuisse dicis, quò diuersarum nationum homines conuenirent, & Tridentum esse dicis idoneum. Atqui, nemo est, qui nesciat, non posse cum illis conferri Tridentum, siue magnitudo, siue rerum omnium spectetur copia. Non igitur incommoditas loci fuit impedimento, sed bella principum. Iam mihi uide, uter hac in parte fuerit ardentior: ipse ne Caesar, qui bellicis motibus concilium impediuit, an uerò pontifex, qui semper pacis author fuit & consiliarius, qui nulli principi suam operam addixit, praeterquam uni Caesari, & quidem eo in bello, quod peragendo concilio uiam munire uidebatur? An coactus bella Caesar gesserit, & inuitus eo sit pertractus, non disputo: sed bellis constat retardatum fuisse concilij progressum.



gressum. Non libenter ad hanc comparationem descendo, quia de lau- 1 5 4 8  
 de pietatis est contentio. quæ quidem omnis est tribuenda Deo, sed tu  
 causam dedisti Mendozæ. Non agam autem pluribus, & te solum mo-  
 nebo, ut singulos mei pontificatus annos tecum exigas, & quæ nostra  
 sollicitudo, quod studium interuenerit, animaduertas. Nimirum hæc  
 duo semper mihi proposita fuerunt, ut principes pacificarem & con-  
 cilium cogerem, in eoq; nulli sumptui, nulli meo labori peperi, quan-  
 tūnis ætate grauis. sed neque tu quicquam eorum reprehendis, quæ  
 concilium antecesserunt, & legatos tantum incusas, quod me nescio.  
 Bononiam commigrarint: deinde & illud te offendit, quod patrum  
 congregationem Bononiæ, concilium uoco, & illis qui sunt Tridenti,  
 putas hoc ipso fieri iniuriam. Sed quid in eo est mali? sic enim o-  
 mnes loquuntur, concilium esse Tridento translātū Bononiam. Qua-  
 re, si iusti iudicis officium facere uelim, non possum non ita uocare,  
 donec aliter mihi confiterit per contrarias probationes, præsertim,  
 quum maxima pars episcoporum unā cum legatis nostris eò se contu-  
 lerit, nec enim minor pars, ut tu confirmas, sed maior, in re dubia de-  
 bet haberi sanior. Et certum est, in potestate esse concilij, ut aliò mi-  
 gret: sed an legitimè translātum sit, quod quidem in controuersiam  
 uenit, eius rei iudicium ad me delatum, mihi reseruo, atque interim  
 concilij nomen illi cœtui tribuo. Sed eos, qui migrationis fuerunt au-  
 thores, mihi esse deuinctos ais. tūc hoc reprehensione dignum pu-  
 tas? Laudas igitur eos, qui Tridenti manserunt, quod à me sint alie-  
 ni. Quid autem in eo sit periculi, considera. nam solent ex care  
 nasci dissidia & simultates, ecclesiæ ualde perniciose, quum à pon-  
 tificis obseruantia se subducunt episcopi. Quod si per addictos uis  
 intelligi factiosos, qui meas partes, quo iure quāue iniuria defendant:  
 equidem tales non agnosco. Nec enim ullæ meæ sunt priuata partes  
 aliæ, quàm quæ sunt patris erga filios, et pastoris erga gregē. neq; ue-  
 rò accidit adhuc in concilio talis controuersia, ut eiusmodi deuotis &  
 addictis opus haberem: sed ab episcopis hoc in primis requiro, ut con-  
 scientiæ libertati consulant, et discedentibus à me legatis ad synodum,  
 inter alia diligenter hoc etiam atq; etiam iniunxi, darent operam, ne  
 patres ullam haberent causam, de adempta sibi libertate in dicendis  
 sententijs, conquerendi. Crimini das etiam, quod nullis neq; Cæsaris

1548 neq; regis neq; ordinum Imperij precibus mihi persuaderi patiar, ut  
 patres Tridentum redeant, ex eoq; colligis, Germaniæ salutem mihi  
 nequaquam esse curæ: præsertim, quum Cæsar maximo labore ac mo-  
 lestia perfecerit, ut qui iam pridem ab ecclesia discesserant, concilij de-  
 creta non recusent, modò Tridenti continuetur. Equidem definitis  
 uerbis nunquam recusavi, quò minus Tridentum redeatur, modò id  
 legitime fiat, & sine reliquarum nationum offensione. Quàm uero  
 sim cupidus Germaniæ salutis, ex eo perspicuum est, quòd iam bis eò  
 concilium conuocaui, bis misi legatos, qui cùm in prima legatione,  
 per septem menses, Germanorum aduentum inprimis expectassent,  
 Parisius, Moronus, Polus, cardinales, scis ipse tu, nullos tunc uenisse.  
 Cæsaris quidem nomine uenit eò Granuellanus, & episcopus Atreba-  
 tensis, & tute Mendoza, & testificari potestis, quanta fuerit nostro-  
 rum hominum in expectanda patientia. Quis autem fuit exitus? ne  
 uos quidem ipsi mansistis: & quanquam legati mei uos orabant, ut sal-  
 tem è tribus remaneret unus, quod ad exemplum ea res pertineret, ta-  
 men illata quadam excusatione, non multos post dies abiistis. Biennio  
 deinde pòst, tempore uidelicet commodiori, rursus ibi conuentum est,  
 & à nobis missi legati, Montanus, Cruceius, Polus, cardinales. Eò tu  
 quoq; uenisti, & Franciscus Toletanus. Recordaris autem, quàm lon-  
 ga fuerit expectatio, quot menses penè frustra consumpti sint, ante-  
 quam actionis fieret initium. Vbi uerò iam ad rem uentum esset, ac  
 multa fierent, eaq; salutaria decreta, scis, quàm pauci uenerint eorum,  
 qui medicina cum primis indigebant. Ex episcopis quidem nulli uene-  
 runt: pauci quidam mittebant procuratores: breuiter, nulla pror-  
 sus apparebant signa, quæ spem facerent, fore, ut medicinam admit-  
 terent. & quum ex Hispanijs, Gallijs, Italia, & remotioribus prouin-  
 cijs multi confluerent, è sola Germaniâ, quæ prorsus est finitima,  
 uex ullus accessit. Sed alium nunc esse statum temporis, & Cæsarem,  
 cuius aucta nunc potentia sit & auctoritas, hoc in se recipere dicis,  
 ut, si Tridentum redeatur, Germani omnes concilij decreta sequan-  
 tur. Cedò, Mendoza, si uerum est quod ais, & si Germani sunt eius  
 uoluntatis, cur non simpliciter concilio se submitunt, ubicunque sit  
 illud? Nolim autem istud sic accipi, quasi magnopere laborem, quo  
 loco peragatur synodus: uerum tu Tridento sic inheres, ut, nisi  
 quo



quo loco inchoatum est, eo perficiatur etiam, de salute Germaniæ a- 1 3 48  
 etum esse dicas. Vide autem quid agas. nam dum ad unius oppidi mœ-  
 nia nos astringis, iniuriam spiritui sancto facis. Hierosolymam Deus  
 olim constituit, ueluti locum peculiarem, in quo coleretur: sic tunc ei  
 uisum fuit: sublatis autem ceremonijs & umbra legis, posteaquam iu-  
 sitia sol esset, seruator noster Christus, omnibus in locis uoluit ado-  
 rari. seruitutem ergò nouam introducis, quando locum tantò pere ur-  
 ges. Atqui, cum Germania sananda sit, opus est, ut in ea cōuentus fiat.  
 Quid ergo, si Dani, si Gothi, si Britanni tenentur iisdem morbis? an  
 singulis generale concilium intra fines ipsorum dabitur? non ita res  
 habet: & in cogendis concilijs, non eorum, quibus præscribuntur le-  
 ges, habetur ratio, sed eorum, qui decreta faciunt & præscribunt. hi  
 uerò sunt episcopi, cæteriꝫ patres, quorum cōmoditati maximè con-  
 sultur. Multis enim documentis ostendi potest, extra prouincias, ubi  
 nate fuerant hæreses, habita sæpe fuisse concilia. Quid? ualdene sit  
 iniquum, si Germani hoc sibi sumant, ut quo uelint ipsi loco, publicè  
 conueniatur, & reliquis populis eripiatur eligendi ius atq; libertas?  
 hæc eò pertinent, ut illa tam acri protestatione nihil opus fuisse uide-  
 as: sed nunc ad cætera decurro. Responsum, quod Cæsari dedimus, ais  
 esse illegitimum & plenum figmentis, nec ulla ratione uel iure substi-  
 stere. parum quidē ista modeste: & iniuriam facis, & quia rationem  
 nullam adfers, non possum tibi distinctè respondere: uerūntamen, su-  
 spicor tibi esse molestū, quòd postulamus, ut rata sint decreta, ut ido-  
 neè caueatur uenturis ad synodum, ut is agendi modus & ordo reti-  
 neatur, qui iam inde ab apostolorū ætate ad hoc usq; tempus in eccle-  
 sia permansit, ut deniq; cōuentus sit expeditus. In his autē postulatis  
 nihil est noui, nihil iniqui, et solent ista nō tam pontificum, quàm Cæ-  
 sarum legibus caueri. iam, quòd ais, fore, ut quicquid deinceps incom-  
 modi nascetur, id mihi Cæsar attribuat, & simul in hac mea negli-  
 gentia, curam ecclesiæ suscipiat: equidem, quantum per Dei gratiam  
 licebit, non committam, ut in rebus ecclesiæ negligens meritò uideri  
 possim: uerūntamen, si ita contingat, quæ hominum est imbecillitas,  
 non egre feram, si mea negligentia, Cæsaris excitare possit & acuere  
 diligentiam, ut ecclesiæ subueniat, modò tamen intra eos cancellos  
 consistat, quos tu illi circundas, nimirum, ut iuris formulam & san-

48 *et* *§* *4* *8* *et* *orum* *patrū* *leges* *et* *orbis* *consensum* *in* *eo* *sequatur* *quod* *si* *faciat* *;*  
*nihil* *dubito* *quin* *utriusq;* *functio* *licet* *diuersa* *et* *distincta* *sit* *ecclesie*  
*futura* *salutaris* *.* *Postremo* *quod* *ad* *illud* *tue* *protestationis* *caput* *at-*  
*tinet* *ubi* *migrationem* *concilij* *illegitimam* *esse* *contendis* *:* *quoniam*  
*in* *eo* *summa* *controuersie* *pendet* *cognitionem* *eius* *pro* *ea* *potestate* *;*  
*qua* *fungor* *mihi* *uendico* *eamq;* *uiris* *amplissimis* *Parisis* *Burgensi* *;*  
*Polo* *Crescentio* *cardinalibus* *committo* *et* *interea* *dum* *illi* *cogno-*  
*scunt* *ne* *quis* *omnium* *in* *contrarium* *aliquid* *moliatur* *edico* *simul*  
*patribus* *tam* *ijs* *qui* *Bononie* *quā* *qui* *sunt* *Tridenti* *mando* *ut* *si*  
*quid* *hac* *de* *re* *uelint* *in* *medium* *adferre* *faciant* *hoc* *intra* *mensē* *.* *Et*  
*ne* *ulla* *ex* *parte* *uidear* *deesse* *Germanie* *legatos* *eō* *mittere* *non* *recu-*  
*so* *qui* *eorum* *populorum* *infirmi* *tati* *medeantur* *si* *quidem* *hoc* *ipsis*  
*atq;* *Cesari* *non* *in* *gratū* *esse* *cognouero* *.* *Præterea* *si* *finito* *iudicio* *pa-*  
*rebit* *non* *rectē* *migratū* *esse* *Bononiam* *omni* *ratione* *curabo* *ut* *Tri-*  
*denti* *continuetur* *synodus* *et* *ut* *paucis* *dicam* *nihil* *non* *faciam* *quō*  
*tandem* *Germanie* *pristina* *religio* *restituatur* *.* *Cardinalis* *Tridentinus*  
*iam* *antē* *redierat* *Augustam* *uti* *diximus* *cū* *ergō* *Cæsar* *eius* *audito*  
*sermone* *et* *Mendozæ* *quoq;* *litteris* *acceptis* *Romæ* *datis* *ad* *exitum*  
*Decembris* *concilij* *spem* *exiguam* *esse* *uideret* *xliij* *Ianuarij* *die* *rem*  
*ad* *ordines* *desert* *et* *quomodo* *se* *res* *habeat* *exponit* *seq;* *legato* *suo*  
*Mendozæ* *nunciasse* *dicit* *ut* *de* *concilij* *translatione* *Romæ* *conteste-*  
*tur* *id* *ubi* *factum* *erit* *se* *daturum* *ipsis* *exemplum* *ut* *exscribant* *et*  
*quanquam* *concilij* *spes* *non* *planē* *sit* *abijcienda* *tamen* *quoniam* *a-*  
*liquantō* *longior* *mora* *interponatur* *uideri* *sibi* *neceſſe* *cumprimis* *;*  
*ut* *interim* *ratio* *quæpiam* *inueniatur* *quæ* *ad* *Germanie* *pacē* *conſe-*  
*rat* *sibi* *quidem* *esse* *ab* *ipsis* *curam* *huius* *rei* *permissam* *sed* *utile* *sibi*  
*uideri* *ut* *ex* *omni* *numero* *pauci* *quidam* *deligantur* *uiri* *boni* *et* *do-*  
*cti* *qui* *negociū* *tractent* *se* *quoq;* *daturū* *esse* *nōnullos* *qui* *simul* *con-*  
*sulant* *petere* *igitur* *ut* *huc* *incumbant* *et* *omni* *deposito* *affectu* *co-*  
*gitent* *quanti* *et* *reipublicæ* *et* *cuiusq;* *priuatim* *interſit* *aliquam* *ſie-*  
*ri* *conciliationē* *cogitent* *ante* *diſidium* *hoc* *Germaniā* *ſuiſſe* *regio-*  
*num* *omniū* *longē* *ſtudentiſſimam* *et* *uelut* *exemplar* *in* *quod* *omnes*  
*populi* *reſpicerent* *cogitent* *præterea* *quod* *tantum* *ipſe* *laboris* *atq;*  
*moleſtiæ* *ſumpſerit* *ut* *Tridenti* *concilium* *continuetur* *id* *officij* *cau-*  
*ſa* *et* *ſingulari* *charitate* *in* *patriam* *esse* *factum* *.* *Delecti* *sunt* *igitur*  
*nonnulli* *;*

Cæſaris  
 relatio  
 ad ordi-  
 nes.



nonnulli, qui rem agerent: sed quum inter hos minimè conueniret, 1 5 4 8  
 Cæsari causa tota permittitur. Itaq; negocium fuit datum nonnul-  
 lis, ut & doctrinæ & ceremoniarum & emendationis ecclesiasticæ  
 capita conscriberent. hi erant Iulius Phluginus episcopus Numburgi-  
 cus, Michaël Sidonius, Ioannes Islebius Agricola, qui ante annos duo  
 deuinginti, Saxonice doctrinæ confessionem unā cum Melancthone  
 & Brentio defenderat, sicut libro septimo diximus. hi ergò de dogma-  
 tis librum conscribunt, sed admodum arcanè, & quum diu multumq;  
 tractassent, & crebrò sub incudem reuocassent, Cæsari demum exhibe-  
 bent, ut postea dicemus. Elector Brandeburgicus, Ioachimus, qui con-  
 ciliationi ualde studebat, cōmunicato concilio cum Iacobo Sturmio,  
 & datis ad senatum Argentinensem literis, orabat, uti religionis gra-  
 tia Bucerum ad se mitterent: nam detrectante concilium pontifice, Cæ-  
 sarem aliam instituisse rationem, et magnam esse spem emendationis.  
 Mittitur itaq; Bucerus, qui sub exitum Ianuarij silentio profectus,  
 non procul ab Augusta substitit, donec princeps accerferet. Quomo-  
 do Britanni maximo prælio Scotos deuicerint, libro superiori dixi-  
 mus: cum autem de proposito nihil Scoti remitterent, & Gallie regis  
 pollicitationibus niterentur, Angliæ protector Somersetus, & reliqui  
 consiliarij, scripto ualde prolixo, quinta die Februarij, ad pacem il-  
 los hortati, quanquam, aiunt, res ipsa postulabat, ut à uobis, qui &  
 causa & defensione estis inferiores, initium fieret, etsi uestris in fini-  
 bus & agris longè lateque rerum potimur, committere tamen non  
 possumus, quin uestre salutis uos commoneamus. Ante prælium an-  
 ni superioris, ad pacem & amicitiam uos inuitauimus, & quid no-  
 stre uoluntatis esset, ostendimus, sed fuit illud scriptum à uestris duci-  
 bus & regni præfecto suppressum, neque uobis redditum. nam hi,  
 modò bene sit ipsis, minime solliciti sunt quid uobis fiat. itaque, si  
 nunc eadem utentur arte, neq; uos de uoluntate consilioq; nostro do-  
 ceri patientur, palàm hoc scripto profitemur, nihil à uobis esse præ-  
 termissum officij. Multa sæpe bella gesserunt Angli cum Scotis, & a-  
 sperrima quidem: neque dubium est, qui legunt historias, uel de rebus  
 gestis audiunt, quin ualde mirentur, eiusdem regionis & linguae popu-  
 los, tam atrociter inter se dissidere, et optatissimum esse ducant, si qua  
 ratione insula tota coalescat, & uno regatur imperio: sed eius rei  
 nullam

Aucto-  
res libri  
Interim.

Bucerus  
Argento-  
raro no-  
catus.

Anglorū  
scriptum  
ad Sco-  
tos.

1548 nullam inueniri posse uiam expeditiorem, quàm per matrimonium,  
 fatentur omnes. Hanc uerò uiam, Deus, uestri misertus, uobis ostēdit,  
 & pulcherrimam occasionē uelut in sinum dedit. Rex uester, quum  
 uiolata fide prælium aduersum fecisset, paulò post è uita decessit, seu  
 mœrore, seu quauis alia de causa. Tres huic erant liberi, duo mares,  
 atq; filia: & illi quidem, quò minus coagmentatio fieret inter nos, po-  
 terant obstarē: sed utrunq; sustulit Deus eodem ferè die, quum essent  
 infantes, & haredē unicam uobis reliquit filiolar, natam paulò ante  
 mortē parentis: nobis uerò summæ regem expectationis dedit, Eduar-  
 dum, Henrici filium ac haredem. Quid? an non paratum uidetis per-  
 petuæ & immortalis inter nos amicitie uinculum? sepe quidē optata  
 fuit, sed octingētis ab hinc annis nulla sese talis obtulit occasio. Ne illi  
 quidem, qui pacem apud uos impediunt, hoc inficiari possunt: sed hac  
 ratione uelle nos aiunt comparare nobis dominatum, uobis autem ser-  
 uitutem: id autē ante annum missis ad uos literis abundè refutauimus,  
 & nunc Deum testificamur, regis hanc esse mentem, ut arcuissima fiat  
 inter nos necessitudo. Si recusabitis, & nos ad arma rursus excitabi-  
 tis uestra pertinacia, cedò, in quem communium malorum causa con-  
 feretur? Haredem regni uestri puellam, regi nostro spondestis, fre-  
 quentissimo senatu: sunt eius rei confecta literarum monumenta, pu-  
 blico regni sigillo confirmata: interuenerunt plurimæ grauissimæq;  
 cautiones, & placuit esse dandos obsides, donec ad iustam ætatem am-  
 bo peruenissent: hæ uestre literæ sunt in nostris manibus, & testimo-  
 nium perpetuum dicunt: hisce rebus omnibus non interfuit modò, sed  
 præfuit etiam Arraniæ Comes Hameltonius, regni uestri gubernator:  
 sed idē, posteaquam Cardinalis Andreanus, & alij quidam ecclesiasti-  
 ci procures terrorē illi atq; metum adferrent, & spem magnam osten-  
 derent, discessit à pactis, fidemq; uiolauit. In hunc sanē, quicquid in-  
 terea uobis accidit malorū, omnis est deriuanda culpa: quòd tam mul-  
 tæ sunt ablatae uobis arces atq; castella, quòd commisso prælio tot mil-  
 lia desideratis, quòd eousq; sumus in uestrū agrū progressi, huic est in-  
 primis tribuendum. Sed quem finem demum expectatis huius & ob-  
 sinationis et perfidie? Victores pacem uobis deferimus: bonam regni  
 uestri partem tenemus, & Angliam uobis communicamus: id quod  
 uictis ignominie loco solet imponi, ut quum inferuntur populo ui-  
 ctori,



ſtori, ſuæ nationis nomen abijciant & amittant, id nos ultrò uobis lar-  
 gimur, nec antiquum illud recusamus & utriſq; cōmune nomen Bri-  
 tannorum recipere. Quid eſt per Deum immortalem, quod amplius  
 à nobis præſtari poſſit? nōne ſic iudicabunt omnes, iuſtam nobis eſſe  
 cauſam armorum, ubi tam liberales, tam æquas & honeſtas conditio-  
 nes nullum apud uos locum habuiſſe cognoſcent? patefacimus uobis  
 omneis aditus ad noſtram amicitiam, & reginam ueſtram non regno  
 pellimus, ſed Angliæ uolumus illam cum filia præficere: deinde, non  
 cogitamus antiquare ueſtras leges: nam & Anglia & Gallia & Cæſa-  
 ris quoq; provinciæ diuerſis utuntur legibus. Qui pacē impedire ſtu-  
 dent, eiufmodi uobis terrores adferunt: ſed hi ſuis tantum commodis  
 & cupiditati conſulunt, non ueſtræ ſaluti. Vos autem oculos & ani-  
 mum ab illis auertite, & reipublicæ ueſtræ ſtatum ipſi perpendite.  
 puellam habetis heredem regni: huic certè nubendum erit aliquando.  
 Nubet igitur aut alicui ueſtræ gentis, aut externo cuiſpiam principi. ſi  
 domi, nihilo tamen ſecius integrum nobis ius noſtrum manet, & ci-  
 uiles turbas ac inuidiam ea res excitabit: ſi foris aliquem aſſumetis, et  
 nos habebitis hoſtes perpetuos, & alienæ nationi miſerrimam ſerue-  
 tis ſeruitutem. Erunt uobis è longinquo petenda auxilia, & quæ mit-  
 tentur copiæ, dici nō poteſt, quantum uobis damni dabunt, & quā  
 ſuperbè uobiſcum & insolenter agent. hoc enim erit eis perſuaſum,  
 ipſorū præſidio atq; tutela ueſtram ſalutem omnem contineri. Quid?  
 reginam ipſam & principem uobis eripient, & quò uolent, tranſpor-  
 tabunt, & ſi bellum ipſis alicunde moueatur, quod fieri poteſt, in hoc  
 erunt toti, ut ſe ſuāq; defendant, uos autem negligēt, & nobis in præ-  
 dam relinquent. Quòd ſi fortè nō militem ſed duces tantum mittant:  
 hi uobis præſcribent & imperabunt, & ſi quid rectè geretur, omnem  
 ſunt habiuri gloriam: ſi qua uerò clades accipiat, in uos omnis ex-  
 undabit tempeſtas, qui uitam & ſanguinem profunditis. Quid etiam  
 periculi ſit, externis auxilijs uti, domeſticum exemplum docere uos  
 poteſt. Huius inſulæ populi, Britanni, quondam euocarunt Saxones  
 in auxilium, & poſt ab iſſdem ſunt pulſi patria, & in montes atq; pa-  
 ludes reiecti. Fuerūt aliquando medij inter Anglos atq; Scotos, Piſti,  
 genus hominum acre & bellicoſum. hos quum aliquādiu Scoti de-  
 fendiſſent ab hoſte, ſic tandem oppreſſerunt, ut ne nomen quidē hodie  
 ſuper-

1948 *superfit. An non idem accidit Gallis, quum Francorum, Græcis, non  
 ita pridem & Pannonijs, hac nostra memoria, quum Turcarum ute-  
 rentur auxilijs? Nōne Gothi quondam hac ratione Italiam & Lan-  
 gobardi totam occuparunt Insubriam? Ne uobis adlubeat, si sapitis,  
 experiri militis peregrini fastum & insolentiam: sed infinitam illam  
 malorum turbam nuptijs & affinitate & honorifica pace componi-  
 te, & finitimarum gentium morem atq; exempla uobis in eo propo-  
 nite. Carolus Quintus Cæsar Hispaniam & Burgundiam hac ratio-  
 ne tenet: Britanniam minorem Gallie rex hoc modo sibi comparauit.  
 Idem aliæ quoque gentes faciunt. nam duæ sunt omnino uie, qui-  
 bus bella finiuntur. per uim scilicet atq; uictoriam, aut per connubia.  
 Si uim odistis, cur alterum non admittitis, quod uobis offertur, et quod  
 estis aliquando pacti? Non est nobis incompertum, qui uos à sanis consi-  
 liis abducant. hoc nimirum agunt ecclesiastici quidam, & ipse regni  
 gubernator: sed uidete, ne qui toties fidem uiolant, libertatem uobis  
 omnem perdant, ne largitionibus corrupti, tanquam mercede proditi-  
 tionis, arces uestras & propugnacula tradant externis. Quod cum fa-  
 cient, uerbo quidem fieri simulabunt, ut has illi defendant à nobis, sed  
 reuera, ut illorum presidio tuti, frenum ipsi uobis iniiciant. quæ sit in-  
 terim uestra, quæ regni futura conditio, quis non uidet? O miseram et  
 calamitosam pertinaciam. Oceano claudimur undiq; tanquam mœ-  
 nibus atq; uallo firmissimo: si modò coniunctio esset inter nos animo-  
 rum, nihil ad summam foelicitatem deesset, et monarchiam possemus con-  
 situere florentissimam. Quod si hæc ratio uos nihil mouet, saltem moueat  
 & accepta pridem & iam imminens uobis calamitas: moueat  
 numinis diuini metus. nam uiolata fidei & pactorum uindex est Deus,  
 & belli cupiditate omnem detestatur, grauibusq; poenis affligit. Re-  
 ginam uestram nobis pactam expetimus, & quam Deus pro infinita  
 bonitate sua pacis uiam nobis ostendit, eam sequimur, & ut uos etiam  
 in iisdem hæreatis uestigijs, petimus, & si nihil impetramus, necessa-  
 rio nobis bellum esse gerendum, profitemur, & auspice Deo, cuius uer-  
 bum atq; uocem uos contemnitis, ius nostrum ferro persequemur et igni.  
 Quamobrem, qui sunt ex uobis uiri boni, quibus patriæ calamitas do-  
 let, qui fidem seruandam esse putant, licebit ut ad nos transeant, qui-  
 cunq; demum illi sint: omnem eis fidem & amorem præstabimus. ut com-  
 mercia*



mercia quoq; sint inter nos mutua, rex non ita pridem edicto cauuit. 1548  
 quo suæ erga uos beneuolentiæ documentum aliquod extaret. Et si  
 rectè collocatum beneficium hoc esse uidebit, ampliora statuit in uos  
 conferre, & hæc omnia suo nomine uobis nunciari iussit. Proximè su-  
 periori libro diximus de Sebastiano Vogelsberg, qui decem signa pe-  
 ditum ad Gallie regem à Germania duxerat: is autumni tempore do-  
 mum redierat, dimissis copijs. Quod Gallo militasset, grauitè & ac-  
 cerbè Caesar tulit, & occasionem expectans, Lazaro Schuendio, dat  
 negotium eius comprehendendi. Venit is Vuissenburgum, ubi domici-  
 lium ille habebat, & comprehensum Augustam abducit. Mox habe-  
 tur questio per tormenta, & de nonnullis, qui iam antiè uenerant in  
 suspicionem societatis Gallicæ, interrogatur: & quanquam magno  
 quodam robore corporis ac animi, per cruciatum nihil dixerat, tamè  
 quod in societate rebellium fuisse, quod Caesaris edicta uiolasse, quod  
 insidiosa tractasse consilia diceretur, capitis damnatur, & cum eo cen-  
 turiones duo, Iacobus Mantellus, Vuolffius Thomas. Itaq; productus  
 fuit in forū, Februarij die septimo, quum ante quadriduū eò uenisset.  
 Erant in armis aliquot signa peditum, et ingens hominum circumfus-  
 sa turba. Cum in supplicij locū editiorem uenisset, animo præsentì &  
 intrepido circumspiciens, quoniam ex fenestris et ædibus undiq; spe-  
 ctabant omnis ordinis uiri magnifici, honorificè illos affatur, & de  
 suo uitæ genere locutus, quomodo Cesari iam antea militarit, expo-  
 nit, & nullam suæ uicis causam esse dicit aliam, quàm quod ante  
 annum Gallie regi copias adduxerit, quum ille regni diadema de mo-  
 re susceperet. Erat Vogelsbergus egregia forma & statura, quumque  
 adeò nullam daret significationem horroris atque metus, omnium o-  
 culos in se conuertit. post eum capite mulctati sunt hi, quos diximus,  
 centuriones. Sententiam tulerunt iudices duo, qui Cesaris aulam atq;  
 castra sequuntur, Hispanus unus, Biruiesca, Germanus alter, Nicolaus  
 Zinnerus, ambo iureconsulti. Schuendium ille criminatus fuerat,  
 quasi circumuentus ab eo fuisset: hi uerò scriptum euulgant, et quam-  
 obrem in illos uindicatum sit, ostendunt, & Schuendium purgant, &  
 præter mandata Cesaris nihil egisse dicunt, & falsam esse crimina-  
 tionē profitentur. Hoc tempore, per Galliam, imprimis uerò Lutetia  
 propter Lutheranismū rursus excitantur incendia & persecutiones,  
 quum

Vogels-  
bergus  
capitis  
damna-  
tus.

Persecu-  
tio in  
Gallia

4548 quum interim in Anglia de Missa pontificia prorsus abroganda delib-  
 beraretur. Mauricio, Caesar, honorem septemuiratus, & Ioannis Fri-  
 derici prouinciæ maximam partē, iam antē, sicut diximus, attribue-  
 rat in castris ante Vuittembergam: sed hoc in conuentu publica & so-  
 lenni ceremonia, tanquam in possessionem illum mittit, & in suam  
 Imperijq; fidem accipit, quod tum ei promiserat. Fuit hoc Februarij  
 die uigesimo quarto, qui quidem dies est Cesari natalis. Ea uerò ce-  
 remonia sic habet. In foro tabernaculum erat extructum ē materia,  
 patulum, in quod per gradus ascendebatur. eō Caesar à meridie uenit  
 sub horam tertiam, comitatus electoribus. post illinc in uicinam domū  
 transit, et uestem solennem induit, tum ipse, tum electores. Inde rur-  
 sus prodit et in folio confidet: idem illi faciunt, suo quisq; loco, à ter-  
 go, supra Cesarem erant quodam in pēgmate callocati tubicines. Ibi  
 primum agmen Mauricij procedit, et incitatis equis tabernaculum  
 petit, uti fieri consuevit. Interim Mauricius cum altero agmine consi-  
 sit ē regione, comitatus turba procerum, et proximē antē ipsum erāt  
 tubicines duodecim. Mox prodeunt ex illa caterua Henricus Brunswi-  
 censis, Vuolfgangus electoris Palatini frater, Albertus Bauarus, et u-  
 bi cursu peruenissent ad locum, descendant ex equis, et Cesare ade-  
 unt, ac demissē rogant, ut Mauricio publicum Imperij beneficium et  
 insignia principatus conferat. Caesar, cum electoribus re communica-  
 ta, per Moguntinū respondet. placere sibi, modō ille ueniat ipse et  
 idem petat. Eo accepto responso, Mauricius cum toto agmine procur-  
 rit: præferebantur ei uexilla decem cum totidem insignibus regionū,  
 pro quibus inaugurationem petebat. ubi conscendisset, in genua subsi-  
 det ante Cesarem, & idem rogat. missus erat ab Augusto fratre Co-  
 mes Mansfeldius Hoierus, qui flagitaret idē. Itaq; Caesar per Mogun-  
 tinum respondet. quoniam uterq; fidelem operam sibi nauarint, uelle  
 se Mauricio eiusq; liberis masculis, aut si nulli sint, Augusto fratri e-  
 iusq; liberis electoratum Saxonie et Ioannis Friderici possessiones o-  
 mnis conferre, nisi quantum illius liberis iam antē sit concessum. Mo-  
 guntinus deinde, iusiurandum, quo tenentur electores, recitat, & ubi  
 Mauricius, illo præeunte uerbis, iurasset, Caesar ensē ei tradit, &  
 hac ceremonia uelut in possessionem mittit. Ille gratias agit, & o-  
 mnem fidē obsequentiamq; pollicetur. post, illa, quæ diximus, uexil-



la, quum ea Mauricius accepisset à Cæsare, deiciuntur in promiscuam multitudinem, uti fieri solet. Hæc omnia poterat Ioannes Fridericus, ex ædibus ubi diuersabatur, spectare: & quidem spectauit: nam erant in eodem foro. Bucerus, de quo diximus antè, uocatus demum Augustam uenit, & ad electorem Brandenburgicum diuertit. Iam confectus erat ille, quem supra diximus institutum fuisse, de religione libericum, sicut erat scriptus, Bucero tradit Brandenburgicus, & uti subscribat, petit. Ille, cum eucluisset, quod pontificiam doctrinam in eo constitui uideret, non se posse probare dicit. Tulit hoc inique Brandenburgicus, & grauius ei succensuit, & esse scriptum moderatum iudicabat. sic enim ei persuaferat Islebius. Urgebat quoq; Bucera Granuellanus per internuncios, & si probaret, amplissima dona promittebat: cum autem pollicitationibus nihil efficeret, cœpit comminari. sic ille non absq; discrimine domum reuertit. nam per agrum Vuirtembergicum erant passim Hispanorum præsidia, sicut antè dictum est. Aprili mense, Coloniensis archiepiscopus, nuper factus sacerdos, primam, uti uocant, Missam peragit. aderant Cæsar & Ferdinandus rex & reliqui principes, maximo numero. post, epulum dat longè magnificentissimum. His etiam diebus Augustam uenit, rex Tunetæ, Muleasses, quem Cæsar ante annum decimum tertium regno restituerat, electo Barbarossa, sicut libro nono diximus. hunc filius natus maximus exoculauerat, occupato regno: profugus igitur & miser ad Cæsarem ex Africa sese contulit: neq; multo post eò uenit etiam alter filius. Liber ille de religione conscriptus, primò tractat de conditione hominis ante lapsum & post lapsum, de redemptione per Christum, de charitate & bonis operibus, de fiducia remissionis peccatorum, de ecclesia, de uotis, de potestate, de ministris ecclesiæ, de summo pontifice, de sacramentis, de sacrificio Missæ, de memoria, inuocatione & intercessionem sanctorum, de memoria eorum qui piè mortui sunt, de communione cum sacrificio iungenda, de ceremonijs et usu sacramentorum. Hæc autem inter alia docentur. opera illa, quæ præter mandatum Dei piè uel honestè suscipiuntur, & quæ uulgò dicuntur opera supererogationis, esse commendanda: non posse hominem sine dubitatione suæ imbecillitatis credere peccata sibi esse remissa: ecclesiam habere potestatem interpretandi scripturas, ex ijs eliciendi & explanandi do-

Bucerus  
repudiat  
Interim.

Tunetæ  
rex Au-  
gustam  
uenit.

Capita  
libri In-  
terim.

1548 gmata, potestatem iuris dicendi, de rebus dubijs iudicandi per synodum, & condendi leges: unum esse, qui ceteris omnibus præsint, summum pontificem, ob prerogatiuam Petro concessam: huic uniuersæ ecclesiæ gubernationem esse demandatam à Christo, sic tamen, ut cæteri etiam episcopi partem sollicitudinis habeant in sua quisq; ecclesia: confirmatione & chrismate accipi spiritum sanctum, ut insidijs diaboli, carnis atq; mundi resistatur, & huius sacramenti ministrum esse duntaxat episcopum: sacerdoti enumeranda esse peccata, quæ ueniunt in mentem: satisfactione, quæ in pœnitentiæ fructibus consistit, maximè in ieiunio, elemosyna, precatione, peccatorum causas excindi, & temporalem pœnam uel tolli uel mitigari: unctionem sacram inde ab apostolorum ætate nobis esse traditam, ut uel corpori subueniat, uel mentem ipsam aduersus ignita tela diaboli muniat: adhibendam igitur esse tunc, quum uitæ finis imminere uidetur: matrimonium sine parentum assensu contractum, debere esse ratum, sed liberos tamen pro concione monendos, ut parentes in consilium adhibeant: Christum in ultima cœna sacramentum instituisse sui corporis atque sanguinis: primum, ut à fidelibus illud sumeretur, ueluti cibus animæ salutaris, deinde, ut in ipsius mortis memoriam offerretur: nam duo esse omnino sacrificia Christi, unum, in cruce cruentum, alterum, quo sub specie panis atq; uini, corpus & sanguinem suum ipse patri obtulit, et post, apostolis eorumq; successoribus illud in sui memoriam peragendum ad finem usq; sæculi, commendauit: illo quidem genus humanum fuisse reconciliatum patri, sed hoc non cruento, sisti Deo patri & representari Christum, non ut deuo peccatorum remissionem mereamur, sed ut morte Christi paratam reconciliationem fide nobis applicemus: in hoc sacrificio, quo mortem Christi recolimus, memoriam esse celebrandam sanctorum, ut ad Deum patrem pro nobis intercedant, suisq; nos meritis adiuuent: complectendos etiam esse mortuos, Deoq; commendandos. Postea præcipitur, ut ceremoniæ ueteres, quæ baptismo solent adhiberi, retineantur omnes, exorcismus, abrenuntiatio, fidei professio, chrisma, item, ut in ceremonijs, quæ Missæ adhibentur, nihil mutetur: in singulis oppidis atq; templis quotidie duæ Missæ ad minimum peragantur, ruri autem & in uicis, una, præsertim, diebus festis: in canone Missæ prorsus nihil immutetur, & reli-



qua omnia feruentur iuxta uetus præscriptum: si quid tamen irrepsit, 1548  
 quod superstitioni causam dare possit, tollatur: uestes, ornamenta, uas-  
 sa, cruces, altaria, candelæ & imagines, uelut monumenta quedam  
 retineantur: preces ordinariæ & pia illa psalmodia minimè tollan-  
 tur, & ubi sublata sunt, restituantur: mortuorum exequiæ, de more ue-  
 teris ecclesiæ peragantur, diuorum quoq; dies festi, sed & illi, quibus  
 decretæ sunt supplicationes, colantur: pridie paschatis & pentecostes,  
 aqua baptismi præparetur consecratione solenni: luxus frenandi, &  
 animi ad officia pietatis excitandi causa, certis diebus ab esu carni-  
 um abstinenceatur, & ieiunetur: postremo, licet optandum sit, plurimos inue-  
 niri ministros ecclesiæ, qui castè uiuant, tamen, quòd multi passim u-  
 xores habeant, quas nolint repudiare, neque sine graui turba mutari  
 nunc istud possit, expectandum esse concilij decretum: idem quoque  
 placere de ijs, qui coenam domini sub utraq; specie percipiunt: sic ta-  
 men, ne reprehendant eos qui diuersum faciunt. nam sub utralibet spe-  
 cie, Christi corpus atq; sanguinem contineri totum. Ad hunc modum  
 promulgatus quidem fuit liber, ut postea dicemus, sed non ita conscri-  
 ptus initio. non semel enim, ut antea dictum est, sub incudem reuoca-  
 tus, & Bucero fuit exhibitus aliquantò purior. Cùm ergò diu mul-  
 tumq; iactatus esset inter ordines priuatim, Romam quoq; mittitur.  
 nam etsi totus ferè papismus in eo stabilitur, tamen, quòd aduersarijs  
 essent concessa nonnulla, pontificem prius esse consulendum placuit.  
 Is deinde Cæsari per cardinalem Sfondratum has animaduersiones = Animad-  
 perit. ut presbyter ordinatus ducat uxorem, & sacrum officium ad- uersio-  
 ministraret, esse inauditum: consuetudinem illam sumendi coenam do- nes Pon-  
 mini sub utraq; specie, esse abrogatam in his duobus indulgendi sa- tificis su-  
 cultatem nulli competere, præterquæ pontifici Romano & concil- per Intec-  
 lior: religionis antiquæ sectatores non esse his dogmatis alligandos, ue rim.  
 rum, si qui Lutherani uelint ab incepto desistere, non esse repudian-  
 dos: illud de duabus Missis, intelligi debere solùm de Lutheranis: psal-  
 modia oportere ubiq; restitui: diebus festis celebrandam esse cuiusq;  
 ecclesiæ patroni memoriam: ijs, qui iam sunt sacerdotes, aut postea  
 fient, abstinendum esse à coniugio: sacrorum bonorum & iurisdic-  
 tionis oportere fieri promptam restitutionem: constare enim de spolio,  
 nec utendum in eo forma iuris ordinaria, sed de plano cognoscendum,

1548 & manu regia conficiendum esse negocium. Hac illata censura, Moguntinus, Treuirensis, Colonienſis, quibus ea communicata fuit, eodem planè modo Caſari reſpondent, & reſtutionem inprimis urgent, eamq; pernecceſſariam eſſe docent, ſi quidem religio Chriſtiana conſeruari, & quibus in locis abolita eſt, recuperari debeat: paci quoque non aliter poſſe conſuli: prouidendum igitur inprimis, ut templa & monachorum collegia plenè reſtituantur: et quoniam de ui ſpolioque conſlet, agendum eſſe paucis, ut cultus diuinus quamprimum recuperetur: orare autem, ut in bonam partem hæc accipiat, & eccleſiæ membra ſuo patrociniſio defendat. Reliqui tres electores, non quidem eius erant ſententiæ, Palatinus inprimis & Mauricius, uerùm uterq; cauſas habebant, cur Caſari non admodum reclamarent. Ceteri principes, qui maxima parte ſunt epiſcopi eodem modo ſicut Moguntinus atq; college, reſpondent: ciuitatum non ita magna fuit habita ratio.

Cæſaris  
oratio  
ad ordi-  
nes Ger-  
manicæ.

Cæſar igitur idibus Maij conuocat omnes ordines, & de ſua in Germaniam charitate præſatus, perſpicuis, inquit, argumentis & iuſtare manifeſtè deprehendi, neque pacem conſtitui, neq; ius exerceri poſſe, niſi compoſita prius controuerſia religionis, quæ multis nunc annis complures in Imperio ſimultates, offenſiones, odia, diſcordias atque bella ſuſcitauit. hæc nimirum cauſa fuit, quamobrem crebris conuentibus & per colloquia ſæpe medicinam quæſiui: ſed interea non modò per Germaniam, ſed per alios etiam nominis Chriſtiani populos, iſta labes atque contagio peruafit, ita quidem, ut præſentius nullum remedium appareret, quàm conciliũ publicum. Id demum, uobis flagitantibus, ut Tridenti cogeretur, effeci, & ſimul uobis author fui ſub initium huius conuentus, ut eius authoritati uos ſummitteretis, & mihi cura permitteretur excogitandi rationes pias, quibus interea tranquillè per Germaniam uiueretur. Quæ quidem obſequentia fiduciaq; ueſtra & tunc mihi fuit & nunc etiam eſt pergrata. Cùm ergò totus in hanc ſollicitudinem incumberem, & ſententias à uobis exquirerem, non ſine magno animi dolore cognoui, diſcordiam religionis & anteaſtis malis dediffe cauſam, & niſi prouideatur, in poſterum eſſe daturam. Ita q; ſic iudicabam, non eſſe rem in eo ſtatu ac perturbatione relinquendam, aduſque concilij decretum, ſed ad moderationē aliquam oportere deduci, præſertim, quum  
ſub=



subinde noue secta nascerentur. Hæc molienti mihi, quidam magni nominis atque loci, cupidi pacis & amantes reipublicæ, quæ ipsorum esset de religione sententia, scripto comprehensum exhibent, & obseruantiam pollicentur. Equidem, ubi scriptum illud accepi, theologis quibusdam uiris bonis atque doctis, ut secum diligenter expenderent omnia, commisi. hi deinde referebant, modò rectè intelligatur, non illud repugnare catholice religioni neq; doctrinæ, legibus & institutis ecclesiæ, duobus tantum exceptis dogmatibus, quorum unum est de coniugio sacerdotum, alterum de cœna domini: sed et accommodatum esse dicebant ad concordiam Germaniæ stabilendam: id quod mihi sane futurum sit longè optatissimum: quid enim iucundius accidere possit, quàm omneis ordines uidere consentientes animis, eandem sequi formam religionis? Quod cum ita sit, ab illis, qui ecclesiæ catholice leges atque morem adhuc magna cum laude seruauit, peto, ut in eo permaneant, neque dimoueri sese patiantur, nec aliquid immutent. quod quidem antea mihi se facturos esse receperunt: ab ijs autem, qui religionem innouarunt, contendo, ut uel ad reliquos ordines transeant, & eandem cum ipsis religionem profiteantur, uel suam doctrinam ad huius libri præscriptum moderentur, & hæc omninò uestigia sequantur, nec præterea quicquam instituunt, sed intra hos limites atq; fines consistant, neq; uel in scripto uel concionibus contrà quid faciant, & concilij decretum obsequenter expectent. quod quidem ut primo quoq; tempore cogatur, omnem sum daturus operam: nunc quidem etiam in hoc sum totus, ut formula concipiatur emendationis ecclesiasticæ. Quam sic per scribam esset locutus, uti fieri solet, librum recitari iubet. ibi Moguntinus, qui primum inter electores locum ob-  
tinet, non exquisitis ordinum sententijs, consurgit, ac ueluti publico nomine, Cæsari, pro tanto labore, studio, cura, diligentia, charitate patriæ, maximas agit gratias: & quoniam antehac ipsius fidei rem permiserint, ac nunc in eo sit elaboratum, æquum esse dicit, ut gratissimis animis hoc ipsum agnoscant, & decreto pareant. Hanc gratiarum actionem Cæsar habuit pro communi assensu & approbatione, nec ullam post excusationem admisit, ut postea dicemus, & librum typis euulgari iubet latino simul & populari sermone. Quarto post die refert ad ordines, & quanto suo labore quantoq; sumptu pax com-

Cæsar of-  
fert Inte-  
rior-  
dinibus.

1748 parata sit Germaniæ, demonstrat, & quia res ipsa postulet, ut in futu-  
 rum etiam caueatur, perutile sibi uideri dicit atq; necessarium, ut mag-  
 na quepiam pecuniæ uis conferatur, & certis locis in arario publico  
 conseruetur, ut si quis fortè motus intra uel extra Imperij fines ali-  
 quando nascetur, paratum sit præsidium. Paucis deinde diebus inter-  
 iectis, Ferdinandus rex commemorat, se grauib; de causis, quas &  
 ipsi satis intelligant, & explicare nihil attineat, missa legatione, cum  
 Turca fecisse inducias annorum quinq;, & ante annum esse factum  
 initium: et quanquam ille suis mandarit, ne quid contrà faciant, tamē  
 petere, ut nihilo secius auxilia iam antè promissa contribuant, ut si  
 forsā ille discedat à pactis, facile resisti possit: deinde, quoniam ille lo-  
 ca finitima ualidis præsidij; muniat, sibi quoq; nihil hic esse negligen-  
 dum: itaq; passim instituisse munitiones locorum, & alere præsidia:  
 sed propter superiorum annorum sumptus bellicos longè maximos,  
 non se posse tantum onus diu sustinere: orare igitur, ut in hos usus pe-  
 cuniam annuam dependant, donec induciæ durabunt: hoc enim ad i-  
 psorum omnium pertinere quietem atq; salutem. Interea Ferdinandi  
 filius, Maximilianus, Augusta profectus, in Hispaniam contendit, ut  
 natu maiorem Caesaris filiam, Mariam, consobriam suam, in matrimo-  
 nium ducat. Attributus ei fuit cardinalis Tridentinus, & mensibus a-  
 liquot antea præcesserat dux Albanus. Ad exitum Maij mensis, equi-  
 tes Neapolitani, qui per Nortgouiam antè fuerant, in agrum Argento-  
 rato uicinum ueniunt, & serè per trimesse tempus commorantur, &  
 dici uix potest, quàm egerint insolenter, ueniebant in urbem subinde,  
 neq; magna suspitione res caruit. Mauricius non multò post editum à  
 Cesare decretum, abijt: Ioannes uerò Brandeburgicus, electoris Ioachi-  
 mi frater, Cesarem adijt, & Ferdinando rege præsentie, petit, ut in eo  
 sibi parcat, & de suis in ipsum officijs quædā locutus, hac potissimum  
 fiducia se militasse ipsi proximo bello dicit, quòd de religione sibi ca-  
 uisset. Caesar, ordinum Imperij consensum hunc esse, nec ab eo recedi  
 oportere dicebat: ille contrà nō omnem assensisse, neq; se bona consci-  
 entia decretum hoc laudare posse respondit, & pactum atq; promissum  
 urgebat. Cum nihil Caesar proficeret, iubet eum discedere. quod  
 ideo factum esse putatur, ne suo uel exemplo uel sermone aliorum ani-  
 mos ille confirmaret. Itaq; sub uesperum eodem die domū uersus pro-  
 ficiat.

Ferdinā-  
 dus petit  
 auxilia  
 in Turcā

Ioannes  
 Brand.  
 Interim  
 non asse-  
 ritur,



ficiſcitur, neq; per ſuam ditionem quicquam immutauit. frater eius  
 elector, qui ſemper id operam dedit, ut Cæſari placeret, minimè reſti-  
 tit: ſed neq; Palatinus, quum Cæſarem alioqui non admodum habe-  
 ret tunc propitium. Legati ciuitatum, hi ſunt Auguſtane conſeſſionis,  
 quum urgerentur, orabant, ut ſibi liceret ad ſuos referre, quò poſt ex  
 eorum ſententia reſpondeant. permiſſum hoc eis fuit. Vuolfgangum  
 Bipontinum principem ex familia Palatina, qui legatos ibi habebat,  
 Cæſar iubet ipſum adſe: cunq; ueniſſet, inſtat, ut ratum habeat decre-  
 tum. Ille religionem nullam aliam ſe nouiſſe dicit, præter eam, in qua  
 ſit natus & ad hoc uſq; tempus educatus: itaq; ut ſui rationem ha-  
 beat, petit, & ſe facturum in eo dicit, quantum omninò poſſit ſalua  
 conſcientia. Cæſar tunc quidem illum ſic dimittit, ſed poſtea per litras  
 & internuncios acriter urgebat, ut ſuo loco dicemus. Auguſtano ſe-  
 natu conſultante, Cæſar militum ſtationes per urbem diſponit. erat i-  
 bi primi nominis eccleſiæ miniſter, Vuolfgangus Muſculus: is, nutan-  
 tibus rebus, quum timide ſenatum agere uideret, neq; librum appro-  
 bare poſſet, diſcedit, Bernam Heluetiorum proſectus. Hala Sueuorum  
 erat Ioannes Brentius. hic & ante annum ſecundum in magno fuerat  
 discrimine, quum Smalcaldicis domum reuerſis, Halam Cæſar aduen-  
 taret, & nunc in multo uerſabatur maiori. Tunc enim, paulò antè,  
 quàm Cæſar accederet, quòd fuit initio Decembris, quidam Hiſpa-  
 ni ſatellites, cum in oppidum ueniſſent, ad illius ædes rectà concen-  
 dunt, & intromitti poſtulant, alioqui minantur atrociam. Recepti,  
 proteruè multa faciunt & insolenter. uxorem igitur atque familiam  
 iubet, càm alibi locus non eſſet, in ciuitatis domum hoſpitalem ſeſe  
 recipere, paulòq; poſt ipſe ſequitur, domi relicto, qui uictum illis &  
 neceſſaria ſubminiſtraret. Poſtridie uerò, quidam ex optimatibus,  
 Hiſpanus, ordinis eccleſiaſtici, pulſis illis, domum totam occupat, &  
 ingreſſus bibliothecam, omnia perquiri. ibi cum literas aliquot repe-  
 riſſet amicorum, datas ad Brentium, & familiariter ſcriptas de com-  
 muniū temporum perturbatione, magnam ei conatur inuidiam con-  
 flare, cum eas apud ſuos diuulgaiſſet. Amicorum igitur ſecutus ille  
 conſilium, intempeſta rigidaq; nocte diuertit in uiciniam, ne ſua præ-  
 ſentia ciuibz incommodaret. Vbi uerò Cæſar Halam ueniſſet, & cle-  
 menter ageret, neq; propter doctrine genus ibi celebratum offenſio-

Biponti-  
 ni princi-  
 pis con-  
 ſtantia.

Io. Bren-  
 tiij labo-  
 res & po-  
 rricula.

1548 nis ullam daret significationem, Brentius eò demùm reuertit, suamq;  
 functionem obiit, ad hoc usq; tempus, quando de religione factum de-  
 cretum Cæsar ab omnibus recipi uolebat. Iussus enim ille, sicut alij  
 pleriq; per Germaniam, uiri docti, quid eo de libello sentiret, explica-  
 re: licet periculum suum intelligeret, tamen, ut ecclesiæ suum præsta-  
 ret officium, à sacris literis illud dissentire pronunciat, idq; scripto de-  
 monstrat. Quod cum in pontificiorum manus uenisset, legatis Halen-  
 sibus mandat Granuellanus, nomine Cæsaris, ut quidem aiebat, da-  
 rent operam, ut Augustam ille pertraheretur uinctus. Admonitus au-  
 tem ab amicis, in uicinum agrum secedit: neq; multò post Halam ue-  
 nit Hispanorum turma. quorum præfectus ilicò Brentij domum inua-  
 dit, & diligenter omnia peruestigat, si quid posset auferri prædæ: sed  
 supellestilis potissima pars iam erat ab amicis atque propinquis aliò  
 translata. Sic igitur ille, quum annos ibi uiginti sex docuisset, profligatur:  
 uxor autem eius, etsi graui destineretur morbo, quo paulò post  
 etiam extincta fuit, exulare iubetur. itaq; misera cum sex liberis uagatur  
 sedibus incertis, & quo se recipiat, uix ullum habet perugi-  
 um, Hispanorum formidine concussis omnium & occupatis animis:  
 eumq; dolorem & agrimoniam augebat etiam, quòd interea, quæ ma-  
 riti esset fortuna, nesciret. Vbi uerò de Brentij calamitate dux Vuir-  
 tembergicus Vlrichus accepit, quanquam magnis ipse uersabatur in  
 periculis, tamen hospitium occultum ei præbuit atq; familiæ. Porro  
 Sueuicæ ciuitates pleræq; omnes, auctoritatem secutæ Cæsaris, impe-  
 rata se facturos promittebant. Itaq; doctores passim multis ex locis  
 migrabant, ne quid sua professione committerent indignum. Andreas  
 Oslander Noribergam ideò reliquit, inq; Prusiam sese recepit: Spiræ  
 & Vuormaciæ singuli tantum erant, qui & ipsi fuga salutem pete-  
 bant: Gulielmus Comes Nassouijs Erasmo in Sarcerium idcirco disce-  
 dere patiebatur: Vuirtembergicus etiam princeps, cuius in agro pas-  
 sim erant Hispanorum præsidia, sicut dictum est, quum à Cæsare man-  
 datum uenisset, librū iam editum pro cōdione recitari iubet, et ne quis  
 contrā faciat, edicit, et si quis in posterū misificare uelit, potestati fa-  
 cit, & suis, ne quæ sacrificiū prohibeant, mandat, et ecclesiæ ministros,  
 nō approbantes decretū, ab se dimittit. in his erat Erardus Schneffius.  
 Per Granuellanū & Atrebatensem episcopum Cæsar Saxonie ducem  
 capti=

Docto-  
 res pij so-  
 lum uer-  
 tunt.



captiuum urgebat, ut decreto pareret, & editi libri doctrinam sequeretur: Et quanquam pollicitationibus animū eius tentabant, & spernam aliquam libertatis ostendebant, constans ille tamen in sententia permansit, & superiori, inquit, anno, quando conditiones mihi Caesar tulit, hæc etiam perscripta fuit, ut & ipsius & concilij de religione decreta futura probarem: cum autē intelligeret, me nullius periculi terrore uel metu posse induci, ut assentirer, conditionē illam remisit, neque de religione quicquam deinde mecum egit. Quod maximi certē beneficij loco tunc habui, & hoc uelut onere grauissimo subleuatus, reliquas omnes cōditiones, quibus de mea persona, deque fortunis omnibus, pro suo arbitratu Caesar statuebat, cō facilius & equiori animo tuli, sperans futurum, ut religio mihi mea deinceps permitteretur libera: nunc autem, quando rursus urget ac mandat, ut decreto facto subscribam, equidem profiteor me iam inde ab adolescentia sic institutū, ac deinde sacrorum librorum lectione sic esse confirmatum, ut hanc doctrinam planē conuenire cum prophetarum & apostolorum scriptis, nec ullius erroris conuinci posse iudicem. hac nimirum de causa & parens meus & ego, nonnullique alij principes, eius doctrinæ confessionem scripto comprehensam exhibuimus olim, & legitimo permisimus concilio. Cum ergo hac sui uerbi cognitione me Deus illustrarit, non mihi licet ab agnita ueritate discedere, nisi sempiternum exitium mihi conciliare uelim. Itaque si decretum hoc reciperem, quoniam multis in locis, & grauissimis quidem, illud à sacra scriptura disidet, damnares quam sum hucusque professus, Iesu Christi doctrinam, et uerbis atque sermone probarem quod uitiosum & impium esse scio. Hoc ipsum uerò quid aliud sit, quam pictis atque fucatis uerbis ludificare diuinam maiestatem simul & Cesarem? qua quidē re quid fieri possit flagitiosius? nam hoc illud est, de quo Christus tam diligenter nos admonet, peccatū in spiritum sanctum, quod nullo unquam tempore condonatur. Quod cum ita sit, & quoniam his uinculis est alligata conscientia mea, maiorem in modum, et per misericordiam Dei, quam humano generi per filij sui immolationem impertiuuit, oro & obsecro, ne Caesar hoc meum factū implacatē ferat. Quod enim Augustinæ confessionis doctrinā retineo, salutis meæ causa facio, & rebus omnibus posthabitis, quomodo post hanc ærumnosam uitam, sempi-

Saxonis  
captiui  
constan-  
tia.

548 *terna uite letitiæq; particeps fiam, cogito. Ad Cæsarem etiã à nonnul-  
 lis audio deferri, quasi non religionem, sed gloriolam aliquam & ne-  
 scio quid aliud in eo spectem: obsecro, quid omnium rerum humana-  
 rum optatius euenire mihi possit, præsertim mole corporis grauato,  
 quàm libertas, quàm reditus ad uxorem & liberos, quàm ocium &  
 quies domestica? Testificor autẽ Deum, & tunc, cum à nobis omnibus  
 factorũ rationẽ ille poscet, testificabor, me nihil aliud spectasse, quàm  
 ut uero ipsius cultu, regni cœlestis hereditatem consequar, quod ut  
 Cæsar certò credat, sibiq; de me persuadeat, uehementer oro. Ceteris  
 in rebus omnibus prompta semper mea fuit in illum uoluntas, & erit  
 in perpetuum, & quam ei dedi fidem, eam uti uirum bonum & illu-  
 stri genere natum decet, præstabo. Quod superest, & offensionem o-  
 mnem remittat, meq; tandem ab hac diuturna captiuitate liberet, ob-  
 secro, ne uidelicet ego sim primus omnium principum, qui suam æta-  
 tem captiuus apud ipsum transegisse dicatur. Cum in eo firmus et im-  
 motus persisteret, durius aliquantò tractari cœpit, & adempti fuerũt  
 ei libri sacri, & iniunctum, ut diebus uetitis abstineret à carnibus: ille  
 etiam, quo fuerat usus ad hoc usq; tempus, permissu Cæsaris, euange-  
 lij doctor, quum præsens imminere sibi periculum uideret, mutata ue-  
 ste, clanculum se subducit. Peruulgatæ tum fuerunt, & ex aula Cæsa-  
 ris emanarunt literæ, quas Lantgrauius ad Cæsare scripsisse fereba-  
 tur. ijs in literis, uxori se mandasse dicit & consiliarijs, ut conditiones  
 reliquas omneis impleant, ut ijs, qui propter antea actum bellum que-  
 rimoniã habent, satisfaciant: deinde librum de religione conscriptũ  
 sibi lectum esse dicit: & quanquam in eo sint nonnulla, quæ non satis  
 intelligat, & quæ sacris literis confirmare non possit, tamen, quòd ue-  
 rustate nitantur et sanctorum patrum authoritate, nõ se plus uelle sa-  
 pere quàm illos, & ratum habere scriptum illud, et curaturum etiam,  
 ut à suis obseruetur. posthæc, fidem et operam suam ei desert, siue cum  
 Turca, uel pontifice Romano, uel quibuscunq; regibus, uel Heluetijs  
 bellum gerat, siue per Germaniam ipso uelit uti: sed orare per Christũ  
 & omneis diuos, ut offensionẽ omnem deponat, seq; liberum faciat:  
 iam enim captiuum detineri per annum totum, & satis duram luisse  
 pœnam, & in extremas reductum esse angustias: porrò, maioris cau-  
 tionis loco daturum se filios duos obsides, donec ei plenẽ sit satisfactum,*

Literæ  
 sparſæ  
 nonnunc  
 Lantgra-  
 uij.



Etum, & quancunq; rationem ipse præscripserit, ea se paratum esse cauere. Nihil autem his precibus effecit, & subinde, custodibus Hispanis, aliò traductus fuit, Donauerda primùm Norlingam, deinde Hailbrunum, post, Halam Sueuicam. Dum hæc in Germania Cæsar molitur, publico decreto Missa per Angliam abrogatur, neq; multò post captus fuit Stephanus episcopus Vintoniensis, qui contendebat, decreta, quæ fierent in hac ætate regis adolescentuli, nullius esse momenti. Iussus fuerat anno superiori continere sese domi, & abstinere à publico: nuper autem dimissus, quum sententiam mutasse putaretur, concionem habuit ad regem cæterosq; procures, & quum in ea, quid suæ mentis esset, explicasset, custodiæ mandatur. Conscriptam reformationis, uti uocant, formulam, Cæsar Iunij die decimo quarto recitari iubet ecclesiasticis. in ea continentur hæc capita, de ordinatione, de ordinum ecclesiæ officijs, de monasterijs, de scholis, de locis hospitibus, de dispensatione uerbi Dei, de administratione sacramentorum, de Missæ ceremonijs, de ceremonijs ecclesiasticis, de disciplina cleri & populi, de multitudine beneficiorum, de uisitatione, de synodis, de excommunicatione. Hæc autem inter alia traduntur, ut qui sacros ordines petunt, diligenter examinentur de fide, de moribus, deq; scientia, maxime uerò de hæresibus, hoc potissimum tempore iactatis, & an idem credant, quod Romana, catholica & apostolica credit ecclesiæ: de moribus inquisitio fieri iubetur, iuxta præscriptum Pauli, quod est capite tertio primæ epistolæ ad Timotheum: sed illud, quod Paulus inter alia monet, ut ecclesiæ minister sit unius uxoris maritus, qui domui suæ bene præsit, & liberos habeat obsequentes, omittitur: ad episcopatum nemo recipiatur, nisi sit sacerdos, aut primo quoq; tempore reliquos gradus recipiat: episcopi curam habeant suarum ouium, easque doctrina pascant & sacramentis: ecclesias quoque subinde uisitent, dentq; operam, ut reliqui ministri suum munus faciant, ne lupi gregem inuadant: monastica uita rursus instituat, ijs locis, ubi desijt: in scholis nihil doceatur, nisi quod cum ecclesia catholica congruit: in administrandis sacramentis & ceremonijs retineatur sermo Latinus, ne uilescant, si populus intelligat: is qui uulgò dicitur canon Missæ, maneat integer et silêtio pronuncietur, ut tremèdis illis mysterijs sua conferuetur dignitas: in ceremonijs usitatis nihil mutetur.

Missa  
per Angliam  
abrogatur.

Cæsaris  
reformatio  
ecclesiastica.

1548 tur: sal, aqua, herba, agnus paschalis, noui fructus, item templa, calices, altaria, pallæ, uestes atque uasa consecrentur per orationem aduersus insidias diaboli & ueneficia: cærei quoq; inflammentur, & adoleantur suffitus atq; thura: supplicationes etiam fiant ad templa diuorum: clerus temperanter & sobriè uiuat, scortationem fugiant, concubinas ab se dimittant, aut mulcentur: magistratus ciuilis opem episcopi ferat, ut morum & disciplinæ fiat emendatio, & ut ecclesiariû libertas integra conseruetur: synodi diocesane reuocentur in usum, & bis quotannis peragantur, in ijsq; de singulorum moribus atque uitijs inquiratur: qui alia ratione sanari non possunt, ab ecclesiæ communionem pellantur: eorum aditum atq; sermonem omnes defugiant, neq; prius illi recipiantur in gratiam, quàm supplices deprecantur, & emendationem promittant. Hanc formulam, eo, quem diximus, die recitatam, episcopi, quum deliberassent, comprobant, & non multo post, quàm domû redierint, synodos uelle se conuocare dicunt: in nonnullis autem rebus pontificem sollicitari petunt, ut assentiatur. fuit & hic liber post euulgatus typis. De ciuitatum legatis antea diximus, quomodo decretum factum suis renunciarint: quum autem Argentinenses, qui faciliè erant primi, serius aliquantò responderent, Cæsar illos per Granuellanum urget. Is, Iunij die uigesimo octauo, legatos, in quibus primum locum habebat Iacobus Sturmius, accersit, & per Henricum Hasium, quo utebatur interprete, scire ipsos dicit, quemadmodum ordines à Cæsare flagitarint, eiusque fidei permiserint, ut rationem aliquam constitueret, quæ seruetur adusque concilium: id illum fecisse, & formulam esse conscriptam à uiris doctis atque bonis, quam principes omnes, paucis quibusdam exceptis, & præcipuè ciuitates approbarint: quum autem ipsi & quidam alij Cæsarem orarent, ut suis hoc renunciare liceret, assensisse illum, atq; interea expectasse: uerum, quòd nihil adhuc responderint, esse nonnihil ei molestû, ideoq; sibi dedisse negocium, ut quæ sit ipsorum uoluntas, cognoscat.

Argenti- Illi, cum silentij causam exposuissent, epistolam exhibent, de sententia senatus inscriptam Cæsari. nihil sibi magis esse in uotis, quàm ut in omnibus ei gratificari liceat: sed sibi suisq; ciuibus ita esse persuasum, quòd si decretum hoc omnino recipiant, fore, ut & conscientiam suam ipsi lædant, & Deû grauiter offendant, et suæ salutis perniciem

Argenti  
mensis  
urgetur  
ut inter-  
rim susci-  
pianr.

Argenti-  
mensium  
respõsio



consulant: quum autem ipse pro sua prudentia satis intelligat, quàm 15 4 8  
 sit istud graue, petere se per Christum, ut in re tam ardua, quæ non ad  
 facultates atque bona, sed ad animæ salutē & ad uitam sempiternam  
 pertinet, sui rationē habeat, & sicut alijs diuersæ partis, ita sibi quo=  
 que religionem permittat Augustanæ confessionis, adusq; concilij de=  
 cretæ, uti sæpe constitutum sit in comitijs, neq; cogat, ut secus quàm  
 sentiunt, ore profiteantur: se uicissim omni ratione curaturos, ne quid  
 in sua ciuitate turbulenter aut irreligiosè fiat, nèue praua dogmata lo=  
 cum habeant, & ne qua uicinis querimonie causa detur. Has literas  
 ubi Granuellanus audiuit, Cæsare præclare semper de ipsorum ciuita=  
 te sensisse dicit: & quoniam pleriq; omnes decretum factum laudent  
 ac ratum habeant, non esse quòd putent ipsos exemptum iri: nam ha=  
 bere se in mandatis, ne quod huius generis responsum admittant: itaq;  
 frustra supplicari: planè igitur respondeant, quæ sit senatus uolun=  
 tas. Adhæc illi: quòd Cæsaris fidei commissa res fuerit, id se cæterosq;  
 legatos de rebus politicis, nō autē de religione semper accepisse, quòd  
 hanc ad cōcilium esse reiectam putarent, ut ibi partibus auditis fieret  
 cognitio: sed hoc in libro definita esse omnia propè doctrinæ capita  
 cōtrouersa: quòd si nunc illa recipiant, nulla prius habita cognitione,  
 neq; suarum partium uiris doctis auditis, fore, ut nō sint amplius con=  
 trouersa, neq; concilij authoritate indigeant: quòd uerò pleriq; prin=  
 cipes ac ordines decretum factum approbent, non esse mirum: nam  
 ipsorum hoc fieri commodum: illis enim omnia permitti salua & inte=  
 gra, sibi uerò modū præscribi religionis, & mandari, ut ab ijs dogma=  
 tis, quæ semper controuersiam habuerunt, discedant non auditi, quū  
 tamen in comitijs omnibus ad concilium causa tota sit relegata: nimi=  
 rum, cogere aliquem, ut aduersus cōscientiam aliquid faciat, etiam si  
 uersetur in errore, uehementer esse graue, nisi primū sit demonstra=  
 tus error: existimare se, multos utrinq; uiros esse bonos, qui tamen o=  
 pinione & sentiētijs inter se dissident: ijs profecto uim nullam adhi=  
 bendam, sed ratione & ueritate & argumentis agendum esse: cum er=  
 go cæteris in rebus omnibus, extra religionem positis, omnia sua Cæ=  
 sari deferant, orare, ut ei senatus hæc postulata commendet: scire se,  
 quanta sit Cæsaris potentia, quantumq; periculum in se recipiant, si  
 uiribus ille rem experiri uelit: nisi ergò persuasum haberent, hac illius  
 decreta

48 decreti approbatione Deum grauiter offendi, maximam fore demen-  
 tiam, si non ei morem gerant. Ibi Granuellanus, quum antè dicta repe-  
 tisset, ipsos, quo tempore Cæsari fuerunt reconciliati, promississe ait  
 obseruantiam eorum, quæ pro Imperio salute statueret: huius autem  
 generis esse decretum hoc, de doctorum hominum consilio factum, &  
 à maiori parte comprobatum: non ergo posse recusari, quoniam cum  
 ecclesia consentiat: an sibi tantum arrogent, ut plus uidere se putent,  
 quam uniuersam ecclesiam? ut secessionem à reliquis faciant: nō ipsi  
 licuisse religionē mutare, nisi de cōmuni totius orbis consensu: quam-  
 obrem, si nullum habeant aliud mandatum, cognoscant ē senatu, ue-  
 lintne obtemperare, an minus? quod se tantum de rebus politicis acce-  
 pisse dicant, quum Cæsari causā permitteretur, non referre, quomo-  
 do ipsi acceperint, sed quomodo maxima pars ordinum. Illi contrā,  
 se suiq; ordinis reliquos legatos propè ab omni deliberatione remo-  
 tos & exclusos, neque tunc etiam, quum ad Cæsarem causā reijcere-  
 tur, fuisse consultos: itaque non aliter accepisse, quam dictum sit: sed  
 & principes aliquot sic illud accepisse: quo tempore cum Cæsare pa-  
 cificarint, non se recepisse obseruantiam, eò quod metuerent, ne ad re-  
 ligionem illud aliquando pertraheretur: hoc ipsius filio notum esse,  
 episcopo Atrebatensi, qui tunc etiam nomine Cæsaris promiserit, fō-  
 re, ut religionis causa tota concilio legitimo permitteretur: quod uerò  
 decretum hoc, ueluti publicum Imperij senatusconsultum recipiendū  
 esse dicat, non se recusare ullum onus reipublicæ, sed præsentem hanc  
 causam ad animæ salutem & uitam æternam pertinere: deinde, decre-  
 ti molem omnem recumbere in homines pios: nam reliquam turbam,  
 quæ religionem contemnat, minimè sollicitam esse, quid statuatur: ad  
 amplectendam uerò fidem neminem esse cogendum: de Cæsare non se  
 dubitare, quin pacem & concordiam amet: sed tamen, si hæc uia re-  
 tineatur, & homines præter animi sententiam loqui cogantur atque  
 sentire, ualde metuendum esse, ne talis tamq; subita mutatio magnos  
 excitet motus: librum illum esse compositum à uiris aliquot doctis, è  
 quibus aliqui ueritatis habeant cognitionem: id enim satis appareret:  
 sed quosdam alios admiscuisse multa, quæ cum sacris literis & patrū  
 doctrina minimè congruant, ut quidem demonstrari possit, modò di-  
 cendi locus datur: secessionem nullam se fecisse à reliquis, uerum in  
 præci-



præcipuis dogmatis conuenire sibi cum uera ecclesia: petere ergo 1. 5. 4. 8  
 sus, ut Cæsari detur epistola, quò senatui renuncient: nam aliud nihil  
 habere se in mandatis. Tum ille cœpit aliquantò loqui stomachosius,  
 & decretum urgebat, & ad alia quædam diuertit, & in Gallijs iacta-  
 ri dicebat à magnatibus fore, ut Argentinenfes decretum non admit-  
 tant: eum rumorem ad Cæsarem esse delatum, neque nullam excitare  
 suspitionem. Exitus erat, ut diceret Cæsarem expetere clarum & a-  
 pertum responsum: neminem quidem esse cogendum, ut fidẽ aliquam  
 profiteatur: sed id oportere accipi de his, qui non sunt nominis Chri-  
 stiani: nam eos, qui fidem semel acceptam abnegant, igni posse cogi.  
 Ad ealegati. quid Galli spargant, non sibi constare, sed à senatu nullũ  
 adhuc factum decretum, nec aliud actum esse, quàm hoc ipsum, de  
 quo nunc agant & sollicitent: cum ergo nolit ad Cæsarem ista refer-  
 re, non esse quòd amplius insistent, & relatueros ad senatum: igni quidẽ  
 posse aliquem è medio tolli, sed ut aliter quis credat, cogi non posse:  
 & hic quidem fuit exitus orationis. Cum cæterarum ciuitatum lega-  
 tis in eandem propè sententiam sigillatim actum antea fuit, & com-  
 minationes etiam additæ, & designatus dies, intra quẽ responderent,  
 & iussi manere, donec à suis esset allatum responsum: Argentinenfi-  
 bus uerò nihil tale præscriptum fuit. Quod in futuros usus pecuniam  
 conferri Cæsar postulauit, ordines ei si graue sibi esse dicerent, appro-  
 barunt: Ferdinando quoque regi in singulos induciarum annos au-  
 reorum millia centena promittunt: sed à Cæsare petunt inuicem, ut  
 præsidia deducat, & copias militum huc illuc dispositas, quæ passim  
 per agros & oppida plurimum damni dent, rebus iam pacatis dimit-  
 tat, & miseros homines, quorum magnæ sint querimonie, reficiat.  
 Cæsar causas ait subesse graues, cur in hoc tempore militem exautho-  
 rare non possit: ad damnum uerò datum quod attinet, illud, se qui-  
 dem conscio, minimè fieri: cum enim illis persoluat, equum esse, ne  
 cui faciant iniuriam, & hoc suæ esse uoluntatis: iam antea quoque  
 delatum aliquid eius generis ad se fuisse, uerum, inquisitione facta,  
 propè nihil esse compertum: ueruntamen nihil se prætermisurum, ut  
 certò cognoscat: nec enim ulli futurum impunè, si quid deliquerit. Ut  
 Cameram Cæsar hoc tempore pro suo arbitratu constituat, & supple-  
 menti loco iudices adiungat, ordines ei permittunt, & sumptum ipsi  
polia

2548 pollicentur. Eius actionis, quam de foedere institutam fuisse diximus, hic fuit exitus, ut Caesaris provinciae omnes, quas per Germaniam & Belgium habet, sint in tutela et patrocinio Imperij, & contribuant in usus publicos, ita tamen, ut suis utantur legibus atque iurisdictione: Germania uicissim à Caesaris provincijs idem auxilium atq; defensio- nem expectet.

## L I B E R XXI.

Decretū  
conuen-  
tus Au-  
gustani.



Autho-  
res inter  
rim do-  
nauit  
à Cæsa-  
re & Fer-  
dinando.

ULTIMA DIE IUNII FIT COMITIO-  
rum finis. Libro decimo nono diximus, quemadmo-  
dum Caesar omnibus persuaferit, ut concilio se submit-  
terent, idq; sua fiducia, qui daturus esset operam, ut le-  
gitima sit actio: nunc ergo fit decretum, Tridenti con-  
tinuandum esse concilium, seq; curaturum Caesar promittit, ut quam  
primum ibi redintegretur. quòd cum factum erit, postulat, ut omnes,  
ecclesiastici praesertim, & confessionis Augustanae socij publica fide,  
quam sit eis praestiturus, eò ueniant: futurum enim, ut pie & Christi-  
anè, iuxta sacras literas & patrum doctrinam, res agatur omnis &  
definiatur, depositis affectibus, & ut ipsi, quantum satis est, audian-  
tur. Post, alia recitantur decreta, sicuti fieri solet, in primis illud de re-  
ligione, grauibsq; uerbis mandatur, ut omnes obtemperent, sicut I-  
dibus Maij pronunciatum fuisse diximus. Authores libri treis antea  
nominauimus: ex ijs Ioannes Islebius, liberale donū à Cæsare simul et  
Ferdinando rege tulit, ob nauatam operam: Michaël uerò Sidonius  
episcopatū Merseburgensem in Saxonia deinde est consecutus. hinc  
iocus illorum, qui chrisma dicebāt ab eis & oleum pontificium inter  
alia defendi, ueluti rem sacram & saluti necessariam, ut ipsi nimirum  
discederent unctiores. Non multò post, ad principes absentes, eos in-  
primis, ubi maxime opus esse uidebatur, dat literas Caesar, & mandat  
ut huic decreto statim obtemperent: & decimo quidē die Iulij scribit  
ad Argentinensem episcopū Erasmi, det operam, ut illud, quod labo-  
re suo maximo perfectū sit, in executionē ueniat, & si destituatur ho-  
minibus idoneis, aliunde sumat. Facti decreti fama longè lateq; mox  
disse-



disseminata fuit, et Veneti quidē decimo nono die Iulij edicto cauent, <sup>1 5 4 8</sup> ut qui libros habent, in quibus aliquid sit perscriptū contra fidem ca- <sup>Venete-  
rum ed.  
ictum.</sup> tholicam, intra diem octauū perferant ad certos homines: nam postea fore ut inquiratur, et in eos, qui meriti sint, iudicetur: delatoribus ue-  
rò silentium et donū pollicentur. Habet perpetuos ibi legatos ponti-  
fex, ut in regum aulis etiam: hi multorum oculis et auribus uident et  
audiunt, et sepe sunt authores, ut eiusmodi decreta fiant: sed tamē hac  
utitur cautione senatus Venetus, ut episcopis aut inquisitoribus pon-  
tificijs minimē permittat iudicium, sed adhibeat semper locorum præ-  
fectos et iureconsultos, qui testimonia cognoscant, et provideant, ne  
quid improbē uel auarē committatur in sue ditionis homines. Legem  
hanc tulerunt anno M. D. XXI, cum in agro Britanno quæsitores  
illi ualde sentirent in miseros homines, quasi ueneficos, et cum saba-  
na commercium habentes: nunc autem, postquam longē lateq; radi-  
ces egit Lutheri doctrina, ualet eadē lex, utcunq; pontifices fremant,  
eamq; uelint abrogari. Hoc ferē tempore Gallie rex copias auxillares  
in Scotiam mittit aduersum Anglos, et in his, Germanos, ductore Rin-  
grauio. Caesar uerò Comitem Bichlingum Hubertum et Sebastianum <sup>Proscri-  
pti à Cæ  
sare.</sup> Schertelinum iisdem tabulis proscribit, neq; muldō post, Ringraui-  
um, Hedecum, Recrodum, Rifebergium, et simul exteros omneis  
principes orat, ne tutelam illorum suscipiant, sed in eo sibi gratificen-  
tur, et cum res ita feret, idem ab se iubet expectari. Nauarræ regis fili <sup>Vendo-  
mensis  
nuptiæ.</sup> am, Ioannem, quæ Cliuensi fuerat ante annum septimum desponsa et  
tradita, sicuti diximus, in matrimonium ducit Vendomensis, regie fa-  
milie princeps. Eleonora, Caesaris germana soror, uidua, relictis Gal-  
lijs, in Belgium sese confert. Guisij principis filius, Aumalius, quum  
Caesaris ē sorore neptem, Lotharingæ dominam, multum ambiisset,  
uxorem ducit, Herculis Ferrariæ ducis filiam. Belli Germanici histo-  
riam, quod Caesar gessit, in lucem ad hoc tempus emisit Ludouicus  
Auila, Hispanus; lingua populari conscriptam: Quo loco de Mar-  
chionis Alberti captiuitate loquitur, illecebris muliebribus detentum  
fuisse dicit, quò minus bene rem egerit ad Rochliciam. Idem liber post  
exijt Italicē, Latinē, Gallicē conscriptus. Quamquam Caesar acerrimis <sup>Interim  
impugna-  
tur a  
multis.</sup> uerbis edixerat, ne quis editum de religione librum illo modo impugna-  
ret, uaria tamen exierunt scripta, quæ totam eius doctrinam damna-

1548 bant, & homines, ut ab eo, tanquam à præsentissima peste sibi cauerent, admonerent. In his erat Caspar Aquila, Salueldensis ecclesie minister in Turingia. Scribendi causam huic dederat Islebius, qui domum rediens Augusta, de libro ualde gloriatus erat in itinere, & aureum nunc instare seculum, & Aquilam quoq; dixerat assentiri: hoc ubi rescit, iste, uehementissimè respondet, & mendacij eum insinuat, & falsis dogmatis refertum esse librum affirmat. In Gallijs autem Robertus Abrincensis episcopus contrà scripsit, uerum diuersa ratione, & librum imprimis reijcit, quòd sacerdotibus coniugium, & coenam domini totam uulgo permittat, & per occasionem atrocissimis uerbis in Bucerum debacchatur, ob alteram ductam uxorem. Romæ etiam ordinis Dominicani generalis, uti uocant, Romæus in eandem sententiam contrà scripsit. In reprehensionem itaq; libellus incurrit utrobique. Legatum Cæsar ad Noribergenses ei quosdam alios miserat, qui decretum factum eis persuaderet: cum in ea profectione uenisset ad Saxonie ducis captiui filios, idem egit: sed illi constanter negabant: ad Cæsarem ergò reuersus, rem omnem exponit: itaq; captiuium principem Cæsar denuò sollicitat, deq; filijs ipsius queritur, quòd & decretum nuper factum repudient, et illud oppugnari tum scriptis tum concionibus permittant: petit igitur agat cum illis, ut de utroque sibi satisfaciant. Adhæc ille, quamobrem editi libri doctrinam ipse non probet, nuper se demonstrasse Granuellano & Atrebatensi: quod cum ita sit, non se posse filijs esse authorem, ut quod ipse pacata conscientia facere nequeat, hoc illi faciant: orare se plurimum, ut boni cõsulat, & se suosq; liberos tueatur. Hæc illius constantia, & in rebus aduersis animi fortitudo singularis, magnum ei conciliauit amorem passim apud omnes. Quemadmodum in Saxonia Bremenses, & Magdeburgici, sic in Germania superiori, soli Constantienses, Heluetijs uicini, nondum erant reconciliati Cæsari: sed publica tandem accepta fide, legatos Augustam mittunt, pacificandi causa. Cæsar leges fert admodum duras, & in his etiam, ut librum euulgatum recipiant, ex eoq; religionem constituent. Legati conditiones sibi mitigari petunt: sed id frustrà fuit, & intra certum diem iubentur respondere. Senatus, eo cognito, Iulij die decimo tertio datis literis, admodum demissis, orant, ne quid contra conscientiam & animæ salutem facere cogantur:

Filiorum  
Saxonis  
constan-  
tia.

Constan-  
tium



tur: uidere se periculum suum, & in maximis angustiis uersari: nisi te 15 48  
 nim pareant, omneis suas fortunas atque uitam in discrimen uocari: ad Cæsa  
 quòd si morem gerant, Dei uindictam atq; iudicium sibi subeundum reliterg.  
 esse: parcat igitur, nec in calamitosos atque desertos grauius aliquid  
 statuatur, præsertim, cum ipsi non magis quàm alij deliquerint, & Im-  
 perij ac domus Austriacæ causa, maximas olim sint perpeßi calamita-  
 tes, & ne nunc quidem ullum onus quod ab ipsis præstari possit atque  
 debeat, recuset: ac licet pertenuè sit ipsorum ærarium, & facultates  
 exiguæ, tamen in multam esse duros aureorum millia octo, & tor-  
 menta magna quatuor: sed petere, ut religionem, in qua nunc annos  
 uiginti permanserint, sibi permittat ad decretum usq; legitimi conci-  
 lij, neq; grauiora ciuitati, quàm ferre possit, imponat. Ipsorum episco-  
 pus, Ioannes Vesalius, qui & archiepiscopi Londensis nomen obti-  
 nebat, ut libro duodecimo dictum est, grauius eis fuerat comminatus  
 Augustus, post euulgatum à Cæsare librum: sed paucis à diebus, eodem  
 morbo, quem illis erat imprecatus, interijt, apoplexia nimirum. Quod  
 Austriacæ domus causa multum accepisse detrimenti sese dicunt, sic  
 habet. Cæsar Maximilianus, auxilio Sueuici fœderis, de quo diximus  
 libro quarto, bellum gessit cum Heluetijs: itaq; Constantienses, qui tum  
 eius erant fœderis, planè finitimi, multis fuerunt affecti damnis. opem  
 ferebant Heluetijs Rhæti, Seduni, Veragri, nuper ipsorum facti socij,  
 sed & Gallie rex Ludouicus duodecimus. Intercessione demum Lu-  
 douici Sfortiæ, Mediolani ducis, composita res fuit sub annum salutis  
 millesimum quingentesimum. Sfortiæ sororem Mariam Blancam Ma-  
 ximilianus habebat in matrimonio. Augusti mensis die tertio, Cæsar,  
 consules & omnem senatum Augustanum, & è præcipuis ciuib; non-  
 nullos ad se uocat, & per Seldum iureconsultum de sua suorumq; ma-  
 iorum erga ipsos uoluntate atq; studio multa locutus, turbulenter &  
 seditiose, plurimis nunc annis administratam ipsorum rempubli-  
 cam, eiusq; rei causam esse dicit, quòd in senatum allekti fuerint de me-  
 dia plebe homines imperiti & opifices, nullam ad rem minus quàm  
 ad gubernationem idonei: se uerò, qui ciuitati benè consultum uelit,  
 ut huic malo medicina fiat, exauthorare ipsos omneis, non quidem  
 ignominie, sed communis utilitatis causa. Descripto postea recitari  
 iubet eorum nomina, quos in senatum allegebat, in his erant Vuelseri,

Bellum  
Maximi-  
liani in  
Helue-  
tios.

Cæsar  
marat Se-  
natu Au-  
gustanum.

*Opifices non sunt  
honori ad quod  
ternationem.*

*Exauthoratur Sena-  
tus non ignominie  
sed utilitatis ca-*

1548 Relingeri, Buntgartneri, Fuggeri, Peutingeri: eos deinde iureiuran-  
do deuincit, & suam cuique functionem atque munus distribuit, gra-  
uiterq; monet, ut rempublicam ament, & decreto religionis pareant,  
& obsequentiam ipsi præsent. Tribus etiam simul abrogat, & capi-  
te sancit, ne qua ciuium deinceps conuenticula fiant atque societates,  
& literas omnibus, quibus tribuum iura continentur atque privilegia  
nouo senatui mox exhiberi, & hanc reipublicæ formam, uoce præco-  
nis publicè pronunciari iubet, & ne quis eam impugnet, uitæ peri-  
culo denunciat. Senatus gratias agit, & officium omne pollicetur. In-  
terea dum ista fiunt, clausæ erant omnes portæ, & militum dispositæ  
stationes. Lis erat multis ab hinc annis, Lantgrauio & Gulielmo Co-  
miti Nassouio, de ditione Chattorum: eam nunc demum Cæsar his i-  
psis diebus decidit, aduersus Lantgrauium lata sententia. Legatus Con-  
stantiensium Cæsar huius mēsis die quinta primū respondet per  
Atrebatensem episcopum, & infecta re dimittit, & quia de pace non  
magnopere sollicitos esse uideat, rationem aliquam iniurum se dicit.

Hispani  
petunt  
Constan-  
tiam.

Eodem die, Hispani, quos in oram illam commigrasse diximus, ad tria  
millia pedium, Constantiam petunt, & Vberlinga de nocte profecti,  
pars per syluam iter faciunt, ut prima luce, quo tempore concionem  
in templis haberi sciebant, urbem inuaderent pars in sylua remansit,  
occasionem expectans. Accidit autem, ut tres quidam excubitores, op-  
pidani, quum in uicina sylua fremitum exaudissent, progressi longius  
speculandi causa, in ipsorum manus uenirent: hos illi comprehendunt,  
& necem minati si quod signum darent, unā secum abducunt: dein-  
de quodam in fundo, propè lacum, magno silentio sese componunt:  
sed non fuit occultum, et excubitores, qui tunc erant in suburbio trans  
Rhenum, præfecto suo renunciant, aliquid esse insidiarum. Is è uesti-  
gio refert ad consulem: fuit hoc post mediam noctem hora secunda.  
Consul ilicò senatum conuocat, et ad arma conclamat, tamen si nemo,  
quid esset rei compertum haberet. Albescente uerò die, paulatim sese  
produnt Hispani. pauci tamen, ut de numero excubitorum cognosce-  
rent. Ibi denuò præfectus uigilum consuli nunciat, ut maturè proui-  
deat: nam subesse periculum. itaq; re deliberata, sub horam quartam  
emittuntur ex urbe circiter ducenti ciues in suburbium. Hi, post-  
quam egressi nihil ferè deprehenderēt, aliquantò remissius agunt: sed  
ecce,



ecce, cum iam luceret, Hispani, parietem constructum ex materia, 1548  
 qui mediam fossam diuidebat, machinis prosternunt, & per fossam  
 tunc propè siccam, in oppidanos excubitores confertim irruunt: mox  
 etiam illi, quos in sylua remansisse diximus, accurrunt, & ut magna  
 portam unam refringunt, sed fortissimè ciues dimicabant, & tormen-  
 tis rem agunt, interfecto duce Alfonso Viue, statim in primo congres-  
 su. Cum uerò tantæ multitudinis impetum uix agrè sustinerent, paula-  
 tim retrocedunt, & in ponte Rheni diu multumq; confligunt, & uix  
 tandem in urbem recepti, quum hostes portam ualidè concuterent; tor-  
 mentis maioribus eos petunt ex mœnibus atque portis, & multos in-  
 terficiunt: hos illi statim ex ponte in Rhenum præcipitant, & quum  
 frustra sese moliri conspicerent, fuga suburbium petunt, & pontem  
 extremum incendunt, ne quam oppidani facerent eruptionem. Dein-  
 de, quum libidine se multa fecissent, cadauera sociorum accumulant,  
 & unà cum suburbio exurunt, ut ne de numero cæsorū constaret. ex  
 oppidanis desiderati sunt ad centum. Quum hostile signum daretur  
 Constantiæ, sicuti fieri solet, Heluetij uicini sumptis armis accurre-  
 bant, sed præfectus regionis, qui tum erat Lucernensis, maxima de-  
 nunciata pœna reuocabat eos, nimirum odio religionis. De legatis  
 Argentinensibus antiè diximus, quid egerint cum Granuellano: fini-  
 tis comitijs domum reuersi, rem omnem ad senatum referunt. A deli-  
 beratione, senatus, datis literis ad Cæsarem, Gallicè scriptis, quoniam  
 ea lingua magis affectitur, legati, inquirunt, nostri, nuper è comitijs ad  
 nos reuersi, quid actum sit, exposuerunt, & iam antea librum de reli-  
 gione conscriptū ad nos miserant. cupiebant illi quidem, prius quàm  
 Augusta discederent, per epistolam tibi supplicare potentissime Cæsar:  
 sed eam Granuellanus non recepit: hac igitur de causa nunc ad te scri-  
 bimus. Et primò quidem, nihil omnium rerum magis optamus, quam  
 tibi per omnia gratificari: sed ad decretum religionis quod attinet, ita  
 res habet. Conuocatis & adhibitis nostræ ciuitatis theologis, totum  
 diligenter expendimus: & quanquam in eo sunt, quæ nō omninò dis-  
 sident à sacris literis, tamen quoniam ita conscripta sunt, ut in pleris-  
 que sit opus explicatione maiori, perdifficile nobis est atque graue,  
 sic illa recipere. Nam persuasissimum nobis est, doctrinam nostram  
 atque ceremonias congruere cum uerbo Dei, neque posse à nobis, nisi

Argenti-  
 nensium  
 ad Cæsa-  
 rem lites  
 re.

154. 8 cum offensione Dei & uulnere conscientie, uel deseri uel immutari prius, quàm facta sit cognitio, & nostri etiam homines auditi. Hæc enim consuetudo semper fuit inde à prima ætate ecclesiæ, ut legitimis conuentibus dubia & controuersa definirentur. hæc quoque ratio semper omnium optima uisa fuit in Imperij comitijs, ut pio concilio res tota permitteretur. Itaq; per omnia sacra, perq; sanguinem Christi rogamus, pro nobis effusum, ut in eo ualeant Imperij decreta, nobisq; religionem hanc tueri liceat, donec legitimi concilij autoritas interuenerit. etenim neque melior, nec ad constituendam pacem utilior inueniri uia possit, neque sanè diuturnior. Sin autem postulat hoc nostrum reijcis, & à nobis obsequentiam requiris, etiam atque etiam rogamus, ut nostri theologi primùm audiantur, quò demonstrent, quibus in locis decretum illud existimemus pugnare cum sacra scriptura. quod si fiat, omninò fore speramus, ut & causæ nostræ intelligas æquitatem, & decretum etiam illud mitiges. malignè profectò uel obstinatè nihil facimus, uerùm salutis nostræ ratio & metus diuini numinis impellit, ut ad hunc modum deprecemur. nam in cæteris rebus omnibus ita nos comparabimus, ut quanti sit apud nos tui nominis maiestas atque splendor, uidere possis. Cùm his literis alijsq; mandatis ad Cæsarem missus fuit Ludouicus Grempius iureconsultus: Cæsar autem eodem modo quo cæteris respondet, nec aliud discerni posse, neque iam esse quæstionis tempus, & fore dicit, ut in concilio, quantum satis est, audiantur. itaq; mandat, ut intra mensem, apertè, quid sit ipsorum uoluntatis, exponant. Postquam illa uia, quam diximus, non successit, Cæsar diuulgatis literis Constantienses proscribit. ibi cœptum est agi tumultuosius in urbe: nam & recentis periculi memoria, & futuræ calamitatis expectatio uehementer eos angebant, præsertim, quum nihil humani præsidij uel opis appareret. Erant in numero ciuium nonnulli, qui uocibus odiosis hæc omnia exagitabant: senatus igitur horum importunitate coactus, principes aliquot & Heluetios quoq; per literas orat, ut ad Cæsarem intercedant: Heluetij statim agunt conuentus & assentiuntur: sed, qui sunt pontificiæ religionis, ea lege promittunt, si quidem illi decretum Imperij de religione nuper factum recipiant, & clerum in urbem rursus admittant: cùm ergo ciues urgerent, senatus decretum illud promulgat: suffragijs

Constantienses  
proscribit  
patria Cæsare.



gijs deinde res agitur, & uicit eorum sententia, qui recipiendum esse 1 5 4 8  
dicebant. nam de suis omnino fortunis actum esse clamabant, si quidē  
in eorum statu sit ipsis permanendum diutius: ingentem ac propē  
inexhaustam esse Cæsaris potentiam, cui minimē resistere ipsi possint.  
Eo facto plebiscito, senatus, quid actum sit, Heluetijs renunciat. hi mis-  
sa legatione, de Cæsaris animo perquirunt, ferrēne possit intercessio-  
nem: simul orant, ut clementer eos tractet: Cæsar autem sic illis respon-  
det, ut faciliē uiderent, non ei gratum fore. nam, quod in proscriptorū  
gratiam aliquid facere uelint, ualde sibi mirum esse dicebat. itaq; mul-  
ti, qui religionis immutationem nō probabant, aliō sese conferunt. in  
his erat Ambrosius Blaurerus, ecclesiæ præcipuus ibi minister. Linda-  
uienses, qui sunt contra Constantiam, ad alteram partem lacus, mascu-  
lū quidem antea Cæsari responderant: nunc autem uicino territi exem-  
plo, decretum & ipsi recipiunt. Quum Augusta domum reuersus le-  
gatus Argentinensis, mandatum Cæsaris renunciaret, cogitur magnus,  
uti uocant, reipublicæ senatus. quod non nisi rebus difficilimis & ma-  
ximi momenti fieri consuevit. hi sunt trecenti, ē singulis tribubus, ui-  
ginti numero, delecti quindeni. Suffragijs exquisitis, pleriq; decretū  
minimē recipiendum, & fortiter agendū esse ducebant: inierectis ali-  
quot diebus, rursus deliberatur: ibi remissores aliquantō sententiæ di-  
ctæ fuerunt, & delectis aliquot ē senatu permissum, ut in commune  
consultant. Erant non procul ab urbe, sicut antē diximus, equites Nea-  
politani: & quum Cæsar illo ipso tempore Augusta discederet, omni-  
nō putabatur uenturus Argenteratum, & terrorem multis adferebat  
quod Constantiæ nuper euenerat. itaq; ex nobilitate complures, &  
mercatores, & alij nonnulli, quod suis fortunis metuerent, neq; Cæsa-  
rem uellent offendere, quum ius ciuitatis in senatu renunciaissent, aliō  
migrant, non sine tacita multorum reprehensione. Cæsar Augusta pro-  
fectus, relicto ibi præsidio, reipublicæ & mutatæ causa religionis, cū  
reliquis copijs Vlmam petit. eō cū uenisset, senatum abrogat, & no-  
uum instituit, et ecclesiæ ministros, in quibus erat Martinus Frechtus,  
eō quod religionis decretū repudiaret, custodiæ mādari iubet. Senatus  
per omnia Cæsari deuotus, decretum recipit. Durante comitio, rogatu  
Graniuellani, petierant à Frechto, ut Augustam profectus, negociū reli-  
gionis adiunaret, & ad Pflugiū aut Sidonium aut Islebiū diuerteret:

Ambro-  
sius Blau-  
rerus so-  
lus uer-  
tit.

Argenti-  
nenses  
consult-  
ant de  
Interim.

Frechtus  
coiectus  
in uincu-  
la.

13 4 8 ille, quod et suspectam rem haberet, et quod è reliquis ciuitatibus ne  
 mo sui ordinis ibi esset, recusat. iussus deinde, quid de facto decreto sen  
 tiat, et quousq; probet, scripto complectitur. Vbi uerò Caesar Vlmam  
 venit, senatus illum ac ceteros ecclesie ministros euocat, et per homi  
 nes delectos eorum sententiam exquiri: respondent ut antea, et quid  
 in decreto probent, quid improbent, ostendunt. Rogati, cum Augusta  
 ni doctores illud receperint per iusiurandum, ac nihilo secius euange  
 lium doceant, cur non idem ipsi faciant? non sibi constare dicunt, quid  
 illi fecerint, neque suum esse, alieni facti rationem reddere: se quidem  
 initio, cum ad ecclesie ministerium adhiberentur, fide ipsis data pro  
 misisse, doctrinam euangelij purè ac incorruptè annunciare, sine tra  
 ditionibus hominum: si nunc senatus eam rationem non probet, pete  
 re, ut iusiurandum sibi remittat. Iussi domum abire, post meridiem re  
 uocantur. Ibi delecti quidam senatus, captiuos, inquiunt, hodie uos  
 Caesar sistit, ad eiusq; iam traducemini palatium: Deus uos spiritu  
 suo gubernet. Illi, quoniam ita sit uisum Deo, non se recusare dicunt  
 ullum periculum, et ipsis inuicem bene precantur. sic egressi, statim  
 per apparitores ad pratorium deducuntur, fore putantes, ut sisteren  
 tur Caesari. Post multam expectationem, confluente iam illuc multi  
 tudine, traducuntur in Georgij Bessereri domum, uiri consularis, in  
 qua Granuellanus et Atrebatensis diuersabantur. tandem intromissi,  
 post multam disceptationem, cum Granuellanus urgeret, uti Caesaris  
 edicto parerent, illi uerò, quamobrem non possent, explicarent: acer  
 bis fuerunt excepti conuicijs. deinde, reliquis egredi iussis, et paulu  
 lum diuertere, Frechtum humanioribus uerbis pertentant: et cum is  
 in sententia persisteret, reliquos etiam sigillatim appellant, ex ijs qua  
 tuor fuerunt constantes, duo descuerunt. Granuellano et Atrebatensi  
 aderant Hasius et Seldus. mox impediti catenis, in carcerem publicu  
 ducuntur, Hispanorum et Germanorum praesidio, quibus praeerat  
 Ioannes Comes Nassouius. cunq; domum Frechti praeirent, frater  
 eius Georgius forè prospicit è fenestra, et appellatus ab eo, ut uxo  
 rem ac familiam curaret, salutem ei socijsque precatur, ac simul bono  
 animo esse iubet. Ob hanc uocem et ipse ducitur in carcerem. fuit  
 hoc Augusti die xv. detenti per quadriduum in urbe, quinto die, cum  
 Caesar illinc abiret, reuincti catenis, uti diximus, et impositi currui,  
 deue=



deuehantur Kirchenum, stipati circiter ducentis Hispanis. ibi cum ad dies octo fuissent in potestate Germanorum ducis Altestegij, dati sunt in custodiam, Hispanorum centurioni Madronio. Ulma Spiram Cæsar uenit, ad exitum Augusti mensis. ibi cum esset, uenit Argentoratum ab eo, qui xij. illa tormenta, quæ dare promiserant anno superiori, abduceret. Prædie calendæ Septembreis, pontifex, rogatu Cæsaris, Pōtificij legari in Germaniam. tres episcopos in Germaniam amandat, Fanensem, Veronensem, Ferentinum: horum quæ fuerint mandata, suo loco dicemus. Cæsar non diu Spire commoratus, quum Moguntiam, uenisset, secundo flumine Rheno descendit in inferiorem Germaniam, & Saxonem atq; Lantgrauum, qui Hala Sueuorum nuper adductus erat, quum eius uxor denuo esset deprecata, captiuos abducit, diuersis nauibus impositos. Est ad Rhenum, Lantgrauij quoddam oppidum, Sanguerum, & arx superimposita monti prærupto: cum huc Cæsar uenisset, impediuis nocte, substitit in anchoris, & excubitoribus tantum expositis, in nauibus commorari iubet omnes. Senatus Argentinenſis erat iussus, uti paulo supra diximus, intra mensem respondere: cum ergo Spiram Cæsar uenisset, legati mittuntur ad eum, altera die Septembris, Iacobus Sturmius, Matthæus Gigerus, Ludouicus Grempius: hi, quum Spire non reperirent, Moguntiam usq; sequuntur: quumq; de sua præsentia Cæsari nunciassent, abessent uero consiliarij Germani, quorum opera Cæsar uti consueuit, Coloniam Agrippinam usq; sequi iubentur. Interim episcopus Argentinenſis, ad clerum in urbe commorantem datis literis, quarta die Septembris, postulat, ut Imperij decreto pareant, & ad præscriptam formulam rem instituunt: simul mittit literas ea de re Cæsaris, quas decima die Iulij scriptas fuisse diximus: adhæc, senatui quoq; scribit, ne illis impedimentum inferant. Legati Argentinenſes, ubi Coloniam uenerunt, octaua die Septembris, alteram epistolam, Gallicè conscriptam, Cæsari, nomine senatus tradunt, in hanc sententiam. licet, quo tempore tibi reconciliati fuimus, inuictissime Cæsar, non promissimus obseruantiam eorum quæ decernerentur: etsi non sumus unquam assensi, ut ad eum modum de causa religionis ageretur, tamen, quantum omnino fieri potest, parati sumus tibi gratificari non solum in ciuilibus, uerum etiam in rebus sacris: intelligimus quidem satis, te, cæterosque principes nolle nostras actiones considerare, &

Argenti  
nenſium  
ad Cæsa  
rem epis  
tola.

1548 æquum esse, ut nos tua uestigia obseruemus: uerū tamen oramus inuicem, ut cogites, quoniam sui facti rationem oportet unumquemque Deo reddere, merito nos de salute nostra sollicitos esse, & providere, ne quid contra conscientiam à nobis fiat. quæ causa fuit etiam, quod in spem uenimus, fore, ut nostris theologis auditis, decretum mitigares. Quia uero nos ad concilium reijcis, & fore dicis, ut ubi res iuxta sacras literas tractetur, conditionem accipimus: & ne uideamur esse contentiosi uel obstinati, quò minus nostræ ciuitatis episcopus, formidans illam tuam, certis in templis apud nos, per sui ordinis homines instituat, non recusamus: de templis cum eo transigemus, nec ullū inferemus impedimentum, neque ciues ab illis arcebitur, & cuique liberum erit, quam uolet, & quam rectam esse putabit, religionem sectari: sed ea lege tamen, ut nobis inuicem habere liceat aliquot templa, in quibus uerbum Dei purè doceatur, & administrentur sacramenta, sicut decet, & lingua populari. Curabimus etiam, ut populus in disciplina contineatur, & ne quid præter decorum fiat: deinde dies festos, & quod reliquum est de ieiunijs & interdicto esu carniū, obseruari mandabimus, neque patiemur, ut pro concione uel alijs in locis aliquid fiat, quod offensionem causam præbere possit. Et quoniam hæc doctrina multis nunc annis ita radices egit in animis hominum, ut, nisi cum uulnere conscientie, tam subito tolli non possit: deinde, quoniam hac ratione, quam ostendimus, decretū tuum, Cæsar, locum apud nos habebit, oramus, quàm possumus uehementer, ut nostris precibus acquiescas, & adusque concilij tempus religionem hanc nobis permittas: hoc & Deo gratissimum erit officium, & ad ciuitatis nostræ totiusque provincie pacem imprimis pertinebit. Hanc epistolam ubi Cæsar audiuit, & simul ea quæ Iacobus Sturmius pro sua facundia copiosius explicabat: per Seldum de sua in Germaniam uoluntate multa locutus, sic tandem eos dimittit post multam actionem, ut cum episcopo transigant, ea lege tamen, ut si non conueniat, penes ipsum sit arbitrium. Quum in Belgium Cæsar uenisset, Saxonem quidē secum esse uoluit, Lantgrauium uero misit Audenardā, Flandriæ oppidum. Ad Brabantie fines, copias omnes, quas Augustam secum adduxerat, dimittit. De Camere iudicio supra diximus, quemadmodū Cæsari permissi sunt ordines, ut illud constitueret: ad calendās igitur Octobris, ut decre-



decretum antè fuit, inchoatur, & aduocati treis, ob suspicionem Lu= 1 5 4 8  
 theranifmi remouentur, cæteris autem omnibus inter alias leges præ=  
 scribitur, ut ecclesiæ catholicæ dogmatis insistant, aut loco submoue=  
 antur. Ibi Smalcaldicis litem mouere cœpit Henricus Brunswicensis,  
 ob antea factum bellum, quando pulsus fuit. pactus quidem erat, quum  
 è carcere dimitteretur, etiam iuratus, nihil se tentaturum esse: uerum  
 ab ea transactione discessit, & non ipse modò, sed & Moguntinus &  
 Prusie magister, & Nassouius, & Renardus Solmensis, & alij litem  
 aduersus Lantgrauium instituebant. Constantienses, nuper proscri=  
 pti, quum in magnis essent angustiis, neq; salutis uiam ullam uideret,  
 ad extremum per fugium decurrunt, & Austriacæ domui sese dedunt  
 in perpetuum. Ferdinandus igitur in suam tutelam eos recipit, et mox  
 præfectum eò mittit ex nobilitate quendam. Is Idibus Octobris has  
 eis conditiones proponit. Ferdinandum eiusq; liberos & hæredes, pro  
 suis dominis in posterum agnoscant, eisq; fidem omnem & obediën=  
 tiam præstent, nec ab eis ullo tempore deficiant, neq; fœdus ullum in=  
 eant: decretis, quæ Ferdinandus eiusq; præfecti de religione cæterisq;  
 rebus facturi sunt, omninò pareant: in bellicis alijsq; negocijs, Ferdi=  
 nando eiusq; liberis & heredibus præstò sint, & imperata faciant, si=  
 cut reliqui prouinciales. Eas deinde conditiones per iusturandum ac=  
 cipiunt. Biduo post, præfectus conuocat senatum, ab ijsq; postulat, ut  
 quantæ sint ærarij facultates, profiteantur, ut tormenta cum omni in=  
 strumento referantur in rationes: mandat etiam, ne quis oppidanus  
 longiorem ensen ferat, ne quis ad munitiones & uigilias accedat, ut  
 eorū nomina, qui durante bello, periculi ciuitatè admonuerunt, edan=  
 tur: ut absentium & eorū bona, qui migrarunt, scribantur in libellis  
 & detineantur: ut literæ omnes publicæ exhibeantur, & quò quæq;  
 pertineant, per aliquē eius rei peritū demonstretur. post hæc, ministris  
 ecclesiæ mandatur omnibus, ut intra diem octauū urbe excedant. Hoc  
 mense, Mauricij Saxonie ducis frater Augustus in matrimoniu ducit  
 Christiani Danie regis filiam, Annam. In pactis dotalibus cōuenit, ne  
 quid bonorū Ioannis Friderici, uerum ex patrijs bonis, Mauricius hæ=  
 reditatè ei daret. Erat id tēporis magna seditio per Aquitaniam, propter  
 salinas et uectigalia. Totius autē regiōis principatū obtinet Burdega  
 la, urbs ampla et copiosa et maritima, quæ ditiōis Anglorū aliquādo  
 fuit:

Constan  
 tienses  
 Austria  
 æ domui  
 se dedūt.

Augusti  
 nuptiæ.

Seditio  
 Burdega  
 lre.

1548 fuit. hi cum primis etiam rebellabant, & præfectum regium trucidauerant. Cum igitur ad exemplum & ad magnum periculū ea res pertineret, Gallie rex, Connestablio & Aumalio ductoribus, copias commisit, peditum signa xxxi. & in his Germanorum signa xi. & equitatum mediocrem. Eo cognito, Burdegalenses Connestablium sollicitant, neque se recusare dicunt, quò minus ingrediatur armatus: uerum, ne Germanum militem ingredi patiatur, orant. ille, non esse quòd sibi præscribant, ait: Germanos æquè ut ceteros militare regi: facturum in eo se pro iudicio: quòd etià si non patefaciant urbem, habere se tamen clauēs, quibus eam referare possit. Sic igitur ingressus est Octobris die xix. & copijs huc illuc dispositis in ordinem, tormentis etià suo loco collocatis, primum arma ciuium & machinas omneis iubet comportari & in arcem deferri: sic biduum est consumptum. Tertio die coeptum est inquiri per singulas aedes, & comprehenduntur seditioni, magno numero, post ad horrendam lanienam uentum est: nec enim uno supplicij genere sublati fuerunt. Ex nobilitate quoque producti xiiij. laqueis obuincti collum: ex ijs unus & alter capite mulctantur: pro ceteris Germani duces intercedunt, & connestablium exorant. huic tam tristi tamque funesto spectaculo dati sunt dies xij. Præter eos, qui capitis poenam subierunt, ad triremes etiam plurimi damnantur. ademptæ quoque sunt illis omnes campanæ, non in urbe tantum, sed per agros etiam, ne quod excitandi motus, ut antea, signū dari posset. deinde, literæ omnes, quibus reipublicæ immunitates atque priuilegia continebantur, exustæ sunt omnes, ipsismet ignem inflammantibus. Et quia regium præfectum interfecerant, Connestablius eos adigit, ut terram, qua tectus erat & humatus, nullo cum instrumento, sed unguibus atque digitis reuellerent. sic inuentum ac restitutum cadauer, maxima deinde pompa monachorum & sacrificorum terræ mandatur. Ponē sequebantur ciues omnes, ad quinque circiter millia cum singulis carereis: & cum ad Connestablij diuersorium uenissent, sistitur finis per interualla passuum aliquot. ibi tum illi in genua prolapsi, lamentabili clamore misericordiam implorant, & suū ipsi delictum execrantur, & regi, quòd non atrocius in se uindicarit, gratias agunt. his omnibus peractis, Nouembri die nono disceditur illinc, relicto præsidio. Per Italiam hoc tempore mirabile quiddam accidit.

*Ciues unguibus  
terram reuellerent.  
qua tectus fuit  
Effectus. Regius  
ab ista morte*



accidit. Est in agro Patauino, Venetorum ditionis oppidum, Citadel- 1 5 4 8  
 la. hic erat ciuis quidam, homo forensis & causidicus ualde exercita-  
 tus, Franciscus Spiera. Is incredibili quodam ardore cœpit complecti  
 puriorem doctrinam: & quum indies magis atq; magis proficeret, nō  
 domi tantum apud amicos, quid sentiret de singulis dogmatibus, uerum  
 etiam passim apud omnes, explicabat. Ea res non diu potuit esse oc-  
 culta, & tandem ad legatum pontificium, qui tum erat Venetijs, Ioan-  
 nem Casum, archiepiscopum Beneuentanū, delata fuit. Vbi hoc Spie-  
 ra cognouit, facile suum intellexit periculum: cum ergo diu multumq;  
 in omnem partem deliberasset, tandem statuit uocatus conuenire le-  
 gatum. Itaq; profectus Venetias, & errorē suum, uti putabat, uel me-  
 tus causa dicebat, confessus, ueniam poscit, & obsequentiam in poste-  
 rum pollicetur. Legatus, tamen si propter spontaneam confessionem  
 gaudebat, tamen exempli causa iubet, ut domum reuersus, ante dicta  
 publicē reuocet. Accipit ille conditionem: & licet iam tum inciperet  
 ipsum poenitere facti, tamen urgentibus amicis, qui non ipsius modō,  
 sed coniugis etiam & liberorum & facultatum ipsius spem totam in  
 eo positam esse dicerent, obtemperauit. Verum non multo post in æ-  
 gritudinem incidit tum animi tum corporis, deque misericordia Dei  
 cœpit desperare. de consilio igitur amicorum Citadella defertur Pa-  
 tauinum, ut & medicorum operam, et doctorū hominum haberet pa-  
 ratam consolationem. Medici, Ioannes Paulus Crassus, Bellacata, Fri-  
 simelega, statim ubi uidissent, ex uehementiori cogitatione natū mor-  
 bum, nec ullum esse remedium præstantius iudicabant, quā animi  
 consolationes. frequentes igitur ad ipsum quotidie ueniebant homi-  
 nes docti, & sacræ scripturæ testimonijs, quæ summam Dei misericor-  
 diam nobis explicant, mentem illius sanare studebant: ipse uerō, non  
 inspicari quidem ista, sed ad se nihil pertinere, & quod agnitam ueri-  
 tatem abiurasset metu periculi, destinatum se cruciatibus æternis, &  
 illos iam animo sese persentiscere atq; uidere, neq; Deū amare posse,  
 uerum horribiliter odisse dicebat, in eoq; persitit. neq; iam cibum: am-  
 plius capere uolebat, & quum per uim ingereretur, subinde respuit.  
 Longum esset omnia referre, quæ uel ipse dixit, uel alij, ut ei despera-  
 tionem eriperent, in medium attulerunt, è sacris petita literis: Quum  
 ergo frustra consumerentur omnia consilia, & ipsius tum infirmitas

15 4 8 corporis tum angor mentis, indies magis atq; magis augefceret, do-  
 mum relatus fuit, atque ibi miser in eo statu ac desperatione uitam fi-  
 niit. Decumbenti Patavij, frequens affedit consolator inter alios, Pe-  
 trus Paulus Vergerius, episcopus Iustinopolitanus, quod est in Istria,  
 Venetorum ditionis oppidum. Quomodo Clemens atq; Paulus pon-  
 tifices, opera Vergerij sint usi per Germaniam, superioribus libris de-  
 monstratum est. Ferdinando quidem regi ualde charus fuit, dum in  
 Pannonijs ageret. cui cum esset nata filia Catharina, Vergerius, una  
 cum Georgio Marchione Brandeburgico & Ioanne archiepiscopo  
 Lundensi, in baptismo pro ea fideiusit. Verum à pontificatu Roma-  
 no postea defecit, mirabili quadam occasione. Cum à colloquio Vuor-  
 maciensi, quod fuit initio anni M.D.XLI. sicut diximus, Romam uo-  
 catus redijffet, pontifex, creaturus novos cardinales, ipsum quoq; de-  
 signabat inter alios: erant autem qui clanculum insusurrarent, illum  
 multa iam consuetudine Germanorum esse factum Lutheranum. Hoc  
 ubi Vergerius ex cardinali Ginucio, cui pontifex dixerat, audisset,  
 ualde fuit attonitus, & ut sese purgaret, in patriam secedit, atque li-  
 brum orditur, cui titulum dedit, Aduersus apostatas Germanie. Dum  
 autem consutandi causa, libros aduersariorum diligenter excutit, &  
 attentè considerat argumenta, captum sese uictumq; sentit, & abiecta  
 spe cardinalatus, ad fratrem suum germanum, Ioannem Baptistam,  
 Pole ciuitatis episcopū abit, & re tota cōmemorata, consiliū exqui-  
 rit. Frater, initio territus, conditionem hominis deplorat: sed quum il-  
 lius precibus inductus ad scripturæ peruestigationē sese applicasset,  
 imprimis autem illud doctrinæ caput, quod est de iustificatione, dili-  
 genter expendisset, facta sententiarum collatione, cedit & falsam esse  
 pontificiam doctrinam iudicat. Itaq; mutuò sibi gratulantes, quod  
 proprium est episcoporum munus, populum erudire cœperunt per  
 Istriam, & Christi beneficium humano generi collatum diligenter in-  
 culcant, & cuiusmodi opera Deus à nobis requirat, ostendunt, ut ad  
 purum cultum homines reuocarent. Sed exorti sunt aduersarij multi,  
 monachi præsertim, hi qui dicuntur obseruantes, qui rem ad inquisi-  
 tores deferebant, in quibus facillè primus erat Annibal Grifonius, &  
 huic adiunctus Hieronymus Mutius, qui & Vergerianam scripsit  
 inuectiuam postea, nec id modò, sed euulgato quoque libello, Germa-  
 niam,

Vergerij  
ad Euan-  
gelium  
conuer-  
sio.

Inquisi-  
tores fi-  
dei in  
Vergeri-  
um.



niam, odio religionis, maledicentiſſimè traducit. Grifonius ubi Po=  
 lam ac Iuſtinopolim ueniſſet, in ciuium ædes irruit, & ſi quos habe=  
 rent libros prohibitos, inueſtigabat: deinde, cùm pro concione multa  
 dixiſſet, pontificium fulmen emiſit in eos, qui de Lutheraniſmo ſuſpe=  
 ctos non accuſarent: ijs tamen, qui redirent ad ſanitatē, & ultrò  
 ueniam ab ipſo peterent, leuiorem pœnam promittebat: qui uerò nō  
 ſponte patefacto crimine, poſt ab alijs accuſarentur, in eos igni ſeſe  
 uindicaturum affirmabat, & ſingulas domos ingreſſus, territabat o=  
 mneis. Itaq; reperti ſunt nonnulli, qui ſe accuſarent ipſi, ac pleni for=  
 midinis nihil detrectarent: ex ijs, qui lautiores erant, priuatim, humi=  
 liores autem publicè coacti ſunt errorem ſuum teſtificari: qui nouum  
 teſtamentum, lingua populari ſcriptum, ab ſe lectum eſſe fatebantur,  
 eos grauiffimis uerbis, ut in poſterum abſtinerent, deterrebat: deinde  
 promiſcua multitudo, timore percuſis animis, deſerebant quoſq; cer=  
 tatim, nulla neq; propinquitatis neq; neceſſitudinis aut benefactorum  
 habita ratione: non parenti filius, non uxor marito, non cliens patro=  
 no parcebat. Delationes autem erant plerunque de rebus friuolis,  
 ut quiſque fortè aliquid ob ſuperſtitionem in aliquo reprehenderat.  
 Hiſce rebus addebantur conciones, Vergerij dogmatis aduerſariæ: cer=  
 toque die, cùm in æde primaria populus admodum frequens Iuſtino=  
 poli conueniſſet, Grifonius, qui tum conſultò miſificabat, ſplendidè  
 exornatus, inter alia, ut aculeum deſigeret, hoc, inquit, tempore &  
 hiſce aliquot annis multæ uos premunt calamitates, quæ nunc oleas,  
 nunc ſegetes, modò uineas, modò pecudes aliàsque facultates graui=  
 ter affligunt: his uerò malis cauſam præbet episcopus ueſter & hære=  
 ticorum turba reliqua: nec eſt quòd leuationem ullam ſperetis, niſi  
 coherceantur: proximum autem eſt, ut impetu factò lapidentur. Hac  
 illorum uiolentia coactus Vergerius, Mantuam diuertit ad cardina=  
 lem Gonzagam Herculem, cui notus erat familiariter. Cùm autem  
 & Romæ quidam, & pontificis ad Venetos legatus, Ioannes Caſus,  
 Gonzagam per literas & internuncios urgerent, ne talem hominem  
 foueret amplius, ille Tridentum, ubi tum agebatur concilium, purgan=  
 di ſui cauſa proficiſcitur. Pontifex, ubi reſciuit, etſi captiuum fieri ma=  
 liſſet, tamē, ne qua ſuſpicio naſceretur, in Germania præſerim, qua  
 ſi minus eſſet liberū conciliū, ſuis ibi legatis reſcribit, ne locum ei tri=  
 buant

1548 buant in confesso, uerum aliò discedere inbeant. Ad hunc modum eliminatus, Venetias iuit: hic ille, quem dixi, Casus legatus, eum, uti Romam peteret, modis omnibus hortatur: ille uerò, qui periculum suum intelligeret, recusat. Tum alter, post aliquot dies nomine pontificis ei mandat, ne Iustinopolim reuertatur: itaq; Patauium sese confert. Ibi cum esset, spectator fuit huius tam miserabilis exempli, quod diximus: eo permotus, cum iram Dei, qua miser ille percussus fuit propter abnegatam ueritatem, coram ipse uidisset, magis magisq; confirmari coepit, & tunc planè constituit, relictà patriā, posthabitisq; rebus omnibus in uoluntarium exilium abire potius, & eò proficisci, ubi Christum liberè profiteri posset. quod paucos deinde post menses fecit, & ex agro Bergomati profectus, ad uicinos Rhætos peruenit: et cum ibi atq; etiam in ualle Telina, quæ proximè spectat Italiam, annis aliquot docuisset euangelium, à Vuirtembergico principe Christo phoro Tubingam fuit accersitus. Antequàm ex Italia decederet, iam erat mortuus eius frater episcopus Pola, suspitioq; fuit ueneno sublatum esse. Multi præterea Spieram in eo statu uiderunt, magni nominis uiri, & in his Matthæus Gribaldus, iureconsultus Patauinus, qui & rem omnem, quam ipse coram uidit & audiuit, scripto complexus, in lucem edidit, uti Vergerius etiam, & Sigismundus Celous, Polonus, & Henricus Scotus. Ille, quem diximus, archiepiscopus Bencuenta=

Archiepiscopi  
fœdiras. nus, libellum conscripsit, planè cinædum, & quo nihil fœdus excogitari possit. nec enim puduit eum, scelus omnium longè turpissimum, sed per Italiam nimis notum atque Græciam, celebrare laudibus. In=

Conuen= sus Pro= uinciales terim archiepiscopi Germani, Moguntinus inprimis & Colonien=

sis Pro= uinciales & Treuericus, per suam quisque diocesim, uti uocant, conuentus agunt, ut ad formulam, à Cæsare præscriptam, ecclesias emendarent: nam hoc ei promiserant. Per ditionem Coloniensem Bucerus antè docuerat, ut libro decimo quinto diximus, & erant ecclesie ministri nonnulli, qui duxerant uxores. Quamquam uerò Cæsaris decreto permissum erat sacerdotibus maritis coniugium, donec concilium de eo statueret, Colonien=

sis Pro= uinciales tamen hoc ad Lutheranos tantum pertinere dicebat, non autem ad ecclesie Romanæ sectatores. itaque facto decreto matrimonia contracta rescindit, & incesta pronunciat, & liberos ex ijs procreatos, illegitimos esse iubet. Treuirensis non ita magnam



magnam obtinet prouinciam, & treis tantum habet sue ditionis episcopos, Metensem, Tullensem, Virodunum. Ibi nihil opus erat eiusmodi lege: nam qui sunt ijs locis ecclesiastici, concubinas habere malunt quam uxores: per archiepiscopatum autem, ubi periculi plus esse uidebatur, idem sanxit quod college. Moguntini ditio longissime patet, nam duodecim ei subsunt episcopi, & Hissia quoque serè tota ad ipsius iurisdictionem ecclesiasticam pertinet. Cœpit igitur uigere & instare, ut Cæsaris decreto parerent, & doctrinam libro comprehensam sequerentur, idem agebat Treuericus, qui & ipse aliquid ibi iuris habet: sed filij Lantgrauij ceteriq; præfecti & consiliarij surdis alribus hæc accipiebant. Francofurtum quoque Moguntinus uicarium suum episcopum Michaëlem Sidonium misit, is expiatis primum ibi templis more suo concionatur atq; docet Episcopus Augustanus, sacricos aliquot minus constantes, ut doctrinam suam abiurarent, adiegit. De Gallis antè diximus, qui per æstatem Scotis auxilio profecti fuerunt: hi tandem mortui regis filiolum Mariam, unicam heredem, sex annorum puellam, in Galliam abducunt, ut eius consequenda spem omnem Anglis adimerent. Cardinalem hoc anno creauit pontifex Carolus Vendomensis, Gallum. Posteaquam in Hispaniam uenit Maximilianus Austriacus, in matrimonium ducta Cæsaris filia, Maria, Philippus Cæsaris filius, tunc xxi. annorum iuuenis, euocatus à patre, ad iter sese comparat, & relicto ibi patruele sororio, qui per suam absentiam reipublicæ præesset, quum uentis uela dedisset, Nouembris die uigesimo quinto, cum triremibus quinquaginta, totidemq; serè nauibus onerarijs, Andrea Auria, qui Maximilianum transportauerat, ductore, Genuam appellit, magna comitatus procerum turba, & in his, Albano duce & cardinali Tridentino. primis aliquot diebus, extra muros commoratur in adibus Aurie præfecti clauis, interea dum & naues exonerantur, & apparatus in urbe perficitur. Altera die Decembris ingressus, magnificentissimè excipitur, & tum pecunia tum rebus alijs ad prosecutionem terrestrem necessarijs & idoneis cohonestatus, octauo post die discedit, & per Alexandriam atq; Papiam statim itinere, Mediolanum petit. Erant Papiæ tormenta, quæ Cæsar crepta Saxonie duci Ioanni Friderico, sicut diximus, cōmiserat: hæc etiam spectauit. Mediolani, quo decimo nono Decembris die uenit,

Regina  
Scotigin  
Galliam  
abducta

Philippus  
Cæsaris fili-  
us per Ita-  
liam  
excipitur.

Conuen-  
tus Saxo-  
nia.

1549

Motus  
in Aphri-  
ca.

passim erant ei positi triumphales arcus atq; statuæ, cum honorificis inscriptionibus. Ingressi præsto fuerunt Sabaudie dux, Veneti, Florentini, Ferrarienses, Senenses legati. Sub hoc tempus est uita decessit Bruxellæ, ubi tum Cæsar erat, Comes Burensis, Maximilianus, mortuus angina, quum ipsam propè mortis horam, ut aiunt, medicus ei prædixisset, ubi uidit, Andreas Vesalius. De Mauricio diximus, quemadmodum post recitatum religionis decretum, Augusta discessit. ubi domum rediit, nobilitatem & reliquos ordines conscribit, & Mi-seni rem omnem proponit, & quæ sit Cæsaris uoluntas, ostendit. Illi promissum & Cæsaris & ipsius etiam urgent, & ut Augustanæ confessionis religio ipsis permittatur, instant: placuit post, ut theologi Vuittembergici simul & Lipsenses adhiberentur: itaq; conuentum est, primum Begæ, deinde Cellæ, post, Iuterboci: ueni huc etiam à Brandeburgico missus electore, Ioannes Islebius. Hic fuit decretum de rebus medijs, & ijs quæ dicuntur adiaphora. postremus erat conuentus Lipsiæ: conscripta fuit hic formula religionis, quam per Mauricij fines sequerentur omnes. hic uerò libellus maximas deinde peperit offensiones, ut suo loco dicetur. Interea filius Cæsaris progrediur, & per Mantuam atq; Tridentum facto itinere, Augustam, deinde Spiram uenit, postea per Luceburgicum agrum ad Cæsarem parentem contendit, cardinali Tridentino comitatus inter alios. Aduentanti Cæsar obuiam misit insignem equitatum in Germaniam usque, ductore Arescoto principe. Mauricius obuiam ei profectus Tridentum usq; Mantuam & Venetias, uisendi causa, paruo cum comitatu excurrit, & honorificentissimè fuit habitus à senatu. Pro Lantgrauio socero diligenter Philippum orabat, ut ad parentem intercedat, idq; post ei nunciat, & quod liberaliter ille sibi promississet, bene sperare iubet, monens tamen, ut dissimulet, neque significationem ullam ostendat. Hoc tempore motus fuerunt per Aphricam. nam Zeriphius quidam, à paruis, ut aiunt, initijs auctus, & regnum adeptus, uicinum regem Fesani, finibus expulit, qui post ad Cæsarem uenit Augustam, de sua fortuna conquerens, & opem implorans. Episcopus Metensis, Nicolaus, Antonij Lotharingæ ducis filius, & nepotis ex fratre tutor, ut libro decimo sexto diximus, ordine ecclesiastico abdicato, in matrimonium ducit quandam Egmondanæ familiæ, quæ per Bra-

ban-



bantiam possessiones habet. sic episcopatus ad Lotharingæ cardina- 1549  
lem redijt. Quid Argentinenses legati Colonia tractarint cum Cæ-  
sare, suprà dictum est: ubi domum reuertissent, aliquantò post cœ-  
ptum est agi cum episcopo, qui conuocata nobilitate, quid Cæsar fie-  
ri uelit, ostendit, & mandat omnibus, uti pareant: clerum etiam Ar-  
gentinensem obtemperare iubet: cunq; duriora proponeret, sena-  
tus duodecimo die Februarij, misso legato, Henrico Copo iurecon-  
sulto, & datis ad Cæsarem literis, diligenter quidem egisse cum epi-  
scopo, sed tales ait ab eo proponi conditiones, ut si recipiant, retine-  
re non possint ea, quæ decretum nuper Augustæ factum ipsis largi-  
tur atque concedit. post multam enim actionem, ostendimus, inqui-  
unt, ei, uelle nos mandare ciuibus, ut dies festos colant, ut certis die-  
bus abstineant à carnibus: adhæc, cum ecclesiæ ministris egimus, &  
ex ijs quosdam ultrò discessuros à munere docendi putamus: per nos  
igitur ei licet & est integrum, ut iuxta formulam Augustæ præscri-  
ptam, instituat religionem: nec enim ullum dabimus impedimen-  
tum, & ciuibus etiam, ne quid contrà faciant, mandabimus: quod  
cum ita sit, petimus inuictissime Cæsar, ut ecclesiæ ministros nobis  
permittas, etiam eos qui sunt mariti, nec ad grauiora cogas, præser-  
tim cum & modestiam omnem simus præstituri, nec offensionis ul-  
lam daturi causam. De Magdeburgicis antè diximus, quomodo Cæ-  
sar eos proscripserit: cum autem decretum religionis nuper euul-  
gatum repudiarent, aucta fuit offensio: sic ergò nouis edictis Cæsar in  
eos agit, & in prædam omnibus obijcit, & uicinos principes ac ordi-  
nes grauius monet, ut bellum eis faciant, et quacunq; ratione possint,  
noceant. Dictum est antea, quomodo Cæsar concionatores Vlmenses  
comprehendi iussit: hi septimo tandem mense, Martij die tertio liberi  
facti sunt atque dimissi, cum pro uictu soluissent. Angliæ status in  
hoc tempore, cœpit esse turbulentus. Is, quem diximus, regis auun-  
culus & regni protector, Eduardus Somersetus, fratrem habebat ger-  
manum, Amiralium, de quo suspicionem concepit, aut sibi persuade-  
ri passus est, quasi regnum affectaret, & regem uellet in suam redige-  
re potestatem. itaq; comprehendi iubet, & habita quæstione, capitis  
ille damnatur, & Martij die uigesimo securi percutitur. Habebat in  
matrimonio regis Henrici uiduam uxore, Catharinam Parram, idq;

Argentia  
nensi li-  
teræ ad  
Cæsare

Magde-  
burgici  
secundo  
proferri  
pti.

Amira-  
lius An-  
gliæ capi  
re placu-  
tur.

1549 suspicionem nonnihil etiam auxit: sed æmulatio muliebris & inuidia plurimum huc attulisse momenti putatur. Episcopus Argentinenſis iterum monet clerum, ut edicto Cæsaris pareant. Est ibi diui Thomæ templum. eius annui proventus conferuntur omnes, de uoluntate senatus, in ecclesiæ ministros & uiros doctos, qui docendæ iuuentuti præſunt. hos inprimis urgebat, & intra quod tempus decreto Cæsaris & expectationi satisfacere uelint, deinde, quos haberent ad institutū illud idoneos homines, & cuiusmodi superessent adhuc ornamenta, sibi nunciari petebat. Illi spaciū deliberandi sumunt. Archiepiscopus Cantuariensis, Thomas Cranmerus, Angliæ primas, uir excellens doctrinā, totus in hoc erat, ut studia literarum atq; pietatis excitaret: cum ergo statum Germaniæ et doctærum hominum ibi periculum uideret, crebris literis Bucerum inprimis & Paulum Fagium, Hebrææ linguæ peritissimum sollicitabat, ut in Angliam uenirent, omnem amorem atq; fidem eis pollicitus. Itaq; de assensu & uoluntate senatus, calendis Aprilis, iter ingrediuntur, ut ibi sementem puræ doctrinæ facerent. Aduentus eorum & regi fuit & toti propè nobilitati atque populo gratissimus: & quum apud Cantuariensem aliquādiu subsuissent, Cantabrigiam mittuntur ambo, docendi causa. Calendis Aprilis, Philippus Austriacus, amplissima cum pompa Bruxellam, ubi pater erat, ingreditur. aderant Mauriciani & Brandeburgici legati, de intercessionē missi ad Philippum & cardinalem Tridentinum, quo Mauricius utebatur amico. Et licet hi Lantgrauio, qui tum erat Audenardæ, bonam spem facerent: nihil tamen effectum fuit, et paulo post, cum Lantgrauus, per causam uoletudinis uellet uesci carnibus, die quodam uetito, custodiæ præfectus interueniens, allatum cibum in terram effundit & dissipat. Ad hoc ipsum tempus, episcopus Argentinenſis, octauo demum anno, sacris, uti uocant, inauguratur, & missificat, & uniuersi cleri conuentus agit Tabernis, & decreta facit, ad ipsorum institutum accommodata. Deinde per internuncios, à senatu Argentinenſi postulat, ut reedificent aras, ut ecclesiæ ministros constituendi facultatem sibi reddant, ut clero iusiurandum remittant, & immunitatem omnem restituant, ut ædium sacrarum ornamenta redhibeant: Thomensibus uerò mandat, ut apertè respondeant, parere ne uelint edicto Cæsaris, an minus: Illi, primò de sua in Cæsarem obseruan-

Bucerus  
& Fagius  
in Angli-  
am tra-  
iiciunt.

Argenti-  
nenſes so-  
licitantur  
ab episco-  
po, ut  
Missā re-  
stituunt.



seruantia, post, de suis officijs atq; functione prolixè locuti, quid quis = 1549  
 que doceat & agat, ostendunt, theologi nimirum & philosophi, &  
 dialectici & rhetores, ac id genus alij, tum ecclesiæ tum scholæ seu iu-  
 uentuti non utiles tantum omnes, uerum etiam necessarij: deinde per  
 quos in collegium adoptati sint, approbante senatu, demonstrant, &  
 post multam explicationem demissè admodum & amanter orant, ne  
 rationem hanc tam bene constitutam perturbet, nec ipsos alijs rebus  
 minus necessarijs occupari uelit. Legati contra, collegium istud ob id  
 genus officia scholastica non institutum esse, neq; rationem antiquam  
 oportere mutari: si qui sint inter ipsos, qui grauari sese, neq; bona con-  
 scientia morem gerere posse putent, episcopum certè nō cum esse, qui  
 uelit ipsis inuitis aliquid persuadere, sed ijs, ut loco decedant, licere, et  
 sicut prouerbio dici solet, aut bibant aut abeant: etenim, si literarum  
 & artium professores in urbe senatus habere uelit, æquum esse, ut non  
 ex collegij fructibus, qui sint antiquitus aliò destinati, sed ex ærario  
 publico sumptus fiat: episcopū, & eius antecessorem, multis nunc an-  
 nis impeditos in suo iure fuisse, uerū diutius hoc tolerari non posse.  
 Multis inter eos commutatis uerbis, infestare disceditur: & senatus,  
 ubi cognouit, ad episcopum intercedit, amantissimisq; literis eum o-  
 rat & obsecrat, ut saltem iuuentutis rationem habeat, quæ magnam  
 ingenij culturam ex ea schola seu literarum ludo percipiat. Ad hunc  
 modū scriptis & internuncijs uariè res & diu multumq; fuit agitata,  
 donec per intercessores tandē componeretur, ut infra dicemus. Episco-  
 pus, qui semper habitus est ingenio leni & ocij cupido, non tam sua  
 sponte putatur hoc fecisse, quàm suorum impulsu, qui & occasionem  
 hanc recuperandæ iurisdictionis, minimè negligendam, et nisi urgeat,  
 Caesaris quoq; metuendam dicebant offensionem. In his autem actio-  
 nibus usus est administro potissimum Christophoro Vuelsingero iu-  
 reconsulto, qui literis aliquandō dedit operam Vuittembergæ: clerus  
 primarij templi Argentinenfis Ioannem Tischelium iurisperitum ad-  
 hibeat. De principe Vuolsfango Bipontino, superiori libro diximus,  
 quomodo post promulgatū decretum religionis, Augustam fuerit ac-  
 cersitus: hunc Caesar non unis literis urgebat ut decreto pareretur: &  
 quoniam ille rem ad episcopos reiecerat, Caesar ex eo rogat, num & i-  
 pse decretum habeat ratum? & an uelit ecclesiæ ministros, qui non pa-

1549  
Biponti-  
ni princi-  
pis literę  
ad Cęsa-  
rem.

reſunt, remouere loco? Datis igitur ad Cęſarem literis, gallica lingua conſcriptis, quid Auguſtę ſit actum, eſtate ſuperiori, paucis repetit: cunq; domũ reuerſus eſſet, illam decreti partem, quę pertinet ad dies feſtos & eſum carniũ, populo ſe propoſuiſſe dicit & obſeruari mandaſſe: decretum etiam religionis non ſemel, & diligenter quidem, le- giſſe totum, et ſateri, multa eſſe in eo, quę cum ſua fide, per quam ſalu- tem expectet æternam, conſentiant: multa etiam eſſe, quę diſcrepent: uerũ tamen eccleſię miniſtris mandaſſe, ut ſingula diligenter expen- dant, ſibiq; poſtea renũcient, quomodo rem inſtitui poſſe putent: cum autem uno ſimul ore conſirment omnes, non ſe poſſe illud pacata con- ſcientia probare per omnia, non ſibi fuiſſe integrum, illos adigere, ut ſecus facerent: epiſcopos ergo rogaffe, ut ipſi rationẽ aliquam inirent: illi uerò quid reſponderint, iam antea ſe nunciaviſſe, bona quadam ſpe, futurum, ut nihil ab ſe requireretur amplius: nunc autem, quoniam ad- pertẽ tibi uis, inquit, reſponderi, potentiſſime Cęſar, quę mea ſit ſen- tentia, dicam. Et primò quidem, quod ad religionem, ad ritus atq; ce- remonias attinet, quę nunc annis aliquot per meam ditionem ſeruantur, equidem ſum natus in illis & educatus, ut antehac quoq; tibi de- monſtraui Cęſar, ad hoc uſq; tempus, nec aliud unquã doctrinę genus audiui, ſimul ſtudium & operam aliquam in eo collocaui, & quantũ ingenio percipere potui, planẽ mihi uidetur conſentire uerbo Dei. Nam hoc mihi profitendũ eſt, quandoquidem interrogor, ne conſcientiam ipſe meam uulnerem, neue ſaluti meę peſſimẽ conſulam: hæc etiam eſt ratio, cur decretum approbare non poſſim, alioqui paratiſſimus, more & exemplo maiorum, tui cauſa nihil non facere: tibi uerò Cęſar, qui ſummus es magiſtratus, licet in eo ſtatuerẽ, quod uidebitur: equidẽ nõ ſum is, qui poſſum aut uelim aut debeam repugnare: tuo ſit hoc totũ in arbitrio: ſolũ deprecor, ne quid ipſe cogar præter animi ſententiam facere, neue populus meę ditionis etiam, ad eccleſię mini- ſtros, quod attinet, proximis literis orabam, ut tuo permiſſu liceret ijs manerẽ, baptiſandi pueros & ægrotos uiſendi cauſa potiſſimũ, do- nec eſſent eis alijs ſummiſti: uerũ, ſi iubes ut ilicò diſcedant, & ſolũ uertant, non expectatis alijs, eiſi magno futurum eſt iſtud populi cum dolore & detrimento, tamen obtẽperabitur. nam & iam ex ipſis mul- ti abierunt, et in ijs quę præſtari poſſunt atq; debent omnẽ obſequen- tiam



tiam tibi præstandam esse scio. Quñ per fines Mauricij, res ad muta-  
 tionē uideretur spectare religionis, Lubecenses, Luneburgenses, Ham-  
 burgenses ecclesiæ ministri, euulgato scripto, librū et decretum Augu-  
 stanū prolixè consulant; eius uerò scripti potissimus erat author, Ioan-  
 nes Epinus, deinde, doctores Magdeburgici, Nicolaus Amstorfius, &  
 inprimis Matthias Flacius Illyricus, Albona urbe natus, & Nicolaus  
 Gallus, grauiter sese Vuittembergicis atq; Lipsensibus opponūt, et mul-  
 tis editis libellis eos incusant, quasi dissimulanter agāt, et per adia-  
 phora, seu res medias, pontificiæ religioni uiā aperiant. hanc deniq; regu-  
 lam ponūt. omnes ceremonias atq; ritus, quantumuis natura sint in-  
 differentes, non amplius esse adia-phora, cum uis, & opinio cultus, &  
 necessitas accedit, & quum impietatis datur occasio. Illyricus aliquot  
 annis fuerat auditor atq; discipulus Melanchthonis: uerū in actione  
 ista Magdeburgū se receperat, edito post libello, quo sui facti rationē  
 explicat. Hamburgici præterea datis literis ad Vuittembergenses in-  
 pri-  
 mis ad Philippum, quid ipsi uocent adia-phora seu res medias, enume-  
 rant, & cuiusmodi possint admitti, demonstrant, simul rogant, ut ipsi  
 uicissim aperte serbant, quid eo nomine comprehendere uelint, ut uide-  
 licet certi quid habeant homines, quod sequantur, nec animis fluctu-  
 ent, neue nomen illud adia-phorichū, multis alijs erroribus, qui sensim  
 insinuare sese possint, occasione præbeat. Ad eam epistolā Melanch-  
 thon respondet, & inter alia seruitutē aliquam ferendā esse dicit, non  
 coniunctam cū impietate. Archiepiscopus Moguntinus initio Maij sy-  
 nodum habet provincialem: eius decreta post euulgat, edito libro. fa-  
 ciunt idem Treuericus & Colonien-sis, qui & ipse latè dominatur. Li-  
 ber ille sancit inter alia de confessione, ne quis ad cœnam domini reci-  
 piatur, nisi confessus peccata: de consecratione salis, aquæ & aliarum  
 rerum, quæ per exorcismos & preces ad usum fidelium præparan-  
 tur, ut aiunt: de reliquijs, de inuocatione & ueneratione diuorū, de pe-  
 regrinationibus, de precibus pro uita defunctis, de purgatorio, de ieiunio  
 et delectu ciborū, de horis, uti uocant, canonicis, de tremēdis Mis-  
 se mysterijs. Hanc ad synodum uenit episcopus Eisteten-sis Mauricius:  
 reliqui miserrant uicarios. Porro, quod de consecrationibus & exor-  
 cismis cōstituit, latè patet. Septimo quoq; die sacro, quē uocamus do-  
 minicū, ubi populus in templum frequens conuenit, sacrificus, multis

1549  
 Cōfuta-  
 tio late-  
 rim per  
 Saxones  
 infimo-  
 res.

Archiepi-  
 scopi ele-  
 ctos sy-  
 nodos  
 habent  
 provin-  
 ciales.

De conse-  
 crationi-  
 bus & ex-  
 orcismis

1549 precationibus primò salem, dehinc aquam exorciscat, uti uocant: cū  
que deinde salem immisit in aquam, populum ea conspergit. Hæc cu-  
tem aspersio creditur ad mentis atq; corporis conferre sanitatem, &  
insidias abigere diaboli, et expurgare nō solum homines, uerum etiam  
res inanimas, nam in solum atq; saxa & mortuorum sepulchra conij-  
citur, & sacrificus Deum precatur, ut hanc ei uim et efficaciam indat.  
Eodē quoq; modo sal tractatur in baptismo, & cōsecratum sacrificus  
in os infantis imponit, & satanam emigrare iubet, & in aquā ter im-  
mergit infantem, & oleo, cui pollicem intingit. pectus & humores il-  
lius illinit. Mulieres etiā, à puerperio, cū ad templum redeunt, in pri-  
mo statim aditu lustrantur hac aqua: deniq; multiplex est illius usus,  
maximè uerò, cū aduersus nocturna spectra dimicatur, & agitur ex-  
orcismis. Consecratur autem certis precibus, quicquid ad apparatus  
pertinet sacrificorū: adhæc aqua baptismi, cerei, palmæ, paschalis, uti  
uocant, agnus, è cera confectus, oua, carnes, caseus, laridū, flores, her-  
bæ, fructus arborū, et his omnibus adhibetur ea, quam diximus, aqua.

Conse-  
crandi tē-  
pli cere-  
monia.

Cāpana-  
rū conse-  
cratio.

Cū est extruendum templū, episcopus aut uicarius primū lapidem  
fundamenti collocat, & aqua salsa respergit: extructū uerò, ter obit,  
& primò quidem, superiores, inde medios et inferiores parietes asper-  
git, & baculo suo pastorali formam crucis designat ad superiores ual-  
uas, ne satanas appropinquet: postea templū ingressus, & cantionibus  
aliquot expeditis, minister cinerem dispergit ad similitudinem crucis:  
eo facto, græcas literas baculo suo describit episcopus in cinerem, ad  
sinistram crucis alam, latinas autem ad dextram, & alteram post ad-  
hibet aquam, è sale, uino, cinereq; confectam, qua templū denuò con-  
spersit, & populū ad munificentiam atq; liberalitatē hortatur. Con-  
simili ratione tractantur campanæ, & primò quidē sic eas pendere o-  
portet, ut circū ire possit episcopus. qui cū psalmos aliquot demur-  
murauit, aquā et salem cōsecrat, simulq; miscet, eaq; foris et intus cam-  
panā diligenter lauat, post extergit et oleo sacro formā crucis in ea de-  
scribit, Deumq; precatur, ut cū impellitur et insonat campana, fides et  
charitas in animis hominū augeatur. facessant omnes insidiæ diaboli,  
grando, fulmina, uenti, tempestates, et omnis intēperies mitigetur. ubi  
crucē illam oleatā linteo deterfit, septē alias cruces in ea format, intus  
uerò solum unā: postea psalmos aliquot recitans, cāpanā thuribulum  
sub=



subdit, & suffitum facit, eiq; bene precatur. plerisq; in locis epulum 1 5 4 9  
 dari consuevit & peragi conuiuium, non secus atque in nuptijs. *Altaria*  
 autem ita consecrant. adhibetur oleum, chrisma, thuris libra una, *consecra*  
 sartago cum igni, sal, aqua, uinum, cinis, hyssopus, linteam unum ca=  
 nabinum ad extergendū, alterum uerò mollius, ad tegendum, quinq;  
 cruces è cera factæ, calix, cementum, binæ faces, postremò, quicquid  
 ad ornatum altaris pertinet. Interim episcopus unà cum sacrificiis, ali  
 quot psalmos & preces expedit, & quinq; diuersis locis aram  
 respergit, sic distribuens aquam, ut crucis formam representet: inde  
 septies aram obit, & aquam uino temperatam & Hyssopo & cinere,  
 in illam conijcit: ab hoc, cementum aqua miscet, & quod reliquū est,  
 circum aram diffundit: mox, non sine pompa deferuntur reliquie di=  
 uorum, & adhibito thymiamate, suo loco reponuntur: aram postea  
 ter circumlustrat thuribulo, quod sacrificio deinde tradit, qui suffitum  
 continenter faciat, donec peracta sit consecratio. ubi uerò crucibus ex  
 oleo, diuersis locis aram signauit, oleū effundit & inuergit, & thuris  
 particulas quinq; totidemque cruces è cera formatas, huc illuc dispo=  
 nit, easq; post incendit: cineres inde collecti sacris in rebus habentur.  
 Postremò, quatuor margines altaris & frontem inungit, & Missam  
 decantat. Oleum autē atq; chrisma, quod uocant, conficitur ubiq; die  
 Iouis, qui Paschæ diem antecedit. Ista magno quondam in honore sue  
 runt apud omnes & admiratione: cum autem Lutherus, & post eum  
 alij docerent, omnes planè creaturas uoce Dei consecratas esse, quo  
 tempore terrarum orbem condidit, in contemptum atq; ludibrium ue  
 nit omnis hic apparatus, tanquam præstigijs & iocularis. Nunc er=  
 go secundam nacti tempestatem episcopi Germani, restituunt, ac uelu  
 ti postliminiò domum illa reducunt. De aqua sale conspergenda, sicut  
 ipsi loquuntur, in iure pontificio decretum extat, quod Alexandro  
 pontifici, quinto post Petrum, attribuunt, ut uetustatis opinio fidē &  
 auctoritatem addat. De pontifice, qui treis episcopos in Germaniam *Legati*  
 amandauerat, suprà dictum est: hi quum ad Cæsarem in Belgium ue=  
 nissent, Maij die xxv. sua mandata primū exponunt. Initiò ponti=  
 fex commemorat, in quanta solitudine uersetur, propter eos, qui tu  
 nicam Domini dilacerant: duo tamen inprimis adferre sibi consola=  
 tionem: primum, quòd Christus ipse fore prædixit, ut sathanas ecclē=  
*Pontifi*  
*cii ad Cæ*  
*sarem.*

3 3 4 9 siam oppugnet, sed frustra: deinde, quod concilio generali facile pos-  
 sint omnia tolli, quæ perperam irreperint: & quoniam concilij fru-  
 ctus iam ad reliquas nationes peruenerit, apud Germanos autem, ob  
 uarias ibi de religione dissensiones, nihil sit adhuc profectum, idcirco,  
 se, partim sua sponte & ex officio pastorali, partim etiã rogatu Cæsa-  
 ris, de uoluntate senatus cardinalium, emisisse quosdam episcopos,  
 qui potestatem habeant, eos, qui ad gremium ecclesiæ redire uolent,  
 in gratiam recipiendi, et ipsis omnia leta pollicendi de sua clementia  
 & benignitate, modo leges accipiant, non autem præscribant: hoc uì  
 delictet tantum beneficium impertiri se omnibus in uniuersum, nullo  
 prorsus ordine, nullo etiam eius generis excepto crimine, per quamli-  
 bet multos annos continuato, sic tamen, ut qui sunt eiusmodi, suos er-  
 rores atq; delicta sacerdoti cuiuspiam orthodoxo confiteantur, & man-  
 datam eo nomine poenitentiae formulam sequantur: publicam uerò  
 confessionem, abiurationem & satisfactionem, legibus præfinitam, sese  
 ipsis omnino remittere atq; condonare: potestatem se quoq; fecisse le-  
 gatis episcopis, ut eos, qui pacto uel fide & iureiurando sunt obstricti  
 Lutheranis, liberent ab ijs uinculis, ut monachos in hæresim lapsos, et  
 extra domicilia sua uagantes absoluant, eisq; permittant, mutato ge-  
 nere uestitus aliam ecclesiæ obire functionem: ut esum lactis, casei, bu-  
 tyri, carniū & ouorum concedant, habita ratione locorum et homi-  
 num: ut coenam Domini totam permittant illis, qui cæteris omnibus  
 erroribus depositis, cōcilij Constantiensis decretum probauerint, qui  
 sub una specie tantum sumi, quantum sub utraq; qui ecclesiam non  
 errasse, propter factum de una solum specie decretum, palam professi  
 fuerint: hoc autē illis concedi posse, certū ad tempus, prout uisum fue-  
 rit, sic tamen, ut illi ipsi faciant hoc separatim alio tempore & loco,  
 neq; tunc, quum reliquis communicatur cœna sub una tantum specie.  
 potestatem etiam illos habere, ut de fructibus perceptis atq; consum-  
 ptis transigant cum possessoribus bonorū sacrorum, modo à reliqua  
 possessione discedatur: item ut censuris ecclesiasticis obstinatos coher-  
 ceant, et auxilia magistratus implorēt: adhuc, ut per Germaniam de-  
 legent & substituunt episcopos, qui rem executioni mandent. Hoc se-  
 cuti mandatū, ij, quos diximus, legati Romani, quibus locis maximè  
 opus esse intelligebant, episcopos subdelegant: in his erat etiam Argen-  
 tinenfis,



linensis, eiq; mandant, ut ea quæ cōmemorata sunt, exequatur, & rec= 1549  
 clestiaſtica profeſſionis homines ita demum recipiat in gratiā, ſi prius  
 ab ſe reiſciant et expellant uxores. Aiunt autē ad Cæſarē ſe fuiſſe pro=  
 feſtos, ut de ratione modoq; executionis cum eo conſilia conferrent:  
 poſtea uerò, quā intellexerint, fieri non poſſe, ut loca omnia, quæ re  
 medijs indigent, ipſimet accedant, neceſſario ſummiſſiſſe alios. Hanc  
 pontificis largitionē uel indultū, ut ipſi uocant, Cæſar ilicò mittit ad  
 episcopos Germanos, & ut leniter atq; placidè rem agant, utq; blan=  
 ditijs, exhortationibus, precibus omnia prius quā execrationibus  
 atq; minis, experiantur, pro ſe quenq; ſeparatim omneis monet. Mo=  
 guntinus ergò, cum ad alios, tum ad Lantgrauianos præfeſtos & con=  
 ſiliarios dat literas, & de ſua ſolicitudine paſtorali, deq; Cæſaris fide  
 et diligētia multa locutus, petit, ut eccleſiæ miniſtris formulam iſtam,  
 à pōtifice miſſam, exhibeant, eiq; iubeant parère. Concionatores, in=  
 terpellati, doctrinam ſuam cum prophetarū & apoſtolorū doctrina  
 conuenire, uitam quidem ipſam nō reſpondere profeſſioni, ſed tamen  
 doctrinæ nullum ſe dicunt errorem agnoſcere: quamobrem nihil opus  
 habere indultu pontificis: coniugiū ſeſe prætuliffe impuro cœlibatui,  
 iuxta uerbum Dei, neq; poſſe liberos & uxores deſerere, quos Chri=  
 ſtus ipſe iubeat omni amore, fide ac beneuolentia cōplecti: quòd ipſo=  
 rum eccleſiæ cœnam domini percipiant integram, id fieri iuxta Chri=  
 ſti mandatum & ueteris eccleſiæ morē: nec eſſe, quòd in eo mutationē  
 ullam admittāt. Maio menſe diſputarunt Oxoniæ palām, Petrus Mar=  
 tyr, et eius academiæ theologi, de cœna domini, deq; præſentia corpo=  
 ris Chriſti. Martyr hæc themata propoſuit & defendit. non mutari  
 ſubſtantiam panis et uini: corpus & ſanguinem Chriſti nō eſſe carna=  
 liter ſeu corporaliter in pane & uino, ſed ijs uniri ſacramentaliter.  
 poſt, editus fuit eius rei liber, in quo præfeſti diſputationis, mandatu  
 regis adhibiti, non obſcurè ſignificant, Martyrem in eo certamine ſu=  
 periorē extitiſſe. Iunijs mēſis die decimo, Galliæ regina diademate inſi=  
 gnitur, Sandeniſij oppido, ſicuti fieri conſueuit, adminiſtrātibus Bo=  
 lonico, Guiſio, Caſtilionæo, Vendomenſi, Borbonio, cardinalibus. nā  
 cæteri erant Romæ. Sexto poſt die, rex incredibili cum apparatu atq;  
 ſplendore, Lutetiā Pariſiorū, regni primariam urbē, ubi nondū uiſus  
 erat publicè, poſt mortē patris, ingreditur, et biduò poſt eū regina. Diſ

Mogun-  
 tinus  
 Lantgra-  
 uianos  
 interpel-  
 lat de in-  
 dultu  
 ponti-  
 ficis.

Oxoniz  
 disputa-  
 tio.

15 49 ibi commoratur, ad supplicia nonnulli rapiuntur ob Lutheranismū,  
 Persecu- & spectator ipse fuisse dicitur. deinde, quarta die Iulij supplicationes  
 tio in facit ad templa diuorum: postridie scriptum euulgat, typis excusum,  
 Gallijs. & supplicationis causam fuisse dicit, ut Deo gratias ageret, pro tam  
 multis in se collatis beneficijs, ut pro sua suāq; coniugis & liberorum  
 & totius regni salute, proq; republica Deum oraret, & piorum ani-  
 mas ei commendaret, inprimis autem Gallie reges, maiores suos, &  
 nuper uita defunctum parentem, cuius ad exemplum statuisset omni-  
 nō, suscipere fidei catholice, religionis, authoritatis & libertatis apo-  
 stolice, & ministrorum ecclesie patrocinium atq; tutelam: inter cau-  
 sas, hanc etiam esse precipuam, ut publicè constaret, quanto opere de-  
 testetur eos, qui contra præscriptum Christi, contra formulam & tra-  
 ditiones apostolorum, contra totius antiquitatis consensum negant  
 præsentiam corporis & sanguinis Christi, qui baptismo & poeniten-  
 tie & bonis operibus, et sacramentis uim omnem detrahunt, qui au-  
 thoritatem ecclesiasticam & ordinem hierarchicū planè contemnūt,  
 qui cultum & uenerationē & reliquias diuorū reiiciunt: deinde per  
 eam supplicationē testificari se uoluisse, quæ sua sit sententia, quæ uo-  
 luntas, nimirum, quòd exemplo maiorū, & imitatione quadam hæ-  
 reditaria, de dogmatis omnibus ita sentiat & credat, sicut ecclesia ca-  
 tholica, symbolum apostolorum, concilium primum Nicenum, & a-  
 lia multa concilia patrū: item, quòd hæreses, iam olim damnatas, hoc  
 uerò tempore partim resuscitatas, partim inuentas à Lutherō, Caro-  
 lostadio, Zuinglio, Oecolampadio, Melanchthone, Bucero, Caluino,  
 & id genus alijs hæresiarchis, hominibus monstrosis & pestiferis, pla-  
 nè decreuerit è suis finibus exterminare, & in eos, qui meriti sint, gra-  
 uissimè uindicare. hoc scriptum, lingua populari compositum, per to-  
 tam Galliam dimittit, & ut facta supplicatione, populo denunciatur,  
 mandat. Aliquantò post capitis supplicium sumit de Veruino, quòd  
 Veruino de- arcis & oppidi Bononiæ deditionem fecisset, ut libro xv. dictum est:  
 collarus. eius uerò focerum, Vbianum, grandi etate uirum, qui totius oræ Bo-  
 loniensis præfectus, & è quatuor Gallie Marescallis, uti uocant, unus  
 erat, perpetuis uinculis addidit. Multis iam mensibus, de fœdere soli-  
 citauerat Heluetios, quod cum ipsius fecerant parente, renouando Et  
 quanquam Casar literis ac internuncijs admodū dehortabatur, illi ta-  
 men,



men, quòd suis rebus ita magis conuenire putarent, assentiuntur, pri- 1549  
 mò quidè, qui sunt pontificiæ religionis, & Lepontij & Valesij, pòst  
 etiam, Basilienses & Schafusiani, nò sine multorù admiratione, pro=  
 pter illa quæ diximus, edicta & supplicia. pleriq; enim sic existima=  
 bant, cum eo, qui puram religionè tam infestè persequeretur, & ipso  
 rum ecclesias atq; doctores nominatim damnaret, nullam debere so=  
 cietatem iniri. Bernates autem atq; Tigurini, secuti monita Zuinglij,  
 sicut libro tertio demonstrauius atq; sexto, fœdus hoc recusarunt.  
 De conuentu Lipsensi dictũ est antea: quum uerò pontificiam religio  
 nem nonnulli dicerent & quererentur, paulatim instaurari, Mauri-  
 cius, die quarta Iulij, datis literis ad suos præfectos, audire se dicit, esse  
 multos, qui partim nimia quadã solitudine, partim ab alijs ita per-  
 suasi, metuant, ne ueteres errores pedetentim restituantur: ab hac au-  
 tem criminatione non esse prorsus alienos aliquot ecclesiæ ministros,  
 & quosdam alios, rerum nouarum cupidos, & irrequietæ mentis ho-  
 mines: se quidem antehac non semel, quid suæ sit uoluntatis atq; consi-  
 lij, publicis declarasse literis, nunc uerò propter calumnias illas idem  
 repetere, ut ostendat religionem sibi cumprimis esse curæ: petere igi-  
 tur ab ijs, qui uel credulitate quadam, uel aliorum persuasu mutatio-  
 nem uerentur, ut metũ deponant omnẽ, & his suis literis atq; testimo-  
 nio fidem habeant: ad eos uerò, qui talia spargunt, quod attinet, non  
 esse, quòd hi sibi promittant impunitatẽ, si quidem ita pergant: cæte-  
 rum, ex decreto nuper factò Lipsiæ cõtracta quadam esse capita, suo  
 iussu, quæ doceantur: cognoscant igitur & inquirent, utrum ecclesiæ  
 ministri formulam hanc sequantur, an uerò pro concione reprehen-  
 dant: quicquid erit, sibi referri, & si qua nascentur dubia, theologos  
 Vuittembergicos atq; Lipsenses adiri, & hæc populo denunciari iu-  
 bet. Hisce diebus è uita decedit uxor Lantgrauij captiui, socrus Mau-  
 ricij, multis afflictæ curis atq; mœrore. Per Angliam hoc tempore fuit  
 orta duplici nomine seditio popularis: unà propter rem agrariam:  
 querebãtur enim uulgò, nobilitatẽ occupasse magnam agrorù partẽ,  
 qui promiscuæ multitudinis antea fuissent, & ad ferarũ saltus accom-  
 modasse priuatos: alteri, per Deuoniam idem petebant, sed inprimis  
 offensi mutatione religionis, uolebant sex illa regis Henrici de religio-  
 ne decreta, de quibus libro xij diximus, restitui. Quum igitur ad annũ

Mauri-  
cij ad  
suos li-  
teræ.

Seditio  
per An-  
gliam.

1549 concurrerent, & magni res esset periculi, nec admonitiones locum haberent ullum, rex & consiliarij, licet inuitissimi, copias in illos emittunt, & diuersis locis profligant, millibus aliquot trucidatis. Hanc speculatus occasione Gallie rex, qui iam pridem inhiabat amisse Bolognie, castella quaedam & arces, ad oram illam maritimam inter Bologniam atq; Caletū, partim ui partim deditioe capit, eaq; ratione milites praesidiarios Bolognie, in maximas difficultates & angustias conijcit. Grauius tulerunt hunc casum Angliae proceres: & quia summam rerum obtinebat protector, regis auunculus, in ipsum deriuata fuit omnis culpa, quod non in tempore munisset loca rebus necessarijs. hac indies augescente criminatione & inuidia, protector initio mensis Octobris, de cōmuni cōsilio procerum, Vindeforae captus, ubi tum rex erat, Londinū in carcerem abducitur. proceres deinde populo causas recitant, & male administratae reipublicae accusant, & scriptum eius rei typis excusum euulgant, eiq; nomen quisq; suū, testimonij loco subiungunt: in his erat facile primus Ioannes Comes Beruicensis. Interea dum Gallus haec molitur in Anglos, Caesar per Flandriā & Hannoniam & Atrebatēs filium circumducit, in eiusq; fidem populum adigit per iusiurandū. post, Antuerpiam simul ambo redeunt sub Idus Septembris. ibi magnificentissimo apparatu filius Caesaris, nō ab oppidanis modō, sed ab exteris etiam mercatoribus, Hispanis, Italis, Germanis, Anglis excipitur. post, amita Maria comitante, reliquas etiam prouincias adit, ab ijsq; fidē accipit. De senatu Argentinensē si diximus antea, quomodo legatū miserint ad Caesarem, controuersiae causa minuendae cū episcopo: permittente ergo Caesare, deligunt singuli arbitri, qui intercedant. Quum Octobri mense conuentū esset, à multa disceptatione, senatus episcopo tria templa permittit, ut in ijs iuxta decretū nuper factū, religionē instituat: deinde, clerum omnē, in suam fidē atq; tutelam recipit. episcopus inuicē in usum scholae, Thomense collegium, & senatui reliqua templa concedit: clerus etiam annuum uestigal atq; pecuniam senatui dependit, in reliquis immunitatem obtinet. Caesar in Magdeburgicos agebat edictis, ut ante docuimus, & de auxilijs per Saxoniam sollicitabat ordines: pleriq; nō recusabant, modō reliqui etiam, non Saxonia tantū sed Imperij quoque ordines idem facerent. Lubecenses autē & Luneburgici, permissu le-

Caesar  
Belgicā  
in filij  
sui fidem  
adigit.

Argenti-  
nenses  
cum epi-  
scopo  
transi-  
gunt.

gatorum



gatorum Cæsaris, Magdeburgum profecti, tentabant conciliationē, 1 5 4 9  
 sed frustra. Publicè quidē nemo tum illos oppugnabat: sed quoniā erāt  
 proscripti, uersabantur in quotidianis periculis, neq; sine uitæ & for  
 tunarum discrimine poterant urbe excedere: nam unicuiq; licebat for  
 tunam in eos experiri. Senatus igitur, cū antea publicis literis de ui  
 & iniuria uicinorū esset conquestus, nunc alterum scriptū edit ad om  
 nes in uniuersum, maximè autē ad finitimos, & criminationes de  
 se spargi dicit, quasi in Cæsare & Imperium pertinaciter ac superbe  
 agant, & pacem repudiant, & contumeliose multa scribant: sed iniu  
 riam sibi fieri: Carolū enim Cæsarem habere se pro summo magistra  
 tu, & edixisse palām, ne quid in ipsum aut ullum ordinem grauius di  
 catur: offensionis quoq; nullā subesse causam aliam, quā quod euan  
 gelium Dei profiteantur: reliquas autem calumnias ab inimicis iacta  
 ri: quantopere sint ipsi cupidi pacis, ijs esse non ignotū, qui conuenti  
 bus iam aliquot interfuerunt: etenim intelligere se non solū, sed etiā  
 experiri, quā sit dulce nomē pacis, & res ipsa salutaris: contrā quid  
 malorum adferat bellū: graue quoq; sibi futurū & acerbū, si quidē  
 sui causa uicini periclitentur & detrimentum accipiant: agnoscere  
 præterea, neq; sibi licere, neq; sanē in suis esse uiribus, ut obstinatē Cæ  
 sari & Imperio resistent, uerū necessitate summa coactos, ut ab iniu  
 ria se suosque defenderent, ædificia quædam diruisse, castella uerò &  
 oppidula & uicos aliquot belli tempore occupasse, non quidem ut ea  
 sibi seruarent, sed ne in potestatem exterarum gentium uenirent: neq;  
 uerò recusare, quò minus illa reddāt, si modò finitimi nihil moueant:  
 duas autem esse causas potissimū, cur pacem impetrare non possint:  
 primū, quòd euangelij doctrinam retineant, et pontificium idolum  
 recusent: deinde, quòd reliquæ conditiones propositæ, non modò sibi  
 sint graues, uerum etiam intolerabiles, & omnino tales, quæ presta  
 ri non possint: nam ut libertatem suam prodant, qua donati sint olim  
 ab Ottone Magno Cæsare, eius nominis primo, quāque per manus  
 acceptam à maioribus, ad hoc usque tempus deduxerint, nulla ratio  
 ne posse defendi, uel ad posteros excusari: nunc etiam apparere  
 & manifestè conspici, quid spectarint, & quorsum exierint autho  
 res libri Augustani: nam conatos esse præcipuū doctrinæ iustificatio  
 nis caput hominibus eripere, nempe firmamentū ipsum salutis: in du  
 bium

2549 bium quoq; uocare usum cœnæ Domini, & coniugium sacerdotum: adhæc, docere inuocationem hominum mortuorum, & quicquid ab ea dependet: breuiter, uniuersum recuperare pontificatum, ut à multis excellenti doctrina uiris demonstratum sit: certè, hanc tantam impietatem minimè dissimulandam, aut silentio prætercundam, & magnis precibus sollicitandū esse Deum, ne sui nominis gloriam ita polui sinat: triste nimirum & luctuosum esse spectaculum, homines ad falsam religionem & idola uiolenter cogi, ministros ecclesiarū in uinacula conijci, cum uxoribus atque liberis in exilium extrudi, quosdam etiam trucidari: sed uehementer acerbum esse, quanquam hæc palam conspiciantur, præsertim in Germania superiori, tamè reperiri qui audeant dicere, non peti religionem: ueruntamen, non esse noui exempli: nam inde ab orbe condito, piorum & innocentium hominum hanc fuisse conditionem, ut affligerentur: deinde, multa extare testamenti tum ueteris tum noui documenta, quæ piorum hominum constantiam ostendunt, qua sint usi, quum reges atq; principes edicta proponerent uerbo Dei contraria: nam ibi semper illud ualuisse, quod est in sacris literis, Deo plus obediendum esse, quàm hominibus. hoc non docuisse modò, Chrysostomum, Augustinum, Ambrosium & alios, uerum ipsa quoq; re præstitisse, cum quid aduersus præcepta Dei Casares mandarent: consimilem nunc suam esse fortunam: uidere se periculum, in quo uersentur, neq; tamen aliter posse facere: nam quiduis potius ferendum sibi, quàm ut manifestos errores laudent atq; recipiant: memoriæ proditum esse de Gordio martyre, qui rogatus ab amicis, quum duceretur ad supplicium, ut uitæ seruandæ causa desisteret à sententia, respondit, non oportere linguam, in contumeliam eius qui creasset eam, aliquid pronunciare: hoc uidelicet ad omnes pariter homines pertinere: nam & ueterem ecclesiam & primos aliquot pontifices ita sentire, ueritatem prodi non ab ijs tantum, qui falsa docent, uerum etiam qui ueritatem agnitam non audent profiteri palam atque defendere: committendam igitur esse Deo rem omnem, nec in gratiam ullius hominis aut metu periculi deslectendum à ueri professione, sed ob oculos ponendum esse Danielis exemplum, qui contra Darij regis edictum, apertis undiq; fenestris Deum adorabat: potuisse quidem illum idem facere priuatum atq; tacitè, nullo cum periculo, sed quòd ad

fidei



fidei suæ confessionem ea res pertineret et ad nominis diuini gloriam, 13 49  
 magno & constanti animo palam inuocasse Deū, nec ullius habuisse,  
 rationē periculi, quod ei constatum ab aduersarijs, in ipsorum postea  
 caput reciderit: quamobrem orare, ne contra se, qui sint ueræ ecclesiæ  
 membra, uim et arma parent, in eoq; sequantur uestigia Christianorū  
 militū superioris ætatis, qui minimè dicto fuerint audientes, cum Cæ-  
 sares ipsorum operam in bellis aduersum Christianæ professionis ho-  
 mines requirerent, sicut exēplo diui Mauricij martyris doceri possit:  
 quā grauiter etiam fuerit offensus Deus Israelitis, quod territi mul-  
 titudine hostium, socijs infirmioribus opem non tulerint, in libris Iu-  
 dicum extare, ut sit omnibus documento, non solum non esse deserē-  
 dos in necessitate fratres atq; socios religionis, uerum etiam ope suble-  
 uandos: de uiris bonis nihil se dubitare, quin his rebus moueantur: ete-  
 nim uiuere & immortalē esse Deū, qui suæ dextræ potentiam et sape  
 demonstrarit olim, & nunc quoq; demonstrare possit: orare autē uehe-  
 menter, ut hæc ad Cæsarem, ad Ferdinandum regem aliosq; principes  
 ac ordines perferri curent, & simul intercedant, ne quid contra se de-  
 cernatur grauius: nihil enim se recusare, quod modò piè præstari pos-  
 sit & honestè, petere etiam, ut se precibus suis Deo commendent, quò  
 uidelicet exemplo Niniuitarum, totis animi uiribus peccata sua deplo-  
 rent, & ad Deum ingemiscant, & hanc euangelij doctrinam, nunc to-  
 tos annos triginta celebratam, intrepidè profiteantur, & uitæ pietate  
 conuesant, & charitatis officia præstent omnibus, inprimis autem ec-  
 clesiæ ministris iam profugis & eiectis, eorumq; libris, uxoribus, &  
 id genus alijs hominibus calamitosi, utq; doctrinam hanc salutarem  
 retinere liceat puram & saluam à technis illorum, qui nunc, dum ce-  
 remonias restaurare uideri uolunt, colluuiem totam doctrinæ ponti-  
 ficie rursus introducunt. Octobri mense Franciscus Mantuæ dux, Fri-  
 derici filius, in matrimonium ducit Catharinam Ferdinandi Romano-  
 rum regis filiam. Decima post die Nouembris è uita decedit Paulus ter-  
 tius pontifex, cum ageret annum lxxxij. pridie quàm obiret mortem,  
 aboleuit uetustigia, quæ salinis et plerisq; rebus alijs imposuerat, non  
 sine gemitu populi. Mæsis aliquot antè sollicitauerat Cæsare de res-  
 titutione Placentiæ: sed id frustra fuit: & si longior uita contigisset, o-  
 mninò putatur in Gallie regis partes fuisse transiturus. nam inde à cæ-

Francis-  
ci Man-  
tuanus  
pontifex.  
Pauli ter-  
tij ponti-  
ficis  
mors.

1549 de filij Petri Aloisij, uindictam animo creditur agitasse. Corpus in sacellum Sixti pontificis delatum, in tertium usque diem ibi permansit: populus eo frequens accurrit, eiusq; pedes, qui per cancellos ferreos expositi erant, uti fieri solet, deosculantur. Prius, quàm decederet, libellus exijt Italicus, uehemens in illum atque grauis, titulo quidem Bernardini Ochini, sed ab alijs, uti creditur, compositus, cum præfatione ad Ascanium Columnam, quem ille prosligarat. Libellus hic, inter alia multa, quæ nimis longum esset recitare, sermonem ad eum conuertit, et antichristum appellans, Innocentio, pontifice, coniectus, inquit, in uincula fuisti, præsul iniquissime, propter homicidia duo, et commissum parricidium, matre nimirum & nepote tuo quodam ueneno sublatis, ut omnis ad te conflueret hereditas. cunq; deinde liber factus, non dubitares ambire galerum purpureum, & ter esses à collegio repudiatus, germana tua soror, Iulia Farnesia, tandem peruenit. cum enim copiam sui non se facturam esse deinceps minaretur, Alexander sextus pontifex, offensionem ueritus & iram illius, in cardinalium te coetum allegit. Alteram deinde sororem tuam, pro familie tuæ consuetudine parum pudicam, interemisti quoq; ueneno. Per Anconitanam prouinciam cum esses legatus, Iulio secundo, pontifice, puellam eius ciuitatis nefariè circumuenisti, quando dissimulans quis esses, teq; pro nobili quoque gerens ex legati familiaribus, illam uitasti: quod quidem facinus, puellæ patruus, cardinalis Anconitanus, urbe capta, coram Clemente pontifice captiuo, tibi grauissimis uerbis obiecit. Nicolaus Quercæus, cum Laura Farnesia, tua nepte, coniuge sua te congregientē deprehendit, & pugione tibi uulnus incussit, cuius etiāmnū cicatrix apparet. De filia tua Constantia, quicum toties rem habuisti, quid dicam? etenim, ut ea liberius potiri posses, maritum eius Bosium Sfortiam sustulisti ueneno. qui cum nequitiam uestrā animaduertisset, incredibilem animo dolorem concepit, nec unquam postea uisus est hilari. Libidine profectò Commodum & Heliogabalum longè superas: idq; tot spurjijs tuis doceri potest. Filias suas Loth uitauit, ignarus, & ebrius: tu uerò sobrius, non modò cum nepte, sed etiam cum sorore congressus es atque filia. Iam illud, quod in Fanensem episcopum admisit sceleratus ille tuus filius Petrus Aloisius, quàm est dictu scedum & horrendum facinus? Cum in Adriani mole captiuus

detti



detineretur Clemens pontifex, teq; legaret ad Cæsarem, libertatis recuperandæ causa, non prius iter uolebas ingredi, quàm ille Parmensem episcopatum, nepoti tuo Farnesio, tunc decem annorum adolescenti, permitteret. eo factò, ludificasti nihilominus illum, & Genuam ubi peruenisses, morbo te detineri simulabas. Quam uerò nundinationem in sacris bonis non exercuisti cardinalis? & postquam factus es pontifex, Deum immortalem, quàm turpiter ecclesiæ Romanæ facultates dilapidasti? Non te pudet, summam præfecturâ atq; munus contulisse nefario tuo filio, cum aureorum millibus annuis quadraginta, totidemq; ferè nepoti Octauio? ne quid interim dicam, quæ, quantaq; bona profuderis in tuæ familiæ scēminas omneis, et Sanflorianas neptes. Turcarum postea mentionem audēs inferre, qui misere iam incumbant Italiæ. quod cò facis, ut expilandi populi causam aliquam habeas & occasionem, qui sub te domino grauissimum onus & intolerabile profectò sustinet. Duci Ferrariensi Mutinam atq; Rhegium uendidisti: Parmam & Placentiam, quas ecclesiæ Romanæ minimè acquisieras, alienasti, quod Clementem certè pontificē facere puduit. ut familiam domumq; tuam locupletares. præter fas & æquum alios exagitasti, & eos qui seruitutem illam ferre non poterant aut recusabant, bello es persecutus: id Perusini docent inter alios & Ascanius Columba. Qui subsidij loco suis imperat quotannis extra ordinē aureorum millia trecenta, qui nouum subinde uetigal imponit, modò salis, modò ceterarum rerum, qui nunc decumas, nunc dimidiam fructuum partem exigit, ille sanè pro Christiani sanguinis hoste, meritò debet haberi. Turcica classis, te pontifice, per ecclesiæ Romanæ fines nauigauit incolumis, non ità pridem, quando Barbarossa mare nostrum fuit ingressus. Occultum igitur illud, quod cum barbaris habes commercium, ansam tibi præscindit, quò minus Turcici belli nomen in posterum obducas. atq; interim tamen ausus es Galliæ regem taxare, quòd cum protestantibus, Cæsarem uerò, quòd cum Angliæ rege coleret amicitiam. An non turpissimum est, te pendere totum ab astrologis & necromanticis? negari factum non potest: nam & honoribus illos & facultatibus atq; donis amplificasti, Cecium, Marcellum, Gauricum Lusitanum, et alios. quæ sanè res impietatis te manifestè redarguit, et satis est grauis, quàm obrem à pontificatu debeas remoueri. Multa id genus alia continentur

15 4 9 in eo, quem diximus, libello, qui typis proculsus extat: nunc ad mortuum reuertamur. Nonno post die coeptum est fieri funus per dies nouem continuos. Interea cardinales absentes undiq; ad urbem conuolant, Tridentinus, Saluiatus, Mantuanus, Cibo, Montanus, Augustinus, Auria, Vrbinas, & hi quidem exequijs interfuerunt. primus autem omnium eo uenit Tridentinus. nam is tum erat Mantuæ, in ijs, quas dixi, nuptijs, cum de morte pontificis adferretur nuncius. Sum-

Cardinalis intrat in conclauem.  
ptus funeris aestimatur ad aureorum millia quinquaginta. Nouembris die uigesimo octauo, peracta Missa, itum est in conclauem, quod uocant, noui pontificis creandi causa. Decembris die quarta. Pactecus cardinalis Hispanus, Tridento, duodecima, Bellaius, Vendomensis, Castilioneus, Guisius, Turnonius, & ad exitum eius mensis, Bolonicus, Ambosius, Lotharingus, post etiam Borbonius, ætate grauis, eo uenerunt, Galli omnes, & iam antè nonnulli erant Romæ, quos ante biennium rex eo miserat, uti libro decimo nono diximus. Quoniam ad hunc locum peruentum est, non erit alienum, explicare nonnulla. Ro-

Conclauis Romani descriptio.

me palatium est in monte Vaticano, quod templo diui Petri coniunctum pontifices inhabitant, in eoq; senatum habent cardinalium, cunq; res ita posuit. Hoc in palatio sunt inter alias structuras aule quinq; & deambulachrum, longum passus ad septuaginta, & sacella duo. hæc simul efficiunt illud, quod dicitur conclauem. alterum sacellum est designatum peragendæ Missæ, & colligendis suffragijs: alterum, quod Sexti uocatur sacellum, & hæc, quas diximus, aule, domicilium præbent cardinalibus. Et hoc quidem tempore, post mortem Pauli, quoniam cardinales erant numero quinquaginta quatuor, cubicula fuerunt constructa totidem. Habuit aliquando conclauem plures portas: nunc autem obstructis omnibus, unicus tantum est aditus. fenestræ quoq; uitreae nullæ sunt, præterquam in sacellis, et hæc quidem eius altitudinis, ut attingi non possint. Itaq; nullus aer, nullum lumen eo penetrat, & dies atq; noctes uruntur cærei. Iam, illa, quæ diximus, cubicula, sunt lata pedes quatuordecim, longa sexdecim, alta duodecim, structa, non ex lateribus aut saxis aut materia, sed ex panno uiolacei coloris aut uiridis. Et quoniam alia sunt alijs commodiora, sorte res agitur, offensionis & inuidiæ causa uitandæ: singule aule binos habent cubiculorum ordines, eo spacio et his finibus oportet ut sese contineant cardina-

les,



les, cum familia & suppellectile. habent autem singuli quaternos apud se ministros, qui dormiunt intus, & semper comitantur, interea dum reliqui lectos parant & cetera procurant. Deinde, sunt in uniuersum designati duodecim, uulgo scoparios uocant, qui totius conclauis immundiciem atq; sordes repurgant, & ad certum locum deferunt. Qui sunt intus, coguntur manere, nisi forsitan ægrotent, & ubi semel excesserint, non recipiuntur, nisi cardinales. Cum in conclaue uentum est, electionis causa, statim deliguntur cardinales tres aut quatuor, qui res omneis necessarias procurent, qui regum atq; principum legatis respondeant. hi clauem unam habent eius, quam diximus, portæ, alteram habet nobilitas Romana, tertiam, episcopi, quartam, ceremoniarum magistri. Non reſeratur ea porta, posteaquam semel in conclaue uentum est, nisi cum cardinales aliqui superueniunt. est autem ostium in ea porta, cuius habent clauem magistri ceremoniarum, & prandij atq; cœnæ tempore solum aperitur. Tunc enim per illud infertur cibus ex culinis, quæ sunt foris, et adsunt episcopi quidam ad eam rem delecti, qui cibum omnem diligenter perquirunt, ne quid forte literarum lateat. Ab ijs accepta fercula magistri ceremoniarum tradunt famulis cardinalium, per illud ostium: nec enim ullis alijs licet appropinquare. Cibus deferitur in patinis fictilibus, uinum in lagenis uitreis, & quotidie inferuntur noua. nam quæ uasa semel illata sunt, anti qua consuetudine cedunt ceremoniarum magistris, qui diligenter ea colligunt. sunt enim exquisita, tam opere quam materia, & carè uenduntur. Foris excubabant hoc tempore. prope portam palatii, pedites quingenti, Itali, ductore Comite Petiliano, deinde, satellites Heluetij, quibus erat usus Paulus tertius, et equites leuis armaturæ. postea, nobilitas Romana, deinde, regum et principum legati, postremo, et proxime ad portam, hi quos diximus, episcopi, alimonie præfecti. Ad urbis præsidium erant disposita peditum millia quatuor, Oracio Farnesio ductore, deinde priuatim in ædibus Cardinalium atq; nobilium erant homines armati. Nunc de suffragijs dicemus. Quanquam antiquitus decimo die post decessum pontificis, in conclaue solitum est iri, nunc tamen à morte Pauli dilata res fuit in diem decimum nonum. fuit is uigesimus nonus dies Nouembris, ut supra docuimus. Eo die sub uestperum ingressi conclaue cardinales, nobilitatem Romanam, & duces

15 4 9 atq; centuriones, ad tutelam urbis designatos, iureiurando sibi deuinciunt, post, in suum quisq; cubiculum se conferunt cum familia, reliquis omnibus exire iussis è conclau. Cardinales alij sunt episcopi, alij presbyteri, alij diaconi. Priusquam suffragia perquiruntur, quedam recitantur leges, quas ipsi pro temporis conditione condunt. hæ pertinent ad cardinalium immunitates atq; priuilegia primùm ergò singuli iurant, si fortè res in eum casum deueniat, ut pontificatũ obtineant, exactè omnia seruare, deinde, quem ecclesiæ putabunt in primis & rei publicæ fore salutarem, uelle eligere. post ad actionẽ uenitur. fuit hoc altera die Decembris. Ibi ceremoniarum magister, tribus circiter horis ante meridiem, campanula dat signum per conclaue, & ad Missam illos conuocat. ea peracta, desertur ad singulos cardinales pulpitem, in eoq; charta, quæ cardinalium omnium nomina continet. post, ante aram sacelli collocatur mensa, panno purpureo tecta, huic superimponitur calix & campanula argentea, et circa mensam, scabella sex. Cardinales autem singuli suffragia sua scribunt in chartulam, et postea sic complicant & obsignant ut ipsorum nomina tantum, qui eliguntur, extent. Inde, suo quisq; ordine, consurgunt, & incuruatis genibus ad aram, precati, chartulam demittunt in calicem, suoq; rursus loco confident. Eo facto, bini episcopi, totidemq; presbyteri & diaconi totidem, in sex illis scamnis locũ occupant. Episcoporum primus, chartulas omnes ordine sumit ex calice, & primo diacono tradit. is explicat, & clara uoce recitat nomen electi, non etiam electoris. Ibi mox cardinales, qui singuli chartas habent, uti diximus, in quibus descripta sunt omnium nomina, numerum suffragiorum, ad cuiusque nomen, quod exijt ac recitatum fuit, ponunt. Collectis ad hunc modum calculis, primus presbyter, qui & ipse chartam habet cum nominibus cardinalium, pronunciat, quod habeat quisq; suffragia. si non sit numerus, qualis requiritur, chartulæ reijciuntur in calicem: deinde ex diaconis alter, nola dat signum: mox adest ceremoniarum magister, qui foris expectat, & ingressus cum igni, quem in sartagine secum deferit, chartulas illas omnes exurit. Licet autem singulis cardinalibus, eodem tempore, quatuor diuersis dare suffragia, sed id rarò contingit. Et hæc quidem est eligendi ratio: nunc ad institutum reuertamur. Cardinales ad hunc modũ inclusi, altera die Decembris, uti diximus, rem

Modus  
eligendi  
papam.

inchoa



ischoarūt, sed aliquantō remissiū agebatur, quōd Galli cardinales di- 1 5 4 9  
 cerentur aduentare. pleriq; fore putabant, ut ante Christi diem nata-  
 lem nouum haberet Roma pontificem: sed uana fuit expectatio. E- Tres fa-  
 rant omninō tres factiones cardinalium, una Cæsaris, altera, regis Gal- ctiones  
 lie, tertia, Farnesiorum. Galli, Tranensem, Saluiatum, Rudolphum, Cardina-  
 Lotharingum, Theatinum: Cæsariani uerō, Polum, Burgensem, Car- lium.  
 pum, Cruceium, Moronū, Sfondratum poscebant. Et de Polo quidem  
 atq; Saluiato frequens fuit per urbem excitata fama. nam eī magno  
 silentio rem tegi uolebant, ut suprà diximus, tamen, quia subinde mul-  
 ti prodibant ē conclauī, per causam aut simulationem ægritudinis, nō  
 potuit esse clam, & ad Cæsarem atq; Gallie regem enunciātum fuisse  
 dicitur, quicquid ageretur. Quō minus uerō Polus rem obtineret,  
 Theatinum cardinalem obstitisse ferunt, quōd diceret eum redolere  
 Lutheranismum. nam de uera doctrina rectē illum sensisse, multi per  
 Italiam & alij quoq; testantur, ut libro decimo dictum est. Erant id  
 temporis plurimi Romæ, peregrini, qui diuersis ex locis atq; nationi-  
 bus eō uenerant, ut ad noui anni principium, qui tunc erat, ut uulgō  
 nominant, Iubileus, delictorum expiationem atq; ueniam conseque-  
 rentur. hi omnes pridie natalis Christi, sub uesperum, maximo nume-  
 ro confluxerunt in porticum basilicæ diui Petri, fore sperantes, ut illa,  
 quæ dicitur, aurea porta, per nouum pontificem aperiretur. Et quanti-  
 quam grauis erat illis diuturnior mora, tamen minimē sibi disceden-  
 dum esse putabant. Res autem sic habet. Bonifacius octauus pontifex Iubilæi  
 Romanus, anno salutis humanæ M. CCXCV. Iubilæum annum insti- institutio.  
 tuit omnium primus, & centesimo quoq; anno renouari iussit, & il-  
 lis, qui Romam uenirent, & suas ibi preces effunderent ad diui Petri  
 atq; Pauli sepulchra, peccatorum omnium plenam condonationem  
 promisit. Ab eius morte, quā nimis longum hoc esse temporis inter-  
 uallū uideretur, Clemens sextus illud ad annos quinquaginta redegit.  
 huius etiam extat edictum, quo mandat angelis, ut eos, qui peregrina-  
 tionis huius tempore moriuntur, in regnū cœleste transportent. Sixtus  
 uerō quartus, ut xxv. quoq; anno beneficiū hoc hominibus cōferretur  
 sanxit. Cū ergo supra millesimū quingentesimum humanæ salutis  
 annū, quinquagesimus nunc instaret, Paulus Tertius mēsis aliquot  
 antiē, diuulgatis literis ad omnes populos, hortatus fuerat maiorem

Panli Fa  
gij mors.

1550  
Mississ.  
tur de-  
nuo Ar-  
gentinæ.

in modum, ne tam præclaram occasionem exoncrandi peccata & con-  
sequendi regni cœlorum prætermitterent. Ipse quoq; magna fuit affe-  
ctus letitia, quòd eousq; perduxisset ætatem, & iucundissimum sibi  
diem illū fore dicebat, quo de genere humano tam bene meriturus es-  
set: sed non fuit ei solidum hoc gaudium. nam hebdomadis aliquot an-  
te diem illam, quem tanto desiderio expectabat, è uita decessit, uti do-  
cuimus. Paulus Fagius, qui cum Bucero fuerat profectus in Angliam,  
sub finem Nouembris quartana febris perijt Cantabrigiæ. Quomodo  
per arbitros fuerit transactum inter episcopū Argentinensem atq; se-  
natum, suprà diximus: decreuerat quidē episcopus rem inchoare suis  
in templis ad Christi diem natalē, et rationē clero præscripserat, quam  
sequerentur: sed quia non satis erant instructi, distulit in calendas usq;  
Februarij. Tunc in tribus illis templis, quæ senatus ei per transactionē  
concesserat, sacrifici cantiones suas atq; preces uestertinas, & postri-  
die Missam rursus inchoant, totos iam xxi. annos intermissam. Ingēs  
autem erat hominum concursus, maxime iuuentutis. nam his omnibus  
nouum erat spectaculū et inauditum, multos ibi, raso uertice, nouo ge-  
nere uestitus, cantare simul quæ nemo intelligat, cæreos atq; lampades  
ardere in ipsa, quod dicitur, meridie, fumigationes atq; suffitus excita-  
ri thuribulis, sacrificium astare cum ministris ad aram, pronunciare o-  
mnia sermone peregrino, uarijs uti geniculationibus atq; gestibus, in-  
clinari strictis manibus, modò distendere, modò reducere brachia, sub  
inde sese cōuvertere, nunc esse clamosum, nūc magno silētio quædā de-  
murmurare, suspicere in altū, esse pronū, consistere nō uno loco, nunc  
in dextram nō in læuam partē altaris cōmigrare, micare digitis, in-  
halare in calicem, eumq; tollere in sublime, postea reponere, certis lo-  
cis nominare, nunc uiuos, nunc mortuos, panem azymum frangere et  
in calicē immittere, pectus ferire pugno, suspirare, clausis oculis repræ-  
sentare somnū, rursus expergisci, māducare partē unam panis, alterā  
haurire cum uino totam, ne qua guttula remaneat, ablucere manus, pa-  
tellam deauratam, auersum, extenso brachio, demonstrare populo, ad  
mouere eandem fronti atq; pectori, deosculari nunc altare, nunc ima-  
gunculā, materiæ uel metallo inclusam: hæc inquā, et id genus alia, in-  
uentus nō sine admiratione et stupore, neq; sanè sine risu spectabat, &  
uix cohiberi potuit. Post meridiē, sacrificus quidā, accersitus aliunde,

con=



concionē habet in eade primaria, non ita frequenti auditorio, tametsi  
 nonnulli, uelut in re noua, conuenerant. Ibi strepitum nescio quem  
 dolenscens aliquis excitabat: hunc ex apparitoribus quidam obiurgat,  
 & quasi comprehensurus, instat. mox tota iuuentus accurrit, & ut  
 fieri solet, subitus oritur fremitus atque tumultus, dum, quid rei sit,  
 omnes inquirunt, & huc illuc per templum discurrunt. Conciona=  
 tor autem, qui seditionem ortam esse putaret, de suo periculo solici=  
 tus, magna trepidatione subito descendit ē cathedra, & in interiorem  
 templi partem, ferreis ianuis munitam, à socijs recipitur. nam aderant  
 pleriq; omnes, & in his aliquot eius templi procures, illustribus nati  
 familijs, qui de superiori loco auscultabant, & mox introrsum sese re  
 cipiunt, ignari, quis esset futurus exitus. Res omnis ē uestigio defertur  
 ad consulem atque prætorem, qui cum reliquo senatu, sacras concio=  
 nes alijs in templis tum audiebant. Hi statim accurrunt, sedandi causa  
 motus: uerū ille iam conqueuerat. nam præter adolēcentes aliquot  
 nemo sese cōmouit. Itaq; senatus Iacobū Sturmium inter alios mittit  
 ad eos, de quibus dixi, procures, & dolere sibi turbam hanc ostendit,  
 & quæ fuerit eius occasio, demonstrat, & ciuē nullum in ea fuisse do=  
 cet, & quoniam se minimē conscijs factum sit, orat, ne molestē ferant  
 seq; duros operā, ne quid eiusmodi posthac fiat, pollicetur. illi uerō  
 satis factionem hanc minimē recipiunt, neq; se uitam suam uelle deim=  
 ceptis exponere tanto periculo dicunt, & irati postridie discedunt, &  
 opus inchoatum intermittunt, & ad episcopū profecti Tabernas, quæ  
 sit ipsoꝝ fortuna queruntur. Sic ergo per aliquot menses deinde cessa=  
 tum fuit. interea res ad Cæsarem defertur, ut suo loco dicemus. Mul=  
 ti putant illos tacitē fuisse gauisos, quod hæc ipsis in sinum esset de=  
 lata cessationis causa. Quādiu enim senatus interdicto fuit sublata  
 missa, liberrimē uiuerāt, & nulla cū molestia prouentus annuos per=  
 ceperant integros: nunc uerō, cū rursus ad laborem aliquem astrin=  
 gebantur, si tamen labor hic est dicendus, non illis ingrata fuisse puta=  
 tur occasio, iugum hoc excutiendi: præsertim, quum suas actiones uul=  
 gō rideri & contemni, seq; digitis cōmonstrari, & uehementer inui=  
 los esse multitudini uiderent. Senatus inquisitione facta, nihil culpæ  
 ullo in ciue deprehendit. Sub initium Februarij mensis, Anglici Gal=  
 liciq; legati cōueniunt, pacis tractandæ causa. nam amissis aliquot ca

155 stellis, ut antè diximus, Angli erant in angustias coniecti. Per hos etiam Angliæ prore- dies è carcere liberatus fuit regis auunculus protector, quum id regi- tor car- pergatum esse uiderent consiliarij: & quoniam Beruicensis Comit- cerclibe- impulsu potissimum captus fuerat, inita fuit hæc ratio, ut per affinita- ratur- tem inter eos redintegraretur amicitia. protectoris itaq; filiam, Co- mitis Beruicensis filius in matrimonium ducit: deinde Beruicensis à rege donatus est ducatu Northumbriæ: sed non fuit hæc diuturna ne- cessitudo, sicut infrà dicitur. Romæ interim feruebant omnia studijs diuersis atque factionibus, ut antè docuimus: Farnesij inprimis toti in hoc erant, ut suarum partium aliquis crearetur, & initio quidem, Cæ- sarianis cardinalibus, ut aiunt, sese coniunxit Alexäder, Pauli nepos, eiusq; clientes aliquot cardinales, Pauli pontificis beneficiarij: cum autem Gallicani sua suffragia darent Saluiato Florëtino, ueritus ille, ne proximis comitijs renunciaretur Saluiatus pontifex, ad ipsorum partes accessit, primùm stipulatus ab eis, quemadmodum pro certo di-

Monta- citur, ut Saluiatum præterirent. Hac demum ratione, Ioannes Maria nus circa Montanus, quem Tridenti atque Bononiæ præfectum fuisse concilio- zur pon- diximus, Februarij die septimo creatur pontifex. Is autem semper & rificex. Gallicarū partium, & Farnesiæ domus fuerat habitus studiosissimus. Causa, quamobrem Saluiato minus bene uellet Farnesius, hæc esse se- rebatur, quod metueret, ne ille, pontificatum adeptus, ipsi, fratribus atque propinquis, qui maximas opes per sas atq; nefas cumulassent, nervos incideret, & iniuriam à Farnesijs atq; Paulo pontifice factam ipsius familiæ, uindicaret. Montano autè quem Paulus tertius ad car- dinalatum perduxerat, de sua suorumq; uoluntate non antè promi- sisse dicitur Farnesius, quàm is fidem daret, se liberè permissurum esse Parmam Octauio fratri. Pontifex, pro ueteri consuetudine, mutato

Edictum nomine, Iulium se uocabat, eius nominis tertium. Eodem tempore Galli in Gallie regis prodijt edictum in Lutheranos: poena quoq; decernitur Luthera- in indices, qui remissius in illos inquirerent ac uindicarēt. Prius quàm rianos. pontifex crearetur, decesserant è uita Verulanus & Rudolphus car- dinales: itaq; supererant in conclaui Lij, & in his, Galli xliij, Germa- ni duo, Hispani quatuor, Lusitani duo, Anglus unus, reliqui omnes,

Parces- Itali, & Romani quidem, xi. Februarij die xxij. Iulius inauguratur à- tio por- cardinali Cibone: biduo post, auream, uti uocant, portam aperit, ad- gaureg. quam



quam infinita erat hominum turba, consequendæ peccatorum remis=  
 sionis causa, sicut antè diximus. Malleolo pontifex aureo portam fe=  
 rit: sic enim habet ceremonia, quem deinde honoris causa largiri solet  
 alicui. sunt enim qui se beatos hoc nomine putant: & hoc quidè tem=  
 pore cardinalis Augustanus precibus eum obtinuit, & secum in Ger=  
 maniam detulit, dum portam pontifex malleo percutit, opifices illam  
 uestibus effringunt: ibi populus, qui certatim irrumpit, eius ruinae cal=  
 cem atq; rudera studiose colligit, et in rebus charissimis habet. In illud  
 Augustani cardinalis factum, nonnulli, cum audissent, sic iocabantur,  
 ut hoc malleo dicerent eum cogitare Lutheranis contundere capita.  
 Venerūt deinde Romam salutandi & officij causa, dux Vrbinas, Fer=  
 ranie dux, legati Veneti, Sabaudia, Florentia ducis, Genuates, Senen=  
 ses, Scotia, Gallia regis, post etiam Caesaris. Farnesio Octauio ponti=  
 fex non modò Parmam restituit, sed summam etiam attribuit præfe=  
 cturam, Consalonierum ipsi uocant. Ascanium quoq; Columnam re=  
 stituit, profligatum à Paulo. Nouus pontifex, galerum suum cardina=  
 litium, cui uult, largitur antiqua consuetudine: Iulius autem, quo tem=  
 pore Bononiae fuerat legatus, in delitijs habuerat adolescentem quen=  
 dam, Innocentiū: hunc, tametsi reliqui minus probarēt, imò reclama=  
 rent, in cardinalium adoptauit collegium, & in domesticam consuetu=  
 dinem rursus admisit, eiq; cognomen suū & insignia quoq; attribuit.  
 Romæ fama erat, et libellis quoq; perscriptū fuit, à Ioue Ganymedem  
 foueri, licet deformem: sed nec ipse pontifex hoc ad reliquos cardina=  
 les dissimulare, & per iocum fertur aliquando commemorare, quàm  
 sit lasciuus adolescens & importunus. Dum in conclauis res agitur, in=  
 terceptæ fuerunt literæ, quas ex cardinalis Mantuani familiaribus  
 quidam, Camillus Oliuus, ad quendam suum Annibalem Continum,  
 Ianuarij die xxvi. scripsisse ferebatur, & simul carmen lingua popu=  
 lari scriptum, ubi de sua locutus affectione, & absentis desiderio, tam  
 pudendis utitur uerbis, ut sine flagitio uix ea recitare liceat. hinc io=  
 cus illorum, qui pontificem dicebant aliquem obscœnum prænuncia=  
 ri, qui proditurus esset ex eo conclauis, quod eiusmodi literas daret.  
 Martij die xiiij. Caesar scribit ad ordines Imperij. post Augustana co=  
 mitia se rediisse in Belgiū, ut filio suo, quē ab Hispanijs idcirco uocaf=  
 set, suæ ditionis populū deuinciret: fuisse quidē suæ uolūtatis, ea re con=  
 fectū,

Iulij ponti=  
 fificis de  
 litiæ.

Caesaris  
 literæ ad  
 ordines  
 Imperij.

1. 5. 5. o fecta, statim in Germaniam redire, sed quia non semper idonea sit ad nauigandum tempestas, & quia longissimum sit interuallū, aliquantū longiorem interuenisse moram prius, quā ab Hispanijs ille ueniret: ab eius autem aduentu, totam astatem & bonam autumnī partē fuisse consumptam rebus necessarijs peragendis: ac licet hyems tunc suberat, se tamen omnino cōstituisse in Germaniam proficisci, uerū illo ipso tempore in morbum articulare incidisse, neque multō post allatum fuisse nuncium de Pauli pontificis morte: mutasse ergo propositum, & noui pontificis electionem expectasse: Iulium deinde III. et de sua creatione sibi nunciasse, & liberaliter admodū atq; prolixē, de sua in rempublicam atq; religionem uoluntate pollicitum esse: eo cognito sibi uisum fuisse, tantam & tam optatam rei gerendæ occasionem non esse pratermittendam, præsertim, cū in eo salus tota Germaniæ consistat: ineundam igitur esse rationem, ut ea, quæ superiori comitio decreta sunt & inchoata perficiantur: deinde providendum esse, ut & disidiorum causæ tollantur, & obstinati quidam atq; rebelles coerceantur: his adeo de causis uelle se conuentus agere ordinum Imperij: quamobrem mandare, ut ad xxv. Iunij diem, Augustæ Vin-  
 Indictio  
 conuen-  
 sus Au-  
 gustiani.  
 delicorum sibi præsto sint omnes, nec ulla re, quò minus ipsi ueniant, impediri se patiantur, nisi uale tudine, cuius tamen rei fidem facere debeant iurati: legatos uerò mittant cum plenīs & amplīs mandatis agendi de rebus omnibus, quæ ad rempublicam pertinebūt, ut ne quā mora deliberationibus uel impedimentum inferatur.

## L I B E R XXII.

Pax in-  
 ter Gal-  
 los & An-  
 glos.



D HOC TEMPVS ANGLICI GALLI-  
 ciq; legati, quum diu rem disceptassent, pacem fa-  
 ciunt. Id autem cōprocliuus fuit, quò utrique uide-  
 rent, non esse nullos, quibus hæc ipsorum simultas ali-  
 quando foret utilis atq; compendiosa. Boloniam igi-  
 tur Angli, totos ferè sex annos iam occupatam, Gallis restitunt, non  
 sine plurimorum admiratione, Galli uerò pecuniam illis dependunt:  
 in ea pace comprehensi fuerunt etiam Scoti. Missis deinde legatis  
 utrobi-



utrobiq; noua necessitudine pacem ambo reges confirmant. Gallus 2550  
 enim Anglici ordinis factus est eques, Anglus contrà, Gallici. quod  
 quidem est inter uiros principes arctissima coniunctionis ueluti sym=  
 bolum. Magdeburgici, quum crebris edictis peterentur à Cæsare, Mar  
 tij die xxiiij. rursus aliud scriptum, ad uicinos potissimum, euulgant. Magde-  
burgicos  
rum ali-  
ud scri-  
ptum.  
 primò docent, neq; diuino nec humano iure se posse conuinci rebellio-  
 nis: postea demonstrant, eos, qui contra se sumunt arma, bellum ipsi  
 Christo facere: tertio loco refutant obiecta crimina, & calumnias esse  
 docent aduersariorum. Et licet horum, inquit, impulsu, Cæsar nos  
 proscripsit, tamen uerè possumus affirmare, nullam nos æquam ad-  
 huc repudiasse conditionem, modò Augustanæ confessionis doctrina,  
 simul & libertas à maioribus relicta, nobis permittatur: huius etiam  
 nunc sumus propositi, nec ullum officij genus, quod Cæsari uel impe-  
 rio præstari debeat, recusamus, & Deum testificamur, nulli bello siue  
 turbæ causam à nobis esse datam, sed cupere nos imprimis pacem co-  
 lere cum omnibus, & ueri cultus atque religionis adminiculo uitam  
 consequi sempiternam, et hæc quidem est totius odij, quod in nos con-  
 citatur, causa. Iam uerò, legibus ipsis cauetur, ne magistratus inferior  
 interpellat ius superioris: deinde, si fortè magistratus excedat suæ po-  
 testatis terminos, & impium quid præcipiat, ut non solum ei non ob-  
 temperetur, uerum etiam uim facienti resistatur. Quin autem sum-  
 ma rerum omnium ab uno Deo pendeat, neminem negare putamus:  
 hunc contra si quod prodeat edictum, si qua fiant decreta, dubitari  
 non potest, quin ea reiici debeant atque postponi: sed eius est generis  
 decretum, de religione factum Augustæ: non ergò possumus ijs obtem-  
 perare, qui nobis illud obrudunt, & euangelij lucem eripiunt, &  
 idolum pontificium proponunt, ut in sempiternum exitium pertra-  
 hant. Quod cum ita sit, nulla nobis rebellio iure potest obijci: deinde,  
 facile quiuis intelligit, quàm non liceat, uim nobis inferre. nec enim  
 nos tantum petimus, sed id agitur, ut ueræ doctrinæ professores dele-  
 antur funditus, ut per nostrum latus ipse Christus uulneretur & o-  
 mnes pij sumus enim omnes membra Christi, quapropter, qui se tam  
 impio facinore contaminant, quid aliud quam ultionem diuinam exa-  
 peccent? De castellis et uicis aliquot occupatis, anteriori scripto dixi-  
 mus, nec opus est ea repetere. nam ubi primum de pace nobis erit ca-  
 tum,

1550 tum, restituemus illa, quibus oportet. Quod etiam aduersarij sperant, quasi promiscue sint apud nos & uagæ libidines, impudentissimum est mendacium. itaq; per omnia sacra petimus, ne uos innocent sanguine polluat, & Deum oretis, ut impiorum consilia sanguinaria retundat, & si fortè bellum nascetur, ne uestra nobis denegatis auxilia. Post, ecclesiæ ministri, Aprili mense scriptum edunt. in eo doctrinæ suæ confessionem recitant, & magistratui licere demonstrant inferiori defendere se contra superiorē, cogentem discedere à ueritate atq; hic Cæsarem interpellant & obtestantur, ne fidem habeat ijs, qui ipsum ad iniustam & impiam crudelitatem exercendam inflammant, sed ut uerè causam totam & exactè prius cognoscat. Postremo, uim & arma deprecantur, & si res ita ferat, à finitimis auxilia quoq; petunt. De turba nuper excitata, sicut diximus, Argentinæ, in eade pri-maria, querimoniam episcopus ad Cæsarem detulit: senatus autē misso legato, nullam in se residere culpam demonstrat: itaq; Cæsar datis ad episcopū literis, mandat, ut intermissum opus restauret, utq; per-gat. Episcopus uerò prius à senatu stipulatur, ne qua uis fiat, aut impedimentum inferatur actioni. Sic demum clerus ad Pentecosten, qui tum erat Maij dies xxiiij. denuò rem inchoat. primis aliquot diebus aderant cōsules ac senatores aliquot, in diuersa parte templi primarij, ne quis motus excitaretur. clerus autem eius templi, partē illam, quā peractis sacris egrediuntur in uestiarium, ferreis cancellis obsepserāt, ne quis propius accederet. Ad exitum Maij Cæsar unā cum filio Bruxella discedit, & Augustam ad comitia contendit, adducto secum Saxoniæ duce captiuo, Lantgrauio autem relicto Mechliniæ. Non multo post eius abitionem, populari & Gallico sermone promulgatur edictum in Lutheranos, quod Aprilis die penultimo conscriptum fuerat. illud autem sic habet. Quanquam, inquit Cæsar, id operam dedi semper, ut meos intra fines antiqua & uera religio seruaretur, etsi totus in hoc semper fui, ut qui multis nunc annis per orbem Christianum disseminati sunt errores, hæreses atq; sectæ, funditus tollerentur, licet hoc obdmine uaria subinde proposui edicta, grauissimasq; pœnas, tamen magno cum animi dolore accepi, nō meæ solum ditionis homines, uerū exteros etiā, qui nostris in prouincijs habitant atq; negotiantur, huius mali contagionem, longè lateq; in promiscuam multitudinem

Cæsaris  
edictum  
in Luther-  
anos.



tudinem diffundere: sic ut planè sit opus, acrem aliquam adhibere me-  
 dicinam, & in fontes diligenter inquirere, ut ea pestis extirpetur ra-  
 dicitus, quemadmodùm in postremis conuentibus prouinciarum præse-  
 ctos & ordines admonui, ut, pro se quisq;, diligenter in hanc curam in-  
 cumberent, & in ueteri atq; catholica religione permanerent. præser-  
 tim, cum sit omnium oculis expositum, quas turbas atq; seditiones in  
 uicinis populis excitarit ea labe: ut interim de salutis & animarum  
 dispendio nihil dicam. Itaq; de consilio charissimæ sororis germanæ  
 & reliquorū procerum, nouam hanc legem fero, & simul edico, pri-  
 mum, ne quis omnium, quicumq; sit ille demum, habeat, emat, aut di-  
 stribuat Lutheri, Oecolampadij, Zuinglij, Buceri, Caluini, & quos-  
 cunq; tandè libros, editos annis ab hinc triginta, incertis authoribus,  
 ut amplius in theologorū Louaniensium catalogo continetur: item,  
 ne quis ullam habeat picturam aut imaginem fictam in ludibriū atq;  
 contumeliam diuæ uirginis atq; sanctorum, nèue disijciat aut infrin-  
 gat ullam imaginem, in honorem alicuius diui depictam: ne quis do-  
 mum suam conuentibus occultis aperiat, in quibus & disseminari so-  
 lent errores, & homines rebaptisari, & conspirationes in ecclesiam  
 atque rempublicam fieri: ne quis de sacra scriptura, maximè, de re-  
 bus dubijs atq; difficilibus, priuatim aut publicè disputet, aut eius in-  
 terpretationem sibi sumat, nisi sit theologus, qui probatæ alicuius a-  
 cademiæ testimoniū habeat: qui secus fecerint, punientur ut seditiosi  
 & publicæ tranquillitatis perturbatores, ac uiri quidè, gladio ferien-  
 tur, foeminae autem in terram defodientur, si quidem ab errore desi-  
 stent: si uerò pertinaces erunt, exurentur, publicatis ipsorū bonis, u-  
 trumcunq; luant supplicij: adhuc, testamenti faciendi potestatem nullā  
 habebunt, & quicquid eius rei fecerint, à quo primum tempore legē  
 hanc nostram uiolare cœperunt, irritum esse iubeo. præterea, ne quis  
 hospitij præbeat aut ulla re subueniat ijs, quos de hæresi nouit susce-  
 ctos, mando, uerum, denunciaret statim inquisitori uel loci præfecto,  
 subiturus poenam, nisi faciat. Qui nō malitia nec obstinatione, sed per  
 infirmitatē lapsi fuerint in hæresim & errorē, neq; tamē in hanc no-  
 stram legē cōmiserint, nec seditiosè quid fecerint, & sponte redierint  
 ad sanitatem, & abiuratione facta recepti fuerint in gratiam, nullum  
 posthac sermonē inter se conferant de rebus ad fidem atq; religionem

Arricu-  
 lio dicti  
 promul-  
 gati in  
 Luthera-  
 nos.

1550 pertinentibus: alioqui plectentur, ut in crimen relapsi. Qui, non conuictus quidem, sed admodum suspectus de hæresi, damnatus fuerit, ut uel abiuret uel publicè satisfaciat, & idem post accusetur hæresis, multabitur ut in crimen relapsus. ijs, qui sunt hæreseos & id genus criminum macula polluti, licet in gratiam recepti fuerint, nullus honos, nullum munus publicum, nulla dignitas comunicabitur. Nisi testimonium quis adferat ab ecclesiæ ministro eius loci, ubi postremò uixit, non permittatur ei domicilium uel habitatio. nam eiusmodi pro suspectis haberi debent. Præfetti locorū & reliqui nostri beneficiarij per suam quisq; provinciam, diligenter inquirant in eos, qui legem hanc uiolabunt, sed & inquisitoribus & iudicibus ecclesiasticis opem ferant, ut in quibus culpa residebit, comprehensi poenam luant iuxta formulam, quam inquisitoribus præscriptum: nisi faciant, arbitrio nostro luent: procurator etiam publicus cognoscat, an suam illi munus faciant, & si negligentiam in eis deprehendet, in iudicium uenire iubeat, & si deliquisse apparebit, aut magistratus illis abrogetur, aut alia, quæ uidebitur, poena constituatur. Episcopi præterea et archidiaconi & abbates & id genus alij procures inuestigent omni studio, si quis ordinis ecclesiastici sit infectus eo morbo, et seuerè uindicet. Qui contaminatum aliquem hac peste norunt, quibus in locis commorentur & delitescant heretici, compertum habent, ilicò deferant: nisi faciant, eandem quam illi poenam luant. Delator, si modò non uana fuerit accusatio, dimidiam partem bonorum illius consequetur. quæ quidem bona sexcentos aureos non excedent. nam quicquid erit supra hanc summam, eius decima pars illi decidetur. Qui conuentus occultos inquisitori detegit, etiã si consilia cum illis contulit, non plectetur, modò & de religione bene sentiat, et in posterum abstineat: sed qui remotus ab eorum societate deferet, præmium consequetur, ut suprà dictum est. poenæ, quas constituimus, irrogentur omnino tales, neq; sit in ullius potestate, illas uel mutare uel mitigare, quod sæpe factum esse intelligo. nam qui iudices in eo delinquent, non ferent impunè. Qui de hæresi accusati & in ius uocati perfugerunt, ac postea proscripti sunt, ubi de socijs criminū iam mortuis acceperunt, supplicare solent ut ad purgationem admittantur, quandoquidem probari crimen amplius nō posse putant. eoq; fit, ut reuersi falsam doctrinam



Et errores iterum diffundant: id uero ne fiat, publicè interest. Itaq; 15 50  
 mando, ne locus ullus detur ipsorum postulatis, uerùm ut omnes, qui  
 citati non comparuerunt, sed fuga salutē quaesierunt, habeantur pro  
 conuictis atq; damnatis. Qui pro suspectis & fugitiuis & proscriptis  
 & anabaptistis intercedunt, habeantur pro fautoribus hereticorum.  
 Iudices autem atq; praefecti neminem ex illis in gratiam recipiant, ni-  
 si uel meo uel sororis Germanae permissu. qui secus agent, ijs abroga-  
 bitur praefectura. Librarij nihil excudant, nihil diuendant aut distra-  
 hant rei sacrae, nisi de uoluntate & consensu eorum, quibus haec erit  
 demandata cura: si quid etiam ipsorum operæ in eo deliquerint, ipsi  
 praestabunt. Et quia catalogus extat librorum, quos academia Loua-  
 niensis reiecit, librarij suis in tabernis eum habeant suspensum, & ob  
 oculos positum, ne post, ignorantiam obducant uel ipsi uel emptores:  
 deinde alterum habeant omnium suorum librorum catalogum. qui  
 non parebit, centum aureis mulctetur. Pueros etiam erudiendos ne-  
 mo suscipiat, nisi permissu magistratus & praecipui ecclesiae ministri,  
 nihil autē doceat aut iuuentuti proponat, nisi iuxta formulam à theo-  
 logis Louanienfibus conscriptam. Eo decreto promulgato, uehemen-  
 ter attoniti fuerunt pleriq; Germani praesertim & Angli mercato-  
 res, qui per Caesaris prouincias & urbes, Antuerpiae potissimum, ma-  
 ximo numero negociantur. Itaq; sic illi iudicabant, aut illud esse mi-  
 tigandum, aut aliò commigrandum: imò, clausis tabernis multi cogi-  
 tabant abire, uitandi causa periculi. Senatus etiam Antuerpianus, &  
 priuatim ciues, qui maximo & incredibili suo dispendio futurum hoc  
 esse uiderent, magnis erant in angustijs: & quum eo uenissent qui in-  
 quisitionem instituerent, omni studio & contentione repugnabant, et  
 ad Mariam reginam profecti, quanti non ipsorum modò, sed totius  
 quoq; regionis interfit, ne fiat, demonstrant. Itaq; res, ea quidem in ci-  
 uitate, cuius causa praecipuè factum erat decretum, ob diuersas ibi na-  
 tiones atq; populos, tunc conquieuit. Hoc edictum postea sermone  
 Germanico redditum, Illyricus euulgat, et Islebium ac adiaphoristas,  
 ut ipse uocat, grauissimè taxat, qui populo persuadere studeant, quasi  
 religio non oppugnetur. Ceterum, inquisitionis formula, quam uo-  
 cant instructionem, amplissimam continet potestatem. Permittitur e-  
 nim illis, non plebeios tantum, sed magistratū etiam ad se conuocare,

1550 p̄erque iurandum adigere, ut ad interrogata respondeant, & cōm-  
 Quæstio perta deferant. Quæstiones autem ad religionem pertinentes, de qui-  
 nes edi- bus interrogantur delati uel suspecti, numero sunt ad triginta octo, &  
 cti Cæsa- in his, an credant sacrificium altaris, Missam, prodesse mortuis, ut è  
 rei in Lu- poenis purgatorij liberentur: an credant diuum Petrum fuisse princi-  
 shranos pem apostolorum, Christi; uicarium, & ecclesiæ Romanæ summum  
 pontificem, & pro talibus etiam habendos, qui legitime succedunt in  
 eius cathedram: an à pontificis obedientia discedi posse credant, modò  
 ne sit hæreticus aut schismaticus: an matrimonium occultè contra-  
 ctum, credant esse legitimum: an Lutheranos, Buceranos, & id genus  
 alios, credant esse ecclesiam. Galli cardinales Romæ commorati sunt  
 aliquantò p̄st, quàm electus fuit Iulius: domum deinde reuertuntur.  
 In itinere uerò, quum iam in Galliam uenisset, prius quàm regem adi-  
 ret, uitam finiit Lotharingiæ cardinalis, Ioannes, qui Francisco regi  
 per omnem uitam suauissimus fuerat conuiua. Per hanc occasionem,  
 Robertus Lenoncourtus cardinalis, episcopatum Metensem est conse-  
 cutus, qui deinde non minimum attulisse momentum putatur, quòd  
 urbs Metensis, Imperij ditionis, in Galliæ regis Henrici potestatem ue-  
 nit, ut infra dicetur. In ultimo confesso Tridentino decretum inter a-  
 lia fuit, ut qui plures haberent episcopatus, retinerent ex ijs quem uel-  
 Decretū ultimi cō-  
 fessus Triden-  
 tini. lent, cæteros abdicarent, ut libro decimo nono dictum est: ueruntamē,  
 quoad uixit Paulus, minimè res in executionem uenit: hoc autem pon-  
 tifice, per Galliam cardinales parebant quidem in speciem, sed nullo  
 cum suo dispendio. Cum enim ex ipsis pleriq; binos aut ternos habe-  
 rent episcopatus, complures autem alij ad dignitatem hanc aspirarēt,  
 permutatione facta, permittebant istis alterum, & unius episcopatus  
 loco quem deserebant, multas inuicem Abbantias aut id genus alias præ-  
 secturas ab iisdem consequabantur. Iulio mense, Colonienſis episco-  
 pus Adolſus, transactione facta cum senatu, Coloniam urbem, maxi-  
 ma pompa & splendore ingreditur, omnibus undique beneficiarijs  
 & propinquis & agnatis conquisitis, qui honoris causa ipsi præstò  
 essent ad eum diem. Comitatus fuisse dicitur duobus equitum milli-  
 bus, & amplius eò. & Cluensis quidem princeps insignem equita-  
 tum illi adduxerat. Huic erat nuper nata filiola è coniuge Maria, Fer-  
 dinandi regis filia. pro ea fideiusserant in baptismo sorores ambæ



Cæsaris, Eleonora & Maria, & Colonienſis: uerùm aliquantò poſt  
 ortum eſt inter eos graue diſſidium, ob iuriſdictionem eccleſiaſticam.  
 Iulij die uigeſimo ſexto, Cæſar Auguſtæ facit initium Imperij con- Conuen-  
tus Au-  
guſtæ.  
 uentus. in eo proponit de proſequendo concilio, de ſeruando religio-  
 nis decreto, nuper Auguſtæ factò, de mulſtandis rebellibus, de reſti-  
 tutione iuriſdictionis & bonorum ſacrorum. Erant & hæc armata  
 comitia, tametſi tranquillior eſſet aliquantò rerum ſtatus. principes  
 aderant, Moguntinus & Treuirenſis: electores reliqui miſerunt lega-  
 tos: aderant præterea Vnolfgangus Pruſſiæ magiſter, Vuirzburgi-  
 cus, Eiſtetenſis, Conſtantiſis, Auguſtanus, Tridentinus, Camera-  
 cenſis, Merſeburgenſis, epiſcopi: cæterorum principum nemo, præ-  
 ter Bauarum, & tandem etiam, Henricum Brunſuicenſem. Re deli-  
 berata, maiori parti placuit, proſequendum eſſe concilium: Maurici-  
 us uerò per legatos non aliter ſe probare illud oſtendit, niſi at res om-  
 nis ab initio retractetur, & Auguſtæ conſeſſionis theologi non ſo-  
 lum audiantur, ſed decidendi quoq; poteſtatem habeant, ut pontifex  
 concilio ſe ſubmittat, neq; præſidis locum obtineat, & uſurandum  
 epiſcopis remittat, quò liberè ſententiam dicant. Hanc eius conteſta-  
 tionem publicè recitatam, legatus poſt in acta referri uoluit. ſicut ſie-  
 ri conſuevit, ſed denegatum hoc ei fuit. huius autem rei facultas eſt pe-  
 nes archiepiſcopum Moguntinū, Imperij, quod aiunt, cancellarium.  
 Cæſar deinde pontificem de concilio interpellat. Auguſti die ſeptimo, Cardina-  
lis Augu-  
ſtani con-  
tione in Lu-  
theranos  
 cardinalis Auguſtanus, pro concione, grauiter admodum inſectatus  
 eſt Lutheranos: & aliquot poſt diebus, Hiſpani quidam in ludibrium  
 atque contemptum ciuitum, qui concioni tum intererant euangelicæ,  
 quedam in templo faciebant, ita quidem, ut ad magnum aliquem mo-  
 tum res omnino ſpectare uideretur: ſed interueniente prætore ciuita-  
 tis, dexteritate quadam ſingulari ſopitæ res fuit atq; ſedata. Sub exi-  
 tum Auguſti menſis, Granuellanus, qui Veſontione, Sequanorum op- Granuel-  
lani obi-  
tus.  
 pido, nuper uenerat Auguſtam, è uita decedit, non ſine magno Cæsaris  
 mœrore, ſicuti ferunt. Mercurino Cattinario cardinali ſucceſſerat, uti  
 libro ſeptimo diximus, & totos nunc annos uiginti ſummum digni-  
 tatis locum obtinuerat, & ſolus ſerè conſiliorum Cæsaris & arcane  
 mentis erat conſcius. In ipſius locū atq; functionē ſucceſſit Antonius  
 filius, epiſcopus Atrebatenſis, magne uir eruditionis, qui iam antiè,

1550 per absentiam patris, rempublicam gerere consuevit, *Cæsari ualde fa-*  
*Brunsvi-* miliaris. *Henricus Brunsvicensis* interea *Brunsvicum urbem*, cui  
*cum obli-* propter religionem & alia quædam, multis nunc annis admodum e=  
*detur.* rat infestus, obsidet: & quum ipsorum agris multum damni dedisset  
 incendijs atque direptionibus, neque tamen urbem expugnare posset,  
 interuentu quorundam *Cæsar* utrisq; mandat, ut discedant ab armis,  
 & apud se causam dicant. fuit hoc Septembri mense. *Cæsaris exerci-*  
*Africa* tus obsidebat tum *Africam*, urbem *Aphricæ*: *Leptim* aliqui esse pu=  
*expugna-* tant, tametsi *Liuius* etiam meminit urbis *Asrorum*. eam urbem tene=  
*tur a Cæ-* bat *Dragutus*, archipirata nobilis, qui *Turcæ* nuper sese coniunxerat.  
*sarianis.* Summæ rerum *Cæsar* præfecerat *Siciliæ* proregem. is, quum tormen=  
 tis aliquandiu fulminasset, certior factus, imminere *Dragutum*, & ad  
 ducere nouas copias, accelerandum sibi esse uidebat. Itaq; Septembris  
 die decima, terra mariq; militem immitit, & aliquot horarum spa=  
 cio ui capit. Equites *Rhodij*, qui rem mari gerebant, bonam operam  
 eo die *Cæsari* nauarunt: sed ad *Hispanos*, qui terra preliabantur, &  
 numero præstabant, urbe capta, prædæ pars magna peruenit. Capti=  
 uorum ingens erat numerus, ad octo circiter millia. hi nauibus impo=  
 siti, in *Siciliam*, *Sardiniam* & alia loca fuerunt abducti. Situs urbis  
 dicitur esse peramœnus, ob uicina prata & colles, oleis atque pal=  
 mis confitos, & fontium scaturigines. Non procul inde fertur esse re=  
 gio cum primis frumentaria, quæ maximo cum foenore reddat arato=  
 ribus quod accepit. Militem *Cæsari* subministrauit hoc in bello *Flo-*  
*rentiæ* dux, *Cosmus*, *Iordano Ursino* & *Astore Balione* ductoribus.  
 Quia iam suberat hyems, neq; com meatus poterat expediri, prorex,  
*Hispanorum* relicto ibi præsidio, in *Siciliam* reducit exercitum: *Dr-*  
*gutus* ad *Turcam* confugit, *Byzantium* profectus ea res noui belli de=  
 dit occasionem, quod *Turca* non in *Cæsarem* modò, sed in *Ferdinan-*  
 dum quoque regem deinde suscepit. Cum *Cæsar* *Henrico* duci & se=  
 natui *Brunsvicensi* mandasset, ut arma deponerent, dimisse fuerunt  
 utrinque copiæ: sed has omnes ad se postea traduxit *Georgius*, dux  
*Georgi-* *Megelburgius*, *Alberti* filius, adolescens, qui *Henrico* militarat. *Cle-*  
*us Megel-* rus *Magdeburgicus*, & primarij templi proceres, plerique gene=  
*burgicos* re nobiles, qui ciuitati cum primis erant infesti, magnis præmijs &  
*oppu-* pollicitationibus cum conduxisse feruntur, ut ipso ductore sese ul=  
*gnat.*

ciscæ



ciscerentur. sed hoc ipsi negant, ut infra dicitur. Nuper autem è uita 1550  
 decesserat ipsorum archiepiscopus, Ioannes Albertus: quare totius  
 prouinciæ dominium ei fuisse pacti, si quidem occuparet, & treis  
 quasdam arces per literas oppignorasse dicuntur. Sic ille, primò per  
 agrum Halberstatensem profectus, in Magdeburgicum postea perue-  
 nit, & cædibus, rapinis, incendijs grassatus, Vuancelebum oppidum  
 inuadit, capit, diripit, incendit: & quum arcem ibi positam frustra  
 tentasset, nonnullis desideratis, progreditur, & quacunque iret, plu-  
 rimum damni dat. Quare promiscua multitudo per agros & oppi-  
 dula, quum sua ferri uideret & agi, senatus Magdeburgici fidem &  
 opem implorant, neque se periculum ullum atque sumptum in co-  
 ruscare demonstrant. Senatus ergò diem illis constituit, quo sibi præ-  
 sto sint omnes: is erat Septembris dies uigesimus primus. Tunc egres-  
 si Magdeburgo simul agricolis coniuncti ciues atque milites præsi-  
 diarij, cum tribus equitum turmis, cum tormentis & reliquo appa-  
 ratu, duobus ab urbe milliaribus pernoctant. Postridie antequam lu-  
 ceret, promotis castris, ad hostem rectà contendunt, & quum in eius  
 conspectum uenissent, aciem instruunt. Primo loco stabant ciues at-  
 que milites, qua parte maius fore periculum putabatur: post eos erat  
 collocata reliqua turba. Megelburgius autem ea ratione perspecta,  
 repente conuersis ordinibus, agricolas, genus hominum neque satis  
 armatum, & minus expeditum, à tergo repente circumuenit, & ado-  
 ritur prius quàm alij sese cum impedimentis obuertere, uel opem fer-  
 re possent. Sic igitur illi proiectis armis in fugam abeunt præcipites,  
 & sociorum ordines perturbant, & ad uictoriam hosti uiam patefa-  
 ciunt. Ex ipsis pleriq; omnes, & hoc facto impetu, & post in fuga  
 concisi fuerunt: ciuium atq; militum non ita multi sunt desiderati, plu-  
 rimi uerò capti, tormenta, currus, & quicquid erat instrumenti mili-  
 taris, in hostium potestatem uenit. Cæsar interea multum instat, ut u-  
 trunque decretum Augustæ factum seruetur, & de Magdeburgicis  
 atque Bremensibus grauem habet querimoniam. nam hi soli resta-  
 bant omnium ciuitatum, tametsi Bremenses non erant proscripti.  
 Principes autem intercedunt, & actionem sibi permitti flagitant:  
 cūque Cæsar esset assensus, ad utramque ciuitatem dant literas ui-  
 gesimo secundo die Septembris, cōsque citant: ut ad alterum diem

Magde-  
burgici  
in Megel-  
burgium  
arma ca-  
piunt.

1550 Nouembris, Augustæ sibi præstò sint, & fide publica sese actioni si-  
stant, suosq; mittant legatos cum plenis mandatis & decernendi fa-  
cultate. Mulier quæpiam erat Augustæ, ciuis, quæ prætereunte fortè  
sacrifico, et ad ægrotum quempiam deferente panem azymum, quem  
hostiam appellant, accensis de more cæreis, perconctando mirabatur,  
quid ille claro die lucernam adhiberet. propter hoc dictum capta fuit,  
& in magno uersabatur periculo, sed multis foeminarum precibus, ad-  
demum intercessione sororis Caesaris seruata, relegatur. Venerat au-  
tem cò regina Maria, cum alijs, tum hac etiam de causa, ut edictum il-  
lud nuper in Belgio promulgatum, mitigaretur: nisi enim ita fieret, fo-  
re dicebat, ut quæ nunc sit totius orbis frequentissimum emporium,  
Antuerpia, splendorem suum amittat: seditionis quoque passim per-  
magnum esse periculum, si quidem in executionem res uenire debeat.  
Caesar uix ægrè tandem assensit, & mutatis ijs, quæ pertinent ad ex-  
teros negociatores, nomen inquisitionis, inuisum omnibus tollit, cæ-  
tera suo loco manere iubet atque seruari. Dum ad Bremenses atque  
Magdeburgicos perferuntur literæ, principes ac ordines è Caesare per-  
quirunt, quibus conditionibus uelit cum eis pacisci: Bremensibus igitur  
has proponit. ut ipsius potestati sese permittant, supplices depre-  
centur, ab omni fœdere discedant, nullum quoque fœdus faciant, in  
quo non ipse cum familia tota comprehendatur: Camera pareant, &  
sumptus in eam pro uirili parte contribuant: cum archiepiscopo suo  
transigant, si non possint, delectorum, quos ipse dabit, arbitrio rem  
permittant: cum uniuerso etiam clero paciscantur: tormenta erepta  
duci Erico restituant, & de damno dato illi satisfaciant: ipsorum di-  
tationis nemo contra se militet: centum quinquaginta aureorum millia  
dependant, uiginti quatuor tormenta tradant instructa: pareant de-  
creto superioris conuentus, & ijs quæ iam decernentur. Magdebur-  
gicis autem easdem propè leges imponit: hoc erat additum in super, ut  
sese iudicio sistant omnibus, & sententiæ pareant: à tempore factæ re-  
bellionis nullam habeant actionem in quenquam: munitiones atque  
propugnacula demoliantur, se suosque legatos, quocunque tempore,  
cum quantisuis copijs, nulla cum pactione in urbem recipiant: aureo-  
rum millia ducenta pendant: bonorum publicationes ratæ sint, neque  
turbentur possessores. Prælij Magdeburgici fama, statim longè lateq;  
disse-

Bremen-  
sibus con-  
ditiones  
pacis  
proposi-  
ta.



disseminata, & ad Casarem quidem intra diem sextum perlata fuit: 1 5 5 0  
 & cum plerique de illis propè nunc actum esse putarent, ecce, scriptum  
 euulgant calendis Octobris. In eo rem omnem commemorant, & Magde-  
 suorum ciuium atque militum non supra ducentos occubuisse dicunt, burgico-  
 & qui uidebantur indigere consolationis, alios ipsi confirmant. Nam rum, scri-  
 ptum.  
 Deus, inquit, hac ratione uoluit pertentare nostram constantiam:  
 de illius autè erga nos immensa bonitate nihil quicquam dubitamus:  
 quod etià si fortè uolet nos interire totos & opprimi, nihil tamè es-  
 se potest in eo mali: quantò enim satius est, extremum adire pericu-  
 lum, quàm à ueri professione deficere ad antichristum Romanum? Et  
 enim, qui uel metu, uel cupiditate quadam & ambitione remolle-  
 scunt, seque Tridentino concilio subiiciunt, & impium illud decretum,  
 Augustæ factum recipiunt atque laudant, dubium non est, quin hi, tum  
 in hac, tum in illa sempiterna uita grauissimas daturi sint pœnas, nisi  
 redeant ad sanitatem: aduersarijs etiam nostris metum atque limitem  
 esse possum à Deo scimus, quem non excedent. Oramus igitur om-  
 nes, ut suas preces nostris coniungant, nec in nos arma capiant: nobis  
 enim oppressis, eadem omninò calamitas, in uniuersam Germaniam,  
 nullo discrimine redundabit. Quod cum ita sit, ipsa professio pietas &  
 communis patriæ salus, hoc à uobis flagitant, ut nobis, qui propter e-  
 uangelij doctrinam affligimur, uestra consocietis auxilia. Re bene ge-  
 sta in Magdeburgicos, continuo multi sese comparant ad militiam: Copie in  
 Magde-  
 in his erant Mauricius, & elector Brandeburgicus cum Alberto pa- burgicos  
 truele, & Henricus Brunswicensis: deinde nobilitas etiam omnis ap-  
 pellatur, ut equitatum adducant. plerique copias eò conscribi puta-  
 bant, ut Megelburgius eijceretur è finibus: & principio quidem non  
 nulli uolebant uideri eò sumpsisse arma, ne longius ille uagaretur:  
 sed ubi conuenissent omnes, Octobris die quarta progressi, non pro-  
 cul ab urbe castra faciunt, & sexto post die, noctu, magno cum cla-  
 more procurrunt usque ad fossas atque portas, experiundi causa, quid  
 oppidani uel possent uel auderent: sed reiecti tormentis, multos è suis  
 desiderarunt: & cum in castra pedem referrent irati, leprosum ho-  
 minum domicilium in itinere inflammant, planè contra militiæ leges  
 atque disciplinam. Postridie rursus dimicatum est leuiori prælio, quum  
 oppidani fecissent eruptionem. erant enim alacres, & cum alij mul-

155 o ti, tum ex nobilitate complures, odio Brunsvicensis Henrici, confluxe-  
 rant eo, iuri militares, & in armis multum exercitati. Octobris die  
 duodecimo, pactæ fuerunt induciæ, & in urbem nonnulli uenerunt le-  
 gati de pace: uerum id frustra fuit. Dum hæc geruntur, ordines archi-  
 episcopus Magdeburgici, quos inter facile primum locum obtinebat  
 clerus, Halæ conueniunt, & Octobris die xv. legationem ad Cæsarem  
 ac principes Imperij decernunt. hi quum Augustam uenissent decimo  
 post die, senatum populumq; Magdeburgicum grauissimis uerbis ac-  
 cusant: & quandoquidem Magdeburgij ducis copias ad se traduxerit  
 Mauricius, ipsi quoque supplementum ei miserint, neque sit in ipso-  
 rum facultate, tantos sumptus tolerare diu, petunt, ut ad commune  
 hoc resurgendum incendium, rationem ineant principes, & primo  
 quidem tempore, quemadmodum & milites alantur, & facinorosi il-  
 li atque proscripti mulcentur prius, quam ex recenti clade uires &  
 animus recipiant. nam alioqui futurum, ut ad hostem transeant mi-  
 lites: quod non ipsorum modo, qui sint uicini, sed omnium etiam or-  
 dinum presentissimo sit futurum periculo: illos enim nihil aliud mo-  
 liri, quam summi magistratus internecionem, & in hoc esse totos, ut  
 seditionem popularem per uniuersum Imperium excitent. in substi-  
 tium uero petebant millia peditum octo, mille ducentos equites. Eo-  
 dem die, Bremensium & Magdeburgensium fuerunt recitata scripta,  
 quibus principum ad se missis literis, ut ante diximus, respondent. Ac  
 Bremenses quidem primo, quanto perire pacem & Cæsaris amicitiam  
 semper expetiuerint, demonstrant, & quomodo non per internun-  
 cios modo, sed per Danie regem atque ciuitates etiam maritimas, de  
 pace non semel sollicitarint, et quam duræ sint propositæ conditiones,  
 exponunt: et tamen, quò uideri possit, quanti sit ipsis authoritas Cæ-  
 saris, non se recusare dicunt mittere legatos, & si religio ipsis atq; li-  
 bertas permittatur, nihil non facere pollicentur. Magdeburgici au-  
 tem in Imperij conuentu superiori, magnis precibus interpellasse Cæ-  
 sarem de pace, uerum intolerabiles fuisse latas conditiones, ab eo que  
 tempore magnum se detrimentum accepisse dicunt, & cum nullus  
 esset iniuriarum finis atque modus, uim ab se depulisse, moderatè ta-  
 men: totius autè odij causam esse, quòd ueram doctrinam retinere cu-  
 piant & idola fugiant: quòd ad præscriptum diem attinet, quia cum  
 plenis



plenis mandatis mittere legatos iubeantur, non se posse reperire, qui hac ratione proficisci uelint: adhæc, Georgium ducem Megelburgium nuper ipsis ex improviso bellum intulisse, & profiteri palam, Cæsaris hoc & Imperij mandatu fieri: nunc etiam proximè ad urbem esse copias hostiles: hæ si remoueantur, & si legatis ipsorū idoneè caueatur, & ad se referre postulata liceat, non recusare, quò minus aliqui mittantur. Sub initium Nouembris mortem obiit Vlrichus dux Vuirtembergicus, pendente lite, quam habebat cum Ferdinādo rege, sicut antè dictū est. Ei successit filius Christophorus. Cæsar postquā respondit duarum ciuitatum accepit, de Bremensibus quidem ait, expectandos esse, quia se uenturos dicant: ad Magdeburgicos uerò quod attinet, quoniam longè secus res habeat, quā dicant, & quoniam alienè ac propè contemptim responderint, petit, ut deliberare pergant, quid statuendum sit in illos, inprimis autem, ut episcopatus ordinum postulata diligenter expendant, in eoq; faciant quod sit ex usu simul & Imperij dignitate monet. Videbant faciliè principes ac ordines, fore ut his legibus nunquam pacificaretur: itaq; mitiora proponi rogabant: Cæsar autem institutum urgebat. Sic illi demum, tametsi plerique grauati, ciuitates inprimis, assentiuntur, & auxilia pollicentur: sed Cæsarem inuicem orant, primū, ut & ipse contribuat: deinde, si fortè huic bello præesse non possit, ut aliquem summæ rerum præficiat. Eam prouinciam deferunt Mauricio, si quidem ipsi uideatur, & in bellū hoc sumptus esse faciendos dicunt ex ea pecunia, quæ iam ante sit in futuros usus rei publicæ collecta. Cæsar inuicem, quantas ipse bello superiori fecerit impensas, ut Germaniæ pacem restitueret, exponit, utq; rationem eius habeant, poscit: de Mauricio sibi placere, nec ullū se nouisse dicit, hoc quidē in tempore, qui magis ad eam prouinciam sit idoneus, idq; uarijs de causis: ut autē ex ærario publico pecunia sumatur, ita probat & permittit, ut quod inde sumptū fuerit, intra certum tempus reponatur: nec enim in hunc usum eam fuisse conflatam pecuniā. Monet autem, totis uiribus huc incumbant, ut illi meritas poenas luant. quòd ita fieri posse demonstrat, si castellis ad urbem extructis perpetuetur obsidio, donec sint perdomiti: sed opus esse ceteritate, propter anni tempus & rei gerendæ occasionem: nisi enim effrenis illa comprimatur & obstinata rebellio, faciliè ipsos uidere,

Vlrichi  
Vuirtembergici  
mors.

Mauricius  
præfectus  
belli  
Magdeburgici.

1550 quanto sit hoc Imperij cum periculo futurum atq; dedecore. Sic ergo  
 Mauricius, quia iam antè sese huic rei, sicut diximus, immiscuerat, tra-  
 ductis ad se copijs, publico nomine belli summæ præficitur: in bellum  
 acro decernuntur aureorū millia sexaginta menstrua: proq; sumpti-  
 bus iam factis persolui iubentur millia centum. De cōcilio Cæsar prin-  
 cipibus cōfirmat fore, ut ante pascha rursuscōtinuetur Tridenti: nam  
 ita sibi polliceri pontificem. Interea tamen urget decretum Augusta-  
 num, & causas demonstrari sibi iubet, quamobrem illæ & de religio-  
 ne & ordinis ecclesiastici emendatione conscripta ante biennium for-  
 mularum non seruentur? Electores archiepiscopi, neq; prætermisisse quic-  
 quam, & etiānum in hoc sese totos esse: quo minus autem plenè sa-  
 tus fiat, ob stare quorundam exemptiones atq; priuilegia dicunt. Absen-  
 tium electorum legati, diligentem ab se nauatam operam, sed obesse  
 temporis longinquitatem aiunt: nec enim ita subito religionem hanc  
 ex animis hominum posse reuelli, & opus esse in formatione, ut pau-  
 latim homines assuescant, quibus persuasum omnino sit, decretum il-  
 lud discrepare nullum à sacris literis: uiolenter quidē nihil posse mu-  
 tari sine turba & seditione: quod si concionatores etiam aliquis huc  
 adigat, fore solitudinem in templis: uix enim reperiri, qui se demittāt  
 eo: propter cœlibatus illam & cœnæ domini conditionem. Reliqui  
 principes ac ordines pōtificiæ religionis, has adserunt causas, gymnasia  
 seu literarum ludos, in quibus non rectè iuuentus instituitur: eccle-  
 siæ ministros, qui populum absterreant ab eo decreto: sacerdotum pe-  
 nuriam: magistratus negligentiam: obesse quoq; plurimū aiunt, quod  
 ordinis ecclesiastici nonnulli uiuant impurè: deinde, quod decretum  
 factum impurè multi contumeliosis libellis petant et insecutentur. Iu-  
 lius pontifex, crebrò sollicitatus à Cæsare, sub Idus Nouembris conscri-  
 pto diplomate, bullam ipsi uocant, concilium decernit, suum esse con-  
 firmans, indicere & dirigere concilia: cupere etiam se Germaniæ tran-  
 quillitati consulere, quæ Romanæ ecclesiæ & pontificum, qui Chri-  
 sti sint in terris uicarij, semper fuerit obseruantissima: Tridentum  
 igitur ad Calendas Maij ueniant omnes, qui iure uel consuetudine  
 sua quadam aut priuilegio debeant interesse, & quos Paulus tertius  
 ante uocarit, cum eodem in loco synodum indiceret: nam eo die con-  
 tinuatum iri concilium: & si uel per ætatem aut ualeitudinem aut oc-  
 cupationem

Iulij pon-  
 tificis di-  
 ploma  
 de con-  
 cilio.



cupationes reipublicæ, non possit ipse coram, per legatos tamen in eo  
 se nolle præsidere. Scriptum hoc ad Cæsarem deinde mittit. Maurici-  
 us, rei summæ præfectus, magnis uiribus rem agit, & constructis ali-  
 quot castellis, ut in ijs milites hyemarent, sub exitum Nouembris ur-  
 bem aggreditur. Est autem urbs tripartita: eius unam partē, quæ no-  
 ua dicitur, noctu magno silentio conscensis mœnibus atq; portis, occu-  
 pat, neq; prius hostile signum dedit, quàm militem introduxisset. Ex-  
 citati clamore, ciues, quicunq; reperti sunt in armis, trucidantur: reli-  
 qui capti atq; direpti pelluntur. Magdeburgenses igitur, ut hosti com-  
 moditatem hanc eriperent, emisso milite locum incendunt, ea parte,  
 quæ ad ipsos pertinebat: alteram deinde partem, quæ Sudeburgum di-  
 citur, exurunt etiam receptis in urbem oppidanis. His serè diebus in  
 castra Mauricij uenit Lazarus Schuendius, ut nomine Cæsaris in com-  
 mune consuleret. Erat id temporis in Saxonia, Hedecus, quem ante  
 biennij Cæsar proscripserat, uti suprà diximus. is, & Albertus Mans-  
 feldius, apud uicinas ciuitates, quæ maritimæ dicuntur, copias conscri-  
 bunt, ut Magdeburgicis essent auxilio: Mauricius ergo Decēbri men-  
 se, cum parte exercitus illos petit, et dissipat, ex ijsq; signa quatuor ad  
 se traducit, post etiam Hedecū, ut infrà dicitur. Postridie iduum De-  
 cembriis, edicto ualde prolixo, Cæsar, grauiusque uerbis insectatur  
 Magdeburgicos, & ne quis opē ipsis ferat, iubet, et militibus atq; du-  
 cibus, qui sunt in urbe mandat, ut intra diem xij. post allatas literas,  
 urbe excedant, eiusq; rei fidem faciānt Mauricio, uel per eius absenti-  
 am Lazaro Schuendio: si pareant, impunitatem proponit, sin autem,  
 poenam atrocem cōstituit. Erat in urbe Albertus Comes Mansfeldius,  
 non quidē à Cæsare proscriptus, uerū exutus facultatibus, cū in Io-  
 annis Friderici Saxonie ducis fide permanisset & amicitia. Quomo-  
 do Lantgrauium Cæsar Mechliniæ reliquerit, Augustam proficiscens  
 è Belgio, dictum est ante. Mauricius quidem & Brandeburgicus, ut di-  
 mitteretur, instabant: sed responsum fuit, non illum modò, sed filios et-  
 iam & consiliarios ita se gerere, ut nondum liberari possit: custodes  
 quoq; dicebant ei fore, ut in Hispaniam abduceretur. A filiis igitur  
 opem implorat, & fidelitatis, quam sibi debeant, commonefacit, &  
 Mauriciū atq; Brandeburgicum citari iubet, ut se sistant iuxta for-  
 mulam obligationis, & promissum impleant. filij morem gerunt, &

Mauri-  
 cius op-  
 pugnat  
 Magde-  
 burgicos

Cæsaris  
 diploma  
 in Mag-  
 deburgi-  
 cos.

per

150 per legatos, grauiſſimis uerbis non ſemel illos monent, atq; citant: illi uerò, modò ſimul, modò pro ſe quiſq; ſeparatim, aliquando per inter nuncios, aliquando coràm excuſant, & quam nec ipſis nec etiam parenti ſit conſultum, ut ita fiat, oſtendunt, & ſubinde nouas adducunt rationes, quibus confidant eum ſine ullo periculo poſſe liberari: deprecantur ergò & dilationem petunt. Caſar autem, qui per Liranum ſollicitauerat antea Lantgrauium de reddendis literis obligationis, uti diximus, cùm amplius interpellaretur, Lazarum Schuendium ad eius filios mittit atq; conſiliarios, mandans, ut non modò nō citent & urgeant Mauriciū atq; Brandeburgicum deinceps, uerū, ut eius generis literas etiam omneis ad ſe mittant, & actioni renuncient: niſi pareant, maximas pœnas cōminatur. ſed id fruſtrā fuit. obligatos quoque principes per epiſtolam abſoluit, & liberos à nexu pronunciat.

Lantgrauius capit conſilium ſuū.

Cùm ergò ſpem nullam uideret Lantgrauius, conſtituit omnino proſigere, ſi poſſet, & cum ſuis, quos euocauerat ex Heſſia, partim genere nobiles, uarias rationes init: uerū hi periculo deterriti, remiſſius agebant. duobus tandem perſuadet, Conrado Bredeſteno, Ioanni Rommelio. hi per totum iter, inde ab ipſius finibus, Mechliniam uſq; ceſſeres diſponunt equos, quibus conſenſis effugeret: ſed per quendam ipſius famulum hoc tempore res emanauit, qui familiariter cuidam dixerat Mechliniæ, futurum, ut intra paucas horas liber eſſet: cùm id, ueluti per manus traditum, ad cuſtodie præfectum, in ipſo propè ſuæ momento & articulo delatum eſſet, omnis illa ratio concidit, & ex ipſius miniſtris duo fuerunt ſubitò conſoſſi, quidam comprehenſi & capite mulctati, ipſe uerò deductus in arctiorem cuſtodiam. Caſar ubi reſciuit, moleſtiſſimè tulit, & ad Mauriciū atq; Brandeburgicū datis literis, facinus hoc tam audax, ad ſuam, & ſuæ ditionis iniuriam pertinere, ſeq; grauiter uindicaturū in illos dicit, qui uel opem uel conſilium in eo cōmunicaffent. earū literarum exemplū illi filio Lantgrauij Gulielmo mittunt, & inter alia, quòd ſi præterea quid eiusmodi fiat, nullo ſe dicunt ipſis uinculo teneri. Mauricius tamen ſeparatim illos conſolatus, ad liberandum parentem, non fortunæ modò, ſed uitæ atque ſanguinem etiam pollicetur, & ut ſe ſiſtat, tunc demum fore tempus idoneum dicit, cùm ſi fuerit ſtatus rerum, ut minus metuen-

Magdeburæ



Magdeburgici omnes, qui non erant destinati uigilijs, post mediā noctem urbe excedunt, ut equitatum hostilem, quodam in uico, non procul, opprimerent. Magni quidem res erat periculi, quod inter hostium castra faciundum erat iter: sed tamen foeliciter cessit. nam prius quam hostis armari posset, uicum occupant, & diuersis locis incendunt. armis omnes superinduxerant lineas interulas, hostium, quicumq; resisterent, interfecti fuerunt, pleriq; genere nobiles: multi pugnabant ex ædibus, uerū ijs inflammatis, conflagrarunt. ex nobilitate plurimi capti, statim in urbem adducti fuerunt, undā cum equis circiter ducentis lx. Postridie, prima luce domum illi repetunt, & turmam equestrē habent obuiam, ductore Georgio Megelburgio, qui tandem conserta manu, cum à fronte premerent equites, à tergo pedites instarent, captus & in urbem adductus fuit, ille ipse, qui belli fecerat initium. His etiam diebus ex Hispanijs Augustiam uenit Maximilianus Austriacus, gener Caesaris, Bohemiæ rex designatus per absentiam, reuocatus à patre Ferdinando rege, quem inter atque Cæsarem actio tunc erat ardua, de Imperij successionē, cuius etiam rei causam Mariam sororem, quæ Ianuario mense illuc redijt, Cæsar euocasse dicebatur, ut interueniret, quum superiori Septembri illinc abiisset. Cæsar enim qui sciret, quanti esset momenti, Germaniæ coniunctio, filium heredē, qui tam latus & diuersis finibus esset regnaturus, hoc ueluti firmamento stabili cupiebat. Ferdinandus autem rex, qui spectaret idem, neq; suam, neq; sanē filiorum expectationē atq; commoda deminui oportere iudicabat. porro, Maximilianus, qui egregiam indolem præ se ferret, et multas calleret linguas, Germanicam imprimis, & morum elegantia polleret, admodum erat graciosus atq; popularis. Literas illas, quibus concilium denunciatur, ut antè diximus, pontifex ad exitum Decembris Romæ promulgat. Sunt in ijs, quæ multorū possent animos offendere, cuiusmodi est, quod suum esse dicit gubernare concilia, quod se Christi uicarium uocat, quod continuari uult actionem, non autem ab initio repeti, quod præsidis locum & auctoritatem sibi uendicat, quod sui tantum ordinis homines eò uocare uidetur. Hæc etiam Cæsar, quum ei literæ redderentur, animaduertisse, & ab illo contendisse dicitur, ut quæ paulò erant asperiora, mutarentur. ueritus enim fuisse putatur, ne his tanquam scopulis deterriti Germani, uel repudiarent

1 5 50  
Magdeburgico-  
rum  
uictoria.

Contentio de Imperio inter Cæsarem & Ferdinandum.

Julij pontificis litteræ.

denuciata

255 denunciationem, uel moram & impedimentum aliquod inferret huic  
 operi, quod ipse tanto labore perfecisset. Nolim istud quidem pro ue-  
 ro ponere, & solent eiusmodi consilia tegi: sed si uerum est, nihil eum  
 impetrasse constat. nam illam, de qua dixi, formulam, pontifex euul-  
 gavit, nullo immutato uerbo. neq; desunt, qui consulto hoc illum se-  
 cisse putant, ut à concilio Germanos abstereret, ne uenirent, aut si ue-  
 nirent, præiudicijs teneret illaqueatos. Paulus quidem tertius hanc ar-  
 tem adhibuisse fertur, sicut libro nono diximus, ut, posteaquam per  
 suos emissarios acceperat, quid ferre possent, quid recusarent prote-  
 stantes, indicto deinde concilio, illa ipsa, quibus offendi sciret eorū ani-  
 mos, inprimis urgeret atq; proponeret, sicut in hoc etiam Iulij diplo-  
 mate uidere licet, quod est ad Paulinum illud conformatum. Per hosce  
 dies Mauricius & Brandeburgicus elector pacis condiciones Magde-  
 burgicis proponunt, & ut se dedant fidemq; præstent ipsis & archie-  
 piscopo, petunt: id si faciant, fore, ut religio & Augustæ quondam ex-  
 hibita doctrina ipsis permittatur, ut de ipsorum privilegijs, iure ac li-  
 bertate nihil decedat, munitiones etiam urbis atq; facultates perma-  
 neant saluæ, nulla cuiquam uis intentetur: ad hæc, intercessionem pro-  
 mittunt, ut proscriptionem Cæsar aboleat, his nimirum conditionibus.  
 ut sicut alij principes atq; ciuitates, ita ipsi quoq; supplices deprecen-  
 tur, eiq; tradant tormenta sexdecim, & aureorū millia centum, quò  
 nimirum ipsis relinquuntur bona iam publicata. eam uerò pecuniæ  
 summam ipsis uelle se prærogare dicunt: clero suas facultates reddat:  
 de damno utrinq; dato, deq; habitatione cleri & ceremonijs primarij  
 templi se facturos esse iudiciū: & quò facilius Cæsari persuaderi pos-  
 sit, in urbem esse recipiendum præsidium, donec transactionem Cæsar  
 habeat ratam, & reliquæ conditiones etiam fuerint impletæ: ne uerò  
 præsidarij milites ullam iniuriam ipsis faciant, se curaturos: quòd si  
 Cæsar ista repudiet, tum se quamprimum educturos esse præsidium,  
 & urbem ipsis uelle restituere saluam, & omnino qualem acceperint.  
 Senatus uerò deditionē facere, & præsidium recusabat admittere. De-  
 cembri mense, ordines episcopatus Magdeburgici, maximè uerò cle-  
 rus, lingua populari scriptū edunt in senatum populumq; Magdebur-  
 gensem, eosq; dicunt, antiquitus & iure, ad suam et archiepiscopi di-  
 tionem pertinere, idq; doceri posse literis Ottonis primi, Cæsaris: &

Magde-  
 burgici  
 sollicitan-  
 tur ad de-  
 ditionē.

Cleri  
 Magde-  
 burgici  
 scriptum  
 in ciues.

multa



multa quidē, inquit, insolenter ac proteruē saepe fecerunt, cum pri-  
 mis in Burcartū & Guntherum archiepiscopos, uerū ad officiū re-  
 ducti, poenam luerunt, sicut historijs demonstrari potest. Ernesto autē  
 Saxone, ac deinde Alberto Brandenburgico, episcopis, transactum fuit  
 de controuersijs, uerū illi nō steterunt pactis: & quoties episcopi de  
 communi consilio reliquorum ordinū, aliquid ad usum reipublicæ sta-  
 tuerent, detrectarūt semper, ac eo spectarunt, quem admodum ipsi re-  
 liquis imperarent. Et quum Alberto cardinali esset adiunctus coadiu-  
 tor, Ioannes Albertus, patruelis, non modò non approbarunt, uerum  
 etiam cognomen & honorem ei debitum detraxerunt, licet eo nomi-  
 ne non semel essent appellati: quumq; deinde Alberto uita defuncto  
 successerat, nec pro episcopo recipere, neq; fidem ei dare uoluerunt, in  
 eoq; permanserunt, quoad ille uixit, tametsi magni saepe uiri interces-  
 serint. hoc autem eo consilio fecerunt, ut summam ipsi rerum occupa-  
 rent, quod facile cuius apparebit, ipsoꝝ actiones consideranti. Et  
 quanquam scriptis in lucem editis, excitandi causa tumultus, populo  
 persuadere conātur, quasi nihil deliquerint, quasi planē sint innoxij,  
 quasi ueritatis tantū atq; religionis causa periclitentur, tamen lon-  
 gē res aliter habet. nec enim ipsoꝝ est ullum illatum impedimentū  
 religioni, tametsi nostræ ditionis templa tenerent: & quoniam in le-  
 gitimo concilio se responsuros aiebant, patienter omnia tulimus: ue-  
 rum eo non contenti, facta coniuratione, et foedere inito, quod ipsum  
 tamen eis, nisi de nostro & archiepiscopi consensu, per pacta non li-  
 cent, ad suam religionem nos cogere uoluerunt. Ex quo satis apparet,  
 non religionem, sed ecclesiarū bona fuisse ab illis quæsitā, & hoc esse  
 actum, quomodo suam perfidiam atq; rebellionem aliqua honesti spe-  
 cie tegerent atq; uestirent. Multa quidem illi contra Cæsarem & or-  
 dines Imperij seditiose fecerunt, neq; commemorari possunt omnia,  
 sed percurramus ea quæ propriè ad nos pertinent. Et primò quidem,  
 ante annū quartum uiolatis pactis atq; fide, qua sunt deuincti, renun-  
 ciarunt nobis amicitiam, & occupatis nostris bonis atq; domicilijs,  
 nos profligarunt, quosdam etiam in uincula coniecerunt, ex ijsque  
 nonnulli detinentur adhuc captiui, quidam exceſſerunt è uita: dein-  
 de, domos nostras ad solum usq; sunt demoliti: nostræ ditionis oppi-  
 da, facultates atque præfecturas in suam potestatem perduxerunt, &  
 infra

550 instituta urbis munitione, quò tutius rebellarent, menstruā pecuniam  
 & alia quedam onera multitudini imperarunt, templa passim et mo-  
 nachorum collegia partim diruerunt, partim labefecerunt, campa-  
 nas è turribus deiectas conuerterunt in tormenta, mortuorum corpo-  
 ra, non modò sacerdotum atq; monachorum, uerum etiam nobilium,  
 effossa & concussa, in aggeres atq; ualla sua cògesserunt: statuas, aras,  
 & sepulchrorum saxa coaptarunt in suos muros: in templis, quæ per-  
 manserunt integra, cultum omnem diuinum extinxerunt: quicquid  
 esset ornatus & rei preciosæ, quicquid literarum atq; monumentorū  
 in templis, dissiparunt, sacerdotes ac reliquos ecclesiæ ministros, pu-  
 gnis & uerberibus multatos, ex ædibus sacris & ab ipsis altaribus  
 eiecerunt. uestigia noua diuersis locis imposuerunt, planè contra  
 regionis morem: sed et Ottonis Magni Cæsaris, auctoris nostri sepul-  
 chrum, tumultuose refregerunt. Et hæc quidem sunt domesticæ: sed eo  
 minimè contenti, proruperunt in episcopatum Halberstatensem, &  
 ibi direpto collegio Hamerslebio, sacerdotes iam sacrificantes, ab ipsis  
 aris depulsos, partim uulnerarunt, partim occiderunt, & sacris omni-  
 bus pollutis, panem azymum consecratum pedibus conculcarunt: de-  
 inde, monachorum induti uestibus, quum proteruè & per ludibrium  
 multa fecissent, exuijs atq; spolijs onusti domum redierunt: aggerem  
 uerò quendam eius regionis, maximo sumptu constructum, & peru-  
 tilem ijs locis, nulla de causa disiecerunt, exustis pontibus atq; rescisis,  
 ne cui transitus pateret: uitæ quoq; nostræ sunt insidiati, quod etiam  
 nunc faciunt, ita quidem, ut ne in ædibus quidem nostris, nec apud a-  
 micos absq; periculo uerseremur: & quos nobis præbere hospitium su-  
 spicabantur, eorum domos noctu sunt aggressi, & direptis bonis, ex  
 nobilitate multos abduxerunt captiuos, quosdam etiam subiecerunt  
 tormentis: matronas autem nobiles atq; uirgines, omni spoliatas or-  
 natu & malè multatas, in mortis adduxerunt periculum: sed nec à  
 pueris etiam abstinerunt manus: breuiter, uix apud Turcas extare  
 simile putamus exemplū immanitatis: & si quis æstimet tam ea, quæ  
 consecuti sunt ex nostris bonis, quàm damnum datum, reperiet ad mi-  
 nimum supra octies centena aureorum millia: ne quid interim dica-  
 mus de contumelijs, conuitijs, libellis famosis atq; picturis, quas euul-  
 garunt in Cæsaris & ordinum Imperij contemptum atq; ludibrium,

de in=



de iniurijs etiam, quas nunc totos ferè uiginti septem annos patimur. 1550  
 Nam & lapides & sordes uiarum in nos coniecerunt, et euntes per urbem, insano clamore sæpe sunt adorti, & per diuersa loca fugarunt, ædes etiam nostras atq; portas, de nocte, frequenter inflammarunt, & saxis perfregerunt fenestras uitreas: deniq; nullū est ab eis prætermis-  
 sum insolentie genus: ante annum uerò quartum, Iulij die uigesimo sexto, quum rogatu consulum conuenissemus in collegio nostro, postula-  
 bant à nobis, primū, ut eandem, quam ipsi, religionem profiteremur: deinde, ut ad bellicum apparatus ipsi intra diem octauum dependeremus aureorum millia uiginti: post, in templū ingressi, confluentibus eò ciuibus, per tumultū sacerdotes eijciunt, & templa claudunt, & inferioris ordinis sacrificos magnam pecunie summam poscunt, & cū persolvere non possent, urbe pulsos in exilium ire cogunt. Eodem planè modo reliquos etiam tractarunt ecclesiasticos, occupatis ipsorum bonis & facultatibus omnibus. qua quidem re, non modò leges atq; ius omne tam diuinum quàm humanum, sed transactiones etiam & fidem datam uiolarunt. Sumus enim ipsorum magistratus, & fortunam suam omnem atq; facultatum amplificationem nobis potissimū debent. Cū autem nuper Georgius dux Megelburgius, copias illas, quæ Brunswicum urbem defenderant simul & oppugnauerant, ad se traduxisset, ad tria circiter millia, & nobis inscijs per agrum Magdeburgicum & Halberstatensem iter susceperet: illi magna quadam arrogantia sunt urbem egressi, eo consilio, ut hoste profligato, belli molem totam & impetum in nos omnem conuerterent, imò, ut nos è medio tollerent. nam & uasa duo, plena laqueis, & car-  
 nifices aliquot cum gladijs conduxerant, ut alijs gulam frangerent, alijs uerò ceruices ferirent: sed beneficio Dei longè secus accidit. Quum enim essent ad octo circiter hominum millia, profligati sunt & cæsi supra duo millia. & in his multi homines innoxij, quos illi partim ui, partim blanditijs ad se perduxerant, capta signa octo, & machinæ omnes cum instrumento. Causam quidem eius belli conatur in nos deriuare, & impulsu nostro Megelburgium ad arma uenisse dicunt: sed id falsum est. Nam & antea sæpe, & post factum prælium, de pace legatos misimus, et ne hoc quidem tempore aliud optamus, quàm ut reconciliati Cesari, pristinam tranquillitatem nobis

1550 restituant. quia uerò pacis consilia repudiant, & arces nostras, utcos  
 & oppida, per uim ac iniuriam detinent, cogimur ratione inire, quem  
 admodum ea recuperentur. Iam, illa, quæ sui purgandi causa in medi-  
 um adferunt, conficta sunt omnia, sicut uulgò constat. nam & ipsorū  
 religioni nullum dedimus impedimentum: & quum nuper illustrissi-  
 mi principes Mauricius atq; Brandeburgicus Ioachimus, æquas con-  
 ditiones proponerent, superbè reiecerunt, & per inducias eruptione  
 facta, nocturno tempore, ex nobilitate quendam, ætate grandi, cū ni-  
 hil intercederet offensionis, domi suæ, cubantem adorti sunt, & quum  
 ille uix ægrè seminudus euassisset, direptis bonis atq; disperditis, uxo-  
 rem atq; liberos omni uestitu spoliarunt, & mortem sæpe minati, ru-  
 dos reliquerunt, ita quidem, ut ex nobilitate quispiam fortè superue-  
 niens, mulierem ueste sua contegeret. certè, quantus ipsorum fuerit ea  
 nocte furor, paucis explicari nō potest. Non obscure iactarunt etiam,  
 frustra nos restitutionem expectare. nostris enim aucti facultatibus  
 atque copijs, lautiori uitæ iam assueuerunt, neque facillè possunt ad-  
 duci, ut aliena reddant. Quod cū ita sit, & quia superiorum an-  
 norum iniurijs contemptum etiam addunt, & prorsus in nostram  
 perniciem incumbunt, non potuimus ipsorum illa præclara facino-  
 ra non commemorare, licet breuiter. Itaq; si nunc rationes incun-  
 tur, quemadmodum reducantur ad officium, nemini debet hoc uideri  
 mirum: etenim quicumq; ciuilem hanc & communem hominum so-  
 cietatem amant, non possunt non alieno in ipsos esse animo: tantum  
 abest, ut fauere quis illis debeat & auxiliari. Ad eundem modum il-  
 los accusauerant paulò antè, Torgam missis legatis, ubi tunc huius  
 belli causa conuentus agebat Mauricius. Non multis uerò post die-  
 bus, eodem mense, respondet senatus, edito scripto. putare se, non om-  
 nis ordines episcopatus hanc de se querimoniam habere, sed à clero  
 totum istud emanasse. nam his, inquit, uehemēter dolet, quod apud  
 nos purè docetur euangelium, quod ipsorum est detecta nequitia &  
 labefactata dignitas: hoc omnis est odij caput: his agitati stimulis falso  
 nos detulerunt ad Cæsarem, ut ab illo proscripti, tantò essemus oppor-  
 tuniores iniuriæ. Cæsarem profectò nullare uolauimus, & incolu-  
 mi religione atq; libertate, nihil est quod à nobis non expectare pos-  
 sit. Archiepiscopis huius urbis deuincti quidem sumus, uerū certis  
 legi-

Magde-  
burgico-  
rū ad cle-  
ri scri-  
ptum re-  
sponso.



legibus, ne uidelicet in nostro iure nos impedian: in has leges nihil  
 commisimus: aduersarij uerò Ioanni Alberto antistiti fuerunt autho=  
 res, ut noua quædam & inusitata postularet: itaq; recusauimus ei da=  
 re fidem: nec est quod hunc magnopere obducant: nec enim fideles ei  
 fuerunt, & doluit ipsis, cum ad episcopatum ei superioribus annis re=  
 ditum esse patefactum uiderent. nam excludi maluissent: ipsis uerò mi=  
 nimè subiecti sumus, nec ullo uinculo tenemur: quoad superioris æta=  
 tis pacta seruata sunt, nullum officij genus recusauimus: posteaquam  
 autem ab illis recessum fuit, restitimus, ex eoq; non semel natæ sunt  
 offensiones: & his quidem proximis annis, cum nouæ subinderatio=  
 nes inuenirentur exigendæ pecuniæ per hanc prouinciã, in publi=  
 cis conuentibus reclamauimus, & ab episcopis anterioris temporis  
 non hoc usurpatum fuisse demonstrauimus, tametsi frustra: nam in=  
 ter ordines nonnulli, maximè uerò clerus, non minimam eius præ=  
 de partem auferebant: hæc est illa, quam nobis obijciunt, peruica=  
 cia. Migrarunt ex urbe, sed sponte sua & superbia quadam incitati,  
 cum Saxonie ducem atque Lantgrauium uiderent esse debellatos: co=  
 gitabant enim uenisse iam tempus, quo possent animum explere, &  
 inuadere dominatum, & impurum illud suum uitæ genus recupera=  
 re. Nos quidem illos minimè profligauimus: & quanquam ecclesiæ  
 ministri nonnunquam eos ob uitæ turpitudinem pro concione repre=  
 henderunt, tamen multis annis apud nos tuto commorati sunt, &  
 non ita nuper quidam ex ipsis urbem inhabitauerunt. Quod si uim il=  
 lis facere, nobis libitum fuisset, erat id factu non difficile: sed nihil ten=  
 tauimus, & cum is esset rerum nostrarum status, ut uim hostilem me=  
 tuere cogeremur, primi templi collegas conuocauimus, et quoniam e=  
 uangelij lux esset patefacta, Deus etiam professionē illius requireret,  
 diligenter eos rogauimus, quod antea sæpe factum erat, ut peritum a=  
 liquem theologum ipsi deligerent, qui uerbum Dei doceret in æde pri=  
 maria: hoc enim & per se cum primis esse pium, & ad mutuam bene=  
 uolentiam inter ipsos atque ciues plurimum conferre: cum autem illi  
 recusarent, ipsi rem procurauimus, & quod hostis impenderet, inq;  
 fines nostros iam esset ingressus, postulauimus ab eis, ut certam pecu=  
 niæ summam nobis dependerent, nihil ex urbe literarum darent, ma=  
 nerent nobiscum, & suis uterentur fruerentur possessionibus: illi

155 0 uerò non longo pòst tempore migrarunt, & à nobis deinde sollicitati, ut ad certum diem Salsij suos haberent legatos, quibuscum ageremus, contemptim reiecerunt colloquium. Itaq; cùm odium & animum hostilem in nos ad hunc modum proderent, coacti sumus & ipsi referre paria: quod si nobiscum permanisissent, omnis hæc potuisset euitari turba: sed ardebant odio nostri, & in perniciem nostram noua subinde cudebant consilia: sic necessariò nobis ad arma ueniendum fuit atque defensionem. Nisi enim ipsorum occupassemus uicos & oppida, locus ibi fuisset hosti relictus atq; perfugium. Et cùm facultates illæ sint ecclesie Magdeburgicæ, non eorum, qui persequuntur ecclesiam, rectè possunt ad religionis tutelam accommodari contra falsam doctrinam & idolatriam: neque res etiam caret superiorum temporum exemplis. Proscripti quidem sumus à Cæsare, sed nullo nostro merito, sicut antehac non semel docuimus: hæc autem fortuna seu conditio nobis est communis cum prophetis, cum apostolis, cum ipso denique Christo, qui propter ueritatis professionem afflicti fuerunt, tanquam seditiosi, rebelles, & omnium hominum nocentissimi. De religione deq; libertate nostra Cæsarem orauimus, ut ea nobis permitteret, sed frustra in hunc usq; diem agimus, & quò spectent omnia consilia, satis est à nobis explicatum superioribus scriptis: nimirum ipsa res loquitur, hoc agi solùm, ut impius pontificatus restituatur. Ad colloquium introducta quidem controuersia non semel fuit, & conuentus aliquot habiti sunt hac de causa, uerùm de rebus præcipuis non fuit nobis satis factum, quandoquidem legati non se potestatem eius rei habere dicebant. Dolet certè nobis, & uehementer sanè, si quis nostri causa detrimentum ullum accipiat: sed tamen qui sunt homines pii, non dubitamus quin ij nobiscum sentiant, & omnia ducant esse perferenda potius, quàm deferendam ueri confessionem. Cùm enim Christus & incommoda, quæ professionē hanc sequuntur, tanto antè tempore prænunciarit, & simul æterna premia constituerit illis, qui liberos, uxores atq; possessiones propter ipsum relinquunt, cur his tam certis & amplis promissionibus non confidamus? profectò qui sui periculi causa remollescunt, & offensiones defugiunt, hi sempiternum exitium sibi cõciliant ipsi, nisi resipiscant. Quod nobis obijciunt aduersarij, uerè potest in ipsos retorqueri: nam & turpem & infamē



& planè pecuinam uitam agunt, & quibus in locis dominantur, ibi  
 uix agrè suarum coniugum atq; filiarum pudicitiam ciues ab illis tue  
 ri possunt. Pecuniam uulgò modicam imperauimus, nec ea scueritate,  
 sicut illi fingunt. Ad illud quod de uectigali dicūt, responderi poterat,  
 si clarius locuti fuissent: aggerem illum, cuius mentionem faciunt, qui  
 tamen ad ipsos minimè pertinet, publici commodi causa rescidimus:  
 nam illo ueluti compendio sepe damnum est datum nostris finibus,  
 & facta praeda raptores illac euadere, seq; in tutum recipere solebant.  
 nobilitatem uicinam hostiliter à nobis tractatam esse clamant: quic=  
 quid autem eius rei fecimus, coacti fecimus, cum per annum & am=  
 plius eò, multorū essensus iniuriam perpepsi. De mulieribus atq; puel=  
 lis quod aiunt, inficiamur: ex nobilibus qui capti fuerunt, absq; mul=  
 ta sunt à nobis dimissi cum famulis, & transactione res inter nos est  
 consopita. Damni accepti rationes admodum amplificanti, & octin=  
 genta millia ponunt: quid si nos inuicem ostenderemus, in quantam  
 nos coniecerint calamitatem? Picturæ & id genus alia, clanculum,  
 non uno ex loco prodierunt, & in nos omnis deriuatur inuidia: sed  
 certè grauitè ediximus, palàm affixis literis, ne quis in Cæsarem aut  
 quemuis alium principem aliquid proteruè faceret: in nonnullos eti=  
 am est idcirco uindicatum. Editi sunt autem apud nos alij quidam li=  
 bri, neq; diffitemur, quibus & oppugnatur idolatria & multorum e=  
 riguntur conscientie. Cladem nos accepisse, fatemur, ita uolente ni=  
 mirum Deo, non ut perdat, sed ut ad uitæ nos trahat emendationem.  
 Occubuerunt illi uidelicet honestè ac piè, pro gloria nominis diuini,  
 proq; salute patriæ: neq; dubitamus, quin suo tempore Deus & beni=  
 gnè nos respiciet, & in aduersarios etiam animaduertet. Non autem  
 fortuito istud accidit, uti præ se ferunt. nam donis & pollicitationibus  
 Megelburgium ducem Geörgium huc inuitarunt: atq; interim singu=  
 lari quadam astutia, reliquos ordines episcopatus conuocabant Stas=  
 furtum, quasi deliberaturi, quemadmodum latrones illos, ut ipsi tum  
 eos uocabant, è finibus profligare possent. Nam quod militem condu=  
 xerint, ipsorum quoq; literis doceri potest, imò gloriantur se non ma=  
 gnopere moueri publicis incommodis: nam etiam ut dispendium ali=  
 quod faciant atq; iacturam, agros tamen atq; fundos ipsorum perma=  
 nere ditionis aiunt. Cum igitur ad nos perlatus esset nuncius, Vuans=

135 50 lebum oppidum ab eis ex improviso captum, direptum & incensum esse, uicos etiam magno numero uastatos, ac simul ex agris ad nos confluerent homines rusticani, mulieres atq; uirgines, multis cum lachrymis opem à nobis flagitantes, non illis deesse profecto potuimus. Et quanquam minus feliciter res acta fuit, tamen gratum nos officium fecisse Deo, nihil dubitamus. Iam uero, quod gratiæ comparandæ causa dicunt, nostri fuisse consilij, nobilitatem atq; socios huius episcopatus opprimere, uanissimum est, neque doceri potest. nam in honore semper à nobis habita fuit nobilitas: illos uero, qui nostris huc illuc commeantibus uim fecerunt, si forte uiolauimus, quis tam est iniquus, qui nobis id crimini dare possit? De gladijs quod aiunt, repertis à prælio, confictum est: de funibus non diffitemur atque laqueis: nam ad currus & impedimenta reliqua necessarius est horum usus, uti constat. Pacis leges, à Mauricio simul & Brandeburgensi propositas, grauissimis de causis non admisimus: etenim, facta deditione, ac recepto præsidio, facile est intelligere, quis & religionis & reipublicæ nostræ status fuerit futurus. Euangelij sui cognitionem Deus pro immensa misericordia sua nobis patefecit: cum precamur, ut hoc tantum beneficium nobis uelit esse perpetuum. qui uero patrocinium nobis in eo promittunt, quomodo credibile est, illos hoc posse uel etiam uelle præstare, cum ipsimet in religione fluctuent animis, & placere studeant hominibus? Ut bona sua recuperent aduersarij, & damnum utrobique datum, ex æquo toleretur, non recusamus: uerum ut in urbem illi redeant, & idolatriam suam rursus instituunt, id minimè omnium ferre possumus. Aiunt se nullum nobis intulisse religionis impedimentum: sed per ipsos hercle non stetit: quò minus autem, quod uellent, perfecerint, est quod immortali Deo gratias agamus. Mortuorum corpora non sunt ad eum modum, ut aiunt, tractata: sed cum ad defensionem nostri, templa quædam urbi uicina demoliremur, quæcunque repta sunt corpora, nondum planè consumpta, translata fuerunt aliò, profundiusq; defossa: deinde permissum fuit omnibus, ut suos quique propinquos ibi repertos quo uellent, transportarent. Illud, de Ottone primo, Cæsare, falsissimum est, & impudenter ab eis excogitatum mendacium: nec enim nescimus, quis honos huic omnium principi magistratui debeatur, inprimis autem ei, de quo loquuntur, Ottoni Cæsari,



fari, qui & præclare multa fecit, & libertatis Germanicæ defensor fuit 1550  
 it atq; uindex acerrimus. Cultus ille, quem sacrum & diuinum ipsi uo-  
 cant, quem suis in templis queruntur à nobis esse turbatum, nihil mi-  
 nus est quàm sacer, uerùm ad summam Dei contumeliam pertinet. Ve-  
 stes, calices, & ornamenta reliqua sunt ab ipsis multò antiè extra ur-  
 bem asportata: literæ uerò & monumenta publica seruantur à nobis,  
 neque sunt abolita, sicut falsò criminantur. sacrifici quoque non sunt  
 affecti uerberibus, uerùm ipsimet templa dispoliarunt, & prædam a-  
 diò contulerunt. Collegium Hamerslebiū, quod tamen ad ipsos mi-  
 nimè pertinet, ideo sumus aggressi tandem, quòd hostes in eo per su-  
 gium haberent, & nobis atque socijs ereptam prædam ibi diuiderent.  
 Quòd insuper addunt, nostros ibi multa fecisse proteruè ac insolen-  
 ter, id à monachis est confictum. Ad iniurias illas quod attinet, quæ in  
 urbe sibi factas esse dicunt, ita res habet. ante annos circiter uiginti  
 quinq; quum illi die octauo ante pascha, qui palmarum dies dicitur,  
 suas illas ioculares atq; ridiculas ceremonias tractarent, confluente il-  
 luc multitudine, derisi fuerunt ab illis: quorum uerò temeritas & au-  
 dacia longius processit, & qui fenestras perfrægerunt, hi sanè multa-  
 ti sunt à nobis atq; relegati: cæteræ iniurias nec agnoscimus, nec eas  
 unquam ad nos illi detulerunt. nihil ergò præter fidem datam aut  
 transactiones egimus, neq; causam ullam belli dedimus aduersarijs.  
 Quod cum ita sit, precamur omnes, ne calumnijs illorum fidem ha-  
 beant, & nostram uicem doleant, qui bellum illatum defendere cogi-  
 mur, ut & puram euangelij doctrinam, & libertatem à maioribus ac-  
 ceptam, nobis conseruare liceat, pro quibus et superiorum temporum  
 pij reges atque magistratus, & Machabei fortissimi uiri nullum non  
 sibi duxerunt subeundum esse discrimen. Pacem omnium rerum ma-  
 ximè optamus: uerùm ea nobis denegatur: itaq; finitimorum incur-  
 sionibus diu multumq; uexati, non possumus uim iniustam à nobis nò  
 propulsare. quò magis etiam confidimus, futurum, ut qui nulla sunt à  
 nobis iniuria lacesiti, bellum hoc nihil ad se pertinere ducant, &  
 Deum, iniustitiæ uindicem, reuereantur. Etenim, quæ causa turbam  
 hanc aduersum nos excitauit, eadem summis difficultatibus atque pe-  
 riculis inuoluet non multò pòst etiam ipsos, quicumq; puram doctri-  
 nam retinere uolent atque tueri. Literas, quibus concilium pontifex

1551 indicit, Caesar, Ianuarij die quinto recitari iubet in senatu principum  
 & ordinum, eosq; monet, ut sese comparent, Eodem die Ferdinandus  
 rex ad ordines refert, quomodo per inducias, Turcæ, in Vngaria res  
 novas moliantur & suis in finibus arcem ædificent, & Zolnocū, sue  
 ditionis arcem, conati sint occupare, presidioq; munire, quomodo e=  
 tiam in Transsylvaniam impetum fecerint: se quidem eius rei causam  
 dedisse nullam, & in hoc esse totum, ut pactæ seruentur induciæ, ue=  
 rùm si Turca recuset, auxilia sibi dari petit. De Stephano Vintonien=  
 si episcopo diximus libro uigesimo, quamobrem captus in Anglia fue=  
 rit: cū autē in sententia persisteret, neq; decreta iam facta, quæq; de=  
 inceps fierent in hac ætate regis, de religione, uellet approbare, episco=  
 patu fuit exutus huius anni mense Ianuario, & in carcerem reductus.

Osiandri nouum dogma de iustifi catione. Andreas Osiander, quem in Prusiam iuisse diximus, nouum hoc tem=  
 pore dogma proponit, & hominem iustificari, non fide, sed iustitia  
 Christi in nobis inhabitantis, affirmat, suæq; sententiæ Lutherum e=  
 tiam fuisse dicit. Reliqui uerò theologi collegæ fortiter oppugnant, dē  
 que Luthero falsum esse dicunt, qui non uia multis mensibus ante mor=  
 tem, de libro Philippi Melanchthonis, quo sacrae scripturae loci tra=  
 ctantur communes, præclarum & amplum reliquisset in primi tomi  
 præfatione, testimonium: cū ergo Philippum inuadat, Lutherum  
 quoq; sibi facere aduersarium, quod idem ambo sentiant. deinde, fa=  
 cta collatione, planè diuersum ab ipso, Lutherum hac de re docuisse,  
 demonstrant, & pestiferum aiunt ipsius esse dogma, qui dicat in Chri=  
 sti sanguine atq; morte non consistere iustitiam fidei, qua redempti su=  
 mus atque iustificati. res autem acta fuit summa contentione. Præ se  
 ferebat ille quidem, ut diximus, quasi Lutherus idem quod ipse, sen=  
 sisset: uerū interim apud suos iactabat, uti scribitur, illum & Me=  
 lanchthonem confecisse theologiam quandam Aristotelicam, quæ car=  
 nem potius quàm spiritum redoleat. Albertus princeps initio, per in=  
 tercessores componi causam cupiebat: sed persuasus ab Osiandro, post  
 multam actionem, in sententiam eius accedit, & aduersarios è suis fi=  
 nibus exire iubet. in his erat Ioachimus Merlinus, cui migrandum e=  
 tiam fuit, licet non modò ciues, uerumetiam mulieres atq; pueri, ne ta=  
 li pastore destituerētur, principi supplicarent. Porro, docuit Osiander  
 Noriberge, multis annis, & cum laude quidem, nec aliquid mouit,



Et per omnia sequi uisus est Lutheri doctrinam, quoad ille uixit: cum  
 autem post edictum Caesaris de religione, Noriberga relicta, Prussiam  
 adisset, questionem hanc excitauit, quod uiuo Luthero pleriq; pu-  
 tant non temerè fuisse facturum. Vuittembergicos maximè lacepsit,  
 ut ista resutent, si possint, et se defensurum sua dicit, quicunq; tandem  
 oppugnent, et Philippum acerbè perstringit. Sententiam eius pleriq;  
 uiri docti, per Saxoniam inprimis, reprehendebant, editis libris, et  
 quòd alienissimo tēpore turbaret ecclesiam, taxabant: quòd uerò Me-  
 lanchthonem, tantæ mansuetudinis atq; doctrinæ uirum, tam indignè  
 tractaret, id fremebant omnes. Alio quodam libello contendit, etiā si  
 per Adami peccatum non fuisset perditum genus humanū, tamen na-  
 sciturum fuisse Christum. Idibus Februarij dimittitur Imperij con-  
 uentus. ibi decretum Caesar facit, et quia religionis, inquit, hoc tam  
 graue dissidium, nulla ratione melius quàm per generale, pium, libe-  
 rumq; conciliū sedari potest: deinde, quia superiori in conuentu con-  
 cilio se submiserunt ordines, in eoq; permanent, fixum hoc erit atque  
 ratum. quod etiam ipse tum promisi, studio et diligentia omni cura-  
 bo, ut ordine et rectè omnia fiant. Et cum ad omneis orbis Christiani  
 prouincias pontificium hoc diploma pertineat, equidem futurum ar-  
 bitror, ut omnes reges atque dynastæ, sui memores officij, morem ge-  
 rant, proque sua uirili parte tam pium opus adiuuent. Quicquid e-  
 tiam in eo me facere conuenit, ut ecclesiæ aduocatum et conciliorum  
 defensorem, id præstabo: et quicunque uenturi sunt ad conciliū, si-  
 ue religionem mutarint, siue non, ijs eorumq; legatis publica fide ca-  
 uebo, ut ibi commorari, et quicquid ad eorum conscientie quietem  
 pertinere putabunt, in medium adducere, ac deinde tutò ipsis domum  
 redire comitatu publico liceat: adhæc, operam dabo, ut res tota, piè  
 et Christianè, semotis affectibus, iuxta sacram scripturam et patrum  
 doctrinam tractetur et definiatur, ut tam politicus quàm ecclesiasti-  
 cus ordo reformetur, sublatis erroribus atq; falsis dogmatis. Intra fi-  
 nes Imperij, uel in propinquo saltem permanere, et tueri conciliū  
 cogito, ut ad optatum finem decurrat, eiusq; fructus ad omneis perue-  
 niat, et sit inprimis Germaniæ salutaris. Principes igitur omneis  
 et ordines, præcipuè tamen ecclesiasticos, et eos qui religionem mu-  
 tarunt, quiq; coniuncti sunt Augustanæ confessioni, depono et ad-

Decretū  
 conuen-  
 tus Au-  
 gustani.

155 i hortor, ut pontificium diploma secuti sese comparent, & instructi ue-  
 niant, ne post aut acceleratione nimia circumuentos, aut ad suæ cau-  
 sæ iustam explicationem non se fuisse querantur admissos. nam ut di-  
 xi, fidē eis præstabo, & ut quantum satis est, audiantur, efficiam. Por-  
 rō, quia diuersas rationes adduxerunt ordines, quāobrem superio-  
 ris Augustani conuentus de religione & reformatione facta decreta  
 non seruentur, totum hoc ad meam sollicitudinem reuoco, & separa-  
 tim ē singulis, quid impedimenti sit, cognoscā: dent igitur operam,  
 pro se quisq; ut in actionem res deducatur. Decretū fuit etiam, ut ad  
 calendas Aprileis Noribergæ conueniant electorum & sex reliquorū  
 principum legati, qui deliberent, quemadmodum ea pecunia, quæ ex  
 ærario publico sumpta fuerit in bellum Magdeburgicum, debeat re-  
 poni: quicquid hi statuerint, ratum esse iubetur, nō minus, quā si fre-  
 quentibus in comitijs decretum esset: & quoniam ad uniuersæ Ger-  
 manię salutem, bellum hoc pertineret, magistratui permittitur, ut suo  
 quisque populo tributum hoc nomine imponat. deinde, si fortē quis  
 uel Imperij ciuis uel externus auxilia Magdeburgicis ferat, sumptum  
 quoq; tunc Cæsar pollicetur. Ad iurisdictionem & bona sacra quod  
 attinet, curaturum se dicit Cæsar, ut appellatus ab ijs, quorum inter-  
 est, ius ipsis dicat, quō suum quisq; recuperet & consequatur. Ferdi-  
 nando regi decernuntur in Turcam auxilia, tametsi grauātē, quæ su-  
 periori conuentu fuerant ei promissa, postremō, quia Mansfeldius &  
 Hedecus, hyeme superiori, conductis copijs constituerant Magdebur-  
 gicis opem ferre, sicut dictū est, Cæsar edicit, si posthac in aliqua Ger-  
 mania parte milites confluant, ut ē uestigio uicini principes ac ordi-  
 nes, consociatis uiribus illos opprimant, & incendium illud, prius  
 quā uires accipiat, restinguant. Hoc ipso tempore, Gallie rex, Hen-  
 ricus, in suam fidem atque clientelam accipit Octauium Farnesium,  
 qui & priuatim erat inimicissimus Ferrando Gonzagæ, Cæsaris per  
 Insubriam præfecto, propter cædem patris, & in ea uicinitate Placen-  
 tiæ, quā Cæsar tenebat, ueritus, ut Parmam suis ipse uiribus retine-  
 re posset, opem aliunde petiuit, & Gallicum præsidium urbi impo-  
 suit. Eam rem permolestē Cæsar tulit, & Iulius inprimis, ut infrā  
 dicetur. Sententiam Cæsar his diebus tulit in Lantgrauium, de Co-  
 mitatu seu ditione Diecia. nam fuit damnatus contumaciæ, quod non  
 respon-

Octauius  
 Farnesius  
 cli-  
 ens regis  
 Gallie.



responderet: ille uerò non sibi esse integrum respondere dixit, eò quòd  
liberè cum suis consiliarijs colloqui non posset, obseruantibus ipsum  
& auscultantibus ijs, quorum esset in custodia. nam post patefacta nu-  
per fuge consilia, sicut diximus, nemo illum adire, nemo sermonem  
conferre potuit, sine teste. Februarij die penultimo, Bucerus, Canta-  
brigiæ uitam finit, honorificè admodum sepultus, & doctorum homi-  
num celebratus epitaphijs, inter quos etiam erant adolescentes duo,  
fratres, è familia Suffolcia, quorum mater & antea semper, & ægro-  
tanti Bucero fidem omnem & beneuolentiam præstitit, fœmina reli-  
gionis amantißima. Per hos dies episcopus Argentinensis grauem ha-  
bet querimoniam per literas ad senatum de concionatoribus, quasi  
populum accendant, & clerum magnis obijciant periculis: ut igitur  
ista corrigantur, petit: alioqui se capturum ex tempore consilium.  
Martij die decimo, Ferdinandus rex & filius Maximilianus abeunt  
Augusta. nam ad hoc usq; tempus actio fuit eis cum Cesare & sorore  
Maria. Bremenses quoq; legati re infecta tandem discedunt. Ad Mag-  
deburgum res agebatur leuioribus prælijs, & crebris eruptionibus: et  
cùm Albis exundasset, oppidani, fabricatis nauibus, aduerso & secun-  
do flumine commeatum importabant. Varia subinde conspicieban-  
tur id temporis prodigia, per Saxoniam, & in his, terni soles, toti-  
demq; lunæ, modò pallidi, modò sanguinei coloris. Magdeburgici de  
auxilijs appellabant urbes maritimas per Volratũ & Ioannem Mans-  
feldium, Alberti Comitiss filios: uerũ id frustrà fuit. Castella deinde  
constituunt hostes ad Albim, infra & supra urbem, ac dispositis utrin-  
que nauigijs, impositisq; præsijs, nauigandi facultatem oppidanis  
eripiant. Sepe etiam dimicatum fuit, quum pecus illi uellent ambige-  
re, quòd oppidani quotidie in pascua circum urbem emittebant. Ter-  
tio idus Aprileis, pontifex, edito scripto, Farnesium Octauium graui-  
ter incusat, & quo tempore, Parmam, inquit, à me simul et summam  
præfecturam accepit, fide data promisit, nulli principi suam operam  
addicere, nec alienum præsidium Parmæ uelle imponere, nisi meo  
permisso: cùm autem ad noua consilia spectare uideretur, amicè non  
semel, per internuncios, perque fratrem Alexandrum cardinalem,  
officij illum admonui: & quia paulò tum respondebat alienius, missis  
literis, grauissimas ei poenas denunciabam, si secus faceret: certior  
deinde

Bucerus  
moritur

Prodi-  
gia per  
Saxonia  
am.

Pontifi-  
cis literę  
in Farnes-  
ium.

155 deinde factus, illum non stare pactis, ualde sanè pro eo ac decet, com=  
 motus fui, talem iniuriam ab eo mihi fieri, quem tantis honoribus lo=  
 cupletassem & beneficijs: nunc ergò, quanquam in re tam aperta sta=  
 tim decernere mihi liceat, tamen, ut humanitatem nostram intelligat,  
 edico, ut intra diem trigesimum sese Romæ sistat, & accusationibus  
 respondeat, & idoneè nobis in posterum caueat. nam si negligat, iam  
 ipsum & læsæ maiestatis, & perfidiæ, & grauissimorum criminum  
 damnatum esse uolo: simul quicquid habet bonorum, publicum esse  
 iubeo, & Cæsaris fidem, ut in eo plectendo mihi ferat opem, implo=  
 ro, et ne quis omnium ulla re ipsum inuuet, mando. Cùm calendæ Maij  
 uenissent, inchoata quidem fuit actio concilij: sed quia perpauci tum  
 adhuc aderant, et Parmense bellum interuenerat, in calendas usq; Se=  
 ptembris producta res fuit. Qui Noriberge conuenerant principum  
 legati, mense Aprili, statuerunt, in obsidionem Magdeburgicam rur=  
 sus esse contribuendam pecuniam. Et quanquam Cæsar edicto post  
 idem mandabat, permagna tamè fuit in eo difficultas, & inuiti omnes  
 conferebant, quòd diuturnior esset obsidio, neq; finis appareret. Qua  
 propter etiam de pace Mauricius crebrò cum oppidanis agebat, &  
 quinta die Maij, cùm illi fide publica uenissent in castra, diu multumq;  
 disceptata res fuit, ipso præsente. Superioribus aliquot mensibus in  
 suam familiam Mauricius ascripserat Hedecum, à Cæsare proscri=  
 ptum, & Lipsiæ præfecerat. is, propter religionem & odio Cæsaris,  
 bene cupiebat Magdeburgicis, & pacis erat consiliarius, ut eo confè=  
 cto bello, Mauricius tentaret maiora. Iam tum enim inita fuerunt e=  
 ius belli consilia, quod in Cæsarem postea susceptum est, ut suo loco di=  
 cetur: ueruntamen de pace tum conuenire non potuit, quòd duriora  
 proponerentur, idq; studio, sicut multi putant, dum tempus duceret  
 Mauricius, & occasionem expectaret agendi, quæ tunc data fuit, post  
 quàm Galliæ rex bellum Cæsari fecit, ut infra dicitur. Atq; interim in  
 castris ante urbem grauis fuit orta seditio, propter non soluta men=  
 sium aliquot stipendia. Farnesius neq; Romam uenit citatus, & Gal=  
 liæ regis confirmatus præsidij, Parmam suscipit defendendam. Itaq;  
 Cæsar, Maij die decimo tertio, literis editis, quia pro meo, inquit, erga  
 pontificem & ecclesiam Romanam officio & uoluntate, cupio ea  
 præstare quæ debeo, & providere, ne per hanc occasionem, maiores  
 in

Noriber  
 gæ con=  
 uentus.

Cæsaris  
 literæ in  
 Octaujū



in Italia motus, et pōst alijs in locis, oriantur: deinde, dum considero, 1551  
quā iustis de causis pontifex moueatur, et quā nihil ab eo sit prae-  
termisum, ut Octavius in officio permaneret, Ferdinandum Gonzaga-  
gam ad hanc prouinciam delegi, quoniam ipse corā adesse non pos-  
sum, ut pontifici meo nomine ferat operam. Quapropter mando, qui  
sunt nostrae ditionis per Insubriam, ut dicto sint illi audientes hoc in  
bello, nō secus atq; mihi ipsi, dentq; operam, ut hosti quamplurimum  
noceatur. Sic igitur Gonzaga, belli facit initium, & populatus agros,  
Parmam, pōtifex uerō Mirandulam obsidet. nam & Gallicarum erat  
partium Mirandulanus, &, nisi distineretur, Octauio plurimum po-  
terat & Parmensibus commodare. Ad Maij diem uigesimum secun-  
dum, Heluetijs pontifex amanter admodum scribit. sicut Iulij secun-  
di, qui magna charitate sit ipsos complexus, nomen sibi sumpserit, ita  
etiam in ipsis diligendis exemplum illius atq; uestigia sibi ad imitan-  
dum proposuisse: adhuc quidem uarijs atque grauissimis reipublicae  
distento negocijs non sibi licuisse studium animi sui declarare, sed ta-  
men ipsorum retinuisse memoriam constantem: idq; duabus potissi-  
mum rebus apparere: primum, quod ad sui corporis custodiam ex ea  
gente satellitium in urbe delegerit, deinde, quod idem quoq; fecerit Bo-  
noniae, confusus ipsorum & industriae & fidelitati: nunc autem, quan-  
dō sit indictum, & nuper ad Maij calendas inchoatum Tridenti con-  
cilium; scribendi datam ad ipsos occasionem esse: cū igitur ad tam  
pium opus atque necessarium adiuuandum, magni sit ipsorum futura  
momenti coniunctio, plurimum hortari, ut qui sunt per ipsorum fi-  
nes atque ditionem procures ecclesiastici, ne desint, sed ad alterum ibi  
confessum, calendis Septembris adsint: reliqua fore, ut ex Hieronymo  
Francho, Equite, legato suo, cuius & fides et diligentia sit ipsis à mul-  
tis nunc annis explorata, cognoscant: deinde, quia sibi negocium hoc  
magnopere sit cordi, non multo pōst tempore se missurum aliquem è  
suis intimis episcopis, qui de concilio cum ipsis agat prolixius. Sub  
exiū Maij, Caesaris filius, Augusta discedens, per Italiam redit in Hi-  
spaniam. cum eo proficiscitur Maximilianus patruelis & sororius, ut  
uxorem educeret, duorum liberorum matrem. Galliae rex interim, le-  
niendi pontificis & cardinalium senatus causa, per oratorem suum,  
Paulum Thermum, Romae demonstrat, quod Octauium in suam fe-  
dem

Bellum  
Parmense

Pontifi-  
cis literę  
ad Helue-  
tios.

Galliae  
regis ad  
pontifi-  
cem ex-  
cusatio.

155 1 dem acceperit, nullam reprehensionem mereri: nam hoc esse propriū  
 regum, ut subueniant afflictis: deinde, nullum se quæsiuisse priuatum  
 in ea re compendium, sed quicquid fecerit, ecclesiæ Romanæ causa fe-  
 cisse, maiorum exemplo, qui et facultatibus illam præ cæteris ampli-  
 ficarint, & armis quoque non semel protexerint: quum enim eccle-  
 siæ sit patrimonium, Parma, se hoc unum sollicitè uoluisse cauere, ne  
 in manus ueniret alienas, eoque nomine sumptus facere quotidianos,  
 ac sustinere maximos: orare itaq; & uehementer quidem, ut in eam  
 partem interpretetur, & quam de se conceperit opinionem, deponat:  
 id enim summo cum reipublicæ commodo futurum: si uerò satisfac-  
 tione repudiata, paci bellum præferat, uidere ipsum, quanto id fiat et  
 Italiæ totius & Europæ detrimento atque periculo, quàm etiam de  
 religione nulla possit actio firma institui uel diuturna: quòd ergo gra-  
 uissimus nascetur ex eo motus, quòd concilium iam indictum coire nō  
 poterit, aut si coeat, necessariò dissipabitur, quòd in eo rerum statu ne  
 minem ipse possit episcoporum sui regni, Tridentum mittere, harum  
 rerum culpam in se nullam esse transferendam, qui pacis condiciones  
 uelit non ferre tantum, sed etiam accipere, & hoc quidem ita se con-  
 testari palàm. Iulius autem ope Cæsaris confusus & pollicitationibus,  
 nibilo fuit ea legatione factus mitior. Iunij mensis die decimo septi-  
 mo, Mauricius fide publica rursus cauet Magdeburgicis, ut de pace le-  
 gatos ad se mittant. profecti, & ab Alberto Brandeburgico deducti,  
 Pirnæ, quod est oppidum Misniæ, Mauriciū offendunt. nam do-  
 mum redierat, & remissius agere uidebatur. Vbi uenissent, nomine  
 Cæsaris has proponit condiciones. dedant sese, nulla conditione, ac  
 supplices deprecentur: foedus nullum in Cæsarem, Ferdinandum re-  
 gem, Austriam, Belgium faciant: Imperij decreta omnia seruent: iuri  
 se sistant, & clero de damno dato satisfaciant, munitiones atq; ualla  
 demoliantur, præsidium mille ducentorum militum admittant, Cæ-  
 sarem, Ferdinandum, ipsiusq; legatos, cum quantisuis copijs, quocun-  
 que tempore recipiant, duodecim magna tormenta tradant, centum  
 aureorū millia dependant, has condiciones omnes iureiurando confir-  
 ment ista, quanquam ab eis præstari nō poterant, tamen non fuerunt  
 prorsus repudiata, & intercedente Hedeco, sensim aliquid remitte-  
 batur. Cæsar, antea missis in Germaniā literis, præsertim ad Augusta-

Condi-  
 tiones  
 pacis  
 proposi-  
 tæ Mag-  
 deburgi-  
 cis.



nã confessionis ordines, idonẽ ipsi cauerat, hortatus, ut ad calendã  
 Maias adessent Tridenti: sed quia propter bellum Parmense reiectus  
 fuit concilij dies ad initium Septembris, ut antè docuimus, iterum mo-  
 net, ut omnino ueniant, æquitatem omnem atq; fidẽ pollicitus. Quan-  
 quam uerò plurimi erant eius professionis, tamen, quod inprimis erat  
 necesse, non communicabant inter se consilia, uel, quòd de summa rei  
 desperarent, uel quòd Cæsaris metuerent offensionẽ, uel quòd in ipso  
 iam uelut aditu periculi remollescerent. E ciuitatibus autem soli Ar-  
 gentinenses, quid uicini, quid etiam longinquiores in eo facere con-  
 stituisent, missis internuncijs, exquirebant. Et Mauricius quidem,  
 Philippo Melanchthoni mandarat, ut doctrinæ capita conscriberet,  
 quæ post exhiberentur publicè. eo confecto libro, cum ad octauum Iu-  
 lij diem Lipsiæ conuenissent omnes theologi & ecclesiæ ministri ius-  
 su principis, recitatur scriptum, & omnium assensu comprobatur.  
 eandem quoque rationem princeps Christophorus Vuirtembergicus  
 instituit, & authore Brentio, conscribitur eiusdem generis libellus.  
 Et licet eadem erat utriusque scripti sententia, separatim tamen suum  
 uolebat exhiberi Mauricius, ne, si plures idem communi nomine si-  
 mul proposuissent, Cæsar, factæ cuiusdam societatis conciperet suspi-  
 tionem: ueruntamen, missis utrobique libellis, & Saxonicum Vuirtem-  
 bergenses, & Vuirtembergicum Saxones, & utrunque pariter Argen-  
 tinenses theologi, cum legissent, approbarunt: atq; ita conuenit, ut suo  
 tempore mitterentur in concilium, qui hæc proponerent atq; defen-  
 derent. Dux Vuirtembergicus, patris exemplo, Ioannem Brentium,  
 ob insignem eruditionem fuit, ad piæ doctrinæ restorationem usus  
 illius opera, post etiam ecclesiæ ministerio restituit atque præfecit  
 Stutgardiæ. Iulij die uigesimo quinto, Brandeburgicus Albertus, ab-  
 sente Mauricio, per præconem reijcit ea, quæ Magdeburgici respon-  
 derant ad pacis conditiones, Pirnæ propositas à Mauricio. Pridie eius  
 diei mediocrem cladem acceperat: nam utrinque maioribus, quàm  
 unquam antea, uiribus dimicatum fuerat. Ad Idus Augusti, pa-  
 rum à seditione res absuit in urbe. nam ad milites delatæ fuerunt liti-  
 re, quibus hoc inerat, esse in senatu, qui uellent urbem hosti prodere,  
 & in his quidem, Henricus Almanus. quare facto concursu milites il-  
 lum deposcunt: ubi uenit, iniuriam sibi fieri, neque recusare poenam, si  
 demon-

1551 demonstratur, & ab hoste confictum esse dicit, ut quod uiribus & de-  
 perto Marte non possint, insidijs & astu perficiant: cum deinde sena-  
 tus uniuersus fidem pro eo dedisset, sedata res fuit, et è ciuibz atq; mi-  
 lite delecti fuerunt nonnulli, qui cognoscerent, cuiusmodi literæ dein-  
 ceptis ultro citroq; mitterentur. Octauo post die, Mauricius, datis ad  
 Casarem literis, nunciat, se quidem ea fide, quam dedisset, fore conten-  
 tum, neq; magnopere quicquam in eo desiderare: sed audire concilio  
 Constantiensi decretum esse factum, ut in hæreticos aut alioqui suspe-  
 ctos inquisitio fieret, si forte ad concilium uocati uenissent, deq; ipso-  
 rum crimine pronunciaretur, etiã si Cæsar ipsis idoneè cauisset: hoc  
 decretum in publicis extare monumentis, & quod ita statuissent, ipsa  
 re comprobasse, necato Ioanne Hussò, qui Sigismundi Cæsaris fidem  
 secutus eò uenisset: quod cum ita sit, non se posse quenquam è suis mit-  
 tere Tridentum, nisi qui sunt ibi procures ecclesiastici, fidem quoque  
 suam, communis concilij nomine interponant, sicut in concilio quon-  
 dam Basiliensi factum sit, quod proximum ab illo fuerit: Bohemos e-  
 nim, exemplo superiori commotos, noluisse tum eò uenire, nisi prius  
 accepta fide publica totius concilij: petere igitur, ut ipse pro sua uel  
 autoritate uel gratia hoc apud illos efficiat: nisi enim ad eandem for-  
 mam, ut olim Basileæ, caueatur, non debere sibi uel etiam alijs eiusdè  
 professionis esse fraudi, si neminem è suis eò proficisci patiantur. Cæ-  
 terum, de Bohemis & Ioanne Hussò Constantiæ cremato, deq; bello,  
 quod inde secutum est, libro tertio diximus. Et quoniam Constantiæ  
 factum erat decretum, ut proximum ab eo concilium haberetur, post  
 annum quintum, alterum post annos septem, & deinceps decimo  
 quoque anno, Basileæ rursus conueniunt patres. Et quia nondum e-  
 rant reconciliati Bohemi, res acta fuit inter eos literis et internuncijs,  
 & Egræ oppido concepta fuit fidei publicæ formula, quam si patres  
 admitterent, non se recusare dicebant Bohemi, quò minus uenirent.  
 Vbi legationem, qui fuerant missi, renunciaissent, patres approbant,  
 & formam illam sigillis obsignatam mittunt, & datis ad eos literis  
 amicissimis, hortantur, ut sese comparent, ut, quum Sigismundi quo-  
 que Cæsaris allata cautio fuerit, iter ingrediantur. fuit hoc in quarto  
 confessu, anno salutis M. CCCC. XXXII. Cuiusmodi uerò sit illa pa-  
 trum cautio, sequenti libro docebitur. Mauricius ergò, quum hæc de

Mauri-  
 cij literæ  
 ad Cæ-  
 sarem.

Bohemi  
 quomo-  
 do ad Ba-  
 silicensem  
 conciliū  
 uenerint.



re monitus esset à suis, interpellat Casarem, & præscriptum urget Ba-  
 siliense, ueluti postremum, & huic ætati maximè conueniens. Nam et  
 protestantes erant ea ferè cōditione, qua Bohemi quondam, et ipsædem  
 propè de causis erat indictum Tridenti concilium, quibus olim Basi-  
 læ, nimirum, ut extirparentur hæreses, ut reipublicæ pax & otium  
 restitueretur, ut ecclesia sublatiis uitijs, emendaretur. Augusti die urge-  
 simo sexto, manè, post concionem, ecclesiæ Augustanæ doctores atque  
 ministri, numero decem, accersiti fuerunt in ædes Atrebatensis episco-  
 pi, pro se quisq;: cum eò uenissent, alij post alios, ignari quid esset iu-  
 bentur consistere separatim neq; colloqui: post in aulam, ubi cum Ha-  
 sio, Seldo, Maluenda & quibusdam alijs confederat Atrebatensis, uo-  
 cantur ordine singuli. Verba facit Seldus & iussus questiones propo-  
 nit. an in cœna domini, tantum sub una specie, quantum sub utraque  
 contineri: deinde, quàm multa credant esse sacramenta: postremò, cur  
 non doceant iuxta formulam ante annum tertium à Casare præscri-  
 ptam, cum tamen id se facturos receperint, non minus quàm senatus  
 ipse ac uniuersi ordines? Respondent, pro se quisq; separatim. Christiū  
 instituisse cœnam integram, & sequendum illius esse præscriptum: in  
 sacris literis duo tantum reperiri sacramenta, baptismum atq; cœnam  
 domini: formulā illam doctrinæ minimè se recepisse, quod à sacra scri-  
 ptura dissentiat. Hic Atrebatensis admodum stomachosè, putatis ergò  
 nō licere Casari, sicut de politicis, ita quoq; de rebus sacris ferre leges,  
 ac certam rationem præscribere? Quid Casari liceat, non iam disputa-  
 mus, aiunt illi, sed, uti iam diximus, formulam istam neq; recepimus,  
 neque sanè possumus approbare. tum ille magis etiam excanduit, &  
 ira feruidus, eos acri conuicio reijcit. Cum etiam de sacramentis il-  
 lud dicerent, Seldus iureconsultus, tanquam interpres, eos increpa-  
 bat. Sic ab illis dimissi foris expectare iubentur, & per satellitem de-  
 ducti, suo quisque loco constituuntur, ne congregari possent. Mox è  
 præcipuo senatu reipublicæ nonnulli uocantur: cum hi uenissent, illi  
 simul omnes introducuntur, isque mandatur, ut intra diem tertium,  
 ante solis occasum, ex urbe decedant: ne posthac intra fines imperij,  
 & quàm latè Casaris patet iurisdictio, concionem ullam habeant: ne  
 quem ex propinquis aut amicis conueniant, neque sui discessus cau-  
 sam ulli dicant, ne cui post in urbe scribant, aut quid cum ipsis actum

Augusta  
ni docto-  
res de do-  
ctrina in-  
terroga-  
ti.

Augusta  
ni docto-  
res exi-  
tio mul-  
tatur.

155 sit, exponant. Hæc, sublatiis digitis, ut habet ceremonia, per iusiurandum polliceri, quantumuis inuiti, coguntur: senatui deinde mandatur, ut quibus in templis religio Lutherana doceretur, cessatio fiat, donec Cæsar aliud iniungat. Ad eundem modum fuit actum etiam deinde cum ludimagistris, cunq; Memingensibus, & alijs per Sueuiam, qui & ipsi uocati eo uenerant: etenim & docendi munere & reditu ad suos illis interdicitur. Cunq; ex ipsis quidam partui iam esse uicinam uxorem suam diceret, ideoq; maiorem in modum oraret, ut eam sibi reuifere tantum liceret: Atrebatensis, ad suos conuersus, uxorem, inquit, uocat, quæ scortum est. Sic ergo discedere coacti, magnum in urbe luctum excitarunt: ciues autem quo poterant officij genere prosequerantur illos, & donis atque liberalitate. Saxonie quoque dux captiuus, ubi cognouit, per internuncios & consolatus est, & pecunia quoque inuit discedentes. Cur ad hunc modum Cæsar ageret, causa fuisse putatur, primum, quod à nonnullis incitaretur: deinde, quod inquisitione facta reperit, concionatores obstare, quò minus decretum ipsius de religione ualeret: postremo, quod de Saxonum & Sueuorum & Argentinenfium theologorum consensu, per indicium acceperat. Expeditissima autem uisa creditur esse ratio, si pellerentur, ut Tridentinis patribus tantò esset actio faciliior, & paratior uictoria, si quidem aduersarij, quos mitterent, uix essent ullos habituri. Pulsi & eiekti, partim ad Heluetios, partim aliò confugerunt. Eius rei fama cum increbuisse, multos perterrefcit. nam, quod ibi contigisset,

Henricus Gallie rex bellū Cæsari facit. quin idem alijs etiam in locis fieret, nemo dubitabat: sed ecce, dum in eo metu sunt omnes, bellum Cæsari Gallie rex facit, & simul naues aliquot Belgicas inuadit, captasq; trahit in portum, & diripit, & per Pedemontium atq; Taurinos oppida multa capit, & in his, Cherium atq; Sandamianum, ductore Brissaco. De nauibus interceptis, edito scripto, Cæsariani ferunt, cum nihil minus quàm bellum Cæsar expectaret, ac suis, ut essent pacati, mandasset, Gallicum ducem Polinum in has incidisse, & quasi reginam Scotie ueheret, nunciasse illis, ut honoris causa, pro more antiquo atq; recepto, ponerent antennas, uela demitterent, eamq; tormentorum tonitru salutarent: id cum fecissent, inermes fuisse per fraudem circumuentas & abductas. Mirum plerisque uisum fuit, regem in hac tanta fortuna Cæsaris atque splendore,



dore, ausum fuisse amicitiam ei renunciare: sed & Cæsari præter opinionem accidisse fertur. Nam etsi Farnesium oppugnabat, Gallorum tamen, quibuscum pacem ante septimum annum fecisset, hostis idcirco uideri nolebat. Rex autem, quod per latus Octauij se quoque uulnerari diceret, quod de Turcis iam mare nauigantibus compertum haberet, deinde, quod de Mauricij uoluntate per internuncios accepisset, & quod in ea corporis imbecillitate, ac subinde recurrente morbo, non diu posse Cæsar uiuere putaretur, magno rem animo fuit aggressus. Eodem propè tempore, Turcica classis, cum arcem Melitæ frustra tentasset, Tripolim Aphricæ capit. eius autem rei culpam Cæsar in Galliæ regem conferens, ipsius dolo factum hoc esse dicebat, ad Germaniæ principes atque ciuitates missa legatione. Rex uerò, simul acresciuit, excusatur, & Turcici belli causam esse dicit, quod Africam urbem Cæsar ipsis non restituat ex promisso, quod Zolnocum arcem, ad Ungariæ fines positam, Turcicæ ditionis, Ferdinandus rex occupauit & muniatur, quod tributum annuum ei persolvere recuset, ac per Transsylvaniam res nouas molitur. deinde, narrationem Cæsaris, qua demonstratur, quomodo Gallici legati Aremontij perfidia sit amissa Tripolis, contraria narratione refutat, eamque Turcarum Cæsaris epistola confirmat. Dum hæc geruntur, uenit concilij dies, calendæ Septembris. eum ad diem præstò fuerunt præter Italos & Hispanos episcopos, Moguntinus & Treuirensis, magna omnium, ut quidem apparebat, letitia & congratulatione, neque multo post, etiam Colonienfis. Nam & coram in Augustæ comitijs, & deinde literis atque nuncijs ualde sollicitauerat eos Cæsar, ut adessent. Dignitate enim atque splendore & potentia cæteros antecedunt, & ipsorum ditione plerique Germaniæ continentur episcopi. Quum ergo diutius permanendum sibi putarent, paucis tantum seruatis, reliquos omneis uendebant equos, & in longum tempus rei domesticæ prouidebant. Venit etiam eò Argentinensis & Viennensis & Constantiensis & Curiensis & Numburgicus: alij, uel occupationibus, uel ætate, uel ualitudine detenti, cum ueniam impetrassent, uicarios mittebant. Pontificis nomine præerat cardinalis Crescentius: huic erant adiuncti archiepiscopus Sipontinus, episcopus Veronensis. Cæsar eò miserat Franciscum Toletanum, Hugonem Comitum Monfortum,

Contraria scripra Gallici & Cæsaris.

Restauratio concilii Tridentini.

155 Gulielmum Pictaviū. Ferdinandi quoque regis & Vngariæ loco nonnulli aderant. Facto igitur in eade primaria conuentu, sessionem ipsi uocant, prima die Septembris, & peracta Missa, reliquisque cere  
 Gallie remonijis, quæ solent initio fieri, confectis, aderat ex improviso Gallie  
 regis literæ ad conuentum Tridentinum erant inscriptæ. Eas ubi reddidit legato pontificis, inscriptione  
 lecta, coeptum est disceptari, cur conuentum potius quàm concilium  
 appellet: non esse recipiendas eas literas, neq; legendas, nisi mandatum  
 habere se demonstraret. Cūq; tumultuosus admodū esset excitatus cla-  
 mor, ab Hispanis præsertim episcopis, ac ille diceret, literis compre-  
 hendi mandatum, legatus pontificius consurgit, & in sacrarium tem-  
 pli senocat patres. Re disputata, quod in bonam partem accipi posset  
 inscriptio, placuit illum esse audiendum. Lectis itaq; literis priuatim  
 quibus & dolorem suum rex, & iniuriam sibi factam breuiter signi-  
 ficabat, & fidem haberi legato postulabat, denuò confederunt omnes,  
 & tum palàm recitatis literis, respondent. Quod conuentus nomine,  
 concilium denotet rex, in bonam ab ipsis accipi partem: neq; uelle si-  
 nistri quicquam de tanto rege, qui Christianissimi cognomē obtineat,  
 suspicari: sin autem alia sit ipsius mens atq; uoluntas, tum literas illas  
 habere se pro non scriptis. deinde iussus est exponere mandata. Tum  
 ille prolixam orationem de scripto recitat, & principio, quid per ora-  
 torem suum Paulum Thermum egerit cum pontifice & cardinalium  
 senatu, rex commemorat: ijs rebus omnibus, cū tamen ad pacem adi-  
 tus omneis aperuisset, nihil quicquam profecisse: & Iulium pontificem,  
 qui maiorum exemplo controuersias principū minuire debebat, lon-  
 gè maximum excitasse dicit incendium, quo minimè omniū oportuit  
 tempore, quando uidelicet reipublicæ Christianæ status uehementer  
 sit afflictus: quod cum ita sit, & quoniam ille tam asperè tanq; impla-  
 catè secū agat, qui sit natu maximus ecclesiæ filius, protestatur, sicut  
 Romæ quoq; factū esse dicit, primū, ob grauissimos bellorū motus  
 non sibi licere nec integrum esse, suæ diuionis episcopos mittere Tri-  
 dentum: deinde, non habere se cōcilium hoc pro publico seu generali,  
 sed magis pro conuentu quodam priuato, qui sit non reipublicæ, sed  
 paucorum aliquot compendij & utilitatis causa institutus: denique,  
 decretis illius neq; se neq; sui regni quenquam posse teneri: quin etiam  
 adhi=



adhibiturum ea se remedia demonstrat, si res ita ferat, quibus in con- 1551  
 simili causa, sui maiores uti consueuerint: animo quidem se futurum  
 semper erga religionem et ecclesiam Romanam integro atq; sincero,  
 neq; commissurum aliquid iusta reprehensione dignum: sed quontam  
 iniurijs & odio quorundā, nullo suo merito grauetur, non posse aliud  
 in hoc tempore prestare: contestationem igitur hanc boni consulant,  
 & huius actionis documentum sibi communicent, quò reliquos orbis  
 Christiani principes atque populos de re tota certiores faciat. Porro,  
 quòd ille remedijs usurum se dicit esse maiorum suorum, sic habet. Si-  
 cut per omneis alias prouincias, ita per Galliam quoq; si quis uacaret  
 episcopatus aut abbatia, quam uocant, eligendi liberam habebant sa-  
 cultatem hi qui dicuntur canonici & monachi, minora uerò sacerdota-  
 tia, quæ non sunt electiua, sicut aiunt, episcopi conserebant & patro-  
 ni: deinde, lites omnes de rebus sacris aut beneficijs, in sua quaq; pro-  
 uincia, disceptabantur. Pontifices autem Romani, crescente cupidita-  
 te, cœperunt electiones illas euertere, et per reservationes, atq; gratias  
 expectatiuas, uti uocant, emolumentū omne Romam & ad se deriua-  
 bant, & lites omneis, etiā primæ, sicut loquuntur, instantie, Romam  
 euocabant. Huius uerò mutationis factum est initium in Gallijs, Ludo-  
 uico nono, rege: uerū is animosē restitit, & anno salutis humanæ M.  
 CCC. LXVII. legem tulit, ut mos antiquus retineretur, nec ullum co-  
 nomine tributum Romano pontifici persolueretur. Ista quidem lex  
 multis annis ualuit, sed peruicit tandem uis pontificum, & quā la-  
 tē nomen Christianum patet, suas illas, de quibus dixi, gratias & refer-  
 uationes euulgabant, & omnibus erant uehementer graues: donec sy-  
 nodus Basiliensis aucupium istud & expilandi rationem sustulit, ue-  
 teresque leges de collationibus & electionibus restituit, & annatas  
 exigī prohibuit. Decretum hoc concilij, rex Gallie, Carolus septimus,  
 re cum suis deliberata, ratum habuit, & anno M. CCCC. XXXVIII. Prag-  
 matica san-  
 ctio.  
 confirmauit edicto, quod uulgò pragmaticam uocant sanctionem.  
 Eugenius uerò quartus concilium hoc irritum pronunciauit, uti li-  
 bro primo diximus, & qui secuti sunt eum pontifices, decretum istud  
 repudiarunt, & schismaticum esse dixerunt: & Pius quidem secun-  
 dus Ludouicum undecimum Caroli septimi filium, misso legato, ma-  
 gnopere sollicitabat, ut sanctionem illam aboleret: rex autem, à senatu

15 § 1 Parisiensi, totius Galliae celeberrimo, qui totus ferè constat è iurecon-  
 sultis, consilium exquirat. Hi, multis ex uetustate repetitis, quid supe-  
 riorum temporum pontifices, quid synodi, quid ipsius deniq; maio-  
 res, Clodoueus, Carolus magnus, Philippus Deodatus, Ludouicus no-  
 nus, Philippus Pulcher, Ludouicus Hutinus, Ioannes primus, quid i-  
 psius denique pater & auus in eo statuerint, quàm florens eo tempore  
 Gallia fuerit, & quàm nunc sit afflicta, demonstrant: & nisi leges an-  
 tiquæ seruentur, futurum est, inquiunt, ut ecclesiasticus ordo contur-  
 betur totus, ut & infrequentior sit Gallia, plerisq; Romam transcur-  
 rentibus, & facultatibus exhauriatur, ut templa & id genus alia sum-  
 ptuosissima plurimaq; per Galliam ædificia, negligantur & corru-  
 ant. Et ad rem nummariam quod attinet, nisi patris tui sanctio ualeat,  
 effèrentur è Gallijs Romam, aureorum millia decies centena, quot an-  
 nis. Etenim, ut reliqua taceamus, Pio secundo, iam pontifice, uacarunt  
 episcopatus ad minimum uiginti, qui singuli tam pro annatis quàm  
 pro reliquo sumptu dependerunt millia sena: uacarunt abbatie circi-  
 ter lx, singulaeque soluerunt millia bina: uacarunt ex reliquis benefi-  
 cijs plus quàm ducenta, quæ singula numerarunt aureos quingentos:  
 deinde, sunt in tuo regno parœciarum millia centum & amplius, è  
 quibus infinita uis auri, per inuentum illud pontificium conflatæ sūt.  
 Patris igitur insiste uestigijs, nec à Basiliensi decreto discedas. Hoc qui-  
 dem erat senatus consilium: sed rex, pontificis uel autoritate uel arte  
 uictus, aboleri sanctionem uoluit, eiusq; rei fuit administer cardina-  
 lis Baluensis, regi multum familiaris, quem sibi pontifex deuinxerat:  
 uerum & procurator regius & schola Parisina, cuius permultum in-  
 tererat, magnis animis obsistebant, et à pontifice prouocabant ad con-  
 cilium. Ludouicus deinde duodecim graues exercuit hoc nomine  
 cum Iulio secundo inimicitias, & in Lateranenſe concilium illata res  
 fuit, & qui successit Ludouico Franciscus primus, cum Leone decimo  
 certis demum tranſegit conditionibus, Bononiæ, post captam Insu-  
 briam: nimirum, ut episcopatu uacante uel abbatia, non quidem eli-  
 gendi facultatem haberent collegia, sed regis tamen esset, intra sex-  
 tum mensem nominare quempiam Romano pontifici, quem eo mu-  
 nere dignum esse putaret. Hoc igitur illud est inter alia, quod rex Hen-  
 ricus iam per suum legatum eis de remedio significabat, nam reges  
 hoc



hōc veluti freno cohercent pontifices, cum disident ab illis, & praesertim tempore, quando fulmē  
 gmaticam sanctionem urgent, hōc praesertim tempore, quando fulmē  
 Romanum, non sic, ut olim, metuitur. Et quoniam est amplissima si-  
 mulq; locupletissima Gallia, non absq; summo dispendio Roma copijs  
 illius carere potest. Quod autem se facturū hic significat, id non mul-  
 to post fecit, ut infra dicitur. Eodem etiam remedio quondam est usus  
 Gallie rex, Philippus Pulcher, aduersus Bonifacium octauum. Ete-  
 nim, cum is militiam imperaret ei transmarinam, contra Saracenos,  
 & excusatione repudiata mandaret, ne quam in suo regno pecuniam  
 ab ecclesijs exigeret, quod belli necessitate coactus rex fecerat, & nisi  
 pareat, sacris interdiceret: ille procures omnes ac ordines Lutetiam  
 Parisiorum conuocat, & Bonifacij cōmemoratis iniurijs, cum & epi-  
 scopi & principes omnes atq; nobilitas interrogati, facultates omnes  
 ipsius beneficio, & liberalitate sese tenere profiterentur, mandat, ne  
 qua deinceps pecunia Romam efferatur, simul aditus omnes atq; vias  
 diligenter obseruari iubet. Ceterum, ubi rationē subducit senatus Pa-  
 risinus, quantū episcopatus et abbatie uacantes persoluant, ut antē di-  
 ctum est, hoc intelligendū esse dicunt de superiori tempore: nunc enim  
 duplicatum esse censum, & excedere prouentus annuos, ita quidem,  
 ut nonnulli beneficiarij, propter nimiam exactionem relinquāt diplo-  
 mata mensarijs. Sunt autem in Gallijs archiepiscopatus xij. Aquensis, Archiepi  
scopatus  
Gallie  
duode-  
cim.  
 Viennensis, Lugdunensis, Narbonensis, Tholosanus, Burdegalicus,  
 Auxitanus, Bituricensis, Turonicus, Rothomagensis, Rhemensis, Se-  
 nonensis: episcopatus autem circiter nonaginta sex, ē quorū uacantijs  
 uti uocant, Romā perfertur ingens auri uis, & ex archiepiscopatibus  
 quidem circiter aureorum millia sexaginta, trecenti, quemadmodum  
 Ludouici duodecimi tempore subducta ratio fuit. His literis perlectis,  
 patres fore dicunt, ut in proximo confessu respondeatur, si quidē con-  
 cilium esse Tridenti rex agnosceret: quae uerō nunc acta sint, non admit-  
 tere se, nisi quantum iure liceat: ideoq; ne testimonium quidem aut do-  
 cumentum ullum huius actionis ei communicari posse. Quum deinde  
 proximo confessui dies constitutus esset, Octobris dies undecimus, do-  
 mum quisq; redit, quod fuit sub horā secundā à meridie. Hic autē ex-  
 plicandū uidetur, quae sit forma, quis ordo publici confessus. Vbi dies  
 ille uenit, patres, ut ipsi loquuntur, in aedibus legati pontificij conue-

Ordo cō  
fessuū in  
Cōcilijs.

55 niunt: & inde à templo primario usq; ad eius domicilium constant bi  
 partito milites, circiter cccc. & equites quinquaginta, uel eò plures.  
 Ad horam nonam prodit legatus, præeunte crucifero: sinistrum latus  
 ei claudit cardinalis Tridentinus: post eius collegæ sequuntur, & ele-  
 ctiores archiepiscopi, tñ Cæsaris ac Ferdinandi regis oratores unâ per-  
 mixti, deinde, reliqui episcopi, suo quisq; ordine. Cum ex his postremi  
 ad a dem sacram uenerunt, milites è uestigio sua tormenta displodunt,  
 excitato tonitru: postea forum occupant, et ibi circaq; templum in sta-  
 tione consistunt, donec dimittitur cœuentus. hi omnes magna ex parte  
 canuocantur ex agris, ut præsto sint ad eum diem & expediti: sed &  
 ipsum oppidū multos etiam subministrat. Vbi uentum est in templū,  
 fit sacrū. eo finitio, recitantur concilij decreta, & simul proximè futu-  
 ro confessui dies dicitur. tum etiam si qui legati uolunt aliquid in me-  
 dium proponere, audiuntur. Propter uarias autem & multiplices &  
 operosas admodū ceremonias, quæ singulis rebus adhibentur, in mul-  
 tum ferè diem extrahitur actio: qua tandē finita, legatus eadē pompa  
 domū r: dicitur. in confessu primū locum obtinet legatus pontificius,  
 ab eo Tridentinus, inde legati collegæ, post, archiepiscopi electores: ad  
 leuam sunt Cæsaris et aliorū principum oratores, intermedia scamna  
 tenet archiepiscopi, episcopi, reliquiq; proceres, ut quisq; suscepti or-  
 dinis tēpore præcedit. Altera die Septembris data sunt theologis the-  
 mata, quæ discutiant, & suam quisq; sententiam de singulis dicant, ut  
 in futuro confessu definiantur. In pronunciandis autem sententijs hic  
 fuit præscriptus modus, ut sacræ scripturæ, traditionibus apostolorū,  
 receptis & approbatis concilijs, & sanctorum parū autoritatibus  
 insistant, ut breuitatē adhibeant, ut à superfluis & inutilibus abstine-  
 ant questionibus, ut proteruitiam & cōtentionem omnem fugiant. Ad  
 ordinem uerò quantum pertinet, placuit, ut primo loco dicerēt, quos  
 pontifex Romanus misit, theologi, deinde, quos Cæsar, atq; ita dein-  
 cept. Legatus quoq; pontificius, indagandæ ueritatis, & ut aiunt, fal-  
 sas opintones cōsütandi causa, permisit, ut cuiusq; modi libros euolue-  
 rent. Aderant autē magno numero theologi, Hispani, Itali, Germani,  
 quos & pōtifex et Cæsar, eiusq; soror Maria, miserant, quos etiā Co-  
 loniensis et Treutrensis, et Hispani atq; Itali episcopi secū adduxerāt.  
 Ad hos deferebatur summa cognitionis, nec alijs, qui non essent eius  
 pro=



professionis, & qui titulum, ut aiunt doctoris non haberent, pronun- 1 5 5 1  
ciare quicquam licebat. In gratiam tamen Colonienſis & Treuren-  
ſis epiſcopi fuit admiſſus Ioannes Gropperus iureconſultus, & Ioan-  
nes Delphius, theologus quidem, ſed gradu doctoris inferior. Et quia  
ſuperioribus aliquot conſeſſibus anni M. D. XLVI. & ſequentis, de  
peccato originis, de iuſtificatione, de libero arbitrio, de ſeptem ſacra-  
mentis, nouæ legis, ut uocant, in genere, ſed & de baptiſmo & confir-  
matione ſpeciatiim deſinitū erat, placuit, ut illis omnibus, decreti uim  
obtinentibus, ad alia fieret progreſſus, & primò quidem, ad eucharis-  
tiæ ſacramentum. proinde, themata quædam theologiſ tradita fue-  
runt, his omnino uerbis, ut diſſicerent & inueſtigarent, an ſint here-  
tica, & per ſacram ſynodum damnanda: ex Lutheri autem & Zuin-  
glij & Buceri et aliorum libris ea themata collegerant. Theologi au-  
tem ita rem agunt. In ædes legati pontificij conueniunt omnes quoti-  
die, multis horis, & eo, què diximus, ordine ſeruato, ſinguli, de qui-  
busq; thematis, nulla cum interpellatione diſſerunt, ſic tamen, ut eccle-  
ſiæ Romanæ iudicio ſua ſubmittant omnia. nam proteſtantium nul-  
li aderant. Locus hic patet omnibus promiſcue: legatus autem pon-  
tificius & reliqui patres omnes plerunq; adſunt: ſoli uerò theologi lo-  
quuntur, & à ſcribis excipiuntur dicta ſententiæq; ſingulorum. Vbi  
diſſeruerunt omnes, quod tunc ad ſummum xxx dierum ſpatio fieri  
conſueuit, epiſcopi ad legatū pontificium congregantur, & theologo-  
rum ſententias, à ſcribis annotatas, exquirunt: deinde, ex omni nume-  
ro, ſingulisq; nationibus, quæ tunc adſunt, quidā deliguntur, qui per-  
ueſtigatis omnium ſententijs, dogmata conſicere uidentur: doctrinam  
ipſi uocant: quid de quaq; re ſtatuendū ſit & credendū: poſtea, cōtra-  
riam doctrinam & errores, ut ipſi dicunt, graui cenſura, non multis  
tamen uerbis, damnant: hæc omnia demum ad uniuerſum coetum re-  
feruntur: ubi planè conſentiunt, ſit conſeſſus publicus, uti ſuprà dixi-  
mus, & palàm recitantur decreta: eo factò, rogantur epiſcopi, num ap-  
probenſ. ij placere ſibi ſinguli reſpondent. Atq; ita theologi quidem,  
quid ſit ipſorum ſententiæ de ſingulis rebus, demonſtrant: epiſcopi ue-  
rò ſoli, cūmq; his pauci quidam alij mitrati, deſiniendi poteſtatē obti-  
nent: quod ita decretum fuerit. ſacroſanctum eſſe iubent, & canones  
uocant. Hæc ita quidē publicè fiunt, ſed qui res Romanas familiarius

Modus  
cōdendi  
articu-  
los fidei.

155 inouerunt, aiunt omnia dogmata Romæ iam antè cōscripta iussu pontificis, ad legatū, suo tēpore mitti, ut præsriptū illud atq; formulam, in differendo, theologi sequantur. Nam ex ijs complures, ac episcopos quoq; multos alit ibi pōtifex, & ridiculo prouerbio dici solet, spiritum sanctum Roma subinde Tridentum uenire inclusum mantica. propterea nimirum, quòd crebrò pōtifex & celeribus equis, quid fieri uelit, per literas atq; mandata suis ibi legatis nunciat. Septembris die quarta, Magdeburgum uenit Hedecus: per eum Mauricius antea propositas conditiones ita mitigabat, ut illi pergēdum esse in actione statuerent. Interim erant induciæ, quæ post etiam in plures dies extra

Scripta  
Gallie  
regis in  
pontificem.

flæ fuerunt, ut infrà dicemus. Gallie rex, alienato ab se pontifice, scriptum edit, & de iniuria sibi ab illo facta, deq; causa belli Parmensis, & cur Octauium in suam fidē suscepit, multa locutus, edicit, graui constituta pœna, ne qua pecunia Romam deinceps deferatur: cum enim gerendi belli neruus in pecunia consistat, cuius hoc sit dementia, suis atq; suorum copijs, aduersarij uires alere ac potentiam confirmare? pontificum esse proprium munus, ut regum disidia componant: hoc adeò fecisse Paulum tertium, qui iam propè confectus etate, Niceam Ligurie uenerit, sui parentis atq; Cesaris conciliandi causa: tutum uerò longè aliam rationem sequi, & indicto nuper concilio, ualde quidem reipublicæ necessario, bellū in se concitasse, nimirum consulto, ut Gallicanam ecclesiam, quæ sit ex præcipuis una, totam excludat, ne uidelicet concilium haberi possit legitimum, in quo tum procerum tum administratorum ecclesiæ corrigantur errores, ac emendentur uitia. Fuit hoc regis edictum publicè recitatum Lutetia, septima die

Edictum  
aerocissimum  
Gallie regis  
in Lutheranos.

Septembris, cum paucis antè diebus aliud fuisset illius euulgatum in Lutheranos decretum, longè grauissimum, quod superiorum annorū eius generis decreta partim confirmat, partim, ubi non satis accuratè scripta uidentur, exacuit, & ad summam seueritatem nibil reliqui facit, & qui denunciarint aliquid, magis propositis præmijs atq; pollicitationibus inuitat. Quod quidem eo consilio rex fecisse putatur, ut ijs, qui per Galliam, doctrinæ cupiunt fieri mutationem, ueluti frenū inijceret, ne propter suum hoc cum pontifice disidium, liberius agerent: deinde, ne, qui Romanam ecclesiam uenerantur, ullam de se conciperent opinionem mutati erga religionem animi: postremo, ut tunc

pontificis



pontifex tum cardinalium senatus uiderent, ad suam amicitiam ha-  
 bere ipsos, cum uellent, receptum. Ex aula deinde Caesaris prodijt scri-  
 ptum, quo belli Parmensis commemoratur origo, quanq; iustam ha-  
 beat pontifex causam offensionis in Octauium & Mirandulae domi-  
 num, quanq; sit irrequieta mente Gallie rex, qui omneis undequaq;  
 capiet occasiones, eoq; totis uiribus incumbat, ut Caesaris honestissi-  
 mos conatus impediatur & euertat: Caesarem uero, nihil his rebus o-  
 mnibus permotum, eo fortius & animosius esse progressurum, Octa-  
 uius praese ferebat, quasi necessario uenisset in fidem atque clientelam  
 Gallie regis, ob iniurias simul & insidias Ferdinandi Gonzage: sed  
 hoc scripto refutatur illud: nam si qua metus causa fuit, occasionem  
 esse datam ab ipso, qui uitae capitiq; Gonzage sit non semel insidia-  
 tus. postea recitatur, quomodo in Caesaris potestatem Placentia uene-  
 rit: pontificis nempe filium spurium, Petrum Aloisium, ubi Parmam  
 adeptus fuit atque Placentiam, crudeliter administrasse rem publi-  
 cam, & Neronice, ac non in foeminas tantum, sed in mares etiam ex-  
 ercuisse nefarias libidines, pro sua consuetudine: domi ergo confossum  
 & trucidatum a ciuibus esse, qui tantam immanitatem diutius ferre  
 non possent: oppidanos deinde, quod praesens periculum sibi para-  
 tum esse uiderent, si quidem in pontificis & ecclesiae Romanae ditio-  
 nem redirent, unicum hoc habuisse persugium salutis, ut Caesari sese  
 darent, praesertim, cum olim etiam Imperij fuissent municipes: Ita-  
 que sollicitasse Gonzagam, & orasse, ut in Caesaris fidem reciperen-  
 tur: nam alioqui futurum, ut aliunde sibi praesidium ac patrocinium  
 pararent: uanum igitur esse, quod metum ille sibi fingat: in Farne-  
 sios enim plurima Caesarem contulisse beneficia: generum sibi dele-  
 gisse Octauium, eiusq; parentem Aloisium urbe Nouaria in perpe-  
 tuum donasse, & Marchionis cohonestasse dignitate. sed illorum  
 fuisse permagnam ingratitudinem: & cum alias, tum eo ipso tem-  
 pore, quo per simulationem amicitiae opem ei ferebant, oppugnantem  
 quosdam Germaniae rebelles, in hoc fuisse totos, ut & Insubriam &  
 Genuam ipsi eriperent: nimirum in eo tumultu nefarie trucidatum  
 fuisse inter alios, maxima & singulari uirtute uirum, Ioanninum Au-  
 riam, dum & Caesari fidelem operam praestaret, & a patria periculum  
 depelleret. Gallie regis nomine postea responsum ad ista prodit. in eo

Gallie  
 regis rea  
 sponso.

255 commemoratur, quomodo Cæsar, ut Paulum tertium sibi coniungeret, ipsius filio Petro Aloisio, Marchionis cognomen atq; gradum attribuerit, quomodo Petri filium Octauium sibi generum assumpserit, quomodo alterū filium Alexandrum, ecclesiæ præfecturis multis amplificari, quomodo deinde fœdus cum pontifice fecerit, in quo cautum fuisse dicitur, ut decretum senatus cardinalium, factum de principatu Parmæ & Placentiæ, Farnesiorum familiæ Cæsar confirmaret: cum autem Cæsar bellum in Germania gereret, ac præ se ferret, quasi non propter religionem, sed rebellionis quorundam uindicandæ causa uenisset ad arma, pōtifi permolesum hoc fuisse commentū, quod uideret illum hac ratione suum agere priuatum negotium, & dominatum sibi comparare: neque sanè falsum eius fuisse iudicium: etenim confecto iam ferè bello, quum Farnesiorum opera Cæsar non admodū egeret, non obscure suam erga pontificem alienationē declarasse: iam tum enim eius per Italiam præfectos, ad occupandam Placentiam, animum & oculū adiecisse, neq; multò post fuisse quosdam summissos percussores, qui Petrum Aloisium in cubiculo trucidarint, & priusquam de cæde facta ciues audirent, introductum fuisse militem, qui nomine Cæsaris arcem occuparint: quòd si huius facti Cæsar conscius non fuit, æquum sanè fuisse, ut à morte Pauli pontificis, urbem ecclesiæ Romanæ restitueret: sed non modò non reddidisse, uerum etiam genero suo conatū esse Parmam eripere, & tum etiam, cum Paulus adhuc uiueret, eius rei tractasse consilia, sic quidem, ut Paulus, quum ea cogitatione uehementius perturbaretur, è uita decesserit: postea comprehensos fuisse Parmæ sicarios, qui sponte dixerint, à Ferdinando Gonzaga datum ipsis fuisse negotium Octauij trucidandi: cum igitur bis in angustijs ille positus esset, cum ab ijs, unde salutem expectabat, & à socero quoq; non fortunis modò, sed uitæ quoq; suæ uideret insidias fieri, fidem opemq; suam implorasse, quam ei non potuerit denegare supplicanti.





# ACIFICATIONIS CAUSA SVAE DI-

tionis ordines conscribit Mauricius, et sub finem Septembris Vuittembergam uenire iubet. eò quoque legatos, uti conuenerat, Magdeburgici mittunt, qui decimo post die domum redeunt, ab Alberto Brandeburgico deducti. Suprà diximus, quemadmodum Mauricius, datis ad Cæsarem literis, flagitarit, ut nomine concilij theologis idoneè cauere-  
 retur: Cæsar itaq; suis oratoribus mandat, ut rem ad patres deferant & perficiant. Cum ergò dies Octobris undecimus uenisset, fit con-  
 sessus. in eo primum recitata fuit explicatio doctrinæ, de corporali præsentia Christi in sacramento eucharistiæ, de ratione institutionis, de transsubstantiatione, quam uocant, de cultu & ueneratione huius sacramenti, de asseruanda hostia & ad ægrotos deferenda, de præparatione, ut dignè quis eam percipiat. Post, omnibus Christiani nominis interdicitur, ne secus aut credant aut doceant, quàm hîc decretum sit: deinde recitati fuerunt canones, ijs omnia themata damnantur, quæ suprà diximus ex Lutheri libris & aliorum excerpta fuisse: ueruntamen, ut Cæsari morem gerant, ex ijs quatuor relinquunt indefinita. Sîntne ad salutem necessarium, & iure diuino præceptum, ut speciem utramq; sacramenti omnes percipiant: an qui solum alteram percipit, minus eo sumat, qui simul utramq;: an errauerit ecclesia, cum instituit, ut soli sacerdotes utramq; sumant, reliqui non item: an paruulis quoq; sit eucharistia communicanda. De his thematis aiebant protestantes cupere, prius quàm synodus aliquid definiat, audiri, & publica fide sibi cauere: cum igitur ipsorum aduentum hucusque uehementer expetiuerint, & in spem ueniant, fore, ut ad pristinam ecclesiæ concordiam illi redeant, largiri ipsis tutum itum & redditum: & eorum thematû definitionem in uigesimum quintum Ianuarij diem producere, ut ante eum diem adesse, ac sua in medium proferre possint: tunc etiam de sacrificio Missæ, propter utriusq; argumenti connexionem ac affinitatem agendum esse. Hæc illi quidem ita publicè recitarunt, quasi de his tantum rebus audiri uellēt ipsorū aduersarij, cum eius rei nihil unquam illi cogitassent. Præter Mauricium enim nemo Cæsare interpellauit,

Decretum  
Tridentinum de  
cena Domini.

1551 pellauit, atq; id ipsum fecit in eam, ut suprà docui, sententiam, & erāt multò maiora, quæ proponerentur ab illis. Quoniam autem consilio sic pronunciatum fuerit, coniecturam quidem facere licet, nihil autē affirmari potest. quanquam, ut ex duobus alterum sit, oportet. aut enim frigide fuit & perperam ad eos delatum Mauricij postulatum, aut ipsi callide sunt & negligenter in eo uersati. cuius quidem rei maiorem fidem facit ea, quam dederunt, publicæ fidei formula. Cum enim Mauricius eodem planè modo suis uellet cauere, quo Bohemis olim cautum fuisset: hi, paucissimis uerbis, & admodum neglectè formulam conscripserunt, nullo adhibito signo uel testimonio publico.

Publicæ  
fidei for-  
mula pa-  
trū con-  
ciliij.

licere uidelicet omnibus Germanis indifferenter, ut ad concilium accedant, deq; rebus ibi tractandis, aut in pleno conuentu, uel cum delictis aliquot, liberè, quæ uidebuntur, uel sermone uel scripto, sine conuitijs & contumelijs proponant, conferant, agant, ac deinde, cum uolent, discedant, domumq; reuertantur: hoc nomine synodum ipsis caue fide publica, quantum quidem ad ipsam pertinet: licere etiam, ut & pro cōmissis & cōmittendis delictis, etiamsi grauissima sint, & hæresim redoleant, pro suo arbitratu sibi iudices deligant ipsi. Eodē, quem diximus, Octobris die undecimo, leges aliquot tulerunt, titulo reformationis, quæ ad iurisdictionem ipsorum pertinet. postea decretus fuit alter confessus ad uigesimum quintum Nouembris diem, quo de pœnitentia & extrema unctione tractetur. Brandeburgicus etiam elector, Ioachimus, misso legato, Christophoro Strasio, iureconsulto, suum officium & obsequentiam tunc deferbat. & legatus quidem de præclara illius uoluntate prolixè commemorabat: illi, magna secum uoluptate sermonem ipsius omnem audisse respondent, præsertim illud, quod synodo se princeps omnino submittat, eiusq; decreta seruaturum se dicat: sperare autem, quòd coràm ipse iam dixerit, hoc illum ipsa re præstiturum. A morte Ioannis Alberti, qui Magdeburgensem archiepiscopatum habuit, locupletem & amplum, sicut diximus, rei summa deferbatur ad electoris Brandeburgici filium Fridericum, quem collegium postulauerat: res autem erat impedita, neq; Romæ poterat confici, & quòd Saxonice religionis antea fuisset elector Ioachimus, uti publicè constabat, magno erat impedimento. Suspitionis ergo tollendæ causa, legatus, quem dixi, missus fuit, qui  
prensando



prensando proceres, ad summam diligentiam nihil reliqui faciebat. 1 5 5 1  
 Vuittembergæ transactum de bello fuit: & quanquam non statim sol-  
 uebatur obsidio, tamen amici fuerunt inter eos congressus, Octobris  
 die duodecimo. Et hoc ipso tempore, Mauricius, Hesiæ ditionis po-  
 pulum, Chattos, ante annum tertium, Lantgrauio captiuo, sententia  
 Cæsaris ademptum, uti suprà docuimus, in suam fidem per iusiuran-  
 dum adigit, de uoluntate filiorum Lantgrauij, ratione foederis, ut ait,  
 quod Hesiæ familiæ cū Saxonica intercedit hereditarium: ita qui-  
 dem, ut si nulli sint mares, altera domus inuicem alteri succedat. Quis  
 hoc ad Cæsaris iniuriam, qui sententiam tulisset, & ad nouum aliquē  
 motum spectaret, nemo dubitabat, & mirabantur omnes, quorsum  
 exiret: sed in aula Cæsaris nihil propè iactatum de eo fuit, & summa  
 dissimulatione res agebatur. In hoc tempore Somersetus, Angliæ re-  
 gis auunculus, denuò capitur, & cum eo Pagetus atq; Greius & alij  
 quidam. Erat tunc summa rerum penes Northumbriæ ducem Ioan-  
 nem: cur caperetur causam fuisse dicunt, quòd Northumbrius illum  
 uitæ suæ dicebat insidiatum esse: nam hoc lege nuper lata capitale iz-  
 psis erat. Sub Idus Octobris cardinalem creat pontifex, Georgium  
 Martinusum Dalmatam, episcopum Varadiensem, maximè per Vn-  
 gariam authoritatis: monachum uulgò nominabant, quòd esset ordi-  
 nis Pauli, primi eremitæ. Quomodo Gallicus legatus fuerit iussus ad  
 undecimum Octobris diem adesse, responsi ferendi causa, modò conci-  
 lium rex agnosceret, suprà diximus: ille quidem non uenit, sed tamen  
 concilij nomine fuit euulgatum scriptum ad regem. Initio comme-  
 morant, amplissima se quæq; de ipso sperasse, uarijs de causis: uerum  
 eius aduentu nunciij, & recitatis literis, magnum cepisse dolorem,  
 quòd expectatione sua caderent: & tamen, quòd rectè sibi conscij  
 sint, nec offensionis causam ullam dederint, spem de ipso pristinam  
 nondum deposuisse: quàm ergò conceperit opinionem, quasi pauco-  
 rum utilitatis causa priuatæ, sit hoc indictum concilium, minimè o-  
 mnium habere locum in tanto confessu: causas enim indicti concilij,  
 non ab hoc modò pontifice, uerum à Paulo quoq; tertio fuisse propo-  
 sitas, nimirum, ut extirpentur hæreses, ut emendetur disciplina, ut ec-  
 clesiæ pax restituatur: an nō satis apertū hoc? an magis pium aut Chri-  
 stianum quid fieri posset: uagari nunc hæreses, non modò per Germa-  
 niam,

Angliæ  
 Prote-  
 stor de-  
 nuo ca-  
 ptus.

Concilij  
 scriptū  
 ad Gal-  
 liæ regē.

55 niam, sed per omnes ferè prouincias: huic tantæ calamitati concilium  
 uelle mederi: hanc esse causam, hunc quoq; finem omnis actionis, &  
 cuncta referri: permittat ergò suæ ditionis episcopis, ut hoc tam san-  
 ctum opus adiuuent: nec esse quod uereatur, ut, quod sentiunt, liberè  
 ipsis pronunciare non liceat: attentè nimirum et patienter ipsius nu-  
 per auditum fuisse nuncium, et si minus iucunda referret: cumq; sit au-  
 ditus ea lenitate homo priuatus, cur hoc publicis personis, & ijs qui-  
 dem tali dignitate præditis, denegari quis credat? ueruntamè, etiã si  
 neminem mittat, concilio tamen nihilo secius constare suam tum di-  
 gnitatem tum auctoritatem, quòd & legitimè sit indictum, & iustus  
 de causis iam restitutum: quòd autem significarit, usurum se remedijs,  
 quibus antea sint ipsius usi maiores, existimare se, non eò progressurū  
 unquam, ut quæ magno Galliæ regum emolumèto sublata sint & ab-  
 rogata quondam, reuocare uelit: cumq; tantis à Deo sit ornatus et am-  
 plicatus beneficijs, omnino sperare se, nihil esse facturum, quo uel in  
 Deum, uel in communem omnium parentem ecclesiam, uideatur esse  
 ingratus: respiciat solum ad maiores, ad suum illud Christianissimæ re-  
 gis cognomen, ad parentem deniq; Franciscum, qui superiorem syno-  
 dum, missis & episcopis et legatis, uiris doctissimis cohonestarit: huic  
 insistendum uestigio recenti & domestico, & hoc imitandum exem-  
 plum, ac priuatas offensiones, reipublicæ condonandas esse. Cæsar &  
 pontifex hortati fuerant Heluetios, ut interessent concilio: sed id fru-  
 strà fuit. Et pontifex quidem per Hieronymū Franchum agebat, sicut  
 antè dictum est, uerū Galliæ rex, legato, quem habebat ijs locis, Mor-  
 leto, mandabat, daret operam, eisq; persuaderet omnibus, ne quem cõ-  
 mittant. Morletus, cum difficultatem in eo reperiret, Vergerium, in  
 eiusmodi rebus exercitatū, è Rhœtis accersit, & consilium exquirat.  
 Is & argumenta subministrat, & aliquantò post libellum emittit, de  
 fugiendo concilio. Sic instructus Morletus, ad conuentum Badensem  
 uenit, & adductis in medium rationibus, non ijs modò, qui pontifica-  
 tum iam olim repudiarāt, sed reliquis etiã pagis omnibus, quod uo-  
 luit, persuadet. itaq; nemo quisquam ab illis Tridentū uenit. Ex Rhœ-  
 tis eò uenerat, iussu pōtificis, Thomas Planta, Curienſium episcopus:  
 cum autè intelligerent Rhœti, monitu Vergerij, quid pōtifex molire-  
 tur, et quomodo per illū, auctoritatē apud ipsos recuperare uellet, re-  
 uocatus

Rex Hel-  
 uetios à  
 concilio  
 deterret.



uocatus fuit. Hispani, qui per agrum Vuirtembergicum erant, sub hoc  
 tempus euocati sunt à Cesare, ac in Italiam missi, belli Parmensis cau-  
 sa. Eorum discessu provincia tota liberata fuit à durissima seruitute,  
 qua totos iam ferè quinq; annos fuerat oppressa: solum Aspergum ar-  
 cem, imposito Germanorum praesidio, Caesar sibi seruabat. His etiam  
 diebus, Henricus Hasius, mandatu Caesaris per Sueuiam profectus,  
 passim reipublicae statum mutat, & nouos instituit senatores, ut ante  
 annum tertium Augustae factum fuisse docuimus: concionatores etiam  
 & ludimagistros, nisi decreto religionis parerent, abrogat, ut nuper  
 Augustae. Quomodo Mauricius & Vuirtembergicus, doctrinae capi-  
 ta iusserint conscribi, quae post exhiberentur: quemadmodum etiam  
 senatus Argentinenensis huic eorum instituto sese coniunxerit, dictum  
 est antea. Vuirtembergicus ergò, missis duobus legatis, Ioanne Theo-  
 dorico Pleningero, Ioanne Heclino, mandabat, ut & illam doctrinae  
 confessionem, scripto comprehensam, publicè exhiberent, & uen-  
 turos dicerent theologos, qui copiosius omnia tractent atque defen-  
 dant, modò iuxta Basiliensis decreti formulam ipsis caueatur. Hi, si-  
 mul ac Tridentum uenerunt, quod fuit ad exitum ferè Octobris,  
 Monfortum Comitem adeunt, suaeq; legationis fidem, exhibito diplo-  
 mate, faciunt, ac sui principis nomine uelle quaedam in concilio pro-  
 ponere demonstrant. Ille, per colloquium eò spectabat, ut legatum  
 pontificium putaret conueniendum: ipsi uerò, si quid cum eo com-  
 municassent, eò pertinere uidebant, quasi cognoscendi ius & auctori-  
 tatem ei praecipuam tribuerent, in quo praedictum atq; dispendium  
 inesse uidebant. abstinent igitur, & datis ad principem literis, quid in  
 eo fieri uellet, expectant. Interea theologi, propositis, ut supra dixi,  
 thematis, de poenitentia & unctione, suo more disserunt. Nouembris  
 die tertia, Hedecus, à Mauricio missus, uenit Magdeburgum, & edu-  
 ctis militum praefectis in uicinum castellum, planè transigit, confectis  
 & obsignatis ea de re literis. Et militi quidem fide publica fuit cautum,  
 ut tuto liceat abire. fuit hoc eius mensis die octauo. sed mox, cum essent  
 exauthorati, tacite retenti fuerunt & rursus conducti, Megelburgio,  
 ductore, per pacificationem iam dimisso: Mauricius enim consultò no-  
 men suum obduci nolebat. pacis autem hae ferebantur conditiones. ut  
 supplices deprecantur Caesarè: ne quid in Austriacam et Burgundicam

Vuirtem-  
 bergici  
 legati ad  
 Conciliū

Magde-  
 burgica  
 pacifica-  
 tio.

Ceditio  
 nes pacis

1551 familiam faciant: Camera se submittant: Augustano decreto postremo  
 pareant: iuri sese sistant omnibus: urbis munitiones ad Caesaris arbi-  
 trium diruant: Caesaris praesidia quouis tempore admittant, eiq; pate-  
 faciant urbem: aureorum millia quinquaginta dependant in usum si-  
 sci: pro belli sumptu tormenta maiora duodecim Caesari tradant: Me-  
 gelburgium ducem & captiuos alios dimittant. Egressis eodem die  
 militibus praesidiarijs, qui erant ad duo millia peditum, equites ad cen-  
 tum, triginta, Mauritius quinq; signa peditum introire iubet, & po-  
 stridie obuiam eunte senatu, urbem ingreditur cum uniuersis copijs,  
 & in Caesaris Imperij, suamq; fidem, qui dux belli fuisset, omneis adi-  
 git, post, relicto praesidio, ceteros educit. Concionatores deinde conuo-  
 cari iubet, ac per consiliarios, Faccium, Carlebicium, Mortisium de  
 iniuria sibi facta queritur, propter editos ab ipsis libellos atq; pictu-  
 ras, quasi descuerit ab euangelij doctrina, quasi bellum ciuitati fece-  
 rit, ob constantem uerae doctrinae professionem: itaq; iustam habere se  
 quidem offensionis causam, si uelit affectibus indulgere, sed haec omnia  
 condonare se reipublicae, & petere, ut populū deinceps ad uitae emen-  
 dationem et ad magistratus obseruantiam hortentur: preces quoq; pu-  
 blicae fieri mandat pro Caesare, pro se, pro reliquo omni magistratu: sed  
 & concilium Tridenti iam haberi dicit, in quo pia doctrinae confessio-  
 nem, tam suo quam aliorum principum & ordinum nomine sit exhi-  
 biturus: orent igitur Deum, ut actionem concilij fortunet ac bene uer-  
 tat, neq; conuicijs illud exagitent, ut facere consueuerint. Illi, re deli-  
 berata, picturas illas non se quidem euulgasse, uerum, nec reprehensio-  
 ne dignas iudicare: quin ab euangelij pura doctrina quidam per ipsius  
 fines, hoc triennio descuerint, negari non posse: nam extare libros at-  
 que monumenta: quod euangelij causa fuerit urbs obsessa, facile posse  
 demonstrari, si quis ad belli tantum respiciat authores: in admonendo  
 populo nihil esse praetermissum, idem quoque facturos in posterum:  
 pro concilio, quod delendae causa ueritatis conuenerit, in quo Roma-  
 nus antichristus principem locum obtineat, non aliter orare sibi lice-  
 re, quam ut illorum conatus atq; consilia Deus retundat, frangat &  
 dissipet: nihil enim ab ipsis esse non expectandum incommodi. Leges  
 quidem pacis eiusmodi disseminatae fuerunt: certum est autem, illis &  
 de libertate & religione diligenter fuisse cautum. maluit quoque sibi



Mauricius urbē patere, quā Cæsari, quod ipse post euentus docuit. 1598  
 Ad hunc modum liberati Magdeburgici, præter multorum expecta- Magde-  
 tionem, summā nominis gloriam adepti sunt apud exterarum nationes, burgico-  
 quod propē soli per omnē Germaniam exemplo suo docuissent, quid rum con-  
 possit constantia. Porro, qui fuit illis ærumnarum finis, hic belli fuit a- stantia et  
 ditus atq; principium in eos ipsos, quorū ope consilioq; fuerant affli- nomen.  
 ti, sicut postea dicitur. Per eos dies, quibus erat in urbe Mauricius, Mauri-  
 non obscurē significabat, quid sui esset animi, uelle se nimirum etiam cius bel-  
 sui capitis periculo, liberare socerum: nec id postmodum dissimulauit, in lum mo-  
 terpellatus à quodam Legatos iam antea miserat ad Cæsarem, Lant- latur in  
 grauij causa liberandi: Daniæ quoq; regem & multos Germaniæ prin- Cæsare.  
 cipes in eo sibi coniunxerat, sicut infra dicemus: & nisi impetraret,  
 planē constituerat rem tentare uiribus, deq; eo cum Galliæ rege pa-  
 ctus iam erat, qui Baionensem episcopum, Ioannem Fraxineum, ei mi-  
 serat occultē, hominem iam antea diu uersatum in Germania, nec im-  
 peritum linguæ. Cæsar autem his omnibus nihil commoueri uideba-  
 tur, & in Parmense bellum ac Tridentinam actionem totus erat in-  
 tentus. His ferē diebus, ab Hispanijs Genuam appulit cum liberis &  
 uxore, Maximilianus, gener Cæsaris. Galli, Massilia profecti, et quas-  
 dam eius naues adorti, prædam fecerunt. cuius rei causa ferebatur,  
 quod equites illi, quos Ferdinandus rex miserat in Italiam, ut filium  
 ex Hispania redeuntem exciperent ac deducerent, Ferdinando Gon-  
 zage, quadam in expeditione militari suam operam commodassent.  
 Verū antea quoq; Galli, per simulationem amicitiae, in Barcinonæ  
 portum usq; prouecti, triremem unam & sex naues onerarias, rebus  
 instructas, in usum & nauigationem Maximiliani, abduxerant, ut  
 quidem Cæsariani quadam in inuectiua recitant, de Gallorum iniu-  
 rijs & uiolata pace conquesti. In Augustæ conuentu Cæsarem oraue-  
 rant principes, ut, si non adesse coram, saltem non procul à loco uel-  
 let abesse concilij. quod quidem eis confirmauit, seq; mansurum ad  
 fines Imperij dixerat, ut supra docuimus. Proinde digressus Augusta,  
 Nouembris initio, uenit Oenipontem, quod tridui uia Tridento dis-  
 stat. hoc & concilij & belli Parmensis causa fecisse putatur, ut in ea  
 sua propinquitate diligentius administrarentur omnia. Paulo post,  
 ad xxi. Nouembris diem, Tridentum uenit Argentinesium legatus,

155 Ioannes Sleidanus, ut cum Mauricianis & Vuirtembergicis commu-  
 Io. Sleida nem causam ageret, huic autem ciuitati sese cōiunxerant Eslinga, Ra-  
 nus Ar- uesburgum, Rutelinga, Biberacum, Lindauia, & ut ipsorum nomine  
 gent lega- uesburgum, Rutelinga, Biberacum, Lindauia, & ut ipsorum nomine  
 tus ad cō- simul ageretur, potestatem fecerant. Francofurtenses autem, & Nori-  
 cilium. bergici cum primis, quamobrē non miserint, dubitari potest. Vlmenses,  
 religionem ad præscriptum Cæsaris iam antea mutauerant: Augusta-  
 nis erant & alijs quibusdam nuper adempti doctores omnes, ut supra  
 diximus: itaq; facultas erat eis ablata mittendi. quanquam etiam se-  
 natus alioqui nihil in eo, nisi de uoluntate Cæsaris, erat faciturus. No-  
 uembri mense, pontifex, uno, eodemq; die tredecim creat cardinales,  
 Italos omnes. hæc enim ueluti præsidia sibi, muniendi sui causa com-  
 parare solent. Cum xxv Nouembris dies uenisset, facto de more con-  
 fessu publico, recitantur decreta poenitentiam esse institutum à Chri-  
 sto sacramentum, et necessarium, ijs qui post baptismum in peccata re-  
 cidunt: esse etiam diuersum à baptismo sacramentum, & uelut alte-  
 ram tabulam salutis, post factum naufragium: illa Christi uerba, qui-  
 bus dat spiritum sanctum apostolis, intelligi debere de potestate remit-  
 tendi peccata per hoc sacramentum: ut peccata condonentur, triare-  
 quiri, contritionem, confessionem, satisfactionem: & contritionem  
 quidem, esse uerum ac utilem dolorem, qui præparat hominem ad gra-  
 tiam: confessionem, aut morem secretò recitandi peccata sacerdoti,  
 iure diuino institutum, & ad salutem esse necessarium: peccata omnia,  
 quæ quidem in mentem ueniant, eorumq; circumstantias enumeran-  
 das: annuam debere esse confessionem ad minimum, idq; potissimum  
 eo, quod quadragesimam uocant, tempore: absolutionem non esse nu-  
 dum ministerium, quo peccatorum remissio denunciatur, sed actum  
 iudiciale: solos sacerdotes, quantumuis etiam impuros, habere po-  
 testatem absoluendi: quòd episcopi certos casus atq; delicta sibi refer-  
 uent, de quibus reliqui sacerdotes absolvere non possint, rectè fieri:  
 etiã nisi culpa remittitur, non tamen idcirco poenam remitti, & in o-  
 pere, non autem in fide positam esse satisfactionem: poenis illis, quas  
 uel Deus infligit, uel sacerdos iniungit. uel ipsi spòrē nobis diligimus,  
 expiari peccata, quantum quidem ad poenam temporale: satisfactio-  
 nes, quibus peccata redimuntur, esse cultum Dei: sacerdotē habere po-  
 testatē ligandi & soluendi, atq; idcò poenam posse confitenti peccata,

impo-



imponere. Et hæc quidem de poenitentia. Supremam unctionem de-  
cernunt esse institutum à Christo sacramentum, quod & gratiam con-  
ferat, & peccata remittat, & recreet ægotantem: usum huius sacra-  
menti esse curæ, de quo Iacobus Apostolus dixerit: presbyteros etiã,  
quorum ille mentionem faciat, non esse ætate seniores, uerùm sacerdo-  
tes & eos quidem solos, huius uidelicet sacramenti ministros. Hanc do-  
ctrinam celebrari iubent ac retineri: qui secus doceant aut credant, uti  
pestilentes atq; nefarios pronunciant & execrantur. Altero post con-  
fessionis die, literæ sunt allatæ Vuirtembergici principis ad suos. ijs man-  
dabat, uti pergant, & in confessorio, ad xxv diem Nouembris, descriptã  
doctrinæ confessionem exhibeant. Cùm ergò tantulo tempore serius.  
hæc uenissent literæ & longum superesset interuallum ad alterum con-  
fessionem, abesset etiam Monfortus, cardinalem Tridentinum adeunt, &  
habere se dicunt, quæ sui principis nomine in concilio proponant: id  
proximo iam confessioni debuisse fieri, uerùm tardius allatis literis, præ-  
terijisse nunc occasionem: orare igitur, ut ipse, qui sit homo Germanus  
& patriæ charitate quadam, & principis quoq; causa, quem nouis-  
set, ipsis in eo non desit, hocq; efficiat, ut patribus conuocatis manda-  
ta sua in medium adducant. Ille multam beneuolentiam uerbis am-  
plissimis pollicetur, uelle se rem ad pontificium legatum referre: sed in-  
ter patres ita conuenisse, ne cui publicè quid proponere liceat, nisi cu-  
iusmodi sit illud, prius constet: ei decreto causam dedisse Gallicum ora-  
torem, cùm excitatus nuper esset in publico motus indecorus, & cla-  
mor ualde turbulentus: proinde, quæ sit ipsorum summa petitionis,  
inquiret. Illi, studio promouendi negotij, literas exhibet mandati: cùm  
ex ijs literis deprehenderet, doctrinæ scriptum aliquod ab ipsis obla-  
tum iri, sic eos dimittit, ut spem faceret, paucos intra dies rem posse cõ-  
fici. Postridie reuocat, deq; re tota cõmunicasse cū legato dicit, literas  
etiam exhibuisse mandati, fidei faciendæ causa: ipsum uerò indignari,  
quòd scriptum offerre cogitent, atq; ita sentire, eos, qui doctrinæ regu-  
lam atque modum reuerenter accipere, & obtemperare debeant, suis  
maioribus uelle præscribere, perquàm hoc esse tum absurdū, tum in-  
decorum: aliud quidem in hoc tempore non potuisse impetrare, sed  
uelle tamen iterum urgere: simul iubet eos bono esse animo. Diebus  
aliquot interiectis, cùm iam Maximilianus Austriacus aduentaret,

Vuirtem-  
bergico-  
rū cū Tri-  
dentino  
cardinali  
actio.

155 cardinalis, obuiam ei profecturus Mantuam usq; monet Vuirtembergicos, quia sibi necessario sit abeundum, ut Caesaris oratorem, Tole-  
tanum, adeant: hunc & pro suo munere & authoritate plurimum eis  
commodare posse, ac libenter quidem facturum, uel sui gratia, qui ne-  
gocium ei commendarit. Hoc secuti consilium, hominem compellant:  
is benignè multa pollicitus, eos ab se dimittit. Cùm autem secundo  
redissent, cœpit excusare, propter futuras iam theologorum disputa-  
tiones, quibus interesse patres oporteret: ijs finitis, non se neglecturū  
occasionem. Verisimile est, eum ab legato consimile tulisse respon-  
sum, uti cardinalis antea: sed ne spem tolleret omnem actionis futurae,  
causam hanc obduxisse, præsertim, cùm & Casarem urgere concili-  
um, et publico Imperij decreto permissum esse sciret, ut, quibus de re-  
bus quiq; uellent, liberè proponerent. Interim Argentinenſis orato-  
rem Caesaris adit, Gulielmum Pictauium, absente Monforto, & quo-  
niam eadem erant omnes conditione pariq; facultate præditi, suæ le-  
gationis fidem ei facit, uti fieri consuevit, seq; missum eò dicebat, ut  
unà cum reliquis Augustanæ confessionis socijs ea caperet atq; tracta-  
ret consilia, quibus hoc religionis atq; doctrinæ disidium rectè com-  
poni, & publica tranquillitas constitui posset. Ille, sumpto eius diplo-  
matis exemplo, quòd Casari se missurum dicebat, & de doctrina,  
deque concilij dignitate multa locutus, ut est uir doctus atq; forensis,  
operam studiūque suum deferabat. fuit hoc ultima die Nouembris.  
Et hoc quidem tempore data fuerunt theologis themata de sacrificio,  
quod aiunt, Missæ, quò suam ex more sententiam dicerent, ut supra  
demonstrauimus. Quomodo suos ad Casarem legarit dux Maurici-  
us pro Lantgrauio, dictum est paulò supra. ijs autem erant coniuncti  
Brandeburgensis electoris legati. Sub initium igitur Decembris ad-  
missi, quum suorum principum nomine multam ei salutem essent pre-  
cati, scis, inquit, clementissime Caesar, quibus in difficultatibus uer-  
sentur, ob Lantgrauij detentionem, illustrissimi principes electores,  
Mauricius atq; Brandeburgicus, in quas coniecti sunt præter omnem  
expectationem, dum singulari quodam studio facilem tibi uictoriam  
& illustrem comparare, belliq; sumptum deminuere, & communi pa-  
triæ quietem ac ocium recuperare uoluerunt. quæ fuit etiam causa,  
quamobrè, cùm per legatos, tū ipsi coram, te sepe rogarint, ut sui ra-  
tio-

Legati  
Mauricii  
& Bran-  
deburg.  
ad Cæsa-  
rem.



tionem haberes, illumq; missum faceres. quo quidem tempore hoc e- 1 5 5 1  
 tiam addebant, quòd si fortè præter fideiussionem, qua tibi sunt ambo  
 deuincti cum Vuolsango Palatino, cunq; totius Hessiæ populo, cau-  
 sionem ampliorem requireres, non se recusare. Ad hæc ipsorū postu-  
 lata, Christophoro Carlebicio, Iacobo Schillingo, quos ad te postre-  
 mos miserunt, respondebas, ut illū antè dimittas, quàm appareat, cu-  
 iusmodi sit comitiorum Imperij, quæ tum imminebant, actio futura,  
 non tibi esse integrum: deinde, nihil amplius te promississe, quàm fore,  
 ut si pacta seruet, non detineatur perpetuò captiuus. Cùm autem re-  
 bus alijs occupati, non ipsi possent ad comitia uenire, per consiliarios  
 et epistolas denuò te sollicitarunt Augustæ, tu uerò, quamobrem in eū  
 esses commotior, neq; liberare posses, rescribens, à nexu, quo captiui  
 filijs deuincti sunt, liberos pronunciaisti. Quapropter denuò te statue-  
 rant interpellandum: et erant quidē ipsimet uenturi, sed nosti, quem-  
 admodum uterq; bello Magdeburgico fuerit, et Brandeburgicus qui-  
 dem etiam uale tudine detentus: itaq; per nos illud confici uoluerunt.  
 Et primò quidem, cùm uelles, ut sine conditione sese tibi permitteret  
 Lantgrauius, illi per Atrebatensem episcopum, quid tuæ esset mentis,  
 acceperunt, hoc nimirum, ut conditiones abs te propositas, et ipsis  
 communicatas reciperet atq; seruaret. Iam, si persuadendum erat, ut  
 ad hunc modum sese dederet, necesse profectò fuit illi ostendere, futu-  
 rum, ut neq; sisteretur captiuus, nec amplius, quàm in pacis formula  
 per scriptum erat, grauaretur. Sic igitur ei cauerunt principes. quòd  
 etiam consiliarij tui satis intellexerunt: et cùm ille quædam eius for-  
 mule capita sibi declarari, simulq; ne supra diem sextū retineretur in  
 eo negotio, peteret, et ad Atrebatensem hoc esset perlatum, non ei de  
 negatum fuit, et in cæteris etiā, principes, magna ex parte, quod uo-  
 lebant, impetrarunt. Et quanquam in hac ipsa tractatione non eodem  
 modo res intellecta fuit, ita quidem, ut ille, cùm uenisset, præter fidem  
 ab ipsis datam, custodiæ traderetur, te tamen Cæsar nunquam illi hoc  
 nomine in cusarunt, neq; super eo tecū etiā disceptarunt, eò quòd cum  
 tuis consiliarijs tantum egerant, tecū uerò nihil, nisi tunc, cum Lant-  
 grauius aduētare, et ipsis, ut Numburgum ad se uenirent, nunciaisset.  
 Tunc enim te conuenerunt ipsum, et propositas cōditiones ei persua-  
 disse, iamq; illum abesse nō procul, seq; obuiam ituros ei, si modò ferre

155 2 posses, dicebant: & quoniam ipsorū secutus fidē eō ueniret, ne prae-  
 formulam transactionis ullo modo grauaretur, orabant, quod quidem  
 cum ipse tu liberaliter eis reciperes, profecti Halam illum adduxerūt.  
 In actione uerō postrema, detentionis atq; custodiae nulla fuit facta mē-  
 tio. quod tuos etiam homines posse testificari putant, nimirum, Atre-  
 batensem episcopum, quicum solo res ipsis fuit, & Seldum, quem ille  
 nonnunquam adhibuit. Etenim, post admissas conditiones, & suppli-  
 cem deprecationem, omninō fore credebant principes, ut statim ille di-  
 mitteretur, idq; multis de causis ita putabant. primum, quia detentio-  
 nis, quod est praecipuum eius formulae caput, & à Lantgrauio diligen-  
 ter haud dubiè praeter ceteris animaduersum atq; ponderatum, consilia-  
 rij tui non meminerunt: deinde, quod in formula pacis multa conti-  
 nentur, quae non possint à principe captiuo, sed à libero solū presta-  
 ri: postea, quod cum factus esset supplex, culpam ei condonabas, &  
 proscriptionem aboliturum, ac reconciliationis diploma te daturum  
 ei promittebas: adhuc, quod fideiussorem illorū habebas ratam, qua  
 cautum est, ut si pactum non seruet, populus eum tibi captiuum sistat,  
 & fideiussores armis ad officium cogant. Haec omnia certè nullius e-  
 rant usus, & omninō superflua, si quidem corpore suo daturum illum  
 esse poenam existimassent. Cum autē eius rei nulla ipsis incideret co-  
 gitatio, nec tui etiam consiliarij meminissent, hac fiducia illum accer-  
 siuerunt, & si quid ei praeterea cōtingeret, sistere se filijs ipsius, et ean-  
 dem uelle subire, quam ipse, fortunam, spondebant. Haec ipsorum fuit  
 mens atq; sententia, quae confirmata fuit etiam, cum post deprecatio-  
 nem dux Albanus ipsos atq; Lantgrauium ad coenam inuitaret. hanc  
 nimirum inuitationem & hospitalitatē, illi, pro more principum &  
 Germaniae cōsuetudine, nō sic interpretari potuerunt, ut ille, in aedes  
 Albani, tanquam in carcerē iret, ipsi uerō comitarentur eum illuc atq;  
 deducerent. etenim, si uel minima fuisset eius rei suspitio, quis credat  
 hoc fuisse facturos? Cum enim sint Imperij principes, et quidē electo-  
 res, honestissimis procreati familijs, minimè suam operā huc erant cō-  
 modaturi, uidelicet, ut illustri loco natū principem, eumq; cognatum  
 ac necessarium suum, in eiusmodi prolectarēt angustias, & ipsimet ue-  
 luti captiuum sisterent. Sed neq; rescuerunt ea de re quicquam, nisi  
 post coenā: tunc primum enim dicebat eis Albanus, in arce, tanquam  
 in cu-



in custodia illi manendum esse. Verum ut cunq; sit, optimo animo rem egerunt, ut initio quoq; diximus: & quia fidem ei suam obstrinxerunt, intelligis facile, si quidē post tam crebram interpellationem, adhibetamq; cautionem diutius ille detineatur, quā hoc sit ipsis & eorum quoq; liberis atq; propinquis graue futurum & incommodum: uides etiam potentiſſime Caesar, cū sis editus Germano sanguine, quia captiui principis filij suum ius urgent, & illis, ut se sistant iuxta formulam obligationis, instant, quid ipsos honoris & exsistimationis tuende causa facere conueniat, pro uetusto & recepto Germanice nobilitatis more, quamq; nullam sint ad reliquos principes habituri excusationem, etiā si uel citandi facultas, ijs, uel obligatiōis diploma, quod habent, eripiat. Quod si fortē Lantgrauius, qui neq; pacto neq; fide data, sed ea, quam diximus, occasione captiuus detinetur, tædio quodam & impatientia tam diuturnæ custodiæ, rationem aliquam consequendæ libertatis inijt, & si quid eius administri fortē tentarunt in custodes, orant principes, ne sit hoc ipsis fraudi: uerū, quia propter obligationem in summis positi sunt angustijs, è quibus tu solus, post immortalem Deum, ipsos eripere potes, quia tibi constat, quomodo in hos scopulos impeerint, quia de ipsorum erga te studio, fidelitate atq; officio compertum habes, quando nimirum rebus tuis aduersis, fortunas omnes, uitam atq; sanguinem pro tuis commodis impenderunt, maiorum secuti uestigia, summopere & uehementer obtestantur, ut ipsis, dimisso captiuo, subuenias, in eoque, non tam ad Lantgrauij factum, quā ad ipsos, qui te maximopere colunt, respicias, præsertim, cū ex eorum familijs non pauci, pro tuis maioribus, & Austriaca Burgundicāq; domo, nulli suo uel sumptui uel periculo perpercerint. Et si fortē metuis, ne liber factus, à conuentione discedat, non te latet Caesar, cū in eum casum res deuenierit, quid nobilitas & populus Hæſicus, per iusiurandum, quid principes tibi per fideiussio- nem promiserint. Quod si uerò cautionem ampliorem requiris, & iam antea tibi non semel eam detulerunt, & nunc quoq; deferunt, & nobis agendi super eo potestatem fecerunt. In conditionibus etiam, quæ quidem impleri statim potuerunt, nihil esse putant quod deſideretur: quò minus autem arces non ita repentē dirutæ sint, si causam rectē scias, non dubitant, quin hoc nomine captiui filios sis habitu-

55 **irus purgatos:** deinde, si quid præterea desit, operam omnem daturū  
 sunt, ut tibi satisfiat. Quapropter, si quid unquam uel ipsi uel patres  
 ipsorum & aui fecerunt, quod uel tibi, uel Maximiliano Cæsari, cæ-  
 terisq; tuis maioribus, gratum fuit, aut si quid in posterum ab illis ef-  
 fici posse putas atque præstari, quod tibi gratum sit atque iucundum,  
 etiam atq; etiam orant, ut eius rei fructum aliquem ipsos iam perci-  
 pere patiaris, & spem illam atque pollicitationem, quæ primū Ha-  
 le, postea Numburgi, tandem etiam Augustæ illis abs te facta fuit, ap-  
 parere facias, quò te uidelicet tanto maiori studio deinceps & alacris  
 tate colant, suamq; fidem & operam, quam tibi impenderunt, bene  
 collocatam & amplè remuneratam esse, gloriari possint. Etenim, si  
 secus fiat, & si iam nihil impetrent, æstimare potes, maxime Cæsar,  
 quæ secutura sint incommoda, cum illi sistere se, suamq; demonstrare  
 cogentur innocentiam. Sed omnino sperant futurum, ut suis precibus  
 locum relinquas. id certè pro summo sunt habituri beneficio, & tum  
 ipsi tum Lantgrauius unà cum filiis & propinquis omnibus, ut gra-  
 tiam tibi referre possint, semper elaborabunt. Et quoniam ad eorum  
 existimationem ea res tantopere pertinet, alios quoq; principes, ut u-  
 nà secum intercedant, sollicitarunt, quorum hic uides legatos: hoc au-  
 tem eò fecerunt, ut quod ipsi nondum apud te precibus, internuncijs  
 atq; scriptis efficere potuerunt, hoc isti sua quadam commendatione  
 atq; gratia perficerent, & ut in eam partem accipias, orant. Cum hæc  
 essent locuti, Ferdinandi Romanorum regis, Alberti Bauariæ ducis, et  
 Lantburgensium fratrum literas, pro Lantgrauio scriptas, ei tradunt.  
 Qui uero per legatos intercedebant, hi erant principes, Fridericus Pa-  
 latinus elector, Vuolsgangus Bipontinus, Ioannes Marchio Brande-  
 burgicus, Henricus & Ioannes Albertus, Megelburgij duces, Erne-  
 stus Marchio Badensis, Christophorus dux Wuirtembergicus. horum  
 legati, statim ab ea, quam recitauimus, oratione, cum suæ missionis ex-  
 bibuissent testimonium, Mauricius, inquit, & Brandenburgicus, ele-  
 ctore, cum propter Lantgrauij detentionem, in magnis esse difficulta-  
 tibus, & pro illo sese tibi uelle supplicare, dicerent, clementissime Cæ-  
 sar, principes nostros orarunt, ut unà secum intercederent, quò plus et  
 commendationis et ponderis haberet actio. quod quidem officium, il-  
 lis, in re tam æqua, propter summam inter ipsos necessitudinem atq;

Principi-  
 bus pro  
 Lantgra-  
 uio inter-  
 cessio.



coniunctionem, non potuerunt denegare. Cum ergo sic res habeat, ut  
 ex utriusq; legatis abundè satis iam auditum est: & quia si diutius il-  
 le detineatur, summo sit hoc ipsorum, qui fidem ei suam interposue-  
 runt, incommodo futurum & obrectatione: principes, à quibus lega-  
 ti sumus, ut hæc omnia diligenter expendas, orant & obsecrant. Ete-  
 nim, ut illorum dignitas, honos, fama deniq; conseruetur, sua quoq;  
 plurimum interesse putāt: neq; grauius quid eis accidere possit, quàm  
 illorum existimationi maculam aliquam aspergi. quod quidem omni-  
 no futurū est, nisi captiuus liberetur. Vt igitur hæ preces ac interces-  
 siones apud te ualeant, & ille quamprimum dimittatur, uehementer  
 orant, præsertim, cum & culpam agnouerit, & supplex etiam sit de-  
 precatus, & multo iam tempore captiuus detineatur, inprimis uerò,  
 quia duorum electorum summa necessitas ita postulat. qui quum opti-  
 ma fide rem agerent, tibiq; gratificari uellent, in has deuenerunt angus-  
 tias. Quòd etiā si fortè in ipsa tractatione commissus est aliquis er-  
 ror, neq; rectè quædam intellecta fuerunt, tuæ tamen clementiæ con-  
 gruum est atq; decorum, ut æquitatem summo iuri præferas, neq; tam  
 ad captiuum, quàm ad electorum ineuitabilem necessitatem respicias,  
 & liberaliter cum ipsis agas, maiorum tuorum exemplo, quibus prin-  
 cipum Imperij dignitas curæ semper magnopere fuit. hoc uidelicet  
 & tibi gloriosum erit apud omnes, & ipsos etiam, ut summam fidem  
 & amorem tibi præstent, & omnia tui causa uelint, magis excitabit.  
 Daniæ quoq; rex, missis legatis, in eandem serè sententiam intercedit.  
 Caesar, interiectis aliquot diebus respondet. quia negociū sit arduum,  
 & deliberationem postulet, deq; Mauricio sit interim apud se facta  
 mentio, quasi grauib; alijs de causis breui sit ad se uenturus, ita qui-  
 dem, ut datis ad eum literis, illū indies expectet, ideò se, quòd illo præ-  
 sente rem commodissimè tractari posse putet, eousq; uelle differre: ad  
 ipsos uerò quòd attinet, licere, domum, & ad suos reuertantur princi-  
 pes, eisq; suo nomine dicant, intercessionis futurum sese memorem, &  
 ita rem acturum, ut intelligere possint, ipsorum cōmendationem non  
 paruum apud se pondus habuisse. Nō multò post, uenit ad Mauriciū,  
 Lantgrauij filius, natu maximus, Gulielmus: et quoniam intercessio-  
 nis futuræ spēs sibi fecerit, & uerò menses nunc aliquot exierint, post-  
 quam legati sint iter ingressi, quid actum sit, exquirat. Ille, quod legati

Cæsaris  
 ad lega-  
 tos re-  
 sponso.

Danti

135 Danici paulò serius, & tunc primùm aduenerint, cùm Augusta Cæsar  
 Onipontem peteret, moram interuenisse, deinde, quid Cæsar res-  
 ponderit, ostendit: & quia colloquium suum expetat, eoq; rem disse-  
 rat, etsi graue sibi sit excedere finibus hoc in tempore, tamen, quòd is-  
 sta causa uehementer & inprimis afficiatur, constituisse, proficisci di-  
 cit, acceptis primùm ab eo literis. Tum alter incertum ac dubium es-  
 se responsum: neq; se uidere quid sit expectandum: parentis interea mi-  
 serabilem esse fortunam, qui mœrore contabescat, & squalore carce-  
 ris: ei nulla se posse ratioe deesse, tum ex officio, tum etiam promissor-  
 det igitur operam & efficiat, ut intra definitum tempus, & breue qui-  
 dem, apertè respondeatur: id si nō fiat, non esse, quòd uel ipse uel Bran-  
 deburgicus molestè ferant, si citentur, & sistere sese iubeantur: quòd  
 de sua profectione dixerit, uelle se cogitare amplius: nec enim scire,  
 quàm sit ei consultum. Agebantur hæc autem ad speciem, consiliarijs  
 nonnullis adhibitis, quos instituti consilijq; sui minimè conscios esse  
 uolebat Mauricius. nam à quo primùm tēpore cum Hedecco rem tra-  
 ctare coepit, quod fuit, quum eius copiarum partem aliquam ad se tra-  
 duceret, sicut libro superiori docuimus, uix ulli suorum aliquid eius  
 rei communicabat, ita quidem, ut quid Gallicus legatus Fraxineus eò  
 uenisset aut ageret, ex ipsis nemo compertum haberet. hoc igitur Cæ-  
 saris accepto responso, statim ad gerendum bellum animum adiecit,  
 & anni solū tempus expectabat idoneum. De thematis illis coeptū  
 est disputari Decembris die septimo, Maximilianus uerò sexta post  
 die, qui solstitij dies erat hyberni, Tridentum ingressus cum uxore ac  
 liberis, à legato pontificio, ab Hispanis, Italis, ac nonnullis etiam Ger-  
 manis episcopis, non tamen electoribus, excipitur. Elephantum addu-  
 cebat ex Hispanijs, Indicum, Lusitaniae regis donum, animal, non se-  
 pe uisum in Germania. Postridie quàm uenit, fortè diserebat is, quem  
 supra dixi, Ioannes Gropperus, & cùm incaluisset, grauiter in Me-  
 lanchthonem atq; Bucerum, licet mortuum, inuectus, acerbissimum  
 utriq; conuicium fecit, homo uidelicet Germanus, cùm Hispani mul-  
 to essent & Itali temperantiores. quod ipsum contra decretum erat  
 Imperij, contrāq; legem ab ipsismet latam, ut uidelicet omni semoto  
 affectu, & sine conuicio res ageretur. Proinde, diebus aliquot post,  
 Argentinenfis, per occasionem colloquij meminit eius apud Picta-  
 uium

Maximi  
 lianus  
 Triden-  
 tū ingre-  
 ditur.



uium, & tantum illis licere atque permitti, queritur. Ille, inuitis-  
 mis ipsis atque patribus ea fieri, grauissimèque monitus esse dicebat,  
 ut abstineant: & quanquam aduersariorum exemplo lacesiti forsàn  
 istud faciant, qui multis nunc annis in hoc genere dominantur, se ta-  
 men duros operam, ne posthac fiat: Cæsarem etiam nolle cuiquam  
 offensionis ullam præberi causam: idem quoque iudicium atque uo-  
 luntatem esse patrum. Ad decimum octauum Decembris diem, epi-  
 scopus Varadiensis, Dalmata, nuper factus cardinalis, è medio tolli-  
 tur, ob substitutionem societatis Turcicæ, domi suæ confossus. Eius cæ-  
 dis author fuit Ioannes Baptista Castaldus, Italus, quem Cæsar iam  
 antè in Vngariam miserat, ut Ferdinandum regem ope consiliòque  
 iuuaret: aderat quoque Sfortia Palauicinus. Vbi de cæde pontifex  
 accepit, negocium dat nonnullis, qui rem cognoscant, simul ijs, quos  
 dixi, sacris interdicat. Vxor uidua Ioannis Vayuodæ, cùm transsyl-  
 uaniam ægrè se posse tueri uideret, pacta cum Ferdinando rege, sum-  
 mam administrationis ei permiserat, & traditis ornamentis insigni-  
 busq; regni, in Poloniam redierat hac ergò ratione totam penè Trans-  
 sylvaniam Ferdinandus occupat, adiutore Varadiensi: sed quia post  
 ille noua consilia moliri uisus est, & dominatum affectare, capitis  
 adiit discrimen. De ministris ecclesiæ pulsus Augusta, libro superio-  
 ri diximus: erant ergò pleraque templa deserta, non absque magna ci-  
 uium offensione, qui senatum eius rei putabant authorem fuisse Cæ-  
 sari. Cùm ergò metus esset, ne quando prorumperet hic æstus, tan-  
 dem, ubi diu multumq; perquisiissent, inuentus est Caspar Huberi-  
 nus, qui doctrinæ formulam, à Cæsare præscriptam profiteretur. hu-  
 ius extant aliquot de religione libelli, ualde quidem probati semper,  
 & à Luthero etiam commendati: cur autem mutata uoluntate desle-  
 xerit, affirmare non possum. Is cùm uenisset Augustam, non quidem  
 statim coepit docere, quòd populi fremitum metueret sed ad natalem  
 Christi deinde fecit initium, obstupefcentibus multis, qui libros eius  
 antè legerant. Milites, tam illi, qui Magdeburgū oppugnant, quàm  
 qui defenderant, hyemabant per Turingiam & loca uicina, multumq;  
 damni dabant, præsertim ecclesiasticis, & in his quoq; Mogun-  
 tino, cuius fines ad ea loca pertingunt. Eo commoti Moguntinus, Tre-  
 uirensis, Colonienfis, & ille quidem, ob acceptum detrimentum, hi-  
 uerò

Cardina-  
 lis Dal-  
 mata do-  
 mi con-  
 fossus.

Caspar  
 Huberi-  
 nus apo-  
 stata.

uerò quòd eum casum ad se quoq; recidere posse uidebant, statuerunt  
 redire domum, missis ad Cæsarem ea de re literis & internuncijs. Cæ  
 sar autem, qui magnopere uellet continuari concilium, Ianuarij die  
 tertio respondens, uestræ, inquit, literæ, scriptæ uigesimo primo die  
 Decembris, redditæ mihi sunt: & quia Francisco Toletano mandaue-  
 ram, ut ijs de rebus, quas ad me perscribitis, uobiscum ageret, deinde,  
 quòd Atrebatensis episcopus uestro hic procuratori quædam eius ge-  
 neris meo nomine explicasset, satis factū uobis esse putabam: sed quo-  
 niam te Moguntine, audio, teque, Treuerice, propter excitatum ru-  
 morem minus iucundum, constituisse redire domum, scripto uos com-  
 monendos esse duxi, ne per omnia fidem habeatis ijs, quæ fortè nun-  
 ciantur. Nam etsi de nouis & occultis consilijs per Hestiam, rumor  
 iam aliquandiu fuit, quasi uerendum sit, ne quis ibi fiat militum con-  
 cursus, tamen ad me defertur, si quid sit, paucorum hunc esse cona-  
 tum, quem maior etiam pars improbet: quò magis credendum est, fo-  
 re, ut illi ipsi sint memores nō iurisiurandi solū atque fidei, qua sunt  
 mihi deuincti, uerum etiam officij, quod tum mihi tum reipublicæ de-  
 bent, neq; rebus incertis confisi, tantum in se periculum recipiant. Ad  
 hæc, missis internuncijs ad finitimos omneis principes, ordines atque  
 ciuitates, diligenter inuestigauī, quid rei sit, & quid singuli molian-  
 tur: sed officiosos omneis et obsequentes reperi. nam sanè causam nul-  
 lam offensionis cuiquam dedi. De Mauricio quidem multa fuit etiam  
 fama nunc aliquandiu, quæ fortassis originem inde habet, quòd ea-  
 rum copiarum, quæ post deditionem Magdeburgicam collectæ, da-  
 mnū alicubi dederunt, dux ipse fuerit antea: sed ille, missis ad me li-  
 teris nō ita pridem, & legatis etiam, omne studium pollicetur: & hoc  
 ipso tempore, duo quidam eius legati cras hinc Tridentum ibunt, con-  
 cilij causa. nunciauit præterea, se grauib; & necessarijs quibusdam  
 de rebus ad me uenturum, & certis indicijs cognoui, fore, ut hodie uel  
 cras ad summū Magdeburgo profectus, iter suscipiat: deniq; tam pro-  
 lixè & amplè de suis officijs mihi pollicetur, ut nihil ab eo, nisi præ-  
 clarū expectare debeam, si modò fides ulla superest adhuc in rebus hu-  
 manis. Et quum genere sit atq; origine Germanus, adduci nō possum,  
 ut tam sinistra eum agitare consilia credam. Ad copias autē illas quod  
 attinet, delatæ mihi sunt quidem multorum querimoniae, ac solliciti-  
 sunt



sunt ordines quidam, ne promotis castris maiorem illæ calamitatem 1 5 5 1  
faciant. sed postea quàm intellexi, propter non soluta stipendia, con-  
cursum atq; uim ab illis fieri, missis legatis atq; præfectis mandauī, da-  
rent operam, ut quocunque modo conflata pecunia, illis persolueretur:  
nec id modò, sed ad Mauriciū quoque datis literis, pro ea pecu-  
nia, quæ deberetur, fidem ei meam obstrinxi, modò miles dimittere-  
tur. & id quidem feci, non quòd tenerer, sed quia Germaniæ tranquil-  
litatem inprimis amo. Nunc igitur singulis ferè momentis expecto,  
dum id fiat, & planè futurum puto, ut sine cuiusquam detrimento de-  
lapsis illis, motus hic atq; turba sedetur. Si uerò, solutione facta, co-  
piæ nō dimittentur, tum faciliè intelligi poterit, aliud subesse consiliū:  
tunc etiam aliæ nobis erunt ineundæ rationes, de quibus & hoc tem-  
pore cogito. Iam, ad ceteros rumores quod attinet, qui crebri quidē,  
sed dubij tamen & penè contrarij ad me deferuntur, eos omnes ma-  
gna sui parte ab aduersarijs nostris fingi, & pro ipsorum antiqua con-  
suetudine atq; leuitate disseminari puto, concilij & pacis Germaniæ  
turbandæ causa: sed beneficio Dei futurum esse confido, ut hæc clan-  
destina consilia tandem & patefiant, & eum habeant, quem meren-  
tur, exitum. Etenim, post deditum Magdeburgum pacata sunt omnia  
per Germaniam, & ita beneuolè sese gerunt ac obsequenter erga me  
principes omnes ac ordines, ut planè nō reperiā, quæ possit aut de-  
beat ullius noui motus excogitari uel obduci causa. Non sum equidem  
ignarus, uigilandum, & hoc præsertim tempore, atque in his exterarum  
gentium motibus, nullam esse, uel minimi periculi suspicionem,  
negligendam: deinde, non sum ita uel incogitans uel indiligens, ut au-  
re surda prætermittam ea quæ deferuntur. nam omnibus penè locis  
habeo, qui de singulis rebus inquirent, in eoque nulli neque sumptui  
neque labori parco: ueruntamen, ut ad leuem quanque auditionem de  
summa rei statim decernatur, intelligitis ipsi pro uestra prudentia,  
quàm id non sit consultum. Ut autem concilium deferatis, nisi maxi-  
ma quæpiam urgeat necessitas, minimè omnium commitendum esse  
uidetur. Cum enim in uestra præsentia permagnum sit positum mo-  
mentum, metus est, ne uestra discessione non modò dissipetur conci-  
lium, sed ipsa quoq; religio prorsus intereat, in qua nimirum & com-  
munis hominū salus, & uestra priuatim est omnis collocata fortuna.

Quod

1552 Quod cum ita sit, abs te Moguntine atque etiam Treuerice, maiorem  
 in modum peto, ut mutato consilio nondum suscipiatis iter: te uero,  
 Colonienſis archiepiſcope, qui profectionem non ſic urges, ut in eo  
 permanear, etiam atq; etiam moneo: communiter autem uos adhor=  
 tor omnes, ut qui præcipuum inter ordines Imperij locum obtinetis,  
 ope conſilioq; iuuētis alter alterum, & fraternum inuicem amorem  
 atque beneuolentiam præſtetis. Interim ego pro republica diligenter  
 excubabo, & quantum ingenio poſſum atq; facultatibus, conabor,  
 quod erit fortè natum incendium, tempeſtiuè reſtinguere, ut ciuilibus  
 malis oppreſſis, & auctis uiribus, externum bellum eò facilius deſen=  
 di poſſit, utq; uobis liceat, finibus ueſtris pacatis, & recuperata tran=  
 quillitate, rei publicæ Chriſtianæ negocijs omnino uacare. Nihilo ſe=  
 cius tamen author uobis eſſe uelim, ut, quos domi reliquiſtis, conſi=  
 liarij atque præſecti, rebus omnibus provideant, ne quid præter expe=  
 ctationem accidat, utque cum finitimis, de quorum fide non dubita=  
 bunt, conſilia conſerant. In eo, ſi quid etiam ego uobis commodare  
 poſſim, libenter faciam: ut ſi quis fortè motus erit, quod minimè ta=  
 men arbitror, tantò ſitis in omnem caſum paratiores. Et quia non ita  
 longum eſt inter nos interuallum, erit pergratum, ſi, quibus de rebus  
 ad uos in poſterum deferetur, eas res mihi perſcripſeritis. idem ego ſa=  
 ciam, & quicquid ad uos atque rem publicam pertinere putabo, uo=  
 bis impertiar, et, quod ſæpe ſum aliàs pollicitus, omnem tutelam atq;  
 patrocinium præſtabo. Paucis antè diebus, Tridentum redierat Mon=  
 forto: adeunt igitur eum Vuirtembergici, & quemadmodum per car=  
 dinalem atque Toletanum nihil adhuc effecerint, demonſtrant: &  
 quoniam ipſe cum collegis uicem ibi Cæſaris gerat, ſui principis po=  
 ſtulata petunt audiri. Cum autem ne tunc quidem ſatis commodè re=  
 ſponderetur, illi re propè deſperata, domum cogitabāt. quod quidem  
 princeps nuper iuſſerat, ſi fortè longius ducerentur. Argentinenſis  
 quoque Monſorto ſuæ legationis cauſam expoſuit, ut antea Piſtauio,  
 atque is etiam diplomatis exemplum ſibi ſumpſit. Iam autem deſie=  
 rant theologorum diſputationes, & conueniebant quotidie patres,  
 ut perueſtigatis omnium ſententijs, decreta conſicerent, ſicut antè do=  
 cuimus. Et nationis quidem Germanicæ tres ad eam rem delecti fue=  
 runt, Colonienſis, Viennenſis, Numburgicus. is eſt Iulius Pflugius.

Dumq;

Vuirtem  
 bergico-  
 rû actio  
 cū Mon-  
 forto.



Dùmque his illi rebus occupantur, & ad futurum confessum omnia 1 5 5 2  
 comparant, septimo Ianuarij die ueniunt eò legati Mauriciani, de qui  
 bus paulò antè Cæsar perscripserat, Vuolsius Colerus, Leonardus Ba  
 dehornus, iureconsultus. Eorum aduentu recreati fuerunt ij, quos di-  
 ximus, episcopi, et Cæsaris oratores inprimis, quòd iam de Mauricio, Mauri-  
cij legati  
ad Con-  
cilium.  
 qui pacis consilia sequeretur, nihil amplius dubitandum crederent.  
 Tertio die post, quàm uenerunt, apud Cæsaris oratores mandata sua  
 proponunt. initio commemorant, quemadmodum theologis uenturis  
 non satis idoneè cautum sit à concilio, & hanc esse causam, cur prin-  
 ceps neminem miserit: optimè quidem ipsum erga rempublicam affi-  
 ci, & cupere uehementer aliquam iniri concordie rationem: itaq; de-  
 creuisse omninò mittere de suis, uiros bonos & pacis amantes, neque  
 dubitare, quin alij pleriq; sint idem facturi: uerùm, ut id fiat, hæc i-  
 psius esse postulata primum, ut ad formulã decreti Basiliensis cauea-  
 tur ijs, qui sint uenturi, sicut Bohemis cautum sit olim: ut ab actione  
 cessetur interea dum illi ueniant: ut, cùm uenerint, antea cta omnia re-  
 tractentur, & dies confessui designatus prorogetur: ut concilium ha-  
 beatur, in quo nationes omnes atq; populi conueniant: ut ne præsidis  
 authoritatẽ sibi sumat pontifex, uerùm concilio se submittat, & ius-  
 iurandum episcopis omnibus remittat, quò liberæ sint omnium in con-  
 cilio uoces, & minimè præpedita iudicia: hæc etiam se, cùm uisum fue-  
 rit, in cœtu patrum uelle copiosius explicare, ac petere, ut primo quo-  
 que tempore aliquid conficiatur: iam enim esse in uia, & ad quadra-  
 ginta circiter milliaria processisse theologos, et expectare modò, dum  
 uocentur. fuit hoc Ianuarij die decimo. Illi, & de ipsorum aduentu le-  
 tari plurimùm, et ad patres omnia se relatueros dicebant. Cæsari quo-  
 que rem totam nunciabant, qui demulcendi causa Mauricij, patribus  
 author fuit atq; suasor, ut ad eius postulata leniter & amicè responde-  
 rent: Vuirtembergicus etiã princeps, cùm antea certi nihil accepisset,  
 ubi Mauricium eò misisse cognouit, mandabat suis, ut ad proximam  
 usq; confessum permanerent, in eoq; scriptum exhiberent, simul aliud  
 quoddam scriptũ, sed breue tamen, mittebat, eius propè sententiæ, cu-  
 ius erat postulatu Mauricianum, ut infra recitabimus: hoc etiam unà  
 cum doctrinæ confessione pariter exhiberi uolebat. Argentiniensis erat  
 iussus expectare, donec aut Mauriciani uenirent, aut nò esse uenturos,

1552 planè constaret. Cum ergo uenissent, suæ legationis causam commu-  
nicat, & quis esset rerum status, demonstrat, & ab ipsis inuicem, quid  
haberent mandati, cognoscit. Idem faciunt Vuirtembergici, & com-  
munis erat omnium actio: quam tamen illi, quòd serò uenissent, cum-  
primis urgebant, ideoq; tres archiepiscopos electores & cardinales  
Tridentinum, Mauricio ualde familiarem, & Caesaris oratores dili-  
genter orabant, uti reipublicæ causa et beneuolos in eo sese præberet,  
& reliquis etiam patribus persuaderent. Nam ex legatis nemo Crescē-  
tium aut eius adiit collegas, ne quid eis tribuere uiderentur: sed, quo-  
niam ut Cesari mos gereretur, & Imperij decreto satisfaceret, missi fue-  
rant, idcirco ipsius oratoribus, qui summus esset ac præcipuus magis-  
tratus, ut intercessoribus, utebantur. Et hoc quidem tempore nuncius  
adferebatur, paucis à diebus ad Cesarem esse uenturum Mauricium:

Proter-  
etor An-  
glie secu-  
ri percus-  
sus.

Cesaria-  
norū le-  
gatorum  
cū Mau-  
riciis  
actio.

quo magis omnium erat erecta spes ac propensa uoluntas. Is, quem su-  
prà diximus, Angliæ regis auunculus, hoc mense, Londini fuit securi  
percussus, & cum eo quidam familiares. quin hoc Northumbriæ du-  
cis impulsu fieret, nemo dubitabat. qui erant prudentiores, iam tunc  
incipiebant metuere optimo regi, quem, sublati propinquis, pericu-  
lo magis expositum & insidijs esse uidebant. nam extincto Somerse-  
to, Northumbrius nouos regi dabat cubicularios, & in his quidē suos  
liberos atque propinquos. Cum iam futuri confessus immineret dies,  
Caesaris oratores, uocatis ad se Mauricij legatis, exponunt, quid in i-  
psorum causa cum patribus egerint: impetrasse qualem optarint, si-  
dei publicæ cautionem: intermitti quoq; actionem, & extractum iri,  
dum illi ueniant & adesse possint: quòd non omnes eò nationes atq;  
populi conueniant, id à patribus non posse præstari: concilium esse  
legitimè indictum: etiā si non omnes ueniant, nihilo tamen minus  
dignitatem ei suam constare: ut decreta facta retractentur, considerent  
ipsi, quàm id non deceat: pertinere enim ad dedecus et infamiam tanti  
conuentus: ueniant modò theologi: fore, ut & de rebus omnibus audi-  
antur, et humanissimè tractentur: si quid autem offendat aut iniquius  
fiat, si prægrauari sese uideant, habere ipsos liberam discedendi, cum  
uolent, facultatem: petere sese maiorem in modum, ut temporibus ali-  
quid tribuāt, nec omnia sibi uelint hoc uno momento cōcedi: cū ad  
actionem uentum fuerit, tunc pleraq; posse per occasionem obtineri,

quæ



quæ nunc duriora uideantur: patres admodum esse cupidos emendationis, neq; defuturos etiam officio, et admodum expetere theologorū aduentum, quibus omnem beneuolentiam atq; fidem sint præsituri, & habere quæ proponant, magni quidem momenti, & cupere ab illis initium fieri, quò per hanc occasionem & ipsi prodeant: quòd etiam de submissione pontificis petant, orare, ut sint in eo remissiorest: uidere ac intelligere patres, non esse nihil, quod in eo fastigio & reprehendi possit & corrigi debeat: sed tamen subtili quadam ratione progrediendum: Cæsaris hanc esse mentem ac uoluntatem, ut omnia ritè fiant atq; legitime: quàm molliter autem quànq; dissimulanter cum pontificijs legatis agendum sit, experiri sese quotidie: nimirum dexterritatem in eo singularem adhibendam, et arte tractandos: acquiescant igitur ijs, quæ modò concedantur, quæ senè magno suo labore sint inpetrata, dentq; operam, ut theologi accelerent: se tum publico tum priuato nomine nihil prætermitturos officij. simul tradunt eis, cum hucusq; peruentum erat, cautionis publicæ formulam: iubent legi, posse atq; remitti. fuit hoc Ianuarij die uigesimo secundo, manè. Cumq; sic illos dimitterent, eodem propè uestigio Vuirtembergicos euocant, & primò quidem de superiori tempore excusant, propter grauissimas patrum occupationes: iam uerò si quid habeant, suam eis operam esse paratam. Illi, iam pridem habere se, quæ proponant, & cupere quàm primum admitti, dicebant. ijs dimissis, Argentinensem accersunt, & in eandem ferè sententiam agunt. Is, quamobrem esset missus, breuiter explicabat, propter Toletanum, cui nondum erat locutus: in præsentia quidem nihil habere se quod proponat amplius, & à suis expectare literas. nam statim atq; Mauriciani uenissent, cuiusmodi ipsorum esset mandatum, rescribere, & quid præterea senatus fieri uellet, iussus erat expectare, sed interim orabat, quibus de rebus ad ipsos retulissent Mauriciani, in ijs ita sese gerant, ut statim ad actionem publicam deueniatur. Illi, cum Mauricianis, cumq; Vuirtembergicis tractare se quædam dicebant: ubi quid perfectum fuerit, comunicaturos ut suis denunciaret: se quidem uehementer optare concordiam. Cæsaris etiam cogitationes omneis atque studium eò referri: cupere admodum, ut instituaturs actio, neq; dubitare, quin honestissimo conatui sit adfuturus Deus. His ita confectis, Mauriciani simul & Vuirtembergici et

1552 Argentinenſis, communicato conſilio, eius, quam acceperant, cautionis formulam ſimul expendunt. Et quia Baſilienſis decreti ſingula capita iam antè deſcripſerant, ut eſſent in cōſpectu, ea præſertim, in quibus momēta rerum poſita ſunt, non erat eis difficile, quibus locis hoc ab illo diſideret, mox animaduertere. cū ergo percurriſſent, ilicō deprehendunt præcipua loca partim eſſe mutata, partim omiſſa. Nam

Baſilienſis cautionis formula. in ea quæ Bohemis olim data fuit, cautione, hæc in ſunt inter alia. ut de cidendi quoq; facultatem habeant: ut ſacra ſcriptura, & ueteris eccleſiæ praxis, & concilia, et interpretes, cum ſcriptura ſacra conſentientes, in omni controuerſia ſint loco iudicis: ut ipsis domi liceat ſua ſacra perficere: ne quid in ipſorum doctrinæ contemptum aut uituperationem fiat. Ex ijs primum, tertium atq; poſtremum erant omiſſa: quod ſecundo loco eſt, & præcipuum quidem, planè fuit mutatū. His animaduertiſis, nouam ipſi formulam conſcribunt, Baſilienſis decreti ueſtigia ſecuti: ſed interea chartam ſemel & iterum Toletanus per ſacrum repetebat, ueritus, ut quidem apparebat, paulò maiorem diligentiam, illi uerò nihilo ſecius pergunt, & re demum perfectâ, Mauriciam ad Toletanū redeunt, & collatione factâ, quid in eo deſiderent, oſtendunt. Ibi tum ille cœpit moleſtè ferre & ſtomachari: cur enim eo non ſint contenti, quod ſumma ipſorū diligentia ſit magnoq; labore conſectum: ijs qui uenturi ſint, abundè proſpectum eſſe in omnē partem: hoc enim eſſe primū, in quo tutus utus atq; reditus cōtineatur: cætera nihil eò conferre, ſed ad agendi modū pertinere tantum: id autem præſentibus theologis multò melius, quàm nunc, poſſe conſtitui. Reſpondent illi, nō ſibi licere fines excedere mandati, quod ſit eiufmodi, ne diuerſam à Baſilienſi formulam accipiant. Biduo poſt patres in domino legati pontificij, manè conueniūt omnes, unaq; Cæſaris oratores. hi Vuirtembergicos eò uocant, quod ſe facturos pridie dixerant. Introducti iubentur exponere mandata: cūq; ſuæ legationis fidē, exhibitō diplomate feciſſent, præfati quædam, doctrinæ conſeſſionē deſcriptam in mediū proferunt, & ſcribæ cōcilij tradunt, uti fieri ſolet: uenturos etiam à ſuo principe theologos dicebant, qui copioſius omnia tractent, uerū his cōditionibus. primum, ut de partis utriuſq; uoluntate iudices idonei deligantur, qui theologorū actionem audiant, deq; rebus controuerſis legitimè cognoscant. cū enim ſuorum theologorum



rum doctrinæ maximam partem pugnare princeps intelligat cum doctrina Romani pontificis et episcoporum, qui sint omnes pontifici multis modis deuincti, periniquum ei uideri, contraque ius, eos, qui uel actio uel rei personam sustinent, iudicandi potestatem sibi uendicare: deinde, in conuentibus Augustæ sic esse decretum, ut continetur concilium, et omnia pie recteque fiant: hoc autem ita semper accepisse principem, quæ superioribus annis facta sint in concilio, non debere uim legis obtinere, sed inde ab initio repetenda esse omnia: cuius enim hoc esset iuris aut ordinis, cum duo litigant, quod altero, legitima de causa nimirum absente, decretum sit, hoc uelle firmum ac sacrosanctum esse: præterea, cum non solum in superiori, uerum etiam in hoc ipso concilio multa sint facta decreta, sacris literis contraria, multi etiam ueteres confirmati errores, quem admodum demonstrari possit, petere principem, ne qua sit eorum authoritas, utque legitimæ cognitioni omnia deferantur. Ea ipsa capita, scripto comprehensa, cum doctrinæ confessione simul exhibebant. His ita peractis, respondetur, suo tempore, patres, quid sentiant, demonstraturos, atque ita illi dimittuntur. Eodem die sub uespere uocati sunt ab ijs eundem in locum, Mauriciani. cum uenissent, oratione proluxa sui principis postulata recensent, in eundem modum, ut nuper ad Cæsaris oratores: nisi quod exitus erat neruosior. ubi hoc etiam dicebatur, eum, qui uulgo sit in pontificiorum templis, cultum et agendi modum, non esse ueram religionem, sed fucum et umbram religionis. Facto dicendi fine, hanc ipsam orationem, literis consignatam, ei, quem supra dixi, scribere permittunt. responsum fuit ijsdem uerbis, ut antea Vuirtembergicis. Inter alia uehementer eos urebat, quod ipsorum religio tam uili et despecto nomine circumscriberetur. id postea cognitum est. Constituerant legati publico in confesso mandata sua proferre: hoc autem ne fieret, ut omnino futurum illi sciebant, priuatim fuerunt auditi. nam aut hoc erat necessario faciundum, aut publicæ totius actioni permittendum. Doctrinæ confessionem, à Melanchthone conscriptam, ut antè docuimus, attulerant illi quidem, sed cum eius rei mandatum nullum haberent, qua nescio de causa, non exhibuerunt. Postridie, qui fuit Ianuarii uigesimus quintus dies, fit confessus publicus, et ex, quam diximus, pompa, legatus pontificius in templum deducitur. Auctor tunc erat numerus militum, et hominum etiam turba frequens

Confessus  
Tridentini.

552 *tior ex diuersis locis, quòd ualde celebrem eius diei futuram putabant  
 actionem. Finitis omnibus ceremonijs atq; sacris, de suggestu recitatũ  
 fuit, protestantium causa rem omnẽ differri, ad xix. usq; diem Martij,  
 quem quidem ante diem tempestiuẽ sint adfuturi, quò sua proponant:  
 amanter hoc eis cõcedi, & confidere synodum, fore, ut non fidei catho-  
 licæ pertinaciter oppugnandæ, sed ueritatis cognoscendæ studio ueni-  
 ant, et ecclesiæ decretis atq; disciplinæ demũ acquiescant atq; pareãt:  
 ampliori quoq; formula cautum esse illis, ne quid omnino desiderari  
 possit: adhæc, in proximo confesso, de matrimonij sacramento tractan-  
 dum esse. Tertio post die, cùm nihil prodiret, Mauriciani atq; socij pe-  
 tebant à Toletano, quicum fortè prandebant, eius, quæ fuisset pronun-  
 ciata, cautionis exemplũ: benignè quidem ille, sed cùm alterũ iam tri-  
 duum exisset, Argentinensis, reliquorum hortatu Pictauiũ adit: que-  
 ritur hunc sextam esse diem, quo nihil accipiant: longiorem prius in-  
 teruenisse moram, quòd non satis idoneè cautiũ esset, nunc denuò tem-  
 pus extrahi: theologos autẽ non antè uenturos esse, quàm ipsorum ma-  
 gistratui de cautione satisfactum sit. Ille, nulla sua culpa fieri dicebat,  
 & mirari, quid Toletanus ita cunctetur, qui principem inter ipsos lo-  
 cum obtineat: se iam iturum ad borainem, neq; dubitare, quin eo die  
 res conficiatur: quod ex eo cognouerit, renunciaturum. & simul e-  
 gressus, illũ adit. fuit hoc Ianuarij die penultima. Horis aliquot post,  
 legati omnes iubẽtur in ædes Toletani uenire: aderat etiã Monfortus.  
 incipit Pictauius: & primò quidem interpositam moram excusat, de  
 ipsorum deinde studio, deq; Cæsaris præclara uolũtate multa locutus,  
 monet, ut primo quoq; tẽpore theologi ueniant. quod quidem omni-  
 nò futurũ putent, accepta cautione. Cũq; hæc diceret, consurgit To-  
 letanus, & cautionis exemplũ, à scribis concilij subnotatum, singulis  
 tradit. Illi secedunt, perlegunt, & quæ prius ante confessum emenda-  
 uerãt loca, deprehendunt non esse mutata: redeunt igitur ad illos, deq;  
 eo queruntur, & quid in singulis requirant. ostendunt. Mauriciani e-  
 tiam, quid patres ad ipsorum postulata respondeant, scire cupiunt. idẽ  
 Vuirtembergici faciunt. Incipit denuò Pictauius, & ad cautionem  
 quod attinet, respondet. quòd decidendi facultatem suis concedi postu-  
 lent, præmatuře ab ipsis fieri: presentibus theologis, & in opere ipsa,  
 multa fortè per occasionem posse tribui, quæ iam recusentur: quòd sa-  
 cram*

Protestan-  
 tiũ lega-  
 torum a-  
 ctio cum  
 Cæsaria-  
 nis.



eram scripturam solam uelint esse iudicem omnis controuersie nemi-  
nem quidem repugnare. sed cum de scripturae interpretatione lis ori-  
tur, cui potius credendum sit quam concilio? scripturam esse rem inani-  
mem atq; mutā sicut etiam sint reliquæ leges politicæ: iudicis autem  
accommodandam ei uocem, ut rectè percipiatur: eam sanè cōcilij esse  
uocem, & hunc morem inde ab apostolorum ætate semper obseruatū,  
rebus dubijs exortis: quod domi sua uelint tractare sacra, non quidem  
ipsis palam concedi, sed tamen etiam non prohiberi: ne quid in ipsorū  
religionem atq; doctrinam proteruius fiat, nō esse quod uereantur, et  
seuerè prohibitū iri: nam & Cæsarem ita uelle, et patres etiam uerbo-  
rum immodestiam omnem odisse: cunq; pacis causa conueniatur, nulli  
fore suam impunitam proteruiam et intemperantiam. Ad ipsorum po-  
stulata eodem ferè modo respondent, ut nuper ante confessum, sicut su-  
prà diximus. actionem uidelicet ipsorum gratia intermitteri, et in aliud  
tempus produci: ut autem decreta facta repetantur, orare, ne uelint  
hanc tantam maculā inurere tot uiris præstantibus: fidem se interpo-  
nere suam et respondere, cum illi uenerint, de rebus omnibus auditum  
iri: quod pontificem in ordinem cogi, & iusurandum remitti uelint,  
quoniam hoc ad ipsam propriè pertineat, nihil à patribus decerni pos-  
se prius, quàm ad illam referatur: de Vuirtembergicis postulatis, quo-  
niam sint eiusdem propè generis, eandē quoq; patrū esse sententiam:  
obsecrare igitur, ne tantulis rebus impediri patiantur atq; tolli tā op-  
tata rei sanctissimæ gerendæ occasione, cuius haud dubiè fructū Eu-  
ropæ sint omnes perceptura prouinciæ, sed dent operam, & suis om-  
nino persuadeant, quò theologi quamprimum ueniant: non posse ma-  
ius in hoc tempore beneficium ipsos reipublicæ præstare. Multis inui-  
cem commutatis uerbis, cum hoc legati potissimum urgerent, eos, qui  
litis alteram partem sustinent, de re controuersa uelle iudicare, perin-  
quum esse, tandem ita discedunt, cautionis exemplum non alia se lege  
suscipere, quàm ut ad magistratum quisq; suum mittant, quod magna  
celeritate sint ilico facturi, neq; se defuturos negotio, quantum qui-  
dem ipsi possint, neq; de illorum etiam aduentu desperare. Mauricia-  
ni formulam è uestigio mittunt & principi & theologis, quos tum Au-  
gustam peruenisse putabant: idem facit Argentinenfis: Vuirtember-  
gici suum exemplar ipsi deferunt, domum profecti calendis Februariæ.

1552 rij, permissu principis, qui non multò post, alios summisit, ut infra dicemus. Paulo ante hoc tēpus, Noribergam à Mauricio uenerant theologi, & in his Melanchthon, iussi expectare, dum fidei publicæ formulam Tridento mitteret legati: paucis uerò post diebus, quàm eò uenisset, iubentur, ne allata quidem formula progredi, uerum expectare, quid princeps egerit cum Cæsare, ad quem iturus dicebatur. Promulgatis in confesso decretis, themata solent tradi theologis, futuræ disputationis, ut suprà docuimus: uerum à proximo confesso planè fuit cessatum, cuius quidem rei non una ferebatur causa. Peruulgatum tamen fuit, protestantium causa fieri. nam initio Februarij, cum ex Mauricianis legatis alter, & Argentinensis, in uicinā Italiam atq; Venetias essent expatiati per ociū, alter interea, qui prius Italiā uiderat, per Cæsaris oratores egit, quoniā breui uenturos putaret theologos, qui iam Vindelicorum Augustam, opinione quidem sua, uenissent, ut eousque differretur omnis actio, & tantulā moram patres leniter ferrent. Erat cum archiepiscopo Treuirensi theologus Dominicanus, Ambrosius Pelargus, is die quodam festo, qui tum erat septimus Februarij dies, euangelij locum illū explicans, qui est de xizania tritico permixta, tollendam esse xizaniā dicebat inter alia, quocunq; modo, si tamē absq; tritici detrimento fieri possit, accommodans orationem omnē ad hæreticos, qui xizanie uerbo notarentur. Ad Mauricianum uerò delatū fuit, acerbè illum in hæreticos inuectum, hoc etiam dixisse, nō esse fidem illis seruandam, quæ fortè data sit. Hic ergò cum diligentius inquisisset, cardinalem Tridentinum, qui erat ibi cum imperio, & Cæsaris oratores adit, deq; eo, quod audisset, queritur. Euocatus ille, de hæreticis locutum se quidem in genere profitetur, eosq; tollēdos igni, ferro, laqueo, & quacunq; demum ratione, si quidem absq; maiori aliquo dispendio fieri possit atq; tumultu: de fide autem eis non seruanda, nullum fecisse uerbum, & si fecisset, capitis incurrisse pœnam, ob uiolatum concilij decretum. Posthæc, Mauricianum uocant, & illius recitata purgatione, iubent à patribus nihil nisi fidē atq; candorē expectari: si quid etiā leuius effutiat, quod tamen grauitè sit interdictum, non oportere eo cōmoueri. Num ei facta sit iniuria, nihil habeo comperti: nam ex auditoribus quidā interrogati, non idem dicebant. His ferè diebus licetæ fuerūt allatæ Mauricij, datæ ultima Ianuarij die.

Ambrosius Pelargus.



ijs literis nunciabat suis legatis, ut ea quæ nondum à patribus impe-  
 trassent, urgerent: se iam in hoc esse totum, ut propediem ad Cæsarem  
 contendat: tunc inter alia de his quoq; rebus cum illo coràm esse actum  
 fore etiam, ut unà cum suis, aliquot præterea principum et ciui-  
 tatum legati atq; theologi ueniant: in his nominabat Pomeraniæ du-  
 ces patriueles. Earum literarum exemplum, alter legatus, quoniam à  
 profectioe nondum redierat collega, Brixnam mittit ad cardinalem  
 Tridentinum, qui nuper eò se receperat. nam is, quod & Cæsaris esset  
 obseruantissimus, & Mauricium quoq; plurimum ob uitæ consuetu-  
 dinem diligeret, & concilij progressum imprimis optaret, disidiū hoc  
 gliscens, de quo multus erat sermo, grauiter ferebat. eaq; fuerat legato  
 causa mittendi literas, quibus ipsum recreari sciebat. Et ille quidem,  
 ijs acceptis literis, cum antea dubitaret, nūc demum respirare se, ac be-  
 ne incipere sperare, & ubi primum Oenipontem Mauricius uenerit,  
 eò se quamprimum, aut etiam multò longinquius ad ipsum esse pro-  
 fecturum, legato rescripsit. Nam pro ea, quæ esset inter ipsos, amicitia  
 & necessitudine, pacis consilia persuadere se illi posse credebat. Erant  
 autem literæ Mauricij manu subscriptæ, ijsq; coniunctum erat etiam  
 mandati diploma, quod exhiberent, si res ita ferret. nam id antea ne-  
 glectum fuerat. Non multò post, ad xvi Februarij diem, Tremirensis,  
 reficiendi sui causa, Tridento discedit, domum uersus. quod ei Cæsa-  
 rem ita permisisse ferebant, uti quamprimum per ualitudinē posset,  
 eò rediret: Pelargū tamen reliquit, ut actionibus interesset: abeuntem  
 Moguntinus & Coloniensis per unum & alterum milliare deduce-  
 bant. deflexit autem ad leuam, neq; per Oenipontem, ubi Cæsar erat,  
 iter fecit. Paulò post, pleriq; coeperunt mussare, concilium iri proro-  
 gatum, & Mauricium, factò cum Galliæ rege foedere, bellum in Cæsa-  
 rem parare. Subobscurus quidem erat hic rumor initio, sed inuale-  
 bat indies, ac silentio missus fuit ad Cæsarē Tridento, qui de ipsius uo-  
 luntate cognosceret. post etiam à Cæsare quidam huius rei causa ue-  
 nit eò: sed tegebantur omnia singulari studio. Altera die Martij, qui  
 tum erat cinerum dies, ut uulgò dicunt, legatus pontificius, ad ualuas  
 templorum affixis chartis, peccatorum remissionē, indulgentias ipsi  
 uocant, largiitur omnibus in uniuersum, præsertim episcopis, oratori-  
 bus, theologis, qui uel confessi peccata, uel statuto tempore confessuri,

1-5-52  
 Mauri-  
 cij literæ  
 ad lega-  
 tos suos.

Belli ru-  
 mor in  
 Cæsare.

Indulgen-  
 tiarum  
 promul-  
 gatio per  
 legatum  
 pontifi-  
 cis.

552 certa templa Tridenti, præscriptis diebus adirent, & recitata quin-  
 quies precatione dominica, & salutatione, quam uocant, angelica, re-  
 liquisq; precibus effusis, pro concordia principū, pro consensu eccle-  
 siæ, & sælici concilij progressu Deum orarent: hoc tantum beneficiū  
 à Iulio tertio pontifice, qui de salute sit animarum sollicitus, conferri.  
 ut non minus Tridenti, quàm Romæ liceat illud consequi. frequentes  
 ergo quotidie ad templa discurrunt episcopi & ceteri, præcipuè Hi-  
 spani, dierum obseruato discrimine. nam aliquando plus, aliquando  
 minus temporis huic religioni dabant. In hoc tanto silentio, ut suprā  
 dictum est, Pictariis, per colloquium rogatus ab Argentinensi, de re-  
 rum statu, uanum esse rumorē illum de prorogando concilio, & Cæsa-  
 rem omnino uelle progressionē fieri dicebat, & actionem continuari:  
 quod etiam plusculis iam diebus nihil actum sit, ipsorum gratia fieri,  
 qui de theologorū aduentu spem fecissent. Erat hoc initio serē Martij  
 cum sub exitū Februarij theologos Noriberga reuocasset Mauricius,  
 qui sui ad Cæsarem aduēti excitata iam pridē fama, cum iter ingres-  
 sus aliquousq; processerat, domum reuertit, & delectum habere mi-  
 litum instituit, ut proximo libro dicemus. His rebus cognitis, cum cre-  
 bri superueniret alij post alios nuncij, neq; iam ulla resideret ampli-  
 us dubitatio, Moguntinus & Colonienſis, ad quem ex inferiori Germa-  
 nia multum erat nuper aduectum alimonie, magna celeritate compa-  
 ratis equis, undecima die Martij, prima luce discedunt, cum legatus  
 pontificius, reliquis comitatus episcopis Italis & Hispanis, pridie sa-  
 lutandi causa, sub uesterum ad ipsos uenisset. Hoc ipso die uenerunt à  
 Vuirtembergico principe, Tridentū, noui legati, Vuernerus Munchin-  
 gus, Hieronymus Gerardus, iureconsultus. hi postridie Cæsaris ora-  
 tores adeunt, & exhibito mandati diplomate, responderi sibi petunt  
 ad postulata sui principis, exhibita patribus xxij. die Ianuarij: theo-  
 gos quoq; paucis à diebus adfuturos dicunt, qui doctrinæ confessionē  
 nuper oblata confessui copiosius exponant. Mirum hoc illis uideba-  
 tur, quæ nescio de causa, nisi quod ex ipsis quidam ad iter habuisse o-  
 mnia parata, domumq; cogitasse dicebatur, cui tūc necessario manen-  
 dum fuit, non absq; fastidio. Responsum fuit, patribus rem esse cōmu-  
 nicandam, quod ab ijs acceperint, renunciaturos. Interea legati Mau-  
 riciani magnis erant in angustiis & sollicitudine. nam & callidè reu-  
 egisse,

Legati  
 Vuirtem-  
 bergici.

Mauri-  
 ciani le-



egisse, & sui principis consiliorū esse conscij. & omnia simulasse pu-  
 tabantur: cū interim ipsi, neq; scire se quicquam eorum quæ domi-  
 gerentur, nec ullis etiam literas adferri confirmarent, & qua uia do-  
 mum redirent absq; periculo, nescirent. Et quoniam augeri discrimen  
 interposita mora uidebant, xiiij die Martij, magno silentio, quum iam  
 dilucesceret, abeunt, & Brixnam celeriter profecti, Tridentinū cardi-  
 nalem, quid facto sit opus, consulūt. Tandē ex legatis alter, qui prius  
 quā Tridentū ueniret, diu cōmoratus fuerat Oeniponte, et sui prin-  
 cipis nomine, cū reliquis, apud Cæsare pro Lanigratio intercesserat,  
 accepta, nisi fallor, fide publica, uenit Oenipontem, & ad Cæsaris fa-  
 miliares sese purgat, neq; rerum belli consciū fuisse docet, ita quidē,  
 ut fidē eis faceret. inde domū contendit: alter uero per Carniā ingres-  
 sus iter, ad suos reuertit Moguntinus & Colonienfis, cū Oeniponti  
 iam appropinquarent, excepti honorificē fuerunt ab ijs, quos Cæsar  
 obuiam eis miserat. in his fuit Atrebatensis episcopus. Cū Cæsare de-  
 inde diu multumq; soli collocuti, prosequūtur iter. nam celeritatē res  
 postulabat. Sexto post die, quā Tridento Mauriciani discesserant,  
 uenerunt theologi, Vuirtembergici quatuor, in ijsq; Brentius, & Ar-  
 gentinenses duo. Monfortū ergo mox adeunt legati, & illos iam adse-  
 se dicunt nominatim, et orant, ut cum collegis det operam, quò patres  
 ad postulata respondeant, & ut inchoetur actio. Postridie, qui fuit  
 Martij dies xix & confessui publico designatus, ut suprā dictū est, pa-  
 tres in pontificij legati domo cōueniunt. Aderat Lusitaniæ regis ora-  
 tor, qui nuper eò uenerat: & cū suæ functionis fidē fecisset, more so-  
 lenni receptus est à patribus & admissus: postea confessus publicus in  
 calendas Maij dilatus fuit, nec aliud actū est: & hæc quidē omnia, pri-  
 uatim. Vuirtembergicus princeps, doctrinæ confessionē à suis exhibi-  
 tam, typis interim excudi iusserat, eiusq; legati, quos dixi, post etiam  
 theologi pauca quædam attulerant exemplaria, quæ nonnullis com-  
 municata, desiderabantur à multis. Legatus enim pontificius oblatū  
 publicē scriptū Ianuarij die xxiiij. ut suprā diximus, ad se receperat,  
 et uix paucis legendū promiserat. quod tū primū innotuit, ita quidē  
 ut iam, cū esset euulgatū, episcopi quidā Itali et Hispani ac theologi  
 studiosē requirerent, quanquā fortasse nō omnes eodē consilio. Lega-  
 tus autē Crescētius, id agrē ferens, Tridentinū quendā hominē doctū

Theolo-  
 gi Vuir-  
 tember-  
 gici ueni-  
 unt Tri-  
 dentum.

Ducis  
 Vuirtem-  
 bergici  
 confes-  
 sio.

proa

155 2 professione medicū increpabat, quòd id genus libellos disseminasset. Monfortus etiam ad Vuirtembergicos nihil dissimulans, ita ferè loquebatur, quasi contra fidei publicæ leges commissum esset: & quibus publicè de periculo cauereetur, eis etiam offensionem omnem fugiendam esse dicebat. Biduo post priuatam illam actionem in domo legati pontificij, Pictavius nunciat Argentinensi, de nocte, quum horis aliquot antea multus fuisset inter eos de inchoanda demum actione sermo, si quid per ipsum atq; collegas uellent proponi patribus, in eo se non defuturos, ac simul horam constituit. Itaq; postridie, qui fuit Martij dies xxij, legati Vuirtembergici & Argentinensis, in ædes Tolotani ueniunt. Vbi dicendi factū fuit initium à Pictauio, Vuirtembergici, quod à suo statim aduentu petiissent, idem nunc etiā flagitare se dicebant, nimirum, ut ad postulata iam pridem exhibita respōdeatur: eo facto, commodius ad reliqua posse fieri progressionem: cumq; multis inuicem cōmutatis uerbis facili appareret, si in eo permaneretur, actionem impediri totam: legati, sic ut erant iussi, commemorant. Et si quæ postularunt antea, non impetrent, tamen, ut constare possit atq; uideri, quantò pere sit cupidus pacis atq; concordie magistratus ipso-  
rū, deinde, ne causæ tractatio longius proferatur, item, ut Cæsari mos geratur, & Imperij decreto satisfiat, admittere se theologos ad actionem publicam & exhibere. sui magistratus nomine, uerum ea lege tamen, ut sui iuris nihil hoc ipso cōcedant, & omnia sibi suisq; salua uelint & integra, quæ legibus & moribus & conuentus Augustani decretis consentiant. Eam protestationis formulam ubi pronunciarunt, scripto cōprehensam illis tradunt, post diuertunt. ubi uocati redissent, illi factū collaudant, & agnoscere se dicunt, ipsos ad concordia omnino spectare: quod cum ita sit, proximam esse dicunt deliberationē de suscipiendæ tractationis modo: rogant, quæ sit ipsorū in eo sententia. Legati secedūt, & re deliberata, duas reperire se uias demonstrant. nimirum, ut aut theologi super omnibus doctrinæ decretis in cōcilio factis audiantur, aut, ut in medio ponatur exhibita patribus, & nunc etiam euulgata typis, doctrinæ confessio, eiusq; capita singula tractentur ordinæ: suos enim ideo uenisse theologos, ut doctrinam eo libello comprehensam copiosius explicent atq; demonstrent, et ijs qui uelint oppugnare, respondeant: hanc ipsis uideri maximè compendiosam rationem,



tionem, neq; scire cōmodiorem. Tunc etiam Argentinenſis, magiſtra-  
 tum ſuum legiſſe Vuirtembergicæ doctrinæ ſcriptum, & approbare,  
 & profiteri dicebat, & theologos eò miſiſſe, qui huic conſeſſioni ſeſe  
 coniungant. & unà cum Vuirtembergicis eam defendant: hoc ſui ma-  
 giſtratus & ſociorum nomine ſe ipsis referre, & iuſſum eſſe confirma-  
 re. Ad ea reſponſum fuit, quòd eouſq; progredierentur, & tam apertè  
 ac ſyncerè agerent, quòd etiam Argentinenſis reſpublica, & huic ad-  
 iunctæ ciuitates ei ſeſe doctrinæ coniungerent, letari ſeſe plurimùm,  
 & agere gratias, & renunciaturos quamprimùm Cæſari, neq; dubita-  
 re, quin cupidè ſit auditurus: ad theologicam uerò tractationem &  
 agendi modum ab ipsis demonſtratum quod attinet, breui relatu-  
 ros, quæ ſit patrum in eo ſententia. Interpoſitis aliquot diebus, cū illi ſi-  
 lerent, & episcopus Numburgicus abiret, reliqui etiam episcopi Ger-  
 mani, qui duo tantū ſupererant, ad iter comparare ſeſe dicerentur,  
 Legati Monfortum adeunt, ſi quid reſponſiſſent patres, audituri. Ille,  
 quod diceret, hoc ſolū habebat, nihil adhuc eſſe reſponſum à patri-  
 bus: & cū diſceſſus episcoporum mentio fieret, Numburgicum non  
 longius quàm ad Cæſarē proficiſci dicebat: nam è Saxonia quosdam  
 delectos eò uenturos, pacis cum Mauricio tractandæ cauſa: cumq; ſit  
 eiufdem ille religionis, & quidem ex præcipuis unus, rogatū, hoc il-  
 lis nō potuiſſe denegare: de cæteris non ſibi conſtare dicebat. Etenim  
 quia Cæſar concilij progreſſum ualde cupiebat, ipſi quoq; ſua dicta  
 omnia factaq; referebant eò, ne de ſumma rei deſperaretur. Altero die  
 qui fuit Martij dies uigeſimus ſeptimus, Argentinenſis adit Piſtauiū,  
 & ſuarum rerum conditionē ita ferre dicebat, ut domum ſibi redeun-  
 dum eſſet: eoq; ſcire cupiebat, de actione theologica quid ſibi renun-  
 ciandum ſit domi. Per hanc occaſionē ſit iterū ſermo de futura tra-  
 ctationis modo. & ille quidē, ut ad eam formam, ſicut nuper oſtendiſ-  
 ſent, procederetur, non poſſe commodè fieri dicebat: iam enim in ma-  
 nibus eſſe, quod proximè deſiniendum ſit, Miſſe negocium: hoc ſibi  
 uideri primò diſceptandum, poſt, ad reliqua omnia ueniendum eſſe:  
 uerū tamen hoc ita ſeſe loqui priuatim, non quòd collega præcepe-  
 rint. Argentinenſis contrā: quemadmodum ipſorum theologi inde à  
 primis fundamentis & ordine diſſeruiſſent, de creatione, de lapſu ho-  
 minis, de peccato quod uocant, originis, de iuſtificatione, de fide, de  
 operibus,

Argenti-  
 nenſis le-  
 gati a-  
 ctio cum  
 Piſtauiō

155 2 operibus, ac demum de sacramentis: ita quoque suis eundem esse permittendum ordinem: quo etiam die cautionem publicam dedissent ad exitum Ianuarij, pollicitos, fore, ut de rebus omnibus audiretur: in eo mandandum, nec inuertendam esse rerum naturam: nisi enim recte superiora definiantur, inutilem esse de postremis, quae pendeant à primis illis, omnem disceptationem. Cum autem inter ipsos de eo non conueniret, ad illud de prosecutione respondet, non hoc ei posse concedi: Caesarem enim mandasse, ne quem abire patiantur. post multum sermonem, cum ille diceret, non habere se quod agat amplius, quicquid etiam superesset, à theologis tractatum iri, qui eius rei mandatum haberent literis consignatum: iubet adire Monfortum, et mandati literas exhibere. postea nanter admodum dimittit, foelicem ad suos reditum precatus. Vbi diploma uidit Monfortus, uelle se quidem ait, res ipsius ita ferrent, ut diutius moretur: sed quia tempori parendum sit, non se repugnare: si mul amicè dimittit. Postridie, cum ad uiam ille iam esset paratus, ab oratoribus uocatur: incipit Pictavius. quanquam heri sit inter ipsos actum de prosecutione, tamen, re deliberata diligentius, et communiscatis consilijs, non se posse facultatem ei dare discedendi: iam enim eorum adductam, ut elapsi temporis fructus expectetur, et instituaturn actio: quod nisi tenuiori esset uoletudine legatus pontificius, hoc ipso die potuisse aliquid decerni: manendum igitur esse: quod si in hoc temporis articulo discedat, offensum iri patres, qui menses nunc aliquot eum adfuisse sciant: Caesaris etiam hoc esse mandatum, ne quis omnino recedat: si uero iussu magistratus aueat, faceret eius rei fidem, exhibitis literis, quibus reuocetur, ut ad Caesarem excusare possint. Tum ille, non mandatu senatus, uerum quod suae res ita ferrent, abire sese: causis etiam aliquot recitatis, nisi haec subessent, non se maturum inde pedem dicebat: quod et senatus auctoritas, qui se cuperent manere diutius, et ipsorum dignitas, qui hoc ab se contenderent, et ipsa etiam causa, quam amet, merito hoc ab se debeant impetrare: theologorum autem aduentu se iam posse multo commodius abesse, praesertim, cum hoc solum restet, ut ad actionem admittantur: adesse quoque theologis legatos Vuirtebergicos, qui nuper uenerint, et causam esse communem, ut nuper demonstratum sit: quod si serio res etiam agatur et constanter, posse fieri, ut sibi submittat senatus, cui iam proximè de suo discessu nunciaret.

Legatus  
 Argentini-  
 pensis re-  
 stinctur.



clarit. Ibi rursus ille, saltem eousq; maneat, donec inchoata sit actio, 1 s s q  
 quod propediem futurum sit: & si fortè legatus Crescentius non con-  
 ualescat, duros tamen operam, ut eius collegæ rem administrarent.  
 Quam excusando nihil & deprecando proficeretur, ad extremū ille  
 remedium decurrit, quod illousq; consultò reseruaret: & tum sibi tum  
 alijs omnibus Augustanæ confessioni coniunctis, cautione dicebat &  
 fide publica licere, quouis tempore illinc abire. Tunc demum Toleta-  
 nus, licere quidē inquit, neq; se repugnare etiam aut prohibere posse,  
 quò minus abeat: sed tamen, quid Cæsar mandarit, quid etiam ipsi fie-  
 ri uellent, non potuisse non explicare. sic ergò discedens, causam atq;  
 theologos eis cōmendat. Dissidebant tum inter se patres, nec eodē spe  
 stabant omnes. Hispani enim & Neapolitani & Siculi, & quicumq;  
 partium erant Cæsaris, maximè tamen Hispani, & cum his, oratores,  
 urgebant inprimis actionem continuari: pontificij autē, quòd Hispani  
 nos emendationē aulæ Romanæ moliri crederent, impedimentū ali-  
 quod inferri cupiebant: & quoniam episcopi præcipui Germani iam  
 abierant ob ciuiles motus, eandē occasionē & ipsi expectabant, eoq;  
 magis, quòd Mauriciū & cōsöderatos iam esse in armis, quotidiana-  
 nis literis atq; nuncijs perserebatur. Galliæ quoq; rex, per cardina-  
 lem Tornonium de pace diligenter agebat cū pontifice: quæ si fieret,  
 quoniam tunc in armis erat Gallus aduersus Cæsarem, nemini dubiū  
 erat, quin eius quoq; gratia concilium dissolueretur. Oratores ergò  
 Cæsaris, qui hæc omnia scirent atque metuerent, hoc inprimis labo-  
 rabant, ut, quod ipsi cupiebant, per protestantium legatos efficerent.  
 id obscure quidem tunc, sed postea certò cognitum est. Ad exitum  
 Martij, Franciscanus quidam Pauli ad Romanos explicabat epistolā, Franci-  
 frequenti auditorio, & subinde per occasionem acerbo conuulso Luc-  
 therum sociosq; notabat eoq; fuit progressus, ut diceret eos, qui Chri-  
 sti cognitionem nullam habuissent. & alioqui uitam egissent honestē,  
 salutem esse consecutos: hanc etiam esse genuinam Pauli sententiam,  
 in eius, quam diximus, epistolæ capite secundo. Cū hæc protestantiū  
 theologi quidam ex ipso coram audissent, re deliberata, de communi  
 cōsensu dani literas ad Cæsaris oratores, ultima die Martij, et quo con-  
 silio sint missi, declarant, nimirum, ut exhibitam doctrinæ confessio-  
 nem explicent atq; defendant: actionē autē nullam insitui queruntur,

Dissensio  
 fit inter  
 patres  
 concilij.

Franci-  
 scanus  
 nachi  
 concio.

Protes-  
 tantium  
 theologo-  
 rum po-  
 stulata.

4552 & decreta concilij iam facta, propè nihil aliud habere, quàm eius doctrinæ, quam ipsi profiteantur, acerbam uituperationem ac detestationem: his etiam diebus, monachum Franciscanum nō solum dixisse multa palàm absurda, & à consensu ecclesiæ ueterumq; doctorū explicatione aliena, uerumetiam in ipsorum doctrinam et ecclesias, conuiciorum uim magnam effudisse: & quanquam nonnulli dicant inuitis patribus hæc ab eo fieri, tamen uidere se, quanto cum assensu doceat & audiatur: si quidem hæc una sit causa, cur huc euocati uenerint, ut uidelicet spectaculo sint alijs atque ludibrio, suæq; doctrinæ quotidianas iniurias & contumelias audire cogantur, nihil sanè opus fuisse, protectionē hanc suscipere, & hæc omnia literis atq; scripto potuisse denunciari: quapropter admodum orare, pro suo munere ac auctoritate efficiant, ut & ad patres, quid in exhibita confessione desiderent, tandem exponant, & ipsi uicissim de singulis rebus palàm audiantur. Eas literas oratores benignè recipiunt, & gaudere etiam dicunt, oblatam esse occasionem urgendi negocij, quò uidelicet, si fortè Crescentius legatus recuset, cum ipsius collegis atque patribus agant. Tunc quoq; desijt Franciscanus ille docere, per ualetudinē excusans: Calendis Aprilis, Mauricius atq; socij, Vindelicorum Augustam obsident, & tertio die deditione capiunt, ut sequenti libro dicetur. Aprilis die quinta, legati Wuirtembergici, uocati in ades Toletani, ueniunt, adductis theologis duobus, ut erant iussi, Brentio, & Ioanne Marpachio, Argentinenſi. Pictavius incipit, & primo quidem de suo studio ac uoluntate, deinde de Crescentij ualetudine, & quemadmodū, nisi illo præſente, nihil agere college uoluissent atq; etiam patres, demonstrat: postremò, per se nō stare, quò minus fiat progressio, & in posterum quoq; nihil se prætermissoſuros diligentiae, docet, de eoq; protestatur. Illi, cum deliberaſſent, agnoscere se studiū ipsorū atq; diligentiam aiunt, uerū tamen longè aliud expectaſſe, magisq; certū ad sua postulata responsū, quod suis renunciarent: nūc uerò, cum ita res habeat, capiendū sibi esse consiliū ex tempore. Tum illerursus, nō eò rem spectare, neq; sic accipiendū esse, quasi nulla sit reliqua spes actionis: quòd suis renunciarent, & quo loco sint omnia, demonſtrent, rectè hoc ipsos & ex officio facere: neq; se dubitare, quin illi, cum audient, moram istam atq; cessationem, et mirentur & aliorum accipiant: sed ta-

Mauricius Augustam capit.



men ordine, ut paucorū aliquot dierum fastidiū leniter ferant: interea 7552  
 se daturos operam, ut planē respondeatur. Huic illi sese libenter, ipso=  
 rum quidem gratia, dicunt assentiri. Postridie, maxima celeritate nun=  
 tij & literæ uenerunt, captam esse Augustam, & principes rectā con=  
 tendere ad alpes, ut aditus omneis & claustra uiarum occupent. Itaq;  
 mox fuit per agrum omnem Tirolensem imperata militiā & copiæ  
 conductæ militum, et iussi omnes Oenipontem conuenire. Iam autem  
 omnes abierant episcopi Germani: solum restabant Spirensis & Mo=  
 nasteriensis uicarij. Eo allata nuncio, statim episcopi Itali profugiant,  
 Athesi flumine secundo deuectis impedimentis. His ergo rebus com=  
 moti Vuirtembergici, cū iam ultrò concilium dilaberetur, oratores  
 Cæsaris adeunt, & quamq; rem ipsi quoq; domum cogitent unā cū  
 theologis, ostendunt. Illi, magnopere quidem initio resistunt, neque se  
 posse dicunt assentiri, nisi de Cæsaris uoluntate: sed cū nihil profice=  
 rent, causas abitionis consignatas literis tradi sibi petunt, ut ad Cæsa=  
 rem atque patres excusent. Pictavius hoc etiam rogabat, si fortē post  
 ipsorum abitionem patres in actione pergant, ecquid dicturi sint  
 theologi? ad ea legati, re cū theologis consultata, se responsuros  
 dicunt, & Aprilis die octauo, manē, scriptum illis tradunt. In eo com=  
 memorant, quando sit exhibita doctrinæ confessio: quamobrem theo=  
 logi uenerint: quomodo frustra sollicitarint hucusque, ut ad sui prin=  
 cipis postulata respondeatur: quemadmodum in eum usque diem,  
 nulla spes appareat actionis futuræ: nunc etiam ortum esse bellum,  
 sic, ut non Germani solum episcopi, uerū itali quoque discedant,  
 & ordines omneis ita nunc implicari turbis, ut in presentia qui=  
 dem nihil sperare liceat: absentibus etiam episcopis Germanis, non  
 fore consultum fortasse, progressionem aliquam fieri: quod si dein=  
 ceptis ullum incidat tempus, quo rectē & ordine negotium hoc tracte=  
 tur, existimare se, magistratum suum non esse defuturum: theologos  
 autem ita sentire, multa esse facta decreta, tum in hoc, tum in superio=  
 ri concilio, quæ non possint non reprehendi, si quidem legitima sit fu=  
 tura cognitio: quod si iam patres progrediantur, credibile esse, non  
 fore dissimilem rationem: uerū tamen, si fortē uel decreta iam facta,  
 emendentur, uel ea posthac decernantur, quæ sacræ scripturæ sint con=  
 sentanea, non dubitare, quin obsequentissimis animis ea recipiantur.

Fuga Pa  
 rrum cō  
 cilij.

Vuirtem  
 bergico  
 rum scri  
 ptum Cæ  
 sarianis  
 traditū.

1532 sibi quidem hoc longè futurum esse gratissimū, sicut locis aliquot exhibitæ confessionis demonstratum sit: quod quidem scriptū & pium esse iudicent, & copiosius etiam explicare uelint, cum res ita feret: orare igitur, ut suam abitionem boni consulant: licere sibi quidem ex formula publicæ cautionis, quo uelint tempore illinc abire, neq; teneri se facti sui rationem ulli reddere: sed quod humanitatē ipsorum non semel experti sint, noluisse quicquid hoc est officij prætermittere. Sic ergo dimissi, meridie discedunt. & horis aliquot post, cardinalis Tridentinus illis occurrit, qui Brixna celeribus equis Tridentū petebat: & cum Vuirtembergicos esse audiret, de Brenio perconstatus, humanissimis uerbis cōpellat. Biduō post, occurrunt eis Ferdinandi regis filie, quæ per Oenipontem petebant Brunecum, quod est ad Venetorum fines in alpihus oppidum. De patribus antea diximus, quomodo non eodem spectarent. Hispani quidem episcopi uidebantur præ cæteris esse diligentiores: ex Germanis quoq; nonnulli præ se ferebant, opus esse multa reformatione: sed eorum, qui omnium optimè sentiebant, hæc erat mens, ut ecclesiæ disciplina & mores emendarentur, ut luxus, ambitio, & parum honesta uitæ exempla tollerentur, ut suam quisq; procuraret ecclesiam, & singuli quidem singulas obtinerent, neq; plures uni permitterentur. Adhæc, cogitabant etiam, ut quidem apparebat, pontificis Romani potestatem intra certos fines includere, nec illius aule tantum facultatis in omneis prouincias attribueret: hæc & id genus alia quedam, reformationis uocabulo cōprehendunt, & ea quidem fatentur ad se propriè pertinere, ac emendationē postulare: sed quantum ad doctrinam pertinet, nec errorem agnoscebant ullū, nec errare posse concilia statuebant, & aduersarios in sua demum castra transituros, cōcilioq; parituros putabant, ut ex epistola Gallie regi scripta, & ex cautionis publicæ formula minimè obscurū est. Hanc etiam spem & opinionem augebat, quod eius doctrinæ professores nō ita multos superesse iudicabant, plerisq; uel mortuis, uel relegatis, ut de Sueuia diximus. Hoc quoq; peruulgatum ibi fuit, quicquid ad dogmata pertineret, paucos intra menses definitū iri. nam ex præcipuis duo tantum supererant, de cœna domini, deq; matrimonio: reliqua omnia doctrinæ capita iam erant definita. Qui Basileæ fuerunt patres, iudicium omne sacræ scripturæ deferrebant, alijsq; scriptis, quæ

Patrum  
concilij  
sententiæ  
atq; studium  
diuina  
scripturæ



eum ea consentirent: hi uero, suum esse uolebant, interpretari scripturam, neque locum illum decreti Basiliensis, restitutum à legatis, admitterebant, uti suprà docuimus, & mutatis decreti uerbis, apostolorum quoque traditiones, in quaque re controuersa & dubia sequendas esse statuebant, & ubicunque scripturæ testimonio desituerentur, inde ab apostolis ita per manus traditum esse iactabant, ut in theologorum disputationibus non semel obseruatum est. Quæ fuit etiam causa legatis, quando penultima Ianuarij die, cautionem publicam ab oratoribus acceperunt, ut per apostolorum traditiones, ea solum intelligere se scripta testarentur, quæ bibliorum alteri parti, nouo testamento, seu quatuor euangelistarum historie sunt adiuncta. Suprà diximus, ad calendas Maij designatum fuisse diem confessuri: re uero desperata, qui supererant patres, conueniunt, & propter regum principumque discordias, in biennij tempus concilium extrahunt, & amplius eò, si forte dissidia non componantur. fuit hoc Aprilis die uigesimo nono, & iam cum Gallie rege pontifex transegerat. Paucis deinde lapsis diebus, Cesaris etiam oratores abeunt. Crescentius uero legatus, ualde Crescentij legati Pontificij mors. tuidine detentus hærebat: is nocturno spectro perterritus, ut aiunt, & egrotare, simulque uitæ coepit desperare, quantumuis etiam familiæ atque medici consolarentur. neque falsum erat eius iudicium: nam inualecente morbo, Veronæ decessit. Atque hic quidem est exitus concilij, quod magnis animis instauratum, doctrinam pontificiam omnino recuperare, ac breui constituere cogitabat. Aderant præter legatos pontificis, et cardinalem Tridentinum, episcopi sexaginta duo, & in his, Germani octo, Hispani uiginti quinque, Sardi duo, Siculi quatuor, Ungarus unus, Agriensis, reliqui omnes Itali: theologi uero qudraginta duo, & in his, undemiginti Hispani, Germani & Belgæ, duodecim. Quæ coeperit occasione Crescentius legatus egrotare, constitueram silentio præterire, quod suspitio erat in eius inuidiam esse confectum: sed quoniam ipsius amici ac familiares, qui decumbentem aliquando consolati sunt, ita referunt, addendum esse putauit. Martij die uigesimo quinto, scribendis literis ad pontificem ualde fuerat occupatus, & laborem ad noctem usque continuauit. Ibi surgens, ut sese reficeret, ecce, uisus est illi canis quidam ater, inusitata magnitudine, flammanantibus oculis, auribus ad terram propè demissis,

155 2 ingredi, et ad ipsum rectā cōtendere, deinde, sub mēsam dilabi, percūsus & obstupefactus, ubi demūm sese collegit, famulos inclamat, qui erant in anteriori cubiculo: iubet adferri lumen, & inuestigari canem: cū autem nusquam apparet, ne in uicino quidem conclauī, grāuem suscepit cogitationem, & in morbum incidit, ut antē dixi. Moribundus etiam, subinde suis acclamasse fertur, ut canem, qui lectum conscenderet, arcērent.

LIBER XXIIII.



VE M A D M O D V M I N P O S T R E M O

Germaniæ conuentu, belli Magdeburgensis administratio, communi consilio Cæsaris & reliquorum ordinum permessa fuerit Mauricio, suprà diximus. Eo durante bello, quod fuit annuum: ille qui copias haberet in sua manu, rationem inire cœpit liberandi Lantgrauij socii, cū eousq; Cæsarem hac de re frustrā non semel interpellasset. Chatitis igitur per iusiurandum in suam fidem adactis, & facta pace cum Magdeburgicis, & Oenipontem missa legatione, sicut libro superiori docuimus, Galliæ regem fœdere sibi coniungit, & datis obsidibus utrinq; cauetur, & scriptis editis belli causam explicandam esse. placet, ut sibi multorum animos adiungerent. Albertus etiam Brandeburgicus, clām in Galliam profectus ad regem, huic negotio totum sese dabat. Interea milites, tam ijs, qui Magdeburgū propugnauerant, quā qui circumfederant, Mullusij, uicinisq; in locis hyemabant, multumq; damni dabant Northusianis & Erfurdensibus. Eius rei causam quū Cæsar ex Mauricio, qui totius belli dux fuerat, perquireret, responsum tulit, ob non soluta stipendia tumultum fieri. hanc enim subiecit causam, quū ei reuera militarent, & tacitè sacramento deuincti essent. quoq; magis persuaderet, hoc ipso tempore, per Oenipontem legatos mittit Tridentum, qui fidem publicam uenturis theologis impetrarent, & alia quædā in confesso proponerent: deinde subsequi iussit theologos, qui Noribergā usq; profecti, literas ab ijs, quos dixi, legatis expectabant, ut libro præcedenti demonstrauimus: alios quoq; præmissit ad

Mauri-  
cij fœdus  
cum rege  
Galliæ.



fit ad Cæsarem legatos, Christophorum Carlebicium, Vlrichum Morisium, qui suum aduentum ad Bauariæ fines præstolarentur, quorum opera et consilio in actione uteretur: hospitium præterea sibi iussit Oeniponte parari, et ipse met ingressus iter, ubi dierum aliquot uitam procefferat, missis Oenipontem ex itinere literis amicis, et illata quadam ad excusationem causa, domum reuertit, et ad hunc modum extracto tempore, quum diem ex die duceret, primo statim uere, suis opportunè reuocatis, militum coepit habere delectus, quos magno silentio per hyemem collegerat, et ad omnes Imperij ordines euulgatis literis, in rebus humanis nihil sibi tam esse charum dicit atq; concordiam: sed imprimis optare se religionis fieri conciliationem, iuxta prophetarum et apostolorum doctrinam: cuius quidem rei spem aduersarij saepe fecerint, tum priuatim, tum publicis quoq; decretis: sed nihil esse præstitum, et illos non modò secus interpretari iam pollicitationes illas atq; decreta, uerum etiam tollere in uniuersum atq; rescindere: hoc etiam dixisse nonnullis, nisi mos ipsis geratur, non esse, quòd superiori- bus promissis magnopere quis fidat aut innitatur: etenim tunc, cū illa promiserint, aliam fuisse temporis conditionem: nunc autē obtemperandum esse: futurum alioquin, ut in eos, qui recusent, animaduertatur: his autem uocibus minimè contentos, quibus tamen hostilem animum profiteantur, excitasse quoq; reges externos in se suisq; ordinis et professionis alios principes, et diuersas odij cõstandi causas excitasse, dum uel religionē uel alia quædā criminarentur: quum tamen res ipsa declaret, de religione minimè sollicitos esse, uerum eò semper spectasse, quemadmodum occasione dissidij religionis, ad dominatum peruenirent: iam enim in omnium oculis uersari technam, qua sint usi, ut ueram religionē, superioribus annis propositam et explicatam Augustæ, totam euellant et aboleant: nam huc pertinere, quòd cõcionatores et ecclesiæ ministros, extra fines Imperij passim eijciunt, et non solum legitimi, sed ne pontificij quidē concilij decretū expectant, et ab ipsa statim executione rē ordiuntur: quapropter, etiam si mētis et conscientia seruilitatem hanc armis ab se suisq; depelleret, non sibi posse dari crimini: sed quòd ad Dei gloriam istud pertineat, qui uerbū suum et amplificare solus et tueri possit, rem omnē illi cõmittere, deumq; precari, ut in uera sui cognitione cõstantiam sibi largiatur ad extremum

Mauricii  
ad ordi-  
nes impe-  
rij literę.

155 2 usq; uitæ spiritum. Alterum, de quo sermonem instituerit, ad socerum Lantgrauium spectare: nimirum, ante annum quintū, sibi & electori Brandeburgico Ioachimo, spem fuisse factam nomine Cæsaris, quod si Lantgrauio persuaderi posset, ut Cæsarem supplex deprecaretur, futurum, ut præter formulam pacis tunc conceptam, nihil ab eo Cæsar postularet, sed benignè dimitteret: itaq; se datis literis illum euocasse, fide data filijs, quod si quid parenti grauius accideret, eandē se subito=ros esse fortunam: sic igitur illum bona fide uenisse Halam, & supplicem factum esse Cæsari, deinde coenasse cum duce Albano, in multam usq; noctem, satis hilariter, & quum in diuersorium redire uellet, præter omnium expectationem fuisse retentum & in custodiam abductū, in qua iam totos ferè quinq; annos permanserit, non sine maxima miseria: et licet transactionem illius filij, nobilitas atq; populus ratam haberent, quanquam ipse, Brandeburgicus, & Vuolsfgangus Palatinus, interposita fide, sponsonē fecerint, ni pacta seruaret, fore, ut illum ipsius potestatem darent, tametsi iuxta pactiōis formulam persoluta sit multa pecuniaria, tradita tormenta bellica cum omni instrumēto, deiectæ sint arces atq; propugnacula, liber factus cum filio Henricus Brunswicensis, exhibitæ literæ confœderationis, ita quidem, ut nihil desiderari possit amplius, tamen, neq; suas, neq; Brandeburgici, nec uxoris, quæ dolore confecta perierit, neq; populi, nec aliorum principum, in hunc usq; diem, quicquam ualuisse preces & intercessionem: nam subinde interpellasse Cæsarem, et quod pleriq; sinistrè de se iudicarent, orasse maiorem in modū, ut honoris & existimationis suæ rationem haberet, ut parentum suorum erga ipsius maiores, & suis etiam in ipsum atq; Ferdinandum regem meritis hoc tribueret, illumq; missum faceret: sed his omnibus nihil ipsum fuisse permotum, imò coegisse captiuum, ut ad lites forenses è carcere responderet, causamq; diceret è uinculis, quod quidem nullo iure subsistat, præsertim in rebus tam arduis: ut interim omittatur, quàm suspectē, quanq; præcipitanter rem egerit, nouo prorsus & inaudito per Germaniam exemplo, ut uidelicet hoc prætextu iuris, illum atq; liberos, omni possessione paulatim exutos in eas redigeret angustias, quò locum suum atq; dignitatem deinceps ueri nō possent: quod ut ne fiat, sua plurimum interesse propter eam, quæ sibi intercedat cum Hessica domo, necessitudinē & spem



Item successionis istud uideri quidem posse mirum, nisi iam id genus  
 artes omnium essent oculis expositæ, quæ uidelicet eò spectent, ut illa  
 tot nunc annis fabricata monarchia cōstituatur aliquando. Tertium,  
 & præcipuum quidem illud, ad omneis, & ad communem omnium  
 parentem Germaniam pertinere, cuius hercle miserrima sit conditio:  
 nam contra leges atq; pacta militem externū adductum esse intra fi-  
 nes Imperij, qui multis nunc annis inueterauerit, & passim in agris et  
 oppidis altorū fortunas exhauriat, & omne genus libidinis exerceat:  
 adhuc, inueniri subinde nouas rationes exigendæ pecuniæ, et priscam  
 libertatē nō uno modo labefactari, nec ulli ordini, ne septemuiris qui-  
 dem electoribus, in eo parci: legatos autem exterorum regum, quibus  
 & ista dolent, & chara est Germaniæ salus, longè prohiberi à publicis  
 conuentibus, planè contra morem Imperij: deniq; id prorsus agi, ut in  
 fœdam & ignominiosam seruitutem adducantur omnes: quo quidem  
 nomine posteritas & nepotes habuiri sint iustissimas causas ignauitiam  
 huius temporis atq; fœcordiam detestandi, quo pulcherrimū illud or-  
 namentum, patriæ nimirum libertas, occubuit: cū igitur ita res ha-  
 beat, expergefactum tandem aliquando se, & Gulielmum Lantgra-  
 uium, Philippi filium, quem iustus paternæ calamitatis dolor excitet,  
 facto cum Galliæ rege fœdere, quem hostis etiam fortunæ omnibus e-  
 uertere studeat, decreuisse, liberandi fœderi & Saxoniæ duci, & ho-  
 noris sui uindicandi, et recuperandæ libertatis omnium causa, rem ar-  
 mis tentare: ne quis uerò suum hoc institutum impediat, sed ut omnes  
 adiuuent, idq; proficiantur, & rectè super eo caueant, hortari: nam si  
 secus fiat, & si quis aduersarijs quacunq; ratione ferat opem, hostis lo-  
 co sibi futurum esse. Subscripsit etiā his literis Ioannes Albertus, dux  
 Megelburgius, ob religionis præcipuè cōseruationem, quā eius quoq;  
 rei causa Mauricius arma sese capere dixisset. Albertus autē Marchio  
 Brandenburgicus, in eandem propè sententiam scriptū edit, & oppri-  
 mi queritur Germaniæ libertatē ab ijs ipsis, qui tueri illā ex officio de-  
 bebant & amplificare: conciliū haberi tam ait, quò pauci quidam con-  
 uenerint euertendæ causæ ueritatis: multos etiam agi conuentus impe-  
 rij, quorū hic ferè sit exitus, ut per quosdam precio corruptos & polli-  
 citatione, pecunia, subtili quadā ratione corrogetur, incisi Germaniæ  
 nervis, idq; fieri potissimū per ecclesiasticos, qui suffragiorū numero

Alberti  
 Brand. li  
 teræ ad  
 ordines.

15 5 2 uineant in Imperij cōfessu, iamq; rem eò esse deductam, ut summa consiliorum propè pendeat ab unius arbitrio, qui neq; sit genere nobilis, nec origine Germanus, nec Imperio cōiunctus, maximo certè Germanorum omnium & dedecore et detrimento: quòd si autè is debeat esse reipublicæ status, multò præstare, ut nulli sint Imperij conuentus, uerum ut liberaliter & sponte detur, quoties imperatur atq; petitur pecunia: sic enim et temporis nullam fore iacturam, & magnis præterea sumptibus parcitum iri: his etiam artibus in alienas deuenisse manus Imperij sigillum, quo nunc homines peregrini, suum ad arbitrium, in Germaniæ detrimentum abutantur: nec esse quenquam ex omnibus, qui deplorare istud audeat, nisi magnam subire uelit offensionem: neque tamen interim expediri Germanorū negocia, sed longissimè differri, sic quidem, ut magna sit plurimorū de eo querimonia: nam cum esse statum, ut Germanis propè sint aliæ discendæ linguæ, si quidè ibi cum aliquo fructu uelint atq; cōpendio uersari: eiusdem esse generis, quòd præter uetustam Imperij libertatē edicatur, ne quis externis militet, quòd protestantes, recōciliati, supra multas longè grauissimas, coacti sunt alias quoq; minus dignas admittere conditiones, quòd ab ipsorū beneficijs, propter nauatam operam militiæ, magna est extorta pecuniæ uis: hoc etiam onus in alios incubuisse principes ac ordines, qui nihil deliquerant, & quasi bellū illud pro reipublica gestum fuisset, pecuniam eis imperatam esse, belli sumptus resarciendi causa, nimirū eo cōsilio, ne quid omnino superesset in Germania neruorū atq; roboris: ad hunc ordinem pertinere, quòd controuersiæ ciuiles de rebus maximis, non ad publicum Imperij iudiciū, sed ad paucos aliquot delectos referuntur, ut in eorū sit potestate, uel constituere uel loco deijcere uiros principes: deinde, quòd edicatur, ne quis princeps effugiens suam in moneta procudat, quòd passim per Imperij ciuitates noui constituantur senatores, quòd hæc seruitus iam imponitur omnibus propè Germanis, ut extremum militem ferre cogantur suis in finibus, qui & plurimum damni dant per agros, & complures ad inopiam redeunt, & omne genus insolentiæ & inaudite libidinis exercet: nam de suis quidem finibus parcitum esse, tametsi meliora sibi polliceretur, propter fidē & operam præstitam Cæsari: sed tunc, quum bello Magdeburgico detentus abesset reipublicæ causa, militem in suum agrum fuisse



fuisse deductum, licet officarij sui admodum deprecarentur: & certè, tum sibi tum alijs principibus, qui superiori proximo bello in prote= stantes, pro salute illius atque dignitate, suas fortunas omnes, uitam atque sanguinem, in summum periculum deuocarunt, pulchram sci= licet esse relatum gratiam in eo scripto, quod Ludouicus Auila, de re= bus eo bello gestis emisit, homo nimirum impurus atq; mendax, dum de tota Germania tam frigide, tam contemptim & alienè loquitur, ac si barbarus quispiam esset populus & obscurus, de cuius origine uix ulli constaret: eius autem rei tantò esse maiorem indignitatem, quòd libellus ille singulari quodam Cæsaris priuilegio sit typis excusus & euulgatus: excusari nunc quidem multa, dimissis per Germaniam lite= ris, uerùm eandem esse cantilenam, quæ nunc annis aliquot decanta= ta sit, & huc omnia spectare, ut dicant pro conditione temporis mu= tanda decreta, et præsentibus consilijs parendum, aut subeundam esse poenam: cùm autem huius ignominie & feruitutis depellendæ causa, principes aliquot arma sumpserint, se quoq; fidem illis omnem & o= peram, imò uitam ipsam addixisse: hoc ita se profiteri palàm, & pe= tere, ne quis aduersarijs opem ferat, sed ut hunc suum atq; sociorū co= natum omnes adiuent, & cōmunem causam defendant: nam etiam si fortè nonnulli diuersa castra sequentur, tamen non esse, quòd ab ad= uersario, uictore, meliora sibi polliceantur: communem enim tunc o= mnium Germanorū futuram esse conditionem atq; sortè: quòd si autè arma quis cōtra se ferat atq; socios, eum se ferro persecuturū & igni: rumorem de se socijsq; spargi, quasi nationes externas, & ipsum adeò Turcam uelint in Germaniam introducere, sed falsam hanc esse crimi= nationem & absurdam: cuius enim hoc esset dementia, tantum peri= culum sibi patriæq; conciliare? falsum etiam esse, quòd de se nonnulli dicant, quasi locupletandi sui causa bellum hoc suscipiat: annis nunc aliquot se militasse Cæsari & Ferdinando regi, nec ullum in ea re com= pendium, sed laudem potius atq; gloriam spectasse, non sine rei suæ fa= miliaris magno dispendio: nō semel etiam oblatas sibi fuisse conditio= nes amplas atq; splendidas, uerùm ijs repudiatis, ad hoc bellum, quò patriæ sua libertas & pristinū decus restituatur, animū adiecisse: quo quidem in bello, si forsā ecclesiasticorū nimia illa & sacris literis in= terdicta potentia restringetur atq; debilitabitur, non oportere sibi ut=

1582 tio dari: nam sanè præcipuos Imperij episcopos his malis omnibus cau-  
sam dedisse: neq; tamen sui esse propositi, ut illa collegia, quæ sunt no-  
bilitatis causa potissimum instituta, conuellantur, sed ut sublatis uir-  
tibus, & emendatis ijs, quæ tolerari non possunt, in suo gradu permaneant  
& augeantur etiam: ad eamq; rem se futurum ipsis adiutorem, modò  
uelint, neq; diuersum sibi patiantur ab aduersarijs persuaderi. Gallie  
quoq; rex, editis literis, hoc potissimum se spectare dicit, ut constituta  
religione, prosit reipublicæ, maximè autè amicis, ideoq; statim à mor-  
te parentis, restituisse Scotiam pristina dignitati, renouasse sedes cum  
Heluetijs, recuperasse Boloniam, reduxisse colonos atq; ciues huc il-  
luc dissipatos, in suos agros & possessiones, cum Angliæ quoque rege  
fecisse pacem, & arctam irijse necessitudinem: dum autem his ipse  
rebus uacaret, Cæsarem clandestinis consilijs multa esse molitum in  
suam perniciem, & belli causam non semel dedisse, uerùm & reipu-  
blicæ & priuatim etiam populi sui reficiendi causa, nihil se uoluisse  
mouere, sed dissimulatis iniurijs, animum applicuisse totum ad regni  
constitutionem: hoc uerò suum ocium, pòst, ab aduersarijs attributum  
esse iudicari cuidam atq; socordie: sed interim graues ad se delatas  
fuisse querimonias multorū Germaniæ principum & ordinum, qui,  
partim religionis, partim Turcici belli, & puniendæ rebellionis occa-  
sione quasita, seruitutem sibi parari, & callidis consilijs ali dissidium  
atq; factiones, & exhauriri Germaniam dicerent, sic, ut amplius du-  
bitari non posset, quin monarchiam ille sibi et Austriacæ familiæ con-  
stituat: ex eo sanè magnum se percepisse dolorem, & propter commu-  
nem utriusq; gentis originem, & propter ueterem coniunctionem at-  
que amicitiam, quæ firma semper & inuiolataq; permanferit, quândiu  
per Cæsaris astum atq; uersutiam licuit: etenim, si status mutatio fiat,  
& Germaniæ sua libertas auferatur, intelligere se, quanto sit hoc suo  
cum detrimento futurum atq; discrimine: nam esse Germaniam non  
Galliæ tantum, sed etiam totius reipublicæ Christianæ propugnacu-  
lum: ideoq; se magnis precibus atq; uotis optasse frequenter, ut con-  
iunctis uiribus uterque populus ita se compararent, ne quid ab ullo  
metuendum esset periculi: cùm autem eius rei nulla spes affulgeret,  
atque interim multi suam opem sollicitarent, diuersis tamen rationi-  
bus, non sibi uiam apparuisse, quemadmodum Imperio dissipato &

Galliæ  
regis scri-  
ptum in  
Cæsare.



conuulso subueniret: in hac autem tam graui deliberatione, Deum, 1552  
 qui sit iustus iudex, ostendisse rationem peropportunam: Octauium  
 enim Farnesium, Placentiæ ducem atque Parmæ, cui Cæsar & Iulius  
 pontifex tendebant insidias, auxilium ab se flagitasse, & iniurijs o=  
 mnibus expositis, ut patrocinium ipsius atq; Mirandulani susciperet,  
 impulsisse: posthæc interuenisse Germaniæ quoque principum queri=  
 monias illas, qui fœdus inire secum postularint, quòd ea sola ratione  
 rempublicam posse restitui dicerent: quàm sint autem graues atq; iu=  
 stæ causæ, quamobrem principes ad arma ueniant, nolle se commemo=  
 rare, quòd ex ipsorum scriptis hoc intelligi possit: sed tamen perpen=  
 dat quisq; secum, an non iustissimo dolori causam præbeat hæc aduer=  
 sariorum inexhausta cupiditas, qui rebus Imperij pessundatis, in suū  
 ærarium atq; fiscum omnia conuertant: an non satis hoc declaret V=  
 tricensis, Leodina, Cameracensis prouincia? num Geldria, num Con=  
 stantia, & aliæ multæ ciuitates oppressæ? Burgundiones imminere  
 iam Treuiris & Menapijs & Vuirtembergicis, ac in ipsorum fines in=  
 primere sua uestigia, & Lantgrauij ditionem non uno modo dilace=  
 rare: huius esse generis, quòd suos legatos ab Imperij conuentibus Cæ=  
 sar excludit, quòd edicit, ne quis externis militet, quòd egregios &  
 militiæ laude claros atque præstantes uiros è medio tollit, & in his  
 Vogelspergium, cuius ipse fuerit supplicij spectator, Augustæ, quò ui=  
 delicet animum expleret: an non pessimi sit exempli, quòd ingentibus  
 præmijs homines inuitat atq; conducit ad cædem eorum, qui sibi mi=  
 litent? certè paucis explicari non posse, quibus artibus utantur ad=  
 uersarij: nam & in illud Camere tribunal, & in Imperij confessum ab  
 ipsis adhiberi atq; summitti, quorum opera perficiant & consequan=  
 tur quod uolunt: nimirum, in hoc genus homines, præsertim autem in  
 Camerales, omnium malorum transferendam esse culpam: his adeò  
 de causis non se potuisse petentibus Germanis auxilium denegare: fœ=  
 dus ergò fecisse cum illis, nec id modò, uerum etiam omne robur & se  
 ipsum impendere huic bello constituisse: neque uerò priuatum ullum  
 compendium atq; fructum in eo spectare, sed hoc solum agere, ut resti=  
 tuta Germania; liberato Saxonie duce, Ioanne Friderico & Lantgra=  
 uio, quos diuturna & indigna captiuitate constrictos ille detineat,  
 laudem atque gloriam immortalem consequatur, ut olim Flaminius,

pro=

1552 propter uindicatam à seruitute Græciam: nec esse, quòd uim ullam quisquam metuat: quum enim libertatis causa bellum hoc suscipiat, omnem operam se daturum esse, ne cui noceatur immerenti: credant igitur huic promisso, quod sanctè ipsis confirmet, neq; fidem habeant aduersarijs, qui sui consilij esse dicant, ut ecclesiasticorū ordinem asfligat: etenim non modò nihil eiusmodi se cogitare, sed illos etiam omneis in suam recipere tutelam atq; patrocinium, modò sibi socijsq; rectè caueant: nam recuperata libertate magnam sibi spem fieri multorum literis, futurum, ut ecclesiæ quoq; sarciantur concordia, legitimis rationibus, omni submotā procul ambitione & cupiditate priuata: quicquid etiam ipse possit eò conferre, libenter facturum: hæc esse, de quibus ipsos putarit admonendos, ut quid suæ sit uoluntatis atque consilij, intelligant: itaq; petere, ne quis in tam iusto bello, quod Germaniæ salutis causa necessariò susceptum sit, uel sibi uel socijs ullum inferat impedimentū: nam alioqui, si quis erit adeò remotus ab omni pietate & officio, quod patriæ debetur, ut resistendum esse putet, eum se ferro uastaturum & igni: & quanquam inuitus ita faciat, tamen, si quis erit talis, eum, ut uitiosum & morbidum aliquod membrum, à reliquo corpore refecandum esse, ne cōtagione sua ledat, & ita cohercendum, ne quid damni præterea dari possit: cætera licere, ut ex legato suo Ioanne Fraxineo, Baionensi episcopo, quem ad ipsos miserit eum amplioribus mandatis, cognoscāt, & orare, ut ei fidem habeant, Hoc scriptum, typis excusum, & editum lingua populari, præferebat in fronte pileum inter duos pugiones, idq; symbolum esse libertatis, ascriptum erat. deinde suberat titulus regis, qui se libertatis Germaniæ & principum captiuorum uindicem nominabat. hoc symbolum nonnulli repertum in uetustis numismatis, & à percussoribus C. Caesaris usurpatum fuisse dicunt. Quòd Cæsarem ait designasse præmium illis, qui suos aliquot militum tribunos trucidassent, ita res habet. Caesar, edicto nuper proposito, grauissimis uerbis denuò proscripserat Ringrauium, Recrodum, Rifebergum, Schertelinum, qui quidem omnes Galliæ regi militabant, ut antè diximus, & ad quatuor aureorum millia, præmium ei constituerat, qui ex his quempiam aut uiuum ipsi representasset aut mortuum. nam hi causam plurimum adiuuabant, & inito fœdere, quod diximus, in Germaniam profecti, militem

Libertatis symbolum.



militem conductum in Galliam adducebant. Et Schertelinus quidem, 1552  
 quum annis aliquot frustra sollicitasset, nec ullius hominis intercessio-  
 ne Cæsari posset aut Ferdinando reconciliari, coactus propemodū ad  
 Gallie regem transierat. Hæ principum & regis literæ, per Germa-  
 niam disseminatæ, spem in alijs, in multis uerò, solitudinem atque  
 timorem excitarunt. Mauricius, qui dissimulanter ageret omnia, ca-  
 lendis Martij conuentus agit ordinem suæ ditionis, & inter alia pro-  
 ponit, quia citetur à Lantgrauij filijs, ut se sistat, non sibi licere tergi-  
 uersari diutius, aut illorum expectationem fallere: discessurum igitur  
 ad illos, fidei seruandæ causa: pareant autem interea moremque gerant  
 Augusto fratri, quem sibi per suam absentiam legauerit, & ad finium  
 defensionem copias cogant, ne quid imparatis accidat. Huic aderat  
 actioni Brandeburgicus elector, quod ei dictus erat dies: cum autem à  
 Lantgrauij filijs ei permitteretur, ut proximè citatus fidem liberet,  
 seq; sistat, domum reuertit. Mauricius autem rebus domi constitutis, Mauri-  
cius in  
armis.  
 & consiliarijs aliquot adiunctis Augusto fratri, paruo cum comitatu  
 contendit ad illas, quas per Turingiam habebat, ut antè diximus, co-  
 pijs, & progressus, Lantgrauij filium operitur. Prius, quàm domo di-  
 scederet, Misnie Burggrauius, uti uocant, Henricus, ex illustri Plauio-  
 rum familia, Bohemie cancellarius, Ferdinandi regis nomine, cum il-  
 lo de conciliatione diligenter egerat. Lantgrauij filius, productis co-  
 pijs, quum decimo octauo die Martij uenisset Erlebachum, adesset e-  
 tiam orator Gallicus Fraxineus, à Francofurdij inter alia petunt u-  
 terque per literas, ne Cæsaris ullum admittant præsidium. Et quanquam  
 illi non satis apertè nec idoneè respondebant, tamen quia progredien-  
 dum erat, nihil est actum aliud. Sexto post die, Mauricio sese coniun-  
 git: cumque deinde triduo post, omni cum exercitu Schuinfurtum ue-  
 nissent, Mauricius ei demonstrat, Ferdinandum regem uelle interce-  
 dere, perque literas & legatos non obscure significare, quasi à Cæ-  
 sare potestatem habeat agendi, de ipsius quoque parentis liberatione.  
 Ille igitur, adhibito Gallie regis legato, quò minus Ferdinandi re-  
 gis conditiones audiantur atque postulata, non recusat. Eo constituto,  
 per Roteburgum, Dingelspælum, Norlingam, magna celeritate pe-  
 tunt Donauerdam: Roteburgi sese coniungit ipsis Albertus Marchio  
 Brandeburgicus, cum suis tum equitum tum pedum copijs. quacunque  
 trans-

1552 transfirent, suam in potestatem redigunt oppidanos, & ijs, quos antea  
 Cæsar delegerat, abrogatis, nouum instituunt magistratum: simul pecuniam illis imperant atque tormenta. Et quia præsidio non magno tenebatur Augusta: deinde, quod ijs ipsis serè diebus, muri pars quedam atq; ualli collapsa fuit, maximis itineribus, & ultima die Martij, ne nocturno quidem intermisso tempore, pergunt, et calendis Aprilis ad meridiem eò perueniunt, & factis decursionibus hostile signum edunt. Erant in urbe, missu Cæsaris, ad quatuor signa peditum: sed cum oppidani quarto post die deditionem facerent, discedendi fuit illis facta potestas. Germaniæ deinde superioris ciuitates, & in his quæ Noribergam, conscribunt, & ut Augustæ sibi præstò sint ad exitum Aprilis, mandant, simul Vlmenses, qui nouem tantum milliariibus absunt ab Augusta, ut ipsos rebus omnibus adiuuent inq; societatem ueniât, urgent. His serè diebus, princeps Salernitanus, per occasionem dissidij cum prorege Neapolitano, deficit à Cæsare, Galliamq; petit. Dum hæc in Germania geruntur, Galliæ rex, ingenti cum exercitu progressus, Tullum & Virodunum, ad Galliæ fines oppida Imperij capit, deinde Lotharingiam petit, & principem puerum in Galliam mittit, circiter nouem annorum, quantumuis deprecante matre uel dua, suamq; filiam in matrimonium ei spondet: dumq; his rebus ipse detinetur, legatus eius Connestablius, Annas Momorancius, qui primam aciem ducebat, Metim, urbem Imperij celebrem, occupat, Aprilis die decimo, quum & modicū esset intus præsidium, & Galli multa polliceretur, & ipsorum libertatis retinendæ causa, regem arma sumpsisse dicerent. Quum enim Galliæ finibus rex egrederetur, quod fuit ad Idus Martij, datis ad illos literis & missis internuncijs, cōmeatum sibi tantum expediri petebat, ut per ipsorum fines traduceret exercitum, pollicitus omnē beneuolentiam. utebatur autem administro cardinali Lenoncurto, urbis episcopo, qui studium ipsius atque uoluntatem senatui commendabat. Connestablius quoque scripserat eis amicussum: uerum ubi propius ad urbem cum copijs uenisset, intromitti petebat, & obtinuit: postridie portas & munitiones omnes in suam potestatem redegit. Venit etiam eò post, ipse rex, ad decimum octauum Aprilis diem, & quatri duo commoratus, inq; suam fidem ad æto senatu & populo, præfectum eis constituit, Gonnorium, & arma tradi,

Augusta  
 principi  
 bus dedi  
 tur.

Salerni  
 tanus de  
 ficit à  
 Cæsare.

Gallus  
 Lotha  
 ringiam  
 & Me  
 xim oc  
 cupat.



tradi, inque locum unum comportari, & urbem communiri iubet. 1552  
 Idem facit in ijs, quæ dixi, oppidis, perque Lotharingiam, ac præ-  
 missis nuncijs Argentoratum, Haganoam, adq; loca finitima, & ad  
 episcopum Argentinensem, frumento sese iuuari petebat & cōmeatu.  
 Capta, ut diximus, Augusta, & ueteri restituto senatu, quem Cæsar  
 aboleuerat, iure quoque suffragiorum reddito tribubus, confœderati  
 principes, Vlmam, recusantem ipsorum fœdus, contendunt. quò cum  
 Aprilis die duodecimo uenissent, urbem obequitant: cumq; tormentis  
 peterentur, iniuriam sibi satis fieri, & aureorum millia trecenta eo  
 nomine postulant, ijsq; denegatis, hostiliter agunt. Mauricius autem  
 illinc profectus Lincium petit, Austriæ oppidum, ut de pacis condi-  
 tionibus ex Ferdinãdo cognosceret. Is enim, de uoluntate Cæsaris, uti  
 diximus, intercedebat. deinde Cæsar præcipuos Germaniæ principes  
 literis erat hortatus, darent operam, ut incendium hoc restingeretur,  
 & pacis inirentur rationes, cui minimè sit ipse defuturus: cumq; non-  
 nulli fidem eius implorarent, quòd contra tantam uim nihil ipsi pos-  
 sent, confirmatus eorum animis, respondit, actionem pacis institutam,  
 sua quidem spe fœlicem habituram exitũ sin minus, tum se nec ipsis,  
 neq; reipublicæ defuturum. Vlma, per sex dies obfessa, principes, A-  
 prilis die decimo nono, Stocachum, oppidum Hegouiæ petunt: ibi  
 Gallie regis nomine depensa fuit eis pecunia trimestris, uti conuenie-  
 rat, et exhibitus obfes Gallicus, Gamæus Marchianus: nam alter Nan-  
 tolietus, in uia mortuus erat. Principum erant obsides, quos regi da-  
 bant, Christophorus dux Megelburgius, & Lantgrauij filius, Philip-  
 pus. Aprilis ultimo die principes ad Danubium reuertuntur, millia-  
 ribus aliquot infra Vlmam. Interea Brandeburgicus Albertus Vlmen-  
 sium uicos & oppida uastat incendijs, & pecuniam extorquet, &  
 ipsorum arcem Helfstenum, excelsa loco positam, capit, eiq; præsi-  
 dium imponit, & propinquum oppidum Gislingam, quod Vlma  
 tribus abest milliaribus, cum proximis aliquot uicis, xviij. millibus  
 aureorum multat. Vbi Lincium uenit Mauricius, de liberando so-  
 cero Lantgrauio, de religionis atque doctrine componendo dissi-  
 dio, de rectè constituenda republica, de pace cum Gallie rege, socio &  
 confœderato facienda, de proscriptis in gratiam recipiendis, propo-  
 nit. hi erant Ringrauius & alij, quos paulò suprã nominauimus, et in

Princi-  
pes Vl-  
mam ob-  
sident.

Obsides  
Galli &  
Germa-  
ni.

Condi-  
tiones  
pacis à  
Mauri-  
cio pro-  
positæ.

his

155 2 his etiam Hedecus, qui superioribus annis in Mauricij clientelam se-  
 se dederat, ut antè dictum est. in eius uerò caput Cæsar nullum consti-  
 tuerat præmium, ne Mauricium offenderet, ut est credibile. Ad ea po-  
 stulata, Ferdinandus, quicum erant Maximilianus filius, & gener Al-  
 bertus Bauariæ dux, & Cæsaris item legati, respondet. non recusare  
 Cæsarem, quò minus liberetur Lantgrauus, sic tamen ut statim disce-  
 datur ab armis: de religione deque republica, placere, ut in proximo  
 Germaniæ conuentu cognoscatur: ut autem Galliæ quoq; regis ha-  
 beatur ratio, perquam esse graue Cæsari, licere tamè ut ex eo Mauri-  
 cius resciscat, quemadmodum uelit pacisci: proscriptos etiam posse in  
 gratiam redire, modò conditioni, quam Cæsar tulerit, obtemperent.  
 Adhæc, petebat Ferdinandus, ut facta pace, Mauricius operam suam  
 ipsi præstet in Vngaria, ne uel milites ad Galliæ regem dilabantur. Cum  
 autem ad ea Mauricius respondisset, & absq; sociorum assensu nō si-  
 bi licere quicquam statuere diceret, ita fiat discessum, ut ad Maij diem  
 uigesimum sextum rursus conueniatur Passauij, quod est inter Ratis-  
 bonam atque Lincium, ad Danubij, & Oeni confluentem, oppidum:  
 uenirent etiam eò principes intercessores, eorumq; legati. Calendis  
 Maij, Langrauii filius et Ioannes Albertus Megelburgius Gundelsin-  
 gam traducunt copias, & totos ibi dies octo Mauricium ab Austria  
 reuertentem expectant. qui cum uenisset, postridie recensetur exer-  
 citus ad Laugingam, Ottonis Henrici Palatini oppidum. nam & hu-  
 ius prouinciam recuperauerant, à Cæsare possessam, & episcopum  
 Augustanum finibus eiecerant. & Palatinus quidem Otto foederi sese  
 coniunxit illorum. Inde conuerso itinere petunt alpes. Accidit autem  
 ut ad hoc tempus inducias ab ijs impetraret rex Ferdinandus, quæ ui-  
 gesimo sexto Maij die inchoatæ, ad octauum Iunij diem exirent. Col-  
 ligebat interea Cæsar copias ad alpiū radices, quæ Rutæ oppido con-  
 ueniebant. In his motibus episcopus Augustanus cardinalis, qui &  
 alioqui non abundabat, & damni plurimum acceperat, uti diximus,  
 Romam petit, ut à pontifice nouas facultates acquireret atque sacer-  
 dotia, quibus lacunas illas iterum expleret. Deinde, Camera iudices  
 profugunt Spira. nam & Galliæ rex & principes in suis illis, quæ di-  
 xi, scriptis, offensionem non obscure significabant, & in ipsos omnis  
 propè perturbationis culpam transferabant. Galliæ rex, per Lotha-  
 ringiæ

Otto Pa-  
 latinus  
 prouin-  
 ciam suā  
 recupera-  
 rat.

Camera  
 iudices  
 profu-  
 ga.



Rungie fines cum exercitu uenit Tabernas, Maij die tertio, quatuor ab 1 5 5 2  
 Argentorato miliaribus, oppidum ditionis episcopi. Postulauerat ab  
 Argentinenſibus antea, uti rebus necessarijs exercitui subuenirent. Ea  
 de causa miſi fuerunt ad eum legati, Sarburgum, ſeptem ab urbe mil-  
 liaribus, qui certum frumenti modum atq; uini deferrent, Petrus Stur-  
 mius, Fridericus Gotteſſemus, Ioannes Sleidanus: ſed Conneſtabliuſ  
 ſerè pro nihilo ducebat quod erat oblatum: & quanquam legati ſic ab  
 eo diſceſſerant, ut reſſerent ad ſenatum, ac poſtea renunciarent, ille ta-  
 men poſtridie miſiſ ex nobilitate duobus, urgebat reſponſum, multa  
 commemorans de regis in Germaniam ſtudio & uoluntate præclara,  
 tum etiam, quo conſilio rex arma ſumpſiſſet, uidelicet, ut oppreſſam  
 Germaniæ libertatem uindicaret. Alterum erat poſtulatum, quando-  
 quidem plariſq; rebus haberent opus milites, ut ea ſibi in urbe compa-  
 rare ipſiſ liceret, utq; permitteretur opificibus in caſtra deferre ſuas  
 merces, ac uenum exponere. Senatus ad ea reſpondet, in eiſmodi re-  
 bus, quæ tanti ſint momèti, nihil conſueuiſſe decerni, niſi de totius rei  
 publicæ ſenatus uoluntate: re deliberata, quid ſuæ ſit ſententiæ, miſiſ  
 iterùm legatiſ, demonſtratuſ. Ad eum modum illiſ dimiſiſ, altera  
 die fuerunt iſdem in caſtra remiſi legati, quæ tum erant Taberniſ. eorū  
 audito ſermone, cum aliquantò plus, quàm antea, deferrent, et ſi-  
 mul, cur milites in urbem admitti non oporteret, expoſuiſſent, Corne-  
 ſtabliuſ cœpit loqui ſtomachoiſ, & collatione facta, quàm eſſent  
 iniqui iudiceſ & beneficiorū regis, & iniuriarū Cæſariſ, acrioreſ  
 paulo uoceſ addebat. Exituſ orationiſ erat, ut diceret fore, ut poſtria  
 die rex ipſiſ loquatur, qui ſit eadem, quæ iam ipſe dixiſſet, confirma-  
 turuſ. Altera die legati ad regem accerſiti, quicum erant Lotharingiæ  
 cardinaliſ, princepſ Vendomeſiſ & Conneſtabliuſ, quid cum Conne-  
 ſtablio binis iam eſſet actum colloquiſ, commemorant, & tantuſdeni  
 aueniæ, quantum antea frumenti, deinde aliquantò etiam pluſ uini de-  
 ferunt, obſecranteſ regem, ut & pro ueteri amicitia, quæ Galliæ regi-  
 buſ eſſet cum Argentinenſi republica, proq; ſua etiam humanitate bo-  
 ni conſulat quod eſſet oblatum: magnas eſſe militum copias in urbe,  
 maximam quoque uim hominum ex agris eò conſugiſſe, neque poſſe  
 ciuitatem ea, quam haberet, annona carere. Rex, habito cum ſuiſ  
 colloquio, cœpit ipſe reſerre, qua de cauſa ueniſſet in Germaniam,

Galliæ re-  
 giſ poſtu-  
 lata ab  
 Argenti-  
 nenſibuſ

152 prorsus in eandem sententiam, ut pridie Connestablius: alimoniam esse plane necessariam, nec ulli, qui non sit hostis, denegandam, offerenti precium: ea si destituantur milites, rationem ipsos inire, quomodo sibi illam cōparent: in eo autem quantum sit incōmodi, facile quemuis intelligere. Quod erat oblatum, rex quidem non repudiabat, sed panem sibi dari uolebat: legati contrā, frumentum: de quo cum non conueniret, infecta re discessum fuit. Legatis domum reuersis, senatus decreuit, quoniam eius frumenti, quod esset in urbe, nihil dari posset, ut in uicinis circū locis, quantum liceret panis conficeretur. nam et Connestablio & regi dixerant legati, ciuitatis eum esse statum, & temporis quoq; conditionem eiusmodi, nihil ut ex urbe sit expectandum: apud finitimos autem si quid fortē colligi posset, non grauātē communituros. Hoc autem eō senatus decreuit, ne quid in aratores ac homines rusticanos eorumq; fortunas grauius admitteretur. Atq; ita, quod subito per uicos & oppida comparari potuit, in castra fuit deuectum, sed hoc ipsum perquam erat exiguum. Occupata Lotharingia, & urbe Meti, Argentinenses è uestigio conscripserant ad quinque circiter

Argentinienses se muniant in Gallia. militum millia, praesidij causa deinde multa tum publica tum priuata aedificia circum urbem, & hortos & arbores & quicquid omnino uel prospectum impediēbat, uel hosti poterat commodare, demoliebantur, & qua parte cum primis erat necesse, nouam urbis munitiōem instituebant. Id permolestē Gallis accidit, & in colloquio posteriori Connestablius hoc ipsum ad legatos minimē dissimulabat. Creditur enim, spem illos prope certam concepisse, ut, quemadmodum amicitiae quadam ostentatione, Metim ingressi fuerant, sic etiam ab Argentario non excluderentur: cum autem scirent munitissimam esse urbem, & tanto praeterea studio uiderent ad defensionem omnia parari, mutato, ut est credibile, consilio, deflexerunt, & Maij die septimo promotis castris, Haganoam, inde Vuiffenburgum petebant. Huc ad regem uenerunt legati, à Palatino principe, à Moguntino atque Treuirense, collegis, à Cluensi ac Vuirtembergico, qui reipublicae causa Vuormaciae nuper conuenerant. Eorum hoc erat postulatū, ut ab agrorum uastatione rex abstineat, & miserae multitudini parcat: & quandoquidem libertatis Germaniae causa belligerari se profiteatur, ut sistat exercitum: nam si longius procedat, futurum hoc maximo

cum

Postulata Priuati-  
cipuati-  
quor ad  
regem.



Cum Imperij detrimento: petere autem, ut ad consilia pacis animum  
 adijciat: eius rei mentionem ad Casarem & iam se fecisse, & deinceps  
 quoque facturos, ac omnino bene sperare: quod de fœdere incundo  
 scribat, orare, ut in eo sui honoris & existimationis rationem habeat:  
 etenim pro ea, qua sint Imperio deuincti, fide, non hoc ab se posse præ  
 stari: sed tamen omnem daturus operam, ut publica pax constituatur:  
 adhuc, plurimum obsecrare, ut Argentinenfium finibus parcat, qui  
 sint Imperij libera ciuitas, & ut ipsius intercessione Vuirzburgum  
 episcopum Alberius Brandeburgensis tractet humanius. Eodem ipso  
 tempore, quod fuit undecimo die Maij, literæ fuerunt ad regem allatæ  
 Mauricij, quibus perscriptum erat, quid esset actum Lincij: simul pe  
 tebat Mauricius, uti rex, quem ipse quoq; comprehendi uoluisset in  
 actione pacis, explicaret, quibus conditionibus uellet cum Casare pa  
 cisci. His acceptis literis, rex, cui præter spem hoc accidisse putatur, bi  
 duò post, castra mouet, & relicta Germania, Lotharingiam denuò pe  
 tit: sed ante discessum, ijs, quos dixi, principij legatus respondet. se iam  
 illud, cuius rei causa cum exercitu uenisset in Germaniam, esse conse  
 cutum: principes enim captiuos liberatum iri: causam hanc fuisse bel  
 li: satis itaq; gloriæ sibi partū esse: quod si deinceps ullum tempus in  
 cidat, quo suam operā Germania requirat, nulli se uel labori uel sum  
 ptui uel periculo parciturum: et nunc quidem reductis copijs domum  
 se redire, præsertim, quum Galliam inuaserint hostes: quod ad misero  
 rum hominum querimonias attinet, dolere sibi non mediocriter: sed  
 nullam posse tantam esse ullo in exercitu disciplinam, ut non aliquid  
 detrimenti secum adferat licentia militaris: ab se uerò diligentissimè  
 caueri, ut & quàm minimum damni detur, & flagitia seuerissimè pu  
 niatur: de Casare, deq; pace quod scribât, omnino se hoc ab ipsis expe  
 ctare: suo iam labore, studio atq; uirtute respirasse Germaniam ab illis  
 ærumnis, quibus oppressa iacebat: ipsis autem esse prouidendū in pri  
 mis, ne restitutam opera sua, libertatem, turpiter amittant: de Argenti  
 nensibus quod petant, non se posse ipsis denegare, tamen si, quo tēpore  
 cum exercitu erat ad ipsorū fines, magna fuerit militū eius urbis pro  
 steruitas in suos et insolentia. In Germaniam rege profecto, Casaris co  
 pie Belgicæ, Martino Rossemo ductore, Campaniæ Gallicæ fines lon  
 gè lateq; uastabant incendijs, & Astenaum oppidum, Mose uicinum, uastas,

Mauricij  
 literæ ad  
 regem.

Gallia ad  
 postula  
 ta princ  
 eum res  
 ponsio.

Rosse  
 mus Ca  
 paniam  
 Gallicæ  
 uastas,

155 2 Lotharingicæ ditionis, nuper à Gallis occupatum ceperant. hæc putatur una fuisse causa, cur exercitum rex abduxerit, altera, quòd Mauricij factum minus probaret, deinde, quòd de Argentorato spes sefellisset. Motis Vuisseburgo castris, uenerunt ad regem ab omnibus Helueticorum pagis missi legati. Ferdinandus rex finitimam habet Helueticis regionem, Sontgouiam, eius agri primum locum obtinent Ensementes. hi de suo periculo solliciti, Helueticos orauerant, ut pro ea, quam ad regem haberent, authoritate atq; gratia, intercederent. Ipsorum itaq; rogatu atq; sumptu profecti, uicinas etiam ciuitates, Colmariam, Seletstadium, & Argentoratum, regi cōmendabant, quòd dicerent hanc regionem omnem ipsis arcta necessitudine coniunctam, ob uicinitatem, & frumentum imprimis abundè subministrare, cū sit opus, ita quidem, ut nullum eis dari possit damnum, quod non ipsi quoq; sentiant. His propè Bipontium rex, Maij die uigesimo respondet. Ensementibus condonare se, modò quos in uinculis habeant è suis, milites, dimittant: ad alios uerò, pro quibus uerba fecerint, quod attinet, se nihil unquam in eos cogitasse grauius: & quanquam Argentinenſium milites aliquantò diuſus exceperint suos ante portas, & reiecerint, qui forte mercandi gratia eò uenissent, tamen non ideo se discessurum ab amicitia, uel ipsorum, qui deprecentur & interueniant, causa nūc, quando Lotharingiam teneat, uicinitatem sibi cum illis intercedere, contra cuius rationem nihil sit ipse factururus: eandem se quoque uoluntatem & officium ab ijs inuicem expectare. Fuerant antea Tabernis, à senatu Basiliensi ad regem eadem propè de causa missi legati, quibus etiam liberaliter responsum fuit. De Mauricio supra diximus, quemadmodum Lincio discessit: Ferdinandus etiam peractò conuentu statim ad Cæsarem contendit Oenipontem, explicandi causa negotij. Reuersus autem in castra Mauricius, alpes unā cum socijs petit, ut ante diximus: & quum propius eò uenisset, Gallici oratoris hortatu statuit eos adoriri milites, quos ijs locis Cæsar conscribi iusserat. quumq; Maij die decimo septimo non procul abesset à Fieſſa, quod est in alpium aditu positum oppidum, ad Lœchum flumen, exploratores emittit, qui de hoste cognoscant. hi propè omnes, claustra montium illos & angustias tenere, seq; ita communiuisse renunciant, ut eis noceri omnino non possit. Itaq; delectos aliquot ex omni

numero

Heluetio  
rū ad re-  
gē inter-  
cessio.

Mauri-  
cius pe-  
tit alpes.



numero principes emittunt, qui cum propè ad illorum castra excur-  
rissent, nonnullos intercipiunt, & ad suos abducunt: ex ijs multa co-  
gnoscent, & postridie cum peditatu progressi, ducentis tantum adhi-  
bitis equitibus, Fieffam contendunt: & cum Ruta non procul abes-  
sent, ad uiarum angustias deueniunt, occupatas à milite Cæsariano, cir-  
citer octingentis, cum duabus machinis, quas appellant campestres.  
Impressionem autem facta, cum in eas angustias penetrassent, loco dei-  
ciunt hostem, qui fuga dilapsus, ijs qui prope Rutam castra fecerant,  
timorem ac trepidationem adfert. Principes è uestigio secuti, impe-  
tum in illos quoq; faciunt, ac demum profligant. ex ijs ad mille par-  
tim capti sunt, partim interfecti, partim in Læchum præcipitati: si-  
gnum quoq; fuit eis unum ereptum. Altera luce pergunt ad eam, de  
qua non semel diximus, arcem, Erebergum: & quum approbante for-  
tuna, sub arce positum propugnaculum, & aditum ipsum atq; clau-  
stra uiarum occupassent, captis etiam tormentis magnis instructis, per  
montem aduersum atq; præruptum ad arcem euadunt, etsi multis pe-  
terentur telis, eamq; deditione facta capiunt. Erant ibi præsidio pedi-  
tum signa tredecim: ex ijs capta sunt nouem, quatuor autem elapsa, et  
in his tria, Germanorum, unum autem Italarum. Capti sunt autem ad  
tria circiter millia, quum illi paucos è suis desiderarent, Mauricius de  
inde magno fuit in discrimine. cum enim progredi uellet, milites illi,  
quibus præerat Rifebergus, recusabant, nisi stipendium ipsis extraor-  
dinarium, ob captam arcem penderetur: id autem iniquum esse dice-  
bat Mauricius, & simul è seditiosis unum, qui præ cæteris fortiter cla-  
mabat, comprehendi iubet. ibi uerò cæteri omnes, nō hastis modò, sed  
tormentis etiam manuarijs emissis illum petunt, ita quidem, ut celer-  
rima fuga uix ægrè uitam seruaret. Maij die uigesimo primo duæ le-  
giones mittuntur per alpes Oenipontem, quòd illinc bidui uia distat.  
equitatus erat omnis cum legione una circum Fieffam atq; Rutam, a-  
ditus defendèdi causa. Mauricius ac socij principes insecuti postridie,  
Zirle, quod duobus non magnis milliariis abest ab Oeniponte, pe-  
ditatui sese coniungunt: Cæsar autem, ubi de capto Erebergo cogno-  
uit, noctu, maxima celeritate tumultuariè discedens Oeniponte cum  
Ferdinando fratre, qui persuadède pacis causa nuper eò uenerat, ut  
antè diximus, & per alpes, quæ Tridentum itur, ad Leuam deflectens,

Ereber-  
gum arx  
capta à  
Mauri-  
cio.

Mauricii  
periculū.

Cæsaris  
fuga no-  
Aurna.

1552

Saxonie  
dux liber  
tati resti  
tutus.

Villacum, quod est in Carnis oppidum, ad Drauum flumen, sese reci-  
pit, quum Saxonie ducem, Ioannem Fridericum, toto iam quinquen-  
nio captiuū, paulò antè dimisisset, ne uidelicet hostis ad suam gloriam  
istud referret, quod quidē ipse captiuus etiam minimè uolebat. Liber  
factus, nihilo minus Cæsarem, quocunque iret, comitatur. In hoc ipso  
tempore, soror Cæsaris, Maria, conuentus agebat Aquis, oppido Bel-  
gicae, foederis ineundi causa cum uicinis Et Cluensis quidē princeps,  
per legatos excusat: Colonienfis autem archiepiscopus, Adolsus, eò  
profectus, in Burgundica domus uenit societatem: idem facit Leodi-  
nus etiam episcopus, Georgius Austriacus. Vbi uenit Oenipontē Mau-  
ricius, quicquid ibi repertum est rerum Cæsaris & Hispanorum, &  
cardinalis Augustani, direptum fuit: Ferdinandi regis autem atq; ci-  
uium bonis nihil est datum damni. Et quia triduum solum erat reli-  
quum ad inducias, quæ futura tractationis causa constituta fuerant,  
ut antè docuimus, Mauricius illinc Passauium petit: socij uerò princi-  
pes, idem, quā uenerant iter ingressi, Maij die uigesimo octauo Fies-  
sam reuertuntur, ac deinde per internuncios tam suo, quàm Mauricij  
nomine literas euulgant Augustæ, & quandoquidem in superioribus  
nostris, inquirunt, scriptis affirmamus, tuendæ religionis atq; liberta-  
tis Germaniæ causa potissimum, ad arma nos uenisse, res ipsa flagitat,  
& officium requirit, ut & ecclesijs & iuuentuti præficiantur idonei  
doctores. Iam uerò, quemadmodum hostes ueritatis id semper ege-  
rint, ut pijs doctoribus oppressis, idolum restitueretur pontificium, &  
iuuentus in erroribus illis atq; falsis dogmatis educata sensim adole-  
sceret, id adeò manifestum est, ut ampliori non egeat demonstratione.  
Nam etiam eo tempore, cū non dubitarent profiteri, minimè peti re-  
ligionem, totis uiribus huc incubuerunt, ut pura doctrina funditus ex-  
tirparetur. Nec enim pios modò doctores in uincula coniecerunt, ue-  
rū in hac etiam urbe per iusiurandum adegerunt eos repente ac ma-  
gna quadā inhumanitate, ut extra fines Imperij decederent. Et quan-  
quam iusiurandum illud cum primis impium est, ideoq; nullo iure uel  
æquitate nititur, tamen, ne quis calumniæ locus esset, illos ipsos eccle-  
siæ ministros atq; ludimagistros ab aduersarijs electos renouauimus,  
quoniā id officij nostri esse putamus. Itaq; illos omnes, quicunq; sunt  
ad hunc modum exterminati, sicut diximus, ab eo, cui per nim contra  
leges

Scriptū  
Principū  
de resti-  
tuendis  
Ecclesiæ  
ministris



leges astricti fuerunt, iusiurandi uinculo prorsus expeditimus, ac libera- 1 5 5 2  
 tati restituimus, & iniungimus, ut non solum in hac urbe, uerum alijs  
 etiam in locis, prout ipsorum est uocatio, uerbum Dei purè, iuxtaq;  
 confessionem hic olim exhibitam, doceant, & rectè pieq; iuuentutem  
 in literis erudiant, nostro confisi patrociniò atq; tutela. Mandamus  
 autem, ne quis illos, quasi contra fidem datam faciant, ullo uerbo uel  
 iniuria perstringat. Quum enim, nullo suo merito, solum propter ue-  
 ritatis professionem, multis iam mensibus in exilio uixerint, non du-  
 bitamus, quin uicem illorū iri boni doleant, & omni fauore studioq;  
 prosequendos esse ducant. Et quoniam ij, qui per illorum absentiam  
 in hac urbe docuerunt, suspecti sunt & inconstantes, ita quidem, ut  
 propter diuersam docendi rationem, cum his, quos reuocauimus, com-  
 modè esse non possint, à senatu petimus, ut illos à concionibus amoue-  
 ant, & ita sese gerant, ut huic edicto nostro sua cōstet authoritas. Quā <sup>Ministri</sup>  
 hæc Iunij die septimo principes promulgassent, quinto pōst die, mini- <sup>cleri re-</sup>  
 stros ecclesiæ loco restituant, & concionibus denuò præficiunt, sum- <sup>tar.</sup>  
 ma cum populi uoluptate atq; letitia. Prius, quàm Mauricius rediret  
 Lincio, Brandeburgicus Albertus, digressus cum suis copijs, Wuolfgan-  
 go, Teutonici, quem uocant, ordinis magistro, direptionibus & incen-  
 dijs plurimum damni dat, & cū ab eo pecuniam exegisset, in Nori-  
 bergensium fines transit, & arcem quandam illorum diuonis, Licht-  
 nauum, quinq; milliaribus ab urbe positam, & simul adiunctum op-  
 pidum, quinta die Maij deditione capit. Exercitus eius erat, equitum  
 ad duo millia, peditum signa undeuiginti. Postridie, datis ad senatum  
 literis, quanquam Gallie rex, inquit, & confœderati principes, euul-  
 gato scripto, quid de republica sentirent, & quomodo Germaniæ li- <sup>Alberti</sup>  
 bertatem recuperare, simulq; religionem constituere uellent, prolixè <sup>Brand. li</sup>  
 demonstrarunt, ea fiducia nimirum, ut hoc illorum institutum nō mo- <sup>teræ ad</sup>  
 dō gratis animis uiri boni complecterentur omnes, uerum etiam totis <sup>Noriber</sup>  
 uiribus adiuuarent, quod quidem à nonnullis etiam factum est: uos <sup>gentes.</sup>  
 tamen, nec quid uestre sit uoluntatis atque consilij, declarastis, nec ad  
 indictum etiam Augustæ conuentum, legatos, ut audio misistis, ue-  
 rùm ad defensionem comparastis omnia, tormentis huc illuc per mœ-  
 nia dispositis atque propugnacula, & conductis copijs, ad extremum  
 usque uelle uos perseuerare iactatis, ut quidem ad me desertur, eiusq;

155 rei fidem facit, quod nullos adhuc legatos mihi de pace misistis. quod tamen alij quidam & uiri principes & ciuitates longinquiores fecerunt. Cum ergo scriptum illud regis atq; principum confœderatorum apertè proficiatur, eos, qui coratum hunc ipsorum uel impugnabunt, uel non adiuuabunt, in hostium numero habendos: deinde, cum huic ego sim adiunctus militis, ut eos, quorum fines attigero, cogam ad officium, neq; locum ullum munitum, unde uis aliqua uel eruptio metuenda sit, à tergo relinquam: hac de causa, uobis, qui nondum satis fecistis expectationi, Lichtenauum arcem, quæ castris meis multum incommodabat, ademi, conseruatis præfidiarijs, in quos tamen durius agere mihi licuisset. Et quia præcipuum adhuc restat, equidem et Gallie regis & sociorum nomine à uobis peto, ut quid pro tuenda Germaniæ libertate, proq; constituenda religione facere constitueritis, clare profiteamini, mihiq; die crastina denuncietis, ut quid à uobis expectandum sit, quoue numero uos oporteat habere, possit intelligi. Cæterum, quo tempore Schuinfurti Mauricius atq; socij conuenerunt, quod fuit Martij die uigesimo sexto, sicut antea dictum est, fidem & societatem & instrumentum militare, & commeatum & maximam auri uim, à Noribergicis per internuncios petebant: sed post multam actionem, cæteris ommissis conditionibus, cum illi centum aureorum millia dependissent, pacem eis tam suo quàm sociorum nomine, per literas amplis uerbis promittebant. Cum ergo nunc ipsis immineret Albertus, ad illos querimoniam deferunt: & quia Lincio nondum redierat Mauricius, Maij die tertio Lantgrauij filius Gundelfinga rescribens, bene sperare iubet: quinta uerò post die, cum ià reuertisset Mauricius, ambo scribunt, & pacta seruare promittunt, et Alberti factum hoc sibi prorsus inopinatum esse, neq; probari, sed & omnem operam duros, ut sua recuperent, quos etiam ei suppeditauerint ipsi copias, continuo uelle se reuocare dicunt. Acceptis Alberti literis, Noribergenses eodem die rescribunt, & quid Mauricius atque principes per transactionem ipsis promiserint, ostendunt, eamq; fuisse causam dicunt, quo minus euiserint legatos. itaq; magnopere orant & obsecrant, ut arcem ademptam plenè restituat, in eoq; socijs gratificetur. Ille utiçsum, triduo post: quia sibi non constet, quomodo transegerint cum ijs, & uerò Gallie regis plurimum intersit, cui sit non minus quam



quàm illis addictus, petit, ut è suis familiaribus homini certo, què sit 1 5 5 2  
 in urbem missurus, publicè caueant, & transactionis exhibeant docu=  
 menta. Gerunt illi morem, & exhibent: sed ipse nihilo secius, tametsi  
 Mauricius atque socij diligenter intercederent & deprecarentur, un=  
 decima die Maij, rursus illis per epistolium denunciat, & Gallie re=  
 gis nomine cumprimis, ut intra paucas horas clarè sibi respondeant,  
 an imperata facere uelint, postulat: cumq; responsum, quale uoluit,  
 non ferret, arcem Lichtenauu & adiunctum oppidum diripit, incen=  
 dit, funditus euertit, æquatq; solo, & quum oppidanis pecuniam im=  
 perasset, in suam & Georgij Friderici patruelis ditionem illos per ius=  
 iurandum adigit, & urbem obsidet. Itaq; Lantgrauij filius, equitum  
 duas cohortes, quas in Vuolfgangum, ordinis Teutonici magistrum  
 ei attribuerat, illico reuocat, & ad se redire iubet, maxima cum illius  
 offensione. Truculentum ergo bellum orditur, & uicos illorū ditio=  
 nis, ad centū, castella uerò, ciuiumq; uillas ad septuaginta, simulq; tem=  
 pla, cum ea dissipasset, syluam insuper, quam habent amplissimam,  
 quæq; non ipsis modò, sed & finitimis materiem atq; ligna submini=  
 strat, incendit, & ad ter mille iugera exurit. uicinis autem, ex nobili=  
 tate, & alijs iam antè, nisi parerent, bellum denunciauerat, inprimis  
 autem episcopo Bambergensi & Vuirciburgico, quos etiam in hoc re=  
 rum statu ad grauissimas conditiones adegit. & Bambergensis quidè,  
 ut se suamq; prouinciam periculo iam imminenti subduceret, pacem  
 ab eo maximis iacturis redemit. nam suæ ditionis oppida & præfectu=  
 ras ad uiginti coactus fuit ei dare, confectis ea de re literis, Maij die un=  
 deuigesimo, simulq; clientelas & beneficiarios omneis ei permittit.  
 Vuirciburgicus autem aureorum millia ducenta, uiginti dependit, &  
 simul eius debita, quorum erat summa, circiter trecenta, quinquagin=  
 ta nummū aureorum millia, in se recipit, & persolvere pollicetur.  
 Noribergensium hanc tam indignā & lamentabilem fortunam mise=  
 rate Sueuicæ ciuitates, quæ nuper ad imperatū Augustæ conuenerant,  
 ut suprā diximus, numero ad uiginti sex, per legatos ex omni numero  
 delectos, intercedunt, Augustani cumprimis: & ubi Noribergam fide  
 publica uenissent, multis in medium adductis, ad pacē eos hortantur,  
 deq; captis alpium claustris, Erebergo, dicunt, & cum Italiæ Panno=  
 niæq; statum esse demonstrant, ut auxilium nullum atq; subsidium ab

Bamber  
 gensis &  
 Vuirci=  
 burgicus  
 mulctat  
 ab Alber  
 to Bran  
 dcburgi  
 co.

1552 ullo sperari possit: conditiones deinde ab Alberto propositas exhibet.  
 Illi, pro suscepto labore studioq; gratias agunt, & quam nullam ha-  
 beat Albertus armorum causam in ipsos, & quid cum Mauricio sit a-  
 ctum atq; socijs, ostendunt: & quia conditiones oblatae sint eius gene-  
 ris, ut partim ab se non prestari, partim ad Caesarem atq; Ferdinandū  
 regem excusari nullo modo possint, extrema sese pati, remq; Deo uel-  
 le commendare dicunt: sic enim sibi conscios esse, ut non Caesarem mo-  
 do, sed omnes quoq; principes, & ipsius quidem Alberti propinquos  
 etiam atq; necessarios ferre possint arbitros. Cū hac intercesso-  
 res, opportunē, commodisq; uerbis ad Albertum detulissent, & ille  
 non solum non mitesceret, uerumetiam atrocissima quaeque minare-  
 tur, iunij die quarta per literas illis demonstrant, implacabilem eius  
 esse animum, neque se potuisse illum ad aequiores adducere conditio-  
 nes. Albertus autem uehementiori, quā prius, impetu, rursus in ur-  
 bem tormentis fulminat, & ignem in diuersa loca conijcit, & nocte  
 quadam oppugnat, quōque plus terroris adferret, suburbium unum  
 incendit. Ad hoc ipsum uerō tempus in illius castra uenerunt à Mau-  
 ricio simul & à Lantgrauij filio missi de pace legati, Georgius Than-  
 nebergus, Gulielmus Schachtbus. hi ciuitatum adhibitis legatis, qui  
 re desperata discessuri fuerant alioqui pōst multam & laboriosam a-  
 ctionem, utrisque demum persuadent, & pacem constituunt. nam &  
 nouis copijs nuper erat auctus Albertus, Iobo Dalbeco, Christophoro  
 Oldeburgo, ductoribus, & Mauricius, datis ad senatum literis, Al-  
 berti factum hoc sese molestissimē ferre, neque tamen mederi iam pos-  
 se, nunciabat. pacis hae fuerunt leges: aureorum millia ducenta depen-  
 dant: tormenta magna lex, instructa rebus omnibus tradant: princi-  
 pes confederatos, ut Augustani, fauore prosequantur: ipse uicissim  
 illis ablata restituat. Itaq; sub uigesimum iunij diem, urbis obsidio, to-  
 tius propē Germaniae celeberrimae potentissimaeq; & rebus omnibus  
 instructissimae, sed & inprimis munitae, soluitur. Hoc tam egregio suc-  
 cessu factus alacrior, iunij die uigesimo dat literas ad Vlmen-  
 ses, in ijs perscriptum erat, Noribergicos, maximo ipsorum cum de-  
 trimento, domitos ab se, pacis accepisse conditiones, & facturos, quod  
 ipse atque socij praescripserint: nunc ergo se constituisse & ipsos ob-  
 fidere, sed longē secus, & arctius multo, quā nuper: quod si consti-  
 lium

Noriber-  
 genses  
 paciscun-  
 tur cum  
 Alberto.

Alberti  
 Brande-  
 burgici  
 literae ad  
 Vlmen-  
 ses.



lium suum fortuna comprobet, nulli se masculo, qui septimum sit an-  
 num egressus, parciturum, nisi ad sanitatem redeant, & missis quam=  
 primū legatis, omnino sibi socijsq; satisfaciant, & nuper quoq; fa=  
 ctæ rebellionis culpam eluant: in eo autē quid facere uelint, per ipsum  
 cui literas dedisset, apertē nunciari iubet. Ad eas literas paucis illi re=  
 spondent, incolumes quidem, & quādiu uita suppetat, nihil se factu  
 ros corū quæ postulet. Gallie rex, Germaniæ finibus egressus, tripar=  
 tito demum exercitu Vualderfingam uenit, quod est ad Saram flumē,  
 Lotharingicæ ditionis oppidulum. Ibi consociatis copijs, uigesimo  
 quinto die Maij progressus, & traiecto Mosella flumine, cum in Lu=  
 ceburgicum agrum uenisset, populationibus & incendijs omnia ua=  
 stat, exemplo Rossemi prouocatus, ut quidem ipsi ferebant, & Aste=  
 neum oppidum recipit, à defensoribus uacuum. Rossemus enim do=  
 mum reuerterat: castris deinde positis, Danuillerium oppidulum de=  
 ditione capit, post etiam Iuæum, ex præcipuis ibi propugnaculis u=  
 num. Eo in oppido erat Mansfeldius Comes Ernestus, totius regionis  
 præfectus, cum flore iuuentutis: hi omnes in hostium potestatem ue=  
 nerunt: oppidum deinde, tumultuante milite, præter uoluntatem re=  
 gis, ut aiunt, directum fuit. Nunc ad Mauriciū reuertemur. Is, tra=  
 ctandæ pacis causa, Passauium se contulerat, uti diximus. Ibi actione  
 repetita Linciana, calendis Iunij, copiosius omnia proponit & expli=  
 cat. aderant legati Cæsaris, Ferdinandus rex, Bauariæ dux Alberius,  
 Salisburgensis, Eistetensis, episcopi. principum electorū omnium, Cli=  
 uenses etiam & Vuirtembergici, multiq; præterea legati. Queritur Im=  
 perij rempublicam, quæ cum primis libera esse debeat, ab exteris admi=  
 nistrari, principum electorum authoritatē imminui, multaq; fieri nō  
 consultis ipsis: quedam etiam ab Imperio diuelli & alienari: rationes  
 iniri quomodo ius creandi Cæsaris illis auferatur: in comitijs, electo=  
 rum sententias ferē postponi, priuatos electorum conuentus formidi=  
 ne quadam intermitteri, iurisdictionem eorum minui, dum illos, qui  
 prouocant ab ipsis, contra morem antiquum Camera recipit: ordi=  
 num Imperij controuersias augeri consultō, neque prius componi,  
 quā utrobiq; sit acceptum incommodum: in aula Cæsaris difficulter  
 impetrari audientiam, neq; rem exactē cognosci, ferē propter imperi=  
 tiam linguæ, neque sumptus modō sed & temporis ibi magnam fieri  
 inctus

Calliæ  
 rex Lu=  
 ceburgio  
 cum a=  
 grum ua=  
 stat.

Conuen=  
 tus Pass=  
 sauuij.

Mauri=  
 cij pro=  
 posita  
 Passauij

2552 iacturam: in comitijs agi parum amanter, & si quid adferatur ab aliquo pro republica, malam in partem accipi: crebris illis conuentibus atq; diuturnis exhauriri Germaniam, et domi multa sæpe negligi, neque tamen publicum statum effici meliorem imò deteriore aliquantulo, magisq; perplexum: grauib; edictis mandari, ne quis militet externis: eos, qui reconciliantur, astringi ne contra Cæsaris prouincias militent, itaq; ab Imperio diuelli: qui suis dominis bello Smalcaldico militarunt ex officio, mulctatos esse pecunia: qui eodem bello in Cæsaris amicitia permanserunt, ijs quoq; pecuniam esse imperatam, et sub auctione quidem, nisi mox darent, eorumq; legatis, quòd non statim assentirent, capitis periculo, ne iniussi discederent ab aula, mandatum esse: militem externum, in Germaniam introductum esse non semel, & finito superiori bello distributum huc illuc in prouincias, intemperanter atq; libidinosè multa fecisse, deq; subacta Germania gloriatū, fore dixisse, ut patrimonio Cæsaris cōiungatur, & in primarijs urbibus exadificentur arces atque propugnacula: tormentorum uim magnam & instrumenti militaris, ueluti per ludibrium esse deuectam ex Germaniæ finibus ad exterar; gentes: nonnullos, ambitione quadam, tormentis, quæ sibi fieri curassent, insignia principum Germanorum imposuisse, tanquam hæc illis eripuissent: euulgari libellos, & quidē priuilegio Cæsaris, ad Germaniæ summū dedecus ac infamiam, quasi domita sit, inq; seruitutē redacta: publicis in comitijs, nomine prouinciarum Cæsaris, admisceri quosdam in principum ordinumq; cœtum, & occultis hoc agi consilijs, ut aucto numero, suffragijs illi uincant: ante annum quartum institutum esse Camere iudiciū, & à paucis quibusdam fuisse conscriptas leges, quæ post euulgatæ sint, non sine multorum dispendio, præsertim eorū, qui sunt religionis Augustinæ: nam eos omneis à consessu prorsus excludi: rem igitur ipsam postulare, ut leges illæ proximo in conuentu recognoscantur. Hæc & id genus alia proponit, & cum ad Cæsare in primis pertineant, petit ut iam emendentur, Imperioq; sua resituatur dignitas, nec alijs, ut eam ludificent atque despiciant, permittatur. Intercessores, communitatis consilijs, ea postulata nihil habere iudicabant iniqui: sed tamen ut Cæsari & suis constaret honos, & eò facilius persuaderi posset, nonnulla, quæ publici status emendationem attingunt, ad communem



nem Imperij conuentum posse referri censent. Aderat Gallicus lega-  
 tus, Fraxineus: is Iunij die tertio in confessu principum oratione ha-  
 bet. Inter Gallos & Germanos, iam olim, & prius quàm nomen Fran-  
 conum innotuisset, adeò fuisse magnam uitæ morumque similitudi-  
 nem, ut Germani sint hi populi quondam à Romanis appellati, qua-  
 si fratres Gallorum: ubi uerò sedem in Gallia sibi Francones cōstitue-  
 runt, utranque nationem fuisse coagmentatam, sic, ut idem esset Im-  
 perium, idem principes, eademq; leges: commutatione deinde facta  
 temporum, cum esset ad Germanos delatum Imperium, Saxones, al-  
 liosq; Cæsares, quod è Francorum regibus originem haberent, perpe-  
 tuam coluisse cum Gallis amicitiam, ita quidem, ut Franciæ rex, Phi-  
 lippus Augustus, antiquum illud sædus, quod uetustate propemodū  
 erat obsoletum, aureis describi literis, & sanctiori loco reponi iube-  
 ret: nec immeritò quidem: nam ea durante coniunctione, florentem  
 in primis utriusque populi fuisse rempublicam: & Germaniæ quidem  
 tantum extitisse robur, ut non modò Pannonijs, Bohemis, Polonis at-  
 que Danis, uerum Italii etiam leges præscriberet: Franciæ reges au-  
 tem, ut religioni consulerent, in Christiani nominis hostem, Sarace-  
 nos atque Turcas, non semel arma sumpsisse per Asiam, Aphricam,  
 Europam, & gloriosissimas reportasse uictorias: incidisse uerò postea  
 tempus, quoddam infelicius, cum nonnulli Cæsares, uelut insitij,  
 minimeq; Germani, nec ea digni functione, Galliæ regum necessitudi-  
 nem illam desererent, & reipublicæ maximas inuherent calamita-  
 tes: atqui, plagam hanc, Dei beneficio fuisse curatam per illustrem  
 Luceburgiorum principum familiam, è qua Cæsares aliquot prodie-  
 rint, magna uirtute uiri, Galliæq; regibus coniunctissimi: nam Ca-  
 roli quarti parentem, pro Galliæ rege pugnantem occubuisse: consi-  
 milem quoque principum Austriacorum fuisse uoluntatem. & in ijs  
 Albertum primum, neq; pollicitatione neq; comminatione pontifi-  
 cum, ut Galliam oppugnaret, impelli potuisse: hæc autè eò se recitare,  
 ut uideant, quàm non bene reipublicæ consulant potentissimi Cæsaris  
 Caroli quinti familiares quidam & administri, dum non solum id a-  
 gunt, ut has duas præstantissimas nationes, alteram ab altera diuellāt,  
 sed id etiam suis technis & astu iam antè perfecērūt, ut optimus prin-  
 cept, Franciscus rex, indicta causa indicaretur hostis: hæc quidè illos  
 facere

1552  
 Fraxinei  
 Gallici  
 legati  
 oratio  
 Palsauij

155 2 facere priuato suo cum emolumento, sed maximo cum dispendio publico: quàm enim eis difficile fuerit, ea manente duarum nationum amicitia, libertatem infringere Germaniæ, suumq; regnum illud exedificare, uel ex eo satis apparere, quòd Gallicis nunc armis territi, remissius agant, nec Hispanicum illud iugum sic urgeât: hos nimirum illos esse, qui precibus atque tribulis impetrata pace Turcica, per causam uel religionis uel obedientiæ, simultates in Germaniam atque factiones inuexerint, qui Germanorum adiuti copijs bellum Germaniæ fecerint, qui pecuniam omnibus imperarint, & miserabilem Imperij conditionem effecerint, dispositis huc illuc Hispanorum praesidijs, ex armatis armamentarijs, & cognitioni fiscali patefacta uia: nam eò rem esse deductam, ut & Imperij sigillum, & Cameræ iudicium, & comitiorum ius atq; libertas ab unius pendeant Atrebatensis arbitrio: cuius enim hoc sit uel exempli, uel æquitatis, eos, qui tolerandæ uitæ causa militant externis, mulctare supplicio, proscribere, magnis propositis præmijs obijcere trucidandos: ut interim tot cædes, libidines, direptiones & oppidorum deuastationes mittantur, & inprimis non uno modo, sed pro temporis conditione uariè tractata religio: certè, quicquid huius rei factum sit multis nunc annis, eò pertinere solum, ut conturbatis Imperij legibus, Ferdinando regi, uel coacto, uel pollicitationibus illecto, principibus autem formidine quadam atq; territatione subactis, Hispaniarum princeps designetur Caesar. An non mors exoptanda sit potius uiris fortibus, quàm ut in talibus ærumnis lumē hoc solis intueantur? neminem profectò posse fingi tam uecordem atque barbarum, quem nō ista commoueant: non ergò debere cuiquam uideri mirum, si tandem extiterunt uiri principes, & in his quidem Saxonie dux elector Mauricius, qui uel sui capitis periculo recuprandam esse cōmunis patriæ libertatē existimarunt: eos uerò, cum uiribus essent inferiores, neq; tantam soli prouinciam sustinere possent, Gallie regis implorasse fidē & auxilium: & hunc quidē superiorum annorum offensione deposita, nō modò fortunas omneis cum ijs communicasse, uerum se quoque tantæ rei totum impendisse, facto cum illis fœdere, quo sit inter alia cautum, ne cum hoste pacisci, nisi de regis uoluntate, liceat: porrò, Mauriciū, quanquam eo uinculo teneatur, tamen, ut patriæ consulat, et Ferdinando regi petenti morem ge-



rat, à Christianissimo rege petiſſe nuper, ut quomodo pacē ſerre poſſet, oſtendat: id quidem ei præter expectationem nonnihil accidiſſe, quod cum eiſmodi ſit ipſius tamq̃; magnum beneficium, de rebus ad ipſum pertinentibus, non ex longinquo, ſed coram eſſe putaret agendum: ſed tamen, quia ſuis commodis publica longè præferat, non uoluiſſe conſœderato principi quicquam denegare: proinde, ſi rei publicæ uulnera ſanentur, ut oportet, & in poſterum idoneè caueatur, ne recrudescant, ſi principes captiui dimittantur ijs, quæ ſunt in fœdere perſcriptæ, conditionibus, ad hæc, ſi uetuſta Galliæ cum Imperio, ſed & iſtud nuper cum principibus initum fœdus ita confirmetur, ut in ſempiternum ualeat, hæc, inquam, ſi procurentur, illum erga rem publicam ſic animatū eſſe, non modò libenter ut ſit aſſenſurus actio- ni pacis, uerū etiam Deo permagnas acturus gratias, quòd ipſius in eo conſilium interuenerit & adiumentum: ad priuata quod attinet, quia per uim Cæſar multa detineat, neque iuſta de cauſa bellum fecerit, regem putare æquum eſſe, ut qui cauſam iniuriæ dedit, ſatisfactio- nis quoq; uiam primus oſtendat: illum certè, licet uiribus atque cauſæ minimè diffidat, ita ſe comparaturum, ut quantopere ſit, & amans pacis, & ipſis omnibus atq; Mauricio gratificari cupiat, intelligi poſſet. Principes ad ea reſpondent. illam, ex uetuſtate repetitam & ſu-  
 periori memoria, de Germaniæ coniunctione Galliæq; narrationem, ualde ſibi iucundam, neque minus gratum fuiſſe, quòd priuatis com-  
 modis rempublicam rex anteferat, & quò minus conſœderati princi-  
 pes cum Cæſare pacem conſtituant, non recuset: nam ut ita fiat, non unius modò nationis, uerū Europæ totius intereſſe, quæ ciuilibus ia-  
 ctata malis, ad interitum ſpectet: quas uerò pacis conditiones rex in-  
 teruenire uelit, non ſe dubitare, quin id obtineri poſſit: nam & an-  
 tea Cæſarem, & nunc in his motibus bene de republica ſentire, neque Germaniæ uelle deminui libertatem: amplam quoq; ſpem eſſe, futu-  
 rum, ut principes captiuos breui dimittat: ut autem antiqua fœdera renouentur, & noua confirmentur, intelligere pro ſua prudentia re-  
 gem, in hoc ipſo conuentu rem tantam non poſſe conſci: uerū tamen quæ ſemper fuit inter utruq; populum, eam optare ſe firmam & in-  
 uiolatam permanere, neceſſitudinē: quæ ſint ei cum Cæſare priuatae lites, ut hæ componantur, et cupere ſe cum primis, neq; laborem etiam  
 atq;

Principū  
ad Fraxi-  
nem re-  
ſponſio.

155 2 atq; studium in eo recusare: cum autem occupare Cæsarem nonnullæ rex, quæ sua sint, affirmet, & quod ab eo repetat, habere se non obscure significet, uideri sibi non iniquum, ut cuiusmodi sit illud, ostendat: nam ad Cæsare referre controuersiam, & intercedere sese constituisse: rogare uerò plurimum, ut in bonam partem ista rex interpretetur. Porro, quæ sit inter Gallos atq; Germanos propinquitas, octauo libro diximus: de Luceburgiorum autē familia, quod Gallicus orator ait, sic habet. Luceburgij Comes Henricus filium habuit Henricum, qui postea Cæsar fuit, eius nominis septimus. huic erat filius Ioannes, qui per matrimonium factus est Bohemiæ rex. hic Philippo Valesio, Gallie regi tulit opem aduersus Angliæ regem Eduardum tertium, ipse profectus in bellum, & commisso prælio, cum Angli uincerent, occubuit, ac inter alios, filium reliquit, natu maximum, Carolum, qui postea factus est Cæsar, eius nominis quartus, pater Venceslai & Sigismundi, qui Cæsares ambo deinde fuerunt, & hic quidē etiam Vngariæ rex atq; Bohemiæ, Constantiēsis concilij sollicitator. Albertus Austriacus, de quo loquitur, Rudolphi Cæsaris filius, Cæsar, cum Philippo Pulchro, Gallie rege firmam coluit amicitia, etsi Bonifacius octauus pontifex, uehementer eum ad bellum incitaret. Mauricius, præter Lantgrauij liberationem, duo potissimum urgebat, unum, ut ijs de rebus, quæ Germaniæ libertati nocerent, & quas ipse nominatim recitauerat, Ferdinandus rex, Maximilianus filius, & intercessores ipsi iam iam cognoscerent, & ex legibus atq; more antiquo Germaniæ de ijs pronunciarēt: alterum, ut religioni pax daretur, nec ulla cuiquam eo nomine fieret molestia, dum integrè sit controuersia tota conciliata. Rationem hanc non improbabant intercessores: at Cæsar, per legatos, quid in eo requireret, ostendit, & ijs qui fideles ipsi fuissent, inq; maximas idcirco calamitates incidissent, de damno satisfieri, æquum esse putabat. Post uariam disceptationem, cum essent nonnulla mitigata, placuit tandem, ut ad tertiam Iulij diem planè Cæsar responderet, ac interea belli conquiesceret administratio: datis ergo literis Iulij die decimo sexto. Cæsarem intercessores ad pacem hortantur. Berbergo capto, direptoq; post Oenipöte, diximus, quemadmodum socij principes, itinere conuerso, per alpes, ad exitum Maij, redierint. Riefsam. Inde profecti, Iunij die undeuigesimo, cum copijs omnibus ad

Eist=



Eistetum castra ponunt, quod est Bauariae finitimum oppidum episco-  
 pale, magnoq; desiderio, neq; sine sollicitudine Mauricium expectant.  
 qui cum tandem eo uenisset, quo loco res uersaretur, ostendit, & ul-  
 tima Iulij die per dispositos equos illinc Passauium reuolat, ut ad con-  
 stitutum diem adesset. socij uero principes, motis postridie castris,  
 quarto post die, Roteburgum, quod est ad Duberum flumen, Franco-  
 nie uicinum oppidum, perueniunt. Albertus autem Marchio suum  
 institutum nihilo secius urgebat, & ad pacem adacta Noriberga, no-  
 bilitatem etiam & ordines ipsius locis imperata facere cogebat. nam etsi  
 communem causam agebat initio, sicut edito scripto facturum se pro-  
 fessus fuerat, tamen non erat eius foederis, & soluta Vlmiae obsidione,  
 coepit quodammodo suum priuatum agere negotium, uel quod uni sibi  
 uellet acquirere, quicquid belli dedisset fortuna, uel quod Mauricij fa-  
 ctum improbareret, uel quod à Galliae rege sollicitatus, alio spectaret: sed  
 tamen quos in suam fidem adigeret socijs quoq; fidem eandem presta-  
 re iubebat. Deinde in archiepiscopi Moguntini fines progressus ad  
 Moenum flumen, plurimum damni dat, incendijs atq; rapinis, & in-  
 gentem pecuniae uim ab eo postulat: cumq; nonnulli intercederent,  
 neque tamen de summa conueneret, Moguntinus, in Rhenum antea  
 demersis maioribus tormentis, quinta Iulij die discedens, fuga salutem  
 petit. Eodem etiam tempore, Albertus, qui nihil intentatum relinque-  
 ret, ab archiepiscopo Treuirensi petit, ut praecipuam ipsius ditio-  
 nis arcem sibi tradat. ea est ad Rheni atque Mosellae confluentem, lo-  
 co excelso, & natura munito, & cum primis opportuno. Galliae au-  
 tem regis nomine hoc ab se postulari dicebat. Ille, cum suis re delibe-  
 rata non se posse morem ei gerere demonstrat. Quia principes inter-  
 cessores extrema parte sui responsi, quod oratori Gallico dederant, ut  
 ante diximus, equum sibi uideri dicebant, ut quid à Caesare rex posui-  
 let, ostenderet legatus, à rege certior factus, cum esset ad exercitum pro-  
 pe Eistetum, Iulij die uigesimo nono rescribit illis, non alia de causa,  
 quam ut toti reipublicae, cum primis autem afflictae Germaniae liberta-  
 ti consuleret, bellum hoc suscepisse regem, cum id ab eo principes ali-  
 quot diu multumq; flagitassent: priuatum certe compendium suum  
 in eo captasse nullum. & rem ipsam hoc testificari: nihil enim omnino  
 per Germaniam occupasse, cum id ei non esset difficile: socijs quoq;

Albertus  
 Brand.  
 Mogunti-  
 num mul-  
 ctat &  
 Treuirem  
 sem.

Gallie re-  
 gis adu-  
 rces o-  
 res respo-  
 sio.

155 2 liberam fecisse gerendi belli potestatem: ac licet interea, dum ad Rheenum ipse cum copijs excubaret, domi grassaretur hostis, non tamen se commouisse prius, quàm è Mauricio duce cognouisset, pacatis rationibus ea impetrari posse. quorum gratia bellum fuerat susceptum: eo cognito, non mediocriter letatum fuisse, cum ex animi uoto rem procedere uideret: nam hoc eius fuisse consilij, primum, ne principes hanc tam pulchram occasionem negligerent, nèue sibi deessent ipsi, uel uerba dari paterentur, ut antea: deinde, quoniam suæ uoluntatis atq; fidei tam insigne documentum ipse daret, ut firma constitueretur utriusq; gentis amicitia, quò uidelicet ipse post alijs reipublicæ commodis expeditè uacare posset: quia uerò dux Mauricius ab eo rogaret, quomodò pacisci uelit, hanc ipsius esse mentem, ut dicat bellum ei nulla iusta de causa Cæsarem fecisse: Galliæ reges autem non consueuisse pacem ab hoste petere, præsertim eo, cui neque uiribus nec alia re sint ulla dispares: tam, ut aliquid proponat, nisi spes propè certa sit impetrandi, causam ei nullam apparere: de ipsis uerò sic existimare, futurum, ut nihil ab se requirant, quod non cum ipsius dignitate coniunctum sit: illum inuicem sic eos amare, tantiq; facere, ut si communem totius orbis pacem ab eis tractari uideat, multa sit, ipso quidem gratia, de suo iure concessurus: quò minus etiam de ipsius postulatis cognoscant atque statuunt, modò conditionem eandem Cæsar subeat, non recusare, & ut eius rei causa conuentus aliquis habeatur primo quoque tempore, cum primis optare: quod si fiat, intellectu ros omneis, quantum & rempublicam amet, & quàm sint à ueritate remota, quæ de Turcica societate disseminatur ab aduersarijs: quòd si uerò nullum ista locum habeant, & in ipsius modò perniciè omnia conferantur consilia, nec illa, quam à Germanis meritò sperauit, in ea tur amicitia, non ipsi tribuendam esse culpam, si qui maiores fortè nascuntur motus. Hæc epistola, calendis Iulij fuit in coetu principum recitata. Passauium ubi uenit Mauricius ad diem, Cæsaris fuit allatum: postridie responsum ad Ferdinandum regem. Is deinde, facto confesso, Cæsarem quidem ait, quid suæ sit sententiæ, scripsisse, uerum in plerisque non assentire: quod cum ita sit, nihil opus esse, quid ad singula responderit, nominatim explicare: sed tamen quò uideri possit, quanti opere pacem ipse cupiat, & quàm benè consultum esse uelit



Germaniæ, profecturum se magna celeritate ad Cæsarem, neq; dubitare, quin ei persuadeat; orare autem inprimis, ut eius temporis, quod itineri dandum sit, octo uidelicet dierum moram, leniter ferat Mauricius. Quod cum ille mox recusaret, Ferdinandus admodum instat & urget: uerum id frustra fuit, & Mauricius, conuocato principum atque legatorum cœtu, quam nihil reliquit fecisset ad summum studium atq; laborem componendæ pacis, ipsos qui iam totum mentem rebus omnibus interfuerint, optimè scire dicit: neque dubitare, quin huius rei præclarum sibi testimonium dare possint: itaq; petere, ut animo sint erga se beneuolus, & communem Germaniæ causam adiuent: nihil enim amplius ab se posse concedi & propter assiduitatem actionis propè in suspensionem apud socios uenisse. Illi, quum liberaliter ad ea respondiissent, ipsius collaudato studio, à Ferdinando rege petunt, uti Cæsaris nomine planè decernat: existimare enim, quicquid ipse fecerit, futurum ut ille ratum habeat. Ferdinandus adhuc, nullam talem à fratre potestatem habere se dicebat: alioqui laborem hunc profectiois atque molestiam non suscepturum: etenim, extra limites ab illo circumscriptos, non sibi licere deflectere. Quem admodum intercessores, xvi. die Iulij Cæsarem hortati sint literis ad pacem, supra diximus: ad eas literas, ultima Iulij die Cæsar Villaco rescribit. inde ab inito magistratu se perpetuò studuisse paci, & ne nunc quidè aliud optare: non esse igitur, cur eam sibi tantopere commendent, sed ad eos, qui fini horum motuum auctores, hoc genus oratione potius utendum esse: quod ut faciant, postulare per eam, quasi ubi deuincti sint & Imperio, fidem: ad sua priuata quod attinet, ipsorum quidem gratia se concessurum esse multa, modò sic instituatur actio, ut auctoritas Imperij salua maneat, neq; maioris turbæ relinquatur materia: de summa uerò pacificationis quæ sua sit sententia, scripsisse ad Ferdinandum regem fratrem, ex quo sint audituri singula. His literis illi, quinta Iulij die, cum rex Ferdinandus ad Cæsarem reuerteretur, rescribunt. ipsius hortatu monituq; se uenisse ad hanc actionem, eoq; magis, quòd reipublicæ causa, facturum se quiduis diceret: maximo autè suo labore, sollicitudine, diligentia uiam esse pacis inuentam: itaq; rursus obsecrare, et uehemèter quidè, ut cõmunem patriam respiciat: multos & præcipuos ordines Imperij, qui sint eius fide secuti,

Mauricius moræ impatiens.

Cæsaris literæ ad intercessores.

Intercessorum ad Cæsaris literas responsio.

1552 plurimum accepiſſe iam calamitatis, eamq; nunc eſſe rerum conditio-  
nem, adeoq; breuē conſulendi occaſionem, ut reliqui principes ac  
ordines præſertim, qui ſint incendio uicini, quantumuis etiam uelint  
ei fidem & amorem omnem præſtare, tamen non poſſunt, imò neceſ-  
ſe habeant ea inire conſilia, quibus imminere iam calamitatem &  
exitium primo quoque tempore declinent: quod repudiata pace,  
rem armis tentare uelit, fore ut grauiffimæ perturbationes ac plenæ  
periculi mutationes per Germaniam ex eo ſuſcitantur, quæ poſt ad i-  
pſius etiam prouincias redundent: nihil igitur eſſe potius, quàm ut pa-  
cis conditionibus, quas ipſi tanto ſtudio conquiſierunt, acquieſcat.  
præſertim, cum Lincij præcipuæ fuerint approbatæ, cuius quidem ac-  
tionis formulam atque ueſtigia ſecuti ſint ipſi: deinde, quoniam ea  
quæ propriè ad ipſius pertinent dignitatem atque magiſtratum, con-  
ſulto reiecta ſint ad Imperij conuentum, ut ibi commodius leniusq;  
tractentur. Eodem, quo ſunt hæc acta, die, Mauricius abit, & quum  
undecimo die Iulij ueniſſet ad ſocios, qui tum Mergethemi caſtra ha-  
bebant, quid actum ſit, exponit, & Ferdinandum regem iuſſe celeri-  
ter ad Cæſarem, & putare dicit, futurum, ut breui conſiliarios mit-  
tat, qui plenum & definitum reſponſum adferant. In hoc autem  
dubio rerum ſtatu, ne nihil agerent, & quia Cæſaris erat Francofur-  
ti præſidium, ſeptemdecim ſigna peditum, equites ad mille, Conra-  
do Hanſtæno ductore, ſic ut Heſiæ uicinæ non paruum diſcrimen im-  
mineret, eò contendendum eſſe placuit. Cum ergo Pruſiæ magiſtro  
Vuolſgango, cuius in ſinibus tum erant, incendijs atque direptioni-  
bus plurimum damni dediffent, progreſſi per agrum archiepiſcopi  
Moguntini, decimo ſeptimo Iulij die Francofurtum ueniunt. Prin-  
cipes autem interceſſores atq; legati, continuo poſt ad Mauriciū at-  
que ſocios in caſtra mittunt legatos, qui mulceant animos, & pacem  
urgeant. Ea durante obſidione, Georgius Megelburgiæ dux, Mauri-  
cio coniunctus, ille qui Magdeburgicis omnium primus bellum fece-  
rat, tormento fuit interfectus. Quo primum tempore cœptum eſt  
obſideri Francofurtum, confœderati principes magnam uim tormen-  
torum ab electore Palatino petunt: recuſat ille ſemel & iterum: ſed  
cum aliter non poſſet, & illi cum exercitu ſe uenturos nunciarent, ex  
omni numero dedit octo præcipua, cum omni inſtrumento. Ferdinandus

Maurici-  
us Fran-  
cofurtū  
obſidet.  
G. Megel-  
burgius  
occidi-  
tur.



dus rex, ad diem, qui fuit Iulij dies xiiij. Passauium reuersus, quæ Cæsa-  
 ris esset in singulis rebus uoluntas, intercessoribus ostendit. nimirum,  
 ut de rebus Imperij, quas proposuisse Mauricium supra diximus, non  
 à delectis aliquot separatim, sed ab uniuersis in conuentu Germaniæ  
 cognoscatur: deinde, ut religionis causa pacata maneat ad proximum  
 usq; conuentum Imperij: quo quidem in conuentu, quod agendum in  
 eo deinceps de communi ordinum consilio uidebatur, id ratum sit atq;  
 firmum. Intercessoribus quoq; Cæsar, ad postremam epistolam, unde  
 Cima Iulij die respondet. sicut ipsi per literas ita Ferdinandum regem  
 fratrem, per quam diligenter secum egisse de suscipiendis conditioni-  
 bus: & se quidem utrisq; libenter uoluisse gratificari, sed multis de cau-  
 sis impediri, quas fratri demonstrarit: nec enim ut indifferenter om-  
 nia probet habeatq; rata, sibi esse integrum: quod autem huius occa-  
 sione motus, nonnulli, præter omne meritum in calamitatem incide-  
 rint, id sibi uehementer, si cuiquam alij dolere: neq; tamen id sui con-  
 tigiisse fiducia, qui talem spem nemini fecerit, in qua prorsus esset ac-  
 quiescendum: nam etsi præcipuos aliquot principes, ut nascenti ma-  
 lo mederentur, initio motus interpellarit, omne suum studium pollicet-  
 tus, non tamen hanc idè suam fuisse mentem, ut quicquid propone-  
 retur, id approbaret: etenim, quæ totum ad Imperium pertinent, ut ad  
 publicos ea conuentus referantur, æquum sibi uideri: quo quidem  
 tempore si quis ullam adferet iustam de se querimoniam, minimè se  
 defuturum officio, quod adhuc quidem non prætermiserit: cum enim  
 hætenus nullum sit eius generis delatum ad se postulatum, quod ta-  
 men priusquam ad arma ueniretur, fieri conueniebat, non se potuisse,  
 quid ab se peteretur, diuinare, multò minus docere suos, Passauium  
 missos legatos, quid ad singula respondendum esset. quod quidem,  
 pro sui muneris atque personæ dignitate, coràm ipse facere cogitet:  
 quod ergò non omnia probet, quæ nonnulli fortè conantur ipsis per-  
 suadere, non esse, cur hoc in se quisquam reprehendat: sed ipsos, qui  
 sint intercessores, ad æquas atq; moderatas rationes debere potius in-  
 flectere illos atq; cohortari, præsertim, cum uix tandè, & non nisi ne-  
 cessitate coactum arma se comparasse uideant, quæ ne nunc quidem  
 exercere cogitet, si modò liceat, & si per ipsos æquabilis ac idonea uia  
 pacis expediatur: quod cum ita sit, confidere, futurum, ut sibi, summo

Cæsar  
 ad inter-  
 cessorū  
 literas re-  
 sponso.

1552 magistratui, fidem omnem præstent potius, quàm ut ipsi, qui cum suis hostibus, præter officium, fœdus fecerunt, & turbas excitarunt, auscultent: intelligere se, nec ignorare, quid malorum impendeat, armis utrinq; productis in aciem, et reipublicæ detrimentis commoueri plurimum, inprimis autè innoxie multitudinis, ideoq; cogitare pacem, ut antea semper, nec ullam æquam recusare conditionem: sibi uerò minime tribuendum esse, quod interea, dum de conditionibus, bis ad se delatis diuerso tempore, deliberauit, ordines nonnulli damnis affecti sint: nam intercessionis toto tempore fuisse inducias: quòd autem per hoc ipsum tempus Albertus Marchia quosdam affluxit, non se posse præstare: nam illum ab actione pacis inde à principio fuisse alienum: in respondendo quoque nullam suam interuenisse moram: & si permissum fuisset in eà ratione, quæ ab ipsis initio proposita, post autem immutata fuit, multò responderi citius atq; planius, imò, si ab actione Linciana, cuius & ipsi mentionem faciant, discessum non fuisset, iam pridem omnia potuisse conciliari: cum ergò suam erga rempublicam uoluntatem uideant, petere maiorem in modum, ut unà cum Ferdinando rege fratre, cui se totum explicarit, ad æquas conditiones illos adducant, et Imperij tum salutis tum dignitatis in eoratio nem habeant: se nimirum, quam adhuc quidem adhibuit, eadem usum esse deinceps lenitate studioq; pacis, quòd à bello ciuili uehementer abhorreat: si uerò pax istis conditionibus constitui non possit, omnem ab ipsis, qui sibi adiuncti sint, fidem expectare. Per Ferdinandum quoq; tunc respondet ad oratoris Gallici literas, nuper in consessu recitatas, ut supra diximus. cum Galliæ rege sibi fuisse pacem, quam diligenter seruauit: ac licet insolenter atq; superbè quædam ab illo fierent, publici tamen ocij causa dissimulasse: illum uerò, quanquam per oratorem ampla polliceretur, nec aliquid eiusmodi præ se ferret, bellum sibi terra mariq; fecisse prius, quàm aliquid denunciasset: porrò, iam antea se conditionem hanc detulisse, quòd si Mauricius elector, illius nomine pacis adferret rationes non iniquas, & rebus antea actis accommodatas, futurum, ut eas ipse minime recuset, uerum certi uel definiti nihil quicquam esse propositum, & huc illum spectare ut cum uiolatæ pacis culpam in se transfudit, concordie quoq; uiam ab se dicat aperiendâ: deinde hoc agere, ut illud de societate Turcica purget,

Cæsar  
ad Galli  
cilegari  
literas re  
sponso.



tanquam ipsi fiat iniuria: sed totum hoc esse fictum: nam si res ita posset, in medium adduci posse ac demonstrari commētorios oratoris Gallici Aremontij, memorie causa Constantinopoli scriptos, & per centurionem quendam Costum, ad regem missos, adduci quoq; posse ac exhiberi Turcici per Vngariam præfecti literas ad confederatos hoc tempore principes aliosq; datas, uerum interceptas: ex ijs autem liquido uideri, supertoris anni cladis, quā Turcica classis dedit, ipsum authorem, & ut idem hoc anno fieret, impulsorem fuisse, quodq; non plus damni datū sit, uehementer ei dolere, breuiter, hoc illius esse consilium atq; Turcarum Imperatoris, ut se, fratremq; Ferdinandum funditus euertant, quò totam deinde rempublicam, in primis uerò Germaniam, in summum redigant discrimen & angustias: quā pulchrè autem ista cum illius conueniant promissis, & quā sit ei curæ, Germaniæ salus, facillè quemuis intelligere: nam rem ipsam, quo sit animo, testificari: quòd enim præcipui ordines Imperij, præter omne meritum, hoc anno uexati sint & afflicti, penitusq; deuastati, quòd alij multis summis obiecti periculis, quòd ope Germanorū, qui se coniunxerunt ei, quedam Imperij loca redacta sint in tyrannicam illius potestatem, & nunc etiam ab eo muniantur, in ipsum unum esse conferendam omnem culpam: cum sic ergò res habeat, non apparere sibi, quid ipsius oratoris epistolæ, fictæ prorsus atq; simulate tribui possit: & suo quidem iudicio præstitisse multò, reiscere illam, quā id genus responsum admittere: quòd si rem omnem diligenter etiam considerent, non dubitare quin uideant, quid ille per suum oratorem struat ac molietur: & quoniam ad præsentem actionem scriptū illud minime faciat, non sibi necesse uideri, quicquam amplius ad illud respondere. Idibus Iulij, Ferdinandus rex, Henricum, ex illustri Plauiorum familia, Minsie, sicut uocant, Burggrauiū, Bohemiæq; cancellariū, in castra mittit. qui cum ad Mauriciū, Iulij die uigesimo quarto uenisset, rebus aliis quādiu disceptatis, pacem ei demum persuadet, itaq; pridie calendæ Augusti, præter multorum expectationē, de summa rei transactum est ut infra recitabitur. In reliquis, ad persuadendū comparatis argumentis, hoc etiam erat, cogitet secum, nisi conditiones admittat, quantū ei periculum incumbat & à Cæsare, qui firmissimum iam habeat exercitum, & ab eius patruuele Ioanne Friderico, quem, libertati restitutum,

Maurici  
us pacē  
admittit

1552 Caesar propediem sit remissurus domum: cogitet quoque Lantgrauj filius, in quantum discrimen sit & parentem captiuum & omnem prouinciam adducturus. Electoris Palatini tormenta, quæ subministrare coactus fuit, ut antè docuimus, facta pace, recepta fuerunt in oppidum, ne in Alberti manus peruenirent. Iulio mense, Gallie rex, captis aliquot Luceburgicæ ditionis oppidis, ut suprà demonstrauius, exercitiū in Atrebatibus adduxit, sed nulla re memorabili perfectā, quò militem ex labore & contagione reficeret, copias dimisit, ac domum ipse reuertit, ijs locis, quæ cepisset, præsidio munitis & opere. quibus demum rebus omnibus Guisium præfecit, magnæ per Galliam auctoritatis principem. Lotharingiæ uerò dominam uiduam, Caesaris è sorore neptem, inuisit excedere finibus. hæc duodecimo Iulij die uenit Argentoratum, & plusculis diebus ibi commorata fuit unā cum sorore marui, quæ & ipsa fuit à Gallie rege iussa migrare. Venit etiam Argentoratum, finibus eiectus, is, quem diximus, equitum ordinis Germanici magister, Vuolsfgangus, qui proximum in Imperij confessu locum ab archiepiscopis obtinet. Albertus Marchio, qui Francofurtum socijs aduentantibus, in uia sese coniunxerat, relictis illis ad obfidionem, Rhenum petit, & Vuormaciam atque Spiram in suam redigit potestatem, imperata pecunia simul & tormentis. Quocumque ueniret, sacrifici uel iam antè profugerant, uel mutata ueste, professionem & ordinem suum dissimulabant. Et cum per Franconiam adueniret exercitus, episcopi uicini ac reliqui eius ordinis præfecti fuga sibi salutem petebant: & Moguntinus quidē, qui metu Marchionis Alberti iam antea discesserat, uti suprà dictum est, Iulij die uigesimo quinto uenit Argentoratum profugus, & noctem unā ibi commoratus, abijt trans Rhenum. Spirensis admodum senex Tabernas confugit, non multo post, ibi mortuus. Vuormaciensis, interuentu Palatini, domum redijt, depensis aureorum millibus duodecim Occupatis ijs, quas dixi, ciuitatibus, Albertus, Iulij die uigesimo octauo, datis ad senatum Argentinensem literis, urbem sibi socijsq; patere quouis tempore præsidiumq; recipi, cum opus erit, & fidem præstari petit, tam suo quàm Gallie regis nomine: nam totius Germaniæ iudicanda causa bellū hoc administrari: nec ipsis, ut huic instituto desint, uel honestum, uel utile futurum esse: nam ut id perficiant, ideo se sociosq; denuo

Albertus  
Rhena-  
nos epi-  
scopus  
persequi  
tur.

Alberti  
postula-  
ta ab Ar-  
gentinen-  
sibus.



denuò iam copias omneis conuixisse. Senatus ad ea biduo post rescribit. multis nunc annis nihil se magis optasse, quàm ut uera Christi religio simul & prisca libertas per omnem Germaniam florerent, eoq; non solum instituisse suas actiones atq; consilia, uerum etiam opes atq; facultates contulisse semper, & eius nunc etiam esse propositi, nec unquam defuturos cõmunis patriæ tum saluti tum dignitati, quantum quidem singulis temporibus ipsi præstare possint: agnoscere etiam, hoc sui esse officij, propter illud, quo sint Imperio deuincti, iusiurandum atq; fidem: quòd cùm ita sit, non opus esse ampliori declaratione sue uoluntatis: Galliæ quoque regem, quo tempore nuper in Alsatia fuit, nihil eiusmodi postulasse: deinde, scriptum illud, cuius mentionem faciat, à confœderatis editum de causa belli, non sibi missum aut exhibitum esse: quapropter orare, ut satisfactionem accipiat, neq; sibi suisque finibus uim ullam faciat. In hoc autem ipso temporis puncto certior factus Albertus, ad pacem spectare Mauricium, relicto Spiræ præsidio, Francofurtum redit cum copijs, & obsidionem à qua Mauricius, facta iam pace discesserat, urget. positis castris ad diuersam oppidi partem, cis Mœnum flumen, loco paululum editiori, unde tormentis commodissimè res agi poterat. Pacificationem autem hanc indignissimè tulit, deq; Mauricio loquebatur admodum odiosè, neq; uoluit comprehendere. pacis hæ sunt conditiones. confœderati principes ante duodecimum Augusti diem discedent ab armis. & copias ita dimittent, ut Ferdinando regi militent, si uelit, neq; uel Cæsari uel Germaniæ noceant: ad eum quoque diem, Lantgrauius, liber factus in sua, quam habet ad Rhenum arce, Rinselsio, sistetur, interposita prius cautione, de seruandis conditionibus, Halæ Saxonum à Cæsare latis: qui sum etiam eius nomine fideiusserunt, Mauricius, Brandenburgicus elector, Vuolfgangus Bipontinus, renouata sponsione, sese rursus obligant: quæ Lantgrauio est cum Nassouio Comite, de ditione Chattonum controuersia, recognoscetur per principes electores, & ab ijs etiam, quos eam ad rem designabunt tum reus tum actor: ex ijs deinde Cæsar deliget sex, qui summam rei tractent, sic tamen, ut biennio causa definiatur: intra sextum mensem Cæsar aget Imperij conuentus, actum, quæ potissimum ratione dissidium religionis componi debeat, deliberabitur; pacem interea colent omnes, & propter religionem

Condi-  
tiones  
pacis  
Paf-  
sauianæ.

1552 nulla cuiquam exhibebitur molestia: quod autem de pacanda religio-  
 nis modo, communi ordinum consilio, & interueniente Cæsaris au-  
 thoritate, decretum fuerit, nimirum, ut placidis & pijs & equis ra-  
 tionibus componatur dissidium, id erit firmum atq; ratum: ad Impe-  
 rialis iudicij confessum siue Cameram admittentur etiam ij qui sunt  
 Augustanæ cōfessionis: reliqua omnia, quæ propriè pertinent ad Ger-  
 manie decus atq; libertatē, in Imperij conuentu tractari debent: Ot-  
 toni Henrico Palatino, suæ regionis dominium atque possessio libera  
 permittitur: hoc durante bello, qui fide principibus cōfœderatis data,  
 sese deuinxerunt illis, omni soluti uinculo, sui iuris erunt, ut antea:  
 quibus datum est damnum hoc in tumultu bellico, nullam eo nomine  
 litem mouebunt ijs qui dederunt: Cæsaris tamen & ordinum erit, in  
 proximis comitijs rationē aliquam inire, quomodo sarciaturs ijs quod  
 acceperunt detrimentum: ad Galliæ regem quod attinet, quoniam Im-  
 perij res ad ipsum nihil pertinent, licebit, ut quas cum Cæsare priua-  
 tim habet actiones, eas exponat Mauricio, ut post ad Cæsarem omnia  
 referantur: proscripti recipiuntur in gratiam, modò nihil posthac in  
 Cæsarem ac reliquos ordines faciant, modò etiam ij, qui Galliæ regi  
 militant, intra tempus trimestre redeant in Germaniam, illo deserto:  
 Brandeburgicus Albertus comprehenditur in hac pace, modò disce-  
 dat ab armis, & ante duodecimum Augusti diem copias dimittat: hanc  
 pacem qui uiolauerit, hostis iudicabitur. his omnibus, qui præsentēs  
 erant principes, primi ordinis, cæterorum uerò legati subscripserunt.  
 Passauij enim fuit hæc conscripta formula, quam & Cæsar obsigna-  
 uit. Pace facta, Galliæ regis legatus, Fraxineus, domum redit. molesti-  
 e quidem rex transactionem tulit: sed quum Lantgrauio magnum esse  
 periculum audiret, nisi pactio fieret, assensit, & obsides in Germaniā  
 saluos remisit. Augusti die tertio, Mauricius et Lantgrauij filius, Fran-  
 cosurto profecti, diuersas in partes abeunt: & hic quidem in Hessiam  
 ille uerò suas copias Donauerdam traducit, & secundo Danubio mit-  
 tit in Vngariam, aduersus irruentem Turcam. Illa uerò legio, cui Ri-  
 febergus præerat, traiecto Moeno flumine, transit ad Albertum Bran-  
 deburgicum, nō sine magna principum sollicitudine, quod metuerent,  
 ne Cæsar causam hanc arriperet non dimittendi Lantgrauij. Commo-  
 ratus ante Francosurtum Albertus, cum pacem sibi reiiceret, Au-  
 gusti



gusti diē nona discedit, & Rheno transmissa, prope Moguntiam castra ponit, ciuibus in suam fidem adactis. Ad exitum Iulij Villaco Caesar reuersus Oenipontem, & octauo post die digressus, per Bauariam facto itinere, cum Germanis, Bohemis, Italus, Hispanis, qui sub initium Iulij Genuam appulerant, Albano ductore, uigesimo mensis Augusti de uenit Augustam. Moguntinus archiepiscopus, cum per Sueuiam diebus aliquot profugus oberrasset, ubi primum de Caesaris aduentu cognouit, profectionem eo suscepit. In hoc tempore, Senenses Gallie regis impulsu & auxilio, praesidium Hispanorum ciuium, & arcem ibi coeptam edificari mandatu Caesaris, diruunt, & in libertatem sese uindicant. Albertus interea maximam pecuniae uim ecclesiasticis imperat, Moguntinis praesertim atq; Spirensibus: cum ea dari non posset, plerisque fuga dilapsis, utriusq; urbis templa dispoliat, etiam quoq; plumbeum templi primarij Spirensis demoliri coepit, de precante uero senatu, destitit: Moguntiae autem, & arcem episcopi, Rheno propinquam, hospitium suum, & quinq; templa, deinde naues omnes, etiam eas, quae uino essent onustae atq; frumento, incendit: facit idem Spira, quod Caesari difficiliorem relinqueret transitum, suisq; reuocatis, quos ibi praesidio habebat, in fines Treuironum proficiscitur. Idibus Augusti, Coloniensis archiepiscopus Hermannus, iam aetate grauis, in patria uitam clausit, & qualem expetiuit, finem habuit. Nam aut euangelij propagare doctrinam, & recte constituere suae ditionis ecclesias, aut priuato sibi uiuere licere, non semel optauerat: & ab amicis aliquando monitus, quantum inuidiae sibi constaret ex ista religionis mutatione, respondere solebat, nihil esse, quod inopinanti posset accidere, seque iam pridem in omnem casum obfirmasse mentem. genus ducebat ex illustri Comitum Vuedensium familia. Lantgrauius est custodia dimissus, uti conuenerat, & domum proficiscens, ubi Traiectum uenit, Mose uicinum oppidum, Mariae reginae mandatu, quae tum aderat, denuo sistitur, & Hispanis datur in custodiam, ijs, qui totum iam quinquennium ipsius fuerant custodes. Eius autem rei causa fuit, quod Rusebergus, qui Lantgrauij filio militauerat, cum suis copijs omnibus ad Albertum transisset, ut ante diximus, quae quidem re pacem esse uiolatam regina dicebat, ideoq; non sibi licere ipsum dimittere: donec, quae Caesaris in eo sit uoluntas,

Senenses  
a Caesare  
deficiunt

Herman  
ni archi-  
episcopi  
Coloniensis  
mors

Lantgrauius  
liberatus  
denuo  
sistitur.

1552 cognoscat, Mauricius ad Danubium, sicut dixi, progressus, Augusti die uigesimo secundo copias præmittit, pedites quidem, secundo flumine, equites autem per continentem: ipse rei priuatæ causa domum recurrit, post ad eos rediturus. Cum ad Treuiros Albertus aduentaret, Georgius Holius, è Caesarianis ducibus unus, militum signa decem adduxerat, urbis defendendæ causa: uerum ab oppidanis exclusus, qui præsidium recusarent, Luceburgum copias reducit. Albertus autem Augusti die uigesimo septimo deditiõem sibi fieri postulat: altero die receptus, militem per urbem & loca uicina distribuit. Episcopus interim erat in arce, quam diximus esse ad Rheni & Mosellæ confluentem: reliquorū etiam procerum eius ordinis nemo aderat. Caesar dies aliquot Augustæ commoratus, eum, quem principes confederati nuper cõstituerant, senatum, & unā tribus omneis abrogat, & priorem reipublicæ formam, & senatum ab se constitutum restituit, & è ministris ecclesiæ treis remouet, alijs autem, ut iuxta cõfessionis Augustanæ formulam doceant & agant, permittit. Eares pro concione recitata, magnam excitauit lætitiā. fuit hoc Augusti mensis die uigesimo quinto, quum ante annum, eodem propè die in exilium eiectionis fuissent, uti libro uigesimo secundo narrauimus. Calendis deinde Septembris illinc digressus, et sex peditem signis præsidio relictis, biduo post uenit Vlmam: exercitus autem aliò deflexit, donec ad Vuirtembergensium fines peruenit. quod Vlmensium causa fiebat, ne ipsorum ager, qui summam fidem Caesari præstitissent, nouum acciperet detrimentum. Quo die Caesar Augusta discessit, humanissimis uerbis, & prolixè de sua beneuolentia pollicitus, Ioannem Fridericum Saxoniam ab se dimittit, qui & postridie domum uersus proficiscitur. Lantgrauius domum reuertitur. Eodem tempore quartus operū Lutheri tomus exijt. in hunc præfatus Melanchthon, amplissimis uerbis gratulatur Saxoni, et constantiam, qua sit usus tempore durissimo, ualde celebrat. Interea dum Albertus erat Treueri, clausa fuerunt omnia templa. commoratus ibi per dies octo, & monachorum collegijs aliquot incensis, & arce quadam episcopi non procul ab urbe, præsidium ibi relinquit, signa duodecim. Postea Sircum profectus, quod est inter Metim atque Treuerim, pari interuallo, Lotharingicæ ditionis oppidum, decimo tertio die

Albertus  
brant  
burgi-  
cus Tre-  
uerim oc-  
cupat.

Saxoniam  
dux &  
Lantgra-  
uius do-  
mum re-  
uertitur.



die Septembris, Mosellam ibi traiecit, et Luceburgicum agrum, dein-  
 de rursus Lotharingiam ingreditur, et passim multum damni dat, ex-  
 pectans, cuiusmodi conditionem Gallie rex deferat. Quomodo Fran-  
 cones episcopos grauitur mulctarit, supra diximus: Cæsar autem, cum  
 aduentaret sollicitatus ab episcopis, pactiones illas rescindit, ipsq; man-  
 dat, ne ratas habeant, utq; sua recuperent. Idem quoque Noribergicis  
 permittit, & post illos hortatur, ut regionis tuende causa, sœdus fa-  
 ciant. Idem scribit ad Sueuos, ad Rhenanos & alios, tam principes  
 quam ciuitates. Itaq; sœdere sese deinde muniunt hi quos diximus e-  
 piscopi simul & Noribergenses: & quum Albertus, aduentante Cæ-  
 sare, Lotharingiam peteret, Bambergensis, ad exitum Augusti mensis,  
 & per Septembrem, Forchemū oppidum, & alia pleraq; recuperat.  
 Cæsar, Vuirtembergensis agri fines egressus, tenebat iter Spirense: ue-  
 rum ubi Brettam uenit, quod est oppidum Palatini principis, muta-  
 to consilio, deflectens ad leuam, Argentoratum petebat. Eius ad-  
 uentu, sex ab urbe milliaribus, uenerunt ad eum legati, Iacobus Stur-  
 mius, Fridericus Gottlesemus, Ludouicus Grempius, deprecatum, ut  
 ipsorum finibus parceret, alioque traduceret partem exercitus, neue  
 cum maioribus ipse copijs in urbem ingredi uellet, nec in republica  
 quicquam mutaret. Ille, cum perhumaniter excepiisset, scire se dicit  
 & intelligere, quam præclare fortiterq; sese gesserit nuper ea ciuitas,  
 quantumque sibi beneficium & Imperio toti dederit: eius rei perpe-  
 tuam apud se fore memoriam, & ipsa re declaraturum per occasio-  
 nem, quantum eis hoc nomine debeat. postea repentinum suum aduers-  
 tum diligenter excusat. propter incensas ab Alberto naues, propter al-  
 latum nuncium de Gallorum in Alsatiā incursum, tum etiam propter  
 anni tempus, quod celeritatem postulet, ut quamprimum ad hostes  
 peruenire possit: exercitum ergo se traducturum præter urbem, quam  
 sit ipse cum suis tantum domesticis ingressurus, & sumpto prandio ne  
 pernoctaturus quidem ibi. Cum igitur decimo quinto Septembris die,  
 quendam in uicum, milliare unum ab urbe uenisset, copijs omnibus  
 per agros huc illuc circumfusus, in diem quintum ibi permansit: tunc  
 demum, impedimentis iam omnibus Rheno transmissis, in quo perma-  
 gna fuerat difficultas, & prima luce iussu progredi exercitu, ipse, non  
 magno cum comitatu, sub meridiem uenit in urbē, uunquam autē ui-  
 sam,

Legati  
Argentorati-  
nenses  
ad Cæ-  
sarem.

Cæsar  
Argen-  
toratum  
ingredi-  
tur.

1852 *Sam, amantiter & honorificè exceptus à senatu. Fortè prætereundum erat templum primarium: eò cum uenit, descendit, & à sacrificiis introductus: paululumq; moratus, rectà contendit ad prandium. Senatus deinde munus ad eum desert, pro more ciuitatis, orans ut boni consulat. Ille, & pergratum sibi esse respondet, & quod antea actis diebus, de sua erga ipsos uoluntate dixerat, ob fortiter administratam, dubio & planè formidoloso tempore, rempublicam repetit, & quò oppidanis damnum esset datum extra urbem, à milite, per ipsorum hortos atq; prædia, dolere sibi dicit: quia uerò non omnibus incommodis occurrì possit in tanta multitudine, rogat ut patienter ferant præsertim quum hoc ipsum bellum Imperij causa geratur. Deinde, sub uespere, Haganoicam uiam ingressus, in proximum uicum diuertit, ac ibi pernoctauit. Ad Argentinam cum esset, Metim iturus, exterorum principum oratores qui sequebantur eius aulam, iubet diuertere Spiram, & ibi commorari. Britannix regis Eduardi sexti legatus tunc erat Richardus Morisinus, cuius est inter homines doctos nomen illustre: Venetæ autem reipublicæ, Marcus Antonius Amulius, & eleganter ipse literis excultus, & ingeniorum fautor eximius. Paucis ijs diebus quibus ad urbem Cæsar substitit, nemo credat, quantum damni deriderint milites in agris, & admodum erat triste spectaculum, uidere miseros agricolas, eorumq; liberos atq; coniuges in urbem accurrentes, rebus omnibus dispoliatos. Delata quidem res fuit ad ducem Albanum, à senatu: & quanquam is dolere sibi magnopere diceret, & curaturum, ne quid eiusmodi fieret in posterum, tamen nihil proficè potuit, & quacumq; irent, more suo diripiebant omnia. Summæ totius belli præfectus erat Albanus, & cuiusq; modi querimonie deferbantur ad ipsum, neq; Cæsaris conueniendi potestas ulli fiebat, qui eius generis aliquid dicturus putabatur. Galli interim, ductore Guisio Metim & Nanceium inprimis muniunt, frumentum etiam omne atq; pabulum ex agris eò conuehant. Militabant Cæsari Ioannes Marchio Brandeburgicus, Alfonso Holsatiæ dux, Daniæ regis frater, Philibertus Sabaudie ducis filius. proscripti, quos ante diximus, repudiata pacis conditione, manserunt in Gallijs. Lotharingæ domina uidua, finibus expulsa, Cæsarem auunculum ad Argentoratum conuenit, in Belgium deinde profecta. Mensis Octobris die decimo septi-*



mo, Caspar Hedio, præcipuus tunc Argentinenſis eccleſiæ miniſter, 1592  
mortem obit. Eodem quoq; die, Contſpergij, quod eſt Pruſiæ oppi-  
dum maritimum, è uia decedit Andreas Oſiander. Caſar Haganoa  
Landauium petit, & ibi ſupra dies ſexdecim commoratus, pulcherri-  
mo coelo, non ſine multorum admiratione, tandē iter ingreditur Me-  
tenſe, & ad uigeſimum ſecundum diem Octobris urbem obſidet. plæ-  
riq; ciues ac ſenatores, permiſſu Gallorum, diſcedunt, alij in Lotha-  
ringiam, alij uerò Argentoratum. Erat tum in Lotharingiæ ſinibus,  
ad oppidum Pontamoſſum, Albertus Brandeburgicus: cum quinqua-  
ginta ſignis peditum, & equitatu non paruo: cumq; de ſtipendijs tam  
præteriti quàm futuri temporis inter ipſum Galliæq; regem non con-  
ueniret, interuentu quorūdam reconciliatur Caſari, qui & culpam  
omnem ei condonat, & actionem in eum inſtitui belli cauſa, uetat, &  
transactionem cum epifcopo Bambergenſi factam atq; Vuircibargen-  
ſi, confirmat, & militiam Vngaricam ei remittit, in cuiusq; gratiam  
ignofcit Oetingenſi Comiti, patri atq; filio, de quorum fortuna dictū  
eſt ſuprà: item Alberto Manſfeldio filijsq;. Eo cognito, Guiſij princi-  
pis frater Aumalius, qui magno cum equitatu miſſus erat in Lotha-  
ringiam, à rege, ne quid Albertus, de quo dubitabant, damni daret, ſta-  
tuit eum adorti. Iam enim occultis conſilijs Galli detraxerant ei le-  
gionem unam peditum, cui præerat Riſebergus: nam is ad regem trans-  
ſijt: deinde, reliquum etiam exercitum ſolicitabant, et ipſorum conſi-  
lij erat, ut denudatum ac deſtitutum à ſuis, ob difficultatem rei num-  
marie, cum ignominia proſtigarent. Habebat Aumalius in conſilio  
Ioannem Fraxineum, epifcopum Baionenſem: cum & huius accede-  
ret cohortatio, totis uiribus in illum inuehitur. pedites pugnam detre-  
ctabant ob nō ſoluta ſtipendia: ſalus ergò tota pendeat ab equitatu,  
quos amicè compellans Albertus, & ad uirtutem cohortatus, impe-  
tum in eos facit. probabat hominis conſilium fortuna: perrumpens e-  
nim per mediam acie, diſſijcit illos & in fugam dat præcipites, tamen ſi  
numero longè ſuperarent, plurimis, & quidem ex nobilitate, interfe-  
ctis: Fraxineus fuga dilapſus fuit: Aumalius, tribus acceptis uulneri-  
bus, capitur. fuit hoc die quarta Nouembris. Ea parta uictoria, uenit  
ante Metim Albertus cum Aumalio captiuo, caſtraq; ponit ad Moſel-  
lam flumen, ac deinde curatū ex uulnere captiuū, in Germaniā mittit  
cuſto.

Cæſar  
Metim  
obſidet.

Alber-  
tus Cæ-  
ſari re-  
concilia-  
tur.

Alber-  
tus Gal-  
los pro-  
ſtigat.

Auma-  
lius ca-  
ptus.

2552 custodiendum. Erat ei legatus, ut protestantium quoque bello, Georgius, ex illustri Lichtebergensium familia. Bambergico post nunciat de confirmatis à Cæsare pactis, & monet, ut fidem seruet, & oppida sibi restituat: suis etiam præfectis, nisi morem ille gerat, ut armis recuperent, mandat. Hoc ipso tempore Cæsaris exercitus Belgicus, populatur Galliam, & arcem ijs locis munitissimā, Hefdinum, capit, quam aliquod post tempus Gallie rex deinde recuperat, & missis in Germaniam literis acerbè Cæsarem perstringit, & ut secum amicitiam coalant, accepti beneficij memores, ac restitutæ suæ nimirum opera liberatis, hortatur. His serè diebus, Cameræ iudices, de quorum fuga diximus antè, Spiram redeunt. Cæsar, qui Dedehouij commoratus adhuc erat, quod est ad Mosellam oppidum, quatuor infra Metim: miliaribus, xx Nouembris die uenit in castra. Tunc inprimis ualidè fuit urbs concussa tormentis, quorū tanta uis erat, ut non Argentorati solum, sed trans Rhenum etiam ad miliaria quatuor exaudiretur fragor atq; tonitru. abest autem Argentoratum à Meti, miliaribus magnis duodeuiginti. Mauricius quem in Vngariam iuisse cum exercitu diximus, pro Ferdinando rege, sub hoc tempus domū reuertit. Faciebat tunc bellum Henrico Brunswicensi, Volratus Mansfeldius, Alberti filius, eumq; totis propè finibus eiecit. Henricus ergo Metim in castra uenit ad Cæsarem, deq; sua fortuna conquestus, opem implorat, sed id fuit alieno tempore. Mansfeldius, Marchionis Alberti militabat auspicijs, cum is Gallicarū adhuc esset partiū. Dum Metim Cæsar obsidet, Vuolsgangus, equitum ordinis Germanici magister, Eluangū oppidum capit. Est ibi præfectura ualde locuples ecclesiastica, quam ille multis iam mensibus ambiebat. qui sunt eius collegij potestatem habent eligendi præfecti: uulgò propositum uocant. cum ergo, quendam elegissent, genere nobilem, ille, qui se præteritum esse doleret, ex improbitate locum occupat. Eo cognito, princeps Wuirtembergicus, quem eius collegij sodales, ut sui iuris defensorem implorabant, ilicò suos conscribit, & brumæ tempore profectus, facili momento recuperat, & illi præterea unum & alterum oppidum eripit, donec sumptus in milite factus resarciatur. Galli, circumsesti, crebras faciunt eruptiones, præserim in Alberti castra, & inter alios grauiter nulneratus fuit is, quem dixi, Lichtebergus. Erat autem hyems asperissima &



niuosa: & quanquam ingentē habebat exercitum Cæsar, ab oppugna-  
 tione tamen abstinuit, & cuniculis demum rem tentabat: sed id frustra  
 fuit, cum & anni tēpus impediret, & hostis per indicium id accepisset.  
 Defendebant urbem lectissimi duces, illustribus nati familijs: rei uero  
 summæ præerat Guisius. Quum Alberti Marchionis præfecti, copias  
 cōducerent illius mandatu, Bambergicus apud Cameram ea dere que-  
 situs, Decemb. die uigesimo nono literas obtinet, quibus mandatur Al-  
 bertinis, ut ab armis abstineant. Vlmenses, arcem Hllesstēnū, quam re-  
 cuperauerāt, detecto præsidio, quod Albertus ibi reliquerat, demolun-  
 tur totam Hyemis intemperie Cæsar coactus, re desperata, sub exitum  
 Decemb. obsidiōē soluit, et Dedehouium profectus, ac inde reuersus  
 in Belgium, legiones aliquot in Treutris hyemare iubet. in his etiam  
 fuit Albertus. Ex contagione autem atq; frigore desiderata fuit prope  
 tertia pars exercitus. Galli, uigesimo secundo Ianuarij die supplicatio-  
 nes Meti faciunt ad templa diuorū, ob rem bene gestam postmodum con-  
 quiruntur libri Lutherani per ciuiū domos, & à carnifice palam exu-  
 runtur: Guisius deinde, relicto ibi legato, redit in Galliam. Hoc ipso  
 mense, Bambergico multa rursus eripiunt Albertini præfecti: & quā  
 obsidiōē soluta Metensi, Albertus aliquādiu in Treutris hyemasset,  
 ac persolutus à Cæsare stipendijs, Februario mense Germaniā peteret,  
 Bambergensis episcopus, Februarij die decimo septimo nouas iterum  
 literas obtinet à Camera, quarum una idem denuò mandatur, quod  
 prius: alteris autē iniungitur nobilitati per Franconiam, et Norbergi-  
 cis, item Palatino principi, Ioanni Friderico Saxoni, tanquam finiti-  
 mis, ut opē ei ferant. Ad exitum Februarij mensis, Gallie rex, cui iam  
 creuerat animus ob defensam Metum, scriptum euulgat, typis excu-  
 sum, ad Imperij ordines omnibus, aculeatum imprimis, & inscriptum Cæ-  
 sari. Nam & in odiū conatur illum et contemptū etiam adducere, non  
 esse uidelicet metuendum amplius, cuius iam sit fracta potentia, & de-  
 tectione multorum annorū technæ, qui ualetudine sit tam afflicta tamq;  
 perditā, uix ut animam trahat: se quidē eodem semper in ipsos animo  
 futurum, hoc est, amico & liberali: & licet nonnulli magnus ab se be-  
 neficijs affecti, non admodum grati fuerint, non tamen idcirco disces-  
 surum à reliquorum amicitia. Vbi de Camere mandatis Albertus ac-  
 cepit, crebras dat literas ad Atrebatensem, ad Albanum, ad Cæsarem

Cæsar de  
 cedit ab  
 obsidio-  
 ne Meten-  
 si.

1593

Gallie re-  
 gis scrip-  
 tum in  
 Cæsarem

155 3 ipsum, & quid episcopi moliantur, quomodo pacta uiolent, ostendit, & quia transactione cum illis factam sibi confirmavit, poenā eis denunciarī petit, nisi pareant. deinde Spirā misso ad Cameram internuncio, non modò pacta, sed Caesaris quoq; mandatū ab episcopis uiolari docet: itaq; petit, ne litē ullam sibi moueant, & literas ab aduersarijs impetratas, aboleant. Ad hæc illi, sui esse muneris, ut ius cuiq; dicant: id etiam episcopis non se potuisse denegare petentibus. ipse contrā, post multam refutationē. idem quod antea, petit. nam alioqui, si damnum sibi detur, fore, ut cur ab ipsis illud sibi præstari postulet atq; sarciri, causam habeat. Ad Alberti literas, Martij die decimo tertio Cæsar rescribit. pactiōnem illam ab se confirmatam esse, neq; negare: stipendia quoq; se liberaliter ipsi persoluisse, magno sanē cum suo dispendio, quum reliquis nihil daretur: pergratū uerò sibi fuisse futurū, si quidē episcopi nihil amplius mouissent, eoq; nomine se misisse legatum ad ipsos qui persuaderet: cū aut illi recusarint, & ad se, principes item electores atq; Cameram prouocarint, uidere ipsum, quā non possit hos eis denegari, præsertim, cū ordines nonnulli suspicionem de se cōceperint, & uarios iacent rumores: etenim, si nunc ipsius precibus acquiescat, & illos pacta seruare iubeat, fore, ut & iniquē facere dicatur, & suspensiones illas augeat: sui nimirū esse muneris, ut ius æquabiliter omnibus administret, & uim fieri prohibeat: unicā igitur hanc esse rationē, ut amicē res componatur, neq; se dubitare, quin ipsemet, si rem totam prudenter secum expendat, hanc uiam sit ingressurus: ut autē facilius, & maiori cum fructu res peragatur, daturum se negociū ipsius cognatis, Bauariæ principi & Vuirtembergico, ut intercedant: episcopos quidem, datis ad se crebris literis, grauius esse conquestos, uerū tamen confidere se non esse repudiaturos actionē: eius, quod est inter Henricū Brunswicensē cuiusq; nobilitatē, dissidiū cōponendū negotiū Ioanni Marchioni Brandeburgico se demandasse: Bauarū etiā & Vuirtembergicum ducē consūluisse, ut inter Oetingenses Comites, patrē atq; filios transigant. Hoc ferē tēpore & dilapsus fuit exercitus Mansfeldicus: & Ioannis Friderici atq; Mauricij principis legati conueniunt, ut ipsos concilient. nam ille suis in literis atq; moneia, quam cuderet, electoris nomē & gladios binos transuersos, quod est electoratus insigne, sibi usurpabat, & Gothā arcem, permittente Cæsare, rur-



sus muniebat. Id autem grauititer tulit Mauricius, & ad suos ordines de  
 eo querimoniam habuit: horum erat omnium sententia, rationes ine-  
 undas esse pacis: itaq; missi fuerunt legati, sicut diximus, uerum frustra.  
 Per hos etiam dies, episcopus Metensis Robertus, cardinalis Lenon-  
 curtus, Gallie regi deditissimus, Metim uenit, et iurisdictionem omne  
 sibi uendicat, & ad se pertinere dicit, qui sit Imperij princeps, et nouu  
 instituit senatum, in eumq; nonnullos adoptat ordinis ecclesiastici, &  
 Marsum oppidulu, ad Germanie fines positum, opere & Gallorum  
 presidij munit. Huius iam antea fuerant intercepte literae, quibus a  
 rege petebat, ut sibi iurisdictionem permitteret, quam sui maiores ha-  
 buissent episcopi: nam sui esse propositi, nouum constituere senatum,  
 nec ullum recipere, qui non sit ipsi totus addictus: alioqui futurum, ut  
 qui sunt partiu Caesaris, ibi remaneant, alij uerò, discedant, quod qui-  
 dem ipsius maximo sit futurum incommodo: nisi enim suspecti remo-  
 ueantur omnes, non esse quod tranquillam eius urbis possessionem si-  
 bi promittat: cupere autem suum studium atq; uoluntatem ipsi proba-  
 re: nam ideo cum prius in hac loca sese commigrasse, & episcopatum  
 hunc suscepisse, ut illustrem aliquam operam ei posset & officiu præ-  
 stare. Erat tum Albertus Hedelbergæ cum electore Palatino, & lite-  
 ras illinc ad Cameræ iudices miserat, de quibus dictum est. Hedelber-  
 gam tunc quoq; uenerunt Bauarus, Wuerttembergicus, mandatu Cæsa-  
 ris, pacificandi causa: uenit etiam dux Cliuensis. Re diu disceptata,  
 quum episcopi magnam pecunie uim offerrent, Bambergicus in pri-  
 mis, ut oppida sibi relinquerentur pacata, probarent etiam hanc con-  
 ditionem intercessores: Albertus, qui pacta sibi seruari uellet, quæ  
 Cæsar etiam confirmasset, quum hoc ipso tempore per suos in Saxonia  
 cogeret equitatum, & iam de quorundam auxilijs compertum ha-  
 beret, infecta re discedit, offensus intercessoribus, & mox ad arma se  
 conuertit, ac edito scripto Martij die uigesimo septimo, rem omnem  
 ordine commemorat, deq; aduersarijs, ob uiolatam fidem, grauissimè  
 queritur, & argumentum illud refutat, quo dicebant episcopi, non  
 sibi licere quicquam de bonis ecclesiasticis alienare, & necessario sibi  
 suum ius armis defendendum esse docet. Wuertburgicus aderat ipse,  
 Bambergensis miserat legatos. Quæ Wuerttembergico duci lis erat &  
 simultas cum ordinis Germanici magistro, principum intercessionis

Cardina-  
 lis Lenon-  
 curtus am-  
 bitio.

Albertus  
 pacem re-  
 spuit.

1553 composita fuit. quum hic, ut oppida recuperaret, aureorum millia tri-  
ginta dependeret. Ad secundum Aprilis diem, qui tum erat Paschæ  
dies Mauricius quoq; uenit Hedelbergam ad principes, usus magna ce-  
leritate, triduo post, domum recurrit. Hi, quos diximus, principes in-  
tercessores, ut ab iniuria sese defenderent, sœdus faciunt, in eoq; sunt  
etiam Moguntinus & Treuericus. Quum reiectis conditionibus He-  
delberga profectus Albertus cogeret exercitum, Bambergicus & Vuir-  
ciburgensis alteras obtinent à Camera literas. ijs & Moguntino &  
Palatino & Mauricio, & Prusiæ magistro, & Ioanni Friderico &  
Vuirtembergico & Lantgrauio & Noribergicis atq; uicinis omni-

Mauricij  
sœdus cū  
Bruniui-  
censi.  
Albertus  
grassat-  
sur.

bis mandatur, ut opem illis ferant. fuit hoc Maij die secunda. Mauri-  
cius, qui alioqui suspectum haberet Albertum, & hoc bello se quoq;  
crederet oblique peti, muniendi sui causa, sœdus cum Brunswicensi fa-  
cit, & episcopis atq; Noribergicis opem promittit. Interim Albertus,  
conductis copijs progreditur, & per episcoporum atq; Noribergen-  
sium fines omnia uastat incendijs atq; direptionibus, & Bambergam,  
oppidum regionis primum capit, & nobilitati Franconiæ bellum  
indicit, nisi morem ipsi gerant, & Schuinsfurtum, Imperij oppidum  
occupat, præsidioq; munit Noribergici, quoniam oppida quædam et  
castella tenent beneficio regni Bohemiæ, Ferdinandum regem orau-  
rant, ut ad ea loca tuenda liceret ipsis equitatum cogere per eius fines;  
annuit rex, & ut ad quingentos conscriberent, permittit: hos uero pro-  
ficiscentes Albertus intercipit, & simul ex ijs, quæ diximus, castellis ac  
oppidis quædam occupat. E diuerso, Henricus Brunswicensis, qui ma-  
gnam exercitus Mansfeldici partem ad se traduxerat, per Philippum  
filium uicinis bellum insert, grassatus per episcopi Monasteriensis,  
Mindensis, Erici principis agnati sui, & Bremensium fines, ab ijsq;  
uim pecuniæ permagnam extorquet. Per hosce dies, controuersia,  
quæ principi Cluensi erat cum archiepiscopo Coloniensi, iurisdictio-  
nis causa, Palatini principis atq; Treuirensis interuentu, qui Bachera-  
ci conuenerant, sedata fuit. Paulo post, ad initium Iunij mensis, Pala-  
tinus, Moguntinus, Bauariæ ducis atq; Vuirtembergensis legati, man-  
datu Cæsaris, Francofurti conueniunt, belli Franconici causa. Lega-  
tos ibi Cæsar habebat, Ludouicum Comitum Conigstenum, Renar-  
dum Solmensem, Henricum Hassium: aderant etiam Ferdinandi regis  
nonnulli.

Conuen-  
tus Fran-  
cofurti.



nonnulli. cunq; Cæsaris abolitionem episcopi urgerent, Albertus ue- 15 53  
rò confirmationem, electores monent legatos Cæsaris, ut hæc ei per-  
scribant, quò renunciet, utrum ualere uelit. Cæsar decimo septimo  
die Iunij respondet. Quum anno superiori de Alberti & episcopo-  
rum audisset transactione, rogatu quorundam rescidisse illam, & epi-  
scopis mandasse, ne seruarent, propterea quòd esset malires exempli,  
cogere aliquem imperata facere, propter officium sibi præstitum &  
Imperio: sed cum Albertus deinde secum non aliter pacisci uellet, nisi  
pactiones illæ iuberentur esse firmæ, se, maioris incommodi uitandi  
causa, quod toti Germaniæ tum imminabat, obsecundasse tempori, et,  
quòd expeditum ille haberet exercitum, Mansfeldius etiam, illius au-  
spicio, per Saxoniam nouas manus cogeret, & ipse bello Gallico im-  
peditus, non posset eum cohercere, nec eiset in Germania, qui uel di-  
em unum potuisset eius impetum sustinere, fecisse cum illo pacem, ea  
fiducia nimirum, ut eum postea placaret, præsertim, si cognati princi-  
pes intercederent: & sanè, si foelicem euentum sibi Deus ante Me-  
tim dedisset, paratas fuisse rationes, quibus illi satisfactum esset: nam  
egregiam sibi nauasse operam eo bello, sic, ut ei gratificari cupiat: po-  
stea uerò, quàm non successit obsidio, per ipsos Hedelberge tentasse  
concordiam: quod autem conditiones ibi propositas ille repudiarit,  
& rursus arma sumpserit, per quàm sibi fuisse molestum, & idcirco  
Francofurti hunc alterum indixisse conuentum: nunc autem ad se de-  
ferri, non episcopis modò, sed alijs etiam ab ipso bellum inferri: quod  
& uehementer sibi doleat, & contra pactiones etiam fiat: nam illum,  
quo tempore fuit in gratiam receptus, & sibi fidelem operam in po-  
sterum & Imperio promississe: quòd si uel nunc saltem obtemperaret,  
depositurum se præteritorum memoriam: quòd autem in suspitio-  
nem apud quosdam ipse uenerit, iniquè fieri: totis ergò uiribus in pa-  
cificationem incumbant, nec ampliorem ab se declarationem requi-  
rant: id sibi fore gratissimum, & in rebus ad Imperium pertinentibus  
nihil se deinceps, nisi de ipsorum consilio facturum: Francofurto de-  
mum infectare discessum fuit. His ipsis ferè diebus, Laugingæ, iussu  
Cæsaris, conueniunt Bauarus & Wuerttembergicus unà cum alijs, ut  
Oetingenses comites, parentem atq; filios pacarent. Nam inde à bello  
Smalcaldico, Ludouicus pater, & filius eiusdem nominis, ad obsidio-  
gæ.

155 nem usq; Metensem, incertis uagabantur sedibus, quòd contra Cæsarem militassent. possessiones autem omneis tenebant permissu Cæsaris, Fridericus atq; Vuolsfgangus filij, diuersæ religionis ab illo. Quum ad actionem uentum esset, pater, summæ ingratitude illos accusat: & licet diligenter elaborarent principes, nihil tamen potuit consilii.

## L I B E R    X X V.

Terouenna dire-  
pta à Cæsarianis.



Bellū in  
Pedemō-  
tio.

T H I S T U R B I S A T Q U E M O T I B V S Germaniæ, remedium aliquod adhiberetur, Imperij conuentum Cæsar, Maio mense indicit ad idus Augusti: & quum inde ab exitu mensis Aprilis, Terouennam obsedisset, Morinorum oppidum, Gallicæ ditio-  
nis, uigesimo Iunij die, oppugnatione capit, diripit, incendit, diruit. Captus in eo fuit Connestablij filius. Angli, missa legatione splendenda, pacem aliquot iam mensibus sollicitabant: idem faciebat pontifex, uerum id frustrâ fuit. Maio mense, dux Northumbriæ, Ioannes, qui post mortem protectoris, auunculi regis, primum locum obtinebat, ut supra diximus, è filiis unum dat in matrimonium Ioannæ Suffolciæ, quæ proneptis erat Henrici regis, è sorore. Grauitè tum rex Eduardus ægratabat. Bellum gerebatur etiam tunc in Pedemontio & Heturia. Cæsar enim cogitabat recuperare Senas, Neapoli missis eò copijs, ductore prorege, Petro Toletano: cùm autem is mortem obijisset, & Turcica classis, cui se coniunxerat princeps Salernitanus, è Gallia profectus, mare Ionium & Tyrrhenum nauigaret, domum redijt miles, ut uicinum atq; domesticum periculum depellerent. Belligerante per Franconiam Alberto, Mauricius atq; socij exercitum eò mittunt. Albertus igitur, relicto Schuinforti & alijs in locis præsidio, quum passim extorsisset pecuniam, multis è Noribergica ditione simul & Bambergæ secum abductis captiuis obsidibus, in Saxoniam magna celeritate



feritate contendit. Cùm Arnstetum uenisset, aderant Saxonie ducis 1 5 5 3  
 Ioannis Friderici legati, orantes, ne ipsorum finibus damnum daret:  
 promissit liberaliter et seruauit. post in Erfurdensium agrum progres-  
 sus, uicos ibi complures diripuit. Eius aduentu tam repentino com-  
 motus Mauricius, qui copias in Franconiam miserat, uti diximus, no-  
 bilitatem omnem, post etiam reliquos ordines ad arma uocat, et quas  
 potest manus conducit: Albertus autem per illius fines absq; maleficio  
 profectus, quñ Halberstatum uenisset, portas occupat, et ecclesiasticis  
 ibi magnam pecunie uim imperat, post, Henrici Brunswicensis agrum  
 incendijs deuastat, adiutus ab Erico et nobilitate Brunswicensi. Co-  
 pie Henrici Brunswigij, quas in Franconiam esse profectas ante dixi-  
 mus, ductore Philippo filio, quum Schuinfurtum frustra tentassent,  
 ac domi periculum esse uiderent, Saxoniam repetunt: idem faciunt  
 Mauriciani, quibus præerat Hedecus, et propè Northusium Mau-  
 ricio sese coniungunt. Et quoniam Albertus in agrum Mindensem de-  
 flexerat, Mauricius, quod putaret illum per Hessian iturum, et in  
 Franconiam denuò facturum esse impetum, Northusio petit Embe-  
 cum, ut illi præuerteret. Tandem omnibus coniunctis copijs, in agro  
 Hildessemensi castra ponit, ad Osterodum, et calendis iulij, non ipse  
 modò, sed et Bohemie cancellarius, Henricus Plauius, Ferdinandi rex  
 nomine bellum ei denunciant, ac missis literis, De communi prin-  
 cipum et ordinum consilio, superioribus annis, inquit, Cesar, pa-  
 cem per Imperium sancit, et quam quisq; haberet actionem, ut eam  
 legibus prosequatur, neq; uim ullam intentet, mandauit: et certè Ger-  
 manie status, per annos iam aliquot æremente afflictus bello ciuili,  
 pacem et otium inprimis flagitat. Itaq; cùm nuper intra fines Impe-  
 rij natum esset bellum, rex Ferdinandus, adiuuantibus alijs, id operam  
 dedit et elaborauit, ut discederetur ab armis, in eoq; consentientes  
 tandem habuit principes, belli duces, ac demum, permissu Cesaris, pa-  
 cem constituit. qua cautum est inter alia, non solum ut nihil contrà fi-  
 at, sed ut ijs etiam, qui periclitantur auxilia subministrantur. Eam ue-  
 rò tu non modò recusasti, uerum etiam ad præcipui nominis principes  
 aliquot ausus es apertè scribere, ad Germaniæ summum dedecus at-  
 que detrimentum illam pertinere, ac proditiōē potius appellandam

Ferdina-  
 dus &  
 Mauri-  
 cius Al-  
 berto bel-  
 lum de-  
 nunciant.

155 esse quibus nimirum uerbis, quo sis in communem patriam animo, factus declaras. Post deuastatam deinde direptionibus & incendijs oram Rhenanam, cum in Gallia tibi res non succederet, & instructum Cæsar haberet exercitum, per intercessionem ei, fuisti reconciliatus, eò uidelicet spectans, ut Bambergensis et Vuirzburgica transactio tibi confirmaretur. Sed ista Cæsaris approbatione, qui uim nullam tibi permisit, statim abusus, utrunque præsulem, grauissimis comminationibus, per tuos homines non semel territasti, fore dictitans, ut eos, per copias Mansfeldicas et Oldeburgicas, ad seruanda pacta cogeres, quemadmodum literis tuorum doceri potest. Hoc etiam ut efficeres, militem illum, quæ obsidione soluta Metensi dimiseras, ad te sub calendas Aprilis redire iussisti. Et quanquam illi Cæsaris & Ferdinandi regis & principum arbitrio, uel Cameræ iudicio legibusq; controuersiam permitterent, & Hedelbergæ potissimum eiusmodi deferrent conditiones, ut non intercessores modò principes, uerum etiam Cæsar eas per epistolam probaret: tu tamen ijs omnibus repudiatis, in illorum prouinciis impetum fecisti, & locis nonnullis occupatis, ne scæminis quidem ex nobilitate pepercisti, direptionibusq; grassatus & exactionibus pecunie, non ipsorum modò sed & Noribergensium, qui & publica Imperij lege & nuper inito scedere opem illis ferebant, complures arces, oppida, uicos, nec ædificia tantum, sed in ijs etiam homines alicubi crudeliter incendiisti post, ex diuersis locis, oppidanos atq; ciues, iam ætate graues, uelut obsides imperatæ pecunie. quum ea per solui non posset, tecum in inferiorem usq; Saxoniam abstractos, inhumane & tyrannicè, quancunq; in partem haberes iter, circumduxisti. Nobilitati quoq; Franconicæ bellum nullo iure denunciaſti, & oppidum Imperij Schuinfurtum occupasti, præsidioq; uinxisti. quibus profectò rebus maximam ubiq; perturbationem & terrorem excitasti, ac planè nouum & inauditum in Germania statuisse exemplum. Ad hæc, ne à Ferdinando quidem Romanorum rege temperasti: ac licet clientela sis ei deuinctus & hereditario scedere, tamen singulari quadam temeritate non solum in Bohemiæ fines excurreſti, uerum etiam eius regni possessiones, Noribergensibus olim pacto concessas, grauius afflixisti, multos etiam eius diuitionis homines, & lautos quidem, partim trucidasti, partim in extremam perduxisti pauperiem, & eas

cohor=



cohortes quas ad suorum finium defensionē, non ad ullius iniuriā, rex Noribergensibus permiserat, uti colligerent, inuadens, in tuā redegistī potestātē, & spoliatos armis domum redire cōpulisti. Præterea perduelles aliquot, et ob rebellionē proscriptos à rege, foues, et uerba quoq; iactas, uti fertur, in regē atq; Bohemos plena minarum. cuius tamen rei causam tibi rex nullam dedit, imò tua cōmoda semper, quibus potuit rationibus promouit: & licet ante annū ipsius fines hostiliter attingisti, tamē nō te latet, quā amicē tunc tibi scripserit, ut & admissum corrigeres, ac in posterū caueres. Iam, ad me quòd attinet, ait Mauricius, etsi per omnē uitā offensionis tibi causam dedi nullā, imò beneficia potius in te multa cōtuli, tamē, anno superiori, quum facta pace Francofurto discedens, reipublicæ, & Ferdinandi regis causa priuatim, copias in Vngariam deducere aduersus Turcā, meminisse potes, & quibus rationibus mihi tum sis conatus detrudere militē, et quā in me cōtumeliosa uerba tuos ad milites ac passim apud alios effuderis, quādò de cōcordia Passauiensi locutus, Germaniæ proditionē appellabas, me uidelicet, ac necessarium meū, Henricum Plauii designans. nō me latet etiā, quid hyeme superiori, cū essem in Vngaria, meā in perniciē, me eq; ditionis tentatum sit apud exercitum Mansfeldicum, qui tum erat in agro Brunswicēsi. Recōciliatus uerò Cæsari, cuiusmodi uoces, et quā nō solum aculeatas atq; probrosas, uerum etiā minaces in me meamq; prouinciā, non semel per obsidionē Metensem, emisseris, norunt, qui tum in eisdem fuerunt castris. cumq; soluta tandem obsidione domum rediisses, per literas rogātus à me, super ea re, deq; animo erga me tuo, superbè renunciabas, quicquid de me dixisses aut alijs, neq; te latere, nec etiam inficiari: sed ad alterum ita responsum abs te fuit, ut certi nihil statuere possem. Hedelberga quidem post ad me scribens, & prius illud postulatū meum dissimulans, de magnatibus quædam adferebas, eo fortasse consilio, ut suspicionem mihi de illis cōmoueres, ac diffidentiam excitares: ego autē, cum illa nō admōdum morarer, & literis & internuncijs, ut pacē coleres, hortator & cōsiliarius tibi fui, simul, quid abs te mihi esset expectandum scire cupiebam. Tu uerò, datis deinde literis ad electorem Brandenburgicum, etsi de me quædam satis moderatē, tamen, quo loco de pacificatione

1553 Passauiensi loqueris, quomodo esses animatus erga me, non obscure significabas, neque multò post etiam declarasti. Nam in postremis tuis epistolis aliquot, ut meas copias, quæ per Franconiam erant in confœderatorum castris, reuocarem, petebas, idè nimirum, ut nisi facerem, aduersum me causam haberes armorum. deinde paulò post per meos & fratris Augusti fines, exercitum traduxisti, cum nihil ante nobis denunciaffes, planè contra uetustum atq; receptum Germaniæ morem. Iactas tu quidem, sine maleficio te profectum esse: uerùm longè secus ad me defertur à meis: & ut ita sit, tamè non tam istud uoluntati tuæ quam necessitati tribuo. Constat enim quam properanter ieris, & quàm fuerint defessi milites: neq; te latebat, quam esset mihi non difficile, si uim fecisses, & tibi tuisq; copijs ex itinere defatigatis atq; languidis, resistere, & eos, qui per Franconiam tunc erant, reuocare. sed tui consilij nimirum erat, impetum in me redeundo facere, neq; tui milites hoc dissimularunt. Adhæc, iter faciens per Turingiam, ciuitatis Erfurdensis quæ nostra tutela continetur, uicos aliquot diripuisti, quòd & ipse tuis ad me literis, Brunsvico datis, non negas. In fratris quoq; mei finibus tui milites trucidarunt nonnullos, & prope Bichlingum, duos ex nobilitate, cum ad me proclamassent, uerbis mulctatos in uincula coniecerunt. His tamè rebus omnibus nondum adduci poteram, ut arma sumerem: sed per literas idem ferè quod antea, petebam, & hortatus ad pacem, de qua Francofurti per intercessionem tunc agendum erat, animum erga me sociosq; tuum percontabar. Quàm autem amarè mihi responderis atq; stomachosè, doceri potest epistola tua. nam nec animum tuum declarare uolebas, & actionem Francofurtensem, uti suspectam, incusabas. itaq; nihil aliud inde colligere potui, quam te constituisse & bellum urgere Franconicum, & per occasionem, ne mihi quidem atq; socijs uelle parcere. quod ipsum etiam Erfurdensibus denunciaffi, & continuo post in alijs ostendisti. nam & episcopatu Halberstatensi, cuius est à Cæsare mihi demandata tutela, sicut nosti, præter alia multa deirimenta, magnam imperassi pecuniæ uim, & illorum collegia, quæ sunt per agros, diripuisti nihilo minus: idem fecisti per Archiepiscopatum Magdeburgicum, qui & ipse meo patrociniò nititur, & à Northusijs exegisti pecuniam & Mullusijs. Henricum uerò Brunsvicensem, qui cum

habeo



habeo foedus, honestum quidem illud, & actioni Passauiensi minimè repugnans, ferro persecutus es & igni, simulatq; de foedere tibi per literas, deque reliquis socijs nunciaſſem. hæc sanè tuis aliquot epistolis, ad me datis antea, minimè reſpondent. Nunc ergò, licet Ferdinandus rex, ego, socij q; , pacem, in primis uerò Germaniæ, uehementer optamus, & inde poſt transactionem Paſſauienſem id operam damus, ut tranquilla ſint omnia, præſertim his locis: quod etiam ex nobilitate Brunſuicenſi complures, qui nunc tua caſtra ſequuntur, teſtificari poſſunt, tamen, quia bellum in hanc regionem tranſtulisti, nec occultè demonſtras, cum ſocios noſtros inuadis, quid tui ſit propoſiti: deinde, quia rumor eſt, te multò conducere maiores copias, licet alio nomine, quas alere proſectò non poſſis niſi direptionem, prædam & omnem licentiam eis permittas, ita quidem, ut non Franconia tantum, ſed alijs etiam prouincijs indubitatum abs te periculum immineat, quod & ipſe non diſſimulas, dum effecturum te prædicas, ne ſit aliorum potior, quàm tua, conditio: his inquam de cauſis, & quia concordie nullum locum relinquis, Ferdinandus rex, ego, ſocij q; cum ſimus incendio planè uicini, cogimur ad propulſandam à nobis uim & iniuriam, arma ſumere, quo communem patriam liberemus & otium publicū recuperemus. Nam hoc nobis & Imperij leges non modo permittunt ſed iniungunt etiam, & Cameræ ſummum iudicium, ut Franconicis finitimis opem ſeramus, mandat. Et quanquam hoc tempore, dum copias conſcribis, nomen Cæſaris obducis, certò tamen ſcimus illud eſſe fictum atq; ſimulatū. nam ille, quid ſuæ ſit uoluntatis, non tibi modo, ſed & nobis & alijs oſtendit, & breui, quid ſentiat cognosces amplius. Porro quum hoc noſtrum inſtitutum pro republica ſuſcipiatur, & idcirco nihil opus erat aliqua ſignificatione noſtræ uoluntatis, tamen, ne ſis neſcius, proſitemur ambo, facturos nos in poſterum, quod res ipſa poſtulabit, ut hæc tua tam effrenis, & plus quàm tyrànica reprimatur crudelitas. hoc adeò tam noſtro quam ſociorum nomine tibi tuiſq; denunciatum uolumus, & omnis calamitatis, quæ per hoc bellum orietur, culpam, in te, qui nullam ad æquam conditionem accedis, transferendam eſſe teſtificamur: neq; dubitamus etiam, quin illis, qui patriæ ſalutem querunt, potius, quam ei, qui pro ſua libidine graſſatur, & patriæ bellum inſert, ſit adſuturus, Deus immortalis.

155; talis. Quum hæc epistola redderetur, erant in Alberti castris, electo-  
 ris Brandeburgensis legati, de pace missi. perlectis literis, ipse rem  
 cum suis communicat, et an secum uelint periclitari fortunam, rogat:  
 confirmantibus illis, adolescentem nobilem qui literas attulerat, ac-  
 cerfit, et ad eum sermone conuerso, princeps, ait, tuus, iam antè fidem  
 ter uiolauit, et sceleratè egit, et hoc quartum est facinus eiusdem ge-  
 neris: ueniat: experiat quid possit: hoc illi meo nomine renuncia. Sic  
 locutus, aureos aliquot ei dono dat, uti fieri consuevit, et dimittit. Ibi  
 legati intercessores, nihil igitur nos, inquit, agimus? nihil, ait ille,  
 et domum reuerti licet. Cum ergò belli gravitatem uideret, Ericum  
 Brunswicensem, tertia die Iulij mittit ad Cæsarem, eiq; nunciat, astu  
 quorundam multos in se concitatos aduersarios, qui hoc agant, ut non  
 solum nō seruentur sibi pacta, sed ut totis etiam finibus, et omni pos-  
 sessione pellatur: quòd si consilium ipsorum fortuna comprobet, non  
 dubium esse, quin futuri sint Gallicani: iam enim illis oblatas esse ma-  
 gnas conditiones, nouæ coniurationis causa, idq; se posse demonstra-  
 re: quosdam etiam electores, ac primi nominis principes, conspirasse  
 iam de nouo creando Cæsare: quòd autè episcopi sic aduersum se mo-  
 liantur, in causa esse Camerales: orare igitur, ne molestè ferat, siquid  
 in ipsos tentabit: aduersarios etiam, ut inuidiam sibi conslent, et in so-  
 cietatem belli plures pertrahant, hunc de se disseminasse rumorè, qua  
 si cum ipso coniuravit ad opprimendam Germaniæ libertatem: hoc  
 adeò sibi quosdam principes obiecisse, et iam per Germaniam spargi  
 literas, tanquam ab Atrebatensi datas, ideò se uidelicet conducere co-  
 pias, ut ipsius exequatur uoluntatem: futurum enim, ut eius filiū, Hi-  
 spaniarum principem, dux Albanus in Germaniam adducat ad pro-  
 xima comitia, quò designetur Imperij successor: hoc nimirum ita esse  
 Ferdinando regi persuasum, ut etiam inuito fœdere cum suis hostibus,  
 bellum sibi denunciarit: se quidem hoc ad multos excusasse diligèter,  
 uerum suspicionem illam indies augeri: magnis itaq; se periculis atq;  
 difficultatibus obiectum esse, propè solum, eò quòd ab ipsius amicitia  
 non discedat: orare igitur maiore in modum, ut et pactiones illas ue-  
 lit esse ratas episcoporum, et se suosq; defendat: id si faciat, adductu-  
 rum se ipsi, quum de eo conuenerit, ad nouem equitum millia, pedi-  
 tum uerò signa circiter centum. Noribergenses interim et episcopi,  
 per

Alber-  
 tus mit-  
 tit ad Cæ-  
 sarem.



per absentiam Alberti, in ditionem eius inuadunt. Ille, diuulgatis literis acerbè criminatus erat Noribergicos, quasi fidem atq; pacta uio-  
lassent, & inuito fœdere cum perfidiosis episcopis, pontificiam doctri-  
nam rursus amplecterentur. Ad hæc illi post edito libro respondent, Scriptu  
Noriber  
gensium  
in Alber  
tum.  
& ordine rem omnè, inde ab anno superiori cōmemorant, quàm cru-  
dele bellum gesserit, quomodo sint cum eo pacti, quomodo deinde per  
missu ac uoluntate Cæsaris, cum uicinis episcopis fœdus fecerint, quo  
modo equissimas conditiones ab episcopis oblatas recusarit, & bellū  
eis denuo fecerit, quomodo, cum & propter fœdus & Cameræ man-  
data socijs opem ferrent, suos iterum fines nuper inuaserit. Inter alia  
illius facinora, hoc ueluti singulare quoddam inauditæ crudelitatis  
exemplum recitant, quòd cū ipsorū ditionis oppida duo, Altorfium  
& Laufsum nuper occupasset non oppidanos modò, sed ex agris etiā  
coactos homines atq; pecudes incluserit, et diuersis deinde locis incen-  
derit. præcipuè autē ad portas, eò planè consilio, ut omneis exureret:  
hoc autem incendio, pueros & mulieres aliquot grauidas, & complu-  
res egrotos, qui perruptis & effractis muris euadere non possent, mi-  
serabiliter ibi conflagrasse dicunt: quòd autem de mutata religione  
dixerit, uanum esse demonstrant: inuitum enim esse fœdus, eò solum, ut  
uim ab se suisq; depellant: quam autem ipse nullam religionem curet  
id compluribus esse notum, & habere se multa quæ dicant hoc loco:  
sed propter familiæ splendorē, unde genus ducat & principes aliquot  
eius propinquos, uelle sibi temperare. Ad quintum Iulij diem Sigis-  
mundus Poloniæ rex in matrimoniū ducit Catharinam, Ferdinandi  
regis filiam, quæ fuerat uxor Mantuani principis, quum ante annum  
decimum sororem illius duxisset, ut libro xv. diximus. Eduardus se-  
xtus, Angliæ rex, indubitata & summæ spei princeps, Iulij die sexto,  
ut quidem in uulgus editum fuit, è uita decessit, morbo tabifico, circi-  
ter annorū sexdecim adolescens, maximo certè piorū hominū dolore,  
nam eius interitiū est maxima secuta rerum Angliæ cōmutatio, sicut  
infra dicetur. diuulgata fama fuit, interijisse ueneno. Certè tantæ regē  
expectationis, Europa seculis nunc aliquot, nullū habuit. inde à tene-  
ris annis optimè formatus & institutus ad pietatem atq; literas, non  
Latinam modò, sed Græcam & Gallicam quoq; linguam nouerat, &  
euangelij doctrinam uehementer amabat, & doctus omnibus hospi-

Eduardus  
Angliæ  
regis  
mors.

153 <sup>3</sup> tium dabat atq; patrociniū, Germanis, Italis, Gallis, Scotis, Hispani-  
 nis, Polonis. Cum iam non longè disiderent ambo exercitus per Sa-  
 xoniam, & Albertus Visurgim flumen transisset, nona die Iulij post  
 meridiem summis copijs prælium committitur: à multa dimicatione,  
 penes Mauriciū, qui uinceret equitatu, fuit eius diei uictoria: sed ipse  
 tormento manuario traiectus ad ilia, biduò post uitam finit. Albertus  
 Hanobriam peruenit incolumis. Desiderata sunt ad quatuor circiter  
 millia, pleriq; omnes equites: captiuorum ingens fuit numerus. Hen-  
 ricus Brunswicensis eo in conflictu duos amisit filios, Carolum et Phi-  
 lippum. Postridie uenerunt à Ferdinando rege missi ad Mauriciū  
 equites Bohemi quingenti. Lantgrauius etiam auxilio miserat Mau-  
 ricio circiter septingentos. Itaq; tum in ijsdem erant castris, mirabili  
 quadam uicissitudine rerum, Lantgrauius & Henricus Brunswigijs  
 & episcopi, cum interim Albertum adiuuaret Ericus Brunswigijs,  
 Mauricij sororius. Multorum tunc erat opinio, sicut Albertum rex  
 Ferdinandus oppugnabat, sic aduersus Mauriciū Alberto submini-  
 strari uires & animum à Casare: sed literæ Cesaris, quas paulò infra  
 recitabo, nihil eiusmodi præ se ferunt. Gallie rex, noua tunc agitas-  
 se consilia cum Mauricio, deq; illius interitu non parum indoluisse fer-  
 tur. In castra delatus Mauricius, de nocte dat literas ad episcopū Vuir-  
 ciburgensem, belli sociū: ijs rem omnem exponit, suamq; esse uicto-  
 riam, sed grauitè se uulneratum dicit: arbitrari autem Albertum esse  
 in fuga: monet igitur, ut certis locis iubeat obsideri uias, quò fugien-  
 tem intercipiat, & transitu prohibeat: quæcunq; sit futura sua condi-  
 tio uel exitus, bona se conscientia niti: bellum enim hoc suscepisse, ut  
 uastatorem illum reprimeret, ac ociū Germaniæ recuperaret. Se-  
 pulchus est Fribergi oppido Misniæ, decimo quarto die post prælium,  
 iuxta parentem Henricum & filiolum Albertum. Excesserat annus  
 trigesimus secundus. Ipsius præsentia magnum attulisse momen-  
 tum, alioquin Alberti futura fuisse putatur uictoria. nam ex ipsius e-  
 quitatu multi profugerant. Signa militaria sunt hostibus crepta, &  
 ad ipsum ex prælio relata, pedestria quidem, quinquaginta quatuor,  
 equestria uerò, quatuordecim. Mauricius ergò, uitam quidem ipse  
 profudit, sed Alberti tamen uires atq; robur admodum fregit. nam  
 ab eo prælio uix unquam ille potuit uel mediocres recolligere copias.



Cum per Lipsiam duceretur funus, orationem habuit Ioachimus Ca-  
 merarius, & in illius laudem multa locutus, prodigia, quæ mortem  
 eius antecesserunt, enumerat: sanguineas guttas in folijs arborum hæ-  
 rentes, eanum importunissimos latratus & mutuas dilaniationes, ex-  
 quorum ueluti fremitus & concursationes armorum, & alia quæ-  
 dam terroris plena: deinde tabernaculum eius turbine dissectum, cæ-  
 teris intactis, & quasdam ipsius uoces, ueluti præagas futuræ mor-  
 tis atque prænuncias. Et sanè quantum ad guttas illas cruentas per-  
 tinet, multis in locis uulgò conspectæ sunt, & Argentina quidem, sub  
 initium Iunij, cum super herbas, frondes, tegulas atque saxa decidis-  
 sent. Volitabat tunc ingens turba papilionum, neq; deerant, qui cruo-  
 rem hunc ab ijs emanare dicerent: alij contra, portendi aliquid atque  
 significari iudicabant. Inter Mauricium & Albertum, cum essent æ-  
 quales, maxima semper fuerat necessitudo, sic ut nihil esset illis con-  
 iunctius. tribus enim bellis ambo simul Cesari militarunt, Gallico,  
 Smalcaldico, Magdeburgico, deinde, quartum atq; postremum hoc in  
 Cesarem susceperunt: sed natis offensionibus, ut dictum est, hunc tam  
 funestum habuit exitum ipsorum amicitia. Quo tempore Mauricius  
 occubuit, frater eius Augustus erat in Dania, cum uxore, apud regem  
 socerum: itaq; nobilitas & ordines partem exercitus retinent, prouin-  
 cie tuende causa, circiter duodecim signa peditum, equitum uerò co-  
 hortis quinq; reliqui dimittuntur, & pleriq; cum funere domum re-  
 deunt. Ad decimum octauum uerò Iulij diem, Albertus dat literas ad  
 nobilitatem & populum Mauricianum. quum nuper per ipsorum fi-  
 nes peteret Saxoniam, sine maleficio se transisse, propterea quod ho-  
 sale nihil haberet in animo. Mauricium uerò non modò suæ ditionis  
 homines læsisse, uerum etiam, ut sceleratis aliquot & perfidiosos epi-  
 scopis gratificaretur, antiquo illi foederi, quod suæ familiæ sit cum do-  
 mo Saxonica, nulla propè de causa, noua prorsus exemplo, renunci-  
 asse, ac bellum sibi fecisse: quod cum ita sit, & quoniam ipsi conatum  
 eius adiuerint, omnino præter mandata Cesaris, qui pacta sibi con-  
 firmari, idè sibi quoq; uidendum esse, quomodo damnum acceptum  
 resarciat: itaq; se confederationem & amicitiam ipsi inuicem renun-  
 ciare. Cesaris exercitus, Terouenna diruta, progressus è Morinis in  
 Atrebatum, arcem Hesdinum, Iulio mense ui capit. Interfectus ibi  
 fuit

Prodigia  
ante mor-  
tē Mau-  
ricij.

Alber-  
tus dat  
litteras  
ad Mau-  
ricianos

Cesaris  
ui Hesdi-  
num ex-  
pugnans

1253 fuit Oracius Farnesius, Gallie regis gener: ex nobilitate multi capiti fuerunt, & inter hos primi nominis, Gallie Marecallus Marchianus, Arduennæ sylvæ incola. Prælii Saxonici nuncius intra paucos admodum dies ad Casarem allatus fuit. qui deinde uigesimo secundo Iulij die, Erico Brunswicensi, quem Albertus miserat, uti diximus, respondet. quod eousq; similtas exarserit dolere sibi non mediocriter, multo enim maluisse, dissidium hoc omne componi, & nisi componatur, uereri, ut non Imperio tantum, sed & Alberto malè cedat, præsertim, quum adeò multi, & hi quidem præcipui ordines, huic rei sese immisceant, facta societate: suum igitur esse consilium atq; postulatam etiam, ut quamprimum discedatur ab armis, & concordie rationes ineantur: id si placeat Alberto, se curaturum, ut aduersa quoq; pars acquiescat, neq; dubitare, quin illis persuadeat: petere autem maiorem in modum, ne recuset: nam alioquin, eo manente rerum statu, non se posse ipsius uti opera, ne suspicionem iam excitatam augeat: quod quidem sibi, qui nihil charius habeat ocio & tranquillitate Imperij, ualde sit futurum molestum atq; graue. Sub initium Augusti mensis, datum è Dania reuersus Augustus, Mauricij frater, aliquot post diebus re deliberata cum suis, in fidem suam adigit omnem populum, & in his Vuittebergenses, ut sibi suisq; liberis masculis addicti sint, & si nulli supersint, in Ioannis Friderici & liberorum eius ditionem redeant, si quidem Casari pareat ille, & superiorum annorum pacta seruet, sin minus, ut tum Lantgrauio sint fideles. Eo facto, salutatur princeps elector, & ordinum suorum conuentus indicit, ut ad uigesimum Augusti diem sibi præsto sint. Eius mensis die decimo septimo, Misene oppido, maximus fuit tremotus. Vbi conuenerunt omnes Lipsiam, ad diem ualde frequenter, in deliberationem Augustus adducit, primum, an adiungere se debeat recenti foederi Ferdinandi regis, principum et episcoporum, & proseguere bellum fratris in Albertum: deinde, si deserendum sit foedus, quomodo debeat ulcisci mortem fratris: demum quamnam ratione possit cum Ioanne Friderico transigere. nam is, per eius absentiam, missis legatis ad optimates, electoriam dignitatem et possessiones ablatis omnino sibi restitui postulauerat. Deliberationis & consilij summa fuit, ut cum utrisque pacem coleret, & ad pacificandum adhiberetur Brandeburgicus elector: & id quidem fuit decre-

Augustus  
frater Mauricij  
frater.

Conuentus  
ordinum  
Saxonie.



decretum, licet per Bohemiæ cancellarium, Henricum Plautum, rex Ferdinandus, Augustum de fœdere diligenter sollicitaret. Hoc in conuentu, Ioannes Fridericus, altera missa legatione, denuò sua repetit, et acribus quidem uerbis, idem faciebant ipsius ditionis ordines: uerùm id frustra fuit, neq; se teneri, ut id faceret, Augustus, & pactis illis atq; legibus, quas Cæsar tulisset, quando captus ipse fuit, inherere, uerùm tamen non omnem actionem repudiare se dicebat. Eo durante conuentu, Henricus Brunswicensis opem implorat Augusti ducis aduersus Albertum, qui nouas militum manus conduceret. A morte Maucicij, Ioannes Fridericus ex filijs alterum, Ioannem Gulielmum misit ad Cæsarem, in Belgium, ut sua recuperaret. Eodem serè tempore mittebant etiam eò legatos, per absentiam Augusti, nobilitas & reliqui ordines, ut ipsorum principem Cæsar haberet commendatum. Ad Ferdinandum etiam & Daniæ regem, Ioannes Fridericus, eisdem propè de causis miserat legatos. Interea Vuirzburgensis episcopus ob sidet Schuinfurtum, quod Alberti præsidio tenebatur ut suprâ dictum est: Bambergicus autem & Noribergenses, quum aliquândiu Collebachum circumfedisent, abductis copijs, Comiti Platio oppugnanti oppidum Hofum ditionis Alberti, sese coniungunt. Hisce mensibus rapti sunt ad supplicium Lugduni, nouem, cum ex ijs nonnulli per annum, & amplius eò fuissent captiui. Quæstiones proponebantur singulis de præsentia corporis Christi in cœna domini, de purgatorio, de Missa, de confessione priuata uel auriculari, de ceremonijs, de Mariæ uirginis & mortuorum inuocatione, de primatu Romani pontificis, de libero arbitrio, de iustificatione operum, de ecclesiæ & episcoporum potestate, de uotis monasticis, de delectu ciborum, de unctione & confirmatione, de statutis. Constanter autem eodemq; modo respondebant ad singula, separatim, usi scripturæ testimonijs. Interea dum captiui detinentur, literis non sese tantum inuicem, sed amicos etiam aliasq; consolabantur ecclesias, & rem omnem actam perscribebant. Cum ex captiuis Ludouicus Marsacus, homo militaris, è sacris literis multa recitaret, qui aderant inquisitores rogabant, num ipsius esset legere sacros libros, & qui sciret hæc esse euangelica? prædictus enim regius duos esse tantum aiebat euangelistas, Matthæum & Ioannem: reliquos enim duos, & Paulum etiam ueluti centones quosdam

Io. Fridericus sua repetit.

Persecutio Lugduni.

Ludouicus Marsacus.

1553 consuisse: quòd nisi ecclesiæ doctores eam Paulo tribuerent authori-  
tatem, se non pluris facturum eius epistolas quàm Aesopi fabellas. cùm  
que Marsacus inuicem diceret, de Pauli uocatione atque munere præ-  
clara existere testimonia, præsertim in eius epistola, quam scripsit, ad  
Galatas, capite primo: nihil, inquit ille, ad rem istud facit. nam sibi te-  
stimonium ipse dicit. ijs, qui simul plectebantur, laqueum carnifex in-  
duerat, ut fieri solet: Marsacus uerò, quem iudices non reuincto collo-  
duci iusserant, eò quòd regi militasset, conuersus ad prætorem, an ho-  
rum, inquit, potior est quàm sit mea causa? quin simili torque me quo-  
que donas? cur non huius tam illustris atq; præstantis ordinis me quo-  
que facis equitem? alludens ad morem usitatum regibus, qui cùm a-  
micos cohonestare uolunt & amplificare, in suis ordinis, uti uocant,  
numerus ascribunt, eisq; torque auream, uelut honoris insigne,  
tribuunt. Ex ijs quinq; literis nauarant operam Losanæ, natione qui-  
dem Galli, sed sumptu Bernatum atq; liberalitate, quorum est ditionis  
Losana. Cùm ergo captos audirent, & ipsorum intelligerent pericu-  
lum, diligenter ad regem intercedunt, eosq; sibi donari petunt: sed id  
frustrà fuit, cùm id sibi per leges non esse integrum, rex diceret. Cardi-  
nalis Tornonius, flabellum hic fuisse putatur. De morte nobilissimi  
principis, Angliæ regis, Eduardi sexti, paulò suprà diximus. Inuaserat  
eum phthisis, & Ianuario mense coeperat egrotare: cunq; morbus in-  
ualeceret, sollicitus de regno & religione, cum suis familiaribus rem  
communicat, et exquirat, cui potissimùm sit committenda rerum sum-  
ma. Nam etsi pater Henricus moriens testamento substituerat ei Ma-  
riam & Elisabetham, ut suprà docuimus, tamen, quoniam ipse iam sa-  
ctus erat pubes, arbitrij sui esse ducebat, constituere sibi successorem,  
præsertim, quum de sororum natalibus pleriq; omnes dubitarent, &  
Maria pontificiam religionem coleret, quæ si rei summam teneret, pe-  
riculum esse uidebat, ne & præsens religio subuerteretur, & imperio  
locus externo patefieret. Itaq; re deliberata, placuit, Ioannam Suffol-  
ciam eligi, regis Henrici proneptem è sorore. Cùm id reliqui consilia-  
rij, & Londinensis etiam consul & optimates probassent: Angliæ pri-  
mas, archiepiscopus Cantuariensis, in aulam accersitur, ut subscribat.  
Ille uerò, nisi regem sit affatus antea, recusat. admissus igitur, ubi fami-  
liariter cum eo iam decumbente rem disceptauit, assensit, cùm hoc ille  
admo-



admodum urgeret. Extincto autem rege, quod fuit Iulij die sexto, sicut 1553  
 antè dictum est, quarto post die, Ioanna pronuntiatur regina, simulq;  
 de scripto recitatur, quemadmodum Eduardus, de consensu procerum, Ioanna  
 grauiſſimis de causis, Mariam et Elisabetham sorores exheredarit, et  
 regni ſucceſſionem ad Ioannam tranſmiſerit. Tuli hoc indigniſſimè  
 populus, et omnis nobilitas, non tam ſtudio Mariæ, quàm odio Nor-  
 thumbrij ducis, quum nemo ferè dubitaret, quin huius eſſet author i-  
 pſe conſilij, nimirum, ut hæc uia regnū tanquam in ſuam domum de-  
 riuaret. Dum hæc geruntur, Maria conſugit in Norſolciam, ad caſtel-  
 lum Framingam, et opè implorans, pro regina ſeſe gerit. Eo cognito,  
 Northumbrius cogit copias, et Londino proſectus, de reliquorum aſ-  
 ſenſu, illam petit, ut comprehendat: ſed interim, qui erant in urbe con-  
 ſiliarij, quum offenſionem ordinum non ignorarent, et per Norſol-  
 ciam magnæ manus ad Mariam conſuerent, mutata uoluntate, Ma-  
 riam eligunt reginam, et Ioannam aſſeruant cuſtodia. Quod ubi per-  
 uenit in caſtra, plerique omnes, quoniam inuiſi militabant, et illum  
 alioquin oderant, deficiunt, et allatis Londino literis atq; mandatis,  
 Cantabrigiæ captum Northumbrium, die uigeſimo quinto Iulij men-  
 ſis in urbem adducunt. Incredibile eſt, quibus conuiſijs atque probris  
 eum populus acceperit, dum alij proditorem, alij parricidam et re-  
 gis innocentiffimi carnificem uocant. Etenim, quia nurum ſuam ad  
 dignitatem regalem perduxiffe credebatur, ſuſpicio nata fuit, iam pri-  
 dem hæc illum tractaſſe conſilia, et uitæ regis inſidiatum eſſe. Capti  
 fuerunt poſt ipſius liberi, et frater, et alij quidam proceres, et regius  
 præceptor, Ioannes Checus, uir magnæ uirtutis ac eruditionis: hic ta-  
 men dimiſſus deinde fuit, facultatibus penè omnibus exutus. Poſtea  
 Londinum regina Maria uenit, et arcem ingreſſa, quam Turrim ipſi  
 uocant, Norſolciæ ducè, iam propè ſeptem annis captiuum, et Vinto-  
 niensem, et Dunelmensem Tonſtallum, et quosdam alios pontificiæ  
 religionis, ab episcopali ſunctione remotos, è carcere liberat, et loco re-  
 ſtituit. Et Vintonienſis quidem, licet editis libellis factum illud regis  
 Henrici, quando Mariæ matrem Catharinam ab ſe repudiauerat, uti  
 libro nono diximus, defenderat, tamen Cancellarij locum iam obti-  
 nuit, qui ſummus eſt ibi dignitatis gradus. Cum enim Catharina Iu-  
 lij ſecundi pontificis urgeret diploma, qui matrimonium illud appro-

Ioanna  
 Suffolcia  
 Eduardo  
 regi ſuſſe  
 cta.

Maria de  
 claratur  
 regina  
 Angliæ.

Vintoniæ  
 ſis factus  
 Cancellarius  
 Angliæ.

2553 basset, rex contrà uitiosum esse dicebat, eoq; Vintoniensem, nondum  
 id temporis episcopum, Romam mittebat, ut Clemens illud pronun-  
 ciaret irritum. qui cùm Februario mense anni xxix. eò uenisset, acri-  
 ter instabat. Pontifex, qui lupum, ut dici solet, auribus teneret, quum  
 & regi gratificari cuperet, & Caesaris metueret offensionem, respon-  
 dit, se scripturum Cesari, ut uerum diploma proferatur. Assentit ille  
 quidem, sed in eam rem bimestre solùm tempus constitui petit: cùm id  
 exierit, pro falso haberi diploma postulat. id autem & inusitatum &  
 minus æquum esse putabat pontifex, & commodis uerbis regi satisfa-  
 cere cupiebat: orator autem, si nō impetretur, quod rex petat, magno  
 futurum id sedis Romanæ detrimento iactabat. Caesar inuicem, & rex  
 Ferdinandus, Aprilis die uigesimo septimo, per legatos dolorem suum  
 ostendunt, & cum pontifice, quod regi plus nimio faueret, & iudici-  
 um in Anglia fieri uellet, exposcunt, simul procuratores cum amplis  
 & idoneis mandatis constituunt, qui causam, ipsorum nomine, Romæ  
 tractent & prosequantur. Itaq; pontifex, domum iusso tandem redire  
 Campegio, litem ad se reuocat, eoq; magis, quod per Eboracensem de  
 nouo regis audisset amore, sicut libro nono diximus. Augusti mensis  
 die uigesimo secundo, Northumbrius, læsæ maiestatis damnatus, capi  
 te mulctatur, & productus in publicum, orationem habet, ac inter a-  
 lia populum hortatur, ut in ea religione, quam à maioribus ueluti per  
 manus acceperant, permaneant: omnis enim calamitatis, quæ iam o-  
 lim, maxime uerò post mortem Henrici regis, Britanniam peruaserit,  
 unicam hanc sibi uideri causam, quod à reliquo Christianismi corpo-  
 re diuortium secerint. Aliquot nunc annis diuersum ille senserat, ut  
 quidem præ se tulit, et doctrinam pontificiam planè proiecerat: quod  
 autem nunc ita sit locutus, causam fuisse dicunt, quod spes ei quædam  
 facta fuerat impunitatis. Et quanquam reliquo sermone confecto, se-  
 se ex animo loqui dicebat, sunt tamen, qui poenituisse ipsum facti con-  
 firmant, quum circumspecti, nullum perflugium, & uerba sibi data  
 esse uideret. Alius quidam, eodem tempore securi percussus, uir eque-  
 stris ordinis, Thomas Palmerus, euangelij doctrinā maxima constan-  
 tia profitebatur. Damnatus autē fuit Northumbrius læsæ maiestatis  
 atq; rebellionis, uti diximus: & quanquam graues erant suspitiones,  
 uenenum ab ipso datum esse regi, tamen quæstionē eius rei propè nul-  
 lam

Northū-  
 brius ca-  
 pite ple-  
 ctitur.

Thomas  
 Palmer-  
 us.



lam esse factam aiunt: in sententia quidem nihil de eo pronunciatum fuit. De Petro Martyre, Florentino, supra dictum est, qui ante annum sextum, accessit regi in Angliam profectus, Oxoniæ sacrarum literarum erat interpres. Hunc multi propter insignem eruditionem atq; uirtutem colebant, sed nõ deerant etiam maleuoli. Itaq; mortuo nunc rege, denunciatum ei fuit, ne iniussu magistratus pedem illinc moueret, neue quid suarum rerum asportaret, graui denunciato periculo, si secus faceret. Paruit ille quidem, sed quum moram interponi uideret, consiliarijs regni de suo statu scribit, & si quid admiserit, accusatorensis fisti, & ab ipsis de causa cognosci petit. Illorum itaq; permissu, cum discedendi potestas ei facta esset, Londinum uenit. Ibi Cantuariensem episcopum reperit patronum & amicum suum, de quo per concionatores episcopi pontificij tunc inuulgarant, quasi uacillaret, quasi Cantuariæ esset ipsius mandatu restituta Missa, quasi Missam ipse dicturus fuerit in Eduardi regis funere, quasi hoc ipsum esset pollicitus reginæ. simul de futura disputatione iactabant. Hoc ubi rescivit ille, statim edito scripto sese purgat, & sacrificum quendam, se minimè conscio, Missam Cantuariæ peregrisse dicit: alterum etiam illud insinuat, imò, si per reginam sibi liceat, Eduardi regis, de coena domini, deq; cæteris rebus atq; dogmatis facta decreta, sacris literis esse congrua, pontificiam uerò Missam ab instituto Christi planè disidere, demonstraturum se proficitur, ad eamq; rem docendam, non maiorem aliquem numerum, sed paucos aliquot, & in his, Petrum Martyrem, sibi dari socios & adiutores, petit. Et quoniam aduersarij uetustatis commendatione suam religionem ornabant, & supra mille quingentos annos eam stetisse dicebant, minimè posse hoc ab ipsis probari, se uerò docere uelle confirmat, eam, quæ fuit, Eduardo, rege, constituta, quæq; nunc per Angliam adhuc seruetur, esse uerè natiuam illam & ueterem, inde ab ipso Christo & apostolis traditam religionem. Cum hoc scriptum ad quintum circiter diem Septembris euulgasset Londini, Petrus Martyr eodem tempore uenit illuc Oxonia, sicut diximus, & certior ab eo factus de re tota, factum collaudat, neq; laborem aut periculum ullum se uelle subterfugere, demonstrat: sed ecce, dum in ea sunt expectatio-

Archiepi  
scopi Cā  
tuariensis  
constan-  
tia.

Episcopi  
Anglici  
in carce-  
rem ab-  
ducti.

scopi, propter euangelij professionem, & conciones in Mariam habitas, iussu consiliariorum, prius, quàm regnum obtinuisset. Capitur etiam Hugo Latimerus, quem rex Eduardus à patre captum propter doctrinam, è uinculis exemerat. Petrus Martyr interim, etsi periculum suum intelligebat, tamen, quòd in leges regni nihil commiserat, innocentia sua fretus, non sibi discedendum putauit, nisi impetrata dimissione. Cùm igitur id obtinuisset, literis publicis acceptis, manu reginæ subscriptis, Antuerpiam, inde Coloniā, post Argentoratū, unde profectus in Angliam fuerat, saluus peruenit, & paulò ante eum, Bernardinus Ochinus. Per scriptum aliquandò fuit & nunciatum in Germaniam, Cæsarem consobrinæ Mariæ dedisse consiliū, ut regeret clementer, neq; religionem mutaret, nèue nuberet extra regnum: quid enim in eo sit periculi, si religionem innouet, sibi omnium optimè constare. Num ita res habeat, affirmare non possum: ipse quidem euentus longè diuersum ostendit nam exteris propter euangelij doctrinam ambire iussis, indigenis uerò coniectis in uincula. religio pontificia planè restituta fuit, ut infra dicitur. Ad Calendas Octobris Maria deinde inauguratur regno: neq; multò post inchoatum Londini fuit comitium. Imperij uerò conuentus, quem ad idus Augusti Cæsar indixerat, ut initio libri docuimus, in Calendas Octobris, & ab his deinde prorogatur in mensem usq; Ianuariū. Post prælium illud, quo Mauricius fuit sibilatus, Henricus Brunswicensis & Albertus, pro se quisq; sese colligunt, & copias restaurant. Henrico pecuniam subministrabant episcopi & Noribergenses: de Alberto pleriq; omnes mirabantur, unde illi tantum neruorū: itaq; peruulgatum fuit, à sorore Cæsaris Maria nummos ei uenire: sed id Cæsariani pernegabant, ac mirum eis uidebatur, esse homines tam imperitos, qui crederent. Cùm autem ad Henricum aliquantò serius adferrentur nummi, maximo res erat in discrimine. nam Albertus, ubi rescituit, ad defectionem sollicitabat illius militem, qui moram hanc impatientissimè ferebant: sed per opportunè, ac in ipso temporis articulo, cùm a filius ille atq; fremitus propè iam exundaret, decima die Septembris allatum est remedium, & tempestas omnis conquieuit. Henricus uerò, muniendi sui causa, cum Erico agnato, quem hostem habuit antè, transegit. Danicæ rex iam antè suos miserat in Saxoniam legatos, ut Augusti generi suis rebus consulerent. Hi de-

Bellū in  
ter Brun  
swicensem  
& Alber  
tum.



mium adiuti Brandeburgensis electoris legatis, reconciliant Augustū 1553  
 Alberto. Conditiones erant, ut Augustus neq; bellum fratris persequatur, nec hostibus Alberti ferat opem: idem faciat Albertus, & si fortē  
 copias propē ad fines Augusti traducet, absq; maleficio proficiascatur: Albertus Augustus reconciliatur.  
 Augustus caueat, ne quum suas manus dimittet, ad hostes Alberti perueniant: postremo quod est inter Saxonicam & Brandenburgicam domum  
 fœdus hereditarium primo quoq; tempore renouetur. Postridie, qui duodecimus erat Septembris dies, Albertus Brunsvico suas  
 eduxit copias: & cum in hostem incidisset, quod fuit non procul ab urbe,  
 manus conserit: sed numero uictus, præsertim, cum ipse nullum,  
 Henricus autem ad uiginti signa peditū haberet, in fugam conijcitur  
 ac profligatur, tametsi cruentam hosti uictoriam reliquit. à prælio  
 Brunsvicum redit. Interea magnis erant in angustiis ij, quos Hostij circumfederat  
 Plauius atq; socij, nam cum & oppidum esset ualde concussum tormentis, & Albertus infœliciter pugnasset, neq; subsidium  
 ueniret, inopia rerum omnium adducti, deditiōem faciunt. Et oppidanos  
 quidem Plauius in suam atq; liberorum suorum fidem per iusurandum adigit,  
 & præsidio relinquit signum unum peditum & maiora tormenta. De Turcica classe diximus antè: huic se coniunxerant  
 Galli duces aliquot, Masilia profecti, & his diebus Corsicam insulam,  
 quæ Genuatum est ditionis, capiunt, oppidis aliquot exceptis. Turcæ Corsicā occupāt.  
 Quomodo Caesar Hesdinum arcem ui ceperit, antea dictum est: eam  
 uerò demolitur, ut antea Terouennam. Gallie rex interim apud  
 Ambianos exercitum colligit, & expectat, dum Heluetij, quos euocauerat,  
 ueniant. Vbi iam dirutum esset Hesdinum, Caesar ad exitum Augusti  
 cogitabat tentare Dorlanum, sed ubi Connestablius id per iudicium  
 accepit, magnum equitatum & peditatus partem aliquam celeriter  
 educit, & opinione citius illos aggreditur, inq; fugam conijcit,  
 plurimis interfectis atq; captis. Et cum sub initium Septembris Heluetij  
 uenissent, ad decem millia peditum, rex aduerso flumine Somia, cuius  
 ad ripam est Ambianum, progreditur, & Corbiam peruēnit. Inde  
 missis aliquot equitum turmis, circa Bapamum oppidum, tanquam  
 illud obsessurus, excurrit. Septembris uerò die septima, misso scæciali  
 Cameracum quo sint erga se animo ciues, nunciari sibi petit. Oppidum  
 illud est per amplum, episcopale, & antiquitūs Imperij ditionis, Gallus Cameracum tenet.

1553 *et* per ea bella, quæ *Cæsar* cum *Galliæ* rege gessit, æquo iure semper  
 fuit inter utrumq; sed hoc tempore magis erat partium *Cæsaris*. Rex  
 igitur eis nunciat, nihil se facturum aduersus pacta, modò idem ipsi  
 faciant, *et* sibi, qui sit Imperij protector, urbem patefaciant, *et* in cæ-  
 teris rebus omnibus præstò sint, non minus quàm *Cæsari*. Cum autem  
 loci præfectus rem ad *Cæsarem* detulisset, responsum tulit, quia dire-  
 ptionibus *et* incendijs *Galli* deuastassent agrum illum omnè, ut ho-  
 stiliter in eos agat. Sed antequam hic nuncius à *Cæsare* ueniret, iam ex-  
 cursionibus factis urbem rex tentare coepit per aliquot dies: ubi uerò  
 nihil proficeret, idibus Septembris castra promouet, *et* duobus millia  
 ribus à castris *Cæsaris* consedit, quæ tum erant ad *Valencenam*, oppi-  
 dum *Hannoniæ*, *Scaldi* fluuii propinquum: deinde propius accedit,  
*et* uidebatur omninò res ad prælium spectare, sed hic fuit exitus, ut  
 rex, quoniam proximè ad *Cæsaris* munitiones uenerat, plurimis desi-  
 deratis, decimo octauo die Septembris exercitum reduceret. Discedès  
 longè lateq; omnia uastabat incendijs. Per scripta deinde res fuit pri-  
 uatum ad amicos, uti fieri solet, *et* *Galli* quidem *Cæsarem* aiunt defu-  
 gisse prælium, *Cæsariani* uerò negant. Rex domum reuersus, *Helue-*  
*tios* dimittit. Hoc ipso mense dimittuntur, qui totum annum *Augu-*  
*ste* fuerant mandatu *Cæsaris*, milites præsidarij, signa sex, ut libro su-  
 periori diximus. Conueniunt etiam his diebus, *Hailbrunæ*, *Palatinus*,  
*Moguntinus*, *Bauarus*, *Vuirtembergicus*: à *Treuiro* *et* *Cliuensi* uene-  
 rant legati. *Ferdinandi* regis nomine aderat episcopus *Passauiensis*.  
 Per hanc æstatem pestilentie uis magnam edidit stragem *Lutetiæ*, at-  
 que interim propter *Lutheranismum* multi fuerunt exusti. Rex in de-  
 litijs quandam habebat, cuius maritus olim fuerat *Normanniæ* præse-  
 ctus: eius mulieris uiduæ generi erant *Aumalius* *et* *Marescallus* *Mar-*  
*chianus*, ambo captiui, sicut diximus: *et* ab *Aumalio* quidem *Alber-*  
*tus* poscebat aureorum millia centum, sed id erat supra illius facultates.  
 Itaq; fama pererebuit, illam, quæ nihil non posset apud regem, ut  
 sine suo dispendio pecuniam conficeret, *et* generos liberaret, impe-  
 trasse, ut rex ei largiretur eorum possessiones atq; bona, qui propter  
*Lutheranismum* essent damnati capitis. nam *Galliæ* fert consuetudo,  
 ut non uitam modò, sed facultates etiam rex auferat condemnatis.  
 cum igitur hæc esset obiecta præda, multis aiunt fuisse creatum pericu-  
 lum.

Hailbrunæ con-  
 uentus.

Persecu-  
 tio in  
 Gallijs.



lum. Equidē hoc affirmare nolim, sed usu uenit nonnunquam in Gal= 1 5 5 3  
 lijs, & alijs in locis, ut hominum innocentium sanguis non modò uo=  
 luptati sed etiam quæstui sit nonnullis. Albertus à prælio, quod ad=  
 uersum fecit, Brunswicum redit, ut paulò suprà diximus: ubi uerò per  
 indicium accepit, fore, ut Henricus urbem obsideret, non diu mora=  
 tus, quos potuit equites recolligit, & in Turingia suum aduentum ex=  
 pectare iubet, & propinquos agnatosq; de auxilijs interpellans, cū  
 adiutus esset, in Turingiam contendit, & Octobris die quinto præter  
 omnium expectationem, magna celeritate usus, Vinariam uenit, ubi  
 à Ioanne Friderico perhumaniter fuit exceptus, & duas noctes ibi  
 commoratus, ut militem per agros diffusum ex labore reficeret, Fran=  
 coniam petit. Circumsidebant tum quoddam eius oppidum Biru=  
 tum, Comes Plauius atq; socij: sed eius cognito aduētū, Bambergam,  
 obsidione relicta, sese conferunt. Ille uerò, non magna comitatus e=  
 quitum turma, undecimo die Octobris egreditur speculandi causa, Alber=  
tus Ho=  
sium re=  
cuprat.  
 quid ad Hosium nuper amissum oppidum ageretur. Milites præsi=  
 arij fortè tum incautius erant ante portas, animi causa, rerum omni=  
 um securi: nactus igitur hanc occasionem, & suos cohortatus, inci=  
 tatis equis, celeriter illos inuadit, & in fugam datos insequitur, & si=  
 mul irruptione facta, cum ipsius præsentia & aspectu recreati oppi=  
 dani concurrerent, plerosq; omneis trucidauit. tormenta reperit ibi  
 magna quedam, & alia, quæ campestria uulgò uocant, sine instru=  
 mento tamen. nam apparatus omnem hostes ad Biruti oppugnatio=  
 nem asportarant. Relicto ibi signo peditum, Blasseburgum petit, præ=  
 cipuam arcem. Postquam ipse Brunswico discessit, Henricus urbem ob=  
 sidere cœpit, ac tormentis ualidè concutit: episcopi uerò & Noriber=  
 genses, qui copias illas omneis alerent, ei renunciant, ut sibi præstò sit: Brunswi=  
cum ob=  
sidetur.  
 petebat Henricus ab oppidanis aureorum millia circiter octoginta.  
 quum hoc isti recusarent, ac milites, nisi persolutis stipendijs, nollent  
 ferre signa, solliciti de suo periculo illi, tantundē dare spondent. Tunc  
 demum obsidione soluta, cū futuræ solutionis diem militi cōstituis=  
 set, per Turingiā iter instituit. Eo cognito, Saxoniæ dux, Ioannes Fri=  
 dericus, quòd cum eo nondum redisset in gratiam, unā cum tribus fi=  
 lijs Gotham sese confert, uxore relicta Vinariæ, quòd esset ualetudine  
 minus firma. Henricus iam instructus ad iter, datis ad eum literis, eisi

153 causam, inquit, habui iustam, & occasionem etiam non incommo-  
 Brunsvi dam, his aliquot annis, ulciscendi superioris temporis iniurias, abs te  
 cens ad mihi factas, tamen, quod esses in custodia Caesaris, nihil quicquam in  
 Ioannem tuæ ditionis populum atq; liberos tentavi, sed legibus rem iudicioq;  
 Frideri- cum li- permissi. tu uerò minimè contentus antea actis iniurijs, nuper etiam Al-  
 teræ, bertum Brandeburgicū, Germaniæ uastatorem, & meū inprimis ho-

stem, ope, consilioq; iuuiisti, quod compertum habeo, quantumuis id  
 feceris occultè. quamobrem, si meus exercitus iam tuis finibus damni  
 quid dederit, non est quod ullam habeas de eo querimoniam: initium  
 enim abs te factum est. Constituerat Henricus in Albertum & Volra-  
 tum Mansfeldios agere prorsus hostiliter, propter anni superioris bel-  
 lum, uti diximus, uerum intercessione ducis Augusti, cuius illi fidē im-  
 plorauerant, composita res fuit. Ioānes Fridericus, acceptis Henrici li-  
 teris, per legatos agere cœpit & animum eius mitigare. sic quidem, ut  
 Brunsvi ille cum duabus turmis equitum, & peditum signis quinque; Vinariam  
 cens Io ueniret, reliquo per uicinum agrum exercitu distributo. Huc ad eum  
 anni Fri derico re concilia- tur. à principe uenit Minquicius cancellarius, & expositis mandatis ad  
 beneuolentiam omnino flexit. Et cum antea magnam pecuniæ uim  
 Henricus postulasset, eam nunc partim remisit, & sine maleficio com-  
 moratus ibi per biduum, amice discedit. Ad decimum octauum diem

Disputa-  
tio Lon-  
dini.

Octobris instituta fuit Londini, iussu reginæ, disputatio, de præsentia  
 Christi in sacramento, quod uocant, altaris. Agitata res fuit per sex di-  
 es, non sine contumelijs, cum è pontificijs quidam, cuius erant præci-  
 pue partes, theologus, Vuestonius, parū ageret temperanter. quid su-  
 per eo decretū, & cuiusmodi fuerit exitus comitiū, dicemus infra. Sub  
 finem Octobris, Geneuæ sumptum est de Michaële Serueto Hispano  
 supplicium is multis ab hinc annis uarios ediderat libellos inter alia, de  
 Trinitate, prorsus alienos à sententia totius ecclesiæ. cumq; hoc de-  
 cretum anno Geneuā uenisset, senatus de illo certior factus, cōprehendi  
 iubet, ac deinde Caluino, qui iam antea scriptis eum oppugnaverat,  
 & ceteris ecclesiæ ministris iniungit, ut sermonem cum eo conferant:  
 itaq; multa fuit inter eos & acerba disceptatio, cum ille sæpenumerò  
 mendacij Caluinum insimularet, admodum immodestè. Senatus ue-  
 rò, ne quid in causa tam graui temerè fieret, doctores de ijs dogmatis  
 consulit, Bernates, Tigurinos, Basilienses, Schafusianos: hi respon-

dent



dent omnes, ad summam Dei contumeliam illa pertinere: cum autem 1 5 5 3  
 nō modò de sententia non decederet, sed conuitijs & maledictis etiam  
 sua propugnaret, damnatus est capitis. Vt ad locum supplicij uenit,  
 hortante Gulielmo Farello, Christum, æternum Dei filium inuocare  
 noluit, & quum poenitentiae signum nullum daret, causam tamen ad  
 populum minimè defendit. Necis inuidiam pleriq; conflagrant in Cal  
 uinum: is autem edito libro, doctrinam eius et rem omnē actam com=  
 memorat, & in hæreticos gladio uindicandum esse docet. Octobris  
 die penultimo, Iacobus Sturmij, uir longè & prudentissimus & in=  
 tegerrimus, ac planè decus nobilitatis Germanicæ, propter eximias  
 animi dotes & doctrinam insignem, è uita decedit Argentorati, cum  
 ex febris quartana per tempus bimestre decubisset. Aetatis annum ex  
 cesserat tertium & sexagesimum. His ferè diebus, Reginaldus Polus,  
 Anglus, cardinalis, per Germaniam ad Cæsare contendit, Roma pro=  
 festus: cumq; iam ad fines Palatini principis uenisset, accepto nuncio  
 à Cæsare, qui Iacobum Mendozam ei miserat, Dillingam, quod est ad  
 Danubium, episcopi Augustani oppidum, redit & expectat, dum Cæ  
 sar renunciet. Henricus Brunsuicensis, Vinaria digressus, Nouembris  
 die septima, uenit in sociorum castra, quæ tum erant ad Lichtelsum,  
 oppidum ditionis Bambergicæ. In eo tenebantur inclusi milites Al=  
 berti, ad nouem signa peditum, illi ipsi, qui paulò antè fuerant Biru=  
 thi. Circumsederat autem eos Comes Plauius cum sociorum auxi=  
 lijs: & cum Noriberga uenissent maiora tormenta, quibus oppidum  
 concuteretur, illi, deditione facta, Nouembris die decima, uoluntati  
 sese hostis permittunt. Captis ergò ducibus aliquot, reliqui dimit=  
 tuntur inermes, absque signis. Ea re perfectâ, Colembachum petunt,  
 Alberti ditionis oppidum, & tormentis acriter oppugnant. oppidani  
 uerò, cum illud ab hoste non se posse defendere uiderent, quicquid erat  
 suppellectilis atque bonorum in arcem Blasseburgum transportant,  
 & post, incensis ædificijs, in illam & ipsi confugiunt. Sic demùm  
 hostis irruit, & trucidatis nonnullis, qui fortè deprehensi fuerunt, i=  
 gnem restinguit & reliqua diripit. Plauius deinde, cum Lichteber=  
 gum arcem, & Hosium & Biruthum oppidula deditione cepisset ac  
 muris denudasset, Blasseburgum obsidet, præcipuum Alberti propu=  
 gnaculum, & magno præsidio munitum. Ad hoc tempus, Galli, ex

Iacobi  
Sturmij  
mors.

Galli  
Vercel=  
las diri=  
piunt.

Pede=

1553 Pedemontio clām profecti, Vercellas, Taurinorum oppidum, quod Hispani tenebant, ex improviso, per insidias capiunt: sed quòd in ea propinquitate agri Mediolanensis agrè illud posse defendi crederent, aduentaret etiam cum copijs Gonzaga, Cæsaris legatus, direptione facta, domum opportunè sese referunt, onusti præda. Non multo post, & Venetijs & aliunde nunciatum fuit atque perscriptum, de Turcarum Imperatore Solymanno, qui filium suum natu maximum, Mustapham, propter suspicionem prodicionis et uiolata fidei strangulasset ipse, ferunt secundæ uxoris impulsu, quæ filium suum augeri cuperet atq; parenti succedere, factam esse cædem. De archiepiscopo Angliæ Cantuariensi dictum est antea: Is, & Ioanna regina, cum tribus filijs Northumbrij ducis producti in publicum Nouembri mense, damnati sunt capitis, ob intentatum læsæ maiestatis crimen: sed pro regionis consuetudine reducti sunt in carcerem, & deprecantibus nonnullis, asseruati. Sebastianus Schertelinus, de quo non semel est facta mentio, cuius in caput atq; uitam Cæsar præmiū cōstituerat, uti libro superiori diximus, reconciliatus in hoc tempore fuit & Cæsari et Ferdinando regi, suasq; facultates recuperauit omneis. Solicitantibus episcopis atq; socijs, Albertum Brandeburgicum, Cameræ iudices, ceremoniæ solenni, calendis Decembris proscribunt, ut publicæ quietis & Imperij perturbatorem, dimissis huc illuc literis & affixis palàm, ipsiusq; uitam & fortunas, omniū prædæ permittunt. Henricus Brunswicensis, ad oppugnationem Blasseburgi relicto Plauio sexta die Decembris, cum suis copijs contendit Schuinsfurtum, quod quidem oppidum in ripa Moeni positum, Albertus ualido præsidio tenebat. Accesserat Henrico supplementum aliquod militum, qui Noriberga uenerant & Forchemo: sed Albertus, cum id fore suspicatus esset, primum, quicquid erat alimonie, uicinis in locis, in oppidum inuexerat, post, omnia circum ædificia incenderat, ut obsidendi eo anni tempore facultatem hosti adimeret. Itaq; nulla ibi re perfecta, desideratis etiam nonnullis, quum Albertus eruptione facta dimicasset, Henricus, non magno cum comitatu, per agrum Ioannis Friderici profectus absq; maleficio, domum redit. Albertus, ubi se proscriptū accepit, Cæsarem interpellat, ut sententiam aboleat: is autem, ut iuris administrationem impediatur, non sibi licere dicit: sic ille iudiciū, uti largitione

Solymā-  
nus filiū  
suum  
stran-  
gulat.

Alber-  
tus Bran-  
deburgi-  
cus pro-  
scriptus  
à Came-  
ra.



corruptum atq; redemptum, recusat, & protestationem interponit, edito scripto. Camerales autem finitimis Imperij prouincijs executio nem mandant. Per Angliam agebantur hoc tempore conuentus o= mniū ordinum: & quoniā Eduardo, rege, facta fuerant decreta, de coena domini, de ceremonijs, & sacramentorum administratione, de coniugio sacerdotum, de episcoporum electione, de constituendis ec= clesie ministris, de formula precationum, & id genus alijs rebus, cau= tum hoc in conuentu fuit, ne quid ea decreta ualerent, sed ut eam se= querentur omnes religionem, quæ fuisset ab Henrico rege moriente relicta: deinde, ne sacrificijs & ecclesie ministris, qui deinceps consti= tuentur, ulla fiat molestia: diuortium quoque Catharine, quæ Mariæ mater fuerat, illicitum fuisse pronunciat: adhuc, de matrimonio re= ginæ fuit agitatum inter optimates aliquot, ac placuit eam desponde= ri filio Cæsaris, Philippo. de quo fama fuerat antè, quasi cōsobrinam suam, Lusitanie regis Emanuelis & Eleonore filiam, esset ducturus. Eo constituto, cardinalem Polum Cæsar accersit: quod in Germania illum subsistere uoluit, uti diximus, eò factum esse nonnulli putabant, ne, cum esset regie stirpis & gratosus apud suos, coniugij rationes for= san impediret. His, quos antè diximus in carcerem esse conditos, epi= scopis, alij suffecti sunt in hoc tempore. Confirmandi causa matrimo= nij, Cæsar amplissimam legationem mittit in Angliam, qui Mariam absenti Philippo prorsus addicant. eius erat princeps, Emondanus. Hi, cum sub initium Ianuarij Londinum uenissent, post aliquot dierum tractationem, rem conficiunt. Tulit hoc indignissimè popu= lus, & ex nobilitate complures, & communicatis inter se consilijs, rebellionem faciunt. huius erat dux præcipuus & author, Thomas Viatus. Is per Cantium excitata seditione, graues habebat conciones & acerbis in reginam atq; consiliarios, quod externis nuptijs per= petuam & miserrimam seruitutē Angliæ compararent, deinde, quod extincta uera religione, pontificiam denuò stabilirent. Est autem Can= tium, regio maritima, Gallie proxima, nobilis urbe Cantuaria. Hu= ius motus fama Londinum allata fuit Ianuarij die uigesimo quinto, neq; multo post auditum est de Henrico Suffolcio duce, qui per De= uoniam homines ad arma uocaret. Itaque regina, quas potuit, manus facit, ijsq; Norfolciæ ducem Thomam nuper e carcere liberatū præ= ponit.

Conuen= tus ordi= num An= glia.

1554  
Seditio in An= glia.

1 5 5 4 ponit. qui cū sub exitum eius mensis in hostem incidisset prope pontem Roffensem, desertus à milite, fuga salutem quærit, & uix agrè Londinum peruenit. In his ergò turbis, legati Cæsaris, minuendæ seditionis & sui periculi causa, calendis Februarij consensu nauibus discedunt: eodemq; die regina uenit Londinum, & oratione habita ualde criminosa in Viatum, quid illius consilij sit, ostēdit, & suam in ipsos charitatem exponit, & de matrimonio nihil se statuisse dicit, nisi de consilio procerum: se uidelicet bonam nunc ætatis partem exegisse uirginem, neq; sic nupturire, quin eo in uitæ genere permanere uelit, si quidem ordines ita iudicent fieri oportere: nam ut sui connubij causa regnum periclitetur & cædibus omnia uastentur, id sibi longè futurum acerbissimum: permaneant igitur in officio, & in sceleratorum hominum ulciscenda perfidia sibi ferant opem: hoc enim ipsorum esse muneris, qui se, legitimam patris hæredem, de communi consilio reginam esse iusserint. Cū ad hunc modum eos placasset, urbis defensionem quosdam constituit, & Comitem Penbruccū designat, qui foris rem administret. Iam antè Viatum erat uoce præconis denunciatus hostis & regni proditor, & maioris inuidiæ concitandæ causa, recitata fuerunt eius ad reginam missa postulata, quorū illud ferebatur esse primum, ut in custodiam sese regina tradat, ut de nuptijs illius, & consiliarijs uel retinendis uel mulctandis, ipsi statuere liceat. Tercio post die, promiscuæ multitudini proponitur impunitas, modò seditionis authors deserant, & ei, qui Viatum fecisset captiuum, ingens constituitur præmium. Suffolcijs quoq; iubetur in perduellium haberi numero. Et quum eodem die coniurati propius ad urbem accederent, regina pontē, quo Thamesis est cōstratus, rescindit, ne quis ad ipsos transiret. Postridie suburbij illi occupant, fore putantes, ut oppidani sese ipsis coniungerent: uerū hi præsidio cōtinebantur. Interea Suffolcijs in diuersa regni parte capitur, ductore Huntingtonio, quem eò regina cum equitatu miserat. Biduo ad urbem consumpto, coniurati, quum ea parte frustra molirentur, conuerso itinere, miliaribus aliquot supra Londinū, Thamesim traiiciūt, & urbem rectā petunt. Ibi tandem Viatum, ab ijs copijs, quas ductore Penbrucco regina emiserat, interceptus cum socijs, in carcerē abducitur. Altera die, qui septimus erat eius mensis dies, edicatur, capitis denunciata poena, ut qui de seditione

Maria  
reginæ  
oratio  
ad po-  
pulum.

Suffol-  
cius ca-  
pitur.

Viatum  
captus.

tioforum



tioforum numero quempiam domo recepissent, illico producant et ex-  
 hibeant. Paucis interiectis diebus, Londinum Suffolcius adducitur ca-  
 ptiuus. die uero Februarij duodecimo, Northumbrii filius, Guilfor-  
 dus Dudlaeus, & ipsius uxor Ioanna. Suffolcij ducis filia, quam Edu-  
 ardo regi summissam fuisse reginam diximus, capite mulctatur, quod  
 contra legitimam successionem ad regnum aspirassent. Ioannæ sortem  
 pleriq; omnes miserabantur, quod innocentissima puella, & libera-  
 liter educata, literisq; culta, tantam in calamitatem incidisset, non sa-  
 nè alia de causa, quam quod regnum oblatum non repudiarat. oratio-  
 nem habuit ad populum ualde piam ac modestam, & Dei misericor-  
 diam implorans. per Iesum Christum, puellis pedisequis administran-  
 tibus, linteolo sibi tegit & obuincit oculos, carnifici deinde ceruicem  
 præbet ferendam. Hoc ipso die, Corteneus, Deuonie Comes, quem  
 ex multorum annorum captiuitate, regina, superioribus aliquot men-  
 sibus liberauerat, denuò capitur ob suspicionem inite coniurationis.  
 Posthæc, Londini & Vuestmonsteri, ubi regina tum erat, plurimi ra-  
 piuntur ad suppliciū, & quidē ex nobilitate non pauci. quidam etiam  
 elapsi, & in his primi nominis, Petrus Carrus, ad Gallie regem confu-  
 giunt. Dux quoq; Suffolcius, Februarij die uigesimo primo, capitis  
 poenam luit, cum ante diem quartum fuisset damnatus. Dum hæc in  
 Anglia geruntur, Sibylla Cliuensis Ioannis Friderici Saxonie ducis  
 coniunx, eo, quem diximus, Februarij die uigesimo primo, moritur  
 Vinariæ, & undecimo post eam die, princeps ipse, cum aliquādiu de-  
 cubisset egrotus. Decefferunt uterq; in uera Dei cognitione: & ipse  
 quidem, dum uxori sepulchrum in æde sacra paratur, iusserat sibi lo-  
 cum aliquem ad latus illius reservari, quod breui secuturus esset. neq;  
 fefellit eum opinio. nam Martij die tertio, sub horam decimam ante  
 meridiem, cum ex lectulo concionem audisset, implorata numinis di-  
 uini misericordia, suumq; spiritum Deo cōmendans, ex hac ærumna  
 sa uita, cœlestem in patriam emigravit. iam uero transactum erat in-  
 ter eum & Augustū ducem. Cum enim Dantiæ rex, missis legatis, ut su-  
 præ docuimus, intercederet, post multā et uariam ac propē semestrem  
 disceptationē, hoc primum tēpore, composita res fuit, his conditioni-  
 bus. Ioānes Fridericus discedit ab electoratu, Misnia, & oppidis metal-  
 licis: Augusto sine liberis maribus extincto, ad Saxonem eiusq; liberos

Ioanna  
 regina  
 capite  
 plexa.

Ioannis  
 Frideri-  
 ci & uxo-  
 ris ipsi-  
 us obi-  
 tus.

Transa-  
 ctio in-  
 ter Ioan-  
 nem Fri-  
 dericum  
 & Augu-  
 stum.

1554 mares hæc omnia redeunt: Interim Saxoni licet usurpare sibi nomen electoris & insignia, tam in obsignandis literis, quam in procudenda moneta: præfecturas etiam & oppida quædam Augustus ei liberisq; largitur, & pro superiorum aliquot annorum residuis debitis, quæ Mauricius non dependerat ipsius liberis, persoluit ad centum aureorum millia: sed & arcem oppidumq; Conisbergū, in Franconia positum, & episcopo Vuirciburgensi oppignoratū in aureorum millia quadraginta, luit, & Saxoni liberisq; restituit. Postremo, fœdus hæreditarium Saxonice domus, uiolatum superioribus annis, renouatur, ac denuò sancitur. Eam transactionem, Ioannes Fridericus, decumbens, non multò ante uitæ finem, scriptura & signo suo confirmauit, & ut idem filij facerent, iussit. Itaq; forti animo superatis omnibus malis & ærumnis, in quas erat coniectus, non in carcere, neque militis externi custodia, cui destinatus erat, uerum illustri Dei beneficio liber factus, & domum ad uxorem, ad liberos & sacra sua reuersus, extremum diem placidissimè clausit, & filijs, populoq; suo pacè ac ocium reliquit. Vxor etiam, uoti facta compos, terrestre domicilium hoc deseruit, nam sæpenumero dixerat, æquissimo se morituram animo, si modò coniugem sibi uidere prius liceret liberum & incolum. atque id ab immortali Deo sæpius precata fuit multis cum lachrymis atque suspirijs. Quo die uitam illa finiit, natus est Augusto duci filius Alexander. His serè diebus, qui reliqui per Angliam erant externi, sed & indigenæ multi, relicta patria propter mutatam religionem & edicta reginæ, in Germaniam sese conferunt, & Vesaliæ quidam, alij Francofurti, complures etiam Argentorati subsistunt.

Ioan. La  
scus in-  
certis se-  
dibus ua-  
gatur. Ioannes Lascus, Polonus, genere nobilis, Hieronymi frater, uir insigniter doctus, ante hyemem profectus erat illinc cum nonnullis in Dani-  
am: sed cum ibi parum amicè reciperetur, ob diuersam de cœna do-  
mini sententiam, & per inferiorem Saxoniam eadem de causa de-  
garetur ei sedes, Emdam, oppidum Frisie, tandem peruenit, ibique  
consedit. Martij die quarto, regina leges promulgat ecclesiasticas, qui-  
bus mandat episcopis eorumq; uicarijs, ut ne quem de heresi suspec-  
tum in ordinem sacrum recipiant, hæreses funditus extirpent, no-  
xios & pestiferos libros aboleant, ludimagistris & populi doctoribus  
prescribant, & non obtemperantibus docendi munus abrogent, sa-  
cerdo=

Marite  
reginæ  
leges ec-  
clesiasti-  
cæ.



eerdotibus maritis uxores & facultates auferant, & pœnas ipsorum 15 3 4  
 scelere dignas constituant, sic tamen, ut eos, qui de consensu coniugis  
 profitentur se uelle facere diuortium & in posterum abstinere, lenius  
 tractent, ac resipiscentes etiam loco restituant: adhuc, preces omnes in  
 supplicationibus publicis, & Latina lingua, & more uetusto reciten-  
 tur, dies omnes festi celebrentur, superioris ætatis ceremoniæ restitui-  
 antur, pueri adultiore, antè baptisati, ab episcopis confirmentur, &  
 in scholis erudiantur quemadmodum sacrificio Missam peragenti mi-  
 nistrare debeant ad aram. Quo tempore pontificatum Romanum An-  
 glia rex Henricus octauus exterminauit, uti liero nono diximus, le-  
 gem hanc tulit inter alias, ne quis ad ullum munus aut dignitatem re-  
 ciperetur ecclesiasticam, nisi prius fide data per iurandum, profi-  
 teretur, ipsum ac successores etiam, esse caput ecclesiæ supremum An-  
 glicanæ: pontificem uero nihil habere iuris in illam, nec aliud esse, quàm  
 episcopum urbis Romæ, quicum nihil uelint habere commune. hoc  
 autem iurandum regina nunc etiam, cum hæc euulgaret, remittit,  
 & episcopis mandat, ne posthac exigatur ab ullo, tacite quodammo-  
 do primatum Romano pontifici restituens. Quod de publicis preci-  
 bus ait, sic habet. Henrici regis mandatu preces dicebantur, lingua po-  
 pulari: in ijsque rogabatur Deus inter alia, ut ipsos ab episcopi Ro-  
 mani seditione, conspiratione, tyrannide liberaret: hanc ergo formu-  
 lam. typis excusam, regina nunc antiquari iubet. Non multo post  
 in custodiam data fuit reginæ soror, Elisabetha, literis exculta puella,  
 quod antea seditionis conscia putaretur. Ad exitum Martij, hostes  
 Alberti Marchionis ad obsidionem Schuinfurti redeunt. Aprili men-  
 se uenerunt in Germaniam, ex Anglia, magnæ doctrinæ uiri, Richar-  
 dus Morisinus, de cuius legatione superiori libro diximus, Antonius  
 Cocus, Ioannes Checus, ambo regij præceptores: & hi quidem in Ita-  
 liam deinde sese contulerunt: uenit etiam Ioannes Ponetus, episcopus  
 Vintoniensis, qui per hanc religionis mutationem, loco remotus fuit,  
 ut alij multi. Per hosce dies, cum Florentiæ ducis & pontificis copiae  
 Senas obsiderent, Petrus Strozza, qui Gallie regis nomine tuebatur  
 urbem, ex insidijs illos adortus, ubi per indicium quædam acceperat,  
 magnum eorum numerum concidit: illi tamen redintegratis uiribus  
 obsidionem continuarunt. Itaque Gallie rex Heluetiorum tria circi-

Elisabetha An-  
 glie regi-  
 næ soror  
 capitur.

1554 ter millia conduci iubet, ut obsessis opē ferant. Pontificis nepoti Asca-  
nio Florentiæ dux filiam suam desponderat, & initæ fuerunt ratio-  
nes, illius per hoc connubium amplificandi. Per hosce dies, Insubriæ  
præfectus Ferdinandus Gonzaga uenit ad Cæsarem in Belgium uoca-  
tus: uenit etiam Baptista Castaldus, quem superioribus annis in Vnga-  
riam diximus à Cæsare missum. Ad idus Aprileis, Londini, supplicio  
capitis fuit affectus Viatus: antè quàm produceretur, Elisabetham &  
Cortineum diligenter excusans, aiebat non esse affines coniurationi.  
Tunc etiam Cantuariensis & Londinensis episcopus & Hugo Lati-  
merus, primùm Vindeforam, post, Oxoniam abducti, habita disputa-  
tione cum eius atq; etiam Cantabrigiensis academiæ theologis, quum  
in sententia permanerent, dantur in custodiam. Hoc ipso tempore con-  
uentus erant omnium ordinum Angliæ, in ijs duo potissimum propo-  
suit regina: de suo connubio, deq; restituendo pontifici primatu: quo-  
rum illud certis legibus obtinuit, hoc autem, resistente cum primis no-  
bilitate, non potuit persuadere. Cardinalis Polus, ubi cum Cæsare fu-  
isset aliquandiu, Galliæ regem petit, & pacis erat utriq; consiliarius:  
uerùm nihil profecit. Ad finem Aprilis, Albertus Brandeburgicus,  
acceptis aureorum millibus sexaginta, captiuum Aumalium dimit-  
tit, cum paulò antè, suæ ditionis alterum propugnaculum, Holansper-  
gum, amisisset. Non multò post, Cæsar, Bruxellæ datis literis, illum,  
hyeme superiori proscriptum Spira, sicut diximus, denuò proscribit,  
& questus eum sic impunè grassari, uerbis grauißimis mandat, ut  
principes ac ordines omnes, maximè autem finitimi, sententiam la-  
tam exequantur. Iam antea Roteburgi, ad Duberum flumen bis con-  
uentum fuerat, pacificandi causa: cunq; nihil esset actum, Cæsar hoc  
in eum decreuit, & passim fuerunt affixæ literæ, eoq; nomine Vuor-  
maciæ post conuenerunt ordines, qui ad prouinciam Rhenanam per-  
tinent. De comitijs Imperij futuris Augustæ, non semel antè diximus:  
& quia Cæsar, tum ualetudine tum bellis impeditus adesse non pote-  
rat, Ferdinandus rex, illius rogatu, prouinciam hanc in se recipit, ab  
eoq; sollicitati principes ut uenirent, propter turbulentum Germa-  
niæ statum excusabant. Cæsar iam eò miserat è suis consiliarijs non-  
nullos. Augustanum quoq; cardinalem ad hoc delegerat: sed cum ob-  
eam, quam dixi, causam, nemo ueniret, in aliud magis idoneum teni-



p̄s reiectares fuit. Albertus odiosè quædam & acerbè scripserat in  
 Noribergicos, quasi bello superiori Gallie regem atque socios occu-  
 tē inuierint, & pecuniam dependerint, quasi de Cæsare grauem habue-  
 rint suspitionem tum ipsi tum episcopi socij, multaq; dixerint con-  
 tumeliosè, quasi Gallie regi magis quàm Cæsari faueant, quasi bel-  
 lum hoc ipsi constarint, quasi totis uiribus id egerint, ne pacta serua-  
 rent episcopi, quasi priores bellum fecerint & ad defensionem ipsum  
 aegerint, quasi nobilitatem omnem profligare studeant, quasi fidem  
 datam & literis obsignatam uiolarint, quasi nefarium & crudele bel-  
 lum gesserint in suæ ditionis homines, quasi iudicium Cameræ precio  
 redemerint, patriæ quoque proditores uocabat, disseminatis per Ger-  
 maniam libellis. Eo cognito, Noribergici, quum Holanspergo capto  
 quædam eius generis reperissent, Maij die decimo octauo, prolixè re-  
 spondent, ad ordines omneis euulgato scripto, & ordine singula refu-  
 tant, & in ipsum pleraque retorquent, & qua conditione Mauricio  
 pecuniam dederint atque socijs, commemorant, & quis belli sit au-  
 thor, ostendunt. Nam etiam eo tempore, quo conuenerant Hedeiber-  
 gæ principes intercessores, ille per suos emissarios, inquirunt, occultè  
 cogebat in Saxonia quàm potuit maximas copias, idq; demonstrari  
 potest tum alijs, tum ijs literis, quas ipsius excursorum unus, Guliel-  
 mus Grumpachus, ad eum uigesimo nono die Marij dedit. Quod ni-  
 si tum rex Ferdinandus, dux Mauricius, & Brunswicenses, omne ro-  
 bur, uitam etiam atque sanguinem patriæ impendissent, horribilem  
 ille uastitatem per omnem Germaniam excitaturus erat. Episcopos  
 Franconie coegerat ad iniquissimas condiciones: eam uerò transactio-  
 nem Cæsar irritam fecit, & illis, ut sua recuperarent, permisit. Bam-  
 bergensis igitur oppida quædam atque præfecturas amissas recepit,  
 multò antiè quàm in gratiam ille cum Cæsare rediret, & tunc, quum  
 propter perduellionis crimen non facultates ei tantum, sed uita quoq;  
 iure poterat auferri. Mandatu postea Cæsaris, ad nostri defensionem  
 ac prouinciarum tutelam fœdus iniuimus, ut quidam alijs. Reconcilia-  
 tus deinde Cæsari fuit, & transactionis obtinuit ab eo confirmationē,  
 sed ea lege tamen, ut esset ipsi fidelis ac Imperio: uerum ille, tametsi  
 uim ei nullam Cæsar permiserat, per obsidionem Metensem domū ad  
 suos rescripsit, ut episcopos territarent, & nisi resituant ablata, nim

Noriberg  
 gentium  
 ad Alber-  
 ti crimi-  
 nationes  
 responsio.

1554 facerent. Sic illi, Ianuario deinde mense, facto impetu pleraque recu-  
 perarunt armis. Itaq; Bambergicus, ut opem sibi ferrent ex pacto, so-  
 cios admonuit: nos tamen, ne quid præcipitanter fieret, non semel per  
 literas & internuncios ad pacem hortati sumus Albertum: ipse uerò  
 contemplit & contumeliose respondens, quò plures haberet hostes,  
 eò sibi maiorem esse paratam gloriam, inter alia dicebat. Fuit hoc ini-  
 tio Martij. neque multò post actio fuit Hedelbergæ insututa. cunq;  
 luculentas ibi propositas conditiones reiiceret, hortantibus eum ad  
 pacem propinquis & agnatis intercessoribus, & domum illinc pro-  
 fectus exercitum conficeret, interpellati rursus ab episcopis atq; soli-  
 citati, tunc demùm ei nos profitebamur aduersarios. fuit hoc anno su-  
 periori ad calendæ Aprileis. Et quum truculentissimum ipse bellum  
 gesserit, nouo prorsus & inaudito per Germaniam exemplo, nobis  
 crimen illud impingere conatur. sed profectò falsum est, nec eius ge-  
 neris quicquam ad nos unquam delatum fuit. ipsius uerò milites nul-  
 lum seuitiæ genus prætermiserunt, & aratores fortè ruri deprehen-  
 sos, patres aliquandò simul & filios, in aspectu propè nostro suspen-  
 derunt: foeminas autem non uiuas modò constuprarunt, sed mortuas  
 etiam effoderunt. Anni superioris Maiò mense, quidam ex nobili-  
 tate Franconica, Nicolaus Eglofstenus, castelli sui Conruti deditio-  
 nem facere coactus fuit: ipse uerò non solum illud exussit, uerum etiam  
 ad quadraginta circiter homines rusticanos ibi repertos, & cum his  
 ecclesiæ ministrum, in horto prope castellum strangulari iussit, et uxo-  
 rem illius atq; matrem captiuas abduxit. Excusare quidem istud cona-  
 tus est per literas, ad nobilitatē Franconicam, sed parùm idonee. Quo  
 modo captiuos etiam tractarit, docere possunt in Saxoniam ab illo per-  
 tracti nostrates ac Bambergenses obsides, & qui passim in illius deten-  
 ti fuerunt ergastulis. Nam & immensam eos pecuniam poposcit, &  
 tormentis acerbissimè subiecit, & inedia quoq; consecit atq; gelu, sic,  
 ut nonnullis extinctis, reliqui frigore necata membra sibi rescindi cu-  
 rarent atque tolli. cunq; ex ipsis nonnulli, quo se uel redimerent, uel  
 uitam tolerarent, non haberent, alimoniam eis dari uetuit. Ac nisi mi-  
 lites præsidarij, lamentationibus illorum & miserabili clamore ui-  
 et, fragmēta panis abieciissent illis aliquandò, præ uetustate iam arida  
 prorsus atq; mucida, quæ ne pecudes quidem & animalia bruta, nisi  
 per



per extremam famem, attingere uoluissent, media fuisset omnibus per 1554  
eundum. Et licet nonnulli pecuniam per amicos conficerent, uix te=  
men aquam atque stramen consequi potuerunt. itaq; fame sitiq; fue=  
runt extincti quidam in horribili carceris non squalore, sed foetore,  
medias inter sordes atque uermes & reptilia. cunq; sic interijissent,  
non fuerunt extracta nec illinc remota cadauera. sed apud superfuites  
& eos qui miserè trahebant adhuc animam, relictæ. Quàm uerò leni=  
ter à nobis tractati sint ipsius captiui, duces aliquot & centuriones,  
etiam ij, qui pessimè de nobis meriti nulla conditione sese dediderant,  
id uel ipsorum testimonio cognoscere licebit. À pace uerò quàm sit a=  
lienus, duabus illis actionibus Roteburgicis doceri potest, uti uobis  
constat, illustrißimi principes, qui uel interfuistis ipsi, uel eò misistis  
legatos. Nam licet grauissimam ab eo calamitatè accepimus, & quan=  
quam euulgata iam erat eius proscription, tamen hæc fuit à nobis in  
priori conuentu delata conditio. quòd si discederet ab armis, & in po=  
sterum rectè caueret, ac legibus rem agere uellet, nos etiam arma depo=  
situros, & principum intercessorum arbitrio, uel Cæsaris et ordinum  
iudicio causam esse permissuros: idem episcopi deferrebant, de consilio  
& uoluntate legatorum Ferdinandi regis: principum autem interces=  
sorum consiliarij hoc etiam studio pacis addebant, quòd si conscede=  
rati ordines Franconici, prouinciam ei suam, cuiusmodi tunc erat, rea=  
stituere pollicerentur, utrinq; recedendum ab armis, & de postero ca=  
uendum, & proscriptionem, ea quidem parte. fore irritam, & amicæ  
uel legitimæ tractationi controuersiam totam esse permittendam. Sed  
ille per contemptum atque ludibrium, intercessores uocabat hostium  
suorum procuratores, neq; se passurum tales in angustias redigi, neque  
cupere proscriptionem adhuc aboleri, quodq; reliquum haberet sa=  
cultatum, uelle dicebat periclitari, multa; id genus alia, leuiter &  
contumeliosè & minaciter, de summis, mediocribus, infimis iactabat,  
ut ij, quæ sunt Holanßpergi typis excusæ, literis demonstrari potest.  
In altero deinde conuentu, licet ampliora deferrentur à nobis, tamen  
nihilò magis ad pacem spectauit, imò technas adhibuit & insidias, pa=  
rum quidè laudatas, neq; uiro principe dignas. Nam intercessorum ro=  
gatu totam causam Cæsari simul & principibus aliquot permittens,  
arma deponere pollicebatur, idq; cõpromissum, Cæsar, datis Bruxel=

1554. Le literis Aprilis die quarto, ratum habuit, & Franconie confederatos ordines, ut ab armis & ipsi discederent, eiusque fidei ac diligentiae rem committerent, monebat. Hoc autem eo consilio faciebat Albertus astute, sicut ex ijs quae consecuta sunt, apparet, ut & Caesarem tardaret, ne proscriptionis executionem certis Imperij mandaret prouincijs, & ut ipse spacium haberet conficiendi, quem tunc passim cogebat, exercitus, quod nos opprimeret inopinantes: uerum beneficio Dei detecta res fuit, ipsius interceptis eodem tempore literis, quas ad suos huc illuc tribunos mittebat et centuriones, in quibus hoc erat: actionem Roteburgicam ab se permissam, eo solum, ut interea sese comparet ac hostem adoriri possit: quod si iam intercessores ab eis forte postulent, ut discedant a signis, non esse quod morem gerant, sed maneant coniuncti, neque diuulsionem fieri patiantur: ad excusandum uero causam hanc adferant, quod multorum mensium ipsis debeantur stipendia, neque possint, nisi persolutis illis, abscedere, sed absque maleficio tamen ijs locis uelle permanere dicant, donec sit ipsis depensa pecunia. Huc etiam pertinent ipsius literae, quibus mandat suis praefectis, ut sine mora quosuis adoriantur promiscue. patefactis igitur his insidijs, & quum ab ipsius legatis, Roteburgum missis, nostri homines, an compromisso stare uellet, interrogarent, neque certum responsum ferre possent: de Ferdinandi regis legatorum consilio coacti sumus Deo simul & Caesari ac Imperio rem committere, sicut nostrae tum ad Caesarem missae literae declarant. Quod cum ita sit, et quoniam ex ijs, quae uere commemorauimus, facile quis intelligit, eo nos urgeri tantis & conuitijs et contumelijs & incommodis, quod ad illius depellendam uim atque furorē, imperio summi magistratus obtemperauimus, idcirco maiorem in modum oramus omnes, qui uirtutem ac probitatem amant, uim autem et iniuriam oderunt, ut diligenter considerent, nisi lata sententia mandetur executioni, & haec illius reprimatur audacia, quantum imminet non nobis tantum sed ipsis etiam discrimen. Nullum ergo subsidium aut opem ei ferant, neque per fugium aut receptum patefaciant, sed ut uiros principes decet & amantes patriae, non solum non impediant executionem mandati, sed ipsi quoque totis uiribus huc incumbant, & ita sese gerant, ut exemplo reliqui deterreantur: ne libellis etiam famosis & criminationibus illius in nos profusis fidem habeant, & si quid ille rursus in nos



molietur, ope consilioq; inuenit, etiam atque etiam obsecramus. Accen- 1 5 3 4  
 ptis ab Aumalio nummis, ut supra dictum est, Albertus in Saxoniam  
 contendit, & Maio mense conductis ibi copijs, occultè Schuinsfurtum Albertus  
 petit, & Iunij die decimo cum equitibus octingentis, peditum signis Schuin-  
 ad sepiè, prima luce, qua parte non erat obsessum ingreditur. Et quia petit.  
 rerum omnium premebantur inopia, tertio post die, quum oppidum  
 diripisset, praesidiarios omnes, de nocte, tam equites quàm pedites,  
 ad octodecim signa, cum tormentis educit, nullis relictis ad portarum  
 custodiam stationibus, & Kitzingum iter habet, oppidum infra po-  
 situm, ad Mœnum. Cum iam dilucesceret, & portas nudatas presi-  
 dijs hostes animaduertent, dato signo per castra, sese parant ad iter,  
 & illum insequuntur: sed complures, ac Brunsvicensis quidem in pri-  
 mis, ab Henrico duce missi milites, in oppidum irruunt, & quod reli-  
 quum erat diripiunt atq; deuastant: proceres igitur & belli duces, ne  
 reliquorum mora spaciū nactus Albertus euaderet, diuersis aliquot  
 locis oppidum incendunt: sic illi discedere coacti redeunt ad exerci-  
 tum, ac licet horis aliquot praecederet Albertus, tamen, quod tormen-  
 tis impeditus atq; tardatus accelerare non posset, ab agmine primo si-  
 stitur, cum ipsq; manus conserit: aduentante autem reliquo exercitu,  
 quum tantæ multitudini se uideret imparem, suos cohortatus, ut qua  
 quisq; ratione posset, sibi consuleret, ipse paucis comitatus equitibus,  
 & conspectu celeriter abijt, & per flumen, ad Kitzingum tranando e-  
 vadit, impedimentis omnibus amissis. Octauo post die, præcipuum  
 eius propugnaculum, Blasseburgum, deditioe capitur, & in Ferdi-  
 nandi regis potestatem peruenit, cum non multo antè Bohemiae can-  
 cellarius Henricus Plauis, qui continenter illud obsederat, mortem Henrici  
 obiisset. Sic igitur omni ditione pulsus fuit & eiectus Albertus. Dum Plauij  
 mors.  
 hæc in Franconia geruntur, Henricus Brunsvicensis, per inferiorem  
 Saxoniam, plerosque tam principes quàm ciuitates, & ex nobilitate  
 complures, pecuniam poscit, & imperata facere cogit, Megelburgiū,  
 Luneburgenses, Anbaldios, Mansfeldicos: alteræ etiam illius & epi-  
 scoporum copie, profligato Alberto, captoq; Schuinsfurto, sicut dixi-  
 mus, Roteburgum, oppidum Imperij, & Hennebergium comitē inter  
 alios malè mulctabant, eoq; tendebant, ut nisi belli, quod ad omnes  
 pertinere iactabant, impensas recuperarent, uim sacuri uiderentur:

155  
Caroli  
Sabaudi  
mors,

Ferdinā-  
di scri-  
ptum ad  
suos de  
Cœna  
Domini,

4 sed intercessionē composita res fuit, & discessum ab armis. Ad hoc fe-  
rè tempus, Sabaudie dux, Carolus, magna sue ditionis parte spolia-  
tus, ut libro decimo docuimus, è uita decedit, hærede relicto filio Phil-  
berto, qui Cæsari multis nunc annis militabat. Ferdinandus rex, nu-  
per edicto promulgato, suis mandarat, ne quid in eucharistiæ sacramē-  
to mutaretur, utq; pro ueteri consuetudine, qui cœnam domini perci-  
perent, altera, quam uocant, essent contenti specie: sed optimates atq;  
nobilitas et ciuitates, cū antea non semel illum interpellassent, nunc  
denuò per epistolam admodum demissè rogant, multis in medium ad-  
ductis argumentis, ut iuxta Christi mandatum & institutum, ac uete-  
ris ecclesiæ morem eis cōcedatur integra cœnæ perceptio. His illorum  
litteris, Iunij die uigesimo tertio rex Viennæ respondens, minimè futu-  
rum, inquit, putabam, ut edictum illud meum à uobis in disputatio-  
nem uocaretur, & cauillationem subiret. nam eò spectauī solum, ut  
meæ ditionis populis in antiqua ueraq; religione, & ecclesiæ catholi-  
cæ permaneret obedientia, cuius extra commercium nemo salutē con-  
sequi potest, utq; sacramentū hoc, omnium maximè præcipuum, iux-  
ta legem ecclesiæ moremq; perciperent, neq; uel deprauatis quorun-  
dam opinionibus, uel curiositate quadam aut etiam superbia desle-  
rent ab eo, quod & ecclesiæ simul & magistratui debent, officio. Hæc  
nimirum illius est edicti mens atq; sententia: neq; nouū est quod man-  
daui, sed uetus institutum, quod & ad maiores meos, Imperatores, re-  
ges, & Austriæ duces, ueluti per manus delatum est, & ad me quoq;  
cū rempublicam gerere cœpi, deductum, & ad hoc usque tempus,  
diligenter, uti Christianum principem decet, à me seruatum, meisq;  
populis non semel, ut in eo persisterent, iniunctum. Itaq; minimè so-  
re putabam, ut in edictum hoc meum aliquid tentaretur à uobis, qui  
cæteris in rebus omnibus, ne qua mutatio fiat, utq; leges ac iura uestra  
uobis integra maneant, contenditis. Nam certè nouum est quod agi-  
tis, & à uobis non ita pridem opinione quadam susceptum, & nunc  
etiam prolixè disputatum, quasi uerò de meis mandatis, qui sum præ-  
cipuus uester & summus magistratus, iudicare uobis liceat, aut quasi  
iure uobis illud permitti debeat, quod annis nunc aliquot, nonnulli  
uestrum, sua quadam sponte, præter ecclesiæ legem meamq; uolunta-  
tem, sibi priuatim sumpserunt & usurparunt. Quia uerò grauis est



Et ardua quæstio, sicut ipsi quoque dicitis, equidem amplius de illa co-  
 gitabo, suoque tempore sic respondebo, ut populi mei salutem mihi cum-  
 primis esse curæ, possit intelligi: sed interim obsequentiam à vobis o-  
 mnem expecto, nec aduersus edictum aliquid facturos esse cōfido. Ad  
 hæc ordines deinde scripto uicissim respondet, et, quod de Christi ser-  
 uatoris mandato non semel à nobis antea dictum est, aiunt, serenissime  
 rex, idem nunc repetimus. Nam claris atque perspicuis uerbis ille suam  
 cœnam instituit, ut ad eum modum, sicut ipse præscribit, ab omnibus  
 perciperetur: illius autem institutum atque præscriptum nemini morta-  
 lium immutare licet: hunc etiam ueteris ecclesiæ fuisse morem, et eum,  
 qui nunc est, paulatim obrepisse, demonstrari potest. nam et Con-  
 stantiense concilium, à Christo sic illud institutum esse fatetur. Cum  
 igitur ad nostram hoc salutem pertineat, nulla certè uel curiositas uel  
 superbia nos impulit. quò magis etiam speramus futurum, ut delibe-  
 rationem tuam ad Christi mandatum simul et apostolorum et eccle-  
 siæ ueteris consensum referas, et conscientiam nostram minimè gra-  
 uari uelis. quod ut facias, per omnia sacra, per gloriâ Dei, nostramque  
 te salutem oramus. Te quidem summum et à Deo nobis datum magi-  
 stratum agnoscimus, et libentissimè quidem, ac nihil est omnium re-  
 rum, quod non possis aut debeas à nobis expectare, sed in hac una re  
 propitium te nobis esse flagitamus. In Vuirciburgensis episcopi ditio-  
 ne monachorum est collegium, Nustatum. eius abbas Ioannes Frisius,  
 cum in suspicionem Lutheranismi uenisset, quinta die Maij citatur, ut  
 sexto post die ueniat Vuirciburgum et ad interrogata respondeat.  
 Quæstiones autem erant istæ, num liceat iurare, num iureiurando quis  
 obligetur, num castimonie, paupertatis, obedientie uotum facere li-  
 ceat, an obligent eiusmodi uota, num ecclesiæ ministris magis conue-  
 niat coelibatus quàm matrimonium, an una sit ecclesia uera et apo-  
 stolica, num hæc, ueluti sponsa Christi, perpetuò gubernetur à spiritu  
 sancto, num uera semper et salutaria decernat, an propter uitia quo-  
 rundam et errores deferenda sit, an hæc ipsa, propter caput, Christi ui-  
 carij, Romana rectè uocetur, an omnes utriusque testamenti libri, quos  
 canon habet, legitimi sint atque ueri, num sacra scriptura sit iuxta san-  
 ctorum patrum, ecclesiæ doctorum et conciliorum, non autem Lutheri  
 sententiam et id genus aliorum interpretanda, num præter sacram scri-

Ordinū  
 ad Ferdia-  
 nandum  
 respon-  
 sio.

Abbas  
 Nusta-  
 rensis  
 Luthe-  
 ranismi  
 damna-  
 tus.

Et § 4 pluram opus etiam fuerit alijs traditionibus, cuiusmodi sunt apostolorum, et id genus alie, num ijsdem traditionibus eade debeatur fides, autoritas et obedientia, quæ sacræ scripturæ, num magistratui civili sit in politicis, in sacris obtemperandum ecclesiastico, num septem ecclesiæ sint sacramenta, sint ne baptisandi pueri, num ad baptismum adhiberi debeat lingua Latina, sal, oleum, aqua, characteres, exorcismi, num baptismo deleatur omnino peccatum originis, ita quidem, ut concupiscentia, quæ remanet, eius peccati nomen amittat, an panis in corpus, et uinum in sanguinẽ Christi, uirtute uerborum, quæ sacerdos enunciat, mutetur et consecretur, et an ita remaneat, etiã si non statim percipiat, an eo modo consecrata eucharistia sit ueneranda, siue circumferatur, ad honorem Christi, siue deferatur ad ægrotos, aut etiã inclusa reseruetur, an sub specie panis et uini sit adorandus Christus, an sub utralibet specie sit totus Christus, an delictorum confessio præparet hominem ad dignè percipiendam eucharistiam, an Missa sit uerum et perenne sacrificium, an uterq; Missæ canon sit retinendus, an sacramentũ confirmationis sit exercendũ, an poenitiæ sint tres partes contritio, confessio, satisfactio, num sacerdos condonare peccata possit ei qui non sit antè confessus illa, num soli sacerdotes habeant potestatem clauium, an animæ piorum charitate nos persequantur, an pro nobis ad Deum intercedant, num sint inuocandi diui, num dies festi consecrati diuini rectè celebrentur, an diuorum sint uenerande reliquie, num animæ piorum nondum expiæ subleuentur missis, precationibus, ieiunijs, eleemosynis, an sit locus purgatorius, an quadragesimæ tempus et alia per ecclesiam indicta ieiunia seruari debeant, an diebus ab ecclesia uetitis abstinendum sit ab esu carniũ, an ceremonijs ad religionẽ sit incitandus populus, quæ ceremonie sint piæ, quæ minus? Ad hæc ille, Maij die uigesimo septimo prolixè respondet: ac licet non modò sacræ scripturæ, sed patrum quoq; testimonijs dicta sua confirmaret, tamen Iunij die uigesimo quinto damnatus est, et ab omni functione remotus. Ad exitũ Iunij, Gallie rex, cũ exercitu Cam

Gallus  
Cæsaris  
provin-  
ciam Bel-  
gicam  
astat.

panie finibus egressus, ad Mosam flumẽ iter habet, et in Cæsaris provinciam, extremis Neruijs coniunctam inuadens, Bouinum oppidum et Dinantum inter alia multa capit, diripit, arces ibi demolitur, et Marieburgum captum opere presidioq; munit. Cæsar autẽ Bruxella



digressus cum suis copijs, Namurcum uenit. quod est ad Sabim flumē, 1554  
 infra Dinantum, quinq; milliaribus oppidū. Rex uidebatur ad præ-  
 lium spectare: cumq; duceretur tempus, in Hannoniam desleclat, &  
 Binsium oppidum, arcemq; reginæ Mariæ delitias, deditiōe capit,  
 diripit, incendit, & longē lateq; rapinis ac incendijs omnem illam re-  
 gionem deuastat. In Atrebatum deinde finibus Rentium oppidum ob-  
 sidet: aduentante autem Cæsare, cuius iam erant omnes collectæ co-  
 pie, ab obsidione disceditur, factis utrinq; leuioribus prælijs. Fuit hoc  
 Augusto mense, quum eodem ferē tempore regis exercitus per Hetru-  
 riam, cui Petrus Strozza præerat, interceptus à Cæsariano milite, cu-  
 ius erat ductor Marchio Marignanus, magnam cladem accepisset. Ex  
 Heluetijs desiderati sunt complures, quos eò missos à rege, supra dixi-  
 mus. Interea Cæsaris filius Philippus, ad decimum nonum Iulij diem,  
 ex Hispanijs cum classe in Angliam appellit, & quarto post die, Vin-  
 toniam, ubi regina eum expectabat, sub uesterum uenit, et ad prima-  
 rium usq; templum progressus, omni præeunte nobilitate, ab episco-  
 po Vintoniensi & quibusdam alijs excipitur. In reliqua turba pro-  
 cerum aderat ei dux Albanus. postridie reginam adit, & familiariter  
 diu multumq; collocutus, altera die, qui diuo Iacobo sacer est, Hispa-  
 niarum patrono, peractæ sunt nuptiæ: & aderat à Cæsare legatus, qui  
 regnum Neapolitanum ab illo concessum esse filio matrimonij causa,  
 palam dicebat. Post illinc digressi, deducēte regina, tandem honori-  
 fico splendore & comitatu Londinum ingressus est, urbem prima-  
 riam. Augusto mense rursus Vuormaciæ conueniunt ordines aliquot  
 Imperij, cum executionem Cæsar in Albertum urgeret. qui finibus  
 eiectus, ut supra dictum est, primum in Lotharingiam, inde se recepe-  
 rat in Galliam, cum hospitium ei rex non denegaret. Et quia metus  
 erat, ne quid ille moueret, ne uel in Alsatiā aut loca uicina faceret  
 eruptionem: ab ijs, qui sunt Rhenanæ prouinciæ, sub finem Septem-  
 bris, aliquot missæ fuerunt cohortes equitum, in Lotharingiæ fines,  
 qui seruarent aditus. uerum hi tandem, nulla re perfecta, cum nemo se  
 commoueret, domum redeunt, non sine dispendio illorum, ad quos di-  
 uerterant. Octobri mense rursus cōuenitur Francofurti, cum hac, tum  
 alijs de causis. Ad eum conuētum allatæ sunt Alberti literæ, quibus de  
 illa queritur militiā, deque Atrebatensi multa locutus, Treuirensē

Philippi  
 Austria-  
 ci in An-  
 gliam ad-  
 uentus.

Conuen-  
 tus Vuor-  
 maciæ.

Conuen-  
 tus Fran-  
 cofurti.

Argentinensem episcopum & Lantgrauū inter alios odiose perstringit, & sanguinarios uocat equites illos, qui sue uitæ sint insidiati. Gallie quoq; regis nomine fuerunt ibi recitatae literæ, Germanica lingua scriptæ calendis Octobris. De uetusta Germaniæ Gallieq; necessitudine locutus, aduersarij toti sunt in hoc, inquit, ut eam dissoluant: & superioribus quidem annis hoc effecerunt, ut parens meus iudicaretur hostis: uerū ego nihilominus, cum ante annum secundum, Imperij status esset miserabilis ac planè deformis, præteritarum offensionū deposita memoria, quo sim ergà uos animo, luculenter demonstravi, secutus maiorum uestigia, quibus & dignitas uestra curæ semper fuit & amplificatio. Quod enim iniuriam uobis unquam illi fecerint, doceri non potest: aduersarij uerò multis modis & libertatem uobis omnem & fortunas eripere conati sunt, quando nō solum exigendæ pecuniæ narias artes excogitarunt, sed factiones etiam in illustribus familijs inflammarunt, uti uobis abundè satis constat. Et licet ita res habeat, tamen illorum impulsu, quosdam ordines, & quidem mihi uicinos, à quibus hercle nihil tale expectabam, arma in me summississe audio, cum nihil antea denunciarint, quod sanè cumprimis mihi uidetur mirum, eoq; magis, quod nulla mihi uobiscum intercedat offensio. Nam in eo, quod de Alberto Marchione uulgò fertur, quasi contra uos opem ei feram, iniuria mihi sit. quod enim fauore prosequar illum, facio tum propter eam, quam dixi, ueterem inter nos conjunctionem, tum quod Gallie regū ea semper consuetudo fuit, & hospitalitas, ut afflictī principes, Germani præsertim, tutum haberent apud ipsos perfugium atq; receptū. Esset mihi sanè multò iucundius, illum uidere florentē apud suos, rebus integris, quàm profligatū, eiec tum atq; desertū: cuperem etiā illum in hanc calamitatē non incidisse, uel nunc saltem æquis conciliari posse conditionibus. Cum autem aduersarij mei culpa sit in eam coniectus difficultatem, qui rem eandē & irritam pronunciauit, & postea ratam habuit, cur in suspicionem uocor, si me fortunæ ipsius miseret? Vt autem aduersus Imperium ei darem auxilia, ne in mentem quidē mihi uenit: neq; sum facturus etiā quod omnino uobis persuadere debetis, modò uos inuicem aduersus amicitie leges nihil ad miseritis. Et cum à me nihil nisi pacatum atque beneuolum expectare uos oporteat, inuicem à uobis peto, ne technis



eorum; qui non mihi tantum, sed uobis etiam pessimè uolunt, circum 1554  
uenti, uel arma sumatis ipsi, uel subsidium illis atque pecuniam in me  
contribuatis. nam eò tendunt, ut priuata sua negocia publica faciant.  
quin potius amicitiam colite, & quam defero conditionem, accipite.  
Quid autem uestri sit in eo propositi, per eum, qui has uobis reddit,  
apertè mihi renunciari: adhæc, ut iuxta morem antiquum & trans-  
actionè Passauiensem, legatis meis, qui sunt ad proximū Imperij con-  
uentum ituri, caueatur idoneè, peto. Responsum ad ea fuit, quòd ad  
Lotharingiæ fines ac loca uicina sint missi equites, nō ad ipsius ullam  
iniuriam pertinere, sed eò fuisse factum, ut si quam Albertus Marchio  
faceret eruptionem, eius impediretur conatus: de legatis deq; publica  
pace quod petat, quia nullum eius rei mandatū habeant, ad suos uelle  
se referre, neq; dubitare, quin illi, quod æquum erit, in eo sint facturi.  
Sub finem Octobris, filio suo Philippo, Cæsar, principatus Mediola-  
nensis possessionem tradi iubet per internuncios, adhibitis, quæ fieri  
solèt, ceremonijs. Galliæ rex, obsidione soluta Rentini, sicut diximus,  
non multò post, dimissis Heluetijs, reliquum militem in præsidia di-  
stribuit. Cæsar autem nō procul ab Hefdino, quod anno superiori ca-  
ptum demolitus erat, ut dictum est, idoneū speculatus locum, nouam  
ibi munitionē & oppidum instituit, & quo perfici posset, exercitum  
alut, qui Nouembri mense rapinis & incendijs omnia longè lateq; de-  
uastat in Morinis & Ambianis. itaq; belli tota moles ac impetus in mi-  
seram & imbellem utrobique multitudinem redundabat. Cæsaris de-  
inde dimissis copijs, unam & alteram legionem Cæsar sibi retinebat.  
Eodè tempore, Galliæ rex nouas mittit in Italiam copias, et in his Ger-  
manos, ut Senenses recrearet, quos Florentini ducis & Cæsariani mi-  
lites acriter obsidebant. Ad duodecimum Nouembris diem inchoata  
sunt Londini publica totius Angliæ comitia. Cardinalis ergò Polus, è  
Brabantia profectus, cum ad eum ex Anglia legati uenissent, qui deducere  
cerent, & in his Pagetus, ad xxij Nouembris diem Londinum perue-  
nit, honorificentissimè, quacumq; fecisset iter, exceptus, & mox loco  
pristino, suæq; stirpi & familie & hereditati fuit de cōmuni uolunta-  
te restitutus, unde rex Henricus eum deiecerat. Quinto post die uenit  
in conciliū. & rege Philippo præsentē atq; regina, quum suæ legatio-  
nis causam exposuisset, hortatur, ut ad ecclesiæ cōmunionē redeant,  
& san-

Poli ad-  
uentus  
in An-  
gliam.

155 4 & sanctissimo patri, pontifici Romano, debitam authoritatem resti-  
 tuant, qui summam uelut ipsis impertire clementiā ac benignitatem:  
 monet etiam, ut Deo gratias agant, qui talem ipsis regem dederit atq;  
 reginam: postremo, quod ipsum hereditati familieq; sue reddiderint  
 maximi loco beneficij habere, tantoque plus obligari se dicit, ut ipsos  
 inuicem coelesti patrie curiaeq; restituat, quod quidem omnium rerum  
 inprimis optet. In hanc sententiam locutus, digreditur. Ibi Vintonien-  
 sis episcopus, cancellarius, illius oratione repetita, multisq; uerbis ad  
 unionem & concordiam eos hortatus, permagnas Deo gratias agen-  
 das esse dicit, qui pro sua immensa misericordia prophetam eis ex ip-  
 sorum semine suscitauit, amplissimū uidelicet cardinalem, qui totus in  
 ipsorum salutē incumbat. Postridie, cum orationem & postulata Poli  
 probassent ordines, concepta fuit petitionis formula qua regi suppli-  
 cant atq; reginae, ut ad illū intercedant. eius hāc erat sententia, poeni-  
 tere se uehementer schismatis, quod obedientiam sedi apostolicæ de-  
 negarint, & quod decretis factis aduersus illam assenserint: in poste-  
 rum uerō se futuros in ipsius atq; reginae potestate, & facturos quic-  
 quid omnino possint, ut eiusmodi leges omnes atq; decreta his comi-  
 tijs abrogentur: maiorem igitur in modū orare, ut interueniant, et ef-  
 ficiant, ut à delictis atq; censuris absoluti, quas iuxta leges ecclesiasti-  
 cas cōmiserint, in ecclesiæ Christi gremium tanquam filij poenitentes  
 recipiantur, ut deinceps in Romanæ sedis & pontificū obedientia ser-  
 uire Deo possint, ad ipsius nominis gloriam, & suæ salutis incremen-  
 tum. Altera die, cum iterum adessent rex, regina, Polus: consurgit can-  
 cellarius, & quid super legati pontificij postulato decreuerint ordi-  
 nes, clarè pronunciat: deinde supplicē petitionem ordinū, scripto com-  
 prehensam & obsignatā, regi tradit atq; reginae, petens, ut accipiant.  
 Hi, cum aperuissent, cancellario reddunt, ut pronuncietur. tum ille ro-  
 gat ab uniuerso cœtu, num ratam habeant: illis affirmantibus, rex at-  
 que regina consurgunt, eamq; Polo tradunt. Is cum legisset, diploma  
 suæ legationis illis exhibet: mox illud recitatur, ut ipsos absoluēdi po-  
 testatem ei factam à pontifice, omnes intelligerent. Post, orationē ha-  
 bet, & quā sit grata Deo poenitentia, quantumq; de peccatore poe-  
 nitente gaudeant angeli, demonstrat, & multis in medium adductis  
 exemplis, Deo gratias agit, qui mentem hanc emendationis cupidam

ip[s]is

Anglia  
 Pontifi-  
 cem de-  
 nuo a-  
 gnoscit.



ipsis inspiravit. Eo facto, cōsurgit: idem rex atq; regina faciunt, et in 1 3 4  
 genua subsidunt. Ibi tum ille Dei numen atq; misericordiā implorans, Poli 26  
 obtestatur, ut populū benignè respiciat, et culpam ignoscat: seq; lega- solutio  
 tum à pōtifice, Christi uicario dicens, ut illos absoluat, digitis de more pontifi-  
 ciā.  
 sublatis atq; protensis bene precatur toti multitudini, simul eos absol-  
 uit. Ad sacellū deinde uentū est: hic Deo sunt actæ gratiæ, symphonia  
 cantorū, et festæ lætitiæ fuit editū signū, uti fieri cōsuevit. Qui Polū  
 antea nouerant, ex colloquijs, uitæq; consuetudine, ualde sunt hoc il-  
 lius factū admirati, longeq; diuersum sibi de illo promiserant. Decem  
 bris die xviij. Cæsar, Bruxellæ datis literis ad omnes principes ac or-  
 dines Imperij, quā grāuib; ait de causis, Albertus Brandeburgicus  
 ante annum sit à Cameræ iudicio proscriptus et perduellionis con-  
 demnatus, ex ijs, quæ tunc palām fuerūt affixæ, quæq; pōst à nobis e-  
 tiam emanarunt, literis atq; mandatis, apertè uobis constat. Quia ue-  
 rò suis illis turbulentis consilijs atq; seditiosis pertinaciter insistit, et  
 res nouas haud dubiè molitur, ut cōmunem omnium parentem Ger-  
 maniam denuò uexet et affligat: deinde, quoniam sua passim habet a-  
 pud nōnullos diuercula, receptū atq; perfugia, sicut ad me defertur,  
 equidē, ut patriæ consulam, edicta superiora putauī necessariò reno-  
 uanda. præsertim, cū ex uobis neminem esse credam, qui non et  
 patriam amet, et sibi suisq; finibus atq; populo consultum, et illius  
 atq; sociorū conatus impediri uelit atq; tardari. Quapropter, ijsdem,  
 quæ iam pridem sunt à me propositi, pœnis, iterum edico, ne quis il-  
 lum atq; socios ulla re iuuēt, nō ope, non consilio, nō hospitio, non pe-  
 cunia, non annona, non tormentis: ut etiam ipse uel socij manus ullas  
 faciant aut militem cogant in alicuius finibus, nemo illis permittat, et  
 si quid eiusmodi moliantur, modis omnibus, pro se quisq; prohibeat,  
 suæq; ditionis homines, ne transcurrant ad eum, coherceat, fontes au-  
 tem et qui dicto nō sunt audientes, plectat. Hæ literæ passim promul-  
 gatæ fuerūt, excusæ typis. Ad xxix. Decembris diem, Augustus  
 comitorum causa, de quibus non semel antea diximus, Augustam comista,  
 uenit: et cū neminem ibi reperisset, biduo pōst, missis tum literis  
 tum internuncijs, hortatur principes, ut quia de grauißimis Imperij  
 negocijs agendum sit, quamprimū accedant: se, licet magno suo di-  
 spendio et incōmodo, suis relictis finibus, eò uenisse, ut unā cum ijs

155

Decreta  
conuen-  
tus An-  
glici.Episcopi  
exulati in  
Anglia.Initium  
actionis  
Augustæ  
æc.

in commune consulat, & rationes ineat, afflictæ Germaniæ salutaris atq; necessarias ueniant igitur ipsi, neq; per legatos rem agant: sic enim causæ magnitudinē postulare: sibi nimirum à fratre Cæsare plenam agendi factam esse potestatem, neq; se longius, quàm oportet ipsos remoraturum. Ad Idus Ianuarij dimissus est Londini conuentus ordinum Angliæ. Inter alia multa, de Poli restitutione literis comprehensares fuit & monumentis inserta: superioris etiam ætatis regum edita de puniendis hereticis, & episcoporum potestate, renouata sunt: inprimis autem restitutus est in integrum pontificatus Romanus, & quæ totis illis annis uiginti fuerunt aduersus Romanam sedem, uti uocant, facta decreta, damnantur & abolentur. Pleriq; fore putabant, ut his comitijs Philippo regni diadema traderetur: sed nihil actū est. Initio Februarij quinq; sunt damnati capitis, Londini, quod ad religionem pontificiam redire nollent, egregia doctrina uiri, Ioannes Hooperus episcopus Clocestrensis, Ioannes Bratfordus, Laurentius Sanderus, Rolandus Taillerus, iureconsultus, Ioannes Rogerus: & hic quidem Londini, ubi sacra docuerat, exustus est, illi uerò domum quisq; suam deportati, Clocestriam, Lenclastriam, Couëtriam, Haldam, eodem supplicio uitam finierunt, constanter omnes. Paulo post, Dauidensis etiam episcopus, damnatus est, & domum, ut è medio tolleretur, missus. per scriptum tunc ex Anglia fuit, regni totius nomine profecturos Romam esse legatos, qui pontifici & gratias agerent pro summa clementia, qua sit usus in ipsos, & obsequentiam omnem atq; fidem in posterum pollicerentur. Februarij die quinto, Ferdinandus rex, etsi perpauci principes aderant, actionis facit initium Augustæ. Scire ipsos, quàm grauib; ac necessarijs de causis hunc conuentum Cæsar, primum ad Vlmam, post autem ad hanc urbem, & sub Idus Nouembris inchoaretur, indixerit: se quidem rogatu monituq; fratris, eum ad diem optasse rem auspiciari, sed constituendis domi rebus, ut per suam absentiam rectè omnia fierent, & hosti uicino posset occurrere, si quid moliretur, impeditum fuisse atq; tardatum: ueruntamen ad uigesimum nonum Decembris diem huc tandem aduenisse, ut in comune cōsuleret. quod etiā Cæsar inprimis cupiat, nimirum, ut quicquid ad gloriam Dei pertinet ac Imperij tranquillitatem, id de cōmuni ipsorum omnium consilio statuatur: etenim, quanta Cæsaris diligentia,

flu-



studium, labor, sollicitudo semper interuenerit pro summa ipsius in 1 5 5 5  
communem patriam charitate, ut & ocium publicum, & sublatis of=  
fensionibus religio constitueretur, id esse notum atq; testatum, quum  
ex omnibus alijs, tum ex ijs, quæ postremis duobus conuentibus facta  
sint, decretis: quicquid etiam tum in se recepit ille, facturumq; promi=  
sit, ipsa re præstitisse: cuiusmodi uerò, quanq; perniciosi motus tam  
intestini, quam externi, præter omnē expectationem post inciderint,  
quibus omnia illa tam salutaria decreta, non impedita solum atq; tur=  
bata sint, uerum etiam sublata, maximo quidem reipublicæ cum detri=  
mento, id omnibus ita constare, nihil ut attineat commemorare lon=  
gius: in eo autem Cæsaris nullam interuenire culpam, qui nec offen=  
sionis causam ulli dederit, & honestè semper egerit atq; constanter, et  
quæcunq; tandem sit aduersariorum criminatio, publicam imprimis  
utilitatem spectarit: neq; se dubitare, quin & idem ipsi sentiant, &  
eum hoc nomine purgatum habeant: cum igitur, ut his incommotis  
medicina fieret, conuentum hunc Cæsar indixit, statuisse quidem i=  
psam actioni toti interesse, uerum & uoletudine detentum & alijs ne=  
gocijs, non posse: neq; tamen diutius rem differri, sed quamprimum  
inchoari uoluisse, quò uidelicet & malum ingrauescens coherceretur,  
& patriæ, qua nihil illi sit antiquius, officium suum ipse præstaret: i=  
taq; se constituisse uicarium, & plenam agendi sibi fecisse potestatem,  
ut rationes unâ cum ipsis inecat, reipublicæ tum honestas, tum utiles,  
ad eamq; rem certos homines delegasse, ac sibi attribuisse, qui simul i=  
dem agant: de religione uerò primam esse futuram & præcipuam a=  
ctionem: hoc enim disidium, tam diuturnum, omnis perturbationis  
& calamitatis esse fontem atq; caput: & quòd plurimis nunc annis,  
tot hominum millia, non uitæ solum, sed animæ quoq; iacturam fece=  
rint & eternæ salutis, huc esse referendum: id autem ita constare pa=  
lâm, ut ampliori nihil sit opus explicatione: lamentabile nimirum es=  
se spectaculum & luctuosum, eos, qui sunt eiusdem baptismi, nomi=  
nis, Imperij, linguae, diuelli ad hunc modum, in eius fidei professione,  
quam tot sæculis, ueluti per manus traditam à maioribus acceperunt:  
multo autem esse grauius, quòd non una solum orta est & altera, sed  
plures quotidie sectæ nascuntur, dum suam quisque uult opinionem  
tueri. quæ sanè res et ad Dei contumeliam spectet, et charitatis uincu=

155 lum dissoluat, & mentes hominum perturbet, sic ut promiscua multitudo, quid statueret atq; credere, prorsus ignoret: omnium autem esse grauißimum, quod in his tantis erroribus, pleriq; sensim adulescunt, & tam ex prima nobilitate, quam ex alijs fortasse reperiuntur, qui rerum omnium securi nihil planè credunt, neq; spectant quid ratio, quid honestas, quid conscientia deniq; præscribat. hoc autem inuentus innoxia summo fieri tum incommodo, tum periculo: & certe, cum primis fore deplorandum. si quidem Germania, quæ iam sæculis aliquot primam habuit uirtutis & pietatis laudem, ideoq; florentissima fuit, nunc eò recidat, & sic degeneret, ut cum prophanis etiam olim gentibus comparari non possit, & ne Turcis quidem etiam atq; barbaris hodie populis hac parte præferri debeat, & censeri melior: quod autem huius mali nulla sit adhuc emendatio facta, licet crebri fuerint conuentus, quod paucis ea res curæ fuerit, quod illi, quos in primis decebat mederi, partim frustra conuiuerunt, partim obsecundantes tempori suum in eo priuatum emolumentum spectarunt, hæc de causa Deum immortalem, multo iam tempore Germaniam, omnem, & quosdam ordines priuatim, affligere uarijs calamitatibus, ita quidem ut quæ regio populi frequentia, uiribus atq; robore præstabat olim, & uim omnem ab se facile profligare poterat, ea nunc uarijs dilacerata simultatibus, bellis atq; turbis tam ciuilibus quam externis, in summo discrimine uersetur, & ad interitum spectet, nisi illam Deus mirabiliter seruet: opus igitur esse, pro se quisq; magistratus det operam, ut suum hic faciat officium, & religionis negotium, quo & Dei continetur honos & omnis uitæ honestas, in primis commendatū habeat: porro, componendæ religionis non unam antehac initam esse rationem: sed ut œcumenicum, liberum et pium conciliū interueniret, non Cæsari tantum atq; sibi, uerum etiam ipsis omnibus optimam sens per inde ab initio uisam esse uiam, propterea quod cum sit fidei causa, non ad unum modò populum, sed ad reliquas etiam omnes Christiani nominis gentes pertineat. quæ nimirum huc etiam adhibendæ sint, ut quicquid est ubiq; uitiorum, emendetur atq; tollatur: itaq; Cæsarem & pro suo munere, & ipsorum rogatu totis huc incubuisse uiribus, et in perfecisse demum, ut eiusmodi conciliū non semel & indictum sit, & aliquoties etiam inchoatum: quid autem impedimenti singulis

tempo=



temporibus interuenerit, & cur eius rei fructus ad rempublicam nul- 15 5 5  
 lus redierit, id suo se loco relinquere, neq; dubitare, quin ex ipsis com-  
 plures, qui uel interfuerunt concilio, uel suos ibi legatos habuerunt,  
 causam teneant: iam uerò, si nihilominus ipsis placeat, ut eadem concilij  
 ratio quàm primum repetatur, & locum obtineat: quod ipsum ui-  
 delicet ab immortalis Deo sit ante omnia precandum, se profectò non  
 assensurum modò libenter, sed omni studio, fide, diligentia rem cura-  
 turum: & tunc quidem hoc solùm esse deliberandum, quomodò illa,  
 quæ prius impedimentum attulerunt, auferri debeant atq; tolli: quòd  
 si uerò propter belli motus et reipublicæ tempestatem in aliud tempus  
 magis tranquillum esse differendũ uidebitur, placere sibi, ut aliæ pie  
 rationes atq; tolerabiles tractentur, ut interea populus & ordines om-  
 nes pacatè uiuant, et honesta disciplina contineatur, incolumi semper  
 & gloria Dei & conscientia: superioribus quidem annis non semel  
 mentionem esse factam concilij nationis, tanquam illud huc maximè  
 sit accommodatum: sed quoniam illius & nomen & modus atq; for-  
 ma nostris temporibus, non admodum, opinione quidem sua, cognita  
 sit & usitata, se nihil, hoc quidem in tempore, statuere de eo posse: ter-  
 tiam uerò uiam & rationem esse per colloquia non semel tentatam: ac  
 licet nullam ad frugem ea peruenerint, tamen hoc deprehendi, nò pau-  
 ca potuisse, & præcipua quidem conciliari, si quidem affectu uerè pio-  
 res acta, neq; commodi fortasse priuati fuisset utrobq; habita ratio,  
 quod tamen nullius ad iniuriam dictũ esse uelit: hac ergò de ratione co-  
 gitandum esse etiam: ac licet Caesaris ea de re consiliũ ac institutũ fide-  
 le prorsus, multò sit aliter acceptũ superioribus annis, & utrisq; prò-  
 pè fuerit ingratiũ, se tamè, si nũc ipsis ita denuò uidebitur, nò illud im-  
 probare: si quoq; partes agat sincere, si depositis affectibus et obstina-  
 tione remota, Dei gloriã tantũ & cõmunem salutẽ sibi proponant, om-  
 nẽ in eo fidẽ ac diligentiaẽ esse præstiturũ: aliã sibi nullã, hoc tẽpore,  
 quæ sit idonea, uia apparere: si quid autẽ ipsi magis apertũ habeant &  
 expeditũ, licere ut in medium adducant. Alterũ deliberationis caput  
 esse de pace, ac superioribus quidẽ annis, cũ eius rei sancirentur leges,  
 bene consultum esse communi ocio, Caesarem atq; se putasse: nunc au-  
 tem ipsum euentũ docere non satis fuisse cautiũ, eò quòd rebelles atq;  
 seditiosos condemnare non licuit atq; proscribere, nisi citati primum

155 s<sup>se</sup> essent, et obseruatis omnibus iudiciorum formulis conuicti, quum in-  
 terim illi spacium nacli multos prae<sup>ter</sup> omne meritum affligerent: cau-  
 tum fuisse quoq; superioribus edictis, ut ei, qui uim pateretur, finitimi  
 subuenirent: ipsis autem constare, cuiusmodi interuenerint impedi-  
 menta: deliberent igitur & secū diligenter expendunt, quomodo haec  
 duo capita legis corrigenda sint, ut & quietis impatientes homines  
 deterreantur, & qui fideles Imperio sunt, non sibi defutura contra  
 uim auxilia, cerio sciant: id autem eo nunc posse fieri commodius,  
 quod & Vuormacie nuper & Francosurti sint eius rei iacta funda-  
 menta: recte facturos ergo, si deliberationem ibi susceptam prosequan-  
 tur, & ad exitum perducant: hortari etiam, ut de consuetudo iudi-  
 cio, de contributione publica, de moneta, deq; rebus ad politiam per-  
 tinentibus consultent, & huc suas cogitationes omnes referant, quem  
 admodum haec intestina mala, simultates, turbae, seditiones atq; uis tol-  
 lenda sint & extirpanda funditus: in eoq; statum Imperij considerent  
 imprimis, & respiciant in quanto uersetur Germania periculo, non so-  
 lum ob uastatorem Turcam, uerum etiam propter alios hostes, qui, nō  
 secus atq; Turca, moliantur in Imperij perniciē: cogitent ergo, quan-  
 tas illi commoditates percipiant ex his offensionibus atque oculibus  
 malis, quae nimirum ipsi callide suscitauit atq; foucant, ut in hac or-  
 dinum diuisione suam cupiditatem expleant, et per occasionem im-  
 petu facto, suam in potestatem atq; seruitutem omnes redigant: ete-  
 nim, alios populos, qui sic ab illis expugnati sint & circumuenti, do-  
 cumento ipsis esse debere, quod sibi caueant, & ea consilia suscipiant,  
 quibus & imminens patriae tempestas atq; ruina propulsetur, & Im-  
 perio sua constet ac permaneat autoritas atq; robur, et uis omnis ex-  
 terna, sicut olim, ita nunc etiam fortiter atq; masculē reiciatur: quic-  
 quid autem eo Caesar & ipse conferre possint & opis & consilij, fa-  
 cturos esse perlibenter, & ita quidē, ut quanta charitate patriam com-  
 plectantur, omnes intelligere possint: hoc uidelicet ipsos debere sibi  
 cerio persuadere. Cum haec Ferdinandi regis oratio per Germaniam

Ministri  
 e Bohem-  
 ia pro-  
 ligati.

emanaret, perscriptum eodem tempore fuit ex diuersis locis, illum ex  
 Bohemia iussisse migrare circiter ducentos ecclesiae ministros: nun-  
 ciatum quoq; fuit, Roma uenturum ad Imperij comitia cardinalem  
 Moronum, qui per Germaniam experietur idem, quod in Britannia

Polus



Polus iam perfecisset: nam ob recuperatam Angliam, pontifex & i= 1555  
 pfius omnis clientela spem ingentē animo creditur concepiſſe. Quod  
 enim res ita ſucceſſerit, idē ſe propitium habere Deum, & iuſtiſſimā  
 defendere cauſam, nec ullius erroris eccleſiam ſuam poſſe conuinci, ſi  
 unquam aliās, nunc maximē putant, aut certe prae ſe ferunt: et quum  
 legatos in Germaniam emittunt, hoc eō faciunt, non ut delictum ali-  
 quod ſuum agnoſcant, ſed ut hominum infirmitati, ſicut aiunt, mede-  
 antur. Sub exitum Februarij, Ioannes Albertus, dux Megelburgius,  
 quem confederatum fuiſſe Mauricio diximus, quenq; Brunſuicenſis  
 Henricus anno ſuperiori, cum per Saxoniam bellum circumferret, nō  
 mediocriter afflixerat, Alberti Pruſſiae ducis filiam in matrimonium  
 ducti. Cum hucusq; peruentum eſſet, nunciatum ab Anglia fuit, ex il-  
 lis quinq; de quibus paulō ſuprà diximus, Bratſfordum, licet condem-  
 natum, aſſeruari captiuum, & multorum animos, conſtantia reliquo-  
 rum, qui uitam profuſiſſent, uehementer obſtupefactos eſſe & atto-  
 nitos.

## LIBER XXVI.



VE M A D M O D V M A N G L I A P O N T I = Letitia  
Romae  
propter  
Angliam  
ad Ro-  
manam  
Eccleſiā  
reductā.  
 fici Romano ſeſe denuo ſubiecerit, dictum eſt libro ſu-  
 periori. Quum is nuncius incredibili celeritate Ro-  
 mam eſſet allatus, ingens fuit excitata letitia per ur-  
 bem, & ad templa deorum factae ſupplicationes. De-

inde, pridie natalis Chriſti ſcriptum Pontifex emittit: & Poſtquam  
 nuper audiſſem, ait, Angliam, quae multis nunc annis ab eccleſiae cor-  
 pore ſeparata fuit & auulſa, per immenſam Dei miſericordiam, ad  
 eiufdem eccleſiae communionem, & Romanae ſedis obedientiam eſſe  
 reductam ſingulari quadam Philippi regis & Mariae coniugis, & Re-  
 ginaldi Cardinalis diligentia, fide, ſtudio & opera: ſummam animo  
 uoluptatem percepi, ſimul, ut æquum erat, gratias egi Deo quā po-  
 tui maximas, nec quicquam reliquum feci, quō minus ad uniuerſam  
 ciuitatem huius mee letitiae fructus & utilitas dimanaret. Verū, ſi-  
 cut parens ille, cuius Euangelium meminit, recuperato filio perduto,  
 non ſolū uehementer exultat, ſibiq; priuatim gaudet, uerū etiam

2555 alios ad epulum & conuiuium inuitat, ut unà cum ipso latentur &  
 exhalareant: sic etiam ego nimirum, ut quanta sit mea lætitia, totus  
 Indulge- terrarum orbis intelligat, gratiarum actiones uolo fieri publicas, &  
 ria pon- preces. Itaq; pro ea, quam obtineo, potestate, permitto singulis  
 tifico cō- in uniuersum, ut quem sibi quisq; uolet, sacerdotem elingat, cui delicta  
 celsæ pro- sua rectè confiteatur: eiq; sacerdoti tribuo facultatem, ut omnis gene-  
 pres An- ris peccata, quantumuis atrocita sint, etiam illa, quæ ad meam unius  
 gnam cō- facultatem pertinent, & nominatim solent excipi, condonet: ut con-  
 uersam. fectis non modò culpam. sed & poenam peccatis debitam remittat, ut  
 qualem oportet satisfactionem imponat, et uota laxet omnia, præter-  
 quam castitatis & religionis, ita quidem, ut alio persoluantur opere:  
 sed & Dei misericordia confusus ac intercessione diuorum Petri atq;  
 Pauli, plenam omnium delictorū remissionem, quæ solum quinquag-  
 gesimo quoq; anno dari solet alioquin, ijs omnibus concedo, qui de-  
 missio corde sese ad Dominum conuertent, & integre peccata sua con-  
 fessi, quum hoc à nobis diploma rescuerint editum, bis tēue per heb-  
 domadam, ieiunijs, elemosynis, alijsq; pijs exercitijs Deum sollicita-  
 bunt, & post, eucharistiæ sacramentum percipient, adiunctis gratiarū  
 actionibus & precibus ad Deum, ut illos qui ambulant in tenebris er-  
 rorum, lumine sui uultus illustret, ut pacem tribuat, & regum animos  
 ad concordiam inflectat. Hoc uerò tantū beneficium ijs etiam largior,  
 qui uel ætate uel ualitudine detinentur, quò minus ea quæ dicta sunt,  
 peragant. Vt autē hæc literæ passim innotescant, Patriarchis, Archiepi-  
 scopis & id genus alijs omnibus mando, simulac earum exemplū acce-  
 perint, ut statim, per suam quisq; prouinciam, illud diuulgent, et quū  
 sit gratuitum donum, nullo interueniente quæstu, proponant. Priori  
 libro diximus, quemadmodū Alberti Marchionis arx præcipua Blase-  
 seburgum, in qua totius regionis posita spes erat, deditione capta fuit:  
 hoc uerò tempore, ne fortasse recuperata quandoq; maioribus incom-  
 modis occasionem daret, funditus illam aduersarij subuertunt & ex-  
 cidunt, non absq; magna Brandeburgicæ domus & propinquorum  
 offensione. Romanorum rex Ferdinandus, & antequam è suis finibus  
 iret, & tunc, quum Augustam, comitiorum causa uenisset, per inter-  
 nuncios atq; literas hortabatur principes ut accelerarent, eoq; ueni-  
 rent ipsi, sicut libro superiori dictum est. Imprimis autem sollicitaue-

Blas-  
 seburgum  
 arx fun-  
 ditus di-  
 ruta



rat Saxonie ducem electorem, Augustum: is & antea sese purgauerat : 5 5 5  
 quò minus uenire posset, nimirum propter Saxonie statum non satis  
 tranquillum, & nunc missis ad comitia legatis, iterum excusat, & per  
 occasionem delapsus in mentionem Turcæ, quanto uersetur in discri-  
 mine Germania, demonstrat, quæ potens olim atq; formidabilis alijs,  
 nunc propè sit exhausta uiribus & effœta, tot uidelicet acceptis in-  
 commodis atq; plagis: hoc uerò malum tantò esse grauius, quò maior  
 sit inter ordines, animorum alienatio & diffidentia: Cæsarem quidem  
 & ipsum, ut medicinam aliquam huic morbo faceret, nihil ad summā  
 diligentiam fecisse reliqui: uerum adhuc frustrā sumptum esse laborē  
 omnem: sic enim exacerbatas esse mentes hominum, & offensionibus  
 ita patefactos esse omnes aditus, ut uix ulla sit speranda mitigatio: su-  
 perioribus aliquot annis fratrem suum Mauriciū instituisse ut cere-  
 moniæ quedam & res mediæ per suam prouinciā retinerentur in  
 templis: id uerò non modò non ualuisse mandatum, sed multorum e-  
 tiam libellis & acerbis exagitatum fuisse conuitijs: ita quidem ut in  
 sua deinde potestate non fuerit illud sancire, nisi periculum sibi creare  
 uellet: itaq; multos deterreret, quò minus aliquid in eo tentent aut mo-  
 liantur: iam ex diuerso, qui sunt alterius partis, et Augustanæ confes-  
 sionis doctrinā oppugnant, quàm non cogitent ullam instituire piā  
 & legitimā emendationem, id satis esse notum ē superioris tempos-  
 ris actionibus, quando uel per colloquia uel concilia res tentata sunt.  
 Cum igitur post tantos tot annorum labores & suscepta consilia, con-  
 cordiæ uia reperiri nō possit, ita fortasse uolente & ulciscente peccata  
 nostra Deo, rogare se uehementer, ne librum illum, qui doctrinæ Chri-  
 stianæ summam continet & Augustæ fuit olim exhibitus, habeat pro  
 malo uel impio libro, sed certò sciat esse purum et pium scriptū, quod  
 filium Dei salutis authorē nobis ostendat, quod in doctrina planè con-  
 sentiat cū ecclesia ueteri, cumq; præcipuis illis quatuor cōcilijs, quod  
 opera uerè Christiana cōmendat & doceat, populūq; cohortetur ad  
 obedientiam magistratui præstandā. Itaq; si iam firma certaq; pax in  
 his comitijs cōstituatur, non dubium esse, quin Cæsar & ipse maxima  
 sibi possint per Germaniā auxilia in Turcam comparare, quum alio-  
 quin etiam hi qui sunt Augustanæ cōfessionis, & quidem pleriq; nati  
 & educati in ea religione constanter sunt in illa ipsa permansuri: nisi

255 enim eiusmodi pax datur quæ religionem & sacra quoq; bona com-  
 prehendat, & si res in aliud comitium, ut iam sæpe factum est, reijcia-  
 tur, deq; die ducatur in diem, & populus in illo suarum rerum dubio  
 statu relinquatur, incertum esse, quàm id sint omnes laturi patienter:  
 etenim ut ipse ceteriq; principes tranquilli sint, suumq; faciant offi-  
 cium & obedientiam præstent, fieri posse tamen, ut etiam tenuis con-  
 ditionis & obscuri loci homines turbam aliquam excitent, & hanc  
 status incertitudinem, periculiq; metum propter religionē obducant,  
 ijs præsertim in locis, quæ commoditatem ad eiusmodi res molientes  
 præbent: cum igitur ea sit Imperij fortuna, rogare se plurimum ut pu-  
 blicæ tranquillitati consulat, quandò quidem agendi plenam habeat à  
 Cesare potestatem. Ceterum proximis his annis, à fratre suo Mauri-  
 cio Passauj conditionem hanc fuisse propositam, si fortasse distiduum  
 religionis conciliari non posset, ut nihilo minus pax consisteret inui-  
 lata, donec integrè res componeretur: & licet eam conditionem tum  
 non admitteret Cesar, quòd ad uniuersos Imperij ordines illam perti-  
 nere diceret, tamen quòd ipse tum illam non improbarit, & transa-  
 ctioni disertis uerbis adiecerit, curaturum se diligenter ut æquabiliter  
 in comitio res ageretur, neq; de religione suffragijs inesset ulla captio,  
 considerare se propter hanc ipsam causam, futurum, ut non solum eos,  
 qui tum Passauj fuerint, sed alios etiam ordines, inde statim ab initio  
 conuentus, hoc nomine sollicitet, ac pacem eis persuadeat. Quum in  
 hanc sententiam, Februarij die quarto legati uerba fecissent, postridie  
 rex in eum modum, ut priori libro diximus, ad ordines refert. Ecclesiæ  
 ministros, ex Bohemiæ finibus eiectos, ut suprà dictum est, qui per Mis-  
 sianiam erant & Vuittembergæ, uiri doctrina præstantes, & in his Me-  
 lancthon per epistolam consolantur, & aduersæ partis calliditatem  
 ostendunt, qui se tueri ordinem in ecclesia necessariū, & illos, qui uel nō  
 essent initiati sacris per episcopos, uel qui haberet uxores, nō posse di-  
 stribuere sacramenta dicebant. Hanc enim illi causam fingeant expul-  
 sionis, ne ueram doctrinā uelle opprimere uiderentur: hi uerò demon-  
 strant, merā esse tyrannidē, quòd à functione sacra repellatur ministri  
 mariti: nam authore Satbana prohibuit esse coniugū, ut à sacris literis  
 abundè cōstet: ab episcopis aut, qui palā Euangelij sint hostes & idola  
 defendant, non esse petendā ordinationē, sed ab eo coetu, qui purā do-  
 ctrinam,

Philip-  
 pus Me-  
 lanct-  
 thon per  
 epistolā  
 consolā-  
 tur mini-  
 stros Bo-  
 hemicos.



Arinam, ideoq; clauis habet regni cœlorum: ualde enim absurdum  
 & periculosum fore, siquidem à lupis petantur pastores: ecclesiam  
 semper habuisse ius, ut idoneos deligeret ministros, atq; ita Niceæ fu-  
 isse decretum, qui uero sic essent electi & explorati, confirmatos ab  
 ijs fuisse, qui pijs ecclesijs præerant: hunc etiam nunc seruari morem,  
 ideoque calumniam esse cum dicitur ab ipsis ordinem perturbari.  
 Quum igitur ita se res habeant, et quia propter uera doctrinæ pro-  
 fessionem eiciantur, debere ipsos calamitatem hanc cō moderatius  
 ferre: nec enim defuturū esse Deum suo tempore: seq; paratos esse cum  
 uicinis ecclesijs omnē ipsis hospitalitatem & amorem præstare. Gal-  
 li quum ad Idus Decembris anni superioris, Eporediam oppidum al-  
 pinum ad Duriam flumen, ductore Brissaco, cepissent: hoc anno Mar-  
 tij die tertia Casale oppidum Pado uicinum, in quo præsidium erat  
 Hispanorum & Germanorum ex insidijs capiunt, & aliquot post die-  
 bus arcem quoq; deinde alia multa suæ diuisionis faciunt, & in his Va-  
 lentium ac Saluadorum diruunt & complant: Martij die sexto, Sa-  
 xoniæ dux Augustus, Marchio Brandeburgicus Ioachimus, electores:  
 item Ioannis Friderici filij, Lantgrauius & alij quidam eius regionis  
 principes, Numburgi conueniunt, ad Salam flumen, ibiq; foedus hæ-  
 reditarium, quod est inter Saxoniam, Brandeburgicam & Hæssicam  
 familiam, uti libro xxiiij. diximus, renouant, et simul decernunt, uel-  
 le constanter inherere confessionis Augustanæ uestigijs: & ne qua su-  
 spitio nasceretur ullius noui uel occulti consilij, quinto post die quam  
 eo uenissent, causam conuentus ad Cæsarem perscribunt. Anno supe-  
 riori, quum inter Augustum & Ioannem Fridericum transigeretur,  
 hoc etiam fuisse pactum, ut foedus antiquum & gentilitium renoua-  
 retur: nimirum foedus illud ante centum annos & amplius initum, et  
 postea lege redintegratum fuisse: nunc igitur ipsos ea de causa conue-  
 nisse, & sicut suis maioribus illud salutare fuit toti; populo, sic etiā  
 sperare futurū, ut ipsis quoq; foeliciter cedat: quum nihil aliud quā  
 pacem & tranquillitatem spectent, nec ad ullius offensionem istud  
 faciant: deinde more maiorum excepisse ipsum & fratrem Roma-  
 norum regem: & sicut priuatim amicitiam inter se colere uelint, ita  
 quoque publicè facturos quod ipsorum officij sit, & quod obedi-  
 tes Imperij principes deceat: & in religione quidem non esse progres-

Casale  
 oppidū  
 à Gallis  
 captum.  
 Conuen-  
 tus prin-  
 cipū Sa-  
 xoniæ  
 Num-  
 burgi.

Literæ  
 principū  
 Saxonie  
 ad Cæsa-  
 rem.

155 *s*uros ultra terminum ac præscriptum Augustanæ confessionis, uerum quòd in ea Christianæ doctrinæ capita contineantur, nec impium ullum aut seditiosum dogma reperiatur, beneficio Dei mansuros in ea ipsa doctrina: Germaniæ quoq; saluti sese, non defuturos esse quantū opera, consilio, facultatibus fieri possit. Et quoniam hoc tempore nō satis pacato, maioris incommodi uitandi causa, suis in finibus manerant, legatos ad Imperij conuentum misisse, quibus mandatum sit, ut ad pacem omnia sua consilia referāt & actiones, ne uidelicet propter religionem uel causam aliquam ciuilem, ulla sit extimescenda uis aut periculum. Nam ea constituta pace futurum, ut reliquæ controuersiæ multò rectius concilientur: ipsum certè Reip. statum nunc esse talem ut planè sit opus coniungere uires omnes & animos, ne Turcis amplior aditus ad nos penetrandi patefiat: scire se quantopere ipse cupiat, ut primo quoq; tempore iustæ magnitudinis exercitus comparetur, ad reprimendum impetum hostilem: quòd si iam eiusmodi pax conficiatur, non dubium esse, quin ordines Imperij suas facultates in illud bellum libenter sint impensuri, quòd quidē hucusq; propter uarios motus & intestina mala sit prætermissum: se quidem præstò futuros, & suis legatis, ut hæc suo nomine deferant in comitijs, mandasse. Eodem die scribunt ad Ferdinandum regem, & in eandem propè sententiam. sicut Augustum fecisse per legatos antea diximus. Nam & illud Passauiensis transactionis caput urgent, & quam sint cupidi pacis ostendunt, & Augustanæ confessionis doctrinam prædicant, & ad confirmandam pacē hortantur, et ne fidem ijs habeat, orant, qui Germaniæ quietem fortasse perturbare student. Ad Idus Martias decessit e uita Moguntinus Archiepiscopus, quem interfuisse concilio Tridentino, posteaq; fugatū ab Alberto Marchione diximus: ei successit Daniel Brendelus. Octauo post Moguntinum die, qui Martij dies erat xxij. mortem obiit Iulius III. Pontifex. Vaterno dicitur interfuisse. Quia tam facili momēto præter opinionem recuperauerat Angliam, ut suprā dictū est, ingentem de Germania quoq; spem concepissee creditur: ideoq; cardinalem Moronum amādauerat, qui postridie quam ipse mortuus esset, Augustam ad comitia uenit: sed intra diē octauum accepto eius rei nuncio, Martij die postrema rursus illinc discedit, & unā cum cardinale Augustano Truceffio Romā electio: nis causa contendit.

Moguntinus Archiepiscopus moritur. Daniel Brendelus Moguntinus. Iulius III. Pontifex moritur.



tendit. Qui Romæ erant cardinales, non expectatis alijs accelerabāt, & Aprilis die nona Papam renunciant Marcellum, eius nominis secundum. Is est, qui cū cardinale Farnesio legatus fuerat missus ad Cæsarem à Paulo tertio, sicut libro xiiij. docuimus. Augustanus cardinalis diebus aliquot antè, quam Romā iret per epistolam, in senatū principum atq; legatorū missam, cupere se quidem omnibus modis pacem ostendit: sed ut consilium ullum suscipiat quo sedis Apostolicæ dignitas & uetus religio uioletur, non se cōmissurum. Interea Senenses, qui iam per menses octo, nimirū inde ab eo tempore, quo Petrus Strozza cladem acceperat, ut priori libro diximus, obsidebantur à Cæsaris & Cosmi ducis Florentini copijs, rerum omnium inopia coacti, quum auxiliij nihil apparet, Aprilis die uigesima prima Cæsari sese dedunt, & præsidio militum coercētur. Cæsaris exercitui præerat Marchio Marignanus, uir belli scientia præclarus. Ante annum tertium, quando Gallie regis auxilio, profligatis Hispanis, arcē demoliti fuerant missis legatis, quā potuerūt amplissimis uerbis regi gratias egerant Senenses, & in posterum ei suas fortunas omnes commendarant. Qui nuper fuit creatus papa Marcellus II. die uigesimo secundo sui pontificatus, ea nocte, quæ Calendas Maij præcedit, uitam morte cōmutauit. Paulò ante uenerant ad urbem, officij & salutandi causa, sicut fieri consuevit, Ferrariæ dux Hercules, et Urbini dux Guido Vbaldus. Nam hi præuenterant alijs, qui uenturi erant alioquin. Cardinales in conclauem collecti, Maij die xxij. Cardinalem Theatinum proclamant pontificem. Is erat Ioannes Petrus Neapolitanus, collegij Decanus, ex illustri Caraffica familia natus, uir ætate grauis & insigniter doctus. Mutato nomine Paulum quartum sese uocabat. Paulus tertius eū allegerat in numerum Cardinalium. Est autem ille ipse, qui nouam quandā sectam instituit eorum qui Iesuitæ uocantur, & non in Italia modò, uerum etiam in Germaniæ locis aliquot nidificerūt. Non multò post propinquum suū, fratris filium, Cardinalem creat. Is erat homo militaris ac belli dux, Gallorum castra ferè secutus. De Cardinali Polo, Britanno, superiori libro diximus: quomodo profectus ad Cæsarem Gallieq; regem, de pace uehementer eos urgeret ac sollicitaret. Agebat autem rem tum uerbo tum scripto: & inter alia, quæ persuadendi causa in medium adferebat. Dum uos, ait, ciuile bellū exercetis, Turca suos fines permultum extendit, & terra mariq; duobus captis propugnaculis,

1 5 5 5  
Marcellus secundus pontifex designatur.

Senenses se dedunt Cæsari.

Marcellus II pontifex moritur.

Paulus III pontifex designatur.

Iesuitarum secta.

Poli cardinalis studium pacis faciente inter Cæsarem et Gallum.

55 Belgrado, Rhodoq; uiam sibi patefecit ad usq; Budam, & Danubij  
 possessionem obtinet: quod nisi Deus aduersarium ei suscitasset, Per-  
 sarum regem, credibile est illum potuisse iampridem quicquid est  
 Christi nominis prouinciarum, in suam potestatem redigere. Per  
 hanc ipsam occasionem ita exuerunt quoq; mali Christiani diuersis  
 locis, tanta cum deprauatione & corruptela totius disciplinae tam ec-  
 clesiasticae quam ciuilibus, ut potentia uestra iam non sit magna satis ad  
 coercendum illos: hoc enim satis demonstrant & tot rebelliones quae  
 passim excitantur, & neglecta religionis officia, & haereses atq; schis-  
 mata, quae nascuntur interim & augescunt. Alio deinde loco, consi-  
 derandum est, inquit, uos esse Christianae religionis principes: ac licet  
 Sathanae, malorum omnium auctori, qui totus in eo fuit ut cribraret  
 ecclesiam, ueluti triticum, Deus permisit excitare bellum inter uos,  
 qui duo estis ecclesiae membra praecipua & maximè nobilia, tamen  
 passus non est nequitiam illius progredi longius quam ad res proph-  
 anas atq; ciuiles. Etenim in religione uos conseruauit integros, idemq;  
 sentientes, & coagmentatos cum ecclesiae corpore: nam alioqui uix  
 ulla ratione posset inter uos concordia sarciri: cumque tam multi alij  
 principes ab ecclesia defecerint, tanq; uaria sit molitus hostis ille ge-  
 neris humani, uos tamen benignissimè Deus respexit, & diaboli cona-  
 tus fecit irritos. quae quidem re, ueluti certissimo quodam symbolo suae  
 bonitatis erga uos & clementiae, demonstrat se uelle tandem uti uestra  
 opera, cumq; suo in terris uicario simul ambos coniungere, quò nimi-  
 rum illa tam perniciofa dissidia tollantur, & tã in ordine ciuili quam  
 sacro pax omnibus recuperetur. Multa id genus alia Polus adducebat  
 cõminatus etiam grauius iram & uindictam Dei, nisi desistant et af-  
 flictißimam populi fortunam subleuent. Ac licet nihil tum proficeret,  
 tamen quum in Anglia res procederet, pergit: eoq; res deducta demũ  
 fuit, ut ad actionem pacis tum Caesar tum Galliae rex legatos mittere  
 non recusarent. Cæterum, Angliae regina, quae sese mediam in ista cau-

Pacifica  
 tionis lo-  
 cus a re-  
 gina An-  
 gliae de-  
 lectus.

sa gerebat, inter Caletũ, Ardeam & Grauelinum, Anglica, Gallica,  
 Burgundicae diuisionis oppida, uelut in triangulo posita, locũ idoneum  
 & siccum, in media planicie deligi iubet, & excauatis circum fossis,  
 quatuor ibi domicilia construit, temporanea quidem, sed expolita ta-  
 men & accommodata. Hunc igitur ad locum, Maij die XXIII. le-

gati



gati hoc anno conueniunt, à Cæsare quidem inter alios Atrebatensis  
episcopus: à Gallie autem rege Lotharingie Cardinalis & Connesta-  
blius. Ab Anglia pacificatores aderant Polus, Comes Arondellus, Pa-  
getus. Rumor hic longè lateq; disseminatus, uarias expectationes ho-  
minum & iudicia suscitabat, apud eos præsertim, quibus erant non  
ignotæ controuersie. Nam in litem ueniebant Mediolani principatus  
Burgundia, Sabaudia, Pedemontium, Corsica, Nauarra, Lotharingia,  
Luceburgicus ager, Tullum, Virodunū, Metia, ciuitates. Re diu mul-  
tumq; disceptata, quum inter alia tandē intercessores Angli quasdam  
ex ijs controuersijs ad notionem consilij referendas esse dicerent, nulla  
re perfecta discessum fuit. Ferdinandus rex & ordines Imperij, quar-  
to Idus Iunij datis Augusta literis ad Cæsarem, orauerant ut in actio-  
ne pacis, eorum quæ Gallie rex ademisset Imperio, rationem haberet.

Cum igitur nihil actum esset, Cæsar decimo quinto post die rescribens  
ad ordines, Pergratum, inquit, est officium mihi, uos ad hunc modum  
affici calamitatibus eorum, quos meus & Imperij publicus hostis af-  
flicxit. eorum certè causa magnopere mihi cordi fuit, ut pristino loco  
restituerentur: & antequam epistola mihi uestra redderetur, legatis  
meis & consiliarijs præcipuis ad pacificandum missis iniunxeram, ut  
hoc ipsum inter alia diligentissimè tractarent, nec in eo quicquam re-  
mitterent. Et quanquam omnibus à me concordie rationibus patefa-  
ctis, fore putaram, ut ille, publicæ tranquillitatis causa nō ageret præ-  
fractè, tamen hoc in tempore nullo cum fructu discessum est. Verū-  
tamen ut orbi Christiano consulatur, non recuso pacem, si quæ tolera-  
biles rationes adhuc proponentur. & cum res ita feret, totus incum-  
bam, ut illa Imperio reddantur, & in posterū meliori sint conditione.  
Cæsar Albæ ducem paulò antè miserat in Insubriam, ut ibi bellum ad-  
ministraret, quum Ferdinandus Gonzaga munere illo se abdicasset,  
& è Belgio domum reuersus uiueret priuatus. Multis iam mensibus  
fama fuerat, et constantissima quidem, hoc uerò tempore cum primis,  
Angliæ reginam esse grauidam, & partui uicinam: sed uana fuit ex-  
pectatio. Recruduerunt tunc etiā incendia per Angliam, & is, de quo  
sub XXXV. libri finem diximus, Bratfordus, ante menses aliquot con-  
demnatus, inq; carcerem reductus, tum demū inter alios fuit exustus.  
Ad exitum Maij mensis, Ioānes Fridericus Ioānis Friderici filius natus

Cæsaris  
literæ ad  
Imperij  
ordines.

Albæ  
dux in  
Insubri-  
am mis-  
sus.

Bratfor-  
dus in  
Anglia  
exustus.

maxi=

155 *maximus, in matrimoniū ducit Lantgrauij filiam, Agnetē, quæ ducis  
 Ioannes Mauricij fuerat uxor. Conuenerunt eò multi principes, qui per hanc  
 Frideri- etiam occasione Numburgi rursus de suis rebus consultabant. Ad hoc  
 cus cle- ferè tēpus è uita migravit mater Cæsaris Ioāna: finus ei rex Ferdinan-  
 storis fi- dus Augustæ faciebat. Geneuæ tum fuit excitatus tumultus quidā no-  
 lius uxo- rem du- cit.  
 Cæsaris mater moritur. Tumul- tus Ge- neuæ ex- citatus.*

*Herculis portus à Cæsaria- nis occu- patur. Plumbi- num op- pidum à Turcis obfessū.*

*Contro- uersia su- per ditio- ne Chat- sorum.*

cūturmus, à quibusdā ordinis Senatorij, qui rei summā ad se traducere cogitabant, suamq; factionē. Inprimis autē Caluinū oderant: & illos, qui propter persecutiōes è Gallijs eò migrauerant, conabātur eiicere: quumq; noctu cōcursaretur, diuersis locis, ueluti signo dato, clama- bant Gallos in armis, & urbem esse proditam: sed cum illi domo sese continerent, sopita res demum fuit, & postea quidam sunt affecti sup- plicio: nonnulli fuga salutē petebant. Causa, quamobrem Gallos eiici uellent conuenas et hospites, hæc erat inter alias, quòd ex ijs multi nu- per fuerant in ordinem ciuium allekti: qua quidē re suas illi uires mi- nui uidebant, alterius partis adaucto numero. Turcica classis, ut supe- rioribus aliquot annis, ita nunc etiā per mare Tyrrhenum ad nauigās imminebat Hetruriæ. Priusquā ergò longius procederet, & Gallorū sese copijs adiūgeret, Cæsariani præfectus exercitus March. Marigna- nus, portū Herc. quem Galli tenebant, inuadit, & uirtute militum ar- cem occupat, interfectis præsidarijs. Fuit hoc ad Idus Iunij. Turcæ po- stea Plumbinum oppidū obsident: & quum accepta clade non succe- deret, iluam Florentini ducis Insulā tentant, sed frustrā quoq;. Leges quædam politice tum editæ fuerunt Meti, qua quidem in urbe Galliæ rex & præsidū & gubernatorē habebat, & iustitiæ, quem uocant, præsidem. Inter alia perscriptū fuit, si quis frater, aut soror, aut auum- culus, aut tutor uel curator leno sit alicuius uirginis uel mulieris, ut annulo ferreo collum habeat insertum, & quum palàm ita profliterit omnium expositus iniurijs atq; probris, cædatur uirgis & in exilium eiiciatur. Si uerò pater aut mater idem fecerint, capitis afficiantur sup- plicio. Nonnulli mirabantur ista perscribi, quòd non tam prohiberi, quam iudicari uiderētur, non sic usitata, nec ubiq; uulgata uitia. sed quanta sit nostri temporis corruptela, facile potest inde colligi. De controuersia illa, quæ plurimis nunc annis est inter Lantgrauium & Comitē Nassouiū Gulielmū, super ditione Chattorū, non semel an- tea dictū est. Vt igitur finis imponeretur aliquando, neue grauius ali- quod



quod malum inde nasceretur Principes aliquot intercedunt, & tan-  
 quam arbitri honorarij ad Cal. Iulius Vuornacie diē constituunt. Hi  
 erant Palat. elector, Christophorus dux Vuirtembergicus, Gulielmus  
 dux Cliuensis à Lantgrauio fuit missus natu maximus filius, Guliel-  
 mus. Propositæ ibi conditiones, & aliquândiu disceptatæ, tandē am-  
 pliori deliberationi permittuntur, ad eamq; rem certum tempus con-  
 fituitur. Interea Galli quò cōmeatum haberent expeditū. multa per  
 agrum Monferratēsem castella diruunt, ne si hostis illa teneret. Casale  
 redigeretur in angustias. Est ijs locis Vulpianū oppidum, maximi mo-  
 menti: tenebant illud Hispani: cumq; recenti Albani ducis aduētū ma-  
 gnæ essent collectæ copiæ, illata fuit annona. Tunc etiā in Marietur-  
 gum, anno superiori captū in Belgio, et ereptum Casari, Galli alim-  
 niam importat. Galliæ rex à suis familiaribus incitatus, edictū scribi  
 iusserat, quo suis præfectis omnibus mādabat, ut quos ecclesiastici iu-  
 dices ac inquisitores fidei damnassent. pro delicti magnitudine statim  
 absq; mora, nec ullius appellationis habita ratione, punirent. Hoc edi-  
 ctum Lotharingiæ cardinalis Parisino senatui proponit ut pro ueteri  
 consuetudine, comprobatū ab illis et diuulgatū, publicis actis inferere  
 tur. Illi uerò, rei nouitate cōmoti quò prouocationis auxiliū tollere-  
 tur, deliberandi spaciū petunt, ac missis deinde legatis regi, quid ip-  
 sorum sententiæ sit, exponunt, ut suo loco dicetur. Est oppidū in Rhœ-  
 tis, proximè Italiā, Lucarna, quod ad comunem Heluetiorū ciuitatē  
 pertinet. Eius oppidi ciues, Euangelij doctrinā sibi permitti postula-  
 bant ab Heluatijs: hi uerò, quia diuersam sectantur religionē, senten-  
 tijs uariabant, quum alij concedendum eis quod peterēt, alij minimè  
 oportere permitti iudicaret. Et quidē uidebatur intestinū aliquod ma-  
 lum ex eo nasciturū: sed ea sententia demum uicit, qua decretū fuit, ut  
 in maiorū religione permanerēt, & ut ijs qui nollent, liberū esset aliò  
 cōmigrare. Sic inuenti sunt quamplurimi, qui sedibus relictis, Tigurū  
 sese conferebant: quæ quidē ciuitas et hospitio illos & liberalitate iu-  
 uit. His serè diebus Roma domū reuertuntur qui fuerant ad pontifi-  
 cem missi publico nomine legati Anglici, sicut ad exitū libri prioris di-  
 ctum est. Pontifex reliqua quidem satis probabat, quod ad sanitatē re-  
 dissent et ueniā exposcerēt: quòd autē ecclesiæ bona nō restituerētur,  
 minimè ferendum esse dicebat. Inter legatos erat episcopus Eliensis,

Vulpia-  
 num op-  
 pidum.

Regis  
 Galliæ  
 edictum  
 contra da-  
 mnatos  
 ab Inqui-  
 sitoribus  
 fidei.

Lucar-  
 neses po-  
 stulat ab  
 Heluatijs  
 Euange-  
 lij doctri-  
 nam sibi  
 permitti.

1555 Danie rex classẽ id temporis habebat. quæ nauigans ad Septentrio-  
 nes uarios hominum sermones excitabat. Nam alij Cæsaris consilio  
 fieri dicebant, qui regis filium aut fratrem in Scotiæ possessionẽ mit-  
 tere cogitaret: alij ad Galliæ regis usum destinatam, alij comparatam  
 in hoc esse dicebant, ut si fortè Cæsar aut filius Philippus, quorũ iam  
 esset ingens potentia propter accessionem Angliæ, longius euagaren-  
 tur, cohiberi possent, ideoq; maritimæ ciuitates etiam sumptus in eam  
 classẽ subministrare putabantur. Post multam & diuturnam expe-  
 ctationem, euauit omnis hic rumor, & in piratas aiebant hunc fuisse  
 factum apparatus. Turbulentus tum erat status Romæ. Pontifex  
 enim de magnatibus aliquot concepta suspitione præsidia sibi com-  
 parabat, & militum stationibus huc illuc in urbe dispositis, Cardina-  
 lem Sanflorianum Sfortiadem, & Camillum Columnam in carcerem  
 duci iubet. Et quoniam hi partium erant Cæsaris, pleriq; maius ali-  
 quid eum moliri cogitabant: eaq; fuit aucta suspitio, quum ingentem  
 pecuniæ uim, à duce Florentino Cæsaris beneficiario repeteret, quam  
 & Alexandro Mediceo Clemens VII. & nuper Iulius III. ei mutuo  
 dedisset, oppugnanti Senas. Captiui tandem, interposita cautione per  
 fideiusionem, dimittuntur. Ventitabat tum ex Hispanijs in Belgium  
 classis, omnis generis mercibus onusta: cumq; uenisset in oram Nor-  
 manniæ, Galli, qui multò antè præsciuerant, magnis uiribus eã inua-  
 dunt, horribilis autè fuit conflictus, depresso & incensis utrinq; nau-  
 bus, & quâplurimis desideratis, quorũ alij ferro, alij incendio, multi  
 fluctibus absorpti perierunt. Galli naues aliquot expugnatas, in por-  
 tum Depesem, unde profecti fuerant, abducunt. Fuit hoc Augusto men-  
 se, quum sub finẽ eius mœsis, Philippus Austriacus ex Anglia deuctus  
 in Belgium, ad Cæsarem parentẽ ueniret Bruxellam, magno cum pro-  
 cerum Anglorum comitatu. Proximis aliquot annis, Cardinalis Au-  
 gustanus, Trucecius, Dillingæ, oppido ad Danubium posito, institu-  
 erat Academiam, uoluntate ac permissu Iulij tertij Papæ, qui diplo-  
 ma publicum & per amplas immunitates atq; priuilegia fuerat in hoc  
 largitus, ut scriptum typis excusum demonstrat. Huc igitur commi-  
 grabat inter alios ille, quo Cæsar multis annis fuerat usus poeniten-  
 tiarum, sicut uocant, Petrus Asotus, Hispanus, Dominicanus. Is libel-  
 lum illum, qui doctrinæ Christianæ summam continet, quem dux

Virtem=



Vuirtembergicus Christophorus concilij Tridentini patribus per le-  
 gatos obtulit, ut suprà dictum est, hoc anno cœpit oppugnare contra-  
 rio scripto, quod etiam Christophoro duci dedicare non uerebatur. Io-  
 annes Brentius autem hoc circiter tempore copiose respondet, eiusq;  
 sophismata refutat. Hunc Brentij libellum Vergerius deinde uertit Ita-  
 licè, quò suæ nationis homines intelligerent, quid in controuersiam ue-  
 niat, & utri scripturam purius incorruptiusq; tractent. Sub Idus Se-  
 ptembris, Vuirtembergici ducis patruus, Georgius Monpelicardi Co-  
 mes, in matrimonium ducit Lantgrauij filiam Barbaram. Pòst Albani  
 principis aduentū in Insubriam, Gallie quoq; rex noua mittit eò præ-  
 sidia, multosq; bello præstantes duces, qui sese Brissaco iungebant pe-  
 riculorum & fortunæ socios. Est oppidum ibi de quo suprà diximus,  
 Vulpianum, quod Hispanorum præsidio munitum, rebus Gallorum  
 uehementer incommodabat, quum ex eo subinde fierent excursiones  
 usq; Taurinum, & eò longinquius. Vt igitur obstaculum istud, uni-  
 cum ferè, tollerent, & commeatum expedirent, sub Augusti finem Gal-  
 li totis uiribus illud circumfident & oppugnant multis & illatis &  
 acceptis incommodis: tandem ad xxij. Septembris diem deditione ca-  
 piunt, & tam oppidi quàm arcis moenia demoliuntur, inq; uici formā  
 omnia redigunt. Aliquot deinde post dies Moncalnum etiam oppidū  
 & arcem inter Astam & Casale, per deditionem occupant. Disidium  
 illud, quod totos nunc annos triginta fuit inter homines doctos de Cœ-  
 na Domini, deq; præsentia corporis Christi, rursus incruduit ad hoc  
 tempus, & à Bremensibus ac Hamburgensibus ecclesiæ ministris libel-  
 li prodierunt, nominatim aduersus Caluinum, & Ioannem Lascum.  
 Caluinus deinde respondet acriter, causamq; defendit, idem facit Bul-  
 lingerus, & Lascus etiam. Nam edito libello ad Poloniæ regem, causæ  
 cognitionem nullam fieri per colloquia seu collationem sententiarū,  
 sed præiudicio solum damnari dogma queritur & deplorat, more ni-  
 mirum, ut ait, pontificiorum, qui & ipsi non argumentis atq; scriptu-  
 ra, sed ui tantum agant & imperio. Sub exitum Septembris, Augusto,  
 Saxonie duci, natus est alter filius, Magnus. pro eo fidei uent ad sa-  
 crum fontem inter alios, Henricus Brunswicensis, & Ioannes Frideri-  
 cus Lantgrauij gener. De Cantuariensi archiepiscopo & Londiensi  
 Ridleo et Hugone Latimero dictum est suprà, quemadmodum Oxo-

1555  
 Petri A-  
 fori libel-  
 lus con-  
 tra con-  
 fessionē  
 ducis  
 Vuirte-  
 bergici.

Georgi-  
 us Co-  
 mes Mō-  
 pelicar-  
 di ducit  
 filiam  
 Lantgra-  
 uii.  
 Vulpia-  
 num op-  
 pidum à  
 Gallis  
 caprum,  
 & demo-  
 litum.

Moncal-  
 num op-  
 pidum à  
 Gallis  
 caprum.  
 Contro-  
 uersia  
 de cœna  
 domini  
 a' Bremē-  
 sibus re-  
 noua-  
 tur,

Augusto  
 electori  
 nascitur  
 filius.

155 *nam abducti, cumq; theologis ibi congressi, damnati fuerint ab eis?*  
 Ad hoc igitur usq; tempus in carcere detenti, nunc demum Octobri mens  
 se fuerunt exusti *Ridicus & Latimerus* ualde senex. Productus quidē  
 est etiam Cantuariensis, & unā cum ijs in loco supplicij palam implo  
 rauit Dei misericordiam, sed reductus in carcerem fuit. Hoc ipso mēse  
 Romam profecti sunt Lotharingus & Tornonius, Cardinales. Tunc  
 etiam senatus Parisinus, Parlamentum uocant, regi respondens, ad il  
 lud de quo Cardinalis Lotharingie cum ipsis egerat, ut antē memini  
 mus. Per illud tuū edictum, ait, quod ante quartum annum prodijt, po  
 tentissime rex, tibi tuisq; iudicibus integram seruasti cognitionem &  
 animaduersionē hæresis Lutherane: nec fuit in eo quicquam exceptū,  
 nisi cū aut declarationem aliquam hæresis requireret, aut pronun  
 ciandum esset de ijs qui sunt initiati sacris: hoc uerò tuum edictum, de  
 quo nunc agitur, planē contrarium statuit. Nam tuæ ditionis popu  
 lum ecclesiastico iudicio subijcit & inquisitoribus, eaq; ratione digni  
 tatem, qua præstas omnibus, imminuit, & populo iustam præbet do  
 loris causam, quā abs te planē desituti, potestati subijciantur alienæ.  
 sed multò plus erit incommodi, quā ipforum omnes fortuna, uita, sa  
 lus et honos in illorum erit arbitrio, prouocationis adempto subsidio.  
 Nam sanè perfugium est & asylum innocentie, prouocatio: tu uerò  
 tutor es atq; defensor tum appellationis tum innocentium, imò præ  
 ter te nemo quicquam iuris habet in populum. Quod si iam inquisi  
 toribus et officiarijs episcoporū ius detur atq; potestas iudicandi, pro  
 uocatione sublata, certē, fenestram hoc sit aperire et patefacere uiam,  
 ut etiam innocentes damnentur, & corporis atq; bonorum iacturam  
 faciant. Nam illi tanta potestate præditi, regia nimirum, obliuiscen  
 tur officij, neq; modum seruabunt, quando sibi nullum non ordinem  
 esse subiectum, inq; sua manu uersari uidebunt non plebeios modò, sed  
 principes etiam uiros. Hanc autem rationem uelut mediam, adhibere  
 possis: nimirum, ut tui iudices de causa cognoscant & pronuncient: et  
 si quod sit obscurius dogma, definiatur ab ecclesiasticis. Initiati quoq;  
 sacris iudicentur à suis. Ad appellationes quod attinet, impetretur à  
 pontifice rescriptum, quo tuis iudicibus hoc permittatur: cūq; in e  
 um casum res deuenierit, ut de ijs qui prouocarunt, iudicandū sit, adhi  
 beantur ex ordine sacro delecti quidam tui cōsiliarij, uel si desint, alij



iuri spectati & idonei. In inquisitione hoc seruetur, ut pontificium in- 1553  
 quisitor sibi sub deleget atq; submittat in prouincijs homines integræ  
 famæ et uiros bonos, utq; sumptū omnē faciat episcopus, nō autē rei,  
 sic tamē, ut causa definita, sumptus repetatur à quibus oportet. Ista uī  
 delictet eò pertinent, ut intra certos fines atq; limites astringantur id  
 genus lites. Cæterum, quoniam apparet hæreticorū supplicijs, etsi ne-  
 cessaria sunt, adhuc quidē hoc fuisse perfectum magis, ut facinus esset  
 detestabile, quam ut illi emendarentur: deinde, quia multò præstat oc-  
 currere uenienti morbo, quàm spaciū illi dare dum augeat, & pōst  
 adhibere medicinam, licebit mitissime rex, ut in eo prisca & ueteris  
 ecclesiæ morem atq; uestigia sequaris: nam ea neq; ferro nec igni stabi-  
 lita fuit, sed his ipsis restitit semper antistitū diligentia, dum et frequen-  
 ter illi uerbum Dei docerent, & honestis uitæ præluerent exemplis.  
 Quum igitur hac ratione sit olim confirmata, nunc etiam eadem reti-  
 neri posset & conseruari. si tu modò uelis illud exequi, quod in tua so-  
 lius manu positum est. Hoc nimirū, ut Antistites, pastores ouium, suas  
 ipsi coram ecclesijs gubernent: idem faciant inferiores quoq; ministri  
 piē uiuant & uerbū Dei doceant, aut per homines idoneos doceri fa-  
 ciant: deinde, ut in posterum ij præficiantur, qui possint docere popu-  
 lum ipsi, neq; uicarios in locū substituunt. Hæc est radix, quam excole-  
 re oportet: huic est inædificandū fundamento: sic enim sperare liceat  
 futurum ut hereses paulatim euanescant: sin autem hæc uia negligi-  
 tur, metus est, ne magis atq; magis augeant, quæcunq; demū edicta  
 fiant uel adhibeantur remedia. fuit hoc ad xvi. Octobris diem, quum  
 ista per legatos atq; literas regi nunciarēt. Tunc etiam principes paci-  
 ficatores, ppter litem de ditione Chattorū, denuò sicut constitutū erat  
 conueniunt: primū Bacheraci, deinde ppter Palatini principis ualetu-  
 dinē, Vuormaciæ. Transacta quidē res fuit, et definita certa pecunie  
 summa, quā Nassouio depēderet Lantgrauius, inq; possessione mane-  
 ret: cum autē Nassouiis, nisi pecunia certo tempore persolueretur, irri-  
 tam esse transactionē hanc, et integram sibi uellet suam actionē perma-  
 nere. Lantgrauius autem qui filium eò miserat, ut antea, conditionem  
 hanc resceret, insectare disceditur. Hoc ipso mēse Cæsar totius Belgij  
 procures omnium ordinum euocat Bruxellam, deq; sua ualitudine lo-  
 quutus inter alias profecturum se demonstrat in Hispaniam, et admini-

Principi  
 pū quo-  
 rundam  
 conuen-  
 tus pro-  
 pter com-  
 trouer-  
 siam su-  
 per di-  
 tione  
 Chatto-  
 rum.  
 Carolus  
 Cæsar si-  
 lio suo  
 admini-  
 stratio-  
 nem con-  
 fert.

155 strationem deponit, filioq; Philippo ius atq; potestatem omnem confert, & illos ad officium hortatur. Ea fama per omnem Europam longè lateq; disseminata fuit, & erat parata classis, ac protectioni constitutus dies ad Idus Nouembris: paulatim uerò deferbuit is rumor, & quia suberat hyems, in aestatem atiebant reiectam esse nauigationem. Nunc ad Imperij comitia ueniendum est. Quibus de rebus oporteret agi, rex Ferdinandus quinta die Februarij proposuerat, ut sub finem libri superioris dictum est: quum uerò tardius pleriq; uenirent, non ante nonas Martij factum fuit initium. Tunc tandem principum electorum legati, qua de re primùm esset agendum, deliberant: ac licet nonnulli reclamarent, tamen ut de religione cum primis tractetur, omnes tandem consenserunt. Idem etiam in reliquorum principum atq; ciuitatum Senatu uisum fuit. Post multam disceptationem placuit religioni dandam esse pacem: sed hoc potissimū in controuersiam ueniebat, quod confessionis Augustanæ socij uolebant omnibus indifferenter licere doctrinam ipsorum sequi, & pacis beneficium illis esse communicandum. Aduersarij uerò magna contentione resistebant, & neq; ciuitatibus, quæ decretū Augustanum ante septimū annum de religione factum receperant, nec ordini toti ecclesiastico dicebant hoc esse permittendum. Et si quis episcopus aut Abbas religionem mutaret, loco remoueri uolebant, & alium substitui. Disceptatum ergo fuit acriter, & illi quidem sui propositi causam hanc adferebant, quod, promissiones Dei, tam ueteris quàm noui testamenti, quæ salutem nostram continent, ad omnes homines in uniuersum pertinere dicerent: itaq; non ipsis licere certis finibus illas includere, uel in angustias redigere, ne simul & alios et seipsos à regno cœlorū excludant: nullum esse Iudæum aut Turcā paulò magis affectum, qui nō uelit omnes ab se posse in suā religionē pertrahi: quantò magis igitur oportere nos idem facere, quibus hoc à Deo sit grauissimis uerbis mandatum? Libertatem igitur omnibus hac in parte concedi oportere: se quidē è sacris literis & decretis patrum atq; conciliorū posse docere, quemadmodū hi qui ueteris & catholicæ religionis titulū sibi sumant, non absq; magna Dei contumelia, religionē tractent, & bonis ecclesiarum abutantur: uerū tamen pacis causa constituendæ permittere, ut & suas leges, ritus atq; ceremonias illi retineant, & bonis omnibus, possessionibus, uectigali-

bus,

Religio-  
ni utrū  
pax con-  
cedenda  
sit, nec  
ne.



bus, iure, priuilegijs, utantur fruantur, quoad religionis componatur **1 5 5 5**  
 disidium: non ergò sese posse probare, quòd Episcopis eam conditio-  
 nem præscribant: sic enim futurũ, ut suæ religionis approbatores atq;  
 socios oppugnare teneantur, & magna cum infamia totam suam cau-  
 sam ipsi damnent. Nam hoc, inquiunt, esset fateri, doctrinam ac reli-  
 gionẽ nostram, non esse dignam sacris bonis, & hucusq; perperam ea  
 bona fuisse nostris ecclesijs ministerijsq; applicata: fateremur quoque  
 doctrinam ipsorum impiam ac ministeriũ niti uerbo diuino, simul bo-  
 na sacra esse huic ipsorum impuræ uitæ, legibus atq; ceremonijs con-  
 secrata. Quantam uerò pàreret ea res offensionem, si causam eorum  
 & facultates tueremur, qui nullum ecclesiæ præstant utile uel necessa-  
 rium officium. Illos autem proderemus, qui propter eandem religio-  
 nem nobis esse commendatissimi debebant? Aduersarij hoc inter alia  
 dicebant, si quidem ecclesiasticis religionem mutare concedatur, futu-  
 rum, ut episcopatus & id genus alia collegia prophanentur & ab ec-  
 clesijs auulsa paulatim in manus principum deueniant, ijsq; fiant hæ-  
 reditaria. Sed illi, nunquam hoc sui fuisse consilij: uerũm cò spectare  
 dicunt, ut ad priscam institutionem reuocata, ueris usibus accommo-  
 dentur, & in perpetuum ea bona sint ijs ecclesijs annexa: quoq; dubi-  
 tationi nullus relinquatur locus, idoneè cauere promittūt, fore, ut qui  
 bus in episcopatibus & collegijs religio mutabitur, ex bonis illorum  
 nihil alienetur, utq; post episcopi uel antistitis mortem aut resignatio-  
 nem, libera permittatur collegijs tum electio tum administratio. Cũ  
 autem post uariam actionem inter eos conuenire non posset, Ferdinan-  
 do regi suas rationes utrobq; scripto comprehensas exhibent, & ut is-  
 pse uiam aliquam ostendat, petunt. fuit hoc post Idus Iunij. Nam lentè  
 admodũ agebatur, eiusq; rei causam esse nonnulli putabant, quòd pa-  
 cificationis inter Cæsarem Galliaq; regẽ euentus expectabatur: quòd  
 is in utraq; partem non paruum allaturus esse momentũ putaretur.  
 Pontificij uerò scriptum quoddam uelut extraordinariũ conflabant, Pontifi-  
 uehemens & acerbũ, ut suam causam magis commendarent. Et prin- ciorum  
 cipio confessionis Augustanæ socij, quinq; conditiones, inquiunt, in scriptũ  
 medium proposuerunt. Primum, ut doctrinã illam catholici probent, ad posui-  
 quæ multis antè sæculis, et hoc etiam nostro tempore, statim ab initio, lara to-  
 quum emanasset, ab ordinario magistratu condemnata semper fuit: ciorum  
 Augustanæ con-  
 fessionis

555 deinde, ut ab ipsis perpetrata sacrilegia totos nunc annos triginta, rata sint & approbentur, neq; uel iure, uel alijs pijs & à natura concessis rationibus liceat ecclesijs ea bona recuperare: sed & pacem fieri se cum uolunt, quum tamen omni communione sit illorum interdictum. Adhuc ut ipsis in Archiepiscoporum & caterorum antistitum collegijs atq; templis instituere ministros impios, annunciare doctrinam nefariam & condemnatam, abolere uerum ecclesiæ ministerium & ceremonias, ijsq; substituere nouas ac impias, & falsos illos concionatores è sacris bonis alere liceat, planè contra ueteres ecclesiarum leges atq; morem. Præterea ut omnibus tam sacri quàm civilis ordinis, qui catholicam religionem adhuc sequuntur, liberum sit à sua uera religione deficere, & ad ipsorum castra transire. Postremo, quò ex principibus uel episcopis ad ipsorum partes aliqui deficiunt, ut hoc non ad personam illam solummodo, sed ad populum etiam illius imperio subiectum, & ad bona, totamq; administrationem, & iurisdictionem quoq; sacram pertineat. Iam licet ista cum iure diuino pugnent & humano, quanquam & Cæsaris & regis & antistitum omnium iureiurando contraria sunt, ita quidem, ut catholici non commode possint ea recipere, nisi fidem & promissum uiolare uelint, tamen quoniam illi suo proposito pertinaciter inhaerent, & uim quoq; minantur, catholici tandem acquieuerunt, quantum quidem per transactionem Passauiensem facere debent, idq; in senatu Imperij satis explicarunt, demonstrantes non se posse libertatem illam mutandæ religionis promiscuè omnibus concedere. Nam alioqui futurum ut Imperium dissipetur, & honoris illud fastigium à Germanis auferatur.

Archie-  
piscopo-  
rum offi-  
cium.

Nam archiepiscoporum & aliorum antistitum est officium, ut damnatam ullam religionem, non modo non permittant, sed ut episcopos etiam & id genus alios, imò idiotas ad defectionem inclinantes, placidè commoueant & deterreant, aut immorantes errori, catholica deferant & Romanæ ecclesiæ. Nam hic mos inde ab Apostolorum ætate seruatus est, ut multis conciliorum testimonijs, maxime uerò Chalcedonensis doceri potest. Nec est quòd aliquis existimet, eos qui deficiunt, suæ conscientie relinquendos esse. nam in ijs quæ pertinent ad fidem, non sua cuiq; debet libera permitti conscientia: sed cum quis à communi ecclesiæ consensu discedit, plecti debet & coherceri. quòd

nisi



nisi pareat, excommunicandus est, exemplo quatuor conciliorum, 1 5 5 5  
 quæ præcipua numerantur, quæ Arrium, Macedonium, Nestorium,  
 Eutychen condemnarunt: & Chalcedonense quidem etiam Eutychis  
 defensorem Dioscoridem episcopatu remouit. Quod enim dicitur, su-  
 um cuiq; sensum ac iudicium esse liberè permittendum: neque Chri-  
 stum uel apostolos unquam adegisse quempiam uti crederet, imò, quã  
 à Christo multi discederent, inuitum neminem fuisse retentum, istud  
 certè nullo fundamento nititur: & ab Augustino copiose refutatur e-  
 pistola ducentesima quarta. Quod si liberum sit episcopis, religione  
 catholica deserta, deficere ad alteram, minime relinquent episcopa-  
 tum, quoniam in pacata conscientia non se posse facere dicturi sunt,  
 sed confessionis Augustinæ socios implorabunt, ut in tuendo statu, po-  
 puloque in ipsorum religione conseruando sibi ferant opem. Hoc  
 si fiat, non dubium est, quin isti patrociniū eorum suscipiant, idq; se  
 facere dicant ex officio, quò nimirum illis & administratio salua sit  
 & bonorum quoq; possessio. Quod uerò teneri se dicunt isti, socios  
 religionis admittere, neq; regno cælorum quenquam excludere: non  
 ipsos excusat. Nam unica solum est fides, quam omnes Christiani no-  
 minis profiteri debent atq; seruare. Hanc fidem & Cæsares & reges  
 olim, & omnes Imperij principes atq; præfecti, simul & populus iu-  
 returando comprobabant. Hæc nimirum catholica fides est illa ipsa,  
 quam inde ab initio ad hoc usq; tempus Germani sumus secuti, ijs exce-  
 ptis qui defecerunt ab ea. Nihil igitur innouandum est, uerum ad hanc  
 fidem omnia referri debent, & subigendus est animus, ut ecclesiæ ca-  
 tholicæ pareat. qui secus facit, & peculiare aliquam religionem sibi  
 sumit, is nisi monitis obtemperet, ab antistite sacrorum excommuni-  
 cari debet, & ab omni functione remoueri. eius quoq; bona per magi-  
 stratum civile publicanda sunt, nec intra fines imperij tolerandus est.  
 Nam libertatem illam seu licentiam religionis, ut dissipationem ali-  
 quam fidei semper patres reiecerunt, eamq; legem sinxerunt, ut quæ  
 semel definita sunt à concilijs in ratione fidei, nō disputentur amplius  
 nec in dubium uocentur, sic ut in contrarium aliquid statuere uel pro-  
 ponere nullis liceat. Etenim historiæ docent, quom omnis generis se-  
 ctas Valentinianus Cæsar admitteret, quantum turbarum sit natū ex  
 eo. Deinde si hoc recipiatur ut qui diuersum à fide catholica sentit,

155 *per conscientiam suam debeat excusatus esse: tum & Anabaptistæ &*  
*Zuingliani & Schuenckfeldici & id genus alij sunt etiam excusandi*  
*& in hac pace comprehendendi. Dicunt illi promissiones Dei, quibus*  
*uitam æternam nobis promittit, ad omneis in uniuersum pertinere,*  
*nec ab ipsis restringi oportere: quasi uerò promissiones illæ solum ad*  
*eos pertineant, qui sunt ipsorum professionis. Atqui longè secus res*  
*habet. cum enim ab ecclesiæ communione discesserint, de regno cælo-*  
*rum exclusi sunt, uel ipsorummet iudicio: cunq; nulla sit salus extra*  
*ecclesiam, quomodo regnum cælorum ad eos pertineat, qui ecclesiæ*  
*sacramenta reiiciunt, & sacerdotum, quibus ligandi soluendq; pote-*  
*statem Christus tribuit, ordinationem cōtemnunt? Quod si nulli sacer-*  
*dotes consecrantur apud eos, quomodo peccatorum remissionem con-*  
*sequuntur? nisi uerò peccata remittantur, quomodo regni cœlestis fient*  
*participes? Non igitur ad ipsos tantū illæ promissiones pertinent: imò*  
*consensendi sunt potius inter eorum numerū, quos incognitos sibi Chri-*  
*stus esse dicit. Iactant ab se posse doceri, quemadmodum Chatholici*  
*multis modis & religione & sacris bonis abutantur: Videamus au-*  
*tem quid in eo sit culpandum. Iuxta sacram scripturam, & leges con-*  
*ciliorum atq; patrum, bona sacra distribui debent in episcopos & ec-*  
*clesiarum ministros, in pauperes, in fabricam, et si res ita ferat, in libe-*  
*rationem eorum qui detinentur à Barbaris captiui. nimirum annis*  
*ab hinc mille trecentis hic mos durauit, ut in pios ministros & usus*  
*accommodarentur ea bona: cuiusmodi sunt, peragere Missam, annun-*  
*ciare uerbum Dei, sarcire & edificare templa, nutrire homines ege-*  
*nos, item monachos atq; monachas. Illi uerò quid agunt? Episcopis a-*  
*liquot p̄fligatis alios instituūt, ueluti prophanos et ciuiles p̄fectos,*  
*quibus annuā portionē decidūt quā possunt minimā: huic attribuūt*  
*alios ministros, qui miseram multitudinē in errorē abducunt, dum &*  
*sanam doctrinā contemnūt, et eucharistiæ sacramentū, integrū, et qui-*  
*dem non consecratū panē populo porrigunt, creaturam uidelicet lo-*  
*co creatoris, & sub specie ueri cultus idolatriam exercent. Bona sacra*  
*nō se deinceps alijs rebus quā ad scholarū usum applicare, nec ad se q̄*  
*quā ex ijs uelle transferre dicūt: esto sanē ita: sed per hunc usum religio*  
*catholica prophanaretur et opprimeretur omnino, multoq; sit hic u-*  
*ius deterior futurus, quā si rebus prophanis ea bona designarentur.*



His igitur de causis, conditionem illam, sicut est per scripta, catholicis non est integrum approbare. Scriptum hoc, priuatim & extra ordinem, ut dixi, compositum fuit. Certiores de eo facti confessionis Augustanæ socij, contra scribunt, & primò, quæ sit uera doctrina demonstrant, ea nimirum, quæ Prophetarum continetur & Apostolorum scriptis: deinde quàm cum ea pugnet doctrina pontificiorum, ostendunt, qui cœnam Domini tot modis prophanauerint, qui tam scèdos inuenerint errores de purgatorio, de mortuorum inuocatione, qui peccatorum remissionem tollant & abnegent, dum de gratia Dei perpetuò dubitandum esse dicunt: qui matrimonium afficiant summa contumelia, sancitū à Deo, qui nefarijs & horrendis flagitijs contaminati sint in hoc suo cœlibatu nimirum illis ipsis quæ Paulus commemorat. Ex his liquidò uideri, quinam à uera religione defecerint: quod cū ita sit, ecclesiasticos, qui puram doctrinam uel nunc sequuntur, uel in posterum amplectentur, ab se non posse negligi: quantum ad sacra bona pertinet, mirum in modum etiam omnia esse conspurcata: beneficium dari quidem propter officium, sed uidendum esse cuiusmodi sit episcopale uel sacerdotale munus, quo carere non possit ecclesia: scholarum quoq; rationem habendam esse: nam inde à prophetarum ætate, morem hunc extitisse semper: nunc autem ecclesiarum procures hoc agere cum primis, ut quæ ministris ecclesiæ, quæ doctoribus atq; discipulis & scholis, quæ locis hospitalibus & Xenodochijs debentur, ad suos usus accommodent, ut in omni luxu uiuant: idem eos facere de monachorum collegijs: an non Satrapam aliquem representet episcopus, qui suæ ditionis possessionem primū suscipiens, cum duobus equitum millibus urbem ingreditur? Et hæc quidem ab illis fieri, cū nemo sit omnium qui suum munus faciat: quænam ibi mens, quæ conscientia? num sacrilegium & rapinam alijs obijciant isti? doctrinam quidem suam à monarchis esse condemnatam: sed eorum nequitia, qui persuadent illis ne legant ipsorum scripta. Quod autem Pontifex & reliqua turba condemnent eam atq; proijciant, non esse mirum: nam eodem planè modo Christum eiusq; doctrinam fuisse tractatum ab Anna, Caypha, totoq; Phariseorum & pontificū senatu. De concilijs & ecclesia multam eos mentionem facere: sed in conciliorum et ecclesiæ potestate non esse, nouam ullam doctrinam proponere, seu

Respon-  
sio pro-  
testan-  
tium ad  
scripta  
pontifi-  
ciorum.

mandare præter eam quæ nobis est à prophetis, à Christo & Apostolis  
relictæ. Quod de consecratione ministrorū dicant, esse ridiculū: nihil  
enim ad rem facere iocularē illam et histrionicā unctionē. Postremo  
conuilijs et iniurijs esse refertum ipsoꝝ scriptum, sed hoc sese commit  
tere Deo, et paucis tantūmodo rem uoluisse delineare. Quū hic esset  
rerum status, rex Ferdinandus, quem utriq; rogauerant, ut uiam ali  
quam ostenderet, sicut supra dictū est, circa principiū Augusti legatos  
mittit ad electores et quosdam alios principes, cū his mandatis, ut Cæ  
sari fratri morē gereret, et reip. cosuleret, Augustam se uenisse tertio  
Cal. Ianuarij, nō sine dispendio rerū suarum et incōmodo: deinde quū  
eō uenisset, expectandū fuisse diu, quòd ferē nulli adessent, priusquā  
aliquid proponeret: nam ad Nonas usq; Februarij rē esse dilatā. Tunc  
primū ab se causas indicti conuentus explicatas fuisse: uerū in delibe  
rationibus longissimam interuenisse moram, & non ante decimū Ca  
lendas Iulias responsum sibi esse datū, et quidē de uno solū capite de  
liberationis, nimirum de pace religionis, et illud ipsum responsum, nō  
eiusdē sententiæ, sed disidens & contrariū: se quidem cum hoc multo  
antē metueret, eos admonuisse diligenter, ut interessent ipsi cōsilijs: et  
eo si morē gessissent, ad optatū finem, opinione sua, rem potuisse per  
duci: super altero capite, quod publicam pacem continet, nūc quidem  
haberi consilium, sed quia sit credibile, nō expediri posse breui tempo  
re: deinde, quia prouinciarū status præsentiam suā requirat, eò quòd  
Turcæ noua moliri uideātur, et grauiā cōminētur, tametsi de pace cū  
illis agat. Præterea, quòd utiliter nihil agi possit atq; decerni, si nō ipsi  
coram adsint, ideo sibi uideri consultū, ut in aliud tēpus prorogetur  
comitiū, et nunc decretū fiat in hunc modū. Quia per absentia princi  
pū nihil decerni possit, placere ut in alterū conuentū differatur omnis  
actio, cuius initiū Ratisbonæ fieri debeat circiter Cal. Martias anni se  
quentis: ibi principes ipsos adfuturos, ut unā cū Cæsare uel secū decer  
nant et statuunt ea de quibus et nunc sit deliberatū, & quæ post in de  
liberationē uenient: interea transactionē Passauiensem in integro man  
suram: et quoniam hoc etiam illa continet, primū, ut in Imperij comi  
tijs tractetur, an per generale uel nationis Germanicæ conciliū, an ue  
rò per colloquium causa religionis componi debeat: deinde ut commu  
ni ordinum omnium cōsilio res agatur et ordinaria Cæsaris auctoritas  
inter=

Ferdi  
nandus ad  
princi  
pes feri  
ptum.



interueniat: ideò se, qui pacè & concordiam amet, constituisse librum 553  
 quendam in proximis comitijs exhibere, conscriptum de conciliandis  
 ijs, quæ sunt controuersa: nullam autem in ea re captionem esse futu-  
 ram, & eò fieri solùm, ne quid exacerbetur amplius, et ut offensiones  
 mitigentur. adhæc, ut eò commodius ipsi statuant, an per illam in li-  
 bro demonstratam rationem disidium tolli possit, an alia sit inuesti-  
 ganda uia. Petere igitur, ut & hanc prorogationē approbent, & ad  
 proximum comitium ipsi ueniant, exemplo suo, qui reipublicæ causa  
 tam longum tempus iam abfuerit à suis prouincijs: Ratisbonæ uerò se  
 delegisse locum, quòd propter impendens à Turca periculum, suis à fi-  
 nibus discedere longius non possit. Renuncient igitur quid in eo face-  
 re uelint, quò certus esse possit, rem non iri tardatum, ne uidelicet ina-  
 ni expectatione, potior pars temporis effluat, ut antea non semel. His  
 postulatis auditis, pleriq; principes nō esse consultum aiebant, ut an-  
 te confirmatam pacem discedatur: totam enim Germaniam in magna  
 esse huius rei expectatione: quumq; sententijs utrobiq; magis iam con-  
 ueniant, quàm ante hoc tempus unquam, orare ut finem ante suam  
 abitionem imponat: quò uidelicet de rebus Turcicis & alijs, quæ su-  
 pererunt, in altero cōuentu tantò possit expeditius decerni: quantū ad  
 librum attinet, quem sit exhibiturus, fore nonnulli dicebant ex ipsis,  
 ut idem huic accidat, quod ante septimum annum accidit ei qui tum  
 etiam dereligionem conscriptus fuit & euulgatus. Nam esse in recenti  
 memoria, quibus ille conuiuijs fuerit exagitatus: quum enim concor-  
 diæ causa propositus esset, ac lege sancitus à Cæsare, maximarum of-  
 fensionum & disidiorum occasiones inde fuisse natas. Quum hæc  
 Ferdinandus circiter octauum Calend. Septembris ex legatis audis-  
 set, pridie Calend. eius mensis, quæ sua sententia sit de scriptis utrius-  
 que partis ad ipsum delatis, ut suprà dictum est, explicat, et inter alia  
 præcipuum illud quod ad episcopos pertinet, ut si religionem mu-  
 tent, ab administratione simul & bonis decedant, placere sibi dicit, et  
 confessionis Augustanæ socios ut assentiantur, multis uerbis hortatur.  
 Nam hæc, ait, conditio, nihil quicquam uobis detrahit, sed hoc solum  
 agit, ut quum antistes aliquis ordinē suum deserit, et à religione uete-  
 ri discedit, beneficia seu præfecturæ sacræ nihilominus in eo statu per-  
 maneant, quo fuerunt institutæ, quod ipsum & iuri consentaneum  
 est, &

Episcopi  
 qui reli-  
 gionem  
 mutant,  
 etiam ab  
 admini-  
 stratione  
 remoue-  
 antur.

255 est, & Imperij legibus & transactioni Passauiensi: quæ claris uerbis  
 dicit, eos qui ueterem religionem sequuntur ordinis tam ecclesiastici  
 quam politici, non esse turbandos in sua religione, ceremonijs, bonis,  
 possessionibus, iure, priuilegijs, uerum his omnibus eos debere uti frui  
 pacatè, sine cuiusquam interpellatione. Non igitur uideo, cur hæc eis  
 conditio denegari possit, quæ pertinet ad eum, quem diximus, finem,  
 hoc est, ut quietè suis rebus utantur fruantur, quod quidè minimè fu-  
 turum sit, si conditionē hanc remittant: sic enim fieret, ut qui sacrum  
 ordinem ac ueterem religionem fortè deserent, nihilo secius uellent et  
 administrationem & bonorum retinere possessionem, neque collegis  
 tamen liceret interim suis uti legibus in illos & experiri: sed & hoc  
 accederet incōmodi, quod inter antistitem & illos non magna sit fu-  
 tura beneuolentia. Cum autem æquum sit ut iuxta leges institutionis,  
 idoneæ personæ regant & administrent sacras præfecturas, & si con-  
 tra leges illas faciant, aut ab ordine deficiant, ut tunc illos collegæ loco  
 remoueant, & operam dent, ut ei tantum uni noceat ea defectio: certè  
 non debet eorum postulatū repudiari. Quapropter uos etiam atq;  
 etiam hortor, ne repugnetis amplius in eo, nam inter alia cogitare uos  
 decet, illos non præscribere uobis qui modus aut ratio seruanda sit in  
 administrandis præfecturis, collegijs ac beneficijs, quæ uobis usurpa-  
 tis, nec etiam quomodo sit agendum cum uestre ditionis ecclesiarum  
 ministris, qui leges à uobis præscriptas uiolant & officium negligunt.  
 Etenim, sicut uobis esset futurum molestum atq; graue, si quidem illi  
 uellent eiusmodi ministros, qui religionem uestram desererent & im-  
 pugnarent, à uobis retineri: sic etiam eis multò grauius esset futurum,  
 si quidem administratio & bonorum possessio sit illis relinquenda,  
 qui religionem ipsorum & proijcerent & oppugnarent. Quid enim  
 aliud ex eo sit expectandum, quam lites, offensiones atq; disidia: fun-  
 damentum igitur eius, quod nunc agitur, nimirum ipsa pax, ea ratio-  
 ne prorsus tolleretur. Octauo die post, illi respondēt. Non hoc sui esse  
 propositi, ut ecclesiasticis in eo præscribant, multò minus ut præfe-  
 cturæ sacræ dissipentur, aut mutata natura fiant ciuiles atq; prophæ-  
 næ. Constat enim nobis, aiunt, aliquam imperij partem his rebus atq;  
 possessionibus inniti, quas non imminui seu labefactari, sed modis o-  
 mnibus conseruari cupimus. Nobis quidem pergratū fuisse, quæstio-



nem hanc non excitari, sed superiorū annorum decretis insistere No-  
 ribergico, Ratisbonensi, Spirensi, quæ socios omneis Augustanæ con-  
 fessionis paci includunt: & initio quidem Archiepiscoporum trium  
 electorum legati prudenter hoc expenderunt etiam: cum autem post  
 ab alijs dubium hoc agitari cœpisset, ad illorū partes transierūt. Qui  
 primi quæstionem hanc mouerant, aliquā fortasse consilij sui causam  
 habebant, sed quid ex eo consecutum sit, apparet, nisi enim hoc inter-  
 uenisset impedimentum, iam ad optatū finem, opinione quidē nostra,  
 res omnis esset perducta. Quo minus uerò cōditionem illam recipere  
 mus, piæ fuerūt & graues causæ. Nam faciliē quiuis intelligit, quanto  
 religionis nostræ contemptu fiat et detrimēto, si permittamus, ut qui  
 complectuntur eam, loco remoueantur, omni dignitate priuentur, &  
 in numero sint hæreticorū. Cuiusmodi fuerint primæ collegiorum in-  
 stitutiones, & quæ uitia paulatim irrepperint, iam silentio præteribi-  
 mus: uerū tamen multas ex illis arbitramur religioni nostræ minimē  
 repugnare. Deinde, assentiri ne quis ordinis ecclesiastici sit eius reli-  
 gionis, quam uti ueram & Christianam profitemur, non est profectō  
 leue delictum. Nam hoc ipso damnaremus eam, ut impiam, & indi-  
 gnā ordine sacerdotum, qui religionem in primis procurare debent.  
 Quod cum ita sit, potentissime rex, petimus ut hæc tecum expendas,  
 & pro ea potestate quam obtines à Cæsare, particulam illam omitti  
 patiaris. Ille uerò nihil amplius posse tribui respondet, & ea dicit nūc  
 eis concedi quæ tot annis impetrari nunquam potuerint: habeant igitur  
 eius rationem: nam alio qui futurum ut nulla re perfectā disceda-  
 tur: quod si fiat, & aliquid ex eo nascatur incommodi, non esse quod  
 uel in Cæsarem uel in se quoq; culpa conferatur, qui tam leniter et pa-  
 tienter causam hanc tractarit, & huc usq; permanserit: non sibi esse  
 integrum differre diutius, itaq; decem dies ipsis largiri, ut interea do-  
 mum hæc ad suos principes enuncient, et simul clarē sibi respondeant.  
 Vbi dies ille uenit, isti quod & diligentie nihil prætermisissent, ut re-  
 liquis omnibus de religione consuleretur, & Cæsari uel regi modum  
 aliquem in eo præscribere non ipsis liceret, assentiuntur, præsertim  
 quum rex etiam nonnulla remitteret, ut infra dicitur. Itaque septimo  
 Calend. Octobris decretum factum recitatur palām, uti fieri solet, in  
 hanc sententiam. Propter Augustanæ confessionis doctrinam, religio-

Ferdinā.  
 di respo-  
 sum ad  
 postula-  
 ra prin-  
 cipum.

Decretū  
 quo reli-  
 gio libe-  
 ra omni-  
 bus per-  
 mittitur

5 5 5 nem atq; fidē, Cæsar, Ferdinandus rex, cæteriꝑ; principes ac ordines,  
 neminem totius Imperij quocunq; modo uolent, nec ad deferendā re=  
 ligionē suā, ceremonias atq; leges, quas in sua ditione uel iam institue=  
 runt, uel posthac instituent confessionis Augustanæ socij, mandatis aut  
 alia quauis ratione cogant, neue contemnunt etiam, sed hanc religio=  
 nem illis liberam permittant, simulq; bona, facultates, uectigalia, pos=  
 sessiones atq; iura, sic ut pacatē possint eis uti frui: disidiū quoq; reli=  
 gionis nō alijs quā p̄ijs, amicis et tranquillis rationibus cōponatur.  
 Eodem modo qui sunt cōfessionis Augustanæ sese gerent erga Cæsare,  
 Ferdinandum regē, cæterosq; principes ac ordines antiquæ religioni  
 coniunctos, tã sacros quā ciuiles, erga cæteros omneis ecclesiastici sta=  
 tus eorūq; collegia, quocunq; tandē illi migrarint habitādi causa, mo=  
 dō ut rectē procurentur ministeria, sicut infrā dicitur. his omnibus &  
 religionē suam et ceremonias, et leges et possessiones et uectigalia, cæ=  
 teraq; iura liberē permittant, nec ulla ratiōe impediāt, quo minus il=  
 lis pacatē utantur fruātur, et quicquid erit offensionis atq; litis, more  
 ac legibus Imperij definiatur utrobiq;. Qui nō sunt alterutrius religio=  
 nis, hac in pace non cōprehendantur. Si quis Archiepiscopus, Episco=  
 pus, antistes, aut alius ordinis ecclesiastici à religione ueteri deficiet, is  
 cōtinuō decedat ab episcopatu suo. præfectura, beneficio, simul omni=  
 bus etiā fructibus, quos inde percepit: quod ipsum tamen ad nullā eius  
 infamiam pertinebit: et collegio siue ijs, ad quos ea res iure uel cōsue=  
 tudine pertinet, liceat & integrū sit in eius locū eligere seu constituere  
 alium, qui sit ueteris religionis, quō nimirum institutionis, electionis,  
 præsentatiōis, cōfirmationis, et id genus alia iura simul cū tranquilla  
 possessione bonorū integra illis permancant: sic tamē, ut futuræ concili=  
 ationi religionis, de qua dictū est, nihil hoc ipso detrahatur. Et quia  
 nonnulli ordines Imperij, eorūq; maiores, quasdā præfecturas ecclesia=  
 sticas, collegia monachorū et id genus alia bona sacra sibi sumpserunt,  
 eaq; ministerijs ecclesiæ, scholis et alijs bonis usibus accōmodarunt, nō  
 interpellētur hoc nomine, nec in ius propterea uocentur, sed eiusmodi  
 bona, nimirū ea quæ non pertinent ad ordines imperij, uel alios impe=  
 rio planē subiectos, et quorū possessionē tēpore transactionis Passaui=  
 ensis, et post etiā, ecclesiastici nō habuerūt, suo loco permancāt, et hac  
 in pace cōprehendantur: neq; Camera iudicibus, propter hæc ab illis  
 usur=

Ecclesia=  
 sticus  
 qui reli=  
 gionem  
 mutat,  
 beneficio  
 multat=  
 tur.

De bonis  
 Ecclesia=  
 sticis o=  
 mnes cō=  
 stitue=  
 re et tol=  
 luntur.



usurpata & alienata bona, iure quicquam aduersus illos experiri seu  
 decernere, liceat. Iurisdictio sacra non exerceatur neq; locum habeat  
 aduersum Augustanæ confessionis religionem, fidem, ritus, leges, mi-  
 nisterium ecclesiasticum: sed suspensa maneat & sistatur, nec ullum  
 impedimentum illis inferat, quoad integrè sublatum erit dissidium: in  
 ceteris autem rebus, extra religionem, cæremonias, leges ac ministe-  
 rium positis ualeat & exerceatur pro ueteri more atque iure: deinde  
 toti ordini ecclesiastico suæ facultates, uectigalia, iura nihilo minus  
 integra maneant, sic tamen, ut ij, quorum in ditione sunt eiusmodi bo-  
 na, sui iuris politici quod antè dissidium hoc religionis habuerunt, ni-  
 hil amittant: adhæc, ut ex ijs ipsis bonis, necessaria ecclesiæ ministe-  
 ria, parocciæ, scholæ, eleemosynæ, loca hospitalia pauperum & affli-  
 ctorum, sicut olim constituta fuerunt, ita nunc etiam constituantur &  
 foueantur, non habita ratione, utrius illi sint religionis, quorum in u-  
 sus hoc subsidium & alimonia confertur. Quod si propter hanc ali-  
 moniam eiusq; modum lis oriatur et disceptatio, de consensu partium  
 arbitri deligantur, qui facta notione intra semestre tempus decernant  
 & statuunt, quantum in eiusmodi usus et ministeria decidi, & confer-  
 ri debeat: interea dū lis pendet, ij, quorum est cōferre subsidium in eos  
 usus, nō impediuntur in sua possessione, uerū tamen, quod antiquitūs  
 dare solebant & conferre, nunc etiam conferant, dum lis expeditur.  
 Per Octobrem atq; Nouembrem erat conuentus ordinū Angliæ: plæ-  
 riq; fore putabant, ut de Philippi regis ageretur coronatione, sed nihil  
 propositum fuit. Sollicitabat autem regina de bonis ecclesiarum resti-  
 tuendis, quoniam id pontifex urgebat: sed tenent ea nonnulli princi-  
 pes & ex nobilitate complures: quare nihil effici potuit: ipsa quidem  
 regina, quod unum potuit, primos, uti uocant, sacrorum beneficio-  
 rum fructus atq; decimas restituit ecclesiasticis. Eo durante comitio li-  
 belli quidam acres Londini disseminati fuerunt, in quibus erant alia  
 quæ multitudinem acueri in Hispanos, alia uerò quæ mentem reginæ  
 poterant à Philippo reddere alienam. Inquisitione facta deprehendi  
 nihil potuit. Ante comitiij finem, hydrope mortem obiit Vintoniensis  
 episcopus Cancellarius: tūc demum locum obtinuit Thomas Heithus,  
 archiepiscopus Eboracensis, qui cum Cantuariensi fuerat aliquando  
 in Germania, deque pura doctrina rectè senserat. Circa Nonas No-  
 uemb.

Iurisdi-  
 ctio sa-  
 cranulla  
 exercen-  
 da cōtra  
 Augusta  
 næ con-  
 fessionis  
 religio-  
 nem.

Conuen-  
 tus ordi-  
 num An-  
 gliæ.

Libelli  
 contra  
 Hispanos Lon-  
 dini spars-  
 si.  
 Episco-  
 pus Vin-  
 tonicus  
 mori-  
 tur.

Ioannis  
Friderici  
uxor mo-  
ritur.  
Franci-  
scus Ve-  
nerius  
remoue-  
tur loco.  
Legari  
Ferdinā-  
di ad  
princi-  
pes.

Conuen-  
tus in  
Austria.

Ioan.  
Groppe-  
rus Car-  
dinalis  
creatur.

1556

Philippus  
Carolus  
filius  
ingre-

nemb. moritur Ioannis Friderici coniunx, Lantgrauij filia, de cuius nuptijs dictum est supra. Venetorum dux, Franciscus Venerius, quod in re frumentaria male uersatus esset, & priuato suo commodo publicum posthabuisset, loco remotus fuit. Quum Caesar omni sese potestate seu Belgij administratione abdicasset, Philippus filius legatos mittit ad præcipuos Germaniæ principes atq; ciuitates, & hoc ipsum illis denunciat, simulq; beneuolentiam suam & amicitiam deserit. Eodem quoq; tempore Ferdinandi regis legati sollicitabant principes Germaniæ, quoniam à Turca periculum immineret præsentissimum, quæ Transyluaniam omnino sibi dari postularet, natura munitissimam regionem & fertilissimam, & inprimis equestrem, ut ad constitutum diem Imperij comitijs interessent ipsi & in commune consularent. Conuentum etiam egit suorum hac ipsa de causa, quo quidem in conuentu, inferiores Austriaci, religionem sibi liberam permitti postulabant: rex autem illos ad Imperij comitia, Ratisbonæ futura reiecit, simul ad Idus Ianuarias anni sequentis constituit, ut tunc iterum essent ei præsto Viennæ. Marchione Marignano Mediolani mortuo, Cardinalis Tridentinus à Cesare seu Philippo filio mittitur in Insubriam, ut ibi summæ rerum præset: Neapoli uerò præficitur Dux Albæ. Circa diem natalem Christi, Papa, suo more, nouos creat Cardinales, et in his Ioannē Gropperum, Coloniensis archiepiscopi consiliarium cuius nō semel est facta mentio superioribus libris. Tunc etiam Reginaldus Polus, quū ex Cardinale diacono factus esset presbyter, uti uocant, incipit misficare. Nā hoc diaconis lege Papali non licet. Ianuarij mensis initio, per Saxoniam, Misniam, Bohemiam horrendæ fuerunt tempestates, tonitrua, fulgura, fulmina, quæ passim non mediocriter damnum dederunt, præsertim in templis. Eodem mense, Vitoduri, quod est in Heluetijs, à Tiguro duobus milliaribus, oppidum, noctu, sub cœnam, ignis ex altera turri templi promicans ita crepitabat, ut restringendi causa, omnes accederent: cum eò uentum est, nihil erat flammæ. Bis illud accidit per intervallum, quarta die nimirum eius mensis & decimaquarta. Quidam ex pagis Helueticis, à Papa sollicitati, Romam post eunt, nō sine magna multorum suspitione. Philippus rex nouam auspiciatus gubernationē, acceptam à patre, solenni quadam pompa & splendore principem eius regionis urbem Antuerpiam, Ianuarij die



die xvij. ingreditur. Interea uigenti per Angliam persecutiones et incendia. Sub Idus Ianuarias, Austriacarum provinciarum legati, Vienne, uti mandatum erat, conueniunt. Ibi rex oratione graui et prolixâ, quanto sint omnes in discrimine, propter imminentem Turcam, ostendit, ideoq; monet, ut quamprimum auxilia conferant et pecuniam, ut eius reprimi possit immanitas atque seuitia. Tum illi, qui inferioris Austriæ nomine censentur, in mandatis habere se dicunt a suis, ut de religione primum agant. Itaq; quid in hac ipsa causa, totos nunc annos quatuordecim egerint, quoties interpellarint et supplicarint hoc nomine, cuiusmodi autem ipse mandata promulgarit, omnino præter ipsorum expectationem, recensent: deinde, quoniam hucusque frustra sunt, inquirunt, aduersus Turcam omnia suscepta consilia, et non solum adhuc non reprimi potuit, uerumetiam eo progressus est illius impetus, ut per Vngariam atque Sclauoniam plurimis occupatis oppidis, castellis ac propugnaculis, omnino iam nobis immineat, certò statuendum est, uindictam hanc esse Dei manifestam, qui nos propter peccata uerberat, quòdque uitam non emendamus, affligit, et ita quidem affligit, ut nisi uerbum ipsius recipiatur ac uita sequatur emendatio, non modò corporis et fortunarum, sed æternæ quoque salutis detrimentum incumbat. Nam etiã si totius terrarum orbis arma sumat in eum hostem, tamen, quoad in eo uita statui permanebit, nulla est speranda uictoria, sed excidium potius et interitio, sicut florentissimis aliquando regnis accidisse constat. Egitur hac de re in postremo etiam conuentu, et ne quid aduersus conscientiam facere cogeremur, ordiuimus: tu uerò causam ad Ratibonæ comitia referebas. Cogitare potes autem, serenissime rex, quàm graue sit ijs, qui salutem animæ siliunt, ad incertum tempus reijci. Nam interim et mens in angore uersatur, et in hoc angore ac dubitatione permulta hominum millia uitam faciunt. Certè uerbum Dei quod nobis per Iesum Christum seruatorem nostrum est patefactum, unica debet esse regula, quam ecclesia sequatur: et si quid irrepsit uerbo Dei contrarium, quantumuis id longa uetustate nitatur, abijciendum est: uult enim adorari Deus atque coli, sicut ipse præscribit et mandat, non ut homines opinantur atque fingunt. Sui uerò mandati neglectum, et humanarum constitutionum obseruan-

ditur  
Antuerpiam.

Legati  
provin-  
ciarum  
Austriacorum a  
rege Ferdinando  
petunt ne  
ram religionem  
sibi permitti.

2556 tiam, quàm horrendis grauibusq; pœnis ulciscatur, & superioris æta-  
 tis imperia demonstrant, & recentes atque domesticæ finitimorum  
 calamitates loquuntur. Post diligentissimam ergo peruestigationem  
 nullum apparet nobis aliud remedium, quàm ut abiectis illis manife-  
 stis erroribus atque deprauationibus, olim in ecclesiam introductis,  
 pura doctrina recipiatur, libereq; celebretur, unà cum Sacramento=  
 rum administratione tali, qualem Christus instituit ipse. Nam à Dei  
 uerbo tam aperto, tam claro discedere nobis atque descedere non li-  
 cet, ut sepe aliàs ostendimus. Imprimis enim regnum Dei querendum  
 est: quod cum sit, spiritu suo nobis adest Deus, & actiones atque con-  
 silia nostra gubernat. Ut igitur ex his tantis periculis nos eripiat, ut  
 ipse belli sit consiliarius atque signifer, ut in acie pro nobis consistat  
 & uim hostilem depellat, per mortem Christi, per salutem nostram,  
 per futurum de nobis omnibus iudicium, quàm possumus uehemen-  
 tissimè, supplices te rogamus, quoniam hæc res ad tuam, tuorumq; li-  
 berorum & totius regionis perpetuam felicitatem pertinet, ut no-  
 bis, qui nulla sumus contaminati secta, tuo permisso liceat usq; ad li-  
 berum ac generale concilium in pura religione permanere, liceat eo-  
 dem frui beneficio pacis, quam in postremo Imperij conuentu cum so-  
 cijs Augustanæ confessionis fecisti. Quum enim in Christo simus o-  
 mnes baptisati, rogamus, ne sit nostra quàm illorū deterior conditio,  
 nèue nobis denegare uelis, quod alijs nonnullis tuis prouincijs es largi-  
 tus, uerùm ut illa tua de religione prodita mandata cohibeas, et ab ista  
 qua constringuntur solitudine nos liberes: adhæc, edicto caueas pre-  
 camur, ne ministris ecclesiæ, qui iuxta Prophetarum & Apostolorum  
 scripta docent, & ad eum modum, ut suprà dictum est, sacramenta di-  
 stribuunt, ulla fiat molestia, neque ludimagistris etiam: nèue carcere  
 uel exilio mulcentur, nisi causam prius apud legitimum iudicem di-  
 xerint. Hoc si facias, uti planè confidimus facturum in hoc extremo  
 discrimine, non dabium est, quin & Deus amplissimè sit illud remune-  
 raturus, & ordines etiam Imperij, maiora collaturi subsidia, quàm  
 hucusq; Nos quoq; nulli sumus officio defuturi, sed libentissimis ani-  
 mis, quicquid ad communem patriæ defensionem atq; salutem perti-  
 net, conferemus, & tuis omnino postulatis, quantum erit in nostra sa-  
 culiute, satisfaciemus. Conuenerant hoc ipso tempore Caesaris Gala-  
 licq;



Uiaq; regis legati: quumq; pace finiri disidium non posset, quinta die  
 Februarij mensis, annorum quinq; paciscuntur inducias terra mariq;  
 tam in Belgio quam per Italiam et alia. Possessionem quisq; retinet  
 eorum, que per belli tempus occupauit: exules Neapolitanos atq; Si-  
 culos excludit Cæsar: Papam primo loco comprehendit sicut etiam  
 Gallie rex, et suos deinde quisq; necessarios atq; propinquos, uti fie-  
 ri solet. Eas inducias non multo post rex et per Galliam et Meti quo-  
 que, Cæsar autem aliquantò serius diuulgari suis in prouincijs man-  
 dat. Rumor erat Papam indignè tulisse factas inducias et Gallie regi  
 post ut eas uiolaret conatū esse persuadere: alij contrā putabant, ipsi-  
 us hortatu potissimum esse pactas, quòd bellum in Lutheranos moli-  
 retur. De capitulis nihil transigi potuit his inducijs, inter quos erant  
 precipui nominis dux Arescotus Belga, et Connestablij filius Momo-  
 rancius natu maximus, ante annum tertium Terouennæ captus.

Quum ad eum modum, sicut diximus, Austriaci pridie Cal. Februa-  
 rij, Ferdinando regi scripto supplicassent, rex octauo post die respon-  
 det, et de suo in rempublicam animo, deq; communi calamitate et  
 perturbatione temporum et ira Dei præfatus, dum conditionem, in-  
 quit, meam atq; locum diligenter expendo, dum cogito me iam inde  
 ab ineunte ætate secutum esse Christianæ et catholicæ ecclesiæ præ-  
 cepta, more maiorum, à quibus hanc et religionem et disciplinam  
 accepi per manus traditam, equidem reperio, non mihi licere, uobis  
 in eo quod petitis, assentiri. Non quidem eò quòd populo meo grati-  
 fieri uolum, sed quòd uideam non esse fas ut ecclesiæ Christianæ præ-  
 iudicem, eiusq; leges immutem, et salutaria decreta, meo quodam ar-  
 bitratu, quum illa mihi potius audienda sit, ut Christus ait. Verum-  
 tamen quia iam olim habeo compertum, quantis malis occasionem  
 præbeat hoc in religione disidium tam acerbum, equidem unà cum  
 fratre Cæsare multis nunc annis in hoc fui totus, ut ad compositionem  
 ueniretur: ideoq; crebris comitijs et colloquijs aliquot tentata res fuit,  
 et interuentu nostro semel et iterum est inchoatum Tridenti conci-  
 lium: quod uerò nullam ad frugem actio peruenerit, id nobis profe-  
 ctò minime tribui potest, nec obscurum est, quibus consilijs et artibus  
 iam impedita res fuerit, tam quòd puram doctrinam, et pacis nuper  
 factæ super religione, beneficium uobis concedi petitis: equidem ut

1 5 5 6  
 Induciar  
 inter Cæ  
 sarem &  
 regem  
 Gallie,

Ferdinã  
 di regis  
 respo  
 sum ad  
 postula-  
 ta lega-  
 torum  
 domus  
 Austria  
 cæ.

1556 antehac neminem à uera religione depuli, sic in posterum quoq; minime sum facturus: deinde non minus estis quàm aliorum principum populi, in ea pace comprehensi. Nam eius decreti hæc est sententia, ut sui principis religionem populus sequatur. Principibus autem non ecclesiasticis permissum est eligere quam uelint ex alterutra religionem, eo quod principis delectu populus debet esse contentus, uerum ita tamen, ut ij, quibus ea religio quam princeps elegit, non probatur, liberam habeant uendendi suas facultates, & aliò commigrandi potestatem, nullo cum ipsorum existimationis detrimento. quod cum ita sit, uestri est officium in ueteri & catholica religione, quam ego proficor, permanere. Quo minus Euangelium purè doceretur iuxta sanctorum apostolorum, martyrum & patrum, quos ecclesia recepit interpretationem, nunquam obstiti. Coena Domini licet integra fuit instituta, tamen in prisca etiam ecclesia sub altera specie distributa fuit, sicut prolixè demonstrari possit. non ergò Constantiensis concilij tempore primum mutata res fuit, sed multis antè sæculis ea consuetudo durauit: itaq; facile uobis est cogitare, quàm mihi non sit integrum, receptam illam & à concilijs approbatam legem autoritate mea priuata mutare uel abolere, præsertim hoc tempore, quando & religioni pax est data nuper, et in futuris proximis comitijs de conciliatione tractandum est amplius: qua quidem in actione totis uiribus incumbam, ut disidium omnino tollatur: sin autem id fieri non possit, tum eas inibo rationes, quæ uestris tum fortunis tum saluti quoq; conducent. Et ut animi mei propensionem atq; clementiam in uos agnoscat, equidem illam edicti mei partem, quæ ad Coenam Domini pertinet, sistam & cohibebo, sed ea lege tamen, ut omni scèta repudiata, nihil immutetur in ecclesiæ legibus atque ceremonijs, & futuri comitij decretum expectetis. Ecclesiæ ministris & ludimagistris, modò formulam hanc sequantur, nulla fiet etiam molestia, sicut & ante hoc tempus nemini præter ius uim ullam inferri sum passus. Cum ergo sim ad hunc modum in uos animatus, fore confido, ut nihil amplius desideretis, & quoniam publica necessitas urget, in commune consulere uos decet & conferre quod oportet. Ad hæc illi duodecima Februarij die respondent, & quod in causa longè omnium grauißima, quæ perpetuam foelicitatem continet, & ad ipsius etiam ac libero-

Legatorum  
responso  
ad Ferdinandum.



rum salutem imprimis pertinet, adeò nihil impetrent, uehementissimè 1 5 6  
 sibi dolere ostendunt, & quòd hanc usitatam, aiunt, Cœnæ Domini  
 distributionem, olim fuisse receptam ab ecclesia dicis, potentissime  
 rex, id sacris literis copiose refutari, simul eorum error patèteri pos-  
 sit, qui hoc tibi persuadent. Quod autem nuper Augustæ facti decreti  
 sententiam hanc esse dicis, ut sui principis religioni sese populus ac-  
 commodet: certè quia superioribus aliquot annis & multò ante hoc  
 decretum de communi consensu pro religione tibi supplicauimus, in-  
 tegrum nobis esset etiam, si quidem in eo responso permaneat, di-  
 uenditis bonis aliò cum uxoribus ac liberis commigrare: quid autem  
 in eo sit incommodi, deinde quàm sit istud futurum ipsi populo lu-  
 ctuosum & triste nuncium, quis non uidet? quando nimirum audi-  
 ent, ipsis qui more maiorum, sanguinem atque uitam pro domus Au-  
 striacæ salute ac dignitate semper profuderunt, deserendam esse dul-  
 cissimam patriam, tot sæculis habitatâ & exultam à suis maioribus?  
 Itaq; responsum illud, hac quidem in parte, non recipimus nec ra-  
 tum habemus, uerùm ut antea sæpe, per omnia sacra precamur, ut in-  
 comparabilem illum uerbi diuini thesaurum nobis permittas, nec ul-  
 lum in eare nobis impedimentum inferri sinas. Quod si ea esset cau-  
 sæ conditio, ut tibi uni sit omnis præstanda culpa, certè, sicut in alijs,  
 ita in hoc etiam libenter morem gereremus. Cum autem unicuique sit  
 facti sui reddenda ratio, quum personarum discrimen nullum sit apud  
 Deum, & quia singulis momentis uitæ finis instat, nec est lucis usura  
 quicquam incertius, non possumus non istud abs te summo studio &  
 contentione flagitare: quamobrem, ut nobis in eo satis caueatur, ora-  
 mus. Rex ad ea, quarto post die, nullam, ait, iustam subesse causam pu-  
 to, quamobrem superiori uobis responso non satisfiat. Permitto ut si-  
 cut Apostoli tradiderunt, sicut martyres atq; patres ab ecclesia recepti  
 docuerunt, & scripturam interpretati sunt, ita quoq; nunc doceatur.  
 cedo, quid amplius in eo requiritis? cum enim ecclesiæ suæ spiritum  
 sanctum Deus promiserit, non est alibi quærenda salus. Dicitis, nulla  
 secta uos esse contaminatos, cuiusmodi nunc sanè permultæ sunt, Ana-  
 baptistæ, Sacramentarij, Zuingliani, Schuenckfeldiani et id genus a-  
 lij: rectè quidem istud: sed si doctrina promiscuè permittatur, neque  
 cancellis illis includatur, ut suprà dictum est, quousque putatis eam

Ferdinā  
 di regis  
 respon-  
 sum.

154 6 permanfuram esse puram: quando pro se quisque uerbum Dei iactabit, idq; nulli creaturæ, sed soli Deo subiectum esse dicet, nec ullius uolet admittere censuram, ut multis in locis accidere uidemus, ubi turbarum plena sunt omnia, dum suam quisque mordicus opinionem tuctur, ecclesiæ contempta prorsus autoritate. Et quoniam Imperij decretum postremum aliquanto secius quàm oportet, priori uestro scripto recitatis, ideo quemadmodum sit accipiendum, explicauit: non quòd aliò uos migrare uelim: deinde quò sollicitudinem uobis eximerem, illam edicti partem de Cœna Domini suppressi, omnem operam in posterum promittens, ut conciliatio fieret. Quibus de causis ab ecclesiæ legibus atque ceremonijs deficere non possem, ostendi. Nam & ecclesiam Christus audiendam esse dicit, & res ipsa docet ætatem superiorem, quæ nihil innouans, in religione maiorum permanebat, multò fuisse tranquilliorum ac beatiorem in rebus omnibus, quàm sit ista nunc, quum sectis atque dissidijs omnia turbantur, & plerique quouis doctrinæ uento rapiantur huc illuc & agitantur. quò magis etiam fore putabam, ut non ad eum modum responderetis. Iam uerò, quanquam huic responso uestro copiose posset occurrì, tamen, quia de subsidijs & contributione tractandum est, & primo quidem tempore decernendum, nisi calamitatem extremam perferre uobis constitutum sit, equidem non agam prolixius, & facturos in eo uos confido, quod & res ipsa postulat, & officij quoq; ratio requirit. Illi de nouò idem urgent, neq; se posse desistere dicunt: & si nihil impetrent, fore aiunt, ut illa de ferendis auxilijs deliberatio planè tardetur & impediatur: quòd nullum ipsi mandatum habeant ut aliquid in eo promittant, nisi de religione ipsis & ecclesiæ ministris ac ludimagistris idoneè prius caueatur, ac libera fiat docendi potestas. Februario mense dux Brunswicensis Henricus uxorem ducit Sigismundi regis Poloniæ sororem. His diebus moritur Treuirensis episcopus, Ioannes Isemburgius, & successorem habet Ioannem Leium. Ad xxvi. quoque diem eius mensis mortem obit Alzemi Fridericus Palatinus Elector, etate grauis: ei successit fratris filius Otto Henricus, qui iam olim Euangelij doctrinam susceperat, periclitatus etiam hoc nomine de suis omnibus fortunis. In fidem adacto per insurandum populo, mox edicit, ne quis omnium per suam diuionem missificet, aut

alias

Henri-  
cus dux  
Brunswi-  
censis u-  
xorem  
ducit.  
Episco-  
pus Tre-  
uirensis  
mori-  
tur.  
Frideri-  
cus Pala-  
tinus ele-  
ctor mo-  
ritur.



alias exerceat ceremonias. De turbis per Prusiam excitatis ab Osiandro, qui novam de iustificacione doctrinam inuexerat, libro xvij. dictum est: quum autem illud dogma plerique omnes docti reprehenderent, Prusie dux Albertus publico scripto profitetur uelle se confessionis Augustane doctrinam sequi: mandat igitur ecclesie ministris, ut secundum illam doceant, et impunitatem promittit, si parent. Ut autem planè res componeretur, neque facillè recrudesceret vulnus, Ioannes Albertus dux Megeburgius, Prusie ducis gener, eleganter doctus princeps profectus illuc, et adhibuit uiris literatis, Ioannem Funccium, qui primus erat inter Osiandricos, eò rediit, ut et errorem suum agnosceret, et id profiteri palàm, inque posterum iuxta confessionem Augustanam uelle se docere confirmaret. Quum idem alij facerent, reditum est in gratiam cum ceteris theologis, et pacatus fuit ecclesie status. Quarta die Martij cometa fulgere coepit, et conspectus est per dies duodecim. Hoc mense, principum ac ciuitatum legati Ratisbone conueniunt, causamque tractant Alberti Marchionis Brandenburgici. Nam aduersarij per comitia superioris anni rursus implorauerant auxilia principum aduersus illum, sed sollicitantibus propinquis decretum fuit, ut et Alberto publica fide caueretur, et per intercessionem de causa cognosceretur. Quum igitur ille huius anni mense Februario rediisset ex Gallijs in Germaniam, ceptum est agi, dilatis Imperij negocijs in Aprilem usque mensem. Cantuariensis archiepiscopus, iam pridem condemnatus et post Ridlei mortem atque Latimeri reductus in carcerem, ut supra dictum est, huius mensis die xxi. comburitur Oxoniæ. Dies aliquot antè, quum uitæ spes quædam ei facta fuisset, urgentibus nonnullis reuocauerat pleraque doctrinæ capita, neque constantiam præstitit: quum autem sibi morientum esse uideret, orationem habet ad populum, et de morum emendatione uitæque multa locutus, ut attentum haberet auditorium, tandem, quantopere deum offenderet abnegatione ueritatis, demonstrat, et præcipua doctrinæ capita recensens, quid sentiret, breuiter explicat, et patum antichristi regnum esse confirmat. Vix illa dixerat, quum acer bisimis exagitatus contumelijs ad supplicij locum illinc rapitur: quò cum uenisset, protensa dextra, nefariè inquit ista peccauit, quando tam impijs dogmatis, quæ ueritatis aduersarij mihi proposuerant,

Prusie  
dux con  
fessionē  
Augusta  
nam pub  
lico scri  
pro pro  
ficetur.  
Ioannes  
Funcciu  
us.

Cometa  
conspic  
tus.

Cantua  
riensis  
archiepi  
scopus  
propter  
religionē  
combur  
tur.

1556 subscripsit: quamobrem poenas omnium prima dabit. Sic alligatus ad palum, ubi primum ignis inflammari cœpit, dextram longissimè protensam in illum coniecit, ut cruciatum prima sentiret. Itaq; fuit crematus Angliæ primas, maximæ uir eruditionis & authoritatis. A quo tempore character papisticus ei fuerat adeptus, degradationem ipsi uocant, quod multis ceremonijs fieri solet, uilissima ueste fuit indutus, in eaq; productus in publicum, ut esset ludibrio: sed plerique tam indignam illius uicem miserati, non tenebant lachrymas, tamen si nihil dubitarent, eum ex hac ærumnosa uita cœlestem in patriam & æuum sempiternum emigrare. Tulit eius exuuias Cardinalis Polus, factus archiepiscopus, cum antea missificasset. Sicut Austriaci, sic etiam Bauari de religione suum principem Albertum sollicitabant, eodem ferè tempore. Princeps, quum à Ferdinando rege socero permisum illis aliquid esse uideret, ipse quoq; suis, cum pecuniam exigeret, ad tempus, concedit, ut cœnam domini totam percipiant, & diebus uetitis urgente necessitate carnes edant: multis tamen uerbis profitetur à religione maiorū nolle se discedere, nec in ceremonijs alijsq; rebus mutare quicquam, nec enim id sibi licere, nisi de supremi sui magistratus, tam civilis quàm ecclesiastici uoluntate: quod autem ista duo cōcedat, eātenus fieri, donec autoritate publica statuatur aliquid, et conciliatio fiat: nam superioris temporis edicta sua de religione, uelle, ut inuiolata sint & exactè seruentur, his duabus tantum rebus exceptis: curaturum etiam, quantum ipse possit ut Metropolitanus & episcopi concessionem hanc approbent, nec hoc nomine molestiam ulli faciant. Scriptum hoc editum fuit pridie calendarum Aprilis. Metropolitanus de quo loquitur est Salisburgensis archiepiscopus. Per hoc tempus Transsylvaniæ quidam procures à Ferdinando rege deficiunt: Ferdinandus etiam Imperij conuentum prorogat in tempus incertum, & copias conscribi iubet, quæ postea secundo Danubio delatæ fuerunt in Vngariam. Est oppidum Alsatiæ, tribus ab Argentina miliaribus, Oberena: oppidi cuius quidam, uinitor, propter angustiam rei familiaris, quum abesset uxor Aprilis die decima, tres liberos suos interficit, puellam annorum septem, puerum quadrimum, & infantem in cunis, non plenè semestrem. Rumor tum erat, et increbuit fama de pontificis ac ipsius clientelæ, clandestinis cōsilijs aduersum confessionis

Bauari  
suū prin-  
cipem so-  
licitant  
de reli-  
gione.

Pater in-  
terfici-  
ens tres  
liberos.



stonis Augustanæ socios. Hanc opinionem augebat, quod dubium non  
 erat, papam indignissimè ferre. superioris anni decretum, Augustæ fa-  
 ctum, quo religioni pax data fuit atq; libertas: credebatur etiam soli-  
 citare Cæsarem ut illud irritum faceret: uidebat enim à regno suo no-  
 uas fieri quotidie defectiones, & quid Austriaci, quid Bauari moliren-  
 tur intelligebat: adhæc Moguntinus, Treuirensis & Colonien-  
 sis Archiepiscopi per occasionem Thermarum tunc conueniebant: nec id  
 nulla de causa fieri putabatur. Ferdinandus rex peractis in Austria con-  
 uentibus, in Bohemiam proficiscitur, & finitimis prouincijs Pragæ  
 euocatis, aduersus impendens periculum, pecuniam poscit & impe-  
 trat: datis deinde literis ad eos, qui mensibus nunc aliquot erant Ra-  
 tisbonæ, moram excusat, & quòd ipsi reuertendum esset Viennam,  
 ad Cal. Iunias Imperij conuentum edicit. Post abitionem Ferdinandi,  
 Lantgrauius in Misniam uenit, & aliquandiu cum Augusto Saxonie  
 duce fuit. Ad Maij diem decimum, dux Arescotus, de quo suprà dictū  
 est, in arce Vincennia, non procul à Lutetia captiuus, euasit, & inco-  
 lunis ad suos peruenit. Cardinalis Augustanus qui totum annum fue-  
 rat cōmoratus Romæ, quum nuper illinc reuersus, audisset, quàm in-  
 commodè et sinistrè pleriq; de ipso loquerentur ac sentiret, quasi tra-  
 ctaret occulta cum pontifice & Germaniæ perniciofa cōsilia, scripto  
 publico sese purgat, edito lingua populari, sub Maij finem, & quum  
 anno superiori, post mortem Iulij tertij Romam, inquit, essem officij  
 causa profectus, eius qui nunc præest, inter sui pontificis electioni. Sta-  
 tueram equidè ad meos quamprimum in Germaniam redire, sed à pa-  
 pa fui detentus, qui tunc emendationem ecclesiæ tractabat, & delectis  
 nonnullis ad eam rem uiris egregijs omnium nationum, me, licet impa-  
 rem tantæ prouinciæ, qui Germanus essem, huc etiam allegit. Cùm au-  
 tem episcopatus mei ratio me præsentè requireret, impetrata domum  
 à pōtifice uenia, quod fuit pridie Idus Aprileis, iter sum ingressus. Por-  
 rò, quanquam & antea semper, & deinde postquam ad hoc uitæ ge-  
 nus, in quo nunc sum, perueni, ita me comparauī, quod sine iactatio-  
 ne dictum esse uelim, ut turpe nihil obijci mihi uerè possit, licet pacis  
 cōsiliarius & author sæpe fui, nō sine magno meo dispendio, tametsi  
 patriæ salus atq; dignitas curæ mihi semper fuit, tamē, simulac in Ger-  
 maniam fui reuersus, à uiris magnis & fide dignis amicis accepi, per

Papa in-  
 dignè  
 fert reli-  
 gioni pa-  
 cem dari

Ferdinā-  
 dus rex  
 in Bohe-  
 miā pro-  
 ficiscitur

Aresco-  
 tus dux  
 euadir  
 ex capti-  
 uitate.  
 Cardina-  
 lis Augu-  
 stanus  
 purgar  
 se publi-  
 co scrip-  
 to.

556 meam absentiam diuulgata quædam fuisse scripta, quæ ad infamiam  
 meam pertinerent, quasi non Romæ solum apud papam, sed passim  
 per Italiam occultis consilijs hoc egissem, ut Germania, maximè uerò  
 confessionis Augustanæ socij, grauissimo bello rursus implicarentur,  
 huius autem conatus & occultæ tractationis hanc obduci causam fe-  
 rebant in scriptis illis, quòd anni præteriti decretum Augusta de religio-  
 ne factum, papa uehementer improbare, quòd Cæsari persuasisset, ut  
 illud aboleret, quòd eum ob interpositam fidem, absoluisset, quòd in  
 subiuganda Germania suam opem illi & auxilia quæcunq; promissi-  
 set, modò Cæsar inuicem ei non deesset in recuperanda per Germani-  
 am iurisdictione sacra, quòd inducias inter Cæsarem Galliaq; regem  
 idè fecisset, ut utriusq; copiae in hunc usum accommodari possent. Ad-  
 debant hoc etiam in libello perscribi, non externum sed Germanum mo-  
 dò militem esse cogendum, ut res occultior esset: adhuc futurum ut An-  
 gliae rex, equitum ad octo millia conducatur, totiq; bello præsit, utq; di-  
 uersis locis habeantur delectus: breuiter adeò providè rem omnem es-  
 se institutam, ut eodem tempore simul omnes copiae progressuræ sint,  
 & de improviso factura impressionem tunc, quum agendis Ratisbo-  
 ne conuentibus pleriq; domo aberunt: deinde, tam pontificem, quam  
 Angliæ regem, missis in Germaniam legatis ad quosdam principes, am-  
 ple illis polliceri, & papam quidem facere maximam manum tum e-  
 quitum tum peditum, ut subsidio mittat: præterea, Palatinum electo-  
 rem, Ottonem Henricum, ducem Vuirtembergensem Christophorū,  
 Marchionem Brandeburgicū Albertū à me traduci, tanquam Luthe-  
 ranos & seditiosos, & dignos qui sinibus eiciantur. Lantgrauū au-  
 tem à me ualde commendatum esse in senatu cardinalium, quòd à sua  
 religione defecisset, & quòd ex ipsius ecclesiæ ministris quidam Ti-  
 telmannus doctrinam suam Romæ quum uerbo tum scripto reuocasset.  
 Iam, quoniam ista calumnia non ad pontificis tantum atq; Cæsa-  
 ris iniuriam pertinet, sed meam quoq; famam lædit & existimatione:  
 & quia uiri boni est, tum suū ipsius, tum sui magistratus honorem &  
 innocentiam tueri, necesse est ut ad ea respondeam. Et principio qui-  
 dem, auditu mihi sanè perquam graue fuit atq; molestum, existere ad-  
 huc atq; reperiri nonnullos qui contra priscam illam Germaniæ uir-  
 tutem, constantiam atq; fidem, ad eiusmodi calumnias animū adiiciunt,

Suspicio  
 nes finis  
 sine de  
 Cardina  
 li Augu-  
 stano  
 sparsa.

Purga-  
 tio cardi-  
 nalis Au-  
 gustani  
 contra  
 suspicio-  
 nes quo-  
 rundam.



Et eò spectant, ut terribilibus libellis atq; sermonibus Imperij princi-  
 pes aduersus magistratum summũ excitent, et ipsos inter se princi-  
 pes nefario bello cõmittant, quàm atrox et turbulenta et plena peri-  
 culi fuerit annis ab hinc duo de triginta excogitata calumnia, multos  
 opinor meminisse: quando rex Ferdinandus, Moguntinus, Salisbur-  
 gensis, Vuirzburgensis episcopi Brandeburgicus elector, Gulielmus et  
 Ludouicus, Bauari, fratres, et Saxonie dux Georgius in electorẽ Sa-  
 xoniz Ioannem, et Lantgrauũ coniurasse dicebantur, quum eò dedu-  
 ctus fuit, ut ad funestissimum bellũ ciuile omnia spectaret. Certè me-  
 moria eius tẽporis proponere sibi principes et retinere debet. Nam et  
 detectum fuit scelus artificis, quũ singuli principes, editis libellis, pro-  
 se quisq; factũ negaret, et calumniator deinde, sicut meritis erat, ca-  
 pite pœnam luit. Quod ipsum nunc etiam spero futurũ, ut ultore Deo  
 nimirum inuenti tam perniciosi detegantur authores: ego quidẽ Deũ  
 precor, ut mentem illis det meliorem, et ipsorum cõsilia frangat, ne ad  
 patrie perniciẽ redundant. Quũ enim consimilis hæc sit calumnia si-  
 cut illa superior, facillè intelligi potest, authores eodẽ animo prorsus il-  
 lam finxisse, qua finxerat ille, uel ad eius imitationẽ hoc tentasse, quo  
 uidelicet id quod ille tũc perficere nõ potuit, ipsi nũc perficiant. Quia  
 uerò scopus calumniatoris hic est, ut persuadeat papam et Cæsare uel  
 le decretũ illud de pace religionis factũ, ui armorũ rescindere, et An-  
 gliz regẽ ac episcopos Germaniz collaturos huc etiã auxilia: fictũ et  
 nefariẽ excogitatũ hoc esse profiteor, eò uidelicet, ut exacerbatis ani-  
 mis et auctis offensionibus bellũ intestinum nascatur, et omnia ciuili  
 sanguine redundant. Et quanquam nõ dubito futurum ut Cæsar alijq;  
 principes, quorũ ad iniuriã libellus hic famosus et seditiosus pertinet,  
 suam ipsi causam defendant, tamẽ officij causa prætermittere nõ pos-  
 sum, quin supremũ magistratũ etiã ipse purgẽ. Certè toto illo tempo-  
 re quo Romæ sum cõmoratus, me præsentem uel cõscio, ne uerbũ quidẽ  
 unũ factũ est de religionis illa pace. Falsò igitur põtifici tribuitur, qua-  
 si summã consiliorũ referat ad uim et arma, quasi Cæsare aliosq; reges  
 eò permouere sit conatus: falsò inquam ei tribuitur, neq; doceri pote-  
 rit: quod cãm ita sit, illud quoq; falsum est, quod de Cæsare perscribi-  
 tur, quũ enim inter eos actio nulla fuerit huius rei causa, qui potuerũt  
 decernere bellũ, aut inter se pacisci de recuperãda iurisdictione sacra,

Calu-  
 mniã cõ-  
 tra quos-  
 dã prin-  
 cipes excogitatã

Pontifici  
 cũ Cæsa-  
 re nulla  
 consilia  
 fuisse cõ-  
 tra reli-  
 gionem  
 aut liber-  
 ratẽ Ger-  
 maniz.

deq;

15 5 6 deq; subiuganda Germania: factas à Cæsare Gallieq; rege calumnia=  
 Inducias tor ait inducias, ut miles ab utroq; dimissus ad hoc bellum traducere=  
 inter Cæ tur: quæ sit induciarum causa, docet illarū exemplū: deinde milites illi  
 farem & Gallie non sunt ab ullo principe retenti, nisi quantum rex Ferdinandus col=  
 regē non ligi iussit, et in Vngariam aduersus Turcā misit, illis etiam exceptis,  
 in fraude Germanos quos Augustani, Noribergenses, Bambergicus, Vuirciburgensis episco=  
 Cardina pi, ne subito forsā opprimerentur, cōduxerunt, corrui igitur et isto=  
 lis Augu rum figmenti pars de papa, de Cæsare, deq; reliquis episcopis. Nunc  
 stanus ad me quod attinet, equidem hucusq; religionē sum secutus priscam,  
 catholi ueram & catholicam, & ut hominem Germanū decet, maiorum insti=  
 ex reli sto uestigijs, & in qua sum educatus, in ea permaneo ecclesiæ commu=  
 ditus. nione, sicut etiam comitio superiori per epistolam ac demum per con=  
 filiariorum quoq; meos explicauī. hac in sententia perseuerare beneficio  
 Dei cogito: nec animus est quicquam facere, quod cū honestate uel of=  
 ficii mei ratione pugnet: & tamē pacē nihilominus colere cum omni=  
 bus cupio: quod uerō dicitur, cum papa, cum Cæsare, cū Angliæ rege,  
 cum optimatibus Imperij, cumq; priuatis quibusdā occulta mihi fuis=  
 se fabricandi belli cōsilia: deinde illud de Palatino, Vuirtembergico,  
 Brandeburgico, falsissimū esse, nec ab ullo probari posse, imō qui talia  
 de me spargunt, seu uerbo id fiat, siue scripto, calumniatores, & com=  
 munis patriæ aduersarios esse dico. De Palatino autē sic res se habet.  
 Mei loci dignitas atq; ratio postulat, ut episcopatus mei iura conser=  
 uem, & ut fidei meæ cōmissum populū in ueteri & catholica religio=  
 ne contineam: certior autē factus Ottonē Henricū principem electo=  
 rem hoc agere, ut oppida quædam episcopatus mei, suæ religionis effi=  
 ceret, in ijsq; concionatores collocantur, equidē hoc molestē tuli, &  
 causam habui, cur legibus atq; iure me defenderem. itaq; mei consilia=  
 rij, me quidē absente, sed iubente tamen, ad Imperij cameram litem in=  
 troduxerunt, ubi nunc etiam illa pendet. alioquin nullo uerbo famam  
 aut honorem eius unquam læsi, tantum abest, ut sim in eius prouinciā  
 aliquid molitus: imo si quid efficere possem, quod ad ipsius, atq; etiam  
 eius regionis & populi cōmoda spectaret, nihil sim prætermisurus,  
 & populū eius dittonis testimoniū huius rei dicere posse puto: sciunt  
 enim quam eis fidē & operam aliquando præstiterim rebus duris &  
 afflictis. huc accedit, quod Palatinam familiam semper amauī, para=  
 tus



tus illis gratificari quoquo modo possum: eaq; uoluntas ne tantillum  
 quidē est immutata. Eodem planē modo sum affectus in Christophoro  
 rum ducem Vuirtembergensem, uirum bonū, prudentē, peritum, pa-  
 cis amantem: & inde à primo tempore, quo cœpit inter nos esse no-  
 titia, ualde semper in eum sui propensus, idq; factis etiam studui com-  
 probare, ut autem uel ipse uel Palatinus suis finibus profligarentur,  
 id non solum in mentem mihi non uenit, uerū etiam si quid eius ge-  
 neris rescissem quod ad ipsorū existimationis uel bonorū detrimentū  
 spectaret, equidem & magnum eram ex ea re dolorem percepturus,  
 & impediturus etiam pro mea uirili parte, ne tale quid accideret. Et  
 adhuc quidem ita me cōparauī semper, ut diuersum ab eo, quod profi-  
 teor, nihil illos deprehendisse putem, sic etiam in posterum me geram  
 ut ampliorem fidem huius rei sim factururus, ea spe uidelicet, quando-  
 quidem offensionis causam nullam dedi, futurū, ut me quoq; simili be-  
 neuolentia prosequantur. Alberti uerō Marchionis fortunam, quam  
 egre tulerim, non ipsum latet, quid enim nō tentauī, quid non sum ex-  
 pertus, ut dissidium illud tolleretur, & ocium restitueretur Imperio?  
 sanē, tantus fuit meus in ea re labor, tantumq; studiū, ut licet rempub-  
 licam in eo spectarem, tamen in suspicionem apud nonnullos uenerim  
 quasi cōmoditates illius nimium fouerem, et alijs uellem incōmodare.  
 Quam autem candidē rem egerim, id perscriptæ ad cū literæ meæ do-  
 cere possunt. Cū igitur ita sim in illos animatus, nec ullum in me re-  
 quirī possit officium, spero, quæ est ipsis insita uirtus, & uera nobili-  
 tas, fore ut meo non tam sermoni quàm factō, quod manifestē lucet, ac  
 sese demonstrat, plus habeant fidei, quàm seditiosis illis, qui ueluti fla-  
 bella quædā incendiū excitare student. Quanta etiam charitate sim  
 absens, & beneuolentia cōplexus omnes Germanos propter dulcissi-  
 mæ patriæ recordationem, id multorū principū legati, sed & ex nobi-  
 litate cōplures docere possunt, qui tunc Romæ erant, quū ego essem,  
 Mogūtini, Treuirenses, Colonienſes, Saxones, Brandenburgici, Magde-  
 burgici, Bauari, Brunſuicenses, Passauienses, Osnabrugenses, Minden-  
 ses, Basilienses. Nam hi simul omnes ad me, uelut ad portum aliquem  
 confugiebant, adiuti fideliter à me suis in negocijs, & nonnulli quidē  
 etiam opera & cōmendatione mea cōsecuti præfecturas & conditio-  
 nes nō illiberales, iam illud de Lantgrauio, quàm est ineptū figmentū  
 deq;

1 5 5 6  
 Cardina-  
 lis Augu-  
 stani stu-  
 dium ex-  
 ga ducē  
 Vuirtem-  
 bergicū.

Cardina-  
 lis Augu-  
 stani stu-  
 dium ex-  
 ga Gero-  
 manos.

1556 deq; Titelmanno quodam, nam nec ullus unquam sermo mihi cum Lantgrauio fuit, eiusq; filijs hac de re, neq; meminisse possum ullum à me factum esse uerbum uel Romæ uel per Italiam: multò minus etiam mihi constat, quid eius ditionis ministri doceant, aut reuocet, hoc quidem affirmare possum, me conscio, reuocationem eiusmodi nullam esse Romæ factam. Itaque non dubito quin & hoc ipsum Lantgrauius, cum res ita postulabit, & alterum illud de commendatione nostra, facile sit refutaturus. Quum igitur artifices tam nefarii libelli, turpiter omnia confinxerint, ut ignis ille, quem annis abhinc multis conflagrant, totis uiribus tandem exæstuat atq; prorumpat, opus est, ut principes ac magistratus diligenter sibi caueant ab illis, & quum aliquando detegentur, tale statuunt exemplum, quod alios omnes deterreat. Postremo, si qui fortè minus commodam opinionem ex ijs calumnijs de me cõceperunt, hos oro uehementer ut eam deponant, & certò statuunt, quum & origine sim Germanus, & illustri natus familia, nihil me cõmissurum esse maiorum uirtute indignū, atq; splendore. Quum hanc epistolam quinto calendas Iunias euulgasset, ut supra dictum est, priuatim etiam ad nonnullos principes in eandem sententiam scripsit, & post in Italiã recurrit, quo tempore Sigismundi Poloniæ regis mater, Bona, domum rediret, Neapolim proficiscens. Interea motus erant per Angliam, & nobiles multi propter suspicionem coniurationis, ut ferebatur, in carcerem conijciuntur, nonnulli decolantur, alij quidam in Galliam euadunt, & in his Northumbrij ducis frater, Andreas Dudleus. Capiuntur etiam ex Elisabethæ familiaribus duo. Ad idus Maias Petrus Cartus, qui propter seditionem profugerat ante menses aliquot, regi Philippo reconciliatus, & Ioannes Checus, qui regis Eduardi fuerat præceptor, in Belgium ex Germania reuersus, ut uxorem educeret, quum Bruxella redirent Antuerpiam, Philippi regis mandatu capti protrahuntur Londinum. Sub exitum Iunij, non procul à Londinò tredecim ad unum alligati palum simul cremantur ob religionem. Interea Carolus Marchio Badensis Augustanæ confessionis doctrinam recipit, & à uicinis mutuatur doctores, qui reforment & instituant ecclesias. Iam antea Spira quoque Senatus unum & alterum euangelij ministrum assumpserat. Ferdinandi regis filius natus maximus Maximilianus unà cum uxore filia

Cæsa

Motus  
in Angli-  
a pro-  
pter sus-  
picionē  
coniura-  
tionis ex-  
citatus.  
Ioannes  
Checus  
Anglus  
captus.  
Tredecim  
simul  
com-  
busti ob  
religio-  
nem.  
Carolus  
Marchio  
Badensis  
recipit e-  
uangelij  
doctri-  
nam.



Cæsaris Vienna digressus, Iulij die decimo septimo Bruxellam uenit, quum diu multumque sollicitatus esset ut susciperet iter. Petrus Martyr, Florentinus, de quo suprà diximus, quum disidium illud de cœna domini rursus accenderetur, & ipse nominatim perstringeretur libellis, Argentina migravit Tigurum, ut argumentum illud, docendo, scribendo liberè tractaret. Mortuus tum erat Tiguri Conradus Pellicanus: idcò que senatus ab ecclesiæ ministris rogatus, ad senatum Argentinensem datis literis, illum sibi mitti uehementer orat. Sic ille tertio Idus Iulias abit, non sine multorum suspirijs atque dolore, qui doctrinam eius incomparabilem, iudicium exquisitissimum, humanitatem atq; modestiam summam, cæterasq; uirtutes amabât. Eodem tempore Basilea iter faciens, ad Cæsarem ibat in Belgium à papa missus Cardinalis archiepiscopus Pisanus, natione Siculus, quum paulò antè cardinalis Carassia, papæ propinquus, ad Gallie regem uenisset. Rumor fuerat, & perscriptum etiam antè grauissimas esse papæ cum Cæsare inimicitias, & rem ad bellum omninò spectare. Nam inter alia pontifex familiæ Columnensi suas facultates per Latium ademerat: quæ quidem res ad Cæsaris iniuriam pertinere uidebatur: dein de Philippo Cæsaris filio Siciliæ, Neapolisque possessionem nolle conferre dicebatur, propositis admodum duris conditionibus. Nam regna illa tributum episcopo Romano persoluunt, ab eiusq; beneficio pendunt. Sub Idus Iulias, Albertus Bauarus, nomine Ferdinandi regis inchoat Ratisbonæ comitia, & illum agendis conuentibus per Austriam atq; Bohemiam occupatum fuisse docet, quò minus ad constitutum tempus huc ipse uenerit: deinde quibus in difficultatibus uersetur, & quamobrem ne nunc quidem possit adesse comitijs ostendit. Nam authore Petro Petrouicio cliente regis, qui de subsidio Transsylvaniam totam, cum nulla premeret necessitas, nec iusta causa subesset, ad Ioannis Vayuodæ filium à rege defecisse: post Franciscum Beuecum, eiusque filium Georgium, per Vngariam facta rebellionem quasdam arces & oppida cepisse Vualachorum auxilijs. Deinde Budam nuper missum à Turcâ præfectum. Alium etiam tunc quum de inducijs ageretur, Zegestum oppidum & arcem iam undecima die Iunij duriter obsidere & oppugnare cepisset tormentis: adhuc multorum literis atque nuncijs deferri, Bos-

Petrus  
Martyr  
profici-  
scitur Ti-  
gurum.

Cardina-  
lis Pisanus ad  
Cæsarem  
profici-  
scitur.

Comitia  
Ratisbo-  
næ incho-  
antur.

Transsyl-  
uania à  
rege Fer-  
dinando  
defecit.

Zegestum  
à Turcâ  
oppugn-  
atur.

556 *nia præfectum cogere maximas copias, ut Sclauoniam inuadat: Græ-*  
*ciæ quoq; præsidē apud Sophiam urbem facere nō mediocrem manū;*  
*et cogitare progredi: sed et ipsum Turcarum Imperatorē autumnū*  
*proximo uenturum in Vngariam, et hyematurū ibi, uel si nunc dis-*  
*ferat primo uere uenturum cō cum ingenti exercitu, ut Viennam ob-*  
*sidione capiat: his ergo de causis, ne hoc quidem tempore uacare nec*  
*integrum esse regi deferere suas prouincias, uerū in comparanda de-*  
*fensione detineri totum et occupari: et quia longius differri comitia*  
*non sit ex usu reipublicæ, datum ab illo sibi negotium esse, ut faceret*  
*initium et ageret, donec adesse possit ipse: cæterum ante annum ter-*  
*tium à rege splendidam fuisse de pace uel inducijs missam legationem*  
*ad Turcam, et illum quidem adhuc detineri Constantinopoli: ac li-*  
*cet pactæ fuerant inter ipsos induciæ, quoad legati domum redissent,*  
*Turcas tamen interim, uiolata fide, multas arces et oppida occu-*  
*passe in finibus: cūque nunc etiam Zegestum ab illis oppugnetur,*  
*non apparere, quæ sit ab ijs expectanda pax, firma quidem et tole-*  
*rabilis: quod cū ita sit, et quia non Vngariæ tantum reliquijs, et*  
*Austriæ, uerū uniuersæ quoque Germaniæ summum discrimen im-*  
*pendet, inprimis opus esse ut statim de ferendis auxilijs deliberetur,*  
*et contribuenda pecunia, quæ certis locis assernetur, et in hoc bel-*  
*lum à publicis questoribus, cū opus est, depromatur: alios quoque*  
*reges atq; principes de subsidijs, à rege sollicitari, nec ipsum ulli sum-*  
*ptui uel periculo parsurum esse, uel suo uel filiorum etiam, sed quum*  
*tot annorum bellis uehementer exhaustæ sint ipsius prouinciæ, non*  
*posse tantum hostem sustinere, sed opus esse ut in commune conferant,*  
*et quamprimum quidem: porro quia superiori comitio decretum*  
*sit etiam, ut in isto conuentu religionis inirentur componendæ ratio-*  
*nes, regem hortari magnopere ut diligenter inuestigent, an conci-*  
*liatio fieri possit et qua uia: de moneta quoque ipsis agendum esse:*  
*dēque firmanda per Imperium pace: Turcici uerò belli deliberatio-*  
*nem minime postponi sed inprimis debere ipsis esse cordi, quò præ-*  
*sens et imminens omnibus calamitas depelli possit. Ad decimum*  
*quintum diem Septembris Caesar idoneam nactus tempestatem, ador-*  
*nata classe, nauigationem in Hispaniam suscipit, et utraq; sororem,*  
*reginam Mariam, et Leonoram profectionis comites sibi adiunxit.*

Legati  
 ad Tur-  
 cam de  
 pace à  
 Ferdi-  
 nando  
 missi.

Cæsar in  
 Hispan-  
 iam cū  
 utraque  
 sorore  
 profici-  
 scitur.



Sed antequam discederet, filio suo regi Philippo totius Belgij administrationem tradidit. Fratri uero regi Ferdinando Germaniæ Rempublicam commisit, literis ad Imperij electores datis, quibus petit, ut eundem pro Romanorum imperatore agnoscere, eiq; parere uelint.

Octobris die ultimo Ioannes Sleidanus I. V. L. uir & propter eximias animi dotes, & singularem doctrinam, omni laude dignus, Aregentorati è uita decessit, atq; ibidem honorifice sepelitur.

Ioan.  
Sleida-  
nus mo-  
ritur.

# INDEX RERVM MEMORABILIVM, QVAE IN HOC opere continentur.

Punctus post numerum positus, alteram paginae faciem denotat.

## A

<b>A</b> Academia Dillingæ instituta	496.	Albertus, creatur Cardinalis	3
Adolphus Clarcbachus ex	103	Alberti Moguntini sententia denotat	12
archiepiscopo Colonienfi Hermann	333.	Albertus Moguntinus moritur	281.
Adolphus archiepiscopus Coloniae	401.	Albertus Brunswicensis uulneratus	312
Adrianus cardinalis Derthufenfis	24.	Albertus Comes Mansfeldius rusticos profligat	70
Adrianus VI, succedit Leoni pontifici	41	Albertus Mansfeldius reconciliatur	464
Adriani literæ ad Argentinenfes	46	Albertus Prussiae dux proscriptus	134.
Adriani epistola ad Fridericum	44.	Albertus Brandenburgicus auxilio	333.
Adriani literæ ad principes Germaniae	44.	Albertus Brandenburgicus capitur	336
Adriani natales & progressus	46	Alberti Marchionis Brandenburgici scriptum publicum	444
Adriani literæ ad collegium Cardinalium	46.	Albertus uastat agrum Vlmensem	448
Adrianus legatio ad Principes de concilio hercendo Luthero	47.	Alberti scriptum ad Noribergenses	452
Adrianus pontifex moritur	54	Albertus uastat agrum Noribergen	453
Africa urbs capitur à Cæsarianis	402.	Albertus cogit Bambergensem	453
Alba dux in Insufram missus	495	Albertus	TT
Albertus Austriacus, Cæsar.	456.		
Albertus Brandenburgicus Moguntinus			

# I N D E X

Vuirciburgicum	453	ranos	214
Albertus Noribergam obsidet	453	Alexāder Farnesius cardinalis claud	
Albertus scribit Vinensibus	453	discedit Vuormacia	277
Alb. scripta in Noribergicos	482	Alexāder Medices dux Florentie	
Albertus uastat agrum Moguntinū	457	Alexander Medices ducit filiam Cæ	168
Albertus scribit Argentinesibus	460	faris notham	
Albertus capit Vuormaciam & Spi-	460	Alexander Medices interficitur	
ram	460	Alexander, V. papa	37
Albertus recusat pacē, obsidet Fran-	460	Alfonfus Daualus moritur	286
cosurtum	461	Alfonfus, Holfatiæ dux	463
Albertus diripit & incendit templa	461	Alfonfus Viues interficitur	379
	462	Aloisia, Francisci Gallie regis mater	
Albertus Moguntiam perit	462	Aloisia, Francisci Gallie regis	85
Albertus Treuerim occupat	462	Aloisia moritur	130
Albertus transit in Lotharingiam	462	Ambrosius Blaurerus	95
	463	Ambrosius Blaurerus migrat Con-	
Albertus reconciliatur Cæsari	464	stantia	380
Albertus profligat & capit Auma-	464	Ambrosij Catarini liber de Ponri-	
lium Castum	464	ficis Rom. dignitate	32
Albertus Bambergam & Schuinfur-	466	Ambrosij Pelargi concio	436
tum occupat	466	Anabaptistarum secta	93
Albertus it in Saxoniam cū copijs	468	Anabaptistarum doctrina	157
	468	Anabaptistæ pulsi Monasterio	159
Albertus inuadit in Brunswicensem	468	Anabaptistarū liber de Restitutio-	
	468	ne	161
Albertus mittit Ericum Brunswicen-	470	Anabaptistarum coena	162
sem ad Cæsarem	470	Anabaptistarum apostoli Monaste-	
Albertus scribit ad ordines Mauri-	472	rio emissi	162
ricianos	472	Anabaptistarum liber de Scripturæ	
Albertus proscribitur à Cameræ iu-	478	mysterijs.	163
dicibus	478	Andreas Auria deficit à Gallo ad	
Albertus incusat Cameram & reij-	478	Cæsarem	102
cit	478	Andreas Aurie colloquium cum re-	
Albertus oppida quedā amittit	478	ge	196
Albertus Hesium recuperat	477	Andreas Caroloostadius	19
Albertus Vinariam uenit cum co-	477	Andreas Caroloostadius statuas eijs	42
pijs	477	Andreas Caroloostadius dissentit à	
Albertus profligatur à Brunswicensi	476	Luthero	82
	476	Andreas Gritius, dux Venetorum	
Albertus & Augustus pacem faci-	476	Andreas Gritius	144
unt	476	Andreas Osiander Noriberga in-	
Albertus denuò proscribitur à Cæ-	481	sare	372
sare	481	Prussiam migrat	
Albertus uenit Schuinfurtū & omni	484	And. Osiandri dogma de Iustificac-	
ditione pellitur	484	tione	412
Albertus Magnus præceptor Tho-	3	Andreas Osiander moritur	464
mæ Aquinatis	3	Andreas Vesalius, medicus	385
Alexander Farnesius, Pontificis le-	214	Angianus Vendomensis	262
gatus ad Cæsarem	214	Angianus Vendomensis ducit Ioan-	
Alexandri Farnesij oratio in Luthe-		nam Nauarrie regis filiam	77



# I N D E X.

Angli Scotos prælio deuincunt	351	Argentinenſium legatorum actio cæſari	68
Angli Scotos hortantur ad pacem		Campegio	68
366		Argentinenſium, ad præſectorum Imperij	66
Anglicus morbus Germaniam inua-		perij literas, reſponſio	66
dit	103	Argentinenſis ſenatus decretum de	
Anglicarum eccleſiarum reforma-		ſepulturis	93
110	353.	Argentiniæ abrogata Miſſa.	99
Anglia recipit pōſtulatū Romæ	487	Argentinenſium legatus repudiatur	100.
Angliæ amiralius decollatur	386	in conſeſſu Imperij	100.
Angliam multi relinquunt	480.	Argentinenſes reconciliantur Cæſari	337
Anna Bolenia, Angliæ regina, decol-		Argentinenſium legati ad Cæſarem	
latur	170	463.	
Anna, Ferdinandi uxor, moritur		Argentinenſium literæ ad Cæſarem	
334		301 379 381 386	
Annas Momorancius creatur Gal-		Argentinenſes reſpondent Cæſari	
liæ Conneſtabilius	195	ſuper Interim	374.
Annas Momorancius magiſtratu ſe		Argentinenſes deliberant de recipi-	
abdicat	225.	endo Interim	380
Annas Momorancius reſtitutus		Argentinenſes ſolicitantur ab epi-	
338		ſcopo ut Miſſam reſtituant	386
Annæ Momorancij filia capitur		Argentinenſes tranſigunt cum epi-	
467.		ſcopo	391.
Annarum origo	51.	Argentinenſes urgentur ut Interim	
Annibal Grifonius, inquiſitor heretice		ſuſcipiant	374.
prauitatis	283.	Argentinenſes ad deſenſionem ſe pa-	
Anrididagma Colonienſium	252.	rant	449.
Anrinomorum ſecta	199.	Argentinenſes legati apud Galliæ re-	
Anronius Cocus	481	gem	449
Antonius, epiſcopus Atrebatenſis, Arnoldus Tongrus, theologus Co-		lonienſis	24
Granuſſani filius	402	Ascanius Colonna	216.
Antonius Læua	66 168	Aſtengum capitur à Cæſarianis	450
Antonij Læuæ mors	172	Aſtengum recipitur à Gallis	454
Antonij Lotharingie ducis, edictum		Auguſtani doctrinam Euangelij re-	
62.		cipiunt	157
Antonius Lotharingie dux, ruſticos		Auguſtani ſcriptum edunt in Eccle-	
proſtigat	67. 68	ſiaſticos	174.
Antonij Lotharingie ducis, mors		Auguſt. reconciliantur Cæſari	334.
265		Auguſtani mulieris periculum	403.
Antonius, Medonius cardinalis		Auguſtani doctores exulare iubentur	417
216.		Auguſta capitur	440. 447.
Antonius Pratenſis Galliæ cancel-		Auguſtanus cardinalis perit Romæ	
larius	93	448.	
Antonius Rinconius interfectus		Auguſtiniani Vuirtembergie prim-	
230		ritum Miſſarum intermitunt	
Archiepiſcopi electores ueniunt Tri-		40	
dentum	418	Auguſtus, Mauricij frater, ducit An-	
Archiepiſcopatus Galliæ duodecim		nam Daniæ regis ſitiam	382
420		Auguſtus ſuccedit Mauricio fratri	
Archiepiſcoporum officium	499.	472.	
Arſecotus dux euadit ex captiuitate	309		

# INDEX.

Augusto nascitur filius Alexander	480. 497	Bellū civile inter Monasterienses	159.
Augusti electoris Saxo. purgatio	492	Bernæ abolita Missa	94.
quod non ad comitia ueniat	492	Bernates foederi Gallico renunciant	95
Aumalius ducit filiam Herculis Fer-		Bernates bonam Sabaudie partem	
rarizæ ducis	377	occupant	167.
Aumalius capitur ab Alberto Bran-		Bernardinus Ochinus in Angliam	
deburgico	464	proficiscitur	353.
Aumalius liberatur	481.	Bernardinus Ochinus migrat ex	
Auræ portæ pacis factio	397.	Anglia	475.
Austriacorum supplicatio pro do-		Bernardus Cnipperdolingus, ana-	
ctrina Euangelij	232	baptista	159.
Autores Interim donantur à Cæ-		Bernardus Hagius,	252.
sare & Ferdinando	376.	Bernardus Rotmannus Monasterij	
B		Euangelium proficetur	157.
Balthasar Gultlingus orationem ha-		Ber. Rotmannus fit anabaptista	159
ber ad milites in pontificem	303	Blaschburgum deditur	482
Bambergensis mulctatur ab Alber-		Blaschburgum arx funditus diruta	
to	453.	491.	
Bambergicus implorat Cameram		Bohemi sunt in armis	238
in Albertum	465	Bohemi & Pragenses recusant mili-	
Bambergensis recuperat Forche-		tare Ferdinando regi, contra Sa-	
rum	463	xonem,	333.
Barbarossa Castellonoum obsidio-		Boheri bellum indicunt Saxonij e-	
nec capit	204.	lectorij	326
Barbarossa Tolonum uenit in Gal-		Bohemi faciunt foedus, tuenda li-	
liam cum classe	254.	bertatis causa	336
Barbarossa Nicenam arcem frustra		Bohemorum sectæ	43.
obsidet	256.	Bohemi quomodo ad Basilicensem con-	
Basilicæ tumultus	99	cilium uenerint	416
Basilicæ abrogata Missa	99.	Bohemi mulctantur à Ferdinando	
Basilicensis concilij publicæ fidei for-		rege	346
mula	434.	Bolonia Anglis deditur	266
Basilicensis concilij decretum de pon-		Bolonia Gallis restituitur	398.
tifice	8	Bonifacius. VIII. pontifex	396 420
Bauari suum principem sollicitant		Bratfordus in Anglia exustus	495
de religione	508.	Bremenses & Magdeburgici citan-	
Belgradum capitur à Turcis	41	tur	403
Belli rumor in Cæsarem	437	Bremenfibz conditiones pacis pro-	
Bellum Cæsaris cum Gallie rege	40.	positæ	430.
Bellū recrudescit Cæsaris cum Gal-		Brunswicensis ager permittitur se-	
lo	93	questro	264. 279.
Bellum Anglorū in Scotos	246. 263	Brunswicum obsiderur	402. 477
Bellum Florentinum	111.	Bruxellæ monachi duo propter do-	
Bellum Imperij in Turcam	237.	gma exusti	52
Bellum Parmense	415	Bulla aurea	16.
Bellum Senense	467.	Bulla cœnæ Domini.	33.
Bellum Treuirensis	46	C	
Bellum Vngaricam frustra susceptū		Cantuariensis archiepiscopus pro-	
246		pter religionem comburitur	508
Bellum inter Gallos & Anglos	279.	Carolus V. Cæsar indicit conuentū	
Bellum civile inter Helucios	102.	Imperij	30.

Caro-



# INDEX.

Carolus Cæſar filio ſuo adminiſtra- tionem confert	unt 498	248		
Cardinalis Auguſtanus purgat ſe publico ſcripto	509	Cæſaris literæ ad Colonienſes 254. Cæſaris expeditio in Cliuſenſem 258. Cæſaris actio Spiræ anno M. D. Cardinalis Piſanus ad Cæſarē pro- ficiſcitur	XLIII. 512	257. Cæſar & Galli legario ad Anglum
Carolus Marchio Badenſis recipit Euangelij doctrinam	270 511	Cæſaris literæ ad Polonum 276		
Cæſar reuocat Lutherum Vuorma- ciam	33	Cæſaris actio cum proteſtantibus Vuormaciæ anno M. D. XLV.		
Cæſar Lutherum proſcribit	39	277.		
Cæſaris pactum cum Angliæ rege	41	Cæſari naſcitur nepos ex filio 278.		
Cæſar Inſubriam Gallis adimit	41	Cæſaris literæ ad ciuitates Prote- ſtantes		
Cæſaris expoſtulario ad Principes de decreto Noribergico M. D. XXIII.	62.	Cæſaris literæ ad archiep. Coloni- enſem 306.		
Cæſaris ad Principes literæ	81.	Cæſaris copix Ratiſbonæ 310		
Cæſar ducit Iſabellam, Luſitaniæ re- gis filiam	88.	Cæſar proſcribit Saxonem & Lant- grauium 310.		
Cæſaris ad Clementis literas re- ſponſio	89.	Cæſaris literæ ad Mauricium 312. Cæſarei exercitus duces 315.		
Cæſaris literæ ad Senatum Cardi- naliū	90.	Cæſaris literæ ad Heluetios Euange- licos 317		
Cæſaris literæ ad principes	91.	Cæſar Danubium occupat 324.		
Cæſari naſcitur filius Philippus	93	Cæſaris literæ ad Vuirtembergicum		
Cæſaris de duello ad Gallū literæ	97.	329.		
Cæſar inauguratus a Pontifice	107	Cæſaris literæ ad Mauricianos 337.		
Cæſaris oratio recitata Auguſtæ M.D.XXX.	107.	Cæſaris literæ ad Bohemos 339 Cæſaris expeditio in Saxonem 340		
Cæſaris actio cū Proteſtātibus	112.	Cæſar ſolicitat Heluetios de ſordere		
Cæſar dat pacem Germaniæ	134	348.		
Cæſaris literæ ad Ordines	135	Cæſaris legati Bononiam ad concilio lium miſſi 356.		
Cæſaris in Africam expeditio	149	Cæſar offert Interim ordinibus 371		
Cæſaris literæ ad Proteſtan.	172	353		
Cæſaris bellum aduerſum cum Gal- lo	172	Cæſaris reſormatio Eccleſiaſtica 374		
Cæſar & Galliæ rex conueniunt ad Aguas mortuas	195.	Cæſar urget decretum de religione 376		
Cæſar tranſit per mediam Galliam	205.	Cæſar proſcribit quosdam 377 Cæſar mutat ſenatum, Auguſtæ 378		
Cæſar animaduertit in Gandauen- ſes	213	Cæſar proſcribit Conſtantiēſes 379.		
Cæſaris literæ ad Saxonem & Lant- grauium	213	Cæſar colligit pecuniam in Germa- nia 348		
Cæſar Noribergam ingreditur	221	Cæſar Belgicam in filij ſui fidem adi- git 391		
Cæſaris actio Ratiſbonæ an. M.D. XLI.	223.	Cæſar edictum promulgat in Bra- bantia ceteriſq; locis in Luthera- nos 399.		
Cæſar conqueritur de Cliuſenſi	230	Cæſar ſcriptum in Octauium Far- neſium 414		
Cæſaris calamitas in Aphrica	231	nos		
Cæſaris reſponſio ad diploma pon- tificis	244	Cæſaris filius redit in Hiſpaniā 415		
Cæſariani Duram deditione capi-				

Caesaris scriptum in Galliae regē	422	mnatus.	93
Caesar mutat senatum & religionem		Carolus Bossetus iureconsult.	256.
Sueviae	425	Carolus provinciae Galliae ac Ande-	
Caesaris ad electores ecclesiasticos		gaviae Comes.	12
literae	431.	Carolus Austriacus, Hispaniae rex	11
Caesar noctu discedit Ocniponte		Carolus Austriacus creatur Caesar,	
451	451	cuius nominis quintus	15.
Caesaris literae ad intercessores Pas-		Caroli progenies	16
sauij	458	Carolo Austriaco, conditiones pra-	
Caesaris ad intercessorū literas,		scriptae ab electoribus	17
Passauij, responsio	459	Carolus Caesar, coronatur Aquil-	
Caesaris literae ad Imperij ordines		grani	29.
495		Carolus, Bellator, Burgundiae dux	
Caesar respondet ad literas Fraxi-		16	
nei Gallicae legati	459.	Carolus Egmondanus Geldriae dux	
Caesar hortatur Germanos ad foc-		pellitur a suis	190.
dera	463	Carolus Egmondanus moritur	196
Caesar collaudat Argentinenfes	463	Carolus Guisus archiepiscopus	
Caesar uenit Argentinam	463	Rhemorum creatur cardinalis	
Caesar obsidet Metim	464	346.	
Caesar decedit ab obsidione Meren-		Caroli Guisij oratio ad Pontificem	
si	65	353.	
Caesar scribit Alberto Marchioni		Carolus Lanoius, Belga	66
465.		Carolus Miltitius Germanus, Leo-	
Caesar scribit intercessoribus de Al-		nis X cubicularius	5.
berto	467	Carolus Miltitius agit cum Luthe-	
Caesar filio suodat Mediolanum		ro	19.
487		Caroli Sabaudiae ducis bellum cum	
Caesar demolitur Hefdinum	476	Geneuensisibus	167.
Caesar uenit Namurcum contra Gal-		Carolus Sabaudiae dux, Galliae rex	
lum	486	gem incusat	262.
Caesaris literae in Albertum	483	Carolus, Sabaudiae dux, moritur	
Caesaris mater moritur	495	484.	
Caesar cum utraque sorore in Hispa-		Carolus III. Caesar	456.
niam proficiscitur	512	Carolus V. Prudens, Galliae rex	16
Caesar Fregosus interfectus	230.	Caorlus Vendomensis creatur car-	
Camerales negotiū facessunt Pro-		dinalis	385
testantibus	152.	Casale oppidum a Gallis captum	
Camerales fugiunt	448.	493	
Camerales redeunt Spiram	464.	Caspar Aquila scribit contra Inte-	
Camerae reformatio	381.	rim	377.
Camillus & Sanflorianus Cardina-		Casparus Cruciger	220
les in carcerem ducti	496	Caspar Hedio moritur	464
Capita doctrinae Sorbonicae	242	Caspar Huberinus docet Augustae	
Cardinales intrant in coelac	394.	431	
Cardinalium tres factiones	396	Caspar Phlugius dux foederis Bohe-	
Carolus, dux Aurelianus moritur		mici	337.
279		Caspar Phlugius proscriptus	346.
Carolus Borbonius deficit ad Ca-		Caspar Contarcnus creatur cardi-	
sarem	63.	nalis	190.
Carolus Borbonius moritur	93	Caspar Contarcnus cardinalis Ra-	
Carolus Borbonius Lutetiae da-		tisbonae	221.



# I N D E X.

Casparis Contrareni ad episcopos	Clemens Angliæ regem aurea rosa
oratio	227 donat 62.
C. Contrareni epist. ad ordines	229. Cl. ad senatū Parisiensem literę 83
Caspar Contrarenius moritur	243. Clementis expositulatozię literę ad
Cataclysmus Romę & apud Bara-	Cæsarem 89.
uos	116 Clementis literę ad Polonum 120
Carharina Hauarda Anglię regina	Clem. creat cardinales Gallos 139.
decollatur	234. Clementis Pont. mors 144.
Census Gallicus Romam perlarus	Clerus Magdeburgicus Imperij au-
419. 420	xilia implorat aduersus ciues
Christiani Danię regis bellum cum	404.
Lubeccensibus	167. Cleri Magd. scriptum in ciues 407.
Christiernus II. Danię rex, exul	51 Cœlibatus 53
Christiern Danię rex capitur	134. Colloquium Cæs. & Pontificis 253
Christina, uxor Lantgrauij, scribit	Colloquium Ratisbonę M.D.XLI.
ad ordines, pro marito	351. 224 M.D.XLVI. 284.
Christina, Lantgrauij uxor, mori-	Colloquium Vuorm. M.D.XL 219
tur	391 Colonienfis cleri actio cum archie-
Christophorus Augustanus episco-	piscopo 269
pus moritur	249. Cometa conspectus 508
Christophorus Carlebicus	284. Comitata Ratisbonę inchoantur 512
Christophorus Eblebus	342. 346 Conclauis Romani descriptio 394.
Christophorus Madrucius, Trident	Conditiones creandi Rom. regis 131
tinus creatur cardinalis	267. Conditiones pacis proposiæ Mag-
Christophori Madrucij oratio ad	deburgicis 415
pontificem	353. Confessio Augustana 109.
Christophorus Srasius Brandebur	Confessionis August. cōfutatō 110.
gici electoris legatus ad concili-	um 423. Confutatio doctrinę ciuiarū 116.
Christophorus Vuirtembergicus VI-	richi filius 144. Consecratio salis & aquę 388
Christophorus Vuirtembergicus suc	cedit patri 405. Consecratio templorum 388
Christophori Vuirtembergici con-	fessio auctore Brenrio 416. Consecratio campanarum 388
Christoph. Vuirtembergicus mul-	stat Vuolfgangū Teutonicū 464. Consecratio altaris 389
Christophorus Vuelsingerus iure-	conf. 387. Constantiense concilium 37.
Claudius Annebaldus, Amiralius	Calliæ 266. 282. Constantiensis concilij decretum de
Clemens Marotus	251. Constantiensis concilij decretum de
Clemens IIII. pontifex	12. & Ferdinandum 407
Clementis pontificis decretum de	Iubilæo 7. Controuersia super ditione Char-
Clementis V. pont. lex de iureiuran-	do Cæsarem 30. mensibus renouatur 497
Clemens VI. pontifex	396. Controuersia de bonis ecclesiasticis
Clemens VII. Medicus, succedit	Adriano pontifici 54. Conuentus Arnsteri anno M. D.
Clementis literę ad Fridericum du-	cem 55. Conuentus Augustę M. D. XVII.

# INDEX.

3 M. D. XXV. 82.	M. D.	165. 166.	MDXLV. 297.	M.
XXX. 107	M.D.XLVII.	348.	D.XLVI.	296. M.D.LIIII.
M.D.L. 402	M.D.LV.	488	486	
Conuentus Brunsuici anno	M.D.	195	Conuentus principū Saxonie Num	
XXXVIII.		burgi	493	
Conuentus Confluentie	163	Conuentus in Austria	504.	
Conuentus Francofurti an.	M.D.	Cosmus Medicus, Florentie dux		
X X X I, 126.	131 M. D.	173		
XXXVI, 170	M. D. XXX	Classis Hispanica à Gallis interce-		
IX, 201.	M. D. XLIII, 257.	pta	496	
M.D.XLXI, 283	M. D. LIII,	Crescentius Iulij pontificis legatus		
467	M.D.LIII,	Tridenti	418	
Conuent. Haganoæ	M.D.XL, 217	Crescentius legatus pontificius mo-		
Conuentus Hailbrunæ	M.D.LIII.	ritur	442	
476.		Cyrillus episcopus Hierosolymita-		
Conuentus Hedelbergæ	M.D.LIII,	nus	188,	
466				
Conuentus Ilenaci anno	M. D.	D		
XXXVIII,	199	Danice status turbulentus	50	
Conuentus Lauringæ	M. D. LIII,	Daniel Brendelus episcopus Mogun-		
467.		tinus	493.	
Conuentus Noribergæ anno	M.D.	Danuilierum capitur à Gallis	454	
XXII, 41	M. D. XXIII,	Darmstadium expugnatur à Burenfi		
54	M. D. XXXII, 134	M.D.	Decreti Augustani formula	114.
XLII, 243	M. D. XLIII, 247.	Decretum Augustanum anno	M.D.	
M. D. LI.	414.	XXX,	118	
Conuentus ordinum Angliæ	475.	Decretum conuentus Noribergici		
479 481. 504		M.D.XXIII,	60.	
Conuentus Anglicus finitur	488.	Decretum Florentie de primatu pon-		
Conuentus ordinu Saxonie	385. 472.	tificis	8	
Conuentus Palsauij	454	Decretum Haganoicum	218	
Conuentus Ratisbonæ anno	M.D.	Decretum Noribergæ anno	M.D.	
XXIII, 61	M. D. XXVII,	XLIII,	249	
93	M.D.XXXII, 131. 134.	M.D.	Decretum Ratisbonense,	
XLI, 221.	M. D. XLVI, 297.	XXIII,	61.	
Conuentus Schuinfurti anno	M.D.	Decretum Ratisbonæ	M.D. XLI	
XXXII,	131	229.		
Conuentus Protestantium Smalcal-		Decretum Spire de religione factum		
dizæ	M.D. XXIX. 106	M.D.	M.D.XXVI,	88
XXX,	120	M. D. XXXI,	Decretum Spire M.D.XXIX,	100
124	M.D.XXXV, 150	M.D.	Decretum Spire anno	M.D.XLIII,
XXXVII, 175	M. D. XL, 207.	100		
M. D. XLIII, 253.		Decretum quo religio libera omni-		
Conuentus Spire	M.D. XXVI, 86.	bus permittitur	M.D.LV. 503.	
M.D.XXIX,	100	M.D.XLII,	Degradationis modus	52
234	M. D. XLIII, 287.		Delecti ad conciliandā religionē	111
Conuentus Vefaliæ	M.D. XLVI,	Depensij, concionatoris Parisini, pa-		
283		linodia	257	
Conuentus Vlmæ	M. D. XLVI.	Disputatio Badenæ	86.	
341.		Disputatio Bernæ	93.	
Conuentus Vuormaciæ anno	M.D.	Disputatio Lipsensis	18.	
XXI, 32.	M. D. XXXV,	Disputatio Londini	477.	



# INDEX.

Disputatio Oxoniæ	390	Episcopi Germani scribunt pontifi-	
Disputatio Tiguri	47 54.	ci de continuando concilio	350
Dissidium Lutheri & Zuinglij de		Episcopi in Germaniam missi a pon-	
cœna Domini	82.	tificæ	388
Dissidium Spiræ in comitijs	8788	Episcoporum mandata	389
Dissidium Vngaricum	89	Episcopi Itali fugiunt Tridento	441
Dissidium religionis Basilicæ	99	Episcopi & sacrifici fugiunt Alber-	
Dissidium inter Helucios	130	tum	460.
Dissidium Ioan. Friderici elect. &		Episcopi Anglicani capiuntur	475
Mauricij	237.	Episcopi qui religionem mutant, e-	
Dissidium per Scotiam	256.	tiam ab administratione remoue-	
Dissidium de adiaphoris	388	antur	501.
Dissensio inter patres Tridentinos		Equites Neapolitani circum Argen-	
440		tinam	371
Diui Petri Denarij	141	Erardus Marchianus, episcopus	
Donauerdæ capta à Protestantibus		Leodienfis	24.
310		Erardus Marchianus moritur	196.
Donauerdæ Cæsari deditur	323	Erasmi Rotærodami literæ ad Fri-	
Dragurus, archipirata	402.	dericum ducem	18
Duo ingentes exercitus prope Lan-		Erasmi literæ ad Lutherum	18
dreßium	257	Erasmi literæ ad Campegius	112.
Dura capitur à Cæsarianis	246	Erasmi liber contra Pseudæuange-	
E		licos	104.
Ecclesiastici fiunt mariti Argentinæ		Erasmi liber de libero arbitrio	62.
54		Erasmi colloquiorum liber	195
Ecclesiasticus qui religionē mutat, Erasmi Rotærodami moritur		172.	
beneficio mulctatur	503.	Erebergum capitur à Mauricio	451
Eduardi Foxi Anglici legati oratio		Ericus Brunsvicensis profligatus ab	
Smalcaldicæ au.	1535 155.	Hamburgensibus	342.
Eduardus Somerseti dux, Angliæ		Ernestus comes Mansfeldius capi-	
protector	334.	tur à Gallis	454
Eduardus Somersetus capitur	391.	Error Smalcaldicorum ad Ingolsta-	
Eduard. Somersetus liberatus	397.	dium 317 & Sonthæmum	324
Eduardus Somersetus denuò capi-		Eua Trotina	261.
tur	424	Eugenius IIII. pontifex Basiliense	
Eduardus Somersetus decollatur		cœcilium irritum pronunciat 8 51.	
433.		419	
Eduardus filius nascitur Henrico		Exercitus Gallicus, Neapoli extin-	
octauo regi Angliæ	190.	ctus morbo	98
Eduardus VI. Angliæ rex	334	Exercitus Germaniæ superioris	
Eduardus VI. Angliæ rex moritur		303	
471		Exercitus ambo prope Norlingam	
Eduardi regis commendatio	471	322.	
Eduardi regis de religione decreta		Exitus belli Protestantium	328.
abolentur	439	Expeditio in Turcam ductore Ioa-	
Electores agunt cū Cliuensi de Gel-		chimo Brandeburgico	237.
dria	231.	F	
Elconora uenit in Galliam	107	Fama belli in Proestantes	283 298.
Elisabetha, Mariæ reginæ soror ca-		Ferdinandus Austriacus ducit An-	
pitiur	481	nam Vngariæ regis sororem	40.
Eluagum captum recipitur à Vuir-		Ferdinandi dissidium cum Vayuo-	
tembergico	464.	da	89

# I N D E X

Ferdinandus rex Bohemiæ creatus	93.	Fœdus Cæsaris cum Pontifice	303
Ferdinandus in Vngaria	96.	Fœdus Bohemorum	336
Ferdinandus renunciatur Romano	122	Fœdus Belgicum	451.
rum rex	122	Formula inquirendi in Lutheranos	241
Ferdinandus coronatur Aquisgrani	122	Franciscani concio ad Cæsarem in	276.
Ferdinandi & Saxonis electoris re-	143	Lutheranos	276.
conciliatio	143	Franciscani monachi doctrina Tri-	440
Ferdinandi & Vuirtembergici paci-	143.	denti	440
ficatio	143.	Franciscanorum tragœdia excita-	141
Ferd. legatio ad Heluctios	171.	ta Aureliæ	141
Ferdinandi regis copiæ cœduntur à	190	Franciscus Cheregatus, Aprutien-	46
Turcis	190	sis episcopus	47
Ferdinandus Vngariam parat inua-	220	Franciscus comes Vualdeccus, epi-	158
dere	220	scopus Monasteriensis	158
Ferdinandus Budam obsidet	231	Franciscus Landrus purè docet Lu-	242
Ferdinandi postulata ad Bohemos	335.	terix	242
Ferdinandiliteræ ad Bohemos	341	Fr. Landri palinodia	251
344		Franciscus, Antonij Lotharingiæ	
Ferdinandus rex occupat Transsyl-	431	ducis filius, ducit Christinam Da-	231
uaniam	431	nicam	231
Ferdinandus rex & Mauricius bel-	468	Fr. Lotharingiæ dux moritur	278
lum iudicunt Alberto	468	Fr. Mantuæ dux ducit Catharinam	393
Ferdinandi scriptum ad suos de Cœ-	488.	Ferdinandi filiam	393
na Domini	488.	Fr. Oliuerij Gallici legati oratio Spi-	234.
Ferdinandi actio Augustæ anno 1555	488.	ra anno 1542	234.
488.		Fr. Sfortia principatum Mediola-	104
Ferd. regis responsum ad postulata	509	nensem recuperat	104
legatorum domus Austriacæ	509	Fr. Sfortia ducit Christinam Dani-	144
Ferdinandus rex in Bohemiam pro-	16.	cam	144
ficiscitur	16.	Fr. Sfortia moritur	149
Ferdinandus Hispaniæ rex	168.	Fr. Sickingus bellum facit Treuiren-	46
Ferdinandus Gonzaga, Mantuanus	286.	si	46
286.		Fr. Spieræ desperatio	383
Ferdinandus Gonzaga uenit ad Cæ-	481.	Fr. Toletanus, Cæsaris legatus Tri-	418
sarem	481.	denti	297
Fœdus Sueuicum	68.	Franciscus Galliæ rex, dux Medio-	11.
Fœdus Galli, Pontificis & Veneto-	89	lani	11.
rum in Cæsarem	89	Fr. Gall. rex eicitur ex Insubria	41
Fœdus Galli cum Anglo in Cæsare	94.	Fr. Galliæ rex Mediolanum recupe-	63.
94.		rat	63.
Fœdus Argentinenfium cum Tigus-	106.	Fr. Galliæ rex capitur ad Papiam	66
rinis, Bernat. & Basil.	106.	Fr. Galliæ regis literæ pro Iacobo	83
Fœdus Smalcaldicum	120	Fabro Stapulensi	83
Fœdus Smalcaldic. renouatur	156.	Fr. Galliæ regis literæ ad Germa-	91
Fœdus Venetorum cū Cæsare	168.	nos	91
Fœderis capita Anglicis legatis pro-	169	Fr. Galliæ rex Alexandriam & Pa-	93.
posita à Protestantibus	199.	piam expugnat	93.
Fœdus sanctum pōtificiorum	253.	Fr. Galliæ rex duellum Cæsari de-	95.
Fœd. Cæsaris & Angli in Gal.	253.	nunciat	95.
		Fr. Galliæ regis ad Protestan. respon-	80.



fr.	125.	Fridericus Palatinus elector mori-	
Fr. Gallie regis literæ ad ordines Im-	tur		507
perij	148	Fridericus Gottsesemus Argentini-	
Fr. Gallie regis opinio de controuer-	sium legatus ad Gallie regē		449
sis dogmatis	154.	Fridericus Mantuanus ornatur di-	
Fr. Gallie regis bellum in Sabaudia	gnitate Ducali		107
& Pedemonio	167.	G	
Fr. Gallie rex Hefdinum deditione	Gallie & Anglie regum ad Casarem		
capit	173.	legatio	95
Fr. Gallie rex in curia Parisiensi que	Gallie regis edictum contra dama-		
ritur de Casare	tos ab inquisitoribus fidei		496
Fr. Gallie rex bellum Casari denun-	Galli Neapolim obsident		98
ciat.	241	Gallicus libellus in pontificios mer-	
Fr. Gallie regis scriptum ad literas	catores		145
Cesaris datas ad Pontificē	349.	Gallici legati ad comitia Spirensia	
Fr. Gallie rex Landresium capit	254.	anno 1544	259
Fr. Gallie rex moritur	338	Gal. uictoria ad Carignanum	262
Fr. Gallie regis exequiæ	342	Gallicus legatus ad Argentin.	335.
Fr. Gallie Delphinus moritur	172.	Gallie regina coronatur	390
Franciscus Venerius remouetur lo-	Galli Cherium & Sandamianum ca-		
co	504.	piunt	417.
Frankofurtum dedit se Burensi	330.	Gallici legati oratio Tridenti	418.
Francones Germani	125.	Galli Maximilianum Austriacum	
Fridericus Holfatiæ princeps, rex	adoriuntur		426
Daniæ creatus	51	Galli muniunt Metim	463
Fridericus Saxonie princeps ele-	Gallie xurunt Meti libros theologi-		
ctor Caietanum interpellat, Lu-	cos		465
theri nomine	5.	Galli capiunt & diripiunt Verecllas	
Friderici ad Caietani literas respon-	478		
sio	9	Galli cæsi per Hetruriam	486
Fridericus dux scribit Riario Car-	Geismierus rusticorum dux		68.
dinali.	10	Geneuefa Parisiorum patrona	147
Fridericus à Leone aurea rosa dona-	Geneuensium reformatio		95
tur	10.	Georgius Austriacus captus	231
Fridericus, Saxo, suffragium suum	Georgius Brandenburg. litem habet		
defert Carolo Austriaco	15.	cum Episcopo Bambergensi	127
Friderici literæ ad Valentinum Dir-	Georgius Heimbürgus iurec.		28.
lebiū	26.	Georgius Martinus episc. Vara-	
Friderici ad legatos pontificis re-	diensis creatur cardinalis		424
sponsio	31	Georgius Martinus trucidatur	
Friderici mors	70		431
Fridericus Palatinus mittitur in Hi-	Georgius Megelburgius arma su-		
spaniam	16	mit in Magdeburgicos	402.
Fridericus Palatinus elector, succe-	Georgius Megelburgicus capitur a		
dit Ludouico fratri	260.	Magdeburgicis	407
Fridericus Palatinus elector Euan-	Georg. Megelburg. interficitur		458.
gelium amplectitur	283	Georgius Palatinus Spirensis epi-	
Fr. Palatinus elector querit ex Ce-	scopus		24
sare causam belli	305	Georgius Saxonie dux, Friderici pa-	
Fridericus Palatinus elector recon-	truchis		18.
ciliatur Casari	330	Georgii Saxonie ducis & electoris	
		de religione dissidium	170

# I N D E X.

Georgius Saxo inquit in Luthera	138.	Heluctij deuicti à Francisco Gallia	12
nos	203	rum rege	38.
Georgij Saxonis obitus	335.	Heluctiorum pagl	38.
Georgius Seldus iureconsultus	88. 107	Heluctij, foedus faciunt cum Gallia	38.
Georgius Spalatinus	67	rege.	38.
Georgius Truceſius Vualpurgus,	497	Heluctiorum conuentus Lucernę	55
Sucnici foederis imperator	348.	Heluctij expoſtulāt cū Tigurinīs	57.
Georgius comes Mompelicardi du-	160.	Heluctiorum pontificiorum foedus	100.
cit filiam Lantgrauij	303	cum Ferdinando	100.
Gerardus Veltunichus	8.	Heluctiorum ad principum literas	262.
Germaniæ diuiſio	303	reſponſio	262.
Germanię ſuperioris ciuitates pro-	448	Heluctij reſpondent legatis Prote-	313.
teſtantes in armis	8.	ſtantium	313.
Germani obſides & Galli	178	Heluctij foedus renouant cum Hen-	391
Gerson theologus Pariſienſis	465	rico Gallia rege	391
Griniani Gallici legati oratio Vuor	230.	Heluctiorum interceſſio ad Gallia	450.
maciæ anno 1545	151.	regem.	450.
Guſius defendit Metim	251	Henricus VIII, Angliæ rex ſcribit in	40.
Guſelmus Bellaius Langreus	218.	Lutherum	40.
Guſelmi Bellaij Langrei oratio	201.	Hen. Angliæ regis ad Saxonie prin-	53.
Smalcaldiæ anno 1535	216	cipes literæ	53.
Gul. Bellaius Langreus moritur	225.	Hen. Angliæ rex acerbè reſpōdet Lu-	85.
Guſelmus Budæus moritur	247	thero	85.
Guſelmus Cluuenſis ſuccedit patri	256	Hen. Angliæ regis ad Proteſtantium	126
201.	216	literas reſponſio	126
Gul. Cluuenſis it ad Cæſarem	225.	Hen. Angliæ rex Catharinam Hiſpa-	140.
Guſelmus Cluuenſis actio cum Gal-	247	nicam repudiat	140.
lia rege.	256	Hen. Angliæ rex Pontificatum pro-	140.
Gul. Cluuenſis Duram recipit	257	ſtat	140.
G. Cluuenſis reconciliatur Cæſari	257	Hen. Angliæ regis literæ ad Prote-	169.
Guſiel. Cluuenſis fruſtra perit ſpon-	281.	ſtantes	169.
ſam è Gallijs	482	Hen. Angliæ regis ſcriptum in concil-	189.
Guſiel. Cluuenſis ducit Mariam Fer-	157	lium Mantuæ à Pontifice conuo-	204.
dinandi filiam	23.	carum	204.
Guſiel. Farellus docet Meti	418.	Hen. Angliæ rex ſcribit in concilium,	203.
Guſielmus Furftebergius deficit ad	265.	Vicentiæ indiſtū à pontifice	204.
Cæſarem	265.	Hen. Angliæ rex decreta facit ponti-	204.
Guſiel. Furftebergius interceptus	281.	ficia de religione	204.
à Gallijs	482	Hen. Angliæ rex Annam Cluuenſem	204.
G. Furftebergius liberatur	234.	ducit	204.
Guſielmus Grumpachus	234.	Hen. Angliæ rex ducit Catharinam	216.
Guſielmus comes Naſſonius, ſocde-	234.	Hauardam	216.
ris Proteſtantium	234.	Hen. Angliæ rex uxorem ſuam Ca-	234.
Guſielmi Occam uita & ſcripta	234.	tharinam Hauardam capite ple-	234.
Guſielmus Piſtauus Cæſaris ora-	234.	ſcit	234.
tor Tridenti	234.	Hen. Angliæ rex ducit ſextam uxo-	234.
Guſiel. Poietus, Gallia cancellarius	234.	rem	234.
221	234.	Hen. Angliæ rex Boloniam obſidet	265
Guſielmus Poietus in uincula con-	244	Henricus Angliæ rex moritur	334
ictus	30.185	Henricus VII. Cæſar	30.185
H		Henricus I. Gallia rex ſuccedit	Frano
Heluctiorum literæ ad Electores II.			



# I N D E X.

Francisco patri	338	Henricus Hassus	435. 419
Henrici Gallix regis inauguratio	347	Henricus Plavius persuadet pacem	460
H. Gallix rex Lutetiam ingreditur	390	Mauricio	476
H. Gallix rex facit bellum Cæsari	417.	H. Plavius Hosium capit	476
H. Gallix regis literæ ad conuentum Tridentinum	418.	H. Plavius obsidet Blassemburgum	478
H. Gallix regis scriptum in pontificem	421.	Henricus Plavius moritur	482
H. Gallix regis edictum atrocissimum in Lutheranos	421.	Henricus, Georgij frater, dux Saxoniæ	203
H. Gallix regis responsio ad scriptum Cæsaris	422	Henricus Suffolcius arma capit in reginam	479
H. Gallix rex Heluctios à concilio deterret	424.	H. Suffolcius capitur	479.
H. Gallix regis scriptum publicum	445.	H. Suffolcius decollatur	480
H. Gallix rex Lotharingiam & Meutim occupat	447.	Henrici Zutphaniensis martyriū	62.
H. Gallix rex Tullum & Virodunū capit	447.	Herculis portus à Cæsarianis occupatur	495
H. Gallix rex uenit in Germaniam cum exercitu	447.	Hermannus Coloniensis archiepiscopus elector	11.
H. Gallix regis postulata ab Argentiniensibus	449	Hermannus cogit concilium prouincix	172.
H. Gallix rex Luceburgicum agrum uastat	454	H. Coloniensis archiepiscopi reformatio	251.
H. Gallix regis scriptum in Cæsare	465	H. Coloniensis archiepiscopi scriptum aduersus Clerum.	269.
H. Gallix regis literæ ad Ordines	486.	H. Archiepiscopus Colon. citatur à Cæsare & Pontifice	278.
H. Gallix rex sollicitat Cameracenses	476	H. Archiepiscopus Coloniensis damnatur à Papa	297
H. Gallix rex capit Bouinum, Dinantum & Marieburgum	485.	H. Coloniensis archiep. prouocat à pontifice ad conciliū	328
Henricus Brunswicēsis pulsus dirione sua	242.	Hermannus cedit archiepiscopatu Coloniensi	334
H. Brunswicēsis bellum suscipit in Protestantēs	280	Hermannus, archiep. Colon. moritur	462
H. Brunswicēsis capitur à Lantgrauio	281.	Hermannus Stapreda, anabaptista	158.
H. Brunswicēsis eiectus à Volraro Mansfeldio	464.	Hesdinum capitur à Cæsare	464.
H. Brunswicēsis grassatur per Saxoniā	484	Hesdinum recipitur à Gallis	464.
H. Brunswicēsis ad Io. Fridericum literæ	477	Hesdinum dirigitur à Cæsarianis	472
H. Brunswicēsis uenit Vinariā	477	Heisici cōcionatores, cōstantes	309
H. Brunswicēsis uxorem ducit	507.	Hieronymus Alexander	31.
H. Copus, iureconsultus	386	Hieronymus episcopus Afulanus	4.
		Hieronymus episcopus Brandeburgicus	1.
		Hieronymus Franchus, pontificis legatus ad Heluctios	297 415
		H Franchi literæ ad Heluctios	311.
		Hieronymus Lascus, Polonus	103
		H. Lascus mittitur ad Turcam	220
		Hieronymi Musij Vergeriana inuentio	383
		Hieronymi	383

Hiero-

# I N D E X.

Hieronymus Palaulcinus	349.	Induciæ decem annorum inter Cæ-	
Hieronymus Rorarius, cubiculari-		sarem & Galliæ regem	195.
us Adriani VI, pontificis	44.	Induciæ quinq; annorum cum Tur-	
Hieronymus Schurfius iurconsult.		ea	348.
33.		Induciæ decem mensum inter Cæsa-	
Hildefsemenses Euangelium ample-		rem & Galliæ regem	195.
ctuntur	244.	Induciæ inter Cæsarem & regē Gal-	
Hildefsemenses ad Cæsarem accu-		liæ annorum V.	505.
sati	254.	Indulgentiarum promulgatio Tri-	
Hispani irrumpunt in castra Protec-		denti per legatū pontificium	437.
stantium	316.	Indulgentia pōtifice concessa pro-	
Hispani clam tentant Constantiam		pter Angliam conuersam	491.
inuadere	378.	Innocentius, Inlij tertij deitiz	398.
Hispani Vuirtembergicum agrum		Innocentius III, pontifex	18.
relinquunt	425.	Innocentij tertij pontificis decretū	
Hubertus comes Bichlingus, capitis		de duobus luminaribus	90.
damnatur	265.	Inquisitio Hispanica	346.
Hubertus comes Bichlingus proseri		Intercessores ad Saxonē missi	127.
ptus	377.	Interim impugnatur a multis	377.
Hugo Capetus, Lutetiz comes		Interim libri authores	366.
126.		Interim libri capita	369.
Hugo Latimerus	207.	Interim consutatio per Lubecenses	
Hugo Latimerus capitur	475.	& alios	388.
Hugo, comes Monfortus	418.	Ioachimus Brandeburgicus Mar-	
Hugonis Rangoni episcopi Regini		chio, elector	11.
oratio ad Saxonem.	135.	Ioachimi Brandeburgici electoris le-	
Hufsari	326.	gatus ad Saxonem	197.
I		Ioachimus Brandeburgicus elector	
Iacobus Faber Stapulensis	83.	intercedit de pace	334.
Iacobus Hameltonius, Scotiæ guber-		Ioachimus Brand. elector subijcit se	
nator	246. 256.	concilio	423.
Iacobus Hogostratus Dominicanus		Ioachimus Merlinus pellitur e Pruf-	
scribit in Lutherum	3.	sia	412.
Iacobus Hogostratus litē prosequi-		Ioannes Albertus dux Megelbur-	
tur aduersus Reuchlinum	24.	gius ducit filiam Alberti ducis	
Iacobus Mendoza	286.	Prussiz	491.
Iacobus Mendoza protestatur de		Ioannes Albertus, archiepiscopus	
concilio, Romæ	358.	Magdeburgicus moritur	403.
Iacobus Sturmius, patricius Argen-		Ioannes Albertus, dux Megelburgi-	
tinensis	66.	us	444.
Iacobus Sturmius moritur	478.	Ioannes Baptista Castaldus	431.
Iacobus V. Scotiæ rex ducit Magda-		lo. Baptista Castaldus uenit ad Cæ-	
lenam Galliæ regis filiam	173.	sarem	481.
Iacob. Scotiæ rex moritur	246.	Ioan. Bellaius, cardinalis	190. 219.
Iesuitarum festa	494.	Ioannes Brandeburgicus non afsen-	
Imperij principes dant Cæsari au-		titur Interim	371.
xilia in Galliæ regem	264.	Ioan. Bratfordus damnatur capi-	
Imperij præfectorum literæ ad Ar-		tis	488.
gentinenses	63.	Ioannis Brentij labores & pericula	
Incendiarij & uenefici emissi a Pon-	272.		
tifice	318.	Io. Brentius præficitur ministerio ec-	
Induciæ Cæsarij cum Turca	278.	clesiastico Stutgardiz,	416.
		Io. Cal.	



# I N D E X.

Io. Calvinus	179	220.	Io. Frisius abbas ob suspicionem Lu-	
Io. Caluini Antidotum	255		theranismi citatur	485
Io. Caluini liber de reliquijs sancto-	255		Ioannes Gropperus	224. 229 252.
rum	255		Io. Gropperus Bucerum cōmendat	234
Io. Caluini liber de hæreticis tollendis	478		archiep. Coloniensi	234
Ioannes Casus, archiepiscopus Beneru- nensis	383		Io. Gropperus Melanchthoni & Bucer- o conuiuium facit	430.
Ioannis Cafi fecditas	384.		Io. Gropperus cardinalis creatur	504.
Ioannes Chceus uenit in Germaniam	481		Io. Gulielmus legatū mittit ad Man- ricium	324
Ioannes Chceus capitur	511.		Ioannes Hedeccus	303
Ioannes princeps Cliuensis moritur	201.		Ioannes Hopperus Clocestrensis epi-	
Ioannes Diazius, Hispanus	290		scopus exurit	488.
Io. Diazij colloquium cum Maluc- da	290		Ioannes Huglius Merspurgi crema- tur	89
Io. Diazij cum Alfonso fratre collo- quium	290.		Ioannis Hufsi & Hieronymi Pragen- sis historia	37
Io. Diazius trucidatur	291		Io. Islebius Agricola	88. 107 199.
Ioannis Eccij obelisci super thema- ta Lutheri	2		Io. Islebius remuneratur	376.
Io. Eccij epistola ad Principes	229		Ioannes Lascus, Polonus, migrat ex Anglia	480.
Ioannes Epinus	388		Io. Leidenfis sarcinator, anabapti- sta uenit Monasterium	158.
Ioannes Faber	47	89	Ioannes Leidenfis polygamiam san- cit	161
Io. Faber & Eccius remunerantur à principibus, Augustæ	117.		Io. Leidenfis denunciatur rex Mo- nasterij	161.
Io. Faber Viennensem episcopatum adeptus	117.		Io. archiepiscopus Londensis	102.
Io. Fischerus episcopus Rosensis de- collatus in Anglia	149		Ioannes Lotharingie cardinalis mo- ritur	401.
Io. Fraxincus, Baionensis episcopus, Gallicus legatus ad Mauriciū	426		Ioannes episcopus Misenus	21
Io. Fraxinci oratio Pasgauij	455		Io. Marquardus Badensis	335.
Io. Fraxinci epistola Pasgauium mis- sa	457		Io. Matthæus anabaptista, commu- nionem bonorum edicit	160
Io. Friderici electoris mors	134.		Io. Melsingerus	195
Io. Fridericus iunior ducit Sibyllam Cliuensem	92.		Ioannes Minerius præfectus Aquen- sis	274
Io. Friderici uxor moritur	504.		Io. Minerij crudelitas	275
Io. Friderici literæ ad Electores	121		Io. Moroni episcopi Mutinensis ora- tio Spiræ	154. 2
Io. Fridericus respondet Pontificio legato Rangoni	136		Ioannes Muscherus Cæsaris legatus ad Heluctios	302.
Io. Friderici actio cum Ferdinando Viennæ	153		Io. Nauius Lucemburgius	219
Io. Friderici Saxonis postulara à so- cijs	326.		Io. Nauius moritur	335.
Io. Fridericus reperit sua	473		Ioannes comes Bernicensis	391.
Ioannes Fridericus moritur & uxor	480		Io. Bernicensis fit dux Northum- briæ	397.
Io. Fridericus electoris filius uxorē ducit	495		Io. Northumbrius capitur	474
			Ioannes, Northumbriæ dux decol- latur	474
			Io. Oesolampadij mors	130.
				10.

# INDEX.

Io. Palæologus Græcorum Imperator penultimus	414.	Iulij pontificis literæ in Farnesiu	414.
Ioan. Phefercornus, Christianæ pro	415.	Iul. pontificis literæ ad Heluctios	415.
sefsionis Iudæus	23.	Iucum capitur à Gallis	454.
Ioan. Picus Mirandulanus	22.	Ius creandi Imperatoris	18.
Ioannes Ponetus, episcopus Vintonienfis	481.	Iurisdicctio sacra nulla exercēda contra Augustianæ confessionis religionem	504.
Ioannis Reuchlini actio cum theologis Colonienfis	23. 24.	Iustus Ionas	107.
Io. Reuchlinus moritur	44.	<b>L</b>	
Ioannes Rogerus crematur Londini	488.	Ladislauus Sternbergus Ludouici Vngariæ regis legatus	12.
Ioannes Sepufius Vayuoda, Transylvanus	89.	Ladislauus, Vngariæ rex & Bohemiæ	362.
Ioannes Vayuoda moritur	218.	Lætitia, Comes propter Angliam ad Rom. ecclesiam reductam	491.
Ioannes Sleidanus, Argentinenfium legatus ad concilium	426.	Landrefium obfidetur a Cæfariis	256.
Ioan. Sleidanus Argentinensiu legatus ad Galliæ regem	449.	Larerenfe concilium	21.
Ioannes Sleidanus moritur	513.	Larimerus & Ridæus in Anglia exufti	497.
Ioannes Stupicius Augustinianæ familiæ uicarius	1.	Laurentius Campegius, Cardinalis, legatus Clementis VII, ad comitia Noribergæ.	55.
Ioan. Sturmius	196.	Lau. Campegiij literæ ad Fridericum ducem Saxoniz	55.
Ioanna Suffolcia fit Angliæ regina	474.	L. Cæpegiij oratio ad Principes	56.
Ioanna regina, dānatur capitis	478.	Laurentius Medicus	173.
Ioanna regina decollatur cum mari	480.	Laurentius Sanderus damnatur capitis	488.
Ioan. Teclius Dominicanus oppugnat themata Lutheri	1.	Laurentius Valla	22.
Ioannes Teclius circumfert indulgentias uenales	222.	Lautrechus Aquitanus	98.
Ioan. Tifcheliu iureconfultus	387.	Lautrechus Neapolim obfidens moritur	98.
Ioan. Vuicleuus	37.	Lazarus Bayfius	216.
Ioanninus Auria trucidatus	333.	Lazarus Schuendius uenit Argentoratam	308.
Iofippus patriarcha Constantinopolitanus	8.	Laz. Schuendius capit Vogelsbergium	368.
Ifabella, Cæfa, uxor, moritur	203.	Lazarus Schuendius uenit in castra ante Magdeburgum	406.
Iubilei institutio	396.	Legati Gallici trucidati	230.
Iodocus Gruningus, Selandiæ præfes	335.	Legati prouinciarum Auftriacarū à rege Ferdinando petunt ueram religionem sibi permitti	505.
Iulius Pflugius repulfus ab epifcopatu Numburgico	332.	Legati ad Turcam de peccā Ferdinando miffi	512.
Iulius II, pontifex	21.	Legiones per Galliam institutz	167.
Iulius II, proferibit aliquot cardinales	21.	Leo X pontifex promulgat indultum gentias	1.
Iulius II, excomunicat Ludouicum XII, Galliæ regem	22.	Leonis literæ ad Caicranum	4.
Iulius II, moritur	22.	Leo citat Lutherum, ut Romam uenias	4.
Iulius III creatur pontifex	397.		
Iulius III, pontifex moritur	493.		
Iulius III, indicit concilium	405.		

Leonis



# INDEX.

Leonis literæ ad Fridericum Saxo-	dium cum filiis	467.
nix principem	4 Ludonicus Palatinus, elector	11.
Leonis literæ ad Gabrielem Venc-	Ludonicus Palatinus elector mori-	
tum ordinis Augustiniani prema-	tur	260.
gistrum	5 Ludonicus XI. Gallix rex	419
Leo indulgentias confirmat	10 Ludonicus XII. Gallix rex	15 419.
Leo mittit Carolum Militium in	Ludonicus XM. excommunicatus a	
Germaniam	10. Iulio II.	22
Leo Fridericū aurea rosa donat	10. Ludonicus Vngariæ rex atq; Bohe-	
Leonis literæ ad Degnartum Pfes-	mix, elector	11.
singerum	10. Ludonici regis mors	88.
Leonis literæ ad Georgium Spalati-	Luc in castris Cæsaris	325
num	10. Lutetix trepidatur	265
Leo scribit ad electores	12 Lutherus oppugnat indulgentias pa-	
Leo X. succedit Iulio secundo	22 pales	1
Leonis X. literæ ad Fridericum du-	Lutheri literæ ad Moguntinum ar-	
cem	27 chiepiscopum	1 25
Leonis decretū in Lutherū	27. 28 Lutheri rhemata	95, Vuirtembergæ
Leo sollicitat Fridericum per legatos	disputata	1.
31	Lutheri literæ ad Leonē X.	1. 11 19.
Leo execratur Lutherum	33. Lutheri responsio ad obeliscos Ec-	
Leo pont. moritur	41 cij	2
Leonardi Cæsaris martyrium	93. Lutheri responsio ad Sylvestrū Prie-	
Libellus in Paulum pontificem	393. riatem	2
Liberius episcopus Romanus	185 Lutheri, ad Sylvestri scriptum, epi-	
Litere principum Saxonig ad Cesa-	stola	3.
rem	493 Lutheri responsio ad Iacobum Ho-	
Lipsiæ obsidio	333 gostrarum	3.
Lis Bambergensis cū Georgio Bran-	Lutherus uenit Augustam	5.
deburgio	127 Lutheri literæ ad Caietanum	7
Louanienſes & Colonienſes theolo-	Lutheri a Caietano ad pontificē ap-	
gi Lutheri libros aliquot damnāt	pellario	7 7.
22.	Lutheri, ad Fridericum literæ, super	
Louanien. dogmata promulgāt	271. Caietani epistola	9.
Lucernienſes poſtulant ab Heluctijs	Lutherus prouocat a pontifice ad	
Euangelij doctrinam ſibi permit-	concilium	10.
ti	496 Lutheri Theſſaradecas, ad Frideri-	
Luceburgica familia	456. cum principem	20.
Luceburgum capitur à Gallis	241 Lutheri liber, de ratione confitendi	
Ludonicus Auila edit hiftoriam bel-	peccata	20.
li Germanici	377 Lutherus respondet cenſuræ Loua-	
Ludoui. Bauariæ dux moritur	276 niensium ac Colonienſium	22.
Ludoui. Griſtus capite plexus	145. Lutheri literæ ad Carolum V. Cæ-	
Ludonicus comes Heſſeſtenus haſtis	ſarem	14. 37
traiectus à Ruſticanis	67. Lutheri literæ ad Merſeburgienſem	
Ludouic. Marſacus crematur Lug-	episcopum	26
duni	473 Lutherus ſecundo prouocat ad con-	
Ludonicus comes Oetingenſis pro-	cilium	28
ſcriptus à Cæſare	348. Lutheri liber de captiuitate Baby-	
Ludonicus Oetingenſis reconcilia-	lonica	29
tur Cæſari	464 Lutheri libri exuruntur	31.
Ludouici Oetingenſis comitis diſſi	Lutherus exurit ſus pontificium	32.

# I N D E X.

Luth. scribit Friderico duci	32.	42	Lutheri themata de tribus Hierar-	
Lutherus Vuormaticæ causam suam			chijs	277
dicit coram Cæsare totoq; Impe-			Lutheri natales	289
rio	33.		Lutherus moritur	288
Lutherus proscriptus, in secretiorē			M	
locum abducitur	39		Magdeburgici proscripti	348
Luth. uaria opuscula ex eremo	39		Magdeb. secundo proscripti	386
Lutherus respondet scripto regis			Magdeburgici ministri oppugnant	
Angliæ	40.		Lipsenses & Vuittembergicos	388
Lutherus Vuittembergam redit ex			Magdeburgicorum scriptum apolo-	
eremo	41.		geticum	392
Lutherus scribit ad Bohemos	42.		Magdeburgici tertium scriptum e-	
Lutheri scriptum aduersus falso no-			dunt	399
minatum ordinē episcoporum	43.		Magdeburgici cædantur	403
Lutherus interpretatur decretū No-			Magdeburgici, cæsi, scripto conso-	
ribergicum	52.		lantur alios	404
Lutheri uaria opuscula	53		Magdeburgum obsidetur	404
Lutheri querimonia	62		Magdeburgici capiunt Megebur-	
Luth. liber de Seruo arbitrio	62.		gium	407
Luth. literæ ad Mulhusianos	73		Magdeburgici sollicitantur ad dedi-	
Lutheri scriptū de uitanda seditio-			tionem	407.
ne	73		Magdeburgicorū ad clerici scriptū	
Lutheri responsio ad postulata ru-			responsio	409.
sticorum	76		Magdeburgum deditur	425
Luth. exhortatio ad Principes	79.		Magdeburgici gloriam adepti	426
Lutherus uirginem Vestalem in ma-			Manfredus, Friderici II. filius no-	
trimonium ducit	82.		thus	12
Lutheri literæ ad Angliæ regem	84.		Mantua fit Ducatus	107
Lutheri literæ ad Georgium Saxo-			Mantuanorum ducum familia	107
nix ducem	85		Mantuxæ Concilium	28.
Lutheri querimonia de rege Angliæ			Marcellus Cæruinus, episcopus Ni-	
85.			castri	216
Lutheri & Zuinglij colloquium	103.		Marcellus II. Pontifex eligitur	494
Lutheri liber ad episcopos	119		Marcellus II. Pontifex moritur	494
Lutheri consolatorix literæ ad Me-			Marc. Antonius Amulius, Venetus	
lanchthonem	119		463.	
Lutherus consolatur Lipsenses exu-			Marcscallus Marchianus Gallus ca-	
les	139		pirur	472.
Lutheri scriptum de Monasteriensib-			Maria, Cæsaris soror, agit conuen-	
us	164		tus Aquis	451.
Lutheri liber aduersus reformatio-			Maria fit Angliæ regina	474
nem Pontificiorum	194.		Maria regina coronatur	475.
Lutherus docet Lipsiæ	203.		Mariæ regine oratio in Viarum	479.
Lutheri liber de Concilijs	204		Maria regina fert leges in Anglia	
Lutheri liber in Henricum Brunsvi-			480	
censem	221.		Marinus Caracciolus	31
Lutheri concio castrensis	237.		Martinus Buccerus it ad Lutherū &	
Luth. liber de Coena Domini	269		Zuingliū conciliationis causa	119.
Lutheri themata contraria Loua-			M. Buccerus instituit ecclesias Vi-	
nientium	271.		mensēs	125
Lutheri liber Aduersus Pontifica-			Martinus Buccerus	220.
tum Romanum	277		M. Buccerus exceptus à Grop.	234.
			M. Buccer	



# INDEX.

M. Bucerus docet Bonniæ	252	Mauricius molitur bellum in Cæsare	426
M. Bucerus cōfutat argumenta Maluendæ de iustificacione	285	Mauriciani & Brandeburgenses legati ad Cæsarem pro Lantgrauio	430
M. Bucerus Augustam euocatur ut subscribat Interim	366	Mauricius & Lantgrauij filius conueniunt	437
M. Bucerus reijcit Interim	369	Mauriciani legati ueniunt Tridentum	430
M. Bucerus it in Angliam, uocatus	386	Mauricianorum actio cum legatis Cæsaris Tridenti	433
M. Bucerus moritur	414	Mauricij literæ ad suos, Tridenti	437
Martinus Frechtus, Vlmensis ecclesiæ minister, capitur	380	Mauriciani legati clam abeunt Tridento	437
Martinus Lutherus, theologus Augustinianus	1	Mauricius capit Augustam	440
Martinus Rossemus Brabantiam inuadit	441	Maur. fœdus cum rege Galliarum	442
M. Rossemus uastat Campaniam Gallicam	450	Mauricij artes	442
Martinus V. Papa	37	Mauricij scriptum publicum	443
Mathias Flacius Illyricus	388	Mauricius agit conuentus suorum cum Protestantibus	447
Mathiæ Heldi procancellarij actio	175	Mauricius abit in bellum	447
M. Heldus curia cecidit	208	Mauricius it Lincium	448
Mathias, Pannoniæ rex	15	Mauricij postulata Lincij	448
Mauricius ducit Agnerem Lantgrauij filiam	221	Mauricij literæ ad Galliarum regem	450
Mauricij periculum	246	Mauricius occupat alpium claustra	450
Mauricij leges	251	Mauricius capit Erebergum	451
Mauric. Ratisb. domum redit	302	Mauricius uenit Ocnipontem	451
Mauricianorum literæ ad Protestant	324	Mauricij postulata Passauij	454
Mauricij ad electorem Saxoniarum lite	326	Mauricius abit Passauium, re infecta	458
Mauricius male audit	327	Mauricius atq; socij obsident Francofurtum	458
Mauricij & Brandeburgici literæ ad Lantgrauium	343	Mauricius pacem facit cum Cæsare	460
Mauricij beneficentia in ministros	347	Mauricius tendit in Vngariam cum copijs	461
Mauricij & Brandeburgici pro Lantgrauio deprecario	353	Mauricius redit domum ex Vngaria	464
Mauricius inauguratur electoratu Saxoniarum	368	Mauricius uenit Hedelbergam	466
Mauricius scribit ad suos	391	Mauricius munit se contra Albertum	466
Mauricius fit dux belli Magdeburgici	405	Mauricius mittit copias in Franconiæ	467
Mauricij cōfessio auctore Melancthone	416	Mauricius educit exercitum contra Albertum	468
Mauricij literæ ad Cæsarem de catione Concilij	416	Mauricius bellum Alberto denunciat	468
Mauricius deuincit sibi Chattos	424	Mauricius & Albertus configunt	471
Mauricius agit cum Magdeburgicis concionatoribus	425	Mauricij literæ ad Vnirciburgios	471

# I N D E X.

cum	471.	articulos	421
Maximilianus moritur	471.	Modus in concilio differendi	420
Maximilianus Austriacus Triden-	421		
rum ingreditur	430.	Moguntinus uocat Saxonem Ro-	
Maximilianus, Ferdinandi filius du		manorū regis eligendi causa	120
cit Mariam, Cæsaris filiam	385	Moguntinus & Palatinus interce-	
Maximilianus, Ferdinandi filius cō		dunt de pace	128.
tendit in Hispaniam	371.	Mog. urget Lantgrauianos de indul	
Maximilianus Austriacus ex Hispa		tu pontificis	390
nus uenit Augustam	407	Moguntinus & Colonienſis abeunt	
Maximilianus comes Burenſis	265	Tridento	437.
298. 309. 316.		Moguntinus & Colonienſis cum Ce	
Maxim. Burenſis duos capite plectit		sare Oeniponte	438
Francofurti	339	Moguntinus episcopus fugit	457
Maxim. Burenſis, moritur	385	Moguntinus uenit Argentinam pro	
Maximilianus Cæſar	3.	fugus	460
Maximiliani Cæsaris literę ad Leo-		Moguntinus archiepiscopus mori-	
nem X.	4	tur	493.
Maximiliani Cæsaris bellum in Hel		Monasterium obſidetur	143
uetios.	378	Monasterium metropolis Vuestpha	
Maxim. Cæſar moritur	11	lię	157
Maximus episcopus Hierosolymita		Monasterium expugnatur	166
nus	188.	Moncalnum oppidum à Gallis ca-	
Mechliniæ clades	313	ptum	497
Mediceæ familiæ catalogus	139.	Morus per Aphricam	385
Meldenſis perſecutio	328	Motus in Anglia propter ſuſpicio-	
Mercurinus Cattinarius	16	nem coniurationis excitatus	511.
Mercurinus Cattinarius creatur		Muleaſſes rex Tunetæ reſtitutus à	
cardinalis	104	Cæſare	149
M. Cattinario ſuccedit Granuella-		Muleaſſes, Tunetæ rex, cecidit ue-	
nus	107	nit ad Cæſarem	369
Merſeburgenſis episcopi ad Luthe-		Mutatio per Angliam	140
ri literas reſpoſio	26	Mutatio per Saxoniam	323.
Meri docetur Euangelium	242.	N	
Merenses prohibentur religione pro		Neapolitanum regnum ad Gallos	
reſtantium, iuſſu Cæsaris	256.	translatum	12
Meri nouus creatur ſenatus	466	Neapolitanum regnum ueſtigale ec	
Michaelis Cadeni periculum	105.	cleſiæ Romanæ	12
Michael Seruetus exuritnr Geneuæ		Nicolaus Amſtorffius in episcopum	
477.		Numburgicum inauguratus à Lu	
Michael Sidonius	385	thero	233.
Michael Sidonius docet Auguſtæ N. Amſtorffius miniſter Magdebur		gicus	388
348.		Nicolaus Conricius Cæsaris lega-	
Minda proſcripta à Camer.	200	tus ad Lantgrauium	282
Miniſtri eccleſ. paſſim exulant	372	Nicolaus Cuſanus, cardinalis	28.
Miniſtri pelluntur e Bohemia	490.	N. Gallus miniſter Magdeburgicus	
Miſſa abrogata Vuittembergæ	40		
Miſſa per Angliam abrogatur	374	388	
Miſſificatur denuò Argenting	396.	N. Granu. ſuccedit Cattinario	107
Modus creandi Cæsares	16	N. Granucllanus elidit Heldum ex	
Modus coronandi Cæsaris	29.	ania Cæsaris	208
Modus conciliorum condendi fidei Nic. Græuellani oratio in colloquio			
		Vuor-	



# INDEX.

Vormaciensi	1540	219	Pallium Romanum	52
Nicolaus Granuellanus agit cum ciuitatibus de decreto religionis			Pallium Archiepiscopale	222 223.
	374.		Papa indignè fert religioni pacem dari	509.
N. Granuellaniliteræ ad Lantgrauium		283.	Parces Franciæ	347.
N. Granuellanus moritur	402		Parisiensis schola prouocat à pontifice ad concilium	8. 419.
N. Episcopus Mercensis, ducit Egmōdanam		385	Parisienses theologi Lutheri libros damnant	38
Nicolaus Minquirius, Saxonis legatus ad Bohemos		337.	Parisiensium Sorbona	38
Noriberga obsidetur ab Alberto		453	Parisiensi Senatus responsum ad edictum regis de Lutheranis	497.
			Pater interficiens tres liberos	508.
Noribergicorum transactio cum Mauricio		452.	Paulinus episcopus Treuicensis	188.
Noribergici transigunt cum Alberto		453.	P. Fagius docet Hedelbergæ	330
			Paulus Fagius it in Angliam, uocatus	386
Noribergensium fœdus cum Episcopis		465	Paulus Fagius moritur	396
Noribergensium scriptum in Albertinum		471 482	Paulus III. succedit Clementi pontifici	144.
Numerus patrum concilij Tridentini		312	P. pontificis diploma de indictione Concilij	170.
O			P. pontificis scriptum de emendatione curiæ Romanæ	173
Ostadius Farnesius ducit filiam Cesaris notham		195	P. pontifex creat cardinales	190.
Ostadius Farnesius dedit se in clientelam Galliar regis		413.	P. pontifex producit concilium	189
Olaus Magnus Upsalensis archiepiscopus		312	P. pont. bellum cum Perusinis	216.
Oracius Farnesius Pauli pontificis nepos		347	P. Pontificis literæ ad Colonieses	254.
Oracius Farnesius interficitur		472	P. pontificis responsio ad literas Principum	260
Ordinum Imperij literæ ad Heluetios		260.	Pauli pontificis literæ ad Cæsarem	266.
Ordo confessuum in concilijs		420	P. pontifex creat cardinales Germania nos, Gallos, Hispanos	268.
Origo restituti Euangelij		222	P. pontifex belli cupidus	276
Osius episcopus Cordubensis		188.	P. pontificis literæ ad episcopos Heluetios	397 394
Otto Palatinus Euangelium amplectitur		244.	P. pont. literæ ad Heluetios	304.
Otto Henricus Palatinus testitur		448.	P. pontificis scriptum in Protestantibus	309.
Otto Paccius, decollatus		97	P. pontificis copiarum ueniunt ad Cæsarem	315.
Otto Truccesius episcopus Augustanus		249.	P. pontificis literæ ad episcopos Germaniæ	355
Pacificationis Madricianæ formula inter Cæsarem & Gallum		86	P. pontifex respondet ad protestationem Mendocæ	362
Pacificationis locus à regina Angliæ delectus		494	P. pontificis animaduersiones super Interim	370
Pacis formula cum Lantgrauio		343	P. pontifex moritur	393
Pacis Passauianæ formula		461	P. pontificis funus.	394.

# I N D E X.

Paulus III. pontifex eligitur	494	P. Afoti libellus contra confessio-	
Pauli Thermi Gallici legati oratio		nem ducis Vuirtembergici	497
ad pontificem	415	Phiferus socius Munceri	70
Pax inter Heluetios	130.	Phiferi expeditio in agrum Isfeldiū	
Pax Cæsaris & Galliar regis	120.		70
	266	Phiferus capite plexus	73
Pax Galliar regis cum Anglo	304	Philibertus Sabaudus, militat Cæ-	
258.		sari ante Metim	463.
Peronæ obfidio	172	Philippus, Cæsaris filius ducit Ma-	
Persecutio in Gallijs 145 368	476	riam Lusitanæ regis filiam	
Persecutio Lugduni	473		253
Persecutio in Valdenses	273.	P. Cæsaris filius, excipitur Antuer-	
Petrus Aloisius trucidatur	349.	piæ	391.
P. Aloisi impietas	350.	Philip. Cæsaris filius, per Italiam	
Petrus Brutius	197	excipitur	385
P. Brutius exustus Tornaci	270	Philippus Cæsaris filius desponde-	
P. Brutij confessio	370.	tur Mariæ regine	279
P. Daneshj Gallici legati oratio in cū		P. Cæsaris filius uenit in Angliam	
cilio	300		486
Petrus Flitstedius exustus Coloniae		Philippus Decius Iureconsultus Pa-	
103		rauinus	22
Petrus Malucenda tractat caput de		Philippi Hessiæ Landgrauij ad mili-	
iustificatione	285.	tes exhortatio	71.
Petrus Martyr uocatur in Angliam		P. Landgrauius spectat ad bellum	
	353.		97
P. Martyr disputat Oxoniæ	390	P. Landgrauij foedus cum tribus ci-	
P. Martyr ex Anglia redit Argentor-		uitatibus	120
atum	475.	P. Landgrauius molitur restitutio-	
P. Martyr proficiscitur Tigurum		nem ducis Vuirtembergici	139.
	512	P. Landgrauij & Vuirtembergici ex-	
Petrus Paulus Vergerius pontificis		peditio in Ferdinandicos	142. 143
legatus ad Ferdinandum	107	P. Landgrauij literæ ad Cæsare	144
	138	P. Landgrauius capit scribam Brun-	
P. Pauli Vergerij oratio ad Saxo-		suicensem	200
nem	149	Phil. Landgrauij expeditio in Brun-	
P. Pauli Vergerij scriptum de con-		suicensem	280
cilio	149.	Phil. Landgrauius scribit Cæsari de	
P. Pauli Vergerij oratio de unitate		periculosi consilijs Hc. Brunsvi-	
ecclesiæ	221	ccnsis	282
P. Paulus Vergerius deficit à ponti-		P. Landgrauij literæ ad Granuella-	
ficatu Romano	383	num	283
Petrus Strozza uenit in castra Smal-		Phil. Landgrauij literæ ad Nauium	
caldicorum	322		284.
Petrus Strozza profligat Florenti-		P. Landgrauius uenit in colloquium	
nos	481	cum Cæsare, Spixæ	292
Petrus Strozza celsus à Cæsarianis		Phi. Landgrauij oratio ad Cæsarem	
	486		292.
P. Sturmius Argentincnsium lega-		Ph. Landgrauius filium suum mittit	
tus ad Galliar regem	449	Argentynam	309
Petrus Tolctanus, prorex Neapoli-		P. Landgrauij responsum ad Mauri-	
tanus	346.	cianos	323
Petrus Virthemlus	159	160	Philippi Landgrauij literæ ad ciui-
			tates



ates Saxonicas

Philippus Lantgravius excu  
de Francofurro

Philippus Lantgravius uer  
342.

P. Lantgravius uenit H  
sarem

Ph. Lantgravius fit  
344.

Phi. Lantgravius f  
Cæsare

Ph. Lantgrauij i  
religionis

Philippus La  
à proserij

Phil. Lants  
406.

P. Lantgr  
tur

Phi. La  
redi

Philip  
ber

P. M  
P

P. I  
f

P.  
P

monast. supplicium	167
capitula Turcis	47
s Morifinus	463. 481
Treuirensis archiepisco	
or	11.
Treuirensis sententia de	
toris electione	13.
	125
verus in Anglia c	
	497.
is episc. scribit	
	377.
ologus crema	
	218.
cardinalis	
	401
cardinalis	
	466
episco	
	312
	336
r ca	
	488.
	92.
	15
	63.
	56.
	6.
	7



gnatur à Cæsarianis

Saxonis electoris officium

Saxonis et Lantgrauilip  
guntinum & Palatinus  
fores

Saxonis elect. & Lan  
ad Brandeburgic

Saxonis & Lantgr  
lix regem

Saxonis & Lan  
ad literas Ca

Saxonis & La  
logeticum

Saxo mulct

Saxonis lit

Saxo scrib

firmi

Saxo cut

do fe

Saxon

Saxo

Sax

Sax

Sax

Sax

Sax

Sax

540.	220
Cranmerus archiepisco-	
tuariensis	204. 334.
erudus euocat Buccerum &	
n Angliam	386.
ensis archie. constantia	
	475
is archiep. capitul	
archie. damnatur	
	478.
	204. 207.
plexus	216.
atus	149
ad rusticos	
fulit	72.
	72.
	73
iscanus	
Cam	
	61
tuis	
	334
	74
	us
	L.
	9



eum Luthero

Treuirensis abijt Tridento

Treuirensis episcopus mo

Transactio electoris cum  
Saxone

Transactio inter Cæsa  
rum & Saxonem

Transactio inter Io  
Augustum

Tridentum

Tridenti concili

Tridenti concil

Tridentinum

originis

Tridentini

stificatio

Tridentin

migrat

Triden

insta

Tride

mi

Tri

fi

Tri

T

za Mauricio cedit 343

ppidum 496

pidum à Gallis captū

497

ntini principis con

ione 372

tini literæ ad Cæ

387

o moritur 231.

lus 220

Augusta Ber-

372

ordinis Ger-

Argentora

460.

um 464.

ri, ad Po

sponſio

tenſis

336.


ur




Rescriptio Agrippae cum loci monasterii super Religionem  
pacificationis inter in causa religionis inter Pontificis  
et Lutheranos, facta est ad imitationem transa-  
ctionis, Saxoniae ducis cum Electore factae. Viri  
folio 1.7.10.

Handwritten text, likely bleed-through from the reverse side of the page. The text is faint and mostly illegible due to fading and the age of the paper. It appears to be a single paragraph of text.










Germania. Æstia ab a Lido. Anila  
Hispano conscripta











Ioannes Sleidanus  
De statu Religio

92

B. 563